

6

e

9

~~c. 46. e~~

c. 47. g.



6-8019





2



PALÆSTRA
ORATORIA

ORATORIA
PALMISTRA

PALÆSTRA ORATORIA



Præceptis & exemplis Veterum lectissimis instructa.

Et nova methodo

IN PROGYMNASMATA ELOQUENTIÆ

atque

EXERCITATIONES RHETORUM

propriæ, adlectionem simul & imitationem distributa,

Cum

RESOLUTIONE, ET ARTIFICIO

Tullianarum Orationum adjuncto.

AUTORE

R. P. JACOBO MASENIO

ē SOCIETATE JESU.



Jesh

Scab

COLONIÆ AGRIPPINÆ

Apud HERMANNUM DEMEN sub
signo Monocerotis, M, DC, LXXVIII,

100



100

ADMODUM REVEREN-
DIS, PRÆNOBILIBUS, CLARISSI-
MIS, CONSULTISSIMIS, DOCTIS-
simis Dominis celeberrimorum Gy-
mnasiorum Montani ac Lauren-
tiani apud Ubios,

REGE NT I B V S
ECCLESIAE METROPOLITA-
nae Canonicis Capitularibus Præsbyteris

DD.

IOHANNI
FRANCKEN

SIERSTORFFIO,

I. V. DOCTORI,

ET

WILHELMO
LOVIO

LIMBURGENSI,

SS. THEOL. LICENTIATO,

Dominis suis omni observantia venerandis,

Reginam animorum vobis sisto Eloque-
tiam. *Regentes vigilantissimi.* non illam
quidem in coronis ac purpura, qualis



DEDICATIO.

In maximorum semper Regum aulis dominata est
Constantinis, Theodosiis, Carolis amica; sed gym-
nastico adhuc perfusam pulvere, & athletarum
sudoribus madentem. In *palestra*, non in pa-
latio exhibetur. In certamine etiamnum versa-
tur, ad quietem, coronatosque labores nondum
perventum est. Unde si habitus rudior, si cultus
neglectior, si albis nondum quadrigis proveha-
tur, trabeaque triumphali spendeat, nolite asper-
nari. His *Palæstræ* rudimentis, his eloquendi præ-
ludiis, nil abjectum molitur, aspirat ad grandia,
sensim animorum prensat imperium. Vestrum
nunc favorem ambit, à vestro sibi patrocinio non
leve præsidium ad multorum occupandam grati-
am fore auguratur. Novit quanti sitis Erudito-
rum Meccænatæ, quàm æqui bonarum fautores
artium, æstimatores disciplinarum. Nihil vos alie-
num ab illo moliri loco, quo egregia eruditionis
fama provexit, non ignorat. Hanc vos jamdudum
trivistis eloquentiæ *palæstram*, hac sudastis arenâ,
ex hac nobiles vestri certaminis palmas retulistis.
Quod illa nunc quisque Vestrum præsideat scien-
tiarum arce, quod tam illustris juvenus Vestris
sub signis colligatur, quod formet indolem nutu
Vestro, quod disciplinas, artesque ingenuas Ve-
stro sub imperio hauriat, hoc singulari, non mi-
nus eruditioni, quàm spectatæ virtutitribuendum
est: Debet hoc *Sierstorffii* Laurentiana Gymnas,
(quæ illorum est virtus, atque industria) quod no-
bilissima juventute, quod scientiâ, quod discipli-
nâ, quod moribus floreat, quantum verò in Lovio
præsidii, ornamentique vetustissima Montano-
rum *palæstra* collocet, hoc illa declarant suffragia
de-

DEDICATIO.

delectusque, quibus ex egregio doctorum hominum flore hic unus supremo Gymnasiarchæ muneri admotus est, raro cum sapientiæ, tum virtutis argumento.

Felices enim verò Proceres, quibus res præstantissima, Christianæ juventutis institutio supremo moderationis jure commissa est. Vobis religio sua credidit pignora, respublica suos magistratus, quâ fide, quâ disciplinâ, quibus moribus, scientiisque, quâ probitate, sub Vestra cura imbuentur, tales olim & Ecclesiæ, & politiæ servient, Talem vos geritis principatum. quo non urbi. aut diœcesi uni imperatis, sed integris regionibus, multisq; Populis rectores præsidetis, Nam è vestris Lycæis Palæstrisque quaquaversum emittuntur, qui vel sacris initiati populorum mores Parœci forment, vel ad reipubl. gubernacula transeant, juris, æquitatisque administri. His modo vos instrumenta, his artem ad secutura mûnera traditis. Vestra illi adolescunt industria. Vestro beneficio præsident,

Permittite, vigilantissimi Proceres, ut in partem tam gloriosi laboris per Vos sustinendi veniam, licet gloriam non decerpam. Vestra hæc maneat, solius mihi laboris partem hoc in opere vendicabo. Ut Romano sermone loquatur, ut priscæ eruditionis gnara sit, ut liberalium artium, atque imprimis eloquentiæ vim, virtutemque assequatur, hoc Vobis curæ est, huc animum vigiliasque intenditis. Neque enim illud Meandri ignotum est,

Ο χαρµαίων ἀπαρὸν οὐ βλέπει βλέπων.

Sine literis quisquis videt, nihil videt.

DEDICATIO.

Bonum igitur factum hoc agere ut plurimum illustretur ratio, excolatur lingua simul animusque instruatur juvenus, quæ alios instruat, bonis artibusque dirigatur, mox alios rectora. Juvat hæc in re meum studium Vestris vigiliis submittere, & tam spectati laboris, non tam socium quàm ministrum accedere.

Nec una me huc causa impulit. Laudata in summis viris cum eruditio, tum humanitas invitavit, quos illo eloquentiæ studio, quod magna olim industria pertractassent, & nunc supremi Gymnasiorum Moderatores regerent, jure arbitrator delectari.

Sed & suis hæc palæstra exercitiis Colonia potissimum instructa erat, ubi quondam hanc Magister facultatem annis pluribus in Gymnade Tricoronata Societatis nostræ tradideram, ut dimoveri loco, atque extra Agrippinatum fines suos Meccenates querere, minus æquum videretur, quando tot, tamque illustres una Colonia patronos suppeditaret.

Mâgis verò illa me etiam excitavit, quæ debet esse, & verò etiam est studiorum inter tria hæc laudatissima Gymnasia communio, mutuaque in communione benevolentia, quàm amor vicissim alat, æmulatio non distrahat. Gaudeant profectò mutuo, lætentur successu, felicitati non invident, necessitati etiam succurrant. Sorores sint, ac ternæ istæ non Charites fabulosis nexibus illigatæ Musarum nutrices, Suadæ patentes artium, scientiarumque arces, non ad oppugnationem hostilem, sed Urbis, Orbisque præsidium excita-

DEDICATIO.

12. Jam anni ab Urbano VI. Pontifice flunt ducenti septuaginta novem, ex quo hæc Agrippinatum Universitas, iisdem quibus celebris illa Parisiorum legibus privilegiisque cepit surgere. Montani subinde primâ Gymnasii memoriâ efflorescere, deinde & illius, quod à Laurentio nomen laureatum gerit, postremò & hujus nostri à coronis tribus celebrati fama inaudiri. Fas igitur, ut natu junior soror, majores veneratur, atq; hoc qualicumque studiorum officio suum illi amore benevolentiamque testetur, dicatque *Soror nostra es, crescas in mille millia (a)* crescas in literis, proficias in disciplina, floreas in eloquentia, vigeas in scientiis, illustreris in virtutibus.

Hoc ne inanibus tantum votis præstem, in tractatum de eloquentia nostro concinnatum studio vestro dedicatum. Qui, quâ viâ, & quo laboris compendio ad Tullianam facundiam aspirantibus prodesse possit, Vos ab ipsa experientia, quam meis malim verbis accipere. Et leges hujus facultatis aliquantò planiores dedi, quam viderim hætenus, & Aphræonius pluribus impeditum obscurumque locis, quibusdam etiam minùs utilem, tum denique Ciceronem ipsum alio per Rhetorum exercitia digestum ordine, lætissimisque tantum fontibus derivatum, ad facilem juventutis usum, imitationemque scribentium aptavi; quod præsidium ad eloquentiam nullam reperirem efficacius. Hic labor meus, studiumque à me ad promovenda inultorum studia profectum, si ad sinum vestrum favoremque admittatur, si gratum, acceptumque fuerit

(a) Gen. 24. 60.

DEDICATIO.

fu-erit, si speratam denique utilitatem ad rem literariam attulerit, si ad Ecclesiæ, ac Reipubl. emolumentum convertatur, oçii in hac contentione sumpti, officiique liberalibus hisce disciplinis impensæ nunquam pigebit. Favete, atque æqui bonique consulite, diu bonis artibus, atque Ecclesiæ superstites.

Ita sperat ac precatur

Adm. R.R. DD.

humillimus in Christo

Servus

JACOBUS MASENIUS

FACULTAS ET APPROBATIO

R. P. Provincialis S O C. JESU.



Go infra scriptus Societatis Jesu per
Provinciam Rheni inferioris præpo-
situs Provincialis, potestate mihi fa-
ctâ ab Adm. R. P. nostro GOSWINO
NICKEL Societatis nostræ præposito Generali,
permitto, ut Palæstra Oratoria à P. JACOBO MA-
SENIO Societatis Jesu conscripta, atque à deli-
gnatis censoribus approbata, publicæ utilitati
proponatur, typisque per JOANNEM BUSÆUM
mandetur. In cujus rei fidem literas hæc meâ
manu subscriptas, consuetoque officii sigillo mu-
nitas dedi. Colonia Anno 1654. 7. Julii,

JOANNES ZWENBRUGGEN.

AD LECTOREM.

De causa, usuque instituti ti Operis.

DAuciste convenio, amice Lector, ut instituti mei rationem intelligas, spectatamque à me hoc in opete utilitatem plenius haurias. Causam enim hanc scribendi potissimum habui, ut tibi etiam post fata prodessem, & quod docendi munus vivus in scholis. Majorum imperio, suscepi; hoc mortuus non omnino deponerem, aliquantò etiam absolutius hanc disciplinam in libris relicturus, quàm voce, ad hanc meditationem nondum exacta, tradiderim.

Quædam in præceptionibus Rhetorum hætenus per varios exaratis, difficilia comperi, quæ non discipulorum modò; sed & Magistrorum fatigarent ingenia. Ratio inventionis, vel tam parum ordinata prodiit, ut post longam institutionem exiguus ferè in discipulis ad inveniendum, profectus, sæpè etiam in præceptoribus non magnus appareat. Cùm tamen omnis differendi facultas hac præcipuè nitatur, neque disponendi, perque Rhetorum figuras exornandi ratio, quicquam in copiosa inventionem difficultatis adferat. quod facili instructione, breviq; studiorum impendio discuti nequeat, modò inventionum fontes minime exsiccentur. Quocirca ne ad hunc scopulum allisa studiosorum industria hæreret,

ope-

operam ante omnia dedi, ut inventionis ordinem in paucos distributum fontes, naturæ lege coherentes, & uno alteroque versu in memoriæ præsidium signatos, cogerem, eâ claritate, ut quivis nisi ad stivam aut remum natus, possit capere.

Pressi tamen hac in novitate, quantum licuit, antiquorum vestigia, ideoque Veteres ex Cicero-
ne & Quintiliano locus præmisit; ut ad hos oculos mentemque identidem mecum alii converte-
rent, suamque Priscis venerationem deferrent, à
quibus, cum nonnunquam descendendum hac in
via esset, in paucissimis tamen dissentire volui.

Alterum quod in his Rhetorum institutioni-
bus difficile mihi semper visum est, fuit exemplo-
rum minus ad captum rudiorum opportuna in-
troduc-tio. Desiderabatur unius materiæ per sin-
gulos inventionis fontes diductio, ut quâ quisq;
locus differret ab altero ratione, ejusdem infle-
xione atque excussione rei constaret potissimum.
In diversis enim rebus, ut sublata connexio est,
ita magnum ad penetrandum rudioribus præsi-
dium adimitur. Ubi toties mutantur ad eandem
urbem viæ, facilis aberratio est, quam cavet, quis-
quis unâ regiâque viâ ignorantes duxerit. Uno
igitur exemplo hanc ad eloquentiam sternere co-
natus sum, rudi illo quidem, fortasse tamen pri-
mo, dum alius me felicior, magis planam strave-
rit inveniendi semitam.

Tertium erat, quod exemplorum (quibus
hæc facultas præcipuè & continetur, & capitur)
usum, vel mutilum, vel penè sine usu in scholis esse
animadverterem. Mutilū quidem cum avulsa ab
ipso orationis corpore exempla, velut mortua, ex-

AD LECTOREM.

tra debitum jacerent locum, vim roburque suam nequaquam, sine vita ac sanguine ex membris vicinis communicato, ostenderent. Quare illa non aliter, nisi in justa orationis parte, suo censui splendore exhibenda. Quid enim oculus extra frontem: quid genæ extra faciem? junctæ dant capientque gratiam, distractæ vilescunt. Rursum usus exemplorum ad formam imitationis traducendus, vel exiguus hætenus fuit ex præceptis, vel parum utilis. Quis enim apto scribendi argumento breve aliquod rei mutilæ exemplum complectatur? aut si fecerit, quod egregium ab hoc studio speret emolumentum? puerilis ille pictor est, qui brachium, aut pedem corporis exhibet, neque totius unquam hominis aptam dispositionem imaginemque assequetur, nisi junctis inter se membris hunc imitandi laborem impenderit. Ex quo Lector intelliget, non quævis exempla se totis ad præsens semper institutum transferri, satis mihi fuisse, quod suo in corpore imaginem rei propositæ continerent, reliqua si non necessitatis, ornatûs tamen, integritatisque gratiâ relicta esse, ne mutilam, enervatamque authoris dissertationem exhiberem. Illud tamen mihi licere volui, ut intermedia quandoque orationum spatia, quæ vel minus florida, vel à re nostra magis viderentur aliena, pro arbitrato refecarem, & aptissima, dignissimaque imitatione imprimis seligerem. Hoc ausim lectoribus promittere, lectissimum illos, ex Cicerone, Plinio, Tyrioque dicendi florem in his exemplis reperturos.

Postremò utilissimas Aphthonii exercitationes præclariùs inventas, quàm digestas, ideoque ob-

sequi-

AD LECTOREM.


leuitate quadam contemptas, jacere in scholis a-
 nimadverti. Nec enim satis idoneâ distributione,
 ac distinctione usus fuerat, quæ progymnasmata,
 quæque propria essent Rhetorum exercitia, non
 satis liquebat; cùm pene omnium Oratorum ex-
 ercitamenta uno progymnasmatum nomine con-
 tineret. Ipsa etiam tractandi ratione à receptis O-
 ratorum legibus nonnunquam deflectebat. Ex-
 emplis recentium ferè autorum minus ornatis at-
 que Oratore dignis hæc denique progymnasma-
 ta tradebantur. Quare & huc meum studium
 contuli, ut leuiiores hasce exercitationes ac veluti
 prælusiones Rhetorum, suo in ordine præmitte-
 rem; graviores atque Oratorum proprios, jam
 robustioribus eloquentiæ palæstritis reservarem.
 Illæ Humanitatis, quam vocant, scholæ deservi-
 rent; hæ rhetoricæ facultati servarentur. Ex-
 empla dedi, non ad Aphithonianas ubique leges
 inflexa (hoc enim inutile) sed communibus Rhe-
 torum præceptis ordinata, atque ex scriptis elo-
 quentissimorum hominum deprompta. Quod si
 quis denique orationum diversarum constructio-
 nes, argumenta, dispositionem, artificiumque di-
 cendi universum in exemplis perspectum habere
 velit, neminem ante Ciceronem habiturus est.
 Cujus idcirco Orationes ad brevem quandam
 contractas imaginem, omnium oculis sua inven-
 tione, quæstione, argumentis, ordine ac diducti-
 one compendiò subjeci, ut cùm ipsum prolixius
 differentem Tullium volvere studioso Eloquen-
 tiæ libuerit, vix in tenebris versari possit, si illam,
 quæ de Ciceronis vita est, historiam adjecerit.
 Minutiæ quarundem vocum, personarumque.

qui-

AD LECTOREM

quibus rei totius argumentum non dependet, ad-
olescentibus curandæ non sunt, cùm proficiendi
momentum ex his non pendeat. Quæstio, argu-
menta, tractandique ratio observanda est, atque
diligentem mutationem traducenda. His exerci-
tationibus eloquentia primò sanguinem viresq;
firmare, his adolescere solet ac foveri.

Accipe igitur hunc meum, quo tibi prodesse
volui, conatum, & si minus ubique, quæ volui,
affecutus sum, tuo studio, ingenioque quod mihi
defuerit, suffice, & vale.



INTRODUCTIO



In

PALÆSTRAM ORATORIAM, QUA AUTHOR

*Rationem instituti à se operis, ejusque opportu-
num usum complectitur.*



Uod Deus optimus Maximus,
& Christiana Pallas Chatarina, reliqui-
que cœlitum felix faustumque esse ju-
beant, suisque vel auxiliis promoveant,
vel favoribus secudent, post præci-
puas Romanæ eloquentiæ partes, à no-
bis si minus absoluto, certè rudi pertra-

ctatas opere, illam, in palæstra literaria, animorum tractando-
rum artem, quâ oppugnari, vinci, flectique ad victoris arbi-
trium queant, aggredimur. Non hic quidem nervos veterum
athletarum requirimus, quibus scitè fortiterque discum jace-
re, cæstum torquere, saltum librare, luctam stringere, cutsum-
que incitare possint; sed illam ingenii animique instructam
vim, cui pro disco verborum copia, pro cæstu sententiarum
pondus suppetat: quæ periodis, velut saltu, libretur, oratione
tota luctetur, amplificatione figurisque incitata rapiat. Hoc
qui fecerit, pancratiasta nobis futurus est, tantò priscis victo-
ribus nobilior, quantò majus est animis, quàm corporibus do-
minari. Quare cum prisci Eloquentiæ robur dignitatemque
apto velient emblemate adumbrare, Herculem nobis, non
clava minantem, nec facibus hydræ (quanquam sic possent)
capita adurentem, sed aureis catenulis ex ore profluentibus
suspensas populorum aures trahentem, formabant; ut in Her-
cule orationis potentiam, in auro præstantiam, in catenis te-
nendi vim, in obligatis auribus animorum devinctorum

A

prom-

promptitudinem, demonstrarent : Certè, ut ille quondam monstrorum domitor habitus est, qui bonorum hominum saluti pessimorum exitio clavam circumtulit; ita fortis infractæque Eloquentiæ Orator, qui non, ut olim perversum Sophistarum vulgus, in nobilissimæ hujus artis labem natum, siccò quodam dicendi, falsa pro veris sæpe adornare, vitæque virtutum induta coloribus venditare audet; sed adversus ignorantiam, erroresque, ac flagitia mortalium vires exerit, verborumque ac sententiarum, nunc ad provocandum disponit illecebras; nunc ad terrendum spargit fulmina, quovis mihi Hercule magis est prædicandus. *Quid est.* (inquit ille Oratorum Romanus Princeps, de Orat. n. 31.) *aut tam admirabile, quam ex infinita multitudine existere unum, qui id, quod omnibus natura datum est, vel solus, vel cum paucis facere possit? aut tam jucundum cognitu, atque auditu, quam sapientibus sententiis, gravibusque, verbis ornata oratio, & perpolitata? aut tam potens, tamque magnificum, quam populi motus, judicum rationes, senatus gravitatem unius oratione converti?* Videas nonnunquam, propinquo atque imminente moribus hoste, trepidos incertosque rerum cives expavescere, neque pro aris focusque pro liberis ac libertate tuenda, animos atque arma capeßere. Accurrit non indifertus Orator, qui servitutis turpitudinem, hostium atrocitatem, libidinem, atque avaritiam, oculis subjicit; numerum incolarum, resistendi facultatem, spem vincendi, vitæque ac libertatis defendenda, ostendit, timidos erigit, inermes armat, dissipatos cogit, hostiles frangit imperus, arrogantiam coercet, opprimit insolentiam, suis victoriam, hostibus ignominiam relinquit. Videas & quandoque armatos ad seditionem coire Dominorum subditos, perniciosæ agitare consilia, tributorum perturbatos, libertatis avidos, sceleris cupiditate incensos, minarum atque indignationis plenos, qui cum ad eloquentis hominis orationem aures arrigunt, calorem illum animorum sensim remittunt, rationibus capiuntur, spe atque expectatione meliorum leniuntur, rebellionis turpitudinem agnoscunt, ad pristinam suorum magistratuum observationem inflectuntur. Ita inermis unus Orator, sine præsidio, sine vi, sine imperio, arma & dat, & eripit; militiam pugnamque suadet, ac sistit; victoriam largitur, & transfert; animorum incēdia, nunc extincta suscitatur, nunc suscitata extinguit, in-

ter amicos, & hostes pugnat sine telis, vincit sine sanguine, sine clade suorum triumphat. Verum mihi hic propositum non est suis Eloquentiam ornare laudibus, sed præceptis explicare. Malo ante intelligas, quid Oratorem deceat, quam quid possit, ars suis coloribus adumbrata, & partibus exposita, facilius amabitur, cum *ignoti nulla cupido.*

2. Naturam largiri ad eloquentiam idoneam nulli possum, humanarum illud virium non est, sed artificis increari, qui tardam ad intelligendam mentem, fluxam memoriam, iudicium imbecille, vocem horridam, cespitantem linguam, latera imbellia nascendo fortitus est, frustra erudiendo ad eloquentiam perpolietur. Ex omni ligno Mercurius non formatur, Stylo quorundam aptare manus licebit, quos vox roburque laterum destituet. Utrique tam dicenti, quam scribenti non labor sumptus est. Natura plerisque tam Noverca non exiit, quin faveret in partibus, alii, cui vocem, promptamque ad verba linguam est elargita, detraxit ingenio: alii vim atque acumen mentis impetiit, negavit linguam in verba expeditam: neutri tamen desperandum, ille ad dicendum, hic ad scribendum erudiat: cui utrumque natura donavit, vacet utrique: cui omnia subtraxit, alios admiretur, sciatque, non omnes ad omnia natos esse. quem ad castra natura peperit, rostris non est præficiendus, plures gladium scitius, quam stylum versabunt.

3. Hujus porro, quam ego tractandam suscepi, artis præcepta, tot, tamque eruditi scriptorum, non veterum modò, sed & recentiorum sunt prosecuti, ut verendum jure fuerit, ne temeritatis arguerer, si his vel detrachere aliquid, vel adjicere scribendo velle videar. Præsertim cum multi, hanc docendi provinciam aggressi, plus ab illa ignominia, quam laudis reportarint, quod vel aliorum scripta temerè compilarint, vel eloquentiam, sine eloquentia, tradere ausi, sese ignorare ostenderint, quod scire ipsius artis professione tenebantur. Hos tamen ego, si quid ad rudioris ætatis captum ductumque, ista in re, facilitatis attulerint, si quid ad majorem eloquentiæ æstimationem momenti, jure duxerim hoc suo conatu excusandos. meque etiam non indignabor illorum in numero censeri, qui hac studiorum contentione, quanti esset eloquentia, magis testati sunt, quam assecuti. Inter *φιλομάδης* numerari satis fuerit.

Sed nec mea prorsus, neque omnino aliena traditurus sum. Illud quod octo propemodum annorum studio, in solius Rhetoricæ institutionibus juventuti exponendis, sum assecutus, non gravabor illius disciplinæ cupidis ad posteritatis emolumentum transcribere.

Consilium mihi non est, à tritis hæcenus majorum vestigiis deflectere, si artis propositæ naturam spectemus; nihilominus certa tractandi methodo, quæ ad facilitatem hujus artis, cum plenius, tum citius addiscendæ, nonnihil meo hoc labore contulisse mihi videor, ab aliis nonnunquam me discedere, nemo indignabitur, quisquis hoc studium publicæ totum utilitati consecratum esse intelliget. Quare optimis antiquissimisque Rhetoricæ professoribus, Aristoteli, Hermogeni, Ciceroni ac Quintiliano, atque his in primis Latine eloquentiæ principibus, ubique, inhærere decretum est; ac simul multa paucis complecti: postremò suis illos quandoque verbis, ubi pressius elegantiusque artem exponunt, introducere loquentes, ut præceptis juxta exemplisque erudiant.

4. Errant, qui magna præceptorum mole juventutis ingenium, non tam instruunt, quàm obruunt, praxi magis, quàm theoria opus est, exercitatione, atque exemplorum optimorum imitatione ad eloquentiam, potissimum enitimur, quare in his plurimum operæ posui. Ipsa illa quæ tradidi præcepta, magna sui parte, sola lectione ita erunt haurienda, ut satis sit eorum sensum mente complexos, posse illum exigentibus depromere. Qui in Rhetorica inventionis sedes, causarum genera, ac figurarum diversitatem memoria comprehenderit, cætera tutò negliget, lectio tantum discenda.

Ardua res juventuti est invenire argumenta, cui, ni fallor, difficultati à me detractum est, novaque inventionis methodo subventum. Res eidem adornandas amplificandasque rationes plerumque deficiunt, inanique ferè verborum jactatione circumfertur: locos itaque argumentorum, ad facilem inventionis usum, in communes ac proprios, digessi. Exemplorum, sive inventionis illa sint, sive elocutionis, vim tardius assequitur: eandem igitur, tam in argumentis inveniendis, quàm figuratè exornandis materiam adhibui, perque omnes ferè rationes inflexi, ex qua promptum sit varietatem dicendi omnem apprehendere. Quibus sensim initiis ad perfectio-

rem eloquentiam enitendum, quibus illa exercitiis potissimum obtinenda, nec magistris quidem omnibus video exploratam.

Etenim nescio, qua docentium, vel ignorance, vel ignavia negligatur illud frequenter, quod in Romana eloquentia est præcipuum: bonorum videlicet autorum lectio, imitatioque: quâ nihil, sive ad studiorum amœnitatem jucundius, sive ad profectum utilius, potest reperiri. Longum illud asperumque per sola ad eloquentiam præcepta, stylumque, absque exemplo ductum, iter est. Illi qui legendo loqui discunt, velis ventisque faventibus, tanquam in plano feruntur oceano: hi qui ex præceptis metiuntur omnia, velut per ardua præruptaque montium, fastidioso semper labore, expectatione non rarò frustrata, enituntur. Nihil n. molestius, quam de una eloquentia tali tantoque præceptorum urgeri onere, in quo & multitudo adferat confusionem, & cognitio non auferat ab usu difficultatem. Plerosque igitur adolescentes à minus exercitato ac prudente Moderatore ductos, hic sudare ac torqueri conspicias, tanquam ad strivam alligatos boves, aut ad suas clitellas asinos; qui cum excutere onus nequeant, ad motis perpetuò stimulis sunt impellendi. Ubi munus scholasticum scriptionis persolverunt ac præscriptum regularum pensum animo complexi sunt, tanquam deposito ab Atlante collo, respirant, libros cum fastidio submovent, & vel inertes solvuntur otio, vel ad lusus sæpe illaudatos vertuntur. Leves fabulas, illiberales nugas, aliaque, cum sermonis lenocinia, tum laxati corporis blandimenta, quis nescit otiosorum adolescentum esse negotia? Vix enim medium quicquam hæc ætas tenet, aut honestè laboriosa, aut turpiter desidiosa.

5. Cauti itaque hujus ætatis studiorumque moderatoris erit, ita hæc literarum mitigare onera, tali varietate, ac voluntate hunc laborem temperare, ut non tantum non fugiat, sed impensè eundem quoque confectetur. Expeditior verò nulla ad hanc rem obtinendam futura illi est ratio, quam si varia bonorum autorum, atque imprimis Ciceronis lectione (sed cum delectu instituenda) animum pascat; quin & recentiore aliquem historicum, oratoremque unâ cum Tullio evolvendum, comparandumque adjungat, ut & varietate teneatur, & imitandi copia non deficiat. Quod nullo negotio persuasurus est; si quotidiana scriptionis themata ad Ci-

ceronis, aut alterius boni auctoris, exemplum formata, proponat, doceatque, ex his fontibus esse irriganda, ad horum ideam sedula esse imitatione fingenda. Legent, volvent, optima quæque, ad honestum imitationis furtum, designabunt. Primò largius importuniusque deproment, in succum denique sanguinemque aliena convertent, & ut ciborum alimenta digeruntur, sic nativo sensim, velut alicui corporis, imbuent colore. Hinc vitam viresque potissimum ducit eloquentia, quæ ex indigesta præceptorum crambe, aut vitiosis abundat humoribus, aut extenuatis artibus elanguescit. Utrumque jungendum est. Sine præceptis orator, tanquam effrenis equus per avia rapitur, sine lectione atque imitatione, ut sterili inclusus prato, marcescit. Facilius tamen reperies, qui sine præceptis eloquentiam hauriat, quam qui sine lectione. Quare multum ego ab illorum studio, ad hoc transferendum temporis, otiique literarii, existimem, stringendasque tot leges Rhetorum, atque in arctum redigendas, quæ adolescentum ingenia magis obruuntur, quam illustrantur. Non tamen ejusmodi tradendorum præceptionum magistros veto, qualis aut in suis oratoriis est libris Cicero, aut Quintilianus in suis, qui eloquentiæ leges non minus scribendo tradunt, quam tradendo sequuntur, verum illos, qui fracto elumbique stylo, mille præscribunt eloquentiæ regulas, vixque aliquas dicendo assequuntur. Tum deinde plura, ex laudatis etiam Rhetoribus, lectione sola, atque intellectione magis, quam memoria complenda censeo. Soarezii Rhetoricam eruditè scriptam, aut Carbonis ex eo tabulas, qui adolescenti ex memoria reddendas imperaverit, minus ex iis emolumenti capiet, quam qui rerum definitiones præcipuas complecti jussit, expositaque ad captum cætera, lectaque, suis quemque verbis, si auctoris fugiant, reddere. Ita enim, & ingenio discantium plus accedet luminis, & lectioni exercitationique scribentium plus temporis: Varietas molestiam studiorum infringet, exacuetque industriam.

6. Porro cum unus potissimum Tullius sit, qui imitandi gratia studiosis adolescentibus sit assumendus, ut qui optimi Oratoris partes dicendo scribendoque proximè est assecutus: is verò, & prolixius in multis, & obscuris sæpe in causis, ab hac ætate alienis, non pauca habeat imitationi minus accommodata; multa quæ omne orationis artificium egre-

giè expleant: non abs re facturum me existimavi, si hæc velut per partes ante oculos explicata, ut plenius cognoscerentur, proponerem, atque ut pictores rudi solent juventuti, nunc brachium, nunc pedes, nunc caput veluti delineanda atque imitatione reddenda, exhiberem, tum totius denique in oratione corporis lineamenta lectarentur.

7. Postremò studiosum Lectorem moneo, non hoc solo me opere omnia eloquentiæ præsidia complexum; verum cæteris etiam, quos de humaniori literatura exaravi libris, spectasse, ut difficiliore ad eloquentiam aditus, & planiores, & amœniores aspirantibus redderem. Hinc cum facetus, argutusque sermo, temporis locoque usurpatus mirificè animis infideat, huic rei *Artem argutiarum* dedi, hætenus per certa nondum præcepta exhibitam, tanta in eadem etiam materia dicendi copia, quæ vix sterilem esse patuatur, non tamen favente admodum natura, quæ nonnullis hac in re gratam quandam facilitatem copiamque suppeditavit, ut scias ab arte magis, quam ingenio has loquendi leges mihi natas esse. Sed cum vitiosa editio prima fuerit (quæ in plerisque cæteris, absentis auctoris fuit infelicitas, & typothetarum incuria) alteram correctius, ut spes est, imprimendam brevi dabimus.

Rursum cum rara orationi ex similibus imaginibusque per comparisonem inductis accedat vis ac gratia, *Speculum imaginum* proposui, in quo magna exemplorum varietate ac copia, symbola, emblemata, hieroglyphica atque ænigmata tum exhibui, tum sua natura ac diversitate distinxi. Tertiò, cum illustrium conceptuum ac descriptionum eleganti varietate, suus eloquentiæ etiam solutæ ornatus adhibeatur, per omne poëmatum, tum concipiendorum, tum formando- rum genus in elegiacis, heroicis, lyricis, dramaticisque incessi (quanquam & dramatica poësis turpi impressione deformis prodierit, mox rursus instauranda) quod opus tripartitum *Palastram eloquentia ligata* incipit.

Denique ad varium eloquentiæ habitum solutæ orationi, in quo vis scribendi genere epistolico, historico, oratorioque comparandum. *Palastram styli*, ac deinde *Exercitationes oratorias*, demum & hanc *Palastram*, & velut scholam, *oratoriam* triplici quoque volumine instruxi, ita ut præceptionibus juxta, atque exemplis omnem eloquentiæ partem illustrarem. Quod si tuo aliquo, ut sperem, emolumento, mi-

Lector, feci, & mea hac opera ad eloquentiam proficias : age atque hanc mihi, bonis literis, Deoque auctori gratiam repende ; neque ad cuiusquam mali hominis, aut sceleris atrocium illam impende ; ad virtutis, fidei, æquitatis, divinæque gloriæ defensionem prompta sit omnibus, & si quam ultionem meditetur, in hostes earundem rerum effervescat. Ita & honori bonis artibus, & sua Deo constabit gloria, eritque tuis æqua merces studiis præparata,

LIBER I.

Palæstræ Oratoriæ

De præceptis bene dicendi.



Estè ex Cicerone Lipsius in suis Institutionibus orat. universam bene dicendi rationem *Stylo* atque *actione* complectitur, styloque tria subijcit officia Rhetoris, *Inventionem*, *Dispositionem*, & *Elocutionem*; actioni duo, *Memoriam* & *Pronuntiationem*. Quarum rerum facultatem *Arte* atque *Imitatione* assequimur. Et Artis quidem, ait, præcepta, si ad usum potius, quàm speciem comparantur, pauca sunt ; imitatio in futuro Oratore dominabitur. Nos de officiis hisce agemus singulis, ubi primum universè, quid Rhetorica sit, quid Eloquentia, viderimus.

CAPUT I.

De natura & causis Rhetoricæ.

Rhetorica, si nominis originem quæras, Græcis hanc debet ἀπὸ τῆς ῥέειν, quod est fluere, vel dicere, deducta. Unde & ῥήτωρ Rhetor, & ῥήμα verbum nascitur.

Si naturam postules, ab Aristotele lib. 1. Rhet. cap. 11. ita definitur ἐστὶ ἡ ῥητορικὴ δύναμις περὶ ἕκαστον τῷ διαγῆσθαι τὸ ἐν-
δεγόμενον πρὸς αὐτόν. Rhetorica est facultas noscendi illud, quod,
in unaquaque re, ad persuadendum est accommodatum.

Eloquentia igitur, juxta eundem, *facultas est dicendi in
quacunque re ad persuadendum accommodatè*. Cum quo Tul-
lium lib. 1. de Orat. n. 37. convenire necesse est, quando supre-
mum Oratoris officium hac in re collocat.

Illà autem Rhetoricæ definitio tantò est absolutior, quan-
tò propius, quàm cæteræ, omnes Rhetoricæ causas comple-
ctitur, naturamque exponit.

1. *Facultas*, seu potentia quædam dicitur; quia in utramq;
oppositorum partem habilis est, nec tantum suadet, laudat,
defendit; sed etiam dissuadet, reprehendit, accusat. quod fa-
cultatis magis, quam artis esse dixeris.

2. Additur *noscendi*, quia Rhetorem nosse sufficit, quæ sint
ad persuadendum, tam in rebus, quam verbis idonea: Elo-
quentem verò, sive Oratorem, hæc eadem reipsa dicendo u-
surpare, necesse est. 3. Subjicitur *in unaquaque re*: ut intelli-
gas Rhetoricam in quacunque materia, aliarum quoque ar-
tium, ac scientiarum versari, iisque in eloquendo, & præsidio
esse, & ornamento. 4. requiritur, ut *ad persuadendum accom-
modata* secernat, per quod à cæteris artibus liberalibus distin-
guitur. nam Grammatica, & Poëtica est *ars bene dicendi*, Dia-
lectica verò etiam *probandi*, Rhetorica verò non tantum, ut
bene dicat, probetve; sed etiam ut animum *persuasione* im-
pellat, hoc est, *intellectum rationibus, voluntatemque, si opus,
affectu rapiat*, intenta est, quod cum modò conglobatis, mo-
dò fusè ornatèque diductis argumentis, præstet, tanquam
Oceanus quidam fertur, in quam artes cæteræ, ut flumina, in-
fluant. Grammatica purum confert perspicuumque sermo-
nem, Poëtica inveniendi eloquendique ornatum, Dialectica
probandi vim. ministræ omnes, ipsa Eloquentia Régina est.

Causas Rhetoricæ ex hac definitione faciliè colliges. Nam
efficiens est intellectus, in quo hæc *facultas* (δύναμις) residet;
materia est *unaquaque res* (τὸ ἕκαστον); *forma* est *aptitudo*, quæ
illi *ad persuadendum* inest (quæ indicatur per τὸ ἐνδεχόμενον
πρὸς αὐτόν) *finis* est ipsa persuasio: quæ duplex est, vel solius in-
tellectus, cum docenda tantum ab Oratore tractantur: vel
etiam voluntatis, cum agenda etiam traduntur. in primo so-

Iam fidem auditori faciendam; in altero etiam motum impulsuque; spectat ad quem obtinendum Rhetoris instructio & Oratoris eloquentia referenda est. Nunc igitur illa, quibus hunc finem assequatur, officia, ordine expendamus.

C A P U T I I.

De inventione.

Primum præcipuumque Oratoris officium est invenire argumenta, quibus persuadeat, hoc est, intellectum convincat faciendo fidem, & voluntatem permovendo. Inventio igitur Rhetorica est, *excogitatio rationis vera, aut verisimilis, ad faciendam fidem. & voluntatem auditoris impellendam.*

Dicitur 1. *excogitatio rei vera, aut verisimilis*, quia Oratori sufficit habere argumenta (*παραδείγματα*) ad fidem idonea, ut sunt verisimilia. 2. Additur, *voluntatem auditoris impellendam*: non enim satis est invenire argumenta Oratorem, quibus intellectum doceat (hoc enim etiam præstat Dialecticus) sed invenienda eidem est certa via modusque amplificandi argumenta, ut etiam voluntatem, cum opus est, impellat, sine quo motu in rebus agendis nunquam persuadebit. Tria igitur inventio Oratoria complectitur. primum excogitationem argumenti, vel certi, vel probabilis, in quo cum Dialectica convenit. 2. argumentationem, sive expositionem ejusdem argumenti, quod per contraria, similia, aliosque locos inventionis plerumque præstat, sed fusius ornatiusque, quam Dialectica. 3. amplificationem, quæ exposita jam argumenta, cum figuris gravibus exaggerat.

Est igitur argumentum, *inventa ratio quæ rei dubiæ faciat fidem.* Cic. in Top.

Argumentatio est *inventa rationis expositio*, apud Oratores, quam Dialecticos fusior, spectatque ad fidem magis firmandam.

Amplificatio est *gravior quædam affirmatio rei, quæ, cum motu animorum, conciliat fidem.* Ita ferè in part. Cicer.

De argumentorum inventionem, & expositionem, agemus primò; de Amplificatione verò locis diversis, quia, præter inventionem, hæc etiam dispositionem, & elocutionem requirit, pars in omni eloquentia nobilissima: ut per quam ultimò finem suum Orator assequatur.

Nunc si videamus, ex quibus locis, & quasi sedibus sua Orator

tor argumenta ad persuadendum possit desumere, reperiemus duplicis potissimum generis locos à Rhetoribus designari, alios intrinsecos, qui argumenta suppeditant illa, quæ rebus insita sunt, iisque coherere: alios extrinsecos, unde argumenta sumuntur, à re, de qua agitur, separata. Illorum Cic. in Top. & Quintilianus sedecim constituunt: horum Quint lib. 5. c. 2. sex numero designat, quos tamen Cicero unius testimonii nomine complectitur. De singulis ordine videbimus.

§. 2.

De sedecim locis argumentorum intrinsecis.

Locus, ut dixi, intrinsecus est, ex quo eruitur ratio, quæ rei, de qua agitur, conjuncta est. Sunt illorum sedecim.

1 *Definitio, quæ explicat naturam rei, idq; modo duplici: vel per ipsas causas rerum intrinsecas, vel per alia cum rebus conjuncta, quæ, ut nobis magis perspecta, illius naturam aperiant, illa definitio propriè dicitur, & Philosophis, quàm Oratoribus magis est usitata: hæc descriptio potius appellanda est, & per omnes locos, ad causas, effecta, adjuncta, contrariaque effundatur; ideoque, post alios primum locos, est cognoscenda. Sæpe tamen ab Oratore definitio (ut magis pateat) per descriptionem adjunctam illustratur.*

Modus investigandæ definitionis hic est: ut videas, quæ res aliæ illi quam describere vis, rei quàm simillimæ reperiantur, ut homini nihil reperis in orbe similis, quàm bestias ferasque. Justitiæ nihil vides similis, quàm temperantiam aliasque virtutes. Rhetoricæ nihil similis, quàm Dialecticam aliasque facultates, quibus intellectus instruitur. Hoc igitur in quo conveniunt, vel totum sume, vel certè quod proximum similitudinis signum est, ut in homine & bestia est, quod utrumque sit animal; in justitia & temperantia quod virtus; in Rhetorica & Dialectica, quod sit facultas. Rursum, ubi commune illud inter similia repereris (quod genus appellamus) vide, quidnam illud sit, quo hæc eadem primò differant, suæque inter se natura opponantur; ut, cur homo non sit bestia? & occurret; quòd ille rationis compos, hæc expers sit: cur justitia non sit temperantia? & subveniet; quòd illa suum cuique tribuat: hæc pravis moderetur affectibus: cur Rhetorica non sit Dialectica? & tibi met respondebis, quod illa tradat rationem persuadendi; hæc tantum differendi, &

hinc

hinc rei cujusque definitionem depromes, ut *homo est animal rationale: bestia est animal irrationale: iustitia est virtus, tribuens cuique suum &c.* Quam tamen definitionem Orator in verbis liberalior, aliis quibusdam locis exornatam, illustrabit, exempli gratia. *Iustitia illustre humani generis ornamentum est, virtutum ceterarum in rep. princeps, legum sacrarum profanarumq; custos, tranquillitatis publica conciliatrix, equitatis vindex: per quam urbes, regna, imperiaq; ritè administrantur, civilis societas coalescit, suum & Principi à privatis tribuitur, & privatis à Principe conservatur, ubi descriptio, cum definitione, miscetur.*

Est & alia celebris, tam inter Rhetores, quàm Philosophos, definitio, quæ per Physicas rerum causas datur ut, *pulcherrium Dei opus homo est (en causam efficientem) ad ipsam divinam naturam imaginem, aternæque demum felicitatis possessionem conditum (en finem) corpus illi quidem mortale & cum ceteris, si originem spectes, brutis commune est (en materiam) at si formam animumque erecto ad cælum vultu, & immortalis mente donatum.*

Frequens illa quoque, facilisque apud Oratores (cum naturæ rerum minus penetrantur) definitio est, quæ per negationes ostendit, quid res non sit, ut Cic. in Top. *Optimates sunt, qui neque nocentes, nec natura improbi, nec furiosi, nec malis domesticis impediti sunt.*

Elegantior hæc etiam erit definitio, si affirmatio accedat, & simul dicatur, quid res sit, & non sit. Ut contra Pison. *Ego sine eo consilio Consulem numerem, sine quo Roma ne Reges quidem esse potuerunt? qui pradones igitur, siquidem vos Consilles? qui latrones, qui hostes, qui proditores nominabuntur? Magnum nomen est, magna dignitas, magna majestas Consulis, non capiunt angustie pectoris tui; non recipit levitas ista &c. animo Consulem esse oportet, consilio, fide, gravitate, vigilantia.*

Magnum ex sola definitione ad cæterorum locorum inventionem manat emolumentum.

Nam, & genus, & species, & adjuncta, & contraria facilius innotescent.

Porro de aliis descriptionibus, quæ huc spectant, vide post fontes locorum com.

1. Locus est Notatio nominis, sive Etymologia, quæ verborum originem, vimq; significandi exponit, ut Consul est, qui patre ex consult. & Ovid. 5. fast.

A se-

A senibus nomen mite Senatus habet.

3. *Conjugata sunt, quæ ab una orta voce variè inflectuntur, ut*

Homo sum, humani à me nihil alienum puto. Terent.

Imperatorem nemo æquum existimet, qui sibi nequit imperare.

4. *Enumeratio partium, qua totum in suas partes distribuitur. Cic pro Mil. Luget Senatus, mæret equestris ordo, tota civitas confecta senio est, squallent municipia, affliguntur Coloniae, agri denique ipsi tam beneficium, tam salutarem, tam mansuetum civem desiderant.*

1. *Genus est quod duas, aut plures sub se res convenientia quadam similes, at specie differentes complectitur, ut virtus prudentiam, justitiam, fortitudinem, & temperantiam. Atque hinc secunda Oratori suppetit scribendi materies, cum videlicet à specie ad genus, vel, ut ajunt, ab hypothese ad thesin transitur. Ita pro Archia Poëta Cicero, cum materies dicendi angusta esset, nec argumenta quibus civem Romanum probaret, multa suppetere, in ipsius, ac denique & poësis laudem transgressus est. & pro Marcello acturus Cæsari gratias, quod illum clementer in gratiam recepisset, ad clementiæ encomium se convertit. pro Amerino quoque, à parricidio eundem defensurus, gravitatem parricidii descripsit.*

6. *Species, seu forma, est pars generi subjecta. Unde, viâ contrariâ, à thesi ad hypothesein transeundo argumentum petitur, nam quæ e. g. in fortitudine laudibus digna reperiuntur, eadem universè in virtutis commendationem cedunt. ut Cic. pro Rabir. Multas C. Cæsaris & magnas esse virtutes oportet, si hæ sunt quasi theatris proposita & populares; castris locum capere, exercitum instruere, expugnare urbes, acies hostium profligare &c. Qui rursus locus est fecundissimus. cum à genere ad quasq; species, earumque naturam, ac proprietates transire, sit in latissimum orationem campum effundere.*

7. *Causa est, qua dat esse rei, estque quadruplex, materia ex qua res fit. Forma per quam res certa in se natura, à cæteris verò rebus distincta est. Et Efficiens, per quam res fit, Finis, propter quem res fit. Ut materia hominis corpus est, forma animus, efficiens Deus, finis beata vita. Unde à materia sic argumentaberis. Corpus hominis mortale est, ab ejus igitur contagione*

Sed nec mea prorsus, neque omnino aliena traditurus sum. Illud quod octo propemodum annorum studio, in solius Rhetoricæ institutionibus juventuti exponendis, sum affectus, non gravabor illius disciplinæ cupidus ad posteritatis emolumentum transcribere.

Consilium mihi non est, à tritis hæcenus majorum vestigiis deflectere, si artis propositæ naturam spectemus; nihilominus cerra tractandi methodo, quæ ad facilitatem hujus artis, cum plenius, tum citius addiscendæ, nonnihil meo hoc labore contulisse mihi videor, ab aliis nonnunquam me discedere, nemo indignabitur, quisquis hoc studium publicæ totum utilitati consecratum esse intelliget. Quare optimis antiquissimisque Rhetoricæ professoribus, Aristoteli, Hermogeni, Ciceroni, ac Quintiliano, atque his imprimis Latine eloquentiæ principibus, ubique, in hæc decursum est; ac simul multa paucis complecti: postremò suis illos quandoque verbis, ubi pressius elegantiusque artem exponunt, introducere loquentes, ut præceptis juxta exemplisque erudiant.

4. Errant, qui magna præceptorum mole juventutis ingenium, non tam instruunt, quàm obruunt, praxi magis, quàm theoria opus est, exercitatione, atque exemplorum optimorum imitatione ad eloquentiam, potissimum enitimur, quare in his plurimum operæ posui. Ipsa illa quæ tradidi præcepta, magna sui parte, sola lectione ita erunt haurienda, ut satis sit eorum sensum mente complexos, posse illum exigentibus depromere. Qui in Rhetorica inventionis sedes, causarum genera, ac figurarum diversitatem memoria comprehenderit, cætera tutò negliget, lect one tantum discenda.

Ardua res juventuti est invenire argumenta, cui, ni fallor, difficultati à me detractum est, novæque inventionis methodo subventum. Res eidem adornandas amplificandasque rationes plerumque deficiunt, inanique ferè verborum jactatione circumfertur: locos itaque argumentorum, ad facilem inventionis usum, in communes ac proprios, digessi. Exemplorum, siue inventionis illa sint, siue elocutionis, vim tardius assequitur: eandem igitur, tam in argumentis inveniendis, quàm figuratè exornandis materiam adhibui, perque omnes ferè rationes inflexi, ex qua promptum sit varietatem dicendi omnem apprehendere. Quibus sensim initiis ad perfectio-

rem eloquentiam enitendum, quibus illa exercitiis potissimum obtinenda, nec magistris quidem omnibus video exploratam.

Etenim nescio, qua docentium, vel ignoratione, vel ignavia negligatur illud frequenter, quod in Romana eloquentia est præcipuum: bonorum videlicet autorum lectio, imitatioque: quâ nihil, sive ad studiorum amœnitatem jucundius, sive ad profectum utilius, potest reperiri. Longum illud asperumque per sola ad eloquentiam præcepta, stylumque, absque exemplo ductum, iter est. Illi qui legendo loqui discunt, velis ventisque faventibus, tanquam in plano feruntur oceano: hi qui ex præceptis metiuntur omnia, velut per ardua præruptaque montium, fastidioso semper labore, exspectatione non raro frustrata, enituntur. Nihil n. molestius, quam de una eloquentia tali tantoque præceptorum urgeri onere, in quo & multitudo adferat confusionem, & cognitio non auferat ab usu difficultatem. Plerosque igitur adolescentes à minus exercitato ac prudente Moderatore ductos, hic sudare ac torqueri conspicias, tanquam ad stivam alligatos boves, aut ad suas elitellas asinos; qui cum excutere onus nequeant, ad mortis perpetuû stimulis sunt impellendi. Ubi munus scholasticum scriptionis persolverunt, ac præscriptum regularum pensum animo complexi sunt, tanquam deposito ab Atlante cœlo, respirant, libros cum fastidio submovent, & vel inertes solvuntur otio, vel ad lusus sæpe illaudatos vertuntur. Leves fabulas, illiberales nugas, aliaque, cum sermonis lenocinia, tum laxati corporis blandimenta, quis nescit otiosorum adolescentum esse negotia? Vix enim medium quicquam hæc ætas tenet, aut honestè laboriosa, aut turpiter desidiosa.

§. Cauti itaque hujus ætatis studiorumque moderatoris erit, ita hæc literarum mitigare onera, tali varietate, ac volupate hunc laborem temperare, ut non tantum non fugiat, sed impensè eundem quoque confectetur. Expeditior verò nulla ad hanc rem obtinendam futura illi est ratio, quam si varia bonorum autorum, atque imprimis Ciceronis lectione (sed cum delectu instituenda) animum pascat; quin & recentiorum aliquem historicum, oratoremque unâ cum Tullio evolvendum, comparandumque adjungat, ut & varietate teneatur, & imitandi copia non deficiat. Quod nullo negotio persuasurus est; si quotidiana scriptionis themata ad Ci-

ceronis, aut alterius boni auctoris, exemplum formata, proponat, doceatque, ex his fontibus esse irriganda, ad horum ideam sedula esse imitatione fingenda. Legent, volent, optima quæque, ad honestum imitationis furtum, designabunt. Primò largius importuniusque deproment, in succum denique sanguinemque aliena convertent, & ut ciborum alimenta digeruntur, sic nativo sensim, velut aliti corporis, imbuent colore. Hinc vitam viresque potissimum ducit eloquentia, quæ ex indigesta præceptorum crambe, aut vitiosis abundat humoribus, aut extenuatis artibus elanguescit. Utrumque jungendum est. Sine præceptis orator, tanquam effrenis equus, per avia rapitur, sine lectione atque imitatione, ut sterili inclusus prato, marcescit. Facilius tamen reperies, qui sine præceptis eloquentiam hauriat, quam qui sine lectione. Quare multum ego ab illorum studio, ad hoc transferendum temporis, otiique literarum, existimem, stringendasque tot leges Rhetorum, atque in arctum redigendas, quæ adolescentum ingenia magis obruuntur, quam illustrantur. Non tamen ejusmodi tradendorum præceptionum magistros vero, qualis aut in suis oratoriis est libris Cicero, aut Quintilianus in suis, qui eloquentiæ leges non minus scribendo tradunt, quam tradendo sequuntur, verum illos, qui fracto elumbique stylo, mille præscribunt eloquentiæ regulas, vixque aliquas dicendo assequuntur. Tum deinde plura, ex laudatis etiam Rhetoribus, lectione sola, atque intellectione magis, quàm memoria complenda censeo. Soarezii Rhetoricam eruditè scriptam, aut Carbonis ex eo tabulas, qui adolescenti ex memoria reddendas imperaverit, minus ex iis emolumenti capiet, quàm qui rerum definitiones præcipuas complecti jusserit, expositaque ad captum cætera, lectaque, suis quemque verbis, si auctoris fugiant, reddere. Ita enim, & ingenio discipulorum plus accedet luminis, & lectioni exercitationique scribentium plus temporis: Varietas molestiam studiorum infringet, exacerquetque industriam.

6. Porro cum unus potissimum Tullius sit, qui imitandi gratia studiosis adolescentibus sit assumendus, ut qui optimi Oratoris partes dicendo scribendoque proximè est affecutus: is verò, & prolixius in multis, & obscuris sæpe in causis, ab hac ætate alienis, non pauca habeat imitationi minus accommodata; multa quæ omne orationis artificium egre-

giè expleant: non abs re facturum me existimavi, si hæc velut per partes ante oculos explicata, ut plenius cognoscerentur, proponerem, atque ut pictores rudi solent juventuti, nunc brachium, nunc pedes, nunc caput veluti delineanda atque imitatione reddenda, exhiberem, tum totius denique in oratione corporis lineamenta sectarentur.

7. Postremò studiosum Lectorem moneo, non hoc solo me opere omnia eloquentiæ præsidia complexum; verum cæteris etiam, quos de humaniori literatura exaravi libris, spectasse, ut difficiliores ad eloquentiam aditus, & planiores, & amœniores aspirantibus redderem. Hinc cum facetus, argutusque sermo, temporis locoque usurpatus mirifice animis infideat, huic rei *Artem argutiarum* dedi, hætenus per certa nondum præcepta exhibitam, tanta in eadem etiam materia dicendi copia, quæ vix sterilem esse patiatut, non tamen favente admodum natura, quæ nonnullis hac in re gratam quandam facilitatem copiamque suppeditavit, ut scias ab arte magis, quam ingenio has loquendi leges mihi natas esse. Sed cum vitiosa editio prima fuerit (quæ in plerisque cæteris, absentis auctoris fuit infelicitas, & typothetarum incuria) alteram correctius, ut spes est, imprimendam brevi dabimus.

Rursum cum rara orationi ex similibus imaginibusque per comparationem inductis accedat vis ac gratia, *Speculum imaginum* proposui, in quo magna exemplorum varietate ac copia, symbola, emblemata, hieroglyphica atque ænigmata tum exhibui, tum sua natura ac diversitate distinxi. Tertiò, cum illustrium conceptuum ac descriptionum eleganti varietate, suus eloquentiæ etiam solutæ ornatus adhibeatur, per omne poëmatum, tum concipiendorum, tum formando- rum genus in elegiacis, heroicis, lyricis, dramaticisque incessi (quanquam & dramatica poësis turpi impressione deformis prodierit, mox rursus instauranda) quod opus tripartitum *Palastram eloquentia ligata* inscripsi.

Denique ad varium eloquentiæ habitum solutæ orationi, in quo vis scribendi genere epistolico, historico, oratorioque comparandum. *Palastram styli*, ac deinde *Exercitationes oratoras*, demum & hanc *Palastram*, & velut scholam, *oratoriam* triplici quoque volumine instruxi, ita ut præceptionibus juxta, atque exemplis omnem eloquentiæ partem illustraverim. Quod si tuo aliquo, ut sperem, emolumento, mi-

Lector, feci, & mea hac opera ad eloquentiam proficias: age atque hanc mihi, bonis literis, Deoque autori gratiam repende; neque ad cuiusquam mali hominis, aut sceleris patrocinium illam impende; ad virtutis, fidei, æquitatis, divinæque gloriæ defensionem prompta sit omnibus, & si quam ultionem meditetur, in hostes earundem rerum effervescat. Ita & honora bonis artibus, & sua Deo constabit gloria, eritque tuis æqua merces studiis præparata.

LIBER I.

Palæstræ Oratoriæ

De præceptis bene dicendi.



Estè ex Cicerone Lipsius in suis Institutionibus orat. universam bene dicendi rationem *Stylo* atque *actione* complectitur, styloque tria subjicit officia Rhetoris, *Inventionem*, *Dispositionem*, & *Elocutionem*; actioni duo, *Memoriam* & *Pronuntiationem*. Quarum rerum facultatem *Arte* atque *Imitatione* assequimur. Et Artis quidem, ait, præcepta, si ad usum potius, quàm speciem comparantur, pauca sunt: imitatio in futuro Oratore dominabitur. Nos de officiis hisce agemus singulis, ubi primum universè, quid Rhetorica sit, quid Eloquentia, viderimus.

CAPUT I.

De natura & causis Rhetoricæ.

Rhetorica, si nominis originem quæras, Græcis hanc debet ἀπὸ τῆς ρέειν, quod est fluere, vel dicere, deducta. Unde & ῥήτωρ Rhetor, & ῥήμα verbum nascitur.

Si naturam postules, ab Aristotele lib. 1. Rhet. cap. 11. ita definitur ἡ ἐν ῥητορικῇ δύναμις περὶ ἑκάστου τοῦ διαγινώσκειν τὸ ἐνδεχόμενον πιθανόν. Rhetorica est facultas noscendi illud, quod, in unaquaque re, ad persuadendum est accommodatum.

Eloquentia igitur, juxta eundem, *facultas est dicendi in quacunque re ad persuadendum accommodatè*. Cum quo Tullium lib. 1. de Orat. n. 37. convenire necesse est, quando supremum Oratoris officium hac in re collocat.

Illam autem Rhetoricæ definitio tantò est absolutior, quantò propius, quàm cæteræ, omnes Rhetoricæ causas completitur, naturamque exponit.

1. *Facultas*, seu potentia quædam dicitur; quia in utramque oppositorum partem habilis est, nec tantum suadet, laudat, defendit; sed etiam dissuadet, reprehendit, accusat. quod facultatis magis, quam artis esse dixeris.

2. Additur *noscendi*, quia Rhetorem nosse sufficit, quæ sine ad persuadendum, tam in rebus, quam verbis idonea: Eloquentem verò, sive Oratorem, hæc eadem reipsa dicendo usurpare, necesse est. 3. Subjicitur *in unaquaque re*: ut intelligas Rhetoricam in quacunque materia, aliarum quoque artium, ac scientiarum versari, iisque in eloquendo, & præsidio esse, & ornamento. 4. requiritur, ut *ad persuadendum accommodata* secernat, per quod à cæteris artibus liberalibus distinguitur. nam Grammatica, & Poëtica est *ars bene dicendi*, Dialectica verò etiam *probandi*, Rhetorica verò non tantum, ut bene dicat, probetve; sed etiam ut animum *persuasione* impellat, hoc est, *intellectum rationibus, voluntatemque, si opus, affectu rapiat*, intenta est. quod cum modò conglobatis, modò fuse ornatèque diductis argumentis, præstet, tanquam Oceanus quidam fertur, in quam artes cæteræ, ut flumina, influant. Grammatica purum confert perspicuumque sermonem, Poëtica inveniendi eloquendique ornatum, Dialectica probandi vim. ministræ omnes, ipsa Eloquentia Regina est.

Causas Rhetoricæ ex hac definitione facile colliges. Nam *efficiens* est intellectus, in quo hæc *facultas* (δύναμις) residet. *materia* est *unaquaque res* (τὸ ἕκαστον). *forma* est *aptitudo*, quæ illi ad *persuadendum* inest (quæ indicatur per τὸ ἐνδεχόμενον πιθανόν) *finis* est ipsa persuasio: quæ duplex est, vel solius intellectus, cum docenda tantum ab Oratore tractantur: vel etiam voluntatis, cum agenda etiam traduntur. in primo so-

lam fidem auditori faciendam; in altero otiam motum impulsuq; spectat ad quem obtinendum Rhetoris instructio & Oratoris eloquentia referenda est. Nunc igitur illa, quibus hunc finem assequatur, officia, ordine expendamus.

C A P U T I I.

De inventione.

Primum præcipuumque Oratoris officium est invenire argumenta, quibus persuadeat, hoc est, intellectum convincat faciendo fidem, & voluntatem permovendo. Inventio igitur Rhetorica est, *excogitatio rationis vera, aut verisimilis, ad faciendam fidem, & voluntatem auditoris impellendam.*

Dicitur 1. *excogitatio rei vera, aut verisimilis*, quia Oratori sufficit habere argumenta (*πείραξι*) ad fidem idonea, ut sunt verisimilia. 2. Additur, *voluntatem auditoris impellendam*: non enim satis est invenire argumenta Oratorem, quibus intellectum doceat (hoc enim etiam præstat Dialecticus) sed invenienda eidem est certa via modique amplificandi argumenta, ut etiam voluntatem, cum opus est, impellat, sine quo motu in rebus agendis nunquam persuadebit. Tria igitur inventio Oratoria complectitur. primum excogitationem argumenti, vel certi, vel probabilis, in quo cum Dialectica convenit. 2. argumentationem, sive expositionem ejusdem argumenti, quod per contraria, similia, aliosque locos inventionis plerumq; præstat, sed fusius ornatiusque, quam Dialectica. 3. amplificationem, quæ exposita jam argumenta, cum figuris gravibus exaggerat.

Est igitur argumentum, *inventa ratio quæ rei dubiæ faciat fidem.* Cic. in Top.

Argumentatio est *inventa rationis expositio*, apud Oratores, quam Dialecticos fusior, spectatque ad fidem magis firmandam.

Amplificatio est *gravior quædam affirmatio rei, quæ, cum motu animorum, conciliat fidem.* Ita ferè in part. Cicer.

De argumentorum inventionem, & expositionem, agemus primò; de Amplificatione verò locis diversis, quia, præter inventionem, hæc etiam dispositionem, & elocutionem requirit, pars in omni eloquentia nobilissima: ut per quam ultimò finem suum Orator assequatur.

Nunc si videamus, ex quibus locis, & quasi sedibus sua Ora-

tor argumenta ad persuadendum possit desumere, reperimus duplicis potissimum generis locos à Rhetoribus designari, alios intrinsecos, qui argumenta suppeditant illa, quæ rebus insita sunt, iisque coherent alios extrinsecos, unde argumenta sumuntur, à re, de qua agitur, separata. Illorum Cic. in Top. & Quintilianus sedecim constituunt: horum Quint lib. 3. c. 2. sex numero designat, quos tamen Cicero unius testimonii nomine complectitur. De singulis ordine videbimus.

§. 2.

De sedecim locis argumentorum intrinsecis.

Locus, ut dixi, intrinsecus est, ex quo eruitur ratio, quæ rei, de qua agitur, conjuncta est. Sunt illorum sedecim.

1 *Definitio, quæ explicat naturam rei, idq; modo duplici: vel per ipsas causas rerum intrinsecas, vel per alia cum rebus conjuncta, quæ, ut nobis magis perspecta, illius naturam aperiant, illa definitio propriè dicitur, & Philosophis, quàm Oratoribus magis est usitata: hæc descriptio potius appellanda est, & per omnes locos, ad causas, effecta, adjuncta, contraria, que effunditur; ideoque, post alios primum locos, est cognoscenda. Sæpe tamen ab Oratore definitio (ut magis pateat) per descriptionem adjunctam illustratur.*

Modus investigandæ definitionis hic est: ut videas, quæ res aliæ illi quam describere vis, rei quàm simillimæ reperiantur, ut homini nihil reperis in orbe similis, quàm bestias ferasque. Justitiæ nihil vides similis, quàm temperantiam aliasque virtutes. Rhetoricæ nihil similis, quàm Dialecticam aliasque facultates, quibus intellectus instruitur. Hoc igitur in quo conveniunt, vel totum sume, vel certè quod proximum similitudinis signum est, ut in homine & bestia est, quod utrumque sit animal; in justitia & temperantia quod virtus; in Rhetorica & Dialectica, quod sit facultas. Rursum, ubi commune illud inter similia repereris (quod genus appellamus) vide, quidnam illud sit, quo hæc eadem primò differant, suæque inter se natura opponantur; ut, cur homo non sit bestia? & occurret; quòd ille rationis compos, hæc expers sit: cur justitia non sit temperantia? & subveniet; quòd illa suum cuique tribuat: hæc pravis moderetur affectibus: cur Rhetorica non sit Dialectica? & tibimet respondebis, quòd illa tradat rationem persuadendi; hæc tantum differendi, &

hinc

hinc rei cujusque definitionem depromes, ut *homo est animal rationale: bestia est animal irrationale: Iustitia est virtus, tribuens cuique suum &c.* Quam tamen definitionem Orator in verbis liberalior, aliis quibusdam locis exornatam, illustrabit, exempli gratia. *Iustitia illustre humani generis ornamentum est, virtutum ceterarum in rep. princeps, legum sacrarum profanarumq; custos, tranquillitatis publica conciliatrix, aequitatis vindex: per quam urbes, regna, imperiaq; ritè administrantur, civilis societas coalescit, suum &c. Principi à privatis tribuitur, & privatis à Principe conservatur, ubi descriptio, cum definitione, miscetur.*

Est & alia celebris, tam inter Rhetores, quàm Philosophos, definitio, quæ per Physicas rerum causas datur ut, *pulcherrimum Dei opus homo est (en causam efficientem) ad ipsam divina naturæ imaginem, æternaque demum felicitatis possessionem conditum (en finem) corpus illi quidem mortale & cum ceteris, si originem spectes, brutis commune est (en materiam) at si formam animumque erecto ad cælum vultu, & immortalis mente donatum.*

Frequens illa quoque, facilisque apud Oratores (cum naturæ rerum minus penetrantur) definitio est, quæ per negationes ostendit, quid res non sit, ut Cic. in Top. *Optimates sunt, qui neque nocentes, nec natura improbi, nec furiosi, nec malis domesticis impediti sunt.*

Elegantior hæc etiam erit definitio, si affirmatio accedat, & simul dicatur, quid res sit, & non sit. Ut contra Pison. *Ego sine eo consilio Consulem numerem, sine quo Romæ Reges quidem esse potuerunt? qui pradones igitur, siquidem vos Consules? qui latrones, qui hostes, qui proditores nominabuntur? Magnum nomen est, magna dignitas, magna majestas Consulis, non capiunt angustie pectoris tui; non recipit levitas ista &c. animo Consulem esse oportet, consilio, fide, gravitate, vigilantia.*

Magnum ex sola definitione ad cæterorum locorum inventionem manat emolumentum.

Nam, & genus, & species, & adjuncta, & contraria facilius innotescent.

Porrò de aliis descriptionibus, quæ huc spectant, vide post fontes locorum com.

2. Locus est Notatio nominis, sive Etymologia, quæ verborum originem, vimq; significandi exponit, ut *Consul est, qui pariter consulit. & Ovid. s. fast.*

A se-

A senibus nomen mite Senatus habet.

3. *Conjugata sunt, quæ ab una orta voce variè inflectuntur, ut*

Homo sum, humani à me nihil alienum puto. Terent.

Imperatorem nemo æquum existimet, qui sibi nequit imperare.

4. *Enumeratio partium, qua totum in suas partes distribuitur. Cic pro Mil. Luget Senatus, mæret equestris ordo, tota civitas confecta senio est, squallent municipia, affliguntur Colonia, agri denique ipsi tam beneficium, tam salutare, tam mansuetum civem desiderant.*

1. *Genus est quod duas, aut plures sub se res convenientiæ quadam similes, ac specie differentes complectitur, ut virtus prudentiam, justitiam, fortitudinem, & temperantiam. Atque hinc secunda Oratori suppetit scribendi materies, cum videlicet à specie ad genus; vel, ut ajunt, ab hypothesi ad thesin transitur. Ita pro Archia Poëta Cicero, cum materies dicendi angusta esset, nec argumenta quibus civem Romanum probaret, multa suppetere, in ipsius, ac denique & poëtos laudem transgressus est. & pro Marcello acturus Cæsari gratias, quod illum clementer in gratiam recepisset, ad clementiæ encomium se convertit. pro Amerino quoque, à parricidio eundem defensus, gravitatem parricidii descripsit.*

6. *Species, seu forma, est pars generi subiecta. Unde, viâ contrariâ, à thesi ad hypothesein transeundo argumentum petitur, nam quæ e.g. in fortitudine laudibus digna reperiuntur, eadem universè in virtutis commendationem cedunt. ut Cic. pro Rabir. Multas C. Cæsaris & magnas esse virtutes oportet, si hæ sunt quasi theatris proposita & populares; castris locum capere, exercitum instruere, expugnare urbes, acies hostium profligare &c. Qui rursus locus est facundissimus. cum à genere ad quasque species, earumque naturam, ac proprietates transire, sit in latissimum orationem campum effundere.*

7. *Causa est, quæ dat esse rei, estque quadruplex, materia ex qua res fit. Forma per quam res certa in se natura, à cæteris verè rebus distincta est. Et Efficiens, per quam res fit, Finis, propter quem res fit. Ut materia hominis corpus est, forma animus, efficiens Deus, finis beata vita. Unde à materia sic argumentaberis. Corpus hominis mortale est, ab ejus igitur contra-*
gione

gione immortalis animus est servocandus. Sic à forma. Cum animi hominum immortales sint, eosdem ad immortalitatem beata in cœlis vita aspirare convenit. Ab efficiente. Cum Deus hominum ad suam imaginem efformarit, quid æquius, quam ut ad autorem suum animum cogitationemq; convertat? A fine. Cum ad æterna felicitatis possessionē homo natus sit, summa dementia est, hac neglecta, peritura felicitati immorari.

8. Ab effectis quæ sunt orta de causis argumenta crebra ducuntur. Sic ab hominis pulchritudine sumam argumentum ad laudandum ejus effectorem Deum, aut pulchritudinem animæ in homine, à qua, tanquam forma, oritur. &c.

9. Adjuncta, hoc est, circumstantia, quæ rei seu personæ adjunguntur, suggeruntur hoc versu.

Dic quales? quanti? quoties? ubi? quomodo? quando?

Quibus per rerum qualitatem, quantitatem, numerum, locum, modum & tempus, respondetur. Ab his adjunctis Cicero pro Milone latè ostendit, Clodium Miloni insidiarum esse. Age nunc (inquit in cæteris) iter expediti latronis, cum Miloni, impedimentis comparate, semper ille antea cum uxore, tum sine ea; nunquam non in rheda, tum in equo: comites Graculi, quocunque ibat, etiam cum in castra Hetrusca properabat, tum nugarum in comitatu nihil. Milo, qui nunquam, cum casu pueros symphoniacos uxoris ducebat &c. ubi solus itineris instituti modus expenditur.

10. Ab antecedentibus quæ necessitate aliqua rem aliam sequentem post se trahunt. ut, Ros matutinus à sole resolutus, decidit, serenum igitur cœlum futurum est, à causis differunt, quod in effectum per se non influant. Cic. pro Muræna. Nemo fere saltat sobrius, neque in solitudine, neque in convivio moderato atque honesto. Intempestivi convivi, amani loci, multarum deliciarum comes extrema est saltatio.

11. A consequentibus pariratione argumentum ducitur ut Cicero in Anton. Luculentam tamen ipsam plagam accepit, ut declarat Cicatrix.

12. A repugnantibus, quæ, sine oppositione mutua, dissident, ita amor repugnat convitium, læsioque; ut, quem convitiis infestari Casarem audivimus, eum par est credere, non amasse.

13. A Contrariis, quæ quadruplici oppositione distingui solent aut enim sub eodem genere maximè dissident, ut amor & odium; bellum & pax; sapientia & stultitia: & ad versa dicuntur.

cuntur, aut negant se mutuo: ut amat, & non amat; probus, non probus, suntque contradicentia, vel negantia aut unum altero privat: ut lux & tenebra, mors & vita; scientia & inscitia, & privantia sunt: aut unum refertur ad alterum, ut Dominus & servus, datum & acceptum: suntque relata. Magnum hic locus oppositorum ornatum adfert orationi. Ejus igitur (ait Cicero pro Milone) mortis sedet ultores, cujus vitam si putetis per vos restitui posse, nolitis?

14. A similitudine, ut Gloria tanquam umbra fugientes sequitur, sequentes fugit;

15. A Dissimilitudine ut Catullus, Soles occidere, & redire possunt: nobis cum semel brevis lux, nox est perpetuo una dormienda

16. A comparatione majorum, minorum, aut parium.

A majore ad minus

O passi quondam graviora! dabit Deus his quoque finem,
Virg.

A minore ad majus:

Vt jugulent homines surgunt de nocte latrones,

Vt te ipsum serpes non expergisceris. Horat.

A pari: Si M. Antonio Clodium defendere licuit, cur Cicero non liceat Milonem? Differt autem comparatio hæc à similitudine, quod illa propter tertium quodpiam duorum inter se collationem instituat. Sic ratione defensionis, Cicero cum Antonio comparatur.

Ceterum illam repugnantium ac contrariorum, tum similium, ac comparatorum distinctionem, non magnopere ab Adolescentibus exigendam putem. Sufficit varietatem solam ad qualemcunque potius copiam, quam ratiocinandi vim, mente comprehendisse. Ego postea (cum bona, ut sperem Doctorum venia) hæc quinque ultima inter se extrinseca atque assumpta potius, quam insita argumenta recensebo, quid enim magis extra rem, quam quod eidem opponitur, vel certe, non sine oppositione quapiam comparatur.

S. 3.

Loci extrinseci Argumentum.

Loci extrinseci Argumenta remora continent. Ex his

1. A præjudiciis argumenta suppeditat, ut cum, vel pari in causa, vel etiam eadem aut certe connexa, sententia aliquando in judicio est pronuntiata, ut ad Heren. Quem Senatus, quem populus Rom. quem omnium existimatio damnaret, cum vos sententiis & estis absolvetis?

2. *Fama*, quæ est *sententia* quædam multitudinis. ut Cic. pro lege Manil. de Pompejo. Quod nomen unquam in orbe terrarum clarius fuit? cuius res gesta pares? de quo homine vos, id quod maxime facit ad *authoritatem*, tanta & tam præclara iudicia facistis.

3. *A Tabulis* legum, testamentorum, decretorum, aut chirographorum; ut Cic. in Verr. act. 8. Horum autem temporum, cum te plurimas res coëmisse dicas, tabulas omnino nullas proferas, nonne te condemnari necesse est.

4. *A tormentis*, seu confessione veritatis inter quaestiones facta.

5. *A iuramenti fide* interposita.

6. *A testimoniis* aliorum. De quibus petita argumenta vel obvia, vel facilia sunt, exemplis tamen inferius illustranda.

§. 4.

Hæc argumenti investigandi locorumq; distinguendorum ratio, quæ jam dudum in scholis librisq; Rhetoricis pervulgata est, suas patitur, apud rudiorum præsertim adolescentiam difficultates; Quare visum mihi est, aliam in praxi faciliorem aliquanto methodum institui posse, quæ eum ad inveniendi promptitudinem ac copiam, cum vero maxime ad viam cuiusvis planam, ordinemq; quævis argumenta tractandi, amplificandique faciat. Aliam igitur ante omnia eorundem locorum distributionem constituo. Quosdam illorum proprios, quosdam communes appello.

Proprios locos dico, qui *argumenta continent*, cum ipsa de qua agitur, re conjuncta. Et sunt illa quæ Cicero infinita dixit, repugnantibus tamen, contrariis, similibus dissimilibusque, ac comparatis hinc exclusis, atque ad locos communes reiectis.

Communes locos voco, qui *argumenta continent*, rei, de qua agitur, non conjuncta sed cuiusvis priorum locorum, tam ad ornandum & amplificandum, quam etiam ad confirmandum adhiberi solita. ut sunt loci cæteri prioribus, quos dixi proprios, non inclusi. Proprios hoc versu complector ad faciliorem memoriam.

Quid? per quæ? quale est? effecta adjunctaq; poscas.
Communes illo.

Contra, par, testes, leges cum iudice fama.

Utrobique quinque fontes, ex quibus videlicet plurium locorum argumenta fluere, tum ob connexionem, tum ob facilem observationem constitui. Ab eadē vero materia exempla

pla argumentorum deduxi, ut illorum varietas, ordo, & copia, juventuti ad promptam imitationem velut in tabella, propere-
neretur.

CAPUT III.

RATIO INVENIENDI.

Ex locis propriis, sive intrinsicis.

Cum adolescentibus, neque judicio satis firmatis, neque experientia exculitis, argumentorum plerumque inventio perdifficilis sit, ideoque hunc fere Magistris laborem relinquunt, nec prope aliud à Rhetoricæ disciplina, quam eloquendi aliquam facultatem domum reportent: hoc mihi faciendum præfenti institutione censui, ut hanc inveniendi difficultatem, in præcipua hujus disciplinæ parte, sublevarem.

Ante omnia igitur hoc universim, & discipulis, & eorum Moderatoribus propositum esto, Inveniendi promptitudinem in adolescentibus per interrogata, brevesque quæstiunculas excitari. Ut detur, e.g. adolescenti studioso hoc thema rationibus certis probandum. *Otium quandoque latidabile est.* Si ad hanc rem jusseris argumenta congerere, hærebit sudabitque anxius, sterili non raro investigatione, at si interrogaveris, *quæ de causa*, nonnunquam otiosi, & vacare à literis cupiant? sine mora responsurus est, *quia hoc otio vires studiis fatigatas reficimus.* En rationem, quæ brevi oratiunculæ, Christiæ instar, per locos, ut mox videbimus, communes diducendæ, sufficiat. Nam contrarium illius, quod *immoderatus labor opprimit*: simile, quod *fortissimi etiam equorum otio reficendi sunt, nimioque labori succumbant*: Senecæ aliorumque autoritas, quod *moderata durent*, haud difficulter suppeditabitur. Quod si tamen, pluribus rem eandem rationibus diducere lubeat, per locos supradictos, aut certe fontes postea excitandos, adolescentem quærendo poteris exercere, ut, *Quid sit otiosi?* Dicet, *cessare à laboribus.* Hinc igitur mox promes definitionem otii, quod sit, *cessatio à labore.* Unde ulterius diduces argumentum, cum labor sit pœna mortalibus ob Adæ lapsum imposita, cessationem à labore malam esse non posse, quod sit quædam à pœna inflictâ, liberatio, cujus rei si alia quædam exigatur confirmatio, promptum erit *exemplum* cœlestium geniorum ac beatorum, qui laboribus exempti, tranquillo in otio summa felicitate poriantur. Si præterea urgeas quærendo, cur, aut

quo fine, otium ambiat? Non minus prompte respondebit, ut ad studia majori ardore, paratiorque ingenio tractanda redeat, vel, ut pietati ac rebus sacris animum impendat. En novum sparsumque rursus differendi argumentum, quod iisdem quibus primum locis poterit exornari. Prior ab effectis petita est ratio, altera ex natura, tertia à fine, quæ uberem scribendi materiam, in re (ut principio apparebat) difficili, suppeditabit. Contrarium enim thematis, quod illaudabile sit otium, multo pluribus rationibus abundat, cum labor ex se quædam actio sit, otium illius privatio, facultates viresque homini non ad cessationem, sed actionem datæ sint, otium fons ingentium malorum, stagnantique ac putrescenti aquæ perisimilis: Arcum frangat intentio, animum remissio, &c.

FONS I.

LOCORUM PROPRIORUM.

Ad questionem Quid res sit? naturæ rei exponitur?

ANte omnia ut rei cujuslibet naturam nomenque intelligamus danda est opera. Naturam vero rei ignotæ per comparisonem plerumque ad res alias, quas certius penetramus, investigare, atque hac via ad genus differentiamque illius, ut supra docui, pervenire, usitatum est. unde illius, quod inquirimus, manat *definitio*. Ad eandem cognitionem facit *Physica* rei consideratio, si & materiam illius, & formam singularem, qua separatur à rebus cæteris, expendamus, ita enim præter *genus*, & *speciem* (quas partes Metaphysicas appellant) alias quoque *Physicas*, sive naturales ejus *partes ad integritatem spectantes* facile comprehendemus. Sola tamen naturæ cognitione in rebus non acquiescimus, nisi & nomen constet, nominisque ratio, ejusdemque usus, atque inflexio, nam rebus convenienter sua imposita esse nomina, non ignoramus & de his, quamvis ordine posterioribus, prima tamen plerumque solet esse quæstio. Quare & nos hoc in fonte ita censemus inveniendi rationes ordinandas esse.

Ut 1. quærat *quod nomen rei?* 2. *Quid res sit, quæque ejus natura?* Hinc enim præter *etymologiam* nominis, & *conjugata*, locus à *genere*, *specie*, *definitione*, *partiumque enumeratione*, ex eodem velut fonte affluent, cum mutua inter sese communione socientur.

Age hanc inveniendi rationem exemplo tradamus.

Vis ostendere, Christiano homini sobrie vivendum esse.

Hic quid Christianus? quid homo? quid sobrietas? quid vita sit? eum nomine & definitione singulorum, expendere poteris, atque ex illis, quæ ad propositum thema probandum tibi opportuna videbuntur (neque enim ubique serviunt omnia) argumenta seligere.

Q. 1. Quid nominis Christianus? Resp. à Christo sic dictus, quiebrietatem detestatus est. Vnde homo? Resp. ab humo, quam nimius humor opprimit. Vnde vita est? Resp. non à bibo, sed vivo. Vnde sobrietas Respons. à sobrio, &c. Hæc eadem per conjugata licebit inflectere ut, Christianus Christianè, homo humana, non bruta vita vivit.

Etymologiam Oratorie sic expones. Absit, ô Christiane, tam indignum à moribus ac vitæ tua facinus, ut nominis, nobilitatisq; tua oblitus, turpissimo ebrietatis immersus cano, à Christo duce atq; institutore tuo degeneres. Christiani non est nisi Christi legibus regi, exemplo duci, moribus vivere. Illustrius tanti nominis decus est, quam ut sinat, hisce se sordibus inquinari: major tanti ducis gloria, quam ut tam abjecti atq; ignobilis vitii labem patiatur. Age, atque ad illas temperantiæ metas, quas natura cuius animanti, Christus etiam scriptis legibus, fixit homini à tam fædo potandi excessu, revertere &c. Hominem te memineris ab humo & productum & dictum esse, quæ, ut moderata aquarum copia fecunda est; ita nimia illarum irrigatione sterile scit. Noveris eodem te breviredituram corpore, unde non ita pridem existi, tanto citius, quanto gravius illud potandi licentia merferis. Longius & hic & in sequentibus liceret excurrere, sed modus nobis aliquis, in ista, quam præcipiendo meditamur, brevitate, necessario est statuendus. Amplificandi porro rationes inferius dabimus.

Q. 2. Quid rei Christianus est? Resp. est homo Ecclesiæ Christi per baptismum adscriptus. Quid homo? Resp. est vivens animal ratione præditum. Quid sobrietas? (de hac enim potissimum agitur) Resp. est temperantiæ in potu. Licebit etiam negando illa, quæ res non est, adferre, ut, non est homo ethnicus, aut barbarus non est irrationale brutum, sobrietas est, quæ nullam in potu immoderationem patitur.

En definitiones, quæ proposito themati serviant, ex quibus simul de genere, tum etiam specie rerum constare poterit, nam genus, in Christiano homo est; in homine vivens, aut animal, in sobrietate virtus aut temperantiæ; hoc proximum, il-

lud remotum. Species, seu formæ diversæ, quas complectatur sub se Christianus, & homo est vir, mulier, juvenis, senex, &c. (Rhetorice loquor) sobrietas vero, moderationem in vino rhenano, vel adusto, vel zytho vel mulso, &c.

A definitione hominis sic Orator ebrium arguet. Cujus nunc dicam ejusmodi esse vitam, brutine an hominis? qua incuram corporis intemperantem abjecta, vix aliud præter vinum epulasq; eructat, rationem, primam optimamque hominis partem, immoderato potu obruit, Dei divinarumq; rerum memoriam atq; estimationem, animo ad cœlestia nato, aspernatur, sollicita, quid oculorum lenonicio, palati illecebris, ventrisque cupiditatibus largiatur, non vero, quid natura, quid temperantia, quid anima, quid rationi, quid superis debeat. Hanc ego si solam ab homine vocem formamque transferam, vitam esse brutorum asserere non dubitem, quanquam in hoc etiam bruta hominum intemperantium turpitudine vincantur; quod, cum illa rationem nullam habeant natura tamen legibus præscriptoque in potu obsequantur, neque illa obluēt ante stomacho hauriant, qua turpiter ingesta mox turpius cogantur regerere.

A Christiani definitione sic argumentabitur: Egone Christianum hunc esse sentiam & sacratissimis Ecclesia cœtibus sociatum, quem impurissimis ebriosorum gregibus video delectari? illum dicam lustralibus aquis expiatum, quem cerno inter vini crapuleq; exundantis sordes volutari? illum sanctiorum disciplina sacramento auctoratum esse credam, juratq; Christi fide addictum, quam fœdissimum ventris mancipium Baccho Veneriq; operari intelligo? Non patiuntur se invicē, non conveniunt Ecclesia & popina, Christus & Bacchus, virtus & vitium verbo, idē non potest esse honestus & Christian. & ebriosus, turpis

A solo genere quod vivens sit, ita ebrium Orator describet. Hunc ego vivere hominem sentiam, qui nihil aliud vitæ indignum exhibet quam ut ingluviem pascat, ingerat ac regerat hauriat evomatq;? qui potissimam vivendi partem, aut inter fumantes tabernas exigit, aut inerti somno consumat, aut vino obrutus seveliat, plerumq; sine ratione, sine sensu, ac motu: qui capite vacillet, judicio destituatur, ratione sopitus sit: qui pedes non ferant, oculi non dirigant, manus non sustentent: cui ad familiam regendam inepto, ad rempubl. sublevandam inutili magis sepulchrum conveniat mortuo, quam domus vivo.

Jam si ad genus quoq; sobrietatis transeat, quod est temperantia, vel universalius etiam, quod virtus est, ostendatque

quam


quantum in illis decus, quanta utilitas, quæ tamen ab ebrietate pessundentur: contraque quantum in hac dedecus, rerumque omnium, ut famæ, vitæ, opumque detrimentum ingens se se hic dicendi campus aperit. Hoc enim est ab hypothese, ut aiunt, ad thesim transire. Quare exemplo tam copioso abstinui.

A specie seu forma, e. g. sobrietatis; quæ est moderatio in potu vini, vel adusti, vel Rhenani, vel zythi ita argumentari licebit, ut in his omnibus moderationem esse tradas illi necessariam, qui temperans haberi velit. Quod si subeat de hominis Christiani diversa tanquam specie, hoc est, viro, muliere, senē, juvene etiam differere; par erit ratio, atque hinc magis etiam augebitur, pro sobrietate dicenti oratio. Unum tangamus, quam illa deceat adolescentes.

Quanta adolescentibus sobrietatis in vino habenda sit ratio, quis digna satis oratione assequetur? etenim cum pulcherrima illa, qua de temperantia leges sunt, ab hac ætate neglecta fuerint, cum honestas moderata semel vita præterita, spreta, conculcata erit, cum nec Christiana vita disciplina, nec parentum monita, nec majorum exempla intemperantem effrenatamque juventutem ab illa potandi licentia cohibere poterunt, spes reliqua ætatis sobrie moderateque exigenda profligata est, jacet continentia, regnat ebrietas; succumbit pudor, libido dominatur; pietas, fides, religio, virtusque universa exulat; atque eorum loco impietas, perfidia, Deique contemptus, & immane quodvis flagitium in reliquam ætatem ac Christianorum disciplinam erumpit. Non enim unius est adolescentis vitium, neglecta educatio, tantaque dissolutionis impunitas, quam nec ethnici pertulere, in totam ipsius vitam, in universi nominis atque instituti nostri dedecus, hæc turpitudine transfunditur.

Jam si ab illa quoque foeditate, quæ in fornicarum ebrietate reperitur, ejusdem quoque in homine Christiano indignitatem exaggerem, si adjiciam de senibus: quanta hinc oritur scribendi dicendique copia.

Sequitur partium, sive Physicarum, ad totius integritatem quandam spectantium enumeratio, quæ usque adeo ubique Oratori in rebus diducendis servit, ut sine hac vix quisquam cæterorum possit locorum copiosius pertractari. Unusque hic locus præcipuus est, quo à Dialectico Orator separatur. ipsa quæ jam tradidimus exempla docere te poterunt. Nam in definitione aliud nihil dicimus, quàm quod homo, ratione præditus, & corio natus, immoderata corporis cura bruto comparetur, quam pro-



positionem, per enumerationem partium immoderata illius curæ, oratorie diducimus. Idem in Christiani definitione, in genere, & specie exposita, facile observabis, ut ab hac enumeratione, tanquam cornu quodam copiar, suam eloquens orationem locupletet. Cæterum ut propria huius loci exempla habeas. Quæramus.

Quid in homine ad ebrietatem complendam adhibetur?
Respond. Manus, os, lingua, corpus, animus ipse. *Quid* Bibo faciat, ut inebrierur? vel *qui* illius actus? *Resp.* quærere tabernā, socios, scyphos poscere, provocare ad haustus, & provocari.

Ab enumeratione partium igitur, sic Orator Christianum arguet. Ergone Christianus, festivis etiam diebus, divino honori consecratis, Bascho litet? manus pietati jure impendendas, ad turpe ventris servitium convertat? linguā sacro Christi pactum corpore, immoderatis proluat haustibus? corpus illud Dei sedem atq; hospitium, fœdissimum ebrietatis ac gula receptaculum faciat? mentem pulcherrimam Sapientie æternæ meritis expiatam, cœlestibus donis cultam, increata illius bonitatis imaginem, in tanta rursum flagitia precipitet, ornamentis præstantissimis spoliet, extrema scelerū deformitate subvertat?

Ab enumeratione actuum hominis se inebriantis descriptio illius sic petetur,

Videas hominem hesterno adhuc vino calentem, ac vomitu madidum, vix excusso oculis somno, anhelare rursum ad pocula, societatem ambire, tabernam sectari, vino primum adusto languentem excitare stomachū, nec multò post eodem, unde nuper hauserat vase falernum poscere, libare primo quidem parcius dum molli sexsim vini provocatus illecebra, grandioribus ampullis, & poscat, & offerat. Tum vero jam genio profuse obsequitur, majoribus certat haustibus, provocatur ac provocat, aliorum salutem bibit, suā cū pecunia, prodigit, cunctantes impellit, discedentes retrahit: ne impurissimus vini gurges, uno scelere contaminatus, solus tēperantia fines prætervehi videatur.

Hæc quidem enumeratio partium ad causas intrinsecas, præsertim materiale, referti poterat; quod cum hac intime jungatur: malui tamen in primo illam fonte, cum definitione (quæ & partes rerum complectitur) sociare, quod, ut dixi, per omnes illa locos evagetur, illisque oratorie amplificandis deserviat. Nunc ad causas rerum convertamur.

FONS II.

LOCORUM PROPRIORUM.

Ad questionem, per quæ res sit? causæ exponuntur.

Naturalis hic ordo est, ut postquam cognovimus, *quid res sit*, de qua suscepta nobis dissertatio est; tum, unde, vel *per quæ*, hæc res existat, ac talis in sua natura sit, investigemus, ita enim certa methodo nihil eorum, quæ ad plenam cognitionem spectant, præteribimus. Utamur, quo cœpimus exemplo.

Quæris, *per quæ* sit talis natura Christianus? homo? vinum? vita? sobrietas? ebrietas? (Hæc enim omnia ad hanc propositionem, quod Christiano homini sobrie vivendum sit, concurrunt.) Respondebitur. Si *causam efficientem* quæras; prima quidem Deus est, proxima diversorum diversæ; ut vini, terra, pluvia, sol, &c. Si *Materiam*, ebrietatis; est vinum, mulsum, zythum &c. ipsa etiam immoderatio hauriendi. Si *formam*, Christianus ex Christi disciplina & moribus discernitur, homo ex immortalis ac spiritualis anima, vinum ex eo quod liquor sit ad reficiendum hominem tam humore, quam calore idoneus. Sobrietas ex temperato potus usu, Si denique *finem* poscas: hominis in hac vita est, vel honestas, vel delectatio: in futura vita æterna felicitas, in his enim solum bonis animus hominis potest acquiescere. Si vini finem spectes, est ad refec-tionem hominis natum, si vitæ nostræ, est ad serviendum Deo conditori suo nostramque salutem procurandam concessa. Ex his, si non universis, certe pluribus facile argumenta ad institutum tuum opportuna erues, quibus scilicet, vel sobrietas tanquam digna Christiano commendetur, vel ebrietas ut indigna rejiciatur. Ad utramque enim oppositorum partem secundus Rhetor orationem convertit. Ex causis etiam aliæ proximæ sunt, de quibus diximus, aliæ remotæ: quæ aliquo officio atque ordine connexæ antecedunt, quas ideo Rhetores *antecedentium* nomine accipiunt. Tales hic sunt in causanda ebrietate, coemptio poculorum, vlniq; , tabernæ instructio, invitatio sociorum &c. Copiosissima hanc scribendi materies fluit. Ex multa pauca ad nostrum institutum petemus.

Causæ efficiens primi vini, Deus est; ebrietatis, vinum immodice sumptum. Petamus ab utraq; causa corrigendæ ebrie-

ebrietatis rationem. Quanto majus est bonitatis divina erga homines argumentum, quod cum necessitati sublevanda, ad propulsandam sitim sola posset aqua sufficere, vinum tamen mortalibus adjuncundiorem usum sit elargitus, tanto gravius detestanda est ebriosorum hominum malitia, qui cujus nomine ad gratias Deo referendas obligati sunt, hoc ingratitude sua volunt esse instrumentum: quod necessitati praebitum est, hoc voluptati impendunt, quod liberalitatis divina munus est, hoc illiberali profusioni in ebrietatis causam, in fomentum libidinis, in multorum scelerum alimentum convertunt.

A causa materiali alia ratio desumatur. Quo tandem licentia prolabimur foeda cupiditatis nostra, ac ventris mancipia, qui tanto pretio, impensisque ebrietatis, materiam peregre advehimus? Israelis olim sola rupes aquam siti levanda suppeditans in deliciis fuit: alius hodie dum nationibus, vel nativi fontes, vel excocta cum hordeo vnda sufficiunt. Germanis nec aqua, nec fontes, nec hordeacei liquores, nec ipsa quae Rhenus quae Danubius, quae Nierus, quae Maenus, quae Mosella vina gignit, ad cupiditatem explendam satis esse possunt. Hac etiam per Oceanum portantur ex Gallia, ex Hispania petuntur, & quandoque in unam congeruntur terna, quaterna, sena mensam, ac vel libare singula vix sobrium liceat; Hac Christianorum esse hominum studia sentiamus? o nos nimium à prisca illa majorum nostrorum temperantia degeneres!

A forma bibendi egregii potatoris, cujus inter Saxones memoria est celebris, Decumanum sibi Bibo nobilissimum poculum instruxerat, quod duplici in medio coronatum circulo, dominicam orationem, symbolum Apostolicum, legis divinae decalogum, complecti, non spurco tantum, sed & sacrilego ore, dictitabat. Hoc suis ille hospitibus hospes liberalis implebat; hoc nisi ingratos, & nova legis contemptores exhaurire volebat funditus, qui à summa illius scyphi ora ad primum, aut alterum haussisset annulum, reliqua partis evacuanda impotens, hunc vel decalogi, vel Apostolici etiam symboli incapacem arguebat; qui absorpsisset pleno gutture, ac ventre omnia, hunc fidei, ac legis Christianae amatorem, optimumque divinarum rerum observatorem, & hospitali mensa dignum predicabat. Quanam auditores, haec vobis hominis illius (& an omnino Christiani hominis?) vita esse videtur? &c.

A fine. Hinc, siue bonum honestum, aut delectabile, quod in vite Christiana est, spectes, siue finem propter quem, aut
sobrie homo

homo natus altusque ; aut vinum à Deo oblatum, latissimus discutrendi campus aperitur. Nos à fine tantum hominis ebrietatem reprehendemus.

Ergone nobilissima illa creaturarum, quæ ad Dei contemplationem nata, quæ erecto ad cælum vultu à brutis distincta, quæ æterna felicitatis heres, cœlestium gaudiorum particeps, divina consors esse familiaritatis poterat, in turpissimum ventris pastum projecta, in terram ac peritura hæc bona inclinata tam indigna rationali creatura voluptate polluitur, perituris hisce fluxibus addicta gaudiis, æterna despicit, cœlestes delicias aspernatur ; diu vinum favorem contemnit ? O plane infelicem qui pro immortali oblectatione hanc potus illuviem, pro istis deliciis has sordes & vomitum, pro Deo Bacchum plenumque ventrem amplectitur, cuius vita turpis, mors dura, pœna sempiterna futura est !

Observandum hoc loco, quod in finis consideratione, non tantum expendatur ille, quem res quælibet ex sua natura spectat, sed etiam quem agens sibi homo proponit. Ut vinum ex sua natura est propter levandam sitim ; at homo sæpe, sublevata jam siti, propter delectationem adhibet, ideoque hunc sensum voluptatis pro fine suo constituit. Unde argumentum, tam ad laudem sobrietatis, quæ in priori fine, à Deo & natura præfinito acquiescit, quam reprehensionem ebrietatis, quæ turpem finem amplectitur, desumi poterit.

Rursum qui finem expendit, simul & rationes eundem consequendi (quas Philosophi appellant media) considerat, ut e. g. sobrietatis obtinendæ, aut ebrietatis vitandæ gratia, pravam societatem devitandam esse, vite hujus inconstantiam, sanitatis, opum, honoris, æternæ felicitatis jacturam animæ volvendam, brutas hæc cupiditates refrenandas &c.

Ab antecedentibus, sive causis remotis, ita differere Orator poterit.

Intuemini obsecro, symposiaca illius societatis apparatus. Fores coronantur hedera, frondes de fenestris tabernæ promiscant. tibicines ac citharædi convocantur, grandiora in triclinium transferuntur pocula, coronati in abaco crateres statuuntur, vitrea in nummulum aciemque digeruntur vasa, longo ordine famuli discursant, inducuntur in Bacchi palestram hospites &c.

FONS III.

LOCORUM PROPRIORUM.

Ad questionem, quale quid res sit? attributa rei exponuntur.

Hic fons argumentorum, inter locos Rhetoricos à plerisque neglectus, amplissimam Oratori disserendi messem suppeditat; cum attributa (alii proprietates rerum, vel etiam univérse affectiones dicunt) pleraque rebus ipsis, juxta suam naturam consideratis, notiora sint.

Attributa vero substantiarum vocamus; *quæ ex natura profluunt, ideoq; naturalis cum eis nexu sociantur, nec tolli sine illarum destructione possunt, siue solis illa competant, siue cum aliis communicentur.* Unde duplicis hæc potissimum generis, alia illi, cui adhererent naturæ soli, omnique, ac semper conveniunt, ut homini risibilem esse competit; alia omni quidem, ac semper; non tamen soli substantiæ speciei unius tribuuntur: ita anima hominis immortalis ac spiritualis dicitur; quod idem Deo Angelisque est attributum.

Ab adjunctis hæc attributa jure separantur, quod illa necessariam cum natura connexionem non habeant, sed eidem rei, nunc adsint, nunc desint, citra ullam substantiæ destructionem. Unde Philosophi illa accidentium, hæc propriorum nomine usurpant. Potest vero res eadem alteri ut proprium, alteri ut accidens sociari, ut calidum esse, igni & soli attribuitur, ferro vero & aëri accidit, rursus temperantem esse homini accidit, sed homini christiane viventi est proprium. Fallere autem possunt quæ ab adjunctis argumenta dicuntur, quæ ab attributis ob necessariam connexionem, non fallunt. Unde merito hi fontes sua inventione separantur.

Attributa quatuor generum, tanquam qualitates, siue affectiones rerum naturalium, esse possunt. Cujusmodi sunt dispositio, & habitus, siue operativi illi sint, ut virtutum, & viti-
 1. rum, scientiarum & artium, siue non operentur, ut pulchritudo, sanitas, honestas: turpitudine, utilitas, incommodum, &c.
 2. potentia & impotentia, siue vitales illæ sint, ut vegetans, nutrens, generans, sentiens, intelligens, volens potentia, seu non vitales, ut calefaciens, refrigerans, reficiens in igne, aqua, vino, &c.
 3. patiens affectio (passibilem qualitatem vocant Philo-
 sophi)

sophi) quæ ex rerum aliqua afflictione nascitur. 4. forma, aut figura, quæ à certa rerum terminatione existit.

Affectiones quædam communes, quæ tamen in actione, ac deliberatione potissimum versantur, à Rhetoribus observantur, à quibus omne genus argumentorum ducitur, honestas nimirum, utilitas, jucunditas, necessitas, facilitas, cum opposito, turpi, utili, injucundo, non necessario, difficili, tum etiam eorundem gradibus, hoc est magis vel minus honesto, turpi, utili, inutili, &c. quæ nunc fini, nunc actionibus ad finem ducentibus adhærescunt; quanquam necessitas, facilitas, & utilitas his alligetur. Hæc attributa licet ad quælibet dicendi genera serviant, cum ad persuadendum ubique valeant; quia tamen in deliberativo genere præcipuam sedem reperiunt, istic aliquando distinctius illorum vim copiamque exponemus.

Nunc ad propositum exemplum hunc fontem derivemus.

Q. 1. *Quale quid homo in se est?*

Resp. Si animum spectes, spiritualis, immortalis, Deo similis, ratione & judicio utens, liber, corpus movens, sensusque animans; si corpus consideres, mortalis, erecto ad cælum vultu, pulchraque præ cæteris animantibus Dei imagine insignis, iisdem à Deo præpositus, divinæ potestati subjectus, &c.

Q. 2. *Quale quid est vita Christiani & sobrii? sive quid est proprium Christiano & sobrio homini?*

Resp. Christianæ vitæ proprium est, ordinare actus suos juxta institutum vitæ Christi, renuntiare Diabolo, mundo, carni, &c. sobrii vero hominis est, in rebus ad potum spectantibus prudenter vitam suam, juxta rationis & Christi disciplinam, moderari, rebellesque animi affectiones, quæ in sensuum oblectamenta nimium efferruntur comprimere, ne vel cupiditate præcipiti in potum ruat, vel alieno tempore appetat, vel immoderate hauriat, vel pretio rerum excedat, vel prohibito sibi potu utatur, vel delicata tantum vina admittat, vel supra necessitatem ingerat; ut stomachus obruatur, ratioque cum pedibus vacillet, &c. contra ebriosus adversatur in his omnibus. Consulenda in his quæstionibus illa erunt, quæ infra in genere Demonstrativo de singulis virtutibus trademus.

Q. 3. *Quale quid ejusmodi moderatæ vitæ actus?* Resp. est honestum, & laudabile, est utile, est jucunditate plenum, est ad salutem necessarium, est facile, contraria vero omnia in vitæ immoderatæ actionibus reperiuntur.

Vides, opinor, quanta hinc argumentorum manet copia. Nam & attributa rerum, de quibus agitur, & personarum, & actionum expendi possunt. Breve de singulis discursum sic ad persuadendam sobrietatem Orator instituet.

Ab attributis rei quæ hic est vita sobria, de qua agitur.

Vtinam pulcherrimam vitæ sobria imaginem, aut ego dignis coloribus adumbrare, aut Christianus aqua consideratione complecti posset! depingerem ego atque ipse miraretur, non tam quandam Pandoram, non illam fabulosam Poëtarum, ad quam Dii singuli sua contulissent dona, sed dignissimis rationali homine ornamentis cultam, cui virtutes singula sua munera impendissent: quam prudentia, inter corrupta Germanorum exempla, & sanctiora Christiana vitæ instituta dirigit aequitas suum facit Deo corporique debitum officium tribuere, temperantia natis docet ex potu voluptatibus moderari; fortitudo insurgentes adversum cupiditatis motus infringit; ut nobilissima quæque virtutum decora in hac una sobrietate splendescant, cujus certe possessio, animo ad honesta nato, non potest non esse jucundissima. Fingant vates suam Pandora esse à Venere pulchritudinem, à Marte robur, à Iove dignitatem, has sobrietas docet, unius divina sapientia absolutiori munere, omnes possidet, pulchritudinem sine dedecore, robur sine discrimine, dignitatem sine adiectione obtinet, nullisque noxia, ut illa fatali multorum malorum pyxide, mortalibus existit.

Ab attributis personæ hominis videlicet in sua natura considerati (qui hic etiam, ut Christianus, vel ut familiæ aut rei publicæ regendæ præfectus expendi potest, si talis fuerit) Noli, obsecro, ô homo tuæ conditionis oblivisci, expende, qui sis, vide animum, mentemque nobilissimam, immortalis hæc est, & tu mortalibus illam voluptatibus addicis? spiritus tuus est, & tu corporeis illam deliciis adstringis, ad imaginem Dei est condita, & tu brutarum rerum simulachris pascis: dominatur universis, servit præter Deum nemini; & tu illam ventri vinoque emancipatam trudas? ô te miserum, si hæc intelligis, miseriorem si nescis, si ab hoc te errore non revocas, si rationem tibi Deus largitus est, & ad tuum hæc vertis exitum; si ad honestam te vitam, Deus, parentes, institutio, iudicium te proprium vocat: tu ad omnem turpitudinem spretis neglectisque universis, dilaberis, quam rara dos est libertas hominis, quam mundi totius creaturam vincit, dominusque non solum orbis hu-

jus,

jus, verum & sui ipsius constituitur: at quam improbe hac ipsa, carnis sua mancipium, omnisque creatura depravator abutitur, dum euncta, propria magis voluptati, quam divina voluntati servire cogit.

Ab attributis generalibus actionum humanarum, ut hic in sobrietate est honestas illius, utilitas, jucunditas, necessitas ad salutem, tum etiam facilitas. contra vero in ebrietate turpitudinem, &c quæ etiam rei, seu vitæ sobriæ, ebriæque, est principium actionum, considerata, adhiberi possunt. Nos solam turpitudinem inter pocula de haustibus certantium expendemus.

Existiment illi ventris administri & Bacchi satellites, honestum in isto esse helluonum, gurgitumque vini, consortio, capacissimos ductu crateres exhauriri, combibones scyphis victos prosternere, triumphare, ventris ac profusionis magnitudine; ego in hac gloriandi licentia, nihil præter nominis Christiani dedecus, turpitudinis famam, scelerumque gravissimorum ignominiam deprehendo. Quid n. tam contrarium nature, quam his illam unæ debeat sustentari, alimentis obruere? quid tam inimicum Dei legibus, quam adversus illas, non tantum agendo pugnare; sed etiam de victis triumphando in selescere? quid tam virtutibus infestum omnibus, quam in ipsis flagitiis collocare gloriâ, contemnere ad profusionem segnes, ad bibendum potentes extollere, ebriosi laudem, sobriis contumeliam irrogare? hoc nimirum est, majorum nostrorum exempla, nature præscripta, sapientum virorum auctoritatem, vitæ Christiana dignitatem, totamq; Christi disciplinam, spurco ebrietatis habitu afflare, verbis improbissimis proseribere, factis longè teterius conculcare, omnemque in uno scelere vitiorum ignominiam superare.

Paria ab inutili, ab inamœno, contraque pro sobrietate, ab utili, jucundo, necessario, faciliq; secunda oratione, differes.

FONS IV.

LOCORUM PROPRIORUM.

Ad questionem, quid efficit? effecta rerum proponuntur.

SENSIM à natura, causis, & attributis rerum, certo rationis ordine, ad illa, quæ à rebus tanquam effecta, vel consequentia, dependent, progredimur. Quamvis verò hunc nobis scrip-

scripserit ordinem natura, investigandi tamen ratione plerumque ab effectis rerum, quæ videmus, ad causarum minus notarum cognitionem incedimus. Porro cum ad institutum nihil referat, quem quisque fontem argumentorum primum, quem ultimum statuat, nos à via naturæ non abscedimus. Sola autem effecta rerum, tantam nonnunquam dicendi copiam pariunt, quantā cæteri, quos exposuimus fontes universi, præsertim, cum ad virtutes, aut vitia oratio delabitur. Hic enim de bonis malisque naturæ, fortunæ, morum plerumque controvertitur, quibus vel cladem inferat, vel emolumentum præstet.

Quamquam autem effectorum genera totidem, quot causarum reperiantur (nam quod ex materia, forma, ac fine efficitur, hoc etiam ad effecta spectat) tamen efficientis hic causæ, utpote fecundissimæ, & notissimæ potissima habetur ratio, siue vi naturæ, siue morum influat: nam hoc pacto temperantia laudem, ebrietas infamiam causat. Nos in proposita materia per exempla breviter ibimus, solis tantum ebrietatis effectis oratione comprehensis.

Q. 1. *Quid efficit ebrietas in bonis malisque hominis externis?*

Resp. Orator. *Ebrietas opes tanto quasitas Majorum studio, tanto labore paratas, curâ asservatas, posteritati traditas, levandis humana vita necessitatibus à Deo concessas, tuenda honestatis adjumenta, dignitatis nostra præsidia, paupertatis aliena levamina, pietatis divina ornamenta, inconsulte profundit, subito prodigit, sceleratè consumit, pro labore otium inducit, pro cura negligentiam, posteritatem spoliatur, necessitatem destituit, honestatem sedat, dignitatem conculeat, paupertatem gravat, religionem nudat &c.*

Sic de honore amisso, & ignominia sibi aliisque conciliata, licebit, differere.

Q. 2. *Quid efficit ebrietas in bonis malisque internis corporis?*

R Orator. *Quanta malorum pestis in humanum corpus ab una ebrietate redundet, facilius aliipatiendo, quam nos dicendo, assequamur. Quis enim non jure admiretur, hominem vino gravem, tanquam paralyti resolutum, toris subito corporis functionibus destitui, languere membris, artubus debilitari? Pedes suis dejecti vestigiis, corpus non sustinent; caput vertigine percussum in præceps devolvitur; oculi caligine suffusi, nec rerum,*

nec

nec viarum amplius norunt discrimina; lingua stupefacta, vix gustandi aliquam voluptatem admittit; aures, confusor tantum sono, nullâ vocum sententia, penetrantur; sensus omnis obstupescit, infraque brutorum amentiam rationalis homo abjicitur. mactata in sterquilinio sui, quàm viva bestia similior. Iam si illam valetudinis, formæ, ætatis, virium cladem, quam crebrius repetita ebrietas hominibus etiam infligit validissimis, expendamus, quæ hanc ulla satis extollet oratio? utinam, vel unius podagrici ckiragriciue lamenta, dum acutissimi dolores fodicant, ebriosorum aures perstringerent! Non ego ad parem torturam pedes, manusq; postulo, solum cupio audiendi sensum illius questibus vulnerari. Certè nisi humanitatem omnem exueris, illius calamitatem sentiet, propriam antevertet, alterius miseratione, sibi discet parcere, &c.

Q. 3. Quid efficit ebrietas in bonis malisque internis animæ?

R. Seneca Ep. 83. Omne vitium ebrietas incendit, & detegit. Obstantem malis conatibus verecundiam removet (plures n. pudore peccandi, quàm bona voluntate prohibitis abstinere) ubi possedit animum nimia vini vis, quidquid latebat, emergit. Tunc libidinosus cupiditatibus suis, quantum petierunt, sine dilatione permittit, tunc impudicus morbum profitetur ac publicat, tunc petulans, non linguam, non manum continet. Crescit insolentis superbia, crudelitas saeva, malignitas livido, omne vitium detegitur & proditur. Cogita quas clades ediderit publica ebrietas. Hac acerrimas gentes bellicosasq; hostibus tradit; hac multorum annorum pertinaci bello defensa mœnia patefecit, hac in victos acie mero domuit. Non est animus in sua potestate mero devictus. Quemadmodum musto dolia ipsa rumpuntur, & omne, quod in imo jacet, in summam partem vis caloris eiecit, sic uno exastuante, quidquid in imo jacet abditum, effertur, & prodit in medium. Onerati mero quemadmodum non continent cibum vino redundante; ita ne secretum quidem: quod suum alienumq; est pariter effundunt, &c.

Consequentia, sive effecta remotiora, ebrietatis huc etiam referuntur, quæ ad eandem etiam quæstionem, quid ebrietas efficiat? redduntur, possuntque tam ab internis, quàm externis quæ consequuntur malis desumi. ut, Non his illa ebrietatis pestis terminis consistit; latè in omnem familiam propagatur; totam confundit evertitque viciniam. Vxor domesticique profusione hominis exhausti, contentione jactati, vulneribus non

raro fauori, tantam publicè privatimque calamitatem deplorant: nudati patrimonio liberi, institutione patris neglecti, exemplo etiam depravantur. Creditores spe sua opibusque iniquè destituuntur, furta, deficientibus impensis, perpetrantur, designantur latrocinia, &c.

FONS V.

LOCORUM PROPRIORUM PER Adjuncta.

Ad questionem Quid rei accidit? *universè explicatur.*

UNus hic fons reliquos ubertate vincit, ac solus penè adæquat universos. Nam, ut plurima sunt, quæ rem quamque circumstant, ita ad illam, vel extollendam, vel deprimendam oratione conferre possunt.

Communis ille, versus qui adjunctis exponendis assumitur.

Quis? quid? ubi? quibus auxiliis? cur? quomodo? quando?

Nec sola adjuncta, nec omnia, generalibus quæstionibus complectitur; sed tantum factis hominum expendendis inventus est: quare alium substituimus illo absolutiorem.

Dic, qualis? quantus? quoties? ubi? quomodo? quando?

Huc adjuncta pleraque, juxta Philosophorum distributionem, quæ cæteris accuratior est, revocabis. Quintilianus quidem libro quinto, capite 10. hæc enumerat. genus, natio, patria, sexus, ætas, educatio, habitus corporis, fortuna, conditio, natura animi, victus, studia, affectus, locus, tempus, occasio, casus, facultas, instrumentum, modus, signum. Inter adjuncta etiam diversarum rerum substantias complexus; modò aliquid ad illius, quæ oratione tractatur, rei propositum conferant. Verum pleraque illorum ad hanc quæstionem; *quid rei acciderit, ut talis esset?* vel etiam; *qualis res sit?* reddi possunt. ut *qualis* genere? natione? patria? sexu? ætate? educatione? habitu corporis? fortuna? conditione? natura animi? victu? studiis? affectu? constare ad hanc quæstionem possit. (Et hæc ex genere demonstrativò, de laude hominum desumpta sunt). Cætera, ex reliquis illius versus quæstionibus facile colligentur. Maneamus igitur in versu proposito, & quæ universè primùm considerari queant, expendamus.

Gene

Generatim, quidquid rei ita adjungitur, ut salva illius substantia, seungi ab eadem possit, hoc in adjunctis esse censetur.

Q. 1. Qualis res, vel persona est?

Resp. Nobilis, ignobilis, illustris, vilis; adolescens, virilis, senilis, dives, egens; ingeniosa, stupida; libera, necessaria; a qua, iniqua; moderata, immoderata; potens, impotens; legibus conformis, aut difformis. Verbo quidquid in artibus, scientiis, virtutibus, & vitiis hominì accidit, huc refertur.

Q. 2. Quanta res, vel persona est?

Resp. Magna, parva, nimia, exilis, immensa, mediocris. Verbo quidquid ad dimensionem vel molis, vel virtutis spectat, huic quæstioni respondetur.

Q. 3. Quoties factum?

Resp. Sæpè, rarò, nunquam. habeturque hic numeri ratio.

Q. 4. Vbi?

Resp. Loco publico aut secreto, profano aut sacro, domi aut foris. Locus hic igitur ejusque attributa examinantur.

Q. 5. Quomodo?

Resp. Rectè, malè, prudenter, callidè, stultè, fictè, verè. Modi sunt, qui latè patent.

Q. 6. Quando?

Resp. Olim, nunc, æstate, hyeme, die, nocte, in juventute, vel senio, pacis aut belli, luctus aut lætitiæ tempore. Tempus itaq; ejusque attributa spectantur.

Verùm hinc argumenta, non pro illa oratione quæ solam thesin, sive communem tantum quæstionem tractat, desumenda sunt. Sed quæ singularem rerum, ac personarum facta prosequitur. Nam hæc tantum in diversa adjuncta incidunt; illa semper eadem atque immutata persistunt. Et proposito nobis exemplo rem discas. In hoc enim, quod *hominem Christianum ebrium esse nefas sit*, hoc solum hominì accidit, quod Christianus sit, ad Christi disciplinam institutus. Diabolo, carni mundoque obnuntiaverit. quod si hanc ergo propositionem rebus magis singularibus adstrinxis, ut quod *nobilis adolescens, in domo Ecclesiastica, sacro quadragesima tempore, inter scurras sese inebriaverit*, multis hoc factum adjunctis augebis. Vel quod *Nero aut Zeno Imperator sese vino ingurgitaverit*. Multa enim in una Imperatoris persona occurrunt adjuncta, quæ rem mirifice amplificanc, quod tam illustri persona, quod reliquis præfectus, quod legislator cæ-

C

rorum,

rorum, quòd reipubl. administrator, consiliòrum moderator &c. quæ officia universa ebrietatis vitium non sustinent. Tam igitur multa Oratori in hoc fonte sese offerunt, ut qui dicendo velit persequi, integram illi conficere orationem necesse sit.

A *qualitate* igitur vitium ebrietatis extolles, si pretiosa nimium vina pocula, aliumque apparatus, supraque vitæ suæ conditionem adhibuerit; si Hispanica, Cretica, nivibus refrigerata, aquis impermixta, &c.

A *quantitate*, si crebrioribus haustibus repetita, aut grandioribus poculis vina sumpserit, aut tantum, ut regerendum turpiter fuerit &c.

Si quæras, *quoties*? ut, sæpiusne graviore haustus repetierit, an & frequenter eadem ebrietate deliquerit?

Vbi? an in loco sacro, aut secretis ganeis, aut publicis congressibus ebrietate lapsus sit?

Quomodo? an potus, vel ebrietas cum turpitudine aut libidine conjuncta fuerit? an venereis, aut insolentibus poculis vina propinata, aut hausta sint? an infusa magis, quàm temperanter sumpta?

Quando? an noctu, an manè? an in juventute, aut senio? aut belli, aut luctus tempore? an die sacro, aut quadragesimali, aut post eucharisticum epulum inebriatus sit? Hæc enim, vel ad augendum, vel minuendum ebrietatis vitium facient.

Unum ego desumptum à loco exemplum in tanta illorum copia proferam. *Illudne tu hominum perditissimorum contubernium ingrediaris, ubi ex trivio collecti scurræ, ex ganeis leones, ac triobolares homines, quibus omnis in moribus levitas, in verbis procacitas, in factis turpitudine, qui ad audendum non minus, quàm loquendum, projecti, aliena fama atque existimationi insidias struunt, ne soli viles contemptique videantur? Hos inter vivere, perpotare, belluari, quid aliud est, quàm opibus honorem prodigere, conscientiam proculcare, vitam ipsam salutemque in extremum discrimen precipitare?*

CAPUT IV.

Inventio locorum communium, sive extrinsecorum.

Ingens hic panditur Inventionis campus, quique præcipuos orationis flores atque ornamenta continet. Merito is

à Lo-

à Locis propriis separatur, quod illi angustis limitibus circumscripti, sua sede ac velut possessione privatâ concludantur, hi tanquam liberi per omnes evagentur sedes, ubique locum possessionemque se dignam reperiant. Nam singuli locorum propriorum ornari similibus, contrariis, testimoniis & sententiis, scitis ac legibus Majorum; judicioque cum vulgi, tum sapientum probari poterunt. Quin etiam loci communes ipsi secum commiscuntur, mutuis ornamentis gaudent, nam & simile per contrarium, & hoc per simile illustratur. Singula horum legibus testimoniisque firmantur. Gnoma etiam una ac sapientis viris dictum expositum, suis contrariis, similibus, exemplis, testimoniis, non minus, quàm factum aliquod laude aut reprehensione dignum, secunda amplificatione, diducitur, ut verbales illæ realesque Christiæ, ut vocant, abundè testantur. Quæ observatio ubi semel animis nostris infederit, jejuna atque inornata nunquam esse poterit oratio. Nunc singulos hosce fontes paucis adeamus. hæc enim generatim præmonuisse suffecerit, ne ubique cogamur repetere,

§. 1.

FONS I.

Contra.

HAc voce *contra*, omnia illa quæ sibi quacunque ratione, seu latè seu stricte, opponuntur, intelligo quæ cum Cicerone cæterisque Rhetorum sub repugnantium & contrariorum nomine supra complexi sumus. Hic fons omnium, tam ad copiam, quàm ornatum est locupletissimus. Ex hoc omnis penè illa argutæ nervosæque dictionis subtilitas, vibrantes aculeatæque sententiæ, & non concisæ modò, sed & circumscriptæ orationis robur potissimum eruitur. quia per rerum diversarum compositionem res & illustratur maximè, & animum penetrat. Nullis autem terminis, hic fons confringitur, effundit sese ad reliquos omnes, seu proprios, seu communes, & unus tantum possidet, quantum reliqui universi. Res enim quæque suum habet oppositum, aliquando etiam plura, ut ab his fecundior possit duci oratio. Ita in proposita superius thesi, Christiano homini *sobriè vivendum* esse, exempla ab oppositis duxi, ostendique *ebrietatem illi vitandam* quòd copiosior in hac parte seget. Quare si ex hoc

fonte ornare atque amplificare dicendo singula volueris, adhibe definitionem; partes, effectus, causas, & adjuncta sobrietatis, atque ebrietati per singula oppone, ut propositum assequaris. Ita quoque in locis communibus progrediendum: præter simile ebrietatis, adhibe & simile sobrietatis, aut, quod idem est, appone dissimile. dispar etiam symbolum, emblema &c. propone. Sic & testimonia, leges, famam, pro adversa parte concilies, & quid poterit copiosius suppeditari? Verum tamen delectum ac varietatem instituere memineris: nam & nimium mellis desipit. Moderata atque elegans diversitas orationis condimentum est optimum.

§. 2.

Opponamus in exemplo sobrietatis, atque ebrietatis effecta. *Videas adolescentem antè sobrium, simul & modestum, & verecundum, & integrum; at mox hausto liberalius vino, tanquam Circaë mutatum repente poculo, dissolutum, impudentem, perditum. Hoc videlicet est quod ex studiosis ignavos, ex robustis enervatos, ex prudentibus fatuos, ex obsequentibus refractarios, ex Angelis Demones efficit. Hoc opes in inopia, sanitatem in morbo, vitam in morte absolvit.*

Demus quoque exemplum in locis communibus à comparatorum oppositione. *En ut ratio qua pulcherrimi solis insiar in sobrio collucet homine, fœdissimis temulentia nebulis obscuretur, luce media velut in nocte caligant oculi, sine mari in sicco navigat, sine tempestate fluctuat sine febribus aestuat, sine insania stultescit, sine phrenesi furit, sine sonto morbo spumat. Bruum, sed non absque ratione: Scarabaëus, non in rosis, sed sordibus.*

Postremò, ut hujus loci fecunditatem intelligas; illud noveris, cum cætera argumenta ob reconditam ignorantque rei alicujus naturam defecerint: tum ab oppositis sua eloquentiæ præsidia non esse defutura. Ut desit ratio, quâ vel Dei, vel Angelorum naturam describas, cum, quod de illis affirmes, non reperies, occurrent quæ rectè neges, si diversas rerum creaturarum imperfectiones deesse iisdem asseras. Plenis ejusmodi argumenta libris tractata invenies,

§. 3.

FONS II.

Inventionis Communium Par.

PAR complectitur universa illa quæ aliquam cum rebus affinitatem in natura obtinent, ut sunt primum, ductæ à rebus quibuslibet, sive naturalibus sive artificialibus, similitudines: factorum petita ab historicis exempla, symbola, emblemata, ænigmata & hieroglyphica, parabolæ & apologi. his n. imago ac similitudo quædam inest, cujus ornatum, elegantiam, varietatemque in speculo Imaginum latè exposuimus. Nos hic ex eadem, quâ cœpimus, de Ebrietate materia breviter exempla depromamus. A similitudine navis, quæ aquis copiosius subeuntibus denique mergitur, Ebrietatis virium, vel simpliciter descripta collataque cum ebrio depinges; vel tanquam in imagine proposita cum suo lemmate exhibebis ut si dicas, quæmpiam penicillo adumbrasse navem in flumine inter haustas aquas subsidentem, cui hoc lemma inscriptum fuerit. *Haurio & haurior*. Nempe, ego navis haurio aquas, & ab iisdem haurior, ut porator haurit vinum, & hauritur, juxta sensum & rationem, à vino. Sed & Emblemata Clementis Alexandrini (lib. 2. Pæd. c. 2.) licebit proponere. Pingit n. cælum stellatum, atque in eo Acephalum, ante Stellam errantem fingi solitum, qui capite in ventrem usque depresso incurvus confidet, imagine, ut rectè inquit, belluones aptè exprimente, quorum omnis cogitatio de ventre est. *Ænigma* aut Hieroglyphicum Upupa sit quæ occultius simile complectitur, ut quæ uvis immodicè ad ebrietatem usque ingurgitatur, sordesque humanas pro oblectamento habet, ideoque *Ægyptiis* ebrium designavit. Si parabola delectet, adhibe illam, quæ Janum asserit in plantata irrigandaque primum vite adhibuisse simiæ, leonis, porci & agni sanguinem. quâ diversorum in ebrietate ingenia apposire exprimuntur. Si Apologum opportuno etiam loco ad oblectamentum aliquod orationis quæras: illam usurpes. qui inter Bacchi discipulum & Promicondum usurpatur, quorum hic illi, colorem vini consectanti, exhibuit in vitro urinam, quâ gustatâ, cum nasum corrugaret, an non placet (inquit *Æconomus*) certè bonum fuisse vinum scio. tum alter, sed in vase ultimo corruptum est.

En quanta ex uno fonte amplificandi ornandique materies.

§. 4.

Unum symbolum dati exemplum propono, ad cuius modum reliqua explicari poterunt. Spectemus hinc ebrium, illinc navem inter fluctus, Poeta ingenio, ac penicillo Pictoris, adumbratam, Magis illa magisque ex assultantibus per aperta latera undis aquarum haurit: gravis primum ac deinde abundante fluctu plena, frustra obnitentibus nautis, excusso jam clavo remisque, verticibus infestis fluminis absorbetur, cui lemma, velut mortualis epigrapha; additur. Haurio & haurior. Videlicet tantum haurio undarum, ut ab illis denique oppressa hauriar. Nonne vobis in hac imagine ebrii hominis vitam casusque efformasse hic, vates scite videtur? Navis in oceano, homo in vinaria taberna est, illis inquieta jactatio fluctuum; hic sociorum tumultantium fremitus; illic aqua profusus hausta, hic vinum creat periculum; illic Navarcho clavus excutitur, remigum officia turbantur; hic ratio statione sua excidit. sensus omnis cum pedibus vacillat; illic navis à flumine, hic à mero belluo obruitur. Acervari etiam comparationes aliquando erudite possunt. ut Quod in aquis spongia, uter in olla, in puteis anlia, hoc in taberna Ennius, semper aut haurit, aut plenus est, vel in historiis, ut Mirentur alii Tiberii Neronis tantam in bibendo licentiam, ut ipso sum ratione everso nomine Biberius Mero dictus sit; Bonosi in vino hauriendo intemperantiam, ut suspensus, non homo, sed amphora per ludibrium pendere diceretur, tantam Alexandri summi Ducis in ebrietate impotentiam, ut ab amicissimo sibi Clito vim cademque non abstinerit: magis ego Christiani hominis degenerem in tam sancta disciplina, ab omni lego, ratione, ac Deo temulentiam obstupefco &c. vel. Noe per ebrietatem expositus ludibrio. Labus turpitudini, Ammon insidiis, Holofernes morti, & quis sibi felicem ab ea exitum polliceatur?

§. 5.

FONS III.

Testes.

PER testes non illos tantum accipimus, qui praesentes, voce vel scripto, testimonium ferunt; sed absentes quoque etiam fato functos, graves praesertim sapientesque viros, qui animi sui

sui sententiam quâquâ ratione declararunt. Horum igitur *Apophthegmata, gnoma* ac brevissima scitaque pronuntiata, ad rem nostram firmandam illustrandamque proferuntur. In primo genere testandi, amici, servi, domestici, inimici, infamis, non oculati exigua ad testificandum vis est; in altero, quò minor autoritas, vis quoque sententiæ est levior. A probatissimis igitur quibusque maximè valent testimonia. Tale illud est Democriti, *qui invite tres nasci boeros assererat, primum voluptatis, alterum ebrietatis, tertium injuria.* & Androclidis ad Alexandrum, *Rex memento te sanguinem terra bibere.* & Aristippi ad bibonem jactantem, *se multum posse bibere.* Et multi, inquit, hoc possunt.

Huc & Laconum factum pertinet, qui servos fœdè ebrios, ad ludibrium in conspectum filiorum, producebant; ut horrorem ebrietatis his incuterent. Ejusmodi enim facta quandam testimonii vim obtinent.

Primi generis testimonium est Anacharsis Scythæ Philosophi, qui rogatus, *num in Scythia essent tibiae?* Respondit, *ne vites quidem*, quod raræ mulieres sobriè tibiam inflent. Adèd igitur Scythæ, ipso teste, à vino alieni. Sententiosum illud est Menandri. *Multum merum, pauca facit sapere.*

Et illud Virg.

Nec Veneris, nec tu vini capiaris amore,

Vno namq; modo vina Venusq; nocent.

Bonos amphoram, Bacchi thyrsigerum, Sileni alumnum, secundum usitata adagia hominem ebrium dices, quanquam hæc, juxta similitudinem quam involvunt, etiam ad fontem primum referri possunt,

§. 6.

Unum ex omnibus expono.

Quantum hominem fortem ab immoderato vini usû abesse deceat, ille Aquilonarium Philosophorum facile Princeps, Anacharsis sat disertè detestatus est, quando interrogatus: nunquid tibiae nas alerent? tantum gentem suam ab omni molliori vita illecebra abesse respondit, ut nec vites quidem educarent, sentiens vinum ejusmodi cantatricum esse nutrimentum, voluptatis lenocinium, libidinis irritamentum, neque bellicam Scytharum virtutem, ac fortitudinis gloriam cum tanta levitate posse consistere, vires facile inter vites enervari. Brevis itaque; auoris descriptio, expositioque ac ratio sententiæ dari solet, quod

uberius præstandum esset, si potissimum in ea robur causæ poneretur. sed hic locus, ut cæteri, & amplificat, & ab aliis amplificatur. Spectant huc etiam *testimonia divina, responsa & oracula, auguria & somnia*, sed his modo parum firmamenti, præterquam divinæ testificationi inest.

§. 7.

FONS IV.

Leges.

Legibus comprehenduntur tam *private*, quàm *publica*, ad hæc illa quæ legum vim obtinent, seu publicarum, ut *consuetudines*; seu privatarum, ut *votum, iussurandum, promissum, pacta, tabula* earumque obsignationes. Ita in proposito Ebrietatis themate Græcorum vox erat, *ἡ πῖσι, ἡ ἀπῖσι*, aut bibe aut abi. Lex illa in Capitularibus Caroli Magni est. *Neminus liceat, alium cogere ad bibendum, nisi quantum ei suffecerit, & Solonis lex erat, ut Laërtius refert. Princeps, si deprehendatur ebrius, morte multetur.* Pittaci: *Qui per temulentiam sceleris aliquid commiserit, duplo plectuntur.* Contra memorat D. Ambros de Helia. cap. 17. consuetudine inductum, ut *bibatur pro salute Imperatorum, nisi quis reus indevotionis haberi velit*, quam ut scdam Deoque adversariam detestetur. Simile pactum Domini cum servo, qui ingenti, ex auro, cratere oblato, ita pactus est; *ea lege tuus esto, ut uno illum haustu evacues*, quod se facturum recepit, & non sine discrimine præstitit. Par certamen bibentium ab Alexandro, ubi plerique succubuerunt. Quod ad *tabulas testamentarias* attinet, celebres illæ Christi, quibus Eucharisticum nobis calicem multò laudatius ad sui recordationem consignavit. Et *publici* illæ Synodi Nannetensis dignæ memoria sunt, quibus *Sacerdotibus ebrietatem omnem interdicit, commendatque, ne etiam bibendo vicem excedant.*

§. 8.

Hæc aliaque, seu pro sobrietate, seu adversus ebrietatem statuta, ex hoc fonte hauriri, amplificarique hac similive ratione possunt, e. g. *Quæ vobis, qualisque illa lex Pittaci, non Christianis disciplinis imbuti hominis, sed rationis sola luce illustrati, videtur; qui omne per temulentiam admissum flagitium geminata pœna castigandum statuit; ut qui in tali scelere*

pri-

primum precipuumque ipsam esse ebrietatem existimaret; ab hac, tanquam capite, gravissima quaque delicta manare, incendi cupiditatem, inflammari sentiret audaciam, quantumvis enorme facinus, sine legum observatione, sine Numinis reverentia, sine consilio, sine ratione perpetrari. Comparete huic legem illam nostram, indulgentia plenissimam, qua flagitiis per ebrietatem commissis ignoscendum non raro censemus: expendite, cupiditasne ab hac opprimatur, an excitetur? crescat, an minuatur, temeritas eliminetur, an invitentur crimina? Par ratio leges exponendi diducendique, quæ testimoniorum est, ex oppositis hic etiam amplificandi viam aperui. De votis, tabulis, pactis, aliisque idem esto iudicium.

§ 9.

FONS V.

Cum Iudice, Fama.

Hic ultimus, neque omnino sterilis fontium est, in quo Iudicia expenduntur, vel publica, quæ sunt hominum fama, aut rumores; vel privata, quo spectant accusationes, tormenta sive questiones, præjudicia & sententia Iudicum. Præjudicia ex variis sumuntur: ut cum, vel eadem causa quondam in iudicio expensa & damnata est; vel similis; vel certe aliquid cum ea connexum. Sic de ebrietate præjudicium illud vulgatum, quod plerumque cum aliis sit connexa, eo quod sæpius aliorum scelerum rea fuerit damnataque. Hinc apud Hispanos receptum fuit, nec intestem quidem admittere illum, qui semel ebrietatis compertus fuisset, solo n. præjudicio talis minus integer habebatur. Fama publica Germanos ebrietatis arguit. Ebrietas tormentis ad veritatem extorquendam non eget; ipsa sibi ipsi, multis malis incumbentibus, tormentum est, & plerumque latens verum absque equuleo prodit. Apud Indos ebrii Reges, publica legum, damnati sententia, à muliere etiam interimis poterant eo facti premio, ut successoris nuberet. ut Alex. ab Al 13. c. 11. memorat Zeno Imperator ebrius ab uxore Ariadna sepulchro inclusus periit. Per civilia iura (ut D. de injur. l. si quis) accusare eum de injuria illata licet, qui cuiusquam servum, aut filium, ad popinam duxerit.

§. 19.

En quot argumentis hic fons ad probandum affluat. Unum

C5

Rhe-

Rhetoricè exponamus, & leviter illud Ciceronis pro Sylla in-
flectamus. *Quæstiones servorum ac tormenta, frustra ebrioso
ad secleris explorationem adhibebimus. tormenta gubernat do-
lor, regit quasitor, flectit libido, corrumpit spes, infirmitas metus,
ut in tot rerum angustiis nihil veritati loci relinquatur, sua
ipse ebriosus torqueatur ebrietate; ex ea quaratur: num qua
occultetur libido? num quod lateat facinus? num qua crude-
litas? num qua audacia? Nihil erit erroris in causa, nec ob-
securitatis, si in sua deprehensus ebrietate, propriis oris confessio-
ne, qua nihil occultum in illo esse patiat, gravissimorum sce-
lerum damnatus fuerit.*

§. II.

Hæc de Inventionis fontibus universè, propriis quinque, &
totidem communibus: quorum ordo, facilitas, copia, atque
ad rudiorum etiam hominum capitum dispositio, quantam
scribendi dicendique facultatem pariat, experientia quisque
sua doceri poterit. Nolim tamen quisquam existimet, quam-
vis materiam omni ex fonte locupletari posse. Nam neque id
semper futurum, neque, si fiat, insistendum omnibus; sed
cum delectu optima quæque ad probandum aptissima deli-
genda erunt. In Exemplo de ebrietate à me proposita, si quis
fontes exhaurire omnes, atque in singulis adhibere amplifi-
candi ordinandique velit gratia, aliorum communium loco-
rum patrocini, contraria, similia, testimonia, tabulas, judi-
cia &c. nullus esset dicendi modus, præsertim, si nonnulla ex
his acervarentur. Quare ubi & abundamus materia, & inter
Doctos res agitur, iis utendum nonnunquam descriptionibus,
quæ multa paucis verbis sententiisque colligunt. In quibus
observandum illud erit, quod subijcio.

§. II.

APPENDIX I.

¶ Descriptio quædam rerum nervosa ac stricta est (quam
Rhetores quidam definitionem appellant) quæ quibusdam
velut titulis rei, vel causas plures, vel effectus, vel adjuncta, vel
similia, vel contraria, idque, vel per affirmationem, tribuendo
rebus quæ possident; vel per negationem, removendo quæ
non habent, breviter exponit: estque egregium quoddam
orationis ornamentum, atque ad illum spectat fontem.

eius locos prosequitur. Differt verò à Definitione propriè dicta, quod illa rerum naturam explicet, hæc tantum, quoque modo cum rebus connexa, strictim auribus animisque subijciat, tunc etiam definitionis loco adhibenda, cum rerum natura fuerit obscurior. Paucis de Ebrietate rem exemplis illustremus. Petrus Ravennas, sic illam describit.

Ab effectis. *Ebrietas mater litium, furoris generatrix, petulantia, magistra, rabies voluntaria, illecebra honestatis, pudoris injuria &c.* Augustinus ait, *est turbatio capitis, subversio sensus, tempestas lingua &c.*

A fine *Ebrietas aterna nostra salutis hostis, felicitatis omnia inimica, gaudiorum meta, dolorum initium, fomentum ignis, alimentum cruciatuum &c.*

A causis Efficientibus, ut *Ebrius concitator tabernariorum, antesignanus scurrarum, dissipator honorum, turbator familia &c.*

Sic etiam ex locis communibus duci poterit.

A comparatis ut *Ebrietas venenum dulce, opum charybdis, sanitatis scopulus, innocentia naufragium, scelerum propugnaculum, arx seditionis, caput perfidia, malitia omnis barbarum.*

A contrariis. Ut *Ebrietas amica seditionis, pacis hostis, levitatis patrona, constantia labefactatrix; impudentia magistra, verecundia prodiga, flagitiorum omnium domicilium, virtutum exilium.* Vel *Ebrietas est quadam opum profusio sine liberalitate, secretorum denudatio absque synceritate, jucunditas sine amœnitate.* Vel est *inamœnum gaudium, illiberalis profusio, hilaris insania.* Atque ex his præcipuè fontibus ducitur Descriptio: quam facile vides substantivis, ac verbalibus delectari. quare cæterorum locorum haud magna inflexione, potest fieri Descriptio. Ut cum Seneca Ep. 52. Ebrietatem ab effectis dissuadet. In hac impudicus, ait, morbum proficitur; petulans non linguam, non manum continet, crescit superbo insolentia, crudelitas sævo &c.

Sic verbes. *Ebrietas est quadam impudentia possessio in lascivis, lingua in petulantibus incontinentia, superborum insolentia, crudelitas sævorum.*

APPENDIX II.

USUS FONTIUM PROGYMNASTICUS.

Ex his fontibus nascenti primum Oratori hauriendum, ut copiam facilitatemque assequatur. Progymnasticæ verò exercitationes irrigandæ hoc pacto erunt. Sumat quippiam ad laudem præsertim, aut reprehensionem spectans, idque juxta fontem primum suas in partes describendo tribuat. Deinde ex locis illud communibus, hoc est, contrariis, paribus, disparibus, testimoniis, legibusque exornet. Nihil enim prius in Eloquentiæ studio esse debet, contemplatione partium, quibus probè cognitis infecundus esse Orator non poterit, campus ad figurarum ornamenta panditur, res tota auditorum animis explicatè subicitur; adjuncta causæ & effectus haud difficulter penetrantur. Illa verò quæ à similibus & contrariis ducuntur argumenta, inventionem etiam perquam sunt facilia. Poterit in reliquis idem fontibus fieri, ut modò adjuncta rerum, tanquam magis obvia, modò etiam causæ & effectus per communes locos, ita ut dixi, amplificentur. Quin & ipsi communes loci, ut ex paribus, vel disparibus, Apologus, Emblemata, ingeniosum, simile, &c. ex testimoniis dictum aut factum argutum gnomicum, apophthegma, &c. ex legibus privata, aut publica, ex judiciis quæstio aut sententia expendi suis partibus adjunctisque aliquando poterunt, ratio subijci à pari disparique probari. Sed hæc posteriora usurpanda parcius. quod hic rarus sit in oratione amplificandi usus: prior omnino obuius, plus facilitatis utilitatisque complexus. Quare illorum non possum institutum laudare, qui progymnasticam hujus facultatis exercitationem illis propemodum Christi circumscribunt, quibus dictum factumve aliquod, aut certè locus tantum communis exornatur amplificaturque; cum, quæ ex locis propriis ducuntur, ipsam rei substantiam spectent, ex qua fundamentum omnis eruditæ dissertationis potissimum sumitur. Quod si juvenus, hæc, quâ suadeo viâ, per Aphthonium non satis expensâ, in levioribus illis scribendi præludiis regeretur, parva deinde superesset ad solitæ Orationis corpus formandum difficultas, cum his, veluti membris qui-

quibusdam, integretur. De his igitur progymnasmatibus sigillatim infra agendum est.

C A P U T V.

De triplici Orationum genere, Statibus diversis, invenienti & argumentandi ratione singulari.

Singula nunc Orationum genera propius consideremus, ut quis usus locorum in iis, quæ copia, quis ordo, intueamur.

Triplerique Rhetorum causarum statuunt genera, *Demonstrativam*, sive *Apodicticum*, aut *exornativum* quod ad laudem reprehensionemve, seu personarum, seu factorum, seu rerum est institutum, atque in sola cognitione honesti, aut turpis; utilis, aut inutilis, cum delectatione acquiescit. *Deliberativum* quod de rebus faciendis, aut omittendis consultatur, ac statuitur; siue res, tanquam utilis aut honesta, prosequenda; an contra, velut inutilis & turpis, rejicienda? unde nec in sola contemplatione quiescit, sed opus actionemque utilitate ac honestate conjunctam spectat. *Judiciale mixtum* quoddam, ex utroque causarum genere, genus est. Modò n. laudando aut reprehendendo personis, factis, ac rebus insistit; modò facienda omittendave à Judicibus, consultando suadet, dissuadetve; spectat *verò absolutionem, aut damnationem accusati*. Sed hoc tempore in foro non usitatum, atque iccirco etiam parcius à nobis pertractandum. Sunt qui his quartum genus Orationum *Didacticum* addunt, quod in sola explicatione, & contemplatione rerum consistat. ut si quæram; siue ne quatuor elementa? Quot sint causarum genera? Sed hæc, aliaque aut ad Oratorem non spectant, cujus officium est apta ad persuadendum tractare; aut *Demonstrativi*, vel *deliberativi* sunt generis, ut ex Statuum cognitione mox intelliges.

§. I.

Cum tria in re qualibet disceptari possint. *An res sit? quid res sit? & qualis res sit?* Status quæstionum in singulis causarum generibus triplex esse poterit. *Conjecturalis* si primum;
Defi.

Definitionis si alterum, *Qualitatis*, si tertium quærat. Unde si priores istæ didacticæ quæstiones cognitionis gratia, instituantur, erunt conjecturales in genere Demonstrativo; quæritur enim, an res sit? si tamen operationis gratia, Rhetor e. g. scire velit: quot sint causarum genera? Deliberativo adscribentur. Ita si quæras, Sitne status religiosus à Christo institutus? erit conjecturalis in genere Deliberativo.

Si quæras, an Clodius Miloni insidiatus sit? talis erit in genere Judiciali. Quod si quæsieris, in quo consistat religiosæ vitæ ratio? erit status definitivus; quæritur enim, quid res sit? idque in genere deliberativo, quia ad actionem talis vita ordinatur. Si quæras, Dignior ne vita religiosa sit seculari? erit status qualitatis, in eodem dicendi genere, cum investigetur, qualis res sit? idque actionis gratia. Qua in re non erit spectandus finis, cujusque hominis, quæ ex arbitrio illius suspensus est, sed observandum, quem in finem res quælibet ex natura sua ordinetur. Vide Cic, in 2. de orat. n. 264. Quint, lib. 2. cap. 6.

§. 2.

Postquam causæ statum, seu constitutionem agnoveris, de judicatione, sive criminomēno, ut vocant, tibi erit videndum. estque illa quæstio, quæ ex una ratione defendentis, & opposita ratione adversantis (quam firmamentum appellant) nascitur. ut Consul Cicero jusserat occidi in carcere Lentulum & Cethegum: rationem facti dabat, quod illi cum *Caecilina* in excidium resp. conjurassent. Sed Clodius opponebat: non debuisse illos causa inaudita tolli. Hinc quæstio, seu judicatio existit; rectene comperti conjurationis, inaudita causa sublatis sint? de hac enim re solum judicandum est, in hunc scopum omnis argumentorum vis, & defensori, & accusatori intorquenda est. illi, ut probet, sine mora & judicio ulteriori, compertam conjurationem fuisse puniendam; huic, ut citra defensionem reorum auditam, id fieri potuisse, deneget. Quæ res magnopere in omni dissertatione observanda est, tum ut à proposito non deflectat oratio, tum ut constet quibus potissimum è fontibus argumenta ducenda sint.

Facile autem criminomenon deprehenditur; si, quod adversarius neget, ad hoc potissimum animum convertas. Ut in hoc syllogismo: insidiator violentus jure occiditur; *Clodius fuit violentus insidiator*: Ergo jure occisus est: assumptio seu minor

nor propositio iudicationem constituit, & Ciceroni probanda tantum erat; quia cæteris admissis, hæc sola ab adversariis negata est. At in illa argumentatione: *Ille Roscium occidisse judicandus est, cui mors illius maximè fuit utilis; Capitoni hæc maximè utilis fuit.* Ergo ille occidisse judicandus est: tam propositio, quam assumptio criminum non includit: quòd utramq; adversarii negarent. Sic in hac deliberatione; an Moscho à Polonia bellum inferendum sit, ideo quod pacem violaverit, cum Moschus tamen Polonos violatæ pacis accuset? Crimen non est. *Vter pacem violaverit, & iniqua arma inferat?*

§. 3.

Observandum præterea est, quibus potissimum è fontibus singula causarum ac statuum genera, suas ad probandum amplificandumque rationes depromant. Quam ad rem generalis hæc esto regula. Dum quaeritur, *An res sit?* ex adjunctis, effectis, causis, ac denique ipsa rei natura, hoc est, ex fonte §. 4. 2. & 1. illud probandum esse, à notioribus enim ad illa, quæ ignotiora sunt, progredimur. nisi fortè auditoribus persuasum sit, rem de qua quaeritur esse talem, quæ fieri, & existere nequeat. tunc enim à fonte primo ratio ante omnia petenda esset; ut ipsa ex sua natura pugnare secum non existimeretur. Iterum dum, *quid res sit?* investigamus à fonte 1. argumenta potissimum derivabimus, cujus natura, si minus ex se ipsa pateat, satis ex reliquis fontibus universim poterit illustrari. Denique si, *qualis res sit, aut quanta?* postuletur, ex fonte 3. & 5. hoc est, ab attributis, & adjunctis præcipuum rationum firmamentum petetur. Quare cum hi status in demonstrativo, ac deliberativo genere, non rarò confundantur, pro rei cujusque ingenio loci etiam proprii adhibendi erunt, ac fontes variandi. Locorum verò communium communis ubique est usus, tantò copiosior usurpandus, quantò propriorum locorum major sterilitas futura est.

§. 4.

Notandum denique, quod argumentandi apud Oratores varia sit ratio, ut hanc natura potius, quam ars moderetur. & iudicio dicentis magis quam præceptionibus nitatur. Universè at strictim & dialecticè argumentum concipi, vel enthymemate, vel syllogismo, aut etiam ratione, potest. *enthymema* est propositio antecedens, unde consequens alia inferatur; ut *Clodius vim intulit Miloni; ergo, jure ab illo*

illo occisus est. ad quod si aliam generalem propositionem ad-
 jeceris, hoc modo : *qui vim intulit jure occisus est : sed Clodius vim intulit, ergo, jure occisus est : Syllogismus* ex propo-
 sitione, assumptione, & complexione (ita major, minorque
 propositio, & ex utrisque sequens conclusio dicitur) Quod
 si verò uni alterive propositioni (ut familiare est Oratoribus)
 suam rationem, aut probationem subjeceris ; ut, *qui vim intulit jure occisus est, cum vim vi repellere liceat ; sed Clodium vim intulisse constat, quia ex agro suo cum servis armatis erupit : ergo jure occisus est.* Hæc ratiocinatio appellabitur.
 Quod si una tantum propositione juncta ratione aliqua Ora-
 tor utatur qualis hæc est : *Sine causa Clodium Milo non occidit.* dicitur *epicherema*. Si verò ex oppositis strictim arguat :
 ut, *vel Clodium Miloni vim intulit, & jure occisus est : vel non intulit, & adversariis hoc probandum est, cum indiciis manifestis urgeantur ; dilemma* est. Porro cæteræ argumen-
 tandi rationes, ex jam dictis, conficiuntur, nam ab exemplo,
 aut comparatis per enthymemata ferè arguimus. quod si plu-
 ra exempla, aut similia, congeras, fiet *inductio*. Ita si epichere-
 mata plura, vel enthymemata acerves, ex quibus denique col-
 latis universè concludas, *acervalis*, vel *sortites* dicitur. Sed in
 his non est cur immoreris. Ufù hæc potius, atque imitatione,
 quàm præceptis capienda sunt : aliter enim hæc ab Ora-
 toribus, aliter à Philosophis usurpantur. Hi ita ut posuimus
 (ad faciliorem intellectum) strictim : illi cum verborum
 sententiarumque copia tractant. Hi nudam simplicemque
 veritatem ; illi etiam ornatum quærunt. Hi una propemodum
 inferendi forma, per solenne suum *ergo*, omnia conclu-
 dunt : illi variis ad illationem viis incedunt, quas certis præ-
 ciipiendi legibus complecti velle, hominis sit, aut suo nimium
 ingenio fidentis, aut prorsus diffidentis alieno. Ratio cujusque
 viam inveniet, ipsaque huc ducet Ciceronis imitatio, quo
 præcepta nunquam pertingent.

C A P U T V I.

Ratio inveniendi in genere

Demonstrativo.

GENUS causæ Demonstrativum Græcis Epidicticum (alii
 Exornativum, Encomiasticum, Panegyricum, à præci-
 pua ejus munere, quod in laudando versatur, dicunt) in lau-
 de,

reprehensione vel substantiæ, vel attributi versatur, idque per omnium fontium, in inveniendo usum: nisi quod pro varietate rerum, de quibus dicitur, tum Orationum specie, locorum quoque usus varietur.

Alia enim de Alexandro, alia de Bucephalo, alia de fortitudine, alia de intemperantia, ex his fontibus argumenta petes. Aliter quoque eidem Victori gratulaturus, aliter benefactori acturus gratias, aliter mortem ipsius oratione funebri deploraturus es; & tamen universæ hæ Orationes epidicticæ futuræ sunt. Resigitur & tractandi ratio, inveniendi quoque rationes mutabit. Sed hujus observatio discriminis perquam erit facilis superidrum præceptionum non ignaro.

§. 1.

Generalis hic iterum esto regula, ut siue substantiam, siue ejus attributa laudandum, aut vituperandum susceperis, in suas partes, ac tempora distribuas, e. g. personam in illa quæ intrinsecus ipsi adhærent bona, & quæ interna eidem sunt corporis atque animæ, quibus sua rursus membra sunt, ad omnem scribendi copiam suffectura. Hac enim via ob tenuitatem intellectus nostri, facilius rem totam penetrabimus. Altera est regula. Ut non tantum principium, ex quo res quæque sit, verum & finem quem spectat, expendas. E. C. Mortem Puerorum Innocentium, quod ab hoste Christi illata, ac præcipue, quod hujus finis, æterna sit illorum felicitas, quod honesta, quod utilis fuerit. Nunc ad singulas hæc propius species Orationum applicemus.

§. 2.

Laus, aut vituperium substantiarum.

1. In Substantiis rerum, quas dicendo exornamus, occurrunt Deus, Angeli, homines, animantia, in aqua, terris, & aëre, plantæ, earumque fructus, gemmæ, metalla, atque ipsa etiam elementa, arte facta, urbes, arces, culturæ insulæ &c. Quorum omnium in laude; aut vituperio par ferè ratio. Nam ex locis propriis eorum origo ac causæ, natura rei, attributa, effecta, & adjuncta spectantur. nullo non ex fonte bibitur.

Exemplum sit, laudandus homo universim ab iis, quæ, vel est, vel possidet. 1. Nomen, origo, parentes, ac proavi,

D-

aut

aut etiam patria, ex quibus videlicet, juxta sensum nostrum, & reliquis hominibus distinguitur, inquirenda sunt. Deinde in partes quidquid est, aut possidet, distribuendum, in quibus reperiuntur bona fortunæ, ut nobilitas, opes, dignitas, potentia, amici, clientes &c. bona corporis, ut sunt vires, valetudo, sexus, statura, forma, sensus vegeti, celeritas &c. bona animi, ut sunt felix memoria facile ingenium, scientiæ & artes; aut certè horum omnium contraria, quæ ejusmodi sunt universa, ut si bene usus fuerit, aut adversa mala patienter tulerit, laudem; si minus, reprehensionem ex his illisve, mereatur. Et hæc ad 1. fontem spectant.

2. Vis eundem ex fonte 2. causarum expendere? Occurrer, quòd hominis conditor Deus: ejus materia terra, atque elementa cætera; ejus forma æterna, immortalis, atque ad imaginem Dei efficta anima; ejus finis æterna sit felicitas.

3. Vis attributa spectare? hic quantum honestati affectus sit, quantum utilitati publicæ, quantum salutis suæ divinæque gloriæ, aut eorum contraria: verbo, omnes in virtutem, aut vitia inclinationes, ad laudem, reprehensionemve, obveniunt.

4. In effectis. omnia quæ domi forisque, in bello, aut republ. magnificè, vel turpiter gessit, sese offerent. Et si defunctum laudes, ejus mortem constanter obitam, argumenta pietatis, præclara monita, testamentarias tabulas, & quæ mortem, exequiasque. aut comitata aut consecuta fuerint, memorabis. Quod si infelicitè vitam finierit, referes illud magis, quàm insultabis.

Postremò ex fonte 5. quod hoc salutis tempore in fidelium societate natus, quod in orthodoxa religione educatus, tot Dei beneficiis ad bene vivendum provocatus, cumulatus gratiis &c. His universim ornandis amplificandisque cæteri fontes locorum communium accedent. Orationis ejusmodi exemplum de Carolo quinto dedimus in *Exercitationibus nostris Oratoriis*.

§. 3.

Prout in homine, sic in reliquis substantiis Deo, Angelis, animalibus, plantis &c. quantum noster intellectus assequitur, progrediendum. Et quo res quæque in sua natura obscurior, tantò diligentius ipsius attributa, & effecta investiganda erunt. Dei Angelorumque naturam haud satis nosti, itaque illorum sapientiæ, potentiæ, virtutibus cæteris, tum deinde

immortali incorruptibiliq; substantiæ, iisq; quæ in cœlo atq; his inferioribus operantur extollendis insistas. Quibus si nondum utramque paginam expleas, ad ea, quæ non sunt, ab iis removenda convertere. Ut non esse illis, quibus nos sumus, objectos affectionibus, non ita ferri præcipites, cupidine immoderata duci, mole corporis morbisq; gravari, torjactari adversitatibus &c. opes honoresque nostros nihili facere, fortunam illam, quam nos suspicimus, aspernari &c.

§. 4.

Bruta animantia iisdem, quibus homines, locis ornantur. Earum Origo progenitores & patria nomen à magnis fortè viris usurpatum, ad laudem aut reprehensionem faciunt. corporis atque animæ facultates expenduntur, in illo robur, agilitas, magnitudo, pulchritudo &c. in hac docilitas, sermonis humani, aut alterius brutæ vocis, imitatio, fidelitas, obsequium, facta, quæ prudentiæ, temperantiæ, aut fortitudinis speciem dedere. Possunt etiam hic illa recenseri, quæ non possident, vitia, & in primis comparationes variæ, modò cum natura factisque hominum, modò cum aliorum ingenio animalium institui. Vide quæ de Asina Bethlehemitica scripsimus in *Exercitationibus*.

§. 5.

Inanimæ res vel naturales sunt, ut plantæ, gemmæ, elementa, &c. vel artificiales, ut urbes, statuæ, &c. Illarum igitur primo ortus, locus, ac cœlum expenditur; quibus plerumque à cæteris differre noscuntur. Deinde & partes, species, ac genera à peritis rerum investiganda. Secundo ad effecta, earumque virtutes ac vitia accedendum. Tertio ad utilitatem, variumque ac laudabilem illarum usum. Ultimi hic fontis, major est ariditas, priores locis communibus exornandi erunt. In peste terræ motu ac tempestate describenda, par ratio ab origine, partibus, effectisque institui poterit.

§. 6.

Artificiales res, ut urbes, arces, statuæ &c. laudantur quoque ab Origine & Autore, atque in suas distribuuntur partes. Urbs v.g. in ipsum civitatis materiale corpus, ut sunt domus, tēpla, gymnasia, palatia, munimenta, horti, vicini, agri, silvæ, prata, cœli clima, aëris temperies &c. tum politica religiosaque disciplina, studia, artes, scientiæ &c. quæ animæ instar sunt. His cum deinde virtutū aut vitiorum usum, res fortiter bello aut

pace gestas, vel toleratas, æquitatem in judiciis, temperantiam in moribus &c. adjeceris, non poterit deesse copia scribendi. In statua, vel imagine, ejus autor, partes singulæ, eorumq; artificium, tum materia ex qua fabrefacta, aut qua adumbrata, denique & forma atque operis elegantia, æstimatio, rari circa illam eventus, ut si qui decepti figmentum pro veritate amplexi fuerint. Verbo, hic fons 2. plurimum avidis propinabit, cæteri steriliores futuri sunt. quare ad parium dispariumque comparationes sese Orator convertet. De vituperio idem esto universim judicium, ex iisdem enim locis ducitur. quia contrariorum eadem est disciplina.

CAPUT VII.

Laus attributorum substantiæ.

Atributa substantiarum, prout hic sumimus, vel in *transiente* aliqua *actione* aut *passione* consistunt, exempli gratia, urbis expugnatione, triumpho, profectio, ieditu, morte, martyrio &c. aut in permanente qualitate, ut justitia, temperantia, fide, eorumque contrariis, iniquitate, immoderatione, perfidia &c. Horum laudem, aut reprehensionem, quidam ex diversis bonis utili, honesto, & delectabili, tum etiam affectionibus mediocrium, possibili, facili, necessarioque ducunt. Et abundè quidem ex hoc fonte, non omnino rudi affluet, sed nihil prohibet, ad majorem copiam delectumque etiam cæteros fontes, prout in substantiis rerum factum, delibari. Nam 1. in Expugnatione urbis opportunè ejus autorem, locum, tempus expendes, quibus adjunctis, ab aliis ejusmodi expugnationibus distinguenda erit. tum ejus in diversis stationibus partes, militem, &c. cum apposita urbis distributione, exhibebis. 2. Quæ expugnationis causæ fuerint, quibus artibus, machinisque ad illam sint usi, expones. 3. Quàm necessaria, & utilis Reipubl. quam honesta Duci fuerit. Ubi de commodis incommodisque, inter se conferendis, magnus ferè campus. 4. Quid per diversa tempora & loca factum &c. 5. Quoties, ubi, quomodo, quando, pugnatum. Quæ si locis ornentur communibus, uberrimi fontes manabunt.

Alterum hic exemplum filia Jephre Judicum cap. 11. quæ Patri, illam poscenti ad mortem (ob votum Deo factum, quod

quod primum sibi post devictos Ammonitas ex domesticis occurrentem Deo immolaturus esset) paruit. 1. Hic illius persona, Duxque pater, & quod huic unica, exponendum: tum explicandæ partes ad factum constituendum propositæ. Votum patris, ejus religio; obedientia, & mors filiæ. 2. In utramque partem pro laude vel reprehensione disceptari potest; an hoc medium ad patris religionem necessarium, ac Deo gratum, an facile? Iterum an utile cuiquam, aut honestum? cum scelere, an cum virtute conjunctum? si probare velit, dicat votum hoc Deo inspirante, qui vitæ Dominus erat, factum; si malit improbare, dicat parentem non habuisse potestatem in vitam filiæ, adeoque votum ex se suaque natura fuisse irritum, non necessarium, nec utile, nec honestum; sed turpe, ac noxium. 3. Effecta, quæ ex hoc facto consequuntur, ut immerentis pœna, familiæ oratio, luctus patris, aliorumque, expendi poterunt. Ex cæteris duobus fontibus pauca hic servient. Locis communibus usus erit. ut à simili, exemplum Isaaci immolandi, & gentilium filios Diis mactantium servire poterit, tum quorundam animalium partus opprimendum, à contrariis, quod auctor vitæ, auctor sit mortis, testimonia, leges, & judicia quoque non deerunt, in quamcunque demum partem orationem verteris.

Huc variæ Orationum species referuntur, quæ eadem argumentorum disquisitione, quanquam pro actionis diversitate diversè, utuntur. & aliæ ex aliis fontibus abundantius, aut parcius, hauriunt. unde breviter ad fontes prævius digitum intendam.

§. 1.

Gratulatorie sunt quibus gratulamur aliis, aut de re bene gesta, aut opum honorumque præmiis, feliciter ex virtute, ac merito laboris impetratis; aut superatis terrâ marique, domibellique discriminibus &c. ubi pro diversitate personarum, & rei agendæ, aut sustinendæ magnitudine, & varietate, argumenta sese offerent. 1. Rei ipsius collatæ, actæ, aut superatæ natura, cum ipso conferente aut agente, expendenda, suis etiam partibus erit. 2. ex fonte altero causas ejusmodi boni investigabimus, personæ merita ac virtutes conferentiumque benevolentiam ac reip. utilitatem, exponendo. 3. memorando ex fonte 4. effecta, communis lætitiæ ac spei bonorum &c. De *Epiniis*, quibus victoribus gratulamur. *Prophonicis*, quibus de adventu applaudimus, par ratio est.

§. 2.

Gratiarum actio, quæ beneficii in nos collati memoriam protequantur. 1. Beneficii originem naturamque expendunt, simul ipsius partes præstantiamque considerant. 2. Causas dantem illinc, hinc accipientem; illius liberalitatem, hujus necessitatem proponunt. 3. Attributa, quamque ad illum obtinendum res dari arduæ, accipienti utilis; illi honesta, huic jucunda. 4. Ex adjunctis hic erit ampla seges. ut si contulerit sæpius, si promptè si profuso animo, si ultro, ac non rogatus, si illo tempore, quo non mereretur &c. Quæ comparationibus exemplisque ac contrariis eximè illustrabis. *Natalitia, Nuptiales, funebresq;* Orationes iisdem ex fontibus argumenta pari investigatione depromunt: nisi quod in laudibus personarum versentur profusius, parentes, conjuges, mortuosque à virtutibus celebrent. Quare ex iis quæ diximus, quæque restant dicenda, copiam facultatemque subministramus. Consule & illa quæ in poetiis tradidimus part. 1. lib. 1. capite 20. ubi singulis materiam subjecimus.

§. 3.

Attributorum quæ in *permanente qualitate* consistunt viz dispar est ratio ut sunt in externis bonis opulentia, dignitas; aut paupertas, & contemptus: in corpore valetudo, statura forma; aut contra infirmitas, parvitas, deformitas, cæcitas &c. in anima scientiæ & ignorantia, virtutes & vitia. Horum singula sua origine, natura, partibus, effectis, fine, causis, adjunctisque expensa, iisterè quibus substantiæ legibus, exornantur, quanquam ex fine in primis honesto, utili, ac delectabili eorumque contrariis laudem aut reprehensionem mereantur. Pro exemplo potest esse Ebrietas, cujus supra Vituperium per omnes breviter fontes duximus. Pro similibus, exemplis testimoniisque *Polyanthea* Langii faciet, si minus tibi memoria ad hanc rem suffecerit.

Exemplum tamen aliquod breviter, in re sterili, subjiciamus. Cæcitas tibi laudanda proponatur. Quis hujus ignaræ disciplinæ credat, hic nobis suppeditari ad laudem materiam posse? Sed expende 1. quod autor cæcitatis Deus sit. Partem naturamque cæcitatis, nisi ex opposito visu. non poteris describere, qui locus cum in laude versetur, dissimulandus erit. Ergo 2. Cæcitatis attributa & effecta consideres, ut sunt multorum malorum declinatio, quæ multi per oculos sedulo

Ati incurrunt, offensiones, invidiæ, bella, habendi cupiditas, libido, luxus, superbia, &c. contra verò bonorum animi facilior in cæcis possessio, & custodia. In reliquis fontibus pro laude quidem oculorum plura, pro cæcitate pauca reperies. Priora igitur exornanda illorum exemplis, qui cæcitate præclare usi sunt, Homeri, Majoli Abbatis; contraque illorum, qui abusi oculis, quo & testimonia aliorum sapientum referes, ut Cicer. 5. Tusc. &c. Quod in exemplo, illud observandum est, quod universim ad copiam prodest, ab unius oppositi vituperio, aliterius sæpe laudem petendam esse. Cæcitas enim, cum privatio sit, nihil in se laude dignum complectitur.

§. 4.

*Appendix ad rationem inveniendi**Perutilis.*

Cui tam copiosus argumentorum apparatus non suffecerit, hic ad generales illos exornationum campos, performatas ex hypothesibus theses, sive ex singulis propositionibus ad universales; tum etiam digrediendo ad incidentium rerum, vel narrationes, vel descriptiones (modò tamen ad propositum finem dirigantur) excurret, quæ idem quod in carmine Epistola præstabunt e.g. laudes generosum Alexandri facinus, quo primus in occupatione urbis cujusdam muros transiit, fortissimè contra plures dimicans? poteris opportunè hic ad alia præstantiora ejus facta digredi, atque illa in comparisonem adducere. Iterum commendas quidquid fortiter ab eo factum? ad ipsam hinc licebit fortitudinis laudem divertere, atque illam heroi tanto aptare. Deinde, fortitudinem exornandam suscepisti? poteris universè ad virtutis commendationem accedere, ac docere, quod hujus in primis dignitas in fortitudine emineat. Virtutem extollis? ad omnia quæcunque hæc exornat subjecta, ut homines, Angelos, Deum, quin etiam ad ea quæ destituit ut sceleratos ac Dæmones, te poteris latissimo differendi campo effundere, ut ostendas illorum potissimum ornamentum à virtutis usu, horum turpitudinem à defectu esse. En quanta scribendi ad generaliora quæque incedentibus se offerat copia. Hac verò eadem si affluas, contraria flectendū via erit, atq; ab universalibus ad res singulares ita transeundum est, ut in uno tantum aliquo pedē figas, non ad quævis ejusdè generis singularia transeas. Virtus

exempli gratia laudanda, in uno aliquo homine, aut uno alterove facinore, aut in sola prudentia, vel temperantia celebrari poterit. Illud erit, ut ajunt, hypothesin ad thesin, hoc thesin ad hypothesin reducere. Quocirca cum virtus atque oppositum ejus vitium penè universim, ea sint, in quibus eloquentia humana se jactet, ac verferur, perquam utilis mihi rudis aliqua earum adumbratio visa est, quâ juvenus in scholasticis hisce exercitationibus uti queat. Quare virtutum ethicarum perbreve descriptionem, suasque in partes distributionem, subjeci. quibus cognitis cætera ex fontibus obvia sunt: Vitiorum quoque ex his naturæ patebunt; cum in illis omnia reperiantur contraria.

C A P U T VIII.

De Prudentia.

P*rudentia* est virtus, quâ de bonarum & malarum rerum usu ad felicitatem hominis dirigendo rectè consulimus. Hujus universim triplex officium est. 1. rectè agenda inquire. cui studiosæ investigationi, opponitur tanquam vitium, præcipitatio.

2. Inquisita ordine, loco, ac tempore disponere: cui repugnat inconsideratio. 3. Disposita, ut decet, exequi: cui inconstantia fluctuantis ingenii adversatur.

Virtutes administræ, seu comites prudentiæ sunt, quæ in prudenti quovis viro laudari poterunt.

Memoria quæ ex cognitione rerum præteritarum agentem dirigit.

Intelligentia, quæ ex præsentium æstimatione, quid faciendum sit, pervidet.

Providentia, quæ est rerum subsequentiū investigatio, ac idonea agendarum dispositio ad consequendum finem.

Ratio est idonea ex rebus dispositis per ratiocinationem ducta conclusio.

Docilitas est notitia per aliorum consilium & institutionem comparata.

Solertia est ingenii quædam in rebus inveniendis perspicendisque facilitas.

Circumspectio, quæ omnia rerum adjuncta ponderat, tempora, locum, modumque minus discrimini obnoxium dispicit, ne temere offendant.

Cau-

Cautio quæ difficultatibus sese objicientibus tempestivè occurrit, ac præstruit, & his veluti partibus Virtus Prudentiæ constituitur.

§. 1.

Porro hæc ex diversis, circa quas versatur, rebus nomen permutat.

Prudentia *æconomica* illa dicitur, quæ circa rei privatæ ac familiaris administrationem domi adhibetur. Hac rectè opes, & fortunæ, in emendo, vendendo, locando, permutando, donando, accipiendove pertractantur. nihil conjugii, soboli, familiæ, ad rectum usum institutionemque, juxta Dei ac rationis præscripta, decedit. novit quantum sibi aliisque in cibo, somno, vigiliis, labore tribuendum; quantum Deo cœlitibusque; observantiæ pietatisque debeatur. Quanquam hanc sui directionem prudentiam *monasticam* liceat appellare.

§. 2.

Prudentia *politica* est, quæ in publica ac civili vita usurpatur. Hæc expendit, quemadmodum cum proximo in sociali hominum vita degendum: quomodo verbis, moribus, exemplis fovenda amicitia, violata rursum sarcienda, ponenda odia; aut dissimulandæ offensæ: cum qua moderatione, loco, ac tempore occurrendum dissensionibus, præstandum proximo quidquid ad alendam consensionem facit.

§. 3.

Prudentia *regnativa* (quam alii sub politica censent) est quæ providet, ut & opportunæ leges malis moribus corrigendis ferantur, & si plus æquo gravent, abrogentur, tributa & vestigalia, aut necessaria instituit, aut tollit iniqua, judicia æquitati administrandæ idonea ordinat. Ratione magis & consilio, quàm vi & armis comprimit. Seditiones cautè naras disjicit, aut occurrit nascentibus, cives urbemque communi pacis vinculo adversus omnem hostem conciliat.

§. 4.

Prudentia *militaris* est, quâ quis circumspectus est in bello suscipiendo, aut omittendo, in deligendo milite, illumque certa disciplina administrando, exercendo, excitando, munerando, instruenda acie, hoste prævertendo, consiliis, tempore, loco, copiis, comparandis alimentis, classibus, com meatibus, stipendiis, ineundis strategematis, suis consiliis occultandis, hostium detegendis quâ in clade parum dejectus est, eaque instauranda expeditus, in victoria minimè præceps atque immoderatus.

CAPUT IX.

De Justitia.

Justitia est virtus, quæ unicuique suum tribuit, pro dignitate, cuiusque. Hæc vel *generalis* est, & *legalis* appellatur, estque in Principe illisque qui Reip. moderandæ præsumt, atque ad ejus sese utilitatem impendunt, cuius officium est ordinare, ac præcipere quarumcunque virtutum exercitia ad commune totius Reipubl. emolumentum. Vel *singularis*, & hæc si in rerum distributione secundum proportionem, expensa dignitate personarum, versetur, ita ut Duci plus tribuat, quàm militi, licet eadem uterque virtute pugnarit, *distributiva* appellatur. Si rem tantum præstitam, citra personæ æstimationem, spectet, ut cum venditori par emptor pretium reponit, non habita ratione vendentis personæ, *commutativa* dicitur.

Rursum, aut natura solum, ac ratione duce, quod æquum est præstamus, & *naturalis* Justitia est? aut laudabili majorum consuetudine ducimur, prout bella, commercia, conductiones, locationes, pacta, obligationesque aliæ celebrantur, & hæc *consuetudinis* est; aut legibus à Principe aut Rep. satis adstringimur; ut sit in Senatus consultis, plebis scitis, decretis, edictis, & *legitimam* appellamus. Quibus species Justitiæ quarta *vindicativa* accedit, quæ vim & injuriam omnem, aut defendendo propulsat, aut in sceleratos animadvertendo castigat. Hæc igitur virtus justos & insones tuetur, nocentes persequitur, defert in judiciis, accusat, cognoscit, inquit, damnat, plectit. Ipsas etiam Reip. leges & sancita, tum quidquid æquitati Deo ac hominibus debitæ proprium est tuetur, justisque supplicis defendit.

Justitia denique naturalis universè aut Deum spectat, aut homines. hæc verò atque illa in subjectas sibi partes variè dividitur. quarum duæ Religio & Pœnitentia Deum, confidunt, reliquæ proximum.

§. I.

Religio est, quâ Deo tanquam autori ac domino creaturarum, animum nostrum, corpus, omniaque bona ab ipso concessa ad cultum illius honoremque impendimus. Quare *mentem* ipsi nostram consecramus, summa de illo ipsiusque per-

perfectionibus, & qua par est, existimatione concepta, insigni nostra, qui infinitis ab eo perfectionis partibus distamus, submissione. 2. Arbitrium illi nostrum, prompto obsequio ac cultu, subijcimus. 3. Ipsius etiam amicos debita veneratione prosequimur. 4. Res Deo proprias, ut sacramenta promptè administramus ac suscipimus, oblationes, primitias, decimasque Dei ministris tribuimus. 5. Leges tum naturæ, tum latas à Deo eorum auctori honorando exequimur. 6. Quandoque nos totos omniaque quæ possidemus, voto peculiari, Deo consecramus. Huic virtuti adversatur *superstitio* excedendo cultu non usitato, & *irreligiositas* deficiendo cultu non debito.

§. 2.

Pœnitentia virtus est, quâ delicti aut sceleris cujusque admissi pœnitentia ducimur, atque ex intimo animi sensu dolemus, nos benignissimum Dominum ac creatorem nostrum offendisse, adeoque ablata veluti per amorem honoremque rursus impensum reddimus. Quod cum præcipuis religionis actibus fieri necesse sit, huc etiam pœnitentia à quibusdam revocatur. Habet tamen adjunctum vel dolorem aut detestationem sceleris, vel amorem Dei, omnem aversum in creaturas affectum obliterantis, propositumque observandæ impio voluntatis divinæ imperium, cui aliquod vel ultro susceptæ afflictionis, vel imperatæ etiam satisfactionis opus accedit. Huic *obstinatio* in malo adversatur.

§. 3.

Pietas est, cum patriæ, parentibus, fratribus, ac sanguine junctis cultum atque officium tribuimus, ut sit

1. Mente æstimando illos, pro merito, nec tenuiorem ipsorum conditionem erubescendo. 2. Omne venerationis obsequium verbo atque opere præstando. 3. Illos ab imminente malo tuendo, in necessitate suis etiam facultatibus incurrendo, illorum defectus, convitia, morbos, aliaque senectutis vitia æquo animo tolerando. 4. Non opes tantum, sed & vitam pro salute patriæ, parentum, & consanguineorum deponendo, opponitur illi *impietas*.

§. 4.

Observantia, qua ætate, dignitate, sapientia, aut virtute majores, ut senes, Prælatos, Sacerdotes, Doctores, Religiosos, digno honore atque officio prosequimur. 1. Æqua de illis existimatione animique reverentia. 2. Externis venerationibus.

nis signis, ut sit capitis denudatione, loci cessione, sermonis coram illis moderatione & submissione, sententiæ illorum, approbatione consensioneque, aut non nisi modesta, ubi ratio exigit, deflexione. Huic opponitur *irreverentia*, & *despectio*.

§. 5.

Obedientia est voluntas prompta obsequendi majorum præceptionibus, quod fit. 1. Judicii nostri, & quandoq; etiam sensuum submissione ad universa quæcunque ab illis imperantur, modò legibus humanis divinisque non adversentur. 2. Arbitrii nostri, in rebus licet arduis ac difficilibus, ad omnem promptitudinem inflexione, etiam ubi mali nobis homines imperant, suisque affectionibus perperam obsequuntur. 3. Lætari aliorum imperio, quamvis difficili, atque omnem promptitudinem verbo atque opere declarare, nihil moræ morosæque frontis atque excusationis adferendo. Hinc *obstinationis* vitium repugnat.

§. 6.

Gratitudo est, quâ beneficia à proximis in nos profecta rependimus. 1. Æstimando illa pro merito, non dissimulando, obliviscendo, negando. 2. Apud alios prædicamus ipsique magna amoris significatione amplectimur. 3. Opportunè eadem (cum per facultates nostras licet) etiam cum scœnore rependimus. Huic neglectæ gratitudinis vitium opponitur.

§. 7.

Liberalitas est, quâ proximorum utilitati, tam temporali, quàm æternæ, bona omnia, sive sint naturæ, artis, aut privilegiorum, aut doctrina, consilium, exemplum bonæ vitæ, sacramentorum administratio &c. sive opes sint, & bona temporalia, Dei ipsiusq; honoris causa libenter impendimus indigentibus; sive homines illi sint, ut pupilli, pauperes viduæ, desolati, sive domus, ut Ecclesiæ, aræ, scholæ, nosocomia &c. Quanquam aliqui cum D. Thoma strictius liberalitatem usurpent, ut est virtus dispensandi divitias in suum aliorumque bonum usum,

Munificentia hæc virtus dicitur, in eo, qui munerum liberalis est distributor. Huic *illiberalitas* seu *avaritia*; & *profusio* seu *prodigalitas* opponitur.

§. 8.

Magnificentia grandium virorum est, cum dignitatis ostentatione, ad proximi utilitatem, aut Dei honorem, facta opum in-

insumptio, idque in res amplas & illustres, ut sunt ædificia, templa, palatia, urbium instauratio, aquarum deductio, propugnacula, portus, navalia theatra, ludi, scholæ, & academix, nosocomia, monasteria &c. Quam alii virtutem ad fortitudinem referunt, cum in ea generosè pecuniarum appetitus vincendus sit. Vitiis iisdem quibus liberalitas oppugnatur.

§. 9.

Amicitia est plurium mutua inter se benevolentia, virtute magis, quàm proprii emolumenti amore nixa. Quæ bonorum quandam habet communicationem, & cum affabilitate ac comitate sermonis, & consuetudinis est conjuncta. Quæ & arcana sua cum aliis communicat, consilii directionisque patiens, & virtutes in amicis amplectitur, defectus nonnunquam dissimulat, & patienter tolerat; nonnunquam, ubi emendationis spes affulget, moderatè ac blandè castigat: nihil ab illo honestati bonisque moribus contrarium flagitat, levitatem ac scurrilitatem in familiari consuetudine devitat, nec ita immoderatè in alium fertur, ut ad iniqua cupiamus obsequi: nec ita frigidè, ut eum, vel absentem, vel inter adversa deseramus; sed majori etiam benevolentia, solatio, atque ope in necessitatè adsistamus. Opponitur *inimicitia*.

§. 10.

Veritas in verbis, *simplicitas* in moribus factisque emittens, est conformatio verborum, aut factorum, cum eo quod in animo sentimus ac re ipsa sumus. Opponitur *mendacium*, & *duplicitas*.

CAPUT X.

Fortitudo.

Fortitudo est, quâ adversa omnia, aut fortiter patiendo toleramus, aut agendo vincimus: ita, ut nec indigno timore, nec temeraria audacia, ab officio rationi consentaneo, deflectat. Unde hac virtute appetitus irascibilis regitur, estque inter *timorem*, & *audaciam* media. ita ut utrique affectui imperet, nunc adversa sustinendo, nunc ardua superando.

Mala autem toleranda, vel corporis animique sunt, vel honoris opumque. & illa quidem vel naturalia, seu naturæ accidunt;

dunt ; ut ingenium hebes & labilis memoria, complexio melancholica, tristitia, timiditas, dejectio animi, morbi, contagio, deformitas, monstrositas, cœcitas &c. vel extrinsecus inferuntur, ut vulnera, captivitas, tormenta, frigus, æstus, fames, mors &c. quæ corporis sunt, & infamia, contumelia honoris & opum spoliatio, quæ fortunæ. Ardua verò in agendo superanda, vel interna sunt, ut abjectio animi & formido, ira, furor, audacia frangenda : vel externa, ut vincendus hostis, expugnandæ urbes, aut defendendæ ; ferenda, aut inferenda arma periculo mortis proposito.

Partes quas universim fortitudo complectitur, hæc sunt præcipuæ.

§. I.

Fiducia, quâ post Deum, nostris viribus animique ac corporis subnixi robore, ardua quæque honesta, aut ferenda, aut agenda, timor, suppresso, audemus aggredi, sine præsumptione, aut temeritate. Huic adversatur *diffidentia*, ac *præsumptio* ; illa deficiendo, hæc excedendo.

§. 2.

Magnanimitas est eximia alacrisque quædam animi, tam ad adversa quàm prospera fortiter sustinenda promptitudo, cum honoris proprii opumque neglectu conjuncta, quæ neque subitis casibus dejicitur, aut succumbit, neque periculis impendentibus sese subtrahit, prosperis non intumescit, nec calamitosis consternatur, nec inopinis percellitur, injuriam negligit, cum vitis conjuncta aspernatur, honesta præfert utilibus, vulgi sensum contemnit, magna tantum consecratur. Quidquid in orbe perituum est, tanquam animo immortalis inferius, sub se despicit. *Puillanimitas* eidem adversatur.

§. 3.

Patientia est rerum, quas homo jam sustinet, adversarum voluntaria quædam & diuturna perpassio. quæ lachrymas quidem admittit, & gemitus ; ejulatum autem ac lamentationem non patitur. Succensere quidem potest iniquè malum inferentibus, non tamen ulciscendo in vindictam effervesce. Maledicentiam & impotentis animi furorem cohibet, suisque etiam inimicis novit parcere. Gaudet etiam ac gratias Deo agit inter adversa : injurias, irrisiones, probra, dolores, tamquam Dei munera, atque amicitia testimonia amplectitur. Huic adversatur *impatientia*, & *exaspescencia*.

§. 4.

§. 4.

Perseverantia, sive constantia, est constans vivendi tenor, in rebus magnis ac honestis, seu agendis, seu perferendis, ad vitæ finem; adeò, ut, nec mortis timore, nec vitæ amore, nec minis, aut promissionibus, ac quibusvis demum terriculamentis, aut difficultatibus objectis, ab institute, laudabiliter proposito, deflecti atque abduci possit. Opponitur huic *levisas*, & *inconstantia*.

CAPUT XI.

Temperantia.

Temperantia est virtus omnem inordinatam animi affectionem, circa sensuum præsertim oblectationem, coërens, ac cohibens. Hæc virtus regit potissimum appetitum concupiscentiæ.

Quare hujus actus præcipuus est moderari affectiones rerum delectabilium, alter, Appetitus etiam iracundiæ affectiones, prout in alios feruntur regere. Pro rerum autem varietate, in quas nostræ cupiditates tendunt, ac reprimendæ sunt, varias hæc virtus partēs habet.

§. I.

Abstinentia est, quæ oblectationem illam in ciborum usu sitam, moderatur, adeò, ut nec in ciborum excedamus copia, immoderatâ ingluvie, sed corporis necessitati ac sanitati consulamus; nec aviditate nimia, modum temporisque præscripti leges negligamus, aut vetitis cibus temporibusque utamur; nec pretiosior lautiorque mensa sit, studioq; exquisito paratior, quam opes, status, necessitas ferat, nec tantum cupediis, aut etiam illicitis abstineamus ipsi, sed aliis verbo atque exemplo ad eandem frugalitatem adducamus. Huic virtuti *Gula* & *Crapula* opponuntur.

§. 2.

Sobrietas quæ delectationem potandique usum immoderatum castigat, adeò ut neq; mensura excedatur, neq; in deliciis, alia vina potumque, quàm aut regio, aut consuetudo, aut status ferat affectemur. Necessitati quantum sat est indulget, ac subinde etiam necessariis amore virtutis detrahitis, neq; tantum unquā admittit, ut vel usus rat, vel ipse etiā stomachus obruat,

cur, ac evertatur. Denique non patitur, ut mens, *Ebrietas* (quod vitium huic adversatur) calore, ad illicita qualiacunque inflammetur.

§. 3.

Castitas, quæ in incorruptis prorsus, *Virginitas* dicitur, cumque in externorum sensuum continentia spectatur, *Pudicitia* mereretur nomen; hæc, inquam, ab omni illicita voluptatis illecebra mentem ac corporis sensus cohibet: non cogitat, cupit, legit, audit, loquitur, videt turpia, & honestati adversantia. Quare libris impuris abstinet, Societatem scurrilem & illecebrosam averfatur, leviolem corporis cultum, & blandimenta non sectatur, duris potius, atque asperioribus gaudet, quibus lascivientem carnem edomet ac frangat: mollietiem, prostibula, fæminarumque illicita quæcunque consortia fastidit, ac devitat. Huic vitio *Luxuria* adversatur.

§. 4.

Manfuetudo est virtus, quæ iræ, adversus eos qui nos injuria & contumeliis afficiunt, moderatur, tranquillitate quadam, id est, miti & sedato animo ab omni perturbatione libero adversantium impetus sustinet. Hæc *comitate* quadam, idque vel verborum suavitate, vel silentio, vultusque hilaritate adversarios demulcet: facilitate, id est, animi quadam ingenuitate sese submittit, alteriusque quantum licite ac honestè potest, voluntati ac sententiæ acquiescit, per vicariam omnem detestatur. *Humanitate* quadam singulari aliorum sibi adversantium calamitatibus subvenit. *Submissione*, seu humilitati insigni, se suæque aliis posthabet, omnis arrogantia fastidians, Adversatur *immanfuetudo*, & *inhumanitas*, &c.

§. 5.

Clementia est, quæ poenas delicti causa infligendas moderatur, neque potestate ulciscendi ultra mediocritatis limites effertur, neque remissione nimia sceleribus ex indulgentia succrescentibus favet, sed loco ac tempore, quandoque in levioribus, aut ubi spes emendationis affulget nulla, sed exasperantur potius animi, dissimulat: ubi verò puniendum est, de meritâ etiam poena non nihil remittit. Porro *Severitas* justas poenas rigide exigit. Adversatur *inclementia*, & *crudelitas*.

§. 6.

Modestia est quadam actuum externorum, ad præscriptum

ptumrationis & honestatis, moderatio, quæ nec oris effrenem fert loquacitatem, nec oculorum protervam illam evagandi licentiam patitur, sed submissis, moderatèque, quo res fert circumlatis frenos adhibet, nugæ odit, futilia non effutit, capciosus abstinet, nihil sugillat, censet, nulli derogat, nec sibi quicquam arrogat, frontem, nasumque rugis liberum explicatumque, blanda quadam vultus hilaritate serenat: manuum etiam libertatem in gestu, cursu saltuque, nullum admittit. Ubi lusu ac joci indulgendum, personæ dignitatisque memor, injuriâ, obscœnitate, illiberalitate ac petulantia abstinet. Vestium luxum, molliorem ac curiositatem peregriniorum exosa, devitat, honesta mundicie decoroque oblectatur. Adversatur *immodestia, & superbia.*

§. 7.

Frugalitas, est virtus paucis contenta (alii recentiorum *paupertatem* vocant) quæ affectum immoderatum habendi suppressit, opes vitæ necessitati subvenientes, non avarè per fas nefasque congerit, atque in victum vestesque profundit: scrinia auro, cimeliisque, domum suppellectibus copiosè ac supra usum necessarium non instruit, & nihil nisi indigentia propriæ avertendæ, atque explendæ exigit. Adversatur *Prodigalitas & Avaritia.*

§. 8.

Submissio est (recentiores *Humanitatem* vocant:) qua quis ex divinæ majestatis, suæque vilitatis consideratione, Deo sese superisque omnibus, ac etiam Dei causâ hominibus dignâ veneratione submittit, omnemque excellentiæ sibi non debitum affectum reprimat, imò despicientiam ac contemptum non reformidat, sed magis ambit, ut quem præ honore malefactis suis promeritus sit. In oneribus atque officiis primus, in muneribus exigendis ultimus, nec loca, nec munia digniora affectat; sed concedit subditque omnibus. Ubi verò majoribus rebus adhibitus, atque amplo honore affectus fuerit. Hæc Deo auctori, nihil sibi vendicando, tribuit. Adversatur illi *arrogantia*

Ex his ethicarum virtutum tabulis, quæcunque opposita vitia, suis descriptionibus ac partibus habes adumbrata, nihil enim aliud est vitium, quàm virtutis quædam privatio: negando igitur hæc de hominibus virtutum exercitia, scelera iisdem impu-
 Latissimus hic omnino, non tantum in Demonstrativo, sed quovis. Causarum genere, differendi campus

est, vixque sterilem Orationem scribentis dicentisque hærere in arida jejunitate patitur. Exempla plerarumque virtutum strictim habes in funebri Oratione nostra, quâ Carolum Quintum, hoc potissimum fine exornavimus. in *Exercit. Orat.*

C A P U T XII.

De genere Orationis Deliberativa, & ratione inveniendi.

GENUS deliberativum, quod in suadendo, aut dissuadendo occupatur, iisdem quibus demonstrativum fontibus haurit, præcipuè tamen tertio fonte delectatur; quia ex utilis, honesti ac jucundi contemplatione auditorum animi ad agendum potissimum impelluntur, cui si rei perficiendæ facilitas, necessitasque persuasa accedat, proum erit, eo quò libet, auditorem impellere. Quare paucis, quid utile, quid honestum, quid cæteræ in se rei affectiones contineant videndum.

1. *Honestum* tribus ex locis sumitur ex naturâ, legibus, & virtutibus. Naturâ honestum esse ex propensione quadam solet, quidquid cum gloria, fama, dignitate, nobilitate ac conservatione status nostri conjunctum est. Ex legibus honestum est, quidquid, vel jura gentium, vel majorum exempla, vel patriæ consuetudines, vel sancita Regum ac Principum, vel auctoritates sapientum virorum præscribunt.

Ex virtutibus honestum est, quidquid Prudentia, Justitia, Fortitudo, Temperantia, ejusque nobis partes, supra expositæ, dictant. Quæ res uberrimum differendi campum aperit. Cum singula etiam à contrariis, locisque communibus aliis diduci possint.

Turpe verò, quod honesto opponitur, per jam recensita ad dissuadendum, ex oppositis adhibendum est, ut ab ignominia subeunda, conculcandis legibus, vitiis admittendis &c.

2. *Vtile* à bonis externis, internisque desumendum est. Ex terra sunt, opes quælibet. sive in ære, ac pretio rerum, sive in possessione agrorum. Pax & tranquillitas, amici, clientes, subditis, &c. Interna sunt, vel corporis, ut robur, valetudo, forma &c. vel animi, ut artes, & scientiæ. Media quoque ad virtutes comparandas, tum etiam virtutes singulæ, necnon se ipsis con-

fide.

sideratæ, sed prout ad æternam nobis felicitatem conducunt ipsaque hujus & alterius vitæ beatitudo bonis utilibus accensentur. Quidquid verò his universim opponitur, *noxium* est, ac fugiendum; proinde in dissuadendo adhibetur.

Ex his bonis & honestis, & utilibus, alia aliis sunt magis necessaria, jucunda, facilia, quæ etiam affectiones, siue in mediis ad finem adhibendis, siue in ipso fine (ut ferè solet jucunditas, seu delectatio) reperiantur, multum ad suadendum valent, uti & contraria ad dissuadendum. Sola necessitas apprehensa, non tam suadet, quam impellit.

3. *Jucundum* ab iis omnibus, tam honestis, quam utilibus bonis petitur, quæ, vel corpus, vel animum hominis poterunt oblectare. Maxime autem jucundum evenit, quidquid à molesto nobis contrario ad oppositum transeuntibus proponitur, ut jactatis in mari jucunda est in portu quies, sanitas ab ægritudine, opes ab inopia se recipientibus, exulibus patria, amicorum conjugum liberorumque complexus, vario æstu affectionum inter vitia jactatis jucunda etiam est virtutis possessio. Contra inamœna illis omnia, qui à felicitate ad infeliciem statum transeunt.

4. *Necessarium* verò est, vel absolutum, ut moriendum omnibus esse, quod non cadit in deliberationem, aut hypotheticum & sub conditione, ut opprimendi ab hoste sumus, nisi arma pro defensione sumamus. Et hujus magna vis ad persuadendum est, cum videlicet in periculum adduci cernimus, quidquid, siue in bonis honestis, siue in utilibus possidemus: aut cum hujus, aut illius generis bonis, nobis ad consequendum propositis, certa quædam media, ad illorum possessionem obtinendam, necessaria animadvertimus. Ita videmus pro sanitate impetranda, aut evitanda morte, pedes manusve putrescentes multis amputari; tam dura remedia persuadet necessitas. Hæc igitur in dissuadendo removenda.

5. *Facile* est quod citra magnam molestiam, laboremque, citra opum, famæ, ac quorumcunque bonorum jacturam, præstari poterit: quod verò cum hac conjunctum inter difficilia censetur. Nisi fortè inter plura damna subeunda, minus eligendum suadeatur, quod nulli debet esse difficile. Quare ut in dissuadendo labor, sumptus, jactura, temporis diuturnitas, aliaque ad impellendum auditorem valent, ita in persuadendo facilitas multum potest.

Amplissimus hic tibi differendi campus panditur, si horum singula per alios argumentorum fontes duxeris, ut si dissuadenda ebrietas, ab honesti jactura, siue turpi fuerit; tam ex natura ebrietatis ac hominis ratione præditi, ab affectis quoque adjunctisque, quàm reliquis locis communibus, id te præstare posse animadvertes; si propositi supra exempli diductionem expendas. Sic de utili, jucundo, aliisque affectionibus, per eadem loca diducendis, progrediaris, nec destitui à copia poteris. Quanquam pro diversis in hoc genere Orationum formis, argumentorum etiam delectus aliquis habendus sit.

CAPUT XIII.

Varia Deliberativi generis forma.

IN hoc genere deliberativo, variae cùm Epistolæ tum Orationes versantur.

1. *Monitoria*, quâ consilium nostrum de re quapiam fugienda, aut sequenda communicamus, quæ vel simplex est, vel juncta cum objurgatione. In utraque. 1. conciliabimus benevolentiam à singulari nostro in alium affectu, & cura ob indolem, cognationem, aut consuetudinem. Si quid in illo laudabile est memorabimus, ita leniter sensimque ad opposita deflecentes vitia, vel certè iis, quas suadere intendimus, virtutibus ab honesto, utili, necessario, &c. aut eorum oppositis, insistendo. In primis autem vitiorum ignominiam, pericula, poenasque per exempla similiaque, atque auctoritatem sapientum inculcabitur. 3. in objurgatione, postquam vix fidem non factis habere potuisse ostenderit, per vibrantes interrogatiunculas, priora illa mala oculis subjiciemus. Hæc verò locum habent in eo, qui auctoritate præstat, quâ, si par, aut inferior sit, orando magis, quàm increpando intercedet.

2. *Adhortsatoria*, quâ languentes animos ad audendum prosequendumque opus aliquod impellimus; aut contra à malè cœptis revocamus. Quare, ut monitoria ad persuasionem consiliorum, sic hæc ad impulsione animorum affectuumque concitationem refertur. Persuasum itaque ante omnia illi, quem hortaris, esse debet, rem honestam, utilem, facilemque aut necessariam videri; aut contra turpem, noxiamque, Ut vel amet, vel aversetur. Id enim nisi ante constet, vi-

vidi ligno faces admovebis. Sub hæc, 1. personam ab indole, genere animique dotibus commendando, ostendet, spem se aliosque egregiam de ipsius virtute concepisse. 2. ejus quam commendat rei dignitatem ex natura adjunctisque proponet, exemplis, atque autoritate, si potest etiam divina, pertrahet. Ab æmulatione aliorum heroum, & abjecta ignavorum sorte impellet, pœnarum metu denique, ac spe præmiorum accendet. Præclaræ sunt ejus generis Alexandri, apud Curtium exhortationes.

3. *Consolatoria*, qua in adversis casibus, ad fortunam præsentem fortiter sustinendam, alios animamus. Universim in hæc. 1. Laudabimus si quid etiamnum in adversis rectè ac fortiter egerit. 2. Ostendemus hujus vitæ conditionem cum aliqua semper afflictione conjunctam: calamitates alias aliis sufferendas, has locis etiam temporibusque mutari, ac remittere. 3. Deum harum omnium autorem, nostroque esse bono destinatas: majori plerumque, quam prosperas benevolentia argumentum nobis tribui; quòd animum à perituris ad æterna transferant. 4. Inevitabiles esse, quæque oblutatione nostra magis etiam crescant, omne bonum evertant. 5. Indignum esse genere, doctrina, virtute nostra vili animo in his demum succumbere. Denique observabis, cujus res quæque adversa, quam sustinet, generis sit, atque ex illius natura adjunctisque argumenta ad solatium depromes. Ut si mortem alterius lugeat, ostendatur, hac illum miseras vitæ absolvisse quam plurimas, incepisse feliciter vivere, adeoque damandas esse lacrymas, quæ alienæ beatitati invideant. Si juvenis raptus fuerit; mutandum hunc fortè suâ fuisse malitiâ, onus ac dedecus suorum futurum, &c. Exemplis hæc aliorum illustranda.

4. *Petitoria*, quâ, vel aperta postulatione, vel occulta insinuatione ad quippiam impetrandum utimur. 1. Concilianda, vel ex nostro affectu & confidentia, vel ipsius erga nos favore alias cognito, benevolentia est. Liberalitatem etiam pietatemque, si munus aliquod, autoritatem, si patrocinium rogemus, commendare licebit. 2. Postulata quæ proponimus ab honesto, utili, necessario ac facili suadebimus. 3. Si res sit, quam postulamus, magna, ostendemus, nos quidem indignos ac nihil tale promeritos, sed hoc illi futurum gloriosius, quod erga immerentes etiam beneficis fuerit. In occulta

verò insinuatione, exponemus pudorem nostrum ortum ex indignitate, miseriam tamen necessitatemque extorquere verba vel invitis asseremus, quod nimius pudor sit noxius indigenti. 4. Gratitude pollicebimur.

Commendatitia, quâ alteri quempiam, ad patrocinium opemque impetrandam, commendamus. 1. Homini probitatem & indolem, deinde etiam necessitatem exponet. Denique & suam, vel miserationem, vel obligationem, quâ ipsius curam suscipiat, alterius verò cui commendatur humanitatem, pietatemque, aut etiam amicitiam, ob quam suscepturus videatur, commemorabit. 2. Ex locis supradictis suadebit. 3. Vicissim operam deferet, seque, & commendatum, memorem gratumque fore pollicebitur.

6. *Conciliatoria* est quæ vel alios blandè in amicitiam pertrahit, vel dissidentes inter se conciliat. In hac, post circumspectam quarundam virtutum laudem, dignos esse nobis visos dicemus, quibuscum iniremus gratiam. Deinde si aversos inter se aliorum animos delinire studeamus, id non temerè in calenti adhuc furore tentandum, sed explorandi sensus, & origo mali, ac quid timeant, quid destinent animo perferendum. Tum remediis ad suadendum aut dissuadendum utendum potentioribus, prout quisque honestate, aut utilitate maximè tangetur. Metus verò potissimum imminentis vicissim mali exaggerandus. Minus enim plerumque bonorum spes, quàm malorum timor impellit.

CAPUT XIV.

De genere Orationis Judicialis, atque in eo invenienda ratione.

Genus judiciale orationum, quod in accusando aut defendendo versatur, à foro hac ætate abstractum ad curiam, ab Oratoribus ad Patronos, sive Advocatos translatum, strictiori nunc juris methodo, oblati ultro citroque scriptis, cum accusationibus, tum defensionibus ita peragitur, ut ad tertiam quartamque vicem (ubi ex æquitate res administrantur) Judicis sententia absolvatur. Olim una Accusatio Defensioque Oratorum causis plerumque, & principium, & finem,

per

per Iudicis tamen definitionem, obtinebat. Unde plurimum tunc forensi tributum eloquentiæ. Intentio argumentorum hic pro statuum genere nonnihil variatur. Cæterum ex a-
pertis supra fontibus petenda.

In statu conjecturali, an, exempli gratia. Clodius sit insidia-
rius Miloni? rationes quæ probent eum voluisse, potuisse, fe-
cisse adducendæ erunt. Potuisse ac voluisse probabit. 1. à de-
scriptione personæ ejusque vitæ ac morum. Ubi fortunæ &
opes attritæ, auri aut honoris ambitio: perdita, profusa, libe-
ra vita; aut si hæc non constet, simulatio morum & bonæ vi-
tæ prætenditur. Unde nihil ab homine hoc facinus abhorre-
re contender.

2. Magis idem stabiliet, si impulsores habuisse convincatur,
aut ira, amore, odio, dolore, vino efferbuisse. Quod si delibera-
ta ratione aggressus putetur, ostendat commodo ipsius, ad ho-
norem opesque consequendas factum, metu damni, pauper-
tatis, infamiæ ductum, amicitia cum inimicis alterius, cui no-
cuit, junctum.

Fecisse autem docebit, ex adjunctis potissimum, ut ante fa-
ctum esse possunt, apparatus, colloquia, auxilium, facta, dicta,
loci ac temporis ratio: in facto clamor, strepitus, modus: post
factum fuga, relictus gladius, pallor, inconstantia, metus, titu-
batio, quæ sunt conscientia se se prodentis indicia. Verbo, ex
causis, effectis, & adjunctis investiganda erit facinoris ratio.
Hæc verò ex locis communibus, ut rumore, testibus, jureju-
rando, tormentis, tabulis &c. maximè erant stabilienda.

Defensor hæc universa extenuabit, negabitque hic quic-
quam argumentis evinci. Vide in hoc genere M. Tullii Ver-
rinas pro Cluentio; ubi quæritur; an is Oppianicum vitri-
cum, aliosque veneno sustulerit? pro Muræna; an commi-
serit ambitus crimen? pro Flacco; an repetundarum reus sit?
pro Sylla; an conjuravit cum Catilina? pro Plancio; an sit
reus ambitus? pro Deiotaro, an adversus Cæsarem conjuravit?

In statu definitionis qui rarior est, quæritur, quid res sit?
aut quo nomine compellanda? ut Cicero pro Cæcina quærit:
num dici possit ei vim esse factam, qui tantū armis fuerit per-
territus, quo minus fundum ingredi eretur? aut de Julio Cæsare
quæri potest. Fuerit ne Rex, an Tyrannus? Argumenta hic à
fonte. 1. Potissimū desumuntur, nomine, definitione, partibus
reliq. ex locis communibus, exemplis paribus, legibus, autorita-

te. Actor contendet ex factis eorumque natura tale tantumque crimen esse commissum. Defensor negabit omnia ad tale facinus requisita inveniri, & si quæ leges opponentur, harum sententiam ex mente Legislatoris aliam esse demonstrabit.

In statu qualitatis, vel de scripti qualitate investigamus, ut certumne, an ambiguum? æquum, an iniquum? & hic status *legalis* dicitur, & scriptoris mens, autoritas, jus expenditur, sed hic rarior est.

Vel facti qualitas, aut etiam quantitas consideratur, nam ex hac, illa quoque variatur, & hic status *iuridicialis* appellatur, in quo facti æquitas, aut iniquitas examinatur, estque vel *absolutus*, in quo investigamus: Bene, an malè factum fuerit? vel *assumptivus*, in quo male factum veniam mereri contenditur. Prior status argumenta desumit ex fonte 1. naturam rei expendendo, & fonte 3. ubi iustitiæ ejusque partium ratio præcipue habetur, ostenditurque per singulas partes, neque Deo, neque proximo injuriosum factum illud fuisse. Ex fonte etiam 5. adjunctorum: quibus res quæque extolli potest, aut imminui. Denique ex fontibus communibus, præsertim 4. & 5. ut ex legibus & consuetudine, judicato in re simili, &c. rationes depromuntur. Posterior assumptivus argumenta capit ex fonte 2. 4. & 5. quod causæ & adjuncta, rem excusent, aut aggravent. Si enim res utilitatem publicam habeat, v.g. mors Clodii, si causæ datæ. exempli gratia, insidiæ ejus, qui occidit, vitæ structæ sint, si nos prior invaserit: universum, si spe pacis aut mortis metu, aut persuasione æquitatis, aliove honesto motu impulsus fecerit, si ignorantia etiam, aut casu, vel necessitate quapiam inductus, facilius veniam obtinebit. præter hæc verò loci communes adhibendi, præsertim aliorum facinorum, quibus venia facta sit, comparatio.

Adversarius ex iisdem locis infirmabit sibi opposita.

§. 5.

Varia generis judicialis species.

Hujus generis judicialis partes quædam sunt, seu species.

1. Oratio aut etiam Epistola *Obsurgatoria*, quæ ob admis- sum crimen verbis increpat. Hæc per locos proprios & communes criminis gravitatem potest extollere, ut docere illud personæ, generi, ætati, professioni, patriæ non convenire. 2.

Osten-

Ostendere quæ mala evenerint, bona impedita sint. 3. Finem ipsi vitæ professionis suæ proponere, atque ut à malo desceat, seriò hortari, quæ si locis communibus ornet, argumentis affluet.

2. *Invectiva* ab objurgatoria tantum differt, quod illa ab inimico, hæc ab amico fiat: unde iisdem promit fontibus.

3. *Expostulatoria*, de illata sibi injuria queritur, in qua si factum adversarius neget, argumentis status conjecturalis utendum: si concedat, ex ante dictis locis criminis extollenda gravitas, & si quid de illo bene simus meriti, huic illius ingratitudini opponemus. Quod si mitius illum arguendum esse statuerimus. 1. Dolorem quendam suum significabit monitor, quod amicitia aliorum læsa sit, obrectandiq; causam pluribus dederit, vel aliorum factorum laudem cum reprehensione miscebit; aut in alios hujus facti culpam derivare conabitur, vixque se credere ostendet, hæc illo autòre perpetrata. 2. dices te gravatè insimulare delicti, amore tamen ductum erga illum, tuo, aut impulsu alieno id ausum. 3. officium omne deferres, atque ut æqui bonique faciat, quæ non nisi ex amore profecta sint, postulas. Quod si gravior persona sit, ac rectè malis expostulare, exempli alicujus similis inductione atque improbatione id non importunè feceris, sicut nonnulli per apologos etiam veritatem persuasi fuerunt.

4. *Exprobratoria* est, quæ ingratitudinem in benefactores ostendit. Hæc & collata beneficia, & repensâ maleficia, per locos plerosque, tam proprios, quam communes solet expendere. Ipsi us etiam nostræque personæ conditionem examinare poterit: ut qui talis tantusque suâ existimatione, vir tot ornatus beneficiis, in amicum benevolumque, in juvenem, aut senem, in necessitatis tempore, injurius fuerit &c.

5. *Purgatoria* est, quâ nostrum aliorumve factum defendimus. In qua, pro varietate status (ut ante vidimus) argumenta etiam ad refutationem assumenda variantur. Quare in his superiora remittimus. Universè tamen conabimur & personam adversarii, & ipsius orationem probationemque, tanquam futilem in contemptum adducere, ac denique ostendere, quæ sequantur incommoda, si adversario fides habeatur. Et 1. quidem si persona viri potens sit, magnæ que autoritatis, in cæteris ejus prudentiam æquitatemque laudabimus; sed hic causâ ignorance falli, mutaturum animum, si rectius

cognoscat. Si par nobis, aut inferior fuerit, ipsius audaciam temeritatemque exaggerabimus, nosque illud non criminandi gratia, sed studio boni communis agere profitebimur, leviora quæ in reprehensionem cadunt joco, aut transiitione explodimus. 2. Orationes, argumenta, vel ut levia, vel ut obscura, vel ut extra scopum cadentia, alicujus erroris insimulanda erunt. Deinde, vel oppositis validioribus dissolvenda, vel correctione brevi perstringenda, vel ironice irridenda, aut per interrogationem distorquenda aliquando etiam reponet. Vide Orator. pro Milone, pro lege Manilia, pro Archia.

Deprecatoria in errore aut crimine admissio, utetur argumentis quæ in statu assumptivo usitata sunt. si tamen culpam non agnoscat, excusationem à sua persona ex antea acta ducet. vita, studiis, sociis, atate, honestatis cura, aliisque, quibus maxime innotuit, moribus. Orabit denique, ne se innoxium in suspicionem criminis vocent.

CAPUT XV.

De Artificioſa Orationum Diſpoſitione.

DE argumentorum inventione actum hætenus, nunc ut in ordinem quæque suum recte distribuuntur videndum. Quare ad alterum Oratoris officium, quod est *inventare* disponere, accedimus. Est enim *Dispositio rationum ad probandum & movendum inventarum per ordinem facta distributio*. Et hæc Oratori necessaria est, ne turbatum atque enerve Orationis corpus instruat. Non satis est Imperatori numerosum ducere militem. nisi suis illum turmis opportunè in aciem digerat. pugnabit absque victoria.

Quocirca *Rerum* Primò ante omnia tractandarum *naturam* considerabit, ut si humilia sint, grata insinuatione animi occupentur, atque illa qua possunt dignitatis, aut utilitatis commendatione extollantur: si invidiosa, cum excusatione facti suscipiantur. Si minus apta locis, temporibus, personis, arte quapiam aptentur, & necessitatis, aut commodi specie inferantur. Videndum etiam, quæ cuique rei maxime convenient argumenta. aliis enim ex titulis e.g. laudandus miles: aliis Senator. illum à fortitudine potissimum, hunc à prudentia extolles, licet cæteris non destituantur virtutibus.

Deinde *personarum*, ad quas dicitur, *ratio* præcipua habenda est. aliis enim *salutem* nationes, *status*, *ætates*que rebus capiuntur. Hispani Gallique maximè trahuntur gloria, Itali & Germani juncta huic utilitate. *adolescencia* profusa est, voluptate ac laude capitur; *senium* horum magis fastidians, utilitatem spectat, sollicitum ne quid inter tot vitæ casus, sibi in extremis deficiat. Plebs universim magis lucro ducitur, honore nobilitas.

Tertio, & *dicentis* habenda *ratio*, qui cum ad suadendum, aut dissuadendum, accesserit, autoritate polleat necesse est, aut submittat aliorum potius iudicio rationes ponderandas, quam ut ipse ex his agenda definiat. Odii, metus, aliorumque transversum in sensum rapientium, suspitione affectuum vacare debet. *Temporis* denique *locique* *ratio* non negligenda; cum in sacris aliter & profanis dicendum locis, secus in acie contra hostem, quam foro ac curia.

§. 2.

Finem sibi scopumque orationis certum, ex *crinomeno*, seu *iudicatione* rectè intellecta, præfiget, ad quem argumenta singula, tanquam acum nauticam suam ad polum, dirigat, & quotquot huc tendere non animadverteret, tanquam otiosa, atque etiam noxia respuat. Quare non omnia syllogismo, aut enthymemate complectenda suaserim. ut Cicero in 1 *Catilinaria*, ubi hæc est quæstio. *An Catilina urbe excedere debeat?* universim hoc syllogismo utitur, *Quod tam è re Catilina quam Resp. est, hoc est faciendum.* atqui ut *Catilina excedat*, utrique expedit. Igitur *excedendum*. Quod si tamen diversi generis quæstiones in eadem oratione pertractandæ essent, ut pro lege Manilia à Cicerone factum, plures etiam syllogismi adhiberi poterunt. Hic enim primò quæritur; *an contra Mithridatem bellum suscipiendum sit?* iterumque postulatur. *An Pompejus illi sit bello præficiendus?* Primum universè sic probat. *Bellum in quo agitur de gloria, salute, vestigalibus, bonis populi Rom. est suscipiendum.* Tale illud est de quo deliberamus. Ergo est suscipiendum. Alterum ita evincit. *Ille in quo est scientia rei militaris, virtus, autoritas & felicitas singularis, hic præ cæteris est eligendus.* Vide quid in utroque syllogismo maximè controversum sit, & ab Adversariis negetur. In hoc enim *crinomenon*, seu *iudicatio* continetur, estque probanti in primis spectandum. Est verò utrobique assumptio, seu propositio minor. Unde Ciceronis argumenta in illius probatione potissimum versantur. Cætera paucis tanguntur.

§. 3.

Ubi ex his propositis intellexeris, quæ tibi res probandæ fuerint, distribue, tanquam urbem defendendam, in suas stationes. Ordo enim duplex; *naturalis*, quem natura fixit, & *artificialis* ab arte repertus. Ille plerumque tenendus, cum & memoriam fulciat, & ingenium illustret, ideoque, quæ tempore, loco, dignitate, pretio, necessitate prævertunt cætera, dicendo pervertenda non sunt. Valer hic ordo maximè in docendo, & tam in rerum investiganda natura, quam earum adjunctis. Ita plerumque docens ante rem definit, subinde dividit, proprietates, causas, effectus denique exponit, quemadmodum nos supra de inventionem fecimus. In personarum laude, antè illarum educationem, & juventutem, quam virilem ætatem tangit. In temporibus, ante præteritum, quàm præsens, futurumque expendit. Artificiali tum ordine utendum est, quando is, qui naturæ est, cum aliqua virtute negligitur. Ita inter rudiores sæpe convenit à notioribus transire ad ignota, hoc est, ab effectibus ad causas, à proprietatibus ad naturas, à genere, sive thesi, ad species & hypothesin, à partibus Physicis ad totum; illa enim his notiora sunt. Inter doctos verò ingenioso sæpe conceptu, qui rem totam complectitur, plus gratiæ minusque fastidii obtinetur, licet res in se perturbato ordine confundantur. Atque illud non rarò necessarium est, cum res notæ auditoribus tractantur, ut tractandi quadam novitate teneant, ac delectent. Ita in exornando, ad certarum gestarum, aut virtutum capita; ut in tragædiis, & heroico poëmæ affolet, totam alicujus Herois vitam revocare licet, & quandoque uno in facto, per comparisonem reliquorum diducto, tanquam in nucleo complecti iliadem. Qua in re iudicio non minus, quàm arte opus est.

§. 4.

Denique ad argumenta, quibus illa quæ probanda sunt, stabilias, perveniendum est. Hæc principio singulis ex fontibus, prout sese offerent, admittenda; deinde, velut conscripti milites in ordinem digerendi, imbellioribus, vel rejectis, vel in mediam conglobatis aciem; fortioribus in fronte, fortissimis in extremo collocatis; ut horum denique virtute Orator vincat triumphetque; sive docendo tantum, ac delectando; sive etiam movendo sit persuadendum. In Confutatione tamen adversariorum (nisi fortè multitudo rationum aut con-

nexio

nexio certum requirat ordinem) principium minus firma, fortissimum medium, imbecilla argumenta finem occupent. Ita enim auditor utrobique tenebitur expectatione victoriæ, quam ex primo orationis successu facilius concepit; dum neque Confirmantis rationes, neque refutationis dissolutionem aspernamdam putat, quæ ubi semel despexerit, ægrè adversus animus ad causæ æstimationem revocatur.

Diligenter hic causæ, personarumque diversa ratio expendenda est; ut illius vel asperitatem, vel invidiam, vel humilitatem aptis discas argumentis extollere, harum affectus moderari, quod insinuatione idonea dicentis præstandum est.

§. 5.

Postremum itaque est, rationem, non tantum causæ totius, sed & argumenti cujuslibet tractandi opportunè & ad persuasionem motumque proponendi ita pervidere; ut siquid, vel incredibile, vel absurdum, vel humile, vel dubium, vel obscurum, vel ingratum, vel prolixum, vel oppositum illius persuasioni, vel reprehendendum, vel turpe videatur, illud apta insinuatione, hoc est callida inductione eorum, quæ his adversantur, & auditorem teneant, molliatur. Universè hæc aliqua præfatione, præmunitione, aut excusatione leniri poterunt, tum deinde suis quæque contrariis moderari.

Ut, incredibilibus & absurdis, per alia, graviora, & tamen credita atque admissa, fidem aliquam conciliabis: humile ab adjunctis quibusdam aut similibus minimè abjectis extolles; dubium per signa quædam evidentiora firmabis. Sic pro Milone, arma obstrepentia, tanquam in præsidium comparata tradit, ut metum adimat. *Arma, ait, non periculum nobis, sed præsidium denuntiant &c.* Obscura definiendo, & dividendo, tum verò similibus maximè illustrabis. Ingrata, gratis temperabis; ut si cujus errorem perstringas, eum potius à nimio excessu v.g. Zeli quo ferveat, quàm ignavia profectum asseras. Prolixa nimium, vel honestis jocis, aut narrationibus jucundis interpolabis. Quæ persuasa sunt, vel orabis tantisper suspensio judicio differri: vel præjudiciis, ut Cic. pro Mil. facit, refutatis, subrues. Reprehendendis præmissa excusatio intercedet, ut non dicturum se asperius quicquam, nisi quod sine justa criminis expositione nequeant præteriri: aut certè laus, aut indulgentia admiscebitur, ut Cic. pro Sylla, ad Torquatum, *Do aliquid adolescentia, cedo amicitia, tribuo parenti, sed &c.* Res

surpis, vel cum aliqua dissimulatione, vel certe transitione tangatur. ut Cic. 3. in Verr. *Dare hoc & concedite pudori meo, ut aliquam partem de ipsius impudentia recipere possim, sileatur de nocturnis ejus bacchationibus & vigiliis &c.* Hac ingeniosa sese insinuandi in rebus durioribus ratione Cicero potissimum excelluit, priscisque Oratoribus palmam præripuit, ut cum in cæteris plures assequerentur, hic par nemo accederet. Tantum refert, non quæ reperias ad res pertractandas argumenta, sed quemadmodum iisdem, cum gratia audientium, utaris. in quo præcipuum consistit oratoris artificium. Porro quæ ad permovendos animos dispositio requiratur, infra prolixius, à peroratione, videbimus. Hæc universè ad dispositionem sufficiant, nunc singularum attributa partium expendamus.

CAPUT XVI.

De Partibus Orationis.

O Ratio constat exordio, narratione, seu expositione causæ, confirmatione, & (si opus) confutatione ac denique peroratione.

§. I.

Quid sit Exordium, & quæ ad illud requirantur.

Exordium est principium orationis auditoris animum idoneè comparans, ad reliquam dictionem, dum & benevolum, & attentum, & docilem efficit.

1. Igitur benevolentia comparatur, idque vel à personis, vel à rebus. In personis auditores, nos ipsi, & adversarii, vel clientes sunt. Auditores modesta laude dignitatis aut virtutis alicujus, maxime liberalitatis, justitiæ, fidei &c. tenebit. Se illis Orator conciliabit, si affectum suum erga rempubl. atque ipsos Auditores, vel etiam tenuitatem suam, cum voluntate gratificandi conjunctam, exponat; contra Adversarium vitiorum suspicione gravabit, clientes afflictionem miseratione dignam exponet.

Res ipsæ si magnæ, utiles, necessariæ, jucundæ, honestæ sint, benevolentiam merentur & amorem.

Exemplis pleraque Ciceronis exordia te erudient. Pro Marcel. & Ligario Cæsarem Tullius clementiæ ipsius com.
memo.

memoratione totum occupavit; ut ad misericordiam infle-
cteret. Ita pro Quintio Judicum æquitatem laudat, ut eos ad
damnationem adversarii inflecteret. Pro Plancio Judicum er-
ga se conservandam benevolentiam, ut eandem pro amico
obtineret. Unde faciliè intelligis, eam præcipuè in auditoribus
virtutum extollendam esse, quæ ad causæ tuæ propositum
obtinendum faciat.

A persona sua pro Rabir. Cicero auditorem conciliat, tum
amicitiæ cum Rabirio jus, tum consularæ officium quo Reip.
obstrictus sit, commemorando. A persona afflictæ Clientis pro
Rosc. Amerino, uti contra à Chrysogoni adversarii avaritia, ab
hoc ad illum animos Judicum transferre conatus est.

2. Attentionem conciliat, si de rebus vel magnis, vel raris,
admirandisque, vel atrocibus, vel magnopere auditori profu-
turis, vel recens cognitis se dicturum promittat. Hæc enim
cupiditatem audiendi inflamat. Ita Cic. post Rabir. ait. *Post
hominum memoriam rem nullam magis periculosam suscep-
tam &c.* Potest & historiâ, aut jucundâ fabulâ, attentio som-
niculosi ac fastidientis auditoris tam in exordio, quàm pro-
gressu orationis excitari; ut Demosthenes à contentione de
umbra Asini inter conductorem & Agasonem nata, auditores
ad controversiam longè graviorē de hominis salute excitavit.

3. Docilitatem paramus, si paucis dilucidisque verbis sum-
mam rei, de qua oratio instituta est, complectamur; vel sim-
plici ejusdem expositione, vel definitione, aut in suas partes
(quæ tamen multæ ob vitandam confusionem non sint) dis-
tributione rei præmissa. Ita Cic. pro Cluent. *Animadverti
Iudices omnem accusatoris Orationem in duas divisam esse
partes &c.* Itaque certum mihi est eandem distributionem in-
vidiæ, & criminis servare &c.

Cæterum in causis dubiis, absurdis, ingratis, turpibus in-
primis, de comparanda benevolentia; in humilibus, & pro-
lixis de attentione; in obscuris, & incredibilibus, de doci-
litate Orator debet esse sollicitus, atque in plerisque grata
insinuatione, ut supra monuimus, uti, dissimulata re ingra-
ta, vel turpi, donec favorem audientium occuparit. ut Cicero
leges Agrarias populo acceptas damnaturus, ab illorum laude
& adversarii reprehensione sensim ad rei propositionem dela-
bitur.

Neque ubique his exordienti artificijs, imò nec ipsis qui-
dem

dem opus erit exordiis. Nam si auditor & causæ addictus sit, & ejusdem non ignarus; vel si breve tempus, res gravis, moræque impatiens, ex abrupto, sive à re ipsa incipere Orator poterit. Ut Cic. in Catil. *Quousque tandem abutere patientia nostra, Catilina? &c.*

§. 2.

Vnde, & quomodo deducantur exordia, ut apta sint?

Post totius Orationis corpus repertum apteque dispositum, de exordii primum argumentum cogitandum est. Ego, inquit, Cic. lib. 2. de Orator, omnibus rebus consideratis, tum denique id quod primum est dicendum, postremo loco soleo cogitare, quo utar exordio. Nam si quando id primum invenire volui, nullum mihi occurrit, nisi aut exile, aut nugatorium, aut vulgare, atque commune. Principia autem dicendi semper, cum accurata, tum acuta, & instructa sententiis, tum quasi causarum propria esse debent. Prima est enim quasi cognitio & commendatio orationis. En plerasque exordii dores, cum illius inveniendi ordine ac ratione.

Debent enim exordia esse causarum propria, sive ex ipsis causæ visceribus, ut ajunt, deprompta. Quare licet ex omnibus inventionum locis ad causam, quam tractas, spectantibus desumi possint argumenta; ex locis tamen propriis atque intrinsicis hausta cæteris præferuntur. Idque latius plerumque in genere exornativo (quod Cicero parcè attigit, hodie verò est frequentissimum) usurpatur. Nam in deliberativo & judiciali Cicero ferè, vel ex sua tantum, vel auditorum aut adversariorum persona, quippiam eruit, quod ad præsens causæ institutum pertineret; ut illi, vel favorem, vel odium conciliaret.

1. Universè autem in exordio Orator in singularibus & hypothesei, orationem ferè ad genera, aut thesin convertit. Ut constituisti, vel laudare temperantiam in potu, vel eam suadere adolescentibus, aut ostendere in judicio Zenonem Imper, ebrium rectè ab Ariadna sepulchro inclusum. Hic vel à rebus universè sumptis, ut laude temperantiæ in genere, imò & virtutis in pulchritudine ordiri licebit: vel à personis ad hanc causam concurrentibus, ut si ostendas, quanta illa sit hominis dignitas, quâ supra bruta eminet: quantoque illud studio declinandum, quod hanc nobis creptum eat, vel à causis ebrietas exempli gratia, vino, ut quanta sit Dei liberalitas, qui non

nobis in vita ad hanc alendam necessaria, sed quædam etiam cum honesta oblectatione coniuncta, ad solam copiam, indulserit, ut tot sunt ciborum & potus genera. Vel ab effectis, ut quantum bonum sit, tranquillitas domestica & civilis, miserumque infestis illamurbationibus subverti, in se suosque hominem locupletem abstinere, quando tot egentium passim hominum fame siti que affligantur, quibus iure subvenias.

2. Hæc similiaque cum non nihil argumentando, quemadmodum in ipsa confirmatione solet, diduxeris, aliisque etiam nonnunquam, per ratiocinationem perfectam, argumentis stabilieris atque exornaris, ad minorem propositionem, siue assumptionem sic deflectes, ut dicas exempli gratia (*quo ad rem*) hanc temperantiæ seu virtutis pulchritudinem ab ebrio contemni; (*quo ad personam*) hanc illius dignitatem per ebrietatem obscurari; (*quo ad causas*) hanc Dei liberalitatem ab ebrio in hominis exitium converti (*quo ad effecta*) hanc tranquillitatem ebrios evertere, & (si spectes *adjuncta*) benignitatem in pauperes enervare. Quæ cum moderatè etiam amplificaveris, via tibi vel ad laudem temperantiæ in potu, vel ad dissuadendam ebrietatem, vel ad Zenonem damnandum erit præparata, ut de tota deinde causa, quæ volueris dicere, per brevem dilucidamque propositionem declares.

3. Uti à locis propriis, sic & à communibus argumentum exordii licebit sumere. Verum laude minori, quod non ita proximè intimèque causæ jungantur. Sic virtutem felicitatemque bellicam Alexandri pro exordio laudabis, quam deinde ad propositam tibi causam deflectens solâ dices ebrietatem pessum dedisse. Sic Veterum testimonia, leges, & judicia pro exordio inducturus, primo eorum in disciplinis politicis sapientiam extolles, ac deinde quid de temperantia prudenter decreverint adduces. Simile etiam nonnunquam, aut fabula occasionem dicendi afferet, cui tuæ orationis thema aptabis. Quæ, ut minus semper artis, ita sæpe tamen non minus gratiæ obtinebunt.

Cæterum, ut ante memini, quæcunque pro exordiis eruntur, argumenta, & manifesta esse debent, & grata, hoc est, ad docendum & conciliandum auditorem accommodata. Cum hoc solum fine exordia assumantur. ad causam enim probandam instituta est confirmatio.

4. Cavendum verò, ne, ut supra in se reprehendit Cicero, ex-

odium *vulgare* sit, quod pluribus quæcūq; causis accommodari: ne *commune*, quod etiam contrariam partem tuenti seruiat: aut *commutabile*, quod leviter inflexum dicenti adverteretur: aut *longum* nimis, quod, velut caput monstruosum, exile corpus dedecoret: aut *separatum*, quod causæ non adhaereat: aut *translatum*, quod aliud, quam causæ genus exigit, præstet: aut *contra præcepta* sit, iis quæ exordium requirit, de benevolentia, attentione, aut docilitate, cum opus est, male neglectis.

CAPUT XVII.

De Narratione & Propositione.

NARRATIO est *perspicua probabilisque verum gestarum expositio*, quæ si statum aut fundamentum causæ complectitur, *brevis* est, si ad causæ confirmationem referatur, *suavis*. Duplex enim hæc apud Oratores reperitur, illa brevis & moderata; hæc sæpe longior, & figuris interpositis ornata atque accensa, illius pro Milone exemplum datur; hujus pro Cluentio de Sallia, & 2, in Verrem de Sopatro. Nos infra quædam ex Cic. exempla promemus imitationi proposita.

Sit igitur Narratio verbis, atque ordine, cum rerum, tum temporum *perspicua* sit *probabilis*, tum ab autore notæ probitatis ac fidei, tum adjunctis personarum locorum ac temporum &c. denique *brevis*, hoc est succincta verbis, rebusque tantum ad causam instructa utilibus. Quod si tamen confirmationis, simul ad modum comparata, pars sit, *suavis* molliorum figurarum inductione, etiam reddatur. Quare admirationes habeat, expectationes, inopinatos eventus, hypotyposes, dialogismos: iracundia, metu, lætitia incendatur. Qualem in Ver. 7. de Romano cive in foro Messanæ virgis cæto videbimus.

Porriò in causis generis exornativi & deliberativi, pro Narratione illa, quæ statum complectitur, *propositio* soleat adhiberi, quæ est *brevis status totius comprehensio*, vel indivisa, vel in partes aliquot distributa. (quas binario aut ternario plerumque numero absolves, quod multitudo confundat:) quinarium certè numerum transgredi, duxero vitiosum, Ita Cicer. Philip. 7. cum dissuaderet cum Antonio pacem, Propositionem factam

factam sic distribuit. *Cur pacem nolo? quia turpis est, quia periculosa, quia esse non potest.* Hac tria dum explico, peto à vobis &c.

Solet vero post factam propositionem, attentio plerumque ac benevolentia Auditorum ab Oratore demisse postulari.

CAPUT XVIII.

De Confirmatione.

Confirmatio præcipua Orationis pars est, qua orator rei propositæ per argumenta fidem facit, & si opus voluntatem impellit. Hæc nonnunquam Confutationem, sæpe etiam Amplificationem, ad promovendos animos admittit, quam hæc in peroratione potissimum dominetur. Unde & post hanc illius artificium pertractabimus.

1. Primum itaque in confirmatione est, rem quæ probanda est; per suas in quas distribuitur partes (si tamen plures sint) sibi proponere. Exemplo nostro de ebrietate utamur, Vis suadere, *adolescenti ebrietatem vitandam esse.* Simplex hæc propositio est, quod si diceret, *otium atque ebrietatem adolescentia pestes esse,* in duas universe partes esset distributa, ideoq; pro singulis harum probandis argumenta invenienda essent. Nos priori simplici insistamus, quæ licet in se indivisa per diversas rationes (ut ante in Phil. 7. fecit Cicero) secari poterit. Quærat itaq; argumenta Orator (quod primum sua confirmantis Officium est) & se ipsum interroget, quæ causa cur ebrietas merito adolescenti fugienda sit: & occurret ex fote; quia & turpis, & injucunda est. Pergit igitur, & vel hæc enthymema pro fundamento totius Confirmationis ponit. *Ebrietas est turpis, noxia & injucunda Ergo adolescenti est de vitanda:* vel, si aliquāto fusius rem malit diducere, hunc syllogismum statuit. *Quidquid turpe noxium atque injucundum est, hoc merito adolescenti est de vitandum, ebrietas est turpis, noxia, atq; injucunda, ergo &c.* Prima pars syllogismi propositio vocatur, & thesin continet; altera assumptio & hypothesin; tertia complexio, quia priores in se complectitur. Dialectici conclusionem vocant.

2. Alterum est, ut hoc fundamento confirmationis, ex argumentis invētis, constituto videas; quid ex illo potissimū, & quomodo probandum sit Propositio illius syllogismi ab omnibus

bus admittitur, ideoque probatione non eget, sed exponitur tantum; ut existius concessione alia, quæ consequuntur, vim habeant. Assumptio vero (seu antecedens in enthymemate propositio) est, quæ potissimum negatur, ideoque probanda erit, ut quod *ebrietas turpis sit, noxia, & injucunda*, quare ad hanc stabiliendum omnes inventionis fontes explorandi sunt, & 1. quidem illi parti insistendum est, quod *ebrietas turpis sit*. Quæres igitur, ex fonte primo, quid *turpe sit*? quod, inquam *honestati adversatur*. Quod si satis nondum explicet, definiendo perge, quid honestati adversatur? Quod, inquam, *rationis humana, & præscriptas virtutis leges violat*. At hoc (sic conclude) facit ebrietas, quæ rationem obruit, virtutem negligit, ejus leges conculcat, vitiis faver, luxuriam alit, &c. Progrediendum enim sensim, per alias aliasque rationes, differenti est, donec minus certa per certiora abunde probari, atque intellectum convincere videantur, quod difficile futurum non est, si Orator rerum quas tractat, naturam, causas, attributa, effecta; & adjuncta, pleraque, velut in quadam imagine per classes depicta, ante oculos habeat. Demum, ad locos communes, hoc est contraria, exempla, similia, leges, auctoritatesque testificantium (præsertim ubi rationes ex locis propriis minus firmæ erunt) sese effundet. Quod si vero hæc ratio ex fonte primo ad turpitudinem demonstrandam non sufficiat: quære ex fonte 2. per quæ, aut quos, hæc ebrietas causetur? & (si causam efficientem velis) quis autor? & occurret tibi quod vel *Dæmon sit*, vel *prava cupiditas*, aut *nefaria societas*: si finem spectes, quod *bruta sensuum oblectatio &c.* (Tu de pluribus argumentis fontes consule) Ergo, quam turpe sit *Dæmonem*, Ventremque potius, quam Deum ejusque leges, cum omni honestate conjunctas, sectari ostendas. Hanc sequelam facile concedent, (quanquam & illam breviter ex opposita utriusque natura, legibus, regno, præmiis poteris demonstrare) ut *Dæmonem ebrietatis autorem esse*, difficilius admitteant. Hujus igitur reddenda erit ratio, quæ tum ex hoc sumi poterit, quod omnis vitii suavor autorque sit *Dæmon*, tum quod violatæ temperantiæ singularis consultor videatur, quod primum flagitio Adamum, totumque cum ipso humanum genus, præcipitarit. quæ ut manifesta res est, ita aliis locis communibus ad illustrandum non indigebit. Primam itaque partem, quod ebrietas res turpis sit, vel ex postrema hac solum, vel ex altera simul fontis primi ratione strictim in memoriam revocata, concludere poteris, & ad secundam partem fundamentalis argumenti transire.

Seque

Sequebatur, quod *ebrietas* vitanda sit, quia *noxia* esset: Quid est *noxium* esse? nisi *multa* illam inferre *damna*. In quibus bonis? naturalibus, eisque vel internis, ut ingenio, memoria, valetudine, forma, &c. vel externis, ut opibus, honore, vita, fama, &c. aut mortalibus, ut quæ virtutum plerarumq; hostis, tot vitiorum parens. Nec ipsi tantum homini, sed & proximo *noxia*, neque in rebus solum perituris, sed æternis quoque. Hæc si exemplis (quibus ea potissimum nituntur) tum contrariis aliisque locis communibus exornaveris, nec rationes, nec materia scribenti deesse poterit. Quæ ubi rursum aliis aliisque, cum opus erit rationibus, vel ornaveris, vel amplificaveris, ac denique conclusiuncula brevi collegeris, ad ebrietatis incommoda certius inculcanda, hic subsistes, atque ad ultimum te membrum conferes.

Postremum erat, *ebrietatem injucundam esse* ideoque jure fugiendam. Quid (quæres) est *injucundum esse*? nisi *cum multa conjunctum esse molestia, & afflictione*. Quibus igitur in rebus affligit ebrietas? In mente, inquam, ex conscientia scelerum inquieta: In corpore, dum caput turbat, pedes debilitat, stomachum gravat, nauscam creat, morbos plures generat &c. In rebus ad vitam necessariis quas exhaurit: In domesticis quas turbat: In morte, quam & præcipitat, & metuendam efficit; In æternitate quam durissimam atque infelicissimum in pœnis meretur. Ex his, per contraria, exempla, autoritatesque (si velis) expertorum diductis, ad Conclusionem universalem digredere, &, vel per solas rationes ultimas, vel per graviores omnes enumeratas, ad persuadendum, vires dicendi collige.

En dispositionem confirmationis, per suggesta breviter argumenta, eademque per argumentationem stabilita, quæ tam ad prolixas, quam breves orationes possit sufficere. Nam in brevibus satis erit unum aliquod argumentum, sive partem Confirmationis, ita diducere: vel certe omissis, per singulas partes, locis plerisque communibus, tantum propriis insistere. Si prolixior argumentandi materies placeat, loca ex propriis plura licebit excutere, cum ego tantum nonnulla attigerim, ut facile colliget, qui exempla locorum à me cap. 3. proposita expendit. In plurium vero argumentationum concursu illud, quod alibi de arguendi entis monui, teneat, ut imbecilliores medium fortissimæ finem occupent, ac denique vi sua persuadeant.

3. Tertiū, præcipuumque Oratoris in confirmatione

officium est, ut si animi concitandi sint, atque ad certum propositum impellendi (quod fit in omni oratione, quæ non solum ad docendum, sed etiam ad agendum quippiam instituta est) amplificationem sive exaggerationem, cum verborum, tum rerum non negligat, cujus beneficio auditores inclinet, de cujus artificio: & vi, paulo post videbimus.

4. Quartum postremum est, ut tam in argumentatione, quam amplificatione quædam varietas observetur ne similitudo fastidium pariat. De hujus varietate postea: de illius commutatione sic accipe Non debere Oratorem dialectico ordini alligari, sed licet unius syllogismi formam præ oculis habeat, tamen à conclusionem quandoque ordiri posse, finire alias assumptionem nunc simul plures cumulare propositiones, priusquam complexione subiciat. Quod ipsum varie potest fieri. Inductione scilicet, cum ex pluribus singularibus una generalis propositio inferitur, idque vel ex locis propriis, vel communibus, hoc est, exemplis, similibus, aut etiam horum contrariis vel sorite, cum ex una propositione ad aliam velut gradatim transitur, donec spectata denique inferatur conclusio (quantum hoc genus rarum, fallaxque esse soleat) Adde nunc rationcinando hæc eadem varie interpolari mutarique posse, si modo propositioni, modo assumptioni, quandoque etiam ratio alia, quam in syllogismo allata est conclusioni subiciatur. Quia & rationes nunquam cumulari plures, & ipsius (si multa paucis complectaris) allatæ rationis causam aliam, fundamentumque assignari. Quæ universa exemplis docere velle, prope sit infinitum, atque etiam supervacaneum; cum natura hac abunde sine arte moderati queat, modo tantum sollicitum fueris, ne eadem tractandi methodo fastidium moveas, noverisque immensum quendam patere Oratoribus variandæ argumentationis campum. Si quis tamen exempla desideret, quævis boni Oratoris dissertatio suppeditabit, & in primis Cicero rara veritate omnes solitus orationes exornare. Breve tamen exemplum in proposita nobis materia hoc esto. Statuatur ille syllogismus dialecticus *Propositio* sit. Omne noxium vitandum. *Assumptio* ebrietas noxia est. *Complexio*. Ergo ebrietas est vitanda. Jam rhetorice idem sed strictim prosequamur, *Rationes* & ingenita natura propensio ad hoc erudit, ut noxia quæque atque inimica salutis nostræ vitaremus. en propositio quid vero perinde potest esse noxium atque infestum salutis nostræ, si ve illam quæ corporis est præsens, si ve etiam quæ animorum futura est spectamus,

meas, quam abominandum illud ebrietatis vitium, quo Germanorum non pauci adhærescunt? (en assumptio) Hoc igitur quisquis sapienti fugiendum esse negaverit, non ego inter homines esse censeam ratione praditos, qui quid noxium sit, quid salutare humano generi, considerent. (en complexio) Variabis 1. si, propositione neglecta ab assumptione ordiaris. 2. si a complexione incipias hoc modo: Non ego illum inter homines ratione praditos esse duxero, qui ebrietatis vitium homini neget esse fugiendum. Quid enim magis illi poterit esse noxium, si ve vitam hanc corporis, si ve anima consideres? Si assumptione præmittas propositioni. Cave noxiū ebrietatis vitium conſequeris, nocet corporis, nocet anima incolumitati. Non potes illud non abominari, si qua ratio, qua natura tibi vitanda ostendit, avertaberis. 4. Si plures simul propositiones jungas, unde ista per inductionem sequatur conclusio, ut, fugis quidquid valetudini inimicum esse nosti: fugis quidquid caput affligit, & pedes debilitat; fugis quidquid ingenium hebetat, rationem opprimit, mentem inquietat: fugiēda itaq; ebrietas unde universa hæc mala exundant. Variabis 5. rationibus, si ve causis, vel propositionis, vel assumptionis, vel utraqueq; vel etiā complexionis, apposis utrius exemplū sic Fugis quidquid valetudinē laedit, & merito, potissimū enim huius corporis in vita bonū est sanitas, quidam igitur ebrietatē devites, quæ hoc bonū indigesta cruditate tibi subvertit? En utriusq; tã antecedenti, quam consequenti propositioni rationē adjunctam 6. Si rationes plures sibi invicem nectas, cum stricta rem totam dictione lubet complecti, ut, quid ne valetudinem studiosè conserves, cum & illa potissimū corporis bonum sit, & membrorum sensuumq; unum integrum, mentis alacritatem, vita totius felicitatem tueatur? Hoc tamen bonū non poteris, nisi devitata ebrietate obtinere. 7. Si illata propositionis ratio aliis rationibus adductis stabilietur (quod cum prior ratio minus firma est, frequens esse solet,) ut Eugene tuere valetudinem rem sane raram magnamq; tueberis Quod enim bonum illa humano in corpore prestantius est? nam si e jucunditatem spectes, amœna est; si ve utilitatem, commoda sine hac cibis parvam adferet voluptatē, lusus exiguam recreationē, pecunia parvam utilitatem. O te igitur ignarum, si non intelligis una hac tibi et. p. ebrietate universa. Hæc rursus, ut supra, per seipsum & per conclusionem præmissam, ejusque deinde rationibus subnexis, poterunt usurpari, ut Fuge ebrietatem hæc est serva valetudinē, nulla enim sanitati & ac una pestis est infestior, stomachum obruit, cruditates generat, tenuesq; ut quæcunq;

ces per intimos membrorum nexus humores instillat, unde pedum manuumque usus atroci dolore enervatur. 9. Per dilemma idem sic urgere poteris, aut ebrietas fugienda est, aut denique carenaum sanitate corporis, atque anima salute, utrum malis elige, brevis ebrietatis voluptas est, longus amissa sanitatis ac salutis dolor: illa levissimo oblectationis sensu palatum oblectat, hic aeterno corpus animumque cruciat. &c.

Longum sit omnem hic argumentandi varietatem expendere. Hi modi strictim percensiri sufficere tam indiligenti, quam industrio hujus artis studioso poterunt, & una cum dicendi copia varietatem suppeditare.

CAPUT XIX.

De Digressionem.

DIGRESSIO est aliene rei, sed ad causa utilitatem pertinentis, extra ordinem excurrens tractatio, ad armandam orationem instituta. Episodiis Poëtarum respondet; verum frequens minus & fusa oratoribus tum plerumque usitata, cum res, vel inamœna & sterilis, vel minus grata auditori tractatur. Etenim in hanc quandam ex cognata materia, aut artificiose connexa, vel copiam, vel gratiam transfundere, cum virtute orationis conjunctum est.

Sic igitur res quæ per digressionem tractatur, cum causæ utilitate conjuncta; ne temere accersita videatur: sit deinde eidem vel natura affinis, vel ingenio apte connexa; ne per vim intrusa, & velut in catastam adducta, reluctetur: sit denique amœna & grata, sine hac enim dote, nec utilis quidem esse poterit; cum quod durum ingratumque est, quantum licet, ex propriis etiam causæ partibus proscribendum. Duplex vero, quantum ad materiæ genus spectat, potissimum est digressio, altera quæ in narratione historica versatur, continetque expositiones rerum gestarum, locorumque, ac personarum descriptiones, qualis est Ciceronis Verr. 2. de laude Siciliæ, & in Verrina 7. plurium historiarum diductio: altera, quæ thesin, seu locum aliquem communem; qui pluribus causis potest accommodari, prosequitur; ut sunt quæ universe de fortunæ, corporisque, atque animi bonis, hoc est, virtutibus eorumque oppositis malis, & vitiis differuntur. Ita Cicero pro Roscio in Erucium, & Accusat ores ineptos digreditur. In his can-

candidati eloquentiæ præcipue exercendi sunt, quod & loci hi cæteris notiores sint, & ad res deinde singulares haud difficulter applicentur.

Quæ de *Transfitione*, hoc est modo à parte una orationis ad aliam transeundi, hic nonnulli perscribunt, nobis visum est, alium sibi locum de elocutione opportuniorem requirere. Quare de hac infra dicendum.

CAPUT XX.

De Confutatione.

CONFUTATIO pars confirmationis est, qua contraria adversariorum argumentationes dissolvuntur. quæ tamen in diluendis argumentis (cum ordinem licet, sine nota, confundere) viam confirmationi oppositam sectatur. mediocritas in fronte aggreditur; ut & par esse possit; & hostile robur non videatur negligere, & fortissima in mediam digerit aciem imbelliora in finem rejicit, leviori opere, & tanquam victrici jam manu disjicienda.

Triplex vero à Quintiliano lib. 3. c. 13 refutandi ratio aperitur. Nam ait, aut negandum, aut defendendum, aut transferendum est quod objicitur. Quod enim falsum est negatur; quod verum admittitur, & velut reus defenditur, vel deprecatione lenitur, vel explosione aliqua elevatur. quod anceps in adversarium, aut alio transfertur. Quibus in rebus, non tam eloquendi ornatus & copia (ut in Confirmatione reliqua fit) quam ingenii vis, & acumen valebit; tum vibrans quædam & stricta dicendi ratio, per interrogationes, subjectiones, concessionem ironias, & increpationes adversario inorta.

Quemadmodum igitur negando confutabit? Aut simpliciter negabit, ut Cicero pro Quintio. *Negamus te bona Quintii, Sexte Navi possedisse ex edicto Pratoris*; aut certe ex persona, vel adjunctis, contrarium verius esse demonstrabit. Sic pro Roscio Amer. *Patrem occidit Roscius. Qui homo? adolescentulus corruptus, vetus scarius, homo audax, &c.* quod ironice subjicit, ut ostendat, qui talis non sit, patrem occidere non potuisse.

Quomodo defender factum quod negare non potest? Si nullum petet effugium, atque ex Judicis arbitrio non ex legum rigore ejus remissio: aut etiam, si quantumvis defensum, ad-

huc dubium maneat, verumne sit? deprecando, atqui Judicis elementiam confugiendo tuebitur. Illud Cicero pro Ligario: hoc in variis perorationibus facit 2. Si factum elevemus, vel regerendo par factum, in personam adversarii, ut ideo hanc illi accusatio obesse etiam debeat, si ob sit accusato; vel simile argumentum ex re ipsa petendo, unde pari arte, & vi adversus Tiberonem accusatorem facit, cum in eodem illum crimine hostilitatis in Cæsare fuisse contendit, cujus Ligarium arguebat. hoc pro Caelio agit, ut scilicet, cum luxuriam præteritam negare non posset, jam saltem ex laboribus actionibusque susceptis, frugi hominem esse, et mandato errore doceret. 3. Si hoc quod factum est, vel re factum probemus vel certe ex eo minime consequi quæ adversarius intendit, utrumque pro Rosce, Cicero conjunxit. *Vides, ait, Eruci quantum distet argumentatio tua, abs re ipsa atque a veritate quod consuetudine patres faciunt, id quasi novum reprehendis, quod benevolentia sit, id odio factum criminariis.* 4. Facitis urbanisque nonnunquam dictis facti gravitatem eludimus, in quo genere egregius artifex Cicero est, sic pro L. Flacco testes Asiaticos facere exagitat, ipsumque manifestis delictis subducit. 5. Cum negari crimen nequit, saltem attenuetur verbis, ut pro sordido parcum pro maledico liberum fuisse non diffiteamur. Elevemus factum similibus, aliorumque exemplis virorum illustrium, quos una labes non obscurat. Quæ ab adversario facti adjuncta minus urgentia adducta sunt, hæc disertissime à confutante, cæteris firmioribus dissimulatis, exponantur, ut facilius veniam mereatur.

Quo pacto factum transferet, adversarium redarguendo 1. Si factum anceps, non probabile, imo fictum probare conetur. Sic pro Cluent. Cicero. *Iam verò illud quam non probabile, quam inusitatum, quam novum, in pane datum venenum? faciliusne potuit, quam in poculo?* 2. Si per contraria à se dicta adversarius refellatur, ut pro Caelio, *Clodia aurum se Calao commodasse dicit, quod summi adii argumentum est.* 3. Si adversarii suismet argumentationibus petiti in criminis suspensionem adducantur. Sic pro Roscio, sicarios Sexti interfectores ab accusatoribus potius immissos docet. 4. Si crimina tanquam indigna quæ obijciantur, contemptim Orator respuat, ut ibidem Cicero de Erucio. *Ille quomodo crimen commentitium confirmaret non inveniebat; ego res tam leves quemadmodum infirmæ ac diluam, reperire non possum.* 5. Si explodat facinus, vel stric-
ta in;

Et a interrogatione; vel cum indignatione respuens; vel cum permissione aliquid indulgens; vel cum irrisione rejiciens, modo desit immodestia, quod pro Muræna egregie Cicero præstitit, cujus infra exemplo prolixius utemur.

Hæc univérse de confutatione dicta sufficiant, in qua Cicero supra omnes suæ ætatis Doctores, uti & in amplificatione (de qua postea) maxime excelluit. Hanc autem erudire tractare, plus sæpe ingenii, quam artis continet. Ego paucis his multa de illa complexus sum, unoque difficulter exemplo, in materia de ebrietate declararem, nisi brevitatís studio abstererem. Nam Germanum pro ebrietate adversus Italum accusantem inducérè, defensionì ille quædam non importuna reperiret, licet quædam ingeniosa magis, quam solida. Dicat Italus Germanum vino abuti: hic vel neget, vel etiam ostendas, quã temperanter prudenterque illo ad multa utatur. Dicat Italus nonnunquam vino inebriari: concedat Germanus: &, vel deprecetur lapsum? vel Italos non minus in hoc delinquere, aut in alio gravius etiam prolabi crimine asserat: vel non malo quandoque eventu à Germanis fieri contendat quod amicitia hoc pacto læsa sarcatur, nondum facta coalescat: vel facere explorat, quod mirum videri non possit, si Germanus Rheno vinifero propinquus aliquando sese abluat: aut linguam tardio rem durioremque hoc liquore solvat, ac molliat. Denique tantum minime delictum haberi posse, quod tot tamque gravibus aliorum sententiis præstringatur, cum humanitatis atque hospi talitatis ratio id exigere à Germanis semper visã sit, ut liberali illam haustu, apud gratos sibi amicos contestentur. En delictum utcunque defensum. Nunc quemadmodum id ipsum transferendũ sit videamus. Dicat Italus, rectè Imperatorem facturum, si ebrietatem frequentium inter Germanos turbatum cædiumque causam, legibus civilibus proscribat ac puniat. Neget Germanus, tũ quid anceps sit; plus ne mali an boni ex hac lege secuturum sit? lex autem ferri debeat, ob majus bonum tum quod Italus, cum suo concedat, Germanos inter pocula de maximis rebus agitare consilia, unde vinum sapientiæ fomentũ esse necesse sit; contra affirmet Germanos maxime delirare inter pocula, qua in re manifeste secũ ipse pugnet adversarius: tum quod odia inter vinũ sese prodere, atque in cædes nonnunquã erũpere inter Germanos laudabilis sit, quã inter Italos pluribus hæc sæpe annis occultata in cædes insidiosas ac reperi-

repentinas sæpe effundi : tum quod levicula hæc sint, aliquando vulnere aliquo accepto datove, contentiones atque odia terminari; neque digna quæ in totius generis singularem infamiam trahantur, tum denique quærat: ad eone sancti ac moderati sunt Itali, ut se non aliquando (& quam Germani etiam frequentius) mutuo depectant? an idcirco novis legibus, quam Christiana præscribat charitas, obstringendi videntur. Hoc fore ludibrio leges objicere, de re tantilla legem condere, leges sine lege ferendas non esse. Germanos sine legibus etiam juxta legem vivere. Dignam hanc Italici fore, qui inter pocula gravius delirarent, &c.

En contentiosæ orationis, ultro citroque suis argumentationibus ductam, per plerasque refutandi vias, materiam: quam, ut par est, ornate dicendo eloquentiæ studiosus, exercitationis gratia, poterit.

CAPUT XXI.

De Peroratione.

PERORATIO est totius Orationis generalis quedam conclusio, ad persuadendum accommodata. Hæc duabus potissimum absolvitur partibus, enumeratione & amplificatione rerum præcipuarum.

1. Enumeratio hoc fine instituitur, ut totius causæ vis, & comprehensio, velut in brevi tabella, memoriæ judicioque auditorum proponatur. Amplificatio, ut rationum fortissimarum, velut in unam collatarum aciem, totus simul impetus animum affectumque auditoris expugnet, nisi una aliqua tam potens sit, ut hæc tanquam generosus in exercitu imperator, sola ad reportandam victoriam, cæteris tantum stipantibus, maxime contendat. Hic vero omnes eloquentiæ nervi ab oratore intendendi sunt, cum supremus ille congressus sit, in quo nisi perumpat vincatque persuadendo, operam frustra collocavit. Fidem igitur in rebus docendis, affectum etiam in agendis (quæ præcipue Orator tractat) obtineat necesse est, si propositum sibi finem assequatur.

2. Providendum vero in Enumeratione erit, quid causa, quid auditor postulet. Si causa, vel obscurior, vel prolixior, auditor etiam rudior, quam ut omnium meminisse rationum possit, articulatus illa disertusque instituenda est, ut omnia simul

simul mentiad impetrandam fidem subjiciantur, ubi verò aut brevis, aut clara est, aut etiam satis auditor instructus, summa tantum dehbanda erunt rerum capita, quæ conclusiōni urgendæ sufficiant, aptisque sententiis, figurisq; exornanda; ne vel illius diffidere memoriæ, vel ex repetitione fastidiū movere possis Maxime vero cavendum, ne diserta rationum inductiōne, alteram quasi orationem instituere videaris. Sic igitur de vitanda ebrietate licebit peroranti rationes enumerare. *Quare cum ebrietas ita turpis sit, ut omnem honestatem obruat, ita noxia ut gravissima mala inferat, ita injucunda, ut difficillimis gravet laboribus, procul tantum à vestris arcere consortiis. nolite oblivisci Christiani nominis, tanto sanguinis Christi pretio comparati, salutis vestra tam impense ab illo quasita, felicitatis aterna, tam bruta voluptate prodita, &c. Invitant vos tot heroum anima temperantia laude illustres: suo exemplo prœvocat majorum pietas, Christus ipse suis & legibus urget, & cohortatione impellit, & vita incitat, &c. Ubi vides, tam ex locis propriis, quam communibus perorantem gravissimas quasque rationes strictim colligere.*

3. Rursum in amplificatione, quæ ad motum instituta est, providendum erit, ut non tam multis, quam efficacibus verbis sententiisque propositum urgeas. Quare vehementes amplificationis figuræ (de quibus infra) atq; inprimis apostrophe, deprecatione Judicum, Invocationes Dei, ac Cœlitum, tum etiam nonnunquam prosopopœiæ ad impellendos animos poterunt adhiberi. Ante omnia verò affectum quem Orator auditoribus impressum voluerit, hunc in se exprimat necesse est, quod Cicero in *Orat. perfecto*, & in se præcipuum ad impellendum auditorem fuisse adjumentum, & in aliis futurum, agnoscit. Juxta hic imagines rerum absentium vivaci phantasia expressas, velut præsentēs intueri, rebusque ut gesta sunt, interesse, quod potentissimum hoc sit, ad excitandos affectus invitamentum, & quandoque etiam auditoribus, ut suis lineamentis ad vivum depictæ exhiberi possint, ut in nostro de ebrietate themate. *Proponite nunc vobis divitem illum belluonem, post vitam, infamem sceleribusque plurimis obnoxium, sic denique in flammis infelicibus Abrahamum compellantem: ille ego hominum miserrimus, qui olim in purpura ac bysso, in auro & gemmis, inter cōsequentes famulantium manus, epularum ac vini confectabar delicias, (heu fluxas nimium voluptates, & erepta cito gaudia) nunc in squalore ac tenebris, inter hominum ac Daemonum opprobria, inter tormenta nunquam finiē-*

da, atrocissima siti conficior. affuebant mihi olim ad famem sitimque extinguendam omnia, nunc vel unica refrigerantis aquae gutta destituor. Damnata sit illa lux, quae me primum in lucem effudit, eterna quondam caligini destinata, damnata nutrix quae suo lacte pavit, nunc siti atq; ardoribus sempiternis crucianaum, damnata opes, quae funestissimum persuasere in mensa luxum, damnata pocula, ebrietatis quondam instrumenta, nunc sitis alimenta perpetua. Cavete hunc lapsum nepotes vestriq; tam infelicitis avi posterius, huc animum mentemque, si quam habetis, ad tristissimum hoc spectaculum ardentis aestuantis, extremeq; inter summos dolores sitientis converte: hinc torquet conscientia, inde flammam exerceat; hinc frigus horrendum & trepidatio, inde ardor, & exurens siccitas, &c.

Porro, & res, & figurae, in quavis oratione, ad illum, quem spectas, affectum concitandum adhibendae sunt. spectatur autem in genere demonstrativo, vel amor & aemulatio auditoris, tum denique gaudium & delectatio in bonis laudati: vel contemptus & odium illius, qui reprehenditur. In deliberativo, si suadeas amor, desiderium, spes confidentia; si dissuadeas, odium, fuga, timor, desperatio obtinendi nascitur. In iudiciali cum accusas, odium; pudor, invidia, tristitia, ira, indignatio: cum defendis, amor, spes, & commiseratio quaeritur. Quorum affectuum illi dominantur, quos Orator sibi in peroratione tanquam scopum dictionis proposuit, ut sunt in demonstrationibus amor, vel odium, seu delectatio, & indignatio: in deliberationibus spes, vel timor: in iudiciis commiseratio, vel aversio, seu indignatio. Ceteri affectus sparsim in suis quique orationum generibus concitantur, idque amplificationis potissimum beneficio, quae in rebus magnis & figuris ardentibus versatur. Quocirca nunc de illa seorsim agendum est, ne quid ad perfectam orationem deficiatur.

CAPUT XXII.

De Amplificatione.

Amplificatio est gravior quadam affirmatio, quae motu animorum conciliat in dicendo fidem. ut Cicero in partit.

Hæc duplex est, alia verborum, rerum altera. illa vel in solis consistit verbis, vel in verborum & sententiarum figuris; hæc in sola expositione rerum gravium, atque ad illum, quem spectas,

Et o, affectum tendentium, quadruplici à Quintiliano lib. 8. cap. 4. specie comprehenditur. De singulis videamus.

1. Amplificatio verborum. 1. fit per verba gravia & consonantia, ut, *immane flagitium, conscelerati mortales*. 2. per verba translatione rerum gravium illustria, ut *incensus ira, inflammatus cupiditate, charybdis bonorum*. 3. per excedentia in aliquo adjuncto, ut, *domus stigentes, inmaritate barbaras, multitudine innumerabiles, locis infinitas*. 4. per excedentia significatione, sic in Verrem Cicero *Non furem, sed raptorem, non adulterum, sed expugnatorem pudicitia, non sacrilegum sed hostem sacrorum religionumque in vestrum iudicium adduximus*. 5. excedentia comparationis gradu, ut *conspectus mihi vester multo jucundissimus, hic locus autem ad agendam amplissimus visus est*. 6. epitheta splendidiore ut *incredibilis ac prope divina Consulis virtus, ac industria, crudelissimum civem Catilinam urbe expulit*. per periphrasin, seu descriptionem ut *P. Lentulus inimicus Clodio, ultor sceleris illius, propugnator senatus, &c. Turca Tyrannus Asia, prado Europa*. 6. per verba idem significantia, raro tamen cauteque, ne puerilis videaris, usurpanda, ut Cic. de Catil. *Tandem aliquando Catilinam furentem audacia, scelus anhelantem, pestem patriæ nefarie molientem ex urbe vel ejicimus, vel emifimus, &c.*

Amplificatio figurarum diversarum beneficio utitur, qualis est hypotyposis, prosopopœia, interrogatio, subjectio, exclamatio, exprobratio, &c. de quibus suo loco infra.

2. Amplificatio rerum quadruplici via instituitur. Congerie, ut ait Quintilianus, incremento, ratiocinatione, & comparatione, quæ omnes in eo conveniunt, quod res graves & affectibus movendis opportunas tractant; Cæterum ab aliis argumentationibus non dissimiles, & Congeries quidem atq; incrementum per omnes intrinsecos, quosdam etiam extrinsecos effunduntur, ratiocinatio in solis oppositis, Comparatio in sibi propria sede subsistit. Omnes in eo conveniunt, quod rei magnitudinem subicere animo conentur. Congeries, illam per partes explicando; cæteræ easdem, vel inter se, vel cum aliis conferendo. Nos sigillatim. primo de earum natura, deinde de rebus ad quosvis affectus postulatis agemus.

CONGERIES est conglobatio quædã argumentorum diversorum, in re gravi sive definitionum, aut partium rei, sive causarum, aut antecedentium, sive effectuum, aut consequentium, sive attributorum, sive adjunctorum, seu deniq; pugnantium, seu

seu parium, aut disparium. seu exemplorum, aut testimoniorum. Per singulorum hic ire exempla longum sit, atque alibi opportunius est futurum. Cum, ut recte sua vi intelligatur amplificatio movens, & ingressum ad illam, & motum (qui praevis rationibus solide est muniendus, ne velut inermis expugnator hanc arcem animorum invadas) & ipsum progressum, qui rationes, velut tela acervatim spargit, neque in unius loci amplificatione consistit, sed ad causas, ad effecta, ad adjuncta, eorumque contraria saepe eodem calore fertur; denique & ejusdem exitum, qui tanquam jam occupata arce, sensim impetum, ad possessionem capiendam, remittit; necessarium sit cognoscere. Quare, nisi integris orationum membris, hoc artificium non licet exponere, ideoque separato ad hanc rem exemplorum libro inferius trademus. Breve illud nunc sufficiat, Cic. pro Milone, quo ex oppositis & descriptione, cladem incensae à Clodianis Curiae ad dolorem & indignationem populi concitandam, deplorat. *An ille Prator, ille vero Consul, si modo hac templa atque ipsa mœnia, stare eo vivo tamdiu, & consulatum ejus expectare potuissent? ille denique virum nihil mali fecisset, qui mortuus uno ex suis satellitibus Clodio duce, curiam incenderit? quo quid miserius, quid acerbius, quid luctuosius vidimus? Templum sanctitatis, amplitudinis, mentis, publici consilii, caput urbis, aram sociorum, portum omnium gentium, sedem ab universo populo Rom. concessam uni ordini, inflammari, excindi, populari? In quo exemplo pleraque amplificationis virtutes in ipso servandae progressu impetuque elucunt. Ut quod brevibus delectetur membris, & incisís, iisque plerumque dissolutis (nisi cum multitudo aut varietas rerum significanda est; tum enim frequentantur conjunctiones. Deinde quod acres figuras amet, ut est interrogatio, exclamatio, apostrophe, &c. Denique oppositis frequentatis, & conglobatis definitionibus in primis conciterur.*

Incrementum est conglobatio argumentorum, in re gravi, sensim ascendendum. Diffunditur per locos tam proprios, quam communes, ut etiam congeries, sed in hoc ab illa differt, quod vi & magnitudine res dispares conglobet, gradatim per hæc ascendens. Major in hoc quam in sola congerie vis est. Per definitiones diversarum rerum sensim ascendit. Cic. Act. 6. in Verr. ob simulacrum piculis ereptum n. 88. Vnum crimen videtur esse, sed plura sunt. Est pecuniarum captarum, quod signum à sociis pecunia magna

magne sustulit: est peculatus, quod publice populi Rom. signum de prada hostium captam, positum Imperatoris nostri nomina non dubitaris auferre: est majestas, quod imperii nostri gloria rerumque gestarum monumenta evertere, atque asportare ausus est: est scelus; quod in hominem innocentem, in socium nostrum, atque amicum novum ac singulare supplicii genus excogitarit. Idem Tullius ab adjunctis pro Roscio Amer. Judices ad vindictam incitat n. 12. Petimus abs te Fanni, à vobisque judices, ut quam acerrime maleficia vindicetis: ut quam fortissime hominibus audacissimis resistatis: ut hoc cogitetis, nisi in hac causa, qui vester animus sit ostendatis, eo prorumpere hominum cupiditatem & scelus & audaciam, ut non modo clam, verum etiam hic in foro, ante tribunal tuum M. Fanni, ante pedes vestros, iudices, intus ipsa subsellia, cades futura sint. En gradus. clam, in foro, ante tribunal, ante pedes interque subsellia; cades fient. Est autem hic locus adjunctorum, pro incremento maxime fecundus, potestque ex diverso rerum genere augeri, ubi illud in Antonium ebrium Phil. 2, n. 63. illustre est. *Tantum vini in Hippia nuptiis exhauseras, ut tibi necesse esset in populi Rom. conspectu vomere postridie. O rem non modo visu fœdam, sed etiam aud tu! Si inter cœnam in tuis immanibus illis poculis hoc tibi accidisset, quis non turpè duceret? in cœtu verò populi Rom. negotium publicum gerens, magister equitum, cui vultare turpe esset, is esculentis frustis vomens, vinum redolentibus, gremium suum, & totum tribunal implevit.* En gradatio in diversis factis, à cœna ad cœtum populi, & negotium publicum transcendit, ab eructatione ad vomitum, & vomitum tam turpem in sinum & tribunal effusum.

Comparatio amplificans est ex simili vel dissimili rerum gravium, per diversa argumenta, instituta prudenter, ad rem augendam, collatio. Hujus cum magna ad orationem extollendam vis sit, neque brevibus facile exemplis innotescat, alibi de ea ex Cicerone prolixius agendum est. Ad has verò diducendas rectè Quintilianus monet, utriusque partis interesse conferendæ adjuncta, quæ maxime augere rem possint, diligenter excutienda esse. juvabitque magis singula conferre singulis divisim, quam omnia junctim universis ut Cic. pro domo sua Clodium domum suam inconsultis Pontificibus Libertati consecrantem, cum Cassio dedicantem Curiam Concordiæ ita comparat. *Quæso, Pontifices & hominem cum ho-*

mine,

mine, & tempus cum tempore, & rem cum re comparate. *Id* erat summa modestia & gravitate censor: hic Tribunus plebis scelere & audacia singulari. tēpus erat tranquillum, & in libertate populi. & in gubernatione positum senatus: tuum verò tempus libertate populi Rom. oppressa. senatus autoritate delecta res: plena iustitia, sapientia, dignitatis. Censor enim, penes quem *Maiores nostri* (id quod tu sustulisti) iudicium senatus de dignitate esse voluerunt. Concordia signum volebat in curia, aramque ei Dea dedicare, ut sine studio dissensionis sententia dicerentur, si sedem ipsam, ac templum pulchri consilii, religione Concordia devinxisset: tu cum ferro, cum metu, cum privilegiis, cum praesentibus copiis perdituram, absentes exercitus terrore, & minis Confulum societate & nefario scelere, servitute oppressam civitatem teneres, Libertatis signum posuisti, magis ad ludibrium impudentia, quàm ad simulationem religionis, &c.

Potrò cavendum in hac collatione rerum, ne immodico augendi studio fidem similitudinemque excedas. ne, ut puerilis, risum pro motu habeas. In mitioribus tamen affectibus sæpius locum opportunum invenit comparatio: ut pro lege Manil. n. 36. integritas & temperantia Cn. Pompeji & n. 42. ejusdem felicitas, cum aliorum Imperatorum virtute ac felicitate confertur.

Ratiocinatio amplificans est, cum expositæ rei augmento, aliterius partis astimatio augeatur. Ita Cic. in Verrina 7. ut crudelitatem Verris extolleret, civium Rom. supplicia graviter exaggeravit. Contra poterit aliquis Maxentii tyranni crudelitatem extollere, ut Martyris Catharinæ illustret constantiam. Et Cicero pro lege Manil. ut Pompeji in bello virtutem magis faceret admirandam, belli Prædonum gravitatem exposuit. Sed minor in ratiocinatione, quàm cæteris vis est, quòd rem ipsam non ita oculis distinctè subjiciat; sed velut per ambages insinuet, ut iccirco magis rectæ amplificationi deserviat.

CAPUT XXIII.

De Affectibus generatim.

SEnsim ad nobilissimam orationis partem, & velut sanguinem animamque illius delabimur. De qua ex æquo penè certat inventio, dispositio, atque elocutio, cui potissimum debeat, cum omnes in hac una perficienda laborent, Nos hoc loco

loco ejus exponere principia maluimus, ut Orator ab exordio usque ad finem per singulas Orationis partes decurrens, per suasionem (quæ affectuum victoriam includit) tanquam scopum sibi haberet propositam. Quam unam si in loco neglexerit, frustra in cæteris omnes nervos contendit: si fuerit affectus, negligentiam aut ignorantiam in reliquis admissam partibus, hic abundè compensavit. Non referet; quâ viâ, aut arte hostem straverit, modò victor triumphet.

Est autem *affectus*: motus animi ex apprehensione boni vel mali exortus. Dividitur in *παῖν* & *ἡδὺς* affectus sensibiles, vehementiores. & lenes morum illi concitato feruntur impetu, atque ut torrens obvia rapiunt, odium, invidiam, metum, iram, miserationem, desperationem adferunt; hi desiderium, amorem, spem, lætitiâ, & quandoque etiam miserationem conciliant. Illi elatam vocem, incisam, abruptamque & inflammatam dictionem, minaces oculos, vultum horrentem, jactata crebro latera, & brachia: hi tardam leniterque fluentem vocem, Orationem tractim & circumductè fusam, raros & lentos corporis gestus, submissum placidumque vultum. Utrosque suis locis permiscere nosse, summæ artis eloquentiæque est. ad quam idoneam adferre vocem naturamque oportet ut sine qua omnis illius industria evanescat, nisi quis fortè in rebus scribendis eandem collocaverit.

Ad concitandos idoneo motu animos, tria præcipuè Oratori considerata sunt, personæ. res & modus tractandi.

1. Quod suprà monui, & hic valet maximè, habenda est ratio personarum tam illius qui dicit, quàm qui audiunt: non enim omnibus omnia conveniunt.

Orator ipse, nisi à probitate, ætate, scientia vel dignitate commendationem aliquam adferat, parum movebit. Adolescens, nisi ad voluptatem, aut miserationem, vix impellet; dolori & indignationi concitandæ inferior est.

Idem quo auditores accendi volet affectu, hoc ante exardescat necesse est. Hic ignis, nisi à tali igne, non concipitur. Quare si crudioris naturæ sit, quam qui hos faciliè ardores in se primò excitet. Duplici ad hoc connitendum via erit. Una quam imaginatio aperit, altera quam ipsa dicendæ ratio. illa posita est in viva quadam rerum gravium repræsentatione, quâ se illis, vel illas sibi intuendas sistit, defixaque in tales mente orationem rebus conformat, & quodammodo animat

auditoribusque pari, quâ contemplatur, vitâ repræsentat. Hæc, ipsam cum persona orationem, vel ad alios transfert; vel aliorum ad se translatum suscipit. ut si quis D. Magdalenam, Dominum suum quærentem, ipsius verbis suspirisque, ut potest, expressis, cum Origine, introducat. aut si contra ipse Petri, aut Davidis, suum lapsum dolentis, personam induat; cogitationes, voces, querelas, vota, desideria, contentiones, deprecationes, lacrymas etiam, si potest, imitetur. estque hoc ultimum genus, auditores etiam commovendi, tectum atque insidiosum, quo velut per cuniculos expugnatur. & hinc illi tam potentes sæpe in tragœdiis motus.

Auditor quoque sua nobis indole, conditione, atque inclinatione debet esse perspectus. *Equidem*, ait Cicero de Orat. n. 186. *ad animos ludicum pertractandos, omnimode in ea cogitatione curaque versor, ut odoror quam sagacissimè possim, quid sentiant, quid existiment, quid velint, quo deduci facillimè posse videantur.* Agrestibus sæpe hominibus cornæ in pectoribus fibræ sunt; nec docti gravesque viri, molliorum rerum sensu tanguntur, quibus mulieres, juvenes, senesque inflecti videas. Multum quoque interest, quibus quisque à prima ætate moribus insueverit, quibus parentibus educatus, quo cœlo natus sit, Galli humanitate & morum comitate eminent: ingenio ut facili & excitato: ita mutabili irrequieto, gloriæ cupido. Hispanorum major gravitas, consilium tectius, constans fides, honoris ambitio, quem si illis deferas, obtineas omnia, si neges, habeas implacabiles. Germanis ingenium tardius, sed labore ad summa etiam emergens; candor & simplicitas morum commendata, peregrinandi & linguarum gens avida, tam levis in aliorum habitu effringendo, quàm constans in sua fide: obsequio prompta; ac servitutis impatiens. Itali parem cum ingenio jungunt industriam, omne belli domique artis capaces, tam faciles offensu quàm placatu difficiles. cum degenerant, extremi in vitiis, cum assurgunt in virtutibus Gallos & Hispanos honore, Italos ac Germanos utilitate facilius duxeris. Et ætatem quoque intueri oportet, nam adolescentes rebus jucundis, senes utilibus teneris. Sic officia cum videris, militem gloriâ, mercatorem & rusticum lucro duxeris, ita nobilis honorẽ commodis, ignobilis commodum honori prætulit. *Universè*
vulgus

vul'gus rerum amissione, incendiis, bello, morte percellitur, graviores viri ignominia potissimum, extremisque etiam calamitatibus impelluntur. Denique & hoc generatim tenendum est, mortales omnes adversarum magis rerum impetu, & malarum trepidatione, quam spe atque expectatione secundarum concitari.

2 Ratio deinde ipsius causæ habenda est, videndumque quos illa requirat affectus, & quibus hi rebus argumentisque præcipue concitandi sint.

Demonstrativum igitur Orationis genus, cum dicendo oblectet, non nisi mollioribus affectibus, amoris, lætitiæ, benevolentiae & admirationi, in laudibus, aptandum est quod fiet, commemoratione meritorum, earumque quæ animos conciliant virtutum, ut sunt illæ in primis, quibus communi patriæ, aut aliorum bono prospectum est; pietas erga alios, humanitas, liberalitas, clementia, æquitas, religionis studium. In mortuorum laude ostendes etiam quanto patria, religio, ecclesia, cives, pauperes, liberi, per ipsorum mortem, præsidio spoliati sint. Si vivos reprehendas (nam mortuis parcendum, nisi eorum vitis posteris innitantur, ac faveant) ad odium indignationemque movendam, opposita his vitia præcipue insectaberis.

Deliberativum genus amore etiam & odio, spe ac metu, pudore, audacia, ac desperatione gaudet. Amorem, spem, confidentiamque suadens accendet, si utilissima quæque, honestissima ac jucundissima, quæ loco, tempori, personisque maximè viderit accommodata, eaque obtentu facilia esse demonstrarit. Contra qui dissuadet, ad odium metumque, ac desperationem obtinendi concitandam locis oppositis inhærebit. Exemplorum hic vis magna futura est.

Judiciale genus, cum accusas odio, pudori, indignationi iræque obnoxium est. quos affectus concitabis, ex malorum aliis illatorum commemoratione: præsertim si perfidè, iniquè, crudeliter in miseros, vel innocentes, sævitum sit, in defensione verò spem concitabis ex concepta emendatione, & misericordiam ex afflictione, quam, vel ex ignorantia delinquens, vel casu fortuito incurrit, tum deinde ipsius merita & benevolentiam in alios, si qua fuerit, pristinum felicemque quondam illius statum, cum præsentī comparatum exponens, ostendensque calamitatem esse, quæ non ipsum solum,

verum alios immerentes, ut liberos, familiam, amicosque simul involvat, quod potentissimum est ad animos penetrandos argumentum, in quo plerumque Cicero triumphavit, ut pleræque ipsius perorationes testantur.

Universè igitur argumenta affectuum ex communibus locis eruenda sunt, eo tantum delectu, ut res quæque gravissimæ & pro tempore, loco, personisque, quibus Orator utitur, ad movendum potentissimæ sunt, adhibeantur. Has autem deligere non tam artis, quam iudicii est.

Sunt autem aliæ res magnæ naturæ, ut divina ac cœlestia, quæq; in terris, aut ob raritatem & pretiū, aut, propter occultas causas, amorem vel admirationem merentur. aliæ res propter usum æstimationemque hominum magnæ habeantur: quæ vel bona nobis, vel mala sunt. illa in fortunæ, corporis & animi bona dividuntur. quorum si nobis possessionem obvenire posse Orator ostendat, spes & desiderium nascitur: si obtineamus, admiratio, amor, & gaudium existit; si quis illa conetur possessa eripere, timor, tristitia, indignatio oriur, si amittamus nostrâ culpâ, pudor & dolor; si alienâ, ira atque odium; si casu nos, vel alii, tristitia & commiseratio. In malis verò vel imminetibus, vel jam opprimentibus, tristitia, dolor, desperatio, commiseratio, indignatio emergunt.

3. Postremò ratio diligens habenda est, ut intelligas, quæ via optimè & inducas & producas commotionem affectuum. atque hic duo, post rerum delectum, in primis observanda videntur; primum est, ne ardentia aliqua figura ad motum componatur oratio, nisi prius thema propositum manifestis argumentis demonstratur fidem auditori fecerit; nullius enim voluntas ad incognitum inclinatur. alterum est, ut sive apertè, sive furtim, & quasi per cuniculos (quod plus artis virumque habet) animum auditoris oppugnes, leniori sensim vi impetumque dicendi, tanquam velitatione quadam ad fortissimum congressum, præludas; neque vim summam, nisi varietate quadam vocis, figurarum atque affectuum producas. Facile enim concepta hæc flamma nisi novam ardoris materiam subicias, evanescit. Quare aptis ad flectendum exaggerationibus, figurisque nunc elevanda, nunc rursus inclinanda: nunc præcipitanda, nunc sistenda iterum, ac circumducenda erit ratio. Ad quam rem plurimum in dicente potest apta vocis moderatio, quam, nec præstabunt qui assurgere, secumque audien-

audientis transferre sensim ad summa animum, cum virtute, nequeunt; nec qui ad summum eVecti dicendo tonum, remittere, cum opus est, vocem non possunt. Utroque vitiosum est; vel in medio semper tono sine varietate sistere, vel in summo perpetua contentione luctari.

Ue verò duplex potissimum affectuum genus est, lene, quod amorem, benevolentiam, dolorem, commiserationem, aliosque molliores animi commotiones amplectitur; & vehemens, quod audaciam, iram, fugam, desperationem, indignationem gravioresque motus continet; ira & diversum iisdem orationis genus, vocisque moderatio est aptanda. Lene, quod in exordis non raro gratiæ conciliandæ servit, verbis sententiisque grandioribus ac circumscripto dicendi genere delectatur, voce submissius, tardiusque circumducta gaudet. è diverso vehemens affectus concisis vibratisque inter repetitiones, interrogationes, aliasque ardentes figuras sententiis effervesceat, vocis elata concitataque requirit imperum. quæ qui negligit, vitam subtrahit orationi, frustra que animorum regnum affectat.

Hæc generatim de affectibus dicta suffecerint, quibus sigillatim nonnulla adjicimus.

CAPIT XXIV.

De Natura, Causis, Effectisque singulorum affectuum.

UT Orator in se suisque auditoribus affectum exprimat, illius naturam, causasque, quibus excitetur, aut componatur, tum effecta, quibus cognoscatur, nosse conveniet. Quare hæc in plerisque, quamvis strictim, & per summa tantum rerum capita, investigabimus. Qui prolixius hæc eadem tractata desiderat, Aristot. lib. 2. Rhet. cap. 1. usque ad 18. consulat.

Amor itaque, qui in affectibus regnum tenet, est *propensio quedam animi in rem bonam. ut bona est*, quam si alteri cupiamus, amor benevolentiae, sive amicitiae dicitur, si nobismet ipsis, seu nostri causa, concupiscentiae appellatur. & hic sæpe turpis est, quem Orator etiam dissuadet.

Amor conciliatur, partim natura, partim moribus, natura hos potius diligimus, quos genere, ætate, studiisque, ac periculis etiam communibus, propius accedimus, similitudo enim quedam amoris est conciliatrix, Familiaritate hic alitur.

Quod si deinde forma & pulchritudo corporis, ætas florens, nobilitas & opes, grata indoles, ingenii jocosus urbanique facilitas adjungatur, plana ad amorem non honestum solum, verum & turpem via est. In moribus utrique etiam amor favet, comis vultus ac sermo, simplicitas & candor animi, fiducia & secretorum communicatio, tum pericula, alterius societate potiundi causa, animosè subita, postremò amor ipse amoris potentissimum illicium, muneribus quoque ac liberalitate culta amicitia. Hæc igitur, qui amorem sibi, vel aliis conciliat, aut se ipsa præstare debet; aut dicendo prædicare. Quamquam & amoris honesti dignitas, & fructus sanctæ familiaritatis, ejusque mira jucunditas, amandi possint esse incitamentum.

Benevolentia amor præter hæc singularibus quibusdam stimulis excitatur, ut illius, quem volueris amari, innocentia, humanitate, mansuetudine, constantia, fidelitate, ac virtutibus penè universis, artium etiam ac scientiarum commendatione.

Concupiscentia amor, quo vulgus hominum magis capitur, rerum utilium commemoratione accenditur. Quare gratificandi studium, & parata beneficia, & rerum magnarum spes ostenditur.

Impurus amor dissuadetur, si illis, quæ amoris huic favent, opposita induxeris, dissimilem naturam, mores improbos, fallacia fortunæ, formæque bonæ tum verò etiam hujus amoris vilitatem, fœdritatemque, delectationem illius brevem, dolorem longum, vitæ & valetudinis damna, aliaque ejus incommoda descriperis, pœnas etiam gravissimas fœdè amanti exemplis, demonstraveris.

Vis atque effecta amoris varia sunt. Emollet erga amatum, obdurat erga alios animum, in lacrymas oculos solvit, in flammæ cor accendit. Mille votis & desideriis exæstuat, rei potius amara, per affixam cogitationem affectumque præsens, quam sibi; illius etiam vultum, verba, gustus, motus, affectus, habet tum, cum intueri non potest, fingit, magisque est operatione ubi amar, quam ubi amat. Sæpe ob desiderium animo loquitur, graviusque amanti cladem sentit, quam si ipse præferat. Componit sese ad nutum formamque alterius: cum amante ridet, dolet, lætatur, gemit. ubique obsequitur, illique se submittit, ac profundit in illum omnia. non ætas,

ætas, non forma, non honestas, non opes, non vita denique ab illo divellit, aut detinet; prodigit, ut potiatur, audet, ut assequatur, timet ne excidat. Suspiscatur, horret, irascitur, exprobrat, desperat. Litigat & placatur; periclitatur & contemnit, perfringit hostes gladiosque, montes fluviosque penetra. Blandus, liberalis, candidus erga amatum; gravis, parcus, secretus erga cæteros. Hæc aliaque in uno amore deprehendes; qui si turpis sit, in omnia sese immergit vitia; si honestus, ad quasvis virtutes emittitur. Nihil grave, aut impervium, verè amanti est. Quare ut hunc suadeas, virtutum in primis pulchritudinem, præcium ac præmia; contraque ut illum dissuadeas, scelerum turpitudinem exitumque infelicissimum in primis demonstrabis.

Juverit has etiam amoris notas effectaque Oratorem nosse ad illustres descriptiones imaginesque amantium per hypotyposin ac protopopœjam in oratione. illic præsertim ubi motus spectatur, efformandas. Quare & in cæteris affectibus hunc ordinem servabimus.

2. Odium oppositum amori, est *aversio animi à re, quæ vel est, vel existimatur mala*. Hoc, vel justum, vel injustum est; prout in meritos atque immeritos exercitur. illud in sceleratos ita suadetur, ut vitia, non personam averseris, hoc in emendatos dissuadetur, cum essent vitia. Gravissimè autem inflammatur ex sceleribus in alios, ac præsertim rempub. grassantibus, hoc est, calumnia, libidine, avaritiâ, ingrati animi vitio, superbiâ, injustiâ, crudelitate, impietate, quorum commemorazione Cicero in Verrem, Vatinius, Cælinam, Antonium, Clodium, aliosque odia concitat.

Ad restringendas odii flammæ origo illius exploranda est, ut fomes moveatur, idque rectè magis, quàm apertè, ne cum expugnari se sentiat, fortius resistat. Laudabis in adversario nonnulla in quibus dissentire minus queat, ostendes errorem multos in suscipiendis inimicitias labi, & hoc ipsi evenire in præsentire posse, rectius igitur ignorare, quàm periculum adire, ne injuriâ oderit, errare hinc non posse, nisi humanitate & clementiâ pietatis hoc esse, & Christi exemplo traditur, legibus etiam præceptum. ut nec inimicum sine scelere odisse liceat; quid igitur, si amicum etiam oderit?

Quod si fortuna hominis, ante felices, calamitosa fuerit, illius graphicè depicta imago animos poterit miseratione inflectere,

Vis atque effecta odii sunt, dolore, indignatione, furore, spe, desperatione, voris crudelibus, & gaudio de malis inimici, tristitia de successibus, invidiaque complere, linguam verò in minas, exprobrationes, imprecationes, convitia, diras solvere; seipsum tanto æstu affectuum miserè excruciare, atque æternum infligere vulnus an. mæ, ubi, nisi inimici corpori, nocere non possis.

3. Desiderium est *appetitus boni absentis*, quod dicitur *cupiditas*, si feratur in bonum delectabile, idque si fiat appetitu legibus rationis difformi, erit *avaritia*, cum spectat opes; *ambitio*, cum honores; *superbia*, cum excellentiam; *libido*, cum voluptates. Quanquam verò desiderii & cupiditatis nomen virtutibus æquè ac vitiis competat; tamen hoc ferè vitiis, illud virtutibus assignatur.

Ad desiderium igitur in auditore excitandum inflammandumque, illud, quod supra tradidimus, de personarum discrimine, ante omnia est observandum. ut quo quisque moveatur maximè, intelligas: tum verò præstantissima quæque ex illo bonorum ordine, ab honesto utilive, ac denique à facili, erunt proponenda. Consule illa, quæ de spe dicentur.

Ad restringendam cupiditatem mala illius gravissima, inexplibilis ardor, spes sæpe fallax, frustratio affligens, persecutio anxiosa & periculosa, affecutio non rarò noxia, exemplis etiam propositis, demonstrantur.

Vis atque effecta desiderii & cupiditatis sunt, perpetuis curis, metu, expectatione, dolore, impatientiâ, immaturo gaudio, invidiâ, injuriisque conflctari; neque ipsam quidem noctem ad quietem habere liberam, laboribus, impensisque sæpe irritis fatigari, non sui obtentis, ad heredes illâ vel ingratos, vel indignos, vel immemores, aut degentes transferri.

4. Fuga est *aversio à malo imminenti*, opponitur desiderio rei bonæ; atque ut hoc ex amore, sic illa ex odio proficiscitur. quare iis, quibus ad odium argumentis impellis, suadebis fugam; quibus ad amorem impellis, eandem dissuadebis.

5. Lætitia, seu Gaudium, est *exultatio animi in bono obtento*, quod si vanum sit, reprehendenda est, si verum solidumque, laudanda.

Excitatur hic affectus maximè, si quispiam à tristi atque afflicto statu ad meliorem fortunam & felicitatem transeat, tantoque est eminentior, quando hoc major permutatio, seu
vera,

vera, seu certè apprehensa, Unde Orator ad boni possessi æstimationem extollendam præcipuè connoti debet, quod comparatione, tum status præteriti, tum aliorum miserorum inductione potissimum assequetur. Si præterea novum & admirandum, si paucis concessum, si cum virtute atque honestate conjunctum, si majoris felicitatis atque ad alios propagandæ spe commendatum, si denique insperatum, aut minus promeritum bonum sit; uberioris inde lætitiæ seges crescet. Juvet hic etiam Oratorem in amœnas descriptiones effundi, atque, exultanti lætius stylo, quandam in se gaudii ideam representare.

Ad vitiosam porro lætitiæ refrenandam, mala imminencia exaggeranda erunt, fluxa vanaq; nimium mundi fortuna, honoris vicissitudo, opum pericula, voluptatis momentaneæ longos dolores, vilis describendus animus, qui cœlo natus in eis desigatur, tam sædam servitutem serviat, tot curis doloribusque emancipetur. Quantum honoris & gaudii ex honore, opibus, voluptate contempta, & recti conscientia promanet, ostendendum.

Vim atque affecta lætitiæ exultans testatur animus, qui ipsum etiam corpus formamque vivo florentique colore depingit, sæpe in tripudia pedes, in plausus, & acclamationes faustas, vocem solvit: totam non raro mentem ingenuo candore explicat, rerum magnarum spem concipit, fortunæ suæ, aut mentis integritati fidenter niritur, vota pro se aliisque concipit, ominatur felicia, sibi aliisque gratulatur, delectatur possessis, amorem ac desideria accendit; nonnunquam, aut in lacrymas, aut in deliquia, aut in mortem, exundantis gaudii impetu, dissolvitur; ut Chilon Spartanus dum filium videt ex olympicis victorem, Clydamus Atheniensis affluente gloria, Pub. Crassus exorto risu moritur. Tertul. de an. c. 32.

6. Tristitia seu Dolor lætitiæ & gaudio oppositus, est *dejectio animi ob præsens malum* ab eisdem existit fontibus unde odium nascitur, unde gravissima quæque mala, in se, amicos, in familiam, præsertim immerito exundantia, tristitiam doloremque secum deferunt.

Moderaberis huic affectui, si communem hanc vitæ conditionem esse tradas, quam cum vitare nemo possit, insanus est, quisquis obluſtando non minuit, sed auget molestiam. Si innocens malis premaris, solatium habes ab innocentia; si no-

cens, tibi imputes, neque indignè ferendo culpam augeas. An querelæ, an lacrymæ, an obluſtationes, an execrationes, profuturæ quicquam ſunt? ſi hinc nulum remedium, cur, etiam cum ignominia, adhibentur? Præmeditatio malorum cuique impendentium, ut fortius excipiantur, faciet. quod à tot millenis mortalium æquo toleratum eſt animo, generoſè etiam ſuperatum; cur declinas? An laudem, an gloriæ futuræ meſſem, an felicioris viæ ſtatum non intueris? An brevitæ te non ſolatur, & minora non amplecteris mala, ut graviffima atque æterna ſubterfugias? Age, tolle hæc omnia, ſola Dei voluntas ſit, quæ ſtatuar, an potes recuſare? an rectius, juſtius, ſapientiusque quicquam velle? cogeris, debes, optimum eſt. Valens igitur lubensque accipe, ut levis, quod ferendum eſt, perſeras; ut cum honore, cum præmio. Subtrahe à cogiranda moleſtia animum, moleſtum eſſe non debet, quod ordinis præ Numine tibi eſt ſaluberrimum. cape ex ſtudiis, ex pæſente, ex tranſcripta ad Dei nutum voluntate; ſolatium.

En remedia tibi aliisque ad hunc affectum perſanandum idonea. Dolori creſcit ex priſtina felicitatis memoria, ex comparatione felicium, ex inimiciæ alienæ ſenſu, & gaudio hoſtium, ex cupiditate aliis nocendi, quam nequeas explere, ex vitæ cædio, ex deſperatione de meliori felicitate. Hæc igitur dicendo admove, cum auges; ſubmove cum dolorem imminuis.

Vis atque effecta illius ſunt, quod molles, dejectos, ſtupidos, deſperatoſ reddat animos. Nunc etiam voce querulus, nunc mutus dolor eſt, ſqualidus, impatient, inquietus, iratus.

Spes eſt electio animi in bonum abſens arduum ac difficile, quod poteſt obſerari. quæ ut parum à deſiderio abeſt, ita iſdem impulſibus regitur. Ad hanc concitandam rei inprimis dignitas, utilitas, iucunditas, magnitudo, & facilitas audentibus explicanda. Oſtendendæ vires, audacia, induſtria, experientia; multorum ſubſidia, Dei amicorumque favor, quibus poſſit obtineri contra obſiſtentium vires, ingenium, induſtria, ac felicitas imminuenda erunt.

Ad ſpem inſtrngendam contraria omnia extolles, rei utilitatem, incommoda, dedecus, difficultatem. vires aſpirantium minuendæ, obſtantium augendæ ſunt, &c.

Vis atque effecta spei varia sunt, multos ad ingentes conatus erigit, labores incitat, dolores mollit, miseras solatur, blanda conciliatrix, fallax spe vates & auguratrix, suspensa in dubiis, pertinax confidensque in successibus, virtutis calcar, audaciæ fomes. voluptatis & gaudii alimentum.

8. Desperatio spei contraria est, *dejectio animi diffidentia se bonum obtinere posse, vel malum imminens evadere.* Hæc iisdem argumentis depellitur, quibus spes suadetur, iisdem promovetur, quibus illa dissuadetur.

Vis atque effecta illius admiranda sunt, ut curam solis, ita & timorem omnem excutit, mentis securæ atque immotæ, in ultionem tota hostium, cunctis periculis contemptis, fertur, consilia omnia respuit, & cohortationibus magis et am exasperatur, solitudine ac privata meditatione sceleris gaudet, efferrata mente, truci vultu, verbis aspera, audacia singulari, vindictæ cupida, & ejus expletione cum gaudio fruitura, nulla crudelitate satianda. Ejus imago apud Senecam Tragedum Medea esse poterit.

9. Metus seu Timor est *trepidatio animi ex mali noxii & impendentis opinione orta.* Hic salutaris est, si à vitiis ad virtutem avocet; damnandus si ab hac ad illa impellit.

Concituratur metus, si mali gravitatem, immanitatemque, tum deinde præsentiam, certitudinemque augeas. Si hominem, qui inferre possint, pravitatem, offensionem, potentiam, voluntatem, insidias, æmulationem extollas: signa & prodigia malè ominata proferas, experros illorum vim, conscios & participes consiliorum aperias: denique si nullam passuro resistendi vim, effugia, subsidia relinquis.

Propulsatur idem metus, si declares contraria. vel, si malum certò sit subeundum, ut morbi mortisque; communc illud pluribus esse tradas, neque tam ingens modò Deo conciliatus vivas; imò nullum, si cum gravioribus atque æternis malis comparetur: felici exitu malum terminari posse: metuentem Deum nihil debere aliud metuere. Verbo, quale quantumque demum malum immineat, metu præconcepto non esse augendum: levius fore, si tum primum feratur, cum incumbit.

Vis & effecta timoris sunt. anxium scrutiat animum, mentem confundit. curis, suspitione, diffidentia, votis, præfagiis, expectatione fatigat; corpus horrore, ac sudore, genua

genus debilitate, tremore membra, pallore vultum perfundit, sanitatem, opes, honores negligit.

10. Audacia vel Confidentia est *erectio animi ad mala ardua impendentia superanda*. Hæc iisdem quibus spes (quam includit) rationibus erigitur, ac deprimitur. quæ, si absque consilio ruat in pericula, *temeritas* appellatur.

Ut ad hanc impellas malorum vis imminuenda, audentis extollenda est, ad quam si bonam causam, favorem cœlitum, vi æ probitatem, atque innocentiam, aliorum gravem injuriam, successum multorum gloriam, facti æternam, pristinae etiam virtutis memoriam attuleris, aut denique necessitatem perfingendi attuleris, facilius persuadebis.

Ut audaciam reprimas oppositis insistendum rationibus est, & hinc periculi magnitudo, inde virium imbecillitas, causa iniqua, &c. persuadenda erunt.

Vis atque effectus audaciæ sunt, periculorum reddi contemptorem hominem, bellis ab rebus arduis delectari, ambiti famam gloriamque, securitate animi frui, virtutis existimatione teneri, rerum à se gestarum narratione capi, nonnunquam & superbè effici, ac despiciere ceteros.

11. Ira est *inflammatio dolentis animi, ultionem ob contemptum, aut injuriam expetentis*, cujus propensio, seu habitus in nobis *iracundia* dicitur. Ab odio differt, quod hoc sine dolore, at pertinax; ira brevis sæpe, at non sine dolore sit. hoc quoque vis malis; ira ob injuriam plerumque moveatur.

Excitabis iram, si injuriam, contemptumque gravem, cum exultatione hostis, & gaudio, si in officio nobis debito, si absque causa, si non ignoratione, sed destinatione, si cum fraude etiam ac maledictis, si cum generis familiaris, aut factorum nostrorum desipientia, illatum doceas: Si deinde, vel à persona abiecta in honore dignam, ab ingrata in bene meritam, à consanguinea in propinquam. Si in consortio plurium honestorum, aut subditorum alteri, injuria data sit, gravius urgebit. quam ad rem etiam opportunum tempus erit, si vel corpus, vel animus hominis concitandi jam aliquo dolore ægrefcat, facilius enim erit jam inclinatum impellere.

Placabis iram, atque ad miserendum, seu ignoscendum, inclinabis, si contra injuriam contemptumque eleves, si ex officio, vel religione, vel mala instructione, aut errore, aut non iniquo animo, aut corrigendi studio, aut laceffitum, vel etiam im-

impotentem sui, inductum asseras: Si deinde personæ lædentis conditionem exponas, quòd, vel juvenis, aut mulier imbecillis, vel Rex, aut pater, aut Dominus autoritate præditus; vel denique vir improbus (qui enim probus noceat?) contemptus, humilis, aliis pœnam daturus; postremò deprecans, pœnitens, extremè afflictus sit. Contrà quòd persona læsa in paribus, aut majoribus etiam, si non homines, certè Deum offenderit, à quo tamen miserationem spectet.

Ipsius verò iræ turpitudine, quæ magnos nequæquam viros deceat, damna quæ ipsum inprimis iratum premar dum, quietem sibi ad mit, conscientiam lædit, scelus scelere vindicat, per suum jugulum hostem perit, sunt exponenda. Taceo, hæc potissimum inimicitias, bella, cædes, extremum multorum exitium oriri. Captanda porro ad leniendos animos opportunitas temporis, si potest; nam lætus, & honore aliquo vel lucro, successuque rerum, captus, vel hilaritate convivantium recreatus, facilis emollietur. Mulier etiam, ut blanda est illecebra formæ & facundiæ; tum viri Deo consecrati, ut religionis quædam in omnibus reverentia est, fortius obliantem animum, quàm alii, impellunt.

Vis atque effecta iræ sunt. Mentem suo officio statuque dimovet, ut sine consilio judicioque ruat, indignatione, ulciscendi cupiditate, desperatione, aut certè inconsulto gaudio vindictæ, exæstuet. Linguam in convitia, contemptum, imprecationes, minas, execrationesque solvit: Oculos accendit, frontem exasperat, indignisque homine totum corpus gestibus format.

12. Mansuetudo seu Clementia iræ adversatur; est enim *traductio animi ab inordinata ira cōmotionibus ad quietem*. iisdem igitur argumentis, quibus iram placamus, suademus mansuetudinem. His accedere poterit, commendatio insignis clementiæ, & heroici animi seipsum vincentis magnitudo, quam præclare in Cæsare pro Marcello extollit Cicero. ostendatur & clementiæ ingens fructus & favor, & gloria apud mortales universos. Despectus illorum, qui ab ira superantur, &c.

Dissuaderetur, cùm ostendimus alios lenitate abuti ad vitia, aut incommoda gravia reipublicæ immites ipsos, ferrosque, hanc minimè promereri. Mansuetudinem non esse, sed missionem atque ignaviam, æquam severitatem negligere, &c. Vide, quæ iram suadeant.

Vis

Vis atque effecta clementiæ sunt, compositus semper animus, vultusque, blanda vox & grata familiaritas, suave amoris illucum, gaudium, & pacis quæta possessio.

13. Misericordia est *inclinatio dolentis animi, erga afflictum malum, quibus premitur, vel ipse, in se, vel in aliis chari possunt*. Unde faciliè miseratione tanguntur, qui vel ipsi similia tulerunt, aut reformidant; vel certè alium, cuius misereantur, inter charos numerant. Amor enim facit, ut velimus ab amicis abesse omne malum. Qui igitur, vel in extrema calamitate vivunt, ubi nullius gaudent amicitia, nec gravius malum expectant; vel in suprema felicitate, ubi nec amicos respiciunt, nec timeant miseriam, non tanguntur miseratione.

Concitabis misericordiam, iisdem ferè argumentis, quibus componis iram. Calamitatem quam fere miser in primis exaggerabis, siue illa ex malis fortunæ nata sit, siue corporis, siue animi; quæ per comparisonem, congeriem, atque incrementum extolles, valetque in primis mors atque orbitas, siue in parentibus, præsertim senibus, siue in liberis aliorum præcipuè hostilitate appetitis: tum verò fortunæ prioris commemoratio, si illa florenti usus sit.

Deinde valet personæ afflictæ dignitas, ætas, innocentia; vel, si nocens sit, deprecatio, submissio, emendatio, squalor: contra affligentis vis, dolus, nequitia, indignitas, arrogantia, contumacia, aliorum contemptus, &c. quæ per hypotyposes, ethopopœjas, apostrophas, dialogismos ad Ciceronis imitationem in perorationibus in primis effingens.

Vis & effecta miserationis sunt, quod animum mansuetudine emolliat, præ aliis sollicita sit, amorem conciliet, doloris alieni sensum trahat, querelas, deprecationesque suscipiat.

14. Indignatio est *exacerbatio animi ob bonum alteri imminenti collatum*. ut sunt bona fortunæ: nam virtutis, scientiarum, & naturæ immerenti non censentur obvenire.

Concitabitur igitur, si ostendas indignum esse his opibus, honoribus, potentia, favoribus, amicis hominem; idque vel ob pristinas vitæ sordes, & abjectam conditionem; vel ob mores profligatos, ob prodigalitatem, superbiam, libidinem, aut periculum reip. aliis ab illo imminens.

Mitigabitur indignatio commemoratione oppositorum, atque excusatione datæ offensionis. Si vilis homo fuerit, ingratum naturæque donis, Deo ita ordinante, emersisse asseres; aut certè

certe labore, studio, virtutibus. Si quæ obijciantur scelera, aliorum invidia augeri, vel humani laboris lapsus nunc ab eo corrigi, aut si hæc defuerint, vel genus, vel merita & virtutem extolles, quibus illa sorte dignus videatur.

Vis atque effecta indignationis cum ira conveniunt.

15. Invidia est *tristitia animi, ob bonum alterius paræ, quo nostrum vel excedere, vel obscurare creditur.* Differt ab indignatione, quod animum deiciat; quodque inter pares ferè sit: nam inter dispares cessat invidia; quod tam dignum, quam indignum illis, quæ æstimantur, bonis respiciat; quod non solum fortunæ, sed & naturæ virtutumque bonis, quæ laudem merentur, excitetur. Ab *Æmulatione* verò etiam distinguitur; quod hæc ex alieni boni consideratione, ad par illius acquirendi studium inflammetur; cum invidentia illud sublatum oppressumque cupiat.

Invidia, ad justam alienæ felicitatis repressionem, accenditur, si, ut ait Cic. 2. de Orat. n. 209. doceas bona non esse virtute parita, deinde etiam vitiis atque peccatis: citra laborem & pericula, turpi etiam gratia. Non esse tanti ulla merita, quanta sit insolentia hominis, cæteros præ se despicientis. præceptos aliis honores, qui digniores fuerint. aliorum damno emeruisse. Laborandum omnibus, ut penes antiquas familias, penes optimè de rep. meritos, non penes novos sibi que tantum natos, hæc decora maneant, ad aliorum oppressionem horum spectare gloriam.

Restinguitur ab oppositis, si magno labore, periculis, virtute, meritis in rem publicam parita bona asseras; tollique omnem virtutis stimulum ac mercedem, nisi emergere ita sordibus etiam novos liceat. Obtentis moderatè illum uti, atque ad bonum convertere publicum; nec sine calamitatibus hanc ejus fortunam censerit. Turpe esse, & vilium humique jacendum animorum, invidere aliis, quod, vel nequeas. vel nolis obtinere. tormentum esse abjectis dignum hominibus, quo ipsos maximè torqueant, magnisque præbeant sceleribus alimentum; alteri nihil noceant; nisi quod ejus felicitatem magis testentur, suamque prodant ignaviam.

Vis atque effecta illius sunt, quod acerbæ animi dilaniatio sit invidentia; quæ, ut vipera, ipsa quibus concipitur viscera discerpit, & aliena felicitate torquetur, dolet, stupet, ringitur, virtutum hostis, vitiorum adulatrix, ut vultur, fætidis tantum

assuetâ cadaveribus, nec honestæ patiens laudis, obtreccationis & convitiis magistra, odiorum, impatientiæ, iræ plena. Diabolo familiaris, cruoris etiam fraterni cum Caino fictiens, ore exsanguis, vultu tristis, verbis dejecta.

16. *Æmulatio est ardor consequendi boni, quo alii fruuntur, & nos, cum dolore, caremus.* Hæc plerumque inter virtutes habetur. quanquam mala sit, vel alienam felicitatem destruetam cupiat; vel in bonis non honestis æmuletur; vel cum inimicitiis, contentionibusq; conjuncta sit. & hæc ferè *simulatio* nomine solet usurpari.

Provocatur æmulatio virtutis, quæ proponitur æstimatione, ac pretio, laude, gloriâ, æternitate, generosi animi commendatione, qui ad hanc enititur. Majorum gloriâ quæ sibi posterisque illustre generis decorisq; ornamentum pepererit, æternumq; virtutis in cœlo fructum.

Reprimitur æmulatio cum noxia est. Si vanam tantum esse doceas virtutis, aut felicitatis, ac gloriæ, quam in aliis admiratur, imaginem, personam vilem, ac vitis sordidam, fortunas illius multis subjectas calamitatibus. & quod nemo hac via ad solidam laudem felicitatemq; penetraverit.

Vis atque effecta illius, si improba sit, cum invidia ferè conveniunt, si proba, animum accendit, nec quiescere patitur, nunc spe, nunc desperatione æstuat: nunc ingentia promittit, nunc rursus dolet eripi, quod alios videt assecutos laudis ac gloriæ stimulis ad audendum concitatur.

17. *Pudor, seu Verecundia, est perturbatio quedam animi, ex apprehensis malis infamiam causantibus, sive præterita illa sint, quæ sua recordatione confundant; sive præsentia, aut etiam futura, quæ ad inhonestam actionem destinata, detegantur.*

Incuritur pudor igitur ex omnibus consiliis atque actionibus, quæ merentur infamiam. Qualia inprimis sunt, prodita amico fides, & inconstantia levitasq; in verbis factisq; quæ Germanus summo habet dedecori. Ignavia, quâ mulierum, senum, aut puerorum fortitudini cedimus, atque inferiora his præstamus. Ignorantia artis aut scientiæ, quam jactanter profiteamur nudata, furtum, aut iniquitas, aut libido furtiva in lucem protracta, quæ tantò turpiora censentur, quantò dignior qui patravit.

Diffuadendus pudor non est, nisi ille, qui ad vitium degenerat;

nerat; cum sint, quos bonorum etiam operum pudeat, quando à perdita vitæ hominibus videntur, malorum verò pudeat societatem detrectare; quando ab impudentibus ad illicita provocantur. Quod vitium rudiori ætati non parum infectum est.

Exaggeranda igitur hujus tam imbellis pudoris abjectio & turpitude est, per quam virtus omnis, & conjuncta illi honestas eliditur, animus ad vitia enervatur, damna, nullis temporibus, tam scientiæ neglectæ, quàm innocentiae perdita, reparanda, incurrantur. Exemplis verò juvenis urgenda est, ut generoso Hippolyti, inter profanos, & Josephi inter sacræ historiæ adolescentes facinore; quo ille Novercam, hic Dominam inverecunda postulante vircundè tortiterque sui capitis discrimine reject. Græcos miseram sibi denique servitutem accersivisse Demosthenes asserbat, quod Philippo Regi Maced. unum & respondere, turpi pudore, ausi non fuerint.

Denique ad pudorem noxium excutiendum, honestum ingenerandum, valebit quandoque generis conditionisve ratio, sapientum & gravium virorum, quos vereri deceat, notitia & existimatio, quin & tacitus aliorum ad scelus provocantium sensus, qui illam secreta animi veneratione virtutem admirari cogentur, quàm verbis factisque averfantur, tanta conscientiae vis est, etiam cum contemnitur.

En, mi Lector, has breves affectuum præcipuorum in quavis oratione tabellas, quibus summa tantum rerum capitulum complexus. quæ singula suis diducere exemplis penè sit infinitum quævis illa Ciceronis dabit oratio, ex quibus & nos infra lectissima quæque daturi sumus, cum brevitas esse non possint, & seorsim extra sui corporis partes exhibita, tanquam soluta nervis juncturisque membra, minus artis viriumque ostendant. Si quis tamen avidius illa poscat, Palatium Eloquentiæ Exercit. 6. consulat. cujus & nobis, in hac materia, diligentia profuit, & placuit ordo. Nos tamen unum hic in proposita nobis de ebrietate materia exemplum applicemus.

— (o) —

CAPUT XXV.

EXEMPLUM ALEXANDRI, ITA DO-
lentis se Clytum sibi amantiſſimum per ebrietatem
occidiſſe; ut vix à violentis in ſema-
nibus abſtineret.

ORditur ab effectu amoris. meminitque cum donorum naturalium, tum virtutum, tum fructus ex amore percepti, ob quæ Clytum complexus ſit, & nunc deſiderio amiſſi exæſtuat.

Egone te Clytum ſic odiſſe potui. tantamq; in te iram concipere, ut funeſtâ lanceâ ſuaviſſimam mihi animam extorquerem? nihilne me ætas florentiſſima, nihil generis aviſti nobilitas, nihil communis ſanguis & patria, nihil amœniſſimum & regia conſuetudine dignum ingenium, nihil illa oris gratia; ille verborum lepos, ille potens ſuadendi ardor, illa virtutis præſtantia, quâ tot hoſtium cuneos, tot adverſas acies mecum victor perfregiſti, nihil, inquam, hac potuere univerſa, ut crudeliſſimam de manu noſtra ſicam excutirent? O felicem tot donis juvenem, mea ſolum amicis in infelicem! Quando te in acie cadere, jucundius tuis Manibus, mihi futurum erat honeſtius! jaceres hoſtili perfoffus ſpiculo, rueres, quæ tua eſt virtus) nō incultus, occumberet cum gloria; nunc ab amico, nunc inter pocula, nunc cum ignominia cecidiſti. O qualis quantuſq; hoſtium terror, quam conſilio perſpicax, manu promptus, foris pectore! qualis Alexandro amicus! quanta fide, quam ſtabili, quam ſincera! quanta in Regem obſervantia, in ſocium candore, in amicum charitate! quoties illud, quod tibi impie confodi pectus, hoſtium pro me talis objeciſti! quoties illum, quem nunc totum ex hauſi ſanguinem, pro mea vidi fundi gloria! quoties iſta, quam ſcleratiſſimè extorſi, vitam meam protexiſti! O me tot beneficiorum immemorem hominem, & ſemel majori ab ebrietate victum ignominia, quàm toties hoſtium victorem factum gloria! Quantum amiſiſti facinus Alexander, quando fideliffimum ſuaviſſimumq; amicorum Clytum interemiſti! Iam recurrit illa magnanimi oris ſpecies, illa verborum comitas, illa morum humanitas, oculi, vultus, gratia, vel in hoſte amplexenda. quo te meq; precipitavi, quando hac uno ictu ſuſtuli univerſa! quando fructum dulciſſima conſuetudinis, quando indiviſum hætenus fortuna vitæq; comitem, quando ſalutis mea conſtantiſſimum propugnatores crudeli ferro macta-

vi. Quin eadem te viâ manuq; consequor, quâ inferis immola-
vi? quin violati à me amoris pœnas exigo, tuisq; dignam Ma-
nibus ultionem? Date illam ministri lanceam, quâ Clytus ceci-
dit, jungantur mortui, qui vivi amplius non possunt. nullus jam
hostis vindicandus Alexandro superest, præter seipsum.

En amoris affectum, sensim ad summum impetum, per su-
pra præfixos titulos, & figuras infra commemorandas, pro-
ductum. Vix longius progredi in affectu (ne languescat) sæpe
brevius licebit abrumpere. Idem affectus paucis mutatis,
sic ab Oratore in Alexandro concitari potuissent. Ergone, ô
Rex, tu Clytum odisse poteras, tantam in illum iram concipere,
tam funestam lanceam stringere, &c.

Pari ratione ad descriptionem amantis Alexandri juverit,
vim atque effectus amoris considerasse. Ipse igitur secum in
amoris affectu progrediatur.

Hec quantos æstuantis animi fluctus flammâsq; perpetior?
quis Oceanus tot montibus, quis Euripus tot flexibus, quæ Etna
tot incendiis jactatur? Ille me adhuc versatur in oculis Clytus,
quem truculenta manu confeci, ille sua vultus ostendit vultus.
& rursum subtrahit; ille pristina familiaritatis fructum exhibet,
& surripit; ille fidelissima obsequia regerit, & exprobrat, ille pro
me pericula adita, suscepta pro me vulnera objicit. Hic ego tam
durus sim, ut non emolliar, tam ferreus, ut in lacrymas non dis-
solvar? En rursum occurrit sordibus oblitus, sanguine cruenta-
tus, ingenti vulnere saucius, aperto pectore, truculenta lancea di-
viso. Meum hoc facinus est, meum ô Clyte, ego hoc intorsi ferrum,
ego oblitus communis patria, consanguinitatis a vita, fidelitatis
præstita: ego mortalium crudelissimus, & infelicissimus, post tot
inimici cruoris fusum, amicorum etiam cadibus manus pollui.
Euge satisfaciam violatæ, ô Clyte, amicitia, vindictam, quando
alii desunt, ipse pro te exigam. Valeant opes, regna, amici ceteri,
vita ipsa; quando aliter non licet, jungemur mortui. Hoc uno la-
to, quod eodem, quo te confodi ferro, cadere liceat, &c.

Hanc verò ethopœjam facilius usurpabit de Alexandro
alius, qui ipsum, in omnes se amantium formas, gestusque, ac
habitus vertentem describat.

O quantos æstuantis animi fluctus Alexander sustinet, &c.
Ipsum sese redi vivum ab inferis Clytum, truculenta manu con-
fectum, credis intueri; ille notos ostendit vultus, &c. Quanta
amoris vis, atque in uno animo affectuum vicissitudo: nunc ta-

citâ contemplatione factorum defixus, suaeque immunitate obstupescit haret; nunc in suspiria, vota, exclamationes, lacrymas solvitur, terram quatit, Clytumnque velut ab inferis excitatum intuetur, inanemque ejus umbram amplexatur, nunc velut praesente gaudet, latatur, exultat, verba ejus excipit, sermonem reddit; nunc ut fugientem consequitur, revocat, sequi ut exanimam in terram effundit. iam surgit, atque ardentibus oculis suum ipse execratus facinus, in se ultionem exposcit, ferrum quaerit, in mortem ruit spontaneam. Prohibete nefas famuli, submove tela & enses: ne tot gentium barbarum victor, barbaro magis facinore seipsum trahat, quam amicum, & tanta victoris gloria uno scelere extinguatur.

Sed hæc, si tanquam de re praesenti, instituat oratio, scenæ propior est, quàm cathedræ. & Poëtis quàm Oratoribus magis frequentata. In prosopopœis, tamen Rhetorum locum occupabit.

Poterit idem Alexander extremum concipere erga ebrietatem odium, à quo tantum mali in se aliosque promanet. Quin & justo dolore perstringi. quod tantis ex uno facinore malis obrutatur. postremò sibi met indignari ob illatam amico injuriam, Brevius aliquanto, omissis prosopopœis, singulos affectus, juxta rationes supra allatas, prosequamur.

Odium in ebrietatem sic licebit exprimere. Turpe Alexandro facinus, immane, vel in barbaro, inauditum in Rege per ebrietatem occidere hominem, eumque & amicum, & consanguineum, & ducem fortissimum, & ipsius vita regie propugnatorum, quis talem tantamque, tot sceleribus cumulatam, ebrietatem non excreetur? illum, quem consilio praesse ceteris decuit, omni ratione exiit, quem aequitatem subiectis administrare, iniquissima parricidio obruit, quem imperare reliquis digna oportuit, hunc indigna grassari, eade in immerentem, violare leges, jura, sceptrum, pietatem, Deos fecit. Potestne fera ulla crudelior, bellus fingi immanior, qua in proprium grassetur genus, qua non parcat amantibus, quis suos defensores violat, discerpit, opprimat? Vah portentum in ultimis terras amandum! vah labes nostri generis! vah humana amicitia pestis! vah excidium virtutum omnium! vah gurgis vitiatorum ebrietas! quot immerentium una hominum foederis sanguine, quàm fortes heroas bello subtrahit, fideles reip. ciues tollis, nobilissimos juvenes orco immolas, regna integra perturbatione confundis, & funestas cadibus! te ego non oderim,

oderim, non execrer, non diris omnibus, ipsisque quibus accenderis, inferorum furis deuoceam? Moriar ante, quàm in illius merursum sceleris insaniam pra ipitem.

Hic affectus cum vehem. ntior sit sensim, ut vides, per incrementum, à minoribus ad maiora transit, ardentesque simul exclamationis figuras, incisiss, sapius periodis, frequentat.

Dolorem ob Clytum interfectum; hac ratione prosequetur, si prist. nam felicitatis memoriam, cum praesenti statu componat &c. Tunc ille es fidel. ssime amicorum Clyte, quem intueor exanimem, nudum, desertum ab omnibus; meo ferro eruantatum, meo profligatum scelere? Quo te florentissime iuvenum, quo te mea praecipitem egit, tam immanis insania? ille. pro dolor! flos nobilitatis Macedonica; illud Majorum suorum decus, illa aula nostra gloria; illud fulmen militia; illa nivea candoris anima, illa rupes constantissima fidei, dejecta, prostrata, contempta in morte jacet! Comparete fortunam praesentem & prist. nam felicitatem, unde excidit, cum hac calamitate componite. Ex opulenta sorte, & regia vix impari, ad hanc nuditatem devolvitur, ex honore post Regem praeipuo, ad tam despecta mortis ignominiam recidit, ex suavissima amicorum societate, ex mediis gaudiis, inter ipsa pocula, contentione, mœrore, funere obruitur. Quam iucunda mihi quam ceteris Macedonum tua erat Clyte conuetudo, quantum comitatus in sermone, urbanitatis in moribus, amœnitatis in oculis, humanitatis in obsequio, quem nunc in squallore aversantur, in pallore horrent, in foetore subterfugunt. Sed talem, tam miserandum detestandumq; mea te fecit crudelitas heu quoties, hac mihi tam abominanda, per somnum, per ipsas vigilas occurris imagine! quoties hoc pectus inter media hostium acies imparvidum subito terrore exanimas! quoties frigido horrore perstringis, sudore proluis! qua me satis unda purgabit, quamam expiabis hoc nefas hostia! O quis dolor, qua lacryma, lamenta, planctus miserum expediunt! aut qua satis mors absolvere poteris, nisi ipse tuis imperiis cadam victima, & sanguine diluam proprio, quod alieno contraxi flagitium?

Jam denique ad acerbiores rursus affectum, indignationem, odio haud dissimilem, accedamus, quâ seipsum, suumque facinus Alexander detestetur. Ergone hoc denique regium existimas, & suprema potestate dignum, ita in nobilissimos Macedonum grassari, & fidissima etiam ferro confodere pectora? Hoc Rege dignum est, & tot terrarum Domino, tot gentium

vicitori, qui ferrum pro patria, contra ejus insidiatores, pro amicis contra hostes induit? quem Diis non aliter his donarunt opibus, quam ut suos tueretur. his extulerent honoribus, quam ut unaret ignominiam, his viribus, quam ut contra inimicos uteretur, hac potentia, quam ut aequitatem propugnaret apud populates, apud externos propagaret. O indignum his opibus, hoc honore, hac vi, hac potestate Regem; cum abusus ob ebrietatem opulentia, ad dedecus gloria, ad violentiam virtute, ad crudelitatem potentia est, atque amantissimum sua patria civem, fidelissimum suorum custodem, fortissimum militia Ducem, parricidali manu confecit! Quin crudelissimam hanc è manibus hastam abiecit, unius magis clade amici sedatam, quam tot hostium nobilitatam cadibus? quin sceptrum deponis, coronam relinquis, purpuram exuis, qua ab uno plus scelere dedecoris, quam ab omni retro factorum gloria dignitatu participant! Vah te probrosum tuis Macedonibus, jam terrarum Dominis, Regem, qui, inter praelia victor, succumbis inter pocula; in campo inimicorum prostrator: stratus in ebrietate domi: inimicorum perniciem in acie, amicorum in triclinio es: illic miles; hic latro: illic Rex, hic tyrannus. Potestne cuiquam Alexander placere amplius, qui hac immanitate amicis, sibi, Diis invisus est? Tollite tam ingratum mortalibus atque immortalibus è terris portentum Macedones, vel si vobis animus & ferrum deest, Alexandro suppetit.

Vides hic per affectus diversos, molliores duos, ut amoris & doloris; alios asperiores odii & indignationis, ad eundem penè desperati hominis exitum Alexandrum ferri. Tractatio in affini materia singulorum affectuum distincta est. Amoris impetus per Congeriem, doloris per incrementum, odii per comparisonem, indignationis per admixtam comparationi ratio cinationem extollitur; à Regis enim dignitate aucta crescit facinoris, tantà personā indigni, gravitas.

Quæres. Unde sumendi affectus sint? & quando potissimum usurpandi? Respondeo ad primum. Ex locis, unde graviora quæque argumenta petuntur, etiam affectus desumendi sunt. E. g. Agis contra ebrietatis vitium, & finis tuus est, ut hoc dissuadeas, pro affectu igitur præcipuo fuga tibi, vel odium ebrietatis debet esse propositum, quare illa quæ turpitudinem ebrietatis, atque inde promanantia mala gravissimè inculcant, erunt per amplificationem, modis ante positis, exaggeranda, Quod si longior oratio fuerit, pluresque per

eam affectus eidem proposito servientes spargere conveniat; Vide quid opponatur rei, quam tradis (ut hic est sobrietas, vel, temperantia) oppositumque fugæ, atque odio affectum, hoc est, *desiderium*, aut *amorem* temperantiæ excita. Poteris & causas, effecta, attributa, vel adjuncta ebrietatis adjungere. ut quod amor carnis & voluptatū ad hanc impellat, (quæ causa est) ideoque hujus odium congestis rationibus; aut etiam oppositum *Dei, cælestiumque rerum amorem* perurgere. Ita si effecta ebrietatis spectes, illos, quos ante in Alexandro dedimus affectus, meritò concitabis Si denique attributa confideres; quod turpis est, atque inhonesta; aut adjuncta, quod Christiano maximè, aut mulieri indigna; aut consequentia, quod gravissimas in hac, atque in altera vita poenas adferat, *indignationem* contra hujus vitii sectatores, *metum* ob mala impendentia, *audaciam* ad superandas ejus vincendæ difficultates, gaudium ob eadem mala devitata, & sobrietatis bonum obtentum, licebit excitare. En quot affectuum materiem res una subministret.

Ad secundum Resp. Universè affectibus moderatè utendum est, ut neque nimii sint, neque nulli illo enim auditor obruitur, hoc nihil ab eodem obtinetur. Demonstrativum verò genus cum rariore affectus, tum miriores; Deliberativum & Judiciale frequentiores, gravioreque plerumque poscit. Sed nullibi ad effectus, nisi rebus ante per rationes solidè probatis, est progrediendum. Nimis enim puerile est, voluntatem impellere velle, priusquam intellectum fidem faciendo convicisti.

CAPUT XXVI.

DE LATINI SERMONIS ELEGANTIA, geminisq; Elegantiæ dotibus, puritate, & perspicuitate.

ORatoris boni est rectè invenire, disponere, & eloqui. Inventionem sæpe & Dispositionem natura sufficit, ab arte perficiendam. Elocutionem potissimum ars præstat, & scholarum disciplina; siquidem Romano nobis sermone utendum sit.

Elocutio est idoneorum verborum ac sententiarum ad rem

inventam accommodatio. Quæ duabus potissimum orationis virtutibus perficitur. *Elegantia, & Ornatu.* De his igitur Eloquentiæ dotibus paulò differendum fufius, quas si affecutus mente studioque fueris, plana invenies cætera. Vide Cic. lib. 3. de Orat. ubi in cæteris quærit §. 7. Quinam igitur dicendi modus est melior, quàm ut *Latine*, ut *planè*, ut *ornatè*, & ad id, quòd agetur, aptè congruenterque dicamus?

§. I.

*De Latini sermonis Elegantia, & imprimis
Puritate.*

Elegans sermo is est, qui in verbus sententiisque & sua latinitate purus, & claritate perspicuus nitescit. Elegantia igitur in duobus, puritate, & perspicuitate consistit, de quibus hic paucis in Palastra styl. pluribus actum est.

Primò igitur quidquid Latine purum non fuerit, id est, aureo illo argenteoque, exultat apud Romanos Eloquentiæ, seculo non receptum; hoc ab oratione proscribatur.

Cuiusmodi sunt antiquata & absoleta ab Ennio, Pacuvio, Plauto aliisque traducta, ut *donicum* pro donec cum, *foras bere*, hoc est, excedere, *Dapsilia comisse*, id est, lauta edisse, quæ licet in comicis ad captandum risum nonnunquam servant, extra hanc scenam displicent, nisi fortè in jocosò scribendi argumento sit locus. Nam & Ciceroni suo loco placuit, *averruncare*, *muginari*, *tricari*, *nebulabundus*, *randusculum*.

2. Novata, quæ recentium scriptorum ingeniis formantur, non nisi rarò circumspèctæque adhibenda. Formantur autem, vel imitatione rerum, ut *pipire*, *bombizare*; vel derivatione, ut *Ramosa* dixit Virg. *invideor*, Horat. *Aduncitas*, *Disparilis*, *Debitio*, *Beatitas*, *Mulierisias*, *yllaturire*, *Proscripturire*, Cicero. Quæ tamen rursus suo loco poterunt tolerari. Certè Gazæus scire lepideque in Hilariis Scæzonticis non rarò est usus: vel Compositione, ut *Vitiligatores*, Plinius, *Campascuus* ager, Cicero. *Repandrostrum*, *Incurvicervicum* pecus, Pac. *Turpilucricupidus*, *Dentifrangibula*, Plaut. Quibus iterum comici, & Gazæus noster opportunè utuntur, vel extensione, aut etiam fictione vocum ad res novas significandas, ut in rebus sacris in Ecclesiam Catholicam introductis, Philosophicis quoque ac Theologicis olim incognitis, quandoque barbare usurpantur; Sic *Casula*, *Antipendia*, *Agni Dei*,
indul-

indulgentia, in Sacris: *substantialitas*, *ubicatio*, *hacceitas* in Philosophicis, quæ in culto sermone, non nisi cum excusatione admittenda essent.

3. Peregrina, vel barbara, ut *gaza* Persicum, *Amptmanus* Germanicum, *Parlamentum* Gallicum, *Mastruga* Sardinum; vel Græcum, quæ orationi Latinae citra necessitatem non magis misceri conveniet, quàm Græcæ Latina. Quibus tamen nomina artium, herbarum, morborum, & si quæ Romano jam pridem foro donata sunt, suo jure eximuntur. Neque doctis, inter Epistolarum commercia, inaccessum Græcis vocibus gnomicisq; significantibus ludere. Modò ostentationem vitent, ubi nulla necessitas. A qua certè non absunt quidam, horum temperum in fide Novatores, qui passim, putidâ affectione vocum, græcissant, & hebraizant; ne vel ipsam nobis Romanam linguam incorruptam relinquunt. Quod plerumque minus peritorum, aut certè ineptientium, est vitium; quales hodie eos deprehendimus, qui Germani sermonis candorem Latinis Gallicisq; vocibus, tanquam stulti alicujus cucullum, depingunt. Ut jam Prisci Teutones nihil suum, ne linguam quidem, retinere v. deantur.

4. Sordida vel ipso sono ut *vacca*, vel etiam significatione, ut *cacare*. Sic & cætera, quæ natura tègi voluit, suis etiam velis honestè teget oratio.

5. Poëtica, ut sunt audaciores Synecdochæ, Metonymiæ, Metaphoræ, Periphrases. Sic non rectè *crustum*, aut *Cerem* pro pane, *quammigerum gregem* pro piscibus, *Libitina immolari* pro moni usurpabo. Hoc disticho quidam vitanda complexus est.

Sordida prisca, nova, antiquata, poetica, dura,

Turpia, rara nimis, & peregrina cave.

§. 2.

De Perspicuitate sermonis.

Alterum Elegantiæ munus est, ut perspicuam rationem reddat, hoc est, tanquam limpidum fontem, omnium oculis pervium, obijciat. Quod fiet.

1. Si verba sententiæque, seu propriè, seu tropicè adhibita, non alia, quam usitata doctis significatione usurpetur.

Unde

Unde ex Lexicis aliorumque instructione, propria verborum significatio diligenter haurienda: nec quævis ex imperitioris vulgi usu ad sermonem traducenda. Sic v. g. *devotum* malè pro pio scripseris, & *humilem* pro modesto aut demisso: cum illa vox nunquam, hæc rarò inter doctos ista significatione adhibeatur.

2. Ambiguæ interpretationis verba sententiæque suo sensu per adiuncta ita definiendæ sunt, nec audientem legentemque incertum relinquant. Ita vox *sacer*; tam pro consecrato, quàm execrato; vox *gallus* tam pro homine, quàm volucris accipi poterit. Ut si *galum* ab aliquo captum asseras. Ita si *lupum* te dixeris tenere; piscem an quadrupedem intelligas, nemo discernet, nisi aliquid ad tollendam ambiguitatem adjeceris. Quo & oraculum illud amphibologicum spectat: *Ajote. Ætidea, Romanos vincere posse.*

3. Quidquid obscuritatem parit ab oratione submovendum est ut præter obsoleta, novata, peregrina verba, (de quibus antea) etiam nimia affectatio vetustioris historiæ, rituum, adagiorum, atque ænigmatum introductio. Hæc enim ornamenta quædam sunt, at extra nebulas obscuritatis, clarâ in lucem doctorum, exprimenda. Cavendum præterea, ne, vel incisis nimium membris, in varium spargatur sensum, tanquam dissipato corpore, oratio; vel circumductis in immensum periodis, intentum auditoris animum fatiget: nam, ut præcipitatio omnis levitasque desultorii sermonis, sic & cunctantis nimium, imprantisque eidem sententiæ tarditas odiosa est. Justis itaque membris periodus, ad optimorum scriptorum, in loquendo scribendove mensuram, exigatur. Mediocritate nihil habetur laudatius.

4. Res ac verba ordine ad rationis atque artis præscriptum collocentur. Unde traiectiones vocum, insertæ longius frequentiusque parentheses, digressiones ante rem formatam, evitentur. Ita arti natura, ars vicissim naturæ, ad compositam perspicuamque elocutionem, subveniant.

Qui de his enucleatius erudiri voluerit, Palæstram styli libro 1. & 5. adire poterit, ubi hæc pressius, diversis etiam styli exemplis pertractantur. Illud universè ad perspicuam orationem requiritur, ut verba usitata, non ambigua, obscura, aut multa generalia sint: Phrasis minimè peregrina, aut verborum tui barta sit ordine; periodus, neque proluxa nimium, neque confusa.

CAPUT XXVII.

DE LATINI SERMONIS ORNATU, ET
prima ipsius parte, hoc est, illustratione per
tropos, ac figuras.

§. 1.

ORnatus dicendi est apta partium orationis, & inter se invicem compositio, & cum rebus, de quibus loquimur, convenientia. Ex ista compositione sermonis concinnitas suavitatisque nascitur; ex hac convenientia illius decorum emergit, vis item, ac dignitas. Compositio tribus potissimum conciliatur, recto ordine. Iunctura & Numero, Convenientia verbum, sententis que lectissimis, quæ rei naturam illustri quodam troporum schematumque lumine, oculis quodammodo subsiciant. Cum verò, ex natura schematum, numeri non ratio & iunctura varianda sit: pauca ante de ornatu, qui ex tropis, ac figuris orationi accedit, quam de cultu ex compositione nato agemus.

§. 2.

De ornatu Troporum.

Orationis igitur ornatu, qui ad res illustrandas adhibetur, vel in verbis alienis cum virtute traductis. vel in propriis concinne dispositis consistit. Ille tropicus, hic figuratus dicitur. Tropicus ille ornatu quidquid habet pulchritudinis, vel ab illustri similitudine, per Metaphoram, vel ab opposita dissimilitudine, per Ironiam, vel denique ab affini re nobili, per Synecdochē, Antonomasiā, aut Metonymiā ducitur. Si quid præter hæc troporum fingitur, hunc in ordinem cogendum est. Universè igitur Tropus est verbi unius, vel plurium, à propria significatione, ad aliam rem similem, vel conjunctam significandam apta traductio, ut exemplis per singulos mox tropos productis, intelliges.

1. Metaphora est verbi à significato proprio ad aliud simile, cum virtute, traductio. sic ridere prata dices ab homine. v. vere vel florere jam à pratis. Illustrior verò nullus orationi universim ornatu, quam ex hoc tropo petitur. Valet etiam manifestè ad res cum augendas, si à nobilioribus sumatur translatio, tum imminuendas, si à rebus traducatur vilioribus. Est enim argumenti instar à similitudine ducti, quod in verbo uno senten-

sententiaque totum oculis subjicitur. Quocirca res inanissime magnopere extolluntur, ductis à rebus viventibus Metaphoris. quæ Poëtis, ob remotam & audacem translationem, magis sunt familiares, ut *iratum mare*. *Indignatus Araxes* (fluvius) contra verò animata, per inanimata, vehementer deprimuntur; aut si quem hominem *stipitem* aut *peponem*, ob stupiditatem, nuncupes. Quod etiam tam ad augendam quam minuendam significandi dignitatem spectat, si a rationis expertibus ad hominem, contraque translationem ducas; ut cum, pro viro fallaci, *perfidam* dicis *vulpem*; aut pro cane blandienti, *assensatorem*. Cæterum quo res quæque maximè in sensum cadit, illustriusque eminet, hoc aprior Metaphora est. Sordida viliæque nisi ad risum despectumque, adhibenda non erunt: ut neque humilia rebus magnis, aut res magnæ humilibus applicandæ sunt. sic *verrucam saxeam*, pro rupæ; aut *rupem carneam*, pro verruca ingenis, usurpare, æquè sit ridiculum. Par in similitudine cavenda est ratio: nam si vel laboriosum rusticum formicæ; vel formicam rustici nomine compelles, exploderis: nisi fortè risum captes, nam licet in labore sit paritas, nimia tamen in mole disparitas est. Plura de recto vitiosoque Metaphorarum usu (prona enim in hoc genere offensio) vide in *Palastra Eloquentia* lib. 2. cap. 4. & seq. Regula explorandi optima est. Si resolutâ in similitudinem Metaphorâ, expendas; aptamne illa, & per quam illustrius exponatur, similitudinem involvat.

Quod si Metaphora per absolutam cōtinuetur sententiam aut periodum, *Allegoria* erit. in qua cavendum, ne plura similia confundas, & qui ab incendio cœpisti, in naufragio abolves. Quod si brevis, ac scita Allegoria fuerit, ut *dolum pertusum*, pro homine profuso, *Paræmia* appellabitur. si nimio excessu efferatur Metaphora, *Hyperbole* dicitur. ut, *ferit aurea sidera clamor*. Si in locum transcas, ubi propria vox deest, ut, *gemmare vitès; adficare naues*, *Catachresis* futura est. Quare hi tropi frustra à Metaphora separantur.

2. *Ironia* est verbi vel sermonis à proprio significato ad contrarium cum virtute ductio. ut si *Narcissum* pro deformi, *Herculem* pro imbelli sumas. Notum illud, *O praclarum custodem ovium*, ut ajunt, *Lupum*.

3. *Synecdoche* est intellectio totius pro parte, aut partis pro

toto : tropus Poëtis, quàm Rhetoribus usitatior, cum copiam magis, quàm ornatum adferat. Sola quandoque raritate placere possit. Fit autem, si *vel* genus pro specie, aut contra ponitur, ut *quadrupis* pro equo, contraque *Sabellicus* *sus*, pro quovis sue *vel* pars integrans pro toto, aut contra, ut *fontem* *ferbant*, pro aqua; *durum pectus*, pro homine. *casus Hannibal*, pro Hannibalis exercitu. *vel* cum pars naturæ pro tota, contraque sumitur, ut, *Carolum sepeliunt*, pro corpore: *cada-ver viri*, pro homine contempto. *vel* cum numerus unus pro alio substituitur, ut, *Romanus* pro alio victor, id est, Romani. *Oratores visi sumus*, id est, visus sum.

Antonomasia huic affinis est; quæ, *vel* commune aliquid à genere, patria, aut artibus desumptum adhibet loco proprii, ut est *Anchisiades* pro Æneæ; *Mantuanus* *vates*, pro Virgilio, *Philosophus* pro Aristotele: *vel*, proprium loco communis usurpat, ut est *Cræsus* pro divite, *Codrus* pro paupere, *Venus* pro formosa, *Cretensis* pro mendace. Quæ Oratoribus etiam ad ornatum serviunt. Hic igitur tropus, cum *vel* generis aliquod accidentarium, pro subiecta specie: *vel* hanc, contra, pro illo usurpet, non est cur à Synecdoche separetur.

4. *Metonymia*, seu *Hypallage* est *transductio nominis ex rebus sibi invicem connexis*. Hæc autem connexio, *vel* est inter causam & effectum, ut si *Mars* pro bello. *Virgilius* pro scriptis: aut contra *scelus* pro scelerato, *Eve* for *Carthaginis* pro Scipione sumatur. sic & *pallida* mors dicitur, quæ pallorem causat, a suo effectu. *vel* inter continens & contentum; (quo etiam conjunctio subiecti & attributi, possessoris ac rei possessæ spectat) ut *Athens*, *Roma*, *Italia*, pro Atheniensibus, Romanis, & Italis: & vicissim. *Vel* inter signum, & rem designatam, ut *iga* pro pace, *sagum* pro bello, *fascies* pro Magistratu. Huc spectat *Metalepsis*, quæ audacior quædam transductio est, ex remotè tantum sociatis, ut *post aliquot aristas*, id est, ætates.

Cæterum *Onomatopœia*, quæ nomen aliquod fingit, ut *coaxare* ranas, & *Hyperbaton*, quod voces trajecit, ut *me cum* & *sepiem* subiecta *Trioni*. *Periphrasis*, quæ rem ex adjunctis describit, ut, *Romana urbis conditor*, ac *Mimesis*, quæ sermonem alienum morelque imitando exprimit, *vel* tropi non sunt, cum verba usurpent propriâ: *vel* ad alium, ex dictis jam tropis, ut *Periphrasis* ad *Metonymiam*,
Mimesis

Mimesis etiam ad figuram Ethopœjam, revocantur. Frustra igitur, & citra necessitatem, multiplicantur.

CAPUT XXVIII.

DE ORNATU FIGURARUM IN VERBIS

ac sententiis universis.

Ornatum verborum, & sententiarum paucis, velut in tabella, quam ante oculos scriptorem habere convenit, completitur in suo Oratore. §. 27.

CICERO HIS VERBIS.

Singulorum verborum & collocatorum lumina attingimus: quibus sic abundabit, ut verbum ex ore nullum, nisi aut elegans, aut grave exeat: ex omni genere frequentissimæ translationes erunt: quod eæ propter similitudinem transferunt animos, & referunt, ac movent huc & illuc: qui motus cogitationis celeriter agitur per se ipse delectat. reliqua ex collocatione verborum, quæ sumuntur, quasi lumina, magnum afferunt ornatum orationi, sunt enim similia illis, quæ in amplo ornatu scenæ, aut familiæ, appellantur insignia: non quod sola ornent, sed quod excellent. Eadem ratio est horum quæ sunt orationis lumina, & quodammodo insignia: cum aut duplicantur iteranturque verba, aut breviter commutata ponuntur, aut ab eodem verbo ducitur sæpius oratio, aut in idem conjicitur, aut in utrumque, aut adjungitur idem iteratum, aut idem ad extremum refertur, aut continenter idem verbum, non in eadem sententia, ponitur: aut cum similiter vel cadunt verba, vel desinant: aut multis modis contrariis relata contraria: aut cum gradatim sursum versus tenditur: aut cum demptis convictionibus dissolutè plura dicuntur; aut cum aliquid prætereuntes, cur id faciamus, ostendimus: aut cum corrigimus nosmetipsos quasi reprehendentes: aut si est aliqua exclamatio, vel admirationis, vel conquestionis: aut cum ejusdem nominis casus sæpius commutantur.

Sed sententiarum ornamenta majora sunt: quibus quia frequentissimè Demosthenes utitur, sunt qui putent ideo ejus eloquentiam maximè esse laudabilem. Et verò nullus fere ab eo locus, sine quadam cōformitate sententiæ, ab eo edicitur: nec aliud quicquam est dicere, nisi omnes, aut certè plerumque
aliaque

aliaque specie illuminare sententias : quas cum , tu Brute , teneas , quid attinet nominibus uti , aut exemplis. Sic igitur dicet ille , quem expetimus , ut verset sæpe multis modis eandem & unam rem , & hæreat in eadem commoreturque sententia : sæpe etiam , ut extenuet aliquid : sæpe ut irridetur : ut declinet à proposito , deflectatque sententiam : ut proponat , quid dicturus sit : ut cum transegerit jam aliquid , definiat : ut se ipse revocet ; ut quod dixit iteret : ut argumentum ratione concludat , ut interrogando urgeat , ut rursus quasi ad interrogata sibi ipse respondeat : ut contra , ac dicit , accipi & sentiri velit : ut addubitet , quid potius aut quomodo dicat ? ut dividat in partes : ut aliquid relinquat ac negligat : ut ante præmuniat : ut in eo ipso , in quo reprehenditur , culpam in adversarium conferat : ut sæpe cum iis , qui audiunt , nonnunquam etiam cum adversario , quasi deliberet : ut hominum sermones moresque describat : ut multa quædam eloquentia inducat : ut ab eo , quod agitur , avertat animos : ut sæpe in hilaritatem risumque convertat : ut ante occupet , quod videat opponi : ut comparet similitudines : ut utatur exemplis : ut aliud alii tribuens dispertiat : ut interpellatorem coerceat : ut aliquid reticere se dicat : ut denuntiet , quid caveant : ut liberior quid audeat : ut irascatur etiam , ut objurget aliquando , ut deprecetur , ut supplicet , ut medeatur , ut à proposito declinet aliquantulum , ut optet , ut execretur : ut fiat iis , apud quos dicet , familiaris , atque alias etiam dicendi quasi virtutes sequatur : breviter , si res optet , sæpe etiam rem dicendo subjiciet oculis : sæpe supraferet , quam fieri possit : significatio sæpe erit major , quam oratio : sæpe viræ , naturarumque imitatio. Hoc in genere nam quasi silvam vides) omnis eluceat , oportet eloquentiæ magnitudo. Sed hæc , nisi collocata , & quasi struata , & nexa verbis , ad eam laudem , quam volumus , adspirare non possunt.

§. (1.

APPENDIX AUCTORIS.

Hæc ex Tullio adferre placuit , ut de figurarum ornamentis universalem quandam Lector disciplinam haurirer. quâ
I
instru-

instructus, etiam sine peculiari singularum figurarum cognitione, variare, ac diversum orationi habitum haud difficulter queat induere. Neque enim magnopere refert ad eloquentiam, tot figurarum in verbis sententiisque, quot hic multi formant, discrimina pervidisse. Satis est aptos quosdam in omnem partem vultus, motusque orationi, ad rem quæ dicitur accommodatè posse tribuere. Nos tamen more Rhetorum hunc figurarum apparatus distribuemus.

Verborum cultus, quàm rerum aliquantò est levior. Utroque tamen oratio enitescit, illo, ceu regia quadam veste, hoc tanquam vultu, gestuque ac motu tot us corporis: illo delectat, oculosque animi gratè velut spectaculo detinet; hoc tanquam in arena gladiator, in omnem se partem versat, pugnat, impellit, extorquet victoriam. Priorem apparatus elegans grammatica & syntaxis tribuit; hunc viva agilisque quædam animi vis per Rhetoricam excitata atque exercitata. quæ fit, ut hic cultus, verbis mutatis, etiamnum persistat; ille, velut detracta veste, evanescat.

Est igitur figura *Ratio quadam loquendi, supra vulgarem consuetudinem, verbis, vel propriis, vel tropicis elevata*, quæ vel in verbis, vel in rebus, sive sententiis, reperitur, illa Græcis λέξις, hæc Ἀφροίαις χήματα appellantur.

De figuris verborum ordior, exemplisque Tullianis hinc strictim utor, cum nisi ex diversa non suppetant dicendi materia. Qui de eadem re paria voluerit (ut sunt ad docendum magis accommodata) consulat Palastram styli lib. 2. cap. 5.

§. 2.

De figuris Verborum per Adjectionem.

Verborum figuræ fiunt, si vel præter usum communem, orationi quippiam adjicias, idem sæpius repetendo; aut detrahas quædam usitata subtrahendo, quæ auditor facile ex dictis subintelligat; aut denique inter similes sono, dissimiles verò significatione voces appositè ludendo hæreas. Videamus in exemplis singula.

Adjectio figurata est *eiusdem, vel re, vel significatione, vocis, cum virtute, iteratio.*

Hæc fit 1. in principio, & dicitur *Repetitio*. (a) ut *Nihil t*

(a) ἀναφορά vel ἐπιβολή.

noctur

Orat. cap. 28. De ornatu figurarum in verbis, &c. 131

Æt ætæ præsidium palatii, nihil urbis vigilis, nihil timor populi, nihil consensus bonorum, nihil horum ora, vultusque moverunt? Cic. in Catil. 1.

2. In fine idem repetitur, & dicitur *Conversio*. (a) ut, ex quo tempore concordia de civitate sublata est, fides sublata est, amicitia sublata est, res publica sublata est, ad Heren. lib. 4.

3. In principio simul & fine eadem voces iterantur, & dicitur *Complexio*, (b) ut de Publii Clodii servis rogas? Quis eos stulavit? Appius. quis produxit? Appius. Unde? Ab Appio. ic. pro Mil.

4. Eadem vox vel oratio quocunque loco geminatur, & dicitur *conduplicatio* (c) idque vel conjunctim, ut in Catil. vis & vis vis, non ad deponendam; sed ad confirmandam audaciam. vel disjunctim, ut pro Marcello, vidimus tuam victoriam præliorum exitu terminatam, gladium vagina in urbe acuum non vidimus. Idem in pluribus fieri potest vel retro adè (d) ad Her. 4. Nunc etiam audes in horum conspectum venire proditor patria? proditor, inquam, patria, venire audes horum conspectum? vel disjunctim, ut in Verrem. Quid Cleones facere potuit (non enim possum quenkum insimulare? faliquid, inquam, Cleomenes magnopere facere potuit? Quæ generatio plus gratiæ habitura est (quamvis minus virium) si alnante & mutato verborum fiat ordine. (e) ut, Vestrum hic tum reprehenditur. P. C. non meum; at pulcherrimum factum, tum, ut dixi, non meum, sed vestrum.

5. Species quædam conduplicationis est, si conjunctiones eadem gemineantur, & dicitur *Poly. yndeton*: ut, Et inimico deras, & amicum ladebas, & tibi ipsi non consulebas. Ad Her. ic, aliæ particulæ. ut, quâ, quâ; tum. tum; vel, vel; aut, aut; sed que, que; apud Poetas imprimis duplicatur, ut te ædum, laremque, Armaque, &c. Virg. Georg. 3.

Hæ quinque figuræ adjectionis easdem re & significationes voces, diversa tantum ratione multiplicant; subijcio nunc alias, quæ vocibus immutatis modò stringunt, modò tan ludunt venustatis gratia. In his censetur

6. *Traductio* (f) quæ ejusdem verbi inflexione varia utitur.

I 2

(a) ὁππορὰ vel ὁπποροφῆ. (b) ἐπανάληψις vel συμ-
πλοή. (c) ἀναδίπλωσις. (d) ἐπείσοθ. (e) πλοκή.
(f) ὁμωγῆ.

sur. Idque in casibus, aut temporibus. Cic. pro Dejot. Nulli
rietes nostram salutem, nulla leges, nulla jura custodient. Et p
L. Flacco. Civis civem à civibus communis humanitatis
& misericordia deprecaret. & hoc πολὺν πῶτον quoque seu
suum commutatio dici solet. quæ latius sumpta figuris
merito submovetur.

2. Gradatio seu Climax (a) quæ repetitis quibusdam, ad al
velut gradatim, pergit. ut ad Heren. 4. Africano virtutem
dustria, virtus gloriam, gloria amulos comparavit. Rara
esse debet, ne affectata videatur oratio.

3. Synonymia, (b) quæ ad rem exaggerandam pluribus
dem vocibus, sed aliis post alias gravioribus repetit. ut
quædam quasi rei ejusdem repetitio. Cic in Catil. 2. Cae
nam furem audacia, scelus anhelantem, pestem patriæ ne
riam molientem, ex urbe, vel eiecimus, vel emisimus, abiit,
cessit, evasit, erupit. Puerilis hæc figura erit, nisi simul cum
bis crescat oratio, magis magisque rem exponens.

Universim hæc figuræ, si repetitionem, poly-syndeton
traductionem demas, raritate placere, frequentia solent
fendere.

§. 3.

Figura per Verborum detractionem orta.

Detractio adjectioni opposita, tollit in vulgari quadam
ratione usitata, & vel subintelligit, vel ad unam vocem. sen
complementum refert, brevitatis & virtutis gratia.

1. Adjunctio, sive Zeugma est, cum ad idem verbum plu
referuntur sententia: idque, vel in principio; (c) ut, Viciu
dorem libido, timorem audacia, rationem amentia, vel in fi
(d) ut Cic. in Catil. Nec enim is es, Catilina, ut te, aut pudor è
pitudine, aut metus à periculo, aut ratio à furore revocavit.
in medio, (e) ut forma dignitas, aut morbo deflorescit,
vetustate. Apparet itaque hanc unam, tribus Adjectio
figuris Repetitioni, Conversioni, ac Complexioni suo m
opponi.

Alii eandem Disjunctioni hoc loco inter figuras produ
opponunt; ut quæ singula orationis membra suis verbis
clu

(a) κλίμαξ. (b) συνωνυμία. (c) προτόζευμα.
ὑπόζευμα. (e) μεσόζευμα.

dat. Sed hæc vel schema non est, cum usitati sermonis, vel ad sequentes similitudinis figuras spectat ut hoc quod ducitur ex Arch. exemplum. Ita vivo, ut à studiis nullo me quam tempore, aut commodum, aut edium abstraxerit, aut luptas avocaret, aut denique somnus retardaret. cum sit similiter cadens ac desinens.

2. Synecdoche, vel Ellipsis est. (a) cum aliquid intelligendum, in virtute subicitur. ut, mirari ille, stupere gaudio, subaudien- in est cœpit. Et Virg. Sed vos qui tandem? subintellige estis. habet hæc quandam cum Reduplicatione oppositionem. uti sequens figura.

3. Synæcæsis (b) est, quæ res oppositas sub eodem verbo con- git. ut, tam deest avaro quod habet, quam quod non habet.

4. Dissolutio, sive Asyndeton Polyasyndeto oppositum est, in demper conjunctionibus plura, ad vim orationi concilian- mponitur, ut Cic. Sit in ejus tutela Gallia, ejus virtuti, si- felicitati commendata est.

Quinque igitur prioribus Adjectionis figuris, hæc Detra- tionis schemata opponuntur. Utraque autem, tum ob ra- tem, tum præcipue ob vim, atque acrimoniam quandam ationi conciliandam, adhibentur.

5. 4.

Figura ex verborum similitudine ducta.

Similitudo (c) verborum, vel in singulis inesse debet voci- s, vel in conjunctis. Singulæ vocum vel significatione vel o convenient. Idem de conjunctis dicendum. Nos hic tum præcipue in sono convenientiam expendemus: quia nificatio rerum est, de quibus postea.

Paronomasia, seu Anominatio est, quæ vel similes, vel non- il immutatas inter se voces, significatione tamen dissimi- , conjungit. Igitur 1. in vocibus eisdem reperitur. ut, ari jucundum est, si curetur ne quid insit amari. Iterum, e cura, ut absolvaris omni cura. quibus parçè. &c. nunquam rebus gravibus utendum. 2. In verbis nonnihil immuta- est plerumque gravior. ut, Amantes plerique amantes. oratore arator factus est. Et non exigo, ut immoraris lega-

I 3

tionis;

(a) συνεκδοχή. (b) συναικείωσις. (c) ὁμοίωσις.

zitioni; sed immorare. Emit morte immortalitatem. Homo natus an vanus est? Animadvertis, opinor, addendo, detrahendo aut transferendo hæc immutari.

1. Phrasiū verò similitudo vel ob quandam paritatem in terminatione oritur, & dicitur ὁμοιοτέλευτον *similiter desinens*, cum plura membra orationis iisdem syllabis (sive temporibus & casus pares sint, sive dispares) terminantur. Cic. pro Mil. Non modò ad salutem ejus extinguendam, sed etiam gloriam patres tales viros infringendam.

2. Vel ob casus & tempora eadem: est ὁμοιόπλητον *similiter cadens*, cum plura iisdem casibus efferuntur (sive terminatio syllabarum eadem sit, sive diversa) Cic. pro lege Man. Quanta innocentes debent esse imperatores! quanta deinde omnibus rebus temperant a! quanta fide! quanta felicitate quanto ingenio! &c. & i in Ver. Est idem Ver. s. qui fuit semper, ut ad audendum projectus, sic paratus ad audiendum. Ne igitur semper etiam casus in finem membrorum cadunt.

3. Vel ob paritatem in membris & dicitur compar, seu ἰσοπλόον, cum membra orationis equalia sunt, ut Cic. pro bel. Pompeii, extrema hieme apparavit, ineunte vere suscepit, media astute confecit.

Aliæ hic alius figuræ verborum, ut Contrapositum, Commutatio, Correctio, Dubitatio. Sed has ad sententiarum figuras relinimus; quod non verborum tantum, verum & rerum oppositionem, mutationem, correctionem, ac dubitationem instituunt; & si quid in verbis præterea similitudinis occurrat, hoc prioribus figuris sit adscribendum, ut Annominationum cum dicitur cedam inermis armatis, innocens nocentibus. Nihil enim prohibet plures simul figuras in eandem periodum currere. Hæc igitur de figuris verborum sufficiant, ex quibus illæ, quæ sola ludunt similitudine, plus ad delectationem quam motum faciunt, non, nisi moderatè, usurpandæ.

CAPUT XXIX.

DE ORNATU FIGURARUM IN REBUS sententiisque.

§. 1.

Figuræ sententiarum minimè vulgari modo res ipsas animæ contemplandas subjiciunt, & verbis licet mutatis, eandem præsta-

Orat. cap. 29. De ornatu figurarum in rebus sent. 135
 præstant, partim ad delectandum, partim ad movendum comparatæ: ut iccirco easdem divissim malim proponere. Sitæ autem sunt quasi in quodam Oratoris habitu gestuque, quos ipsas apprehendens, versat; nunc cunctanter hærens interrogando, & respondendo, dubitando, communicando, corrigendo, rejiciendo, prætereundo, concedendo, confutendo, sustinendo, contrariaque opponendo: nunc velut præcurrens, exclamando, optando, comminando, exprobrando, mortuos & inanimata excitando, personas inducendo, dicta, facta, actionesque imitando; ut modò delectet, modò l. etat audientem.

§. 2.

Figura ad delectandum in primis idonea.

Interrogatio (a) generalis quædam figura est, ad omnem etiam motum idonea, quæ tamen in his schematibus non interrogandi, sed vel urgendi, vel imperandi fit gratia; quæ etiam indignamur, admiramur, hæremus. ut, *quid agam? quomodo veritam?*

1. *Responsio* (b) hic est, quæ insperatum aliquid, sed tamen ad causam spectans respondetur, & in dialogicis locum habet. ut, *hominemne occidisti? Latronem*, inquit.

2. *Subiectio* (c) est, cum Orator, & interrogat, & sibi ipse respondet. quod si præter, vel cōtra opinionem cadat responso, perquam est grata ut, *quid tam novum, quidam adolescentulum privatum, exercitum difficili Reip. tempore consicere? consicere. huic præesse? præfuit Remp. optimè suo ductu gerere? gesserit. Cic. pro l. Man. Valet ad motum quoque. Cic. de Harusp. Resp. Tu meam domum religiosam facere potuisti? et qua mente? qua in vaseras: qua manu? qua disturbaras: qua voce? qua accendi jusseras.*

3. *Dubitatio* (d) est, cum quid, quoquo loco dicendum Orator ambigit. *Quid dicam, quomodo me veritam nescio, negem fuisse infamiam judicii corrupti? &c. Virg. Eloquar? an sileam, &c.*

4. *Communicatio*, (e) cum adversarios judices auditoresque consulimus. *Tu denique, Labiene, quid faceres, tali in re ac tempore, &c.*

I 4

6. Occu-

(a) ἐρώτησις. (b) ἀντίκρισις. (c) ὑποβολή. (d) ἀπορία, (e) ἀνακοίνωσις.

6. *Occupatio*, sive *Prolepsis* (a) cum obijcienda nobis pra-occupamus. At enim istum soli saeculi persequuntur. Cives Romani defendunt, diligunt, saluum esse cupiunt. Primum si esset: tamen vos sociorum querimonias audire oportet. &c. Cic. Actio 3. in Verr.

7. *Correctio* (b) quæ dicta aptiori ad probandum sententia corrigit. ut, Poenam dedit, quanquam non tam poena, quam prohibitio sceleris fuerit. Et, Donum conduxit, nisi officinam nequitia malis dicere.

8. *Concessio*, (c) *Permissio* (d) est, cum vel gratis, vel ad graviora inferenda quædam aliis indulgemus, ut Cic. in Verr. Act. 5. Levia sunt in hoc reo crimina Metum virgarum Narchus pretio redemit; humanum: alius ne condemnaretur, pecuniam dedit usitatum, &c. Valet cum ironia. Age perfrice frontem, & fac te digniorem, qui Consul fieres, quam Catonem.

9. *Rejectio* (e) est, qua adducta ab aliis tanquam indigna responsione aspernamur. Quid enim odisset Clodium Milo, sagitem ac materiam gloria sua?

10. *Licentia* (f) est, cum aliqua dicendi libertate citra offensionem utitur Cic. Phil. 1. Quid? de Reip. malis licet mihi verè licet & semper licebit dignitatem tuam, mortem contemnere Phil. 10. Grave dictu, sed tuendum tamen, &c. Cic. ibid. Erumpat aliquando vera, & me digna vox, &c.

11. *Reticentia*, (g) cum abrupta oratione tacetur, quod subintelligi potest. Quos ego. Sed motos praestat componere fluctus. Viug. Ego te furcifer si vivo. Terent. Cic. ad Her. 4. Tu qui nuper aliena domus: non ausim dicere, ne cum te digna dixerò me indignum quippiam dixisse videar.

12. *Præteritio*, (h) cum illa quæ exponimus, nos prætervehi silendo fatemur velle. ut Cic. in Rullum: Non queror diminutionem vectigalium, non flagitium hujus jacturae atque damni, prætermitto illa, qua nemo est, quin gravissimè ac verissimè conqueri possit.

13. *Sustentatio* (i) est, quâ suspensi inter deliberationem Oratoris causam facti investigantis, tandem ad inspectatum aliquid deducuntur. Obser-

(a) πρόληψις. (b) ἐπανόρθωσις. (c) σωχῶρησις. (d) ὑποτροπή. (e) ἀποδιώξις. (f) παρρησία, (g) ἀποσιώπησις. (h) παράλειψις. (i) ἐπομένη.

Observa quatuor hæc, quæ sequuntur genera schematum, planè ad illustrandam dictionem rara esse atque eximia, quamvis à nonnullis inter has figuras non censeantur.

14. *Gnome* (a) est, quæ generali oppositæque pronuntiato orationem concludit. Cic. in Catil. *Hoc animo semper fui ut invidiam virtute partam, gloriam, non invidiam putarem.* *Gnome* hæc ad singulære quippiam applicata fit *Noema*. (b) ut si dicas Cicéroni. *Invidiam quam virtute peperisti, tuam esse gloriam interpreter.* Quod si idem tanquam extrema quædam approbatio rei narratæ adhibeatur, *Epiphonema* (c) erit. ut, *Tanta est virtutis dignitas, ut ipsam quoque invidiam majori gloria possit obruere.* De hoc schematum genere consule Palæst. Eloq. lig. lib. 2. c. 13. Ubi facilem illorum inventionem tradidit. His addunt *Emphasin*, cum latens aliquid ex dictis eivitur, ut de Cyclope Virg. *jacuitque per antrum immensum.* Ubi ex antii magnitudine, corporis vastitas cognoscitur.

15. *Symbole* (d) sive *collatio* (e) vel est comparatio similium inter se, vel dissimilium, facta per *Compar*, vel *Dispar*: vel partim similium, partim dissimilium (f) sive animata invicem, sive cum inanimis, aut hæc eadem secum conferantur, idque aut simpliciter, cum particulis *tanquam*, *velut*, *instar*, ut Cic. pro domo: *Cum tu in hoc vulnere, tanquam unguis existeres, & vocatur* (g) *Icon*: vel cum proasi & apodosis: ut, *dissimilis est pecunia debitis & gratia: nam qui pecuniam dissolvit, statim non habet id, quod rededit; qui autem debet, is retinet alienum; gratiam autem qui refert, habet, & qui habet, in eo ipso quod habet, refert.* Verum hic latissimus campus, & exempla passim obvia. Elegantiores illæ collationes sunt, quæ cum oppositione miscentur, ut Cic. 6. in Verr. *Conferre hanc pacem cum bello; hujus Imperatoris adventum, cum illius victoria; hujus cohortem impuram, cum illius exercitu invicto; hujus libidines, cum illius continentia, ab illo, qui cepit conditas; ab hoc, qui consensu accipit: capias dicetis Syracusas.* Ornant etiam comparata *gnomen* maximè. Ita Seneca: *Ocium sine lictoris mors est, & vivi hominis sepultura.*

(a) γνώμη. (b) νόημα. (c) ἐπιφώνημα. (d) συμβολή.
(e) ἀνθεβολή. (f) ἀναμύωσις. ὁμοφύω. (g) εἰκὼν.

Exemplum sive παράδειγμα tunc dicitur, cum docendi gratia factum alteri proponitur, ex cuius similitudine instruitur ad vitandum quippiam, aut sequendum.

10. Distributio (dicta Græcis μερισμός) est, cum vel simpliciter res in suas partes distribuitur, ut Cic. pro Mar. Nihil sibi ex ista laude Centurio, nihil præfatus, nihil cohors, nihil turba decerpit, &c. Vel uni cuique parti sua laus vel reprehensio subicitur, ut Cic. pro Amer. *His de rebus tantis, tamque atrocibus, neque satum commodè dicere, neque satis libere vociferari posse intelligo. Nam commoditati ingenium, gravitati aitas, libertati tempora sunt impedimento.*

17. Antithesis sive Oppositio aut Contrapositum est in qua verba verbis, aut sententiæ sententiis opponuntur, idque, aut simpliciter, aut conversim. sive id fiat in contrariis, sive in negantibus, sive in repugnantibus, sive denique tantum in diversis. eadem etiam hic omnium lex est. Hæc penè omnium figurarum est illustrissima: quòd contraria juxta se posita maximè elucescant. Quare al quod earum subijciam. simpliciter opponuntur; (a) vel singula singulis. ut Cic. 2. in Catil. *Hoc verò quis ferro possit, inertes homines fortissimis viris insidiari, stultissimos prudentissimis, ebriosos sobriis, dormientes vigilantibus. Et Verr. 6. Conferte Verrem; non ut hominem cum homine comparetur; (ne qua tali viro mortuo fiat injuria) sed ut pacem cum bello, leges cum vi, forum & jurisdictionem cum pace & armis, adventum & comitatum cum exercitu & victoria conferatis. Et pro Quinct. Plus hujus inopia possit ad misericordiam, quàm illius opes ad crudelitatem. Et pro Posthumio, Egentes in locupletes, perdis in bonos, servi in Dominos armabantur. Et ante Exil. Cedam inermis armatis, innocens nocentibus.*

Vel plura opponuntur pluribus ut Cic. Philip. 8. *Antonii promissa cruenta, tetra. Diis hominibusque invisa, nec diuturna, nec salutaria; nostra verò, contra, integra, honesta, gloriosa, plena lætitiæ, plena pietatis.*

Vel miscentur hæ oppositiones. (b) ut Cic. pro Mil. *Est enim hæc non scripta, sed nata lex, quam non didicimus, accepimus, legimus: verùm ex natura ipsa arripuim⁹, hausimus, expressim⁹, ad quam non docti, sed facti, non instituti, sed imbuti sumus.*

(a) ἀντίθεσις. vel ἀντίθετον. (b) μετάθεσις junctæ ἀντίθεσι.

Elegans oppositio est, cum in eadem re præter expectationem diversa conjunguntur. ut Cic. pro Ligar. Si in tanta tua fortuna, lenitas tanta non esset, quantam per te obtines, acerbissimo luctu redundaret ista victoria quam multi enim essent de victoribus, qui te crudelem esse vellent; cum etiam de victore reperiantur? quam multi qui cum à te nemini ignosci vellet, impediret clementiam tuam, cum etiam ii, quibus ignovisti, nolint te in alios esse misericordem. Et pro lege Manil. Neque enim potest exercitum is continere Imperator, qui seipsum non continet; neque severus esse in judicando, qui alios in se severos judices non vult.

Conversim opponuntur, per commutationem. m(a) singula plerumque singulis. ut Cic. pro D. Jotaro. Fit in dominatu servitus, in servitute dominatus. & Plin. de Trajano Non ideo vicissim videris, uti triumphares; sed triumphare, quia vinceres. Cic. pro lege Man. Hoc tantum bellum, tam turpe, tam vetus, tam late divisum, quod unquam arbutaretur, aut ab omnibus Imperatoribus uno anno, aut omnibus annis ab uno Imperatore confici posse? Pro Cluent. Illa definitio judiciorum æquorum, qua nobis à majoribus tradita est, retineatur: ut in judicio, & sine invidia culpa plectatur, & sine culpa invidia ponatur. Pro Quinct. Iugulare civem, ne iure quisquam bonus vult, ma vult enim commemorare, se, cum posset perdere, peperisse, quam, cum parcere potuerit, perdidisset. Et post Reditum Mithridatem amantissimum, me fratri amantissimo; liberis nostris parentes, nobis liberos reddidisti.

Præter hæc & aliud genus oppositionis peracutum est, quod ὀξύμωρον Gæci dicunt, cum fatuum videatur, & tamen acutum sit. quando scilicet idem negatur de seipso. ut Cic. in Catil. Cum tacent, clamant Et in Bruto. Tum etiam ipsa de qua disputare ordimur, eloquentia obmutuit. Et Mart. l. 12. epist. 72. Quisquis ubique habitat, Maxime, nusquam habitat. Sed ut hæc aliaque dispositionum genera argutè dictis serviunt, ita de his latius in Argut. Epig. egimus, quo avidum lectorem remittimus.

Tantum suffecerit de oppositis, quæ potissimum in Oratione florent ad delectationem instituta, quæ quo magis artem ingeniumque sapiunt, tantò in permovendis animis minus erunt adhibenda. Caterum Hypotyposis & Ethopœia
quan-

quandoque etiam ad oblectandum valent; sed cum gravior eorum in movendo sit virtus, postea de illis agendum erit.

CAPUT XXX.

DE FIGURIS AD MOVENDOS ANIMOS comparatis.

Interrogatio & Subjectio, Dubitatio & Correctio, Concessio, Licentia, & Reticentia ad motum valent; sed quòd delectarent quoque, ac naturali quodam ordine figuris cæteris neciterentur, supra paucis exposui.

2. *Exclamatio* (a) ad movendum inprimis idonea, est ad rei alicujus propositam magnitudinem, in admiratione, ira, miseratione, dolore lætitiave erumpens oratio. Cic. Phil. 2. *O audaciam immanem! tu ingredi illam domum ausus es? tu illud sanctissimum limen intrare?* Ironiæ quandoque servit. ut in Ant. 3. *O præclarum custodem ovium, in ajunt, lupum! custesne urbis an direptor, & vexator Antonius?*

3. *Oratio* (b) est, vehementis desiderii, quo publicæ, aut privatæ cuiusdam rei, bene cupimus, expositio. Cic. pro lege Man. *Vtinam virorum fortium atque innocentium tantam copiam haberemus, ut hæc nobis deliberatio difficilis esset, &c.* Pro Mur. *Di favite, ut meus Collega vir fortissimus hoc Catilina nefarium consilium armatus opprimat!*

4. *Deprecatio* (c) est, quâ post rei patheticam expositionem aliquid ab Auditoribus vel adversariis obnixè petimus. Cic. pro Mil. *Quid restat, nisi ut orem obtesterque vos, ut eam misericordiam tribuatis fortissimo viro, quam ipse non implorat, &c.* Pro Dejot. *Per dextram te istam oro, quam Regi Dejotaro hospes hospiti porrexisti, istam, inquam, dextram, non tam in bellis & præliis, quam in promissis, & fide firmiorem.*

5. *Imprecatio* (d) malum alicui imprecatur; sed Christianè usurpanda erit. Cic. Phil. 13. *Quin tu abis in malam pestem, malumque cruciatum? ad te quisquam veniat, nisi Ventidii similis?*

6. *Ominatio* (e) futurorum aut bonorum, aut malorum expositio est. Cic. pro Mil. *Erit, erit illud profecto tempus, cum*
tu &

(a) ἐκπώνησις. (b) ἐυχὴ. (c) δέησις. (d) κατάρα.
(e) μαντεία.

tu & amicissimi hominis benevolentiam, & gravissimi hominis fidem, & unius post homines natos fortissimi viri magnitudinem animi desideres. Plo Mur. Illa pestis immanis, importuna, Catilina prorumpet, in agros suburbanos repente advolabit. versabitur in castris furor, in curia timor, in foro conjuratio, in campo exercitus, in agris vastitas; omni autem in sede ac loco ferrum flammamque metuemus.

7. Exprobratio (a) est, qua vel præteritam, vel præsentem levitatem per insultationem obijcimus. Cic. pro Rosc. Quid ergo nunc adfers, quare id factum putamus? finge aliquid saltem commodè, ut ne plenè videaris id facere, quod aperte facis, &c. In nunc superbe, Virginum thalamos pete, contemne matres.

Incrementum sive auxesis est, cum ab imo velut per gradus ad summum itur, ut Cic. in Ver. Facinus est vincere civem Rom. scelus verberare, prope parricidium necare, quid dicam in crucem tollere. Et pro Quinct. Miserum est exturbare fortunis omnibus, miserius est injuria, acerbum est ab aliquo circumveniri, acerbius à propinquis, &c. Quod si contra, ut in defensione solet, descendatur & remissionibus res verbis mitigetur μειωσις, erit.

Hypotyposis (b) est rerum gestarum tam disertæ expressio, ut oculis quodammodo subjici videantur. Cic. in Ant. 2. Personabant omnia vocibus ebriorum, natabant pavimenta vino, madebant parietes, &c. In Ver. 7. Procedit iste repente de de pratorio, inflammatus scelere, furore, crudelitate: in forum venit, Navarchos vocari jubet, hominibus miseriis innocentibusque injici catenas imperat. Implorare illi fidem popul. Rom. & quare id faceret interrogare, &c.

9. Eschopœja (c) mores & verba personarum fingit. Cic. Quinct. Quid Nevius adhuc? ridet nostram amentiam scilicet, cum ab eo officia boni viri desideramus. Et quemadmodum natus, inquit, & quemadmodum educatus sum memini. Vetustest, de scurra divitem facilius multò, quàm patrēfamilias fieri posse. Et contra Rull. tam designatus (Tribunus plebis) alio vultu, alio vocis sono, alio incessu esse meditabatur, vestitus obsoletiore, corpore inculto, & horrido, capillatior quam ante barbaque

barbaque majore, ut oculus & aspectu denuntiare vim tribunitiam & minitari Reip. videretur. Quæ, si facta essent, ad hypotyposin spectarent.

Dialogismum, (a) sive sermocinationem, alii huic addunt, quando videlicet sermo inter duos pluresve exponitur. At h c si verus, ad hypotyposin, si fictus, ad ethopœjam aut prosopopœjam spectabit.

10. Prosopopœja (b) etiam personas fingit, rebus inanimis verba actionesque tribuens. Hac & mortui vitam: urbes, virtutes, ac vitia vocem accipiunt Cic. pro Cælio. Cacus ille profecto (Appius jam mortuus) si extiterit, sic aget, sic loquetur. *Mulier quid tibi cum Cælio? quid cum homine adolescentulo? quid cum alieno? cum aut tam familiaris huic fuisti, ut aurum commodares? aut tam inimica; ut venenum timeres?* Sic in Catil. i patriam secum loquentem inducit. Etenim si mihi patria, qua mihi vita mea multo est charior, si cuncta Italia, si omnis Respubl. sic loqueretur; M. Tulli quid agis? Tunc eum quem hostem comperisti, quem ducem belli futurum vides, autorem sceleris, principem conjurationis? Et in Verr. Sicilia tota si una voce loqueretur, hac diceret, &c. Et in Ant. Quod si nunc ille Brutus reviviscat, & hic ante vestros pedes adsit, nonne hac uteretur Oratione? Ego Reges eieci, vos tyrannos introducit; ego libertatem, qua non erat, peperit, vos partam servare non vultis; ego capitis mei periculo patriam liberavi, vos liberi sine periculo esse non curatis. Pro Balbo. Vtrum enim inscientem vultis contra fœdera fecisse, an scientem? si scientem, O nomen nostri imperii! ô populi Romani excellens dignitas! ô nationes, urbes populi, Reges, Tetrarchæ, testes En. Pompei, non solum virtutis in bello, sed etiam religionis in pace! Vos denique, mætae regiones, imploro, & sola terrarum ultimarum, vos maria, portus, insula littoraque, &c. hunc quisquam incredibili quadam atque inaudita gravitate, virtute, constantia prædictum, fœdera scientem neglexisse, violasse, rupisse dicere audebit? Rariores hæc tres figuræ, ad delectandum juxta ac monendum idoneæ sunt, & posterior quidem causâ inductione præmunienda tum deinde uberi eloquentia est prosequenda, ne frigida fictione evanescat.

11. Apostrophæ (c) est aversus à Judice sermo, ad Deum, homines, aut etiâ inanimata. Valet inprimis, cum Adversarios

urge-

(a) διαλογισμός. (b) προσωποποιία. (c) ἀπεστροφή.

urgemus. Cic. in Cat. 1. *Quousque tandem Catilina abutere patientia nostra, quamdiu nos etiam iste tuus furor eludit? Et in Pison. Jamne vides bellua, jamne sentis, qua sit hominum querela frons tua? &c.* Hæc itaque figura, minatur, hortatur, ridet, impellit, miseretur etiam tui pro domo: *Te Quinte Catule, patremne appellem, an filium? &c.* Quandoque autem, in aliorum persona compellata, quid Judicibus aliisve gravioribus viris faciendum sit, Orator consultius ostendit. Sic pro Roscio Cicero ab adversario Chrysogono potius, quam Judicibus æquitatem postulat. *Orat te. Chrysogone, si nihil de patris fortunis amplissimis in suam rem convertit, si nulla in re te fraudavit, si tibi optima fide sua omnia concessit, adnumeravit, appendit: &c. ut sibi per te liceat innocenti, amicorum opibus vitam in egestate degera.* Ad Deum etiam cœlitæque Oratio patheticè convertitur. ut Cic. pro domo. *O Dis immortales, vos enim hac audire cupio, P. Clodius vestra sacra curat? vestrum Numen horret? res omnes humanas religione vestra contineri putat? Conversæ ad res inanimatas orationis exemplum habes paulò ante pro Balbo. Vos mutare regiones, imploro, &c.* quæ ratio ad dignitatem exaggerandam valet. *O leges Porcia, legeque Sempronia! &c.*

12. Repetitio etiam ex verborum figuris, quæ verba junctim conduplicat, tum *Asyndeton*, atque etiam *Synonymia* ad motum imprimis serviunt, cui *Poly syndeton* tunc accedit, quando res magnitudine sua extollenda est, ad illius gravitatem exprimendam.

CAPUT XXXI.

DE APTA PARTIUM CONNEXIONE,
& figurarum inductione per Oratorias Transitiones
in eodem exemplo, ad faciliorem apprehensionem, propositas.

HActenus cum inveniendi, tum eloquendi artificium prosecuti sumus. nunc, ut aptis inter se partes orationis nexibus hæreant, ornatusque ille figurarum ad facilem usum traducatur, videndum est. Quæ sanè observatio plurimum ad ornatum varietatemque orationis momenti adfert. Cum hæc

tam ad idoneam rerum distributionem d'stinctionemque, quam ad opportunum figurarum cultum viam præstet, usque compertum sit, hic plerumque non satis peritis aquam hære. Quare hac in re exemplo variè in una eademque materia inflexo, ad faciliorem apprehensionem memoriamque utamur.

Vinculum hoc Orationis, quo vel una pars cum alia, vel una ratio cum altera cōnectitur, transitio appellari consuevit.

Transitio à parte ad partem est, quâ. e. g. ab exordio ad narrationem, aut propositionem, ab hac ad confirmationem, &c. transitur.

Transitio à rationibus, vel est ad rationes proximas, sive primas; vel ad remotas, sive ultimas. Deinde ea est, quâ ab uno argumentorum genere ad aliud transitur; ut ab effectis ad causas, ad contraria, similia, testimonia, &c. idque vel simpliciter, vel figuratè.

Transitio ab una partium Orationis ad alteram, debet esse clara, & d'stincta; ideoque plerumque non figurata. Quod locum etiam habet, quando ab uno confirmationis membro præcipuo, transitur ad alterum, e. g. à rei honestate, ad alterum. Ratio est, quia nisi hæc planissimè proponantur, d'stributio obscura erit, neque auditores memoriæ ordo, ac robur argumentorum, insidebit. Unde magno artificio hic opus non est, sed apertè, quid velis, profitendum. Exemplo sit. Constituisti aliquem laudare ab Eloquentiæ studiis. Primum ab ingenio & facultatibus naturæ, deinde à diligentia & artis perfectione, denique etiam à virtute, honoribus, opibus, per eloquentiam comparatis; sive ab utilitate & honestate Eloquentiæ poteris extollere, ac si apertè transire: *Dixi de ingenio, nunc de ejus diligentia accipite.*

I. Ad narrationem, seu propositionem transibis simpliciter, postquam in Exordio benevolentiam attentionemque captaveris, hac similive methodo.

Dicam quantum in Eloquentiæ studiis Muretus profecerit, quantum ab iisdem illi accesserit ornamentum, quo in dicendè genere tenuitatem meam vestrà omnium benevolentiam sublevandam spero. Primum itaque, quo ad hoc studium ingenio, quibusque natura facultatibus præditus accesserit; deinde, qua diligentia ad hujus perfectionem artis penetraverit; denique quibus

quibus opibus, honoribus, ac virtutibus per illam auctum fuerit. videbimus. Atque ut ab ipso Eloquentia fonte, hoc est, ingenio ac ratione, mea quoque proficiscatur oratio, Muretum sentio inter prestantissima hujus seculi ingenia ad eloquentiam natum fuisse, ille enim, &c.

Vel, Cum multa in Mureto commemoratione digna, quibus & Rempubl. Ecclesiasticam ornavit, & literariam amplificavit, tum illud mihi in primis Eloquentia studium, ex quo pleraque manarunt cetera, visum est laude dignissimum in quo, ante omnia, ejus veneror ingenium, diligentiam admiror, opes, honores, virtutesque inde profectas suspicio. qua proinde singula dum fusiori aliquanto oratione prosequor, vos de Eloquentia minus eloquenter dicentem, benevola vestri favoris aura recreate. Ingenium ego Mureti præcipuè veneror, siquidem is, &c.

II. Ad Confirmationem, sive causam rei, quam probamus, transitur, vel simpliciter, per particulas Nam, Enim, Enimvero. siquidem. Et si factum aliquod dictumve approbetur, præmitti solet, Et rectè. Rectè enim verò. Et profectò sapientissimè. Et sanè prudenter. Nec absque causa, ratione, consilio. Gravissimis de causis. Nec levibus de causis. Non levibus inductus argumentis. Et jure merito, optimo. Nec injuria, immeritò; siquidem diligentia illa est, per quam ad Eloquentiam conmittimur, &c.

Vel figuratè, per præteritionem, si plures simul rationes occurrant. Nam ut memorandi vim præteream, nec illam tangent judicii acrimoniam, quanta illius sit, & in subtilissimis quibusque rebus apprehendendis celeritas, & in discutiendis perspicacia, experientia didicim, &c.

Aut per sustentationem. Et verò quid existimatis hanc illi persuasisse diligentiam? an fortè inutili curiositate rerum novarum abreptum? aut inani sciendi voluptate captum? aut denique vanissimis impulsus gloria studiis? Nequaquam sanè. major illum Reip. utilitas, vitaque cum virtute traducenda honestas provocavit. Vidit omnino quantum in literis commodi, &c.

III. Ad Confutationem serviunt particulae, At, sed, verum, verum tamen, Enimvero, verum enim vero, Sed enim. Opponit, Occurrit, Obstat hoc loco quorundam invidentium importuna loquacitas, qui cupiditate magis gloria, quàm amore Elo-

quentia Muretum ductum autumant. Falluntur tamen, atque aberrant graviter. Etenim, ut is ambitione vanissima ductus sit, qui tanta contentione pro virtute egit, nemo mihi facile persuaserit. Reclamant illæ disertissima voces, &c.

Vel figuratè transitur. Per Apostrophen. Audite nunc vanissimum hominem tam aperte sese veritati opponentem. Muretus inquit, plus aluit cupiditatis in pectore, quam eloquentia, &c. Apagæ his vocibus, invidentia plenissimis.

Per communicationem. Verum quid tam sanctum, namerisque absolutum omnibus, quod non carpat invidia? Te hic ego Mævi consulo, de Mureto quid sentias? quo ille tibi fructu versatus putetur in litoris? Quid hares, quingenuinos illos tuos in illum mordaciter exeris? Non ita est, auditores, qui parcat innocentibus, viri illi gravissimi existimationem his audet deterius proscindere, &c.

Per Ironiam. Reliquum est, ut ex Mævio tanti viri praconium audiamus. Rarum ille aliquid ad illius existimationem tollendam, dicam, extollendam, adfert. Quid igitur? arrogantem atque inanis gloria cupidissimum hominem Muretum nuncupat. O plenas impudentia voces! illum tu arrogantem, &c. dixeris, qui, &c. Vide quæ infra tradidi c. 33. n. 4. de oppositis rationibus.

Corrigendi se ipsum ratio his iisdem formatur particulis, & figuris extollitur. Sed quid diligentem appello, quem diligentissimum dictum oportuit, &c. Verum nimium ego parcus laudator sum, &c. At enim à proposito longius evagatus sum, reverterar, &c.

IV. Ad Conclusionem venies simpliciter, per particulas. Ergo, igitur, Itaque, Quapropter, Quare, Quocirca, Quamobrem, Ideo, Idcirco, Proinde. Vel etiam si apertè profitearis. Sed jam finem dicendi facio. Ad finem denique procurrit oratio. Hæc concludo. Quæ cum ita sint, finio. At ne vestra abutar patientia, hic libet sufficere. Recolligite nunc mecum, auditores, unum hominis tantam in dicendo copiam, in persuadendo vim, &c. At contrahamus denique effusa nimium orationis habenas, &c. Ex quo intelligitur, conficitur, constat. Quo fit, &c.

Vel figuratè, per interrogationem. Et quisnam sit, qui dubitare ausit? Dubitabit igitur Auditores?

Per Apostrophen, exoptando, adhortando, detestando, &c. concluditur. Vos igitur adolescentes, utinam illud æstimeris elo-

quentia

quentia studium, quod in Mureto summam gloriam cum summa virtute coniunxit, &c. Videte nunc, quid vobis faciendum sit. Quapropter vos nunc orę, adolescentes, obtestorque, per illam spem, quam de vobis excitaſtus, Mureti vestigiis insistite, &c.

Per Ironicam concessionem. Ite nunc, adolescentes, & plenam in lucem stertite, quando ipsum solem praoccupare etiam Muretus venientem solebat, ite ac diem otio consumite, &c. Negligite igitur, si vultis, Eloquentiam, qua & opes tantas, & jam raros honores, &c. reconciliat. Fovete nunc desidiaſorum adolescentum otia, &c.

Per Protopopœjam. Quocirca nullum tempus erit, quo te animorum nostrorum decus Eloquentia non amplectar atque osculer. Tu meorum eris unica laborum meta, qua tantam Mureto & virtutem conciliaſti, & gloriam, &c.

Per Epiphonema etiam breviter concluditur. Adeo nihil tam vile est, quod ab Eloquentia dignitatem non possit accipere. Tantum est eloquentia in teneris adolescentia annis omnem operam adhibuisse.

CAPUT XXXII.

TRANSITIONES AD DIVERSA membra partium.

PRæter has orationis partes, sunt alia quædam ejusmodi membra, quæ in Narratione longiori, & præsertim in Confirmatione aut Confutatione occurrunt. Ut si eandem rem, e.g. Eloquentiam probemus utilem, honestam, & jucundam, vel in eodem homine ingenium, & diligentiam conjungamus.

1. In his transimus vel simpliciter ut Quanta ipsius ingenii facultas fuerit audistis, nunc qua fueris diligentia accipite. Hactenus de utilitate Eloquentia; nunc ipsius in rebus humanis dignitatem cognoscite. Attendite, Videte, Intelligite, Cognoscite Expendite. Considerate, nunc Eloquentia dignitatem. Utilitatem vidimus, dignitatem expendamus. Nunc ad eloquentia dignitatem festinat, properat, anhelat oratio. Utilitas jam satis perspecta est, diligentia omitti, negligi, præteriri silentio non debet.

Nonnunquam causa transcendendi additur. Sed nunc expectare

claro videmini, ut de ejus dignitate pauca dicam. Sentio vos expectare, ut sit tanta in Eloquentia utilitas, quanta ejus sit dignitas, audiat. Atque ut modum in dicendo servemus. Ne in immensum excreseat oratio. Ne vestra abutar patientia. Ne vestris auribus gravis sim, ut tadio audiendi subleuem, Quoniam temporis urgent angustia, Ne, consueta orationis terminos prateruehar, de ejus dignitate nonnulla adferam. Sed me dignitas Eloquentia invitat, rapit, sua trahit pulchritudine.

II. Vel tropicè, idque ferè Metaphoricè, in florenti magis oratione transitur. ut: Nunc ipsius Eloquentia florem pulcherrimum, hoc est, honorem illi impendi solitum delibemus, depingamus, adumbremus. Nunc imaginem, dignitatis illius, quae ex eloquentia subnascitur, oculis subjiciamus. Superest, restat, Reliquum est, ut oratio velis, remisque in ipsius Eloquentia dignitatem excurrat. Subeamus nunc illud amœnissimum Eloquentia viridarium, cultissimum hortum, in quo ejus efflorescit dignitas, &c.

Nunc porro in amœnissima non hortorum, sed Eloquentiae spatia sese effundat oratio, in quibus de illius dignitate concertatur. Ad extremum superest, ut favoris vestri aura provecti ad illam, quae dignitate ipsius propria est, partem appellamus.

III. Vel figuratè per interrogationem. Quid? quod dignitas hujus disciplina singularis, &c. Iam vero, num quisquam in Eloquentia honestatem desiderat?

Per correctionem. Sed quid tamdiu de Eloquentia scilicet tanquam de re ignota dissero? quid immoror utilitati? ad dignitatem propius veniamus. Sed finis sit disceptationis instituta, qua de commodis quaritur. Sed de utilitate nimis fortasse multa, &c.

Per præteritionem. Mitto plurima, quae de utilitate dici possunt. Tempus me deficeret. Dies abiret, Nox occuparet omnia de Eloquentiae commodis persequentem, Omnes utilitatis articulos discutientem, Momenta ponderantem. Superfedendum his igitur, ut dignitatem ejus contemplemur. Cetera, quae utilitati sunt propria, transeo, omitto, prætereo, ne fastidium, nauseam creem, generem, adferam, &c.

Per comparisonem. Componamus, conferamus, &c. hanc dignitatem cum utilitate, & utra sit potior videamus. Magna ejus utilitas, sed dignitas major, haud sane minor, inferior. Atque ut Eloquentia commoda, sic honestatem potiori jure admittam

rari potest, aestimabitur, &c. Atque, ut Eloquentia utilitas vestrum incitare laborem, sic dignitas amorem poterit inflammare.

Pro prolepsin, vel ante occupationem. Sederit fortasse aliquis, qui honestatem hac in arte desiderat, cui ego & rationem ipsam, & praeclarissimorum hominum sententiam objiciam. Sed existimabit nonnemo, vilium tantum animorum esse nil nisi utile consecrari, cui ego conjunctam cum utilitate dignitatem in Eloquentia ostendam. At verò inveniemus divites hujusce utilitatis contemptores, quibus ego facile quantum in Eloquentia honestatis insit, demonstravero.

Per concessionem. Sed esto, minor sit Eloquentia, hac aetate in foro utilitas, dignitas est certè maxima. Verum fortasse nunc de eius dignitate commorare otiosum fuerit, quod plerique utilia honestu praeferrant. Esto, reperiantur qui Eloquentia studium despiciant, certè qui ejus honestate non tanguntur, paucos futuros existimo.

CAPUT XXXIII.

TRANSITIONES AD DIVERSAS rationes & argumenta partium, sive membrorum Orationis.

UT variis rationibus argumentisq;, ex locis propriis communibusque deductis, pars quæque membrumque Orationis probatur ac stabilitur; sic etiam Transitionibus exornatur. Quare, & hi articuli nexusque minorum partium negligendi non erunt. Quia ab ipso cujusque membri aditu cuiusque totius plerumque dissertationis successus ornatusque dependet.

Rationes autem, vel proximæ sunt, ad quas primo; vel remotæ, ad quos transitur post alias.

Ad rationes proximas transitur 1. simpliciter, eis fere particulis, quæ supra in confirmatione allatæ sunt. Nam Confirmatio in principio est transitus quidam ad rationem proximam, usurpando. Nam, quia, quod, propterea, quod, quando, quandoquidem, quoniam, Ut qui, cum quippe. Vel per asseverationis notas. Na, profecto, certe, certe quidem, sane, vel ab ipsa propositione rationis ordiendo. Manifesta hic nobis ratio suffragatur, Neque temere affirmavi, aperta res est. Causa est. Argumento est. Neque ambigere in re clarissima licet.

Vel figuratè, per interrogationem. Quid enim? an de uti-

litate ejus discipline dubitabimus, quæ à vitiis sceleratos quosque retrahit, ad virtutes accendit? Etenim honores ab Eloquentia fluunt: quis inficiabitur? &c.

Per ironicam exceptionem. Nisi, Nisi forte, Nisi vero, Nisi fortasse hanc esse neget Reip. utilitatem sceleratos coercere, timidos impellere, &c. Nisi vero nullum sit emolumentum, opibus affluere, honoribus extolli, &c.

Per subjectionem. Nam quid illi Eloquentia studium contulit? opes auxit, necessarium vite humana subsidium. Quid tam novum atque inauditum, quam summorum occupare Principum animos, atque ad omnem suum nutum inflectere? Hoc illo Eloquentia est consecutus.

II. Ad rationes remotas transitur, vel simpliciter per particulas. Iam verò, Deinde, Adhuc, Amplius, Præterea, Insuper, Adhuc, Tum verò. Sequitur nunc. Porro. Si tamen ferè postremæ sint rationes, servient. Denique, Demum. Adde quod, Accedit. Si omnino postremæ sint. Postremo, Ad extremum, Ulimum.

Vel figuratè. Locus enim hic est figuris penè omnibus, post præmissas illas particulas, excepta præteritione, quæ in ultima ratione locum non habet. Per Apostrophen. Ponite vobis nunc ob oculos, quantum presidium ad omnem virtutem adferat Eloquentia.

Per communicationem. Iam ex vobis quaro, vel obsecro, ut quantum ad virtutem Eloquentia pondus adferat, commemoretis.

Per concessionem. Verùm age, faciamus nihil ab eloquentia nobis esse præsidii: an quod virtutem suadeat conservetque, satis non est, &c.

Per Gradationem. Magna fateor ab Eloquentia ad honorem præsidia, majora ad virtutem.

Per Correctionem. Eloquentia nonnullis ob difficultatem displicet; sed & is virtus displiceat necesse est. Sed frustra compertis immoror, progrediar ad virtutem.

Per Prosopopœiam. Vinam nunc istorum voces audivi licet, qui ex profundo vitiorum ad virtutis apicem Eloquentia duce emerferunt, &c.

III. Ad duas, vel plures rationes, vel simpliciter transitur, his particulis adhibitis. cum, tum; Tum, tum; Tam, quam; Quà, quàm, Et, &; Aut, aut; Vel, vel; Non, solum, Sed etiam: Non modo, verum, etiam. Vel figuratè.

Pet

Per distributionem. ut, *Dua res sunt, quae ab Eloquentia proveniunt, opes & honores; opibus, potentia, honoribus, benevolentia multorum confirmatur: illa lautam vitam, hi splendendam praestant, &c.*

Per Præteritionem. *Nihil de opibus, quas Eloquentia auget, loquar; de honoribus sermo est; illis locupletatur, his ornatur.*

Per Comparisonem. *Quid de eloquentia dicam? opibus, an honoribus magis comparandis aptam? an ex aequo utrisque augendis idoneam?*

Difficile sanè dictum est, plus opibus, an honoribus augendis conducat Eloquentia.

Per concessionem. *Finge nihil ad opes parandas esse praesidii ab Eloquentia, quod nemo nisi amens dixerit; nonne ad honores viam facilem muniunt?*

Per remotionem causarum. *Quid tandem obstat, quin omne studium Eloquentia impendimus? an quia opibus parandis non admodum idonea est? at re nulla perinde facile cumulantur divitiae? an quia honoribus parum opportuna est? at nihil ad illas obtinendas expeditius.*

IV. Ad oppositas disparatasque rationes, ac sententias, vel transitur simpliciter, per particulas: *Tamen, Attamen, Verum tamen. Sed. Sed tamen, Attamen, Verum enim vero, Quamquam, Etsi, Tametsi. At enim dicet aliquis. Sed inquit; Sed quosdam audire hic videor, &c.*

Ad disparatas ferè, ut rationes remotas, transitur, per particulas: *Ac, Atque, Age, vero, Age sis nunc, Et quidem, Et vero. At at, Et sanè. Et cerè, At vero. Porro, Porro autem. Quid? quod, Quid vero, Sed ne illud pratercam. Ne memoria excidat.*

Vel figuratè. Per dubitationem. *Quid ergo? an eloquentia res adeo difficilis est? Sit sanè. Difficilia enim quae pulchra.*

Per Apostrophen. *At negas tibi ad eloquentiam ingenium à natura datum esse? Ne tu mihi graviter hallucinari videris. Tuam appello facilitatem, &c.*

Per ironiam. *Dicis te labore absterveri. Praclara vero excusatio!*

Per exclamationem. *At te laboris tadet. O inertiam!*

Per communicationem. *Quid ergo: laborem subterfugis? Apagista d' s'ilia.*

Audite nunc adolescentem egregium, laborem hunc aver-
K 4
satur,

satur. Quid vobis videtur. tantumne in ista aetate dedecus ferendum est?

Per exceptionem. Nisi forte laborem subterfugias. Sed quid absque labore? Vide supra de Confutatione.

V. Ad contraria rationum, vel simpliciter transitur per particulas. Contra, Contra verò, Aliud planè, Secus tamen, Aliiter longè res habet, Sed, Veruntamen. At vero, &c. Verum non nisi vigilantibus hæc scientia provenit, nihil expectandum inertibus.

Vel figuratè, idque per memoratas antea figuras. Apostrophē inprimis ubivis requiritur. Vos hic inertes ac desidēs appello, edicite, quid à tam utili honestoque vos otio seducat? &c.

Per concessionem. Age vero concedamus amœnissimum illud adolescentiæ tempus otio prodigas, quantum in re ad reliquam aetatem manebit detrimentum?

Per optationem. Utinam somnolenti omnes, & vigiliarum otores, adolescentes hæc ratione ducerentur, damnarent inertiam, &c.

VI. Ad similia transitur, vel simpliciter, vel particulas: Quemadmodum, Ut, Vti, Velut, Sicut, Vt enim. Non dissimilis studioso apis, &c.

Vel figuratè. Per interrogationem, Annon illud faciunt bruta animantes, atque inprimis florum illæ popularices apes? Primâ ad laborem luce se conferunt.

Per Apostrophē. Vos melligeras ego apicillas compello, quid est, cur primo vos diluculo in campum effunditis, &c. Ad apes, vos ego somnolentos, provoco, has illucescente jam die contemplantini, &c.

Per fictam personæ inductionem. Etenim si ipsa vobiscum apes humana voce loquerentur, vestram accusarent inertiam, suo vos damnarent exemplo, &c. sic denique vobiscum agerent. Nos quarum labor aliarum magis utilitati, quàm propria emolumentis impenditur, & quas non ratio, sed natura instruit, solerti tamen industria opus nostrum aggredimur, &c.

Per præoccupationem ironicam. Nisi forè ab apibus & brutis animantibus ad illa, quæ rationi conformia sunt, instruendi estis.

Per descriptionem. Fingite vos modo ante oculos habere suam insudantem telæ araneam. Deum immortalem, quanta ad opus perficienda.

perficiendum solertia utitur. &c. Vos aranea non estis, sed homines, qui sibi, qui posteritati, qui Deo laborant, &c.

VII. Ad exempla & testimonia transiunt, vel simpliciter, Quae res, ut exemplum stabiliatur, demonstratur, clarior, evidentior, apertior, sit, socratem attendite, videte, antelucanas etiam operas antevertentem, &c. Ceterum iisdem exemplis, quibus similia particulis gaudent. Non tamen testimonia. Sed in his à re ipsa simpliciter ordimur, ut, Suffragatur, Favet, Adstipulatur Poeta, dum, inquit, Dii laboribus omnia vendunt.

Figuris penè iisdem gaudent, quibus similia. Rationes tamen quaedam praeterea, in uberrima messe, adiacent.

Per Apostrophem. Vos appello Oratorum lumina, Cicero, & Demosthenes, &c.

Per Prosopopœiam. Si Cicero pro me redux hoc ex loco peroraret, ita loqueretur. Nam si ipsa tecum sic ageret Eloquentia, pro me Cicero omnem laborem suscepit. Reviviscat Demosthenes, Ciceronem audiamus, qui licet per mortem nobis ereptus sit, verba ipsius etiamnum vivunt, &c.

Per Ironiam; Quae si falsa sint, derideatur Cicero. Accusandus erit erroris Demosthenes, qui tantum eloquentiae tribuit, laboris impendit, &c. Aeneas Socrates fuerit. Nisi forte Ciceronem dementem arbitremur, &c.

Per Concessionem. Sed erraverit Socrates, nos etiam cum eodem hallucinemur; ut Salomonem mortalium sapientissimum, nemo errare fecerit, &c.

Per hypotyposin, seu descriptionem. Facite vos modo audire, aut intueri Socratem, aliam etiamnum nocte somnum oculis excutientem, ad Musaeum sese transferentem. Non illum uxor detinet, non arduus labor deterret, &c.

Per Communicationem. Equidem vos interrogo, num Socrates vobis sapiens, num Cicero laudandus videatur? Quod si mecum senseritis, audite illorum verba, ad illorum vigilantiam attendite, &c.

Per comparationem parium, ut, Id sensit Demosthenes Demosthenem imitatus est Cicero. Idem Demostheni atque hocrazi visum, utrique suffragatus est Cicero. Imparium Nec facile dixeris. plusne in Demosthene copia, an in Cicerone acuminis? Illius major ubertas, huius potior ornatus. Ille hortatur, hic cogit; ille copiose, hic etiam cultè loquitur.

Per remotionem causarum. *Quid enim eloquentia stultiusum deterreat? an labor? at hic Ciceronem non terruit, an desidioforum exempla? sed neque iisdem retardatus est Cicero, &c.*

Ex his, nisi fallor, promptum cuique erit, quemcunque figurarum ornatum, & mente complecti, & ad scribendi d. cendi que usum traducere.

Ut verò expeditos ea in re discipulos Magister habeat. Jubear nonnunquam dimidiæ unius horæ exercitatione simile aliquod exemplum varia figurarum inductione exornare; nunc hac, nunc alia Transitionum parte assumpta. Nonnunquam unam etiam illustriorem figuram ex Tullio propositam, simili in materia, imitanda adumbrare. Ita denique nihil hac in re, arduum, sed prona omnia, ad facilem copiosamque eloquendi facultatem experientur. Et quamvis principio non idoneo semper loco his ornamentis luxuriabunt; ætate tamen iudicioque hunc facile errorem corrigent; cum jejuna atque inornata dictionis ariditatem maturior ratio nunquam fecundet.

CAPUT XXXIV.

DE ORATIONE TOTIUS COMPOSITIONIS ne cuiusque varietate.

Compositio alia est partium Orationis inter se, alia cum rebus ipsis. Inter se cohæret oratio, *iunctura, ordine, & numero*; cum rebus ipsis *pertenuitatem, gravitatem, aut mediocritatem* dicendi aptè congruit, componiturque; pro rerum videlicet, aut tenuium, aut gravium, aut mediocrium natura. Et hinc potissimum illa scribendi dicendique varietas existit, ac distinctio. Quod à Salustio, Cæsar, ab utroque Livius ac Tacitus; ab omnibus his in scribendo dissideat Cicero, uni præcipue compositioni haud immeritò tribuas. Verba illis Grammatica, & Syntaxis fere communis est, compositio membrorum ac periodorum diversa. Ipse Cicero quod sibi in epistolis, orationibus, totoque eloquentiæ apparatu dissimilis sit compositioni non minus, quam tropis figurisque imputabitur. Adeoque hac parte Romani sermonis diligenter post alias expensâ, futurum est, ut quemvis scribendi characterem haud difficulter æmuleris.

§ 1.

De Orationis compositione, ex variis partibus
sensum complementibus.

Non agimus hic de oratione fusa liberaque, quæ nullis fertur numerorum legibus, & ab Aristot. lib. 3. Rhetor. cap. 9. *εἰς ποικίλην*, sive interminata, dicitur, ac dihyramberum more, sine numero, atque ordine fertur, donec res exposita finem modumque imponat; nec de illa, quæ Poëticis illigata metris, harmonico quodam concentu vires detinet; quod hæc nimia oblectatione verborum, illa prorsus nulla, à rerum consideratione avertat animum: hæc lenocinio quodam diffusionis, illa horrore frangat. Uticirco rectè ad Brutum in Oratore n. 195. Cicero *Neque numerosa esse, ut poema; neque, extra numerum ut sermo vulgi est, debet oratio. alterum nimis vinctum est, ut de industria factum appareat; alterum nimis dissolutum; ut pervagatum, ac vulgare videatur.* Paucis Quint. l. 9. c. 4. *Nihil, inquit, intrare potest in affectum, quod in aure, velut quodam vestibulo, statim offendit.* Quare cum ad persuasionem impulsusque quendam animorum instituta sit oratio; de illa nobis sermo est, quæ lenissima numerorum, per incisa sua, ac membra, inflexione, ductuque audientium animis illabitur, iisque, velut sine sensu, ac per insidas occupatis, veritatem imprimat.

Hoc igitur statuendum, quòd oratio quævis absoluta ex periodis, periodus ex membris, membra ex incisis, incisa ex verbis, uno aut pluribus, consentur. Periodum Latini comprehensionem, circumscriptionem, ambitum, &c. vocant; membra Græci cola, incisa, commata dicunt. Quæ aliter apud Grammaticos, aliter apud Rhetores (ut mox intelliget) distinguuntur. Grammatici enim integram constructionem, quæ nomine & verbo completur, membrum orationis vocant; incisum partem talis membri, ob alias voces interjectas, divisam. Periodum, quæ plura membra, inter se, ad eandem sententiam absolvendam. Signa verò illis distinguendis ferre adhibent diversa; ut inciso tale (,) quod comma appellant: membro tale (:) quod colon dicitur, cui tamen semicolon hoc signo (;) substituitur, si verò eodem, cum vicina periodi parte, ad sensum absolvendum utatur: imò si claudatur commate (,) si incisa in periodo desint. Periodus vero

verò puncto (.) absolvitur, majusculâ consequente literâ, si à proxima periodo ejus sententia non pendeat, sin autem, minusculâ. Hic igitur signorum distinguendum ordo est. Comma distinguit in periodo incisa, vel cum hæc desunt, ad membra etiam transfertur: Semicolon membra minus perfecta, perfectiora colon, (ideoque in oppositis membris ejus usus præcipuus est) punctum claudit periodum. Quod si incisa, aut membra, talia sint, quæ se juncta à periodo seipsis absolvant sententiam, punctis utraque clauduntur: solentque inter Grammaticos periodi appellari: inter Rhetores verò nomen suum, quod in periodo numerosa occupant, extra illam non amittunt.

Unde incisim, vel membratim dicere illi maximè dicuntur, qui minuculas ejusmodi vibrant sententias, quæ seipsis possunt intelligi. ut, *Domus tibi deeras? At habebas. Pecunia superabat: at agebas.* Nunc singulorum naturam videamus.

Periodum Arist. l. 3. Rhet. c. 9. ait esse, λέξιν ἔκδοσαν ἀρχὴν καὶ τέλος τῷ, καὶ μέγιστον εὐσύνολον, orationem, quæ principium finemque habeat, & magnitudinem uno obitu spectabilem.

Debet itaque 1. periodus oratoria in principium finemque (alii πρότασιν ἔσπόμενον vocant) vel commate, vel semicolo, ut minimum, interjecto distingui posse, ideoque ex hac compositione aliquam corporis magnitudinem obtinere; ut, quemadmodum Cicero ait, *velut in orbem à principio scilicet ad finem, procurrat oratio.* Unde si dixeris: *Animadverti omnem accusatoris orationem in duas divisam esse partes,* non erit periodus, seu membrum longius Schinotenes; unâ tamen voce per incisum adjecta, periodum feceris. ut, *Animadverti, Judices, omnem accusatoris, &c. quæ inter minimas periodos, μονόκωλον, seu unius coli, vel membri dicta.*

Debet 2. periodus talem habere magnitudinem, quæ simul animo obijci perlustrari que faciliè possit; qualem esse censent illam, quæ à monocolo ad retracolon, hoc est, quatuor membrorum comprehensionem, extenditur.

Neque enim infra membri unius, neque supra membrorum quatuor, mensuram, volunt assurgere; ita ut, vel μονόκωλον, seu ἀπλῆς, simplex, sit, vel δικωλον, vel τρικωλον, vel denique τετρακωλον habeatur, Quod

Quod si tamen, vel rei exponendæ magnitudo, vel dicentis impetus viresque (ut non rariò fit) periodum quadrimembriem excedant, suo tamen in orbe numerosa feratur oratio; prior quidem periodica seu *περιβολή*; posterior *πνεῦμα*, seu oratio pneumatica vocabitur; quod dicentis spiritum exhauriant. Denique si hunc etiam vindicat, ut respirandum sit (quod scitè, nonnunquam intermissens Orator admonet) *κα' ἀφορὰ*, seu impetus in rebus vehementioribus, *τάσις*, seu extensio, in moderationibus, appellabitur.

§. 2.

De membris & incis.

Membra atque incisa periodum componentia duplicis sunt generis. alia quæ extra periodum (particula connectente, si adsit, sublata) sensum aliquem absolvunt, cum eandem in illa ob connexionem suspendant; alia quæ non nisi in periodo (ob nominis, aut verbi, aliis periodi membris inclusi, defectum) sententiam exhibent. Illa igitur perfecta, hæc imperfecta, periodi, quam componunt, naturam variant. vixque apud Rhetores (qui à Grammaticis hic discedunt, ut Quintil. lib. 9. cap. 4. observat.) alia definitione universè describi possunt, quàm quæ ex magnitudinis mensura desumitur. ut, *membrum* sit *pars periodi, ab hemistichio ad hexametrum versus usque, suis numeris assurgens; incisum* verò *pars membri, vel periodi* (si hæc membri destinatur) quod *ab una voce ad hemistichii mensuram queat ascendere*; ut sit octo, aut quod extremum est, novem syllabarum: si quid ultra accedat, in membris censebitur. Ita membrum, si hexametri, vel syllabarum octodecim mensuram superet, alia voce *Schinotenes*, id est, furnis instar *productum membrum*, dicitur. quod nisi per incisa extendatur, plerumque vitiosum est. Cæterum in concitata oratione frequens illius, per incisa producti, usus est; in moderata ac gravi nonnunquam per epitheta vocum, quandoque etiam per membra (membris, velut in parenthesis, inserta) longius evagatur.

Hæc verò cum primis studioso Lectori sunt observandæ, tum ut cujuslibet, quem sibi imitandum duxit; orationis habitum facile distinguat; tum in locis, rebus temporibusque dictionem

dictonem aptare, & nunc cæsim, nunc membratim, nunc etiam numerosè ac circumscripiè nōrit incedere.

Exemplis rem ordine tradamus. Incisum vel magnitudine sua, ut magnum parvumve: vel sensu, ut perfectum imperfectumve spectatur. Quare aliud minus est, idque in voce una, ut, *veniunt, discumbitur, bibitur*; aliud plenum, ut, *Veniunt hospites, discumbitur ordine, græco more bibitur*. Et hæc singula perfecta sunt incisa, quia seipsis absolunt sententiam. At si dixeris: *Non venirem, discumberem, biberem, nisi invitatus*. imperfecta erunt, quia seipsis plenum sensum non finiunt, sed ad finem suspendunt: ideoque hæc oratio minima periodus monocolor est. Illud propriè est cæsim; hoc circumscripiè, per incisa, dicere: illud narrationibus, & exhortationibus. hoc amplificationibus, & affectibus opportunum est. Ultriusque vis singularis est.

Narratio cæsim facta à Cicero. Ver. 3. *Maturè veniunt, discumbitur, sit inter eos sermo, & invitatio, & græco more bibitur, hospes hortatur, poscunt majoribus poculis, celebratur omnium sermone lætitiæque convivium*. Quanquam membris duobus hæc oratio claudatur.

Exhortatio est pro Sextio. *Amemus patriam, pareamus Senatui, pareamus bonis, presentes fructus negligamus, posteritati & gloria serviamus, &c.*

Amplificat hæc oratio commoda, aut incommoda, vitia, virtutesque, &c cæsim exponendo. Ut pro Archia Cic. *Hæc studia, ait, adolescentiam alunt, senectutem oblectant, secundas res ornant, ad versus persugium ac solatium præbeant, delectant domi, non impediunt foris, pernoctans nobiscum, peregrinantur, rusticantur*. Talis oratio oppositione maiorem vim exserit. ut Cic. in 2. Catil. *Ex hac enim parte pudor pugnat, illinc perulantia; hinc pudicitia, illinc stuprum: hinc fides, illinc fraudatio: hinc pietas, illinc scelus: hinc constantia, illinc furor: hinc honestas, illinc turpitudine: hinc continentia, illinc libido. Hinc æquitas, temperantia, fortitudo, prudentia, virtutes omnes certant, cum iniquitate, cum luxuria, cum ignavia, cum temeritate, cum vitiis omnibus. Postremò copia, cum egestate, bona ratio, cum perditia: mens sana cum amentia: bona denique spes cum rerum omnium desperatione configit*. In qua oratione tres sunt partes, prima quidem membrum est schinotenes per incisa productum; sed non est propriè dicta periodus: quia verbo

Verbo præmissio, in singulis oppositis sensum absolvit. Quod si verbum pugnat; vel in medium, ut *certant*: vel in finem, ut *confligit*, rejectum esset, non minus monocolos hæc periodus, quam utraque consequens existeret.

Porrò repetitio, interrogatio, a'iaque vibrantes figuræ cæsim dictis magnam vim imprimunt. ut in Philip. 11. *Neque alienus ab eo essem; nisi ille vobis, nisi mœnibus, patria, nisi huic urbi, nisi Diis penetibus, nisi aru & focis omnium nostrum, nisi denique natura & humanitati inventus esset inimicus.* Quæ est periodus *διὰ καὶ* & *μακρότερον* &, hoc est, bimembris, verum ultimo membro longiori per schinotenes extensio quod laudabilius censeretur, quam cum *μύχρ* & illa sit, ac notabili brevitate finis claudicet.

Est enim ad disputandum aque excogitando adversarios magna in cæsim dictis vis. Unde Cicero in Vatin. De teipso, *homine & arrogantissimo, & mihi inimicissimo, quæro, Vatinus, utrum tandem putes, huic civitati, huic reipublica, huic urbi, his templis, arario, curia, viris his, quos vides, horum bonis fortune, liberis civibus, cæteris denique Deorum immortalium delubris, auspiciis, religionibus, melius fuisse, & præstabilius, me civem in hac civitate nasci, ante? &c.* Et in Pison. *Dimittendæ verò exercitus quam potes asferre causam? quam potestatem habuisti? quam legem? quod senatus consultum? quod ius, quod exemplum? Quid est aliud furere, nisi non cognoscere homines, non cognoscere leges, non senatum, non civitatem? cruentare corpus suum? major hæc est vitæ, fame, salutis sue vulneratio.* Ubi ex utroque discursu patet, à membris rectius inchoari & finire orationem incisam, ut his velut limitibus includatur. Sed neque ornatum alium, quam qui à figuris est, hæc dictio requirit, præcipua illius vis in partium, rerumque circumstantium enumeratione consistit.

Membrum, si magnitudinem spectes, aliud breve est decem, aut duodecim syllabarum; aliud medium, octodecim; aliud denique maximum schinotericum, quod certam mensuram non habet, cum aliquando longam periodum expleat. Deinde, & simplex aliud, quod nullis incisuris componitur; aliud è diverso ex his compositum. Breve simplexque membrum est, obsequium amicis, versus odium parit. Iterum, si membrorum sensus spectatur; aliud perfectum est, ut utrumque

que jam propositum membrum ; aliud imperfectum , ut si illa eadem periodo sic inclusa efferantur. Cum obsequio amicis . *veritate odium conciliari intelligas ; nonnulla tibi in vitiis amicorum dissimulanda sunt ; nulla vero obsequia , cum tempus postulat , facile prætermittenda .* Quæ periodus trimembris est , & primo quidem , ultimoq ; membro composito . Hæc verò compositio rursus distinguenda est , in illam , quæ simplex potestate , & multiplex censetur . illa ex solis incis is conflata in unius solummodo membri partes dissolvitur : hæc involuta . in unius pronuntiationis ductu , plura membra complectitur . Ut pro Roscio Cic. *Quoniam cuius consilio occisus sit video ; cuius manu sit percussus , non laboro .* Duo hic membra sunt , quæ in quatuor resolvi sic potuerunt *Quoniam non obscure video ; cuius hic homo consilio occisus sit : non magnopere laboro . cuiusnam sit manu percussus .* Pari ratione , & illud supra dictum resolves . *cum vero tempus ita postulat ; nulla facile obsequia sunt prætermittenda .* Quod si verò dixeris ; e g *Quoniam , cuius fraudibus homo innocentissimus circumventus , sceleratq ; consilio . à nefariis sicariis occisus sit , &c .* facile animadverto : Membrum schinotericum efficies , non incis is . sed aliis membris insertis productum , in quæ etiam resolvi poterit . Cuius membri usus in rebus ornatis gravibusque est ; nam in vehementi affectu incisa in schinotericis , aut certe membra breviori impetu vibrata , magis impellunt . Ut sunt illa , quæ habet Cicero de lege Agrar. contra Rull. *Sollicitam mihi civitatem suspitione , suspensam metu , perturbatam vestris legibus , & concionibus , & seditionibus tradidistis , spem improbis ostendistis , timorem probis injectistis ; fidem de foro , dignitatem de republ. sustulistis .* Prior huius discursus pars , duo cum totidem incis is membra absolvit in periodo : reliqua membratim dicta sunt , uno inciso temperata . Quæ subjicio . membratim tantum feruntur . *Omnes , qui se incolumes volunt , sequuntur auctoritatem Consulis , soluti cupiditatibus , liberi à delictis , cauti in periculis , non timidi in contentionibus . Ornantur hæc acuiunturque etiam oppositis in Cicer. Ver. 7 .* *Vide quæ , inter sit inter tuam libidinem , majorumque auctoritatem ; inter amorem furoremque tuum , & illorum consilium , atque prudentiam . Illi aditum littoris Syracusanis ademerunt ; tu maritimum imperium concessisti , &c .*

Illud verò observandum , quod quo membra quæque breviora ,

viora, ad incisã accedunt propius, tantò oratio majori impetu fertur. ut pro M. Cælio. *Detur aliquid avari, sit adolescentia liberior; non omnia voluptatibus denegentur, non semper superet vera illa ac directã ratio: vincat aliquando cupiditas voluptasque rationem; dummodo illa in hoc genere præscriptio, moderatioque teneatur: parcat juvenus pudicitia sua, ne spoliè alienam, ne effundat patrimonium, ne probrum castis, labem integris, infamiam bonis inferat, ne quem interimat, ne inter sit insidiis, scelere careat.*

Ubi incisã membratim dicta concluduntur, quod in primis est elegans. Rectè etiam permiscentur, ut pro Flacco, *O conditiones miseras administrandarum provinciarum, in quibus diligentia plena est simultatum, negligentia vituperationum, ubi severitas periculosa est, liberalitas ingrata, sermo insidiosus, assentatio perniciofa, fons omnium familiaris, multorum animus iratus, iracundia occulta, blanditia aperta, &c.*

Quod si membra hæc, aut etiam incisã suis vineulis inter se, aut in periodo colliguntur, gravior erit oratio atque exornativo generi dicendi serviet; præsertim si oppositis misceatur. Ita Plin. in Trajano. *Enimne aliquis in bello, sed obsolevit in pace: alium toga, sed non arma honestarunt; ille quasi eam domi gloriam, in publico, hic in publico partem, domi perdidit, postremò adhuc nullus exitit, cujus virtutes nullo vitiorum confinio laderentur.* Et Cicero de Pomp. de lege Man. *Qui plura bella gessit, quàm cateri legerunt: plures provincias confecit, quàm alii concupiverunt. Cujus adolescentia ad scientiam rei militaris, non alienis præceptis, sed suis imprimis; non offensionibus belli, sed victoriis: non stipendium, sed triumphus est traducta.* Priorem discursum ultimum una claudic periodus, illa brevior, hæc aliquanto longior, cætera membratim dicuntur.

S. 3.

De periodo & ejus distinctione,

Quæ de Periodo reliqua sunt, facilè ex dictis assequeris. Siquidem Periodus i. juxta magnitudinem dividitur, in Monocolon, dicolon, &c. Monocolos, sive unimembris est, quæ à principio ad finè aliquo orationis flexu ac distinctione

L

fertur,

fertur. Unde licet membro, quandoque major non sit, flexu tamen ab illo separatur. ut si dicas: *apud Imperatorem magna valet gratia*; membrum erit. sin ita: *magna valet, apud imperatorem, gratia*; periodus est, quia *gratia*. per incisum separata, ad principium suum, *magna valet*, refertur.

Dicolos, seu bimembris periodus est, quæ duo inter se membra aliquo vinculo ita inter se connectit, ut unum sine altero intelligi nequeat; resolvi tamen hoc vinculo sublato, in duas propositiones distinctas (ut sunt quæ verbum habent cum nomine) possunt. Vincula autem, quibus nectuntur, vel sunt particulae, quæ aliquam includunt conditionem, ut est *si, postquam, cum, quandoquidem, &c.* vel quæ redditionem aliquam involvunt, ut sunt. *Hic, ille, iste, qui, quæ, quod, tantum, quantum, toties, quoties, ita, ut, &c.* quo etiam optativi ac conjunctivi modi spectant. *Vellem sibi accenderent; cum hoc agant, &c.* Quare hæc periodus bimembris est. Hæc ratio ac magnitudo animorum in majoribus fuit, ut in privatis rebus suisque sumptibus minimo contenti viverent. (Adde quod sequitur, & trimembris futura est) in imperio ac publica dignitate omnia ad gloriam splendoremque revocarent. (denique monocolo periodo sic concludit) *Quaritur enim in re domestica continentia laus, in publica dignitatis.* Pro L. Flacco.

Tetracolos, seu quadrimembris hæc est pro Cæcin. *Si quantum in agro locisque desertis audacia potest, tantum in foro atque in judiciis impudentia valeret, non minus in causa cederet A. Cæcinnæ Sexti, Æbutii impudentiæ quam in vi faciendâ cessit audaciæ.*

Dividitur 2. periodus ratione membrorum inter se collatorum in ἰσὺκωλον, seu membris inæqualem (ut ferunt supra allatæ) & ἀνίσον inæqualem. quæ vel μακρόκωλ Ⓞ est, cum posterius membrum est longius (quam cæteris inæqualium præferunt) vel μύρϰ Ⓞ, cum idem est brevius: prioris exemplum est pro Aul. Cluent. *Ita flagrare cepit amentia, sic inflammata ferri libidine. ut eam non pudor, non pudicitia, non pietas, non macula familia, non hominum fama, non filii dolor, non filia mæror à cupiditate revocaret.*

Hæc de distincta certis membris periodo, quæ cum monocolos & dicolos est, maximè servit epistolis, historiis, didacticis, ac rebus moralibus, quæ frequenti gaudent sententiarum

tiarum apparatu. tricolos ac tetracolos in exornativo dicendi genere inprimis florent: quamvis utrobique, ac satietas fastidium pariat, apta varietate temperentur, & quo breviores plerumque periodi sunt, tantò longioribus membris, in ornata præsertim dictione, proferantur, amat enim hæc oratio aliquem epithetorum & phrasium cultum. Cæterum aliæ sunt *pneumaticæ periodi*, quæ per tasin & cataphoram has membrorum metas prætervehuntur, frequentesque sunt, cum vel totum in suas partes tribuitur, vel rerum adjuncta, causæ effectus, commoda, incommoda, &c. enumerantur.

Dilatantur igitur fundunturque latè periodi per omnes amplificationum locos, serviuntque sad hunc luxuriantis dominantisque orationis cursum eadem sæpius repetitæ particule, ut, pro leg. Man. *Nō illum avaritia, ab instituto cursu, ad pradam aliquam revocavit, non libido ad voluptatem, non amicitia ad delectationem, non nobilitas urbis ad cognitionem, non denique labor ipse ad quietem.* Quæ periodus ab illo principio (*non illum eximia vi remigum*) ducitur, & huc per diversa membra ad unum aliquod verbum spectantia, excurrit. Sic post reditum ad Quirites. *En ego tot testimonis, Quirites, hac auctoritate Senatûs, tanta consensione Italia, tanto studio bonorum omnium, agente P. Lentulo, deprecante Cn. Pompejo, omnibus hominibus faventibus, Diis denique immortalibus frugum ubertate, copia, vilitate reditum meum comprobantibus, mihi meis, reipubl. restitutus, tantum vobis, quantum facere possum, Quirites, pollicebor.* ubi decem membra censentur. Hoc igitur pneumate, maximè Orator in animis auditorum dominatur. Verùm hæc in praxi styli cujuslibet aptè formandi magis elucescent. de qua *Palestram styli* consule.

§. 4.

Dissertatio Ciceronis de numerosa & variè beneque composita oratione. In Oratore perf. §. 37.

& seq.

Ostendit 1. numerum Oratorium à Poëtico differre. 2. in demonstrativo genere dicendi numerosè circumscriptam orationem requiri. 3. Eandem aliquando in judiciali inter descriptiones & amplificationes locum habere. 4. Varietatem delectare tradit. 4. Concinnitatis habendam rationem

6. Docet quid si incisè & membratim dicere, & ubi locum reperiatur. 7. Quæ cavenda sint Oratori in numeris vitæ, concludit denique 8. exemplis dissolutæ & compositæ ad numerum Orationis, apte dicere, magni ad eloquentiam interesse.

1. Neque numerosa esse, ut poemata, neque extra numerum, ut sermo vulgi est, debet Oratio. Alterum nimis est victum, ut de industria factum appareat, alterum nimis dissolutum, ut pervagatum ac vulgare videatur: ut altero non delectare, alterum oderis. Sic igitur permixta, & temperata numeris; nec dissoluta, nec tota numerosa, pœan maxime (quoniam optimus autor ita censet *Aristoteles*) sed reliquis etiam numeris, quos ille præterit, temperata. Quos autem numeros, cum quibus, tanquam purpuram, misceri oporteat, nunc dicendum est; atque etiam quibus Orationis generibus sint ea que accommodatissimi. Jambus enim frequentissimus est, in iis, quæ demisso atque humili sermone dicuntur; Pœan autem in amphionibus; in utroque Dactylus. ita, in varia & perpetua oratione, hi sunt inter se miscendi & temperandi. Sic minime animadvertetur delectationis aucupium, & quadrandæ Orationis industria: qui latebit eò magis, si & verborum & sententiarum ponderibus utemur. Nec verò nimius is cursus sit numerorum, Orationis dico (nam est longe aliter in versibus) nihil ut fiat extra modum: nam id quidem esset poema; sed omnis, nec claudicans, nec quasi fluctuans, sed æqualiter constanterque ingrediens, numerosa habetur oratio. Atque id in dicendo numerosum putatur, non quod totum constet, è numeris; sed quod numeros proxime accedit: quod etiam difficilius est oratione uti, quam versibus. quod illis certa quædam & definita lex est, quam sequi sit necesse: in dicendo autem nihil est propositum, nisi ut ne immoderata, aut angusta, aut dissoluta, aut fluens sit oratio. Itaque non sunt in ea, tanquam tubicini percussorum modi, sed universa comprehensio, & species Orationis, clausa & terminata est.

Solet autem quaeri. Totone in ambitu verborum numeri tenendi sint, an in primis partibus atque in extremis? plerique enim censent cadere tantum numeroſe oportere terminarique sententiam. Est autem, ut id maxime deceat, non id solum. Ponendus est enim ille ambitus, non abjiciendus.

das. Quare cum aures extremum semper expectent, in eoque acquiescant, id vacare numero non oportet, sed hunc exitum tamen à principio ferri debet verborum illa comprehensio, & tota à capite ita fluere, ut ad extremum veniens ipsa consistat. Nec in numeris magis, quam in reliquis ornamentis Orationis, eadem cum faciamus, quæ Poëtæ, effugimus tamen in oratione poematis similitudinem. Est enim in utroque & materia, & tractatio; materia in verbis, tractatio in collocatione verborum. Ternæ autem sunt utriusque partes: verborum, *translatum, novum, priscum*. nam de propriis nihil hoc loco dicemus: collationes autem eæ; quas diximus, *compositio, concinnitas, numerus*. Sed in utroque frequentiores sunt, & liberiores Poëtæ. nam & transferunt verba, cum crebrius, tum etiam audacius; & priscis libentius utuntur, & liberius novis; quod idem fit in numeris, in quibus, quasi necessitati parere coguntur.

2. Ergo in historia, & in eo, quod appellamus Epidicticum, placet omnia dici Isocrateo Theopompeoque more, illâ circumscriptione ambituque, ut tanquam in urbe inclusa currat oratio, quoad insistant in singulis perfectis absolutisque sententiis. Itaque postquam est nata hæc vel circumscriptio, vel comprehensio, vel continuatio, vel ambitus, (si ita licet dicere) nemo, qui aliquo esset in numero, scripsit orationem generis ejus, quod esset ad delectationem comparatum, remotumque à judiciis, forensique certamine, quin redigeret omnes fere in quadrum numerumque sententias. Nam cum is est auditor, qui non veratur, ne compositæ orationis insidiis sua fides attenteretur, gratiam quoque habet Oratori, voluptati aurium fervienti.

3. Genus autem hæc Orationis, neque totum assumendum est ad causas forenses, neque omninò repudiandum. Si enim semper utare, cum satietatem adfert, tum quale sit etiam ab imperitis agnoscitur. Detrahit præerea actionis dolorem, aufert humanum sensum actoris, tollit funditus veritatem & fidem. Sed quoniam adhibendum nonnunquam est, primum videndum est, quo loco; deinde quamdiu retinendum sit; tum quot modis commutandum. Adhibenda est igitur numerosa Oratio, si, aut laudandum est aliquid ornatius, ut nos in accusationis secunda de Siciliæ laude diximus de consulatu meo; aut exponenda narratio, quæ

plus dignitatis desiderat, quàm doloris : ut in quarto Accusationis de Ennensi Cerere, de Segestana Diana, de Syracularum Situ diximus. Sæpe etiã in amplificanda re, concessu omnium, funditur numerosè & volubiliter oratio. Id nos fortasse non perfecimus, conati quidem sæpissimè sumus, quod plurimis locis perorationes nostræ voluisse nos, atque animo contendisse declarant. Id autem, tum valet, cum is, qui audit, ab Oratore jam obsessus est ac tenetur. Non enim id agit, ut insidietur, & observet, sed jam favet, processumque vult, dicentique vim admirans, non inquit, quod reprehendat. Hæc autem forma retinenda non diu est, in reliquis orationis partibus.

4. Nunc quot modis mutantur cõprehensiones, conclusionesque dicendum est. Fluit omnino numerus primò, tum incitarius brevitate pedem, tum proceritate tardius. Cursum contentiones magis requirunt : expositiones rerum tarditatem. Insistit autem ambitus modis plurimis, è quibus unum secuta est Asia maximè, qui Dichoreus vocatur, cum duo extremi chorei sunt, id est, è singulis longis & brevibus. Non est ille quidem sua sponte vitiosus in clausulis, sed in Orationis numero nihil est tam vitiosum, quam si semper est idem. Cadit autem per se ille ipse præclare, quò etiam satietas formidanda est magis. Me stante Cajus Carbo, Caji Filius Tribunus plebis in concione dixit, his verbis, *O Marce Druse, patrem appello.* Hæc quidem duo binis pedibus incisim, demembratim ternis, *Tu dicere solebas, sacram esse rempublicam.* Hæc ita membratim quaternis ; post clausula ambitus, *Quicumque eam violavissent, ab omnibus esse ei pœnas persoluias* (dichoreus est, nihil enim ad rem, extrema illa, longa sit an brevis) Deinde *Patri dictum sapiens, temeritas filii comprobavit.* Hoc dichoreo tantus clamor concionis excitatus est, ut admirabile esset.

Quæro, Nonne id numerus effecerit : Verborum ordinem muta, fac sic. *comprobavit filii temeritas* : jam nihil erit, etsi *temeritas* ex tribus brevioribus & longa est, quem Aristoteles, ut optimum, probat, à quo dissentio. At eadem verba, eadem sententia. Animo istuc satis est, auribus non est satis. Sed id crebrius fieri non oportet. Primum enim numerus agnoscitur ; deinde satiat : postea cognita facilitate contemnitur. Sed sunt clausulæ plures, quæ numerosè & jucundè cadant.

Nam

Nam & *Crescens*, *Spondem*, *Iambus*, *Dactylus* *Do. bimus* adhiberi poterunt, ut occurratur satietati, &c.

5. Et quia non numero solum numerosa oratio, sed & compositione fit, & genere concinnitatis: Compositio potest intelligi, cum ita structa verba sunt, ut numerus non quaesitus, sed ipse secutus esse videatur, ut apud Crassum: *Nam uos libido dominatur innocentia, leve praesidium est.* Ordo enim verborum efficit numerum, sine ulla aperta Oratoris industria. Itaque si quæ veteres illi (Herodotum dico & Thucydidem totamq; tam ætatem) aptè numerosæque dixerunt, ea non numero quaesito, sed verborum collatione ceciderunt.

6. Sequitur, ut videamus, quæ sint illa, quæ supra dixi incisæ, quæ membra; hæc enim, in veris causis, maximam partem Orationis obtinent. Constat enim ille ambitus, & plena comprehensio, è quatuor fere partibus, quæ membra dicimus, ut & aures impleat, & ne brevior sit, quàm satis est, neque longior. Quanquam utrumque nonnunquam, vel potius sæpe accidit; ut aut citius insistendum sit, aut longius procedendum; ne brevitatis defraudasse aures videatur, neve longitudo obtudisse. His igitur singulis versibus quasi nodi apparent continuationis, quos in ambitu coniungimus. Sin membratim dicere volumus, insistimus, idque cum opus est, ab ipso cursu inuidioso, facile nos, & sæpe disjungimus. Sed quæ incisum, aut membratim efferuntur: ea vel aptissime cadere debent; ut est apud me: *domus tibi deerat? at habebas. Pecunia superabat? at egebas.* Hæc incise dicta sunt quatuor: At membratim quæ sequuntur. *Incurristi amens in columnas; in alienos insanus insanasti.* Deinde omnia, tanquam in crepidine quadam, comprehensione longiore sustinentur. *Depressam, eacem, jacentem domum pluris, quàm te, & fortunas tuas aestimasti.* Incisim autem, & membratim tractata oratio, in veris causis plurimum valèt, maximeque his locis, cum aut arguas, aut refellas, ut in nostra Corneliana: *O callidos homines! o rem excogitatum! o ingenia metuenda!* membratim adhuc, deinde cæsim diximus, rursus membratim: *Testes dare volumus.* Extrema sequi comprehensio, sed ex duobus membris, quæ non potest esse brevior, quem quæso nostrum sefellit, ita vos esse facturos? Nec ullum genus est dicendi, aut melius, aut fortius, quam binis aut ternis ferire verbis, nonnunquam singulis, paulò alias pluribus.

7. Qui verò in compositione fugerit, ut neque verbum ita trajiciat, ut id de industria factum esse intelligatur; neque inferciens verba quasi rimas expleat; nec minutos numeros sequens, concidat delumbetq; sententias; nec sine ulla commutatione in eodem semper versetur genere numerorum: is omnia fere vitia vitaverit.

8 Quantum autem sit aptè dicere, experiri licet, si aut compositi Oratoris benè structam collocationem dissolvas, permutatione verborum aut si alicujus inconditi arripias dissipatam aliquam sententiam, eamque ordine verborum paulum commutato in quadrum redigas. Age sume de Gracchis, apud Censores illud. *Absesse non potest, quin ejusdem hominis sit probos improbare qui improbos probet.* Quanto aptius, si ita dixisset: *quin ejusdem hominis sit, qui improbos probet, probos improbare?* Res autem sic se habet (ut brevissimè dicam, quod sentio) compositè & aptè sine sententiis dicere, infania est; sententiosè autem, sine verborum & ordine, & modo, infantia; sed ejusmodi tamen infantia, ut ea qui utuntur, non stulti homines haberi possint.

CAPUT XXXV.

DE JUNCTURA, ORDINE AC

Numero Oratorio.

QUOD in Orationis compositione præcipuum est, videmus, quomodo videlicet incisis, membris, periodisque ad circumductum aut concisum, aut medium dicendi genus formanda sit oratio, quæ res exemplis magis, quàm præceptionibus est incutenda. Reliquum est ut de junctura vocum inter se, earumque ordine, ac numero pauca dicamus. Sed hæc prioribus rectè intellectis prona sunt, auriumque magis judicio, quàm scriptis legibus definienda.

1. *Junctura est*, per quam apto nexu inter se hærens oratio facili cursu fluit: estque in literis, syllabis, ac dictionibus. Quam in re 1. pondus, gravitas ac levitas literarum, syllabarum, vocumque est expendenda. Inter literas vocales eminent; deinde consonantes, post mutæ, obtusioris præ cæteris soni, sequuntur. Unde hæc dicitur regula, quod vox, quæ grandiores includit vocales, sit & ipsa grandior sonantiorque reliquis

reliquis, ut *ajo*, quàm dico. Nam a & o inter vocales gravi, e & i exili, y & u mediocri sono effertuntur. Unde, cum rebus aptanda oratio sit, hæc lex nascitur, ut in arduis a & o quæramus, in exilibus e & i. S. c. *via alta atque ardua* contraque, *Accipiunt inimicum imbrem*, dixit Virg. Ex his igitur, quæ syllabæ, vocelque sint graviores, facillè colligitur: nam & syllaba, quæ plures ejusmodi literas, & vox, quæ plures ejus generis syllabas complexa fuerit, grandior quoque est futura: quæ exiles, paucasque, vel literas, vel syllabas, levior. Idem esto de tota dictione judicium. Vide hæc enucleatius tractata in Poeticis meis l. 2. c. 2.

2. In junctura, vitanda ejusdem literæ, syllabæ, vocisque crebra repetitio. Offendit enim plerumque, nisi cum vel res ardua, aut dura exponitur, ut supra, *via alta, &c.* vel stridulum quippiam per R. aut sibilans per S. exprimendum: ut, *horrendum infremens, & serpens sibilat*; aut sordidum quid per contemptum; ut *vacca*. aut Rhythmicum carmen, ut, *Optanda fors, est pulchra mors*; ligatæ orationi magis, quàm solutæ proprium. In qua multa similiter cadentia facillè displicent, ut, *gementes dolentes, fugientes*, & ingrata sunt: idem ducta principis ut, *vestra vos voluntas, &c.* Eadem de causa aures lædit recurrens sæpius consonans duplex. ut, *Zelus Xenophanis, Rex Xerxes*. Durum quoque si literæ contrario oris motu efferendæ concurrant, ut si B. P. M. quæ os claudunt, cum N. K. F. R. quæ aperiunt, collidantur: ut, *Mnemofynon, sub mente, sub si u. Abnepos, subfero, sub Rege, ob Pamphilum, &c.* Durum postremò, si concurrant elisione mutua vocales a & e: o & a: ut, *Alta erigo, Obscuro agit carcere*.

Ex his duabus observationibus facile intelligitur, quæ verba phraselque consonantiores sint, quæ suaviores asperioresque habeantur. nam verbalia absolutis, superlativa positis, composita simplicibus, universim verba omnia, quæ & longioribus, & pluribus extenduntur syllabis, cæteris consonantiora sunt; ita *conservatrix, ornatissimus, consceleratus, tempestivum*, magis sonant, quàm conservans, ornans, sceleratus, tempus. Adhæc voces quæ gravioribus implentur literis, ut, *magnanimus* sono gravius, quàm generosus; *heros* quàm herodem, *immanitas* quàm crudelitas. Syllabæ etiam longæ, quæ plures involvunt literas, ut *tempestas*, gravior vox, quàm procella; licet hæc vocalium granditate vincat.

Cæterum lenior asperitatibus vitatis fluët oratio. In quo studio nec illud observatu indignum est, quòd M N & L. ut in medio vocis unius gratiam obtinent, sic eandem in concursu vocum amittant. Ita *illecebra molles; Annuit immensus*, placent; sed *imperium moderans; Sol lunaque lucens*, tardam pronuntiationem suspendunt.

3. In junctura observandum, quæ qualesque ad compositionem voces adhiberi soleant. Ex octo enim Orationis partibus, verbum semper ac substantivum aliquod requiritur. His adverbia & præpositiones modò ad necessitatem, modò etiam ad ornatumungi possunt. Epithetorum frequens etiam ob utramque causam, usus. Interjectionem & pronominum rarior, nec sine energia dictionis, usurpatio. Horum neque multa nimium in membrum unum congerenda, ut spiritum dicentis. audientisque vim exhauriant; neque jejuniis subsultantibusque passim membris excludenda: cum illud sit gravitatem affectare, hoc negligere.

4. *Ordinis* in junctura habenda est ratio. Cujus unica (ut supra tradidimus) hæc est regula præcipua, ut aut à generalioribus, quæque minus determinatam significandi vim habent; aut certe à minus significantibus ducatur ad finem oratio: ita enim. quò auditor, lectorve, plura audit, legitve, plus intelligendo proficit, suspenditurque animus sciendi avidus, dum ad exitum decurrat oratio, quæ lex ut in periodis, sic in membris quoque singulis obtinet. Ex qua regula variz præceptiones duci possunt. Ut quod verbum complet vim sententiæ, ejus plerumque finem debeat obtinere. Unde rectius dices: *pueri currunt*, quàm *currunt pueri*. Deinde adjuncta suis esse subjectis anteponenda consequitur. ut, *illustri gloria*; non *gloria illustris*. quia, dum audis *gloriam*, facile quòd illustris sit mente assequeris. at verò dum *illustrem* accipis, de gloria nihil hinc inters. Quod si tamen adjunctis, vis quædam, aut distinctiva, aut significativa major latiorve insit, eadem substantivo pone subijci poterunt. quare divisa, distributiva, ac numeralia, tum superlativa, & comparativa, atque universim negantia, ut *nemo, nullus*, ornatiùs post substantivum, & hæc postrema quoque post verbum, in oratione adhibentur. ut, *gloria quæ vera est fugienda, possidetur. Hostis qui libet molestus. Annus quintus ægitur. Honor illi delatus est maximus. Nihil hoc viro modestius. Bonorum avarusatur neminem*. Hæc enim dixeris

xeris elegantius, quàm si, vera gloria : quilibet hostis, &c. pronuntiaveris. Caterùm inter adjectivum ejusque substantivum ornatè quippiam interponitur, ut, *Ingens profectò labor. Arx hostium munitissima. Annus agitur quintus.* Quæ tamen opponuntur, hæc se invicem tangant. ut *firmus infirma, parva magnis stabilitas* Denique ex eadem regula concludimus, infirmiora quæque, cùm verbâ, tum substantiva, in oratione præcedere, ut sensim crescat oratio. (si cum d. struendo Adversarii dicta extenuamus, quod contrariâ lege facimus) ut, *Multa sceleratè ac flagitiosè homo iste ausus est, ac perpetravit.* Flagitium enim majus scelere, & perpetrare plusquam audere est. Hac tamen præceptione naturæ ordo, rerumque dignitas confundenda est. Sic ortum ante occasum, virum ante foeminam collocabis.

4. Numerus hic est orationis apta modulatio, ex brevium longarumque vocum varietate consurgens. Hujus in membris quidem singulis, sed in claudenda inprimis periodo habenda est ratio Probaturn autem in fine Dichoræus, ut *comprobaris* : Creticus & Dichoræus, *cum victoriam præferatis* : duo Dichoræi *per triennium dederunt* : Pœan quartus & Dtrochæus, ut, *Siciliam nominavit.* Tum his, quos subjiçio pedes similes. *Itia damnarunt. Amicos tenes. Virum condemnarunt. Vicit armatos.* Universim polyty'aba, quasi fatigatum jam dicentis spiritum commodè terminabunt. Viranda tamen, quæ carminum finem referunt. ut, *candida cervice. Sponte cadentibus, &c.* tum quæ, vel ex multis nimium brevibus constant, ut *itineribus* : vel pluribus longis constantur : ut, *immanem tempestatem.* Varietas syllabarum, ut in ipso periodi decursu, sic in fine est optima.

Alterâ numeri cura principio Orationis, quamvis minor, adhibenda est. Hic præcipuè commendantur Creticus, Anapæstus, Molossus, Pœan primus, & Dochimus. Medio cura debetur minima. universè res graves tristesque spondæis, cæteræ, pro ingenio quæque suo, pedibus magis expeditis gaudent. cavendum verò, ne eadem sæpius quantitate recurrant, ut, *improbis perdidit viri optimi filium.*

Ceterum, quis numerus incisorum, membrorum, ac periodorum in oratione esse possit, supra cum præceptis, tum exemplis tradidimus. Leges hæc tamen Rhadamanthææ non sunt, quas aliquando Orator transire nequeat, cujus ita est ex
arte

arte dicere, ut celet artificium: cum illud studiosè nimis quæsitum audientis animum à rebus, ad sermonis cultum observandum transferat: Oratoris verò finis non in delectatione potissimum, sed persuasione sit collocatus. Quare ut nec horrida debet esse oratio, quam auditor aversetur, sic nec culta nimium, quâ tantum pascatur. diligentia hæc quandoque neglecta, & cultus quidam sine cultu eminet. Qui difficilis non erit observanti varietatem illam, quæ in ornatu ac compositione proponitur. Consule Cicer. in Oratore perfecto §. 34 & seq.

CAPUT XXXVI.

DE DIVERSO SCRIBENDI CHARACTERE pro diversitate materia, usurpando.

Superest, ut postquam orationem in sua resolutam principia expendimus, ejusque in forma vidimus diversitatem, hoc postremò intelligamus; quo scribendi dicendive character, qua in materia potissimum utendum sit. Est enim sermo humanus velut imago quædam rerum, ac tanquam vestis, quæ omnium corporum non est eadem, sed in brevibus brevis, in magnis magna, ineptus sit, quisquis eadem mensura omnes definiat.

§. 1.

De characterè tenui.

Triplici verò materia penè res universas sub rationem humanam cadentes circumscribimus. Vel enim ad docendum præcipuè est comparata; ut in Dialogis, Epistolis, & quibusdam Didacticis, artes varias disciplinasque complexis, & hinc tenuem, aut humilem dicendi characterem assignamus: vel ad delectandum potissimum est instituta, & huic temperatum, seu medium scribendi genus tribuimus: vel postremò ad movendum auditorem, aut Lectorem spectat, & huic sublimem atque incitatam dictonem assignamus. Qui quidem character Orationis triplex cum illo, quem supra in periodorum distinctione adhibuimus, non erit confundendus. Suo enim, ut mox patebit, discrimine separatur.

Chara-

Poteris etiam hac super re consulere Cicer. in Oratore perfecto ad Brutum, cujus verba alibi recitavimus.

Character tenuis. parè tropis ac figuris utitur. verbis brevibus, propriis, clavis, nervosis delectatur, acutis gaudet sententiis, paræmiis, axiomatis (unde & acutum) ac subtile hoc genus dicendi appellatum est) Concursum vocalium & diphthongorum asperiores vitat numerum ferè negligit, concisa dicendi ratione, membrisque ac periodis succinctis fertur. In Dialogis hæc maximè atque illo dicendi genere, quod mores instruit, confectatur; illic tamen paræmiis, hic gnomis locus est potior, Epistolæ hæc cum delectu, & citra affectationem amant. Cætera scribendi ratio, quæ in disciplinarum artiumque expositione versatur, aliquantò membris periodisque solutior, illo adagiorum sententiarumque cultu distituitur, sat docta, si cum proprietate perspicua. Quo in genere, nihil Cicerone exquisitius, post quem Quintilianus palmam obtinet.

Historia ad eundem characterem spectat, quod rerum gestarum expositione posteritatem erudiat, cum tamen ad delectationem quoque sit comparata, in temperato scribendi genere magna sui parte occupare locum meretur; quin etiam in rebus concitatis, præsertim orationibus ad motus animorum regendos dispositis, sublimi dictione assurgit; ut proinde, supra genus tenue, membris periodisque aliquantò ferri possit, modò circumscriptius, modò etiam vehementius. Ejus nitorem dignitatemque nemo Curtio propius est affecturus, cui Liviani ubertas & illimata quandoque copia, Salustiana brevitæ, & subsaltantes, hiulci que non raro numeri, jure postponuntur. Taciti, ut in maturis aptisque ad mores sententiis magna laus, ita styli inamœna asperitas, & obscura raritas, non magnoperè cõmendanda. Curtius & argutâ brevitate subtilis, & illustri dictionis ornatu à vulgo secretus, & perspicuo candore limpidus, & æquabili lenitate fluidus, & neglecto quodam numerorum cultu suavis concinnusque devolvitur. Cui si quis Taciti in sententiarum pondere gratiam maturitatemque nonnunquam adhibuerit, nihil in historia dare poterit exquisitius. Quædam etiam familiaria Poetis illis quoque indulsero. ut est *vestem fratris induitur*, apud Curt. libro 10. *Incerta fortuna*, Livius; *Avia saltum*, Tacitus; *cum aequalibus cursu certare*, equitæ.

equitare, jaculari. Salustius, id est, certat, equitat, &c. Quamquam nolim esse in his tam frequentem, quàm ille est. Quidquid enim raritate placet, frequentia displicet, atque hoc quod est, esse desinit. Cicero libro secundo de Oratione, in historico stylo suavitatem requirit; ut suo loco de stylo hist. circumscripta, & seorsim etiam de historia vidimus in *Palæstra styli*.

2. Vitia tenuis hujus characteris sunt. 1. Ruditas styli. 2. Jejunitas & siccitas. 3. Abrupta brevitatis. 4. Dissolutio atque inconstantia. Ruditas vel in verbis nimium exilibus, quæ rei dignitatem non exprimunt; vel in neglecta verborum constructione ac compositione invenitur. Illius hoc in Cicero. 4. ad Hæren. exemplum est. *Ad hunc dixit, servus tuus me pulsavit, &c.* cujusmodi sunt quædam Sanctorum historiae. Hoc errore peccatur, cum inter aurea sententiarum lumina, quædam miscentur quisquilæ, ut solent rudiores adolescentes, ex confarcinatis bonorum autorum dictis centones conficere. Affine huic vitium sermonis jejunitas, in quam inflati tumidiorisque styli olores, Atticis ac proprietatis sectatores, faciliè incidunt, cum medium non assequuntur. Hæc omni orationis flore dictionem spoliatur. Si quis igitur illo styli genere, quo ad Atticum Cicero in Epistolis utitur, historiam prosequeretur: hanc labem non evitaret. Par ferè abruptæ brevitatis vitium, quale in suis Oratiunculis incurrit nonnunquam Salustius. Lege illam C. Marii ad Quirites. *Scio ego, Quirites, plerosque non iisdem artibus imperium à vobis petere, & postquam adepti sunt, gerere. Primo industrios, supplices, modicos esse, deinde per ignaviam, & superbiam etatem agere. Sed mihi contra videtur, &c.* Nam & prima, & secunda periodus sine idonea cum sequenti connexionè abruptitur: nec ipsa inter se membra satis cohærent. planè magis perspicua hæc esset oratio. *Scio ego Quirites, plerosque non iisdem artibus imperium à vobis petere, quibus illud consecuti administrant. Primum industrios supplices, ac modicos: deinde ignavos, superbos atque immodicos experimur. Ubi abruptim nihil, sed suo quæque nexu leniter perspicueque volvuntur. Porro dissolutum styli genus illud est, quod aptis, pulchreque cœptis, inepta, atque inconcinne hærentia admiscet; puris verbis sordida, sonantibus dissona: membra etiam numerosque in periodis nunc absolvit, nunc truncat, clara obscuris confundit, importunè digreditur, reditque, ordinis propositique immemor. His non*

raro peccat Tacitus quamvis sensu verbisque grandior, prior tamē cum Salustio errori obnoxius, & abruptis, hiulcis, obsecurisque sensibus egregia sententiarum decora obruens. Sic lib. 17. An. Piso contra Othonem loquitur. *Falluntur quibus luxuria speciem liberalitatis imponit, perdere iste sciet, donare nesciet, &c.* Hac principatus praeinipuit, quorum libido ac voluptas penes ipsum sit, rubor ac dedecus penes omnes. Non enim unquam imperium flagitio quasitum, bonis artibus exerceat. Quid hic praeter ultimam gnomen laudabis? prima enim sententia obscura est, abrupta altera, tertia dura simul & tecta. clarius veriusque locutus sic esset. *Falluntur, quibus prodiga opum luxuria specie liberalitatis imponit, perdere magis, quam donare facultates solita. Principatus illa sui existimat prae-mium, quod hunc libidine administret propria, rubore ac dedecore omnium. Nec mirum: cum nemo unquam, &c.* Sed haec brevi aded exemplorum appositione vix satis docentur, ipsi autores fusiori lectione evolvendi sunt, quos iccirco non carpo, ut dissuadeam, sed ut eorum tibi usum saniores reddam

§. 2.

De Charactere sublimi.

Cum Character sublimis in iis, quae ad movendum spectant, versetur, atque ad hoc requiratur primò, ut res graphicè descripta oculis, quodammodo spectanda subiciatur; Deinde, ut ad odium, aut amorē, miserationem, aut indignationē impeellantur animi: diversa quaedam, in his atque illis scribendi ratio nobis est observanda. Ut enim res magnificè proponatur, verba sint sonantia, splendida, vim sensumque explantia, minimè vulgaria, suisque adjunctis ornata. Ita consonantius est *obluctari*, quàm resistere, *obsecundare*, quàm parere; splendidius est *majestas* orationis, quàm dignitas; *fulmina* belli, quàm decora, quia ab illustri re transferuntur. Significatius est, si proditorem dicas *sceleratum ac perfidum*, quàm, nequam & infidum hominem. Minus vulgatum est quidquid aut usurpatur rarius, ut *scaturigo* aquae, quàm fons: aut aliqua ratione novatur; seu per tropū, ut *caput* aquae, pro fonte; seu per dissolutionem, ut *postea verò quàm*, pro posteaquam verò; seu conjunctionem, ut, *interjacens membris*, id est, jacens inter membra.

Adjunctis res ornatur, vel simpliciter, ut *Eloquentissimus Cicero*; vel resolutio in periphrasim epitheto, ut, *Romana eloquentia Princeps Cicero*. Hæc in verbis observanda. Membra verò plena numero: è, sine multis incis, fluere, periodos circumductas, explicatasque ad maiestatem, esse convenit; Sic enim ad rerum magnitudinem suo proximè habitu aptabitur oratio. At verò ubi jam ad impellendos animos sese orator converteret, minus exquisitus verborum apparatus sit, ne in his defixus auditor hæreat, incisa cadant frequentia, modò dissoluta, cum celeritas & multitudo rerum explicanda erit; modò crebris vincta nexibus, cum magnitudo. Membra etiam minus plena, & quandoque asperè collisa postulat, quanquam suis in oratione periodis inclusa. Sed hæc, cum odum indignationemque Orator spectat; ad amorem enim & præfrem miserat onem tardior & minus substantia incisa, & membra faciunt. Cæterum, ut ad orationis maiestatem figuræ ornamentorum; ita ad illius concitationem illæ, quæ affectuum sunt, adhibentur. In quibus repetitio, & conduplicatio, interrogatio, & exclamatio imprimis valent; illæ additionis velocitatem, hæc ad vehementiam. de quibus, quæ supra cap. 2. tradidimus, erunt consulenda. In hoc genere dicendi versantur Orationes. Cic. in Verrem & Catilinam, in Vaticinium, Pisone, pro Roscio, Cluentio, & Rabirio.

Vitia huic characteri vicina duo imprimis sunt. Inflatio & frigiditas. illa tumidis, poetiis, allegoricis, antiquatis, novatisque audacius verbis orationem implet, tum epithetis ac periphrasibus, supra necessitatem facit affluere: hæc alienis è re, loco, ac tempore vocibus sententiisque, præter veritatem abundat.

Sic Florus, cæterum non aspernandus scriptor, de Decio Bruto Hispaniam obtinente. *Non prius arma convertit, quam cadentem in maria solem, obrutumque perquis ignem, non sine quodam sacrilegii horrore, apprehendit, d' est, cum solem occidentem cerneret.* Ubi alterum membrum poeticum, ultimum frigidum atque alienum ex hyperbole est.

Sic & Ammianus Marcell. *Vgore communi Romanis agminibus, quoties libet Rhenum pervium feci, contra rumorem fremitus, gentiumque Vahdarum excursus stando immobilis, virtutis vestra nimirum firmamento confusus. quam hic friget, vigora*

gore & agminibus, & rumorum fremitus, quæ minus; & per-
vium feci, quod plus æquo significat! cætera verò quantum
tument! pergit. Et hac, laborum quos exhausimus Gallia spe-
latrices, post funera multa jacturaeque recreata, diurnas &
graves, posteritati, per ætatum examina, commendabunt prius
inflatum, ultimum etiam frigidum. His affines Ennodius in
Panegy. Tellus concita tremuit concussione Cornipedum. Exce-
pit te sonipes lituorum desideris inquietus, & lancearum imber
sælum obtexit. quæ poeticè omnino tument. In his igitur sub-
limitas orationis affectata, vis movendi nulla est.

§. 3.

De charactere temperato.

Character medius sive temperatus est, qui tenuem subli-
memque inter hac moderatione fertur, ut quæ in ipso humi-
liora sunt, quæque in hoc majestatis & vehementiæ plena
declinet: adeoque pulchro quodam & circumscripto oratio-
nis flexu, amœnis tropis, figurisque tanquam floribus, cul-
tus exspatiatur; cum ad delectationem potissimum sit insti-
tutus. Ejus usus in locorum descriptionibus, rerumque
naturalium ac morum exornationibus est. Verborum igitur
sententiarumque delectus quidam instituendus; asperitas
omnis in compositione vitanda, numerosè & aptè membris
periodisque cadens concinnanda oratio, quæ neque spondæis
tarda sit nimium, neque jambis trochæisve claudicans. qua-
lis Cicero pro lege Manilia, Archia & Marcello est. Figuris or-
namentorum omnibus hic florere stylus debet. inprimis ve-
rò, per apposita Isocola, & repetitiones ornari periodus, paria
respondere paribus, & relata relatis. Funditur hic character
latissimè ad ea omnia, quæcunque laudem, reprehensio-
nemve aliquam, seu factorum, seu rerum, seu personarum
spectant; atque in demonstrativo potissimum dicendi genere
dominatur.

Vitia huic affinia sunt 1. quidem dissolutio, & fluctuans in-
constantia, in stylo humili notata 2. Frigiditas in chara-
ctere sublimi reprehensa. 3. Affectatio ac puerilitas: qua-
rum illa in immodico similium ornamentorum usu, hæc in
imperita eorundem usurpatione consistit. Ita Sidonius

Apollinar. ut Celestium nobiles oratorio & poetico stylo excultos diceret, frigidis lusit metaphoris. *Sermonis Gelsici squammam depositura nobilitas, nunc oratorio stylo, nunc Camœnalicis modis imbuatur.* Sic & Ennodius affectatè Epist. 9. *Dum favos loqueris, & per domos cereas, eloquentia nectare, liquentis elementis mella componis, peregrinum labiis meis saporem epulis divinis infudisti:* id est, tuâ eloquentiâ delectatus sum, quæ ridicula nimium affectatione figurantur. Puerilis Apuleii lusus est. *Erat intonsus, & genis gratus, & corpore glabellus, crines ejus pramulsis antiis, promulsis caproneis, antevenduli, & propenduli. Quid? quod & lyra ejus auro fulgurat, ebore candicat, gemmis variegat?* Cui non sordeat, formosus ille atque intonsus hac descriptione Apollo? Cavendum igitur, ne his ineptis cultu vilescat oratio.

Gravis hic Doctorum virorum est concertatio, dum in hoc medio charactere ad laudes reprehensionesque comparato: alii numerosum circumscriptumque dicendi genus, quale laudat sequiturque Romanæ Princeps Eloquentiæ: alii concisum acutisque vibratum sententiis postulant, quali olim Plinius Secundus ad Trajanum, Aufonius ad Gratianum usus est: alii denique minus quidem concisum, tamen nec Tulliano more circumductum, sed grandius ac poetico stylo propius amplectuntur, illi, quod olim Arbitrator, atque hac proxima ætate Barclajus in sua Argenide excoluit, haud dissimile.

Verum argutum illud scribendi genus, ut multis ad inveniendum difficile, ita, si longâ oratione continetur ad audiendum quoque est grave. Quare illud quidem, cum inamœnis quibusdam censoribus, quibus facultas à natura, aut arte, ad hanc dictionem negata est, non proscribo; sed ita moderandum censeo, quemadmodum à Cicerone supra capite tertio factum docui. De altero verò grandiori sic statuo, loco illud ac tempore usurpatum, cum in rebus novis fictisque, tum in grandibus ac magnificis laudem admirationemque promereri. Utrumque tamen scribendi genus, non facile ab aliis, quàm provectæ jam eloquentiæ maturique judicii scriptoribus usurpandum, quod prona utrobique sit in vitia prolapsio: nam, qui passim ejusmodi dictionum venantur aculeos, vel ineptiunt fringentque, vel affectatione, aut puerilitate vilescunt. Qui verò raritatem illam ac magnitudinem

dinem, tum verborum, tum phrasium consecantur, modò affectati frigidiq̃ue, modò etiam ampullati tumidiq̃ue superbiunt, paucis, nisi sibi metipsis, placituri.

Verbo ut in omni re, sic in oratione nihil mediocritate habetur salubrius, varietate gratius. Reliquum est, ut de eadem dicendi scribendiq̃ue varietate Ciceronem eloquentissimè differentem audiamus.

§. 4.

*Dissertatio Ciceronis ad Brutum in Oratore
perfecto.*

Quæ sit optima species & figura dicendi.

1. Exorditur à persona & postulatione Bruti, cui hanc dissertationem petenti, sui non fuerit, hoc amici officium denegare.
2. Proponit deinde questionem, ac veretur, ne si perfectum Oratorem descripserit, plurimum animos desperatione consequendi fractos, ab hoc studio dimoveat. Verùm tamen, nunquam defuisse, qui ad optima quaque contenderent, ostendit. Perfectum itaque Oratorem se indagaturum.
3. Ostendit porro §. 3. & 4. Tria esse dicendi genera, in quorum singulis aliqui floruerint. Omnium verò Oratorum excellentissimum proponit Demosthenem Atticè inprimis eleganterque loquentem, in quo tamen navi aliqui deprehensi fuerint. cum omnino perfectus Orator fingi quidem animo possit, inventum nondum fuerit.
4. Denique §. 5. Varios esse tradit variorum de forma dicendi sensus, & in Epidictico scribendi genere præfert reliquis Isocratem.

CICERO AD BRUTUM.

1. Utrum difficilius aut majus esset, negare tibi sæpius idem roganti; an efficere id quod rogares, diu multumque. Brutè, dubitavi, nam & negare ei, quem unicè diligere, cuique me charissimum esse sentirem, præsertim & iusta petenti, & præclara cupienti, durum admodum mihi videbatur: & suscipere tantam rem, quantam non modo facultate
- M 2
- consequi

consequi difficile esset, sed etiam cogitationi complecti, vix arbitrabar esse ejus, qui veretur reprehensionem doctorum atque prudentium. Quid enim est majus, quam cum tanta sit inter Oratores bonos dissimilitudo, judicare *qua sit optima species, & quasi figura dicendi?* Quod quoniam me saepius rogas aggrediar, non tam perficiendi spe, quam experiundi voluntate. Molo enim cum studio tuo sim obsecutus, desiderari à te prudentiam meam, quam si id non fecero, benevolentiam. Quæris igitur, idque jam saepius, *quod eloquentia genus probem maximè, & quale mihi videatur illud, cui nihil addi possit, quod ego summum & perfectissimum judicem?*

2. In quo vereor, ne si id, quod vis, effecero, eumque Oratorem, quem quæris, expressero, tandem studia multorum, qui desperatione debilitati, experiri id nolent, quod se assequi posse diffidant. Sed par est omnes omnia experiri, qui res magnas & magnopere expetendas concupiverunt. Quod si quem aut natura sua, aut illa præstantis ingenii vis fortè deficiet, aut minus instructus erit magnarum artium disciplinis, teneat tamen eum cursum, quem poterit. Prima enim sequentem honestum est in secundis tertiusque consistere. Nam in Poëtis non Homero soli locus est (ut de Græcis loquar) aut Archilochi, aut Sophocli, aut Pindaro, sed horum secundis, vel etiam infra secundos. Nec verò Aristotelem in Philosophia deterruit à scribendo amplitudo Platonis: nec ipse Aristoteles admirabili quadam scientia & copia cæterorum studia restrinxit. Nec solum ab optimis studiis excellentes viri deterriti non sunt, sed ne opifices quidem se artibus suis removerunt, qui aut Iasyl, quem Rhodi vidimus, non potuerunt, aut Cœz Veneris pulchritudinem imitari. Nec simulacro Jovis Olympii, aut Doriphori statua deterriti, reliqui minus experti sunt, quid efficere, aut quo progredi possent, quorum tanta multitudo fuit, tanta in suo cujusque genere laus, ut cum summa miraremur, inferiora tamen probaremus.

In Oratoribus verò, Græcis quidem, admirabile est, quantum inter omnes unus excellat: at tamen cum esset Demosthenes, multi Oratores magni & clari fuerunt, & antea fuerant, nec postea defecerunt. Quare non est, cur eorum, qui se studio eloquentiæ dediderunt, spes infrigatur, aut languescat indu-

industria. Nam neque illud ipsum, quod est optimum, desperandum est: & in præstantibus rebus magna sunt ea, quæ sunt optimis proxima.

3. Tria autem sunt omnino genera dicendi, quibus in singulis quidam floruerunt: peræque autem (id quod volumus) per pauci in omnibus. Nam & *grandiloqui*, ut ita dicam, fuerunt, cum ampla & sententiarum gravitate, & maiestate verborum, vehementes, & varii, copiosi, graves, ad pervertendo- & convertendos animos instructi, & parati. Quorum ipsorum alii aspera, tristi, horrida oratione, neque perfecta, neque conclusa: alii lævi, & instructa & terminata. Et contra *tenuēs*, acuti, omnia docentes, & dilucidiora, non ampliora facientes, subtili quadam & pressa oratione limati, in eodemq; genere alii callidi, sed impoliti & incōsultò rudium similes, & imperitorum. Alii in eadem jejunitate concinniores, id est, facti, florentes etiam & leviter ornati. Est autem quidam interiectus, *intermedius* & quasi temperatus (character) nec acuminē posteriorum, nec fulminē utens superiorum. Vicinus amborum, in neutro excellens, utriusque particeps, vel utriusque (si verum quærimus) potius expers. Isque uno tenore, ut aiunt, in dicendo fluit, nihil adferens præter facilitatem & æquabilitatem, aut addit aliquos, ut in cōsonatos, omnemque orationem ornamentis modicis verborum sententiarumque distinguit. Horum singulorum generum, quicumq; vim in singulis consecuti sunt, magnum in Oratoribus nomen habuerunt. Atque utinam in Latinis talis Oratoris simulacrum reperire possemus, esset egregium non quærere externa, domesticis esse contentos. Sed ego idem, qui in illo sermone nostro, qui est expositus in Bruto, multum tribuerim Latinis, vel ut hortarer alios, vel ut amarem meos, recordor me longè omnibus unum anteferre Demosthenem, qui vim accommodavit ad eam, quam sentiam, eloquentiam, non ad eam, quam in aliquo cognoverim. Hoc nec gravius extitit quispiam, nec callidior, nec temperantior. Semper Oratorum eloquentiæ moderatrix fuit auditorum prudentia. Omnes enim, qui probari volunt, voluntatem eorum, qui audiunt, intuentur, ad eamque, & ad eorum arbitrium, & nutum totos se fingunt & accommodant.

Itaque Caria & Phrygia & Mysia, quòd minime politæ

minimeque elegantes sint, adsciverunt aptum suis auribus opimum quoddam, & tanquam adipatae orationis genus, quod eorum vicini (non ita latè interjecto mari) Rhodii nunquam probaverunt. Græci verò multò minus, Athenienses verò funditus repudiaverunt, quorum semper fuit prudens syncerumque iudicium, nihil ut possent, nisi incorruptum audire & elegans. Eorum religioni cum serviret Orator, nullum verbum insolens, nullum odiosum ponere audebat. Itaque hic quem præstitisse diximus cæteris, in illa pro Ctesiphonte Oratione longè optima, submissius à primo: deinde, dum de legibus disputat, pressius: post sensim incedens, iudices ut vidit ardentes, in reliquis exsultavit audacius. Ac tamen in hoc ipso, diligenter examinante verborum pondera, reprehendit Æschines quædam & exagitat: illudensque, dura, odiosa, intolerabilia esse dicit. Quin etiam, quærit ab ipso, cum quidem eum beluam (*κίναδες*) appellet. Utrum ea verba, an portenta sint? Æschini ne Demosthenes quidem videatur Atticè dicere. Facile est enim verbum aliquod ardens (ut ita dicam) notare, idque restinctis jam animorum incendiis, irridere. Itaque se purgans iocatur Demosthenes, negatque in eo positas esse fortunas Græciæ.

4 Sed in omni re difficillimum est formam (quod *κατακτά* Græce dicitur) exponere optimi: quòd aliud aliis videatur optimum. Ennio delector, ait quispiam, quod non discedit à communi more verborum. Pacuvio, inquit alius: omnes apud hunc ornati elaborati,que sunt versus, multa apud alterum negligentius. Fac alium Accio; varia enim sunt iudicia, ut in Græcis, nec facilis explicatio, quæ forma maxime excellat. In picturis alios horrida, inculta, abdita, & opaca. Contra alios nitida, læra, collustrata delectat. Quid est, quo præscriptum aliquod aut formulam exprimas, cum in suo quodque genere præstet, & genera plura sint? Hac ego religione non sum ab hoc conatu repulsus, existimavi que in omnibus rebus esse aliquid optimum, etiamsi lateret, idque ab eo posse, qui ejus rei gnarus esset, iudicari.

Sed quoniam plura sunt Orationum genera, eaque diversa, neque in unam formam cadunt omnia, laudationum, seriptionū, Historiarum, & talium suasionum, qualem Isocrates

tes fecit panegyricum, multiq̃ue alii, qui sunt nominati Sophistæ, reliquarumq̃ue rerum formam, quæ absunt à forensi contentione, ejusq̃ue totius generis, quod Græce *ὑπὸ δεικτικῶν* nominatur, quod quasi ad inspiciendum delectationis causa comparatum est, non complectar hoc tempore. non quò negligenda sit, est enim ea quasi nutrix ejus Oratoris, quem informare volumus, & de quo molimur aliquid exquisitius dicere.

Ab hac, & verborum copia alitur, & eorum constructio, & numerus liberiore quadam fruitur licentia. Datur etiam venia concinnitati sententiarum, & arguti certiq̃ue & circumscripti verborum ambitus conceduntur: De industriaq̃ue & non ex insidiis, sed apertè & palam elaboratur, ut verba verbis quasi dimensa & paria respondeant, ut crebro conferrantur pugnantia, comparenturq̃ue contraria, & ut pariter extrema terminentur, eundemq̃ue referant in cadendo sonum. quæ in veritate causarum & rarius mukò facimus, & occultius. In Panatheanico autem Isocrates ea se studiosè confectatum fatetur, non enim ad certamen; sed ad voluptatem aurium scripserat.

Hæc tractasse Thrasymachum Chalcedonium primum, & Leontium ferunt Gorgiam, Theodorum inde Byzantium, & quosdam alios, quos *ἀγορᾶιδάδης* appellat in Phædro Socrates. quorum satis arguta multa, sed ut modò primumq̃ue nascentia minuta, & versiculorum similia quædam, nimiumq̃ue depicta. Quo magis sunt Herodotus Thucydidesq̃ue mirabiles, quorum ætas, cum in eorum tempora, quos modò nominabam, incidisset, longissimè tamen illi à talibus deliciis, vel potius ineptiis, abstuerunt; alter enim sine ullis salebris quasi sedatus amnis fluit: alter incitator fertur, & de bellicis rebus canit etiam quodammodo bellicum, primisq̃ue ab his (ut ait Theophrastus) historia commota est, ut auderet uberius, quàm superiores, & ornatus dicere. Horum ætati successit Isocrates. cumq̃ue ei concisus Thrasymachus minutis numeris videretur & Gorgias, qui tamen primi traduntur arte quadam verba junxisse, Thucydes autem præfractionior, nec satis, ut ita dicam, rotundus: primus instituit dilatare verbis, & mollioribus numeris explere sententias. In quò cum doceret nos, qui

partim in dicendo, partim in scribendo principes extiterunt, domus ejus officina habita eloquentiæ est. Dulce igitur Orationis genus, & solutum, & effluens, & sententiis argutum, verbis sonans est in illo Epidictico genere, quod diximus proprium Sophistarum; pompæ quàm pugnæ aptius; gymnasiis & palæstræ dicatum; spreum & pullum foro. Sed quod educata hujus nutrimenti eloquentia ipsa se postea colorat, & roborat, non alienum fuit de Oratoris quasi incunabulis dicere.

§. 5.

Dissertatio ejusdem (Cicer. ibid. §. 12. & seqq.

Quis sit Orator omnium perfectissimus, & quomodo à Philosophis, Historicis, ac Poetæ dictione separandus?

1. *Exquisita ipse eloquentia Oratorem à Philosophis, Sophistis, Historicis, ac Poetis ipso genere dicendi distinguit.*
2. *Oratorijuxta triplex propositum triplicem dicendi charactere tradit esse observandum.*

Cæterarum rerum, quæ sunt in Oratore, partem aliquam sibi quisque vendicat. dicendi autem, id est, eloquendi maxima vis soli huic conceditur. Quamquam enim & Philosophi quidam ornate locuti sunt (siquidem & Theophrastus divinitate loquendi nomen invenit, & Aristoteles Isocratem ipsum lacessivit, & Xenophon's voce Musas quasi locutas, & longè omnium quicumque scripserunt, aut locuti sunt, extitit, & uberrate, & gravitate Princeps Plato) tamen horum Oratio, neque nervos, neque aculeos oratorios, ac forenses habet. Loquuntur cum doctis, quorum se dare animos malunt, quàm incitare. Sic de rebus placatis ac minime turbulentis docendi causa, non capiendi loquuntur; & in eo ipso, quod delectationem aliquam dicendo aucupentur, plus nonnullis, quàm necesse sit, facere videntur. Ergo ab hoc genere non difficile est hanc eloquentiam, de qua nunc agitur, discernere. Mollis est enim oratio Philosophorum & umbratilis, nec sententiis, nec verbis instructa popularibus, nec juncta numeris; sed soluta liberius, nihil iteratum habet, nihil invidum,

vidum, nihil atrox, nihil mirabile, nihil astutum; casta, verecunda, virgo incorrupta quodammodo. Itaque sermo potius, quàm oratio dicitur. Quanquam enim omnis locutio oratio est, tamen unius Oratoris hoc proprio signata nomine est. *Sophistarum* magis distinguenda similitudo videtur, qui omnes eosdem volunt flores, quos adhibet Orator in causis, persequi; sed hoc differunt; quod cum si hi propositum non perturbare animos, sed placare potius, nec tam perluadere, quàm delectare, & apertius id faciunt, quàm Oratores, & crebrius. Concinnas magis scientias exquirunt, quàm probabiles, à re sæpe discedunt, intexunt fatuas, verba apertius transferunt, eaque ita disponunt, ut pictores varietatem colorum; paria paribus referunt, adversa contrariis, sæpissimeque similiter extrema definiunt. Huic generis *historia* finis tima est, in qua & narratur ornate, & rego sæpe aut pugna describitur, interponuntur etiam Conciones, & Hortationes; sed in his tracta quædam & fluens reperitur, non hæc contorta, & acris oratio. Ab his non multo secus, quàm à *Poëtis* hæc eloquentia quam quærimus, scvocanda est. Nam etiam Poetæ quæstionem attulerunt; quidnam esset illud, quo ipsi differrent à Oratoribus? Nunquid maxime videbantur antea & versu (nam id quidem orationis est vanum) numerus vocatur, qui Græcè *πυδμός* dicitur. Itaque video visum esse nonnullis, Maronis & Democrati locutionem, etsi abscissa versu, tamen quod incitatus teratur, & clarissimis verborum luminibus utatur, potius Poema putandum, quàm *Comitorum* Poëtarum, apud quos, nisi quod versiculi sunt, nihil est aliud quotidiani dissimile sermonis. Nec tamen, id est, Poetæ maximum; etsi est eo laudabilior, quod virtutes Oratoris persequitur, cum versu sit adstrictior. Ego autem etiam si quorundam grandis & ornata vox est Poëtarum, tamen in ea, cum licentiam statuo maiorem, quàm in nobis, faciendorum iungendorumque verborum, tum etiam nonnullorum voluptati, vocibus magis, quàm rebus inserviunt. Sejunctis igitur Orator à Philosophorum eloquentia, à Sophistarum, ab Historicorum, à Poëtarum, explicandus est nobis qualis futurus sit.

2. Erit igitur eloquens is, qui in foro causisque civilibus ita dicet, ut *probet*, ut *delectet*, ut *flectat*. Probare id necessitas est, delectare suavitatis, flectere victoriæ. nam hoc unum

ex omnibus ad obtinendas causas potest plurimum. Sed quot officia Oratoris, tot sunt genera dicendi; subtile in probando, medium in delectando, vehemens in flectendo, in quo uno vis omnis Oratoris est. Magni igitur iudicii, summæ etiam facultatis esse debet, moderator ille & quasi temperator hujus tripartitæ veritatis. nam & iudicabit, quid cuique opus sit; & poterit, quocunque modo postulabit causa, dicere. Sed est eloquentiæ, sicut & cæterarum rerum fundamentum sapientia. Ut enim in vita, sic in oratione, nihil est difficilius, quàm, quid deceat, videre. *πρέπον* appellant hoc Græci, nos sanè dicamus decorum. Est autem quid deceat Oratori videndum, non in sententiis solum; sed etiam in verbis. Non enim omnis fortuna, non omnis honos, non omnis autoritas, non omnis ætas, nec verò locus, aut tempus, aut auditor omnis, eodem aut verborum genere tractandus est, aut sententiarum; semperque in omni parte orationis, ut vitæ, quid deceat considerandum. Quod in re, de qua agitur, positum est & in personis, & eorum, qui dicunt, & eorum, qui audiunt. In omnibus rebus videndum est, quatenus. Etsi enim suus cuique modus est, tamen magis offendit nimium quàm parum. In quo Apelles pictores quoque eos peccare dicebat, qui non sentirent, quid esset satis. Aliud porro est, utrum decere, an oportere dicas. Oportere enim perfectiorem declarat officii, qua & semper utendum est & omnibus, decere quasi aptum esse consentaneumque tempori, & personæ: quod cum in fideis sæpissimè, tum in dictis valet, in vultu; denique & gestu, & incessu. Sed cum hoc tantum sit, quid in causis, eorumque quasi membris, Orator faciat, viderit. Illud quidem perspicuum est: non modo partes orationis; sed etiam causas totas alia atque alia dicendi forma esse tractandas.

Sequitur ut cuiusque generis nota quæretur & formula. Magnum opus & arduum, ut jam sæpe diximus; sed ingredientibus considerandum fuit, quid ageremus, nunc quidem jam quocunque feremur, danda nimirum vela sunt. Ac primum informandus est ille nobis, quem solum quidam vocant Atticum. Summissus est & humilis, consuetudinem imitans, ab indisertis re plus, quàm opinione differens. Itaque illum qui audiunt, quamvis ipsi infantes sint,

sint, tamen illo modo confidunt posse se dicere, nam orationis subtilitas imitabilis, illa quidem videtur sic existimanti, id nihil est experiēti minus. Etsi enim non plurimi sanguinis est, habeat tamen succum aliquem oportet, ut etiamsi illis maximis viribus careat, sit, ut ita dicam, integra valetudine. Primum igitur eum tanquam è vinculis numerorum eximamus. Solutum quiddam sit, nec vagum tamen, ut ingredi liberè, non ut licenter videatur errare. Verba etiam verbis quasi coagmentare negligat. Habet enim ille tanquam hiatus concursu vocalium molle quiddam, & quod indicet non ingratam negligentiam hominis, de re magis, quàm de verbis laborantis. Sed erit videndum de reliquis, cum hæc duo ei liberiora fuerint circuitus conglutinatioque verborum, illa enim ipsa contracta, & minuta, non negligenter tractanda sunt. sed quædam etiam negligentia est diligens. Nam ut mulieres esse dicuntur nonnullæ inornatæ, quas idipsum deceat; sic hæc subtilis oratio etiam incompta delectat. Fit enim quiddam in utroque, quo sit venustius; sed non, ut appareat. Tum removebitur omnis insignis ornatus quasi margaritarum, ne calamistri quidem adhibebuntur, fuscæ verò medicamenta candoris, & ruboris omnia repellentur: elegantia modò & mundicia remanebit. Sermo purus erit & Latinus, dilucidè planeque dicetur, quid deceat, circumspicietur. Unum aderit, quod quartum numerat Theophrastus in orationis laudibus, ornam̃tum illud suave & affluens, acutæ crebræque sententiæ ponentur, & nescio unde ex abdito erutæ, atque in hoc Oratore dominabuntur. Verecundus erit usus Oratoris quasi supellectilis. Nec in faciendis verbis erit audax, & in transferendis parvus, & in prisceis reliquisque ornamentis, & verborum, & sententiarum demissior. Translatione fortasse crebrior, qua frequentissimè sermo omnis vivitur, non modo Urbanorum, sed & Rusticorum: si quid est eorum, gemmare vites, sitire agros, lætas esse segetes, luxuriare frumenta. Illam verò concinnitatem, quæ verborum collationem illuminat, his luminibus, quæ Græci, quasi aliquos gestus orationis, *ἐκνέματα* appellant, (quod idem verbum ab his etiam in sententiarum ornamenta transfertur) adhibet hic subtilis; sed paulò parcius. Nam sic, ut in epularum apparatu, à magnificentia recedens,

non

non se parcum solum, sed etiam elegantem videri volet; eliger quibus utatur. Sunt enim pleræque aptæ huius ipsius Oratoris, de quo loquor, parsimonix. Nam illa, de quibus ante dixi, huic acuto fugienda sunt, paria paribus relata, & similiter conclusa, eodemq; pacto cadentia; & immutatione literæ quasi quæsitæ venustates, ne elaborata concinnitas, & quoddam aucupium delectationis manifesto deprehensum appareat. Itemque si quæ verborum iterationes contentionem aliquam, & clamorem requirent, erunt ab hac submissione orationis alienæ: cæteris promiscuè poterit uti. Continuationem verborum modò relaxet, & dividat, utaturque verbis quàm usitatissimis, translationibus quàm mollissimis. Etiam illa verborum lumina assumat, quæ non erunt vehementer illustra. Non faciet Rempubl. loquentem, nec ab inferis mortuos excitabit, nec acervatim multa frequentans unâ complexione devinciet. Valentiorum hæc laterum sunt, nec ab hoc, quem informamus, aut expectanda, aut postulanda. Erit enim, ut voce, sic etiam oratione suppressior, Sed pleræque ex illis convenient, etiam huic tenuitati: quancquam iisdem ornamentis utetur, horridius, talem enim inducimus. Accedit actio, non tragica, nec scenæ, sed modica jactatione corporis, vultu tamen multa conficiens, non hoc, quo dicuntur os ducere, sed illo, quo significent ingenuè, quo sensu quidque pronuntient. Huic generi orationis aspergentur etiam sales, qui in dicendo nimium quantum valent, quorum duo genera sunt, unum facetiarum, alterum dicacitatis. Utetur utroque; sed altero in narrando aliquid venustè, altero in jaciendo mittendoque r. diculo. Cujus generis plura sunt; sed nunc aliud agimus. Illud admonemus tamen, ridiculo sic usurum Oratorem, ut nec nimis frequenti, ne scurrile sit, nec subobsæceno, nec mimicum; nec petulant, ne improbum; nec in calamitatem, ne inhumanum; nec in facinus, ne odii locum risus occupet: neque aut sua persona, aut judicium, aut tempore alienum. hæc enim ad aliud indecorum reservatur.

Uberius est aliud, aliquantoque robustius, quàm hoc humile, de quo dictum est: submissius autem, quàm illud, de quo dicetur, amplissimum. Hoc in genere nervorum est quam minimum, suavitatis autem est quàm plurimum. Huic omnia dicendi ornamenta conveniunt. In quo multi floruerunt apud Græcos; sed Phalereus Demetrius meo judicio præsti-

præstitit cæteris, cujus oratio cum sedatè placideque loquitur, cum illustrant eam, quasi stellæ quædam, tralata verba atque immutata. Tralata eo dico, ut sæpe jam, quæ per similitudinem ab ea re, aut suavitatis, aut inopiæ causa transferuntur. Mutata, in quibus pro verbo proprio subjicitur aliud, quod idem significet, sumptum ex re aliqua consequenti, ut horridam *Africam terribili tremere tumultu*: cum dicit Ennius, pro Afris immutat Africam. In idem genus orationis (loquor enim de illa modica, & temperata) verborum cadunt lumina omnia, multa etiam sententiarum: latæ eruditæque disputationes ab eodem explicantur, & loci communes sine contentione dicuntur. Hoc totum è Sophistarum fontibus defluxit in forum; sed spreum à subtilibus, repulsum à gravibus, in ea, de qua loquor, mediocritate consedit.

Tertius est ille amplus, copiosus, gravis ornatus, in quo profectò vis est maxima. Hic est enim, cujus ornatum dicendi & copiam admiratæ gentes, eloquentiam in civitatibus plurimum valere passæ sunt. Sed hanc eloquentiam, quæ cursu magno sonituque ferretur, quàm suspicerent omnes, quam admirarentur, quam se affligi posse diffiderent; hujus eloquentiæ est tractare animos, hujus omni modo permovere. Hæc modò perfingit, modò irrepit in sensus, inserit novas opiniones, evellit insiras. Sed multum interest inter hoc dicendi genus & superiora. Qui in illo subtili & acuto elaboravit, ut callidè arguteque diceret, nec quicquam altius cogitaret, hoc uno perfectò, magnus Orator est, si non maximus; minimeque in lubrico versabitur, & si semel constiterit, nunquam cadet. Medius illè autem, quem modicum & temperatum voco, si modò suum illud satis instruxerit, non extimescet ancipites dicendi incertosque casus: etiam si quando minus succedet, ut sæpe fit, magnum tamen periculum non adibit, aliè enim cadere non potest. At verò hic noster, quem Principem posuimus, gravis, acer, ardens; si ad hoc unum est natus, aut in hoc solo se exercuit, aut huic generi studet uni; nec suam copiam cum illis duobus generibus temperavit, maxime est contemnendus. Ille enim submissus, quod acutè & veteratorè dicit, sapiens jam: in diùs suavis: hic autem copiosissimus, si nihil est aliud, vix satis sanus videri solet. Qui enim nihil potest tranquille, nihil leniter, nihil partitè, definitè distictè, facitè dicere; præsertim cum cauæ parum totæ

sint eo modo, partim aliqua ex parte tractandæ: si is non præparatis auribus inflammare rem cœpit, furere apud sanos, & quasi inter sobrios bacchari vinolentus videtur.

Is igitur erit eloquens, qui poterit parva submissè, modica temperatè, magna graviter dicere. Totam mihi causam pro Cæcinnâ de verbis interdicta fuit: res involutas deficiendo, explicavimus: jus civile laudavimus, verba ambigua distinximus. Fuit ornandus in Manilia lege Pompejus, temperata oratione ornandi copiam persecuti sumus. Jus omne retinendæ maiestatis Rabinâ causa continebatur, ergo in omni genere amplificationis exarsimus.

CAPUT XXXVII.

DE MEMORIA.

*Dissertatio Antonii apud Cicero. lib. 2. de
Orat. §. 48.*

De Arte memoria, & ejus usu.

Exordio, Originem hujus artis ab Historia de Simonide Poeta ducit.

Deinde ostendit 1. hanc artem in imaginibus, quæ res ipsas tanquam litera signent, per certa loca distributis consistere.

2. Magnum docet esse hujus artis emolumentum ad perficiendam memoriam naturalem.

3. Imagines illas, seu figuras, dicit esse desumendas à rebus, sensibus ac visui potissimum, subjectis, quæque acres sint, per certa loca eaque illustra & modicis intervallis distincta. Difficilius autem aliquanto est verborum, quam rerum sententiarumque imagines fingere. quarum ille personis, hæ imaginibus, ordo verò omnium locis facile comprehenditur.

Refutat denique illorum opinionem, qui existimant artificialem memoriam naturalem obrui.

M. ANTONIUS.

Non sum tanto ego, fateor, ingenio; quanto Themistocles fuit, ut oblivionis artem, quam memoriam naturalem;

gratiamq; habeo Simonidi illi Chio, quem primum ferunt artem memoræ protulisse. Dicunt enim cum cœnaret Crano-
ne, in Thessalæa, Simonides, apud Scopas fortunarum ho-
minem, & nobilem, cecinisse id carmen, quod in eum scrip-
sisset, in quo multa ornandi causa Poëtarum more in Ca-
storem scripta, & Pollucem fuissent, nimis illum sordide Si-
monidi dixisse: se dimidium illius rei, quod pactus esset, pro
illo carmine, daturum: reliquum à suis Tyndaridis, quos æ-
què laudasset, peteret, si ei videretur. Paulò post esse ferunt
nuntiatum Simonidi, ut prodiret, juvenes stare ad Januam
duos quosdam, qui eum magnoperè evocarent: surrexisse il-
lum, ipsum prodisse, vidisse neminem. Hoc interim spatio
conclave illud, ubi epularetur Scopas, concidisse: ea ruina
ipsum oppressum cum suis interisse. quos cum humare vel-
lent sui, neque possent obtritatos internoscere ullo modo, Si-
monides dicitur ex eo, quod meminisset, quo eorum loco
quisque cubuisset, demonstrator uniuscujusque sepeliendi
fuisse. Hac tum de re admonitus invenisse fertur ordinem
esse maximè, qui memoriæ lumen afferret.

1. Itaque iis, qui hanc partem ingenii exercent, locos esse
capiendos, & ea, quæ memoria tenere vellent, effingenda
animo, atque in his locis collocanda: sic fore, ut ordinem re-
rum locorum ordo, conservaret: res autem ipsas rerum effi-
gies notaret; atque ut locis pro cæra, simulachris pro literis
uteremur.

2. Qui sit autem memoriæ Oratori fructus, quanta uti-
litas, quanta vis, quid me attinet dicere? tenere quæ di-
diceris in accipiendâ causâ, quæ ipse cogitaris, omnes fixas
esse in animo sententias, omnem descriptum verborum
apparatum: ita audire vel cum unde dicas, vel cum, cui re-
spondendum sit, ut illi non infundere in aures tuas oratio-
nem, sed in animo videamur inscribere. Itaque soli, qui
memoria vigent, sciunt quid, & quatenus, & quomo-
do dicturi sint, cui responderint, qui supersit, idemque
multa ex aliis causis aliquando à se acta, multa à aliis audita
meminerunt. Quare confiteor equidem hujus boni natu-
ram esse principem, sicut earum rerum, de quibus ante lo-
cutus sum omnium, sed hæc ars tota dicendi, sive artis quæ-
dam imago est, & similitudo, habet hanc vim: non ut
totum aliquid, cujus in ingeniis nostris pars nulla sit, pariat,
& pro-

& procreet: verum ut ea, quæ jam orta sunt in nobis, & procreata, educet atque confirmet. Veruntamen neque tam acris memoria ferè quisquam est, ut non dispositis notatisque rebus ordinem verborum, aut sententiarum complectatur: neque verò tam haberi, ut nihil hac consuetudine, & exercitatione ajuvetur. Vidit etiam hoc prudenter sive Simonides, sive alius, quis invenit, ea maximè animis effingi nostris, quæ essent a sensu tradita, atque impressa: acerrimum autem ex omnibus nostris sensibus esse sensum videndi quare facillimè animo teneri posse ea, quæ perciperentur auribus, aut cogitatione, si etiam oculorum commendatione animis traderentur: ut res cæcas, & ab aspectus judicio remotas, confirmatio quædam, & imago, & figura ita notaret: ut ea, quæ cogitando complecti vix possemus, intuendo quasi teneremus. His autem formis atque corporibus, sicut omnibus rebus, quæ sub aspectum veniunt, sede opus est: etenim corpus intelligi sine loco non potest.

3 Quare ne in re nota, & pervulgata multus & insolens simul, locus est utendum multis, illustribus explicatis, modicis intervallis. Imaginibus autem agentibus, acribus, insignitis, quæ occurrere, celeriterque percurrere animum possint. Quam facultatem & exercitatio dabit, ex qua consuetudo gignitur, similitum verborum conservata, & immutata casibus, aut traducta ex parte ad genus mutatio, & unius verbi imagine totius sententiæ informatio, Pictoris cuiusdam summiratione, & modo formarum varietate locos distinguenter. Sed verborum memoria, quæ minus est nobis necessaria, majore imaginum varietate distinguitur. multa enim sunt verba, quæ quasi articuli connectunt membra orationis, quæ formari similitudine nulla possunt: eorum fingendæ nobis sunt imagines, quibus semper utamur. rerum memoria propria est Oratoris, eam singulis personis bene positus notare possumus, ut sententias imaginibus, ordinem locis comprehendamus. Neque verum est, quod ab inertibus dicitur, optimam memoriam imaginum pondere, & obscurari etiam id, quod per se natura tenere potuisset. Vidi ego summos homines, & divina prope memoria. Athenis Carneadem, in Asia, quem vivere hodie ajunt, Sceptium Metrodorum, quorum uterque tanquam literis in cera, sic se agebat imaginibus, in iis locis, quos haberet, quæ meminisse vellet, perscribere.

perscribere. Quare hac exercitatione non eructanda memoria est, si est nulla naturalis: sed certè, si latet, evocanda est.

CAPUT XXXVIII.

DE PRONUNTIONE.

*Dissertatio Crassi apud Cicer. lib. 3. de
Orat. §. 32.*

*De actione ac moderatione vocis corporisque
in dicendo.*

Exorditur ab actionis praestantia in Oratore, ostenditque dicere Oratorem & Audisorem flectere, ut varios animi motus vario corporis, vultusque atque in primis oculorum habitu exprimat; ita quidem, ut post vocem ejusque varietatem atque inflexionem, ante omnia vultus, ejusque ardor, aut remissio, atque in oculis eminens animi affectus valeat.

§. 1.

C R A S S U S.

Actio in dicendo una dominatur. Sine hac summus Orator esse in numero nullo potest: mediocris hac instructus summos verò superat. Huic primas dedisse Demosthenes dicitur, cum rogaretur, quid in dicendo esset primum: huic secundas, huic tertias.

Quid fuit in Graccho, quod me puero tantopere ferretur? Quo me miserum conferam? quo verum? in Capitoliumne? at fratris sanguine redundat. An domum? matremne? ut miseram, lamentantemque videam & abjectam? Quare sic ab illo acta esse constabat, oculis, voce, gestu; inimici ut lacrymas tenere non possent, &c. Omnis enim motus animi sui quendam à natura habet vultum, & sonum & gestum totumque corpus hominis, & ejus omnis vultus, omnesque voces, ut nervi in fidibus ita sonant, ut à motu animi quoque sunt pulsæ. Nam voces, ut chordæ, sunt intentæ, quæ ad quemque

N

tactum

tactum respondent, acuta, gravis, cita, tarda, magna, parvas; quas tamen inter omnes est suo quoque in genere mediocris. Atque etiam illa sunt ab his delapsa plura genera, lene, asperum: contractum, diffusum: continenti spiritu, intermissio: fractum, scissum: Flexo sono attenuatum, inflatum. Nullum est enim horum similium generum, quod non arte ac moderatione tractetur. Hi sunt Actori, ut pictori, expositi ad variandum colores. Aliud enim vocis genus *iracundia* tibi summat, acutum, incitatum, crebro incidens: aliud *miseratio ac moror*, flexibile, plenum, interruptum, flebili voce: aliud *metus*, demissum, hæsitans, abjectum: aliud *vis*, contentum, vehementem, imminens quadam incitatione gravitatis: aliud *voluptas*, effusum, lene, tenerum, hilarum, ac remissum: aliud *molestia*, sine commiseratione grave quiddam, & uno pressu ac sono obductum. Omnes autem hos motus subsequi debet gestus; non hic, verba, exprimens, scenicus; sed universam rem & sententiam, non demonstratione, sed significatione declarans. Laterum inflexione, hac forti & utili; non à scena & histrionibus; sed ab armis, aut etiam a palæstra. Manus autem minus arguta, digitis subsequens, verba non exprimens: brachium procerius projectum quasi quoddam telum orationis, suppositio pedis in contentionibus aut incipiendis aut finiendis. Sed in ore sunt omnia, in eo autem ipso dominatus est omnis oculorum. Animi est enim omnis actio, & imago animi vultus est, indices oculi: nam hæc est una pars corporis, quæ quot animi motus sunt, tot significationes & commutationes possit efficere. Nec oris nimium est mutanda species, ne aut ad ineptias, aut ad pravitatem aliquam deferamur. Oculi sunt, quorum tum intensio, tum remissione, tum conjectu, tum hilaritate motus animorum significemus aptè, cum genere ipso orationis. Est enim actio quasi sermo corporis, quo magis menti congruens esse debet. Oculos autem natura nobis, ut equo & leoni setas, caudam, aures ad motus animorum declarandos dedit. Quare in hac nostra actione, secundum vocem, vultus valet. is autem oculis gubernatur. Atque in his omnibus, quæ sunt actionis, inest quædam vis à natura data: quare etiam hac imperiti, hac vulgus, hac denique barbari maximè commoventur. Verba n. neminem movent, nisi qui ejusdem linguæ societate conjunctus est: sententiæque sæpe acutæ, non acutorum hominum,

minum, sensus prætervolant: actio, quæ per se motum animi fert, omnes movet, iisdem etiam omnium animi moribus concitantur.

Ad vocem autem in dicendo obtinendam, nihil est utilius, quàm crebra mutatio, nihil perniciosius, quàm effusa sine intermissione contentio. Quid ad aures nostras & actionis suavitatem, quid est vicissitudine, & varietate & commutatione aptius? Itaque Gracchus servum sibi ad manum cum eburnea solitus est habere fistula, qui staret oculis post ipsum cum concionaretur, peritum hominem, qui inflare celeriter eum sonum, qui illum aut remissum excitaret, aut à contentione revocaret. In omni enim voce est quiddam medium, sed suum cujque voci. Hinc gradatim ascendere vocem utile & suave est. Nam à principio clamare, aggreſſe quiddam est; & illud idem ad firmandam est vocem salutare. Deinde est quiddam contentions extremum, quod tamen inferius est, quam acutissimus clamor: quo te fistula progredi non sinet, & tamen ab ipsa contentione revocabit. Est item contra quiddam in remissione gravissimum, quoque tanquam sonorum gradibus descenditur. Hæc varietas, & hic per omnes sonos vocis cursus, & servabitur, & actioni adferet suavitatem. Sed fistulam domi relinquetis, sensum hujus consuetudinis vobiscum ad forum deferetis.

§. 2.

*In Oratore perfecto ad Brutum §. 10.
sic habet.*

Volet ille, qui Eloquentiæ principatum petet, & contenta voce atrociter dicere, & submissa leniter, & inclinata videri gravis, & inflexa miserabilis. Mira est enim quædam natura vocis, cujus quidem è tribus omnino sonis flexo, acuto, gravi, tanta sit, & tam suavis varietas perfecta in canibus. In quo illud notandum mihi videtur, ad studium persequendæ suavitatis in vocibus, ipsa enim natura quasi modularetur hominum orationem, in omni verbo posuit acutam vocem, nec unâ plus, nec à postrema syllaba citra tertiam; quo magis naturam ducem ad aurium voluptatem sequar industria. Ac vocis quidam bonitas optanda est, non est enim in nobis, sed

tractatio atque usus in nobis. Ergo ille princeps variabit & immutabit : & omnes sonorum , tum intendens, tum remittens, persequetur gradus. Idemque motu sic utetur, nihil ut supersit in gestu. Status erectus, & celsus : rarus incessus, nec ita longus : excursio moderata, eaque rara, nulla mollitia cervicum, nullæ argutiæ digitorum, non ad numerorum articulos cadens : trunco magis toto seipsum moderans, & virili laterum flexione, brachii projectione in contentionibus, contractione in remissis.

Vultus verò, qui secundum vocem plurimum potest, quandam offert, tum dignitatem, tum venustatem, in quo cum effeceris, nequid ineptum aut vultuosum sit, tum oculorum est quædam magna moderatio. Nam ut imago est animi vultus, sic indices oculi, quorum & hilaritatis, & vicissim tristitiæ modum res ipsæ, de quibus ageretur, temperabunt.


§. 3


APPENDIX AUTORIS.

Actio in Oratore laudanda, est vocis, oculorum, vultus, manuum, totiusque corporis moderatio rebus accommodata. Hanc Germani Hispanique gravem ac virilem, Itali Galli que agilem magis & concitatam amant. Sed nec gravitas illis affectata, nec levis his concitatio placuerit. Vultus cum imago quædam animi sit, plurimum in se oculisque ad agendum momenti adfert, nunc igitur severus ille, nunc blandus, nunc alacer, nunc dejectus, spem, metum, indignationem, aut favorem exprimat. Caput rarò movendum, nisi quid leniter annuendum renuendumve fuerit. Humeros jactare indecorum est. Collum nec versetur levius, nec stipitis instar obrigescat, non contrahatur nisi in dolore aut metu, nec superbè efferatur, nisi alterius elatio significanda sit. Pedum manuumve in cathedra suppositio infrequens sit, nec nisi in summis contentionibus, aut inchoandis, aut finiendis usurpetur. Brachia nec dissoluta pendeant, sed moderatè in remissis, concitatè in ardentibus contentionebus; hic etiam exporrectè, illic contractè levantur. Manus,

nisi

nisi in summis affectibus, capitis altitudinem non excedant. Numeros partesque rerum, dextrâ manu à lævo in dexterum latus, tanquam leniter fluctuando ductâ, per modica locorum intervalla, distinguit. res oppositas dextrâ sinistrâque, alternatim elatâ, signat. Manibus, vel supra pectus complicatis, vel ad utrumque expansis latus supplicat: rejecta in averfam partem manu denegat: objecta rogantibus, cum reducto capite, averfatur: aversâ celeriterque mora admittit ac rejicit: explicatâ porrectâque dextram admittit. prona ante pectus sensimque depressa, annuente vultu, confirmat: supinâ rarius graviusque sublatâ hortatur, crebrius velociusque agitatâ urget: extensâ, sine jactatione, interrogat. Pronâ manu leniter morâ componit, ac mitigat: celeriter ex alto depressâ imperat: utraque sic ad populum clarâ, admiratur: quassata recusat, tremente trepidat. Ad latera reductis dolet ac miseretur; in pugnam collectis, aut ferociter jactatis irascitur. cavis contiguisque manibus paucitatem: supinis atque in orbem sensim circumductis multitudinem indicat, erecto motoque sæpius indice minitatur, verso in latus, aversoque, unâ subidente vultu, ironiam denotat. Quæ paucis designare placuit, ut inter prima dicendi exercitamenta rudis etiamnum Orator his ductibus assuescat, ne serò adversus pravam consuetudinem nequius quam obluetur.





LIBER II.

Palæstræ Oratoriæ.

*Deductio practica ad eloquentiam per
exercitia progymnastica, & exem-
pla eloquentium.*

PROOEMIUM.

BReue iter per exempla, per præcepta longum est, verè non-
nemo dixit. His igitur solum traditis, si manum
submovissem de tabula, videri nonnullis possem oneri
operique cæpro, re imperfecta, cessisse. Dedi proin-
de operam, ne hac in parte Eloquentiæ candidatis meum
quoque studium deesset. Idque tantò copiosius diligentius-
que præstici, quan-ò alios hac in re tenuius versatos animad-
verterem; plerosque etiam viam minus tenuisse securam
commodamque; quando per exempla, & progymnasmata
suo ex cælamò deprompta, hanc palæstram instruere atque
exornare conati sunt; quod ex optimorum Autorum, qui-
omne punctum eloquentiæ ferrent, multò erant facturi con-
sultius. Aphthonius, Sophista inter Rhetores veteranus,
hujus olim methodi fundamenta haud inutili labore posuit:
quamvis Aristotelis illum magis vestigiis hæsisse vellem.
Sed in hunc suis exprimendum ectypis nimium sese imperiti
languidi-que eloquentiæ Magistri proxima ætate effudère,
qui præter nonnulla veterum exempla dignis illum colori-
bus parum aptè effingerent. In quibus cum multa occur-
rant, vix ulli scriptorum, eâ, quâ præeunt lege, usurpata: cen-
sui ex optimis potius doctorum hominum exemplis scriben-
di nobis leges formandas esse, quam ad fictas dicendi leges
exempla esse traducenda, Ita enim præceptiones olim natæ
sunt;

sunt; ita potissimum discantibus sunt inculcandæ. In his vero cum Ciceroni præcipua sedes honorque deferatur, per ipsius scripta, in quovis eloquentiæ genere secunda, nos ita effundemus; ut optimis quibusque ad usum imitationemque selectis, à faciliori argumentorum in differendo genere ad magis ardua sensim nos transferamus. Et hoc quidem libro illis, quæ classi, ut vocant, Humanitatis, & incipiendi Oratori maximè serviant, adhærere decretum est; ideoque, præter Ciceronem, suavissimum quendam ex Græcis scriptorem Maximum Tyrium à Daniele Heinsio Romanæ donatæ linguæ adhibebimus. qui & modo, & argumento scriptoris studiosæ juventuti perquam ent accommodatus. Linguam facili elegantique dictione, mentem etiam, quamvis ethnicus, bonis moribus imbuet: ut non minus rectè vivere, quam loqui doceatur.

Moneo tamen non ubique in exemplis, cum M. Tullii, tum Maximi Tyrii me continuatum eorum discursum secutum esse; sed nonnunquam media orationis intervalla (quæ minus illustria, aut ad meum propositum non satis accommodata) reliquisse. Quod selectissima quæque ex illis dare voluerim, præterire cætera. Quem in finem tuo bono, mi Lector, non semel evolvi.

Quod si quis juxta hæc exempla (quibus materiam imitationi idoneam plerumque subijcio) aliquamdiu fuerit scribendo exercitatus: is deinde quemvis etiam Autorem alium, Græcum Latinumve, quandoque & Poëtam, cum grandiori oratione delectabitur, securè assumet; ut æmulatione quadam ornatuque contendat; nonnunquam & victor hac in palæstra futurus, si naviter constanterque huic sese exercitio tradiderit.

Juvabit de his ad eloquentiam progymnasmatibus Cicero-
nem more suo, hoc est, eruditè sapienterque, differentem
auscultasse; ut cum tradentem eloquentiæ præcepta
legimus, hæc ipsa observantem in-
tueamur.

CRASSUS APUD CICERONEM

lib. I. de Orat. §. 39.

*Quæ exercitationes eloquentiæ studiosis
convenient.*

Ostendit 1. *Exercitationem privatam publico exercitio præmittendam.*

2. *Scriptione multa facilitandam expoliendamque dictionem publicam.*

3. *Poetam aut Oratorem eximium aliis verbis & oratione transferendum, licet cautè, ne deteriora sceleris.*

4. *Gracum Oratorem Latinâ dictione reddendum.*

5. *Cerebram vocis corporisque in dicendo exercitationem adhibendam.*

6. *Exercendam sapiens memoriam.*

7. *Procedendum denique in publicum.*

8. *Interca Poetarum & Historicorum Lectionem, jurisque civilis cognitionem adjungendam, facietiarum denique leporem negligendum van esse.*

DISSERTATIO CRASSI.

Ad Sulpitium & Cottam.

1. **E**Quidem probo illa, *Sulpici & Cotta*, quæ vos facere soletis; ut causa aliqua posita consimili causarum earum, quæ in forum deferuntur, dicatis quam maximè ad veritatem accommodatè. Sed plerique in hoc vocem modò, neque eam scienter, & vires exercens suas, & linguæ celeritatem incitant, verborumque frequentia delectantur, in quo fallit eos, quod audierunt; dicendo, homines ut dicant, efficere solere. Verè enim etiam illud dicitur; perversè dicere, homines perversè dicendo, facillimè consequi. Quamobrem in istis ipsis exercitationibus, etsi utile est, etiam subito sæpe dicere, tamen illud utilius, sumpto spatio ad cogitandum paratius, atque accuratius dicere.

2. Caput autem est, quod (ut vere dicam) minimè facimus (est enim magni laboris, quem plerique fugimus) quàm plurimum scribere.

Stylus

Stylus optimus & præstantissimus dicendi effector, ac magister. Neque injuria. Nam si subitam & fortuitam orationem commentatio, & cogitatio facile vincit: hanc ipsam profectò assidua, ac diligens scriptura superabit. Omnes enim sive artis sunt loci, sive ingenii cujusdam, atque prudentiæ, qui modo insunt in ea re, de qua scribimus, inquirentibus nobis, omniq̃ acie ingenii contemplantibus, ostendunt se, & occurrunt; omnesq̃ sententiæ, verbaq̃ omnia, quæ sunt cujusque generis, maximè illustria, sub acumen styli subeunt, & succedant, necesse est: tum ipsa collocatio, & conformatio verborum perficitur in scribendo, non Poëtico, sed quodam Oratorio numero, & modo. Hæc sunt, quæ clamores & admirationes in bonis Oratoribus efficiunt, neque ea quisquam, nisi diu, multumq̃ scriptitarit, etiam si vehementissimè se in his subitis dictionibus exercuerit, consequenter: & qui à scribendi consuetudine ad dicendum venit, hanc affert facultatem, ut, etiamsi dicat, tamen illa, quæ dicantur, similia scriptorum esse videantur: atque etiam si quando in dicendo scriptum attulerit aliquid, cum ab eo discesserit, reliqua similis oratio consequetur. ut concitato navigio cum remiges inhibuerunt, retinet tamen ipsa navis motum, & cursum suum, intermisso impetu, pulsuq̃ remorum: sic in oratione perpetua, cum scripta deficiunt, parem tamen obtinet reliqua oratio cursum, scriptorum similitudine, & vi concitata.

3. In quotidianis autem cogitationibus equidem mihi adolescentulus proponere solebam istam exercitationem maximè, qua C. Carbonem, nostrum illum inimicum, solitum esse uti, sciebam; ut, aut versibus propositis quàm maximè gravibus, aut oratione aliqua lecta ad eum finem, quem memoria comprehendere possem, eam rem ipsam, quam legissem, verbis aliis, quàm maximè possem lectis, pronuntiarem. Sed post animadverti, hoc esse in hoc vitii, quòd ea verba, quæ maximè cujusque rei propria, quæque essent ornatissima, atque optima, occupasset, aut Ennius, si ad ejus versus me exercerem, aut Gracchus, si ejus orationem mihi proposuisset. Ita, si iisdem verbis uterer, nihil prodesse: si aliis, etiam obesse, cum minus idoneis uti consuescerem.

4. Postea mihi placuit, eoq̃ sum usus adolescens, ut summorum Oratorum Græcas orationes explicarem, quibus

lectis hoc assequebar, ut cum ea, quæ legerem Græcè, Latinè edderem, non solum optimis verbis uterer, & tamen usitatis, sed etiam exprimerem quædam verba imitando, quæ nova nostris essent, dummodo essent idonea.

5. Jam vocis, & spiritus, & totius corporis, & ipsius linguæ motus, exercitationes, non tam artis indigent, quàm laboris: quibus in rebus habenda est ratio diligenter, quos imitemur, quorum similes velimus esse. Intuendi sunt nobis non solum Oratores, sed etiam Actores, ne mala consuetudine ad aliquam deformitatem pravitatemque veniamus.

6. Exercenda tamen est memoria, ediscendis ad verbum quàm plurimis & nostris scriptis & alienis. Atque in ea exercitatione non sanè mihi disciplicet adhibere, si consueveris, etiam istam locorum, simulacrorumque rationem, quæ in arte traditur.

7. Educenda deinde dictio est ex hac domestica exercitatione, & umbratili, medium in agmen, in pulverem, in clamorem, in castra, atque aciem forenses. Subeundus usus omnium, & periclitandæ vires ingenii: & illa commendatio inclusa, in veritatis lucem.

8. Legendi etiam Poetæ, cognoscenda Historia, omnium bonarum artium Scriptores ac Doctores, & legendi, & pervolvendi, & exercitationis causa laudandi, interpretandi, corrigendi, vituperandi, refellendi: disputandumque de omni re in contrarias partes, & quidquid erit in quaque re, quod probabile videri possit, eliciendum atque dicendum. Perdiscendum jus civile, cognoscendæ leges, percipienda omnis antiquitas, Senatoria consuetudo, disciplina reip. jura sociorum, fœdera, pactiones, causa imperii cognoscenda est: libandus est etiam ex omni genere urbanitatis facetiarum quidam lepos: quo tanquam sale, perspergatur omnis oratio.

APPENDIX.

Sententiam Autoris eiusque brevem universalemque institutionem continet.

QUæ illa, quæ in Palæstra styli, de elocutione præsertim, diximus, utcumque fuerit assecutus, ac deinde ex primo libro

libro rudem saltem de Inventione , perfectiorem verò aliquantò de tropis, figurisq̃ue cognitionem hauserit, hunc stylo manum adhibere convenit : & quod pictores solent , in partium adumbratione prius versari , quam totius alicujus corporis lineamenta , colores , umbrasq̃ue exprimere ; sic Eloquentiæ candidatum diversas ante partes , suis quamq̃ue inventionum fontibus depromere , aptisq̃ue figuris , tanquam colorib⁹ , exornare fas est , priusquam corpus aliquod orationis integrum formet producatq̃ue. Cautè hic sensimq̃ue incedendum est , neque statim elatis cum Icaro alis altissima quæque sunt pertendenda. Ab humilioribus ad grandiora enitemur, ne præcipites ab utrisq̃ue excidamus, Quare ita quemque præviis exemplis ducam , ut ab ipso limine Humanitatis ac Rhetoricæ incedendum per varia exercitamenta arbitror. Quia tamen ardua videndum in re , ut optimorum Doctorum exemplis fulciamur , neque quisquam nobis ante Ciceronem esse possit ac debeat , ejus nobis vita tempusq̃ue , atque occasio illorum , quæ in manibus sunt scriptorum , in primis orationum , erunt pernoscenda. Quæ cum alii breviori quam sufficere nobis possit compendio : alii longiori, quam properanti ad digniora placere queat , circuitu essent complexi , media quadam ratione ita strinxi , ut levioribus præteritis , graviora quæque , atque ad eloquentiam maximè profutura , stylo etiam Oratoribus proprio , comprehendere ; ne rebus tantum , sed & genere ipso scribendi lecturis prodessem. Qui pluribus hæc disertiusq̃ue suis adjunctis exposita volet cognoscere, ex priscis de vita Ciceronis Plutarchum, ex recentioribus Fabricium Marcoduranum enucleatè singula expendentem consulat. ipse etiam Cicero diversis in locis vitæ suæ scriptorumq̃ue rationes exponet. Ego totam vitæ historiam per suas ætates distinguam,

os (e) do
* *

HISTORIA

Vitæ & Scriptorum

CICERONIS.

CAPUT I.

Adolescentia transacta, ejusque studia.

1. *M. Tullius Cicero, Dat operam Græci literis.*
2. *Adolescens Poësi & Orationi soluta vacat.*
3. *Philosophiam una cum Rhetorica jungit Syllani belli tempore.*
4. *Juvenis causas in foro aggreditur, primam pro Quinctio.*
5. *Alteram pro Roscio Amerino suscipit.*
6. *In Græciam Asiæque perficienda eloquentia gratia se confert.*
7. *Reversus Roscium Comædum defendit*

I. **M**arcus Tullius Cicero, Romanæ eloquentiæ princeps, natus est. una cum Cn. Pompejo Magno, anno Urbis Conditiæ 647. ante Christum 103. Q. Servilio Expione & C. Attilio Serrano Coss. in Villa Arpinate, tertia Januarii die, Patre M. Tullio Cicerone, equite Romano, & Helviâ Matre, quæ citra pariendi dolores (si Plutarcho fides est) hunc filium enixa creditur. Magnam prima ætate spem sui concitabat, tanta erit in puero, cum docilitas, tum ingenii acrimonia. Hinc æqualium erga illum studia amorque exarsere, qui cum, tanquam suæ ætatis Principem ambire, adhærescere lateri, ex ore pendere, in plerisque applaudere, grandes etiam natu ad ingenii explorationem nonnunquam accersere. Nec mirum: cum nihil subito magnum, & qualis olim futura sit arbor, jam tum in primis plantarum surculis emineat. Instructorem pueritiæ suæ in liberali artium disciplina primum passus est Archiam Poëtam, qui C. Mario & Q. Lutatio Catulo Coss. Romam delatus, quinto Ciceronis nati anno, Græcis

eis illic literis imbuere juventutem coepit. Etenim Tullius auctoritate doctissimorum hominum detentus est, ne L. Plotio Latine linguæ Professore, uteretur; quod Græcis exercitationibus alimelius ingenia crederent, ideoque & Plotium Cicero (apud Suetonium) primum se puero Romæ Latinæ eruditionis gymnadem aperuisse est auctor.

2. Exactâ has inter artes pueritiâ Cicero, prætextam virili toga, decimo & septimo ætatis anno, L. Jullio Cæsare & P. Rutilio Lupo Coss. commutavit. quando jam ex eruditionis processerat, ut Arati Græci Poëtæ de cælo stellasque carmina verterit, cujus etiamnum laboris argumentum aliquod superat. Verum jam ante poema quodpiam, sub Glauci Martini titulo, vulgaverat, quod multis integrum seculis, nescio qua denique incuria perierit. cui firmato jam cum annis ingenio plura adjecit, ut Phænomena, Prognostica, Alcyones, Limona, Marium, Libros de suo Consulatu tres, & tacetum unum in sua libellum tempora. Sed ligatæ orationis non par, cum soluta differendi facultate, gratia, minoris custodiæ venerationisque curam meruit. Et verò minus eidem temporis studiiq; impensum, cum ad forensē illam dicendi exercitationem toto pectore incumberet. Subjecit stimulos eloquentiæ honorisque cupido, illa dicentium pro Concione, atque in quamvis partem ducentium vulgi animos, non communis gloria. Ergo præstantissimos suæ ætatis Oratores audire indies, commentari, legere, scribere etiam; verbo, experiri omnia ad profectum perfectionemque emolumenta. Nec minor voluptatum hostis, quàm literarum amicus; quod probè nosset Veneri cum Musis societatem nunquam esse diuturnam. Quo consilio nec licitis quidem corpus oblationibus indulgebat, atque à conviviiis jucundaque familiarium consuetudine sese ad aliquem studiorum secessum abstrahēbat, ratus ea homine magis digna esse, quæ animum potius, quàm ventrem pascere.

3. Ut verò illam juris scientiam, quæ Oratori bono convenit, non ignoraret, Pater illum Q. Mutio Scaevolæ adjunxit post depositam jam prætextam, noluitque ab illius latere ac disciplina absistere. Nec multò post tempore Philoni Academiæ principi, Athenis ad Romanos bellorum injuria ejectione, sese Philosophicis institutis erudien-

dum

dum tradidit. quo studio mirum est, quantum oblectatus fuerit, quantumque profecerit. Plutarchus tamen eundem Ciceronem sub Syllæ legatione perfunctum anno ætatis 18. belloque Marfico interfuisse meminit. Interea pestilens illa Romanæ Reipublicæ inter Marium & Syllam æmulatio, quæ ex bello Jugurthino (cui uterque præfuit, anno natali Ciceronis) ortum duxerat, in civilem seditionem exarsit, cum uterque Mithridatici belli præfecturam ambiret. Quam dum Sylla potentior, profugo Mario occupat; hic, jure civitatis Italicis populis oblato, urbem ingenti exercitu victor ingreditur, totamque cædibus polluit. quando Romani tria summorum Oratorum capita M. Antonii, Q. Catuli, & Crassi pro rostris posita cum gemitu adspexere, anno U.C. 666. Sed quinquennio post, Mario jam in septimo Consolatu vita functo, Sylla rebus cum Mithridate in Asia compositis exercitum urbi admovet, Marianisque prælio victis, foediori etiam laniena universam penè urbis nobilitatem aut extinguit, aut certè novo exemplo proscribit. Cn. Pompejo, qui & Carbonem Consulem & Hiarbam Mauritanie Regem Marianarum partium fautores superaverat, cognomen Magni, & triumphum (quamvis equiti & privato) decrevit, ipse sibi statuam cum inscriptione, *Syllæ Imperatori felici*, pro rostris collocari passus est, & centum jam annis intermissam Dictaturam resumpsit, neque contemnendis Rempublicam legibus rursus constituit, ac subinde velut officio abundè functus Dictatoris imperio decessit. Nulla re magis admirandus omnibus, quàm quòd regere posset tantæ ambitionis homo, & noluisse. Cicero inter has tempestates minus jactatus est, quod ad quietiora sese studia, tanquam in portum subduxisset. Nam & Miloni Rhodio summo causarum actori magistroque operam dedit, & Diodatum Stoicæ Philosophiæ hominem, familiarem domi, ad dialecticæ capefcentiam, aluit, neque inter hæc declamatoria illa dicendi exercitatio, quæ publicæ sese aptaret, defuit. Hanc cum M. Pisone, aut Q. Pompejo, aut alio quopiam studiorum vel æmulo, vel observatore, suis indies horis, frequentabat. Ita excultus anno ætatis 26. primam coram Aquilio Judice causam aggressus, Quinctium defendit, M. Tullio Decula, & Cn. Corn. Dolabella Coss.

4. Causa hæc est. *Quinctio* in Galliis absente, Sex. Nævius

se in bonorum illius possessionem, edicto Prætoris P. Burrien-
ni, immisit, ac post dies 30. proscribi eadem iussit: Quod à
Quinctio debitore suo Vadimonium desertum assereret.
Verum Sex. Alphenus Quinctii Procurator sese obicit, im-
petratque prorogationem, dum Quinctius ad Vadimonium
Romæ se præsens sisteret. Lapso jam anno Quinctius ad-
est. Postulat Nævius; ut iudicatum solvi satisficeret. Prætor
P. Dolabella, aut satisfidendum, aut responsionem præstandam
decernit: ni bona ex edicto possessa non essent. Præstat Quin-
ctius sponsonem. C. Aquillius Iudex causæ datur, Assessori-
bus. L. Lucullo Quintilio & M. Marcello, apud quos Cicero
contendit: bona Quinctii ex edicto à Nævio possessa non es-
se, Hortensio repugnante.

5 Proximo ab hoc anno in arenam lucemque fori publi-
cam prodire ausus, *Sext. Roscium Amerinum* patricidii accu-
satum, præsidioque omni ob Syllæ metum destitutum tuitus
est. L. Corn. & Sylla & Q. Cæcil. Metello Pio Coss.

Causa erat. Subjecerat hastæ Patris Roscii, tanquam pro-
scripti, bona Dictator Sylla, quæ huius libertus Chrysogo-
nus duobus millibus nummum emerat, cum Sextus illa sexa-
gies esse demonstraret. Quocirca Chrysogonus de patricidio
cum dffert.

At Cicero 1. hoc crimen falsò objectum Roscio multis ar-
gumentis ostendit.

2. In audaciam duorum Rosciorum, Capitonis & Magni,
hoc patricidium, multis suspicionibus, transfert.

3. Chrysogoni potentiam invidiosè exagitat. Tantum
porrò Victor ab ea causa commendationis habuit, ut nulla
esset, quæ in ipsius patrocinio digna non videretur. quod ipse
de se in Bruto confitetur.

6. Sub hoc tempus Cicero jam natus annos 28. postquam
Arretinæ Mulieris libertatem vivo adhuc Sylla (ut ait pro
Cæcinnâ) contra hominem disertissimum Cottam de-
fendisset, in Asiam concessit. quodd, ut erat gracili infir-
moque corporis habitu, amici ab illa contentione dicendi
recedendum suaderent. Ergo & ab ætate mutuaturus vi-
res, & ab experientia moderationem, Athenas nobilissi-
mam Oratorum palæstram adiit. ubi & Antiochum Acade-
miæ facile principem, & Demetrium Syrum egregium di-
cendi Magistrum sibi excolendo adhibuit. Neque acquie-
vit

vit, sed quos fama totius Asiae efferebat, his sese adjunxit, ut Meneppe Stratonicensi disertissimo homini, Dionysio Magneti, Æschylo Cnidio, Xenocli Adramiteno, Rhetorum id temporis locique nobilissimis. Ita tanquam sedula apis Cicero delegit ex illorum Oratorum flore quidquid esset suavissimum efficacissimumque. Nullus tamen ille perinde ut Molo primæ juventutis Romæ institutor placebat, quare eundem Rhodi ea tempestate versantem invisit. Hic luxuriantem, & juvenili quadam licentia redundantem dicendi copiam coercuit, & virili quadam maturitate instruxit. Ut Romam ille se biennio post, multò ad hanc facultatem paratior, receperit; cum & vires lateribus, & voci accessisset moderatio. Duo tum excellebant Oratores (Ciceroni fere in Bruto verbis utor) qui illum imitandi cupiditate incitarent, Cotta & Hortensius, quorum alter remissus & lenis, & propriis verbis cōprehendens solute & facile sententiam; alter ornatus, acer, verborumque & actionis genere commotior. Itaque cum Hortensio sibi magis Cicero arbitrabatur rem esse; quod & dicendi ardore pronior, & ætate esset conjunctior. Etenim viderat in iisdem causis, cum Cotta Princeps adhibitus esset, priores tamen agere partes Hortensium. Acrem enim Oratorem, incensum, & agentem, & canorum concursus hominum, forique strepitus deliderat. Unum igitur annum cum rediisse ex Asia, tum alias nobiles causas egit, tum *Roscium Comædum* defendit.

7. Causa hæc statuitur. C. Fannius Chærea servum suum Panurgum, *Roscio* tradiderat arte instruendum histrionica, ea lege, ut quem instructus quæstum faceret, is sibi cum *Roscio* communis esset. At Panurgum jam institutum Q. Flavio Tarquinienensis interemit. In hac causa Fannius, *Roscio* volente, cognitior est constitutus, qui Fluvium judicio damni injuriæ dati persequeretur. Interea *Roscio* cum Fannio transegit HS. centum millibus. certamque ex ea Fannio pro labore pecuniam pendit. ea tamen cautione, ut si quid ex Flavio ipse etiam ob amissum servum pecuniarum exigiret, ejus dimidium cederet vicissim sibi. At Fannius post triennium de Flavio nihil assecutus, *Roscium* in jus vocat, ac dimidiam ex HS. centum millibus partem sibi postulat; quod *Roscium* de re tota cum Flavio transegisse contenderet. Cicero verò à causarum debiti enumeratione nihil societatis nomine à *Roscio* exigi

exigi posse evincit. Acta est hæc causa anno Urb. C. 677. Ciceronis 31. Cn. Octavio & C. Scribonio Curione Coss.

Et hæc fuere Oratoris nostri in juvenili ætate ad eloquentiam, & subsecutos eandem honores, quædam veluti progymnastica.

CAPUT II.

Virilis ætas inchoata ejusque studia.

Cicero 8. quæstura in Sicilia cum laude fungitur.

9. Verrinas, pro Siculis contra Verrem, tres declamavit, quatuor scripsit.

10. Ante Hortensium summum Oratorem florere cæpit.

11. Hortensii Oratio adolescentibus accommodata, senem minus decebat.

12. Cicero jam adilis pro Fontejo, &

13. Pro Caccina, Prator vero

14. Pro Lege Manilia, &

15. Pro A. Cluentio dixit. Catilina conjurationem init.

9. **H**is exercitationibus jam cognitus Vulgo Cicero, & cæterorum æmulatione Oratorum provocatus, ad dignitatem in Rep. aliquam cæpit aspirare, à qua non ignorabat suum orationi pondus auctoritatemque accedere. Itaque simul quæsturam Cicero, Consulatum Cotta, ædilitatem petiit Hortensius. Interim dum Cicero quæstor admisus in Siciliam, & Cotta ex consulatu profectus in Galliam est, princeps & erat & habebatur Hortensius. Hæc quæstura ita Cicero defunctus est, ut licet frumenti in summa annonæ caritate maximum Romam numerum destinarit, ipse tamen suæ nihil cupiditati, vix etiam naturæ necessitatique quod satis est, indulgeret; ideoque negotiatoribus comis, mercatoribus justus, municipibus liberalis, sociis abstinens semper visus fuerit. (ut Verr. 2. & 7. testatur) Evoluto hoc annuo munere, domum eâ spe rediit, ut omnia sibi populum Rom. amplissima delaturum crederet, ideoque non mediocriter consternatus animo Puteolis est, cum quidam ex eo quæreret (tanquam functionis Ciceronis demandatæ nescius) nunquid

veniret Roma, & quid ex urbe adferret novorum? Sed cum illa jam dicendi facultas habere maturitatem quandam suam (ut in Bruto loquitur) videretur, in plurimis causis versatus est) dum annum 36. ædilitati petendæ requisitum attingeret; quàm prior cæteris adiit, totius populi suffragatione.

6. Ante hac Siculorum defensionem contra Verrem suscepit, qui triennali prætura in Sicilia post Ciceronem versatus, raræ illam libidinis, avaritiæ, & crudelitatis exemplis compleverat, ut iccirco Cæcilius Niger origine Siculus, & Judæicæ religioni obnoxius, ejus accusationem ambiret. Quo circa cum legibus cautum esset. Ut si reo commodum sit, de accusatore instituatur deliberatio. *Divinatio in Verrem*, de accusatore instituendo præmissa est. In qua hæc usus est divisione Cicero, ut spectandum 1. doceret; à quo maximè agi velint ii, quorum de ultione quæritur. 2. à quo minimè velit is, qui accusatur. Ita rejecto Cæcilio (quid enim ait Cicero, Judæc cum Verre?) causa ad Tullium delata est, Patrono Verris Q. Hortensio, quem cum anno subsequenti consulatum aditurum prævideret, cum Q. Cælio Metello ejusdem Verris fautore; collectis properè Siculorum testimoniis, sub M. Licinio Crasso & Cn. Pompejo magno Coss. Verrem aggressus, primo die magno restium numero producto, Verris defensoribus non modò spem victoriæ, sed & defensionis abstulit voluntatem. Exponit hoc suum properatæ accusationis Consilium ipse Cicero *Actiōne prima*, additque cohortationem Judicum, quæ incorruptè judicandum esse contendit; minis etiam adversarios corruptioni intentos terret. Quæ Oratione ipse se Cicero in *Actiōne secunda* hoc assecutum esse affirmat, ut hora una, quæ cœpit dicere, reo spem judicii corrumpendi præciderit. Hac verò Actiōne convictus ita Verres, est spontaneo ipse sese exilio multavit, in quo senium, mortemque, à triumviris demum etiam proscriptus, oppetiit.

Reliquas Verrinas scripto tantum complexus, ne quod lineamentum improbi hominis non exprimeret. Quas ita partiti sunt, ut postquam in *actiōne secunda* (quæ *Liber. I.* accusationis inscribitur) Verrem de flagitiis ante Siciliensem præturam, in quæstura, legatione, & prætura, urbana admisis, accusasset, *Libro secundo* (quæ est *Verrina tertia*) crimi-

num Siciliensium in jure dicundo commissorum reum ageret, *Libro tertio* rationes de frumento vel colligendo, vel emendo æstimandove malè administratas continet. *Libro quarto* de signis aureis, marmoreisque, picturis, aliisque rei familiaris ornamentis, passim sublatis, tractat, *Libro quinto* itinera ipsius luxuriæ, rapinarum & suppliciorum in homines innoxios plenissima complectitur.

10. Ita ante Hortensium, summum id temporis Rom. Oratorem, Cicero æstimari cœpit, præsertim cum is (ut hic in Bruto loquitur) post consulatum (fortasse quod videret ex Consularibus neminem esse secum comparandum, negligeret autem eos, qui Consules non fuissent) summum illud suum studium remisit, quo à puero fuerat incensus: atque in omnium rerum abundantia voluit beatius, aut certè remissius vivere. Ita primus, & secundus, & tertius annus multum detraxit quasi de picturæ veteris colore. Longius autem procedens, & cum in cæteris eloquentiæ partibus, tum maximè in celeritate, & continuatione verborum adhærescens, sui dissimilior, quotidie videbatur. Cicero autem non desisteat, cum omni genere exercitationis, tum maximè stylo suum illud quod fuerat assecutus augere. Atque in hoc spatio, & in his, post ædilitatem, annis, Prætor & primus, & incredibili populi voluntate factus est. Nam cum propter assiduitatem in causis & industriam, tum propter exquisitius & minimè vulgare orationis genus, animos hominum ad se dicendi novitate converterat. Neque id mirum. Nemo enim erat cæterorū, qui videretur tantum studuisse literis, quibus fons perfectæ eloquentiæ continetur: nemo qui Philosophiam complexus esset matrem omnium benefactorum, beneque dictorum: nemo qui jus civile didicisset, re ad prucatas causas & ad Oratoris prudentiam maximè necessariam: nemo qui ita breviter arguteque, incluso adversario, laxaret Judicum animos, atque à severitate paulisper ad hilaritatem risumque traduceret: nemo qui sic dilatare posset, atque à propria ac definita disputatione hominis ac temporis, ad quæstionem communem universi generis orationem traduceret: nemo qui inflammare ad iracundiam magnopere Judicem, nemo qui ad fletum posset adducere: nemo qui animum ejus (quod unum Oratoris est maximè proprium) quocumq; re postula-

ret,impelleret. Itaque cum jam penè evanuisse Hortensius, & Cícero sexto post illum anno Consul factus esset, revocare sese ille ad industriam cœpit, ne cum parēs honore essent, aliqua re Tullius superior videretur. Sic duodecim post Cíceronis consulatum annos, in maximis causis, cum alterum sibi anteferebat alter, conjunctissimè versati sunt, consulatusque Tullii, qui Hortensium primò leviter perstrinxerat, idem illos rerum à Tullio gestarum, quas Hortensius admirabatur, laude conjunxit. Maximè verò perspecta est utriusque exercitatio, paulò antequam perterritum hoc armis studium conticuit; cum lege Pompeja, ternis horis ad dicendum datis, ad causas simillimas inter se, vel potius easdem veniebant quotidie.

11. At si quærimus, cur adolescens magis floruerit dicendo, quàm senior Hortensius: causas reperiemus verissimas duas. Primū, quod genus erat Orationis Asiaticū adolescentiæ magis concessum, quàm senectuti. Genera autem Asiaticæ dictionis duo sunt: unum sententiosum & argutum, sententiis non tam gravibus & severis, quam concinnis & venustis, aliud autem genus est, non tam sententiis frequentatum quam verbis volucre atque incitatum, nec flumine solum orationis, sed etiam exornato & faceto genere verborum. Hæc autem (ut dixi) genera dicendi aptiora sunt adolescentibus, in senibus gravitatem non habent. Itaque Hortensius utroq; genere florens, clamores faciebat adolescens. Habebat enim Menecleum illud studium (à Menecle Oratore Græco celebratum) crebrarum venustarumque sententiarum, in quibus erant quædam magis venustæ dulcesque sententiæ, quàm aut necessariae, aut interdum utiles, & erat oratio cum incitata & vibrans, tum etiam accurata & polita. Non probantur hæc sensibus. Erat tamen excellens judicio vulgi, & facile primas tenebat adolescens. Etsi enim genus illud dicendi autoritatis habebat parum: tamen aptum esse ætati videbatur. Et certè, quod & ingenii quædā lucebat, & exercitatione perfectæ erat, verborumque adstricta comprehensio, summam hominum admirationem concitabat. Sed cum jam honores & illa senior autoritas gravius quiddam requireret, remanebat idem, nec decebat idem. cumq; exercitationem studiumq; dimiserat, quod in eo fuerat acerrimum, concinnitas illa, crebritasq; sententiarum pristi-

pristina manebat; sed hæc vestitu illo orationis, quo consueverat, ornata non erat. Hæc de se; atq; ipso Hortensio in Bruto Cicero: Sed nunc ad Tullianas actiones revertamur.

Anno ætatis 38. Urb. C. 684. quo Cicero Ædilis curulis fuit cum M. Cæsonio, Capitolium superiorum annorum consumptum incendio à Q. Catulo magna laude instauratum est; Cicero verò pro Fontejo dixit Q. Hortensio & Q. Cæcil. Metello Coss.

12. Causa talis est. Tenuerat M. Fontejus Provinciam Galliæ per triennium Prætor, quam, quod ære alieno oppressisset, quodque ex viarum munitione & vini portorio novum quæstum instituisset, iccirco à M. Pletorio, subscribente N. Fabio Sanga, Gallis testificantibus accusatus, & repetundarum reus factus; à Cicerone verò defensus est, eo tempore, quando abrogata jam lege Cornelia (quâ Senatoribus tantum judicandi potestas delata erat) per legem Aureliam (quam L. Aurelius Cotta superioris anni Prætor tulerat) Equitibus quoque & Tribunis ærariis judicare concessum est.

13. Altera causa Ciceronis pro A. Cæcina ejusdem pene temporis esse videtur. Hæc talis erat argumenti. Cæsennia M. Fulcinii Tarquiniensis uxor, mortuo viro bonorum usumfructum unâ cum filio hærede obtinuit, sed & hoc mortuo, auctione bonorum constitutâ, Cæsennia fundum ex iis bonis de sententia amicorum emit. Verum cum id negotii Sext. Æbutio dedisset, ei tanquam emptori addictus fundus est. Cæsennia cum non multò post A. Cæcinæ nupsisset, illum vita decedens hæredem instituit. Ergo Cæcina fundum occupare conatus est, adversus Æbutium sibi illum ut proprium vendicantem. eo consilio, ut si agro deiceretur, interdicto unde vi, Æbutium postularet. Sed prohibitus ab armatis Cæcina ne posset ingredi, interdictum de armatis hominibus à Dolabella Præторе impetravit, ut unde dejectus esset, eo restitueretur. Æbutius restituisse se dixit, in eamq; rē sponsio facta est, de qua re judices à Præторе dati sunt Recuperatores (qui erant privatarum causarum decidores) Tota hæc quæstio definitionis est, an scilicet interdicto de vi teneatur etiam is, qui non deiecit de fundo, sed ab ejus ingressu prohibuit? Hoc Cicero post causæ totius expositionem, disertè contendit.

Anno ætatis 40. cum septem aliis Cicero, prælatus tamen omnibus, Prætor est designatus, cujus munus cum anno insequenti, quierat Urb. C. 687. adiisset, Quæstioni de pecuniis repetundis præfuit, in qua castè integrèque versatus C. Licinium Macrum, hominem & privatis opiniobus potentiaque, & Crassi opulentissimi viri amicitia, & nobilitatis fratrum gratia, reum pronuntiavit Sententia Macro in tot prædiis amicorum tam inexpectata, ut is iudicio nondum finito, ex illo domum sese subduxerit, mutatoque rei habitu ac tonso capite, tanquam absolutionis securus, rursus inde pedes efferret, cum Crassus illi obviam factus tristissimum damnationis nuntium tulit, quo ita consternatus est, ut animi ægritudine in corpus transfusa, febrim primò, ac deinde mortem contraxerit. Quod incredibili ac singulari populi voluntate acceptum est, cum plus apud Cicero-nem verum crimen & leges, quàm gratiam hominis valuisse intelligeret.

14. Orationem, *pro lege Manilia* in Pompei favorem lata, hoc anno 41. M. Æmil. Lepido & L. Volcatio Tullio Coss. Cicero habuit. Hæc ejus occasio. Tulerat C. Manilius Tribunus p. legem seu plebiscitum, ut Pompejo belli maritimi reliquias in Cilicia persequenti, Asiaticæ quoque provinciæ, bellum piraticum ac Mithridaticum (quod Lucullus 7. annis cum laude administrarat) committerentur. Quam legem cum Q. Catulus & Hortensius dissuaderent, suavitè obtinuitque Cicero, quod bellum hoc Mithridaticum & genere necessarium, & magnitudine periculosum Cn. Pompejus, in quo summa esset scientia rei militaris, virtus, aut pritas, & felicitas, optimè in cæteris administraturus videretur. Nec spes fefellit. Nam Pompejus multis jam ante militiæ pugnis victoriisque nobilitatus fuerat, ut qui Syllæ auspiciis Carbonem Marianæ factionis Consulem in Sicilia, Hiarbam Regem in Africa, Perpennam earundem partium Ducem in Hispania, Spartaci gladiatoris hominis reliquias confecit in Italia. Consul postea novo exemplo creatus, priusquam quæsturam, præturamque inferioris ordinis officia adiisset. Hic igitur deinde post fractas debellatasque in Sicilia piratarum vires, adversus Mithridatem Ponto rursus, pulso Lucullo, fretum, tanta virtute pughavit, ut intra annum regno Ponti spoliaret, quod deinde in Provinciæ for-

mam

mam redegit. Tigranem Armeniæ Regem Syriæ Phœniciæ-
que amissione multatum, in fidem recepit. Mithridates pro-
fugus, cum aliorum armis ferox, atque in proprios filios
crudelis, in hostem juxta atque amicum cædibus infestis
grassaretur, à Pharnace filio obsessus, animam, quàm vene-
no assuefactus vix poterat, ferro Gallici Ducis extorsit. Inter-
ea dum Aristobulus & Hyrcanus Alexandri Regis Judæo-
rum filii, de regno infestis odiis armisque disceptant, Pom-
pejus arbiter controversiarum postulatus adfuit, quem cum
deinde imprudenter Aristobulus laceggeret, Hierosolymam
vi occupat, muros urbis subruit, atque in templi adyta in-
gressus sacrilegas ab omni thesauro manus abstinuit, Hyr-
canoque sacerdotium ex legato patris destinatum reliquit.
Verùm Judæam pop. Rom. stipendiariam esse jussit, Anti-
patro Procuratore gentis relicto. Aristobulus Romano tri-
umpho reservatus est. Hæc modò de Pompejo sufficiant.

15. Cicero inter hæc sua in Prætura, *A. Cluentium*
Avitum de Veneno Oppianico Vitrico suo propinato ac-
cusatum defendit contra T. Actium, apud Judicem Q.
Vocanium. Priusquam tamen ad hoc crimen descende-
ret, Cluentium longâ defensione, ab infamia purgat,
qua L. Quinctius cum ante annos octo corrupisse pe-
cunia Judices dictaverat, quando Oppianicum judicio
superavit.

Catilina hoc eodem anno ex Africæ Provincia Romam
Consulatus petendi gratia profectus, cum repetundarum
reus ageretur, honoris spe, insperata dejectus ignominia,
ultionem à Consulibus futurorum cæde petere constituit.
Unde turpissimæ conjurationis cum P. Antonio, C. Pisone
& P. Sylla initium ductum est. Cui etiam prælusisse sequen-
tis anni prædigia videntur; quando & Capitolii turres de
cælo percussæ sunt, & simulachra Deorū suis vulsa sedibus,
& veterum ipsiusque adeo Romuli tactæ, aut dejectæ ful-
mine statuæ, æræ etiam legum tabulæ cœlesti igne lique-
factæ. Sed Catilinæ indignationem fregit Consul L. Manl.
Torquatus (qui cum L. Aurelio Cotta fasces prehenderat)
si non vera, at simulata beneyolentia, quando Catilinæ re-
petundarum postulati, adversus P. Clodium, defensionem
suscepit. In qua tamen Clodius non veritate causæ, sed vi pe-
cuniarum victus, Catilinæ concessit. Porro Cicero ex Præ-

tura in Provinciā abire noluit; quod ad consulatum sibi viam aperiri cerneret, quem anno sequenti, qui Urbis erat 669. una cum L. Sergio Catilina, C. Antonio, P. Sulpitio Galba, L. Cassio Longino, Q. Cornificio, & C. Licinio Sacerdote petiit. In his cum Catilina & Antonius largitionibus sibi aditum sternerent, idēoque Senatus censuisset, ut lex ambitus, auctā etiam cum pœna ferretur, intercedente, ne fieret, Q. Mucio Orestino Tribp. Cicero in toga candida adversus Catilinæ & Antonii ambitionem, gravissimam orationem habuit (cujus etiamnum fragmenta apud Asconium suppetunt) quæ loco sententiæ apud senatum valuit. C. Julio Cæsare, & C. Martio Figulo. Coss. Catilina tamen qui permultos à Sylla proscriptos occiderat, quæstione de Siciariis à C. Cæsare instituta, in iudicium adductus, Torquato jam non favente, L. Lucullo etiam adversante, absolutus tamen est, quod minus illorum autoritas ponderis, quàm Catilinæ pecunia habere videretur.

Lex agraria hoc tempore à P. Servilio Rullo Tribp. permulgata est. Quā constitutum est, ut decemviri, summā cum potestate, crearentur, qui & Italiam, & Syriam, & ea universa, quæ recens Pompei Magni virtute Rom. imperio accesserant, suo jure administrarent, venderent aut dividerent, quidquid populo Rom. ex publico deberetur, Colonias deducerent, ejicerent admitterentve ad Magistratum exules, pecuniam ex æratio sumerent, milites pro necessitate conscriberent, alerentque, ac judicarent de omnibus, Tanta erat Romanorum in suos ex alieno liberalitas.

CAPUT III.

Media ætas, ejusque studia.

Hæc ætas Consulatum Ciceronis & cum proxime consecuta complectitur.

16. *Contra legem Agrariam tres Orationes habuit.*

17. *C. Rabirium percuellionis reum defendit.*

18. *Adversus Serg. Catilinam ejusque conjuratos orationibus quatuor pugnavit, illum urbe ejecit, ex his aliquot interfecit, Patriam liberavit, ideoque Patria Pater dictus est.*

19. *Muranam ambitus reum tuitus est.*

20. P. Corn. Syllam conjurationis accusatum propugnauit. *Adversus Clodii improbitatem, testis stetit.*

21. Archiam Poetam urbi vindicauit.

22. Clodius ut Tribp. esse posset, ex Patriciis ad plebejos transfuit, Cicero ruri versatus est.

23. Pro L. Valerio Flacco dixit.

24. Casari decreta Gallia à consulatu est per quinquennium, in qua legationem frustra Ciceroni obtulit, quem lege offendit agraria.

1. **C**onsul unà cum C. Antonio electus omnium suffragiis Cicero, anno ætatis suæ 44. Urbis Cond. 690. summa dicendi autoritate populum Senatumque pro arbitrio moderatus est, quanquā eo tempore fascibus Consularibus potitus est, quo nihil aduersi esset, quod non probi metuerent, & improbi exspectarent, cum sortitus collegam Tullius esset Antonium voluntate ac moribus dissimilem, Catilinæ amicum, Agrariæ legis fautorem, possessionibus per Italiam unà cum Tribunis. dividendis intentum. Hunc igitur Cicero multa in Rep. molientem, patientiâ atque obsequio suo mitigavit. Provinciam Galliæ Senatus autoritate, exercitu pecuniaque optimè instructam, reclamante licet pro concione populo, Antonio cessit. Nihil verò prius habuit, quam ut inito consulatu Senatum & bonos omnes legis Agrariæ maximarumque largitionum metu liberaret. Quare primam in Senatu contra legem agrariam & Servil. Rullum suasionem instituit, cujus initium, de creandis decemviris, intereidit; cæteris ostendit, neque aliorum agrorum venditionem Reip. utilem; neque aliorum emptionem justam necessariamque; neque deductionem Coloniarum in agrum Campanum Rom. populo suadendam. Omnia Rullum ad privatæ cupiditatis avaritiam, & metuendam Romanis potestatem referre. Quâ oratione ita legislatores conterritos asserunt; ut nihil contra aut dixerint, aut moliti sint.

Cicero igitur Senatum sequi jubet, progressusque ad populum oratione altera tantum potuit, ut rem ad vulgi licet emolumenta, ejusque favorem excogitatam, lege agrariâ rursus antiquatâ, dissuaserit. Nam & decemvirorum potentiam, & Coloniarum deductionem, & venditionem emptionemque agrorum docuit spectare ad tyrannidem,

quod omnia decemviris cum summo permittantur imperio. Cum verò deinde Rullus Ciceronem criminaretur: ut si Syllanæ tantum factionis hominibus adhæresceret, ne attributi eis agri eriperentur. *Tertiam ad populum orationem* habuit, defensionem sui, & retorsionem criminis in adversarium continentem. Altera, quam Cicero pro Roscio ad populum in æde Bellonæ convocatum dixit, Oratio non extat. Sibilis illum in theatro populus, equestris ordo è diverso plausibus excipiebat, ob legem Theatralem latam, quam sibi, ob inducta sedium discrimina, populus adversari credebat. Verum Cicero in theatrum progressus populum ad ædem Bellonæ convocatum, tantâ autoritate, compescuit; ut reversus eidem Roscio cum Equitibus plauserit. Tanta eloquentiæ vis est, ad effrenatos animorum imperus facili tranquillitate componendos, præsertim cum ad verborum pondus dignitas Oratoris accesserit.

17. Quarta Oratio Consularis *pro C. Rabirio* suo etiamnum argumento, quamvis mutilo, superest. Hic perduellionis reus è T. Labieno factus est, eonomine, quod L. Apulejum Saturninū ante annos 36. in civili motu occidisset. Nam cum Saturninus Tribunatu, per parricidium (favente C. Mario) adito, per vim legem tulisset Agrariam, simulque C. Memmii candidati cæde, Servil. Glauciam Consulē urbi voluisset obtrudere; Senatuscons. factum est, ut providerent Consules: *ne quid Resp. detrimenti caperet.* Quod erat extremum in malis remedium quærere. Igitur Saturninus & Glaucia, tanquam seditionis autores, statim sunt interfecti, cum quibus & Q. Labienus accubuit, Titi Labieni patruus. Hic igitur fretus hoc tempore C. Julio Cæsare fautore atque impulsore, Rabirium ut cædis autorem aggressus est. Resque ex voto primum cecidit, cum inter duumviros Judices in tali causâ creati solitos, ipse C. Julius & L. Cæsar fuerit, ideoque tam cupidè ab his damnatus sit, ut Rabirio ad populum provocanti, nihil æquè ac Judicis acerbitas profuisse visa sit. Sed & vitium illud constitutioni horum Judicum intervenerat, quod duumviri illi non à populo, ut moris erat, sed à Prætore creati essent. Populo itaque appellato, comitia centuriata, quibus de perduellione judicari solebat, in campo Martio habita sunt, ubi Cicero in defensione C. Rabirii in omni genere amplificationis

tionis exarsit, docuitque innocentem Rabirium, tum quod Senatus imperio paruerit, tum quod Rempubl. tuitus, cum aliis bonis civibus, fuerit.

Una subinde alteraque Oratio per Ciceronem habita est, quas posteritas non vidit, nam & proscriptorum filios, lege Cornelia, à dignitatibus submovendos esse statuit; & Macedoniam sibi pro Gallia Cisalpina, Provinciæ nomine, relinquendam contendit, potiori honore ad collegam Antonium delato.

18. Gravior illi ac periculosior cum L. Serg. Catilina pro Reipubl. salute dimicatio suscepta est. Hic insana consularis dignitatis ambitione inflammatus, nihil vel pecuniis, vel armis intentatum reliquit. Quare ut hominis temeritati legibus oportunis præstruerent, M. Tullio ad Senatum referente, placuit ad pœnam crimini ambitus decretam, annorum decem exilium, lege ad populum lata, addere. Catilina, qui suis Ciceronem conatibus ubique adversantem ferre ultra non posset, conductâ armatorum nefariâ manu, in publico Comitiorum campo, qui Martius dicitur, primo quidem Tullium interficere constituit: verum, cum semel dilatis Comitibus, semel opposita armatorum cohorte, armatus ipse Tullius, scelerati hominis consilia turbasset, denique & submissos salutandi specie, & interficiendi Ciceronem voluntate, duos Rom. equites manè aditu domus suæ prohibuisset, Senatum in ædem Jovis Statoris convocavit, quò cum & Catilina singulari venisset audacia, ratus sua se præsentia consilia Ciceronis turbaturum, hic oratione extemporanea, ira atque indignatione vim eloquentiæ acuate, Catilinam, tanquam hostem Reipubl. cædem senatus, atque interitum molientem, urbe egredi iussit, ut à quo legibus tuti esse non possent, ab illo interjectis mœnibus defenderentur. Idque tanto verborum sententiarumque fulmine, ut percussus Catilina intempesta nocte, trecentorum armatorum stipatus numero, licitoribus imperiique, ut Consul, fascibus unâ adhibitis, in Manliana ex urbe castra concesserit.

Postridie Cicero ad populi concionem progressus, gratulatus omnibus est de hoste intestino Reipubl. submoto, docetque facile cum Manlio & virorum effæminatorum exercitu deleri posse. Senatus verò Catilinam & Manlium
hostes

hostes Romanorum declaravit, decrevitq; ut Cicero urbis præsidio relinqueretur, Antonius ductis copiis in hostem iret. Conjuratorum porrò in urbe reliquias per Q. Fabium Sangam deprehendit Cicero. Is enim cum esset patronus civitatis Allobrogum, horum in urbe Legatos per P. Lentulum Suram sollicitatos, literisq; in Galliam revertentes instructos significavit. Igitur L. Valerius Flaccus, & C. Pompinus Prætores à Cicerone ad pontē Milvium destinati, occupatos per insidias legatos in urbem reducunt. Hic principes conjurationis Lentulus, Cethegus, Statilius, Gabinus & Cæparius patefacti, T. Vulturcii & Allobrogum indiciiis, ex Senatus Consulto in custodiam sunt traditi, quo die, qui erat tertius Nonarum Decembris Ciceroni conservatæ, Reipubl. (ut nemini antea) testimonium dedit, & singulari genere supplicationis Deorum templa patefecit, sub noctem progressus in concionem Cicero (quæ *tertia Catilinaria* habetur) & quid in Senatu actum esset proposuit, & supplicationem Diis solenni die instituendam suasit.

Cum verò Nonis Decembris Cicero intelligeret paratos esse, qui Lentulum & Cethegum perfracta custodia in libertatem vindicare constituissent, dispositis præsidiiis, & Senatu convocato retulit; quid fieri de iis placeret, qui in vinculis conjurationis rei detinerentur. Primus futuri jam anni designatus Consul, C. Junius Silanus rogatus sententiam, extremo in illos supplicio animadvertendū censuit, cui deinceps accessere multi, dum Tib. Nero. atq; haud multò post gravissimè Cæsar, id temporis Prætor, eos publicatis bonis, per municipia in vinculis attinendos censuit, donec cum Catilina esset debellatum. Surrexit deinde Cicero, atq; in utramq; partem, eâ oratione, quæ nunc *quarta Catilinaria* inscribitur, ita differuit; ut non obscure Silani justam severitatem probaret. Et quamvis deinde cæteri assentirentur Cæsari, tamen cum postremò M. Porcius Cato Tribunus pl. designatus, adhuc penè adolescens, tanta animi vi atq; orationis ardore in conjurationem hanc investus esset, ut dissentientes prope de criminis societate suspectus redderet, supplicium ex hujus sententia in omnes decretum est, quo in carcere de conjuratis sumpto, paucorum eadē plurium capitibus consultum est. Tantoq; id urbis totius plausu factum, ut velut de crepta ex supplicio republ. reduci domum sub tenebras Ciceroni accensis passim facibus gratularentur servatoremq; ac condito-

ditorem alterum patriæ inclamarent. Neq; Senatus his defuit honoribus; siquidē, quod nulli factum antea Q. Lutatius Catulus princeps Senatus & auctor publici consilii frequentis. consensu, *Patrem patriæ*, nuncupavit. Civicam verò illi coronam deberi L. Gellius in concione pronuntiavit. Et Cicero Nonas hasce decembres, tam sibi honorificas & reipubl. felices, frequenti cōmemoratione recolebat. M. Crassus testari audit⁹ est, se, quod esset senator, quod civis, quod liber, quod viveret Ciceroni acceptum referre; quoties conjugem, domū patriamq; videret, toties ejus beneficium intueri. Et Cn. Pompejus cujus gratia Cicero, Mithridatico bello confecto, decem dierum supplicationē decreverat, frustra se tertium ab hoste triumphum deportaturum fuisse asseruit, nisi ejus in reipubl. beneficio, dignum ubi triumpharet, locum habuisset. Catilina in agro Pistoriēsi anno proximo à Q. Metello Celere, & Petrejo C. Antonii legato fortissimè cum suis pugnaus cecidit, plerisq; eo loci ubi pugnatum erat occumbentibus, nullo, in prælio aut fugâ, intercepto. Verum L. Calphurnius Bestia, & Q. Metellus Nepos Tribpl. creati, Catilinæ fautores penè sopitū reip. incendium revocassent, quorum hic quidē Ciceronem consulatu abeuntem concionis habendæ potestate privavit, jurisjurandi solum facultate concessa. Quando, cum Tullius intrepidè jurasset, sua opera patriam conservatam esse; populus ad immortalem ejus nominis gloriam, hoc iusjurandum juratus ipse, unâ voce consensuq; approbavit. Neq; hæc populi studia, frequentib⁹ Metellus in vectivis, quod reos indicta causa trucidasset Cicero, potuit inclinare. Sed & Q. Lutat. Catulus jam armatâ rursū dissensione civium, lege lata de vi publica sanxit, & juxta hanc P. Autronio, Ser. Sylla L. Varguntejo, M. Porcio Læga, & C. Cornel. sublato, fumantes velut in busto conjurationis reliquias extinxit, quæ tamen post Consulatum Tullii D. Junio Silano & L. Licinio Muræna Coss. evenerunt.

19. *Muranam* tamen recens designatum Consulem, adhuc Consul defendit Cicero, cum ambitus à M. Portio Catone Cn. Posthumio & Serv. Sulpicio accusaretur. Quorum Sulpicius quidē competitor repulsæ dolore exarsit, Cato vero severi juvenis ingenii juraverat, se quēcunq; pecuniam dare populo cognovisset, hunc in judicio delaturū, sed & Cicero illū jure posthabitū Murænæ, hunc verò stoica nimium severitate, spectacula conviviiq; populo à Murænâ exhibita cēfuisse asserit.

Hortena-

Hortensius ejusdem quoque Murænæ cum M. Crasso, defensor judicatus tunc fuit eloquentiæ laude Ciceronem vicisse, quòd hic oppressus curis vigiliisque, nullam sibi antecedentis noctis quietem indulgisset.

20. Anno sequente, qui est urbis C. 691. sub Silano & Muræna Coss. *pro Publ. Cornelio Sylla* dixit, quem L. Torquatus duplicis conjurationis reum arcessiverat, alterius jam olim sub L. Tullo & M. Lepido Coss. in qua illum defendit Hortensius; alterius Catilinariæ, in qua illum merito se tueri contendit Cicero, ut innocentem & à conjuratorum societate remotum.

Sub idem tempus Publ. Clodius raræ atque insolentis audaciæ juvenis, Pompejæ C. Cæsaris uxoris irretitus amoribus, ejusdem in ædes, cum sacris illic bonæ Deæ operarentur, scæmineo opertus habitu sese immisit, sed ab ancilla obvium, quò tenderet, sciscitante, ex voce agnitus, nec multò post de cubiculo ejectus est. Cæsar igitur anno proximè insecuto, Pompejam repudiavit, Clodium Lentulo accusatore stitit in judicio, qui cum se eo die Romæ abfuisse contenderet, Cicero adversus illam testatus est, sibi id temporis Romæ in ædibus adfuisse, quo factò capitale in se ferocissimi juvenis odium concitavit, quòd, absoluto deinde Clodio, sensim inflammatum est, ut haud multò post intelligetur. Porro Q. Tullius frater Cicer. hujus anni Urb. C. 692. Prætor Asiam provinciam sortitus est, eamque per triennium administravit, quo Cicero plures ad Atticum lib. 1. Epistolas dedit. Unam verò post biennium ad fratrem, in qua illi præclarissima rectæ administrationis præcepta exhibuit.

21. *A. Licinium Archiam Poetam*, Ciceronis olim Magistrum, cum Gracchus illi de jure civitatis obtento movisset controversiam, ita Tullius M. Puplio Pisone & M. Valer. Messala Coss. defendit, ut illum & civem esse Romanum ostenderit, & illa civitate ob poëtices artem inprimis dignum.

22. Insequens annus sub Coss. Q. Metello Celero & L. Afranio Ciceroni ad otium litterarium penè vacuus fuit, quo historiam consulatus sui commentario Græcè edito misit ad Atticum ut ex lib. 1. epist. 16. constat, eandemque versibus per tres libros complexus est. Quo tempore Clodius

dius rem inexpectatam omnibus machinatus, cum esset patricius ordine & Metelli Consulis propinquus, ut illa uteretur potestate tribunitiâ, quâ L. Flavius Tribpl. hoc anno fretus Metellum Consulem carceri mancipavit; hoc primum contendit; ut, lege latâ, patritiis ejus quoq; Magistratas capiendi facultas fieret, quod cum non obtineret, in concionem progressus, patriciatu ejurato, ad plebem transiit. Hoc in campo Martio suffragante populo per C. Herennium Tribpl. cum esset peractum, frustra tamen Clodius Tribunatum petiit. Metello adversante, quod negaret adoptionem more majorû ritè factam, qua plebejus, nisi lege curiatâ, fieri nemo posset. Sed nihil tam vile abjectumq; Clodio erat, quod odii sui in Ciceronem explendi gratia, non prensaret, igitur plebejo sese homini P. Fontejo, & quidē natu minori, adoptandum tradidit; in qua adoptione Cæsar (qui in consulatu cum M. Calphurnio Bibulo successerat) legem curiatam tulit, Pompejus auspiciis interfuit. Jam enim conjurata inter se amicitia coierant tres potētissimi civitatis Principes M. Crassus, Pompejus & Cæsar. Interea Cicero, qui hanc in se cudi fabam cernebat, quamvis Pompejo amico uteretur, Antii in Pompejano, Formiano, & Arpinati à bonis studiis solatium aliquod doloris mutuabatur, pluresq; ex lib. 2. à quarta ad 18. litteras misit Attico, dum hic se in Epirum transferret. Nec multò post reversus Romam Cicero, à publicis Consiliis, quæ minus probabat, abstinens, forensibus se causis multorum patrociniò impendit, in quibus A. Thermus bis defendente Cicerone est absolutus.

23. Est & L. Valerius Flaccus Cæsare & Bibulo Coss. à D. Lælio repetundarum accusatus. Hic ex prætura, quam Cicerone Consule gesserat, Asiam Provinciam obtinuerat; in qua incorruptè versatum, cum Q. Hortensio adversus plurius Asiaticorum & Romanorum testimonium contendit, longâ testium refutatione, Cicero.

24. C. Julio Cæsari hoc anno P. Vatinius Tribl. obsecutus, legem tulit, dictam ab autore Vatiniâ, qua Cæsari Gallia citerior cum Illyrico in quinquennium decreta fuit, unacum legionibus tribus, quibus Senatus quartam cum ulteriore Gallia dejecit. Quo imperio suam sensim Cæsar Monarchiam est auspicatus. Jam tum enim imperandi cupidus multas in consulatu leges ferebat, quæ ab illo Juliæ appella-

tæ sunt, quas contra auspicia latas Cicero non obscure prædicabat. In his etiam Agraria fuit, quâ vigintiviri cum summa potestate dividendi agri Campani sunt constituti, in quibus tamen quinque cæteris prælati videntur, inter quos Cicero ni frustra locus à Cæsare oblati est, cum præesse illi officio detrectaret, quod Consul ipse damnaasset in aliis. Devinciendi tamen sibi Ciceronis percupidus Cæsar, ne absens Romæ adversarium pateretur, qui & priores ejus leges everteret, & consiliis infuturum tempus destinatis obsisteret: non suavit solum, verum & rogavit, ut legatus sibi, cum proxima scilicet potestate, in Galliis adesse ne recusaret. Sed adversus ab his Cicero, à se quoque alieniorem deinde Cæsarem expertus est, atque in illas se pedicas induit quas illi Clodius nexuit.

CAPUT IV.

Gravis ætas, ejusque studia.

Cicero 25. abijt in exilium Clodii furoribus cedens.

26. Hospitali libertate peregrè excipitur foveturque Clodii interminatione neglecta, quin etiam altero post anno Lentulo Coss. & T. An. Milone Tribp. cum Pompejo potissimum faventibus reducitur.

27. Oratione post reditum ad Senatum populumque, tum pro domo sua habuit.

28. P. Sextium fautorem reductionis defendit, Vatinius improbitatem accusat.

29. Prodigia ob domum suam profanatam in urbe facta negat Oratione de Haruspicum responsis.

31. L. Cornelium Balbum & M. Calium tuitus est, Pompejus consulatu cum Crasso adito Cæsaris in Gallia imperium prorogavit. Crassus in Syrico bello periit.

32. Cicero in Calph. Pisonem dixit.

33. Pro Cn. Plancio & C. Rabirio Posthumo causam egit.

34. Pompejo omnia moderante T. An. Milonem occiso Clodio frustra Cicero defendit.

35. Ciciliam cum laude administrat.

25. **A**nnus Urbis Cond. 645. Ciceronis 49. agebatur, quando Tribunatu plebis fretus Clodius, & opportunis ad suum in Ciceronem odium explendum Consulibus, omnia ad illius subversionem molitus est; favente his conatibus Cæsare:

Cæsare: ne, quem ad sua consilia amicum habere non posset, inimicum pertimesceret. Ut verò populum sibi Clodius devinctum teneret, leges tulit quatuor, populares quidem illas, sed perniciosas Reip. ut scilicet frumentum populo gratis hoc anno præberetur; alteram, ne quis per eos dies, quibus cum populo fas agi, de cœlo servaret: tertiam depristinis collegiis restituendis, atq; instituendis etiam novis, quartam, ne quem indemnatum, atq; indicta causâ, morte multarent, & si quis indemnatum sustulisset, ei aqua & igni interdiceretur. Qua lege cum peteretur Cicero, ut qui Lentulum, Cethegum aliosq; conjurationis socios, manifesto licet scelere, inaudita tamen causâ, inter vincula interemisset.

Mutata igitur veste Cicero sordidatusq; populo supplicare cœpit, at illudere illi vicissim Clodius, & ubicunq; per se suosq; occurrens posset, verbis contumeliisq; injuriolè lacerare, exprobrare mutationem habitus, supplicationes impedire, ut hac saltem conceptû furorem ultione pasceret. Minus hic animorum in proprio discrimine, quam in aliorum periculis Cicero pro concione ostendebat. Ex juventute tamen adolescentû nobilissimorum viginti facile millia mutata veste illius calamitatem lugebant & Equestris penè ordo universus, cû magna ex Italia multitudine pro Ciceronis salute in Capitolium confluerant; frustra; ad Senatum Gabinio illic Consule, molli atq; effeminato homine, præsidente supplices pro unius incolumitate viros destinabant, L. Mummius incredibili Ciceronē fide constantiaq; propugnante. Nā, ut non pauci bonorum & Senatus deniq; ipse, mutato habitu, Ciceronis exilio intercedendum putarent: tamen ea erat turbulentæ multitudinis atq; ex ima hominum fece per Clodianas conciones excitæ vis, ea Cæsaris cum exercitu ad portas urbis sedentis, furoremq; audacissimi hominis adjuvantis autoritas, ea gravissimorum hominum, ac Pompei quondā amicissimi, Pisonis etiā consulis, licet ex affinitate conjuncti aut dissimulatio, aut malevolentia; ut tantæ invidiæ odiis impar cedendum sibi potius Cicero, quàm urbem seditionis hominum, atq; ad arma spectantium furori obijciendam putaret. Itaq; domestico Minervæ signa ad Capitolium translato, subscripsit; *Minerva custodi urbis*, seq; extremo circiter Martio Siciliam versus recepit, atq; Vibone ad Lucaniæ fretum substitit, unde ad Atticum Epist. 2. & 4. libri 3. data est;

sed à Prætore in Siciliam venire prohibitus, verso itinere Dyrrachium contendit, navigatione difficili, quâ ex alto rejectus, ubi denique appulisset, sensit terram subito motu contremiscere, tanquam, ut haruspices ominabantur, Ciceronem exulem ferre non posset. Ex hac via Thurii scripsit ad Atticum Epist. 5. lib. 3. Tarenti Epist. 5. Brundusii Epist. 7. Et 4. lib. 14. famil. Hinc Thessalonicam delatus apud *C. Plancium* liberali hospitio septem mensium fruitus est, quem postea accusatum de ambitu Romæ defendit. Hinc plures ad Atticum dedit epistolas, quæ lib. 3. ab octava ad vigesimam secundam leguntur, ad Quinctum fratrem verò dedit, tertiam libri 1. & sequentem, ad uxorem Tertiam Epist. 2. lib. 14. famil.

26. Clodius ut primum Ciceronem urbe excessisse cognovit, lege cavit, ne quis Ciceronem intra 1369, ab urbe passus susciperet, aqua illi atq; igni interdictum hucusq; esset, qui secus faceret, impunè, hospes cum ipso exule, occideretur. Quam tamen poenam omnes, singulari illi benevolentia complexi, neglexerunt. Villas exulis Clodius per submissos incendiarios inflammavit, magnificam quoq; in Palatio ejusdem domum, paucis ante annis comparatam, injecto igne consumpsit; ac ne quando ad suum rediret autorem, in area templum Libertatis erexit. Bona direpta ad Consulum Pisonis & Gabinii ædes villasque transferebantur.

Mollius hanc aliquantò, quam virum philosophum deceret, calamitatem tulit; dum mutatis, unà cum Clodii tribunatu, Consulib⁹, summum urbis magistratum adiret *P. Cornel. Lentulus Spinther*, & *Q. Cæcilius Metellus* nepos, quorum ille nihil sibi rerum humanarum prius in senatu agendum censuit, quàm ut de Cicerone revocando ad Patres referret. Cumq; *L. Cotta* princeps Senatus assereret, nihil more majorum, atq; ex legibus cum Cicerone actum esse, ut iccirco ad eum revocandum lege opus non foret. Pompejus tamen ad Senatus auctoritatem populi adjungenda esse suffragia statuit. Quare cum à Kalend. Jan. ad 8. Kal. Feb. variis cunctationibus, altero Consulum Metello antiquis à Cicerone inimiciis divulso, & Clodii machinationib⁹, res produceretur; contra senatui nihil ante impetratam Ciceronis salutem agere decretum esset: producta demum ad populū causa, gladiatores Clodius pro Marci propinqui funere conductos, in confertam populi concionem magna cæde immisit, ubi Quinctus Cicer. frater
inter

inter cadavera occisorum delituit Cum verò T. Annius Milo, id temporis Tribpl. Clodium de vi postulare, intercessit Metellus Consul, negans fas esse, Quæstoribus nondum, ut mos erat, per Comitia ædilitia creatis, ac Judicibus per illos forte delectis, iudicium ullum exerceri. Quare sublatis hac via iudiciis, ut vim vi Milo repelleret, emptis ipse etiam Reipublicæ causa gladiatoribus P. Clodii conatus audaciamque compefcuit. Interea Senatus Quæstoribus Legatisq; per Italiam, Provinciasq; Romano imperio subjectas, Ciceronis salutem cōmendavit, quæ res ingentem populi multitudinem Romam accivit, ut quasi signo dato convenisse unius capitis servandi causa, tota Italia videretur. Lentulus igitur Consul frequentissimum Senatum in Capitolium accivit, ubi & religione loci, & Senatus autoritate ac deniq; P. Servilii incredibili gravitate dicendi Q. Metellus, oblitteratis odiis suam gratiam absenti Ciceroni addixit. Cn. etiam Pompejus præcipu⁹ Ciceronis reducendi autor, atq; iccirco etiam per Clodii Sicanos in ipsa nuper curia appetitus, uni Ciceroni patriæ conservatæ gravissimum dedit testimonium, cujus sententiam Senatus universus uno Clodio dissentiente approbavit. Tulliumq; ab exilio revocandum statuit. Quod cum deinde in confertissima populi multitudine è theatro ludis Consulari- b⁹ nuntiatum esset, faustissima omnium acclamatione acceptum est. ac postridie pro concione per Lentulum Coss. Pompejum, P. Servilium, L. Gellium, disertissimis in laudem Ciceronis orationibus ad Quirites juxta & Patres celebratum; deniq; pridie Nonis Sextil. in campo Martio insolita Comitiorū celebritate per Lentulum Coss. lege lata decretum, quo die Cicero, vulgata jam revocationis fama, cum Dyrrachio Brundisium venisset, summa civium gratulatione exceptus, cognovit ante diem 6. Id. Sextil. literis Quincti fratris, quanto omnium ordinum consensu, lex de ejus reditu, comitiis centuriatis, lata esset. Brundisio igitur Neapolim, Capuam, Sinuessam, Formias, Terracinam, demum per Ariciam Romam pridie Nonas Sept. pervenit, tanta, quaquam iter faceret per oppida agrosq; effusione & gratulantium concursu, ut non immerito dixerit, Italiæ sese humeris fuisse deportatum. Roma verò, tanquam suis evulsa sedibus, à Capena porta ad Capitolium forumq; atq; ipsius Ciceronis domum, faustis acclamationibus implebat omnia, ut ad gloriam illi atq; immor-

talitatem nominis, confcelerata illa Clodii vis, non modò non propulsanda, sed emenda etiam fuisse videatur.

27. Postridie in Senatu gratias egit illa *Oratione*, quæ *post reditum Senatui* inscribitur, in qua cum exaggeratione beneficii in se collati Gabinii scelera & Pisonis inhumanitatē perstringit. Egit & gratias *populo oratione alterâ*, quâ ejusdem beneficii magnitudinem prædicat. Sed cum eo tempore magnâ annonæ difficultate plebs infima premeretur, concepto in ludis publicis furore, ad capitolium, ubi Senatus collectus aderat, uno impetu convolant, eademq; atq; incensionem minantur, ut posteris sese diebus Consulares à curia metu plebis subducerent, donec ex Ciceronis sententia per Senatus Cons. lex est promulgata, ut Pompejo per quinquennium toto orbe Romano omnis rei frumentariæ potestas traderetur.

Magna subinde contentio de Ciceronis domo, quam Clodius Libertati sacraverat, est suscepta. Nam illam quidem populus Comitiiis centuriatis eodem jure esse jussêrat, quo fuisset. Verum ut de ejus religione ad Pontificium collegium referretur consultius Senatui visum est. Quocirca *apud Pontifices* disertâ *Oratione* evicit, *domum suam* nulla religione teneri obnoxiam, quod nihil à Clodio contra leges adoptato, & multa indigna perpetranti justè pièq; actum fuerit. Pontifices igitur Patresq; conscripti domum Ciceronis publica pecunia instaurandam censuerunt, æstimataq; hæc domus est HS. vicies, Tusculana villa HS. quingentis, Formianum HS. ducentis quinquaginta millibus; sed Clodianæ factionis homines fabros ædibus restituendis inductos abegerunt, saxiq; ferro atque ignibus vastitatem novam intulere. Quinti etiam fratris domum, lapidibus flammisq; ingestis, miserè deformarunt, ut Epist. 3. lib. 4 ad Atticum Tullius. Quos Senatus decrevit lege de vi, tanquam Reip. oppugnatores, teneri.

Crevit tamen importuna Clodii audacia, postquam anno sequenti, qui est Urbis C. 697. ædilitatem Cn. Corn. Lentulo Marcellino, & L. Marcio Philippo Coss. adiit: nam, ut Cicronem agitare, Miloni diem dixit, quod is Tribpl. gladiatoribus Remp. obsedisset, cumq; pro ejus defensione Pompejus ad populum *Orationem* instituisset, factiosorum hominum clamore convitiisq; jactatus est. Clodio pro suo arbitrato diem producente, ut ad fratrem Tullius scribit Epist. 3. lib. 2.

& Epist.

& Epist. 5. lib. 1. Famil. Tam fortunata erat hominis ad quidvis audendum temeritas, ut in fecem plebejorum immerfus, summis insultaret potentissimæ Reip. principibus.

28. Fuit etiam P. Sextius alter Tribunorum pl. qui Cicero-
ni reducendo operâ dederat, propter cædem in foro id tem-
poris factam, cum de ejus reditu dimicaretur, à M. Tullio Al-
binovano lege Lutatia de vi postulatus, quem præter Hor-
tensium Cicero fortissimè defendit, eo eventu, ut Sextius ab-
solveretur, & P. Vatinio contra Sextium testanti nulla fides
daretur. Qua de re *Oratio* extat gemina, *altera qua Sextium Vi-*
rum esse laudatum, quiq; salutem patriæ *propugnarit*, vim vi
depulerit, egregiè declarat: *altera quâ Vatinii improbitatem*, &
malè administrata Reip. officia mirificè *exagitat*. Tertia quâ
pro Bestia de ambitu foro medio maximoq; conventu apud
Prætorem Cn. Domitium orationem eodem anno habuit,
non vidit posteritas. Quo tempore etiam Tulliam filiam C.
Pisone, cui ante suum Consulatum, illam Cicero desponde-
rat, mortuo, Furio Crassipedi in matrimonium collocavit,
cujus singularis in patrem exulantem pietas fuit, ut redituro
Brundisium usque obviam processerit.

29. Porro cum Miloni dies in Nonas Maji prodita esset,
Cicero Româ ad villas discessit, ne præsens invidorum au-
geret contumaciam. Prodigia tunc Romam insolito terrore
perculerunt: nam in Albano, monte sacellum Junonis, quod
capite Orientem spectabat solè, ad septentriones versum est.
Fax à meridie in cælo ad aquilonem visa porrigi, terræ mo-
tus alios conterruit, alios fulmen de cælo icit, strepitusq;
cum fremitu sub agro Latinienâ insonuit. Lupus urbem fre-
quentissimam, tanquam silvestrem aliquem lucum subiit.
Quæ cum haruspices expiari vellent, iratos esse Deos respon-
derunt, quod loca sacra & religiosa in usum profanum ver-
terentur. Clodius hæc in rem suam esse ratus, concionē adilis
instituit, testatusq; est, consecratam Ciceronis domū profa-
nam haberi, tantamq; Deorū indignationem conciliare urbi.

Postridie igitur cum de locis sacris religiosisq; Consules
ad Senatum referrent, Cicero ad sui defensionem instructus
adfuit, dixitq; *Oratione* illa quæ de *Haruspiciū responsis* inscri-
bitur, quâ primo declarat domum suam ab omni religione
vacuam, ideoq; illa Haruspicum censura notari negat. Dein-
de hâc ipsâ Clodium sacrorum violatorem maximè peti,
multis argumentis gravissimè statuit.

Sed

Sed & Cicero hac in causa adversus hostem triumphans, Capitolium ingressus, suffixas ignominiosi sui exilii tabulas refixit, suamque in domum transtulit.

30. Subinde controversia Romæ in Senatu de quatuor *Provinciis Consularibus* agitata est, ut quibus ille vel relinqueretur vel conferenda denuo essent. Erat in his Syria, quam pro Consule obtinebat Gabinus, & Macedonia, quam Piso, Gallia deinde citerior ulteriorque, quam bello nondum confecto Cæsar multis Romanorum victoriis nobilitabat. Cicero igitur Oratione illa, quæ de Provinciis *Coss.* legitur, ita censuit, persuasitque: ut Gabinio ac Pisoni tanquam iniquis illarum Provinciarum administratoribus derogaretur: imperium, Cæsari fortiter omnia feliciterque gerenti maneret. Egit præterea ut Penatus in magnis ærarii angustiis victorem exercitum stipendiis donaret, ac novo exemplo legatos decem Imperatori decerneret, quæ cum causa non mediocriter Cæsari devinxit, quanquam errorem suum, cum ambitiosi se hominis potentiam nimium firmasse in Reipubl. exitium cernebat, serius, quam par erat, deploravit.

31. Eodem tempore pro *L. Cornelio Balbo* adversus ipsius inimicos contendit, quod jure civitatis à Cn. Pompejo legitime ex majorum consuetudine donatus sit, etiam si Gadibus ex Hispania Romanis foederata proderit. Ejusdem Balbi causam *M. Licinius Crassus* atque ipse Pompejus tuiti fuerant.

Videtur & *M. Calium* parricidii accusatum, cum *M. Crasso* hoc anno defendisse. Siquidem ille ab *Atratino Herennio* & *Balbo* delatus erat, primo quidem à *Clodio Dionis Alexandrini* occidendi gratia accepisse pecuniam, deinde ne reddere cogeretur *Clodiae*, hanc etiam veneno appetiisse. Quare Cicero postquam flagitiosam hominis ad luxuriam in primis projecti vitam utcumque purgasset, deinde neque à *Clodia* accepisse pecuniam; neque ejus toxico interficiendi, aut causam, aut voluntatem habuisse declarat.

C. Julius Cæsar autem gestis iis, quæ lib. 3. comment completitur, distributisque per hiberna militibus, cum à *L. Domitio* futuro Consule imperium sibi derogandum existimaret, *Lucæ* in Italia cum *Cn. Pompejo* & *M. Licinio Crasso* peregit, ut hi sibi consulatum peterent. Qui cum intra legitimum tempus professi non essent *C. Catone Trib. pl.* favente, ejus anni comitia prorogata sunt, & Pompejus cum Crasso per interregnum

gnum consulatum adiit. Quâ violentiâ, cum M. Cato eversum iri Rempubl. presagiret, ideoq; omni se conatu objiceret in carcerem productus est, quo cum nobilissimi eum cives sequerentur, libertati est redditus. Cæterū Aul. Gabinius rebus in Syria feliciter bello gestis, Ptolemæum Ægypti Regem, Romanorum in primis studiosum, at suis gravē, ideoq; regno pulsum, restituit. Sed cum Crassus in abeuntis Gabinii locum succederet, nec dirarū obnuntiatione, quib⁹ proficiscentē, ob infausa omnia, retinere Capito Tribp. conabatur, terreri posset, exercitu, cum ignominia & dedecore, trans Euphratem deleto, perit, cujus absentis causam Cicero, ut potuit, tuitus est, quanquam avaritiam & arrogantiam hominis nullus satis Orationis fucus obvelaret.

32. At Calphurnius Piso indignatione plenus, quòd autore Cicerone ex Macedonia Province esset, revocatus, cum iccirco hunc in Senatu perstrinxisset, Cicero gravissima illius vitam oratione notavit, quâ & suam cum illius flagitiis innocentiam, honoresq; utriusq; atq; existimationem vulgi componit, & plurimorum reum scelerum, graviore adhuc iudicio obnoxium manere contendit.

Pompejo libertus ejus Demetrius celeberrimum illud Rom. urbis amphitheatrum dedicavit, quod populo conciliando, magnis ludorum impensis frequentatum est. Cicero tamen quidquid otii nactus fuit, ad libros tres de Oratore conscribendos adhibuit.

Prorogato jam in quinquennium Cæsari per Gallias imperio, & Hispaniis per annos totidem Pompejo decretis, hic L. Domitio Ænebarbo & Ap. Claudio Pulchro locum cessit, an. Urbis Cond. 699. quando Aul. Gabinius ob reductum Ptolemæum majestatis læsæ reus factus est, sed à Pompejo Lentulo frustra ac Cicerone accusantibus, in libertatem vindicatus. Verum absente Pompejo, repetundarum postulat, Cæsar in Pompei gratiam hominis quamvis inimici defensionem suscepit, eo tamen eventu, ut Gabinio damnato, non invitus causa ceciderit.

Sed & P. Vatinius, infestum suæ dignitati virum, publicis judiciis feliciore exitu in gratiam receptum defendit, ut is se deinde clientem Tullii haud ingratus profiteretur. Fuit etiam à Reatinis in eorum agrum eductus Cicero, ubi apud Clodium Coss. & Legatos Reatinorum contra Interamnates

causam egit. Quintus frater hoc tempore Legatus ad Cæsarem missus, ex Britannia ad Tullium litteras dedit, quo jam Cæsari instructa classe & domitis qui cis Rhenum erant populis, frustra; Germanis trans Rhenum petitis, victorem exercitum transferebat.

33. Duas hoc eodem anno causas suo patrocinio complexus est Cicero; alteram pro *Cn. Plancio* suo quondam in exilio hospite, quem ambitus in ædilitate petenda accusatum, contra *C. Flavium*, *M. Juventium*, & *L. Cassium* propugnavit, & *Juventio* meritò prælatū esse, ob vitæ morumq; innocentiam demonstravit; alteram pro *C. Rabirio Posthumo*, qui quod Regi *Ptolomæo* exuli magnam credidisset pecuniam, illum *Alexandriam* per *Gabinium* revocatum secutus *Procuratorem* aliquamdiu Regis egit, quodq; *Gabinio* Regis nomine multam pecuniam numerasse diceretur, lege *Julia*, tanquam corruptionis particeps, à *C. Memmio* repetundarū est postulatus. Qua in causa ita illum defendit Cicero, ut negaret testibus illum tabulisq; civitatū idoneis convinci, lege *Julia*, tanquam nova adstringi, pecuniarum à *Gabinio* acceptarum administrum fuisse, deniq; pecuniā sibi debitā à Rege obtinuisse.

34. Pompejus interea per se suosq; ita Romæ moderabatur omnia, ut anno seq. qui erat Urbis *C. 700.* suspensis aliquamdiu per *Tribl. comitiis Consularib⁹*, deniq; post sex interregni menses, Dictaturam sibi oblatā, clampus faret detrectaret propalam. Quare cum *M. Cato* ob detrectatum imperiū publica illum Oratione collaudasset, suā fraude captus, hoc egit, ut *Cn. Domitius* & *M. Messala* Consules pronuntiarentur. Verum anno proximo per *Servil. Sulpitium* Interregem constitutum, solus Consul. Pompej⁹ novo exemplo delectus est, *T. Antonio Milone* cum sociis excluso. Verū *Julia* Cæsaris filia jam defuncta, (qua cum amicitiae pactū & cœpit, & interfecit) cum *Q. Metelli Scipionis* filiam *Corneliā* subrogasset in thorum, Patrem consulatus participem esse voluit. Leges aliquot novas tulit, duas ex *S. C.* unam de vi: quā *T. An. Milo* hæud obscurè petebatur, qui *Clodiū* in via *Appia* per immisum famulitium vulneravit primò, deniq; in villa oppressit, ratus se facili⁹ de cede, quàm de vulnere *Clodio* superitite, absolutum iri. Corpus *Clodii* in curiā delatum, inflāmata à *Clodianis* curia, rogi luculentum habuit. Utrosq; lex *Pompeja* & poena cōprehendit, altera de ambitu breviori iudiciorū forma,

forma, intra diem absolvenda statuit, in qua accusatori horæ duæ, tres reo concessæ sunt. Aliis legibus aliud constitutum est, una quidem, ut nemo consulū, nisi post quinquennium, ad Provincias administrandas accederet, quod pleriq; hac spe consulatum ambitiosè pensarent: altera, ne absentiu ratio in petendo Magistratu haberetur, qua lege submoturum sese Cæsarem credidit, ne etiamnū armatus quicquam obtineret; sed utramq; Pompejus ipse inter primos violavit. Tantò leges imperare, quàm obtemperare legib⁹ facili⁹ est.

Post conditas leges Milo de vi, & de ambitu, & de sodaliitiis postulatus fuit, Quæsitore L. Domitio Ænobarbo, Accusatoribus M. Antonio & P. Viterio Nepote. Uno Cicero- ne Milonis causam defendente, ut qui sui ab exilio revocandi gratia capitales hæc cum Clodio inimicitias suscepisset; sed in principio Orationis infestis Clodianorum, ore atque armis obstrepentium, clamoribus territus, à pristina dicendi vi constantiaque deflexit. Milo ad exilium damnatus excessit Massiliam. Quod cum vehementer doleret Cicero, ut qui tot alios in libertatem reos asseruisset, uni liberatori suo defuisse videretur; scripta deinde oratione (quam tamen Quintilianus Brutum scripsisse putat) quæ in manibus est, causam Milonis, magis quidem serio, sed nimis fero, differtissimè tamen propugnavit. In qua, ut jure Clodium occisum demonstret, illum Miloni insidiatum esse contendit: neq; favere adversariis, quidquid Senatus ac Pompejus adversus hanc cædem decrevit. Adjuncta hujus facti, tum deinde vitam Clodii ac Milonis inter se compositam satis hujus innocentiam & illius flagitium prodere.

Fructum tamen aliquem eloquentiæ Cicero percipere sibi hoc anno visus est, quod M. Saussejum tuitus, Sext. Clodium prostravit. T. quoque Munatium Plancum curiæ, ad Milonis invidiam, per ingestos ignes subversorem, quantumvis Pompejo defensore usus esset, omniū sententiis maximoq; populi plausu condemnavit; ut hoc saltem Miloni solatium miseriarum impenderet; ne deessent in calamitate, ex ipsis adversariis focii. Siquidem dulce in ruinam inclinato vindictæ genus est, posse ipsum secū hostem devolvere præcipitè. Dissertatio illa de finibus bonorum & malorum hoc anno fingitur instituta, quam postea Cicero scripto est complexus. Quæ verò de legibus pluribus est libris prosecutus, quorum ad nos tres pervenere, hæc sub Clodii cædem auspica- tus ex libro 2. agnoscitur.

44. Subinde Provincia Ciceroni decreta est Cilicia, quod lege Pompeja consulibus, nisi post quinquennium, adire non liceret. Hic An. U. C. 702. & 703. summa integritatis & fortitudinis laude versatus, exercitum à Cassio acceptum millium quindecim, qua peditum, quâ equitum in hostem duxit, & Parthos Cappadociæ imminentes, acie instructa, collatis creptisque signis, ac castris ad Amanum montem occupatis profligavit, quorum cum deinde urbes munitionesque Victor invasisset, Imperator ab exercitu est proclamatus, ut qui gladio non minus polleteret, quam eloquentia. Pindenissum dehinc oppidum suis fretum muris propugnaculisque, vallo ipse fossaque, castellis sex, castrisque maximis circumdatum, aggere, vineis, turribus tormentisque oppugnare aggressus, non minori felicitate, quàm labore, sumptu sociorum nullo, septimo & quinquagesimo die tenuit, incolis in arbitrium victoris concedentibus. Rara in hoc rerum successu eluxit Ciceronis continentia. Nam cum cæteri, qui vel Prætores, vel Proprætores, Consules aut Proconsules sumptibus rapinisque exhaurirent Provincias, resque suas locuplerarent: ut iccirco tantâ contentione hæc officia ambirentur: ille tamen, quod in aliis sæpius accusaverat dedecus, in se reformidans, ne teruncium, neque in se, neque in legatorum quenquam de alieno insumpsit. Fœnum, quod lege Julia concessum erat, nec postulabat quidem. Unde M. Cælio ex Pantherarum venatione quasdam Postulanti facere respondit. Earum miram illic esse paucitatem; & si quæ essent, valde queri, nihil cuiquam, neque insidiarum, neque injuriæ sua in provincia fieri, præterquam sibi. Famam liberalitatis avidius, quàm cæteri opes captabat. Omnem itaque ab ostio janitorem removit, ne quis prohiberetur accessu, mensa hospitalis erat, non tam condita cibus, quam doctis sermonibus. A prima illum luce in multam noctem nemo in lecto recubantem offendit. Neque verbis, neque verberibus in quenquam severè animadvertere, abstinere contumelia, moderari iræ, comiter officiosèque affari omnes solitus. Qua cum suos moderatione contineret, exercitu imbellico contra magni belli metum firmissima præsidia habuit, æquitatem & continentiam; illa alios, hac se ipsum moderari solitus, tanto quidem nobiliori impe-

imperio, quanto pauciores reperti sunt, qui suas cupiditates, quàm qui hostium copias frangerent. Quocirca & Ariobarzanem Regem præsentibus cinctum insidiis, ac de regno vitaque periclitantem, illa felicitate erexit, ut ipsi saluti, insidiatoribus etiam admirationi fuerit, quòd his sese incorruptum; illi fidum amicumque præstaret, utrosque sua autoritate componeret. Verbo, ita brevi tempore, parvoque milite rem belli pacisque in Provincia administravit, ut Ciceroni præter supplicationem, Senatus, populo approbante, triumphum decreverit, quem civiles postea turbæ interceptere. Sed dignior ille triumphus est, qui cum virtute negligitur, quàm qui sine virtute possidetur.

CAPUT V.

Senilis ætas, ejusque studia ac finis.

36. Cicero bello inter Pompejum & Casarem orto, illius partes malo exitu secutus, à Casare tamen Victore in gratiam receptus est. Terentiam uxorem repudiat. Tulliam filiam magno dolore amittit.

37. Partitiones Orat. & ad Brutum de claris Orat. scribit, Marcellum, Ligariumque, & Regem Dejotarum Casari dicendo conciliat.

38. Iul. Caesaris interfectores non obscure favet, ac denique variis opusculis ruri scriptis mores instruit.

39. Antonio Roma tyrannidem molientem resistit.

40. Orationes contra illum, illiusque fautores & conatus, quatuordecim Philippicarum nomine, tanquam fulmen, vibrat.

41. Denique ab Octaviano Casare desertus per Antonium interficitur.

36. **C**icero ad urbem se recepit Anno ætatis 58. Urbis Conditæ 704 Cajo Claudio Marcello, & L. Corn. Lentulo Coss. Quo tempore cum Kal. Jan. in. Q. Metelli Scipionis sententiam Senatus consul. fieret, ut ante certum diem Cæsar exercitum dimitteret, & huic decreto intercederet M. Antonius, & Q. Cassius Tribpl. Senatus Consuli- bus, Prætoribus, ac cæteris qui cum iis erant Tribpl. negotium dedit, quod in extremis periculis adhiberi consueve-
rat;

fat; ut curarent, ne quid republ. detrimenti caperet. Ergo M. Antonius, Q. Cassius & M. Scribonius Curio ad Cæsarem profugiunt. Cicero nequicquam pacis consilia jam redux in urbe suppeditans, sese denique belli impetu ad partes Pompei impelli passus est, Capuamque, Formias, Apuliam, Brundisiumque vagâ militiâ circumlatus, donec Cæsar victori passim exercitu pervaderet omnia, & juratum sibi militem adversus Pompei expectationem, præter deficientem Labienum, teneret. Viâ illâ, quæ Brundisio Romam ducit, Cæsar invitatum ad suas partes Ciceronem, longo etiam sermone præsentem tenuit, atque ut de pace cum Pompejo, suo arbitrato ageret, detulit; secum verò ut ad urbem pergeret, inprimis contendit. At Cicero se ejus causam probare in Senatu posse negavit. Multa esse quæ Cæsar audire nolit, ipse nequeat tacere. Absenti igitur magis suum silentium profuturum, quam orationem præsentem. Itaque dejectum Italia Pompejum in Græciam sequi maluit, quam Cæsaris victoris opibus potentiâque defendi, ratus amicitia se plus debere, quam fortunæ. Sed M. Cato licet ipse Pompejum secutus, hoc Ciceronis consilium reprehendit, quod ubi sese partium adversus alteram addiderit, patriæque desertor. quàm amici esse maluerit, in tantum sese discrimen citra necessitatem conjecerit. Et verò Ciceronem ipsum haud multò post facti poenituit, non tam inquit, ipse Epist. 3. lib. 7. propter periculum, quàm quod vitia in hoc bello multa defenderit. Cæsar postquam Romam nullo repugnante subiret, Domitius Gallicæ Provinciæ adversus Pompejum designatus, sibi metuens venenum à Medico postulavit, qui cum somniferam potionem præbuisset, Domitius pari deinde quàm cæteri in urbe veniâ gratiaque potitus est. Qua Cæsar clementia summos Procerum sibi devinxit, cum Pompejus immiti omnes decreto hostes pronuntiasset, quotquot, hostes Cæsaris, junctis secum opibus, esse nolissent. Quæ res Catonem etiam in partes traxerat, consilio aliis dando, quam sibi usurpando promptiorem. Dictator jam in urbe creatus Cæsar, effractoque in usus militiæ ærario, M. Antonio commisit Italiam, ipse in Hispaniam adversus Afranium & Petrejum Duces Pompei contendit, Massiliamque in via resistentem classe per Dec. Brutum fregit; neque longo bello

bello res acta est, cum pressus ipse fame videtur emergens subito, desperationem in hostium capita vertit, ut circumfessi victoris sese arbitrio traderent; qui cum omnibus insperatam libertatem offerret, dignus victoria atque imperio visus est. Curionis in Africa deterior fortuna fuit, hic enim à Juba Rege Pompejanis favente victus oppressusque cum suis periit. Cæsar porro translato in Epirum bello, adjunctoque contra Pompejum sibi Antonio, non levi apud Dyrrachium accepta clade afflictus est; sed negavit Pompejum uti scire victoria, cum majoribus deinde auctus viribus, apud Pharsaliam memorabili illum ultrò invadentem clade prostraverit, celeritate maximâ usus, quâ & ipsa hostium castra obtinens in desperatam Pompejum fugam conjecit, qui in Syriam Ægyptumque delatus, cum à tergo Cæsarem insequentem traheret, priusquam egressus navi esset, Ptolomæi Regis adolescentis jussu, à Septimio quodam interemptus est. Capite Pompei cum anulo à Photino sibi delato Cæsar illachrymatus est, hominemque cædis participem cæde multavit. Ptolomæus verò & ipsi Cæsari insidiatus, quod eum Sorori Cleopatrarum favere nimium crederet, ideoque bello petitus, suam ipse classem, ne in hostium veniret potestatem, accendit, in qua nobilissima illa Ptolomæi Philadelphi bibliotheca consumpta est. Quare Ciceroni exercitum classemque, quam Dyrrachii instructam habebat Cato, tanquam potiori & lege & dignitate deferebat, quod cum ille imperium recusaret, propius factum est nihil, quam ut occideretur; cum & Pompejus filius & amici eum proditorem appellarent, gladiosque stringerent; sed Cato obstitens, vix illum cædi submotum à castris ablegavit, qui sese in Italiam recepit, & Brundisio ad Terentiæ uxoris literas respondit Epist. 12. l. 14. famil. quo cum M. Antonius venisset, jussus nullos, nisi indulto Cæsaris admissos tolerare, Cicero per L. Lamiam significavit Antonio, se à Cæsare ad Italiam invitatum, ut ex P. Dolabellæ Generi sui literis docere posset. Nec multò post ab expeditione Asiatica Tarentum Cæsar appulit: cui Brundisium eunti Cicero processit obviam. Quem Cæsar, ut etiamnum procul ante alios conspexit, ex equo descendens salutavit, cumque illo solo per multa stadia familiare colloquium produ-

produxit. Interea dum Cæsar per annos aliquot, alternis ferè annis Consul. & Dictator socio Equitum Magistro, & belli. & domi rem administrat, Cicero ad studiorum sese quietem recipit, nunc in urbe, nunc in prædiis agens, prout annus animusque ferebat. Terentiam uxorem, cum res domesticas non minus, quam civiles turbatas, uti ait, reperisset, oblato repudii libello, jam senex dimisit, nobilemque atque opulentam virginem Publiliam substituit. Tulliam vero jam tertio Marito P. Dolabellæ traditam ex partu decedentem amisit. Cujus mortis dolorem non satis virili animo exceperit. Medicus, qui alieni magis animi vulnera, quàm propria curare nosset, ut tam ad Atticum literæ libro 12. & 13. quàm ad familiares libro 9. testantur. M. Brutus Ser. Sulpitius atque ipse Cæsar ad illum consolationarias misere literas, ut constat libro 12. Epistola 8. & libro 13. Epistola 19. ad Atticum. Ipse denique Cicero libro sibi integro consolationem scripsit. Publiliam verò quod morte Tulliæ lætata fuisse intelligeret, novo à se divortio amandavit, raro amoris paterni erga prolem exemplo.

37. Ante hæc anno Urb. C. 707. quando Cæsar socio Consule M. Æmilio Lepido in urbe relicto, M. Bruto in Cisalpinam Galliam ablegato, & Ser. Sulpitio Græciæ præfecto, ipse ad Africanum bellum est profectus, quod cum Juba Metellus Scipio, Pompei fautores instaurabant, Cicero *Partitiones Oratorias ad Brutum*, seu *de claris Oratoribus* scripsit, quod hæc ante mortem Catonis perfecta sint, si proœmium anno serius additum exceperis. Cato enim jam Scipione & Juba bello victis, mortem Uticæ sua manu oppetiit, ne ad victoris arbitrium invitus, aut vivere, aut mori cogeretur. Cujus, hinc Uticensis dicti, mortem Cicero affectu magis, quàm veritate felicem prædicavit, integro etiam libello ejus vitæ mortisque laudes complexus, cui Cæsar, literaria velitatione cum Tullio congregiendiens, Anticatonem in illius vituperium reposuit. Oratorem quoque Cicero hoc tempore ad Brutum in Galliam destinavit.

Fuit & in Cæsaris gratiam restitutus M. Claudius Marcellus, qui ante quinquennium Consul Cæsari palam erat adversatus, & Pompei secutus partes, eo victo Mityle-

nas ad bonarum artium studia recolenda concesserat, quem Cicero per literas libro 4. famil. Epist. 7. & seq. ad Cæsaris gratiam perrentandam invitaverat. Cui supplici, dum cunctaretur Cæsar, Senatus intercedentis deprecatio ad salutem profuit. Cicero igitur verbis pluribus pro Marcello gratias egit Cæsari, Oratione illa, quæ etiamnum legitur, in cuius extrema conatur omnem insidiarum suspensionem remove à Cæsare, ut qui hostes ipsos incredibili sibi benevolentia devinciat.

Venit etiam in grave salutis discrimen Q. Ligarius, quem primum quidem exulem Cicero conciliavit Cæsari, ut libro 6. famil. Epistola 15. ostendit. Verum propius vitæ periculum adiit, quando à Q. Ælio Tuberone accusatus est, quod se Cæsaris nomine venientem, ut Africam tueretur, exclusit. Quod illius facinus cum satis exploratum esset, Cicero ita defendit, ut necessitatis non voluntatis fuisse contenderet, atque omne perfidiæ crimen in Tuberonem amoliretur. Quæ tanta Orationis vi, tantaque animorum incitatione tractasse fertur, ut Cæsari neque unus in vultu color, neque in animo solita constantia perstiterit; sed tanquam vim passus toto corpore contremuerit, denique victus Ligario veniam criminis fecerit.

Eodem anno Urb. C. 707. Cæsar. fastos correxit, annumque ad solis cursum accommodavit, ut 365. dierum esset, & intercalario mense sublato, qui nimiam mutationem induceret, unus dies quarto quolibet anno intercalaretur. Utque temporum ratio impofterum congrueret aptius, inter Novembrem & Decembrem anni huius duos alios menses interposuit, ideoque hic unus annus quindecim fuit mensium. Anno verò sequente Dictator ipse & Consul M. Æmilius Lepidus Mag. Equitum. quando in Hispania T. Quinctius Scapula cum Sexto & Cn. Pompejo, Magni filiiis, bellum plerisque incolis faventibus, adversus Cæsarem movit, quo Cæsar intra dies 26. profectus, venit, vidit, vicitque, ac Cneo interfecto, Sexto profugo, rebus universè pace compositis, Romam reversus est, Q. Fabius Maximus in consulatum adlecto socio, cumque Fabius pridie ante Kalend. Jan. mortuus esset; in unum illum diem successit C. Caninius Rebilus.

lus. In quem propterea Cicero faceret lusit, & mirificæ eum vigilantia prædicavit Consulem, qui in toto suo consulatione somnum non vidisset. Epist. 30. lib. 7. famil.

Post reditum Cæsaris ex Hispania Cicero apud eum dixit pro Armenia & Gallo Græciæ Rege Dejotaro, quem Cæsar Pompei partes secutum; post devictum in Asia Pharnacem, parte tetarchiæ multaverat; sed rursus supplicii spem fecerat restitutionis: At Castor nepos ex Dejotari Regis filia, suo illud damno futurum ratus, Medicum Regis servum præmiis adduxit, ut Dejotarum de intentata Cæsari nece Romæ accusaret. A quo illum scelere, luculenta Oratione vendicavit Cicero; quâ neque venenum exhibuisse, cum posset, neque arma post Pompei cladem adversus Cæsarem, sat comparata ad tantum facinus, habuisse, neque denique adversarii, & quidem nequam hominis servi, accusationem veritate niti, contendit.

38. Cæsar suorum toto orbe hostium triumphator, tantus bello princeps visus est, quantus vix quisquam alius, nisi causa belli turpis, tot tamque illustres corrupisset victorias, & ambitio bellantis res in sago togaque cum laude administratas, foedo exitu terminasset. Voluit revertens Cæsar P. Cornelium Dolabellam sibi in consulatione subrogare, honesto, utilique consilio, nisi M. Antonio sibi turpi adulatione resistenti fuisset obsecutus, qui capiti Cæsaris Lupercalium, ex sella aurea, lusus in Rostris spectantis (ipse inter Lupercos velatus Antonius) diadema imposuit, quod hic cum plausu spectantis populi ad Capitolinum Jovem, tanquam summum Romanorum Regem transmisit. Honores tamen illi divini fuerunt decreti, postquam diebus quatuor, de totidem orbis partibus triumphasset, & in templo Quirini imago ejus constituta est, cum subscriptione, *Dei invicti*. Unumque ipsi cum Clementia templum dedicatum est, in quo utriusque simulacra dexterarum jungerent. Patriæ Pater, Sacrosanctus, Liberator orbis, & Dictator perpetuus creatus est, Imperatorisque concessum nomen etiam ad posteros derivandum, & ne memoria illius annorum lapsu intercideret, mensis Quintilis nomen ab ipso Julio sumpsit. Cui adulationi cum denique nimium faveret, atque ad se venientibus Patribus nullam assurgens honorem rependeret, Tarquinio huic novo Bru-

tum novum non pauci deposcebant , atque ad M. Brutum
 tanquam illo ortum patriæ liberatoris genere, haud obscurè
 consilia hortationesque vertebant. Hic igitur, Cassio,
 Marcello aliisque fretus sociis, Cæsarem jam Regiæ minus
 dissimulanter coronæ avidum, ad curiam, eâ spe ductum,
 interfecit, qui juxta statuam Pompeii suo etiam cruore irrigatam
 concidit, utque Brutum inter suos percussores conspexit: *Et tu fili mi, Brute?* inquit, simulque obvolutum toga
 caput dimisit. An Urb. cond. 709. Cicero quamvis hanc
 cædem probaverit, & M. Brutus, quo familiarissimè semper
 usus est, cruento pugione elato Ciceronis nomen inclamaverit,
 libertatem illi restitutam gratulatus, tamen ejus conficius
 facinoris non creditur fuisse. Populus, ad tumultum
 inclinatus, autoritate Senatorum sese continuit, quòd urbem
 à tyrannide assertam dicerent, ipse Brutus apud Lepidum,
 Cassius apud Antonium coenavit, quos ambitio propria de
 amici Cæsaris interitu facilè solabatur. Itaque non obscurè
 Antonius primum in republ. locum prensabat, quem cum cæteri
 adirent Consulares, atque ad rempubl. tuendam hortarentur,
 Cicero id officii negligens offendit. Ad concordiam tamen unà
 cum Antonio cives enixè est cohortatus. Ubi verò in funere, Cæsar,
 ita laniato cadavere propositus, atque ab Antonio laudatus
 esset, veste etiam cruenta ad triste spectaculum explicata,
 sæpius ingeminante, talem tantumque virum clarissimum
 urbis Rom. civem, interfectum, testamentoque lecto,
 præter hæredem Octavium ex sorore nepotem, ipse Brutus
 bonorum particeps designaretur, plebs, miserationis atque
 indignationis plena, faces pro rogo comparatas, in ædes
 M. Bruti aliorumque vertit, ut idcirco ipse sese Brutus
 & Cassius ex urbe Lanuvium transtulerint. Cicero etiam
 ruri vivere, quam in seditiosa urbe maluit, ut solitis
 animum studiis laxaret, atque à turbata Reipubl. tranquillitate,
 velut æstuante oceano, in portum sese aliquem reciperet.
 Elaboravit igitur *Academicarum questionum libros*,
 in quibus de vetere ac nova Academia, variis Philosophorum
 opinionibus differit. *Libris quoque de finibus* summum
 hujus vitæ bonum ac beatitudinem inquit, *Tusculanis
 Questionibus* de mortis dolorisque contemptu, animique
 perturbationibus componendis,

tanquam rebus ad beatè vivendum necessariis, virtutis denique unius felicitate præclara nobis documenta reliquit: Quin postremò etiam de rerum futurarum *divinatione* in utramque partem duobus libris multa commemorat. De *senectute* minimè hominì mala aut formidanda, librum *Catonem Majorem* inscripsit, uti & alterum de *sincera amicitia* maximè expetenda *Laelium*.

39. Cum tam utilem posteritati sapientiæ messeri sua ex rusticatione Cicero colligeret, Octavius Nepos Cæsaris, Apolloniâ, ubi in studiis versatus erat, revertens, rursum à Cicerone perquam amicè & honorificè, contraque ab Antonio Romæ, asperè superbèque exceptus est: Conatus tamen hunc sibi, ut posset, demereri, invidiosam Cæsaris hæreditatem adiit, cumque deinde ejusdem nomen assumeret, ac C. Julius Cæsar Octavianus diceretur eoque Cæsaris sibi militem fautoresque conciliaret, M. Antonii ac P. Corn. Dolabellæ Cons. (quem sibi Cæsar subrogatum voluerat) in apertum furor erupit; nam sestertium septies milies, depositum C. Cæsaris ad ædem Opis, ab illis est occupatum. Interea Cicero cum Aul. Hirtio sequentis anni Consule de *Fato* sermonem instituit. Scripsit etiam nobilissimos de *Officiis* libros, ubi de virtutum præcipuis & triplici bonorum genere utili atque honesto sapientissimè disputat, & Marcum filium in Philosophiæ studiis versantem instruit. Cum verò jus legationis liberæ haberet, iter in Græciam instituit, ac *Topica* ad Trebatium, in navigationis otio, congeffit. Sed ex Sicilia ad Leocopetram rejectus, mutato repente consilio, Romam, quò iter Hirtio Consule redire non decreverat; iccirco iter vertit, quod illustres quidam nuntiarent, Antonium cedere, resque ad pacem Romæ spectare, ac magnopere illic Ciceronem desiderari. Ergo consilio profectionis relicto, cum velis remisque in patriam festinatò contendisset, magna populi occurrentis gratulatione dies penè consumptus est. Postridie Kalend. Septemb. Senatum Antonius de supplicationibus Cæsari decernendis instituit, misitque qui Ciceronem advocarent in Curiam. Is cum vel insidiarum metu, vel causæ displicentia subterfugeret, languidi ex via corporis excusatione usus est; sed Antonius acerbiori denuntiatione significat, ni veniat, fabros se missurum, qui

qui distributa domo, vel invitum Dominum exigant, vimque expertus omnino esset milite jam atque igne admoto, nisi amicorum intercessione, is dies ad quietem Ciceroni indultus esset.

40. Altera die in Senatu adfuit, atque, in magna reliquorum servitute, liberius quam pericula minæque postulabant, dixit, Oratione illa, quam *Philippicam primam* inscripsit, quod Demosthenem; adversus Philippum Macedonem, Reipubl. Atheniensis libertatem propugnantem imitatus sit. In hac primum quidem abitus reditusque sui causas exposuit. Deinde de Antonii injuria Cæsarisque actis disputat, ad extremum Antonium & Dolabellam Consules ad Rempubl. moderatè administrandam cohortatur. Antonius hac Ciceronis libertate in tantam exarsit indignationem, ut palam illi denuntiaret inimicitias, ac instructore Rhetorè, ut paratus compareret in publico, contra Ciceronem in Tiburtina Scipionis villa declamitaret, denique 13. Kalend. quadrato agmine ædem Concordiæ ingressus, discordiarum & furoris plenam orationem evomere magis bonis omnibus, quam dicere visus sit. Quo die advocatus in Senatum Cicero, per amicos accedere prohibitus est, quod Antonius ab illò cædis initium facturus putaretur. *Philippica* itaque *secunda*, quam divitiarum Juvenalis appellat, non coram Antonio in Senatu dicta est, ut quibusdam placuit, sed tantum scripto adversus impurissimum hominem relicta. In hac primum sese objectis per Antonium criminibus purgavit, deinde sceleratam hominis vitam ab ipsa pueritia exosus aptis coloribus expressit. Interea Octavianus 18. annorum adolescens, cui una cum opibus Cæsaris animus indolesque ad res magnas idonea relicta videbatur, collectis ex veteranis à Calatia & Casilino militibus sensum metuendus, exivit urbe Antonium, qui alios ære ac promissis, alios ferro minisque obsequium sibi comparabat. Sed ut nunquam metus diuturni obsequii est custos, ita Martia & Quarta Legione ad Octavianum transeunte, ad citeriorem Galliam Provinciam sibi à populo concessam festinavit, quo cum venisset D. Brutum illi præfectum Provinciæ obtinentem habuit, qui edixit sese Provinciam in Senatus populi que Romani potestate retenturum, De quo edicto, cum ad Se-

natum referrent Tribpl. ante diem 13. Kalend. Jan. Cicero illam pronuntiat sententiam, quam *Philippica tertia* complexus est, primumque censuit designatis in annum seq. Coss. Hirtio & Panfæ decernendum esse præsidium, deinde quæ Octavius Cæsar egisset, publicâ autoritate confirmanda, militesque, qui ab Antonio ad Cæsarem defecissent, præmiis donandos, postremo D. Bruto cæterisque retinendas suas esse Provincias, dum ex Senatus Conf. successores decernantur. Nec dubitavit Senatus in hanc sententiam S.C. facere. Quare progressus in populi Concionem Cicero exposuit, quid visum Patribus decretumque fuisset, quod *Philippica quarta* continetur.

Anno denique Urbis Cond. 710. Ciceronis 64. & ultimo, C. Vibio Panfa, & Aul. Hirtio Coss. M. Antonius Mutinæ D. Brutum arcta obsidione præmebat. Ad quem cum plerique Senatorum Legatos pro concilianda dissensione mittendos censerent, obnixus in Senatu Cicero *Philippica quinta*, Antonium tanquam Reipubl. hostem bello petendum statuit, decernendosque honores illis, qui Rempubl. adversus Antonium tueantur. Obtinuissetque locum hæc sententia, nisi Salvii Tribpl. intercessione, Legatio denique mandata esset, Ciceronis tamen consilio accedente, ut cuius unius eloquentiæ tum Romæ omnia parebant. Itaque Senatus Conf. decreta hæc legatio est Ser. Sulpitio, L. Pisoni, & L. Philippo, quam rem Cicero in Concione *Philippica 6.* complectitur. Interea cum multa Antonii familiares responsa tanquam ab ipso profecta confingerent; Cicero, ne in gratiam reciperetur formidans, *Philippicam 7.* in Senatu habuit, quâ pacem cum Antonio tribus de causis improbat, primum quod turpis ea sit Romanis, deinde quod periculosa, denique certa ac diuturna esse non possit.

Porro cum Legati intoleranda quædam Antonii postulata ad Senatum inferrent: hic bellum adhuc indicere veritus, decrevit tumultum, quod Cicero *Philippica octava* reprehendit, graviter in Q. Fufium Calenum: Antonii studiosum, invehit. *Nona Philippica* Cicero Ser. Servilium in legatione ista vitâ functum, statuâ pedestri æneâ pro rostris collocandâ, ornandum suasit. Inter hæc M. Brutus Cæsaris percussor, adjuncta sibi Athenis nobili-

nobilium adolescentum ex Romanis manu, in quibus facile princeps Marcus filius Ciceronis, arma sumsit: & is quidem in Macedonia, excluso C. Antonio Marci Antonii fratre, à Q. Hortensio, provincia hac decedente, accepit militem, cui L. Pisonis legio accessit, quæ se M. Ciceroni tradidit, & Syriacus exercitus, qui à Cinna ad Cn. Domitium adolescentem transiit. Quo cognitio P. Vatinius Dyrrachium Bruto aperuit, exercitumque concessit, & fugatus C. Antonius se Apolloniam recepit. Qua de re, cum Brutus dedisset Romam literas, C. Pansa Consul, Senatu coacto, Brutum sua oratione laudavit: quem cum Q. Fufius, rogatus sententiam, oppugnasset, Cicero adversus Fufium *Philippicam decimam* intorsit. Cum M. denique Cicerone C. Antonius ad Billidem commisso prælio victus, captus, que in Bruti potestatem venit, qui cum illum honorificè, relictis etiam Magistratus insignibus, haberet, non unis literis Cicero hanc ejus indulgentiam accusavit. Dum hæc aguntur: P. Dolabella Smyrnæ C. Trebonium quæstione de publicis pecuniis institutâ verberibus tormentisque interfecit, quam ob causam cum Reip. hostis à Senatu declaratus esset, ac de mittendo adversus eum belli imperatore disceptaretur; aliis L. Cæsarem, aliis P. Servilium designantibus: Cicero sententiam suam *Philippica undecima* declaravit, in qua, post expositum Trebonii casum, exaggeratamque Dolabellæ & Antonii crudelitatem, C. Cassium præficiendum statuit. Qua in re C. Pansam obaitentem offendit.

Decrevit hoc tempore Senatus, ut Ciceronis Minerva urbis custos, quæ anno superiori vi turbinis impacti præceps, capite brachiisque mutila, infauſto Ciceroni omine, jacuit, rursus erigeretur: Pacis verò consilium à nonnullis susceptum Senatum induxit, ut M. Ciceronem, & P. Servilium legationi ad Antonium præficerent. Sed obnixus Cicero *Philippica 12.* est, seque ad hanc legationem minus idoneum demonstravit. Quanquam Pansa jam & Hirtio ad bellum contra Antonium præfectis, M. Æmilius Lepidus ex transalpina Gallia hortatoriis rursus ad pacem literis Romanos parum alienos sollicitaret, ut iccirco *Philippica 13.* Cicero eam gravissimè sit deſtatus, rationibusque adversariorum confutatis & An-

tonii literis ad Hirtium & Octavianum productis ostenderit, pacem esse cum hoc homine Romanis nullam posse. Quod idem literis ad Lepidum (ut est lib. 10. Epist. 27. fam. mil.) missis egit. Verum cum res Mutinæ adversus D. Brutum & Coss. desperatæ viderentur, pluresq; Romæ turpem fugam, aut mortem cogitarent, præsertim ubi Ventidius ab Antonio ad urbem properare nunciaretur, de summa rerum brevi ita dimicatum est, ut Pansa castris Hirtii & Octaviani se adjuncturus in via cæsus sit; hi tamen atrocissimo conflictu castris occupatis, Antonium Mutina dejecerint. Victoria ipsis victoribus cruenta; quod Hirtio cadente, uterq; Coss. occubuerit; imperio penes D. Brutum & Octavianum relicto. Romanis metu dejectis tam insperatam effusamque hic nuntius læticiam attulit (quem supra fidem naturamque intra horas tres in urbe adfuisse memorant) ut ad Ciceronem urbs tota conflueret, miro applausu extolleret, supplicabunda in Capitolium deduceret, atque hinc ad rostra ipsum audiendi cupida impelleret. Ubi is *Philippicam* habuit *decimam quartam*, in qua supplicationem dierum 50. trium imperatorum Pansæ, Hirtii, & Cæsaris, ob Antonium hostem superatum, decernit, atque ad extremum eos qui in prælio ceciderant, dignis laudibus ornat, eorumque propinquos solatur.

41. Male Octavianum habuit, quod suo unius imperio bellum administrare non posset, quâ ambitione turgidus adolescens ante 20. ætatis annum consulatum postulat, Cicerone, ut ferunt, in societatem adducto, quem se domi ad urbis custodiam sui studiosum relicturum sperabat, quæ res, quod successu careret, atque haud multo post Antonius cum equitatu ad M. Æmil. Lepidum profugus, in fidem receptus esset, inclinationem fortunæ suæ Octavianus veritus, literis cum Antonio Lepidoque communicare, pacemque ac fœderis triumviralis societatem inire cœpit. Utque ad hæc promptum militem inflecteret, jurejurando sancire omnes voluit, cum nullo exercitu, qui C. Cæsaris fuisset, bellum se gesturos. Quo impetrato, quadringentos sub Cornelio Centurione milites Romam ad consulatum pro Cæsare petendum misit. At Senatu ad juvenis arrogantiam nihil inflexo, Cornelius legationis Princeps, percussio gladii capulo;

nisi vos, inquit, *Cæsarem feceritis Consulem, hic factus est.* Nec diu cunctatus Octavianus, Antonio Lepidoque in Italiam accersito, Romam armatus petit, quæ variis consiliis fluctuans, aliis arma, aliis fugam spectantibus, venienti patuit; cumque obviam se ferret Cicero, ultimum hunc amicorum sibi occurrere Octavianus dixit, admisitque in gratiam. Creatus in sextili Consul (quem mensē *Augustum* postea dici voluit) cum Q. Pedio annos nondum viginti natus adolescens. Comitibus curiatis in Cæsaris familiam insertus, lege Pedia, collega ferente, decrevit: ut omnibus Cæsaris intersectoribus aqua & igne interdictum esset, qua re & Brutis hostilitatem denuntiavit; & Ciceroni necis fautori visus est obnuntiare amicitiam.

Animadvertit igitur suum Cicero errorem, quod ambitioso inconstantiq; nimium tribuisset adolescenti. Lenire illum singularibus nequicquam prærogativis Senatus conabatur, decernens honorem, quo cæteris imposterum Coss. anteiret potior, scriberet, quem vellet, militem, contra Antonium Imperator esset. Sed is triumviratu cum Antonio & Lepido instituto, ac translato in Ventidium consulatu, Remp. Romanam cum his ita partitus est; ut Italia & Occidente sibi retento, Græcia & Oriens Antonio cederet, Africa cum Hispania Lepido obveniret, & ne Sextum Pompejum ingenti classe fretum, haberent adversarium, Sicilia illi relicta est, ita brevi hostes Julii Cæsaris oppressi sunt, D. Bruto caput à Camillo hospite Equilejæ resectum, M. Brutus & Cassius rebus bello desperatis, manus sibi met violentas admoverunt, ex urbe verò centum & triginta Senatores proscripti sunt, in quibus ea lege census est Cicero, ut cum hunc amicissimum sibi virum Octavianus Antonio concederet, L. Cæsar Antonii avunculus, & L. Paulus Lepidi frater vicissim inter damnatos censerentur. Cum adeò turpi confœderatione fidei legum, amicitix sanguinisque jura prodita essent, fugæ, cædes, mutuaque in urbe incendia coorta sunt, quod ingentia percussoribus essent præmia constituta. Hoc nuntio percussus Cicero, cum Quinto fratre in repentinam se fugam conjicit, sed quod ad M. Brutum in Macedoniam fugiendum esse statuissent, & Quintus

rerum omnium, pro tanto itinere, nudus urbe cessisset, dum pro sarcina aliqua colligenda revertitur, à propriis servis spe mercedis detectus, unà cum filio periit, orta, ut ferunt inter natum patremque, concertatione, uter prior mortem oppeteret. Cicero verò servorum suorum custodiæ sat fidæ creditus, atque à Tusculano, ubi à fratre divulsus fuerat, ad Formianum lætica delatus Cajeta solvit; sed adversa tempestate rejectus, infau-
stisque corvorum clangoribus petitus, cum in villam se recepisset, corvus indicem horologii excussit, ultimam ipsi vitæ horam denuntiare visus. Nec mora, nuntius adest, qui milites adventare significat, cumque servi Dominum rursus ad mare auferrent, superveniunt, atque in his cum Herennio centurione C. Popillius Lænas, quem parricidii quondam reum Cicero defenderat: qui ad hoc ministerium ultro se obtulisse fertur, ac præfectum de cervicibus sui defensoris caput dextramque Antonio præbuisse, ut non uno tantum facinus crimine exaggeraret. Præmium sceleris, Tribunatus militaris homicidæ delatus; & decies HS. fuere. Viso capite in comitiis, quæ tum fortè habebat Antonius, exundantem ab expleta vindictæ cupiditate lætitiâ non continens, exclamavit: Proscriptionem jam omnem peractam esse. Caput verò ipsum, postquam probris convitiisque ad sanitatem conscidisset, Fulvia etiam uxor, fœmininea impotentia & rabie, verbis atrocibus laniasset, fœdasset sputo, linguamque eductam acubus confodisset, in rostris una cum dextera, tyranni jussu, eo loci affixum est, ubi admirabili eloquentiâ pro reorum defensione & flagitiosorum hominum detestatione, cum summâ Antonii ignominia, sæpius peroraverat. Triste bonis omnibus spectaculum, in quo manifestum tyrannidis & oppressæ cum Cicerone Reipubl. exemplum intuerentur. Verum, ut posteritas omnis Antonii in Ciceronem exercitam crudelitatem, ita Ciceronis in Antonium exertam eloquentiæ vim admirabitur, & quod suæ Antonius gloriæ, Tullianæ verò ignominia esse voluit; hoc æternum Tullianæ gloriæ, atque ignominia Antonianæ futurum est monumentum.

Verè atque eleganter Cornelius Severus:

*Abstulit una dies ævi decus, istaque luctu
Conticuit Latia tristis facundia lingua.
Vnica sollicitis quondam tutela, salusque.
Egregium semper patria cupit: ille Senatus
Vindex, ille fori, legum, ritusque, togaque,
Publica vox sævis aeternum obmutuit armis.
Informes vultus sparsamque cruore nefando
Canitiem, sacrasque manus, operumque ministras
Tantum, pedibus civis projecta superbis
Proculcavit orans: nec lubrica fata, Deosque
Respexit: nullo luet hoc Antonius ævo.*

A P P E N D I X.

HÆc de vita Ciceronis præmittere visum est, ut sine qua vix earum, quæ in illo tractantur, rerum argumenta penetrari queant. Cæterum perbreve traditionem historiæ, quæ in Tullianam ætatem incidit, ipsiusque scripta illustrat, ex Vellejo Paterculo, in Palæstra styli libro ult. subjeci. Singularum verò Orationum cum argumentum, tum artificium constructionemque, in principium libri tertii retuli. Quæ mutua sese ope fulcient, & vim facundiamque Ciceronis aperient: ut & facilius à Lectore intelligi, & ab imitatore, si non paribus, certè propinquis lineamentis exprimi possit.

Aphthonius ex Græcis Sophista vetus, hoc est ex illa Rhetorum palæstra, quæ habilem in utramque partem differendi facultatem se tradere profitebatur, progymnasmatum genera, legesque certas scripto consignavit, cum quibus optimè nostræ illæ de inveniendi ratione præceptiones conveniunt. Aliud enim omnino non agit, quam ut unum aliquod, seu ex propriis, seu ex locis communibus repertum argumentum ex locis diducat cæteris, illo tantum præcipiendi discrimine, quod non ubique omnes, sed certas argumentorum sedes adeat. Quæ tamen res ingenio iudicioque Oratoris magis, quam præscriptis legibus potest definiri. paucis igitur præceptiones ipsius complectimur, ut si quem ex his fructum adferat, decerpi à studioso lectore possit,

Maximum deinde Tyrium in suis adhibere dissertationibus placuit, ut quæ longè majori eloquentiæ laude, quam illæ Aphthonianæ exaratae sunt, propiusque lineamenta ac genium Oratoris exprimant.

CAPUT VI.

Instructio pro schola Humanitatis Magistris discipulisq, perutilis de exercitiorum ad eloquentiam varietate & progymnasmatibus recte instituendis.

Nunc denique ad diversa exercitationum genera propius accedendum est, partimque inveniendis, ad probandum argumentis, partim eleganti sermone exponendis, navanda est opera. Qua in re, quid de exemplis optimorum scriptorum ac Ciceronis imprimis imitaturus praefigendis sentiam, jam nemo, qui me quidem in superioribus audierit, poterit ignorare. Quid porro Eloquentiæ studioso faciendum, jam nunc intelliget. Ordiam verò ab illis, quæ scholæ Humanitatis propria, tam earum litterarum Magistris, quàm Discipulis erunt observanda; ne vel nimio, quod multi sectantur compendio; vel inutili ducti circuitu, ab eloquentiæ comprehensione procul arceantur. Ipsi hæc etiam artis Professoribus, nisi indiligentes fuerint illarum, quas praescribam, legum sectatores, ad copiam facultatemque augendam profutura sunt, docendoque aliquid sese didicisse deprehendunt,

I.

Progymnasmata rudiorum.

Principio faciliores Orationis partes, ut sunt diversarum rerum, modò fabularum, modò historiarum narrationes, vernacula ipsis lingua adolescentibus propositas Latio sermone vertendas Magister dabit, cum præcipua horum cura ad stylum etiamnum impendenda sit, remoto, quod retardare solet, inventionis studio. Quo exercitio cum per duas tresve hebdomadas ad illos distinuerit; tum Apolo-

gum

gum ipse, vel historiam solo perceptam auditu, non exceptam calamo, jubebit stylo decenti exarare, denique extemporali quandoque exercitio promerere. Sex ejusmodi laboribus hebdomades dederim, ita ut quandoque hic labor misceatur, & nunc proprio natent cortice, nunc ductu alieno; à facilioribus tamen ad difficiliora narrationum exempla sit transitus.

Tantundem postea temporis descriptionibus rerum, eadem lege viaque dederim, ut nunc vernacula has lingua Præceptor dictet, idque principio maximè; nunc viva expositas voce, jubeat scribendo reddere. Sunt autem in descriptionibus illæ plerumque faciliores, ideoque primum adhibendæ, quæ vel naturalium sunt rerum, ut e. g. hominis, aut equi: vel artificialium, ut domus, castrorum, pugnæ, loci amœni, horridi carceris: difficiliores verò quæ morès affectusque viventium, e. g. equi exultantis, aut hominis irati depingunt, ab illis igitur ad has transeundum est.

Denique semestris parte reliqua, in locis communibus, vel thesibus generalibus versari poterit, in quibus & in vernacula rursum lingua præeundum, & à magis obviis ducendum erit principium. Loci communes hic dicuntur, qui ad augendum amplificandumque argumentum plerumque adhibentur, thesès quæ universè ad explicandum probandumque, talesque ob generalem sunt materiam, quæ pluribus queant rebus adhiberi. Ut de prospera adversaque fortuna æquo animo ferenda, de vitâ rectè instituenda, vitiis devitandis, liberalibus artibus ingenuo adolescenti addiscendis. Sic quæ adversus furem, latronem, pro Philosopho, Religioso, pro, & contra testes, quæstiones, rumores dicuntur, locis accensentur communibus, si tractentur prout bona quædam, vel mala ejus insunt; thesibus verò annumerantur, si ad suadendum vel dissuadendum adhibeantur, quod discrimen ad tractandi rationem non magnopere facit, ideoq; hic etiam conjungimus.

II.

Progymnasmata proficientium.

Altero semestri, si adhuc rudiores fuerint, mense uno alterove iisdem immorari exercitationibus poterunt. Deinde ve-

de verò, postquam aliquam de locis inventionum propriis, & communibus instructionem acceperint, doceantur in generali quapiam materia (de qua jam egimus) quemcunque locum proprium per reliquos communes inventionum locos, ex fontibus à me propositis, exornare simul atque amplificare, quam exercitationem pleriq; Chriæ nomine complectuntur, quæ vel factum aliquod, vel dictum sapientis, vel utrûmque etiam comprehendit, primam verbalem, alteram activam, tertiam appellant mixtam. Activæ exemplum est, quod Æschylus Poëta bene potus carmina scripserit: Verbalis, quod ait Virgilius in distichis:

Arcanum demens detegit ebrietas.

Mixtæ, quod miles Pyrrhi Epirotarum Regis accusatus de calumniosis inter pocula apud Regem verbis, ait, *longè deteriora eramus dicturi, nisi nos lagena defecisset.* Sed horum exemplorum locus proprius est tantum ex fonte secundo de effectis, nam feliciter carmina fundere, arcana detegere, calumniari omnes, sunt effectus diversi ebrietatis. Suadendum igitur, ut si his Chriis diutius immorentur adolescentes, exempla sumantur, vel factorum, vel dictorum, ex diversis locis propriis manantium, ut e. g. ex fonte primo, quod Tiberius Nero, ob ebrietatis vitium, Biberius Mero probrosè si appellatus, aut quod vinum ebrio venenum sit, quorum illud ex etymo, hoc etiam ex natura sumptum, ex fonte tertio, quod de ebrio Propheta ait, *repletus est ignominia, pro gloria.* Hab. 2. ex fonte 4. causarum, quod Democritus, seu Anacharsis dixit, tres in vite uvas nasci, *voluptatis, ebrietatis, & injuria, seu insania,* ex fonte 5. adjunctorum illud Nasonis est.

Nox, & amor, vinumque nihil moderabile suadent,

Eruntque de his locis propriis discipuli admonendi, ita enim intelligent quò hæc exornatio per locos communes inventionum, hoc est, contrarium, exempla, similia, testimonia legesve spectent, & sibi in quolibet loco argumentorum proprio hanc tractandi facultatem offerri. Ex quibus facile intelliges, quemadmodum hos locos communes inventionum, ab illis locis communibus materiæ, de quibus antè differui, separem, cum illi singulari materiæ, hi propriis argumentorum locis opponantur. e. g. Si generalem vini vel ebrietatis naturam, causas, affectusque, descripsero, ut
bona,

bona, malaque quæ in se continet atque operatur, locus erit communis materiæ, quæ in pluribus mihi singularibus, ut vino Hispanico, Mosellano, adusto, vel in rustico, aut nobili ebrio servire poterit. Si verò à contrariis, exemplis, & comparisonibus eadem; seu generatim, seu particulatim dicta illustravero, locis illud faciam communibus inventionis.

Hoc exercitio, cum per menses IV, vernaculâ primum linguâ, deinde maximè latina, argumento locisque inventionum compendio traditis, discipulos Magister distinuerit, mox ad præcipuas illius Chriæ partes artificiosè tractandas ducet, in quibus contrariorum, ac deinde comparisonum vis, ingeniumque, tanquam præcipuum Orationis universæ decus, inprimis observandum excolendumque est. Quæ exercitatio quantum ad eloquentiæ perfectionem, expeditamque illius apprehensionem faciat, paucorum hactenus, vel observatione notatum; vel sat idoneis progymnasmatum exemplis demonstratum est; ut plusculum mihi hac re industriæ ponendum esse duxerim. Ordine igitur dictas exercitationes aggrediar, postquam ante de ipsa scribendi forma, studioque ad elocutionem impendendo pauca monuero; tum deinde videro, quid ad hæc progymnasmata Aphthonius, vetus inter Græcos Sophista, vel emolumentum, vel compendii adferat.

CAPUT VII.

Quanam observanda sint, ut cultum expolitumque dicendi genus, in usu harum exercitationum, quivis facile assequatur.

Adolescenti ad cultioris Styli usum, atque aliquam eloquendi facultatem aspiranti, quæ famam occupet, trivioque submota, illam veteris eloquentiæ nobilitatem confectetur; ante omnia, primum illud fastidiosi laboris tædium digerendum est, quod in solerti investigatione optimorum verborum sententiarumque est positum, de quibus part. I. libro 2. per aliquot capita disseruimus. Amat hæc elegantia curam, nec à desidiofo facile animo possidetur.

I.

Studiosa investigatione primò stylus formandus est.

Videndum principio, non quàm multum, sed quàm bene. Respuendum quidquid usu vulgati sermonis protritum, statim ex memoria in calamum affluit; & licet Ciceroni notis usitatum, si tamen pervulgatum, transi, atq; aliam quercum exerce. Huc inde ad eloquentiam semper emolumentum adferes, ut quantumvis nihil repereris melius, aliquid tibi minus obvium reperturus sis, quod hac investigatione usuque tibi reddas familiare. Nunquam non studiosis eloquentiæ investigandum est. Proderit semper mora, vel ad elegantiam, vel ad copiam, vel certè ad facilitatem. Scribere, aut loqui, quæcunque in calamum, & labra cadunt, non est proficientium; sed jam parta fruendum eruditione, quibus fatis est ille pedem figere, quò pervenerunt. Vidi ego adolescentem ingenio felicem, stylo promptum, scribendoque profusum, qui anno primo, primum inter Rhetores locum assecutus, alterum tertiumque annum (ut ætate, & statura parvus erat) iisdem scholæ vestigiis inhæsit, sed non magno ad profectum emolumento, quod de prolixa magis, quam ornata oratione sollicitus, in magnitudine collocaret victoriam. Solitus ea profundere, quæ jam pleraque mente comprehenderat, dum interea aliorum cura nondum acquisita sese extenderet, quò factum, ut primò anno victor, vinceretur altero, palmamque literariam meliori se concederet, quem non quidem major, sed dispar labor, cò provexerat. Tanti refert, hunc scribendi usum, qui jam cognita respuit, ignotisque incumbit, adolescentes in ipse eloquentiæ aditu studiosè consecrari. Robustioris jam eruditionis virorum est partis acquiescere, atque ex cultæ scriptionis facilitate, honestæ voluptatis sensu perfundi. Juvenibus prius industriæ laborandum, quàm hic fructus jucunditatis decerpendus est.

II.

Nil supra vires principio tentandum.

Verùm tamen cavendum, ne dum hanc vitas neglectæ orationis profusionem, impingas ad alteram fastidiosæ nimium

Utm diligentiae scopulum, cui nihil ad palatum facit, universa respuit, & tanquam meliora semper, vel animus possideret, vel libri suggererent, laborantis frustra memoriae industriaeque conatum elidit, ac desperatione nonnunquam opprimit. Meriamur vires, ac sufficiat denique quod illis commensum est. *Qui nunquam malè, nunquam bene.* Et crastino suus etiam diei profectus relinquendus est. Romanum unus annus imperium non constituit, quæ magna sunt, à parvis succrescunt initiis, tantò plerumque diuturniora, quantò provenerunt tardius.

Julius Secundus, ut Quintilianus æqualis ejus memorat, aliquando è Gymnasio revisebat domum, eo vultu, qui defecti prorsus animi significationem præ se ferret, erat illi patruus Julius Florus ejus facile ætatis eloquentissimus, qui ut pueri mœrorem ex oculis collegit; *ecquid tandem est, mi Iuli*, inquit, *quod te cruciat? quidni crucier*, excipit, *qui in diem jam tertium, consumptis frustra laboribus, unum scribendi argumentum stylo prosequor, non assequor.* Tum senex vultu subridente, *antu igitur contendis, ut, quàm potes, dicas elegantius?* Quo dicto, incredibile est, quantum animum adolescentis erexerit, jam propemodum desperatione prostratum. Viator, qui aliquando offenderit, defatigatoque suam corpori quietem indulgere cogitur, non iccirco de itinere absolvendo desperat. Laborem antea desertum repetit, & lapsus, si quis erat, surgendo instaurat, donec optato fine ac loco potiatur. Non statim, ut eloquentiæ stadium ingressus fueris, te in meta jam stare autumes, currendum ante sudandumque, nulli gratis bravium defertur. Crescet una annis atque exercitatione, & ingenium, & facilitas, alia melius, alia etiam celerius scripturus es, non simul obvenient omnia.

III.

Materies, priusquam scribas, aptè distribuenda.

Quorundam tamen vitio hæc scribendi sterilitas nascitur, qui cœco quodam impetu calamum rapiunt; animumque ad scriptionem applicant, priusquam orationis argumentum suo fine partibusque expenderint, qui mihi velle navigare videntur, priusquam ubi remus, ubi vela, ubi com-
meatus sint, dispexerint; nec quo portu, aut littore consisten-
dum

dum sit, cogitaverint. Primum igitur est materiam scribendi suum ad finem comparare; ut quid docendum probandumvè sit, intelligat, animoque, velut oculo in hunc scopum defixo, semper contempletur, ne quid extra hanc metam cadat, alterum ut expendat, quibus illud rationibus queat obtineri, quibus singulæ rationes ornamentis illustrari, & si quando opus, amplificationibus extolli possint. Plerosque enim adolescentum ipsa moratur inconsultæ scriptiõis temeritas, qui cum illam, tanquam crudos, incoctosque etiamnum cibos aggrediuntur, neque digerere scribendi argumentum possunt, neque concoquere, aut in succum sanguinemque solidæ eloquentiæ transmittere. Impensa igitur huic cogitationi mora, omni festinatione est melior, nec dispendium laboris, sed compendium est.

IV.

*Quemadmodum indulgendum plus minusve
scriptiõni sit.*

Erit verò etiam, cum faventibus impulsa ventis phaselus secundo impetu feretur; quando plenis captandam velis auram suaserim, atque ingenio, quantum valet, indulgendum, non enim semper idem Favonius adspirabit. Duo tamen & in pleno hoc Orationis cursu erunt providenda: alterum ne ob leviculas quasdam hærentis styli difficultates, oratio velut in scopulos impacta hæreat, cum quandoque verbum sententiaque idonea cogitanti non subvenit, totumque animi conatum absordet, atque à felici cursu suspendit, quæ si in aliud magis vacuum rejecta tempus, tranquillum scriptiõis lapsus non interpellasset, optatum sese in portum intulisset oratio; Negligenda igitur huiusmodi offensio, & hiatus potius aliquis tolerandus, quam neglecto profluentis dictiõis cursu, infractoque impetu, hærendum. Post cætera felici exitu absoluta, vacabit magis, per otium soluti à gravioribus curis animi, neglecta instaurare, opportunisque sententiis instruere. Alterum est, ut ne præcipiti temet æstu patiaris abripi, qui consulta juxta atq; inconsulta temere misceat, eo consilio, ut postea ad limam correctionemque revocentur. Difficilis enim res est, multa inconcinne; aut numeris, aut verbis hærentia, justum deinde in ordinem cogere, verbis fulcire idoneis, sententiis exor-

nare,

nare, ut ut demùm versaveris omnia, sãpẽ rebus pondus, cultus orationi defuturus est. ~ Mõnstrosum dictionis partum, haud facillẽ lambendo fingendoque ita formaveris, ut grato venustatis cultu placere possit. Quocirca principio crudum nihil indigestumque profundas; hoc enim non est parere, sed abortire. Non ita copię facilitatque scribendi favendum est, ut mox teipsum tuumque laborem averseris, atque ædifices brevi destruenda. Tam laborem, quàm otium in studioso eloquentiæ damnamus, si utrumque inutile fuerit.

V.

Quid in Doctõrum imitatione potissimùm hoc tempore spectandum sit.

Semper autem magnus aliquis dicendi Magister; aut suis tibi in scriptis est proponendus, aut certè si exemplum illius aliquod in pari materia defuerit, cogitatione, in eodem tecum studio, ita est desigendus, ut identidem animo volvas; fueritne hoc pacto dicturus Cicero, Salustiusve, Quintilianus, aut Demosthenes? quonam hæc illi verborum delectu, sententiarumque pondere, quo figurarum cultu, qua dicendi copiã instructuri? Juvat hæc meditatio, quæ tantorum nos virorum persona induit, nec imparia jam conceptæ de illis opinioni jubet mœlliri. Et ad tropos quidem figurasque, quod attinet, pari arte facilitateque exprimendas, res tanti moliminis nequaquam est, quantam sibi nonnulli imaginantur. Troporum enim ornatus, ex una ferè translatione petendus est; translatio scitè usurpata, ex appositæ similitudinis inventione dependet, quæ tam difficilis non est, ut mediocrium etiam ingeniorum aciem subterfugiat, cum inter rusticos etiam homines aptissima usurpatione non rarò vigeat. Figurarum introductio, non tam ingenii, quam attentæ observationis esse videtur, præterquam, si planè apud te Oratio vulgaris non fuerit, figurarum usu sine cura splendet.

Nihil magis eloquentiæ studioso arduum est, quàm extra figuratum sermonem, in trita licet re, trita non loqui. Figuræ suo numero, & (quæ sublimiores sunt) parvo satis, definiuntur; sermo illustrior, atque à vulgo submotus, nulla potest finitione circumscribi. In hoc igitur multa, cum

lectione, tum scribendi imitatione firmandus primo stylus est, quàm ad illos figurarum ductus accedat, ne in his solum Oratoris decus collocatum putet. Non pauca, qui hodie dum florenti satis stylo adumbrantur, hunc apparatus respuunt, affectationi proximum, nisi opportunè usurpetur. Forense nunc illud orationis genus, quod Ciceronis ætate dominabatur in iudiciis, regnabat in animis, è curia causisque, haud injuriâ, eliminatum est; cum æquitas non tam exdicendi facultate, quam veritatis nudæ æstimatione ponderanda sit.

Quare sicubi nunc flos ille orationis figuratæ spectetur, vel in panegyricis, vel in suasionibus. aut reprehensionibus; vel certè sacris concionibus est, quæ omnes parcius, magnoque cum delectu has Oratorum delicias confectantur; ne dicendi magis florem, quàm veritatem amplecti videantur. Quæ causa, cur in suis orationibus Cicero, illo quo dicit verborum figurarumque apparatu, noscendus hoc tempore sæpe magis, quàm exprimendus sit: nisi magna simul rerum varietate inter doctos condiatur oratio, aut inter rudes eadem veritas magna dicendi vi sit inculcanda, quod Tullio plerumque tantum expressit orationis flumen.

Paradoxa Ciceronis, Tusculanæ atque Academicæ quaestiones, quæque idem de officiis, de amicitia, de contemnenda morte scripsit, usitatis horum temporum dissertationibus non dissimile exhibent, cum exemplum, tum argumentum. ideoque humanitatis discipuli, in suis exercitationibus horum potissimum imitatione erunt informandi, locis ad hanc rem illustrioribus cum delectu propositis, quorum nonnulla inferius producemus. Quanquam & faciliores, quæque communibus locis instructæ sunt, orationes, ut pro Archia, Marcello, lege Manilia aliæque paucae ad scriptionis exemplum sint producendæ.

CAPUT VIII.

Progymnasmatum natura, ratio, & varietas ex Aphthonio proposita, ejusdemque auctoris censura & usus.

Cum progymnasmata quædam eloquentiæ non ignobilis olim inter Græcos Sophista, seu differendi

in utramque partem Magister, Aphthonius tradiderit, quorum præceptiones usumque non pauci eloquentiæ studiosi amplectuntur, ejus mihi hoc loco institutum negligendum esse non censui. Ut quantum illud nobis conducere, ad facilem compendiosamque hujus oratoriæ facultatis apprehensionem possit, hoc præceptore audito, collatisque cum ipso rationibus, statuere liceat.

Per diversa quatuordecim exercitamenta, tanquam aliqua hujus Palæstræ progymnasmata (sic enim appellare lubuit) studiosum eloquentiæ deducit, ut sunt Fabula, Narratio, Chria, Sententia, Confutatio, Confirmatio, Locus communis, Laudatio, Vituperatio, Comparatio, Ethopœja, Descriptio, Thesis, Legislatio.

Et primò quidem suis Aphthonium verbis in Romanum sermonem translatis audiemus. Deinde brevissimè obscuriora illustrabimus: nonnunquam paucis, diverso tamen charactere ad expositionem interjectis.

PROGYMNASMA I.

Fabula.

Aphthonius. ὁ μῦθος ποιητῶν, &c.

A Poëtis quidem nata est fabula, sed Rhetoribus etiam in adhortationibus usitata. Est autem fabula, *sermo falsus sub imagine veritatem exprimens*. Nunc Sybaritica, nunc Cilissa, nunc Cypria à suis inventoribus appellatur: Vicit tamen consuetudo, quâ Æsopicæ ab Æsopo fabularum principe nuncupantur.

Fabularum genus unum Logicum, alterum Ethicum, tertium Mixtum est. Logicum seu rationale dicitur, cum homo quippiam agere fingitur: Ethicum seu morale, cum rationis expertibus mores tribuimus, Mixtum, in quo utrumque, hoc est ratione utens carensque fabula sociatur.

Sententia, cujus exprimendæ gratia fabula excogitata est, in principio posita *πρὸ μύθου*, in fine *ἐπὶ μύθου* dicetur.

COMMENTATIO

AUTORIS.

Nihil hic obscurum est. Callidas alii fabulas *Cilissas* dicunt; molles Cyprias, vel Sybariticas; quod Cilices

dolosi & fraudulentī, Cyprii & Sybaritæ luxoriosi sint, ita jocosæ Milesiæ, qui reconditæ nihil sapientiæ possident, quales pleræque aniles ad colum natae sunt. Æscopicae verò seriæ ac sapientes, ob reconditam morum disciplinam, appellantur.

Ad genera quod attinet, in Rationalibus nonnunquam persona fingitur, ut Pamphilus amans; nonnunquam res, ut Hercules hydræ capita secans; nonnunquam utrumq;, ut Cupido sagitta amantis cor feriens. In moralibus, vel brutis personas actionesque tribuimus, ut muribus & ranis; vel inanimis etiam, ut Soli ac Vento, &c. In mixtis bruta vel res inanimas, unâ cum hominibus, ut lupo cum pastoribus, de canibus à grege amandandis, paciscentes, inducimus.

PROGYMNASMA II.

Narratio.

Aphthonius.

Narratio est *expositio rei gesta, aut quasi gesta*, differtque à narrato, ut à poësi poëma, siquidem universa Homeri Ilias poësis, fabricatio verò armorum Achillis poëma.

Narrationum verò aliæ dramaticæ sunt, aliæ historicæ, politicæ aliæ. Dramaticæ rerum fictarum, Historicæ olim gestarum. Politicæ in concertationibus Rhetorum usitatæ sunt.

Sex autem veluti partes Narrationem comitantur. *Persona, res gesta, tempus circa quod, & locus in quo, & modus quo, & causa propter quam gesta sit.*

Virtutes Narrationis quatuor sunt, perspicuitas, brevitās, probabilitas & vocum proprietās.

COMMENTATIO.

Distinctio illa Narrationis & narrati, tum poësis & poëmatis parum apta est, rectius Scaliger lib. 1. poët. c. 2. poësin ad formam, poëma ad materiam refert; ita & narrationem nos formæ exponendi, narratum rebus expositis tribuamus, sive pars, sive totum intelligendum sit, cum & Aristoteles 3. Rhet. c. 13. *ἡ μὲν γὰρ* parti significandæ adhibuerit.

Dia-

Dramaticas narrationes vocat, quales Poëtæ in theatris exponunt, ut in Tragicis Seneca, in Comicis Terentius produxit: Homerus etiam ac Virgilius secuti sunt, quas veri specie ornari sufficiet.

Historicæ narrationes quæ sint, minimè est ambiguum Politicas, suo jure, illas vocat, quas in rebus controversis Rhetores, seu Oratores in civilium causarum tractatione produciunt.

Partes Narrationis vulgato hoc carmine comprehendas.

Quis? quid? ubi? quibus auxiliis? cur? quomodo? quando?

Virtutes illæ ad Narrationem requisitæ, quæ qualesque sint, in Palæstra styli, de Epistolis & Historia tradidimus: hic etiam lib. 1. de elocut. universè signamus.

PROGYMNASMA III.

Chria.

Aphthonius.

Chria est res brevis memorabilisque persona alicui autori aptè tributa. Sic dicta, quod *χρησμός*, hoc est, utilis sit.

Chriarum verò aliæ verbales, aliæ activæ, aliæ mixtæ sunt. Et verbalis quidem verbis rem utilem demonstrat, ut illa Platonis. Virtutis ramos sudore ac laboribus procreari. Activa verò actionem designat, ut Pythagoras quanta esset hominum vita, interrogatus, nonnihil comparens, repente se abdidit, vitæ mensuram hoc spectaculo designaturus. Mixta utrumque, orationem & actionem complectitur, ut Diogenes adolescentulum deprehendens improbum, Pædagogo inflixit verbera; & tu, subiecit, sic istum instruis? Et hæc quidem Chriæ divisio est.

Capita autem quibus tractari Chria poterit, sunt encomium (*sive laus persona*) paraphrasis (*sive expositio dicti factive*) causa (*sive ratio illius*) contrarium, simile, exemplum, testimonium veterum, brevisque epilogus.

PROGYMNASMA IV.

Gnome vel Sententia.

Aphthonius.

Gnome est dictio summatim ad quippiam cohortans, vel dehortans. Est enim sententiarum alia hortativa,

dehortativa alia, denique & enuntiativa, rursus alia simplex, composita alia; demum alia verisimilis, alia vera, alia est hyperbolica.

Hortativa est. *Venientem oportet amplecti hospitem, abire volentem dimittere.*

Dehortans illa. *Qui regit, hunc totam vitiosum est stertere noctem.*

Enuntians verò. *Pecuniis opus est, sine quibus nihil necessariorum rectè expediveris.*

Simplex. *Optimum id auspiciū patriam defendere terram.*

Composita. *Multos esse malum Reges, Rex unicus esto.*

Verisimilis. *Quales amicos quisque habet, talem scias.*

Vera. *Expers malorum vita nulli contigit.*

Hyperbolica. *Nil homine infirmum magis est, quod nutriet orbis.*

Tractatio sententiæ eisdem, quibus Chria, capitibus constat: ut encomio, expositione, ratione, contrario, simili, exemplo, testimonio, epilogo.

Differt Gnome, vel sententia, à Chria, quod hæc aliquando in actione, illa semper in dictione consistat. Deinde quod Chria semper cum auctoris persona; Gnome sine persona effertur.

COMMENTATIO.

Magna ratio hæc progymnasmata seorsum tractandi nulla suppetit, cum discrimen illud Chriæ & Gnomes, quod Aphthonius statuit, nihil ad diversam scribendi dicendique methodum faciat, nisi quod in Chria laudetur dicti factive auctor in exordio, in Gnome sapientia utilitasque sententiæ. Causam tamen huius divisionis eam habuisse videtur, quod sæpe contingat in sententia nullum inesse pondus, nisi gravis aliquis auctor factumvè accedat. Ut si dicas, μέγρον ὀπίστω, mensura optimum, nisi enim hoc dictum Cleobuli unius Græciæ Sapientum esse dixeris, magnum huius effati pondus futurum non est; cum multos contradictores habere possit. At si illud protuleris: *consilium malum, consultori pessimum*, licet nullius auctoritas accesserit, fidem existimationemque habiturum est. Hæc igitur causa est, cur illic à laude auctoris; hic ab ipsius sententiæ varietate dicendi capiatur exordium.

Capita verò, quibus tam Gnome, quàm Chria tractatur, hoc versu comprehendi possunt.

Laus, dictum, ratio, contra, par, actio; testis.

Per dictum intelligo expositionem dicti aut facti, cætera facile patebunt.

PROGYMNASMA V.

Confutatio,

Aphthonius.

Confutatio est *proposita cujusque rei everfio*. Illa verò confutanda erunt, quæ nec evidentia nimium, nec planè impossibilia, sed mediæ conditionis sunt. Oportet autem confutatos primò reprehensionem in autores stringere; Deinde expositionem rei subijcere: Denique his capitibus subvertere, ab *obsuro, non verisimili, impossibili, non cohærente, indecoro*, ac demum *inutili*. Hoc progymnasma omnem prope ætatis hujus vim comprehendit.

PROGYMNASMA VI.

Confirmatio,

Aphthonius.

Confirmatio, est *proposita cujusque rei probatio*. Confirmanda verò sunt, quæ nec manifesta nimium, nec planè impossibilia, sed mediis ordinis videntur. Confirmaturi autem capitibus Refutationi utentur contrariis. Primò enim autorem laudabunt; expositionem deinde rei adjungent; denique oppositis probationis locis utentur; *perspicuo* pro *obsuro*, *verisimili* pro *non verisimili*, *possibili* pro *impossibili*, *cohærente* pro *non cohærente*, *decore* pro *indecore*, *utili* demum pro *inutili*. Et hæc exercitatio omnem artis vim complectitur.

COMMENTATIO.

Nec satis apparet cur inter singularia progymnasmata Confirmatio & confutatio ab Aphthonio in tam arctis inventionis terminis constringatur; cum omnis oratio, quæ vel suam probat sententiam, vel adversariorum rejicit, ad hanc classem pertineat. Quare hæc exercitatio Rhetorum præcipua est, & quidquid argumentorum ex fontibus primo libro à nobis demonstratis redundat, ad hanc jure derivatur.

Si quis tamen his Aphthonii locis inhærere decreverit, versu isto uti poterit.

Claram, credibile est, non implicat, atque cohaeret,

Et decet, & prodest. Contraria quaque refutant.

Adversus propria tamen autor præcepta peccat, cum *Daphnen in laurum conversum esse ab Apolline*, pro Confirmationis exemplo adducit.

Neque enim illud aut clarum, aut verisimile, aut utile. Refutationi magis idoneum est, cum opposita magis esse veritati consentanea videantur. Aliud, quod de Arione Citharædo Commentatores ex Herod. libro primo longè est aptius: cum similem penè referât historiam Plinius Secundus in suis Epist. ut iccirco in partem utramque probabilibus argumentis certari possit.

PROGYMNASMA VII.

Locus communis.

Aphthonius.

Locus communis est oratio extollens illa, qua rei cuique insunt: bona aut mala, dictus communis, quod omnibus ejusdem generis rebus conveniat, ut oratio in proditorem, universis proditionis reis aptari potest. Est verò generali argumentorum repetitioni, seu conclusioni similis, ideoque exordio destituitur.

Exercitiorum tamen, & juventutis causa, exordium præmittimus, cui hæc capita subjicies, primum à contrario; cui expositionem, non docendi, sed incitandi autoris causa addes. Deinde comparisonem institues: quæ rem, de qua agitur, ex collatione extollas. Postea collocabis sententiam, vel mentem agentis, ad ipsum reprehendendum inducta. Denique conjecturis quibusdam ad ante actam vitam perstringendam digredimur, cum misericordiae exclusione. Tandem in fine progymnasmatibus usitati loci adhibentur: Legitimum, justum, utile, possibile, honestum, consequens.

COMMENTATIO.

Pugnare in his præceptis secum autor videtur; ut idcirco & ipsi cum illo interpretes in tenebris luctentur. Nam cum definitione, quæ satis idonea est, non conveniunt illa, quæ de ipsa exercitatione suis partibus explicata subjicit;

cum

cum hæc sola extollant illa, quæ cuique rei insunt mala, nam ex producta explicataque agentis sententia, illum vult reprehendi, vult perstringi anteaactam vitam, vult excludi misericordiam. Cui exemplum de Tyrannidis affectatione respondet, quod interpretes secuti paria de sceleribus subjiunt, ut si virtutum ac laudabilium rerum nullus possit esse in loco communi usus, quod certè absurdum est. Quare ut insistant Definitioni, bona non minus, quàm mala admittent. Et loco communi non minus omnes inveniendi fontes (si adjuncta quæ ferè singularium sunt, demus) quam singularibus indulgebunt. Quæ de expositione, sententia, vita anteaacta, misericordiæque excusatione adducit, non tam ad utilitatem profectumque, quàm ingeniorum tormentum, & desperationem hujus facultatis ab adolescentibus obtinendæ spectant. Cætera, si velis, hoc versu colliges.

Legitimum, justum, volupe est, decet, utile, promptum.

PROGYMNASMA VIII.

Laudatio.

Aphthonius.

Laudatio est oratio exponens cujusque rei bona. Encomium à Græcis dictum, quod olim in pagis (ἐν πάγῃς) laus decantaretur. Differt autem ab hymno & prædicatione, quod hymnus Deos extollat, encomium mortalibus tribuatur, prædicatione (ἐπαίσιος) laus brevis, Encomium quoque ex arte concinnatum sit.

Laudari verò solent personæ, res, tempora, loca, animalia bruta ac demum stirpes. Personæ ut Thucydides, vel Demosthenes: Res, ut justitia, vel temperantia: Tempora, ut ver, ætas: Loca, ut portus vel horti. Bruta animantia, ut equus, aut bos: Plantæ ut vitis aut oliva.

Laudamus autem & universè & singulatim. Universè quidem ut omnes Athenienses; singulatim unum Atheniensem. Et hæc quidem encomii divisio est.

Tractabis verò per hæc capita.

1. Exordium sumatur rei, quam sumes, accommodatum.

2. Genus subjiçies, quod dividitur in gentem, patriam, majores, parentes.
3. Subjungetur eduçatio, quæ continetur institutione, arte, & legibus.
4. Considerandæ sunt res gestæ tanquam laudationis caput, quas distribues secundum animum, corpus, & fortunas: animi est fortitudo & prudentia; corporis pulchritudo, velocitas, robur: fortunæ, potentia, divitiæ, amici.
5. Comparationem institues, ut ex collatione alterius extollatur.
6. Epilogo, seu magis voto, concludes.

PROGYMNASMA IX.

Vituperatio.

Aphthonius.

Vituperatio est oratio exponens cujusque rei mala, differt à Loco communi, quod hic pœnas exposcat, vituperatio tantum reprehendat.

Distribuitur eisdem capitibus, quibus encomium, cum eadem, quæ laudantur rerum genera, vituperari queant, Personæ & res, tempus & locus, bruta animantia & plantæ. Idque tam universè, quàm singulatim.

Post exordium, genus prosequeris, eadem, quæ in encomio, ratione. Adde educationem & res gestas, comparationem atque epilogum institues: quemadmodum in laudationibus præceptum est.

COMMENTATIO,

Hæc plana sunt, & cum Aristotele, Cicerone aliorumque Rhetorum præceptionibus conveniunt; si illa quæ est loci communis, & vituperationis distinctio Aphthonio propria, ut par est, negligatur.

Illud verò etiam observandum, non nisi *persona* laudandæ repræhendendæq; capita ab illo præscribi, idque & parçè satis, & obscurè, cum dona corporis & fortuna hic spectanda sint, prout quisque malè aut bene his usus est. Nos copiosiore laudis materiem libro I. cap. sexto & seq. supeditavimus.

PROGYMNASMA X.

Comparatio.

Aphthonius.

Comparatio est oratio ex collatione rerum compararum, aliquid vel majus, vel æquale declarans. Oportet verò in comparatione vel bona bonis, vel mala malis, vel mala bonis, aut parva majoribus conferre. Et prorsus comparatio, vel geminam laudationem, vel certè laude permistam continet. Ex comparatione autem accrescit orationis vehementia; præsertim si minora majoribus conferantur. Eadem verò res comparationem admittunt, quæ laudis & vituperii capaces sunt, ut personæ, res, tempora, loca, bruta, & plantæ.

Non convenit autem comparantem totas res conferre totis; hoc enim supinum atque inefficax, sed pars parti opponenda est, quod inprimis est acre. Porro tractari suis partibus, ut laus quædam, solet, estque hoc gymnasium in sola collatione positum.

COMMENTATIO.

Obscurior hic Aphthonius in fine est, qua adstringere rationem comparandi, aut tractandæ comparationis, ad encomii tractationem videtur. Sed latius omnino patet comparatio, perque omnes dicendi formas extenditur, si-ve laudes, si-ve reprehendas, si-ve doceas, si-ve moveas comparationi ubique locus est, potissimum tamen in genere exornativo versatur, ut ipsa definitio. divisioque hic ab Aphthonio producta abundè testatur.

PROGYMNASMA XI.

Ethopœja.

Aphthonius.

Ethopœja est imitatio morum persona proposita. Tres illius sunt species Idolopœja, Prosopopœja, Ethopœja.

Et quidem Ethopœja notam inducit personam, cujus mores solum effingit, unde ἠθωποιία morum fictio nominatur,

minatur, ut cum fingis quibus verbis Euryſtheo imperanti occurrerit Hercules, ubi liquet quis ſit Hercules: mores verò dicentis fingimus.

Idolopœja verò notum quidem, ſed jam deſunctum, & loqui impotentem inducit hominem, ut Eupolis in Comœdia ἐν δῆμοις, Ariſtides ἐν τῷ ὑπὲρ τῶν τεσσάρων, unde εἰδωλοποιία ſimulacri fictio dicitur.

Proſopopœja omnia fingit & mores, & perſonam, quale argumentum Menander finxit, in quo res quidem, non tamen perſona ejuſque mores veri ſunt: Unde προσωποποιία fictio perſonæ dicta eſt, quod præter mores perſona fingitur. Et hætenus quidem de illa diſiſione.

Jam verò Ethopœjæ aliæ ſunt patheticæ, aliæ ethicæ, mixtæ aliæ. Patheticæ affectus & commotiones animi continent, ut ſi Hecubam Troja everſa loquentem inducas; ethicæ ſolos mores exprimunt, ut ſi ruri educatum ad primum maris conſpectum ſua ſenſa promentem audias. Mixtæ effectus moresque conjungunt, ut ſi occiſo jam Patroclo Achillem de bello deliberare facias: in deliberatione mores, in amici obitu deplorando, affectus eminebunt.

Tractabis verò Ethopœjam genere dictiōis perſpicuo, brevi, florido, ſoluto, atque à dicendi circuitu figurisque remoto. Capita diſiſionis tribus temporibus, præſenti, præterito, & futuro abſolves.

COMMENTATIO.

Hoc progymnaſma à Rhetoribus inter figuras numeratur, eſtque nihil aliud, quàm deſcriptio morum, ſive veræ illi ſint, ſive perſonæ fictæ.

Rhetores multi ſub proſopopœja etiam idolopœjam comprehendunt, quos, compendii in præceptionibus ſeſtandi gratia, ſecuri ſumus. Cætera obſcuritatem non habent, niſi quod ethopœjam ſemel univerſè, prout etiam perſonæ fictionem comprehendit, iterum verò ſtriſctius, prout ſolos ſpectat mores, accipiat. Illud fortè etiam non ſatis aſſequaris, quomodo præterito ac futuro, in hac deſcriptione morum, tempore utendum ſit. Ubi obſervandum hoc in affectibus exprimendis poſſiſſimum valere

valere, cum tempus alterum cum altero collatum ad majorem energiam facit, ut si Hercules in *presenti* infelicem statum suum, dura heri imperia, labores & discrimina conquerens, illa quæ *præterita* sunt, Junonis iram, immisos serpentes, objectos tyrannos, partam aliis quietem in memoriam revocet, de *futuro* verò inquirat, quis denique modus finisque expectandus sit, annon flectendi aliquando Superi, an ab ipsa morte quærendus exitus? quæ Seneca in suo Hercule disertè est prosecutus.

PROGYMNASMA XII.

Descriptio.

Aphthonius.

Descriptio est *oratio diducta*, oculis rem explicatè *subjiciens*

Describuntur autem personæ, res, tempora, loca, bruta ac plantæ.

Persona, ut Homerus in *Odyssæa* ad Eurybaten.

Ora niger, curvusque humeros, crispusque capillos.

Res, ut *navales pedestresque pugnæ*, historico usitata.

Tempora, ut *veris æstatisque amœnitas*, tanquam pictis in oratione floribus adumbrata.

Loca, ut Thucydides portum Thesportarum Chimerium descripsit.

Describentibus *personas* à primis ad última, à capite ad pedes procedendum est. *Res* ab antecedentibus, iisque quæ insunt, quæque ab illis proveniunt; *loca* & *tempora* ab iis, quæ complectuntur, describenda sunt.

Descriptionum alia simplices, alia compositæ sunt. Simples erunt; ut si pedestres navalesque pugnas explicent. Compositæ; ut si res temporaque conjungant, quod Thucydides fecit, cum nocturnum in Sicilia prælium describit, simul & pugnae & noctis imaginem complexus.

Oportet verò describentes tenuem adhibere characterem, varietate tamen figurarum cultum, universæque res, quas describunt, imitari.

COM-

COMMENTATIO.

Progymnasma hoc obscurum non est, perquam verò ad eloquentiam utile. Convenitque cum hypotyposi, quam inter figuras Rhetores collocant, nisi quod latius aliquantò patere videatur: cum hæc potissimum moribus gestisque hominum; illa rebus etiam temporibusque, ut vidimus, aptetur, nihil enim est, quod describi non possit. Sed alibi de hac disertius

PROGYMNASMA XIII.

Thesis.

Aphthonius.

Thesis est rei alicujus in deliberationem adducta disquisitio, alia autem thesium civiles sunt, contemplativæ alia: civiles de actione ad vitam politicam spectante habentur, ut sitne ducenda uxor, navigandum, urbs munienda? hæc enim omnia vitam civilem spectant. Contemplativæ sunt, quæ sola contemplatione mentis absolvuntur, ut, cælumne rotundum sit? an plures mundi? hæc enim non ad opus hominum, sed contemplationem spectant:

Differt autem thesis ab hypothesis, quod hypothesis suis circumstantiis definita est, thesis absoluta. Ad circumstantiam persona, negotium, causa, &c. spectant, ut, sintne mœnia extruenda; disquisitio est sine persona; an verò Lacedæmoniis adversus impetum Persarum, Sparta muro cingenda sit? hypothesis est, personam habens deliberantium Lacedæmoniorum, & singulare negotium muniendæ Sparta, causam verò invasionem Persarum.

Est autem thesis progymnasma primum, quod in disputatione objectionem solutionemque admittit.

Ita verò distribuitur, ut principio introitus, id est, exordium sit, deinde uteris capitibus usitatis, legitimo, justo, utili, possibili.

COMMENTATIO.

Exercitatio in Thesi utilis est juventuti, quia majorem illa universalium, quam singularium cognitionem assequitur, cum hæc ab experientia pendeat.

Est verò inter Thesis & locum communem magna affinitas;

nitās; quod uterque res à suis abstractās circumstantiis universè consideret, quæ deinde pluribus singularim, iisdem, quibus tractantur, argumentis applicari possunt. De utriusque verò natura & differentia suo inferius loco agemus pluribus.

PROGYMNASMA XIV.

Legislatio.

Aphthonius.

Legislationem quoque nonnulli inter progymnasmata retulerunt. Est enim ferè quædam hypothesis. quamvis non omnes leges hypothesis. Introducitur quidem persona, sed non omnibus nota, ideoque thesi quam hypothesis est proprior. Prout enim personæ rationem habet, thesin transgreditur, at ut manifestè circumstantiam non exprimit, ab hypothesis discedit.

Legis verò inductio duplici exercitatione fiet. Confirmatione legis latæ, vel illius confutatione. Est autem lex inventio & donum Deorum, ad constitutionem civitatis, & correctionem hinc & inde erratorum. Et hæc legis inducendæ distributio est.

Tractabis illam capitibus iisdem quibus thesin, legitimo, iusto, utili possibili. Exordium pones, & postea contrarium, deinde prædictis uteris capitibus, ut hac in parte à thesi differat.

COMMENTATIO.

Legislatio personam vel auctoris, qui tulit, vel hominum quibus fertur, involvit, ideoque adstrictior est, quàm thesis. Si hæc ultima tamen persona spectetur, cum vaga sit, minus adstricta, quàm hypothesis est, ut Julius Cæsar de adulteris occidendis legem tulit, ubi adulter persona vaga pluribusque conveniens est. Cum verò lex talis est, de qua in utramque partem agitari potest; ut rogandane sit, an abroganda? tum huius progymnasmatibus locus est. Talis illa est, quod adulter deprehensus statim occidi possit: Et lex Oppia, quæ mulieribus rhedas prohibuit, & Volumnia, quæ cautum, ne qua mulier hæres institueretur. Sed cur legislatio in exercitationibus hisce ab hypothesis separaretur, non magna est oratio, planè etiam difficilior est, quam ut inter progymnasmata numerari mereatur.

OBSERVATIO ET CENSURA
A V T O R I S.

Brevi perspicuaque , quantum mihi ex Græcis licuit, expositione Aphthonium dedi. Exemplis quæ plerisque locis adiecit præteritis, quod his longè absolutiora, magisque ad profectum usumque studiosorum accommodata ex Maximo, Cicerone aliisque daturus essem. Multum verò huic post alios Rhetores auctori in progymnasmatum instructione debemus, quod, de his præcepta nemo meliora reliquerit.

Quæ potissimum causa fuit, cur hæc ipsius etiam auctoris sententia tradere placuerit. Quæ tamen universè ea moderatione accipienda censeo, qua ad Aristotelis Ciceronisque, atque illas, quas libro I. tradidimus præceptiones accedunt. Nam ut in plerisque Aphthonii disciplinam amplector; ita probare non possum, quod in multis eam tractandi rationem instituat, quæ apud Oratores Scriptoresque alios usitata non est. Quis enim ea lege, qua ipse præscribit fabulis utitur? Confirmationes, confutationes & locos communes aut tractat, aut circumscribit?

Verum hæc aliaque in ipso decursu breviter censui, ut qua arte sequendus maximè, quæque etiam negligendus sit, candidatus eloquentiæ intelligat.

Nimia enim onerari præceptorum mole, quæque apud diversos diversa sit, nihil tamen commodi singularis oportet, hoc confusionem denique fastidiumque generat. Nobis iisdem, quos principio libri I. excitavimus fontibus ubique, in hac etiam varietate insistere decretum est, cum quibus nihil magis ex Aphthonio quam Christiæ sententiæque tractatio conspirat.

CAPUT X.

*De exercitationibus primi generis, quæ in fabularum
aut historiarum expositione consistunt.*

Primi generis exercitationes, tanquam eloquentiæ quædam præludia aggrediamur. In fabularum illa atque historiarum narrationibus, consistunt. Quarum expo-
sitio

fitio vel simplex brevisque , quâ summam quandam rei complectimur ; vel prolixior & descripta per adjuncta rerum, institui poterit. Ab illa ab hanc transeundum videtur. Quare utriusque exempla pauca dabimus , ubi primûm de usu atque utilitate fabularum nonnulla præmiserô.

§. 1.

De fabularum tractatione.

Fabulæ historiæ in modum exponuntur , etiam illæ quæ manifestam præ se fictionem mentis ferunt ; ut sunt Ethicæ de brutis ; Mixtæque, quæ hominibus simul indutis, ad aliquam sententiam animi declarandam usurpantur. Ita Homerus Batrachomyomachiam , hoc est , Ranarum Muriumque pugnam , tanquam hominum inter se bello congregientium, lepidissimo poëmâ descripsit. Ut igitur eadem historia , & compendio sine adjunctorum expositione , & prolixius cum eadem ; sic & fabula narrari potest.

Causæ cur fabulæ manifestæ, velut historiæ, exponantur ; una quidem est , quod aptâ quadam fictio hæc nitatur similitudine, quæ ad persuadendum idonea sit , ac sæpe rem oculis, clarissima quadam in luce , & tanquam vivo adumbratam colore objiciat ; ut & altissimè veritatem sub hoc velo reconditam infigat animis , & sine difficultate assensum impellat. Cujus generis quædam postea exempla daturus sum. Altera causa est , quod cum voluptate quadam audientium illabatur animis præsertim vulgi atque adolescentum , qui novitate illa capti detinentur , quamque dormitantibus erant animis veritatem , sine hoc fucô, accepturi ; hanc illo melle illitam cupidè hauriant.

Quare & nonnunquam ex apta rerum naturalium similitudine, aut etiam disparitate , vel convenientia simul & pugna, hæ fabulæ ab Oratore recens concinnandæ sunt, ut inexpectata novitate captos teneat. Quod non omnino difficile futurum est , si quemadmodum ex aptis illas similibus Æsopus, Gabrias, Phædrus alique collegerint, observetur. Ex quibus plura exempla in *Speculo figurat. imaginum*, lib. cap. 9. & 10. collegimus.

His enim rebus , unde convenientia aut disparitas sumitur, si vitam personamque humanam (modò eis careant,)

Ieges, facta hominibus similia tribueris, compones fabulam. Qua in re illud maximè iucundum esse solet, quod & maximè congruit, & minus solet esse expectatum, ut enim hæc in symbolis alibi maximè delectare ostendi, ita & in fabulis, quæ symbolica imagine inprimis animantur. Quod deinde in comœdiis gratissimum est, ut varia implicatione ductæ suspensum auditoris animum, inopinato denique eventu feriant, hoc in illa quoque fabularum constructione, quæ affinitatem quandam habet, solet evenire: ut avida totum mente auditor hauriat, dum optatam denique conclusionem excipiat.

Utrumque Homerus in sua Batrachomyomachia egregiè præstitit. Nam & personas Muribus Ranisque aptissimas, per ficta scitè nomina, tribuit, & consilia & arma, locumque pugnæ convenientem, & ingressum belli novum atque insolentem, & progressum ancipitem, exitumque magis etiam, per interventum cancrorum, inspectatum. Age strictim primò, mox eandem etiam fabulam cum Homero fusius exponamus.

§. 2.

*Brevis fabula Homerica de Bratrachomymachia
propositio.*

Mus felis sibi insidiantis ungues devitans ad Ranam pervenit, quæ illum, salutis & hospitii gratia, invitans, dorso excepit, ad medium lacus deferendum, verum ubi progressi aliquantulum sunt, hydrus exerto super aquas collo utrisque metuendus imminebat. Quo conspecto, exterita Rana, Mure inter discrimen in summis aquis destituto, ad interiora sese lacus recipit. Quo casu Mus, frustra aliquamdiu cum aquis luctatus, denique mersus est. Unde hostile odium bellumque inter Mures reliquos & Ranas exarsit, quod cum utriusque partis clade gestum, per Cancros denique in Ranarum opem adventantium, his victoribus, est absolutum. *Quod docemur, quam inconsulta inter homines bella, non nisi utriusque partis clade finienda, suscipiantur.*

§. 3.

De ratione huius fabulae prolixius exponenda.

Ut prolixius hæc fabula exponatur. *Persona, res gesta, tempus*

tempus, locus, modus & causa expenditur, quæ vulgato continentur versu.

Quis? quid? ubi? quibus auxiliis? cur? quomodo? quando?

Non quo ubique singula (ut nec Homerus in proposito fecit exemplo) sed præcipua & maximè opportuna , ad rei illustrationem considerata sint.

Hæc verò quemadmodum expendenda sint , libro 1. cap. 3. de fontibus inventionis tradidimus, præsertim in fonte 1. & 5. Homerus id fecit poeticè, nos oratoriè; sed paucis rudi- que Minerva præstemus.

Longior ejusdem fabula Oratorum expositio.

A laude brevi auctoris vel sapientis inventi exordieris , cum epimythio, seu fabula brevi expositione.

Summus ille Poetarum Phœnix Homerus , ut multa sapienter, quæ ad principum virorum institutionem spectarent, gemino in opere, Iliade & Odyssea, posteritati reliquit; ita minimè contemnendum poema vulgavit, quo sub fabulosa Murium & Ranarum inductione docuit, quàm temere nos mortales in bella ruere , quantoque utrarumq; partium exitio ea gerere soleamus, non absque Superum , de cœlo hanc nostram insaniam spectantium, ludibrio.

Descriptio per adjuncta.

Quis? Mures principio levi de causa in Ranas concitatos memorat. Nonnemo Murium Psicharpax à micarum raptu nuncupatus, fugâ felis insidias declinans, ad lacus ripam accesserat, juxtaque sitim ac fatigationem, haustâ aquâ, levaturus constiterat; quem ubi Physignatus (a) Rana conspicata esset, genusque non ignobile, tum verò discrimen vitæ didicisset, hospitium illi aquarum, dorsumq;, quo veheret, amicè obtulit.

Quid? Nec detraxit Mus obsequium, excipitur molibus Ranae humeris, ferturque primò insolita natatione lætus. Verùm ubi spargi aqua vento, Ranaque nonnunc quàm subsidere natatu altius, postremò etiam postquam hydrus ipsi infestus apparuisset, prorsus Rana sese ad tutiorem lacus recessum cœpit subducere; tum sera ne-

S 2

quic-

(a) *Inflans buccas.*

quicquam facti pœnitentia , opem inclamare , obluſtari , mergi aquis , rurfumque victor emergere : donec in adido gravanteque pilo , ac viribus ſenſim fractis , undiſque vincenſibus , hauſta aqua animam interciperet.

Cur ? Erat Lichopinax (a) Murium alter in ripa ſpectator cladis , qui ad partem Toxarten (b) reliquosque ſui generis mortui Pſicharpagis nuntium detulit , quæ res Mures univerſos , Toxarta Duce , ad arma concitavit , jaſtantes : hanc nequaquam fraudem perfidiamque Ranas impunè laturas ; eſſe ſibi vires animosque , quibus tantum ſas ſit injuriam vindicare : indignum eſſe , ut ſiquidem in fidem domumque receperis , hunc deinde hoſpitii jure violato , Jupiter deſtituas , atque in extremam perniciem præcipites : exemplum eſſe paris in cetos perfidiæ liberius uſurpandæ , niſi pœnis debitis occurratur. Tangebatur illos Toxartæ infelix orbitas , qui filiorum alterum , in veneratione Cattorum , alterum lignea in decipula incautè deprehenſum amiſerat.

Quomodo ? Ergo miles conſcribitur , & ſua quiſque arma ad certamen cum Ranis ineundem comparat. Et primò quidem ne quod tibiis imbecillis immineret diſcrimen , fabarum , quas exederant , corticibus , muniabant crura , eveneratque fortuna , ut felis excoſiatæ pellem deprehenderent , quam ſciſſam primoribus dentium ſibi in thoraces aptabant , pro clypeis deinde lucernæ medius umbelicus , pro haſtis acus erant , denique capita teſtæ nucum pro galeis cingebant. Quæ , ut latere non poterant , ita Ranas quoque impar belli armorumque conſilium pertrahere , nec deſuit à Muribus Tyroglyphi (c) filius ſubmiſſus nuntius , qui ad certamen provocaverit. Turbavit ea res principio Ranas , ſequè etiam palam Phyſignatus innoxium in crimen perfidiæ vocari teſtatus eſt , non enim ſibi hanc cladem , ſed fortunæ imputandam. Verum , agite , inquit , commilitones , Dii bonæ cauſæ favébunt , vim vi opponamus , comparemus arma , campus nobis ad bellandum optatiſſimus contigit , facile infeſtum illud nobis Murium agmen in ruinam impellèmus. Conſilium in promptu eſt. Stabimus juxta ripas in ordinem aciemque diſtributæ , ſuis quique accinctæ armis , operiemur

(a) *Lambes paropſides.* (b) *Vorator panis.* (c) *Excavans caſem.*

mur hostis impetum, cominusque quam primum congressæ, implicatæ illorum armis, nobiscum per lubricas declivesque ripas in lacum præcipites devolvemus. Plana nobis res, neque expeditu difficilis, modò arma animique non defuerint. Placuit, lætæque Ranarum turmæ ad arma provolabant. Malvarum foliis circumopertæ sunt tibiæ; virides in thoracas, brassicarum folia in clypeos versa sunt; acutus pro lancea juncus fuit, capitaque subtilioribus inserta sunt cochleis: ut utrumque hoc armatorum agmen ipsi de cœlo Dii intuentes risum non tenerent.

Ita postremò ad mutuū venère conspectum, & velitatione levi inter nonnullos excursores prævia, plenis denique castris est concertatum. Quæ hic datæ acceptæque clades, quot generosæ bellantium animæ, aut ferro inflicto exturbatæ, aut aquis haustæ, aut tenaci immersæ limbo, non facilè percensendo assequaris. Artophagus (a) ac Tyroglyphus murium principes cecidere cum plurimis suorum.

Quibus auxiliis? Verum ubi desperata eorum res visa est, Meridar pax (b) subsidiaria sociorum cohorte adfuit, labantemque exercitum restituit, omnibus Ranarum copiis metuendus, fuissetque eo die, præcisa jam ad lacum via, de Ranis conclamatum, nisi Jove miserante exitum à rivo vicino horribile, militum genus, dura tergus in cude armatum, oblongis recurvisque munitum falcibus, quas Persarum esse acinaces crederes, ferrugineâ accinctum casside, ac loricata cauda, qui latis fulgentes per humeros armis, oëtonis ingressi pedibus, nova arte Parthorum, retrocedendo pugnarent. Cancros, una voce antiquitas appellavit. Hi natura ad pugnam prædamque nati, nec turò quidem apprehendi ab hoste possunt; ita etiam dum stringuntur, fortiter stringunt. Illi igitur immixti in acie bellantium, dum cedendo Mures in congressum trahant, pedes caudasque illorum falcato ore, brachiisque præputabant, ut ad pugnam inutiles conciderent, ac plerique ruentium clade territi, de fuga ac salute solliciti, victoriam Ranis ultimam relinquerent.

Quando? Etenim sole sub occasum vergente, cum jam major etiam quæqua versum afflueret Ranarum copia, magnoque clamore conterritis jam Muris insultarent: hi metu ac desperatione victi, culicumque magnis tubis insonantium strepitu, ac Jove etiam de cælo intonante consternati; aut oppressi metu armisque hostilibus concidere, aut turpi effugio morti subducti sunt. Ranis inter hæc lætò plausu victoriam concinentibus, quem hodie dum sub crepusculum vespertinum æstate, quâ hæc peracta sunt, etiamnum, magno coaxantium gaudentiumque sonitu frequentant.

Epimythii,

Sens expositionis in fabula latior diductio.

En, ut vir ingeniosissimus sub hujus involucro fabulæ, stultam mortalium ad bellandum libidinem, infelicesque plerumque atque insperatos bellorum exitus complectitur. Causa præliorum sæpe nulla, aut certè vana, facillique partium, nisi mutuò inviderent, compositione vitanda. Sed cum alienæ inhiamus fortunæ, cum nostris minimè regnis acquiescimus, cum mari juxta terraque dominatum prensamus, plusque etiam quàm æquo imperio administrari possit, infinita cupiditate ambimus, quælibet nobis causa ad aliorum oppressionem sufficit; arma rapimus, socios ad bella concitamus, fas nefasque ad nostram ambitionem fovendam confundimus: propria relinquimus, ut aliena occupemus; sed sæpe & propriis excidimus, & aliena non tenemus: opes nostras profundimus, ut vicinas invadamus, utrisque non raro privandi. Denique cum possessiones vitamque inimicorum petimus, multa hominum millia nobiscum sæpe possessione omni vitæque excidunt. Spoliamus & spoliamur, vulnera damus, & accipimus, vitam (hæc omnium bellantium fors est) cum nonnullis hostium extorsimus, nostram plerumque morte aliqua infelici terminamus. Quotuscunque militantium adèò felix extitit, ut quæ periculosis votis prensavit, quæ tot laboribus, per mille discrimina, secutus est, hæc denique tranquilla possessione sit assecutus? Et quid demum in
Supe-

Superum conspectu, hanc nostram de cœlo amentiam, non sine risu spectantium, esse videmur? Quod nobis Mures Ranæque pugnantes, hoc nos illis; quod ridicula illorum arma, hoc nostræ illis machinæ; quod mutuae illorum insidiæ, quod vires, quod copię, quod prælia, uno Jovis fulmine disturbanda, hoc nostræ artes, vis, audacia, ferocia; ridenda atque explodenda uno Divorum Deique immortalis nutu. Et, ut quisquam sit, qui cum virtute, cum gloria, cum felicitate prælietur, qui faventibus etiam superis, de obtenta plaudat victoria: ingratus tamen illo multis mortalibus, ipseque Deo plausus esse debet, qui ab hostilibus profectus odiis, qui tot impensis miserorum emptus, tanto multorum cruore irrigatus, tot percuntium exitio comparatus est.

Conclusio. Hæreant intra suas Mures cavernas, neque aquarum dominatum insana ambitione affectent, Ranæ suis sese aquis contineant, nec terra velint dominari; alter nonnunquam alterum ad mutuam excurrere opem, sine noxa, hinc ad terras, inde ad aquas patiatur. Non quarantur tam inanes dissensionum causæ, non tam perversæ ad mutuum exitium machinationes, nemo exultet sociorum interitū, & nulli superum vel risum, vel indignationem movebunt. Similis ad nos sapientum oratio est. Stent intra tributas sibi à Deo possessiones quieti mortales. Sua quemque nascendi conditio, ratioque vitæ, certis jussit hæreditatis terminis consistere, quod fors, quod natura, quod superi largiti sunt, hæc æqua mente amplectatur. Satis est, quidquid necessitati est satis; cupiditatem, insatiabilem belluam, nunquam explebit, arctis magis gaudebit in pace rebus, quam in bello amplissimis. Aliena nemo impunè appetit, plerique cupitis excidunt, & vivendi ante, quam cupiendi finem statuunt. Bella raro sine scelere suscepta sunt, rarius etiam terminata. Rectè Terentius.

Omnia prius experiri, quam armis sapientem docet.

A P P E N D I X.

Hæc fabulas diducendi ratio præ reliquis amplectenda est, quas nonnulli in Aphonium Commentatores secuti sunt. Nihil enim hic præterquam similitudo cum

voluptate audientium exposita, tum verò facta ad mores applicatio spectanda est. Per cæteros verò communes locos effundi, fabulas alias historiasque in comparationem arcessere, non est huic instituto proprium, cum fabula historię tantummodo tractanda sit, ad cuius imaginem est efformata. Quare cum studiosi in primis adolescentes hoc genere tractationum capiuntur, quas facilius suis etiam adiunctis (quod ex rebus obviis fabulæ desumantur) expendunt, nonnullas compendio recensitas adjiciam; ut has suo deinde Marte latius prosequantur.

CAPUT. X.

Fabula a'iquot compendio exhibita.

I.

Menenius Agrippa plebem Romanam, orta seditione ob potentiam & opes nobilitatis, ab urbe digressam, hac fabula revocavit. Liv.

Dec. 1. lib. 2.

TEmpore, inquit, quo in homine, non ut nunc, omnia in unum consentiebant, sed singulis membris suum cuique consilium, suus sensus fuerat, indignatas reliquas partes, sua cura, suo labore ac ministerio omnia ventri quæri: ventrem in medio quietum, nihil aliud, quam datis voluptatibus frui: conspirasse inde, ne manus ad os cibum ferrent, nec os acciperet datum, nec dentes conficerent. Hac ira, dum ventrem fame domare vellet, ipsa unâ membra, totumque corpus, ad extremam tabem venisse. Inde apparuisset ventris quoque haud segne ministerium esse: ne magis ali, quam alere eum, reddentem in omnes corporis partes hunc, quo vivimus, vigemusque, divisum pariter in venas maturum, confecto cibo, sanguinem. Comparando hinc, quam intestina corporis seditio adversus ventrem similis esse ira plebis in Patres, flexit mentes hominum.

Hac Livius.

Latior expositio hac ratione instituetur.

Laudabis 1. Menenii prudentiam atque facundiam, 2. ad quæstio-

quæstionem quis? Dices hominis membra post aureum pacis atque innocentiae seculum, primò secum ipsamet dissentire coepisse, invidiâ mutuâ primam concordiam turbante. Ubi pax antiqua membrorum cum præsentì discordia componetur.

Quid?) Membra igitur cætera, Duce rebellionis Capite, pedibus, manibusque in conjurationem adductis: hoc inter se mutuâ statuissè fide; nulli deinceps membrorum tribuendum quicquam opis nisi & ipsum laboris esset socium. Ubi consilia & deliberationes inducentur.

Cur?) Causam hujus fœderis habuisse illam, quod venter nihil ad opus commune omnium adferret commodi, solusque hoc maximè frueretur, quo loco interea ventris describi poterit.

Quomodo?) Abstinuissè igitur mutuâ ope, quam frustra ventre à Capite, à ore, à Manibus Pedibusque blandis juxta verbis, minisque atrocibus postularit, implorando denique Deum hominumque fidem. Nec irritis votis, cum Macies ex orco erumpens gravissimè affligerit, Morte jam imminente, nisi mutatis consiliis ad pristinum obsequium rediissent.

Applicatio deinde subjungetur.

Temp. corpori humano persimilem esse, in qua nobiles & opulenti, ventris instar, pleraque ad se reip. commoda derivent, otio sæpe ac voluptate fruuntur, dum artifices tenuiorque plebs laboribus se cogitur impendere. Interea tamen, ut à ventre digesti cibi in sanguinem venasque transmittuntur, nervique illius virtute animantur, ita præcipuum reip. præsidium roburque in nobilitate procerum atque opibus ditiorum situm esse. Cum his igitur consentire plebem, æquum videri.

II.

Apologus in otiosos ludiones.

Culex hiberno tempore, famis imminenti metuens, frigorisque impatiens, à palustri loco ad vicinum agricolæ hortum concessit, repertoque illic Apum alveari, blando verborum strepitu admitti petiit, Apum senioribus

pollicitus, illarum sese juventutem in arte musica gra-
tuitò instructurum, modo hospitio communique pro
laboribus mensa frui liceret. Cui nonnulla seniorum
respondit. Malo aliam mea proles artem doceatur,
qua se à famis frigorisque injuria tueri possit, ne alienis
deinde hæreere tecum ostiis stipemque emendicare cogat-
tur. Optima ars est quæ suos cultores alit. Ita Musicus
hic exclusus est.

Latius hac oratione diducetur.

1. Laudabis inventorem, quod is quicunque demum
fuerit, ingeniosè quorundam vagorum hominum mores
expresserit.

2. Ad quæstionem *Quis?* describes culicem otiosè in
paludibus hærentem, & aliorum potissimum animalium
gaudentem sanguine, invisum raptorem, futurorum mini-
mè providum, &c.

3. *Quid?*) Hieme paludes relinquit, agricolæ hor-
tum & alvearia Apum secutus, ubi, & hiemem, &
hortum, alvearia, Apumque ordinem, & occupationes
licebit describere. Tum culicem perorantem suamque
jactantem artem inducere, contra Apem hæc aspernantem
ac refutantem.

4. *Cur?*) egestatem & famem, ita efferatum Culicem
mitigasse, atque ad has preces abjecisse dices, ubi quam
multa doceat necessitas expones.

5. *Quomodo?*) Ostendes quomodo supplex rejectus,
multorumque illi exprobatæ injuriæ, & crudelis an-
te hac vita. Ubi locus est docendi, illos qui in alios
fuere immites, vix aliorum miserationem in calamitate
mereri.

N. B. In hoc apologo *Applicatio misceri fere per singu-
la membra poterit*, ut in 4. & 5. factum. Nam & primò
illorum stultitiam licebit arguere, qui præsentibus can-
tum intenti, futuris minimè prospiciunt; Deinde quod
inertem patris alieno labore frui iniquum sit. Deinde
docere etiam, quod illi potissimum sit arti vacandum,
quæ cum honestate nutriet.

III.

Apologus Cyri Regis, quo pacem Jonibus, quam oblatam repudiaverant, serius postulatam negabat. Herod. lib. I.

Tibicinem præter aquam commeantem aliquando substitisse memorant, utque suam piscibus testaretur benevolentiam, sibi que atque illis commune gaudium pareret, jucundis ad saltum modulis tibiam inflasse; sed adversatos hanc gratiam pisces, ne se movisse quidem, ad tam festivum hospitis cantum lusumque, ejus verò rei causa indignatum Tibicinem, missa in præterfluentem sagena, brevi tempore non exiguum in hac piscium collegisse numerum, quos cum denique in ripam captos educeret, salientesque in reti passim intueretur. *Cum ante, inquit, ad tibiam saltare nolueritis, hic vobis nunc saltus parum profuturus est.* Quo Cyrus indicabat Jones serius de sua cogitare salute, & pacem optare, quam oblatam neglexissent.

Expositio ejusdem fusior.

1. A laude Cyri, non minus sapientis, quam fortis Imperatoris: manu & consilio prompti.

2. Ad quæstionem *Quis?* Describit Tibicinem arte promptum, quem Arionis exemplo ductum, cui Delphini canenti adstiterant, idem voluisse experiri in minoribus di-ces piscibus.

3. *Vbi?* Locum amœnum, viridemque juxta fluvium piscosum ripam describes, licebitq; etiam philomelas mollius canenti applaudentes inducere, sed pisces his nihil blanditiis motos asseres.

4. *Quid?* Ut viridi reclinis in gramine tibicen modulos auspicatus sit, ut per omnem sonum variando duxerit, ut alias aliasque tentarit canendi artes, describes.

5. *Cur?* ut suam piscibus benevolentiam ostenderet, atq; illorum saltu mutuaque societate, ut Orpheus olim ferarum in sylvis frueretur.

6. *Quomodo?* ut denique indignatione orta, mutato consilio, injecta sagena invitos oblectantesque traxerit, ac serius denique

denique saltantes, cum aliis sociis ad spectaculum prædamque advocatis, riserit, &c.

Applicatio subijci gemina poterit.

Prima quidem Jonum stultè Cyri tot populorum victoris gratiam amicitiamque respicientium, cum viribus armisque longè essent impares. Præstitisse, insolentibus licet, & durioribus ipsius mandatis cum pace obsequi, quàm illius vim atque arma experiri, ac frustra libertate jam amissa, in servitute ipsius voluntati obsequi.

Altera esse generatior potest, prospiciendum omni in re, quid possit adversi evenire, ne serius denique mediis immergi malis, id frustra velimus aut agamus, quod si tempestivè actum esset, ad salutem prodesset. Ne illud in nos proverbium cadat, quod in Phryges & Jones, *serò sapiunt.*

IV.

Apologus, quo ostenditur, facilius esse consilium dare, quam exequi.

Mures aliquando graves Cattorum insidias, & tot suorum cladem pertæsi, indicta synodo, statuerunt ex communi sententia huic malo occurendum esse. Verùm diversis ultro citròque opinionibus re agitata, nihil consultius visum est, quàm ut nola ex collo felium appensa, insidiæ ad illius sonum, ubi ubi demum se movissent, paterent. Cumq; omnes in hanc convenissent sententiam Una denique ex senioribus assurgens, inquit; sed quis nostrum, ô fratres, nola Catto appendet? Tum enim verò hæserunt omnes, neque quisquam repertus est, qui huius consilii exequendi discrimen adire vellet. Æqua igitur viribus consilia esse debent. Stultum enim est velle, quod exequi nemo possit.

Expositio ejus prolixior.

1. Ordieris ab ipso epimythio, sive illo quod per fabulam significatur. Ut quod prudentis viri non sit consilium, quod exequi nemo possit, agendi dare, aut capere, ut eleganti Murium fabula, adumbratum esse asseres.

2. Quis?

2. *Quis?* Mures dices valde à Cattis insidiatoribus obfessos, multos suorum juniorum minus cautos amisisse, variis matrum querelis und quaque per antra exauditis.

Quando? hiberno id factum tempore, quando ruri omnia squalebant, factum memorabis.

Vbi? In cella penuaria, ubi se tutius conventuros speraverant, felibus inde seclusis.

Quid? Synodum habuisse asseres atque illic varias diversorum sententias esse auditas: ut rus migrandum esse, & abstinendum horreis, solariis: in penuariis tantum commorandum, quòd eò Catti rarò admittantur, &c. quæ ab aliis confutentur, ob sterilitatem ruris in hyeme, & penus angustias, Oeconomi vigilantiam, & dolosas muscipulas, &c. Tandem obtinuisse unius sententiam

Quomodo? De exequenda postremum sententia frustra deliberatum. Donec superveniens Oeconomus ex clavium strepitus agnitus consilium dissipavit.

Applicatio fabulae ad mores.

Stultas sæpe vulgi querelas esse atque importuna consilia, quæ exitum sortiri non possint, quando adversus Magistratus & Principes suos quædam suis in officinis aut tabernis producunt consilia, quæ eventum expeditionemque, nisi periculosum, sortiri nequeant. Imbellium adversus potentes consilia plerumque vana sunt.

V.

Æsopus Apologorum ingeniosus artifex Samiis persuasit Praefectos veteres populi non faciliè mutandos esse.

Vulpes in foveam inter paludes delapsa, cum è muscis obfessa teneretur, quæ cinxissent quaquaversum, haustoque jam sanguine, non tenuiter pastæ essent. Erinaceus vexatam misertus, suam arcendis tam importunis hospitibus operam Vulpi detulit, jamque explicatis aculeis lautè ex hac rapina pastas, aut ulturus, aut abacturus erat. Cum vulpes officium hoc deprecata. Sine, inquit, frater, satiatus atque

atque impinguatas abigere, ne aliæ impostæ & macilentæ succedant, quæ me totam denique exhauriant. Levius jam plenas sustinebo, quam exhaustas impletura sum. Ita Samios qui Præfectum suum peculatus damnaverant, mutatâ sententiâ, ad ipsius absolutionem convertit. Quod intelligerent, facilius se jam suis opibus ditatum sustinere deinceps posse, quam si alium ex tenuiori fortuna ad parem opulentiam adspirantem admitterent. Nimirum Muscæ esurientes alieno sanguine pascuntur avidius.

VI.

Apologus, quo suadetur non cuiusvis familiaritatem & oblatam opem admittendam esse.

Lepus venaticorum timore canum in suo latebat hiberno tempore nido abditus. Erinaceus cui commodum minus eo tempore in propinquo diversorium obtigerat, id conspicatus, ad Leporem accedit, suam illi adversus canes opem defert, armatis sese spiculis infestos faciliè hostes abacturum; sed Lepus principio detrectabat sui causatus niduli angustias. Tum verò Erinaceus exiguum sibi locum pro defensione sufficere, modò in extrema parte illum cesserit, nihil se præterea exacturum, acquievit demum Lepus, & accepit in angulo hospitem, qui primò quidem se continet, at sensim laxatis per corpus aculeatis fetis, patientem leviora incommoda leporem, ad extremas nidi angustias coarctabat, idque se defensionis ac necessitatis gratia agere dictitabat. Sed Lepore fidem datam incusante, graviusque inter nimias angustias quiritante, quod in antiqua possessione ab ingrato hospite vim pateretur; Erinaceus denique respondit: Quod si illis suis angustias minus acquiesceret, patere exitum: iret verò, ac de meliori sibi diversorio provideret, nihil se causæ habere cur ab opportuno loco discederet. Ita Lepus suam damnans levitatem, quod ignotæ fidei hospiti temerè salutem credidisset, documentum posteris reliquit, non faciliè cuiusvis opem societatemque admittendam esse; ne amicus plus ipsis denique hostibus noceat.

VII. Apo-

VII.

Apologus, quo Hymerensibus Stesichorus ostendit, inconsulte ab illis Phalaris potentioris Principis protectionem admissam esse.

Equus, ait, pristina adhuc in pratis libertate fruens, nulloque jugo, aut habenæ obnoxius, dolebat infesta suis pascuis cervorum agminia imminere, & optimos quosque bo-
los præcerpere. Quare submovendi hujus consortii avidus hominem adit, oratque adversus cervos, ut sibi præstet suppetias. Non detrectat homo. Itur in consilium; quâ hoc optimè ratione impetretur, ut ne tam impunè in pascua irrumpant cervorum agmina? ac denique placuit, ut armatum suis hominem telis equus indorsum acciperet, atque habenas ore admitteret, quo consultam ab homine viam, directus ipse à prudentiore magistro capesceret. Ita adversus servos felici expeditione processum est, partim fuga, partim in prædam abstractis feris. Sed equo deinde pristinam libertatem roganti, negavit homo id sibi fas videri: æquum enim esse, ut quî tam utilem ipsi homo navasset operam, rursus eadem ad suum commodum fruatur. Unde sub admissis semel inconsultè habenis equo impofterum serviendum fuit. Exemplum posteritati fuit, non facilè potentioris Domini opem, nisi circumspectè admodum, esse admittendam.

VIII.

Apologus, quo Demosthenes Atheniensibus suavit, ne Oratores suos Regi Philippo obsides traderent, quo facto ipse pacem offerebat.

Postquam ait, Lupi infestis sæpe invasionibus ovium gregem lacerassent, pacem denique offerebant, modò canes, quorum latratibus offensi jure essent, sibi dedissent obsides. Oves dolum huic postulationi nullum subesse ratæ, canibus ad illorum voluntatem oblatis, cum excubiis adversus infidias,

dias, præsidioque necessario destitutæ essent, appetitæ per infidos quaquaversum lupos, brevi omnes in prædam cessere. Par vobis, o viri Athenienses, Oratoribus à vestra abductis custodia, ac Philippo traditis, metuendum est. Urbs nulla diu sine prudenti Procerum consilio tuta stetit.

FABULA POETICA.

*Ha similesque fabula eo facile modo, quo superiores per sua
adjuncta diducentur, cui ego labori brevitatis
causa supersedeo.*

Tantum moneo non in Apologis solum verum & reliquis hanc tractandi rationem locum invenire. Proderitque talem aliquam, quales plerasque in Palastra. Eloq. ligat. part. I. compendio exhibui atque in sua etiam Metamorphosi plures Ovidius doctè est prosecutus. Magistrum in scholis suis verbis narrando decurrere, quam exercitii primùm extemporalis loco breviter nervosèque discipuli reddant, fusiori deinde expositione per majus domi otium diducendam. Uno exemplo ad hanc rem præeamus.

IX.

Arion Delphino vectus, Deum innocentium defensionem suscipere ostendit.

Arion citharædus ludendi inprimis peritus, ex Italia quæsitæ opes in Græciam conducto navigio transportare statuit. Nautas ad hanc rem Corinthios delegerat, qui postquam Arionem suis cum opibus nave exceperant, jamque in altum proVecti medium tenerent Oceanum, pecuniarum avidi, necem innocenti præparabant. Quem cum jamjam in mare præcipitem daturi essent, hoc unicum sibi extrema in morte solatium impendi rogavit, ut fidibus suo sese præcludere funeri carmen aliquod liceret, ratus, ut opinor, barbarorum sese hominum conceptum in se furorem mitigare posse. Indulta illi quidem aliqua fidium modulatio, sed quam immites denique nautæ præcipitatio in Oceanum Arione abrumperent. At non perinde immittes Marinæ belluæ. Siquidem Delphinus cantu illectus
ad

adfuit dorsumque nataturo præbuit Arioni, atque in Tænarum eundem cum sceleratis Nautis portum deportavit. Ubi re cognita atque ad Regem Periandrum delata, eundem & improborum vindicem & suarum opum habuit reſtitutorem. Quàm verè Horatius:

Rarè antecedentem ſceleſtum,

Deſeruit pede pœna claudo, Lib. 3.

Hanc facile ad ſuperiorum imitationem amplificabis.

1. *A* providentia Dei omnia in mundo ita adminiſtrantis, ut nec improbis ſuæ deſint pœnæ, nec probis ſua deſenſio: uti in Arionis fabula patere dices.

2. *Quis?* Deſcribetur Arion à patria Græcorumque felici ad omnes artes ingenio, tum verò ipſius ludendi peritia, quàm ingentes ſibi in Italia opes paraverit, honeſto vitæ inſtituto, ut iccirco gratus Superis fuerit.

3. *Quid?* Exponatur quemadmodum cum Nautis liberali ſtipendio laboris oblato convenerit, & Corinthiis tanquam popularibus ſiſus ſit.

Quomodo? & quibus auxiliis? Qua deinde ratione lætus in navem exceptus, proſectusque ventis faventibus, interludente quandoque Arione Phocis juxta natantibus, Nautiſque applaudentibus. Ut deinde ſcollatis inter ſe capitibus de pernicio Arionis conſultare cœperint, iſque fatali jam horâ properante, ſuaviſſimum ad deliniendos animos carmen, cithara interſtrepente, lacrymiſque nonnunquam intercidentibus modulatus ſit. Quemadmodum poſtremo nonnullis inſlexis, aliis ad ſcelus obſirmatis præcipitatus ſit. Ut Delphinus eundem cum cithara cadentem exceperit, celerrimoque impetu à conſpectu ſuſtulerit, Arione ruſum ad citharæ præſidium, & blanditias ſuo cantu belluæ faciendas converſo. Adeo ut ipſæ etiam in mari Sirenes ſuæ modulationis oblitæ hujus melodiam ſecutæ ſint.

5. *Vbi?* Inter medios Oceani fluctus & monſtra infeſti maris, Arionem bonæ cauſæ, ſuæque fretum cithara incolumen ad portum Tænari deductum eſſe, hominibus undequaque ad tam inſolens ſpectaculum affluentibus, ut Arion Deus potius Marinus, quàm homo ſit habitus.

6. *Cur?* Ad Regem accerſitum, cauſamque hujus proſectionis tam inſolitæ rogatum expoſuiſſe Arionem &

T

Nau-

Nautarum scelus, & Delphini miserationem. 'Ibi de illorum avaritia atque inhumanitate differendi locus est.

7. Concludet in ope & præsidio Regis adversus improbos postulando, quod Rex pollicitus, mittet qui captivos adducant.

Applicatio fabula ad mores.

Hac 1. docebis quemadmodum avaritia omnem in orbe fidem evertat, ut nec amicus ab amico, nec frater à fratre tutus sit. 2. Quandam Superi curam hominum innocentium suscipiant, & quod demum bona causa in lucem emergat & triumphet. 3. quod illud Senecæ verissimum sit.

*Quod quisque fecit, patitur, autorem scelus
Repetit, suoque premitur exemplo nocens.*

CAPUT XI.

*De idonea fingendi ratione ad formandas in scholis
exercitationes & declamationes Humanistis
ac Rhetoribus utiles.*

Serviet oratori futuro etiam ad varium dicendi genus opportuna fabularum per fictionem aliquam introductio, qua tam exercitationum, quàm declamationum etiam Scholasticarum ornari perficique disciplina poterit.

I.

Ita fingatur Ver, Æstas, Autumnus, Hyems, de excellentia sua inter se, apud Annum patrem, vel Hominem contendere; & quælibet pars sibi honorem principatus deposcat. Sua certatim producant munera, Deorum etiam favore patrocinioque nitatur ver Apollinis, Floræ, Dryadum, Musarum & Æstas Cereris, Autumnus Bacchi, verum Hyemi suo patrono destitutæ Vulcanus se denique offerat. Quæ res ad multas exercitationes, & rerum variarum descriptiones (de quarum usu agemus inferius) servire poterit, suaque simul varietate delectare. Pari ratione, vel Dies inter se, ut festivi cum Ferialibus, aut Esuriales cum Epularibus, aut Nox cum Luce in dignitatis, sive

sive utilitatis, aut pacis & quietis disceptationem venire potest, suosque pars quæque Patronis arcessere.

II.

Sic & Elementa coram cælo Judice incertamen venire possunt, & quodvis suam in orbe necessitatem, commodaque, quibus & universum & ipsum hominem sustineant conserventque in contentionem pro excellentia adducere. Denique sua quæque animantia, ut Aër volucres, Aquæ pisces, Terra præcipui quæque generis inducere. Igne etiam lucis suæ vim, qua cæli ac sidera in hæc inferiora influant, deprædicante. Jupiter denique pro igne, Juno pro Aëre, Pan pro terra, Neptunus pro Aqua decertet.

III.

Planetæ ac cælestia sidera, vel præcipua, ut sol & luna, vel quæ in cælum à terris esse translata finguntur, ut Perseus, Hercules, Ganymedes, sive Aquarius: aut animalia, ut Aquila, & Cygnus, Pegasus, Ariës, Taurus, Leo in concertationem litterariam procedant, &c. Hæc certare de sua dignitate aptis rerum naturæ & effectuum descriptionibus poterunt.

IV.

Diversæ certent animantes, hoc est, vel inter se volucres, & feræ, vel, contra, alterius generis animantia: Fingamus de regno inter illos concertatum, Pavonemque Aquilam & Noctuam reliquis prælatas, quatum primæ Junonis, altera Jovis, tertia Minervæ præsidio freta, illa in terris jussa sit præesse; unde aulas Principum occupet: Aquila in cælo, Noctua tempore nocturno summum tetiere imperium, quæ causa cur illa in altissimis nidificet rupibus, hæc die jam occumbente primum se efferat.

V.

Bestiæ domesticæ, ut Equus, Bos, Canis, Asinus, Porcus: vel certè Anser, Columba, Anas, Gallina: vel Gallorum diversæ species, ut Gallus excubitor & Capo, & Gallus

lus Indicus, de primatu in domo obtinendo contendant, suas singulæ utilitates, quibus Hero serviant, quam maxime extollant, feriasque aliquas à laboribus postulent, & alimmentorum majorem lautitiam, quam dum Bovi, Porco, Anseri, Galloque concedit Herus, ac denique impinguatos mactat. aliæ se pristina sua sorte contentas esse significant, neque hujusmodi sui Domini favores sibi impensos velle. Satiùs fore in demissione impostero servire, quam ejusmodi honoribus præferri reliquis.

VI.

Fluvii inter se, vel Regiones diversæ, ut Rhenus cum Mosa, Danubio, aut Amisi, Terra Julia plana & cerealis, cum terra Montium inæquali & piscosa, fructuum, atq; animalium feraci. Italia cum Gallia, Germania cum Hispania, Maritima regia Batavorum, cum Palatinatu à mari secluso conferri, & suis quæq; emolumentis sibi arrogare possunt victoriam.

VII.

Scientias, aut Artes, suis ornatas descriptasque insignibus & armis, ad laudem reprehensionemque mutuam, induces. Grammatica cum Rhetorica, hæc cum Philosophia, Jurisprudentia cum Medicina, Ethica cum Mathesi, Politica cum Monastica certabunt. Liberales contra Iliberales Artes producentur, Pictoria cum Musica, Agricultura cum Mercatoria, &c. in disceptationem venient, suos quæque Patronos adducent, artificia probabunt, &c. ac pro dignitate, cum utilitate potiore contentionem instituent.

VIII.

Virtutes pulchro certamine pro hominis dignitate extollenda in scenam adduces. Justitia quantum ad humanum genus ornandum conferat, idem & Prudentia & Temperantia, & Fortitudo contendet. Singula suos heroas immortalis per se donatos nomine exhibebunt. Ita ad Jurisperitum aliquem dignè ornandum aptæ eidem Virtutes

tes & Artes confluent, suum tribuet decus Discretio, Integritas, Studiositas, Æquitas, Vigilantia, &c. proscriptis vitiis huic officio adversantibus præsertim corruptela munerum, Inertia, &c. Themidis in tribunali accusatis. Sic & Medicum, & Ecclesiæ Doctorem, & Virum Senatorem atque etiam Adolescentem Disciplinæ virtutes dignæ, & hunc quidem Modestia, Diligentia, Pudor, Obsequendi promptitudo, & Reverentia majorum ornabunt, oppositis Vitiis ad Phœbi, aut Eloquentiæ, vel etiam Sophiæ iudicium damnatis, proscriptisque.

IX.

Ipsæ etiam Naturæ dotes, aut Fortunæ, suis personis indui partibusque differendi instrui possunt. Veniant sensus quinque, Oculusque sit pictor, Auditus citharædus, Oloratus Pharmacopæus, Gustus Coquus, Tactus Leno & adulator suamque quisque operam præ cæteris utilem homini deferat, postuletque, ut sibi potissimum benevolentiam studiumque omne impendat, cæterque subesse ac servire tanquam digniori cogantur. Sic & Ratio voluntasque adversus Phantasiam & Appetitum irrationalem: aut etiam Anima cum suis facultatibus adversus Corpus ejusque potentias non inepta concertatione inducetur. Jam vero de Fortuna Opibusque ac Honoribus in scenam inducendis, nulla est Palæstra litteraria, quæ nesciat.

X.

Quin & Plantæ ipsæ, Fruges ac Fructus suis donari personas atque oratione in mutuâ aliqua disceptatione queunt. Sic Joathan *Judic. 9.* patria exul, fratribusque per Abimelechum interfectis, cum hunc parricidam Sichimitæ in Regem delegissent, hac fabula illorum stultitiam arguit. Convenisse Ligna ut Regem eligerent, oblatumque imperium Olivæ, at hanc suam noluisse deferere pinguedinem, & steriles honores sectari, oblatum & Ficui vitique, sed utramque pari responso detrectasse, denique & Rhamno oblatum, quæ suam protinus umbram ad quietem obtulerit, acceptoque honore, execrata sit omnes Cedri Libanos quotquot

adversarentur. Quo figmento cæterorum omnium ineptissimum Abimelechum regnum stultè atque improbè affectare ostendit.

OBSERVATIO.

Hujusmodi fictiones venustè, tam ad encomiastica & honoraria quædam scripta, viris principibus aliisque proceribus offerri solita, quam etiam ad theatrales gratulationes, sapientesque morum instructiones adhiberi possunt. Juvèritque ex re præsentì inprimis deponere. Illud verò quod in Apologis potissimum delectat, ut in expectata conclusionè aliqua fabula absolvatur, hoc & in cæteris plerisque fictionibus locum habet. Tantò enim altius animo illabitur, insidetque firmitus, quantò magis præter opinionem eventus cadit.

Nos aliqua harum exercitationum exempla in *Exercit. Oratoriis* dedimus, quo studiosum lectorem remittimus. Nunc aliena, quàm nostra dare maluimus, quamvis ejus generis fabularum pauca suppetant, *Ex Maximo Tyrio*, auctore longè suavissimo unam alteramve fabulam adjiciam, quam ex lege superius præscripta latius exornare studiosa juventuti licebit,

CAPUT XII.

Fabula descripta & applicata.

Sapientem hominem solere amicos adulatoribus præferre, Tyrius diss. 4.

1. **F**abula de bivio Herculis, quod hinc virtus, illinc voluptas tenebat.
2. Sic vitam nostram hinc Amicus, inde Adulator sollicitat.
3. Hunc plures, illum pauci, cum Hercule, sequuntur. Prodicus in fabula Herculem jam puberem virilesque gerentem animos, duplici in via statuit; utrique huic viæ Virtutem Voluptatemque tanquam Duces præficit. Quarum altera arrogans procaxque; altera formoso vultu, mode-

modesto incessu, venustâ voce, aspectu mansucto, veste solutiori ab eo inducitur. Altera rursus lasciva, fucatâ, veste florida, vultu impudentissimo, incomposito gradu, voce inconcinnâ. Hæc animadvertit ipse etiam Hercules, ut qui & Jovis esset filius, & indolis præclaræ. Quare voluptati res suas sibi habere jubet, ducemque sequitur Virtutem.

2. Hoc exemplo & nos fabulam fingamus, viamque item statuamus duplicem, & una virum bonum. Hujus viæ duces, pro virtute amicum, pro voluptate adulatorem ponamus. Sed & hi habitu, vultu, veste item, voce atque incessu differant. Ut alter quàm jucundissimus appareat; alter nihil præter id, quod est, præ se ferat. Alter renidens dexterâ protensa, crebris laudibus, blanditiis, precibus, obsecrationibusque ad se invitet hominem, mirasque, ad quas se duce perventurus sit, voluptates describât. Locum videlicet, ubi prata floribus rideant, labantur fluvii, volucres canant, auræ spirent leniter, arbores plurimis amictæ foliis terram vestiant, planæ semitæ, larissimæ sint curricula. Sed & horti floridissimi, ubi pyra pyris (ut apud Homerum est) mala malis, uvæ subnascantur uvis. Alter contra dux pauca dicat, sed vera. Maximam nimirum viæ partem esse salebrosam, minimam, facilem: esse itaque necesse, ut vir bonus qui committere se illi postulet, ita se comparet, ut cum opus sit, laborem ferre possit: si quid planum expeditumque occurrat, id in lucro reponat. Hæc uterque si dicat, utri credet, utram viam inibit?

3. Respondeamus fabulæ auctori, si quidem homo ille aliquis ex corrupto Assyriorum grege futurus est aut Phœnicus, Strato, Cœcles, aut qualis fuit Sybarita ille, alterum è ductoribus pessimè etiam oderit, nec aliud quàm agrestem, austerum, atque invenustum putabit esse: alterum contra elegantem, suavem, mireque humanum judicabit. Demus ergò à præclaro illo, si diis placet, ductore deduci hunc hominem; dubium non est, quin in ignem cum Assyrio, aut in paupertatem cum Phœnice, aut in vincula cum Cyprio, eum deducturus sit: aut in aliud denique verum malum, ad quod falsa perducere voluptas solet. Sin aliquis similis Herculi futurus est, verum certè ductorem, id est, amicum, præferet, sicut Hercules virtutem.

IMITATIO.

Opponatur pari ratione Amor divinus Amori humano, sive Eros & Anteros, via, habitu, arte ac legibus diversis, quibus utrimque sui sectatores non desint.

§. 1.

Fabula Æsopi moribus humanis applicata.

Quosdam voluptatem aversari, sed re ipsa sectari. qua tamen in licitis non sit reprehendenda, Tyr.

differt, 33.

Æsopus, Phryx ille, fabellas conscripsit quasdam, in quibus mutua inter se consuetudine bruta utuntur animalia. Interdum verò, & arbores introducuntur, & pisces; aliud cum alio, vel unâ cum homine. Moralem autem sensum hæ fabulæ complectuntur, reconditamque occultant veritatem. Illa in reliquis celebratur, quâ cervam Leo insectatur: & suæ illa salutis fugiendo consulens, denso quodam in nemore occultatur. Leo verò qui quantum robore cervam vincit, tantum velocitate à cerva vincitur; nemo subit, quærîtque ex pastore; sicubi latitantem vidisset cervam? Negat pastor, simulque manu protensa locum ostendit. Atque ita cervam miserrimam invadit Leo. Vulpecula autem, (hanc enim callidam ubique Æsopus facit) nã tu, inquit Pastori, imbellis simul improbusque es: coram Leone quidem imbellis, improbus verò in cervam. Videtur mihi hac hominis Phrygii fabula, adversus eos qui voluptatem accusant, uti posse Epicurus: qui voce tenus fortes videntur, animum verò, ut ille digitum, ibi habent. Quis enim tam sibi inimicus est, ut rem, quæ omnium natura sua maximè nos allicit, sponte suâ aspernetur? Reliqua enim quæ sequuntur homines, aut experientia intelligenda nobis dedit, aut artis approbavit industria, aut de iis fidem nobis fecit ratio, aut longi indicium temporis ea conciliavit nobis. Voluptas nec ratione eget, & arte est antiquior, & experientiam prævenit, nec tempus exspectat. Ut ineffabilis quidam ejus amor, unâ cum corporibus nobis innatus sit, qui quasi fundamentum aliquod animalium subjicitur salutis,

ti, quod si quis rollat, statim id quod natum est evanescere sit necesse. Scientiam enim rationemque, & id, quod ab omnibus intellectus dicitur, progressu temporis, paulatim congregientibus cum rebus ipsis sensibus, longa experientia colligit homo, conservatque. Voluptatem autem sponte statim à natura ipsa, haurit atque accipit. Hanc amplectitur, oditque quidquid dolorem affert, ab hac servatur, ab illo corrumpitur. Quod si vituperanda esset voluptas, neque nobiscum ea nasceretur, neque omnium, quibus conservationem debemus nostram, esset antiquissima. Quæ autem vulgo à Sophistis obijciuntur voluptati, Sardanapali luxus. Medicæ deliciæ, mollities Jonica, mensæ Siculæ, Sybaritica tripudia, Corinthiæ meretriculæ, hæc omnia, & si plura etiam his adferre velis, non voluptatis, sed artis rationisque sunt effectus: longo namque post tempore, accedente plurimarum lenocinio artium, voluptatem violarent homines. Sicut autem rationem, rem naturæ suæ honestam, nemo negat esse, quamvis ea in re, minimè natura honesta, quis uratur: ita neque de voluptate secus loquendum est, sed qui voluptate abutuntur.

CAPUT XIII.

De Narratione Historica.

QUOD de fabulis tradidimus, Historiarum illas in modum exponi, hoc ad faciliorem breviorque de Historia tractationem quoque est profuturum. Nam & duplicatione illa pertractari, vel compendiò, vel prolixius consuevit. Quod postremum, ut inter Oratores inusitatum non est, ita iisdem, de quibus in fabula amplificanda actum est, adjunctis solet fieri. Hoc solum admonendus scriptor vel Orator est, ne quid adversus veritatem peccet. Ubi enim omnes Historiarum circumstantiæ exploratæ sunt; alias non licebit surrogare; ubi verò plures occultantur, verisimiles nonnunquam accersendæ erunt, ne res sua dignitate, quam postulat, destitatur. Quod tamen parcius circumspectiusque in sacra, quàm profana Historia erit usurpandum, cum in ista quidquid divinum non est, solita auctoritate careat.

Illud præterea lectorem advertere cupiam, non hic agere me de Historia quemadmodum integris illa voluminibus ad posteritatis memoriam concinnanda sit; hoc enim separato tractatu in Palæstra styli à me peractum est. Nunc solum qualemcunque ipsius usum in alio scribendi, aut dicendi genere consideramus, ut, sive pressius, sive diffusius eam libeat usurpare, ratio atque exemplum aliquod scribendi studiosis eloquentiæ suppeditetur. Ejus verò amplificandæ rationem infra, in propriis Oratorum exercitiis dabimus.

§. I.

*Historica narratio compendio tradita.**De Staleni Romani Iudicis auro corrupti vasa improbitate.*

Erat Romæ Oppianicus Cluentio privigno capitali odio infestus, ideoque per Scamandrum libertum venenum eidem instruxerat, cumque flagitii Scamander comperitus, reusque in iudicio factus ab omnibus, à Pæto tamen Staleno absolutus esset, Oppianicus denique autor citaretur ad iudicium. Speravit hic Staleni, qui Scamandro faverat, operâ se posse evadere. Adit igitur hominem, oblatisque sestertiis sexcentis quadraginta millibus, quibus & aliorum Iudicum suffragia emeret, Stalenum sibi, ut putat, addit. Hic verò de pecunia universè retinenda magis (quod & aliàs in causa Safinii ex voto cesserat) quam Oppianici juvandi sollicitus, hoc damnato sperat se facilius auro potiturum. Quam telam hac arte cœpit texere. Bulbum Gutramque, ex iudicibus quoque futuros, convenit, facit quadragintorum millium cuique spem, si Oppianicum absolvant, jubetque alios secum, eadem facti gratia, ad idem propositum inducere. Verùm ubi deinde ante iudicium postulata sunt pecuniæ: contractis Stalenus humeris, se ab Oppianico delusum queritur, additque, sua illum sententia condemnatum iri, itaque reliquos indignatione atque exemplo concitatos in eandem mentem pertraxit. Suboluerat Canutio, aliisque, pecuniam in iudicio, ad Staleni inprimis manibus, versari, actum igitur sorte atque industria, ut Bulbus, Stalenus,

&

& Gutta primi in dicendis essent sententiis. Qui cum adversus Oppianicum præter expectationem pronuntiarent, injecta cæteri dubitatione hæserunt, neque statuere secum, quidnam actum esset, potuerunt. Damnatuſ igitur Oppianicus sententiis plerorumque, ex iudiciis triginta & duobus. Quæ res L. Quintio trib. populari homini, qui de pecunia inaudierat, de iudicio contra Oppianicum lato cognoverat, occasionem præbuit, gravissimis plebem adversus improbitatem Iudicum declamationibus inflammandi, ut qui innocentem Oppianicum corrupti auro condemnassent. Oppianico verò etiam profuit ad pecuniam rursus à Staleni manibus extorquendam. Ita suo demum & Oppianicus, & Stalenus laqueo captus est; cum illi oblata pecunia ad damnationem, huic accepta ad solam ipsam profuit.

Cicero eandem Historiam per adiuncta sua magis diducit. Pro Aulo Cluentio Avito post principium.

Numero 1. ad quæstionem *Quis?* personam Staleni, ejusque & vasrum & corruptum ingenium, acta pristina cupiditatemque ejusdem describit.

2. Adjunctum *quid?* expendit, quid videlicet Oppianicus egerit, obtuleritque; quid & ipse Stalenus hac in re consilii ceperit.

3. *Quibus auxiliis;* ut quod Stalenus Bulbo & Gutta per se adductis delusisque rem ad votum suum confecerit.

4. *Quomodo?* ut qua ratione sententiæ contra Oppianicum, delusis unius Staleni fraude omnibus, latæ sint. Ipse tamen denique Stalenus sua arte captus sit.

C I C E R O.

Ut primum Oppianicus ex eo quod Scamander reus erat factus, quid sibi impenderet, coepit suspicari. Statim se ad hominis egentis, audacis, & in judiciis corrupendis exercitati, tum autem iudicis, Staleni familiaritatem applicavit. Ac primum Scamandro reo, tantum donis datis, muneribusque perfecerat, ut eo autore uteretur cupidior, quam fides iudicis postulabat. Post autem, cum esset Scamander unius Staleni sententiæ absolutus, patro-

patronus autem Scamandri ne sua quidem sententia liberatus : acrioribus saluti suae remediis subveniendum putavit. Tum à Staleno, sicut ab homine ad excogirandum acutissimo, ad audendum impudentissimo, ad efficiendum acerrimo (hæc enim ille & aliqua ex parte habebat, & majore ex parte se habere simulabat) auxilium capiti, & fortunis suis petere cœpit. Jam hoc non ignoratis, judices, ut etiam bestiae, fame dominante, plerumque ad eum locum, ubi pastæ aliquando sint, revertantur. Stalenus illa biennio ante, cum causam bonorum Sasinii Atellæ recepisset, sexcentis millibus nummum se judicium corrupturum esse dixerat, quæ cum accepisset à pupillo, suppressit : judicioque facto, nec Sasinio, nec bonorum emptoribus reddidit. Quam cum pecuniam profudisset, & sibi nihil non modò ad cupiditates suas, sed ne ad necessitatem quidem reliquisset : statuit ad easdem sibi prædas, ac suppressiones judiciales revertendum. Itaque cum Oppianicum jam perditum, & duobus jugalarum præjudiciis videret : promissis eum suis excitavit abjectum, & simul saluti desperare vetuit.

3. Oppianicus orare hominem cœpit, ut sibi rationem ostenderet judicii corrumpendi. Ille autem (quem admodum ex ipso Oppianico postea est auditum) negavit, quemquam esse in civitate, præter se, quid efficere possit. Sed primò gravari cœpit, quòd ædilitatem se petere cum hominibus nobilissimis, & invidiam, atque offensionem timere dicebat, post exoratus, initio permagnam pecuniam poposcit : deinde ad id pervenit, quod confici potuit, & sestertia sexcenta quadraginta millia deferri ad se domum jussit. Quæ pecunia simulatque ad eum delata est, homo impurissimus statim cœpit in ejusmodi mente, & cogitatione versari : nihil esse suis rationibus utilius, quam Oppianicum condemnari : illo absoluto, pecuniam illam, aut judicibus dispartiundam, aut ipsi esse reddendam : damnato, repetiturum esse neminem. Itaque rem cogitat singularem. Atque hæc judices, quæ verè dicuntur à nobis : facilius credetis, si cum animis vestris longo intervallo recordari Staleni vitam & naturam volueris. Nam perinde ut opinio est decujusque moribus, ita, quid

quid ab eo factum , & non factum sit , existimari potest. Cum esset egens. sumptuosus, audax, callidus, perfidiosus, & cum domi suæ, miserrimus & inanissimus, tantum nummorum positum videret: ad omnem malitiam, & fraudem versare mentem suam; hæc secum cogitans, cœpit: Demne iudicibus? mihi igitur ipsi, præter periculum, & infamiam, quid quæretur? nihil excogitem, quamobrem Oppianico damnari necesse sit; quî tandem? nihil enim est, quod fieri non possit. Si quis eum fortè casus, ex periculo eripuerit, nonne reddendum est? præcipitantem igitur impellamus, inquit, & perditum prosternamus. Capit hoc consilium, ut pecuniam, quibusdam iudicibus levissimis polliceatur: deinde eam postea supprimat: ut, quoniam graves homines sua spontè severe iudicaturos putabat: hos, qui leviores erant, destitutione iratos Oppianico redderet.

Itaque, ut erat semper præposterus, atque perversus, initium facit à Bulbo: & eum, quod jam diu nihil quæsierat, tristem, atque oscitantem, leviter impellit. Quid tu, inquit? ecquid me adjuvas Bulbe, ne gratis reipublicæ serviamus? ille verò, simul atque hoc audivit, *ne gratis*, quò voles, inquit, sequar. Sed quid affers? Tum ei quadraginta millia, si esset absolutus Oppianicus, pollicetur: & eum, ut cæteros appellet, quibuscum loqui consueisset, rogat: atque etiam ipse conditor totius negotii, Guttam aspergit huic Bulbo. Itaque minimè amarus is visus est, qui aliquid ex ejus sermone specularè (a) degustarat. Unus, & alter dies intercefferat, cum res parum certa videbatur: Sequester, & confirmator pecuniæ desiderabatur. Tum appellat hilari vultu hominem Bulbus, ut blandissimè potest: Quid tu, inquit Pæte? (hoc enim sibi Stalenus cognomen ex imaginibus Aëthiorum delegerat, ne, si se Ligurem fecisset, nationis magis suæ, quàm generis uti cognomine videretur) qua de re mecum locutus es, quærent à me; ubi sit pecunia? Hic ille planus improbissimus, quæstu judiciario pascus, qui illi pecuniæ, quam condiderat, spe jam, atq; animo incubaret: contrahit frontem (recordamini faciem, atq; illosejus fletos, simulatosque vultus) queritur se ab Oppianico desti-

(a) spei parva.

destitutum: & qui esset totus ex fraude, & mendacio factus, quique ea vicia, quæ a natura habebat, etiam studio, atque artificio quodam malitiæ condidisset, pulchrè asseverat, se ab Oppianico destitutum: atque hoc addit testimonii, sua illum sententia, quam palam omnes laturos essent, condemnatum iri. Manarat sermo in consilio, pecuniæ quandam mentionem inter iudices esse versatam, res neque tam fuerat occulta, quàm erat occultanda: neque tam erat aperta, quàm rei publicæ causa aperienda.

In ea obscuritate, ac dubitatione omnium, Cautio, peritō homini, qui quodam odore suspicionis Stalenum corruptum esse sensisset, neque dum rem perfectam arbitraretur, placuit repentē iudices pronuntiare. Iudices se id velē dixerunt. Hic tum Oppianicus non magnopere pestumuit. Rem à Staleno perfectam esse arbitrabatur. In consilium erant ituri iudices triginta, & duo, sententiis decem & sex absolutio confici poterat. H. S. quadraginta millia nummum in singulos iudices distributa, eum numerum sententiarum conficere debebant, ut ad cumulum, spe majorum præmiorum, ipsius Staleni sententia septimadecima accederet. Ecce tibi ejusmodi sortitio, ut in primis Bulbo, & Staleno, & Guttæ esset judicandum. Summa omnium expectatio quidam sententiæ ferrent leves, ac nummarii iudices. Atque illi omnes sine ullā dubitatione condemnant. Hic tum injectus est hominibus scrupulus, & quædam dubitatio, quidnam esset actum. Deinde homines sapientes, ex vetere illa disciplina judiciorum, qui neque absolvere hominem nocentissimum possent, neque eum de quo esset orta suspicio, pecuniā oppugnatum, re illa incognita, primò condemnare vellent: non liquere dixerunt. Nonnulli autem severi homines, hoc statuerunt, quo quisque animo quid faceret, spectari oportere: & si alii pecuniā accepta verum judicabant, tamen nihilo minus se superioribus suis judiciis constare putabant oportere. Itaque damnarunt. Quinque omnino fuerunt, qui illum vestrum Oppianicum sive imprudentia, sive misericordia, sive aliqua suspicione, sive ambitione adducta, absolverunt. Condemnato Oppianico, statim Lucius Quinctius homo maximè popularis, qui omnes rumorum, & concionum ventos colligere consuevisset, oblatam sibi facul-

facultatem putavit, ut ex invidia senatoria posset crescere; quod ejus ordinis judicia minus jam probari populo arbitrabatur. Hebetur una atque altera concio vehemens, & gravis: accepisse pecuniam judices, ut innocentem reum condemnarent, tribunus plebis clamitabat: agi fortunas omnium dicebat: nulla esse judicia: qui pecuniosum inimicum haberet. incolumem esse neminem posse. Homines totius ignari negotii, qui Oppianicum nunquam vidissent, virum optimum, & hominem prudentissimum, pecunia oppressum arbitrarentur: incensâ suspitione, rem in medium vocare cœperunt, & causam illam totam deposcere. Atque illo ipso tempore in ædes Titi Anicii, hominis honestissimi, necessarii, & amici, noctu Stalenus, accessitus ab Oppianico, venit. Jam cætera nota sunt omnibus: ut cum illo Oppianicus egerit de pecunia: ut ille se redditurum esse dixerit: ut eorum sermonem omnem audierint viri boni, qui tum consulto propè in occulto stetissent: ut res patefacta, atque in forum prolata, & pecunia omnis à Staleno extorta, atque erepta sit. Hujus Staleni persona populo jam nota ac perfecta, ab nulla turpi suspitione abhorrebat: suppressam ab eo pecuniam, qui erant in concione non intelligebant, neque enim docebantur. Versatam in judicio mentionem pecuniæ sentiebant. Innocentem reum condemnatum esse audiebant: Staleni sententia condemnatum esse videbant: non gratis hoc ab eo factum, qui hominem norant, judicabant. Similis in Bulbo, in Gutta aliisque nonnullis suspicio consistebat.

IMITATIO.

Antipater Herodis filius, qui sublati per dolum & corruptionem hominum judiciorumque fratribus, etiam Herodi patri exitium machinabatur, cum Oppianico aliorum corruptore poterit comparari, ac denique ostendi, quomodo à suo procuratore per aurum corrupto, inductoque, ut Herodem occideret, ipse proditus atque ab Herode sublati sit.

§. 2.

Ratio applicanda Historia ad mores hominum formando.

Non solum Historia narratione inter Oratores aliosque

que scriptores nuda perstringitur; sed etiam ad mores formando, velut per propositam quandam boni malive imaginem, ad quam vitam nostram componamus, rectè sapienterque proponitur. Quod plerumque explicata breviter rei veritate, nonnunquam etiam laxatis scribendi dicendique habenis, præsertim in theatris, & scriptis dramaticis fieri assolet. Nos utriusque generis plura exempla dedimus: illius quidem in speculo Imaginum, hujus in Poësi Dramatica part. 3. Palæst. ligat. Hic quæ hujus potissimum loci sunt, brevium Historiarum ad mores instruendos usum aliquem, ex Maximo Tyrio ostendemus. Et in primo quidem exemplo post unius Historiæ introductionem sequetur applicatio; in altero instructio morum præcedet, quæ deinde exemplis subjectis confirmetur. Ultraque enim scriptoribus familiaris est, quanquam & media quædam sit; cum interposita Historiæ ad mores expositione, amœna quadam varietate miscentur; aut etiam ad unius rei declarationem, strictim plura exempla acervantur. Quorum omnium aliqua reperies lineamenta, in ultima hac Tyrii dissertatione quam honestæ voluptatis studio reliquit.

Historia descripta & ad mores per similitudinem applicata. Ex Max. Tyrio Dissertatione 31.

Voluptatis sectatores naufragantibus similes denique intereunt.

1. Rex Aetæ navi maxima instructissimaque naufragium passus est.

2. Ita voluptatum sectator jactatur fluctibus donec opprimatur.

3. Exemplis variorum id breviter stabilitur.

Epicuri Philosophiam cum Aetæ Regis navî conferam. Neque fabulam amplectar, sed quod non ita evenit diu, cum Rex quidam ex Ægypto Trojam versus navigaret, homo barbarus, è numero eorum, qui supra Phœnices colunt.

— Nec norunt equora ponti,
 Nec Iovis Aëgiochi reveretur nomina —
 Nec Divos alios.

Hic impius marisque imperitus Rex, maximam sibi latissimamque strui navem jusserat : in qua quascunque vellet secum voluptates veheret. Et intus quidam regiam sibi quam pulcherrimam fabricarat, thalamos, lecticas, curricula.

Extra aulam magnus fuit hortus, limina juxta.

In eo arbores crescebant diversæ, punicæ, pyri, mali viteque. Alibi lavacrum suum habebat & gymnasium, alibi locis destinatum, alibi meretricum cubilia, alibi triclinium, alibi aliud, in quo non secus, quàm in urbe voluptatibus fracta oblectaret genium. Accedebant & colores, qui navem commendarent varii, visu jucundissimi : neque auri deerat aut argenti copia. Denique similis erat homini imbelli, qui arma gestaret aurea. Mirabantur hoc spectaculum Aegyptii, felicemque uno omnes ore judicabant Dominum, neque deerat, qui gubernatoris munus inviolaret animo, & qui veli ea vehementer optaret. Cum autem jam solvendi tempus esset, exire cœpit magna hæc atque opulenta navis, multum jactata vix egressa est portum. Non aliter quàm insula, quæ in aqua natat. Egressæ sunt & naves aliæ vulgares, succinctæ ad navigationem atque expeditæ. Tantisper ergo dum à ventis esset in mari tranquillitas, longè voluptatibus suis superior erat navis regia, plenaque omnia nitore erant.

Tum

Tibiaque fremitusque hominum & stridebat arundo.

Simul ac autem à malatia illa subita aërem turbavit tempestas, multoque ventus in mare fremitu descendit, tum demum quis voluptatis esset usus, quis artis, cœpit intelligi. Aliæ namque vela legerenaves, paria cum fluctibus facere, venti sustinere impetum, mali vim expugnare, Sola verò misera illa navis, non secus, quàm magni corpus hominis, quod gravedine, aut ebrietate vertitur, huc illuc impelli. Adeo ut gubernator artis explorare opem, nec effœminata illa turba posset, ut qui omnes hic, illic, metu attoniti, jacerent. Interim præclara omnia tempestas dissipavit.

Plurimaque evertit radicitus ardua ligna.

Ibi ergo dissipari regia, thalami, lavacra : eratque mira

U

tes

res visu, ut non navis unius, sed totius urbis naufragia fluctus terræ appulisse videbantur.

Ast olî fulicum similes hinc inde carinam

Fluctibus in mediis cingebant.

Hunc finem stolidissimus, navisq̃ue inutilis importunus vector habuit.

2. His cum fluxibus refluxibusq̃ue turberetur animus, quæ nam spes, ut doloris aliquando expers agat, relinquitur? præsertim cum iis, quibus aliquando carendum est, fruatur bonis. Ego nec mari credo, quamvis venti sileant, quamvis sit tranquillum. Suspectum est enim hoc silentium. Quippe se serenitati me velis confidere, in aliquod. quod mutationem non recipit mare, me deducas necesse est.

Quod neque tempestas insana, nec humidus unquam

Imber agit

Semperque in nubilus æther

Cingit, & hinc illinc lux circum candida currit.

Eadem est animi nostri ratio, eodem jactatur modo. Si enim gubernator absit, absitq̃ue ars, licet serenitatem videat, tempestatem metuit rursus. In tempestate si verteretur, serenitatem expetit. Vita enim hominis voluptati dediti, mobilis, meticulosa, infida. omniq̃ue salo est incertior. Nonne porcos vides quantis se oblectent voluptatibus, pingues capras ut comedant, molliculis hædis se ut expleant, tibias audiant, vinum misceant, disco sese oblectens, tragulas emittant? Quis non hanc illis voluptatem invidisset? Adest tamen vates optimus futuri non ignarus, qui dicit illis.

O miseri, quæ vos cingunt mala! vestra tenebra

..... Involvunt capita.

Instabat miseria eorum, aderat malum.

3. Sicut & Alexandro instabat, cum magnam illam à Peloponneso furtim advexisset voluptatem. Statim in eum Græcorum instructa classis venit: quæ sexcenta magno illi voluptatis amatori, sexcenta toti urbi advexit mala. Voluptates Assyrias omitto, quas statim cum ipso auro, cum ipsis meretricibus ignis invasit. Nec Ionicas Polycratis dico, quas ne honesta quidem mors secuta est. Plena voluptatibus Sybaris erat, sed cum cultoribus suis interierunt voluptates. Etiam apud Syracusanos fuerunt, sed calamitatibus admoniti, uti & Corinthii, ad frugem redierunt.

IMITA-

IMITATIO.

Idem exemplum, ad vita humana fragilitatem, & secundæ fortune inconstantiam, aut etiam ad adolescentis in ætate florenti, vel Principis ad summam felicitatem proventi mortem adhibere licebit.

§. 3.

Exempla illustri varietate introducta.

Ad egregia facta voluptas honesta impellit.

Tyrius Dissert. 33.

1. Ratio cur ad honestè agendum impellamur, est voluptas, qua ex pulchro nascitur, cum pulchrum ametur, amor sine voluptate non sit, quod exemplis probatur.

2. Exemplum Socratis per dialogismum.

3. Diogenis per comparisonem, & oppositionem,

4. Aliorum per transitionem, Lycurgi per Apostropham,

5. Atheniensium per interrogationem introducitur.

1. Nullum si voluptas absit, petitur honestum: Quippe qui laborem spontè, ex virtutibus subit præscripto, amore voluptatis, aut præsentis id facit, aut futuræ. Sicut enim in re quæstuaris nemo sciens talentum cum drachma permutat, nec cum argento aurum.

—— Nisi cui mentem eripit omnem
Iupiter.

Sed in permutatione quamvis æqualis sit, permutantis spectatur commodum, prout usus flagitat accipientis. Sic omnino in subeundis nemo laboribus laborum causa laborem subiit (infelicissimum enim hoc vôtum esset) præfentes verò labores cum pulcro, ut quidem ex agrestioribus diceret aliquis, ut verò illi, qui verius judicant, cum voluptate commutat. Pulcrum enim quamvis dicas, voluptatem nominas. Nisi fortè aliquid pulcrum sit, cui non adsit voluptas. Ego verò contrarium sequi ex his arbitror, omnibus nimirum voluptatem præferendam esse rebus, cujus causa morbum aliquis, & vulnera, & labores, & sexcenta subit alia: quamvis enim alias alii causas asseribas, ut

Achilli cum vindicandi causa Patrocli lubens moritur, amicitiam; Agamemnoni vigilanti ante reliquos ac deliberanti, curam regni; Hectori exercitum ducenti, primaque in acie pugnanti strenueque rem gerenti, patriæ salutem: nihil adhuc aliud, quam voluptatis attulisti nomina. Quippe quemadmodum in corporum morbis secari non recusat ager aut uri, sitim etiam præferre famemque, & quidquid naturâ ingratum est; ut pro his postea somno sui frui possit: quod si spem futuri tollas boni, etiam præsentium tollas malorum patientiam. Ita in actionibus nostris laborum cum voluptatibus vicissitudo intercedit, & permutatio. Quam tu quidem virtutem dicis: ego verò, ut virtutem non tollo, ita unum hoc ex te quæram. Utrum sine amore ullo virtutem persequatur animus? Hunc si das amorem, voluptatem dedisti. Licet enim nomen permutes, nec voluptatem voces, sed gaudium, diversa admitto nomina, rem tamen ipsam video. Voluptatem agnosco. Quæ sola efficit, ut qui tot tantisque sese obtulit laboribus Hercules, tot quotidie mala sustinuit: qui cum belluis certavit, tyrannos invasit, feras aggressus est, cum violentis totius terræ congressus imperatoribus, terramque securam vacuamque monstis reddidit, & quasi purgavit, qui Oeriam petiit, ignem accessit, non alio manu ductore, quam magnis divini que quibusdam usus voluptatibus, quarum aliæ comitabantur labores, sequebantur aliæ, sponte sua subierit hæc omnia. Atqui solos quos subit labores intueris, voluptates verò, quibus pascitur, non vides. His ipsis, dum ageret, delectabatur Hercules, ac propterea agebat: nec egisset, nisi delectatus fuisset. Nam de Bacchi quid opus est dicere voluptatibus, quæ sacrorum vicem sunt? Nocturni illi discursus, thyasi, choreæ, tibiarumque ac cantus. Quæ omnia nihil aliud sunt, quam diversæ voluptates Bacchicæ, quæ repræsentantur in mysteriis.

2. Quid de Baccho loquor, aut de Hercule? fabulosa sunt hæc, aut heroica. Adducamus Socratem. Alcibiadem amas, ô noster Socrates, post hunc Phœdram Charmidem. Amas ô Socrates, nec uilate latere potest pulchritudo Attica. Age, fatere causam, nec ignominiam time. Castus enim cum voluptate potest esse amor, sicut cum dolore impudicus. Quod si absque voluptate ulla solum animum non etiam corpus amas, Theætetum ama. Atqui hunc non

amas,

simus quippe erat. Ama ergo Chærophontem Sed ne hunc quidem amas, pallebat enim. Aristodemum ergo ama. Atqui nec Aristodemum amas, deformis enim erat. Quem ergo amas? Si quis delicatè comam alit, si quis formosus, aut venustus, aut pulcher est. Et de virtute quidem tua dubitare non possum, quin impudè non ames: nec diffido tamen animo, quin voluptatis causa id facias. Non enim corpori diffido, quin ab igne calere, nec oculis quin ab eo illustrari, nec auribus, quin tibiarum modis affici possunt. Sicut nec Hesiodo diffido, qui à Musis docetur, nec Homero, qui Musicæ suæ suavitatem Calliopæ, nec Platoni, qui orationis suæ sublimitatem Homero debet. Omnia enim hæc oculi, aures, corpora, sermo, à voluptate trahuntur.

3. Eriam Diogenem illum in dolium suum voluptas deduxit. Quod si virtus comiteretur quoque, cur exclusum propterea ibis voluptatem? Delectabatur dolio suo Diogenes, ut Babylone suâ Xerxes. Delectabatur sicco pane, sicut condimento suo Smyndirides. Delectabatur omnibus fontibus, ut Choaspe solo Cambyses. Delectabatur sole, sicut purpuris suis Sardanapalus. Delectabatur baculo suo, sicut hasta sua Alexander. Delectabatur pera sua, sicut omnibus thesauris Cræsus. Quod si voluptatem alteram confers cum altera, vincit Diogenis. Plena quidem voluptatum sunt illorum omnia, sed quæ molestiam secum trahant. Prælio devictus lamentatur Xerxes, vulneratus gemit Cambyses, exustus Sardanapalus, rejectus dolet Smyndirides, captivus lacrymatur Cræsus, pugna prohibitus luget Alexander. At voluptates Diogenis sine ulla lamentatione, aut gemitu, sine lacrymis sunt, aut mœrore. Tu interim labores eas vocas. Quia enim ex natura tua illius Hercule meritis ingenium, mensura medius fidius iniqua. Tibi namque labor erit eadem si agas, Diogeni voluptas. Ausim ego amplius dicere, nullum unquam veriore fuisse voluptatis amatorem Diogene: Domum, quam administraret, non habuit: molesta est domesticæ rei administratio: Rempublicam non attigit: res enim est gravissima. Uxorem non duxit: de Xantippe audiverat. Liberos non duxit: pericula ante oculos habebat. Sic omnis immunis mali, liber securusque, sine metu aut mœrore ullo, solus mortalium, tanquam domum unam, totam colebat terram. Voluptatibus apertis fruebatur, incustoditis, affluentibus.

4. Ad Legislatores tranſeamus à Diogene ipſaſque inſpiciamus Reſpubl. noli de Sybaritarum arbitrari me dicturum eſſe. Aut de Syracuſanorum, quorum deliciae, aut Corinthiorum, quorum voluptates, aut Chiorum, quorum opulentia, aut Leſbiorum, quorum vina; aut Mileſiorum, quorum veſtimenta celebrantur. Ad principes ipſe accedo, ad Athenienſes venio: Lacedæmonios lubet intueri. Hic flagella ſunt, plagæque Laconicae, hic venationes curſuſque; tum coenæ parciffimæ, ſtragulaque viliffima. Etiam in hiſ tamen voluptates video, Maſte Lycurge: qui pro minimis laboribus voluptates introduciſ magnas. Parva daſ, magna accipis. Labores inſtituiſ breviffimo, voluptates pro iis accipis perpetuas. Quæ ſunt voluptates, inquires, Spartanæ? Urbs ſine muris, ſine metu, intacta ab igne: quæ nec hoſtem unquam, nec peregrinum vidit clypeum, quæ luctum nullum, nullas unquam minas vidit. Quid autem metu triſtius aut ſervitute durius, aut neceſſitate eſt moleſtius? quibusſi ſemel urbem liberatiſ, multas pro illis reddiſ voluptates. Illius voluptatiſ alumnus erat Leonides, illius Othryades, illius Callicratides. Atqui hi fuere cæſi. Ita, ſed honeſtè. Quarum autem voluptatum cauſa? non aliter, quàm in corpore fieri ſolet, in quo partē amputantur, ut ſervetur totum. Pars rei publ. Spartanæ erat Leonides, ſed pro tota Spartanorum occidit Republicā. Pars erat & Othryades, pars & Callicratides. Ergo parviſ hiſce in bello interfectiſ partibus, domi vivebant cives, voluptate fruebantur integra.

5. De Athenienſium verò rebus quid neceſſe eſt dicere? Omnia ibi feſtorum plena, hilaritatiſ omnia. Ut ipſa anni tempora dividiſſe inter ſe voluptates videbantur. Vere Dionyſia celebrantur, autumnō myſteria. Et ita deinceps ſingulas anni partes aliquiſ ſibi vendicat Deus. Panathenæa, Scirophoria, Haloa Appaturia. Alii navali prælio certant, alii domi feſta agunt. Alii terreſtrem ineunt pugnam, alii Dionyſia cum riſu celebrant. Sed nec ipſa bella, quæ res omnium eſt ſeveriffima, carent voluptatibus: ſed & hiſ tuba Tyrhenica, tibia triremica, cantus militariſ interjungitur, Vides voluptatum copiam.

IMITATIO.

Imitaberis, si doceas sanctos hujus vite Christiana homines plurima. & egisse, & tulisse gravissima, vel pro Dei gloria, vel pro salute aeterna, cujus spe proposita, inter adversa etiam, liquidum visum sine voluptatibus effluere. Exemplorum plena est omnis historia.

§. 4.

OBSERVATIO.

Quemadmodum historia ad scholasticas exercitationes traducenda sint.

Plura de hoc genere historiarum, aut separata narratione, aut in dissertatione aliqua usurpandæ, nec traderelubet; nec opere pretium esse duxerim. cum omnes passim libri hoc scriptoris modo abundant. alibi etiam ad eundem redituri campum sumus. Nam & in Christi historiarum ad mores applicandæ usus est, & in illis exercitiis, quæ sunt Rhetorum propria, historiis amplificandis nonnihil immorabimur. Hic illud præcipue candidato eloquentiæ agendum erit, ut per adjuncta rem gestam, propè intra historicorum limites, sese continendo, ornate norit deducere. quemadmodum à Cicero pro Cluentio factum est; tum verò ut eandem patheticè descriptam, ad mores opportunè discat traducere, ut Tyrium Dissert. 31. fecisse vidimus.

Cæterum ut historiarum tractatio ad exercitationem scholasticam, declamationelque usitatas traducatur, facillimæ cum operæ tum inventionis res est. Duplicis potissimum generis historia est, naturalis & moralis; illa naturam rerum, hæc mores, ac gesta hominum, seu bello, idque in profana non minus, quam sacra vita exponit, perque omnes artes & disciplinas effunditur. Ergo quacunque in re libuerit, illic thema generale aliquod destinatæ exercitationis constitue. Majorem in diebus suis Canicularibus (sic librum inscribit) fecisse comperies. Illi tamen præcipue historiarum inhærendum suaserim, cujus adjuncta magis in sensum juventutis incurrunt, quæ rerum naturalium secreta minus assequitur. De civili igitur, vel agresti vita, de ludentium

& compotantium infania, de militum insolentia, de Judaeorum perfidia, de Astrologorum erroribus, de artificum industria & operibus, de recta adolescentum institutione ac disciplina, de luxuriantium infelici exitu, de bellantium ac duellantium casibus, de furum, blasphemorum, aliorumve scelestorum hominum poenis, opportunè narrationem institues, ut cum de moribus differitur, mores simul juventutis formantur. Nos in *Exercitationibus Oratoriis*, quas seorsum damus, exempla relinquimus,

CAPUT XIV.

Varia variarum rerum Descriptiones exponuntur, susque exemplis declarantur.

A Billa, quam diximus fabularum ac historiarum tractatione ad Descriptionem transeundum erit, quarum naturam varietatemque supra Cap. 8. 9. breviter ex Aphthonio dedimus, quanquam ille ad posteriores progymnasmatum classes sedemque minus idoneam has rejecerit. Verum ut neque historia, neque oratio alia profectior, sine Descriptionibus absolvi potest, à quibus & copiam & ornatum potissimum mutuatur; ita necesse est ad describendi aliquam facultatem sibi parandam candidatum eloquentiae comprimis incumbere; hoc est rei, de qua differit partes explicare singulas: ut oratio, velut pictura singulis membris per adhibitos colores expressa, sensibus animoque subiciatur. Hoc enim agit Descriptio, ut earum nihil rerum, quæ in sermonem veniunt, nisi præcipuis explicatum partibus, proponatur, idque per omnia cum rerum tum argumentorum genera. Sic res physicas, sic gesta & mores, sic personas, tempora, loca, & quidquid universè in dissertationem cadit, ab historicis etiam absolutioribus adumbratur; ut sine Descriptionibus munere illi suo fungi nequaquam possint. Sed nec Rhetor alium habet figurarum affectuumque campum, materiemque opportunam magis, quam quæ ab iisdem suppeditatur. Ut hoc studium ad eloquentiam aspiranti planè inter præcipua esse debeat.

Hæc autem Descriptio per omnia, ut dixi, argumentorum genera, quæ propria dicuntur, effunditur. Definitionem suis exponit partibus; causas effectusque cum iis, quæ antecedunt, quæque

quæque consequuntur, enumerat; attributa, adjunctaque pleraquerecenset. In locorum igitur propriorum investigatione diligens est. quod studium quidam est ad ipsam eloquentiam ingressus cum ab his locis, omne ad solidè dislegendum petatur fundamentum

Nonnunquam tamen ad illustrandam descriptionem similitudines, exempla que inducta servantur; cum in illis tanquam imagine res appareant, lucemque accipiant. Quare & ejusmodi Descriptiones aliquot, ex optimis subicere auctoribus placuit. Quanquam hoc loco illud præcipuè agendum sit, ut propriorum locorum clara expositione, suum reb⁹ colorem noverit ante omnia candidatus eloquentiæ tribuere.

In personis igitur describendis considerata atque enumeranda erunt, quæcunque inter bona illius interna repereris, ut in homine, quidquid in anima, tam ad dotes defectusque naturales, quam etiam ad virtutes vitiaque spectaverit; quidquid corporis præterea partes, formam, vires, aut eorum contraria, à capite ad pedes utque complectentur. Est enim descriptor pictoris instar, qui hoc calamo & oratione, quod hic penicillo & colore meditatur; ut scilicet res quælibet lineamentis omnibus in oculos animosque aliorum incurrat. quod quod quisque proprius, hoc absolutius assequitur. Differt igitur hoc scribendi genus à Demonstrativo; quod in exornatione res alienis etiam coloribus supra communem existimationem non raro extollatur: Descriptio in propriis verisque hæreat illa oratio metaphoris figurisque luceat hæc narivo simplici-que cultu splendescat, & quasi viam quandam ad illam copiosius luxuriantem sternat. Unde hæc familiaris Historicis, illa Oratoribus est. Mutuo tamen auxilio fulciuntur. Juerit igitur ad Descriptiones illa etiam videre, quæ de laude & vituperio diversarum rerum lib. I. c. 6. & seq. tradidi, nam ex iisdem utraque principiiis ducuntur.

Præter Descriptionem personarum etiam rerum quarumcunque, sive substantiæ illæ sunt, sive attributa, seu adjuncta, seu tempora, seu loca, rectè describes. Igitur animalia, artes, scientiæ, regiones, populi, fluvii, agri, fructus, plantæ, flores, metalla, elementa, cælum, sidera Descriptioni patent. latiusque illa quàm pictoris ingenium effertur, quod ad dotes occultas rerum non extenditur. In his autem describendis maximè per rerum partes & adjuncta

florescit. Nihil denique aliud quàm inutile morosumque fit, ac difficile animæ hospitium. Quod nec imbres fert amplius, nec ventos, nec solem: de omnibus denique cœli tempestatibus conqueritur, & cum ipso Jove in certamen venit. Si hyems adveniat, veste multa tegitur: si æstas, refrigerari petit. Si cibis se repleverit, evacuare se optat: si evacuaverit, rursus se replet. Denique ut Euripus aliquis, aut maris refluxus, nunquam consistit, nunquam quiescit. Insatiabile est, contumax est, vorax est. Vestibus eget, eget calceis, unctionibus eget, eget medicamentis, eget lavacris. Cumque mille equos equo unus, infinitas oves pastor unus, infinitas boves unus regat bubulcus, uni corpori manus plurimæ, plurimæ inserviunt artes. Quin ne hæc quidem sufficiunt omnia. quam enim hætenus artem invenire potuerunt homines, quâ, aut pestem avertere, aut cœlo cadentem vim pluviae cohibere, aut terræ motum sistere, aut ignem è terra surgentem possent extinguere? vides malorum seriem successionemque mutuum vides continuationem periculorum.

Nel nutrit tellus homine infelicius uno.

Quod si ad animam venias, videbis & hic morborum agmen, quibus obsidetur ea. Si mœrorem absterferis, metus succedit. Si metus recesserit, ira excitatur. si ira desinit, invidia accedit. Ad manum est calamitas, in vicinia mala sunt. Nec ulla unquam certa quies contingit.

3. Quid quæso ad ista aut Jupiter, aut Apollo responderet, aut alius fatidicus Deus? Audiamus quid eorum interpretes dicat:

*Asscribunt Sup̄is homines mala, cum tamen ipsi
Criminibus propriis sibi talia damna creârunt.*

Quæ est ergo improbitatis hujus causa? cum cœlum & terra, duæ diversissimæ sint sedes: alteram omnis mali immunitatem, alteram ex utraque mixtam esse sciendum est. Ita ut bona quidem, è cœlo veniant: mala vero ex ianata illi improbitate oriantur.

IMITATIO.

Hæc ab ethnico homine Christianè propemodum scripta, facile a similes humana originis & calamitatis descriptiones aptari poterunt.

§.3. Nunc

Nunc videamus quemadmodum non tantum affirmando ea, quæ rebus insunt, sed negando etiam quæ desunt, res suo modo describi possint. Quæ ratio describendi, licet in Deo rebusque incognitis præcipue usurpetur, tamen & in notis quandoque locum reperiet.

Descriptio humani corporis ex negatione & affirmatione: Tyr. Diss. 38.

Non improbandum eorum esse consilium videtur, qui humanam Deorum imaginibus affinxere formam. Siquidem Deo vicina, Deo simillima est anima hominum. Nec æquum videtur rem sui simillimam deformi includere corpori voluisse Deum: sed quod animam facillimè circumferret immortalē, levē, motui aptum, quodque solum omnium, quæ in terra sunt, corporum caput in cælum attolleret, venustum, alacre, apè compositum. Non tam magnum ut terere quemquam; nec tam hirsutum, ut formidabile cuiquam esse possit; nec tam grave, ut non moveri; nec tam levē, ut stare nequeat: non tam durum, ut tactum repellat; non tam frigidum, ut humi serpere; nec tam calidum, ut in altum se efferre; nec tam laxum, ut natare cogatur: non tam potestemò immane, ut crudas carnes; nec tam infirmum, ut solas è terra herbas voret. Sed ea corporis totius compositione, quæ verè est concinna, singulisque ejus operibus quàm maximè respondet: quæ & merum timidis, & amentem conciliet probis: natura quidem incedat, ratione tamen volet, arte natet, terram colat, fruges edat, fructus mandat; colore nitido, membris firmissimis, vultu pulchro, barba quæ deceat. Tali corporis formâ repræsentare Deos, eosque colere consueverunt Græci.

os (o) de

★ ★

florescit. Nihil denique aliud quàm inutile morosumque sit, ac difficile animæ hospitium. Quod nec imbres fert amplius, nec ventos, nec solem: de omnibus denique cœli tempestatibus conqueritur, & cum ipso Jove in certamen venit. Si hyems adveniat, veste multa tegitur: si æstas, refrigerari petit. Si cibis se repleverit, evacuare se optat: si evacuaverit, rursus se replet. Denique ut Euripus aliquis, aut maris refluxus, nunquam consistit, nunquam quiescit. Insatiabile est, contumax est, vorax est. Vestibus eget, eget calceis, unctionibus eget, eget medicamentis, eget lavacris. Cumque mille equos equo uno, infinitas oves pastor unus, infinitas boves unus regat bubulcus, uni corpori manus plurimæ, plurimæ inserviunt artes. Quin ne hæc quidem sufficiunt omnia. quam enim hætenus artem invenire potuerunt homines, quâ, aut pestem avertere, aut cœlo cadentem vim pluviae cohibere, aut terræ motum sistere, aut ignem è terra surgentem possent extinguere? vides malorum seriem successionemque mutua vides continuationem periculorum.

Nal nutrit cella homine infelicius uno.

Quod si ad animam venias, videbis & hic morborum agmen, quibus obsidetur ea. Si mororem absterferis, metus succedit. Si metus recesserit, ira excitatur. si ira desinit, invidia accedit. Ad manum est calamitas, in vicinia mala sunt. Nec ulla unquam certa quies contingit.

3. Quid quæso ad ista aut Jupiter, aut Apollo responderet, aut alius fatidicus Deus? Audiamus quid eorum interpres dicat:

*Asscribunt Superis homines mala, cum tamen ipsi
Criminibus propriis sibi talia damna creant.*

Quæ est ergo improbitatis hujus causa? cum cœlum & terra, duæ diversissimæ sint sedes: alteram omnis mali immunitatem, alteram ex utraque mixtam esse sciendum est. Ita ut bona quidem, è cœlo veniant: mala vero ex ignata illi improbitate oriantur.

IMITATIO.

Hæc ab ethnico homine Christianè propemodum scripta, facile a similes humana originis & calamitatis descriptiones aptari poterunt.

Nunc videamus quemadmodum non tantum affirmando ea, quæ rebus insunt, sed negando etiam quæ desunt, res suo modo describi possint. Quæ ratio describendi, licet in Deo rebusque incognitis præcipue usurpetur, tamen & in notis quandoque locum reperiet.

Descriptio humani corporis ex negatione & affirmatione: Tyr. Diff. 38.

Non improbandum eorum esse consilium videtur, qui humanam Deorum imaginibus affinxere formam. Siquidem Deo vicina, Deo simillima est anima hominum. Nec æquum videtur rem sui simillimam deformi includere corpori voluisse Deum: sed quod animam facillimè circumferret immortalē, levē, motui aptum, quodque solum omnium, quæ in terra sunt, corporum caput in cælum attolleret, venustum, alacre, apè compositum. Non tam magnum ut terere quemquam; nec tam hirsutum, ut formidabile cuiquam esse possit; nec tam grave, ut non moveri; nec tam levē, ut stare nequeat: non tam durum, ut tactum repellat; non tam frigidum, ut humi serpere; nec tam calidum, ut in altum se efferre; nec tam laxum, ut natare cogatur: non tam potestè immane, ut crudas carnes; nec tam infirmum, ut solas è terra herbas voret. Sed ea corporis totius compositione, quæ verè est concinna, singulisque ejus operibus quàm maximè respondet: quæ & merum timidis, & amentem conciliet probis: natura quidem incedat, ratione tamen volet, arte natet, terram colat, fruges edat, fructus mandat; colore nitido, membris firmissimis, vultu pulchro, barba quæ deceat. Tali corporis formâ repræsentare Deos, eosque colere consueverunt

Græci.

§ (o) §

★ ★ ★

florescit. Nihil denique aliud quàm inutile morosumque fit, ac difficile animæ hospitium. Quod nec imbres fert amplius, nec ventos, nec solem: de omnibus denique cœli tempestatibus conqueritur, & cum ipso Jove in certamen venit. Si hyems adveniat, veste multa tegitur: si æstas, refrigerari petit. Si cibus se repleverit, evacuare se optat: si evacuaverit, rursus se replet. Denique ut Euripus aliquis, aut maris refluxus, nunquam consistit, nunquam quiescit. Insatiabile est, contumax est, vorax est. Vestibus eget, eget calceis, unctionibus eget, eget medicamentis, eget lavacris. Cumque mille equos equo so unus, infinitas oves pastor unus, infinitas boves unus regat bubulcus, uni corpori manus plurimæ, plurimæ inferviunt artes. Quin ne hæc quidem sufficiunt omnia. quam enim hætenus artem invenire potuerunt homines, quâ, aut pestem avertere, aut cœlo cadentem vim pluviae cohibere, aut terræ motum sistere, aut ignem è terra surgentem possent extinguere? vides malorum seriem successionemque mutuat vides continuationem periculorum.

Nul nutrit tellus homine infelicius uno.

Quod si ad animam venias, videbis & hic morborum agmen, quibus obsidetur ea. Si moerorem absterferis, metus succedit. Si metus recesserit, ira excitatur. si ira desinit, invidia accedit. Ad manum est calamitas, in vicinia mala sunt. Nec ulla unquam certa quies contingit.

3. Quid quaeso ad ista aut Jupiter, aut Apollo responderet, aut alius fatidicus Deus? Audiamus quid eorum interpres dicat:

*Asscribunt Superis homines mala, cum tamen ipsi
Criminibus propriis sibi talia damna creârunt.*

Quæ est ergo improbitatis hujus causa? cum cœlum & terra, duæ diversissimæ sint sedes: alteram omnis mali immunitatem, alteram ex utraque mixtam esse sciendum est. Ita ut bona quidem, è cœlo veniant: mala vero ex ignata illi improbitate oriantur.

IMITATIO.

Hæc ab ethnico homine Christianè propemodum scripta, facile a similes humana originis & calamitatis descriptiones aptari poterunt.

§.3. Nunc

Nunc videamus quemadmodum non tantum affirmando ea, quæ rebus insunt, sed negando etiam quæ desunt, res suo modo describi possint. Quæ ratio describendi, licet in Deo rebusque incognitis præcipue usurpetur, tamen & in notis quandoque locum reperiet.

Descriptio humani corporis ex negatione & affirmatione: Tyr. Diss. 38.

Non improbandum eorum esse consilium videtur, qui humanam Deorum imaginibus affinxere formam. Siquidem Deo vicina, Deo simillima est anima hominum. Nec æquum videtur rem sui simillimam deformi includere corpori voluisse Deum: sed quod animam facillimè circumferret immortalē, levē, motui aptum, quodque solum omnium, quæ in terra sunt, corporum caput in cælum attolleret, venustum, alacre, apertè compositum. Non tam magnum ut terere quemquam; nec tam hirsutum, ut formidabile cuiquam esse possit; nec tam grave, ut non moveri; nec tam leve, ut stare nequeat: non tam durum, ut tactum repellat; non tam frigidum, ut humi serpere; nec tam calidum, ut in altum se efferre; nec tam laxum, ut natare cogatur: non tam possimè immane, ut crudas carnes; nec tam infirmum, ut solas à terra herbas voret. Sed ea corporis totius compositione, quæ verè est concinna, singulisque ejus operibus quàm maximè respondet: quæ & merum timidis, & amorem conciliet probis: natura quidem cedat, ratione tamen volet, arte natet, terram colat, fruges edat, fructus mandat; colore nitido, membris firmissimis, vultu pulchro, barba quæ deceat. Tali corporis formâ repræsentare Deos, eosque colere consueverunt

Græci.

§ (o) 30
* *

florescit. Nihil denique aliud, quàm inutile morosumque sit, ac difficile animæ hospitium. Quod nec imbres fert amplius, nec ventos, nec solem: de omnibus denique cœli tempestatibus conqueritur, & cum ipso Jove in certamen venit. Si hyems adveniat, veste multa tegitur: si æstas, refrigerari petit. Si cibis se repleverit, evacuare se optat: si evacuaverit, rursus se replet. Denique ut Euripus aliquis, aut maris refluxus, nunquam consistit, nunquam quiescit. Insuperabile est, contumax est, vorax est. Vestibus eget, eget calceis, unctionibus eget, eget medicamentis, eget lavacris. Cumque mille equos equo uno, infinitas oves pastor unus, infinitas boves unus regat bubulcus, uni corpori manus plurimæ, plurimæ inserviunt artes. Quin ne hæc quidem sufficiunt omnia. quam enim hætenus artem invenire potuerunt homines, quâ, aut pestem avertere, aut cœlo cadentem vim pluviae cohibere, aut terræ motum sistere, aut ignem è terra surgentem possent extinguere? vides malorum seriem successionemque mutuam vides continuationem periculorum.

Nul nutrit tellus homine infelicius uno.

Quod si ad animam venias, videbis & hic morborum agmen, quibus obsidetur ea. Si mororem absterferis, metus succedit. Si metus recesserit, ira excitatur. Si ira desinit, invidia accedit. Ad manum est calamitas, in vicinia mala sunt. Nec ulla unquam certa quies contingit.

3. Quid quæso ad ista aut Jupiter, aut Apollo responderet, aut alius fatidicus Deus? Audamus quid eorum interpres dicat:

*Ascribunt Superis homines mala, cum tamen ipsi
Criminibus propriis sibi talia damna creârint.*

Quæ est ergo improbitatis hujus causa? cum cœlum & terra, duæ diversissimæ sint sedes: alteram omnis mali immunitatem, alteram ex utraque mixtam esse sciendum est. Ita ut bona quidem, è cœlo veniant: mala vero ex ianata illi improbitate oriantur.

IMITATIO.

Hæc ab ethnico homine Christianè propemodum scripta, facile a similes humana originis & calamitatis descriptiones aptari poterunt.

Nunc videamus quemadmodum non tantum affirmando ea, quæ rebus insunt, sed negando etiam quæ desunt, res suo modo describi possint. Quæ ratio describendi, licet in Deo rebusque incognitis præcipue usurpetur, tamen & in notis quandoque locum reperiet.

Descriptio humani corporis ex negatione & affirmatione: Tyr. Diff. 38.

Non improbandum eorum esse consilium videtur, qui humanam Deorum imaginibus affinxere formam. Siquidem Deo vicina, Deo simillima est anima hominum. Nec æquum videtur rem sui simillimam deformi includere corpori voluisse Deum: sed quod animam facillimè circumferret immortalē, levē, motui aptum, quodque solum omnium, quæ in terra sunt, corporum caput in cælum attolleret, venustum, alacre, apertè compositum. Non tam magnum ut terrere quemquam; nec tam hirsutum, ut formidabile cuiquam esse possit; nec tam grave, ut non moveri; nec tam levē, ut stare nequeat: non tam durum, ut tactum repellat; non tam frigidum, ut humi serpere; nec tam calidum, ut in altum se efferre; nec tam laxum, ut natare cogatur: non tam potestremò immane, ut crudas carnes; nec tam infirmum, ut solas è terra herbas voret. Sed ea corporis totius compositione, quæ verè est concinna, singulisque ejus operibus quàm maximè respondet: quæ & metum timidis, & amorem conciliet probis: natura quidem incedat, ratione tamen volet, arte natet, terram colat, fruges edat, fructus mandat; colore nitido, membris firmissimis, vultu pulchro, barba quæ deceat. Tali corporis formâ repræsentare Deos eosque colere consueverunt Græci.

§ (o) §
* *

& compotantium infania, de militum insolentia, de Judæorum perfidia, de Astrologorum erroribus, de artificum industria & operibus, de recta adolescentum institutione ac disciplina, de luxuriantium infelici exitu, de bellantium ac duellantium casibus, de furum, blasphemorum, aliorumve scelestorum hominum pœnis, opportunè narrationem institues, ut cum de moribus differitur, mores simul juventutis formantur. Nos in *Exercitationibus Oratoriis*, quas scorsum damus, exempla relinquimus.

CAPUT XIV.

*Varia variarum rerum Descriptiones exponuntur,
suisque exemplis declarantur.*

A Billa, quam diximus fabularum ac historiarum tractatione ad Descriptionem transcendendum erit, quarum naturam varietatemque supra Cap. 8. §. 9. breviter ex Aphthonio dedimus, quanquam ille ad posteriores progymnasmatum classes sedemque minus idoneam has rejecerit. Verùm ut neque historia, neque oratio alia profectior, sine Descriptionibus absolvi potest, à quibus & copiam & ornatum potissimum mutuatur; ita necesse est ad describendi aliquam facultatem sibi parandam candidatum eloquentiæ comprimis incumbere; hoc est rei, de qua differit partes explicare singulas: ut oratio, velut pictura singulis membris per adhibitos colores expressa, sensibus animoque subjiçatur. Hoc enim agit Descriptio, ut earum nihil rerum, quæ in sermonem veniunt, nisi præcipuis explicatum partibus, proponatur, idque per omnia cum rerum tum argumentorum genera. Sic res physicas, sic gesta & mores, sic personas, tempora, loca, & quidquid universè in dissertationem cadit, ab historicis etiam absolutioribus adumbratur; ut sine Descriptionibus munere illi suo fungi nequaquam possint. Sed nec Rhetor alium habet figurarum affectuumque campum, materiæque opportunam magis, quàm quæ ab iisdem suppediatur. Ut hoc studium ad eloquentiam adspiranti planè inter præcipua esse debeat.

Hæc autem Descriptio per omnia, ut dixi, argumentorum genera, quæ propria dicuntur, effunditur. Definitionem suis exponit partibus; causas effectusque cum iis, quæ antecedunt, quæque

quæque consequuntur, enumerat; attributa, adjunctaque pleraque recenset. In locorum igitur propriorum investigatione diligens est. quod studium quidam est ad ipsam eloquentiam ingressus cum ab his locis, omne ad solidè disserendum petatur fundamentum

Nonnunquam tamen ad illustrandam descriptionem similitudines, exempla que inducta servant; cum in illis tanquam imagine res appareant, lucemque accipiant. Quare & ejusmodi Descriptiones aliquot, ex optimis subjicere auctoribus placuit. Quanquam hoc loco illud præcipue agendum sit, ut propriorum locorum clara expositione, suum rebus colorem noverit ante omnia candidatus eloquentiæ tribuere.

In personis igitur describendis considerata atque enumeranda erunt, quæcunque inter bona illius interna repereris, ut in homine, quidquid in anima, tam ad dotes defectusque naturales, quam etiam ad virtutes vitiaque spectaverit; quidquid corporis præterea partes, formam, vires, aut eorum contraria, à capite ad pedes usque complectentur. Est enim descriptor pictoris instar, qui hoc calamo & oratione, quod hic penicillo & colore meditatur; ut scilicet res quælibet lineamenti omnibus in oculos animosque aliorum incurrat. quod quod quisque propius, hoc absolutius assequitur. Differt igitur hoc scribendi genus à Demonstrativo; quod in exornatione res alienis etiam coloribus supra communem existimationem non raro extollatur: Descriptio in propriis verisque hæreat illa oratio metaphoris figurisque luceat hæc nativo simplici-que cultusplendescat, & quasi viam quandam ad illam copiosius luxuriantem sternat. Unde hæc familiaris Historicis, illa Oratoribus est. Mutuo tamen auxilio fulciuntur. Juvet igitur ad Descriptiones illa etiam videre, quæ de laude & vituperio diversarum rerum lib. I. c. 6. & seq. tradidi, nam ex iisdem utraque principiis ducuntur.

Præter Descriptionem personarum etiam rerum quarumcunque, sive substantiæ illæ sunt, sive attributa, seu adjuncta, seu tempora, seu loca, rectè describes. Igitur animalia, artes, scientiæ, regiones, populi, fluvii, agri, fructus, plantæ, flores, metalla, elementa, cælum, sidera Descriptioni patent. latiusque illa quam pictoris ingenium effertur, quod ad dotes occultas rerum non extenditur. In his autem describendis maximè per rerum partes & adjuncta

incedendum est; quòd causæ & attributa magis occulta sint, effecta verò sæpe extra rem illam quam effingimus. In Descriptionibus autem & notiora, & interiora plerumque rerum tangenda sunt, ut quibus maximè omnium oculis subjiciantur. Hæc universe monuisse sufficiant. Nunc ad diversa bonorum autorum exempla vertamur. Quæ licet ejusmodi non sint, ut ex professo ad rei totius, quam tangunt, lineamenta exprimenda usurpentur; sed prout à quolibet ad argumenti, quod tractabat, institutum pertinere visa sunt, tamen ad ideam Descriptionum exhibendam sufficere non omnino rudi poterunt, atque ex ungue, quod ajunt, Leonem demonstrare, simul etiam modum rationemque aperire, quemadmodum reliquo orationis corpori opportunè sint inferendæ, Exemplis enim aptissimè ducimur.

§. 2.

Descriptio Dei creatoris, & hominis miseri ab illo creati, ab effectibus, & adjunctis. Tyr.

Dissert. 25.

1. Deum omnium esse opificem & gubernatorem manifestum est.

2. Merum igitur merisò videatur, unde tot, quæ hic breviter describuntur, mala in homines exundent.

3. Improbitas malorum causa est.

1. Legatos illos imitemur, qui communi gentis alicujus nomine ad oraculum mittuntur, atque ex Jove hoc quaeramus: Quis hominibus bonorum pater est, & autor? quæ principia, qui fontes, unde huc deferantur? Nisi de his fortè similibusque rebus, non obrundendus est Deus, cum præsertim ipsæ appareant causæ, cum oculis occurrat origo eorum, & ipse se nobis fons offerat, cum patrem horum omnium opificemque videamus. Illum dico, qui cæli disposuit ordinem, qui solem lunamque aurigatur, siderum circuitus certosque lapsus & choreas cursusque, voce sua motuque, tanquam præcentor aliquis in choro, moderatur: qui anni distinguit tempora, ventos gubernat, mare formavit, fabricavit terram, fluvios emittit, fructus educat, animalia gignit? qui Natali-

tius

tius, Pluvius, Fructifer, Patrius, Progenitor à nobis dicitur. Cujus mens solida, & incorrupta, nusquam dividitur, sed incredibili velocitate, tanquam unico oculi intuitu, quodcumque tangit, ornat, atque illustrat. Non secus quam radii solares in terram, ubi inciderunt, quaecumque ejus invasere partem, eam illustrent. Quomodo enim id fiat, mihi non est promptum dicere, Homerus tamen occultè innuit, cum inquit:

Dixerat hæc, nigrisque oculis Saturnia proles

Annuis,

Uta cum nutu Jovis terra constitit, & quicquid terra educat; mare constitit, & quidquid mare producit: aer constitit, & quidquid aer fert: Cælum constitit, & quidquid in cælo movetur. Omnia hæc opera Jovis nutus perfecit. Hastenus nullum oraculum requiro, Homero fidem habeo, Platonem credo, Epicuri me miseret.

2. Quod si vicissim ad mala me convertō, & de iis cogito, non possum quin quæram; unde tandem pervenerint? Qui fontes eorum, quæ origo prima? An ex Æthiopia, cum Peste, aut Babylone cum Xerxe, aut ex Macedonia cum Philippo? non enim è cælo, me Hercules, non è cælo. Exultat enim illic invidia. Hic certè, hic oraculo opus habeo. Consultamus ergo Deos, Jupiter & Apollo, aut si quis præterea Deus fatidicus es, qui humani generis curam geris, hanc nobis quæstionem explicate. Unde malorum est initium? quæ causa? quo pacto vitare ea, aut effugere possumus,

Nulla etenim invidia est longè mala cuncta fugare.

Quis enim non videt, quàm multa passim circa terram versentur, quàm multis luctibus suspiriisque terram impleant: Quæ omnia tanquam fato quodam vitam humanam comitantur? Deplorat morbos suos, à quibus obsidetur hoc corpusculum, deplorat incertam valetudinis conditionem, & ambiguitatem vitæ. Quæ namque ætas, aut tempus est, quæ non à malo oppugnatur aliquo? nonne simul ac natum est, humidisque matris è locis recens evulsum, luto sordibusque d'ffluit, vagitu omnia complet, ac lachrymis? Postea si ad ætatis florem adoleſcat, fervore quodam, & intemperie agitur. Si perveniat ad pubertatem, præ ardore animi, & vehementia, nullis consiliis in officio contineri potest, nullis monitis. Si ad senectutem, paulatim moritur, & de-

floreſcit,

florescit. Nihil denique aliud, quàm inutile morosumque sit, ac difficile animæ hospitium. Quod nec imbres fert amplius, nec ventos, nec solem: de omnibus denique cœli tempestatibus conqueritur, & cum ipso Jove in certamen venit. Si hyems adveniat, veste multa tegitur: si æstas, refrigerari petit. Si cibus se repleverit, evacuare se optat: si evacuaverit, rursus se replet. Denique ut Euripus aliquis, aut maris refluxus, nunquam consistit, nunquam quiescit. Insatiabile est, contumax est, vorax est: Vestibus eget, eget calceis, unctionibus eget, eget medicamentis, eget lavacris. Cumque mille equos equo solo unus, infinitas oves pastor unus, infinitas boves unus regat bubulcus, uni corpori manus plurimæ, plurimæ inferviunt artes. Quin ne hæc quidem sufficiunt omnia. quam enim hactenus artem invenire potuerunt homines, quâ, aut pestem avertere, aut cœlo cadentem vim pluviae cohibere, aut terræ motum sistere, aut ignem è terra surgentem possent extinguere? vides malorum seriem successionemque mutua vides continuationem periculorum.

Nel nutrit tellus homine infelicius uno.

Quod si ad animam venias, videbis & hic morborum agmen, quibus obsidetur ea. Si moerorem absterferis, metus succedit. Si metus recesserit, ira excitatur. si ira desinit, invidia accedit. Ad manum est calamitas, in vicinia mala sunt. Nec ulla unquam certa quies contingit.

3. Quid quaeso ad ista aut Jupiter, aut Apollo responder, aut alius fatidicus Deus? Audiamus quid eorum interpres dicat:

*Asscribunt Superis homines mala, cum tamen ipsi
Criminibus propriis sibi talia damna creant.*

Quæ est ergo improbitatis hujus causa? cum cœlum & terra, duæ diversissimæ sint sedes: alteram omnis mali immunem, alteram ex utraque mixtam esse sciendum est. Ita ut bona quidem, è cœlo veniant: mala vero ex ignata illi improbitate oriantur.

IMITATIO.

Hæc ab ethnico homine Christianè propemodum scripta, facile à similes humana originis & calamitatis descriptiones aptari poterunt.

§.3. Nunc

Nunc videamus quemadmodum non tantum affirmando ea, quæ rebus insunt, sed negando etiam quæ desunt, res suo modo describi possint. Quæ ratio describendi, licet in Deo rebusque incognitis præcipue usurpetur, tamen & in notis quandoque locum reperiet.

Descriptio humani corporis ex negatione & affirmatione: Tyr. Diss. 38.

Non improbandum eorum esse consilium videtur, qui humanam Deorum imaginibus affinxere formam. Siquidem Deo vicina, Deo simillima est anima hominum. Nec æquum videtur rem sui simillimam deformi includere corpori voluisse Deum: sed quod animam facillimè circumferret immortalem, leve, motui aptum, quodque solum omnium, quæ in terra sunt, corporum caput in cælum attolleret, venustum, alacre, apè compositum. Non tam magnum ut terrere quemquam; nec tam hirsutum, ut formidabile cuiquam esse possit; nec tam grave, ut non moveri; nec tam leve, ut stare nequeat: non tam durum, ut tactum repellat; non tam frigidum, ut humi serpere; nec tam calidum, ut in altum se efferre; nec tam laxum, ut natare cogatur: non tam potestremò immane, ut crudas carnes; nec tam infirmum, ut solas è terra herbas voret. Sed ea corporis totius compositione, quæ verè est concinna, singulisque ejus operibus quàm maxime respondet: quæ & metum timidis, & amorem conciliet probis: natura quidem incedat, ratione tamen volet, arte nateat, terram colat, fruges edat, fructus mandat; colore nitido, membris firmissimis, vultu pulchro, barba quæ deceat. Tali corporis formâ repræsentare Deos, eosque colere consueverunt

Græci.

☉ (o) ☉

★ ★

*Descriptio Cælorum terræque & vanitatis humana
gloria, à partibus & adjunctis. Cic. in tom.
Scipionis.*

1. Principio Scipionem in cælo statuit, orbesque cælestes primum, deinde & terram, orasque in illa habitatas proponit.

2. Ostendit, quàm vanum sit, aliquam nominis memoriam, gloriamque, in tam angusto temporum, locorum, hominumque spatio capere.

3. Concludit ad cælestia igitur, spretis cæteris, animum transferendum esse.

1. Quousque humi defixa mens eris, cum cœlos intueris? Nonne aspicias, ut novem orbibus vel potius globis connexa sunt omnia, quorum unus est cælestis extimus, qui reliquos omnes complectitur (summus ipse Deus arcens, & continens cæteros) in quo infixi sunt illi, qui volvantur stellarum cursus sempiterni: cui subiecti sunt orbes septem, qui versantur recto contrario motu, atque cœlum. Et quidem unum globum possidet illa, quam in terris Saturniam nominant. Deinde est hominum generi prosperus & salutaris ille fulgor, qui dicitur Jovis. tum rutilus horribilisque tertis, quem Martem dicitis. Deinde subter mediam fere regionem sol obrinet, dux, & princeps, & moderator luminum reliquorum, mens mundi & temperatio, tantâ magnitudine ut cuncta sua luce lustret, & compleat. Hunc ut comites consequuntur, alter Veneris, alter Mercurii cursus, in infimoque orbe luna, radiis solis accensa convertitur, infra autem jam nihil est, nisi mortale, & caducum, præter animos generi hominum munere Deorum datos. Supra lunam sunt omnia æterna. Nam ea, quæ est mediâ & nonâ, tellus, neque movetur, & infima est, & in eam feruntur omnia tutu suo pondera.

Contra verò dulcis quidam ac cælestis sonus impulsu & motu ipsorum orbium efficitur, qui intervallis conjunctus imparibus, sed tamen pro rata portione distinctis, acuta cum gravibus temperans, varios æquabiliter concentus efficit. Nec enim silentio tanti motus incitari possunt, & natura

ura fert, ut extrema ex altera parte graviter, ex altera autem acutè sonent. quam ob causam summus ille quidem stelliferi cœli cursus, cuius conversio est concitator, acuto & exercitato movetur sono, gravissimo autem hic lunaris atque infimus. nam terra nova, immobilis manens, in a sede semper hæret, complexa medium mundi locum. Illi autem octo cursus, in quibus eadem vis est duorum, septem efficiunt distinctos intervalli sonos; qui numerus rerum omnium fere nodus est. Quod docti homines nervis imitari atque cantibus, aperuere sibi reditum ad hunc locum; sicut alii, qui præstantibus ingeniis, in vita humana, divina studia coluerunt.

2. Hæc cœlestia semper spectato, illa humana in parvis terræ spatiis; contemnit. Tu enim quam celebritatem sermonis hominum, aut quam expetendam gloriam consequi potes. Vides habitari raris, & angustis in terra locis, & in ipsis, quasi maculis, ubi habitat, vastas solitudines interiectas, hominesque qui, incolunt terram, non modo interruptos ita esse, ut nihil inter ipsos ab aliis ad alios manare posset, sed partim obliquos, partim transversos, partim etiam adversos stare vobis: à quibus gloriam expectare nullam certè potestis. Cernis autem terram eandem quasi quibusdam redimiram & circumdatam cingulis: è quibus duos maximè inter se diversos, & cœli verticibus ipsis, ex utraque parte subnixos, obriguisset pruina vides: medium autem illum, & maximum solis ardore torteri. duo sunt habitabiles: quorum Australis ille, in quo qui insident, adversa vobis urgent vestigia, nihil ad vestrum genus: hic autem alter subjectus Aquiloni, quam incolitis, cerne quam vos tenui parte contingat. Omnis terra, quæ colitur vobis, angusta verticibus, lateribus latior, parva quædam insula est, circumfusa illo mari, quod Atlanticum, quod Magnum, quod Oceanum appellatis in terris: qui tamen tanto nomine, quam sit parvus, vides.

Ex his ipsis cultis notisque terris, nunc aut tuum, aut cuiusquam nostrum nomen, vel Caucasum hunc, quem cernis transcendere potuit, vel illum Gangem transnare; quis in reliquis Orientis, aut obeuntis solis ultimis, aut Aquilonis Austrive partibus, tuum nomen audier, quibus amputatis, cernis profectò quantis in angustiis vestra gloria se dilatare velit. Ipsa

autem

autem, qui de nobis loquentur, quam diu loquentur? quin etiam si cupiat proles illa futurorum hominum deinceps laudes uniuscuiusque nostrum à patribus acceptas, posteris prodere, tamen propter eluviones, exustionesque terrarum, quas accidere tempore certo necesse est, non modo non æternam, sed ne diuturnam quidem gloriam assequi possumus. quod autem interest, ab iis, qui postea nascentur, sermonem fore de se, cum ab iis nullus fuerit, qui ante nati sint: qui nec pauciores, & certè meliores fuerunt viri? cum præsertim apud eos ipsos, à quibus nomen nostrum potest audiri, nemo unius anni memoriam consequi posset. Homines enim populariter annum tantummodo solis, id est, unius astri reditu metiuntur. cum autem ad idem, unde semel profecta sunt, cuncta astra redierint, eandemque totius cæli descriptionem longis intervallis retulerint: cum ille vere vertens annus appellari potest: in quo, vix d'cere audeo, quam multa secula hominum teneantur. Namque, ut olim deficere sol hominibus, extinguique visus est, cum Romuli animus ipsa hæc in templum penetravit; quando eadem parte soli, eodemque tempore iterum defecerit, tum signis omnibus ad idem principium, sit illique revocatis, expletum annum habeto. Huius quidem anni nondum vigesimam partem scire esse conversam. Quocirca si reditum in hunc locum desperaveris; in quo omnia sunt magnis & præstantibus viris: quanti tandem est ista hominum gloria, quæ pertinere vix ad unius anni partem exigam posset.

Igitur, altè spectare si voles, atque ad hanc sedem, & æternam domum intueri: neque sermonibus vulgi dederis te; nec in præmiis humanis spem posueris rerum tuarum: suis te illecebris, oportet, ipsa virtus trahat ad verum decus. Quid de te alii loquantur, ipsi videant. sed loquentur tamen; sermo autem omnis ille & angustiis cingitur iis regionum, quas vides; nec unquam de illo perennis fuit; & obruitur hominum interitum; & oblivione posteritatis exstinguitur.

IMITATIO.

Servit hic locus ad mundi honorisque vanitatem, in sanctis hominibus, ut D Bernardo, Francisco, Ignatio, aliisque illam considerantibus, despicientibusque, explodendam; tum vero etiam cæli cælestiumque æstimationem animis subiciendam.

§. 5.

Babylonis urbis descriptio à partium præcipuarum enumeratione, Curtius lib. 5. Hist. cap. 4.

Pulchritudo urbis ac vetustas non Regis modo, sed etiam omnium oculos in semet haud immerito convertit. Semiramis eam condiderat, vel ut plerique credidere Belus, cujus regia ostenditur. *Murus* laterculo coctili, bitumine interlitus spatium triginta & duorum pedum latitudine amplectitur, quadrigæ inter se occurrentes sine periculo commeari dicuntur: altitudo murum 30. cubitorum eminet spatio, *Turres* denis pedibus quàm murus altiores sunt. Totius operis ambitus 368. Stadia complectitur. Singulorum stadiorum structuram singulis diebus perfectam esse memoriæ proditum est. *Ædificia* non sunt admota muris, sed fere spatium jugeri unius absunt, ac ne totam quidem urbem tectis occuparunt: per stadia octoginta habitatur, nec omnia continua sunt, credo quia tutius visum est pluribus locis spargi. Cetera serunt coluntq; , ut si externa vis ingruat, obsessis alimenta ex ipsius urbis solo subministrant. *Euphrates* interfluit magnæque molis crepidinibus coercitus. Sed omnium operum magnitudinem circumveniunt cavernæ ingentes in altitudinem pressæ ad excipiendum impetum fluminis. quod ubi appositæ crepidinis fastigium excessit, urbis tecta corripere, nisi essent specus lacusque qui exciperent. coctili laterculo structi sunt. totum opus bitumine adstringitur. *Pons* lapideus flumini impositus jungit urbem. Hic quoque inter mirabilia orientis opera numeratus est. quippe Euphrates altum limum vehit, quo penitus ad fundamenta jacienda egesto, vix fulciendo operi firmum reperiunt solum. *Arenæ* autem subinde cumulatae, & faxis, quibus pons sustinetur annexæ, morantur amnem, qui retentus, acrius, quam si libero cursu mearet, illiditur. *Arcem* quoque ambitu viginti stadia complexam habet, triginta pedes in terram turrium fundamenta demissa sunt, ad septuaginta summum munimenti fastigium pervenit. Super arcem vulgatum Græcorum fabulis miraculum, *pensiles horti* sunt, summam murorum altitudinem æquantes, multarumque arborum umbra & proceritate amoeni. *Saxæ pilæ*, quæ totum opus sustinent, instructæ sunt. Super

X
pilas

pilas lapide quadrato solum stratum est, patiens terram, quam altam injiciunt, & humoris, quo rigant, adeoque validas arborum sustinent moles, ut stipites earum octo cubitorum spatium crassitudine æquent, in quinquaginta pedum altitudinem emineant, & frugiferæ æquæ sint, ac si terra sua alerentur. Et cum vetustas non opera solum manufacta, sed etiam ipsam naturam paulatim exedendo perimat; hæc moles, quæ tot arborum radicibus premitur, tantique nemoris pondere ornata est, inviolata durat. quippe viginti lati parietes sustinent, undecim pedum intervallo distantes, ut procul visentibus silvæ montibus suis imminere videantur. Syriæ Regem Babylone regnantem hoc opus esse molitum memoria proditum est, amore conjugis victum, quæ desiderio nemorum sylvarumque in campestribus locis virum compulit naturæ genium amœnitate hujus operis imitari.

§. 6.

Descriptio propugnata & expugnata urbis Saguntinæ in Hispania à gestorum enumeratione & adjunctis, Livius lib. 21.

Histor.

Locus & situs urbis.

Saguntum summa vi ab *Hannibale* oppugnabatur. Civitas ea longè opulentissima ultra Iberum fuit, sita passus mille ferme à mari. orundi à Zacyntho insula dicuntur, missique etiam ab Adrea Rutulorum quidam generis, cæterum in tantis brevi creverant opes, seu maritimis seu terrestribus fructibus, seu multitudinis incremento, seu sanctitate disciplinæ, quâ fidem socialem usque ad perniciem suam coluerunt. Hannibal infesto exercitu ingressus fines, pervastatis passim agris urbem tripartito aggreditur. Angulus muri erat, in planiorem potentioremque, quam cætera circa, vallem vergens. adversus eum vineas agere instituit, per quas arces mœnibus admoveri posset. Sed ut locus proci, muro satis æquus agendis vineis fuit: ita haudquaquam prosperè, postquam ad effectum operis ventum est, cœptis succedebat. &

turris

turris ingens imminabat : & murus, ut in suspecto loco, supra cæteræ modum altitudinis, emunitus erat.

Propugnandi & oppugnandi ratio.

Juventus delecta, ubi plurimum periculi ac laboris ostendebatur, ibi vi majore obsistebant, ac primo missilibus summoovere hostem : nec quicquam satis tutum munientibus pati. Deinde jam non pro mœnibus modò atque turri tela micare, sed ad erumpendum etiam in stationes operaque hostium animus erat. Quibus tumultuariis certaminibus haud fere plures Saguntini cadebant quàm Pœni. Ut verò Hannibal ipse, dum murum incautius subiit, adversum femur tragula graviter ictus cecidit : tanta circa fuga atque trepidatio fuit, ut non multum abesset, quin opera ac vineæ desererentur. Obsidio deinde per paucos dies magis, quàm oppugnatio fuit, dum vulnus Ducis curaretur. per quod tempus ut quies certaminum erat, ita ab apparatu operum ac munitionum nihil cessatum. Itaque acrius de integro obortum est bellum, pluribusque partibus, vix accipientib⁹ quibusdam opera locis, vineæ cœptæ agi, admoveſque aries. Abundat multitudine hominum Pœnus. ad centum enim quinquaginta millia habuisse in armis creditur. Oppidani ad omnia tuenda atque obeunda multimoda arte distineri cœpti sunt : & non sufficiebant, jam enim feriebantur arietibus muri : quassatæ quoque multæ partes erant. Una continentibus ruinis nudaverat urbem. tres deinceps turres, quantumque inter eas muri erat, cum fragore ingenti prociderant, captumque oppidum ruina crediderant Pœni, quâ velut si pariter utrosque murus texisset, ita utrimque in pugnam procursum est. Nihil tumultuariæ pugnae simile erat, quales in oppugnantibus urbium per occasionem partis alterius conferi solent : sed justæ acies, veluti patenti campo, inter ruinas muri tectaque urbis modico distantia intervallo constiterant. Hinc spes, hinc desperatio animos irritat. Pœno cepisse se urbem, si paululum adnitantur, credente : Saguntinis pro nudata mœnibus patriâ corpora opponentibus : nec ullo pedem referente, nec relicto à se loco hostem immitteret. Itaque quo acrius & confertim magis utrimque pugnabatur, eò plures vulnérabantur, nullo inter arma

corporaque vano intercidente telo. Falarica erat Saguntinis, missile telum hastili oblongo, & cætera tereti, præterquam, ad extremum, unde ferrum exstabat. Id sicut in pilo quadratum, stupa circumligabant, lineabantque pice. Ferrum autem tres in longum habebat pedes, ut cum armis transfigere corpus posset. Sed id maximè, etiamsi hæssisset in scuto, nec penetrasset in corpus, pavorem faciebat; quod cum accensum mitteretur, conceptumque ipso motu multò majorem ignem ferret, arma omitti cogebat, nudumque militem ad insequentes ictus præbebat. Cum ergo diu anceps fuisset certamen, & Saguntinis, quia præter spem resisterent, crevissent animi: Poenus quia non vicisset, pro victo effect: clamorem repente oppidani tollunt, hostemque in ruinas muri expellunt: inde impeditum trepidantemque exturbant: postremò fuscum fugatumque in castra redigunt.

Dum Romani tempus terunt legationibus mittendis, Hannibal quia fessum militem præliis operibusque habebat, paucorum iis dierum quietem dedit, stationibus ad custodiam vinearum aliorumque operum dispositis interim animos eorum, nunc ira in hostes stimulando, nunc spe præmiorum accendit. Ut verò pro concione prædam captæ urbis edixit militum fore, adeò accensi omnes sunt, ut si extemplo signum datū esset, nulla vi resisti videretur posse. Saguntini, ut à præliis quietē habuerāt, nec lacessentes, nec lacessiti per aliquot dies: ita non nocte, non die unquam cessaverant ab opere, ut novum murum ab ea parte, qua patefactum oppidum ruinis erat, reficerent. Inde oppugnatio eos aliquantò atrocior, quàm antè, adorta est: nec qua primùm aut potissimùm parte ferrent opem, cum omnia variis clamoribus streperent, satis scire poterant. Ipse Hannibal, qua turris mobilis omnia munimenta urbis superans altitudine agebatur, hortator aderat, quæ cum admota catapultis ballistisque per omnia tabulata dispositis, muros defensoribus nudasset, tum Hannibal occasionem ratus, quingentos fere Afros cum dolabris ad subruendum ab imo murum mittit: Nec erat difficile opus, quod cœmenta non calce durata erant, sed interlita luto, struaturæ antiquæ genere. Iraque antequam cederetur, ruebat: perque patentia ruinis, agmina armatorum in urbem vadebant. locum quoque editum capiunt: collocatisque eo catapultis ballistisque, ut castellum in ipsa urbe velut arcem imminet.

minentem haberent, muro circumdant. Et Saguntini murum interiorem ab nondum capta urbis parte ducunt. Ulrimque summa vi & muniunt & pugnans, sed interiora tuendo, minorem in dies urbem Saguntini faciunt. Simul crescit inopia omnium longâ obsidione, & minuitur expectatio internæ opis, cum tam procul Romani, unica spes, circa omnia hostium essent. Paulisper tamen affectos animos recteavit repentina profectio Hannibalis in Oretanos Carpetanosque, qui duo populi delectus acerbitate consternati, retentis conquisitoribus, metum defectionis cum præbuisent, oppressi, celeritate Hannibalis, omiserunt mota arma. Nec Sagunti oppugnatio segnior erat, Mabarbale Himilconis filio, quem præfecerat Hannibal, ita impigrè rem agentes, ut ducem abesse, nec cives nec hostes sentirent. Is & prælia aliquot secunda fecit, & tribus arietibus aliquantum muri discussit: strataque omnia recentibus ruinis advenienti Hannibali ostendit. Itaque ad ipsam arcem extemplo ductus exercitus, atroxque prælium cum multorum utriusque cæde initum, & pars arcis capta est.

Pace frustra tentata urbs intercipitur.

Tentata deinde per duos exigua pacis spes, Alconem Saguntinum, & Alorcum Hispanum. Alcon insciis Saguntinis, precibus aliquid moturum ratus, cum ad Hannibalem noctu transisset, postquam nihil lacrymæ movebant, conditionesque tristes, ut ab irato victore ferebantur, transfuga ex oratore factus, apud hostem mansit, moriturum affirmans qui sub conditionibus his de pace ageret. Postulabatur autem, redderent res Turdetanis: traditoque omni auro atque argento, egressi urbe cum singulis vestimentis, ibi habitarent, ubi Pœnus iussisset. Has pacis leges abnuente Alcone accepturos Saguntinos, Alorcus vinci animos, ubi alia vincantur, affirmans, se pacis ejus interpretem fore pollicetur. Ad hæc audienda cum circumfusa paulatim multitudine, permittum senatui esset populi concilium: repente, Primores secessione facta, priusquam responsum daretur, argentum aurumque omne ex publico privatoque in forum collatum, in ignem ad id raptim factum conjicientes, eodem plerique semetipsos præcipitaverunt. Cum ex eo

pavor ac trepidatio totam urbem pervasisset, alius insuper tumultus ex arce auditur. Turris diu quassata prociderat: perque ruinam ejus cohors Pænorum impetu facto, cum signum Imperatori dedisset, nudatam stationibus custodiisque solitis hostium esse urbem, non cunctandum in tali occasione ratus Hannibal, totis viribus aggressus urbem, momento cepit: signo dato, ut omnes puberes interficerentur. quod imperium crudele, cæterum prope necessarium cognitum in ipso eventu est, cui enim parci potuit ex iis, qui aut inclusi cum conjugibus ac liberis, domos super seipso concremaverunt? aut armati nullum ante finem pugnae, quam morientes fecerunt? Captum oppidum est cum ingenti præda, quamquam pleraque ab dominis de industria corrupta erant, & in cædibus vix ullum discrimen ætatis ira fecerat, & captivi militum præda fuerant: tamen ex pretio rerum venditarum aliquantum pecuniæ redactum esse constat, & multam pretiosam suppellectilem, vestemque missam Carthaginem,

§ 7.

Descriptio pugnae ad lacum Thrasimenum in Italia, ubi Romani ab Hannibale cæsi sunt, à loci exercitusque & gestorum expositione,

Livius lib. 22,

Locus pugnae aut tempus.

Jam Hannibal pervenerat ad loca insidiis nata; ubi maxime Cortonenses Thrasimenus subit. Via tantum interest perangusta, velut ad ipsum de industria relicto spatio: deinde paulò latior patescit campus, inde colles assurgunt. Ibi castra in aperto locat, ubi ipse cum Afriis modò Hispanisque consideret Baleares, cæteramque levem armaturam post montes circumducit: equites ad ipsas fauces saltus, tumulis apertè tegentibus locat: ut ubi intrassent Romani, objecto equitatu, clausa omnia lacu ac montibus essent. Flaminius cum pridie solis occasu ad lacum pervenisset, inexplorato postero die, vix dum satis certa luce angustis superatis, postquam in patentiore campum pandi agmen cœpit: id tantum hostium, quod ex adverso erat, aspexit: à tergo ac super caput decerpere insidiæ.

Congressus pugnantium.

Poenus ubi id quod petierat, clausum lacu montibusque, & circumfufum suis copiis habuit hostem, signum omnibus dat invadendi. Qui ubi qua cuique proximum fuit, decurrere: eò magis Romanis subita atque improvifa res fuit, quod orta ex lacu nebula, campo quàm montibus densior sederat: agminaque hostium ex pluribus collibus ipsa inter se satis conspecta, eoque magis panter decurrerunt. Romanus clamore prius undique orto, quàm satis cerneret, se circumventum esse sensit: & ante in frontem lateraque pugnari ceptum est, quàm satis instrueretur acies, aut expediri arma, stringique gladii possent. Consul percussis omnibus, ipse satis, ut in trepidare, impavidus, turbatos ordines, vertentesque se quoque ad dissonos clamores instruit, ut tempus locusque patitur: & quacunque potest, adhortatur, ac stare & pugnare jubet. Nec enim inde votis, aut imploratione Deum, sed vi ac virtute evadendum esse, per medias acies ferro viam fieri, & quo timoris minus sit, eò minus ferè periculi esse. Cæterum præ strepitu ac tumultu, nec consilium, nec imperium accipi poterat: tantumque aberat, ut sua signa atque ordinem & locum nosceret miles, ut vix ad arma capienda aptandaque pugnae competeret animus; opprimerenturque quidam onerati magis his, quàm recti. & erat in tanta caligine major usus aurium, quàm oculorum. ad gemitus vulnerrum, ictusque corporum, aut animorum, & mistos strepentium paventiumque clamores circumferebant ora, oculosque. Alii fugientes pugnantium globo illati hærebant, alios redeuntes in pugnam avertebat fugientiū agmen. Deinde ubi in omnes partes nequidquam impetus facti, & ab lateribus montes ac lacus, à fronte & à tergo hostium acies claudibat, apparuitque nullam nisi in dextra ferroque salutis spem esse: tum sibi unusquisque dux adhortatorque ad rem gerendam, & nova de integro pugna exorta est, non illa ordinata per principes hastatosque ac triarios; nec ut pro signis antesignanus, post signa alia pugnaret acies: nec ut in sua legione miles aut cohorte, aut manipulo esset, fors conglobabat, & animus suus cuique antè aut post pugnandi ordinem dabat: tantusque fuit ardor animorum, adeò intentus pugnae animus, ut cum terræ motum, qui multarum urbium Italæ

magnas partes prostravit, avertitque cursu rapido amnes, mare fluminibus invexit, montes lapsu ingenti proruit, nemo pugnantium senserit. Tres ferme horas pugnatum erat, & ubique atrociter; Circa Consulem tamen acrior infestiorque pugna est, cum & robora virorum sequebantur: & ipse quacunque in parte premi ac laborare senserat suos, impigre ferebat opem: insignisque armis, & hostem summâ vi petebat, & & turebatur suos cives, donec Insuber equum (Ducario nomen erat) faciemque noscitans: Consul, inquit, hic est, popularibus suis, qui legiones nostras cecidit, agrosque & urbem est depopulatus. Jam ego hanc victimam manibus peremptorum foedè civium dabo. Subditisque calcaribus equo per confertissimam hostium turbam impetum facit: obtruncatoque prius armigero, qui se infesto venienti obviam objecerat, Consulem lanceâ transfixit. Spoliare cupientem, triarii objectis clypeis arcuere. Magnæ partis fuga inde primum cœpit: & jam nec lacus nec montes obstabant pavori. Per omnia aëta præuptaque veluti cæci evadunt: armaque & viri super alium alii præcipitantur. pars magna ubi locus fugæ deest, per prima vada paludis in aquam progressi, quoad capitibus humerisque extare possunt, sese immergunt. Fuere quos inconsultos pavor nando etiam capeffere fugam impulerit. Quæ ubi immensa ac sine spe erat, aut deficientibus animis hauriebantur gurgitibus, aut ubi nequidquam festinaverant, retrò ægerimè terram repetebant, atque ibi ab ingressis aquam hostium equitibus passim trucidabantur. Sex millia ferme primi agminis per adversos hostes eruptione impigre factâ, ignari omnium, quæ post se agerentur, ex saltu evasere, & cum in tumulto quodam constissent, clamorem modo ac sonum armorum audientes, quæ fortuna pugnae esset, neque scire, nec perspicere præ caligine poterant. Inclinata ad iniquare, cum calescente sole depulsa nebula aperuisset diem, tum liquida jam luce montes campi que perditas res, stratamque ostendere foedè Romanam aciem, itaque ne in conspectos procul immitteretur eques; sublatiis rapidis signis, quam citatissimo poterant agmine, sese abripuerunt. Postero die cum super cætera extrema fames etiam instaret, fidem dante Maharbale, qui cum omnibus equestribus copiis nocte consecutus erat, si arma tradidissent, abire cum singulis vestimentis passurum. Quæ Punica religione servata fides ab Hannibale est, atque in yncula omnes coniecti,

Eventus pugnae.

Hæc est nobilis ad Thrasimenum pugna, atque inter paucas memorata populi Romani clades. Quindecim millia Romanorum in acie cæsa sunt: decem millia sparsa, fuga per orbem Hetruriam diversis itineribus Romam petiere. Mil-le & quingenti hostium in acie, multi postea utrimque ex vulneribus periire. Postero, ac deinceps aliquot diebus ad portas major prope mulierum quam virorum multitudo stetit, ac suorum aliquem, aut nuncios, de his operiens: circumfundebanturque obviis sciscitantes: neque avelli utique à notis, priusquam ordine omnia inquisissent, poterant. Inde varios vultus digredientium ab nunciis cerneres, ut cuique aut læta aut tristia nunciabantur: gratulanteque aut consolantes reduntibus domos circumfusos. Fœminarum præcipuè & gaudia insignia erant, & luctus. Unam in ipsa porta sospite filio repentè oblato in conspectu ejus exspirasse ferunt: alteram, cui mors filii falsò nunciata erat, mœstam sedentem domi, ad primum conspectum redeuntis filii gaudio nimio exanimatam.

§. 8.

Descriptio Historiæ à materia, quam complectitur.

Historia quidem de ætate, sed magis prodest Philosophia. Tyr. Disser. 12.

Nihil est jucundius, quàm in Historia versari, quàm sine labore ullo passim divagari, omnes simul locos intueri: omnibus bellis sine periculo interesse, infinitum temporis spatium contrahere, infinitas res gestas simul cognoscere, quæ ab Assyriis, quæ ab Ægyptiis, quæ à Persis, quæ à Medis, quæ à Græcis facta sunt. Bello nunc terrestri, nunc concionis mediæ videri interesse consiliis. Cum Themistocle in mari, cum Leon de in terra pugnare, cum Agésilao trajicere, cum Xenophonte incolumem redire: amare cum Pantheo, venari cum Cyro, regnare cum Cyaxari quod si sapiens ea de causa Ulysses dicitur, quod vaser esset, &

*Multorumque hominum mores lustrasset, & urbes
Dum sibi, dum sociis reditum, pariterque salutem
Apparat?*

Multò sapientior est, qui extra periculum, Historiæ lectione sese explet. Charybdis videbit, sed sine naufragio; Sænas audiet, sed sine vinculis; cum Cyclope ager, sed miti, & pacato. Et si eo nomine felix fuisse Perseus judicatur, quod passim alarum vageretur beneficio, totam terræ naturam, omnia intueretur loca, multò & levior certè, & sublimior, his Persei alis habenda est historia, quæ passim animum circumfert nostrum, nec nudas ei simplicesq; res ostendit, sed & hominum, & fluviorum origines. Sola harum rerum narratio est, quæ genus mortale. quo nihil æquè caducum est, nihil quod pereat, quod deficiat citius, memoriæ beneficio æternitati æquat: quod virtutes ejus conservat, immortali gloria actiones ejus compensat. Hoc est, cur Leonides non à Lacedæmoniis illius ævi tantum celebretur, nec tantum ab Atheniensibus, quos ætas illa tulit, Themistocles laudetur. Manet etiam nunc Periclis imperium, manet justitia Aristidis, Critias adhuc pœnas luit, Alcibiades adhuc in exilium abit. Et ut verbo absolvam, narratio historica, & eos, qui primò legunt, mirifica voluptate oblectat, & eos, qui jam legerunt, jucundissima cogitatione reficit. Quæ igitur è sermone ullo peti voluptas possit magis grata animo? Certè quamvis difficilè sit multis præclarisque se opponere historicis, dicendum tamen est, Equidem licet pulcherrima sit, & quàm maximè ad Poëtarum jucunditatem, ô Historici, orationis vestræ accedat compositio, alia est tamen, quàm quæ à vobis peti possit, animi honesti voluptas. Quid enim præeritorum malorum juvat recordatio, nisi prius, quo pacto vitanda ea sint, cognoscas? aut quid commodi Athenienses ex Attica, aut ex Ionica Halicarnassenses hauserunt historia? quæ felicitas ex historia Chiis accessit? si enim honesta possent ab improbis distinguere, aut præmittere hæc, illa describere, non minus fortasse rerum gestarum animum juvaret imitatio, quam oculos juvat imitatio pictoris. Nunc promiscuè in historiam insarciuntur omnia, major pars in deterioribus moratur, vincunt turpia. Ubique ferè in historia rapaces, tyrannos, injustos hostes, temere partas felicitates,

citates, facinora scelestâ, calamitates indignas, tragicos casus invenies. Quorum imitatio periculosa, memoria damnosa, æterna est miseria. Ego ut plenam voluptatem consequar, sanis pasci volo sermonibus, sanum requiro cibum, quali Socrates, aut Plato, aut Xenophon, aut Æschines in curanda valetudine sunt usi. Lubidine, metu, mœrore, invidia, variisque aliis ac diversis anima humana torquetur affectibus

IMITATIO.

Licet hac ad particularem aliquam Historiam Indorum, e. g. aut Chinesium applicare. & ostendere quemadmodum hujus beneficio, sine discrimine ad alium orbem animo demigremus, spectemus illic omnia, ac sine impensis peregrinemur. Quin & pari ratione, Astrologiam, aut Geographiam aliaque scientias elegantè describat.

§. 9.

*Descriptio commodorum, à definitione &
natura iuris.*

Cicero pro A. Cacinna circa finem.

1. Ius civile ejusque interpretes nisi observentur, omnium rerum possessio incerta est.

2. Posterius minus commodum ab hereditate parentum, quam jura conservati expectant, cum illa per hoc defendenda sit.

1. Qui jus civile contemnendum putat, is vincula revelat, non modò judiciorum, sed etiam utilitatis, viæque communis. Qui autem interpretes juris vituperat, si imperitos juris esse dicit, de hominibus, non de jure civili detrahit: si peritis non putat esse obtemperandum, non homines lædit, sed leges, ac jura labefactat. Quod vobis venire in mentem profectò necesse est: nihil enim in civitate tam diligenter, quam jus civile, retinendum: etenim hoc sublato, nihil est: quare exploratum cuiquam possit esse, quid suum, aut quid alienum sit: nihil est, quod æquabile inter omnes, atque unum omnibus esse possit, itaque in cæteris controversiis atque judiciis,

diciis, cum quæritur aliquid factum, nec ne sit? verum an falsum proferatur? & fictus testis subornari solet, & interponi falsæ tabulæ; nonnunquam honesto ac probabili nomine bono viro judici error objici, improbo facultas dari, ut, cum sciens perperam judicavit, testimonium aut tabulas securus esse videatur. In jure nihil est ejusmodi. Recuperatores, non tabulæ falsæ, non testis improbus. denique nimia ista, quæ dominatur in civitate, potentia in hoc solo genere quiescit: quid agat, quo modo aggrediatur judicem, qua denique dignum proferat, non habet. ò rem præclaram, vobisque ob hoc retinendam, Recuperatores. Quod enim est jus civile? quod neque inflecti gratiâ, neque perfungi potentia, neque adulterari pecunia possit. Quod si non modò oppressum, sed etiam desertum, ad negligentius adservatum erit, nihil est, quod quisquam sese habere certum, aut aperte accepturum, aut relicturum liberis arbitretur. Quid enim refert cædes, aut fundum relictum à patre, aut aliquâ ratione habere bene partum, si incertum sit, quæ tua communi jure mancipii sint, ea possisne retinere? Si parum sit communitum jus; si civili ac publica lege contra alicujus gratiam teneri non potest; quid inquam, prodest fundum habere, si, quæ decentissimè descripta à majoribus jura finium, possessionum, aquarum itinerumque sunt, hæc perturbari aliqua ratione, commutarique possunt.

2. Mihi credite, major hæreditas venit unicuique nostrum in iisdem bonis à jure & à legibus, quàm ab iis, à quibus illa ipsa bona relicta sunt. Nam, ut perveniat ad me fundus, testamento alicujus fieri potest: ut retineam quod meum factum sit, sine jure civili non potest. Fundus à patre relinqui potest: ac usucapio fundi, hoc est, finis sollicitudinis, ac periculi litium, non à patre relinquitur; sed à legibus. Aquæductus, haustus, iter, actus, à patre, sed rata auctoritas harum rerum omnium à jure civili sumitur. Quapropter non minus diligenter ea, quæ à majoribus accepistis, publica patrimonîa juris, quam privata rei vestræ retinere debetis: non solum, quòd hæc jure civili septa sunt: sed etiam, quòd patrimonium unius incommodo dimittitur, jus amitti non potest, sine magno incommodo civitatis. In hac ipsa causa, Recuperatores, si hoc nos non obtinebimus, vi armatis hominibus dejectum esse cum, quem vi armatis hominibus pulsum, fugatumque

tumque esse constet: Cæcinna rem non amitteret, quam ipsam animo forti, si tempus ita ferret, amitteret: in possessionem, in præsentia, non restitueretur, nihil amplius: populi Romani causa, civitatis jus, bona fortunæ, possessionesque in dubium, incertumque revocabuntur: vestra autoritate hoc constituetur, hoc præscribetur: quæ cum tu posthac de possessione contendes, cum, si ingressum modò deieceris, in prædium restituas oportebit: Sin autem ingredienti, cum armata multitudine obvius fueris, & ita venientem repuleris, fugaris, averteris, non restitues.

IMITATIO.

Poterit servire ad vera religionis laudem & propugnationem, ex qua defensa & florente, civilis etiam vita, proscripta injuria, facilius transigitur.

§. 10.

Descriptio Agricultura & agrestis vita jucundissima à causis, effectibus, & adjunctis. Cicero in Catone Maj.

Principio describit agriculturam, & frugum ortum progressumque.

2. *Culturam propagationemque vitis.*

3. *A cultura agri deflectit ad hortorum & pomariorum curam.*

4. *Exemplis variorum Rom. Reipubl. principum declarat, quantum honesta voluptatis hi posuerint in vita rustica, ut Man. Curii & Q. Cincinnati.*

Concludit 5. denique hanc esse voluptatem senibus dignam.

Cato Major ad Scipionem & Lælium.

1. *Voluptatibus agricolarum incredibiliter delector, quæ nec ulla impediuntur senectute, & mihi ad sapientis vitam proximè videntur accedere. Habent enim rationem cum terra, quæ nunquam recusat imperium, nec unquam sine usura reddit, quod accipit, sed aliàs minore, plerumque majore cum scenore. quanquam me quidem non fructus modò, sed etiam ipsius terræ vis, ac natura delectant. quæ cum gremio*

gremio mollito ac subacto sparsum semen excepit, primum id occatum cohibet, ex quo occatio, quæ hoc efficit, nominata: deinde tepefactum vapore, & complexu suo, diffundit, & elicit herbescentem ex eo viriditatem: quæ nixa fibris stirpium sensim adolescit, culmoque erecta geniculato, vaginis jam quasi pubescens includitur: è quibus cum emerit, fundit frugem spicæ ordine structam, & contra avium minorum morsus munitur vallo aristarum.

2. Quid ego vitium satus, ortus, incrementa commemorem? satiari delectatione non possum; ut meæ senectutis requiem, oblectamentumque noscatis. Omitto enim vim ipsam omnium, quæ generantur è terra, quæ ex fici tantulo grano, aut ex acino vinaceo, aut ex cæterarum frugum, ac stirpium minutissimis seminibus, tantos truncos ramosque procreat: malleoli, plantæ, sarmenta, vivi traduces, propagines, nonne ea efficiunt, ut quemvis cum admiratione delectent? Vitis quidem, quæ natura caduca est, nisi fulta est, fertur ad terram, eadem, ut se erigat, claviculis suis, quasi manibus quicquid est nacta, complectitur: quam serpentem multiplici lapsu, & erratico, ferro, amputans coercet ars agricolarum, ne silvescat sarmentis, & in omnes partes nimia fundatur. Itaque ineunte vere, in iis, quæ relicta sunt, existit, tanquam ad articulos sarmentorum ea, quæ gemma dicitur: à qua oriens uva se ostendit: quæ & succo terræ, & calore solis augescens, primò est peracerba gustatu; deinde matura dulcescit; vestitaque pampinis nec modico tempore caret, & nimio sole defendit arbores; qua quid potest esse, cum fructu lætius, rum aspectu pulchrius? cujus quidem non utilitas me solum, ut ante dixi, sed & cultura, & natura ipsa delectat, adminiculorum ordines, capitum jugatio, religatio, & propagatio virium, sarmentorumque ea, quam dixi, aliorum amputatio, aliorum immissio.

3. Quid ego irrigariones, quid agri fossiones, repastinationesque proferam, quibus sit multò terra fecundior? quid de utilitate loquar stercoreandi? dixi in eo libro, quem de rebus rusticis scripsi: de qua doctus Hesiodus ne verbum quidem fecit, cum de cultura agri scriberet. At Homerus, qui multis, ut mihi videtur, ante seculis fuit, Laertem lenientem desiderium, quod capiebat è filio, colentem agrum, & cum stercoreantem facit, nec verò segetibus solum, & pratis

& vineis, & arbutis res rusticæ lætæ sunt, sed hortis etiam, atque pomariis, tum pecudum pastu, apum examinibus, florum omnium varietate. nec consitiones, modò delectant, sed etiam insitiones; quibus nihil invenit agricultura solertius. possum persequi multa oblectamenta rerum rusticarum, sed ea ipsa, quæ dixi, fuisse sentio longiora. Ignoscetis autem; nam & studio rerum rusticarum provectus sum; & senectus est natura loquacior, ne ab omnibus eam vitiis videat vindicare.

4. Ergo in hac vita Man. Curius, cum de Samnitibus, de Sabinis, de Pyrrho triumphasset, consumpsit extremum tempus ætatis. Cujus ego villam contemplans (abest enim non longè à mea) admirari satis non possum, vel hominis continentiam, vel temporum disciplinam. Curio ad focum magnum auri pondus Samnites cum attulissent, repudiati ab eo sunt. *non enim aurum habere, præclarum sibi videri dixit, sed iis, qui haberent aurum, imperare.* poteratne tantus animus non efficere jucundam senectutem? sed venio ad agricolas, ne à me ipso recedam. In agris erant tunc senatores, id est, senes; siquidem L. Quinctio Cincinnato in agro aranti nuntiatum est, cum Dictatorem esse dictum. cujus Dictatoris jussu, magister Equitum C. Servilius Abala Sp. Melium regnum appetentem, occupatum interemit. A villa in Senatum accersiebantur, & Curius, & ceteri senes: ex quo, qui eos accersiebant, viatores nominati sunt. Num igitur eorum senectus miserabilis fuit, qui se agricolatione oblectabant? mea quidem sententia, haud scio, an ulla possit esse beator vita, neque solum officio, quod hominum generi universo cultura agrorum est salutaris; sed & delectatione quam dixi, & saturitate, copiaque rerum omnium, quæ ad victum hominum, ad cultum etiam Deorum pertinent.

5. Et quoniam hæc quidam desiderant, in gratiam jam cum voluptate redeamus. Semper enim boni, assiduique Domini referta cella vinaria, olearia, & penuria est; villaque tota locuples abundat porco, hœdo, agno, gallina, lacte, caseo, melle. jam, hortum ipsi agricolæ succidiâ alteram appellant. conditiora facit hæc supervacaneis operis aucupium, atque venatio. quid de pratorum viriditate, aut arborum ordinibus, aut vinearum, olivetorumve specie dicam? brevi præcidam, agro bene culto nihil potest esse, nec usu uberius,

uberius, nec specie ornatus: ad quem fovendum non modò non retardat, verum etiam invitat, atque allecitat senectus, ubi enim potest illa ætas, aut calefcere vel aplicatione melius, vel igni; aut vicissim umbris aquisve refrigerari salubrius.

IMITATIO.

Vsui hac futura descriptio est, si vel rusticorum vitam cum civili ac forensi componas, vel etiam veterum Patriarcharum, ut Abrahami, Isaaci, Iacobi felicitatem in pastoritia & agresti vita positam.

CAPUT XV.

Descriptiones morum, quæ ferè similibus exemplisque illustrantur.

Sequuntur nunc aliquæ Descriptiones, quæ similibus aut etiam exemplis quibusdam illustrantur, quas superioribus subicere placuit; ut omnes intelligant, has etiam bonis scriptoribus esse usurpatas. In quibus aliæ Descriptiones naturæ, aliæ morum sunt, quæ in una alteraque Descriptione postrema etiam inter se varietate aliqua miscentur.

§. I.

Descriptio hominis à partibus & affectibus.

Per illustrem similitudinem exposita.

*Homo à ratione, & affectibus, ut Respubl. à Principe & populo administraretur. Tyrius
Dissert. 15.*

Bisariam anima hominis dividitur. altera pars ratio, altera affectus dicitur. Quarum utraque si aut malè habeat, aut inordinatè moveatur, uno simul nomine foedissimo improbitas

probitas dicitur, fontes autem primaque mali hujus causa ex illuvie, & quasi exundatione, existit: quotiescunque ille affectuum fervor animum accendit: quoties pullulantem quasi, & efflorescentem rationis vim confundit. Non aliter quam hyberni torrentes solent, qui si legitimum suum semel exceſſerint alveum, sataque ac plantas agricolarum invadunt, penitus inundant eos, ac destruunt. Eodem modo immodicis turbata affectibus anima, rationis præscriptum excedit, falsæque in ea improbæque opiniones, & quæ cum natura ejus pugnant, efferre se incipiunt. Planè hoc ipsum, quod ebriis evenire solet: nimia enim illa crapula morbos, qui intus latent, educit, non secus, quàm è latibulis suis proserpentes educuntur bestię: atque ita mentem confundit, eamque voces non suas, sed ejusmodi belluarum cogit proferre. Quod si manifestiori etiam res illustranda est exemplo; lubet cum populari imperio improbitatem conferre animi. Quotiescunq; nimirum eò urbis res rediit, ut optimi quique in servitutem redacti, parere cogantur: demens verò multorumque capitum populus, cui nimios addidit spiritus licentia, habenas sibi vendicat, necesse est eam varias in voces, plurimas in partes, in affectos diversissimos, in cupiditates innumerabiles divisam esse. Intemperantem in voluptatibus, in iracundia præcipientem, in gerendis ambiendisque honoribus immodicam: in secunda fortuna sine modo, in adversa sine spe esse. Cum Pericles abeat, Aristides exulet, moriatur Socrates, in expeditionem cogatur ire Niceas, Sphafteriam ambire Cleo, Siciliam Alcibiades, aliamque alius terram, aut mare: Eorumque cupiditatibus plebs otiosa, incompressa, mercenaria, & quæ facile quovis impellitur, subscribat. Hic eas cupiditates necesse est servitutem, calamitates inducere, & tyrannidem, & si quæ magis absurda sunt istis. Eodem modo & in animo multi seditiosi sunt tribuni, populusque intemperans: multi Alcibiadæ, multi Cleones, qui nec quiescere, nec rationi suæ aut legi parere miserrimam sinunt animam. At verò virtus, cujus causa tam multa verba cedimus, contra se habet. Planè id Lacedæmoniorum resp. probat, in qua tali sub imperio vivit populus, minima pars, eaque optima imperat. Altera conservat, conservatur altera, altera jubet, paret altera: quodque utramque sequitur, libertas est. Eget altera

pars altera : tam quæ imperat eâ, quæ paret ; quàm quæ paret, conservatione ejus & tutela, quæ imperat. In anima bene constituta eodem agitur modo. Ratio est, quæ conservat, & tuetur ; qui conservantur, & præsidio egent, sunt affectus. Moderatio ratio, moderatione egent affectus : ex utroque libertas procedit.

§. 2.

Descriptio amoris ab effectibus per exempla doctè illustratis.
Amor potens omnia perrumpit. Tyr. diss. 10.

1. *Exorditur ab exemplo duorum, amoris gratia, diversa dona offerentium. Eri tamen nisi donis liberalibus amorem posse negat, quod liber sit, & omnia vincula perrumpat.*

2. *Voluptas tamen facile amoris hunc affectum induit & corrumpit. Vbi exemplis docetur Paridis & Xerxis, ad quam stulta consilia hic amor impellat.*

Smerdies natione Thrax, formæ elegantissimæ planeque regię puer, dono à Græcis quibusdam Regi Jonico Polycrati Samio, donatus est. Quo munere in tantum Rex delectatus est, ut puerum vehementer amaret : in quo rivalem habuit poetam Tejum Anacreontem. Et à Polycrate quidem aurum argentumq; dono accepit Smerdies, aliaque ejusmodi quæ puerum formosum à Rege amatore accipere æquum est. Ab Anacreonte contra carmina ac laudes, & quæcunque ab amatore Poëta convenit. Si quis jam utrumque amorem, regium dico poeticumque inter se componere velit, utrum eorum divinum magis cælestemq; utrumq; magis homine dignum, magisq; sanctum visum iri existimas ? ego illum magis arbitror, quem Musæ Gratiæque temperant, quàm quem necessitas & metus. Alter enim homini captivo aut infelici similis est mercenario, alter libero & Græco. Quam esse cautam arbitror, cur vix apud Barbaros amor inveniri soleat. Ubi enim populus servit, rex imperat ; ibi totum illud medium, quod autoritate, quod dignitate, ac societatis lege inter se par est, penitus sublatum est. Nihil autem amoris magis inimicum est, quam metus & necessitas. Est enim generosum quid amor, ac ingenuum, ipsaque Sparta magis liberum. Solus enim omnium, quæ hominibus adesse solent, cui purè ac sine labe ulla hæserit, nec opes admiratur, nec reges metuit.

nec

nec regiam stupet, nec iudicium horret, aut mortem vitat. Non bellua ulla, non ignis, non præceps locus, non mare, non ensis, non laqueus, illi metum incutit. Sed & invia penetrat, & periculosa superat, & quæ alii metuunt, facile contemnit, & quæ aliis difficilia videntur, facile efficit. Fluvios facile tranat, tempestate facile navigat, in montibus facile currit. Ubique præsentie est animo, omnia despicit, omnia in potestate habet. Res minimè contemnenda est amor, quoties talis est. Ut arbitrer, optatum esse sapientem virum, ne unquam ab eo amor recedat; si quidem unà cum illo libertatem, securitatem, animique firmitatem consecutus sit.

2. Vereor tamen ne in omnibus talis sit, sed potius res fœda, quæ pulcherrimæ habitum sibi vendicet, solaque similitudine se efferat: ut ipsam quidem consequatur imaginem, multum tamen absit à fine. Sicut Agyrta imitatur medicum, Sycophanta oratorem, Sophista Philosophum. Ita ubique invenies malum bono adhærere, & ob similitudinem quam habet, cum eo coalescere. Cum tamen, vel proposito distinctum sit, ut orator à Sycophanta, vel fine, ut medicus ab agyrta, vel virtute, ut philosophus à Sophista. Pauci enim, vel propositum, vel finem, vel virtutem intelligunt.

IMITATIO.

Rectè D. Paulum Apostolum post conversionem longè ardentius amore Christi, quàm antè zelo legis sue flagrantem, introduces; qui omnibus periculis spretis, superatis difficultatibus, ad mortem usque depugnavit pro lege Christi. Idem de Francisco Xaverio, Indiarum Apostolo, jure statues.

§. 3.

Descriptio irati ab adjunctis in vultu atque ore potissimum. Seneca lib. 3. de Ira.

Nulli affectui, quàm iræ, peior est vultus, quem descripsimus asperum & acrem, & nunc subito retrorsum sanguine fugato pallentem, nunc in os omni calore ac spiritu verso subrubicundum, & similem cruento, venis tumentibus, oculis nunc trepidis & exilientibus, nunc in uno obtutu

defixo & hærentibus. Adjice dentium inter se arietatorum & aliquem esse *ac de vorare* cupientium, non aliorum sonum, quàm est apris, tela sua (*hoc est dentes*) attritu acuentibus. Adjice articulorum crepitum, cum se ipsæ manus frangunt, & pulsatum sæpius pectus, anhelitus crebros, tractosque altius gemitus, instabile corpus, incerta verba subitis exclamationibus, trementia labra, interdumque compressa, & dirum quid exhibilantia.

Ferarum, mehercules, sive illas fames exagitat, sive infixum visceribus ferrum, minus tetra facies est, etiam cum venatorem suum semianimes morsu ultimo petunt, quàm hominis ira flagrantis. Age si exaudire voces & minas vacet, qualia excarnificati animi verba sunt. Nonne revocare se quisque ab ira volet; cum intellexerit illam à suo primum malo incipere.

Non vis ergo admoneam eos, qui iram in summa potentia exercent, & argumentum virium existimant, & in magnis fortunæ bonis ponunt paratam ultionem; cum non sit potens, imò nec liber dici possit, ira captus? Non vis admoneam, quò diligentior quisque sit; ut ipse se circumspiciat, alia animi mala ad pessimos quosque pertinere, iracundiam etiam eruditis hominibus, & ad alia sanis obrepere.

§. 4.

Descriptio Aurei & ferrei seculi, vitæque utriusque per contrariorum comparisonem oppositio.

Tyrius Dissert. 20.

1. *Orditur à fabula formati à Prometheo hominis, & Saturni seculo aureo, cui opponit seculi ferrei mores perversos, descriptione illustri, per contraria.*

2. *Proponit, inter utriusque vitæ commoda, meritiò prioris amplectenda esse.*

3. *Similem hanc esse luxuriantibus in carcere, illam liberè, sed moderatè viventibus esse tradit.*

4. *Etiam in ferrea ætate aureis moribus repertum esse Philosophum Diogenem, qui liberè priori ista vitæ viveret, nullius fortuna metuens.*

5. *Cateros ferè mortalium, etiam dum bona sectantur infelices esse, quod saepe eventus fallat, ut exemplis constat.*

1. Statui tibi Lydi illius sapientis exemplo concinnare fabulam, cujus interlocutores erunt, non leo, aut aquila, nec (à qua minus vocem expectes) quercus aliqua; sed hoc modo procedet. Jupiter olim solus erat, & cum Jove cœlum & terra. Et cœli quidem cives Dii erant: alumni verò terræ nondum nati erant, homines.

Vocat igitur Promethea Jupiter, jubetque novam in terras coloniam deducat. Animal simplex, cui ingenium Diis proximum, corpus tenue, erectum aptèque temperatum, vultum mitem, manus promptas, gressum firmum tribueret. Morem gerit Jovi Prometheus, homines fabricat, eosque in terra locat. Qui ubi nati essent, facillimè vivebant, cum eibum illis abundè terra suppeditaret. Aderant prata pulchrè vestita, montes comantes, fructuum copia, & quæcunque, quamvis nondum infestaretur ab agricolis, ferre tellus solet. Jam purissimos Nymphæ fontes, & fluvios illimes, aliarumque scaturigines lympharum plenas suppeditabant & uberes. Accedebat tepor solis, qui modicè circumvolitans restaurabat corpora: tum è fluviiis æstivo tempore respirantes membra illis refrigerabant auræ. Ad hæc omnia accessus erat liberrimus, in uberrima spontaneæ felicitatis viventibus copia. Videntur mihi ad hanc fabulam nostram quàm proximè accessisse & poëtæ. Qui sub Saturno Deorum rege, vitam fuisse ejusmodi innuunt, sine præliis, aut ferro, sine custodia ulla paci deditam, sine ulla simultate salubrem, nullius immunem. Nec aliud esse arbitror, quod aureum ab Homero vocatur sæculum, qui ad nostrum hoc alludit. Porro, ut fabulæ facecant, & in serium sermonem transeat oratio: vitam cum vita conferamus, priorem cum secunda, sive ea ferrea, sive quocunque alio sit dicenda nomine. Cum dividere inter se terram cœpere homines, alius aliam secare partem, quam limitibus ac muris distinguerent. corpora involvere fasciis, pedes pellibus munire; aurum alii collo, alii capiti, alii digitis aptare; honestas speciosasque compedes: ædes struere, claves excogitare, fores & vestibula qualiacunque attollere. Ut omittam, quod terræ negotium facebant, dum eam auri argentique studio rimantur, ligonibus in-

Vadunt, ac fodiunt. Quod nec à mari abstineant, sed in ejus quasi poenam naves modò bellicas, modo vectorias, & mercenarias fabricent. Quod nec ab aëre, sed & hunc spolient: dum vitæ linoque greges avium (& quâ non arte) præveniunt. Quod nec à cicuribus animalibus, virium defectu, nec à feris metu abstineant: sed cæde, sed sanguine, sed cruore quolibet ventrem impleant. Novam semper voluptatem excogitent, veterem contemnant: & dum jucunditatem sectantur, in miseriam incidant. Divitias semper appetant: ita tamen ut minora judicent, quæ habent, quam quæis carent: & quod possident, eo quod expectant, egestatem semper timeant, expleri nunquam possit, mortem metuant, vitam negligant, morbos vitent, nec à morbidis abstineant. Alios suspectos habeant, aliis ipsi insidias struant. Feroces cum inermibus, cum armatis timidi. Tyrannidem odio habeant, & affectent. Turpia vituperent, nec tamen fugiant. Felicitatem mirentur, nec mirentur virtutes. Miserentur infortunia, nec tamen fugiant improba. In secundis audaculi, in adversis immoderati. Beatos prædicent mortuos, vitam tamen expetant. Bella adversentur, pacem agant insolenter. In servitute abjecti, in libertate confidentes. In populari Rep. dissoluti, in tyrannide timidi. Liberos petant, patros verò negligant. Deos invocent, tanquam dare possint, negligant tanquam punire nesciant. Deos timeant, atque perjuria vindicent: pejerent autem quasi non sint. Tantus igitur cum tumultus & discordia secundam hanc vitam invaserit, utri palmam dabimus? utram simplicem, successusq; & libertatis compotem dicemus esse? utram contra minimè talem, sed coactam, miscrandam, infortuniorum plenam?

2. Agedum ex utraque hominem sumamus, quem coram arbitro sistamus: qui utrumque examinet. Ac prius quidem priorem illum, qui nudus sine lare, sine arce quasi terræ totius civis, & colonus, obambulat. Quærat autem proposita vitæ illius secundæ ratione, utram malit? in priorisne persistere victu & libertate; an verò voluptates alterius unâ cum incommodis sequi? Accedat deinde & alter, cui iudex prioris vitæ illius rationem proponat, & libertatem: quæratque utrum malit, suâne servare, an mutare locum sedenique, & in tranquillam illam liberamque, metus simul doloris-

dolorisque immunem transferri? uter transfuga fieri, uter coloniam mutare, uter lubenti animo vitam commutare volet? Quis ita demens, malique cupidus, tam Diis iratis natus, qui minimarum caducarumque voluptatum, dubiorum bonorum, speique incertæ & ambiguæ felicitatis causa castra mutare & transferre se in certissimam felicitatem nolit? Cum præsertim non ignoret, quam multis carere malis possit, quæ cum secundæ huic vitæ adhæreant, omnibus modis, incertam, miseramque vivendi conditionem, & calamitosam efficiunt.

3. Ita ut ego vitam utramque conferre soleam: & primò, hanc si Diis placet, egregiam variamque, dum miserrorum hominum molestissimo carcere, qui cum in obscuro aliquo detineantur angulo: ubi multo ferro crura, collum numellis, gravissimo manus vinculo premantur, atque ita in sordibus, in cruciatu, luctuque vitam exigant, processu tamen temporis paulatim & consuetudinis, securitatem sibi quandam in ipso carcere, tranquillitatemque machinantur animi; nam & inebriantur interdum & canunt, ventremque cibo distendunt, aut Veneri indulgent: neque tamen secùrè his omnibus explere possunt, quin metuant, quin felicitati suæ diffidant, quin de præsentibus malis cogitent, ita ut in singulis carceribus ululatum cum cantu, gemitum cum pæane audias. Alteram contra vitam homini confero, qui in luce versatur purissima, qui manus pedesque vinculi immunes habet, collum liberè, quo vult inflectit, oculos directè in solum intendit, sidera intuetur, noctem à die distinguit, singulas anni tempestates exspectat, ventos sentit, aëremque purum ac liberum trahit: ita tamen, ut simul voluptatibus carceris illius careat: non inebrietur, non helluetur, non gemat, sed moduletur, non canat, sed nec lamentetur, neque cibus se ingurgitet; sed quantum naturæ lex patitur, ventre sit sobrio & castigato. Quæro utram vitam beatam, utram miseratione dignam judices? utram eligendam censeas? Illamne, quæ in carcere agit, mixtam ambiguamque, miserrimis deceptus voluptatibus?

Hic ubi mille homines simul exultantque gemuntque.
quorum in voluptate alii, alii in mœrore versantur.

4. Absit verò à te miserrima anima: quin potius similitudines has cum fabulis relinque, rectaque virum adi,

qui non Saturni regis tempore , sed in medio ferrei huius seculi vixit , quem Dii duo , Jupiter & Apollo liberali manu asseruerunt. Quamvis nec Atticus esset , nec Döricus , neque Solonis alumnus , nec è Lycurgi disciplina (non enim virtutem suffragio suo , aut locus ullus creat , aut lex) sed Sinopensis Ponticus. Qui adhibito in consilium Apolline , omnem à se vitæ necessitatem abiecit , omnibus se expedivit vinculis , totamque terram liber & suus , non secus , quàm avis ratione prædita circumvivit. Ut nec Tyrannum ullum metueret , nec à lege ulla cogeretur , nec Reipublicæ otium suum transferberet : nec educatione liberorum districtus , nec nuptialibus vinculis obstrictus , nec agricultura intentus , nec militaribus turbatus curis , nec rei augendæ studio discurrens. Sed hoc omnes cum curis suis non aliter ridebat , quàm nos puerulos , quos talis suis seridò intentos , ferire ac feriri , spoliare & spoliari ab illis videmus. Ipse verò regis securi liberique vitam ducebat : non ut hyeme Babylone viveret , æstate Medos fatigaret ; sed ex Attica Isthmum , rursus relicta Isthmo Atticam una cum anni tempestate petebat. Regiæ illius templa erant , gymnasia , & loci sacri ! Divitiæ maximæ , certissimæque , nec ullis obnoxia infidiis , universa cum fructibus suis terra : tum fontes terræ filii , omni Lesbio Chioq; largiores necitare. Amicus præterea & familiaris erat aëri , sicut Leonum corpora. Neque Jovis se subducere tempestatibus solebat , nec cum eo luctabatur : neque calorem hyeme , frigus æstate moliebatur. Sed ita toti naturæ assueverat , ut hoc vivendi genere , & sanitatem sibi & robur pararet , vitamque quam longissimè extenderet : nec interim aut remediis egeret medicorum , aut ferro ; aut igne , Chirone , aut Asclepio , aut Asclepiadis haberet opus. Non vatum oraculis , non lustratione sacerdotum , non præstigiatorum carmine. Jam cum gravissimo bello arderet Græcia , sibi que omnes insultarent mutuo.

Consueti inter se misurando cernere Marte.

Solus inducias agebat : inter armatos inermis , inter bellantes , foederatus omnium. Manum ab eo abstinebant improbi omnes , & Tyranni & Sycophantæ. Et tamen sceleratos arguebat , non verborum captiunculis , quod reprehendendi genus molestissimum est , ut plurimum ; sed re ipsa , ipsaque vita vitam seorum perstringebat ; quæ reprehensio
& effi-

& efficacissima solet esse, minimèque aspera. Propterea neque Melitus ullus, nec Aristophanes, aut Anytus, nec Lycon Diogenem invasit. Quid ergo obstaret, quo minus reliquis omnibus præferenda hæc vita esset Diogenis, quam sponte sua elegerat, quam Apollo dederat, commendarat Jupiter, quam omnes sapientes mirantur

5. An aliud putamus esse fortunæ incommodum, quam usum actionis eventumque non satis arbitrio auctoris respondentem? Quære ex eo, qui uxorem duxit, cur id fecerit? respondebit, liberorum causa. Ex eo qui liberos educat, cur eos genuerit? successionis causa dicet. Ex eo, qui militat: amplioris dicet fortunæ. Ex rustico, fructuum causa. Ex negotiatore, facultatum. Ex eo, qui Rempublicam tractat: honoris. Omnes hæc causæ, ut plurimum, evanescent, & in contrarium abeunt, nec artis aut sapientiæ, sed voti est felicitas. Quare singuli qui hæc sibi proponunt, difficultatem quandam experiuntur vitæ, miseriamque sustinent, non voluntariam, neque ex ignoratione bonorum, quæ per se petenda sunt promanantem. Quem jam ex hoc numero judicabis liberum? Reine publicæ præfectum? servum dicis, non unius Domini. Patronumne: servum dicis asperorum judicum. Tyrannumne: servum dicis effrenatissimarum voluptatum. Ducemne? servum dicis incertæ fortunæ. Nautamne? servum indefinitæ artis. Philosophumne? de quo loqueris? Socratem quidem laudo, sed dicentem audio: volens carcerem peto, volens cicutam bibo. Videsne quid dicas, mi Socrates? volensne, an verò in gratæ occurris fortunæ fortiter, ut legi pæneas? At cui legi? si Jovis, legislatorem laudo? sin Solonis, qui in re Socrati præferendus est Solon? Respondeat mihi & pro Philosophia Plato, an nemo eum turbaverit? non exilium Dionis, non minæ Dionysii, nec Sicula aut Jonica maria, qui toties coactus est navigare? Quod si & ad Xenophontem abeam, vitam erroris plenissimam video: ambiguum fortunam, expeditionem coactam, & exilium speciosum. Horum omnium casuum immunem hanc vitam dico: quam obrem & supra Lycurgum & Solonem, & Artaxerxen & Alexandrum constitutus fuit Diogenes. Libertate verò Socratem antecessit: nec delatus in iudicio, nec in carcere detentus, neque laudem consecutus è miseria,

IMITATIO.

1. *Adama & Eva creatio, atque eorum in Paradiso describatur felicitas.*

2. *Infelix ac perturbata mortalium è Paradiso ejectorum vita cum illa comparetur.*

3. *Adami libertas cum hinnulo in partis soluto, aliorum hominum, cum equo sub jugum ducto componatur.*

4. *In ferrea tamen aetate nostra homines alios Diogene, aut Socrate meliores, ut Abrahamum, Iosephum, Iobum, Davidem aut similes repertos asserat, describatque, &c.*

5. *Ceteros mundo potius ejusque vanitati quam Deo fisos omnes esse opinione delusos, ut in Absolone & Salomone, docebit.*

§. 5.

Descriptio studiorum inter mortales diversorum, à partium enumeratione.

Omnes diversis studiis unam sectantur beatitudinem. Tyr. Dissert. 19.

Diversorum labor diversus, ut beati esse possint.

2. *In bello alii, re quamvis odiosa, beatitudinem quarunt.*

3. *Plebs in variis occupatur artibus ac saepe ridiculis, quod*

4. *Simili illustratur.*

5. *De frivolis rebus solliciti homines, Philosophiam Ducem optimam negligunt; quamvis & haec, in suas sparsa sectas, unum verumque bonum occultet.*

Crotoniara oleastrum amat olympicam, navali praelio Atheniensis delectatur, Spartiata pedestri, Venatione Cres, Sybarita luxu: Thebanus tibiis afficitur, Jonicus choris: Mercator aurum, Vinosus vinum, elegantiores homines amores, qui cantu delectatur, cantum, dicendi studium orator sequitur. Scire igitur velim, an & hoc animal, quod philosophum dicunt homines, nulla prorsus re delectetur? Lapidis mihi vitam narras; ne dum, ut animal, cui videre, cui vivere, cui sapere contigit; quod appetitu, sensu, cupiditatibus impellitur, hoc deceat. Dices fortasse, aliquid esse, quo delectetur, quod uno tamen dici vix possit nomine.

Beati-

Beatitudinem nimirum. Equidem simplicitatem licet admirari tuam, si aliquem ex omnibus, quos jam commemoravimus, in suis quas persequitur voluptatibus, cessurum tibi esse existimes: ac non responsuros esse pro se singulos, hunc quod certet, hunc quod laborem subeat, hunc quod negotietur, hunc quod agriculturæ, hunc quod militiæ nomen dederit, alium quod amet, alium quod dicat, solius causa beatitudinis facere, nisi forte illum ipsum Sardana-palum existimes, cum effœminato isto corpore, cum oculis patrantibus, cum implexa cæsarie: qui in purpura defossus, in regia sua conclusus, in media pellicum turba versatur, aliud quid proposuisse sibi præter beatitudinem? Nec enim voto suo infelix fuit. Quid illi, qui Oceano conviciatur, qui Apim macât, aliud cum hæc faceret, quam beatitudinem sectatus est? Ego quidē Xerxen, vel cum ipso Jove de beatitudine audacter certaturū fuisse non dubito. Tam vide licet sibi felix vel propterea videbatur, quod aliquot navibus, tanquam ponte aquam stravisset. Europam Asiamque brevi, & mox perituro, conjunxisset vinculo. Et enim vero, cum ejusdem apud Homerum dignitatis sit Neptunus cum Jove: ab hoc (quæ hominis est insania) vapulat, in vincula conjicitur, Quid reges commemoro barbaros? Nonne Pisistratum vides, qui & Græcus, & Atheniensis est, quo studio in arcem quotidie currat: non aliter quam si beatitudinem ibi cum antiquâ Minervæ oleâ defossam putaret. Licet enim voto frustretur, non tamen propterea desinit. Quid? quod Polycratem ne regis quidem Ægyptiorum monita in officio continere potuerunt, quo minus se efferret, magnificeque de felicitate sentire suâ, quod Ionicum mare, & in eo plurimas triremes haberet, quod gemmam annuli pretiosam, quod in amicis Anacreontem, in deliciis haberet Smerdiam. Sed fortasse venia danda est principibus, quod à luxu, & voluptate, speciosis decepti videantur malis. At verò non audis, quibus laudibus Homerus prosequatur Æacidas, quos dicit,

Non secus aut epulis, gaudere horrentibus armis.

2. Jam quid bello minus est amabile: & tamen res tam odiosa, tam invisa, non postremæ sortis amatores habuit. Qualis postea Philippus fuit, qui cum in Macedonia ma-

neret,

nere, in Amyntæ bonis, in Perdiccæ felicitate vitam potuisset agere, alibi eam per ambages plurimas, tanquam in tota Macedonia non esset, quærere maluit. Hujus videlicet causâ cum Triballis pugnavit, Illyrios invasit, Byzantium obsedit, Olynthum evertit, Athenienses fecellit, cum Thessalis se conjunxit, cum Thebanis fœdus iniit: Elateam occupat, Phocenses perdit, pejerat, mentitur, murilatur. Nihilum tam scelestum, aut dictum, aut factum erat, à quo abstinendum sibi Philippus putaret: ne dedecus quidem aut infamia. Quæramus ex Philippo, cujus rei gratiâ tantum subeat molestiæ, tot in rebus gerendis pericula, tot corporis vulnera? Infelicitatem tibi proponis? Ridicula est hæc quæstio. Quamvis enim quod quærebat, non inveniret, non aliud tamen eum, quam beatitudo impulit. Hujus causâ, & Alexander, Europam, tanquam bonorum omnium sterilem, relinquendam sibi putavit; in Asiamque transivit: quasi verò Sardibus inter aurum tamenta, aut in Caria inter Mausoli thesauros, aut Babyloniorum muris, aut in Phœnicum portubus, aut Ægyptiorum littoribus, aut in Ammoniorum arenis defossa jaceret felicitas. Quid quod nihil illi satis esse potuerit, non Darii fuga, non Ægypti expugnatio, non Ammon pater, non Babylonis deditio, quo minus cum exercitu in Indiam excurreret. Quæramus hujus facti causam ex Alexandro. Quid petis? quid proponis tibi? quid tam studiosè sequeris? Aliud dicturus est, præter beatitudinem?

3. Reges relinquamus & Principes. Nonne eadem in plebe vides? Nonne eodem omnes festinant undique? An alio fine hunc terra, illum mare occupatum tenet? Alius militare, alius litteris vacare mavult: hic uxorem ducit, illa liberos nutrit. Ut omittamus eos, qui ex rapto vivunt, qui contumeliis gaudent: qui munera captant, quos stupra delectant, qui mercede addicunt operam. Quorum plerique difficilem plenamque periculorum ingrediuntur viam: & ut verius dicam, per præcipitia & manifestas abyssos incedunt. Qui licet infelices judicentur ab iis, spontè hoc, & non ignari faciunt. Et tamen omnes, quos hæcenus diximus, aliquid agere videntur. Quid jam de otiosis illis, qui sine certo vitæ scopo oberrant passim,

passim, dicendum putas? An hos ipsos sine spe aliquâ boni consequendi vivere arbitraris? Non, ita me Deus amet. Frustra namque adulator tanto negotio alienæ serviret libidini, frustra suaviludius aliquis admirationes & risus tam diligenter excitare & movere tentaret: membra sua inflecteret, ac distorqueret circulator, ut artes suas vendicaret, & miracula. Neque alius denique quisquam, qui magno labore nugas agit. Sic Babylonem ad Persarum Regem venisse dicitur quidam, natione Jonicus, qui mirificam quandam vellet ostentare artem. Offulas habebat parvas rotundasque, quas in hunc usum fecerat: eas tam certo ictu in mucronem acus ex distant loco dirigebat, ut nunquam ab acie ejus aberraret. Neque minus magnificè de hac acu suâ, ejusque arte sentiebat, quam Achilles de hastâ suâ, quam ex Pelio monte Homerus illi fabricavit. Rursus in Libya quidam ejus regionis fuit Psaphon nomine, qui felicitatem ambiret, non parvam quandam, me hercules, aut quam vulgus hoc affectat, sed ut videri Deus posset. Plurimas itaque, quas canoras esse judicabat maximè, aves collegit: easque canere hæc verba docuit? *Magnus Deus Psaphon*. Atque ita edoctas rursus in priorem locum demittebat. Itaque tum ipsæ hæ, tum aliæ, vocem earum imitata, hoc canebant. Ibi Lybies qui divinum hoc augurium esse judicabant, Psaphoni continuò rem sacram facere: atque ita comitiis avium Libycus Deus designatus Psaphon est. Quamvis hac in parte nihil Regi Persarum debeat; quem non prius adorare Persæ voluerunt, quam Rex à libidinoso equo creatus est. Sic cum nihil in rebus sit humanis, in quo non diversum aliquid ab alio invenias; in eo tamen conveniunt, quod, ut communi amore bonum omnes prosequuntur, in varia eò diversâque viâ tendant: nec ullus sit propemodum, qui vel idem agat, vel fortunam eandem sequatur.

4. Sic cum omnibus unus sit boni ipsius amor insitus, nec tamen hic magis quærit, quam ille consequitur. Sed ut qui noctu aurum aut argentum quærent, neque tamen habent, quo illud, quod quæritur, dignoscant, sed ex pondere tantum & tactu conjecturam faciunt incertam: pugnis sæpe & dentibus inter se velitantur: dum nemo, quod in manu habet, vult dimittere, ne fortè habeat, neque
à quæ-

à quærendo abstinere, ne fortè non habeat. Hinc tumultus oritur & contentio, hinc clamores diversi, dum alii adhortantur, alii quærent, alii insequuntur alios, alii lamentantur, alii rapiunt, eripiunt alii. Sæpe omnes clamant præ gaudio & exultant, tanquam bonum omnes repererint, cum tamen habeat nemo. Rursus tam incerti sunt omnes, ut singuli in verba inquirant singulorum. Hoc est illud, quod terram turbat & mare, hoc est, quod conciones convocat, judicia cogit, implet carceres, naves fabricat, triremes deducit, aciem instruit. Hoc est, quod equis suis equites, aurigas curribus, arcibus imponit Tyrannos. Hinc Imperatores, hinc milites.

*Qui mactent homines: urbem depascitur ignis,
Abducunt pueros alii, comptasque maritas.*

Infinita denique alia mala sunt, quæ propterea hominibus eveniunt, quod sperent bonum & ignorent. Expectationem namque boni tanquam scintillam aliquam mortaliū animis insevit Deus: inventionem verò abscondidit.

Nigra illi radix, par flos albedine lactis.

Non enim me decipiet Homerus, quamvis alio utatur nomine. Scio quid sibi velit, illud *moly*: intelligo hoc, quod obscurius ab eo dicitur, nec me latet, quam difficilis inventu hæc res sit.

Mortali generi; superi namque omnia norunt.

5. Nunc hominibus de frivolo, nescio quo lebetes, qui apud Lydos coquitur, oracula reddit Apollo. Nunc de muro ligneo, nunc de Isthmi angustiis, nunc de imminente bello, nunc de pestilentia adventu. Quæ verò his omnibus potiora sunt oracula, quo pacto vitari bellum possit, quo pacto muris ne opus quidem habeamus, quo pacto pestem ne timeamus quidem; sola hæc reticet. De his neque Delphis Apollo, neque Dodona Jupiter, neque alia è terrâ oracula mittit alius Deorum aliquis. Quæ de his responderet sola philosophia est. O pulchra oracula! ô divinationem multò utilissimam! Cui hæc conditione credam, ut nullam in ea ambiguitatem deprehendam. Peto certum, peto sine repugnantia ullâ oraculum. Ego quod vitæ securè transigendæ rationem doceat, oraculum requiro. Responde, quo mittas mortale genus? qua via sit eundum? quem ad finem? sit modò unum, sit omnibus commune.

Nunc

Nunc multas video Philosophiæ colonias, aliumque mitti aliò. Sicut in Bœotiam Cadmus, Syracusas Archias, Tarentum Phalanthus, Miletum Nileus, Rhopum versus Tlepolemus. At verò terram diversis locis distingui, aliosque aliam ejus occupare partem, necesse est. Ego verò bonum simplex, inseparabile, affluens, nullius rei indignum requiro: quodque omnibus, qui ratione menteque præditi sunt, abunde sufficiat. Sicut sol unus, unum est bonum omnibus qui vident, Musica una, bonum unum omnibus qui audiunt, una sanitas omnibus qui carne vestiti sunt. Jam & aliis animalibus, prout in greges suos divisa sunt genera, unum ad conversationem sui sufficit bonum. Æqualem vitam ducunt, eundem finem sequuntur omnia, quæ inter se sunt æqualia; cum singulis singula. Sive ea videas, quæ volant, sive quæ incedunt, sive, quæ repunt? tam ea, quæ in aquis degunt, quam quæ carnibus, aut herbis pascuntur: quæcunque gregatim vivant, quæcunque mansueta, quæcunque agrestia sunt; sive illis cornua addas, sive demas. Quod vitam eorum mutas, naturæ vim inferis. At verò humanum gregem, qui maximè societate conservatur, omnium maximè mansuetus est, communitate gaudet, maximè ratione præ cæteris præditus est, non solum vulgares cupidines, & brutales appetitus, vanique amores disjungere possunt ac divellere: sed & illa, quæ omnium rerum stabilissima habetur, Philosophia, in plures populos studiosos sui secat, diversis eos legislatoribus tradit, totum gregem dissipat. Alium ablegat aliò. Pythagoram ad Musicam, ad Astronomiam Thalen, insolitudinem Heraclitum, ad amores Socratem, ad castitatem Carneadem, ad labores Diogenem, ad voluptates Epicurum. Videsne magnam ducum copiam, videsne diversas tesseras? Quo me vertam, cui me tradam, cui me dicto audientem dabo?

IMITATIO.

Serviet imitanti, si omnes in vita infelicitati diversis casibus objectos asseras. Vel omnibus naturale aliquod futura & occulta cognoscendi desiderium inesse doceas. Vel si de certo vita Statu maximè tranquillo felicique, per omnes errando, deliberationem instituas.

§. 6.

OBSERVATIO.

*Quemadmodum varia Descriptiones ad scho'arum
usum traduci possint.*

Hæc exempla descriptionum suffecerint, Exercitatione ad eloquentiam utilisissima. In qua Pontanus noster volumen tertium, hoc est potissimam suorum Dialogorum seriem consumpsit. Curtius bonam partem historiæ implet. Magna verò conceptuum varietate harum rerum exercitatio in Scholas traduci poterit ut & labor sine fastidio sit, & de re quacunque promptior differendi facultas suppeditetur, cum primum præcipuumque in eloquentia sit, suis rem quamque partibus habere exploratam.

Vis cælum terramque & elementa describere? Inducantur vel diversæ Philosophorum sectæ, quorum alii aliud ex elementis pro Deo habuere cæterisque rebus omnibus prætulere. Ut Sinæ cælum, Persæ ignem, Anaximes cum suis asseclis aërem, cujus beneficio cuncti spirant. Empedocles qui elementa omnia aquam etiam terramque, quod ab hac homines prodeant alanturque atque in eandem redeant, ab illa ipsa etiam terra ad fruges reddendas fecundetur Hic enim describendi naturam cujusque occasio futura est. Quod si de Sideribus differere libeat, sunt qui lunam, solemque, Bosphorum ac Cynosuram, aliaque in cælis nostra in Diis numerent. Sic ubi de floribus, arboribus, artibus, scientiis ipsisque humani corporis partibus descriptio instituenda sit, sunt inter Gentiles fabulososque Deos, qui aliud præ alio sibi vendicant, deprædicaturi.

Ipsas etiam Artes, Flores, Regiones, &c. committere inter se, non ingrato certamine, poterit, e. g. Artes certent, quænam earum præcipuum humanæ vitæ commodum præstet. Flores, quis eorum majus vel emolumentum homini, vel ornamentum, aut gratiam, hortis adferat, quis dignior ambire coronam, quia Deipara Virgo, aut consecranda Deo persona cingatur. Pisces aut feræ contendant, quænam suis præstet dotibus.

Aut si ficta hæc velut in theatrum producere non lubeat,

aga-

agatur simplicius, & partes, e.g. anni quatuor ver, æstas, autumnus, hyems suis quæque coloribus describantur, ut à nobis factum in *Palestra ligata eloq.* Ubi vero his naturalium rerum Descriptionibus non oscitanter te impenderis, tum ad moralium Descriptionem, hoc est, irati, dolentis, metuentis, amantis, hæsitantis, fortiter pugnantis, patientis, ostentantis, ebrii, otiosi, avari, superbi, &c. transire poteris, quorum nos plerorumque imagines heroica nostra pœsi dedimus. Facient verò ad huiusmodi Descriptiones illa, quæ dedimus præcepta, de affectibus lib. 1. cap. 23. & seq. Qui plura Descriptionum exempla voluerit, *Exercitationes nostras Oratorias* consulat. ubi illas quadam simul dissertationum amœnitate exornavimus.

CAPUT XVI.

Loci communes vario scribendi argumento, & diversa tractandi ratione, ex optimis autoribus, propositi.

AD majora sensim enitimur, & vel à partibus quibusdam orationis ad genus transimus universum. Sed & hic quadam adhuc nobis divisione utendum est, & priusquam ad singularia descendamus, generalibus primùm insistendum est. Hæc enim via, ut ad omnem scientiam, ita ad eloquentiam quoque expeditissima. Consilium Aristotelis. Top. cap. 14. quod Philosophiæ studioso tradit, ut habeat locos communes signatos, de bono, malo, Deo, Intelligentiis, animatis, inanimatis, &c. ex quibus deinde velut fontibus disputationes irriget. Hoc & eloquentiæ studioso præstandum erit.

Sunt autem loci communes, vel rerum divinarum, ut quæ de providentia Dei, de sapientia, de pœnis, præmiisque ab eo præparitis, &c. instituuntur: vel naturalium, ut cum de cœlo, elementis, hominibus, brutis, plantis, metallis, &c. generalia quædam differuntur: vel denique moralium, cum de vitiis, virtutibus, artibus, sententiis, negotiationibus sermo est. Et in his ultimis præcipuè eloquentiæ candidato versandum est, quod uberior

hic ferè campus, magisque & ab aliis scriptoribus tritus, & adolescentum ingenio pervius, & ad omnem dissertationem tum copiosus, tum necessarius, se aperiat. Quam ad rem illa, quæ de ratione inveniendi lib. I. in genere demonstrativo tradidi, imprimis servient.


In tractatione loci communis leges ab Aphthonio & angustæ nimium, & non satis explicatæ sunt. Manifestum enim est omnes, cum proprios, tum communes inventionis fontes huc posse influere. Ut illud, quod nos *de ebrietate* per locos omnes diduximus, exemplum loci communis in lib. I. declarat. Quin & loci amplificationum, affectuumque eodem revocari possunt. Verum tamen non in omni sua amplitudine communis locus semper tractandus suscipitur. Unde ex majori minorique ejusdem adstrictione, tum etiam argumenti suscepti veritate, ipsius pertractandi pendet diversitas. Exemplo rem oculis subjiciamus. Consolaris aliquem in paupertate. Hic *ad paupertatis commendationem* & opulentiae reprehensionem eis uti argumentis licebit, quæ ab effectis & consequentibus, tum attributis & adjunctis, illius bonis, & hujus malis petuntur, (nam paupertatis natura & causæ laudabiles non sunt, ideoque contemptori potius serviunt) à locis verò extrinsecis nonnunquam extolli bonum paupertatis poterit, cum & contraria & exempla, & similia, & testimonia idonea hic suppetant. Quod si verò hic locus communis de paupertate nonnihil adstringatur; ut si dicas, *paupertatem ad multa reip. utilem esse*: Pauciora, quamvis ex iisdem locis argumenta suppetent, cum ad solam utilitatem probandam hanc dissertationem instituas, ut quod bonas artes disciplinasque per hominum indigentium conservet industriam; in priori verò etiam de jucunditate, privatisque hominum bonis differere liceat. Denique quod si magis etiam statum thematis inflectat, & doceas paupertatem nobili homini probrosam esse, à definitione, ut monui, causisque paupertatis, tum etiam effectis quibusdam parum laudatis adjunctisque argumenta depromenda erunt. Vides igitur ex thematis varietate, inveniendi quoque rationes mutandas esse. Ut Aphthonii hic præceptionibus insistere non liceat, sed ad generales nostros fontes recurrendum sit, quodque ab altero negatur, petendum erit ab altero.

Neque

Neque verò hic, vel de ordine, vel de multitudine argumentorum laborandum est. Quamvis enim expediat investigando hanc, quam nos secuti sumus, tenere methodum, atque à natura & definitione excutienda ordiri, quod sic facilius penetremus universa; tamen ad scribendi dicendique rationem hic ordo non obligat; sed videndum, quod cuique argumentum loco maximè conveniat, de quo in Dispositione orat. regulas dedimus. Præterea si unius argumenti tam foecunda vis sit, aut si angustioribus terminis dissertatio stringenda fuerit; ut iccirco pluribus uti non libeat; insiste paucis aliquantò diligentius, tanquam bonus pictor, qui in tabula quandoque partem corporis scitè expressam oculis mavult subicere, quam totum confusis coloribus, membrisque ingerere. Cæterum locus communis argumentatione maximè à locis intrinsicis sumpta delectatur. Nam exempla, quæ potissimum inter locos extrinsecos dominantur, ut singularium sunt; ita communibus per se rebus minus erunt accommodata. Quia tamen nonnunquam adhibentur, nos hinc etiam non proscribemus.

Dabimus itaque exempla aliquot, prout illa ex Cicerone & Maximo dissertissimis in morum præcipuè disciplina viris, accepimus, subjuncta etiam breviter materia ad imitationem idonea, ut studiosa juvenus, post lectionem, exercitationi quoque ad profectum necessariæ operam manumque possit utiliter commodare.

Et principio quidem locos communes dabimus ab argumentis intrinsicis, iisdemque paucioribus, desumptos: ut tantò expendi singula queant enucleatius, & quid nonnunquam universa in eandem collata materiam possint, intelligi. Deinde ubi plurium argumentorum usus sit adhibitus; ubi extrinsecè etiam petitis rationibus oratio illustrata, exemplis cognoscemus. Ut lectio atque imitatio non varietate minus, quam jucunditate excitetur.



§. 1.

Locus Communis, de vita honestè agenda.

Cicero l. 1. Offic.

*Qui mores, quaque Officia cuique hominum generi,
quique universim omnibus in communi vita,
prasertim in sermone conveniant?*

A descriptione rerum & enumeratione partium.

1. Tradit quaedam esse juvenum propria, quaedam senum, aliud esse civis, aliud peregrini Officium.
2. Quae in factis dictisque, quae in corporum nostrorum, morumque custodia deceant.
3. Quomodo forma, cultusque corporis accurandus.
4. Appetitum morumque animi rationi subdendos esse.
5. Quemadmodum sermo aptè, & quibus de rebus, quaque moderatione instituendus sit.
6. Objurgationes denique licet cum severitate, tamen sine ira esse debere. Concludit deformem esse sermonem cum laude propria conjunctum.

Cicero ad M. fil.

1. Quoniam officia non eadem imparibus aetatibus tribuuntur, aliaque sunt juvenum, alia seniorum, aliquid etiam de hac distinctione dicendum est. Est igitur adolescentis majores natu vereri, ex hisque eligere optimos & probatissimos, quorum consilio atque auctoritate nitatur. Ineuntis enim aetatis incertitia senum constituenda & regenda prudentia est. Maximè autem hæc ætas à libidinibus arcenda est, exercendaque, & animi & corporis: ut eorum, & in bellicis & in civilibus Officiis vigeat industria. Atque etiam, cum relaxare animos & dare se jucunditati volent, caveant intemperantiam, meminerint verecundiæ: quod erit facilius, si ejusmodi quoque rebus majores natu interesse velint. Senibus autem labores corporis sunt minuendi, exercitationes animi etiam augendæ videntur, danda verò opera, ut amicos, & juventutem, & maxime Remp. consilio & prudentia quam plurimam

mum adjuvent, nihil autem magis cavendum est senectuti: quam ne languori desidiæque se dedat. Luxuria verò cum omni ætati turpis, tum senectuti maximè foedissima est. Sin autem & libidinum intemperantia accesserit, duplex malum est; quo & ipsa senectus concipit dedecus, & facit adolescentium impudentiorem intemperantiam. Ac ne illud quidem alienum est de magistratuum, de privatorum, de civium, de peregrinorum officiis dicere. Est igitur proprium munus *magistratus* intelligere, se gerere personam civitatis, debereque ejus dignitatem & decus sustinere, servare leges, jura describere, ea fidei suæ commissa meminisse. *Privatum* autem oportet æquo & pari cum civibus jure vivere, neque submissum, & abjectum; neque se effertentem: tum in rep. ea velle, quæ tranquilla & honesta sint, talem enim solemus & sentire, & bonum civem dicere. *Peregrini* autem & incolæ officium est, nihil præter suum negotium agere, nihil de alio inquirere, minimèque in aliena esse Rep. curiosum. Ita ferre officia reperientur, cum quæretur quid deceat, & quid aptum sit personis, temporibus, ætatibus, nihil est autem quod tam deceat, quam in omni re gerenda consilioque capiendo servare constantiam.

2. Sed quoniam decorum illud in omnibus factis, & dictis, in corporis denique motu, & statu cernitur, idque positum est in rebus tribus, formositate, ordine, ornatu ad actionem apto; (difficilius ad eloquendum, sed satis erit intelligi) in his autem tribus continetur cura etiam illa, ut probemur ab iis, cum quibus, & apud quos vivamus, his quoque de rebus pauca dicantur. Principio corporis nostri magnam natura ipsa videtur habuisse rationem: quæ formam nostram, reliquamque figuram, in qua esset species honesta, eam posuit in promptu, quæ autem partes corporis, ad naturæ necessitatem datæ, aspectum essent deformem habituræ, atque turpem, eas contexiit atque abdidit. Hanc naturæ tam diligentem fabricam imitata est hominum verecundia. Quæ enim natura occultavit, eadem omnes qui sana mente sunt, remonent ab oculis, ipsique necessitati dant operam, ut quam occultissimè pareant.

Nos autem naturam sequamur, & ab omni, quod ab-

horret, ipsa oculorum auriumque comprobatione, fugiamus. Status, incessus, sessio, accubatio, vultus, oculi, manuum motus teneant illud decorum. Quibus in rebus duo sunt maximè fugienda, ne quid effœminatum, aut ne quid durum, aut rusticum sit, ne verò histrionibus oratoribusque concedendum est, ut iis hæc apta sint, quæ nobis dissoluta. Scenicorum quidem mos tantam habet à vetere disciplina verecundiam, ut in scenam sine subligaculo prodeat nemo, verentur enim, ne si quo casu evenerit, ut corporis partes quædam aperiantur, aspiciantur non decorè. Nostro quidem more cum parentibus puberes filii, cum soceris quidem generi non lavantur. Retinenda est igitur huius generis verecundia: præsertim natura ipsa optima magistra & duce.

3. Cum autem pulchritudinis, duo genera sint, quorum in altero venustas sit, in altero dignitas: venustatem muliebrem ducere debemus, dignitatem virilem. Ergò & à forma removeatur omnis viro non dignus ornatus, & huic simile vitium, in gestu motuque, caveatur, nam & Palæstrici motus sæpe sunt odiosiores, & histrionum nonnulli gestus ineptiis non vacant: & in utroque genere; quæ sunt recta & simplicia, laudantur. Formæ autem dignitas coloris bonitate tuenda est, color exercitationibus corporis. Adhibenda est præterea munditia non odiosa, neque exquisita nimis, tantùm quæ fugiat agrestem, & inhumanam negligentiam. Eadem ratio est habenda vestitus, in quo sicut in plerisque rebus mediocritas optima est. Cavendum est autem, ne aut tarditatibus utamur ingressu mollioribus, ut similes Pomparum ferculis esse videamur: aut in festinationibus suscipiamus nimias celeritates, quæ cum fiunt, anhelitus moventur, vultus mutantur, ora torquentur; ex quibus magna significatio fit, non adesse constantiam.

4. Sed multò etiam magis elaborandum est, ne animi motus à natura recedant. Quod assequemur, si caverimus, ne in perturbationes, atque examinationes incidamus, & si attentos animos ad decori conservationem tenebimus. Motus autem animorum duplices sunt, alteri cogitationis, alteri appetitus. Cogitatio in vero exquirendo maximè versatur, appetitus impellit ad agendum. Curan-

duan

dum est igitur, ut cogitatione ad res quam optimas utamur, appetitum rationi obedientem præbeamus.

Et quoniam magna vis orationis est eademque duplex, altera contentionis, altera sermonis, contentio disceptationibus tribuatur iudiciorum, concionum senatus, sermo in circulis, disputationibus, familiarum versetur, persequatur etiam convivia.

5. Sit igitur sermo, in quo Socratici excellunt, lenis minimeque pertinax, insit in eo lepos, nec verò, tanquam in possessionem suam venerit, excludat alios; sed cum reliquis in rebus, tum in sermone communi vicissitudine nonnunquam utendum putet, ac videat imprimis quibus de rebus loquatur: si seriis, severitatem adhibeat; si jocosis, leporem inprimis provideat, ne sermo vitium aliquod indicet inesse moribus, quod maximè tum solet evenire, cum studiosè de absentibus detrahendi causa, aut per ridiculum, aut severe, maledicè, contumeliosèque dicitur. Habentur autem plerumque sermones, aut de domesticis negotiis, aut de rep. aut de artium studiis, & doctrina. Danda igitur opera est, ut etiam si aberrare ad alia cœperit, ad hæc revocetur oratio. Sed utcunque adierit res: neque enim iisdem de rebus, nec in omni tempore, nec similiter delectamur. Animadvertendum est etiam, quatenus sermo delectationem habeat, & ut incipiendi ratio fuerit, ita sit desinendi modus. Sed quoniam in omni vita rectissime præcipitur, ut perturbationes fugiamus, id est, motus animi nimios rationi non obtemperantes, sic ejusmodi motibus sermo debet vacare, ne aut ita existat, aut cupiditas aliqua, aut pigritia, aut ignavia, aut quid tale appareat, maximeque curandum est, ut eos, quibuscum sermonem conferimus & vereri, & diligere videamur.

6. Objurgationes etiam nonnunquam incidunt necessariae, in quibus utendum est fortasse, & vocis contentione majore, & verborum gravitate acriore. Id agendum etiam, ut ea facere non videamur irati, sed, ut ad urendum & secandum medici, sic nos ad hoc genus castigandi, raro invitique veniamus, nec unquam nisi necessariò, si nulla reperietur alia medicina: sed tamen ita procul ab sit, cum qua nihil rectè fieri, nihil considerare potest.

Magna autem ex parte clementi castigatione licet uti, gravitate tamen adjuncta; ut severitas adhibeatur, & contumelia repellatur. Atqui etiam illud ipsum quod acerbitatis habeat objurgatio, significandum est, ipsius causa qui objurgetur, susceptum esse. Rectum est autem in illis contentionibus, qui cum inimicissimis fiunt, etiam si nobis indigna audiamus, tamen gravitatem retinere, iracundiam repellere. Quæ enim cum aliqua perturbatione fiunt, ea neque constanter fieri possunt, nec ab iis, qui adfunt, approbari.

IMITATIO.

Hic locus in singularibus personis, in simili morum cultu aut neglectu, vel laudandis, vel reprehendendis servare poterit. Ut si Iosephi patriarcha, reverentiam in adolescente, erga patrem fratresque, verecundiam in juventute; moderationem in objurgatione fratrum, &c. describas.

§. 2.

LOCUS COMMUNIS.

De honestate morum, & sermonis, Cicer. I. de Offic.

A descriptione rerum, & enumeratione partium.

1. Exorditur à simili de corporis pulchritudine, cui illa morum in factis dictisque conveniat, differre verò illam à justitia, & cum verecundia magis consentire asserit.
2. Convenienter ad naturam cujusque formandos mores esse docet ex rationis tamen; non appetitus & temeritatis præscripto.
3. Appetitum rationi in omnibus subiectum esse debere, cum perturbet omnia, sine freno ipsa etiam corpora.
4. Locis rarè, tanquam somno, utendum, & non nisi ingenuo, procul omni turpitudine.
5. Voluptatis studium magis bestias decere, quàm homines.

Cicc.

Cicero ad M. filium.

1. Ut pulchritudo corporis apta compositione membrorum movet oculos, & delectat hoc ipso, quod inter se omnes partes cum quodam lepore consentiunt: sic hoc decorum, quod elucet in vita, movet approbationem eorum, quibuscum vivitur, ordine & constantia & moderatione dictorum omnium atque factorum. Adhibenda est igitur quædam reverentia adversus homines, & optimi cujusque, & reliquorum, nam negligere, quid de se quisque sentiat, non solum arrogantis est, sed etiam omnino dissoluti. Est autem quod differat in omni ratione habenda, inter justitiam & verecundiam. Justitiæ partes sunt, non violare homines; verecundiæ non offendere: in quo maximè perspicitur vis decori. His igitur expositis, quale sit id, quod decere dicimus, intellectum puto.

2. Officium autem, quod ab eo ducitur, hanc primam habet viam, quæ deducit ad convenientiam, conservationemque naturæ; quam si sequemur ducem, nunquam aberrabimus, sequemurque & id, quod ad hominum societatem accommodatum, & id, quod vehemens atque forte. Sed maxima vis decori in hac inest parte, de qua disputamus, neque enim solum corporis, qui ad naturam apti sunt, sed multò etiam magis animi motus probandi, qui item ad naturam accommodati sunt. Duplex est enim vis animorum atque naturæ, una pars in appetitu posita est; quæ est ὁρμή, Græcè; quæ hominem huc & illuc rapit: altera in ratione; quæ docet & explanat, quid faciendum fugiendumque sit: ita fit, ut ratio præsit, appetitus verò obtemperet. Omnis enim affectio vacare debet temeritate & negligentia; nec verò agere quidquam, cujus non possis causam probabilem reddere. Hæc est enim ferè descriptio officii.

3. Efficiendum autem est, ut appetitus rationi obediant, eamque neque præcurrant, nec propter pigritiam aut ignaviam deserant; sintque tranquillæ, atque omni perturbatione animi careant, ex quo elucebit omnis constantia omnisque moderatio. Nam qui appetitus longius evagantur, & tanquam exulantes, sive cupiendo, sive fugiendo, non satis à ratione retinentur, hi, sine dubio, finem & modum transcunt, relinquunt enim & abjiciunt obedientiam, nec ratio-

nī parent, cui sunt subiecti lege naturæ, à quibus non modo animi perturbantur, sed etiam corpora, licet ora ipsa cernere iratorum, aut eorum, qui aut libidine aliqua, aut metu commoti sunt, aut voluptate nimia gestiunt: quorum omnium vultus, voces, motus, statusque mutantur. Ex quibus illud intelligitur (ut ad officii formam revertamur) appetitus omnes contrahendos sedandosque, excitandamque esse animadversionem, & diligentiam, ut ne quid temere ac fortuitò, inconsideratè, negligenterque agamus.

4. Neque enim ita generati à natura sumus, ut ad ludum & jocum facti esse videamur. Sed ad severitatem potius, & ad quædam studia graviora, atque majora. Ludo autem & joco uti illis quidem licet, sed sicut somno & quietibus cæteris; tum cum gravibus, seriisque rebus satisfecerimus, ipsumque genus jocandi profusum, nec immodestum, sed ingenuum, & facetum esse debet, ut enim pueris non omnem licentiam ludendi damus, sed eam quæ ab honestatis actionibus non sit aliena: sic in ipso joco aliquod probi ingenii lumen eluceat. Duplex omninò est jocandi genus; unum illiberale, petulans, flagitiosum, obscænum; alterum elegans, urbanum, ingeniosum, facetum, quo genere non modo Plautus noster, & Atticorum antiqua comœdia, sed etiam Philosophorum Socraticorum libri referti sunt: multaque multorum facetè dicta; ut ea, quæ à sene Catone sunt collecta, quæ vocantur ἀποθέρματα, facilius igitur est distinctio ingenui, & illiberalis joci, alter est, si tempore sit ac remisso animo, libero dignus: alter ne homine quidem; si rerum turpitudini adhibetur verborum obscænitatis, ludendi etiam est quidam modus retinendus, ut ne nimis omnia profundamus, elatique voluptate in aliquam turpitudinem delabamur. Suppeditant autem, & campus noster, & studia venandi honesta exempla ludendi.

5. Sed pertinet ad omnem officii quæstionem, semper in promptu habere, quantum natura hominis pecudibus, reliquisque bestiis antecedit, illæ enim nihil sentiunt, nisi voluptatem, ad eamque feruntur omni impetu: hominis autem mens discendo alitur, & cogitando semper aliquid, aut inquit, aut agit, videndique & audiendi delectatione ducitur, quin etiam, si quis est paulò ad voluptates propensior, ne sit ex pecudum genere (sunt enim quidam homines

non

non re sed nomine) sed si quis est paulò erectior, quamvis voluptate capiatur, occultat, & dissimulat appetitum voluptatis, propter verecundiam, ex quo intelligitur, corporis voluptatem non satis esse dignam hominis præstantia, eamque contemni, & rejici oportere. Sin sit quisquam, qui aliud tribuat voluptati, diligenter ei tenendum esse modum ejus fruendæ. Itaque victus, cultusque corporis ad valetudinem referantur, & ad vires, non ad voluptatem, atque etiam, si considerare volumus, quæ in sit naturæ excellentia & dignitas; intelligemus, quam sit turpe diffuere luxuria, ac delicatè & molliter vivere; quamque honestum, parcè, continentur, severè, sobrièque.

IMITATIO.

In honestè beneque educati adolescentis moribus, e. g. B. Aloysii Gonzage, aut D. Thoma Aquinatis, vel S. Bernardi moribus describendis, hic locus serviet, quin etiam in discoli Iuliani, aut alterius dissolutis moribus, acri oratione castigandis, adhiberi poterit, cui hanc rectæ institutionis disciplinam defuisse asseras.

§. 3.

Locus communis de veris amicis.

Laelii de Amicitia apud Cicer.

Quis verus amicus, & quomodo colendus sit.

*A descriptione rerum, & enumeratione partium
& Adjunctorum.*

Exorditur à dicto Biantis, quod, tanquam amicitia bona injurium, rejicit.

2. Duo in amicitia requirit, ex parte amici bonos mores, & amanti communicationem in re omni cum amico. Periclitandos igitur in primis amicorum mores, ut firmos, stabiles, constantes diligat.

3. Ut constantem diligat amicum, requiri in illo simplex fidumque ingenium, quique non facile criminetur. Comitatem adhuc facilitatemque condire amicitias.

4. *Novas amicitias non faciliè veteribus probatisque anteferendas.*

5. *Veram amicitiam paritatem conciliare, etiam inter dispares.*

6. *Dispari studio colendos veteres in ludis sodales, pedagogos, nutrices, &c. quàm amicos.*

7. *Carvendum, ne vel amicorum rebus intempestivo desiderio officias, vel eisdem ad vitia deflectentibus adhaereas. Amicitias ejusmodi dissuadendas; sed cum minima inimicitia.*

8. *Amicum utaque non commodi, sed solius caritatis gratia, ut reipsum diligis, amandum.*

9. *Nihil ab amico, nisi honestum, postulandum, cum amicitia in scelere nulla esse possit.*

10. *Concludit, virtutem amicitiae jungendam.*

Lælius ad Fannium.

1. Negabat Scipio ullam vocem inimicitiores amicitiae potuisse reperiri, quam ejus qui dixisset. *Ita amare oportere, ut aliquando esset osurus.* Nec verò se adduci posse, ut hoc quemadmodum putaretur, à Biante dictum esse crederet. qui habitus esset unus è septem Græciæ Sapientibus; sed impuri cujusdam, aut ambitiosi, aut omnia ad suam potentiam revocantis, esse sententiam. Nam hoc quidem præceptum cujuscunque sit ad tollendam amicitiam valet. Illud potius præcipiendum fuit, ut eam diligentiam adhiberemus in amicitias comparandis, ut *ne quando amare inciperemus eum, quem aliquando odisse possemus*, quin etiam, si minus felices in eligendo fuisset, ferendum id Scipio potius, quam inimicitiarum tempus cogitandum, putabat.

2. His igitur finibus utendum arbitror, ut emendati mores amicorum sint, tum sit inter eos omnium rerum, consiliorum & voluntatum sine ulla exceptione, communicatio; Sunt autem firmi, & stabiles, & constantes amici diligendi, cujus generis magna est penuria. Et judicare difficile est sanè, nisi expertum, experiendum autem in ipsa amicitia. Itaque præcurrit amicitia judicium, tollitque experiendi facultatem. Est igitur prudentis sustinere, ut cursum, sic impetum benevolentiae, quo utamur quasi aquis tentatis,

sic

sic amicitiiis; aliqua parte periclitatis moribus amicorum, Veræ amicitiaë difficillimè reperiuntur in honoribus, inque republica versantur, ubi enim invenias qui honorem amici anteponat suo? Quid? (hæc ut omittam) quàm graves, quàm difficiles plerisque videntur, calamitatum societates, ad quas non facilè est inventus, qui descendat. Quamquam rectè Ennius: *Amicus certus in re incerta cernitur.*

Tamen hæc duo levitatis & infirmitatis plerosque convincunt, aut si in bonis rebus contemnunt, aut si in malis deferunt.

3. Simplicem præterea & communem, & consentientem, id est, qui rebus iisdem moveatur, eligi par est, quæ omnia pertinent ad fidelitatem; neque enim fidum potest esse multiplex ingenium & tortuosum, neque verò qui non iisdem rebus movetur, & natura consentit, aut fidus aut stabilis esse potest. Addendum eadem est, ut ne eriminibus, aut inferendis delectetur amicus, aut credat illaris, quæ pertinent omnia ad eam, quam tracto, constantiam, ita sit verum illud, quod initio dixi; *amicitiam nisi inter bonos esse non posse.* Accedat huc suavitas quædam oportet sermonum atque morum, haud quaquam mediocre condimentum amicitiaë. Tristitia autem, & in omni re severitas absit. Habet illa quidem gravitatem; sed amicitia remissior esse debet, & liberrior, & dulcior, & ad omnem comitatem facilitatemque proclivior.

4. Existit autem hoc loco quædam quæstio subdifficilis; num quando amici novi digni amicitia, veteribus sint anteponendi, ut equis vetulis teneros anteponere solemus? Indigna homine dubitatio. Non enim amicitiarum esse debent, sicut aliarum rerum satietates. Veterimæ quæque (ut ea vina quæ venustatem ferunt) esse debent suavissimæ. Verumque illud quod vulgo dicitur; *multos modios salis simul edendos esse, ut amicitia munus expletum sit.* Novitates autem si spem afferunt, ut tanquam in herbis non fallacibus fructus, appareant; non sunt illæ quidem repudiandæ; vetustas tamen suo loco conservanda est: maxima enim vis vetustatis & consuetudinis: cum locis etiam ipsis montosis delectemur & sylvestribus, in quibus diutius commorati sumus.

5. Sed maximum est in amicitia superiorem parem esse inferiori. Sæpe enim excellentiæ quædam sunt, qualis erat Scipionis in nostro, ut ita dicam, grege, nunquam se ille Philo, nunquam Rupilio, nunquam Mummio autoreposuit, nunquam inferioris ordinis amicis. Quod faciendum imitandumque est omnibus, ut si quam præstantiam virtutis, ingenii, fortunæ consecuti sunt, impertiant etiam suis, communicentque cum proximis, ut si parentibus nati sunt humilibus, si propinquos habeant imbecilliores, vel animo, vel fortuna eorum augeant opes, eisque honori sint, & dignitati. Ut igitur ii, qui sunt amicitia conjunctionisque necessitudine superiores, exæquare se cum inferioribus debent sic, inferiores dolere non debent, se à suis amicis, aut ingenio, aut fortuna, aut dignitate superari, quorum plerique aut quærentur semper aliquid, aut etiam exprobant. Odiosum sanè genus hominum officia exprobrantium, quæ meminisse debet is in quem collata sunt, non commemorare qui contulit. Quamobrem, ut ii qui superiores, sunt, submittere se debent in amicitia, sic quodam modo inferiores extollere.

6. Omnino amicitia corroboratis jam confirmatisque & ingeniis & ætatibus judicandæ sunt: nec siqui ineunte ætate venandi, aut pilæ studiosi fuerint, eos habere necessarios oportet, quos tum eodem studio præditos dilexerunt. Isto enim modo nutrices & pædagogi plurimum benevolentia postulabunt: qui negligendi quidem non sunt; sed alio quodam modo colendi, aliter enim amicitia stabiles permanere non possunt, dispares enim mores disparia studia sequuntur, quorum dissimilitudo dissociat amicitias: nec ob aliam causam ullam boni improbis, improbi bonis amici esse non possunt, nisi quod tanta est inter eos, quanta maxima potest esse, morum studiorumque distantia.

7. Rectè etiam præcipi potest in amicitiiis, ne quis intemperata quadam benevolentia, quod persæpe fit, impediat magnas utilitates amicorum. Nec enim Trojam Neoptolemus capere potuisset, si Lycomedem, apud quem erat educatus, multis cum lachrymis iter suum impredientem, audire voluisset. Et sæpe incidunt magnæ res, ut discedendum sit ab amicis, quas qui impedire vult, quod desiderium non facile ferat, & infirmus est mollisque natura, &
ob

ob eam causam in amicitia parum iustus. Atque in omni re considerandum est, & quid postules ab amico, & quid patiare à te impetrari. Est enim quasi quædam calamitas in amicitiiis omittendis nonnunquam necessaria. Erumpunt sæpe vitia amicorum tum in ipsos amicos, tum in alienos, quorum tamen ad amicos redundet infamia. Tales igitur amicitia sunt remissione utus elevandæ, & ut Catonem dicere audivi, dissuendæ magis, quàm discindendæ sunt: nisi quædam admodum intolerabilis injuria exarserit. Ab amicitia Q. Pompei, meo nomine se removerat, ut scitis, Scipio: propter dissensionem autem, quæ erat in Republ. alienatus est à collega nostro Metello. Utrumque egit graviter, autoritate, & offensione animi non acerbâ. Quamobrem primum danda opera est, ne qua amicorum dissidia fiant, sine tali aliquid evenerit, ut extinctæ potius amicitia, quam oppressæ videantur. Cavendum verò est, ne in graves inimicitias convertant se amicitia, è quibus jurgia, maledicta, contumeliæ gignuntur. Quæ tamen si tolerabiles erunt, ferendæ sunt, & hic honos veteri amicitia tribuendus est, ut is in culpa sit, qui faciat, non qui injuriam patiatur.

8. Omnino omnium horum vitiorum una est cautio, atque una provisio, ut ne nimis citò diligere incipiamus, nevé indignos. Sed plerique, neque in rebus humanis, quidquam bonum norunt, nisi quod fructuosum sit, & amicos, tanquam pecudes, eos potissimum diligunt, ex quibus sperant se maximum fructum esse capturos: itaque pulcherrima illa & maximè naturali carent amicitia per se & propter se expetenda, nec ipsi sibi exemplo sunt, hæc vis amicitia qualis & quanta sit. Ipse enim se quisque diligit, non ut aliquam à se ipso mercedem exigat caritatis suæ, sed quod per se sibi carus est: quod nisi idem in amicitiam transferatur, verus amicus nunquam reperietur. Etenim amicus quidem, qui est tanquam alter idem. Sed plerique perversè, ne dicam impudenter, amicum habere talem volunt, quales ipsi esse non possunt; quæque ipsi non tribuunt amicis, hæc ab iis desiderant.

9. Par est autem primum ipsum esse virum bonum, tum alterum similem sui quærere, in talibus ea, quam jam dudum tractamus, stabilitas amicitia confirmari potest, cum
homi-

homines benevolentia conjuncti, primum cupiditatibus iis, quibus ceteri serviunt, imperabunt; deinde æquitate justitiaeque gaudebunt, omniaque alter pro altero suscipiet, neque quicquam unquam nisi honestum & rectum alter ab altero postulat. Neque solum colent se inter se, ac diligenter, sed etiam verebuntur, nam maximum ornamentum amicitiae tollit, qui ex ea tollit verecundiam. Itaque in iis perniciosus est error, qui existimant, libidinum peccatorumque omnium patere in amicitia licentiam. Virtutum enim amicitia adiutrix natura data est, non vitiorum comes: ut quoniam solitaria non posset virtus, ad ea, quæ summa sunt, pervenire, conjuncta & consociata cum altera perveniret. Quæ si quos inter societas, aut est, aut fuit, aut futura est, eorum est habendus ad summum naturæ bonum optimus beatissimusque comitatus. Hæc est, inquam, societas, in qua omnia insunt, quæ putant homines expetenda, honestas, gloria, tranquillitas animi, atque jucunditas; ut cum hæc adsunt, beata vita sit, & sine his esse non possit.

10. Quod cum optimum maximumque sit, si id volumus adipisci, virtuti opera danda est, sine qua neque amicitiam, neque ullam rem expetendam consequi possumus. Ea verò neglecta, qui se amicos habere arbitrantur, tum denique se errasse sentient, cum eos gravis aliquis casus experiri cogit,

IMITATIO.

In Davidis & Ionathæ, aliorumve fida amicitia, tum illa etiam quæ anima nostra cum Deo, appositè scribenda hic locus usum inveniet.

§. 4.

Locus communis, de reo tuendo.

Acanthis.

Cicero pro Rabirio in exordio.

1. Docet se, cum aliis de causis, tum maxime ob bonum periculumque commune reip. ad defendendum Rabirium adduci.

2. Ad

2. *Ad Deos populumque convertitur, oratque ne aqua causa desint.*

Esti, Quirites, non est meæ consuetudinis, initio dicendi rationem reddere, qua de causa quemque defendam, propterea quòd cum omnibus civibus in eorum periculis semper satis justam mihi causam necessitudinis esse duxi, tamen in hac defensione capitis, famæ, fortunarum omnium C. Rabirii, proponenda ratio videtur esse officii mei: propterea quòd; quæ justissima vobis ad absolvendum debet videri. Nam me cum amicitiae vetustas, tum dignitas hominis, tum ratio humunitatis, tum meæ vitæ perpetua consuetudo, C. Rabirium defendendum est adhortata: tum verò, ut id studiosissimè facerem, salus reip. consulare officium, consulatus deniq; ipse, mihi una vobiscum cum salute reip. commēdatus, coëgit. Non enim C. Rabirium culpa delicti, non invidia, vitæq; turpitudine, non deniq; veteres, justæ gravesque inimicitiae civium, in discrimen capitis vocaverunt: sed ut illud summum auxilium majestatis, atque imperii, quod nobis à majoribus est traditum, de rep. tolleretur: ut nihil posthac auctoritas senatus, nihil consulare auxilium, nihil consensus bonorum contra pestem, ac perniciem civitatis valeret: idcirco in his rebus evertendis unius hominis senectus, infirmitas, solitudoque tentata est. Quamobrem si est boni consulis, cum cuncta auxilia reip. labefactari, convellique videat, ferre opem patriæ, succurrere salutis, fortunisque communibus, implorare civium fidem, suam salutem posteriorem salute communi ducere: est etiam bonorum & fortium civium, quales vos omnibus reip. temporibus extitistis, intercludere omnes seditionum vias, munire præsidia reip. summum in consulibus imperium, summum in senatu consilium, putare: ea qui secutus sit, laude potius, & honore, quàm poena & supplicio dignum judicare. Quamobrem labor in hoc defendendo, præcipue meus est: studium verò conservandi hominis, commune mihi vobiscum esse debet. Sic enim existimare debetis, Quirites, post hominum memoriam rem ullam majorem, magis periculosa, magis ab omnibus vobis providendam, neque à Tribuno pleb. susceptam, neque à Consule defensam, neque ad populum Rom. esse delatam. Agitur enim nihil aliud in hac causa, Quirites, quam ut nullum sit posthac.

in rep. publicum consilium, nulla bonorum consensus contra improborum furorem, & audaciam: extremis reip. temporibus perfugium, & præsidium salutis.

2. Quæ cum ita sint, primum, quod in tanta dimicatione capitis, famæ, fortunarumq; omnium fieri necesse est, ab Jove Optimo Max. cæterisque diis, deabusque immortalibus, quorum ope, & auxilio, multò magis hæc resp. quàm ratione hominum, & consilio gubernatur, pacem, ac veniam peto: precorque ab iis, ut hodiernum diem, & ad hujus salutem conservandam, & ad remp. constituendam, illuxisse patiantur. Deinde vos, Quirites, quorum potestas maximè ad Deorum immortalium numen accedit, oro, atque obsecro, quoniam uno tempore vita C. Rabirii, hominis miserrimi atq; innocentissimi, salus reip. vestris manibus, suffragiisque permittitur, adhibeatis in hominis fortunis misericordiam, in reip. salute sapientiam, quam soletis.

IMITATIO.

Vtilis hic locus futurus est, ubi de publico civitatis bono cuiuslibet privati emolumentis præferendo agetur, in quo precipuum sit, ut autoritas sua Magistratui conservetur. Ita suaderi David poterit, injuriam Semei plectendam esse, ne ab aliis quoque Regis autoritas violetur.

§. 5.

Locus communis de cultu amicitiaæ.

Amicitiam veram cum objurgatione amici posse consistere: cum adulatione non posse. Lat. de amicit.

Anatura & attributis.

1. Principio tradit amicitiam homini ad beatè vivendum necessariam esse.

2. Objurgandos in re mala comiter amicos, non adulatoriè fovendos.

3. Adulationem amicitia pestem esse, quam in C. Papirio, & C. Licinio Crasso etiam plebs eorum oratione rejecta, quâ popularis

pularia suadebuntur, notavit. Gnathonum & parasitorum hoc esse, non amicorum, adulatori & amicis illudere.

Lælius ad Fannium.

Cum multis in rebus negligentia plectimur, tum maxime in amicis, & diligendis, & colendis, præposteris enim utimur consiliis & *acta agimus*, quod vetamur veteri proverbio: nam implicati ultro & citro, vel usu diuturno, vel etiam officiis repente in medio cursu amicitias, exorta aliqua offensione, dirumpimus. Quocirca cum judicaveris, diligere oportet, non cum dilexeris judicare. Vituperanda est sanè rei maxime necessaria tanta incuria. Una est enim amicitia in rebus humanis, de cujus utilitate omnes uno ore consentiunt, serpit enim, nescio quomodo, per omnium vitam amicitia, nec ullam ætatis degendæ rationem patitur esse expertem. Quin etiam si quis ea asperitate est, & immanitate naturæ, ut congressus societatemq; hominum fugiat, atque oderit, qualem fuisse Athenis Timonem nescio quem accepimus; tamen is non possit, ut non acquirat aliquem, apud quem evomat virus acerbitalis suæ. Atque hoc maxime judicaretur, si quid tale posset contingere, ut aliquis nos Deus ex hac hominum frequentia tolleret, & in solitudine uspiam collocaret, atque ibi suppeditans omnium rerum, quas natura desiderat abundantiam & copiam; hominis omnino aspiciendi potestatem eriperet: quis tam ferreus esset, qui eam vitam ferre posset, cuique non auferret fructum voluptatum omnium solitudo? Verum igitur illud est, quod à Tarentino Archyta, ut opinor, dici solitum, nostros senes commemorare audiavi. Si quis cælum ascendisset, naturamque mundi & pulchritudinem siderum perspexisset, insuavem illam admirationem illi fore, quæ jucundissima fuisset; nisi aliquem cui narraret, habuisset. Sic natura nihil solitarium amat: semperque ad aliquod, tanquam adminiculum adnititur, quod in amicissimo quoque dulcissimum est.

Sed cum tot signis eadem natura declaret, quid velit, ac quærat, quid desideret: obsurdescimus tamen, nescio quomodo, nec ea, quæ ab ea monemur, audimus, est enim varius & multiplex usus amicitiae; multæque causæ suspicionum,

offensionumque dantur, quas tum evitare, tum elevare; tum ferre sapientis est. Una illa sublevanda offensio est, ut & utilitas in amicitia, & fides retineatur, nam & monendi amici sæpe sunt, & objurgandi: & hæc accipienda amicè, cum benevolè fiunt, sed nescio quomodo verum est, quod in Andria familiaris meus Terentius dixit:

Obsequium amicos, veritas odium parit.

Molesta veritas est; siquidem ex ea nascitur odium, quod est venenum amicitiae: sed obsequium multò molestius, quod peccatis indulgens præcipitem amicum ferri sinit. Maxima autem culpa in eo est, qui & veritatem aspernatur, & in fraudem obsequio impellitur. Omnis igitur hac in re habenda ratio & diligentia est, primum ut monitio acerbitate, deinde objurgatio contumelia careat, in obsequio autem (quoniam Terentiano verbo libenter utimur) comitas adsit, assentatio, vitiorum adjutrix, procul amoveatur; quæ non modo amico, sed ne libero quidem digna est, aliter enim cum Tyranno, aliter cum amico vivitur. Tuius autem aures clausæ veritati sunt, ut ab amico vera audire nequeant; hujus salus desperanda est. Scitum est enim illud Catonis, multò melius de quibusdam acerbos inimicos mereri, quam eos amicos, qui dulces videantur; illos verum sæpe dicere, hos nunquam. Atq; illud absurdum est, quod ii, qui monentur, eam molestiam, quam debent capere, non capiunt; eam capiunt, quâ debent carere. Peccasse enim se non anguntur; objurgari molestè ferunt: quod contra oportebat, delicto dolere, objurgatione gaudere.

Ut igitur & monere & moneri proprium est veræ amicitiae; & alterum liberè facere, non asperè; alterum patienter accipere, non repugnanter? sic habendum est, nullam in amicitia pestem esse majorem, quàm adulationem: blanditias, assentationem. Quamvis enim multis nominibus est hoc vitium notandum, levium hominum atque fallacium, ad voluntatem loquentium omnia, nihil ad veritatem, cum autem omnium rerum simulatio est vitiosa (tollit enim iudicium veri, idque adulterat) tum amicitiae repugnat maximè, delet enim veritatem, sine qua nomen amicitiae valere non potest, nam cum amicitiae vis sit in eo, ut unus quasi animus fiat ex pluribus: qui fieri poterit, si nec in uno quidem unus animus erit idem semper; sed varius, commutabilis.

bilis, multiplex? quid enim potest esse tam flexibile, tam devium, quàm animus ejus, qui ad alteri⁹ non modo sensum, ac voluntatem, sed etiam vultum atque nutum convertitur?

Negat quis, nego: ait, ajo, postremo imperavi egomet mihi Omnia assentari.

Ut ait idem Terentius: sed ille sub Gnathonis persona: quod amici genus adhibere, omnino levitatis est. Multi autem Gnathonum similes cum sint, loco, fortuna, fama superiores; horum est assentatio molesta, cum ad vanitatem accessit auctoritas. Secerni autem blandus amicus à vero, & internosci tam potest, adhibita diligentia, quàm omnia fucata & simulata à synceris atque veris. Concio, quæ ex imperitissimis constat, tamen judicare solet, quid intersit inter popularem, id est, assentatorem, & levem civem, & inter constantem, severum, & gravem. Quibus blanditiis C. Papirius consul. nuper influebat in aures concionis, cum ferret legem de Tribunis pleb. reficiendis? dissuasimus nos, sed nihil de me: de Scipione dicam libentius, quanta illi, Dii immortales, fuit gravitas, quantà in oratione majestas? facile ducem Pop. Rom. non comitem diceres, sed affuistis; & est in manibus oratio, itaque lex popularis, suffragiis populi repudiata est. Atque (ut ad me redeam) meministis Q. Maximo, fratre Scipionis, & L. Mancino Coss. quam popularis lex de sacerdotiis C. Licini Cassi videbatur, cooptatio enim collegiorum ad populi beneficium transferebatur, atque is primum instituit, in forum versus, agere cum populo, tamē illius vendibilem orationem religio Deorum immortalium, nobis defendentibus, facile vincebat, atque id actum est prætoris me, quinquennio ante quam Consul sum factus, itaque re magis quam auctoritate causa illa defensa est; quod si in scena, id est, in concione, in qua rebus fictis & adumbratis loci plurimum est, tamen verum valet, si modo id patefactum, & illustratum est: quid in amicitia fieri oportet, quæ tota veritate perpenditur? in qua nisi, ut dicitur, apertum pectus videas, tuumq; ostendas; nihil fidum, nihil exploratum habeas; ne amare quidem, ut amari possis: cum, id quàm verè fiat, ignores, quanquam ista assentatio, quamvis perniciofa sit, nocere, tamen nemini potest nisi ei, qui eā receptat, eaq; delectatur, ita fit, ut is pro assentatoribus patefaciat aures suas maxime, qui

4. *Novas amicitias non facile veteribus probatisque anteferendas.*
5. *Veram amicitiam paritatem conciliare, etiam inter dispares.*
6. *Dispari studio colendos veteres in ludis sodales, pedagogos, nutrices, &c. quam amicos.*
7. *Caevendum, ne vel amicorum rebus intempestivo desiderio officias, vel eisdem ad vitia deflecentibus adhærescas. Amicitias ejusmodi dissuadendas; sed cum minima inimicitia.*
8. *Amicum utaque non commodi, sed solius caritatis gratia, ut teipsum diligis, amandum.*
9. *Nihil ab amico, nisi honestum, postulandum, cum amicitia in scelere nulla esse possit.*
10. *Concludit, virtutem amicitia jungendam.*

Lælius ad Fannium.

1. Negabat Scipio ullam vocem inimicitiorem amicitia potuisse reperiri, quam ejus qui dixisset. *Ita amare oportere, ut aliquando esset osurus.* Nec verò se adduci posse, ut hoc quemadmodum putaretur, à Biantē dictum esse crederet. qui habitus esset unus è septem Græciæ Sapientibus; sed impuri cujusdam, aut ambitiosi, aut omnia ad suam potentiam revocantis, esse sententiam. Nam hoc quidem præceptum cujuscunque sit ad tollendam amicitiam valet. Illud potius præcipiendum fuit, ut eam diligentiam adhiberemus in amicitis comparandis, ut *ne quando amare inciperemus eum, quem aliquando odisse possemus*, quin etiam, si minus felices in eligendo fuisset, ferendum id Scipio potius, quam inimicitiarum tempus cogitandum, putabat.

2. His igitur finibus utendum arbitror, ut emendati mores amicorum sint, tum sit inter eos omnium rerum, consiliorum & voluntatum sine ulla exceptione, communicatio; Sunt autem firmi, & stabiles, & constantes amici diligendi, cujus generis magna est penuria. Et judicare difficile est sanè, nisi expertum, experiendum autem in ipsa amicitia. Itaque præcurrit amicitia judicium, tollitque experiendi facultatem. Est igitur prudentis sustinere, ut cursum, sic impetum benevolentia, quo utamur quasi aquis tentatis,

sic

sic amicitiiis; aliqua parte periclitatis moribus amicorum, Veræ amicitiaë difficillimè reperiuntur in honoribus, inque republica versantur, ubi enim invenias qui honorem amici anteponat suo? Quid? (hæc ut omittam) quàm graves, quàm difficiles plerisque videntur, calamitatum societates, ad quas non facilè est inventus, qui descendat. Quamquam recte Ennius: *Amicus certus in re incerta cernitur*.

Tamen hæc duo levitatis & infirmitatis plerosque convincunt, aut si in bonis rebus contemnunt, aut si in malis deferunt.

3. Simplicem præterea & communem, & consentientem, id est, qui rebus iisdem moveatur, eligi par est, quæ omnia pertinent ad fidelitatem; neque enim fidum potest esse multiplex ingenium & tortuosum, neque verò qui non iisdem rebus movetur, & natura consentit, aut fidus aut stabilis esse potest. Addendum eadem est, ut ne criminibus, aut inferendis delectetur amicus, aut credat illatis, quæ pertinent omnia ad eam, quam tracto, constantiam, ita sit verum illud, quod initio dixi; *amicitiam nisi inter bonos esse non posse*. Accedat huc suavitas quædam oportet sermonum atque morum, haud quaquam mediocre condimentum amicitiaë. Tristitia autem, & in omni re severitas absit. Habet illa quidem gravitatem; sed amicitia remissior esse debet, & liberior, & dulcior, & ad omnem comitatem facilitatemque proclivior.

4. Existit autem hoc loco quædam quæstio subdifficilis; num quando amici novi digni amicitia, veteribus sint anteponendi, ut equis vetulis teneros anteponere solemus? Indigna homine dubitatio. Non enim amicitiarum esse debent, sicut aliarum rerum satietates. Veterriam quæque (ut ea vina quæ venustatem ferunt) esse debent suavissimæ. Verumque illud quod vulgo dicitur; *multos modios salis simul edendos esse, ut amicitia munus expletum sit*. Novitates autem si spem afferunt, ut tanquam in herbis non fallacibus fructus, appareant; non sunt illæ quidem repudiandæ; vetustas tamen suo loco conservanda est: maxima enim vis vetustatis & consuetudinis: cum locis etiam ipsis montosis delectemur & sylvestribus, in quibus diutius commorati sumus.

5. Sed maximum est in amicitia superiorem parem esse inferiori. Sæpe enim excellentiæ quædam sunt, qualis erat Scipionis in nostro, ut ita dicam, grege, nunquam se ille Philo, nunquam Rupilio, nunquam Mummius atreposuit, nunquam inferioris ordinis amicis. Quod faciendum imitandumque est omnibus, ut si quam præstantiam virtutis, ingenii, fortunæ consecuti sunt, impertiant etiam suis, communcentque cum proximis, ut si parentibus nati sunt humilibus, si propinquos habeant imbecilliores, vel animo, vel fortuna eorum augeant opes, eisque honori sint, & dignitati. Ut igitur ii, qui sunt amicitia conjunctionisque necessitudine superiores, exæquare se cum inferioribus debent sic, inferiores dolere non debent, se à suis amicis, aut ingenio, aut fortuna, aut dignitate superari, quorum plerique aut quærentur semper aliquid, aut etiam exprobant. Odiosum sanè genus hominum officia exprobrantium, quæ meminisse debet is in quem collata sunt, non commemorare qui contulit. Quamobrem, ut ii qui superiores, sunt, submittere se debent in amicitia, sic quodam modo inferiores extollere.

6. Omnino amicitia corroboratis jam confirmatisque & ingeniis & ætatibus judicandæ sunt: nec siqui ineunte ætate venandi, aut pilæ studiosi fuerint, eos habere necessarios oportet, quos tum eodem studio præditos dilexerunt. Isto enim modo nutrices & pædagogi plurimum benevolentia postulant: qui negligendi quidem non sunt; sed alio quodam modo colendi, aliter enim amicitia stabiles permanere non possunt, dispares enim mores disparia studia sequuntur, quorum dissimilitudo dissociat amicitias: nec ob aliam causam ullam boni improbis, improbi bonis amici esse non possunt, nisi quod tanta est inter eos, quanta maxima potest esse, morum studiorumque distantia.

7. Rectè etiam præcipi potest in amicitia, ne quis intemperata quadam benevolentia, quod sæpe fit, impediat magnas utilitates amicorum. Nec enim Trojam Neoptolemus capere potuisset, si Lycomedem, apud quem erat educatus, multis cum lachrymis iter suum impredientem, audire voluisset. Et sæpe incidunt magnæ res, ut discedendum sit ab amicis, quas qui impedire vult, quod desiderium non facillè ferat, & infirmus est mollisque natura, &

ob eam causam in amicitia parum iustus. Atque in omni re considerandum est, & quid postules ab amico, & quid patiare à te impetrari. Est enim quasi quædam calamitas in amicitia omittendis nonnunquam necessaria. Erumpunt sæpe vitia amicorum tum in ipsos amicos, tum in alienos, quorum tamen ad amicos redundet infamia. Tales igitur amicitia sunt remissione utius elevandæ, & ut Catonem dicere audiavi, dissuendæ magis, quàm discindendæ sunt: nisi quædam admodum intolerabilis injuria exarserit. Ab amicitia Q. Pompei, meo nomine se removerat, ut scitis, Scipio: propter dissensionem autem, quæ erat in Republ. alienatus est à collega nostro Metello. Utrumque egit graviter, autoritate, & offensione animi non acerbâ. Quamobrem primum danda opera est, ne qua amicorum dissidia fiant, sine tali aliquid evenerit, ut extinctæ potius amicitia, quam oppressæ videantur. Cavendum verò est, ne in graves inimicitias convertant se amicitia, è quibus jurgia, maledicta, contumeliæ gignuntur. Quæ tamen si tolerabiles erunt, ferendæ sunt, & hic honos veteri amicitia tribuendus est, ut is in culpa sit, qui faciat, non qui injuriam patiatur.

8. Omnino omnium horum vitiorum una est cautio, atque una provisio, ut ne nimis citò diligere incipiamus, nevé indignos. Sed plerique, neque in rebus humanis, quidquam bonum norunt, nisi quod fructuosum sit, & amicos, tanquam pecudes, eos potissimum diligunt, ex quibus sperant se maximum fructum esse capturos: itaque pulcherrima illa & maximè naturali carent amicitia per se & propter se expetenda, nec ipsi sibi exemplo sunt, hæc vis amicitia qualis & quanta sit. Ipse enim se quisque diligit, non ut aliquam à se ipso mercedem exigit caritatis suæ, sed quod per se sibi carus est: quod nisi idem in amicitiam transferatur, verus amicus nunquam reperietur. Etenim amicus quidem, qui est tanquam alter idem. Sed plerique perversè, ne dicam impudenter, amicum habere talem volunt, quales ipsi esse non possunt; quæque ipsi non tribuunt amicis, hæc ab iis desiderant.

9. Par est autem primum ipsum esse virum bonum, tum alterum similem sui quærere, in talibus ea, quam jam dudum tractamus, stabilitas amicitia confirmari potest, cum
homi-

homines benevolentia conjuncti, primum cupiditatibus iis, quibus cæteri serviunt, imperabunt; deinde æquitate justitiaque gaudebunt, omniaque alter pro altero suscipiet, neque quicquam unquam nisi honestum & rectum alter ab altero postulabit. Neque solum colent se inter se, ac diligenter, sed etiam verebuntur, nam maximum ornamentum amicitiae tollit, qui ex ea tollit verecundiam. Itaque in iis perniciosus est error, qui existimant, libidinum peccatorumque omnium patere in amicitia licentiam. Virtutum enim amicitia adjutrix natura data est, non vitiorum comes: ut quoniam solitaria non posset virtus, ad ea, quæ summa sunt, pervenire, conjuncta & consociata cum altera perveniret. Quæ si quos inter societas, aut est, aut fuit, aut futura est, eorum est habendus ad summum naturæ bonum optimus beatissimusque comitatus. Hæc est, inquam, societas, in qua omnia insunt, quæ putant homines expetenda, honestas, gloria, tranquillitas animi, atque jucunditas; ut cum hæc adsunt, beata vita sit, & sine his esse non possit.

10. Quod cum optimum maximumque sit, si id volumus adipisci, virtuti opera danda est, sine qua neque amicitiam, neque ullam rem expetendam consequi possumus. Ea verò neglecta, qui se amicos habere arbitrantur, tum denique se errasse sentient, cum eos gravis aliquis casus experiri cogit,

IMITATIO.

In Davidis & Ionathæ, aliorumve fida amicitia, tum illa etiam quæ anima nostra cum Deo, appositè scribenda hic locus usum inveniet.

§. 4.

Locus communis, de reo tuendo.

Acanthis.

Cicero pro Rabirio in exordio.

1. Docet se, cum aliis de causis, tum maximè ob bonum periculumque commune reip. ad defendendum Rabirium adduci.

2. Ad

2. *Ad Deos populumque convertitur, oratque ne aqua causa desint.*

Et si, Quirites, non est meæ consuetudinis, initio dicendi rationem reddere, qua de causa quemque defendam, propterea quod cum omnibus civibus in eorum periculis semper satis justam mihi causam necessitudinis esse duxi, tamen in hac defensione capitis, famæ, fortunarum omnium C. Rabirii, proponenda ratio videtur esse officii mei: propterea quod; quæ justissima vobis ad absolvendum debet videri. Nam me cum amicitiae vetustas, tum dignitas hominis, tum ratio humanitatis, tum meæ vitæ perpetua consuetudo, C. Rabirium defendendum est adhortata: tum verò, ut id studiosissimè facerem, salus reip. consulare officium, consulatus deniq; ipse, mihi una vobiscum cum salute reip. commēdatus, coëgit. Non enim C. Rabirium culpa delicti, non invidia, vitæq; turpitudine, non deniq; veteres, justæ gravesque inimicitiae civium, in discrimen capitis vocaverunt: sed ut illud summum auxilium majestatis, atque imperii, quod nobis à majoribus est traditum, de rep. tolleretur: ut nihil posthac auctoritas senatus, nihil consulare auxilium, nihil consensus bonorum contra pestem, ac perniciem civitatis valeret: idcirco in his rebus evertendis unius hominis senectus, infirmitas, solitudoque tentata est. Quamobrem si est boni consulis, cum cuncta auxilia reip. labefactari, convellique videat, ferre opem patriæ, succurrere saluti, fortunisque communibus, implorare civium fidem, suam salutem posteriorem salute communi ducere: est etiam bonorum & fortium civium, quales vos omnibus reip. temporibus extitistis, intercludere omnes seditionum vias, munire præsidia reip. summum in consulibus imperium, summum in senatu consilium, putare: eā qui secutus sit, laude potius, & honore, quàm poena & supplicio dignum judicare. Quamobrem labor in hoc defendendo, præcipuè meus est: studium verò conservandi hominis, commune mihi vobiscum esse debet. Sic enim existimare debetis, Quirites, post hominum memoriam rem ullam majorem, magis periculosam, magis ab omnibus vobis providendam, neque a Tribuno pleb. susceptam, neque à Consule defensam, neque ad populum Rom. esse delatam. Agitur enim nihil aliud in hac causa, Quirites, quam ut nullum sit posthac.

in rep. publicum consilium, nulla bonorum consensus contra improborum furorem, & audaciam: extremis reip. temporibus perfugium, & præsidium salutis.

2. Quæ cum ita sint, primum, quod in tanta dimicatione capitis, famæ, fortunarumq; omnium fieri necesse est, ab Jove Optimo Max. cæterisque diis, deabusque immortalibus, quorum ope, & auxilio, multò magis hæc resp. quàm ratione hominum, & consilio gubernatur, pacem, ac veniam peto: precorque ab iis, ut hodiernum diem, & ad hujus salutem conservandam, & ad remp. constituendam, illuxisse patiantur. Deinde vos, Quirites, quorum potestas maximè ad Deorum immortalium numen accedit, oro, atque obsecro, quoniam uno tempore vita C. Rabirii, hominis miserrimi atq; innocentissimi, salus reip. vestris manibus, suffragiisque permittitur, adhibeatis in hominis fortunis misericordiam, in reip. salute sapientiam, quam soletis.

IMITATIO.

Utilis hic locus futurus est, ubi de publico civitatis bono cuiuslibet privati emolumentis preferendo agetur, in quo precipuum sit, ut autoritas sua Magistratui conservetur. Ita suaderi David poterit, injuriam Semei plectendam esse, ne ab aliis quoque Regis autoritas violetur.

§. 5.

Locus communis de cultu amicitiae.

Amicitiam veram cum oburgatione amici posse consistere: cum adulatione non posse. Læli. de amicit.

Natura & attributis.

1. Principio tradit amicitiam homini ad beatè vivendum necessariam esse.

2. Objurgandos in re mala comiter amicos, non adulatoriè fovendos.

3. Adulationem amicitia pestem esse, quam in C. Papirio, & C. Licinio Crasso etiam plebs eorum oratione rejecta, quâ popularia

pularia suadebuntur, notavit. Gnathonum & parasitorum hoc esse, non amicorum, adulatori & amicis illudere.

Lælius ad Fannium.

Cum multis in rebus negligentia plectimur, tum maxime in amicis, & diligendis, & colendis, præposteris enim utimur consiliis & *acta agimus*, quod vetamur veteri proverbio: nam implicati ultro & citro, vel usu diuturno, vel etiam officiis repente in medio cursu amicitias, exorta aliqua offensione, dirumpimus. Quocirca cum judicaveris, diligere oportet, non cum dilexeris judicare. Vituperanda est sanè rei maxime necessaria tanta incuria. Una est enim amicitia in rebus humanis, de cujus utilitate omnes uno ore consentiunt, serpit enim, nescio quomodo, per omnium vitam amicitia, nec ullam ætatis degendæ rationem patitur esse expertem. Quin etiam si quis ea asperitate est, & immanitate naturæ, ut congressus societatemq; hominum fugiat, atque oderit, qualem fuisse Athenis Timonem nescio quem accepimus; tamen is non possit, ut non acquirat aliquem, apud quem evomat virus acerbitalis suæ. Atque hoc maxime judicaretur, si quid tale posset contingere, ut aliquis nos Deus ex hac hominum frequentia tolleretur, & in solitudine uspiam collocaret, atque ibi suppeditans omnium rerum, quas natura desiderat abundantiam & copiam; hominis omnino aspiciendi potestatem eriperet: quis tam ferreus esset, qui eam vitam ferre posset, cuique non auferret fructum voluptatum omnium solitudo? Verum igitur illud est, quod à Tarentino Archyta, ut opinor, dici solitum, nostros senes commemorare audiavi. Si quis cælum ascendisset, naturamque mundi & pulchritudinem siderum perspexisset, insuavem illam admirationem illi fore, quæ jucundissima fuisset; nisi aliquem cui narraret, habuisset. Sic natura nihil solitarium amat: semperque ad aliquod, tanquam adminiculum adnititur, quod in amicissimo quoque dulcissimum est.

Sed cum tot signis eadem natura declaret, quid velit, ac quærat, quid desideret: obsurdescimus tamen, nescio quomodo, nec ea, quæ ab ea monemur, audimus, est enim varius & multiplex usus amicitiae; multæque causæ suspicionum,

offensionumque dantur, quas tum evitare, tum elevare, tum ferre sapientis est. Una illa sublevanda offensio est, ut & utilitas in amicitia, & fides retineatur, nam & monendi amici sæpe sunt, & objurgandi: & hæc accipienda amicè, cum benevolè fiunt, sed nescio quomodo verum est, quod in Andria familiaris meus Terentius dixit:

Obsequium amicos, veritas odium parit.

Molesta veritas est; siquidem ex ea nascitur odium, quod est venenum amicitiae: sed obsequium multò molestius, quod peccatis indulgens præcipitem amicum ferri sinit. Maxima autem culpa in eo est, qui & veritatem aspernatur, & in fraudem obsequio impellitur. Omnis igitur hac in re habenda ratio & diligentia est, primum ut monitio acerbitate, deinde objurgatio contumelia careat, in obsequio autem (quoniam Terentiano verbo libenter utimur) comitas adsit, assentatio, vitiorum adiutrix, procul amoveatur; quæ non modo amico, sed ne libero quidem digna est, aliter enim cum Tyranno, aliter cum amico vivitur. Cujus autem aures clausæ veritati sunt, ut ab amico vera audire nequeant; hujus salus desperanda est. Scitum est enim illud Catonis, multò melius de quibusdam acerbos inimicos mereri, quam eos amicos, qui dulces videantur: illos verum sæpe dicere, hos nunquam. Atq; illud absurdum est, quod ii, qui monentur, eam molestiam, quam debent capere, non capiunt; eam capiunt, quâ debent carere. Peccasse enim se non anguntur; objurgari molestè ferunt: quod contra oportebat, delicto dolere, objurgatione gaudere.

Ut igitur & monere & moneri proprium est veræ amicitiae; & alterum liberè facere, non asperè; alterum patienter accipere, non repugnanter? sic habendum est, nullam in amicitia pestem esse majorem, quàm adulationem: blanditias, assentationem. Quamvis enim multis nominibus est hoc vitium notandum, levium hominum atque fallacium, ad voluntatem loquentium omnia, nihil ad veritatem, cum autem omnium rerum simulatio est vitiosa (tollit enim judicium veri, idque adulterat) tum amicitiae repugnat maximè, delet enim veritatem, sine qua nomen amicitiae valere non potest, nam cum amicitiae vis sit in eo, ut unus quasi animus fiat ex pluribus: qui fieri poterit, si nec in uno quidem unus animus erit idem semper; sed varius, commutabilis,

bilis, multiplex? quid enim potest esse tam flexibile, tam devium, quàm animus ejus, qui ad alteri⁹ non modo sensum, ac voluntatem, sed etiam vultum atque nutum convertitur?

Negat quis, nego: ait, ajo, postremo imperavi egomet mihi Omnia assentari.

Ut ait idem Terentius: sed ille sub Gnathonis persona: quod amici genus adhibere, omnino levitatis est. Multi autem Gnathonum similes cum sint, loco, fortuna, fama superiores; horum est assentatio molesta, cum ad vanitatem accessit auctoritas. Secerni autem blandus amicus à vero, & internosci tam potest, adhibita diligentia, quàm omnia fucata & simulata à synceris atque veris. Concio, quæ ex imperitissimis constat, tamen judicare solet, quid intersit inter popularem, id est, assentatorem, & levem civem, & inter constantem, severum, & gravem. Quibus blanditiis C. Papirius consul, nuper influebat in aures concionis, cum ferret legem de Tribunis pleb. reficiendis? dissuasimus nos, sed nihil de me: de Scipione dicam libentius, quanta illi, Dii immortales, fuit gravitas, quantà in oratione majestas? facile ducem Pop. Rom. non comitem diceres, sed affuistis; & est in manibus oratio, itaque lex popularis, suffragiis populi repudiata est. Atque (ut ad me redeam) meministis Q. Maximo, fratre Scipionis, & L. Mancino Coss. quam popularis lex de sacerdotiis C. Licini Cassi videbatur, cooptatio enim collegiorum ad populi beneficium transferebatur, atque is primum instituit, in forum versus, agere cum populo, tamē illius vendibilem orationem religio Deorum immortalium, nobis defendentibus, facile vincebat, atque id actum est prætoris me, quinquennio ante quam Consul sum factus, itaque re magis quam auctoritate causa illa defensa est; quod si in scena, id est, in concione, in qua rebus fictis & adumbratis loci plurimum est, tamen verum valet, si modo id patefactum, & illustratum est: quid in amicitia fieri oportet, quæ tota veritate perpenditur? in qua nisi, ut dicitur, apertum pectus videas, tuumq; ostendas; nihil fidum, nihil exploratum habeas; ne amare quidem, ut amari possis: cum, id quàm verè fiat, ignores, quanquam ista assentatio, quamvis perniciosa sit, nocere, tamen nemini potest nisi ei, qui eā receptat, eaq; delectatur, ita sit, ut is pro assentatoribus patefaciat aures suas maximè, qui

offensionumque dantur. quas tum evitare, tum elevare, tum ferre sapientis est. Una illa sublevanda offensio est, ut & utilitas in amicitia, & fides retineatur, nam & monendi amici sæpe sunt, & objurgandi: & hæc accipienda amicè, cum benevolè fiunt, sed nescio quomodo verum est, quod in Andria familiaris meus Terentius dixit:

Obsequium amicos, veritas odium parit.

Molesta veritas est; siquidem ex ea nascitur odium, quod est venenum amicitiae: sed obsequium multò molestius, quod peccatis indulgens præcipitem amicum ferri sinit. Maxima autem culpa in eo est, qui & veritatem aspernatur, & in fraudem obsequio impellitur. Omnis igitur hac in re habenda ratio & diligentia est, primum ut monitio acerbitate, deinde objurgatio contumelia careat, in obsequio autem (quoniam Terentiano verbo libenter utimur) comitas adsit, assentatio, vitiorum adjutrix, procul amoveatur; quæ non modo amico, sed ne libero quidem digna est, aliter enim cum Tyranno, aliter cum amico vivitur. Cujus autem aures clausæ veritati sunt, ut ab amico vera audire nequeant; hujus salus desperanda est. Scitum est enim illud Catonis, multò melius de quibusdam acerbos inimicos mereri, quam eos amicos, qui dulces videantur: illos verum sæpe dicere, hos nunquam. Atque illud absurdum est, quod ii, qui monentur, eam molestiam, quam debent capere, non capiunt; eam capiunt, quâ debent carere. Peccasse enim se non anguntur; objurgari molestè ferunt: quod contra oportebat, delicto dolere, objurgatione gaudere.

Ut igitur & monere & moneri proprium est veræ amicitiae; & alterum liberè facere, non asperè; alterum patienter accipere, non repugnanter? sic habendum est, nullam in amicitia pestem esse majorem, quàm adulationem: blanditias, assentationem. Quamvis enim multis nominibus est hoc vitium notandum, levium hominum atque fallacium, ad voluntatem loquentium omnia, nihil ad veritatem, cum autem omnium rerum simulatio est vitiosa (tollit enim judicium veri, idque adulterat) tum amicitiae repugnat maximè, delet enim veritatem, sine qua nomen amicitiae valere non potest, nam cum amicitiae vis sit in eo, ut unus quasi animus fiat ex pluribus: qui fieri poterit, si nec in uno quidem unus animus erit idem semper; sed varius, commutabilis.

bilis, multiplex? quid enim potest esse tam flexibile, tam devium, quàm animus ejus, qui ad alteri⁹ non modo sensum, ac voluntatem, sed etiam vultum atque nutum convertitur?

Negat quis, nego: ait, ajo, postremo imperavi egomet mihi Omnia assentari.

Ut ait idem Terentius: sed ille sub Gnathonis persona: quod amici genus adhibere, omnino levitatis est. Multi autem Gnathonum similes cum sint, loco, fortuna, fama superiores; horum est assentatio molesta, cum ad vanitatem accessit auctoritas. Secerni autem blandus amicus à vero, & internosci tam potest; adhibita diligentia, quàm omnia fucata & simulata à synceris atque veris. Concio, quæ ex imperitissimis constat, tamen judicare solet, quid intersit inter popularem, id est, assentatorem, & levem civem, & inter constantem, severum, & gravem. Quibus blanditiis C. Papirius consul. nuper influebat in aures concionis, cum ferret legem de Tribunis pleb. reficiendis? dissuasimus nos, sed nihil de me: de Scipione dicam libentius, quanta illi, Dii immortales, fuit gravitas, quantà in oratione majestas? facile ducem Pop. Rom. non comitem diceres, sed affuistis; & est in manibus oratio, itaque lex popularis, suffragiis populi repudiata est. Atque (ut ad me redeam) meministis Q. Maximo, fratre Scipionis, & L. Mancino Coss. quam popularis lex de sacerdotiis C. Licini Cassi videbatur, cooptatio enim collegiorum ad populi beneficium transferebatur, atque is primum instituit, in forum versus, agere cum populo, tamē illius vendibilem orationem religio Deorum immortalium, nobis defendentibus, facile vincebat, atque id actum est prætor me, quinquennio ante quam Consul sum factus, itaque re magis quam auctoritate causa illa defensa est; quod si in scena, id est, in concione, in qua rebus fictis & adumbratis loci plurimum est, tamen verum valet, si modo id patefactum, & illustratum est: quid in amicitia fieri oportet, quæ tota veritate perpenditur? in qua nisi, ut dicitur, apertum pectus videas, tuumq; ostendas; nihil fidum, nihil exploratum habeas; ne amare quidem, ut amari possis: cum, id quàm verè fiat, ignores, quanquam ista assentatio, quamvis perniciosa sit, nocere, tamen nemini potest nisi ei, qui eā recepat, eaq; delectatur, ita sit, ut is pro assentatoribus patefaciat aures suas maximè, qui

offensionumque dantur. quas tum evitare, tum elevare, tum ferre sapientis est. Una illa sublevanda offensio est, ut & utilitas in amicitia, & fides retineatur, nam & monendi amici sæpe sunt, & objurgandi: & hæc accipienda amicè, cum benevolè fiunt, sed nescio quomodo verum est, quod in Andria familiaris meus Terentius dixit:

Obsequium amicos, veritas odium parit.

Molesta veritas est; siquidem ex ea nascitur odium, quod est venenum amicitiae: sed obsequium multò molestius, quod peccatis indulgens præcipitem amicum ferri sinit. Maxima autem culpa in eo est, qui & veritatem aspernatur, & in fraudem obsequio impellitur. Omnis igitur hac in re habenda ratio & diligentia est, primum ut monitio acerbitate, deinde objurgatio contumelia careat, in obsequio autem (quoniam Terentiano verbo libenter utimur) comitas adsit, assentatio, vitiorum adjutrix, procul amoveatur; quæ non modo amico, sed ne libero quidem digna est, aliter enim cum Tyranno, aliter cum amico vivitur. Cujus autem aures clausæ veritati sunt, ut ab amico vera audire nequeant; hujus salus desperanda est. Scitum est enim illud Catonis, multò melius de quibusdam acerbos inimicos mereri, quam eos amicos, qui dulces videantur: illos verum sæpe dicere, hos nunquam. Atque illud absurdum est, quod ii, qui monentur, eam molestiam, quam debent capere, non capiunt; eam capiunt, quâ debent carere. Peccasse enim se non anguntur; objurgari molestè ferunt: quod contra oportebat, delicto dolere, objurgatione gaudere.

Ut igitur & monere & moneri proprium est veræ amicitiae; & alterum liberè facere, non asperè; alterum patienter accipere, non repugnanter? sic habendum est, nullam in amicitia pestem esse majorem, quàm adulationem: blanditias, assentationem. Quamvis enim multis nominibus est hoc vitium notandum, levium hominum atque fallacium, ad voluntatem loquentium omnia, nihil ad veritatem, cum autem omnium rerum simulatio est vitiosa (tollit enim judicium veri, idque adulterat) tum amicitiae repugnat maximè, delet enim veritatem, sine qua nomen amicitiae valere non potest, nam cum amicitiae vis sit in eo, ut unus quasi animus fiat ex pluribus: qui fieri poterit, si nec in uno quidem unus animus erit idem semper; sed varius, commutabilis,

bilis, multiplex? quid enim potest esse tam flexibile, tam devium, quàm animus ejus, qui ad alteri⁹ non modo sensum, ac voluntatem, sed etiam vultum atque nutum convertitur?

Negat quis, nego: ait, ajo, postremo imperavi egomet mihi Omnia assentari.

Ut ait idem Terentius: sed ille sub Gnathonis persona: quod amici genus adhibere, omnino levitatis est. Multi autem Gnathonum similes cum sint, loco, fortuna, fama superiores; horum est assentatio molesta, cum ad vanitatem accessit auctoritas. Secerni autem blandus amicus à vero, & internosci tam potest; adhibita diligentia, quàm omnia fucata & simulata à synceris atque veris. Concio, quæ ex imperitissimis constat, tamen judicare solet, quid intersit inter popularem, id est, assentatorem, & levem civem, & inter constantem, severum, & gravem. Quibus blanditiis C. Papirius consul. nuper influebat in aures concionis, cum ferret legem de Tribunis pleb. reficiendis? dissuasimus nos, sed nihil de me: de Scipione dicam libentius, quanta illi, Dii immortales, fuit gravitas, quanta in oratione majestas? facile ducem Pop. Rom. non comitem diceres, sed affuistis; & est in manibus oratio, itaque lex popularis, suffragiis populi repudiata est. Atque (ut ad me redeam) meministis Q. Maximo, fratre Scipionis, & L. Mancino Coss. quam popularis lex de sacerdotiis C. Licini Cassi videbatur, cooptatio enim collegiorum ad populi beneficium transferebatur, atque is primum instituit, in forum versus, agere cum populo, tamē illius vendibilem orationem religio Deorum immortalium, nobis defendentibus, facile vincebat, atque id actum est prætor me, quinquennio ante quam Consul sum factus, itaque re magis quam auctoritate causa illa defensa est; quod si in scena, id est, in concione, in qua rebus fictis & adumbratis loci plurimum est, tamen verum valet, si modo id patefactum, & illustratum est: quid in amicitia fieri oportet, quæ rota veritate perpenditur? in qua nisi, ut dicitur, apertum pectus videas, tuumq; ostendas; nihil fidum, nihil exploratum habeas; ne amare quidem, ut amari possis: cum, id quàm verè fiat, ignores, quanquam ista assentatio, quamvis perniciosa sit, nocere, tamen nemini potest nisi ei, qui eā recepat, eaq; delectatur, ita sit, ut is pro assentatoribus patefaciat aures suas maximè, qui

offensionumque dantur. quas tum evitare, tum elevare, tum ferre sapientis est. Una illa sublevanda offensio est, ut & utilitas in amicitia, & fides retineatur, nam & monendi amici sæpe sunt, & objurgandi: & hæc accipienda amicè, cum benevolè fiunt, sed nescio quomodo verum est, quod in Andria familiaris meus Terentius dixit:

Obsequium amicos, veritas odium parit.

Molesta veritas est; siquidem ex ea nascitur odium, quod est venenum amicitiae: sed obsequium multò molestius, quod peccatis indulgens præcipitem amicum ferri sinit. Maxima autem culpa in eo est, qui & veritatem aspernatur, & in fraudem obsequio impellitur. Omnis igitur hac in re habenda ratio & diligentia est, primum ut monitio acerbitate, deinde objurgatio contumelia careat, in obsequio autem (quoniam Terentiano verbo libenter utimur) comitas adsit, assentatio, vitiorum adjutrix, procul amoveatur; quæ non modo amico, sed ne libero quidem digna est, aliter enim cum Tyranno, aliter cum amico vivitur. Cujus autem aures clausæ veritati sunt, ut ab amico vera audire nequeant; hujus salus desperanda est. Scitum est enim illud Catonis, multò melius de quibusdam acerbos inimicos mereri, quam eos amicos, qui dulces videantur: illos verum sæpe dicere, hos nunquam. Atque illud absurdum est, quod ii, qui monentur, eam molestiam, quam debent capere, non capiunt; eam capiunt, quâ debent carere. Peccasse enim se non anguntur, objurgari molestè ferunt: quod contra oportebat, delicto dolere, objurgatione gaudere.

Ut igitur & monere & moneri proprium est veræ amicitiae; & alterum liberè facere, non asperè; alterum patienter accipere, non repugnanter? sic habendum est, nullam in amicitia pestem esse majorem, quàm adulationem: blanditias, assentationem. Quamvis enim multis nominibus est hoc vitium notandum, levium hominum atque fallacium, ad voluntatem loquentium omnia, nihil ad veritatem, cum autem omnium rerum simulatio est vitiosa (tollit enim judicium veri, idque adulterat) tum amicitiae repugnat maximè, delet enim veritatem, sine qua nomen amicitiae valere non potest, nam cum amicitiae vis sit in eo, ut unus quasi animus fiat ex pluribus: qui fieri poterit, si nec in uno quidem unus animus erit idem semper; sed varius, commutabilis.

bilis, multiplex? quid enim potest esse tam flexibile, tam devium, quàm animus ejus, qui ad alteri⁹ non modo sensum, ac voluntatem, sed etiam vultum atque nutum convertitur?

Negat quis, nego: ait, ajo, postremo imperavi egomet mihi Omnia assentari.

Ut ait idem Terentius: sed ille sub Gnathonis persona: quod amici genus adhibere, omnino levitatis est. Multi autem Gnathonum similes cum sint, loco, fortuna, fama superiores; horum est assentatio molesta, cum ad vanitatem accessit auctoritas. Secerni autem blandus amicus à vero, & internosci tam potest, adhibita diligentia, quàm omnia fucata & simulata à synceris atque veris. Concio, quæ ex imperitissimis constat, tamen judicare solet, quid intersit inter popularem, id est, assentatorem, & levem civem, & inter constantem, severum, & gravem. Quibus blanditiis C. Papirius consul. nuper influebat in aures concionis, cum ferret legem de Tribunis pleb. reficiendis? dissuasimus nos, sed nihil de me: de Scipione dicam libentius, quanta illi, Dii immortales, fuit gravitas, quantà in oratione majestas? facile ducem Pop. Rom. non comitem diceres, sed affuistis; & est in manibus oratio, itaque lex popularis, suffragiis populi repudiata est. Atque (ut ad me redeam) meministis Q. Maximo, fratre Scipionis, & L. Mancino Coss. quam popularis lex de sacerdotiis C. Licini Cassi videbatur, cooptatio enim collegiorum ad populi beneficium transferebatur, atque is primum instituit, in forum versus, agere cum populo, tamē illius vendibilem orationem religio Deorum immortalium, nobis defendentibus, facile vincebat, atque id actum est prætore me, quinquennio ante quam Consul sum factus, itaque re magis quam auctoritate causa illa defensa est; quod si in scena, id est, in concione, in qua rebus fictis & adumbratis loci plurimum est, tamen verum valet, si modo id patefactum, & illustratum est: quid in amicitia fieri oportet, quæ tota veritate perpenditur? in qua nisi, ut dicitur, apertum pectus videas, tuumq; ostendas; nihil fidum, nihil exploratum habeas; ne amare quidem, ut amari possis: cum, id quàm verè fiat, ignores, quanquam ista assentatio, quamvis perniciosa sit, nocere, tamen nemini potest nisi ei, qui eā receptat, eaq; delectatur, ita sit, ut is pro assentatoribus patefaciat aures suas maximè, qui

in rep. publicum consilium, nulla bonorum consensus contra improborum furorem, & audaciam: extremis reip. temporibus perfugium, & praesidium salutis.

2. Quæ cum ita sint, primum, quod in tanta dimicatione capitis, famæ, fortunarumq; omnium fieri necesse est, ab Jove Optimo Max. cæterisque diis, deabusque immortalibus, quorum ope, & auxilio, multò magis hæc resp. quàm ratione hominum, & consilio gubernatur, pacem, ac veniam peto: precorque ab iis, ut hodiernum diem, & ad hujus salutem conservandam, & ad remp. constituendam, illuxisse patiantur. Deinde vos, Quirites, quorum potestas maximè ad Deorum immortalium numen accedit, oro, atque obsecro, quoniam uno tempore vita C. Rabirii, hominis miserissimi atq; innocentissimi, salus reip. vestris manibus, suffragiisque permittitur, adhibeatis in hominis fortunis misericordiam, in reip. salute sapientiam, quam soletis.

IMITATIO.

Utilis hic locus futurus est, ubi de publico civitatis bono cuiuslibet privati emolumentis praferendo agetur, in quo precipuum sit, ut autoritas sua Magistratui conservetur. Ita suaderi David poterit, injuriam Semei plectendam esse, ne ab aliis quoque Regis autoritas violetur.

§. 5.

Locus communis de cultu amicitiae.

Amicitiam veram cum oburgatione amici posse consistere: cum adulatione non posse. Lat. de amicis.

De natura & attributis.

1. Principio tradit amicitiam homini ad beatè vivendum necessariam esse.

2. Objurgandos in re mala comiter amicos, non adulatoriè fovendos.

3. Adulationem amicitia pestem esse, quam in C. Papirio, & C. Licinio Crasso etiam plebs eorum oratione rejecta, quâ popularia

pularia suadebuntur, notavit. Gnathonum & parasitorum hoc esse, non amicorum, adulatori & amicis illudere.

Lælius ad Fannium.

Cum multis in rebus negligentia plectimur, tum maxime in amicis, & diligendis, & colendis, præposteris enim utimur consiliis & acta agimus, quod vetamur veteri proverbio: nam implicati ultro & citro, vel usu diuturno, vel etiam officiis repente in medio cursu amicitias, exorta aliqua offensione, dirumpimus. Quocirca cum judicaveris, diligere oportet, non cum dilexeris judicare. Vituperanda est sanè rei maxime necessariæ tanta incuria. Una est enim amicitia in rebus humanis, de cujus utilitate omnes uno ore consentiunt, serpit enim, nescio quomodo, per omnium vitam amicitia, nec ullam ætatis degendæ rationem patitur esse expertem. Quin etiam si quis ea asperitate est, & immanitate naturæ, ut congressus societatemque hominum fugiat, atque oderit, qualem fuisse Athenis Timonem nescio quem accepimus; tamen is non possit, ut non acquirat aliquem, apud quem evomat virus acerbitalis suæ. Atque hoc maxime judicaretur, si quid tale posset contingere, ut aliquis nos Deus ex hac hominum frequentia tolleretur, & in solitudine uspiam collocaret, atque ibi suppeditans omnium rerum, quas natura desiderat abundantiam & copiam; hominis omnino aspiciendi potestatem eriperet: quis tam ferreus esset, qui eam vitam ferre posset, cuique non auferret fructum voluptatum omnium solitudo? Verum igitur illud est, quod à Tarentino Archyta, ut opinor, dici solitum, nostros senes commemorare audiavi. Si quis cælum ascendisset, naturamque mundi & pulchritudinem siderum perspexisset, insuavem illam admirationem illi fore, quæ jucundissima fuisset; nisi aliquem cui narraret, habuisset. Sic natura nihil solitarium amat: semperque ad aliquod, tanquam adminiculum adnititur, quod in amicissimo quoque dulcissimum est.

Sed cum tot signis eadem natura declaret, quid velit, ac quærat, quid desideret: obsurdescimus tamen, nescio quomodo, nec ea, quæ ab ea monemur, audimus, est enim varius & multiplex usus amicitiae; multæque causæ suspicionum,

offensionumque dantur, quas tum evitare, tum elevare, tum ferre sapientis est. Una illa sublevanda offensio est, ut & utilitas in amicitia, & fides retineatur, nam & monendi amici sæpe sunt, & objurgandi: & hæc accipienda amicè, cum benevolè fiunt, sed nescio quomodo verum est, quod in Andria familiaris meus Terentius dixit:

Obsequium amicos, veritas odium parit.

Molestia veritas est; siquidem ex ea nascitur odium, quod est venenum amicitiae: sed obsequium multò molestius, quod peccatis indulgens præcipitem amicum ferri sinit. Maxima autem culpa in eo est, qui & veritatem aspernatur, & in fraudem obsequio impellitur. Omnis igitur hac in re habenda ratio & diligentia est, primum ut monitio acerbitate, deinde objurgatio contumelia careat, in obsequio autem (quoniam Terentiano verbo libenter utimur) comitas adsit, assentatio, vitiorum adjutrix, procul amoveatur; quæ non modo amico, sed ne libero quidem digna est, aliter enim cum Tyranno, aliter cum amico vivitur. Cujus autem aures clausæ veritati sunt, ut ab amico vera audire nequeant; hujus salus desperanda est. Scitum est enim illud Catonis, multò melius de quibusdam acerbos inimicos mereri, quam eos amicos, qui dulces videantur: illos verum sæpe dicere, hos nunquam. Atq; illud absurdum est, quod ii, qui monentur, eam molestiam, quam debent capere, non capiunt; eam capiunt, quâ debent carere. Peccasse enim se non anguntur, objurgari molestè ferunt: quod contra oportebat, delicto dolere, objurgatione gaudere.

Ut igitur & monere & moneri proprium est veræ amicitiae; & alterum liberè facere, non asperè; alterum patienter accipere, non repugnanter? sic habendum est, nullam in amicitia pestem esse majorem, quàm adulationem: blanditias, assentationem. Quamvis enim multis nominibus est hoc vitium notandum, levium hominum atque fallacium, ad voluntatem loquentium omnia, nihil ad veritatem, cum autem omnium rerum simulatio est vitiosa (tollit enim judicium veri, idque adulterat) tum amicitiae repugnat maximè, delet enim veritatem, sine qua nomen amicitiae valere non potest, nam cum amicitiae vis sit in eo, ut unus quasi animus fiat ex pluribus: qui fieri poterit, si nec in uno quidem unus animus erit idem semper; sed varius, commutabilis.

bilis, multiplex? quid enim potest esse tam flexibile, tam devium, quàm animus ejus, qui ad alteri⁹ non modo sensum, ac voluntatem, sed etiam vultum atque nutum convertitur?

Negat quis, nego: ait, ajo, postremo imperavi egomet mihi Omnia assentari.

Ut ait idem Terentius: sed ille sub Gnathonis persona: quod amici genus adhibere, omnino levitatis est. Multi autem Gnathonum similes cum sint, loco, fortuna, fama superiores; horum est assentatio molesta, cum ad vanitatem accessit auctoritas. Secerni autem blandus amicus à vero, & internosci tam potest; adhibita diligentia, quàm omnia fucata & simulata à synceris atque veris. Concio, quæ ex imperitissimis constat, tamen judicare solet, quid intersit inter popularem, id est, assentatorem, & levem civem, & inter constantem, severum, & gravem. Quibus blanditiis C. Papirius consul, nuper influebat in aures concionis, cum ferret legem de Tribunis pleb. reficiendis? dissuasimus nos, sed nihil de me: de Scipione dicam libentius, quanta illi, Dii immortales, fuit gravitas, quantà in oratione majestas? facile ducem Pop. Rom. non comitem diceres, sed affuistis; & est in manibus oratio, itaque lex popularis, suffragiis populi repudiata est. Atque (ut ad me redeam) meministis Q. Maximo, fratre Scipionis, & L. Mancino Coss. quam popularis lex de sacerdotiis C. Licini Cassi videbatur, cooptatio enim collegiorum ad populi beneficium transferebatur, atque is primum instituit, in forum versus, agere cum populo, tamē illius vendibilem orationem religio Deorum immortalium, nobis defendentibus, facile vincebat, atque id actum est prætoris me, quinquennio ante quam Consul sum factus, itaque re magis quam auctoritate causa illa defensa est; quod si in scena, id est, in concione, in qua rebus fictis & adumbratis loci plurimum est, tamen verum valet, si modo id patefactum, & illustratum est: quid in amicitia fieri oportet, quæ tota veritate perpenditur? in qua nisi, ut dicitur, apertum pectus videas, tuumq; ostendas; nihil fidum, nihil exploratum habeas; ne amare quidem, ut amari possis: cum, id quàm verè fiat, ignores, quanquam ista assentatio, quamvis perniciosa sit, nocere, tamen nemini potest nisi ei, qui eā recepat, eaq; delectatur, ita fit, ut is pro assentatoribus patefaciat aures suas maxime, qui

ipsi sibi assentetur, & se ipse maximè delectet. Omnino est amans sui virtus; optimè enim se ipsa novit; quamque amabilis sit, intelligit, ego autem non de virtute nunc loquor, sed de virtutis opinione, virtute enim ipsa non tam multi præditi esse, quam videri volunt. Hos delectat assentatio, his fictus ad eorum voluntatem sermo cum adhibetur, orationem illam vanam testimonium esse laudum tuarum putant. Nulla est igitur hæc amicitia, cum alter verum audire non vult, alter ad mentiendum paratus est, nec Parasitorum in comoediis assentatio nobis faceta videretur, nisi essent milites gloriosi;

Magnas vero agere gratias Thais mihi?

Satis erat respondere magnas: *ingentes*, inquit semper auget assentatio id, quod is, cujus ad voluntatem dicitur, vult esse magnum. Quamobrem, quanquam blanda ista vanitas apud eos valet, qui ipsi illam allecant & invitant; tamen etiam graviores constantioresque admonendi sunt, ut animadvertant, ne callida assentatione capiantur. Apertè enim adulantem nemo non videt, nisi qui admodum est excors; callidus ille & occultus, ne se insinuet, studiose cavendum est. Nec enim facillimè agnoscitur, quippe qui adversando sæpe assentetur, & litigare se simulans blandiatur, atque ad extremum det manus, vincique se patiatur, ut is, qui illusus sit, plus vicisse videatur, quid autem turpius, quam illud? quod ne accadat, magis cavendum est, ut in Epiclero,

*Hodie me; ante omnes comicos stultos senes
Versaris, atque luseris lautissimè.*

Hæc enim in fabulis stultissima persona est, improvidorum & credulorum senum.

IMITATIO.

Imitaberis in exponenda ficta falsaque Architophelis amicitia, quâ Absoloni adulatus eundem perdidit, vel etiam in vera, quâ Ruben fratres monuit, non esse interficiendum Iosephum, eosque à concepto scelere revocavit.

§. 6.

Locus communis de noxia voluptate.

Voluptas noxia, & à senibus, nisi in moderatis epulis, meritò spreta. Cic. in Cat. Maj.

Ab attributis, sive proprietatibus rerum.

Principio dicit carere voluptatibus esse beneficium, non vitium senectutis, introducitque orationem Archyta voluptates aspernantis, ut noxias.

Probat 1. Quia libido ad omne scelus audendum inflammat.

2. Mentem rationemque omnem libidinem opprimere. Concludit igitur magnam habendam senectuti gratiam, quæ voluptate liberet.

Tradit 3. Epulis senes non gaudere nisi moderatis, ut C. Duilius solebat.

4. Se convivalibus sermonibus, more senum, maximè oblectatum refert.

5. Senibus non esse inestum voluptate carere, ut quam non desiderent.

Cato Maj. ad Scipionem & Lælium.

Auditur illa inter adolescentes homines vituperatio senectutis, quod eam carere dicant voluptatibus. Certè præclarum munus ætatis, siquidem id aufert à nobis, quod est in adolescentia vitiosissimum.

Accipite enim, optimi adolescentes, veterem orationem Archytæ Tarentini, magni inprimis & præclari viri quæ mihi tradita est, cum essem adolescens Tarenti, cum Q. Maximo, nullam capitaliorem pestem, quàm voluptatem corporis, hominibus dicebat, à natura datam: cujus voluptatis avidæ libidines, temerè & effrenatè ad potiundum incitarentur. Hinc patriæ proditioes, hinc regump everfiones, hinc cum hostibus clandestina colloquia nasci: nullum denique scelus, nullum malum facinus esse, ad quod suscipiendum non libido voluptatis impelleret: stupra verò & adulteria, & omne tale flagitium nullis aliis illecebris excitari, nisi voluptatis. Cumque homini sive natura, sive quis Deus nihil mente præstabilius dedisset, huic divino muneri ac dono, nihil esse tam inimicum, quam voluptatem: nec enim libidine dominante, temperantiæ locum

esse, nec omnino in voluptatis regno virtutem posse consistere. Quod, quo magis intelligi posset, fingere animo jubebat, tantâ incitatum aliquem voluptate corporis, quanta posset maxima. Nemini censebat fore dubium, quin tamdiu, dum ita gauderet, nihil agitare mente, nihil ratione, nihil cogitatione consequi posset: quocirca nihil esse tam delectabile tamque pestiferum, quam voluptatem; si quidem ea, cum major esset atque longinquior, omne animi lumen extingueret. Hæc cum C. Pontio Samnite patre ejus, à quo Caudino prælio Sp. Postumius, T. Veturius consules separati sunt, locutum Archysam, Nearchus Tarentinus, hospes noster, qui in amicitia populi R. permanferat, se à majoribus natu accepisse; cum quidem ei sermone interfuisset Plato Atheniensis, quem Tarentum venisse L. Camillo, P. Claudio consulibus, reperio.

Quorsum hæc? — ut intelligeretis, si voluptatem aspernari ratione & sapientia non possemus, magnam habendam senectuti gratiam, quæ efficeret, ut idem liberet, quod non oporteret. Impedit enim consilium voluptas, rationis inimica, ac mentis (ut ita dicam) perstringit oculos, nec habet ullum cum virtute commercium.

Quare non modo vituperatio nulla, sed etiam summa laus senectutis est, quod ea voluptates nullas maximè desiderat; caret epulis, exstructisque mensis, & frequentibus poculis; caret etiam vinolentia & cruditare, insomniis. Sed, si aliquid dandum est voluptatis, quoniam ejus blanditiis non facile obstitimus: (divinus enim Plato, *escam malorum voluptatem appellat*; quod ea videlicet homines capiantur, ut pisces) quanquam immoderatis epulis caret senectus, modicis tamen delectari potest. C. Duillium, M. Filium, qui Pœnos primus classe devicerat, redeuntem à cœna senem sæpe videbam puer, delectabatur cereo funali & tibicine: quæ sibi nullo exemplo privatus sumpserat, tantum licentiæ dabat gloria.

Sed quid ego alios? ad me ipsum revertor. Primum habui semper sodales. Sodalitates autem me quæstore constitutæ sunt, sacris Idæis Magnæ Matris acceptis, epulabari-gitur cum sodalibus omnino modicè, sed erat quidem fervor ætatis; quaprogre-diente, omnia sunt in dies mitiora, neque enim ipsorum conviviorum delectationem voluptatibus corpora-

corporis magis, quam ceterum amicorum, & sermonibus mectiebar, bene enim majores accubationem epularem amicorum; quia vitæ conjunctionem haberet, convivium nominarunt, melius quàm Græci, qui hoc idem tum comotationem, tum concœnationem vocant: ut, quod in eo genere minimum est, id maximè probare videantur, ego verò, propter sermonis delectationem, tempestivis quoque conviviiis delector, nec cum æqualibus solum, qui pauci jam admodum restant, sed cum vestra etiam ætate, atque vobiscum: habeoque senectuti magnam gratiam, quæ mihi sermonis aviditatem auxit, potionis & cibi sustulit. Quod si quem etiam ista delectant, ne omnino bellum indixisse videar voluptati, cujus etiam fortasse quidam naturalis motus; non intelligo, ne in istis quidem voluptatibus ipsis, carere sensu senectutem. Me verò & magisteria delectant, à majoribus instituta; & is sermo, qui more majorum, à summo magistro adhibetur in poculo: & pocula, sicut in simposio Xenophontis, minuta atque rorantia; & refrigeratio æstate, & vicissim, aut sol, aut ignis hibernus: quæ quidem etiam in Sabinis persequi soleo, conviviumque vicinorum quotidie compleo; quod ad multam noctem, quam maximè possumus, vario sermone producimus.

IMITATIO.

In senum, qui castam Susannam nequicquam sollicitarunt libidine exagitanda hic locus serviet, eò quod senes maximè continentia deceat. Contra Iosephi adolescentis verecundia, & senilis quadam temperantia, imitatione quadam loci hujus effingi poterit.

§. 6.

Locus communis, de amicitiae violatione.

Quod amicitia nullo scelere colenda sit. Lælius de Amicit. apud Cic.

I. In Exordio tradit, raras amicitias ad extremam ætatem produci, quæ non cupiditate aliqua propria dissolvantur, ut libidine, avaritia, ambitione.

II. Docet, turpe esse amici causa scelus admittere, quod C. Blossi exemplo declarat, qui in gratiam Tib. Gracchi amici quodvis facinus ausus est.

III. Probat 1. Anatura, quia virtute amicitia tantum conciliatur, & optimi quique nihil visi sunt mali amicorum gratia audere, ut alii Tib. Gracchi sodales. Prob. 2. Ab effectis, quia in exitum Reip. tales amicitia in scelere conflantur, ut in Tib. Graccho ejusque sociis constat Prob. 3. Ab attributis, quia poena digni sunt improbi, ideoque prudentes viri Themistoclem & Coriolanum, licet iniuria à Rep. affectos, secuti non sunt, cum in patriam sceleratè armarentur.

Lælius ad Fannium & Scævolam.

I. Audite viri optimi, quæ sæpissime inter me & Scipionem de amicitia differebantur. Quanquam ille quidem nihil difficilius esse dicebat, quam amicitiam usque ad extremum vitæ diem permanere; nam, vel ut non idem expediret utrique, incidere sæpe; vel ut de republica non idem sentirent, mutari etiam mores hominum, sæpe dicebat, alias adversis rebus, alias ætate ingravescente, atque earum rerum exemplum ex similitudine capiebat ineuntis ætatis: quod summi puerorum amores, sæpe una cum prætexta, sumpra toga, deponerentur: sin autem, ad adolescentiam perduxissent, dirimi tamen interdum, vel luxuriæ contentione, vel commodi alicujus, quod idem adipisci uterque non posset, quod si qui longius in amicitia provecti essent, tamen sæpe labefactari, si in honoris contentionem incidissent, pestem enim nullam majorem esse in amicitiiis, quam in plerisque pecuniæ cupiditatem, in optimis quibusque honoris certamen & gloriæ: ex quo inimicitias maximas, sæpe inter amicissimos extitisse: magna etiam dissidia, & plerumque justa nasci, cum aliquid ab amicis, quod rectum non esset, postularetur, ut aut libidinis ministri, aut adjutores essent ad injuriam, quod qui recusarent, quamvis honestè id facerent, jus tamen amicitiae deferere arguerentur ab iis, quibus obsequi nollent, illos autem, qui quidvis ab amico auderent postulare, postulatione ipsa profiteri omnia se amici causa esse facturos: eorum querela inveterata non modo familiaritates extinguere solere, sed etiam odia gigni

maxi-

maxima, atq; sempiterna. Hæc ita multa, quasi fata, impendere amicitii, ut omnia subterfugere, non modo sapientiæ, sed etiam felicitatis diceret sibi videri.

II. Quamobrem id primum videamus, si placet, quatenus amor in amicitia progredi debeat. Num, si Coriolanus habuit amicos, ferre contra partiam arma illi cum Coriolano debuere? num Viscellinum amici regnum appetentem, num Sp. Melium juvare debuerunt? Tiberium quidem Gracchum, remp. vexantem, à Q. Tuberone æqualibusque amici derelictum videbamus. At C. Blossius Cumanus, hospes familiæ vestræ, Scævola, cum ad me, qui aderam Lænati, & Rutilio consulibus in consilio, deprecatum venisset; hanc, ut sibi ignoscerem, causam afferebat, quod tanti T. Gracchum fecisset, ut quidquid ille vellet, sibi faciendum putaret, tum ego, etiam ne, inquam, si te in Capitolium faces ferre vellet? nunquam, inquit, voluisset id quidem: sed, si voluisset, paruissem. Videtis quam nefaria vox: & hercle ita fecit vel plus etiam, quam dixit: non enim paruit ille T. Gracchi temeritati, sed præfuit; nec comitem se illius furoris, sed ducem præbuit. Itaque in hac amentia, quæstione nova perterritus, in Asiam profugit; ad hostes se contulit; pœnas reip. graves justasque persolvit.

III. Nulla est igitur excusatio peccati, si amici causa peccaveris. Nam cum conciliatrix amicitiae virtutis opinio fuerit; difficile est amicitiam manere, si à virtute defeceris. Quod si rectum statuerimus, vel concedere amicis quidquid velimus: perfectâ quidem sapientiâ sumus, si nihil habeat res vitii: sed loquimur de iis amicis, qui ante oculos sunt, quos videmus, aut de quibus memoriam accepimus, quos novit vita communis. Ex hoc numero ex nobis exempla sumenda sunt, & eorum quidem maximè, qui ad sapientiam proximè accedunt. Vidimus Paulum Æmilium C. Lucinio familiarem fuisse, (sic à patribus accepimus) bis unâ consules, & collegas in censura. Tum etiam cum iis & inter se conjunctissimos fuisse M. Curium & T. Coruncanum, memoriæ traditum est. Igitur ne suspicari quidem possumus, quenquam horum ab amico quippiam contendisse, quod contra fidem, contra jusjurandum, contra remp. esset, nam hoc quidem in tali-

talibus viris quid ratione dicere? si contendissent, scio imperaturos non fuisse: cum illi sanctissimi viri fuerint; æquè autem nefas sit, tale aliquid, & facere rogatum, & rogare. At vero T. Gracchum sequebantur C. Carbo, C. Cato, & minime tunc quidem Cajus frater; nunc idem acerrimus hostis.

2. Hæc igitur prima lex in amicitia sancitur, ut neque rogemus res turpes, nec faciamus rogati, turpis enim exculatio est, & minimè accipienda, cum in cæteris peccatis, tum si quis contra rempublicam se amici causa fecisse fateatur. Etenim eo loco, Fanni & Scævola, locati sumus, ut nos longè conspiciere oporteat castis futuros reip. deflexit enim jam aliquantulum de spatio, curriculoque consuetudo majorum T. Gracchus regnum occupare conatus est, vel regnavit is quidem paucos menses. Num quid simile populus R. audierat aut viderat: hunc etiam post mortem secuti amici, & propinqui, quid in P. Scipionem effecerint, sine lachrymis non queo dicere. Nam Carbonem quoque, quem modò posuimus, propter recentem pœnam T. Gracchi sustinimus. De C. Gracchi autem tribunatu, quid exspectem, non libet augurari. Serpit enim deinde res, quæ proclivis ad perniciem, cum semel cœpit, labitur. Videtis, in tabella jam ante, quantò sit facta labes, primo Gabinia lege, biennio autem post Cassia. Videre jam videor Pop. R. à senatu disjunctum, multitudinisque arbitrio res maximas agi. Plures enim discent, quemadmodum hæc fiant, quam quemadmodum his resistatur.

3. Quorsum hæc? quia sine sociis nemo quidquam tale conatur. Præcipiendum est igitur bonis, ut, si in ejusmodi amicitias ignari casu aliquo inciderint, ne existiment ita se alligatos, ut ab amicis in magna re aliqua in remp. peccantibus non discedant. Improbis autem pœna statuenda est, nec minor verò iis, qui secuti erunt alterum, quàm iis, qui ipsi fuerint impietatis duces. Quis clarior in Græcia Themistocle, quis potentior? qui, cum imperator bello Persico servitute Græciam liberasset, propterque invidiam in exilium pulsus esset, ingrata patriæ injuriam non tulit, quam ferre debuit. Fecit idem, quod viginti annis ante apud nos fecerat Coriolanus. His adiutor contra patriam

triam inventus est nemo. Itaque mortem sibi conscivit uterque. Quare talis improborum consensus non modo excusatione amicitiae tegenda non est, sed potius omni supplicio vindicanda.

IMITATIO.

Ionatha & Davidis amicitia ex his vera amicitia regulis probari, fratrum Ioseph concordia in fratre divendendo improbari poterit, ostendique quemadmodum hac omnibus & turpis & noxia fuerit. Paria se ex profana sacraque Historia exempta offerent.

§. 8.

Locus communis adversus voluptatem.

Dissertatio, Cicer. lib. 2. de fin. §. 13.

Voluptatem homini fugiendam esse, contra Epicureos.

Indignam hominem voluptatem esse tradit, quam nec bestia quidem consectentur, & si quidem in illa summum nostrum bonum esset, bestia hominibus beatiores futura essent, ut quibus multa facilius ad voluptatem affluant.

Probat 1. Ex causis, ut labore impensisque hominum in exercitiis integros, qui voluptatis privata studio comparantur. 2. Ex fine, quia ad majora nati sumus, si animum ejusque affectiones expendamus 3. Ex materia, quod in ipso etiam corpora alia bona voluptate praestantiora reperiantur. 4. Ab effectis. Artes hominum sunt varia, quae ad voluptatem non exercentur. 5. A comparatione, quia Dii ipsi hoc bono voluptatis beari non potuerunt, cum sint corporum expertes. 6. Rursum ab effectis. Nemo laudatorum hominum ex voluptatis studio laudem tulit. 7. Omne beneficium erga alios hac via tollitur. 8. A contrario, virtutis cura cum voluptate non potest consistere. Concludit ita; ut Torquatum ipsum de se suoque labore jubeat pronuntiare sententiam, an voluptatis causa aliis benefecerit.

Cice-

videbis, ita laudatum, ut artifex callidus comparandum voluptatum diceretur, non elogia monumentorum id significant, velut hoc monumentum Calatini ad portam, uno ore cui plurimæ consentiunt gentes, populi, primarium fuisse virum. Idne censuisse de Calatino plurimas gentes arbitramur, primarium populi fuisse virum, quod præstantissimus fuisset in conficiendis voluptatibus.

7. Ergo in iis adolescentibus bonam spem esse dicemus, & magnam indolem, quos tuis commodis inservituros, & quidquid ipsis expediat, facturos arbitramur? nonne videmus, quanta perturbatio rerum omnium consequatur? quanta confusio: tollitur beneficium: tollitur gratia: sunt vincula concordia. Nec enim, si tuam ob causam cuiquam commodos, beneficium illud habendum est; sed foeneratio: nec gratiâ deberi videtur ei, qui suam ob causam commodaverit.

8. Maximas verò virtutes jacere omnes necesse est. Voluptate dominante, sunt etiam turpitudines plurimæ. Quæ nisi honestas naturæ plurimum valeat, tur non cadant in sapientem, non est facile defendere. Ac, ne plura complectar (sunt enim innumerabilia) benè laudata virtus, voluptatis aditus intercludat necesse est. Quod jam à me expectare noli, tute introspecte in mentem tuam ipse: eamque omni cogitatione perspektans percontare ipse te, perpetuisne malis voluptatibus perfruens, in ea quam sæpè usurpabas, tranquillitate degere, omnem ætatem sine dolore, assumpto etiam illo, quod vos quidem adjungere soletis? (sed fieri non potest, sine doloris metu) an, cum de omnibus gentibus optimè merèrè, cum opem indigentibus, salutemque ferres, vel Herculis perpeti ærumnas (sic enim majores nostri labores non fugiendos, tristissimo tamen verbo ærumnas etiam à Deo nominaverunt.) Exigerem ex te, cogeremque ut responderes, nisi vererer, ne Herculem ipsum ea, quæ pro salute gentium summo labore gessisset, voluptatis causa gessisse dicerès.

IMITATIO.

Serviet in quocunque Voluptatis contemptore dignis laudibus

bus extollendo, adolescente praesertim, qui si continens sit, reliquam facile vitam cum virtute traducet. Rursum in voluptatis sectatore digna reprehensione perstringendo, hic locus idoneus imitanti futurus est; quod contrariorum eadem sit disciplina.

§. 9.

Locus communis de justitia Principum, Cic.
lib. 2. Offic.

Justitia studium, inter ceteras virtutes maximè ornare virum principem.

In exordio tradit, virtutis existimatione quemvis, maximè in vulgo admirabilem reddi, & in primis justitiæ.

Rationem dat 1. Ab effectis, quia talis eas res non metuit, quas alii reformidant; & eas facile spernit, quas alii concupiscunt. 2. A comparatione, quod nec vita quidem privata agrestium, aut Mercatorum, vel etiam prædonum, inter sese absque justitiâ ratione queat subsistere, quando magis ad Reip. administrationem requiretur. 3. A fine; quia Iustitiâ obtinenda gratia & Reges primum instituti sint, & leges condita. 4. A contrario; quod inani tantum simulatione, atque ostentatione virtutis, nemo veram gloriam consecutus sit.

Cicero ad M. fil.

Quemadmodum contemnuntur ii, qui nec sibi, nec alteri profunt, ut dicitur; in quibus nullus labor, nulla industria, nulla cura est: sic admiratione quadam afficiuntur ii, qui anteire ceteros virtute putantur, & cum omni carere dedecore, tum verò iis vitiis, quibus alii non facile possunt obistere. Nam & voluptates blandissimæ dominæ, sæpè majores partes animi à virtute detorquent: & dolorum cum admoventur faeces præter modum plerique exterrentur: vita, mors, divitiæ, paupertas omnes homines vehementissimè promovent. Quæ si qui in utramq; partem, excelsò animo, magnoque despiciunt;

cumque aliqua his ampla. & honesta res objecta est, totos ad se convertit, & rapit: quis tum non admiretur splendorem, pulchritudinemque virtutis? Ergo & hæc animi perspicientia admirabilitatem magnam facit: & maximè iustitia, ex qua una virtute viri boni appellantur, mirifica quædam res multitudini videtur.

1. Nec injuria, nemo enim iustus esse potest, qui mortem, qui dolorem, qui exilium, qui egestatem timeret: aut qui ea, quæ his sunt contraria, æquitati anteponit, maximèque admirantur eum, qui pecunia non movetur, quod in quo viro perspectum sit, hunc dignum spectatu arbitrantur, itaque illa tria, quæ proposita sunt, ad gloriam, omnia iustitia conficit, & benevolentiam, quod prodesse vult plurimis; & ob eandem causam fidem, & admirationem; quod eas res spernit & negligit, ad quas plerique inflammati aviditate rapiuntur.

2. Ac mea quidem sententia omnis ratio, & institutio, vitæ adjumenta hominum desiderat, inprimisque ut habeas, quibuscum possis familiares conferre sermones: quod est difficile, nisi speciem præ te boni viri feras. Ergo etiam solitario homini atque in agro vitam agentis opinio iustitiæ necessaria est, eoque etiam magis, quod, si eam non habebunt, iniusti habebuntur; & nullis præsidii septi multis afficientur injuriis. Atque his etiam qui vendunt, emunt, conducunt, locant, contrahendisque negotiis implicantur, iustitia ad rem gerenda necessaria est, cujus tanta vis est, ut nec illi quidem, qui maleficio & scelere pascuntur, possint sine ulla particula iustitiæ vivere. Nam qui eorum cuipiam, qui unà latrocinantur, furatur aliquid, aut clam eripit, is sibi ne in latrocinio quidem relinquit locum, ille autem qui archipirata dicitur, nisi æquabiliter prædam dispartiat, aut occidetur à sociis, aut relinquetur, quin etiam leges latronum esse dicuntur, quibus pareant, quas observent. Itaque propter æquabilem prædæ partitionem & Bargulus Illyricus latro, de quo est apud Theopompum, magnas opes habuit; & multò majores Viriathus Lusitanus: cui quidem exercitus nostri, imperatoresque cesserunt: quem C. Cælius, is, qui sapiens usurpatur, prætor fregit, & comminuit; ferocitatemque ejus ita repressit,

ut facile bellum reliquis traderet. Cum igitur tanta vis justitiæ sit, ut etiam latronum opes firmet atque augeat, quantam ejus vim, inter leges, & judicia, & instituta recipere putamus?

3. Mihi quidem non apud Medos solum, ut ait Herodotus, sed apud etiam majores nostros, fruendæ justitiæ causa, videntur olim bene morati Reges constituti. Nam cum premeretur initio multitudo ab iis, qui majores opes habebant, ad unum aliquem confugiebant, virtute præstantem; qui, cum prohiberet injuriâ tenuiores, æquitate constituenda, summos cum infimis pari jure retinebat. Eademque constituendarum legum fuit causa, quæ Regum Jus enim semper quæsitum est æquabile: neque enim aliter est jus. Id si ab uno justo, & bono viro consequerentur, eo erant contenti, cum id minus contingeret, leges sunt inventæ, quæ cum omnibus semper una atque eadem voce loquerentur. Ergo hoc quidem perspicuum est, eos ad imperandum deligi solitos, quorum de justitia magna esset opinio, multitudinis adjuncto verò hoc, ut iidem etiam prudentes haberentur; nihil erat, quod homines his auctoribus, non posse consequi se arbitrentur. Omni igitur ratione colenda & retinenda justitia est, tum ipsa propter sese (nam aliter justitia non esset) tum propter amplificationem honoris, & gloriæ.

4. Sed ut pecuniæ quærendæ non solum ratio est, sed etiam collocandæ, quæ perpetuos sumptus suppeditet, nec solum necessarios sed etiam liberales: sic gloria quærenda & collocanda ratio est, quanquam præclare Socrates hanc viam ad gloriam proximam, & quasi compendiosam, dicebat esse; si quis id ageret, ut, qualis haberi vellet, talis esset. Quod si qui simulatione, & mani ostentatione, ficto non modo sermone, sed etiam vultu stabilem se gloriam consequi posse rentur, vehementer errant. Vera gloria radices agit, atque etiam propagatur: ficta omnia celeriter, tanquam flosculi decidunt; nec simulatum potest quidquam esse diuturnum, testes sunt permulti in utramque partem: sed brevitate causa, familiâ erimus contenti unâ. T. enim Gracchus, P. filius, tam diu laudabitur, dum memoria rerum Romanarum manebit: at ejus filii nec vivi probantur

cumque aliqua his ampla. & honesta res objecta est, totos ad se convertit, & rapit: quis tum non admiretur splendorem, pulchritudinemque virtutis? Ergo & hæc animi perspicientia admirabilitatem magnam facit: & maximè iustitia, ex qua una virtute viri boni appellantur, mirifica quædam res multitudini videtur.

1. Nec injuria, nemo enim iustus esse potest, qui mortem, qui dolorem, qui exilium, qui egestatem timet: aut qui ea, quæ his sunt contrariâ, æquitati anteposit, maximèque admirantur eum, qui pecunia non movetur, quod in quo viro perspectum sit, hunc dignum spectatu arbitrantur, itaque illa tria, quæ proposita sunt, ad gloriam, omnia iustitia conficit, & benevolentiam, quod prodesse vult plurimis; & ob eandem causam fidem, & admirationem; quod eas res spernit & negligit, ad quas plerique inflammata aviditate rapiuntur.

2. Ac mea quidem sententia omnis ratio, & institutio, vitæ adjumenta hominum desiderat, inprimisque ut habeas, quibuscum possis familiares conferre sermones: quod est difficile, nisi speciem præ te boni viri feras. Ergo etiam solitario homini atque in agro vitam agenti opinio iustitiæ necessaria est, eoque etiam magis, quod, si eam non habebunt, iniusti habebuntur; & nullis præsidiiis septi multis afficientur injuriis. Atque his etiam qui vendunt, emunt, conducunt, locant, contrahendisque negotiis implicantur, iustitia ad rem gerenda necessaria est, cujus tanta vis est, ut nec illi quidem, qui maleficio & scelere pascuntur, possint sine ulla particula iustitiæ vivere. Nam qui eorum cuiquam, qui unâ latrocinantur, furatur aliquid, aut clam eripit, is sibi ne in latrocinio quidem relinquit locum, ille autem qui archipirata dicitur, nisi æquabiliter prædam dispertiat, aut occidetur à sociis, aut relinquetur, quin etiam leges latronum esse dicuntur, quibus pareant, quas observent. Itaque propter æquabilem prædæ partitionem & Bargulus Illyricus latro, de quo est apud Theopompum, magnas opes habuit; & multò majores Viriathus Lusitanus: cui quidem exercitus nostri, imperatoresque cesserunt: quem C. Cælius, is, qui sapiens usurpatur, prætor fregit, & comminuit; ferocitatemque ejus ita repressit,

ut facile bellum reliquis traderet. Cum igitur tanta vis justitiæ sit, ut etiam latronum opes firmet atque augeat, quantam ejus vim, inter leges, & judicia, & instituta Reip. fore putamus?

3. Mihi quidem non apud Medos solum, ut ait Herodotus, sed apud etiam majores nostros, fruendæ justitiæ causa, videntur olim bene morati Reges constituti. Nam cum premeretur initio multitudo ab iis, qui majores opes habebant, ad unum aliquem confugiebant, virtute præstantem; qui, cum prohiberet injuriâ tenuiores, æquitatē constituenda, summos cum infimis pari jure retinebat. Eademque constituendarum legum fuit causa, quæ Regum. Jus enim semper quæsitum est æquabile: neque enim aliter est jus. Id si ab uno justo, & bono viro consequerentur, eo erant contenti, cum id minus contingeret, leges sunt inventæ, quæ cum omnibus semper una atque eadem voce loquerentur. Ergo hoc quidem perspicuum est, eos ad imperandum deligi solitos, quorum de justitia magna esset opinio, multitudinis adjuncto verò hoc, ut iidem etiam prudentes haberentur; nihil erat, quod homines his auctoribus, non posse consequi se arbitrentur. Omni igitur ratione colenda & retinenda justitia est, tum ipsa propter sese (nam aliter justitia non esset) tum propter amplificationem honoris, & gloriæ.

4. Sed ut pecuniæ quærendæ non solum ratio est, sed etiam collocandæ, quæ perpetuos sumptus suppeditet, nec solum necessarios sed etiam liberales: sic gloria quærenda & collocanda ratio est, quanquam præclare Socrates hanc viam ad gloriam proximam, & quasi commendariam, dicebat esse; si quis id ageret, ut, qualis haberi vellet, talis esset. Quod si qui simulatione, & mani ostentatione, ficto non modo sermone, sed etiam vultu stabilem se gloriam consequi posse rentur, vehementer errant. Vera gloria radices agit, atque etiam propagatur: ficta omnia celeriter, tanquam flosculi decidunt; nec simulatum potest quidquam esse diuturnum, testes sunt permulti in utramque partem: sed brevitas causa, familiâ erimus contenti unâ. T. enim Gracchus, filius, tam diu laudabitur, dum memoria rerum Romanarum manebit: at ejus filii nec vivi probantur

cumque aliqua his ampla & honesta res obiecta est, totos ad se convertit, & rapit: quis tū non admiretur splendorem, pulchritudinemque virtutis? Ergo & hæc animi perspicientia admirabilitatem magnam facit: & maximè iustitia, ex qua una virtute viri boni appellantur, mirifica quædam res multitudini videtur.

1. Nec injuria, nemo enim iustus esse potest, qui mortem, qui dolorem, qui exilium, qui egestatem timet: aut qui ea, quæ his sunt contraria, æquitati anteponit, maximèque admirantur eum, qui pecunia non movetur, quod in quo viro perspectum sit, hunc dignum spectatu arbitrantur, itaque illa tria, quæ proposita sunt, ad gloriam, omnia iustitia conficit, & benevolentiam, quod prodesse vult plurimis; & ob eandem causam fidem, & admirationem, quod eas res spernit & negligit, ad quas plerique inflammati aviditate rapiuntur.

2. Ac mea quidem sententia omnis ratio, & institutio, vitæ adjumenta hominum desiderat, inprimisque ut habeas, quibuscum possis familiares conferre sermones: quod est difficile, nisi speciem præ te boni viri feras. Ergo etiam solitario homini atque in agro vitam agentis opinio iustitiæ necessaria est, eoque etiam magis, quod, si eam non habebunt, iniusti habebuntur; & nullis præsidiiis septi multis afficientur injuriis. Atque his etiam qui vendunt, emunt, conducunt, locant, contrahendisque negotiis implicantur, iustitia ad rem gerenda necessaria est, cujus tanta vis est, ut nec illi quidem, qui maleficio & scelere pascuntur, possint sine ulla particula iustitiæ vivere. Nam qui eorum cuiquam, qui unà latrocinantur, furatur aliquid, aut clam eripit, is sibi ne in latrocinio quidem relinquit locum, ille autem qui archipirata dicitur, nisi æquabiliter prædā dispertiat, aut occidetur à sociis, aut relinquetur, quin etiam leges latronum esse dicuntur, quibus pareant, quas observent. Itaque propter æquabilem prædæ partitionem & Bargulus Illyricus latro, de quo est apud Theopompum, magnas opes habuit; & multò majores Viriathus Lusitanus: cui quidem exercitus nostri, imperatoresque cesserunt: quem C. Cælius, is, qui sapiens usurpatur, prætor fregit, & comminuit; ferocitatemque ejus ita repressit,

ut facile bellum reliquis traderet. Cum igitur tanta vis
justitiæ sit, ut etiam latronum opes firmet atque augeat,
quantam ejus vim, inter leges, & judicia, & instituta Reip.
fore putamus?

3. Mihi quidem non apud Medos solum, ut ait Herodo-
tus, sed apud etiam majores nostros, fruendæ justitiæ causa,
videntur olim bene morati Reges constituti. Nam cum
premeretur initio multitudo ab iis, qui majores opes ha-
bebant, ad unum aliquem confugiebant, virtute præstan-
tem; qui, cum prohiberet injuriâ tenuiores, æquitate
constituenda, summos cum infimis pari jure retinebat. Ea-
demque constituendarum legum fuit causa, quæ Regum.
Jus enim semper quæsitum est æquabile: neque enim
aliter est jus. Id si ab uno justo, & bono viro conseque-
bantur, eo erant contenti, cum id minus contingeret, le-
ges sunt inventæ, quæ cum omnibus semper una atque
eadem voce loquerentur. Ergo hoc quidem perspicuum
est, eos ad imperandum deligi solitos, quorum de justitia
magna esset opinio, multitudinis adjuncto verò hoc, ut
idem etiam prudentes haberentur; nihil erat, quod ho-
mines his auctoribus, non posse consequi se arbitarentur.
Omni igitur ratione colenda & retinenda justitia est, tum
ipsa propter sese (nam aliter justitia non esset) tum propter
multiplicationem honoris, & gloriæ.

4. Sed ut pecuniæ quærendæ non solum ratio est, sed
etiam collocandæ, quæ perpetuos sumptus suppeditet,
nec solum necessarios sed etiam liberales: sic gloria quæ-
renda & collocanda ratione est, quanquam præclare So-
crates hanc viam ad gloriam proximam, & quasi com-
mendatiam, dicebat esse; si quis id ageret, ut, qualis ha-
beri vellet, talis esset. Quod si qui simulatione, &
vani ostentatione, ficto non modo sermone, sed etiam
vultu stabilem se gloriam consequi posse rentur, veh-
ementer errant. Vera gloria radices agit, atque etiam
propagatur: ficta omnia celeriter, tanquam flosculi de-
cidunt; nec simulatum potest quidquam esse diuturnum,
estes sunt permulti in utramque partem: sed brevita-
tis causa, familiâ erimus contenti unâ. T. enim Gracchus,
filius, tam diu laudabitur, dum memoria rerum
Romanarum manebit: at ejus filii nec vivi probantur

talibus viris quid ratione dicere? si contendissent, scio imperaturos non fuisse: cum illi sanctissimi viri fuerint; æquè autem nefas sit, tale aliquid, & facere rogatum, & rogare. At vero T. Gracchum sequebantur C. Carbo, C. Cato, & minime tunc quidem Cajus frater; nunc idem acerrimus hostis.

2. Hæc igitur prima lex in amicitia sancitur, ut neque rogemus res turpes, nec faciamus rogati, turpis enim exculatio est, & minimè accipienda, cum in cæteris peccatis, tum si quis contra rempublicam se amici causa fecisse fateatur. Etenim eo loco, Fanni & Scævola, locati sumus, ut nos longè conspiciere oporteat casus futuros reip. deflexit enim jam aliquantulum de spatio, curriculoque consuetudo majorum T. Gracchus regnum occupare conatus est, vel regnavit is quidem paucos menses. Num quid simile populus R. audierat aut viderat: hunc etiam post mortem secuti amici, & propinqui, quid in P. Scipionem effecerint, sine lachrymis non queo dicere. Nam Carbonem quoque, quem modò posuimus, propter recentem poenam T. Gracchi sustinuimus. De C. Gracchi autem tribunatu, quid exspectem, non libet augurari. Serpit enim deinde res, quæ proclivis ad perniciem, cum semel cœpit, labitur. Videtis, in tabella jam ante, quantò sit facta labes, primo Gabinia lege, biennio autem post Cassia. Videre jam videor Pop. R. a senatu disjunctum, multitudinisque arbitrio res maximas agi. Plures enim discent, quemadmodum hæc fiant, quam quemadmodum his resistatur.

3. Quorsum hæc? quia sine sociis nemo quidquam tale conatur. Præcipiendum est igitur bonis, ut, si in ejusmodi amicitias ignari casu aliquo inciderint, ne existiment ita se alligatos, ut ab amicis in magna re aliqua in temp. peccantibus non discedant. Improbis autem poena statuenda est, nec minor verò iis, qui secuti erunt alterum, quàm iis, qui ipsi fuerint impietatis duces. Quis clarior in Græcia Themistocle, quis potentior? qui, cum imperator bello Persico servitute Græciam liberasset, propterque invidiam in exilium pulsus esset, ingrata patriæ injuriam non tulit, quam ferre debuit. Fecit idem, quod viginti annis ante apud nos fecerat Coriolanus. His adiutor contra patriam

triam inventus est nemo. Itaque mortem sibi conscivit uterque. Quare talis improborum consensus non modo excusatione amicitiae tegenda non est, sed potius omni supplicio vindicanda.

IMITATIO.

Ionatha & Davidis amicitia ex his vera amicitia regulis probari, fratrum Ioseph concordia in fratre divendendo improbari poterit, ostendique quemadmodum hac omnibus & turpis & noxia fuerit. Paria se ex profana sacraque Historia exempta offerent.

§. 8.

Locus communis adversus voluptatem.

Dissertatio, Cicer. lib. 2. de fin. §. 13.

Voluptatem homini fugiendam esse, contra Epicureos.

Indignam homine voluptatem esse tradit, quam nec bestia quidem consectentur, & siquidem in illa summum nostrum bonum esset, bestia hominibus beatiores futura essent, ut quibus multa facilius ad voluptatem affluant.

Probat 1. Ex causis, ut labore impensisque hominum in exercitiis integros, qui voluptatis privata studio comparantur. 2. Ex fine, quia ad majora nati sumus, si animum ejusque affectiones expendamus 3. Ex materia, quod in ipso etiam corpora alia bona voluptate praestantiora reperiantur. 4. Ab effectis. Artes hominum sunt varia, quae ad voluptatem non exercentur. 5. A comparatione, quia Dii ipsi hoc bono voluptatis beari non potuerunt, cum sint corporum expertes. 6. Rursum ab effectis. Nemo laudatorum hominum ex voluptatis studio laudem tulit. 7. Omne beneficium erga alios hac via tollitur. 8. A contrario, virtutis cura cum voluptate non potest consistere. Concludit ita; ut Torquatum ipsum de se suoque labore jubeat pronuntiare sententiam, an voluptatis causa aliis benefecerit.

Cice-

Cicero ad Torquatum voluptatis Epicureæ Patronum.

Hominis, mi Torquate, summum bonum reperiendum est; voluptatem bestiis concedamus, quibus vos de summo bono testibus uti soletis. Quid si etiam bestiae multa faciunt, duce sua quæque natura, partim indulgenter, vel cum labore; ut in gignendo, in educando perfacile appareat, aliud quiddam iis propositum, quam voluptatem? turtures & cursu, & peregrinatione lætantur: congregatione alia cœtum quodammodo civitatis imitantur. Videmus in quodam volucrum genere nonnulla indici pietatis, cognitionem, memoriam, in multis etiam disciplinam. Ergo in bestiis erunt secreta à voluptate humanarum quædam simulacra virtutum: in ipsis hominibus virtus, nisi voluptatis causa, nulla erit? & homini, qui cæteris animantibus plurimum præstat, præcipui à natura nihil datum esse dicemus? Nos verò si quidem in voluptate sunt omnia, longè, multumque superamur à bestiis: quibus ipsa terra fundit ex sese pastus varios: varietque abundantes nihil laborantibus: nobis autem, aut vix, aut ne vix quidem, suppetunt multo labore quærentibus, nec tamen ullo modo summum pecudis bonum, & hominis idem mihi videri potest.

1. Quid enim tanto opus est instrumento in optimis artibus comparandis, quid tanto concursu honestissimorum studiorum, tanto virtutum comitatu, si ea nullam ad aliam rem, nisi ad voluptatem conquiruntur? ut, si Xerxes, cum tantis classibus, tantisque equestribus & pedestribus copiis, Hellesponto juncto, Athòve perfosso maria ambulavisset, terramquem navigavisset, si, cum tanto impetu in Græciam venisset, causam ejus, quis ex eo quæreret, tantarum copiarum, tantique belli metu se afferre ex Hymetto voluisse diceret, certè sine causa videretur tanta conatus: sic nos sapientem, plurimis, & gravissimis artibus atque virtutibus instructum, & ornatum, non, ut illum, maria pedibus peragrantem, classibus montes, sed omne cœlum, totamque cum universo mari terram mente complexum, voluptatem petere sic dicemus, mellis causa dicemus tantam molitum.

2. Ad altiora quædam & magnificentiora, mihi crede
Tor-

Torquate, nati sumus, nec id ex animi solum partibus, in quibus inest memoria rerum innumerabilium, vitæ quidem infinita inest, conjectura consequentium, non multum a divinatione differens, inest moderator cupiditatis pudor, inest ad humanam societatem justitiæ fida custodia: Inest in perpetiendis laboribus, adeundisque periculis firma, & stabilis doloris mortisque contemptio. Ergo hæc in animis, tum autem etiam membra ipsa sensusque considero: qui tibi, ut reliquæ corporis partes, non comites solum virtutum, sed ministri etiam videbuntur.

3. Quid, si in ipso corpore multa voluptati præponenda sunt, ut vires, valetudo, velocitas, pulchritudo? quid tandem in animos censes; in quibus illi doctissimi veteres inesse quiddam cœleste & divinum putaverunt. Quod si esset in voluptate, summum bonum (ut dicitis) optabile esset in voluptate maxima, nullo intervallo interjecto dies noctesque versari, cum omnes sensus dulcedine omni quasi perfusi moverentur. Quis est autem dignus nomine hominis, qui unum diem totum velit esse in isto genere voluptatis? Cyrenaici quidem non recusant, vestri hæc veretundius: illi fortasse constantius.

4. Sed lustremus animo non has maximas artes, quibus qui carebant, inertes à majoribus nominabantur. Sed quæro, num existimes, non dico Homerum, Archilochum, Pindarum, sed Pleidiam, Polycletum, Zeuxin, ad voluptates artes suas direxisse? Ergo opifex plus sibi proponet ad formarum, quam civis excellens ad factorum pulchritudinem? quæ autem est alia causa erroris tanti tam longè latèque diffusi, nisi quod is qui voluptatem summum bonum esse dixerit, non cum ea parte animi, in qua inest ratio, atque consilium, sed cum cupiditate, id est, cum animi levissima parte, deliberat?

5. Quæro enim de te, si sunt Dii, ut vos etiam putatis, qui possunt esse beati, cum voluptates corpore percipere non possint? aut si sine eo genere voluptatis beati sunt, cur similem animi usum in sapiente esse nolitis?

6. Lege laudationes, Torquate, non eorum, qui sunt ab Homero laudati, non Cyri, non Agesilai, non Aristidis, non Themistoclis, non Philippi, non Alexandri: lege nostrorum hominum, lege vestræ familiæ: neminem vide-

videbis, ita laudatum, ut artifex callidus comparandatum voluptatum diceretur, non elogia monumentorum id significant, velut hoc monumentum Calatini ad portam, uno ore cui plurimæ consentiunt gentes, populi, primum fuisse virum. Idne censuisse de Calatino plurimas gentes arbitramur, primum populi fuisse virum, quod præstantissimus fuisset in conficiendis voluptatibus.

7. Ergo in iis adolescentibus bonam spem esse dicemus, & magnam indolem, quos tuis commodis inservituros, & quidquid ipsis expediat, facturos arbitramur? nonne videmus, quanta perturbatio rerum omnium consequatur? quanta confusio: tollitur beneficium: tollitur gratia: sunt vincula concordiae. Nec enim, si tuam ob causam cuiquam commodos, beneficium illud habendum est; sed foeneratio: nec gratia deberi videtur ei, qui suam ob causam commodaverit.

8. Maximas verò virtutes jacere omnes necesse est. Voluptate dominante, sunt etiam turpitudines plurimæ. Quæ nisi honestas natura plurimum valeat, cur non cadant in sapientem, non est facile defendere. Ac, ne plura complectar (sunt enim innumerabilia) bene laudata virtus, voluptatis aditus intercludat necesse est. Quod jam à me expectare noli, tute introspecte in mentem tuam ipse: eamque omni cogitatione perspectans percontare ipse te, perpetuissime malis voluptatibus perfruens, in ea quam sæpè usurpabas, tranquillitate degere, omnem ætatem sine dolore, assumpto etiam illo, quod vos quidem adjungere soletis? (sed fieri non potest, sine doloris metu) an, cum de omnibus gentibus optimè merère, cum opem indigentibus, salutemque ferres, vel Herculis perpeti ærumnas (sic enim majores nostri labores non fugiendos, tristissimo tamen verbo ærumnas etiam à Deo nominaverunt.) Exigerem ex te, cogeremque ut responderes, nisi vererem, ne Herculem ipsum ea, quæ pro salute gentium summo labore gessisset, voluptatis causa gessisse diceres.

IMITATIO.

Serviet in quocunque Voluptatis contemptore dignis laudibus

bis extollendo, adolescente praesertim, qui si continens sit, reliquam facile vitam cum virtute traducet. Rursum in voluptatibus sectatore digna reprehensione perstringendo, hic locus idoneus imitanti futurus est; quod contrariorum eadem sit disciplina.

§. 9.

Locus communis de justitia Principum, Cic.
lib. 2. Offic.

Justitia studium, inter ceteras virtutes maximè ornare virum principem.

In exordio tradit, virtutis existimatione quemvis, maximè in vulgo admirabilem reddi, & imprimis justitia.

Rationem dat 1. Ab effectis, quia talis eas res non metuit, quas alii reformidant; & eas facile spernit, quas alii concupiscunt. 2. A comparatione, quod nec vita quidem privata agrestium, aut Mercatorum, vel etiam praeconum, inter sese absque justitia ratione queat subsistere, quando magis ad Reip. administrationem requiretur. 3. A fine; quia iustitia obtinenda gratia & Reges primum instituti sint, & leges conditae. 4. A contrario; quod inani tantum simulatione, atque ostentatione virtutis, nemo veram gloriam consecuturus sit.

Cicero ad M. fil.

Quemadmodum contemnuntur ii, qui nec sibi, nec alteri profunt, ut dicitur; in quibus nullus labor, nulla industria, nulla cura est: sic admiratione quadam afficiuntur ii, qui anteire ceteros virtute putantur, & cum omni carere dedecore, tum verò iis vitiis, quibus alii non facile possunt obistere. Nam & voluptates blandissimae dominæ, sæpè majores partes animi à virtute detorquent: & dolorum cum admoventur faeces præter modum plerique exterreantur: vita, mors, divitiæ, paupertas omnes homines vehementissimè promovent. Quæ si qui in utramque partem, excelsio animo, magnoque despiciunt;

cumque aliqua his ampla, & honesta res objecta est, totos ad se convertit, & rapit: quis tunc non admiretur splendorem, pulchritudinemque virtutis? Ergo & hæc animi perspicientia admirabilitatem magnam facit: & maximè iustitia, ex qua una virtute viri boni appellantur, mirifica quædam res multitudini videtur.

1. Nec injuria, nemo enim iustus esse potest, qui mortem, qui dolorem, qui exilium, qui egestatem timeret: aut qui ea, quæ his sunt contrariâ, æquitati anteponebat, maximèque admirantur eum, qui pecunia non movetur, quod in quo viro perspectum sit, hunc dignum spectatu arbitrantur, itaque illa tria, quæ proposita sunt, ad gloriam, omnia iustitia conficit, & benevolentiam, quod prodesse vult plurimis; & ob eandem causam fidem, & admirationem; quod eas res spernit & negligit, ad quas plerique inflammati aviditate rapiuntur.

2. Ac mea quidem sententia omnis ratio, & institutio, vitæ adjumenta hominum desiderat, inprimisque ut habeas, quibuscum possis familiares conferre sermones: quod est difficile, nisi speciem præ te boni viri feras. Ergo etiam solitario homini atque in agro vitam agenti opinio iustitiæ necessaria est, eoque etiam magis, quod, si eam non habebunt, iniusti habebuntur; & nullis præsidii septi multis afficientur injuriis. Atque his etiam qui vendunt, emunt, conducunt, locant, contrahendisque negotiis implicantur, iustitia ad rem gerenda necessaria est, cujus tanta vis est, ut nec illi quidem, qui maleficio & scelere pascuntur, possint sine ulla particula iustitiæ vivere. Nam qui eorum cuiquam, qui unâ latrocinantur, furatur aliquid, aut clam eripit, is sibi ne in latrocinio quidem relinquit locum, ille autem qui archipirata dicitur, nisi æquabiliter prædam dispartiat, aut occidetur à sociis, aut relinquetur, quin etiam leges latronum esse dicuntur, quibus pareant, quas observent. Itaque propter æquabilem prædæ partitionem & Bargulus Illyricus latro, de quo est apud Theopompum, magnas opes habuit; & multò majores Viriathus Lusitanus: cui quidem exercitus nostri, imperatoresque cessarunt: quem C. Cælius, is, qui sapiens usurpatur, prætor fregit, & comminuit; ferocitatemque ejus ita repressit,

ut facile bellum reliquis traderet. Cum igitur tanta vi-
justitiæ sit, ut etiam latronum opes firmet atque augeat;
quantam ejus vim, inter leges, & judicia, & instituta Reip.
fore putamus?

3. Mihi quidem non apud Medos solum, ut ait Herodo-
tus, sed apud etiam majores nostros, fruendæ justitiæ causa,
videntur olim bene morati Reges constituti. Nam cum
premeretur initio multitudo ab iis, qui majores opes ha-
bebant, ad unum aliquem confugiebant, virtute præstan-
tem; qui, cum prohiberet injuriâ tenuiores, æquitatē
constituenda, summos cum infimis pari jure retinebat. Ea-
demque constituendarum legum fuit causa, quæ Regum
Jus enim semper quæsitum est æquabile: neque enim
aliter est jus. Id si ab uno justo, & bono viro conseque-
bantur, eo erant contenti, cum id minus contingeret, le-
ges sunt inventæ, quæ cum omnibus semper una atque
eâdem voce loquerentur. Ergo hoc quidem perspicuum
est, eos ad imperandum deligi solitos, quorum de justitia
magna esset opinio, multitudinis adjuncto verò hoc, ut
eisdem etiam prudentes haberentur; nihil erat, quod ho-
mines his auctoribus, non posse consequi se arbitrentur.
Omni igitur ratione colenda & retinenda justitia est, tum
ipsa propter sese (nam aliter justitia non esset) tum propter
amplificationem honoris, & gloriæ.

4. Sed ut pecuniæ quærendæ non solum ratio est, sed
etiam collocandæ, quæ perpetuos sumptus suppeditet,
nec solum necessarios sed etiam liberales: sic gloria quæ-
renda & collocanda ratio est, quanquam præclare So-
crates hanc viam ad gloriam proximam, & quasi com-
pendiariam, dicebat esse; si quis id ageret, ut, qualis ha-
beri vellet, talis esset. Quod si qui simulatione, &
nani ostentatione, ficto non modo sermone, sed etiam
vultu stabilem se gloriam consequi posse rentur, vehe-
menter errant. Vera gloria radices agit, atque etiam
propagatur: ficta omnia celeriter, tanquam flosculi de-
cidunt; nec simulatum potest quidquam esse diuturnum,
cestes sunt permulti in utramque partem: sed brevita-
tis causa, familiâ erimus contenti unâ. T. enim Gracchus,
P. filius, tam diu laudabitur, dum memoria rerum
Romanarum manebit: at ejus filii nec vivi probantur

à bonis, & mortui numerum obtinent jure cæsorum. Qui igitur adipisci veram Justitiæ gloriam volet, justitiæ fungatur officiis.

IMITATIO.

Serviet, cum vel remp. aliquam, vel Christianam primi sæculi disciplinam, vel virum aliquem Principem, aut Magistratum, à justitiæ & æquitatis ratione commendas, quâ Rex Salomon præcipuè in suo regno omnibus admirabilis, & gloriæ suæ visus est.

CAPUT XVII.

Loci aliquot communes, qui inductione argumentorum extrinsecorum, per exempla potissimum, exornantur.

QUandoquidem ad communium locorum tractationem, singularium aliquando rerum factorumq; exempla petuntur; ut ex quorum probatione rebus universè tractatis fides dignitasque major asseritur: nolui eorum inductionem negligere; cum præter utilia, quæ de morum disciplina præcepta continent, non injucundam sæpe historiarum varietatem complectantur.

§. I.

Locus communis, de vita beat.

Beatam vitam non esse sitam in externis, aut internis corporibus bonis. Cicero Tusc. q. I. §. n. 91.

& s. q.

Ab exemplis, quibus singulæ rationes nituntur.

1. Oreditur ab opibus, & exemplis docet, beatiores esse, qui has aspernantur: miseros, qui ad luxum in epulis præsertim, abundant. Ciborum condimentum optimum famem & laborem esse.

2. Ostem-

2. Ostendit in honoris & ambitionis fuga beatiorē vitam esse. Quod horor ex inconstantis, & bonorum saepe hominum contemptoris vulgi iudicio deferatur, ut exemplis docet.

3. Docet Exilium non posse sapientis hominis beatam vitam tollere, & plerisque Philosophorum extra patriam beatè vixisse.

4. Cœcitatem sapientis felicitatem non evertere, variis exemplis declaratur.

5. Nec surditatem hanc tollere, ostenditur.

Concludit denique nec omnia hæc mala in unum congesta beatè vivendi finem facere.

Cicero ad Brutum.

1. Quæ res pecuniæ cupiditatem afferunt, ut amor, ut ambitioni, ut quotidianis sumptibus copiæ suppetant, cum (*Sapiens*) procul ab iis omnibus rebus absit, cur pecuniam magnopere desideret, vel potius curet omnino? Quam multa non desidero, inquit Xenocrates, cum legati ab Alexandro quinquaginta ei talenta, quæ erat pecunia temporibus illis, Athenis præsertim, maxima. Abduxit legatos ad cœnam in Academiam, iis apposuit tantum quod satis esset, nullo apparatu, cum postridie rogarent eum, cui numerari juberet. Quid? vos hesternæ, inquit, cœnula non intellexistis me pecunia non egere? quas cum tristiores vidisset, triginta minas accepit, ne aspernari Regis liberalitatem videretur. At verò Diogenes liberius ut Cynicus Alexandro roganti, ut diceret, si quid sibi opus esset. Nunc quidem paululum, inquit, à sole absis, offecerat videlicet apricanti. Et hic quidem disputare solebat, quantò Regem Persarum vita fortunaque superaret, sibi nihil deesse: illi nihil satis unquam fore. Scelus voluptates non desiderare, quibus nunquam satiari ille posset: suas cum consequi nullo modo posse. Extenuatur magnificentia & sumptus epularum, quod parvo cultu natura contenta sit. Etenim quis hoc non videt desiderii ista condiri omnia? Darius in fuga cum aquam turbidam & cadaveribus inquinatam bibisset, negavit unquam se bibisse jucundius. Nunquam videlicet sitiens biberat, neque esumens Ptolomæus ederat: cui cum peragranti Ægyptum,

tum, comitibus non consecutis, cibarius in casa panis datus esset, nihil visum est illo pane jucundius. Socratem ferunt, cum usque ad vesperum contentius ambularet, quæsitumque ex eo esset, quare id faceret: respondisse, se, quo melius cœnaret opsonare ambulando famem. Quid? victum Lacedæmoniorum in phiditiis nonne videmus? ubi cum Tyrannus cœnavisset Dionysius, negavit se jure illo nigro, quod cœnæ caput erat, delectatum. Tum is, qui coxerat, minimè mirum, inquit: condimenta defuerunt. Quæ tandem, inquit ille? labor in venatu, sudor, cursus ab Eurota, fames, sitis. His rebus Lacedæmoniorum epulæ condiuntur. Atque hoc non ex hominum more solum, sed etiam ex bestiis intelligi potest, quæ, ut quidquid objectum est, quomodo a natura non sit alienum, eo contentæ non quærunt amplius. Civitates quædam universæ, more doctæ, parsimoniadelectantur, ut de Lacædemoniis paulò ante diximus. Persarum à Xenophonte victus exponitur quos negat ad panem adhibere quidquam, præter nasturcium. Quanquam, si quædam etiam suaviora natura desideret, quam multa externa, arboribusque gignuntur, cum copia facili, tum suavitate præstantia? adde siccitatem, qui consequitur hanc continentiam in victu, adde integritatem valetudinis. Conser sudantes, ructantes, refertos epuli, tanquam opimos boves; tum intelliges, qui voluptatem maximè sequantur, eos minimè consequi: jucunditatemque victus esse in desiderio, non satietate. Timotheum, clarum hominem Athenis, & principem civitatis, ferunt, cum cœnavisset apud Platonem, eoque convivio admodum delectatus esset, vidissetque eum postridie, dixisse: vestræ quidem cœnæ non solum præsentī, sed etiam postero die jucundæ sunt. Quid, quod ne mente quidem rectè uti possunt, multo cibo, & portione completi? est præclara epistola Platonis ad Dionis propinquos: in qua scriptum est his fere verbis. Quo, cum venissem, vita illa beata, quæ ferebatur plena Italicarum, Syracusanarumque mensarum, nullo modo mihi placuit. Bis in die saturum fieri, nec unquam perpoctare solum: cæteræque quæ comitantur hanc vitam, in qua sapiens nemo efficitur unquam, moderatus verò multo minus. Quæ natura tam mirabiliter temperari potest?

quo

quo modo igitur iucunda vita potest esse, à qua absit prudentia? absit moderatio? Ex quo Sardanapali, opulentissimi Syriæ Regis, error agnoscitur, qui incidi iussit in busto.

Hæc habeo, quæ edi, quæque ex saturata libido

Hansu: at illa jacent multa, & præclaræ reliquæ.

Quid aliud, inquit Aristoteles, in bovis, non in Regis, sepulchro inscriberes? hæc habere se mortuum dicit, quæ ne vivus quidem diutius habebat, quàm fruebatur. (ur igitur divitiæ desiderentur? aut ubi paupertas beatos esse non finit? signis credo, tabulis, ludis? si qui his delectatur, nonne melius tenues homines fruuntur, quàm illi, qui his abundant? est enim earum omnium rerum nostra in urbe summa in publico copia. Quæ qui sunt privati. nec habent tam multa, & rarò vident, cum in sua rura venerint. Quos tamen pungit aliquid, cum illa unde habeant recordantur. Dies deficiet, si velim paupertatis causam defendere. Aperta enim res est, & quotidie nos ipsa natura admonet, quàm paucis, quàm parvis rebus egeat, quàm vilibus.

2. Num igitur ignobilitas, aut humilitas, aut etiam popularis offensio, sapientem beatum esse prohibebit? vide, ne plus commendatio in vulgus, & hæc, quæ expetitur, gloria, molestiæ habeat, quàm voluptatis. Leviculus sanè noster Demosthenes, qui illo susurro delectari se dicebat, aquam ferentis mulierculæ, ut mos in Græcia est, insusurrantisque alteri. Hic est ille Demosthenes. Quid hoc levius? at quantus orator? sed apud alios loqui scilicet didicerat, non multum ipse secum. Intelligendum est igitur, nec gloriam popularem ipsam per se expetendam, nec ignobilitatem extimescendam. Veni Athenas, inquit Democritus: neque quisquam ibi agnovit. Constantem hominem, & gravem, qui gloriatur à gloria se abfuisse. Antibicines, iique, qui fidibus utuntur, suo, non multitudinis arbitrio, cantus, numerosque moderantur: vir sapiens, multò arte majore præditus, non quid verissimum sit, sed quid velit vulgus, exquiret? an quidquam stultius, quàm quos singulos, sicut operarios, barbarosque contemnas, eos aliquid putare esse universos? ille

verò nostras ambitiones, levitatesque contemnet, honoresque populi etiam ultro delatos, repudiabit: nos autem eos nescimus, antequam poenitere coepit, contemnere. Est apud Heraclitum Physicum, de principe Ephesiorum Hermodoro. *Unversos*, ait, *Ephesios esse morte multandos*, quod cum civitate expellerent Hermodorum, ita locuti sunt, nemo de nobis unus excellat: sed, si quis extiterit, alio in loco, & apud alios sit. An hoc non ita fit omni in populo? nonne omnem exsuperantiam virtutis oderrunt? Quid? Aristides (malo enim Græcorum, quam nostrā proferre) nonne ob eam causam expulsus est patria, quod præter modum justus esset? Quantis igitur molestiis vacant, qui nihil omninò cum populo contrahunt? Quid est enim dulcius otio litterato? iis dico litteris, quibus infinitatem rerum atque naturæ, & in hoc ipso mundo cælum, terras; maria cognoscimus.

3. Contempto igitur honore, contempta etiam pecunia, quid relinquitur, quod extimescendum sit, exilium credo: quod in maximis malis ducitur. Id si propter alienam, & offensam populi voluntatem malum est: quam ea sit contemnenda, paulò ante dictum est. Sin abesse à patria miserum est, plenæ miserorum provinciæ sunt: ex quibus admodum pauci in patriam revertuntur. At multantur bonis exules. Quid tum? parumne multa de toleranda paupertate dicuntur? jam verò exilium, si rerum naturam, non ignominiam nominis quærimus, quantum demum à perpetua peregrinatione differt? in qua ætates suas Philosophi nobilissimi consumpserunt, Xenocrates, Crantor, Arcesilas, Lacydes, Aristoteles, Theophrastus, Zeno, Cleanthes, Chrysippus, Antipater, Carneades, Panætius, Clitomachus, Philo, Antiochus Possidonius? innumerabiles alii, qui semel egressi, nunquam domum revertere. At enim non sine ignominia. Igitur ignominia afficere poterit sapientem? de sapiente enim est hæc omnis oratio, cui jure id accidere non possit, nam jure exulantem consolari non oportet. Postremò ad omnes casus facillima est ratio eorum, qui ad voluptatem ea ferunt, quæ sequuntur in vita: ut quocunque hæc loco suppeditent, ibi beatè vivere queant. Itaque ad omnem rationem Teuceri vox accommodari potest.

Patria est, ubicunque est bene. Socrates quidem cum rogaretur cujatem civitatem se esse diceret. Mundanum, inquit, totius enim mundi se incolam, & civem arbitrabatur. Quid T. Albutius? nonne animo æquissimo Athenis exul philosophabatur? cui tamen illud ipsum non accidisset, si in republica quiescens, Epicuri legibus paruisset. Qui enim beator? Epicurus, qui in patria vivebat; quàm Metrodorus, quod Athenis? an Plato Xenocraten vincebat, aut Polemo Arcesilam, quo esset beator? quanti verò illa civitas æstimanda est, ex qua boni sapientesque pelluntur? Demaratus quidem Tarquinii, regis nostri, pater Tyrannum Cypsellum quod ferre non poterat, fugit Tarquinius Corintho, & ibi suas fortunas constituit, ac liberos procreavit. Num stultè anteposuit exilii libertatem domesticæ servituti? Jam verò motus animi, sollicitudines, ægritudinesque oblivione leniuntur, traductis animis ad voluptatem. Non sine causa igitur, Epicurus ausus est dicere, semper in pluribus bonis esse sapientem, quia semper sit in voluptatibus. Ex quo effici putat ille, quod quærimus, ut sapiens semper beatus sit.

4. Etiamne, si sensibus carebit oculorum, si aurium? etiam. Nam ista ipsa contemnit. Primum enim horribilis ista cæcitas quibustandem caret voluptatibus? cum quidam etiam disputent, cæteras voluptates in ipsis habitare sensibus: quæ autem adspectu percipiuntur, ea non versari in ulla oculorum jucunditate, ut ea, quæ gustemus, olfaciamus, tractemus, audiamus, ut ipsa ea; ubi sentimus, parte versentur, in oculis tale nihil sit: animus accipit quæ videmus. Animo autem multis modis, variisque delectari licet, etiam si non adhibeatur adspectus. Loquor autem de docto homine & erudito, cui vivere est, cogitare; sapientis enim cogitatio non fermè ad vestigandum adhibet oculos advocatos. Etenim si nox non adimit vitam beatam, cur dies nocti similis adimat? nam illud Antipatri Cyrenaici est quidem paulò obscœnius, sed non absurda sententia est: cujus cæcitatem cum mulierculæ lamentarentur, quid agitis, inquit, an vobis, nulla videtur vopras esse nocturna? Appium quidem veterem illum, qui cæcus annos multos fuit & ex magistratibus, &

ex rebus gestis intelligimus, in illo suo casu, nec privato, nec publico muneri defuisse. C. autem Drusi domum compleri consultoribus solitam accepimus: cum quorum res esset, sua ipsi non videbant, cœcum adhibebant ducem. Pueris nobis, Cn. Aufidius prætorius & in senatu sententiam dicebat, nec amicis deliberantibus deerat, & Græcam scribebat historiam, & videbat in literis, Diodorus Stoicus, cœcus multos annos nostræ domi vixit. Is verò quod credibile vix esset, cum in Philosophia, multò etiam magis assidue quam antea, versaretur, & cum fidibus Pythagoreorum more uteretur, sumque ei libri noctes, & dies legerentur, quibus in studiis oculis non egebat, tamen, quod sine oculis fieri posse vix videtur, Geometriæ munus tuebatur, verbis præcipiens discuntibus, undè, quo, quamque lineam scriberent. Asclepiadem ferunt, non ignobili, Eretriacum Philosophum, cum quidam quæreret, quid ei cæcitas attulisset? respondisse, ut puero non esset comitator, ut enim vel summa paupertas tolerabilis sit, si liceat, quod quibusdam Græcis quotidie: sic cæcitas ferri facile possit, si non desint subsidia valetudinum. Democritus luminibus amissis, alba scilicet, & atra discernere non poterat, at verò bona, mala: æqua, iniqua: honesta, turpia: utilia, inutilia: magna, parva poterat: & sine varietate colorum licebat vivere beatè: sine notione rerum non licebat. Atq; hic vir impediti animi etiam aciem ad spectu oculorum arbitratur; & cum alii sæpè, quod esset ante pedes, non viderent, ille in infinitatem omnem peregrinabatur, ut nulla in extremitate consisteret. Traditum est etiam, Homerum cœcum fuisse. At ejus picturam, ac poësin videmus, quæ regio, quæ ora, qui locus Græciæ, quæ species, formaque pugnæ, quæ acies, quod remigium, qui metus hominum, qui ferarum, non ita expictus est, ut, quæ ipse non viderit, nos ut videremus, effecerit? Quid ergò aut Homero ad delectationem animi ac voluptatem, aut cuiquam docto defuisse unquam arbitramur? aut, ni ita res se haberet, Anaxagoras, aut hic ipse Democritus, agros & patrimonium sua reliquissent? huic discendi, quærendique divinæ delectationi toto se animo dedissent? itaque augurem Tiresiam, quem sapientem fingunt poëtæ, nunquam inducunt

ducunt deplorantem cæcitatem suam: at verò Polyphemum Homerus cùm immanem, ferumque finxisset, cum ariete etiam colloquentem facit, ejusque laudare fortunas, quod, qua vellet ingredi posset & quæ vellet attingere. Rectè hic quidem, nihilo enim erat ipse Cyclops, quam aries ille prudentior.

5. In surditate verò quidnam est mali? erat Surdaster M. Crassus: sed aliud molestius, quod malè audiebat, etiam si, ut mihi videbatur, injuriâ. Epicurei nostri Græcè fari nesciunt, nec Græci Latinè, ergo hi in illorum, & illi in horum sermone surdi: omnesque id non in iis linguis, quas non intelligimus, quæ sunt innumerabiles, surdi profecto sumus. At vocem citharædi non audiunt: ne stridorem quidem ferrarum, cum acuitur: aut grunitum, cum jugulatur sus: nec, cum quiescere volunt, fremitum murmurantis maris, & si cantus eos, forte delectant, primum cogitare debent, antequam hi sint inventi, multos beatè vixisse sapientes. Deinde multò majorem percipi posse legendis his, quàm audiendis voluptatem. Tum, ut paulò ante cæcos ad aurium traducebamus voluptatem, si licet surdos ad oculorum. Et enim qui secum loqui poterit, sermonem alterius non requirit. Congerantur in unum omnia, ut idem oculis, & auribus captus sit: prematur etiam doloribus acerrimis corporis: qui primum per se ipsi plerumque conficiunt hominem: deinde fortè longinquitate producti, vehementius tamen torquent, quam ut causa sit, cur ferantur; quid est tandem: Dii boni, quod laboremus? portus enim præsto est, quoniam mors est æternum nihil sentienti receptaculum.

IMITATIO.

In multis hic locus imitanti serviet, sive enim luxum Epulonis, e.g. contemnas, ac paupertatem Lazari, contemptumque illius opibus honoribusque præferas; sive exilium Chrysostomi, Imperatoris aula præferas, sive Homeri aut Democriti aliqujus cæcitatem, aliæve ejus generis ornare dicendo volueris, copia hic imitandi futura est.

§. 2.

Locus communis

Cicer. l. i. Offic.

Non eandem vitæ agendæ rationem convenire omnibus, sed diversis diversum vitæ statum rationemque incundam.

A causis & affectis per exempla stabilitis.

1. Ostendit, per exempla, nos licet ejusdem rationis participes (in quo tanquam communi persona conveniamus) tamen in propria quemque persona maximè alteri dissimilem esse, alios lepidos, apertosque, graves alios, tectosque, &c.

2. Quemque vitam actionesque aptè ad personam propriam formare debere; cum sæpe eadem actio, qua unum deceat, dedecet alterum. Vnde histriones etiam aptam sibi personam solent imitari.

3. A nostra voluntate pendere, ut certum studiorum ac vitæ genus eligamus (licet quandoque casus ad tempus personam nobis aliquam imponat) unde alii majorum via abstant, insistant alii, ut exemplis tradit.

4. Difficillima hac de certo vitæ genere est deliberatio, in qua quisque naturam maximè suam in consilium adhibere tenetur.

5. Quod si in electione sese aberrasse senserit, pedetentim, dum licet, recedendum erit.

6. Concludit non vitia, sed virtutes majorum imitandas, idque in omnium potestate esse.

Cicero ad Marc. filium.

1. Duabus quasi à natura indutos nos esse personis, intelligendum est, quarum una est communis ex eo, quod omnes participes sumus rationis, præstantiæque ejus qua antecellimus bestiis, à qua omne honestum decorumque trahitur, & ex qua ratio inveniendi officii exquiritur: altera autem, quæ propriæ singulis est tributa ut enim in corporibus magnæ dissimilitudines sunt, (alios enim videmus

demus velocitate ad cursum, alios viribus ad luctandū valere, itemq; in formis aliis dignitatē inesse, aliis venustatem) sic & in animis existunt etiam majores varietates, erat in L. Crasso & Philippo multus lepos, major etiam, magisq; de industria in C. Cæsare L. filio, at in eisdem temporibus in M. Scauro & in M. Druso adolescente singularis severitas, in C. Lælio multa hilaritas, in ejus familiari Scipione ambitio major, vita tristior. De Græcis autem dulcem & facetum festivique sermonis, atque in omni oratione simulatorem, quem *εἰρωνία* Græci nominaverunt, Socratem accepimus, contra Pythagoram & Periclem summam auctoritatem consecutos sine ulla hilaritate. Callidum Hannibalem ex Pœnorum, ex nostris ducibus Q. Maximum accepimus facile celare, tacere, dissimulare, insidiari, præripere hostium consilia. In quo genere Græci Themistoclem Atheniensem & Pharaum Jasonem cæteris anteponunt, inprimisque versutum & callidum factum Solonis, qui, quò & tutior vita ejus esset, & plus aliquantò Reipublicæ prodesset, furere se simulavit. Sunt his alii multum dispares, simplices & aperti, qui nihil ex occulto, nihil ex insidiis agendum putant, veritatis cultores, fraudis inimici, itemque alii, qui quidvis perpetiantur, cuivis deserviant, dum quod velint, consequantur, ut Syllam & M. Crassum videbamus. Quo in genere versutissimum, & patientissimum Lacedæmonium Lyfandrum accepimus. Contraque Callicratidam, qui præfectus classis proximus post Lyfandrum fuit. Itemque in sermonibus alium quidem videmus, quamvis præpotens sit, efficere, ut unus de multis esse videatur. Quod in Catulo, & in patre, & in filio, idemque & in Q. Mucio Mancino videntur, audiui & ex majoribus natu hoc idem fuisse in P. Scipione Nasica; contraque patrem ejus illum qui Ti. Gracchi conatus perditos vindicavit, nullam comitatem habuisse sermonis, ne Xenocratem quidem, severissimum Philosophorum, ob eamque rem ipsam, magnum clarumque fuisse. Innumerabiles aliæ dissimilitudines sunt naturæ morumque minimè tamen vituperandorum.

2. Admodum autem tuenda sunt sua cuique, non vitiosa, sed tamen propria, quò facilius decorum illud, quod quærimus retineatur. Sic enim est faciendum, ut contra naturam

turam universam nihil contendamus, ea tamen conservata propriam naturam sequamur, ut etiam si sint alia graviora, atque melliora, tamen nos studia nostra naturæ regula metiamur, neque enim naturæ attinet repugnare, nec quicquam sequi, quod assequi nequeas. Ex quo magis emergit, quale sit decorum illud, ideo, quia nihil decet *in vita*, ut ajunt, *Minerva*, id est, adversante & repugnante natura. Omnino, si quidquam est decorum, nihil est profectò magis, quàm æquabilitas universæ vitæ, ac singulorum actionum, quàm conservare non possis, si aliorum naturam imiteris, omittas tuam. Ut enim sermone eo debemus uti, qui notus est nobis; ne, ut quidam, Græca verba inculcantes, jure optimo rideamur; sic in actiones omnemque vitam nullam discrepantiam conferre debemus.

2. Suum igitur quisque noscat ingenium, acremque se & vitiorum, & bonorum suorum judicem præbeat; ne scenici plus quàm nos, videantur habere prudentiæ. Illi enim non optimas, sed sibi accommodatissimas, fabulas eligunt. Qui enim voce freti sunt, Epigonos, Medeamque, qui gustu Menalippam, Clytemnestram, semper Rupilius, quem ego memini Antiopam: non sæpe Æsopus Ajacem, ergo histrio hoc videbit in scena, quod non videbit sapiens in vita? Ad quas igitur res aptissimi erimus, in iis potissimum elaborabimus. Sin aliquando necessitas nos ad ea detruserit, quæ nostri ingenii non erunt, omnis adhibenda erit cûra, meditatio, diligentia, ut ea, si non decorè, at quàm minimùm indecorè facere possimus, nec tam est enitendum, ut bona, quæ nobis data non sunt, sequamur, quàm ut vitia fugiamus.

Ac duabus his personis, quas supra dixi, tertia adiungitur, quam casus aliquis, vel tempus imponit, quarta etiam quam nobis metipsis iudicio nostro accommodabimus. Nam regna, imperia, nobilitates, honores, divitiæ, opes, eaque quæ sunt his contraria, in casu sita, temporibus gubernantur, ipsi autem, quàm personam gerere velimus, à nostra voluntate profiscitur. Itaque se alii ad Philosophiam, alii ad jus civile, alii ad eloquentiam applicant: ipsarumque virtutum in alia alius mavult excellere, quorum verò patres, aut majores, in aliqua gloria præstiterunt, eorum plerique in hoc genere laudis student excellere, ut Quintus Mucius Publii filius in jure civili, Paulli filius Afri-

Africanus in re militari. Quidam ad eas laudes, quas à patribus acceperunt, addunt aliquam suam, ut hic idem Africanus eloquentia cumulavit bellicam gloriám. Quod idem fecit Timotheus Canonis filius, qui cum belli laude non inferior fuisset, quàm pater, ad eam laudem doctrinæ & ingenii gloriám adjecit. Fit autem interdum, ut nonnulli, omiſſa imitatione majorum, suum quoddam institutum conſequantur, maximèque in eo plerumque elaborant ii, qui magna sibi proponunt obscuris orti parentibus. Hæc igitur omnia cum quærimus, quæ deceant, complecti animo & cogitatione debemus.

4. Inprimis autem constitutum est, quos nos, & quales esse velimus, & in genere vitæ, quæ deliberatio est omnium difficillima, ineunte etiam adolescentia, cum inest imbecillitas consilii, tunc id sibi quisque genus ætatis degendæ constituit, quod maximè adamvit: Itaque ante implicatur aliquo certo genere cursuque vivendi, quàm potuit, quod optimum esset, judicare. Nam quod apud Herculem Prodicus dicit (ut est apud Xenophontem) cum primum pubesceret, quod tempus à natura ad diligendum, quam quisque viam vivendi sit ingressurus datum est, exiisse in solitudinem atque ibi sedentem diu secum, multumque dubitasse, cum duas cerneret vias, unam voluptatis, alteram virtutis, utram ingredi, melius esset. Hoc Herculi Jovis factu edito potuit fortasse contingere, nobis non item, qui imitamur quos cuique visum est, atque ad eorum studia institutaque impellimur, plerumque autem parentum præceptis imbuti, ad eorum consuetudinem moremque deducimur. Alii multitudinis judicio feruntur, quæque majori parti pulcherrima videntur, ea maximè exoptant, nonnulli tamen, sive felicitate quadam, sive bonitate naturæ, sive parentum disciplina, rectam vitæ secuti sunt viam. Illud autem maximè rarum eorum, qui aut eccellente ingenii magnitudine, aut præclara eruditione atque doctrina, aut utraque re ornati spatium deliberandi habuerunt, quem potissimum vitæ cursum sequi vellent, in qua deliberatione, ad suam cujusque naturam consilium est omne revocandum. Nam cum omnibus, quæ aguntur, ex eo modo, quo quisque natus est, (ut supra dictum est) quid deceat, exquirimus: tum in tota vita constituenda, multò est ejus rei cura major

major adhibenda, ut constare in vitæ perpetuitate possimus nobis met ipsis, nec in ullo officio claudicare, ad hanc autem rationem, quoniam maximam vim natura habet, fortuna proximam: utriusq; omnino ratio habenda est, in deligendo genere vitæ: sed naturæ magis, multo enim & firmitior est, & constantior: ut fortuna nonnunquam ipsa mortalis, cum immortali natura pugnare videatur, qui igitur ad naturæ suæ non vitiosæ genus, consilium vitæ omne contulerit, is constantiam teneat, id enim maximè decet.

5. Nisi fortè se errasse intellexerit in deligendo genere vitæ, quod si acciderit (potest autem accidere) facienda morum iustitutorumq; mutatio est. Eam igitur mutationem, si tempora adjuvabunt, facilius commodiusque faciemus, sin minus, sensim erit pedetentimque facienda. Ut amicitias, quæ minus delectent, & minus probentur, magis decere censent sapientes, sensim dissuescere quam repentè præcidere. Commutato autem genere vitæ, omni ratione curandum est, ut id bono consilio fecisse videamur.

6. Sed quoniam paulo ante dictum est, imitandos esse majores, primum illud exceptum sit, ne vitia sint imitanda, deinde, si natura non ferret, ut quædam imitari possint, ut superioris Africani filius, qui hunc Paullo natum adoptavit, propter infirmitatē valetudinis, non tam patris potuit similis esse, quàm ille fuerat sui: si gitor non poterit; sive causas defensitare, sive populum concionibus tenere, sive bella gerere; illa tamen præstare debebit, quæ erunt in ipsius potestate, iustitiam, fidem, liberalitatem, modestiam, temperantiam, quo minus ab eo id, quod desit, requiratur, optima autem hæreditas à patribus traditur liberis, omnique patrimonio præstantior, gloria virtutis rerumque gestarum, cui dedecori esse nefas, & vitium iudicandum est.

IMITATIO.

Hac imitativo legenda erunt, si vel consilium alteri, de statu vitæ prudenter eligendo, dare; vel laudare rectè legentem, temerè verò ad quodvis vitæ genus ruentem damnare constituerit. Cujus descriptionis exemplum D. Bernardus vel Augustinus esse poterit,

§. 3.

Locus communis de morum diversitate.

*Exempli inductione illustratus.**Diversos homines diversis moribus artibusque delectari. Tyrius dissert. 7.*

Spartam olim veniebat Syracusanus quidam Sophista, qui neque elegantiam dicendi cum Prodico, neque inanem garrulitatem cum Hippia, neque artificium orationis cum Gorgia, neque injustitiæ patrocinium profitebatur cum Trasymacho, nec in ulla denique liberalium disciplinarum parte versabatur. Contra verò tota Syracusii hujus Sophistæ ars in ipsa actione, & quidem tali, quæ cum usu pariter quotidiano ac voluptate esset conjuncta, ponebatur. Obsonia quippe cibosque eleganter præparabat, variisque condimentis aptè concinneque compositis igni admotos, gratiores, quam per se erant, efficiebat. Ut propemodum non minus jam esset apud Græcos celebre in hac arte Mithæci nomen, quam in statuaria Phidiaz. Spartam ergò se contulit bonus ille vir, quo tempore reliquis adhuc imperabat urbibus, nobilemque suam illam integram servabat potentiam; idque artis suæ fiducia, quam gratissimam illis futuram judicabat. Quæ spes eum vehementer frustrata est. Magistratus namque Lacedæmonius statim ad se vocavit hominem, jussitque finibus suis excederet, aliamque in terram, populumque eum, cui & voluptatem artis suæ, & usum commendare posset, se conferret. Se enim statuisse, si quo condimento cives egerent, non aliunde id, quam à labore mutuari: ideoque necessario tantum cibo non artificioso sibi opus esse, quippe cum in nutriendis corporibus, nullis illecebris, sed simplicitate quadam victus uterentur, quæ non magis, quam leonum corpora, egere condimentis existimabant. Ita Mithæcus cum arte sua Sparta excessit. Nec tamen minus propterea reliquis acceptus fuit Græcis, quorum pro voluptatis suæ studio singuli amplexi sunt eum, non pro contemptu Lacedæmoniorum

rejecerunt. Quod si & ab aliis videtur artibus, non patilo, quam hæc Mithæci fuit, honestioribus, exempla esse desumenda; scimus Thebanos tibiæ cantu delectari, & hanc musam quasi vernaculam esse Bæotis. Athenienses eloquentiæ operam dant, ut verè oratorium studium dici possit ars Attica. Disciplina Cretensium est venari, montes superare, sagittare, currere. Theſſalorum equitare, Cyrenensium aurigari. Aëtolorum prædari. Jaculo Arcananes, pelta valent Thraces, Insulani navigant. Quod si aliorum studia ad alios transferas, perit natura atq; usus singulorum. Quid enim navibus mediterraneo opus est, aut tibiis, qui inflare eas nescit, aut equo, qui in montibus, aut curriculis, qui in compestri terrâ habitat, aut arcu cataphracto, aut sagittario clypeo? Sicut igitur in illis diversas artes diversa loci populique ingenia, aut diversa consuetudo amorq; consuetudinis distinguit, neque singulæ earum aut omnibus gratz, quia quibusdam sunt; aut invisæ omnibus, quia nonnullis sunt; sed pro usu hominum laudatur unaquæque: quid vetat eos, qui tam præclaræ reip. cives futuri sunt, quos ex rationis præscripto Plato, sub novis legibus & quæ nihil cum vulgaribus commune habent, eduxit, rursus, ex ejusdem rationis præscripto, consuetudines quasdam & instituta servare, quibus à teneris innutriti sunt ipsi: Fieri enim potest, ut hæc illam amplectantur, quia ex usu suo esse sciunt: alii verò non item, quibus non conveniunt. Si enim urbem unam cum alterâ, aut cum republ. rempubl. aut leges cum legibus, aut cum legislatore, legislatorem, aut cum educatione educationem conferre nobis esset propositum, non sine ratione institui posset hæc comparatio: cum scire vellemus, quid deesset singulis. At verò si quis partem totius segregatam sumat, eamque seorsim intueatur, deque ea ex hominibus, qui vel usi ea, vel non usi sunt, inquirat, ita fortasse fieri posset, ut omnia quibus utuntur homines, æquè ab honore & infamia distarent, nec facilè judicare posset, utrum alteri præferendum esset? Quippe & educationes, remedia, & vivendi rationes, aliaque, quæ in quotidiano hominum versantur usu, non omnibus eadem sunt prorsus, sed unum sæpè idemque huic conducit, illi nocet: huic jucundum, illi molestum est. Facile enim aut usus, aut occasio, aut vita insti-

Institutum efficit, ut unum quodque horum aliud alii, esse videatur.

IMITATIO.

Diversa aetatum in homine studia, hoc pacto licebit describere, atque alia puero, alia juveni, alia viro, alia seni tribuere. Aut etiam Diogenem aliquem Alexandro Magno, vel politicum religioso homini opponere, &c.

§. 4.

Locus communis, de injuria toleranda.

Viri fortis esse illatam injuriam patienter ferre, non ulcisci. Max. Tyrius dissert. 2.

1. Ratio est, quia malum quacunque de causa inferre non licet, aliàs nullus foret mali reponendi finis.

Exemplis id constat, cum ex hoc fonte varia perpetuaque inter Græcos bella emerferint: Et simili corporum infectorum, in quibus pars illasa servanda est.

2. Altera Ratio est, quod malum ulcisci gravius sit, quam inferre, cum improbus plerumque sit qui inferat, qui cum sua satis plectatur infamia, superari à probo improbitate non debet, ne illa in hunc derivetur; ut fuligo in attritantis manum.

A comparatione dissimilis, Athleta cum Athleta concurrentis, hoc illustratur, ubi pares arte congregiuntur, probus vero improbo inferior est.

3. Refutatur opposita ratio, quod vir bonus se non vindicans à malis opprimatur. Nam hoc contemnendum est à simili puerorum aliquem damnantium, & exemplo Socratis Atheniensium judicium iniquum ridentis, probatur.

1. Si simpliciter injuriam inferre improbum est, etiam referre injuriam, huic simile est. Etenim si improbius est, qui infert injuriam, quod incipit: improbitate ei certe æquatur, qui hoc ipsum reddit. Et si is, qui injuriam facit, malè facit: qui malum malo compensat, non minus malè facit: quamvis malum ulciscitur, nam ut qui beneficium

reddat, ei à quo accepit prius, nihilominus bene facit, quamvis acceperit prius: Ita qui remuneratur malum, non minus malè facit, quamvis prius malè acceptus sit. Et quis erit obscuro finis mali? Si enim perpetuò qui injuria affectus est, malum malo compensat, necesse est ab uno ad alium transire, & quasi transilire malum: atque ita injuriam excipiet injuria, quoniam quo jure permittis ei, qui injuria affectus est, ut injuriam injuriæ auctori reddat, eodem jure redit iterum ad eundem vindicta, eadem enim juris in utroque ratio est. Vide præterea, per Jovem, quid facias, qui jus constituis ex injuriis. Quousque quæso se diffundet hoc malum? ubi desinet? non vides quid facias? perennis improbitatis fontem excitas: legemque fers, quam primam malorum causam totum universum agnoscas.

2. Nec est aliud profectò, quod mala omnia hominibus invexit. Hinc Græcæ primum barbaræque classes mare transmiserunt. Hinc impetum aliæ in alterius terram facere, atque omnia vastare cœperunt: dum semper præsentī injuriæ priorem obtendunt. Phœnices Argivis regiam puellam ereptum eunt: Græci Colchis barbaram. Phryges e Peloponneso Laconicam mulierem rapiunt. Vides seriem malorum, vides belli causas, & per ordinem sceleribus cumulatū scelus. Non alia sunt, quæ perdidere Græciam: quàm injuriæ propriæ æstimatio, quæ in finitimos quoque erupit, quàm furor implacabilis, ira immortalis, vindictæ cupido, juris ignorantia. Etenim si omnes, quos prius injuria invasit, hoc persuadere sibi potuissent, injuriam ipsam iis, qui inferunt, malum esse maximum: eamque, vel bello, vel direptione murorum, vel populationibus terrarum atque incendiis, vel cujuslibet tyrannidis everfione, pœnam graviorem esse; nunquam tot tantisque calamitatibus redundasset Græcia. Potidæam Athenienses obsident: permitte hoc illis Spartane: brevi post eos cœpti pœnitebit. Noli malum hoc imitari, noli eandem incurrere infamiam. Quia si prætextum hunc amplecteris, & Plateas petis, periit tibi Melus vicina insula, periit amœnissima insularum Aëgina, pariit Sicyone urbs socia. Pro una quam cœpisti urbe, multas evertes. Nam ut illi, qui lucri causa maris periculo se commit-

tunt,

tunt : magno scœnore se obstringunt ; itaque in vindicando iræ indulgent, maximo se calamitatum scœnore involvunt. Rursus tibi Atheniensis dico : Sphacteriam expugnasti, captivos Spartanis redde, dum fors favet, modestiam in consilium adhibe : sin minus id feceris, homines servabis, triremes, amittes. Lisander ad Hellespontum feliciter rem gerit, nec Sparta se capit. Vide ne Thebas tangas, sin minus, adversam circa Leuctra fortunam lachrymabis, apud Mantineam calamitatem plorabis. Occultam instabilemque fortunæ potentiam ! Hanc ob causam Aristophani non succensebat Socrates, nec indignabatur Melito, nec Anytum vindicabat, sed alta voce, exclamabat, vitam eripere fortasse Anytus & Melitus mihi possunt, lædere non possunt. Non enim ab improbo detrimentum potest accipere vir bonus.

3. Hæc ipsa iustitiæ vox est : quæ si ab omnibus eodem modo usurparetur, nulla tragœdia extaret, nullam scænæ calamitatem ostenderent. Vasta illa ac multiplex malorum seges, ab humanis exularet rebus. Nam ut in corporum morbis ii maximè nocere, constantemque medici opem requirere solent, qui ulterius serpunt, ut quod adhuc est immune, servetur : ita cum in familiam, aut rempublicam, vel levissima iniustitiæ scintilla incidit ; cohiberi continuo debet, ut id quod superest, vindicetur. Hoc est, quod Pelopidas evertit, quod Heraclidas sustulit, quod totam Cadmi familiam, quod Persas, quod Macedonas, quod Græcos delevit. O morbum, & qui tot jam secula, terrarum orbem fatigat !

II. Non dubitabo equidem dicere, si quidem altera major sit injuriâ, magis improbum esse eum, qui illatam ulciscitur, quàm qui infert. Qui enim ex ignorantia juris injurius est, delicti sui præmium in infamia habet : at qui injuriam reddit, cum non minus injurius sit, infamiam illam in se derivat. Nam ut qui fuligine imbutum tractat, aut cum eo luctatur, necesse est corpus inficiat : ita qui cum improbo congreditur, & quasi volutatur, necessariò mali sit particeps, eadem imbuitur fuligine.

2. Ergo athletam, qui cum athleta ex æquo concurrit, ferre possum, neque studium utriusque reprehendo. Video enim parem indolem, parem curam, parem in utroque

victoriæ ardorem. At verò quoties cum improbo probus concurrat, non ex eadem palæstra, neque sub eodem ad luctam edoctus, nec eadem arte instructus, nec iisdem luctationibus innutritus, nec ejusdem coronæ competitor, aut præconii, infelix hæc meo judicio pugna est, & congressus impar. Quid enim obstat, quo minus superior in hoc stadio evadat improbus, ubi scelesti spectatores, & iniqui sunt iudices? Hic enim vir bonus & ab arte destituitur, & à scientia: neque diffidentia, aut sutelis, aut idolis aliisque instructus accedit artibus, quibus confirmatur ac robur assumit improbitas. Ut nihil aliud quàm risum excitaturus sit, qui cum improbo manum conferat, nec ingenio, nec arte, nec exercitatione par.

III. Sed hac ipsa de causa supplantatur vir bonus, dicet aliquis, calumniis sycophantiisque differtur, facultatibus exuitur, in vincula conjicitur, relegatur, infamia notatur, morti addicitur. Quid tum postea? quid si pueri alibi pro tribunali sederent, ac leges ferrent: atque ex earum legum præscripto hominem aliquem in iudicium vocarent, quem peccasse dicerent: & mox inter pueros suos infamem esse juberent, ejusque crepundia aliquot, ut puta talos, & si quæ ejusmodi essent, hastæ subjicerent, quid facturum hunc hominem putas? anne aliud quam ut suaviter rideat, ipsosque iudices cum calculis suis, & suffragiis cachinno explodat? Ita Athenienses ridebat Socrates, non aliter quam pueros, qui suffragio suo hominem mori juberent, quem natura jam ante jusserat mori. Neque aliud facturum est quilibet bonus probusque vir, quam ut risum rideat suavissimum, quoties improbos seriò ad se ire videbit, quasi rem gesturos maximam, cum tamen nihil possint. Sed & in media eorum contumelia illud Achillis exclamabit:

Haud Regi Superiùs contempnus abibo,

Quod si facultates quoque ejus auferre parent: eas ille non secus, quàm si crepundia eripiant, aut talos, demissurus est. Nec aliter si res ferat, morietur, quàm si morbo aliquo, febris puta, aut calculo; moriendum esset, neque mortis autoribus succenserebit.

IMITATIO.

Hæc quæ universè de injuriis fortiter perferendis dicta sunt, in singularibus ab imitante adhiberi possunt. Ut si quis Davidem Semei contumelias & opprobria magno animo contemnentes ferentemque, aut D. Paulum aliumve Christianum heroem, introducat.

§. 5.

Locus communis, de cura boni Principis.

*Nulla re facilius, quam injuriosa bonorum exactio-
ne, ac translatione: civium concordiam dissi-
pari. Cic. lib. 2. Offic.*

Ab exemplorum inductione.

1. Exorditur à boni principis cura, quâ providendum, ne vel exhausto arario, vel ex avaritia populum tribus gravet, quâ memorat Romam everfam.
2. Ostendit floruisse Romam sub liberalibus in temp. viris Paulo, Scipione, Africano, & Mummio.
3. Avaritia everti Resp. juxta Apollinis oraculum.
4. Agrarias res minimè tentandas, aliis enim injuria adimi, quod datur aliis. Ita concordiam tolli. Lyfandrum iccirco à Lacedæmoniis pulsum, occisum Agm, Græcos perditos.
5. Aratum Sicyonium Tyranno Nicocle occiso, exulibus re- vocatis, pecunia ab se comparata pro vidisse, ne reliqui à bonis possessis deturbandi tumultuarentur.
6. Concludit sapienter ob hoc factum, curandumque ut æqui- tate omnes in Rep. contineantur.

Cicero ad M. Filium.

1. Danda in rebus publ. opera est, ne propter æranii te- nuitatem, assiduitatemque bellorum, tributum sit confe- rendum, idque ne veniat, multò ante erit providendum. Sin qua necessitas hujus muneris alicui reip. obvenerit

danda erit opera, ut omnes intelligant, si salvi esse velint, necessitati esse parendum. Caput autem est in omni procuratione negotii, & muneris publici, ut avaritiæ pellatur etiam minima suspicio. Nondum centum & decem anni cum de pecuniis repetundis à L. Pisone lata esset lex, nulla antea cum fuisset. At verò postea tot leges, & proximæ quæque duriores; tot rei damnati, tantum Italicum bellum, propter judiciorum metum excitatum; tanta, sublatiis legibus, & judiciis expilatio, direptioque sociorum; ut imbecillitate aliorum, non nostra virtute valeamus.

2. Laudat Africanum Panætius, quod fuerit abstinentes. Quid ni laudetur? sed in illo alia majora: laus enim abstinentiæ non hominis est solum, sed etiam temporum illorum. Omni Macedonum gaza, quæ fuit maxima, potius est Paullus: tantum in ærarium pecuniæ invexit, ut unus Imperatoris præda finem attulerit tributorum. At hic nihil in domum suam intulit, præter memoriam nominis sempiternam, imitatus Patrem Africanus nihilo locupletior Carthagine eversâ. Quid? qui ejus collega in censura fuit L. Mummius? nunquid copiosior, cum copiosissimam urbem funditus sustulisset? Italiam ornare, quam domum suam, maluit. Quanquam Italiâ ornâtâ, domus ipsa mihi videtur ornatio. Nullum igitur vitium est tetrus; (ut eò, unde egressa est, referat se Oratio) quam avaritia, præsertim in principibus, & Remp. gubernatibus. Habere enim quæstui Remp. non modò turpe est, sed scelertum etiam, & nefarium.

3. Itaque, quod Apollo Pythius oraculo cecinit, Spartam nulla re alia, nisi avaritia, esse perituram, id videtur non solum Lacedæmoniis, sed & omnibus opulentiis prædixisse. Nulla autem re conciliare facilius benevolentiam multitudinis possunt ii, qui Reip. præsumt, quam abstinentia, & continentia.

4. Qui verò esse populares volunt, ob eamque causam, aut agrariam rem tentant, ut possessores suis sedibus pellantur, aut pecunias creditas debitoribus condonandas putant; labefactant fundamenta. Reipublicæ concordiam primùm tollunt, quæ esse non potest, cum aliis adimuntur, aliis condonantur pecuniæ; deinde æquitatem, quæ tollitur omnis, si habere suum cuique non licet,

licet. Id enim, & proprium, ut supra dixi, civitatis, atque urbis, ut sit libera, & non sollicita suæ rei cujusque custodia. Atque in hac pernicie Reipublicæ ne illam quidem consequuntur, quam putant, gratiam. Nam cui res erepta est, fit inimicus; cui data est, etiam dissimulat se accipere voluisse; & maximè in pecuniis creditis occultat suum gaudium, ne videatur non fuisse solvendo. At verò ille, qui accipit injuriam, & meminit, & præ se fert dolorem suum. Nec, si plures sunt ii, quibus improbè datum est, quam illi, quibus injustè ademptum est, ideo plus etiam valent. Non enim numero hæc judicantur, sed pondere. Quam autem habet æquitatem, ut agrum, multis annis, aut etiam seculis ante possessum, qui nullum habuit, habeat; qui autem habuit, amittat? at propter hoc injuriæ genus Lacedæmonii Lysandrum Ephorum expulerunt, Agin Regem, quod nunquam antea apud eos acciderat, necaverunt, ex quo eo tempore tantæ discordiæ secutæ sunt, ut Tyranni existerent, & optimates exterminarentur, & præclarissimè constituta Resp. dilaberetur. Nec vero solum ipsa cecidit, sed etiam reliquam Græciam evertit contagionibus malorum, quæ à Lacedæmoniis profectæ, manarunt latius. Quid? nostros Gracchos T. Gracchi summi viri filios, Africani nepotes, nonne Agrariæ contentiones perdiderunt.

5. At verò Aratus Sycionius jure laudatur, qui, cum ejus civitas quinquaginta annos à Tyrannis teneretur, profectus Argis Sicyonem, clandestino introitu urbe est potitus; cumque Tyrannum Nioclem improvisò oppressisset, sexcentos exules, qui fuerant ejus civitatis locupletissimi, restituit, remque pub. adventu suo liberavit. Sed, cum magnam adverteret in bonis & possessionibus difficultatem; quod & eos, quos & ipse restituerat, quorum bona alii possederant, egere iniquissimum arbitrabatur, & quinquaginta annorum possessiones movere, non nimis æquum putabat, propterea quod tam longo spatio multa hæreditatibus, multa emptionibus, multa dotibus detinebantur: sine injuria judicavit, neque illis adimi, neque his non satisfieri, quorum illa fuerant, oportere, cum igitur statuisset opus esse, ad eam rem constituendam pecunia, Alexandriam

se proficisci velle dixit, remque integram ad reditum suum iussit esse: isque celeriter ad Ptolomæum, suum hospitem, venit, qui tum regnabat alter post Alexandriam conditam: cui cum exposuisset, patriam se liberare velle, causamque docuisset: à rege opulento vir summus facile impetravit, ut grandi pecunia adjuvaretur, quam cum in Sicyonem attulisset, adhibuit sibi in concilium quindecim Principes, cum quibus causas cognovit & eorum, qui aliena detinebant, & eorum, qui amiserant, præfecitque æstimandis possessionibus & uti persuaderent aliis, ut pecuniam accipere vellent, & possessionibus cederent: aliis, ut commodius putarent, numerari sibi quod tanti esset, quam suum recuperare. Ita perfectum est, ut omnes, constituta concordia, sine querela discederent, o virum magnum, dignumque qui in nostra Rep. natus esset. Sic par est agere cum civibus, non, ut bis jam vidimus, hastam in foro ponere, & bona civium voci subicere præconis.

6. At ille Græcus, id quod fuit sapientis & præstantis viri, omnibus consulendum putavit, eaque est summa ratio, & sapientia summi civis, commoda civium defendere, non divellere, atque omnes æquitate eadem continere.

IMITATIO.

Iosephi Patriarcha providentia curaque, pro totius Ægypti salute suscepta, ad huius loci exemplum tractari atque exornari poterit, quâ non minus Regem, quam Ægyptum totam, vicinasque nationes sibi devinxit, cum nullum opprimeret, omnes sublevaret.

§. 6.

Locus communis de ratione imperandi. Cicero lib. 2. Offic.

Imperium in subditos benevolentia facilius, quam metu sustineri.

Ab eventu per exempla demonstrato.

1. In exordio causam exponit, cur alii sese aliis in imperio subijciant, docetque amore id facius, quàm metu fieri.

II. Probat 1. Iulii Caesaris tyranni interitu. Probat 2. ex eo quod cives suam diu libertatem opprimi, tanquam famuli sub Dominis, non patiantur. Prob. 3. Metuunt Principes omnes, quotquot metuuntur; ut exemplo Dionysii Syracusani, Alex. Pherai, Phalaris, Demetrii & Lacedamoniorum ostendit. Prob. 4. Paucorum in cives & socios tyrannide (ut P. Sylla, Provincias integras devastantis, bonis sub hasta venditis) Romanam Remp. everfam esse.

III. Concludit caritatis igitur rationem habendam.

Cicero ad, M. fil.

1. Subjiciunt se homines imperio alterius & potestati, pluribus de causis. Ducuntur enim, aut benevolentia, aut beneficiorum magnitudine, aut dignitatis præstantia, aut spe sibi id utile futurum; aut metu, ne vi parere cogantur; aut spe largitionis, promissionisque capri; aut postremo, ut sæpe in nostra rep. videmus, mercede conducti. Rerum autem omnium, nec aptius est quidquam ad opes tuendas, quàm diligi; nec alius quàm timeri, præclare Ennius:

Quem metuunt, oderunt:

Quem quisque odit, perisse expetit.

II. Multorum autem odiis nullas opes posse obsistere, si antea fuit ignotum, nuper cognitum, nec vero hujus Tyranni solum, quem armis oppressa pertulit civitas, interitus declarat, quantum odium hominum valet ad pestem; sed reliquorum similes exitus Tyrannorum; quorum haud ferè quisquam interitum similem effugit, malus enim custos diuturnitatis metus: contraque benevolentia fidelis est, vel ad perpetuitatem.

2. Sed iis, qui vi oppressos imperio coercere, sit sane adhibenda sævitia, ut heris in famulos, si aliter teneri non possunt. Qui verò in libera civitate ita se instruunt, ut metuuntur; his nihil potest esse dementius. Quamvis enim demersæ sint leges alicujus opibus, quamvis tremefacta libertas: emergunt tamen hæc aliquando aut judiciis tacitis, aut occultis de honore suffragiis, acriores au-

autem morsus sunt intermissæ libertatis, quàm retentæ. Quodigitur latissimè patet, neque ad incolumitatem solum; sed etiam ad opes, & potentiam valet plurimum, id amplectamur, ut metus absit, charitas retineatur. Ita facillimè quæ volumus, & privatis in rebus, & in Rep. consequemur.

3. Etenim qui se metui volent, à quibus metuuntur eodem metuant ipsi necesse est. Quid enim censemus superbirem illum Dionysium, quo cruciatu timoris angisolum, qui cultros metuens tonsorios, candente carbone sibi adurebat capillum? quid Alexandrum Pheræum, quo animo vixisse arbitramur? quî, ut scriptum legimus, cum uxorem Theben admodum diligeret, tamen ad eam ex epulis, in cubiculum veniens, barbarum & eum quidem, ut scriptum est, compunctum notis Threiciis, districto gladio jubebat anteire: præmittebatque de stipulatoribus suis, qui perscrutarentur arculas muliebres; & ne quo in vestimentis occultaretur telum, exquirerent. Ô miserum qui fidelio rem & barbarum, & stigmaticum putaret, quàm conjugem. Nec eum fefellit opinio: ab ea est enim ipse propter pellicatus suspicionem interfectus, nec verò ulla vis imperii tanta est, quæ, premente metu, possit esse diuturna. Testis est Phalaris: cujus est præter cæteros nobilitata crudelitas, qui non ex insidiis interiit, ut is, quem modo dixi Alexander, non à paucis, ut hic noster; sed in quem universa Agrigentinarum multitudo impetum fecit. Quid Macedones? nonne Demetrium reliquerunt? universique se ad Pyrrhum contulerunt? quid Lacedæmonios injustè imperantes? nonne repente omnes ferè socii deseruerunt, spectatoresque se otiosos præbuerunt Leuctricæ calamitatis.

4. Externa libentius in tali re, quàm domestica recorder. Veruntamen quam diu imperium Pop. Rom. beneficiis tenebatur, non injuriis, bella aut pro sociis, aut de imperio gerebantur, exitus erant bellorum, aut mites, aut necessarii. Regum, populorum, Nationum portus erat, & refugium Senatus, nostri autem magistratus, Imperatoresque ex una hac re maximam laudem capere studebant, si provincias, si socios æquitate, & fide defendissent. Itaque illud patrociniū orbis terræ verius, quàm imperium

rium

rium poterat nominari. Sensim hanc consuetudinem & disciplinam jam antea minuebamur? post vero Syllæ victoriam penitus amisimus. Desidum est enim videri quidquam in socios iniquum, cum extitisset etiam in cives tanta crudelitas, ergo in illo secuta est honestam causam non honesta victoria, est enim ausus dicere, hasta posita, cum bona in foro venderet, & bonorum virorum, & locupletum, & certè civium, prædam suam se vendere. Secutus est, qui in causa impia, victoriâ etiam scœdiore, non solum singulorum civium bona publicaret, sed universas quoque provincias regionesque uno calamitatis jure comprehenderet. Itaque vexatis & perditis exteris nationibus, ad exemplum amissi imperii, portari in triumpho Massiliam vidimus, & ex ea urbe triumphari, sine qua nunquam nostri Imperatores ex transalpinis bellis triumpharunt. Multa commemorarem nefaria in socios, si hoc uno sol quidquam vidisset indignius. Jure igitur plectimus, nisi enim multorum impunita scelera tulissemus, nunquam ad unum tanta pervenisset licentia; à quo quidem rei familiaris ad paucos, cupiditatum ad multos improbas venit hæreditas. Nec verò unquam bellorum civilium semen, & causa dederit, dum homines perditæ hastam illam cruentam & meminere, & sperabunt, quàm P. Sylla cum vibrasset, dictatore propinquo suo, idem, sexto & tricesimo anno post, à sceleratiore hasta eadem non recessit. Alter autem, qui in illa dictatura scriba fuerat, in hac fuit quæstor urbanus. Ex quo debet intelligi, talibus præmiis propositis, nunquam defutura bella civilia. Itaque parietes urbis modo stant, & manent, in, qui ipsi jam extrema scelere metuentes: rem verò publicam penitus amisimus. Atque in has clades incidimus (redeundum est enim ad propositum) dum metui, quam cari esse, & diligere maluimus. Quæ si Pop. Rom. injustè imperanti accidere potuerunt: quid debent putare singuli?

III. Quod cum perspicuum sit, benevolentiae vim esse magnam, metus imbecillum: sequitur, ut videamus quibus rebus possimus facillime eam, quam volumus, adipisci, cum honore & fide, caritatem.

IMITATIO.

Imitatio , vel in moderato & populari regimine unius aut plurium tyrannidi praferendo hic locus serviet ; vel etiam in unius prudenti iustoque imperio extollendo, e. g. Davidis inter Israelitas, aut Iosephi in Aegypto.

CAPUT XVIII.

Theses sive propositiones rerum universalium in quaestionem adductarum, usitatis argumentis discussae, & ad exercitationis exemplum ex optimis autoribus diductae.

THesis loco communi affinis est, cum in generalibus tantum quaestionibus rerum disputabilium versetur. Ut tam in divinis, quàm humanis rebus, eadem, quàm supra, distributione locorum communium, non paucae reperiuntur, nosque diversis infra exemplis declarabimus. Conveniunt verò thesis locusque communis, quòd res à suis nudatas circumstantiis universè considerent, pluribusque singulatim, iisdem quibus tractantur argumentis, applicari possint. Differunt, quòd ille res potissimum extollat amplificetque, ut in genere dicendi exornativo solet; ista rationibus collatis probe ac stabiliat, ut solet in deliberationibus & iudiciis; ille in rebus cognitis exaggerandis amplificandisque; ista in ambiguis & disceptationi subjectis versetur. Qua de causa ab Aphthonio rectè observatum est, in Thesis adversariae partis orationes dissertationem introducendas discutiendasque esse. Quod si igitur differendo inquiras, *sit ne uxor sapienti viro ducenda?* aut etiam suadeas, *ducendam non esse*; vel certè ejus oppositum, *esse ducendam*: Thesis tractabis. Est enim res quaedam generalis, ad multos homines pertinens, quæ ancipiti rationum pondere expendi ac ventilari possit. Quam adjunctis certis personarum, aut temporum, per hypothesein deinde ad singula-

gulares homines adhibere poteris, ut, sitne Alexandro in bello Persico ducenda Sisigambis, aut uxor alia? sapienterne in eo Socrates fecerit, quod duxerit Xantippen? An Ciceroni in senectute convenerit Terentiam uxorem dimittere, atque inducere aliam? Ad has enim dissertationes, ex generali illa rectè tractata, sapientine uxor ducenda sit? multum luminis præsidique accessurum est. Quod si verò oratione aliqua demonstrare coneris, *magnam esse mulierum inconstantiam*. Locus communis futurus est, qui cum thesi priori in eo convenit, quod nullis adjunctis ad personam tempusque, aut locum certum adstrictus sit; differt verò ab eadem, quod in reparum dubia, & plerorumque experimento cognita versetur: ideoque, si illustribus argumentis confirmatus fuerit, ad singulares illas propositiones ante memoratas, vim roburque adferre non exiguum possit.

Ex quo facile apparet, in locis ante communibus thesibusque exercendam esse juventutem, priusquam ad singularem rerum tractationem accedant.

Jam si interroges; quæ sit thesium diducendarum ratio? Dicam, eandem esse quæ locorum est communium. Nullus omnino, neque ex intrinsecis, neque extrinsecis argumenti locus est, qui servire nequeat; sed alius alibi, raro ubique omnes. Ipsa thesis format, in quam partem vergat, pari qua locus communis ratione aperiet. Ut si quæras, *mojorne sit virtus liberalitatis, an continentia in Principe?* expendendum tibi erit, quid liberalitas & continentia, quodque officium Principis. Si verò de eadem Principis liberalitate examines; præstetne suâ illum operâ, an pecuniâ oppressis subvenire? magis erit considerandum, quid collatâ per ipsum operâ pecuniâve efficiatur? ex qua enim plus ad alios manabit commodi, hæc liberalitas erit præferenda. In priori igitur thesi potissimum natura & causæ, in posteriori effecta præcipue & consequentia erunt perpendenda, ut in subjecto infra ex Cicerone exemplo intelliges. Objectiones adversariorum cum oppositæ partis refutatione, hic etiam inferuntur. Locis extrinsecis, atque exemplis præsertim, cum ad probandum in rebus dubiis plurimum valeant, hic aliquantò frequentior, quam in locis communi-

munibus, usus est. Nunc ad ipsam lectionem exercitationemque accedamus.

I. Thesis.

Quod sit optimum genus liberalitatis? Cic. lib. 2.
Offic. Ab effectis & consequentibus.

Exorditur à liberalitatis laude, in qua illam præfert, qua operâ potius, quàm pecuniâ aliis subvenit.

Rationem dat . quod pecunia faciliè exhauriatur, non autem opera. 2. quod largitiones sæpe corrumpant, eas itaque moderatè tantùm & in egentes adhibendas, 3. quod largitionem nimiam rapina alienorum bonorum sequantur. 4. largitiones in epulas, munera gladiatoria, ludos, venationes, cum Aristotele contra Theophrastum damnat; quod neque subveniant necessitati, nec augeant dignitatem.

Cicero ad Marc. filium.

Cum beneficentiæ ac liberalitatis duplex si ratio, ut aut operâ benignè fiat indigentibus, aut pecuniâ. Facilior est hæc posterior, locupleti præsertim; sed illa lautior, ac splendidior & viro forti clarioque dignior.

1. Quanquam enim in utroque inest gratificandi liberalis voluntas: tamen altera ex virtute depromitur; largitioque, quæ sit ex re familiari, fontem ipsum benignitatis exhaurit: ita benignitate benignitas tollitur: quâ quo in plures usus sis, eo minus in multos uti possis. At, qui opera, id est virtute, & industria benefici, & liberales erunt: primum, quò pluribus profuerint, cò plures ad benignè faciendum adjutores habebunt: deinde, consuetudine beneficentiæ paratiores erunt, & tanquam exercitatiores ad bene de multis promerendum.

2. Præclare in epistola quadam Alexandrum filium Philippus accusat, quod largitione benevolentiam Macedonum confectetur. Quid te (malum) inquit, rationis in istam spem induxit, ut eos tibi fideles putares fore, quos pecunia corrupisses: an tu id agis, ut Macedones non te Regem suum, sed ministrum & præbitorem putent?
quò

quò quid sordidius Regi? melius etiam, quod largitionem corruptelam dixit esse. Fit enim deterior qui accipit, atque ad idem semper expectandum paratior. Hoc ille filio: sed præceptum putemus omnibus. Quamobrem id quidem non est dubium, quin illa benignitas, quæ constat ex opera & industria, & honestior sit, & latius pateat, & possit prodesse pluribus. Nonnunquam tamen est largiendum: nec hoc benignitatis genus omnino repudiandum est: & sæpe idoneis hominibus indigentibus de re familiari impertiendum, sed diligenter, atque moderatè. Multi enim patrimonia effuderunt inconsultè largiendo. Quid autem est stultius, quam, quod libenter facias, curare, ut id diutius facere non possis?

3. Atque etiam sequuntur largitionem rapinæ. Cum enim dando egere cœperunt, alienis bonis manus asserre coguntur. Ita, cum benevolentia comparandæ causa benefici esse velint, non tanta studia assequuntur eorum, quibus dederunt, quanta odia eorum, quibus ademerunt. Quamobrem nec ita claudenda est res familiaris, ut eam benignitas aperire non possit; nec ita referanda, ut pateat omnibus, modus adhibeatur, isque referatur ad facultates. Omnino meminisse debemus id, quod à nostris hominibus sæpissimè usurpatum, jamque in proverbii consuetudinem venit, largitionem fundum non habere. Etenim quis potest esse modus, cum & iidem, qui consueverunt, & idem illud alii desiderent.

4. Omnino duo sunt genera largorum; quorum alteri prodigi, alteri liberales: prodigi, qui epulis & viscerationibus, & gladiatorum muneribus, ludorum, venationumque apparatu pecunias profundunt, in eas res, quarum memoriam, aut brevem, aut nullam sint relicturi omnino: liberales autem, qui suis facultatibus, aut captos à prædonibus redimunt; aut æs alienum suscipiunt amicorum causa; aut in filiarum collocatione adjuvant; aut opitulantur vel in re quærenda, vel augenda. Itaque miror, quid in mentem venerit Theophrasto in eo libro, quem de divitiis scripsit; in quo multa præclare, illud absurdè. Etenim multus in laudanda magnificentia, & apparatione popularium munerum: taliumque sumptuum facultatem, fructum divitiarum putat. Mihi

autem ille fructus liberalitatis , cujus exempla pauca posui, multò & major videtur , & certior. Quantò Aristoteles gravius , & verius nos reprehendit , qui has effusiones pecuniarum admiremur , fiunt ad multitudinem delinendam. At ii, qui ab hostibus obsidentur , si emere aquæ sextarium mina cogerentur , hoc primo auditu incredibile nobis videri, omnesque mirari : sed , cum attenderimus, veniam necessitati dare : (a) in his immanibus jacturis, infinitisque sumptibus nihil nos magnoperè mirari , cum præsertim neque necessitati subveniatur , nec dignitas augeatur; ipsaque illa delinitio multitudinis ad breve tempus , exiguumque duratura sit , eaque à levissimo quoque animo , in quo tamen ipso , unà cum satietate, memoria quoque moriatur voluptatis. Bene etiam colligitur, hæc pueris , & mulierculis , & servis , & servorum simillimis liberis esse grata ; gravi verò homini , & ea, quæ fiunt, judicio certo ponderanti, probari nullo modo posse.

IMITATIO.

Vteris hac thesi vel cum liberalitatem in pauperes, vel cum eorum, qui se proximorum saluti aut commodo omni studio impendunt, reliquorum liberalitati præferes.

II. Thesis.

An liceat cum alterius hominis incommodo suum augere commodum? Cic. l. 3. Offic.

Ab attributis effectis & comparatione varia.

Non licere, Probat I. quia magis natura adversatur, quàm mors & paupertas , cum tollat societatem generis humani à natura intentam. Quod simili membrorum declarat , quorum unum ut sanum sit, alterum non corrumpit. Prob. 2. quia leges illud universæ prohibent. 3. Quia magis est secundum naturam comitas & justitia, quàm voluptas & opes & præ his commune bonum etiam Herculeo labore , spectandum. 4.

Per

(a) subintellige, solemus.

Per dilemma infert animi vitio (quale est proximo injuriam facere) corporis vitium posthabendum esse , quod incurrit qui damnum aliquod patitur. 5. Concludit ergo omnibus communem ubique utilitatem , etiam in re privata spectandam; ne humana societas & jus natura dissolvatur. 6. Refutat postremo quosdam 1. quidem qui externorum incommodo suum se posse augere male sentiebant. 2. qui id fortè sapientibus, & bonis viris , in rebus alteri non utilibus , & personis noxiis tyrannorum licere existimant. Quanquam hac non satis cum regulis Christiana legis consentiant.

Cicero ad M. fil.

1. Detrahere aliquid alteri , & hominem hominis incommodo suum augere commodum , magis est contra naturam, quàm mors, quàm paupertas , quàm dolor, quàm cætera, quæ possunt , aut corpori accidere , aut rebus externis , nam principio tollit convictum humanum & societatem. Si enim sic erimus affecti , ut propter suum quisque emolumentum spoliet, aut violet alterum: dirumpi necesse est eam, quæ maxime est secundum naturam , humani generis societatem. Ut, si unum quodque membrum sensum hunc haberet, ut posse putaret se valere, si proximi membri valetudinem ad se transduxisset , debilitari & interire totum corpus necesse esset: sic, si unusquisque nostrum rapiat ad se commoda aliorum , detrahatque quod cuique possit, emolumenti sui gratia: societas hominum & communitas evertatur necesse est , nam, sibi ut quisque malit, quod ad usum vitæ pertineat , quam alteri acquirere, concessum est, non repugnante natura. Illud quidem natura non patitur , ut aliorum spoliis nostras facultates, copias, opes augeamus.

2. Neque verò hoc solum natura, id est , jure gentium, sed & legibus populorum , quibus in singulis civitatibus Resp. continetur , eodem modo constitutum est; ut non liceret sui commodi causa nocere alteri , hoc enim spectant leges, hoc volunt, incolumem esse civium conjunctionem: quam qui dirimunt, eos morte , exilio, vinculis, damno coercent , atque hoc multò magis exigit ipsa naturæ ratio, quæ est lex divina & humana: cui parere qui

velit, (omnes autem parebunt, qui secundum naturam volent) nunquam committet, & alienum appetat, & id, quod alteri detraxerit, sibi assumat.

3. Etenim multò magis est secundum naturam celsitas animi, & magnitudo, itemque comitas, justitia, liberalitas; quàm voluptas, quàm vita, quam divitiæ, quæ quidem contemnere, & pro nihilo ducere, comparantem cum utilitate communi, magni animi & excelsi est, detrahere autem alteri sui commodi causa, magis est contra naturam, quàm mors, quàm dolor, quàm cætera generis ejusdem: itemque magis est secundum naturam, pro omnibus gentibus, si fieri posset, conservandis aut juvandis, maximos labores, molestiasque suscipere, imitantes Herculem illum, quem hominum fama, beneficiorum memor, in concilio cœlestium collocavit, quàm vivere in solitudine, non modò sine ullis molestiis, sed etiam in maximis voluptatibus, abundantem omnibus copiis, ut excellas etiam pulchritudine & viribus, quocirca optimo quisque splendidissimoque ingenio longè illam vitam huic anteponit, ex quo efficitur, hominem naturæ obedientem, homini nocere non posse.

4. Deinde qui alterum violat, ut ipse aliquid commodi consequatur, aut nihil se existimat contra naturam facere; aut magis fugiendam censet mortem, paupertatem, amissionem etiam liberorum, propinquorum, amicorum; quàm facere cuiquam injuriam. Si nihil existimat contra naturam fieri nominibus violandis: quid cum eo differas, qui omnino hominem ex homine tollat? sin fugiendum id quidem censet, sed multò illa pejora, mortem, paupertatem, dolorem: errat in eo quod nullum, aut corporis aut fortunæ vitium, animi vitiis gravius existimat.

5. Ergo unum debet esse omnibus propositum, ut eadem sit utilitas uniuscujusque & universorum: quàm si ad se quisque rapiat, dissolvetur omnis humana consociatio, atque si etiam hoc natura præscribit, ut homo homini quicumque sint, ob eam ipsam causam tamen, quod is homo sit, consultum velit; necesse est secundum eandem naturam omnium utilitatem esse communem. Quòd si ita est: unà continemur omnes & eadem lege naturæ. Idque ipsum

si ita est, certè violare alterum lege naturæ prohibemur. Verum autem primum: verum igitur & extremum.

6. Nam illud quidem absurdum est, quod quidam dicunt, parenti se aut fratri nihil detracturos commodi sui causa: aliam rationem esse civium reliquorum. Hi sibi nihil juris, & nullam societatem communis utilitatis causa statuunt esse cum civibus: quæ sententia omnem societatem distrahit. Qui autem civium rationem dicunt esse habendam, externorum negant; hi dirimunt communem humani generis societatem; quâ sublatâ, beneficia, liberalitas, bonitas, justitia funditus tollitur. Quæ qui tollunt, etiam adversus Deos immortales impii judicandi sunt. Ab iis enim constitutam inter homines societatem evertunt: cujus societatis arctissimum vinculum est, magis arbitrari esse contrâ naturam, hominem homini detrahere, sui commodi causa, quàm omnia incommoda subire, vel externa, vel corporis, vel etiam ipsius animi, quæ vacent justitia. Hæc enim virtus omnium est domina, & regina virtutum.

Forſitan quiſpiam dixerit: nonne igitur ſapiens, ſi fame ipſe conficiatur, abſtulerit cibum alteri homini, ad nullam rem utili? Minimè verò, non enim mihi eſt vita mea utilior, quàm animi talis affectio, neminem ut violem commodi mea gratia. Quid? ſi Phalarim, crudelem Tyrannum, & immanem vir bonus ne ipſe frigore conficiatur, veſtitu ſpoliare poſſit, nonne faciat? Hæc ad judicandum ſunt facillima. Nam ſi quid ab homine, ad nullam partem utili, utilitatis tuæ cauſa detraxeris, inhumanè feceris; contraque naturæ legem, ſi autem is tu ſis, qui multam utilitatem reip. atque hominum ſocietati, ſi in vita remaneas, afferre poſſis; ſi quid ob eam cauſam alteri detraxeris, non reprehendendum. Sin autem id non ſit ejuſmodi, ſuum cuique incommodum ferendum eſt potius, quàm de alterius commodis ſubtrahendum; non igitur magis eſt contra naturam morbus, aut egeſtas, aut quid ejuſmodi, quam detractario atque appetitio alieni. Sed communis utilitatis dereliſtio contra naturam eſt: eſt enim iniuſta: itaque lex ipſa naturæ, quæ utilitatem hominum conſervat, & continet, decernit proſectò, ut ab homine inerti, atque inutili, ad ſapientem, bonum,

fortemque virum transferantur res ad vivendum necessariae; qui si occiderit, multum de communi utilitate detraxerit: modò hic ita faciat, ut ne, ipse de se bene existimans, seseque diligens, hanc causam habeat ad injuriam. Itaque semper officio fungatur, utilitati consulens hominum, & ei, quam sæpè commemorò, humanæ societati. Nam quod ad Phalarim attinet, perfacile judicium est, nulla est enim societas nobis cum Tyrannis, sed potius summa distractio: neque est contra naturam spoliare eum, si possis, quem honestum est necare. Atque hoc omne genus pestiferum, atque impium ex hominum communitate exterminandum est. Etenim, ut membra quædam amputantur, si & ipsa sanguine, & tanquam spiritu carere cœperunt, & nocent reliquis partibus corporis: sic ista in figura hominis feritas, & immanitas belluæ, à communi tanquam humanitate corporis segreganda est.

IMITATIO.

Serviet cum Magistratum, aut Principem, aut virum privatum, etiam ab humanitate, & charitate, erga alios laudaveris, contra alium earum virtutum negligentem reprehenderis.

III. Thesis.

Virtus ad beatè vivendum sufficit. Cujus magistra Philosophia est.

Cicero lib. 5. Tusc. q. n. 1.

Ab effectis & adjunctis.

1. Exorditur à studio eorum, qui ad bene beatèque vivendum Philosophia se tradiderunt, & praeclare quidem, si virtute id assequi liceat.

2. Diversum tradit animi dolorem, à dolore corporum; cùm, licet hac sæpe insanabilis, is tamen virtute sanari semper possit.

3. Error noster de sensu doloris per Philosophia studium corri-

corrigendus est, quæ adversus vitia pro virtute pugnat, quæ sola beati sumus.

Cicero ad Brutum.

1. Virtutem ad bene beatèque vivendum seipsa contentam esse, et si difficile est probatu propter tam varia & tam multa tormenta fortunæ. Tale tamen est, ut elaborandum sit, quo facilius probetur. Nihil est enim omnium quæ in Philosophia transeuntur, quod gravius magnificentiusque dicatur. Nam cum ea causa impulerit eos, qui primi se ad Philosophiæ studium contulerunt, ut omnibus rebus posthabitis totos se in optimæ vitæ statu exquirendo collocarent; profectò spe beatè vivendi tantam in eo studio curam, operamque posuerunt. Quod si ab iis inventa, & perfecta virtus est, & si præsidii ad beatè vivendum in virtute satis est: quis est, qui non præclare, & ab illis positam, & à nobis susceptam operam philosophandi arbitretur? sin autem virtus subjecta sub varios, incertosque casus, famula fortunæ est, nec tantarum virium est, ut se ipsa tueatur: Vereor, ne non tam virtutis fiducia nitendum nobis sit ad spem beatè vivendi, quàm vota faciendâ videantur.

2. Equidem eos casus, in quibus me fortuna vehementer exercuit, mecum ipse considerans, huic incipio sententiæ diffidere: interdum etiam humani generis imbecillitatem, fragilitatemque extimescere. Vereor enim, ne natura, cum corpora nobis infirma dedisset, iisque, & morbos insanabiles, & dolores intolerabiles adjunxisset, animos quoque dederit, & corporum doloribus congruentes, & separatim suis angoribus & molestiis implicatos. Sed in hoc me ipse castigo, quod ex aliorum, & ex nostra fortasse mollitie, non ex ipsa virtute, de virtutis robore existimo. Illa enim, si modò est ulla virtus (quam dubitationem avunculus tuus, Brute, sustulit) omnia quæ cadere in hominem possunt, subter se habet; eaque despiciens, casus contemnit humanos: culpaque omni carens, præter se ipsam, nihil censet ad se pertinere.

3. Nos autem omnia adversa, tum venientia metu augentes, tum mœrore præsentia; rerum naturam, quàm erro-

rem nostrum, damnare malumus. Sed & hujus culpæ & cæterorum vitiorum, peccatorumque nostrorum omnes à philosophia petenda correctio est. Cujus in sinum cum à primis temporibus ætatis nostra voluntas, studiumque nos contulissent, his gravissimis casibus in eundem portum, ex quo eramus egressi, magna jactati tempeste: e confugimus. O vitæ philosophia dux: ô virtutis indagatrix, expultrixque vitiorum, quid non modò nos, sed omnium vita hominum, sine te, esse potuisset? tu urbes peperisti: tu dissipatos homines in societatem vitæ convocasti: tu eos inter se primò domiciliis, deinde conjugiiis, tum literarum & vocum communione junxisti: tu inventrix legum, tu magistra morum, & disciplinæ fuisti. Ad te confugimus: à te opem petimur: tibi nos, ut antea magna ex parte, sic nunc penitus, totosque tradimus, est autem unus dies bene, & ex præceptis tuis actus, peccantis immortalitati ante ponendus. Cujus igitur potius opibus utamur, quam tuis? quæ & tranquillitatem largita nobis es, & terrorem mortis sustulisti? Motus turbulenti, jactationesque animorum incitatae, & impetu inconsiderato elatae, rationem omnem repellentes, vitæ beatæ nullam partem relinquunt. Quis enim potest, mortem aut dolorem metuens, quorum alterum sæpe adest, alterum semper impendet, esse non miser? quid si idem (quod plerumque fit) paupertatem, ignominiam, infamiam timet: si debilitatem, cæcitatem; si denique, quod non singulis hominibus, sed potentibus populis sæpè contingit, servitutem: potest ea timens esse quisquam beatus? quid, qui non modo ea futura timet, verum etiam fert, sustinetque præsentia? adde eodem exilia, luctus, orbitates. Qui rebus his fractus ægritudine eliditur, potest ne tandem esse non miserrimus? quid verò illum, quem libidimbus inflammatum, & furem videmus, omnia rabidè appetentem, cum inexplebili cupiditate, quòque affluentius voluptates undique hauriat, eò gravius, ardentiusque sitientem; nonne rectè miserrimum dixeris? quid elatus ille levitate, inanique læritia, & exultans, & temerè gestiens, nonne tantò miserior, quantò sibi beator videtur? ergo ut hi miseri, sic contra illi beati, quos nulli metus terrent, nullæ ægritudines exedunt, nullæ libidines

dines incitant, nullæ fuit lætitiæ exultantes languidis liquefaciunt voluptatibus. Ut maris igitur tranquillitas intelligitur, nulla ne minima quidem aura fluctus commovente: Sic animi quietus & placatus status cernitur, cum perturbatio nulla est, quâ moveri queat. Quod si est qui vim fortunæ, qui omnia humana, quæcunque accidere possunt tolerabilia ducat, ex quo, ne timor eum, nec angor attingat: idemque, si nihil concupiscat, nulla efferatur animi inani voluptate, quid est, cur is non beatus sit? & si hæc virtute efficiuntur, quid est, cur virtus ipsa per se non efficiat beatos.

IMITATIO.

Imitanti vel in singularibus personis serviet, ut si, e.g. D. Augustinum post varias hujus vitæ iactationes, denique in sola virtute ac pietate hujus vitæ quietem assecutum doceat, vel si in vitâ Christiana piè tranquillèque transigenda, nullam breviorē veriorēque disciplinam esse tradat, quàm quæ in Dei unius voluntate homini suadeat esse acquiescendum.

IV. Thesis.

Laudabiliusne sit, & fortius solitariam, an cum dignitate, in Reipub. administratione, vitam agere?

Cicero l. 1. offic.

Ab attributis personarum.

1. In exordio supponit, viro forti, ut libero tranquilloque sit animo, cupiditatem gloria & quandoque etiam imperia depouenda esse, ideoque Philosophos, nonnullosque viros graves, sese à populo segregasse, quæsisseque illud ipsum quod alii in principatu quarunt, videlicet, ut liberi suo arbitratu viverent.

2. Asserit facilius id quidem solitarios assequi, sed laudabilius alios rebus præfici quibus facultas non deest. Ratio est: quia licet illi gloriam rectè aspernentur, videntur tamen molestiarum, repulsa metu tangi, ut tales, qui voluptates

quidem negligunt, dolores tamen non ferunt. Videri itaque Reipubl. curam idoneis subterfugiendam non esse.

3. *Statuit Rempubl. administrantibus majorem animum & despicientiam rerum humanarum necessariam, quam privatis Philosophis, ob graviores casus motusque cavendum verò inprimis illis, ne quid temere aggrediantur.*

Cicero ad M. fil.

1. Cavenda est viro forti omnis gloriæ cupiditas, eripit enim libertatem, pro qua magnanimis viris omnis debet esse contentio. Nec verò imperia expetenda, ac potius non accipienda interdum, aut deponenda nonnunquam, vacandum autem est omni animi perturbatione, tum cupiditate, & metu, tum etiam ægritudine, & voluptate animi, & iracundia, ut tranquillitas animi adsit & securitas, quæ afferat tum constantiam, tum etiam dignitatem. Multi autem, & sunt, & fuerunt, qui eam, quam dico, tranquillitatem expetentes, à negotiis publicis se removerunt, ad otiumque perfugerunt, in his & nobilissimi Philosophi longèque principes, & quidam homines severi, & graves nec populi, nec principum mores ferre potuerunt: vixeruntque nonnulli in agris, delectari re suâ familiari. His idem propositum fuit, quod & regibus, ut ne quâ re egerent, ne cui parerent, libertate uterentur, cujus proprium est sic vivere, ut velis. Quare, cum hoc commune sit potentiæ cupidorum cum iis, quos dixi, otiosis: alteri se adipisci id posse arbitrantur, si opes magnas habeant; alteri, si contenti sint, & suo, & parvo.

2. In quo quidem neutrorum omninò contemnenda est sententia: sed & faciliior, & tutior & minus aliis gravis, aut molesta vita est otiosorum: fructuosior autem hominum generi, & ad claritatem amplitudinemque aptior eorum, qui se ad rempubl. & ad magnas res gerendas accommodaverunt, quapropter & his forsitan concedendum sit rempubl. non capeissentibus, qui excellenti ingenio, doctrinæ sese dediderunt, & iis, qui aut valetudinis imbecillitate, aut aliqua graviore causâ impediti, à republ. recesserunt, cum ejus administrandæ potestatem aliis, laudemque concederent, quibus autem
talis

talis nulla est causa, si despiciere se dicant ea, quæ plerique admirentur, imperia & magistratus, his non modo non laudi, verum etiam vitio dandum puto, quorum iudicium in eo, quod gloriam contemnant, & pro nihilo putent, difficile factu est non probare: sed videntur labores & molestias, tum offensionum, tum repulsarum, quasi quandam ignominiam, timere, & infamiam, sunt enim, qui in rebus contrariis parum sibi constant; voluptatem severissime contemnant, in dolore sint molliores: gloriam negligant, frangantur infamia: atque ea quidem non satis constanter. Sed iis; qui habent à natura adjumenta rerum gerendarum, abjecta omni cunctatione, adipiscendi magistratus sunt, & gerenda resp. est. Nec enim aliter, aut regi civitas, aut declarari animi magnitudo potest.

4. Capeissentibus autem remp. nihil minus, quam Philosophis (haud scio an magis etiam) & magnificentia, & despicientia adhibenda est rerum humanarum, quàm sæpè dico; & tranquillitas animi atque securitas: si quidem, nec anxii futuri sunt, & cum gravitate, constantiaque victuri, quæ eò faciliora sunt Philosophis, quò minus parent multa in eorum vita, quæ fortuna feriat; & quò minus multis rebus egent; & quia, si quid adversi eveniat, tam graviter cadere non possunt, quo circa non sine causa majores motus animorum concitantur: majoraque efficienda remp. gerentibus, quam quietis, quò magis his, & magnitudo animi est adhibenda, & vacuitas ab angoribus. Ad rem gerendam autem qui accedit, caveat, ne id modo consideret, quam illa res honesta sit; sed etiam, ut habeat efficiendi facultatem, in quo ipso considerandum est, ne aut temerè desperet propter ignaviam, aut nimis confidat propter cupiditatem, in omnibus autem negotiis prius, quàm aggrediare, adhibenda est præparatio diligens.

IMITATIO.

Imitaberis, si ostendas viro religioso solitudinem potius, & vacationem ab omni cura, quam dominatum aliorum affectandum esse, quod si tamen rebus, inter suos, domi forisque cum
impe-

imperio administrandis idonei sunt, hanc non debere curam subterfugere; animo tamen rerum simul humanarum despicientiam amlecti. Hoc in S. Ignatio Lojola factum predicare etiam poteris.

V. Thesis.

Vitam activam contemplativa preferendam esse.
Tyrius dissert. 5.

Ab enumeratione partium.

I. In Exordio docet, neminem sua sorte contentum, aliena laudare, fastidire propria, per enumerationem partium.

Simili illud navigantium, qui ignari sint quo tendant, illustrat.

II. Ad propositionem per transitionem veniens, quarit, vitæ activæ hominum contemplativæ Philosophorum præferenda sit?

III. In confirmatione vitam activam pro se agentem introducit, idque per enumerationem omnium, qui Reipubl. profint, adversus Philosophorum contemplationem Reipubl. inutilem.

2. Tribus illud similibus illustrat, navigantium, ubi omnibus collaborandum: corporis humani, in quo singulis membris sua sunt officia: aedificiorum, quæ singuli lapides sustinent, & ubique, præcipuis (qualis, inter homines, sapiens est) deficientibus, præcipuam cladem docet sentiri.

3. Ratione idem probat, quia nulla illius sapientia dignitas est, cujus nullus est fructus, quod variis comparationibus ostendit, tum similium, tum exemplorum, Phidie, Nestoris, Vlyssis, Herculis, ac Iovis.

4. Ratio altera est, quod in actione virtus consistat, quæ pericula omnia superat. Vbi timidos refutat ex comparatione gubernatoris in navi, & in bello imperatoris, quorum est periculis non terri; tum oppositione exemplorum, quæ Epicuro Platonem, Xenophontem, Diogenem; Sardanapalo Cyrum & Vlysses objicit.

I. Difficile est invenire vitam undequaque perfectam, sicut & hominem. Nullam enim facile dixeris, cui non desit

aliquid ad perfectionem summam. Semperque ea potior dicenda est reliquis, cui quam minimum deest. Sic urbanorum felicitatem prædicat agricola, quòd jucundum hilaremque vitam agant. Contra qui in concionibus & judiciis versantur, magnaque in iis autoritate pollent, sortem deplorant suam, nec aliud optant, quàm ut cum rattris, & parvo aliquo furculo res sibi esse possit. Militem audies vitam pacificam laudibus in cœlum efferre: eum contra qui bellum non expertus est, militarem admirari. Quod si Deus aliquis singulis vitam, quam agunt, præsentisque conditionis habitum (ut in scena fieri solet) exuat, quæque nunc aliorum sunt pro iis inducat, nihilominus ipsi illi priora optabunt iterum, præsentia contra deplorabunt. Ita nihil est, quod faciliè probent homines, sed queruli semper & morosi vitam transigunt, nec quæ propria illis fors esse voluit, amplectuntur. Et vulgi quidem vota ac fastidia nihil esse referre (non magis, quàm pecudum, aut brutorum me hercule) ipsos verò Philosophos merito accuses, ut infelices, qui cum nihil aliud jactent, quam prudentiam, rectè vivendi modum, usumque rationis: nondum tamen sibi temperare possunt, quin secum partim, partim cum aliis rixentur, ac de vitæ genere, quam ingressuri sunt, contendant.

Qui idem meritò agere videntur, quod gubernatores solent, qui cum omnia, quæ ad navigationem pertinent, diligenter præparaverint, navem maximam, apparatus firmissimum, instrumentorum copiam, nautarum obsequium, accurratam artis peritiam, aptumque saburræ onus, in ipsa tamen navigatione errant, nec satis, quo eundum sit, inveniunt; cum multos quidem portus videant, nullum tamen certum.

II. Reliquos igitur cum sua vivendi ratione prætermitamus: quales sunt, qui in mediis voluptatibus liquecant, qui terram colunt, qui in mari errant, quo stipendia merent, qui in concionibus clamant, qui in judiciis voluntantur: Et ut in corporum certaminibus homines infirmi, & qui sola victoriæ spe plus audent, quam oportet, citò deficiunt; at qui virtute fretus in certamen descendit, constanter perdurat, ac de victoriâ contendit, ita in hoc vitæ certamine reliquos omnes ejectos esse à nobis,

cessare incipiant, nemo adhuc sentit; sicut Thersites discessu suo è castris Græcos non turbasset: Achilles contra, dum irascitur, dum in tentorio suo quiescit, dum otio, dum cithara, & cantu animum oblectat suum, plurimis malis exercitum implevit. Cujus enim juvare potest præsentia, illius nocere necessario debet absentia. Quis autem ille est, quem contemplari, quem veritati operam dare, quem otia-ri debere dicis, nisi vir prudens & sapiens? Quid ergo? Num in navi, qui optimè gubernat, locum suum aliis cedit, qui minimè possunt? aut Imperator exercitus imperium suum tradit iis, qui imperare nesciunt?

3. Præterea non possum videre, quid omnino minus cum gloria ac dignitate sit conjunctum, quàm ut veritatem aliquis cognoscat, sterilemque in animo suo Thesaurum, inertem, atque infœcundum colligat, qui neque ipsi, neque alii cuiquam prodesse possit. Nisi forte auditus pulcher videtur tibi, ut audias tantum, non ut concentum aliquem percipias: aut visus, ut videas tantum, non ut solis lumen aspicias; aut divitiæ, licet apud aliquem sine ullo usu in terra defossæ jaceant. Eodem modo scientiæ, ne singula commemorē, quis usus esse potest, nisi exerceamus, in quibus prodest scientia. Quid enim medico cum scientia, nisi ex præscripto ejus rectè valeat? Quid Phidiæ cum arte sua, nisi æbori eam admoveat, & auro? sapiens introdu-citur ab Homero Nestor: vide tamen effectum illius sapientiæ. Conservationem, dico, exercitus, pacem Reip. liberorum obsequium, populi virtutem. Sapiens Ulysses: sed opera ejus video terra marique gesta.

*Multorum mores populorum vidit & urbes,
Ipse suam servans animam reditumque suorum.*

Sapiens & Hercules; non sibi tamen; sed ut per terras omnes & maria sapientiam suam diffunderet. Hic enim est, qui tot feras sustulit, Tyrannos in officio continuit, servientibus libertatem peperit, liberis leges tulit, justitiam confirmavit, statuta sancit: qui denique veritatem in verbis, in agendo regiam viam secutus est. Quod si procul à societate hominum vitam ducere, si otia-ri, si sapientiam tranquillam sequi maluisset Hercules, pro Hercule
revera

revera Sophista fuisset, nec quisquam cum Jovis filium dicere ausus esset. Quia nec ipse Jupiter otiaitur. Nam cum eo & moveri cœlum, & nutrire terra, & fluere fluvii, & aquæ in mare labi, & vices suas mutare anni tempestates desinerent. nec Parcæ denique munus suum partiri, nec Musæ canere pergerent. Cessaret & virtus hominûm, & vita reliquorum animalium, & fructuum sæcunditas. Totum denique universum hoc in se abire denuo & confundi inciperet. Nunc verò administratio Jovis indefessa, perpetua, ac vigilantissima cum sit, ne unquam deficiat, aut ab opere suo recedat, perpetuæ quoque conservationis rebus creatis causa est. Hoc est, cur bonos reges Jovi quæ quam simillimos moriæat in somnis Jupiter.

*Turpe viro totam prudenti stertere noctem,
Cui populi commissæ salus, & munera tanta.*

Hæc cum videat Philosophus, nec Jovem tamen, nec Herculem, nec Reges bonos imitabitur? sed vitam potius hominis in solitudine nati, desertam, à societate alienam ducet; vitam Cycloporum, non hominum. His tamen ipsis, cum terra, ut Poëta ait, triticum ferret, hordæum quæ.

Cum nemo sereret, curvoque instaret aratro.

Nihilominus singuli uxoribus suis, & liberis leges dictabant, nec nihil erat, quod agerent. Nihil enim omnino agere, cui conveniat, nisi mortuo?

4. Quod si actio cum virtute conjuncta non esset, præstaret virtutem sequi; actionem omittere: at si contra virtus non in verbis, sed in opere, atque in actione, quæ societatem humanam respicit, atque vitæ civilis usu consistit, hæc potissimum sequenda sunt, cum quibus ipsa quoque virtus habere possit.

Nam cui vitæ homini vitium sese aggeret ulero,
ut Boëtius Poëta ait, at

Virtutem posuere Dei sudore parandam.

Nisi quis athletam laudet, qui ante sudorem coronam postularet. Atqui, dices, cum, qui in Reipublicæ administratione versatur, periculum sequitur, damna, insidiæ, invidia, exilium, mors & infamia. Quid si cogitare eodem modo gubernator incipiat, insidiam esse, plenam quæ periculorum navigationem, & laborum: multa esse incerta in ea, tempestatem undique imminere & ventos. Quid si cogitare eodem

E c

modo

cessare incipiant, nemo adhuc sentit; sicut Thersites discessu suo è castris Græcos non turbasset: Achilles contra, dum irascitur, dum in tentorio suo quiescit, dum otio, dum cithara, & cantu animum oblectat suum, plurimis malis exercitum implevit. Cujus enim juvare potest præsentia, illius nocere necessario debet absentia. Quis autem ille est, quem contemplari, quem veritati operam dare, quem otia-ri debere dicis, nisi vir prudens & sapiens? Quid ergo? Num in navi, qui optime gubernat. locum suum aliis cedit, qui minimè possunt? aut Imperator exercitus imperium suum tradit iis, qui imperare nesciunt?

3. Præterea non possum videre, quid omnino minus cum gloria ac dignitate sit conjunctum, quàm ut veritatem aliquis cognoscat, sterilemque in animo suo Thesaurum, inertem, atque infœcundum colligat, qui neque ipsi, neque alii cuiquam prodesse possit. Nisi forte auditus pulcher videtur tibi, ut audias tantum, non ut concentum aliquem percipias: aut visus, ut videas tantum, non ut solis lumen aspicias; aut divitiæ, licet apud aliquem sine ullo usu in terra defossæ jaceant. Eodem modo scientiæ, ne singula commemorè, quis usus esse potest, nisi exerceamus, in quibus prodest scientia. Quid enim medico cum scientia, nisi ex præscripto ejus rectè valeat? Quid Phidiæ cum arte sua, nisi eboricam admoveat, & auro? sapiens introdu-citur ab Homero Nestor: vide tamen effectum illius sapientiae. Conservationem, dico, exercitus, pacem Reip. liberorum obsequium, populi virtutem. Sapiens Ulysses: sed opera ejus video terra marique gesta.

*Multorum mores populorum vidit & urbes,
Ipse suam servans animam reditumque suorum.*

Sapiens & Hercules; non sibi tamen; sed ut per terras omnes & maria sapientiam suam diffunderet. Hic enim est, qui tot feras sustulit, Tyrannos in officio continuit, servientibus libertatem peperit, liberis leges tulit, justitiam confirmavit, statuta sancit: qui denique veritatem in verbis, in agendo regiam viam secutus est. Quod si procul à societate hominum vitam ducere, si otia-ri, si sapientiam tranquillam sequi maluisset Hercules, pro Hercule

revera

rèvera Sophista fuisset, nec quisquam eum Jovis filium dicere ausus esset. Quia nec ipse Jupiter otiaitur. Nam cum eo & moveri cœlum, & nutrire terra, & fluere fluvii, & aquæ in mare labi, & vices suas mutare anni tempestates desinerent. nec Parcæ denique munus suum partiri, nec Musæ canere pergerent, Cessaret & virtus hominûm, & vita reliquorum animalium, & fructuum sæcunditas. Totum denique universum hoc in se abire denuo & confundi inciperet. Nunc verò administratio Jovis indefessa, perpetua, ac vigilantissima cum sit, ne unquam deficiat, aut ab opere suo recedat, perpetuæ quoque conservationis rebus creatis causa est. Hoc est, cur bonos reges Jovique quam simillimos moveat in somnis Jupiter.

*Turpe viro totam prudenti stertere noctem,
Cui populi commissæ salus, & munera tanta.*

Hæc cum videat Philosophus, nec Jovem tamen, nec Herculem, nec Reges bonos imitabitur? sed vitam potius hominis in solitudine nati, desertam, à societate alienam ducet; vitam Cycloporum, non hominum. His tamen ipsis, cum terra, ut Poëta ait, triticum ferret, hordumque.

Cum nemo sereret, curvoque instaret aratro.

Nihilominus singuli uxoribus suis, & liberis leges dictabant, nec nihil erat, quod agerent. Nihil enim omnino agere, cui conveniat, nisi mortuo?

4. Quod si actio cum virtute conjuncta non esset, præstaret virtutem sequi; actionem omittere: at si contra virtus non in verbis, sed in opere, atque in actione, quæ societatem humanam respicit, atque vitæ civilis usu consistit, hæc potissimum sequenda sunt, cum quibus ipsa quoque virtus habere possit.

Nam civis homini vitium sese aggeret ulcro,
ut Boëtius Poëta ait, at

Virtutem posuere Dei sudore parandam.

Nisi quis athletam laudet, qui ante sudorem coronam postularet. Atqui, dices, cum, qui in Reipublicæ administratione versatur, periculum sequitur, damna, insidiæ, invidia, exilium, mors & infamia. Quid si cogitare eodem modo gubernator incipiat, insidiam esse, plenamque periculorum navigationem, & laborum: multa esse incerta in ea, tempestatem undique imminere & ventos. Quid si cogitare eodem

Et

modo

cessare incipiant, nemo adhuc sentit; sicut Thersites discessu suo è castris Græcos non turbasset: Achilles contra, dum irascitur, dum in tentorio suo quiescit, dum otio, dum cithara, & cantu animum oblectat suum, plurimis malis exercitum implevit. Cujus enim juvare potest præsentia, illius nocere necessario debet absentia. Quis autem ille est, quem contemplari, quem veritati operam dare, quem otia-ri debere dicis, nisi vir prudens & sapiens? Quid ergo? Num in navi, qui optime gubernat, locum suum aliis cedit, qui minimè possunt? aut Imperator exercitus imperium suum tradit iis, qui imperare nesciunt?

3. Præterea non possum videre, quid omnino minus cum gloria ac dignitate sit conjunctum, quàm ut veritatem aliquis cognoscat, sterilemque in animo suo Thesaurum, inertem, atque infœcundum colligat, qui neque ipsi, neque alii cuiquam prodesse possit. Nisi forte auditus pulcher videtur tibi, ut audias tantum, non ut concentum aliquem percipias: aut visus, ut videas tantum, non ut solis lumen aspicias; aut divitiæ, licet apud aliquem sine ullo usu in terra defossæ jaceant. Eodem modo scientiæ, ne singula commemorē, quis usus esse potest, nisi exerceamus, in quibus prodest scientia. Quid enim medico cum scientia, nisi ex præscripto ejus rectè valeat? Quid Phidiæ cum arte sua, nisi eboricam admoveat, & auro? sapiens introdu-citur ab Homero Nestor: vide tamen effectum illius sapientiae. Conservationem, dico, exercitus, pacem Reip. liberorum obsequium, populi virtutem. Sapiens Ulysses: sed opera ejus video terra marique gesta.

*Multorum mores populorum vidit & urbes,
Ipse suam servans animam reditumque suorum.*

Sapiens & Hercules; non sibi tamen, sed ut per terras omnes & maria sapientiam suam diffunderet. Hic enim est, qui tot feras sustulit, Tyrannos in officio continuit, servientibus libertatem peperit, liberis leges tulit, justitiam confirmavit, statuta sancit: qui denique veritatem in ver-bis, in agendo regiam viam secutus est. Quod si procul à societate hominum vitam ducere, si otia-ri, si sapientiam tranquillam sequi maluisset Hercules, pro Hercule

revera

revera Sophista fuisset, nec quisquam cum Jovis filium dicere ausus esset. Quia nec ipse Jupiter otiaitur. Nam cum eo & moveri coelum, & nutrire terra, & fluere fluvii, & aquae in mare labi, & vices suas mutare anni tempestates desinerent. nec Parcae denique munus suum partiri, nec Musae canere pergerent. Cessaret & virtus hominum, & vita reliquorum animalium, & fructuum fecunditas. Totum denique universum hoc in se abire denuo & confundi inciperet. Nunc verò administratio Jovis indefessa, perpetua, ac vigilantissima cum sit, ne unquam deficiat, aut ab opere suo recedat, perpetuae quoque conservationis rebus creatis causa est. Hoc est, cur bonos reges Jovi quae quam simillimos moreat in somnis Jupiter.

*Turpe viro totam prudenti stertere noctem,
Cui populi commissa salus, & munera tanta.*

Hæc cum videat Philosophus, nec Jovem tamen, nec Herculem, nec Reges bonos imitabitur? sed vitam potius hominis in solitudine nati, desertam, à societate alienam ducet; vitam Cycloporum, non hominum. His tamen ipsis, cum terra, ut Poëta ait, triticum ferret, hordcumque.

Cum nemo sequeretur, cur voque instaret aratro.

Nihilominus singuli uxoribus suis, & liberis leges dictabant, nec nihil erat, quod agerent. Nihil enim omnino agere, cui conveniat, nisi mortuo?

4. Quod si actio cum virtute conjuncta non esset, præstaret virtutem sequi; actionem omittere: at si contra virtus non in verbis, sed in opere, atque in actione, quæ societatem humanam respicit, atque vitæ civilis usu consistit, hæc potissimum sequenda sunt, cum quibus ipsa quoque virtus habere possit.

Nam cuiusvis homini vitium sese aggeret ulero,
ut Boëtius Poëta ait, at

Virtutem posuere Dei sudore parandam.

Nisi quis athletam laudet, qui ante sudorem coronam postulat. Atqui, dices, cum, qui in Reipublicæ administratione versatur, periculum sequitur, damna, insidiæ, invidia, exilium, mors & infamia. Quid si cogitare eodem modo gubernator incipiat, insidiam esse, plenamque periculorum navigationem, & laborum: multa esse incerta in ea, tempestatem undique imminere & ventos. Quid si cogitare eodem

E c

modo

cessare incipiant, nemo adhuc sentit; sicut Thersites discessu suo è castris Græcos non turbasset: Achilles contra, dum irascitur, dum in tentorio suo quiescit, dum otio, dum cithara, & cantu animum oblectat suum, plurimis malis exercitum implevit. Cujus enim juvare potest præsentia, illius nocere necessario debet absentia. Quis autem ille est, quem contemplari, quem veritati operam dare, quem otia-ri debere dicis, nisi vir prudens & sapiens? Quid ergo? Num in navi, qui optimè gubernat. locum suum aliis cedit, qui minimè possunt? aut Imperator exercitus imperium suum tradit iis, qui imperare nesciunt?

3. Præterea non possum videre, quid omnino minus cum gloria ac dignitate sit conjunctum, quàm ut veritatem aliquis cognoscat, sterilemque in animo suo Thesaurum, inertem, atque infœcundum colligat, qui neque ipsi, neque alii cuiquam prodesse possit. Nisi forte auditus pulcher videtur tibi, ut audias tantum, non ut concentum aliquem percipias: aut visus, ut videas tantum, non ut solis lumen aspicias; aut divitiæ, licet apud aliquem sine ullo usu in terra defossæ jaceant. Eodem modo scientiæ, ne singula commemorē, quis usus esse potest, nisi exerceamus, in quibus prodest scientia. Quid enim medico cum scientia, nisi ex præscripto ejus rectè valeat? Quid Phidiæ cum arte sua, nisi eboricam admoveat, & auro? sapiens introdu-citur ab Homero Nestor: vide tamen effectum illius sapientiae. Conservationem, dico, exercitus, pacem Reip. liberorum obsequium, populi virtutem. Sapiens Ulysses: sed opera ejus video terra marique gesta.

*Multorum mores populorum vidit & urbes,
Ipse suam servans animam reditumque suorum.*

Sapiens & Hercules; non sibi tamen, sed ut per terras omnes & maria sapientiam suam diffunderet. Hic enim est, qui tot feras sustulit, Tyrannos in officio continuit, servientibus libertatem peperit, liberis leges tulit, justitiam confirmavit, statuta sancit: qui denique veritatem in verbis, in agendo regiam viam secutus est. Quod si procul à societate hominum vitam ducere, si otia-ri, si sapientiam tranquillam sequi maluisset Hercules, pro Hercule

revera

revera Sophista fuisset, nec quisquam eum Jovis filium dicere ausus esset. Quia nec ipse Jupiter otiaur, Nam cum eo & moveri cœlum, & nutrire terra, & fluere fluvii, & aquæ in mare labi, & vices suas mutare anni tempestates desinerent. nec Parcæ denique munus suum partiri, nec Musæ canere pergerent. Cessaret & virtus hominûm, & vita reliquorum animalium, & fructuum sæcunditas. Totum denique universum hoc in se abire denuo & confundi inciperet. Nunc verò administratio Jovis indefessa, perpetua, ac vigilantissima cum sit, ne unquam deficiat, aut ab opere suo recedat, perpetuæ quoque conservationis rebus creatis causa est. Hoc est, cur bonos reges Jovi quæ quam simillimos moneat in somnis Jupiter.

Turpe viro totam prudenti stertere noctem,

Chîi populi commissæ salus, & munera tanta.

Hæc cum videat Philosophus, nec Jovem tamen, nec Herculem, nec Reges bonos imitabitur? sed vitam potius hominis in solitudine nati, desertam, à societate alienam ducet; vitam Cycloporum, non hominum. His tamen ipsis, cum terra, ut Poëta ait, triticum ferret, hordcum quæ.

Cum nemo sequeretur, curvoque instaret aratro.

Nihilominus singuli uxoribus suis, & liberis leges dictabant, nec nihil erat, quod agerent. Nihil enim omnino agere, cui conveniat, nisi mortuo?

4. Quod si actio cum virtute conjuncta non esset, præstaret virtutem sequi; actionem omittere: at si contra virtus non in verbis, sed in opere, atque in actione, quæ societatem humanam respicit, atque vitæ civilis usu consistit, hæc potissimum sequenda sunt, cum quibus ipsa quoque virtus habere possit.

Nam cû vivis homini vitium sese aggeret ulero,

ut Boëtius Poëta ait, at

Virtutem posuere Dei sudore parandam.

Nisi quis athletam laudet, qui ante sudorem coronam postulat. Atqui, dices, cum, qui in Reipublicæ administratione versatur, periculum sequitur, damna, insidiæ, invidia, exilium, mors & infamia. Quid si cogitare eodem modo gubernator incipiat, insidiam esse, plenam quæ periculorum navigationem, & laborum: multa esse incerta in ea, tempestatem undique imminere & ventos. Quid si cogitare eodem

E c

modo

imperio administrandis idonei sunt, hanc non debere curam subterfugere; animo tamen rerum simul humanarum despicientiam amplexi. Hoc in S. Ignatio Lojola factum predicare etiam poteris.

V. Thesis.

Vitam activam contemplativa preferendam esse.
Tyrius dissert. 5.

Ab enumeratione partium.

I. In Exordio docet, neminem sua sorte contentum, aliena laudare, fastidire propria, per enumerationem partium.

Simili illud navigantium, qui ignari sint quo tendant, illustrat.

II. Ad propositionem per transitionem veniens, querit, vitæ activæ hominum contemplativæ Philosophorum præferenda sit?

III. In confirmatione vitam activam pro se agentem introducit, idque per enumerationem omnium, qui Reipubl. prosint, adversus Philosophorum contemplationem Reipubl. inutilem.

2. Tribus illud similibus illustrat, navigantium, ubi omnibus collaborandum: corporis humani, in quo singulis membris sua sunt officia: ædificiorum, quæ singuli lapides sustinent, & ubique, præcipuis (qualis, inter homines, sapiens est) deficientibus, præcipuam cladem docet sentiri.

3. Ratione idem probat, quia nulla illius sapientia dignitas est, cujus nullus est fructus, quod variis comparationibus ostendit, tum similium, tum exemplorum, Phidias, Nestoris, Ulyssis, Herculis, ac Iovis.

4. Ratio altera est, quod in actione virtus consistat, quæ pericula omnia superat. Vbi timidos refutat ex comparatione gubernatoris in navi, & in bello imperatoris, quorum est periculis non terreri; tum oppositione exemplorum, quæ Epicuro Platonem, Xenophontem, Diogenem; Sardanapalo Cyrum & Ulysses objicit.

I. Difficile est invenire vitam undequaque perfectam, sicut & hominem. Nullam enim facile dixeris, cui non desit

aliquid ad perfectionem summam. Semperque ea potior dicenda est reliquis, cui quam minimum deest. Sic urbanorum felicitatem prædicat agricola, quod iucundum hilaremque vitam agant. Contra qui in concionibus & judiciis versantur, magnaque in iis autoritate pollent, sortem deplorant suam, nec aliud optant, quam ut cum rastris, & parvo aliquo furculo res sibi esse possit. Militem audies vitam pacificam laudibus in cælum efferre: eum contra qui bellum non expertus est, militarem admirari. Quod si Deus aliquis singulis vitam, quam agunt, præsentique conditionis habitum (ut in scena fieri solet) exuat, quæque nunc aliorum sunt pro iis inducat, nihilominus ipsi illi priora optabunt iterum, præsentia contra deplorabunt. Ita nihil est, quod facile probent homines, sed queruli semper & morosi vitam transigunt, nec quæ propria illis fors esse voluit, amplectuntur. Et vulgi quidem vota ac fastidia nihil esse referre (non magis, quam pecudum, aut brutorum me hercule) ipsos verò Philosophos merito accuses, ut infelices, qui cum nihil aliud jactent, quam prudentiam, rectè vivendi modum, usumque rationis: nondum tamen sibi temperare possunt, quin secum partim, partim cum aliis rixentur, ac de vitæ genere, quam ingressuri sunt, contendant.

Qui idem meritò agere videntur, quod gubernatores solent, qui cum omnia, quæ ad navigationem pertinent, diligenter præparaverint, navem maximam, apparatus firmissimum, instrumentorum copiam, nautarum obsequium, accurratam artis peritiam, aptumque saburræ onus, in ipsa tamen navigatione errant, nec satis, quo eundum sit, inveniunt; cum multos quidem portus videant, nullum tamen certum.

II. Reliquos igitur cum sua vivendi ratione prætermittamus: quales sunt, qui in mediis voluptatibus liquecant, qui terram colunt, qui in mari errant, quo stipendia merent, qui in concionibus clamant, qui in judiciis volutantur: Et ut in corporum certaminibus homines infirmi, & qui sola victoriæ spe plus audent, quam oportet, citò deficient; at qui virtute fretus in certamen descendit, constanter perdurat, ac de victoriâ contendit, ita in hoc vitæ certamine reliquos omnes ejectos esse à nobis,

& succubuisse putemus ; solaque interea Contemplativa inter se vita & activa, tanquam æmuli duo, & qui de victoria contendere debeant, rationis armis in præsentia concurrant. Ultra ergo prior in hoc iudicio nostro causam suam agat ? Certe Activa, me iudice: vel quod præsentis animi sit, & confidentior, vel quo versari cum populo, meliusque vivere consuerit. Quam ita causam agere suam fingamus.

III. Si quis, ubi primum vitam hanc ingredimur singuli mortalium, quasi imperator urbis aut conditor, nascentes exciperet, qui pedem inferre portis non permetteret, nisi prius audiret è nobis, quod vel opus, vel quam in commune Reip. bonum utilitatem conferre possint singuli ; architectos responsuros arbitror, suum esse, lapides componere ; atque ex iis munimenta, quibus ab injuria æstus frigorisque tuti esse possint homines, exstruere, Textores licio, & subtegmine vestes contexere, quæ simul tegant & exornent corpora. Faber lignarius aratrum se afferre dicet, aut grabatum, & si quid præterea ab arte illius expectatur. Ferrarius, quæcunque ex ære, aut ferro, tam belli quam pacis tempore fieri solent. Etiam illa quæ voluptatis tantum causa fiunt, ut veri simile est, admittentur, Quo in genere pictores, statuariosque pono, quorum ars oculos oblectat. Quibus unguentarios adde, coquosque, & qui odores ac fumos venditant, tum quotquot, vel tibiis, vel cantu, vel tripudiis aurium voluptati student. Sed & aliquis, ut morionem, aliquis ut mirionem agat, advocabitur, alius ut verbis delectet, & sermonibus. Sicut Homerus in mediis quoque castris Nirei formæ locum dedit. Adeò, ut nemo sine ulla, quod dici solet, symbola vitam hanc intret: qui aut usum aliquem, aut artem præbeat, aut voluptatem.

1. Esto. Quod ex omnibus opus Philosophi dicemus esse ? Neque enim solum hunc sine utilitate ulla tanquam fucum intrasse, sed ut sociale animal, & qui ad communem vitam aliquid conferre possit, non minus, quam reliqui, omnibus notum est. Quam ergo dicemus in hac societate adferri à Philosopho symbolam, aut quo in ordine hunc virum ponemus ? An inter operarios cum Tuchio, aut coquos cum Mithæco, aut miriones cum Phrynione,

aut

aut ridiculos cum Philippo, aut populi Principes cum Cleone? solusne hic sine tribu, lareque, quod dici solet, vagabitur? Habet certè & ille opus suum; quod tamen sit ignoro. Si ex ipso quæras: otium dicet ago, solusque mecum rerum naturam contemplor, multa que varietate me pascō.

2. Næ tu beatus es, cum hoc otio tuo, mi homo! siquidem si navem conscendisses, ut video, non tantum non gubernatoris, sed ne remigis quidem fungi velles munere: imò nec juvare eos, qui discurrunt, & aliquid ad salutem navis conferunt, nec saltem agiles vectores imitari, qui, quamvis nautæ non sint, interdum tamen aut rudentem tangunt, aut si magna sit tranquillitas, remum in manus sumunt. Sed in eorum numero; qui sine ullo usu jacent, & vehuntur, nihil aliud, quam pondus, quod dici solet, navis. Nisi fortè existimes, minus auxilio egere urbem in terra, ut esse salva possit, quam navem in mari. Multo magis illa in terra, ut arbitror; in qua pauci sunt, qui aliquid agunt, cum sarcina sit maxima. Adde quod urbs sit constitutio quædam, quæ è diversorum subsidiis composita & conflata est, sicut corporis necessitas diversis partibus eget, quæ dum singulæ aliquid ad obsequium totius conferunt, totum servatur. Sustinent pedes, operantur manus, vident oculi, audiunt aures atque ita deinceps, ne sim prolixior. Jam ponamus à Phrygio illo fabulatore fingi fabulam, in qua introducantur pedes, qui reliquis corporis partibus succenseant, negentque se labore suppeditare amplius, aut tanto oneri diutius ferendo esse, sed otiosi iustius velle. Dentes vicissim, cibum qui tantæ sufficiat turbæ, molere se & præparare posse. Atque ita singulæ incipiant, neglecto opere suo, contemplationi vacare. Quem alium fabulæ finem exspectas, quam ut homo moriatur. Eodem modo in Reipublicæ corpore agitur. In quo si singuli, tædio laboris, nihil reliquis suppeditent, sed abrupta societate quisque otiosi incipiat, quid obstabit, quo minus pereat corpus totum, & dissolvatur. An arbitraris sola ædificia quamdiu inter se cōhærent lapides, vineta manere & consistere, sin minimum è tota compage tollas, tota dissolvi: universæ verò vitæ salutem non ex apta inter se partium commissione pendere? Præterea si alii cessare

cessare incipiant, nemo adhuc sentit; sicut Thersites discessu suo è castris Græcos non turbasset: Achilles contra, dum irascitur, dum in tentorio suo quiescit, dum otio, dum cithara, & cantu animum oblectat suum, plurimis malis exercitum implevit. Cujus enim juvare potest præsentia, illius nocere necessario debet absentia. Quis autem ille est, quem contemplari, quem veritati operam dare, quem otia debere dicis, nisi vir prudens & sapiens? Quid ergo? Num in navi, qui optimè gubernat, locum suum aliis cedit, qui minimè possunt? aut Imperator exercitus imperium suum tradit iis, qui imperare nesciunt?

3. Præterea non possum videre, quid omnino minus cum gloria ac dignitate sit conjunctum, quàm ut veritatem aliquis cognoscat, sterilemque in animo suo Thesaurum, inertem, atque infœcundum colligat, qui neque ipsi, neque alii cuiquam prodesse possit. Nisi forte auditus pulcher videtur tibi, ut audias tantum, non ut concentum aliquem percipias: aut visus, ut videas tantum, non ut solis lumen aspicias; aut divitiæ, licet apud aliquem sine ullo usu in terra defossæ jaceant. Eodem modo scientiæ, ne singula commemorē, quis usus esse potest, nisi exerceamus, in quibus prodest scientia. Quid enim medico cum scientia, nisi ex præscripto ejus rectè valeat? Quid Phidiæ cum arte sua, nisi æbori eam admoveat, & auro? sapiens introducit ab Homero Nestor: vide tamen effectum illius sapientiæ. Conservationem, dico, exercitus, pacem Reip. liberorum obsequium, populi virtutem. Sapiens Ulysses: sed opera ejus video terra marique gesta.

*Multorum mores populorum vidit & urbes,
Ipse suam servans animam reditumque suorum.*

Sapiens & Hercules; non sibi tamen; sed ut per terras omnes & maria sapientiam suam diffunderet. Hic enim est, qui tot feras sustulit, Tyrannos in officio continuit, servientibus libertatem peperit, liberis leges tulit, justitiam confirmavit, statuta sancit: qui denique veritatem in verbis, in agendo regiam viam secutus est. Quod si procul à societate hominum vitam ducere, si otia, si sapientiam tranquillam sequi maluisset Hercules, pro Hercule

revera

revera Sophista fuisset, nec quisquam eum Jovis filium dicere ausus esset. Quia nec ipse Jupiter otiaur, Nam cum eo & moveri cœlum, & nutrire terra, & fluere fluvii, & aquæ in mare labi, & vices suas mutare anni tempestates desinerent, nec Parcæ denique munus suum partiri, nec Musæ canere pergerent, Cessaret & virtus hominûm, & vita reliquorum animalium, & fructuum fœcunditas. Totum denique universum hoc in se abire denuo & confundi inciperet. Nunc verò administratio Jovis indefessa, perpetua, ac vigilantissima cum sit, ne unquam deficiat, aut ab opere suo recedat, perpetuæ quoque conservationis rebus creatis causa est. Hoc est, cur bonos reges Jovique quam simillimos morbeat in somnis Jupiter.

Turpe viro totam prudenti stertere noctem,

Chî populi commissâ salus, & munera tanta.

Hæc cum videat Philosophus, nec Jovem tamen, nec Herculem, nec Reges bonos imitabitur? sed vitam potius hominis in solitudine nati, desertam, à societate alienam ducet; vitam Cycloporum, non hominum. His tamen ipsis, cum terra, ut Poëta ait, triticum ferret, hordumque.

Cum nemo severet, curvoque instaret aratro.

Nihilominus singuli uxoribus suis, & liberis leges dictabant, nec nihil erat, quod agerent. Nihil enim omnino agere, cui conveniat, nisi mortuo?

4. Quod si actio cum virtute conjuncta non esset, præstaret virtutem sequi; actionem omittere: at si contra virtus non in verbis, sed in opere, atque in actione, quæ societatem humanam respicit, atque vitæ civilis usu consistit, hæc potissimum sequenda sunt, cum quibus ipsa quoque virtus habere possit.

Nam clivis homini vitium sese aggeret ulero,

ut Boëtius Poëta ait, at

Virtutem posuere Dei sudore parandam.

Nisi quis athletam laudet, qui ante sudorem coronam postularet. Atqui, dices, cum, qui in Reipublicæ administratione versatur, periculum sequitur, damna, insidiæ, invidia, exilium, mors & infamia. Quid si cogitare eodem modo gubernator incipiat, infidam esse, plenamque periculorum navigationem, & laborum: multa esse incerta in ea, tempestatem undique imminere & ventos. Quid si cogitare eodem

E c

modo

modo dux belli incipiat; ambiguos esse belli exitus, periculum æquum utrique, discrimina maxima esse in proximo, vicinam mortem. Hæc si illi cogitent, quicquam obstat, quo minus nemo in mari naviget, libertatem suam, ne per somnum quidem, Imperatorum penuria vultus tueatur: omnes denique vitam lumbricis similem, timidam, inertem, que inter metus, transigant? Sardanapali vitam dicis, Epicuri vitam narras. Opponamus hic alios, Sardanapalo quidem Cyrum, Persam Assyrio: qui cum otiosè posset tranquille vivere, laborare tamen maluit, expeditiones suscipere, sistere sæpe, sæpe esurire, nec ullis, aut noctu, aut interdum temperare molestiis, quo Persas suos liberaret. Oppone & Epicuro multos alios, Græco Græcos. Ex Academia Platonem, è castris Xenophontem, è ponto Diogenem, Plato unius amici pauperis causa, qui in exilium coniectus erat, tantum tamque potens regnum adortus est; neque terram ullam, aut mare peragrarè dubitavit; non itam tyranni, aut exilium, non pericula ulla metuit, ut vel tantillum præter Philosophi officium faceret. Cum tamen in Academia sua contemplari, & veritatis studio sese explere posset. Xenophontem ex longo otio, rerumque contemplatione ad militiam, munusque Imperatorium, & conservanda tot Græcorum millia, vocat Proxenus, emittit Apollo, & cum Apolline Socrates. Nam, de instituto Diogenis, quid necesse est dicere, qui relicto socio suo, vicinas gentes adiit, non segnis, ne Hercules, aut ignavus morum inspector, sed qualis Ulysses ille:

Nam quemcunque virum Regem de stirpe videret,

Lenib. hunc verbis adstans retinebat euntem:

Quem vero è populo clamantem & vana moventem,

Hunc scepro percussit.

Aded ut nec sibi ipse parceret, sed plecteret, cum necesse esset, multaque exhiberet molestias.

Sese etiam crebro percussit vulnere multo,

Injecitque humeris pannosum foris amictum.

IMITATIO.

Proximè imitaberis si vel Religiosorum illorum vitam, quæ vitam activam contemplationi miscet, cæteris præferas, vel gloriosius asseras bella feliciter gerere, quam scribere, vel illorum explodas hæreticorum sententiam, qui sola fide hominem coram Deo asserant justificari, operibus tanquam impuris & opprobrio dignis minimè requisitis. Remotius imitaberis, si peregrinationem ad diversa orbis loca institutam, vita solitaria inter familiares præferas.

VI. Thesis.

Consultiusne sit plures sibi parare amicos an abstinere? Lælius apud Ciceronem de amicitia.

1. Principio Græcorum sententiam rationesque proponit, quibus dissuadebant plurem amicitiam nisi utiles essent. Contra statuit in amicitia gratuita plurimum boni esse.

11. Probat & refutat Græcos 1. Ab adjunctis. Quia licet cura aliquid molestiæque, suo in culeu, haberet amicitia; tamen iecirco non esset fugienda, cum omnis virtus curam molestiamque habeat.

Probat 2. A Causa. Quod, qui virtute delectatur, etiam amicitia, quæ ex illa ortum habet, delectari debeat. boni enim bonos ob similitudinem amare coguntur.

Probat 3. Ab attributis. Quod illi, qui opulenti simul, & virtute sunt præditi, plerumque & liberales sint. ideoque non colant propter indigentiam amicitias; licet utilitas ex amicitia sequi solent.

3. A contrario. Quod si qui opulentorum absque amicitia vivant, id tyrannorum proprium videri, qui cum mutuantur, non coluntur nisi ficta amicitia, ut Tarquinius experius est. Quod si quis etiam potentium & divitum sit, negligentes amicitia, eo quod utilitatem ex ea non sperent; hos illud, quod in vita pulcherrimum jucundissimumque sit, aliis levioribus fortunæ bonis postponere.

Lælius ad Fannium & Scævola.

I. Quibusdam, quos audio sapientes habitos in Græcia, placuisse opinor mirabilia quædam. (Sed nihil est, quod illi non persequantur suis argutijs) partim fugiendas esse nimias amicitias, ne necesse sit, unum sollicitum esse pro pluribus; satis superque esse sibi suarum cuique rerum curam; alienis nimis implicari molestum esse. Quam laxissimas habenas habere amicitiae, quas vel adducas, cum velis, vel remittas: caput enim esse ad bene beaeque vivendum securitatem; quâ frui non possit animus, si tanquam parturiat unus pro pluribus. Alios autem dicere, ajunt etiam, multo inhumanius: quem locum breviter perstrinxi paulo ante: praesidii adjuvmentique causa, non benevolentiae, neque caritatis, amicitias esse expetendas: itaque ut quisque minimum firmitatis habeat, minimumque virium, ita amicitias appetere maximè. Ex eo fieri, ut mulerculae magis amicitiarum praesidia quaerant, quam viri; & inopes, quam opulenti; & calamitosi, quam ii, qui putantur beati. Ô præclaram sapientiam! solem enim è mundo tollere videntur, qui amicitiam è vita tollunt: qua nihil à Diis Immortalibus melius habemus, nihil jucundius.

II. Quæ est enim ea securitas? specie quidem blanda, sed de re ipsa multis locis repudianda est. neque enim est consentaneum, ullam honestam rem actionemve, ne sollicitus sis, aut non suscipere, aut susceptam deponere. Quod si curam fugimus; virtus fugienda est; quæ necesse est, ut cum aliqua cura res sibi contrarias aspernetur, atque oderit, ut bonitas malitiam, temperantia libidinem, ignaviam fortitudo. Itaque videas rebus injustis justos maximè dolere, imbecillibus fortes, flagitiosis modestos. Ergo hoc proprium est animi bene constituti, & lætari bonis rebus, & dolere contrariis. Quamobrem si cadit in sapientem animi dolor, qui profectò cadit, nisi ex ejus animo extirpatam humanitatem arbitremur: quæ causa est, cur amicitiam funditus tollamus, è vita, ne aliquas propter eam suscipiamus molestias? quid enim interest, motu animi sublato, non dico inter pecudem & hominem, sed inter hominem, & saxum, aut truncum, aut quidvis generis ejusdem? Neque enim sunt isti audiendi, qui virtutem duram, & quasi ferream esse volunt: quæ
quidem

quidem est tum multis in rebus, tum in amicitia tenera atque tractabili; ut & bonis amici quasi diffundatur, & incommodis contrahatur. Quamobrem angor iste, qui pro amico sæpe capiendus est, non tantum valet, ut tollat è vita amicitiam: non plus, quàm ut virtutes, quia nonnullas curas & molestias afferunt, repudientur.

2. Cum autem contrahat virtus amicitiam, ut supra dixi, si qua significatio virtutis eluceat, ad quam se similis animus applicet, & adjungat: id cum contingit, amor tibi exoritur necesse est. quid enim tam absurdum, quam delectari multis inanibus rebus, ut honore, ut gloriâ, ut ædificio, ut vestitu, cultuque corporis; animo autem virtute prædito, eo, qui vel amare, vel, ut ita dicam, redamari possit, non admodum delectari? nihil est enim remuneratione benevolentiae, nihil vicissitudine studiorum, officiorumque jucundius. Quod si etiam illud addimus (quod recte addi potest) nihil esse, quod ad se rem ullam tam alliciat, & contrahat, quàm ad amicitiam similitudo: concedatur profectò verum esse, ut bonos boni diligant, adiscantque sibi quasi propinquitate conjunctos, atque natura. Nihil est enim appetentius similium sui, nihil rapacius, quam natura. Quamobrem hoc quidem, Fanni & Scævola, constat, ut opinor, bonis inter bonos quasi necessariam benevolentiam esse: qui & amicitiae fons à natura constitutus. Sed eadem bonitas etiam ad multitudinem pertinet. non est enim inhumana virtus, neque superba; quæ etiam populos universos tueri, ei que optimè consulere debeat: quod non facere profectò, si à caritate vulgi abhorreret.

3. Atque etiam mihi quidem videntur, qui utilitatis causa fingunt amicitias, amabilissimum nodum amicitiae tollere. non enim tam utilitas parva per amicum, quam amici amor ipse delectat: tumque illud fit, quod ab amico est profectum, jucundum, si cum amore, & studio est profectum: tantumque abest, ut amicitiae propter indigentiam celantur, ut ii, qui opibus, & copiis, maximeque virtute præditi, in qua plurimum est præsidii, minimè alterius indigeant, & liberalissimi sicut & beneficentissimi. Atque haud scio, anne opus sit quidem, nihil unquam omninò deesse amicis. Ubi enim studia nostra viguissent, si nunquam studio, nunquam consilio, nunquam opera nostra, nec domi nec militiæ Scipio eguisset?

non igitur utilitatem amicitia, sed utilitas amicitiam secuta est. Non ergo erunt homines divitiis affluentes audiendi, si quando de amicitia, quam nec ratione habent cognitam, disputabunt. Nam quis est (piô Deum fidem atque hominum!) qui velit, ut neque diligat quenquam, nec ipse ab ullo diligatur, circumfluere omnibus copiis, atque in omnium rerum abundantia vivere? hæc enim est tyrannorum vita nimium; in qua nulla fides, nulla caritas, nulla stabilis benevolentia potest esse fiducia: omnia semper suspecta, atque sollicita; nullus locus est amicitia. Quis enim aut cum diligat, quem metuit, aut cum à quo se metui putat? coluntur tamen simulatione amicitia duntaxat ad tempus. Quod si fortè, ut sit plerumque, ceciderint; tum intelligitur, quam fuerint inopes amicorum. Quod Tarquinius dixisse ferunt; tum, cum exulasset, se intellexisse, quos fidos amicos habuisset, quosque infidos, cum jam neutris gratiam referre posset. Quanquam miror, in illa superbia, & importunitate si quenquam habere potuit. Atque ut hujus, quem dixi, mores veros amicos parare non potuere: sic multorum opes præpotentium excludunt amicitias fideles, non enim sola ipsa fortuna cæca est, sed eos etiam plerumque efficit cæcos, quos complexa est. Itaque illi efferuntur fastidio ferè, & contumacia: neque quidpiam insipiente fortunato intolerabilius fieri potest. Atque hoc quidem videre licet, eos, qui antea commodis fuerunt moribus, imperio, potestate, prosperis rebus immutati, sperniq; ab iis veteres amicitias, & indulgeri novis. Quid autem stultius, quam, ut plurimum copiis, facultatibus, opibus possint, cætera parare quæ parant, pecuniam, equos, famulos, vestes egregias, vasa pretiosa; amicos non parare, optimam & pulcherrimam vitæ, ut ita dicam, supellectilem? etenim cætera cum parant, cui parent, nesciunt, nec cujus causa laborent: jus enim est istorum quodq; qui vincit viribus: amicitiarum sua cuique permanet stabilis & certa possessio; ut etiam si mancant, quæ sunt & quasi dona fortunæ; tamen vita inculta, & deserta ab amicis non possit esse jucunda.

IMITATIO.

*Imitaberis, ſi in amicitis diligendis Ionatham in Davide nul-
lam utilitatis propria, ſed tantum virtutis rationem habuiſſe
tradas. Vel ſi etiam docuas, ſanctos homines, Angelo, quæ, tum
ipſum etiam Chriſtum, iure amandos ob inſignem virtutem. &
ſubmiſſionem, quæ nos, ut pares, ſuo amore dignantur, &c.*

VII. Theſis.

*Solos ſapientes, qui ſuis imperant cupiditatibus, libe-
ros; ceteros omnes ſervos eſſe. Cicero
Paradoxo. 5.*

1. Docet Imperatorem verum non eſſe qui ſuis cupiditati-
bus ſerviat.

2. Sapientes tantum liberos.

3. Improbos omnes ſervos eſſe, quod ſimili illuſtrat.

4. Servire quotquot rebus domi ſplendidis additi ſunt. Se-
cus quam M. Curius.

5. Servire quotquot potentioribus opum aut honoris ſtudio
addicuntur exemplo Craſſi.

1. Lauderur verò hic imperator, aut etiam appelletur,
aut hoc nomine dignus putetur; ſed quomodo, aut cui tan-
dem hic libero imperabit, qui non poteſt cupiditatibus ſuis
imperare? refrenet primum libidines, ſpernat voluptates, ira-
cundiam teneat, cocerceat avaritiam, cæteras animi labeſ re-
pellat: tum incipiat alijs imperare, cum ipſe improbiſſimis
Dominis, de decori, ac turpitudini patere deſierit, dum qui-
dem his obediens, non modò Imperator, ſed liber habendus
omnino non erit.

2. Præclare enim hoc uſurpatum à doctiſſimis, quorum
autoritate non uterer, ſi mihi apud aliquos agreſtes hæc ha-
benda eſſet oratio; cum verò apud prudentiſſimos loquar,
quibus hæc inaudita non ſunt: cur ego ſimulem, me, ſi quid
in his ſtudiis operæ poſuerim, perdidiffe? Dictum eſt igitur
ab erudiſſimis viris, niſi ſapientem liberum eſſe neminem.
Quid eſt enim libertas? poteſtas vivendi, ut velis. Quis

igitur vivit, ut vult, qui recta sequitur, qui gaudet officio, cui vivendi via considerata, atque provisâ est? qui legibus non propter metum parit, sed eas sequitur; atque colit, quia id salutare maximè esse judicat: qui nihil dicit, nihil facit, nihil cogitat denique, nisi libenter, ac liberè? cujus omnia consilia, resque omnes, quas gerit, ab ipso proficiscuntur, eodemque referuntur: nec est ulla res, quæ plus apud eum polleat, quam ipsius voluntas atque iudicium: cui quidem etiam, quæ vim habere maximam dicitur, Fortuna ipsa cedit: quæ, sicut sapiens Poëta dixit, *Suis ea cuique fingitur moribus*. Soli igitur hoc contingit sapienti, ut nihil faciat invitus: nihil dolens, nihil coactus, quod etsi ita esse, pluribus verbis disserendum est: illud tamen brevi conficiendum est, nisi qui ita sit affectus, esse liberum neminem.

3. Igitur omnes improbi, servi, ne hoc tam re est, quam dicto inopinatum atque mirabile. non enim ita dicunt, eos esse servos, ut mancipia, quæ sunt dominorum facta nexu, aut aliquo jure civili: sed si servitus sit, sicut est, obedientia fracti animi, & objecti, & arbitrio carentis suo, quis neget omnes leves, omnes denique improbos esse servos? An ille mihi liber videatur, cui mulier imperat? cui leges imponit, præscribit, jubet, vetat, quod videtur? qui nihil imperanti negare potest, nihil recusare audet? poscit, dandum est: vocat, veniendum: ejcit, abeundum; minatur, extimescendum. Ego istum non modò servum, sed nequissimum servum, etiam si amplissima familia natus sit, appellandum puto.

4. Atque ut in magna familia, sunt alii lautiores, ut sibi videntur, servi, sed tamen servi atrienses. Sic pari stultitia sunt, quos signa, quos tabulæ, quos cælatum argentum, quos Corinthia opera, quos ædificia magnifica nimio opere delectant. Ex summis inquirunt, civitatis principes sumus. Vos verò ne conservorum quidem vestrorum principes estis. Sed ut in familia, qui tractant ista, qui tergunt, qui verrunt, qui spargunt, honestissimum locum servitutis tenent: sic in civitate, qui seistarum rerum cupiditatibus dederunt, ipsius civitatis locum penè infimum obtinent. Magna, inquis, bella gessi: magis imperiis, & provinciis præfui. Gere igitur laude dignum. Astæonis tabula te stupidum detinet, aut signum aliquod Polycleti. Omitto, unde

unde sustuleris, & quomodo habeas, intuentem te, admirantem, clamores tollentem cum video: servum te esse incipiarum omnium judico. Nonne igitur sunt illa festiva? sunt, nam nos quoque oculos eruditos habemus. Sed obsecro te, ita venusta habeantur ista, non ut vincula virorum sint, sed ut oblectamenta puerorum. Quid enim censes? si L. Mummius aliquem istorum videret Mallonem Corinthium cupidissime tractantem, cum ipse totam Corinthum contempsisset: utrum illum civem excellentem, an atriensem diligentem putaret? Reviviscat M. Curius, aut eorum aliquis, quorum in villa ac domo nihil splendidum, nihil ornatum fuit, præter ipsos: & videat aliquem summis populi beneficiis usum, barbatulos mullulos exceptantem de piscina, & pertractantem, & murænarum copia gloriantem: nonne hunc hominem ita servum judicet, ut ne in familia quidem dignum majore aliquo negotio putet?

5. An eorum servitus dubia est, qui cupiditate peculii nullam conditionem recusant durissimæ servitutis? Hæreditatis spes quid iniquitatis in serviendo non suscepit? quem nutum locupletis oibis senis non observat? loquitur ad voluntatem: quicquid denuntiandum sit, facit: assentatur, assidet, miratur. Quid horum est liberi? quid denique non servi inertis? Quid? jam illa cupiditas, quæ videtur esse liberior honoris, imperii, provinciarum, quam dura est domina! quam imperiosa! quam vehemens! Cethego, homini non probatissimo, servire res coegit eos, qui amplissimi videbantur: mittere munera, noctu venire domum ad eum, precari, denique supplicare. Quæ servitus est, si hæc libertas æstimari potest? quid? cum cupiditatum dominatus excessit, & alius est Dominus exortus ex conscientia peccatorum, timor? quàm est illa misera, quàm dura servitus! adolescentibus paulò loquacioribus est serviendum: omnes, qui aliquid scire videntur, tanquam domini, timentur. Judex verò quantum habet dominatum? quo timore nocentes afficit? an non est omnis metus, servitus? Quid valet illa eloquentissimi viri, L. Crassi, copiosa magis, quam sapiens oratio? *Eripe nos ex servitute.* Quæ ista servitus, tam clare homini, tamque nobili? Omnis animi debilitati, & humilis, & fracti timiditas, servitus est. *Nolite finire nos cuiquam servire.* In libertatem vindicari vult? minime.

Quid enim adjungit? Nisi vobis universis. Dominum mutare, non liber esse vult. Quibus & possumus & debemus. Nos verò, siquidem animo excelsio, & alto, & virtutibus exaggerato sumus, nec debemus, nec possumus. Tu posses d' cito, quandoquidem potes; debere ne dixeris: quoniam nihil quisquam debet, nisi quod est turpe non reddere. Sed hæc hæctenus. Ille videat, quomodo Imperator esse possit; cum cum ne liberum quidem esse ratio, & veritas ipsa convincat.

IMITATIO.

*In hac materia imitando facile illam ornatis sententiam quod
servire Deo, regnare sit; regnare in mundo servire.*

VIII. Thesis.

*An mors acerba senibus videri debeat? Cicero
in Catone Maj.*

*A comparatione cum juvenibus, causisque
& adjunctis,*

*Principio tradit senectutem non ideo tristem esse, quod
mors illi propinqua sit.*

*Probat 1. Quia & adolescentibus saepe moriendum. hoc mis-
erioribus, quod mors illis incerta fuerit.*

*2. Quod juvenes sperant, ut diu possint vivere (quanquam
nihil in hac vita sit diu) hoc jam senes possident.*

*3. Quod senes penè fabulam vitam peregerint, & tanquam in
exacto anno iam fructus laboris colligant.*

*4. Quod juvenes repugnante natura saepe, senes quasi contra
naturam sponte à vita discedant.*

*5. Quod senes mortis contemptu plerumque fortiori sint ani-
mo, ut Solon apud Pisistratum.*

*Docet 6. Meditatione mortis eandem minus nobis molestem
accidere, quod non senum tantum, sed & juvenum exemplo
docet.*

*7. Cum nulla aetas præterita aetatis desiderio tangatur, cur
id faciat senex, præferim cum vita jam immortalis sit præior.*

8. Im-

8. *Immortalem animum videri, ut mors illi timeri non debeat.*

9. *Tanta magni viri nunquam fecissent, nisi de immortalitate solliciti.*

10. *Quivis sapiens libenter moritur, & nolit cum Pelia ad primam aetatem recoqui, cum ex hac vita tanquam hostia transeamus.*

11. *Concludit jure gaudendum, cum charissimis clarissimisque viris in altera vita sociemus.*

Cato senex ad Scipionem & Lælium adolescentes.

Causa quæ maximè angere, atque sollicitam habere nostram aetatem videtur, est appropinquatio mortis, quæ certè à senectute non potest longè abesse.

1. O miserum senem, qui mortem contemnendam esse in tam longa aetate non videt! quæ aut planè negligenda est, si omnino extinguit animum: aut etiam optanda, si aliquo eum deducit, ubi sit futurus æternus. Atqui tertium certè nihil inveniri potest. Quid igitur timeam, si aut non miser post mortem, aut beatus etiam futurus sum? Quamquam quis & tam stultus, quamvis sit adolescens, cui sit exploratum, se ad vesperum esse victurum? quin etiam ætas illa multò plures, quam nostra, mortis catus habet: facilius in morbos incidunt adolescentes: gravius ægrotant: tristius curantur: itaque perpauci veniunt ad senectutem. Quod ni ita accideret, melius & prudentius viveretur. mens enim, & ratio, & consilium in senibus est: qui si nulli fuissent, nullæ omnino civitates essent.

2. Sed redeo ad mortem impendentem. Quod illud est crimen senectutis, cum illud videatis cum adolescentia esse commune. Sensi ego tum in optimo filio meo, tum in expectatis ad amplissimam dignitatem fratribus tuis, Scipio, omni ætati mortem esse communem. At sperat adolescens diu se esse victurum; quod sperare idem senex non potest. Insipienter sperat: quid enim stultius, quam incerta pro certis habere, falsa pro veris? At senex ne quod speret quidem habet. Est eò meliore conditione, quam adolescens; cum id quod speret ille, hic jam consecutus est.

ille vult diu vivere, hic diu vixit. Quæquam, ô Dii boni, quid est in hominis vita diu? da enim supremum tempus, expectemus Tarcessiorum Regis ætatem. Fuit enim, ut scriptum video, Arganthonius quidam Gadibus, qui octoginta regnavit annos, centum & viginti vixit. Sed mihi ne diuturnum quidem quicquam videtur. in quo est aliquid extremum, cum enim id advenit, tunc illud quod præterit, effluit; tantum manet id, quod virtute & rectè factis sis consecutus: Horæ quidem cedunt, & dies, & menses, & anni; nec præteritum tempus unquam revertitur; nec quid sequatur sciri potest.

3. Quod cuique temporis ad vivendum datur, eo debet esse contentus. neque enim histrioni, ut placeat, peragenda fabula est, modo, in quocunque fuerit actu, probeatur: neque sapienti usque ad *plaudite*, veniendum, breve enim tempus ætatis satis est longum ad bene honestèque vivendum. Sin processeris longius: non magis dolendum est, quam agricolæ dolent, præterita verni temporis suavitate, æstatem, autumnumque venisse. ver enim, tanquam adolescentia, significat ostenditque vitæ fructus futuros: reliqua tempora de metendis fructibus, & percipiendis accommodata sunt. Fructus autem senectutis est, ut sæpe dixi, ante partorum bonorum memoria & copia.

4. Omnia verò, quæ secundum naturam fiunt, sunt habenda in bonis. Quid autem est tam secundum naturam, quam senibus emori? quod idem contingit adolescentibus, adversante & repugnante natura. Itaque adolescentes sic mihi mori videntur, ut cum aquæ multitudinem flammæ vis opprimitur; senes autem, sicut cum sua sponte, nulla adhibita vi, consumptus ignis exstinguitur. Et quasi poma ex arboribus, si cruda sunt, vi avelluntur; si matura & cocta, decidunt: sic vitam adolescentibus vis auferit, senibus maturitas: quæ mihi quidem tam jucunda est, ut quo propius ad mortem accedam, quasi terram videre videar, aliquandoque in portum, ex longa navigatione, esse venturus.

5. Senectutis autem nullus certus est terminus. rectèque in ea vivitur, quoad munus officii exsequi, & tueri possis, & tamen mortem contemnere. Ex quo fit, ut animosior etiam senectus sit, quàm adolescentia, & fortior. Hoc illud est, quod Pisistrato tyranno, à Solone responsum est,
cum

cum illi quærenti, quâ tandem ſpe freretur, ſibi tam audacter obſiſteret, reſponſiſſe dicitur, ſenectute. Sed vivendi finis eſt optimus, cum, integra mente, certisque ſenſibus, opus ipſa ſuum eadem, quæ coagmentavit, natura, diſſolvit. Ut navem, ut ædificium idem deſtruit facillimè, qui conſtruxit: ſic hominem eadem optimè, quæ conglutinavit, natura diſſolvit. nam omnis conglutinationo recens ægrè, inveterata facilè divellitur. Ita fit, ut illud breve vitæ reliquum, tam avidè appetendam ſenibus, nec ſine cauſa deſcendendum ſit. Vetat Pythagoras, injuſſu Imperatoris, id eſt, Dei, de præſidio, & ſtatione vitæ decedere. Soloni quidem ſapientis elogium eſt, quo ſenegat velle ſuam mortem dolore amicorum & lamentis vacare. vult credo ſe eſſe cæcum ſuis, ſed haud ſcio, an melius Ennius:

Nemo me lachrymiſ decoret, neque funera faxit.

Non cenſet lugendam eſſe mortem, quam immortalitas conſequatur.

6. Jam, ſenſus moriendi, ſi quis poteſt eſſe, is ad exiguum tempus durat, præſertim ſeni: poſt mortem quidem ſenſus, aut optandus, aut nullus eſt. Sed hoc meditatam ab adoleſcentia debet eſſe, mortem ut negligamus: ſine qua meditatione tranquillo eſſe animo nemo poteſt; moriendum enim certè eſt, & id, incertum, an eo ipſo die. Mortem igitur omnibus horis impendentem times, qui poteris animo conſiſtere? de qua non ita longa diſputatione opus eſſe videtur, cum recorderer non L. Brutum, qui in liberanda patria eſt interfectus: non duos Decios, qui ad voluntariam mortem curſum equorum incitaverunt; non M. Atilium, qui ad ſupplicium eſt proſectus, ut fidem hoſti datam conſervaret; non duos Scipiones, qui iter Pœnis, vel corporibus ſuis obſtruere voluerunt; non avum L. Paullum, qui morte ſuâ luit collegæ in Cannenſi ignominia temeritatem; non M. Marcellum, cujus interitum ne crudeliſſimus quidem hoſtis, honore ſepulturæ carere paſſus eſt; ſed legiones noſtras, quod ſcripſi in Originibus, in eum sæpe locum proſectas, alacri animo erecto, unde eſſe nunquam redituras arbitrarentur. Quod igitur adoleſcentes, & ii quidem non ſolum indocti, ſed etiam docti Ruſtici contemnunt, id docti ſenes extimeſcent?

7. Omnino, ut mihi quidem videtur, *verum omnium satietas vita facit satietatem*. Sunt pueritiæ certa studia: num igitur ea desiderant adolescentes? sunt & ineuntis adolescentiæ: tum ea jam constans requirit ætas, quæ media dicitur? sunt etiâ ejus ætatis: nec ea quidem à senectute quærentur. Sunt extrema quædam studia senectutis. Ergo, ut superiorum ætatum studia occidunt, sic occidunt etiâ senectutis. quod cum venit, satietas vitæ tempus maturum mortis affert. Equidem non video, cur, quid ipse sentiam de morte, non audeam dicere. quod cò melius mihi cernere videor, quod ab ea propius absum. Ego vestros Patres, Publi Scipio, tuque Cai Læli, viros clarissimos, mihi amicissimos, vivere arbitror, & eam quidem viram, quæ est vita numeranda nam, dum sumus in his conclusi campagibus corporis munere quodam necessitatis, & gravi opere perfungimur.

8. Est enim cœlestis animus, ex altissimo domicilio depressus, & quasi demersus in terram, locum divinæ naturæ, æternitatisque contrariam. Sed credo Deos immortales sparsisse animos in corpora humana, ut essent, qui terras tuerentur, quique cœlestium ordinem contemplerentur, imitarentur eum vitæ modò, atque constantia. Nec me solus ratio ac disputatio impulit, ut ita crederem, sed nobilissimas etiam summorum Philosophorum, & auctoritas. Audiebam Pythagoram, Pythagoreosque incolas penè nostros, qui essent Italici Philosophi quondam nominati, nunquam dubitasse, quin ex universa mente divina delibatos animos haberemus. Demonstrabantur mihi præterea, quæ Socrates supremo vitæ die de immortalitate animorum disseruisset, is, qui esset sapientissimus Oraculo Apollinis judicatus. Quid multa? sic mihi persuasi, sic sentio: cum tanta celeritas sit animorum, tanta memoria præteritorum, futurorumque prudentia, tot artes, tot scientiæ, tot inventa, non posse eam naturam, quæ res eas contineat, esse mortalem: cumque animus agitetur, nec principium motus habeat, quia ipse se moveat, nec finem quidem habiturum esse motus sui, quia nunquam se ipse sit relicturus: & cum simplex animi sit natura, neque habeat in se quidquam admistum, dispar sui atque dissimile, non posse cum dividi: quod si non possit, non posse interire.

9. Ne-

9. Nemo unquam mihi Scipio persuadebit, aut Patrem tuum Paullum, aut duos avos, Paulum & Africanum, aut Africani Patrem, aut patruum, aut multos præstantes viros, quos enumerare non est necesse, tanta esse conatos, quæ ad posteritatis memoriam pertinerent, nisi animo cernerent, posteritatem ad se pertinere. An censes (ut de me ipso aliquid more senum gloriæ) me tantos labores, diurnos, nocturnosque domi, militiæque susceprurum fuisse, si iisdem finibus gloriam meam, quibus vitam, essem terminaturus? nonne melius multo fuisset, otiosam ætatem & quietam, sine ullo labore, aut contentione, traducere? sed nescio quo modo animus erigens se posteritatem semper ita prospiciebat, quasi cùm excessisset è vita, tum denique victurus esset. quod quidem nisi ita se haberet, ut animi immortales essent: haud optimi cujusque animus maximè ad immortalitatis gloriam niteretur.

10. Quid, quod sapientissimus quisque æquissimo animo morietur, stultissimus iniquissimo? non vobis videtur animus, is qui plus cernat, & longius, videre se ad meliora proficisci; ille autem, cujus obtusior sitacies, non videre? Equidem effector studio patres vestros, quos colui & dilexi, videndi. Neque verò eos solum convenire avo, quos ipse cognovi, sed illos etiam, de quibus audiivi, & legi, & ipse conscripsi. Quod quidem me proficiscentem haud sanè, quis facillè retraxerit, nec tanquam Peliam re-coxerit, quod si quis Deus mihi largiatur, ut ex hac ætate repuerascam, & in cunis vagiam: valde recusem. Nec verò velim quasi decurso spatio, ad carceres à calcerevocari. Quid enim habet vita commodi? quid non potius laboris? sed habeat sanè: habet certè tamen, aut satietatem, & modum. Non libet enim mihi deplorare vitam, quod multi, & ii docti, sæpè fecerunt nec me vixisse pœnitet: quoniam ita vix, ut non frustra me natum existimem. Et ex vita ista discedo, tanquam ex domo. Commorandi enim natura diviorum nobis dedit, non habitandi locum.

21. O præclarum diem, cum ad illud diviorum animorum concilium cærumque proficiscar, cumque ex hac turba, & coluvione discedam! proficiscar enim non ad eos solum viros, de quibus ante dixi, verum etiam ad Cato-

nem

nem meum: quo nemo vir melior natus est, nemo pietate præstantior: cuius à me corpus crematum est; quod contra decuit ab illo meum: animus verò non me deserens, sed respectans in ea profectò loca discessit, quo mihi ipsi cernebat esse veniendum. Quem ego meum casum fortiter ferre visus sum; non quo æquo animo ferrem; sed me ipse consolabar, existimans non longinquum inter nos digressum, & discessum fore.

IMITATIO.

Præclara & Christiano digna homine dissertatio hac servire viris fortibus & Martyribus ad generosum mortis contemptum; alteriusq; etiam vitæ desiderium poterit. Tum etiam cæteris ad ferenda hujus vitæ incommoda immortalis sine vitæque claudenda.

CAPUT XIX.

De Thesis per locos argumentorum extrinsecos, majori studio ornatuque excultis.

UT in locis communibus, ita in Thesis quoque utrorum locorum usus est, atque in his quidem tantò frequentior illustriorque, quantò rectius in ambiguis politicisque, aut ethicis etiam rebus ab usu atque experientia exempla deducuntur. Has igitur Theses, quæ illis porissimum locis exponerentur, seorsum dare placuit. Ne sine observato locorum ad inventionem spectantium discrimine, à lectoribus acciperentur.

os (o) so

* *

I. Thesis.

A contrariis inductione ingeniosè probata.

*Socrates accusatus se rectè non defendit. Tyrius
dissert. 39.*

1. Factum Atheniensium exponitur, qui Socratem damnavunt, ulterò ad mortem concedentem.

2. Fingitur, Socratem se per defensionem opposuisse, atque hoc Philosopho indignum ostenditur futurum fuisse, apud tales Iudices, iniquos & imperitos.

Socratem Philosophum Melitus Athenis reum fecit, Anytus stitit Judici. Lyco accusavit, damnavunt Athenienses, vinxerunt undecimviri, interfecit tortor. Ille tamen & Melitum, qui intendit, & Anytum, qui detulit litem, & Lyconem, qui proposuit, audacter contempsit. Sed & decretum Atheniensium decreto suo, & multam multa elisit. Ille & undecimviris cum vinciretur, corpus (minus enim unius, quàm plurimorum potuit) præbuit: animam verò neutiquam, quæ sola omnibus erat Atheniensibus superior. Ille nec tot, toti indignari potuit, nec venenum difficulter admisit: cumque invito damnetur populo, ipse non invitus decessit. Quæ quidem ex eo patent, quod cum multâ redimere luem potuerit, aut clam effugere, mortè prætulit. Paulò verò invito ad id factum esse, vel ex eo compertum est, quod factum damnavunt protinus. Quò quid evenire iudicibus potest stultius.

2. vin' igitur ulterius videamus, rectenè id à Socrate factum sit, an secus? quid si igitur ad nos veniret aliquis, qui narraret, Athenis fuisse hominem, ætate proVectum, professione Philosophum, fortunâ pauperem, indole eximium, eloquentiâ magnum, mentis acumine majorem, vigilem, sobrium, qui nec temerè quicquam egisset, nec verbum vultum effuisset: eundem postquam diu inter homines vixisset, nec ullus esset in tota Græcia indolis hominis eximæ, quem non in admirationem rapuisset sui, sicut è Diis ipsum Apollinem; tamen cum invidia paulatim & indignatione, eoque quo pleraque mortalium gens laborat

honestatis odio, multi in eum insurgerent, ex theatro Aristophanes, è Sophistis Anytus, è Sycophantibus Melitus, ex Oratoribus Lyco, quorum hic in Comœdia tangebatur hominem, ille litem intendebat, tertius nomen defererebat, quartus accusabat, reliqui omnes judicabant: hic ira se gessit, ut primo in Aristophanem inveheretur, mediâque in Atheniensium Urbe ipsis Dionysiis, ebris adhuc iudicibus comicis contra convitiis hominem proscinderet. Illinc in iudicium se contulit, ubi verbis cum adversariis velitatus est, proluxâque oratione causam suam ea egit arte, quæ non difficulter à calumniis iudicum averteret animos. Nam & ad captandam curiæ benevolentiam exordia direxit, & fidem faciendam narrationes, signis verò argumentisque, & similibus rationibus, quod vellet, demonstravit. Testes etiam opulentissimos, quorum res fidesque spectata esset iudicibus, in medium adduxit: tum supplicis, precibus, obsecrationibus orationem conclusit, neque non lachrymas, sicubi esset opus, effudit. Xantippen postremò ejulantem adduxit, quæ infantes iudicibus vagientes ostenderet. Quibus omnibus cum animos coronæ tractaret, miserti absolverunt hominem ac dimiserunt. Præclarum Hercules Victorem! Recta videlicet illinc in Lyceum, aut Academiam, reliquosque Philosophorum horros, læto hilarique se contulisset vultu: non secus, quàm ex hiberna tempestate redeunt superstitēs. Quomodo autem ferre hunc viri reditum, philosopha potuisset? Non magis quàm Athletam sine sudore, sine pulvere, sine ictibus, aut vulnere è stadio cum corona, redeuntem, nec ullum pulcræ virtutis præ se vestigium ferentem, unguento tamen delibutum, palæstræ præfectus. Quare in autem Atheniensibus causam probare suam conatus esset Socrates? tanquam iudicibus? at iniusti erant. Tanquam viris bonis? at improbi erant. Tanquam prudentibus? at dementes erant. Tanquam benevolis? at succensebant Socrati. Tanquam similibus? at dissimillimi erant. Tanquam melioribus? at deteriores erant. Tanquam deterioribus? at quando unquam deteriori causam suam probare conatus est melior? Quid autem pro se tulisset? Philosophum se negasset? mentitus esset. Philosophum se confessus esset? Hoc ipsum erat, cur succenserent. Sed ponamus nihil horum ab eo dicen-

dum fuisse, sed diluendum solummodo crimen. Falsum esse nempe, quod aut juventutem corrumpetet, aut Deos novos induceret. At quis imperito artis ea persuadeat, quæ sine arte ea, cognosci non possunt? Unde etiam ea Atheniensibus pericia, ut quæ sit corruptela juventutis, quæ virtus, possint assequi? Quis sit Deus, quo pacto colendus? Nec enim curant mille illi iudices, quos faba creavit: nihil de his Solon scripsit, nihil de his venerandæ illæ Draconis præcepere leges. Sed in jus vocare, deferre, accusare, rationem facti exposcere, iuramentum calumniæ exigere, aut præstare, aliæque ejusmodi, hæc sunt, de quibus curia, quam ibi Helæam dicunt, pronuntiat.

IMITATIO.

*Laus hic Christiano in Martyrum constantia extollenda
campus imitandi patet; si vel Martyrem Ignatium, vel Lau-
rentium, vel D. Catharinam philosophiæ, & eloquentiæ instru-
ctam artibus, fortitudinis tamen gloria potissimum eminentem,
exornes.*

II. Thesis.

Sicne Senectus ob virium imbecillitatem aspernanda?
Cicero in Catone Maj.

A comparatione & adjunctis.

Negat Cato apud Cicer. iccirco aspernandum.

Probat 1. Quia laudabilius putat ingenio excellere, cum Pythagora, quam cum Pontio & Milone viribus. Quanquam & vires exercitatione, & temperantia ad senium produci possint, ut Rex Massanissa Scipionis quondam hospes fecit.

Probat 2. Quod vires magna ad senium officia non requirantur, & si prorsus imbecilla sint, natura etiam in adolescentibus, non solius ætatis virium esse.

*3. Docet, Senectutis defectum, moderanda vivendi ratione, ne succumbat corpus, & honesta mentis exercitatione, ne languescat animus, corrigi posse, quod Appium, licet cacum, seve-
rè etiam jucunda studiorum pertractatione, facere asserit.*

Cato senex ad Scipionem & Lælium adolescentes.

Nunquam sum assensus illi veteri laudatoque proverbio, *quod monet, maturè fieri senem, si diu velis senex esse.* Ego verò me minus diu senem esse malle, quam esse senem, an equam essem. Itaque nemo adhuc convenire me potuit, quin fuerim occupatus.

At minus habeo virium, quam vestrum utervis. Nævos quidem T. Pontii Centurionis vires habetis. num ideo est ille præstantior? moderatio modo virium adsit, & tantum, quantum potest, quisque nitatur: næ ille non magno desiderio tenebitur virium. Olympiæ per stadium ingressus esse Milo dicitur, cum humeris sustineret: utrum igitur has corporis, an Pythagoræ tibi malis vires ingenii dari? denique isto bono utare, dum adsit; cum absit, ne requiras. Nisi forè adolescentes pueritiam, paullulum ætate progressi adolescentiam debent requirere. Cursus est cænis ætatis, & via una naturæ, eaque simplex, suæque cuique patriæ ætatis tempestivitas est data. Ut enim infirmitas puerorum est, ferocitas juvenum, gravitas jam constantis ætatis: sic senectutis maturitas naturale quiddam habet, quod suo tempore percipi debeat. Arbitror te audire, Scipio, hospes tuus Massanissa, quæ faciat hodie, nonaginta annos natus: cum ingressus iter pedibus sit, in equum omninò non ascendere; cum equo, ex equo non descendere; nullo imbri, nullo frigore adduci, ut capite aperto sit: summam in eo esse corporis siccitatem; itaque exequi omnia regis officia, & munera. Potest igitur exercitatio, & temperantia in senectute etiam aliquid conservare pristini roboris.

Non sunt in senectute vires, nec postulatur quidem vires à senectute, ergo & legibus & institutis, vacat ætas nostra munibus iis, quæ non possunt sine viribus sustineri. Itaque non modò, quod non possumus; sed ne quantum possumus quidem, cogimur. At iam multi sunt imbecilli senes, ut nullum officii, aut omninò vitæ munus exsequi possint. At id quidem non proprium senectutis est virium, sed commune in valetudinis. Quam fuit imbecillus P. Africani filius, is, qui te adoptavit? quam tenui, aut nulla potius valetudine? quod nisi ita fecisset, alterum ille extitisset lumen civitatis, ad poternam

nam enim magnitudinem an mi doctrina uberior accesserat. Quid mirum igitur in senibus, si infirmi sunt aliquando, cum ne id quidem adolescentes effugere possint?

Resistendum Læli & Scipio, senectuti est, ejusque vitia diligentia compensanda sunt: pugnandum, tanquam contra morbum, sic contra senectutem: habenda ratio valetudinis, utendum exercitationibus modicis: tantum cibi & potionis adhibendum, ut reficiantur vires, non opprimantur. Nec verò corpori solum subveniendum est, sed menti, atque animo multò magis, nam hæc quoque, nisi tanquam lumini oleum instilles, extinguuntur senectute, & corpora quidem exercitationum defatigatione ingravescent: animi autem, exercendo levantur. nam, quos ait Cæcilius Comicus, stultos senes, hos significat credulos, obliuiosos, dissolutos. quæ vitia sunt, non senectutis, at inertis, ignavæ, somniculosæ senectutis; ut petulantia, ut libido magis est adolescentium, quàm senum; nec tamen omnium adolescentium, sed non proborum: sic ista senilis stultitia quæ deliratio appellari solet, senum levium est, non omnium. Quatuor robustos filios, quinque filias, tantam domum, tantas clientelas Appius regebat, & senex, & cæcus. Intentum enim animum, tanquam arcum, habebat; nec languescens succumbebat senectuti: tenebat non modò auctoritatem; sed etiam imperium in suos: metuebant eum servi, verebantur liberi, carum omnes habebant, vigeat in illa domo mos patrius, & disciplina. Ita enim senectus honesta est, si se ipsa defendit, si jus suum retinet, si nemini mancipata est, si usque ad ultimum spiritum dominatur in suos. Ut enim adolescentem, in quo aliquid senile, si senem, in quo aliquid est adolescentis, probo, quod qui sequitur, corpore senex esse poterit, animo nunquam erit. Septimus mihi liber Originum est in manibus; omnia antiquitatis monumenta colligo; causarum illustrium quasunque defendi, nunc quam maximè orationes conficio: jus augurum, Pontificum, civile tracto: multis etiam Græcis literis utor: Pythagoræque more, exercendæ memoriæ gratia, quod quoque die dixerim, audiverim, egerim, commemoro vespere. Hæ sunt exercitationes ingenii, hæc curricula mentis: in his desudans atque elaborans, corporis vires non magnopere desideo: adsum amicis: venio in senatum frequens: ultro-

que affero res multum & diu cogitatas, easque tueor animi, non corporis viribus. quæ si exsequi nequirem, tamen me lectulus obiectaret, ea ipsa cogitantem, quæ jam agere non possem: sed, ut possem, facit acta vita. Semper enim in his studiis, laboribusque viventi non intelligitur, quando obrepit senectus. Ita sensim sine sensu ætas senescit, nec subito frangitur, sed diuturnitate exstinguitur.

IMITATIO.

In descriptione ac laudibus senectutis, tum verò earum occupationum, quæ animi sunt, si cum corporis occupationibus conferatur. aut senis alicuius encomio, e. g. *Caroli Quinti*, imperio sese abdicantis atque ad solius animi studia transferentis, hic locus idoneus erit.

III. Thesis.

Tam voluptatis, quàm secunda fortuna satietas est.
Tyrius Dissert. 35.

Ab exemplis potissimum.

1. Homo, qui nihil adversi experitur, ipsam denique admittit, & fastidit voluptatem.

2. Maximi quique Heroum adversa magis, quàm secunda fortuna claruerunt.

1. Ut ad portum navigaturus gubernatorem tibi eligis, non qui tempestatem ullam, nullos unquam fluctus vidit; sed qui multis ex periculis, longaque malorum experientia paulatim sibi comparavit artem; ita & ego Imperatori minus fido, qui nunquam adversis casibus jactatus est, longaque felicitate ebrius, nihil tulit metuendum, ut fortunæ Cræsi diffidit Solon, Polycratis sorti Amasis. Terram equis abundantem Cræsus, navibus instructum mare possidebat Polycrates; quorum nihil diuturnum fuit, non terra Cræso, non Polycrati mare: Polycratem enim interceptit Orontes, Cræsum Cyrus. Ita felicitatem longam, malorum gravis excepit series: Quocirca neque Cræsum judicabat felicem esse Solon; cum esset

esset sapiens : neque Amasis adhæsit Polycrati, cum periculum subterfugeret. Sic & ego vitam approbo, quæ adversam gustavit fortunam, sed gustavit tantum.

Ipsa n. edo sinxit labia arescens palato.

Quæ virtutem habet, eaque utatur, quoties fortuna invitum petit, sic inter omnes colores, qui maximè elatus est, maximè delectat oculos, nisi tamen fuscum conjungas, magnam illi voluptatis detrahis partem. Ita si secundis rebus misceas adversa, magis virtutem adverteas, magis felicitatem senties. Sitis voluptatem bibendi commendat homini, fames voluptatem edendi commendat, nox oculis desiderium solis commendat. Optat homo noctem post solem, famem cum satur est, sitim cum ebrius, quod si demas hanc vicissitudinem, voluptas, quæ fuerat, fit dolor. Sic & Artaxeixes Rex Persarum dicitur, præ voluptate nimia continuaque, in qua versatus erat pace, felicitatem aliquamdiu ne vidisse quidem suam. Cui epulum parabat tota Asia, potum præbebant fluvii omnes pulcherrimi, vitæ inserviebant artes plurimæ. Verùm postquam è mari bellum illi est exortum cum decem Græcorum millibus, fortissimisque congressus Imperatoribus, victus in colliculum quendam profugit : in quo noctu cum quievisset, tum primum sitire cœpit homo miserimus. Ubi non Choaspen suum habebat, non Tigrin, non Nilum, non pocula aut pincernas. Hic illi satis fuit, quod à Mardo homine aquæ corruptæ utrem acciperet : ac tum demum scire infelicissimus potuit mortalium, quis voluptatis sit usus, quid suaviter sit vivere.

2. Ergone voluptatis aliqua erit satietas, secundæ fortunæ non erit ? est, ut arbitror, quàm aut cibi ullius, aut vini gravior. Nec enim otiosi Achilles potuit, nec silere Nestor, nec periculis carere Ulysses. Licebat enim in pace vivere Achilli, Myrmidonibusque imperare, Thessalam terram colere, Pelei fovere senectutem, Nestori rursus in Pylo præesse suis sine bello, seniumque otiosè transigere. Domi Ulyssii circa frondosum Neritum, in terra, quam *felicem juvenum nutricem* Homerus vocat, manere : Aut in umbroso postremum irriguoque Calypsus antro, famulantibus undique Nymphis, mortis seniique ignaro vitam ducere. Sed nec immortalis esse ea lege voluit, ut otiosus esset, aut virtutem suam nusquam exhiberet. Necesse enim est hac, qui uti cœpisset

semel, sæpe in mediis, quibus humana obnoxia est vita, casibus exclamet.

Hoc quoque sustineas cor: nam graviora tulisti.

Quam autem Ulyssi formam relinquis, miseriam si demis? quam Achilli, si Hectorem, si Scamandrum, si

Maenia bis sex capta mari.

Undecimque urbes, quas in terra? Herculem non aliunde, quam è media cum periculis lucta sustulerunt, Jovisque adseripserunt homines. Cui feras si demas, & tyrannos, si plurima illa sursum deorsumque itinera, & adversa omnia, Herculis virtutem mutilasti. Atqui Olympicis Pythisque ludis Oleastrum nemo, nemo malum consequitur, qui solus secum in pulvere decertaverit: sed adversario prius opus est, ut præconis voce victor declareris. In hoc verò vitæ stadio, hoc in certamine, quem bono viro adversarium dabis, præterquam adversæ fortunæ gustum? Agedum ath'eras nostros in stadium vocemus. Agge, quinam Athenis? Socrates, qui cum Melito, cum vinculis, cum veneno luctaturus est. Quis ex Academia? Plato, qui cum tyranni ira, cum mari multo, cum maximis periculis. Veniat & alius athleta Atticus, qui cum Tissaphernis peijuriis, cum Ariæ insidiis, cum prodicione Menonis, & occultis regis decertet consiliis. Volo è Ponto adveniat Athleta, & quidem ad certamen maximum, maximosque adversarios; paupertatem dico, infamiam, famem, frigisque. Ego verò & exercitia ejus laudo.

Corpus sponte sibi laniavit verberè multo,

Injiciens pannos humeris.

Nec difficulter propterea vicit. Quapropter coronam viris defero, victoresque eos in virtutis certamine præconio meo proclamo. Quod si mala illis, cum quibus luctantur, dempseris, coronam illis demis, demis prius præconium. Deme Atheniensib⁹ velocem illum ad Marathonem cursum mortemque, quam oppetiere ibi: & Cynægiri manum, & Polyzeli cladem, & Callimachi vulnera, nihil præclarum Atheniensibus relinquis: nisi fortè Erichthonium, aut Cecropem, fabulas meras, ne fide digna nomina. Hanc ob causam quam diutissimè salva libertas sua Spartanis constitit, quod ac pace quidem oriantur. Habes etiam tum flagra, habes plagas Laconicas, magnumque malorum agmen, virtutibus immistum.

IMITA.

IMITATIO.

Imitativo serviet, si otiosa etiam vita magnum esse fastidium doceat; aut contrainconstanti virtutum aperi diuturnum nullum fastidium obrepere concedat, vel etiam si mutata exemplis in eadem de fortuna vicissitudine christi persistat.

IV. Thesis.

*Voluptatis ac sapientia studium minimè conveniunt,
Tyrus diff. 34.*

Similibus variis probatur.

1. *Verum in ipsa etiam Philosophia, obpugantes rationes invenire difficile est.*

2. *Philosophia vera, contra Epicurum, voluptatem respicit. Similis Spartiæ & fortis duci.*

3. *Voluptas Rationi imperans Tyranno insatiabili similis est, qualis Xerxes Rex fuit. tum Tantalo semper sitienti, & mendico plus quam Homero.*

4. *Si fingatur homo omni voluptate affluens, adhuc defuturum est felicitati.*

5. *Cum mens hominis cælestis, corpus terrenum sit, qui huic vacant. meritis Centauris & Chimæris similes habentur.*

1. Veram invenire rationem est difficile. Plerumque enim id evenit homini, ut quo fecundiore sit ingenio, eo minus valeat iudicio. Et reliquæ quidem artes, in iis circa quæ versantur singulæ, cum ipso progressu plura semper inveniunt quotidie. Philosophia quo plus proficit, eò contrariis magis, ambiguitque abundat argumentis. Non aliter quam agricolæ, qui instrumenta cum habent plurima, minus fecundotamen agro utuntur. Et civilia quidem iudicia, sententiæ iudicum ac corona, tum pigmenta oratorum populi que dirigunt suffragia. Hic verò quis nobis iudex erit, quâ tandem verum à falso distinguemus sententia? Ratione? at nullam invenies, cui non dari possit contraria. Affertione

Parum fidum narras judicem. Multitudine? plures hic indocti sunt. Opinione? Deterioribus faver illa. Ecce tibi, vel in hoc ipso, de quo agimus, cum voluptas inter se virtusque contendat, atque inter se componantur; nonne & vi sua virtute ejicit voluptas, & opinione vulgi superior evadit, & numero vincit testium, & vehementius afficit? Illud verò quod restat, in quo omni virtuti est praesidium, ipsa ratio, non minus secatur, non minus dividitur, nec raro suum voluptati defert patrocinium. Invenies aliquem, qui ornate pro voluptatibus dicat, virtutem vituperet; & quod dici solet, à viris ad foeminas transferat imperium. Simulque & habitum mutet Philosophi, & retineat nomen. Relinque mi homo, una cum oratione tua & nomen: ipsa fundamenta evertis.

2. Nihil Philosophiae cum voluptate est commune. Alius est voluptatis, alius sapientiae studiosus. Distincta sunt nomina, distincta sunt opera, distinctum est genus. Sicut aliud est Laconium, quam Atticum, aliud Barbaricum, quam Graecum. Si enim Spartiatam te esse dicas, aut Graecum, aut Doricum, aut Heracliden, & tiaram tamen admireris Medicam, aut mensam Barbaricam, aut esedum Persicum, jam ad Persas deficiis, transis ad Barbaros: Pausaniam exuisti, Medus es, es Mardonius. Depone & nomen cum genere, & vulgus quidem cum voluptatem laudant, facile ferre possum. Animus enim illis iliberalis est, rectaeque rationis penitus ignarus: cujus miseriam deplorare, cujus ignorantiae possis ignorare. Epicuri verò nomen cum recordor, ferre hominem non possum. Nec enim Philosophiam admitto, quae lasciviat. Sicut Imperatorem non fero, stationem quae deferat, tantumque in fuga dux sit, nec agricolam, qui segetes suas incendat, nec gubernatorem, qui marinos metuat fluctus. Navigare oportet, imperare oportet, terram colere oportet. Laborum plena haec sunt omnia. Nihil quod pulchrum, quod honestum sit, ab ignavia producit.

3. Quod si ea, quae honesta sunt, voluptates dicas sequi, concedam: sequantur; dummodo ubique praecedat honestas:

— Rex unicus esto

Et dominus, cuiusque dedit —

Jupiter ut regnum gerat. Nam si ordinem confundas,
ut im-

ut imperet voluptas, morem gerat ratio; durum animo tyrannum & inexorabilem præficiis. Cui ubique & sine excusatione ulla serviendum est: etiam cum fœda & injusta imperat. Quem enim voluptati terminum præscribes? à cupiditatum licentia sibi vires reassument; insatiabilis hic tyrannus est, qui, & quæ adsunt, despicit, & quæ non adsunt, desiderat: qui & abundantia accenditur, & spe erigitur, nimiaque lascivit copia. Hic tyrannus contra honestatem irritat turpitudinem contra justitiam armat injustitiam. Nihil enim est, quod facilius sibi satisfieri patiatur, quam corporis necessitas. Sitit aliquis? ubique fontes sunt: esurit aliquis? ubique fagi sunt. Sol ille, quem vides, quavis penula calidior est. Hæc prata quovis spectaculo amœniora sunt. Hi flores genuinum odoris oblectamentum sunt. Et hætenus quidem voluptati præfigi potest terminus: ipse nimirum usus. Quem si semel transcenderis, longiusque processeris, liberum voluptati cursum, nullisque definitum spatii concedis, virtutemque penitus intercludis. Hoc est, quod plus habendi semper sitim excitat, hoc est, quod tyrannides creat. Sicut nec regio angusta Pagasardæ Persarum Regi, neque Cyri sufficit nasturtium: verum universa voluptatibus illius vestigalis est Asia. Nisæos illi equos alit Media meretriculas Græculas Ionia, barbaros Eunuchos educat Babylon: artes cujuscunque generis subministrat Ægyptus, ebur suum Indi, odores Arabes. Ne ipsi quidem nihil voluptatibus illius suppeditant fluvii. Pactolus aurum, triticum Nilus, aquam præbet Choaspes. Quid? quod ne hæc quidem illi sufficiunt, quin peregrinas amare incipit voluptates? Atque eo fine Europam petit, Scythas persequitur, Pœones evertit, Eretriam capit, navibus Marathonem invadit, ubique oberat denique. O deplorandam in homine paupertatem! Quis enim pauperior illo esse potest, qui nunquam concupiscere desinit? Animus enim humanus, cum semel ultra quam flagitat necessitas, voluptates gustaverit, priora semper negligit, optat nova. Ut revera Tantali de hoc mutato nomine narretur fabula. Quid enim aliud est, quam perpetua sitis ejus hominis, quem explere voluptas non potest? quid aliud, quàm cupiditatum aqua, quæ fluit semper, aere refuit: quæ tristissimis semper imbuuntur curis, tumultu ac metu. Si adsit, times ne non veniat. Ut eum, qui hæc sc-

ctetur

Actur, nec ullas sentine voluptates sit necesse, perpetuaque in confusione rerum & ambiguitate versari. Jam cogita, quem qualemque animo praeficias tyrannum. Ut si Critiam loco Solonis Atheniensibus, ut si Pausaniam loco Lycurgi praeficias Lacedaemoniis. Ego enim, qui libertatem amo, lege opus, opus ratione habeo. Haec cunctam immobilemque felicitatem mihi, sine metu ullo, nullius indignam auxilii. Non dejectam animo, non quae illiberalibus se submittat artibus: à quibus tanquam rem magnam, paulatim voluptatem emendicet suam. Non frustum panis tantum, ut mendicus ille Homericus, mehercules.

Non enj'es magnosque lebetes.

Solum, sed quae etiam his absurdiora sunt. Obsonium à Mirhæco videlicet, vinum à Sarambo, cirharam à Canno, cantum à Milesia. Et quis erit horum modus, quis felicitatis ejus, quae ex voluptate oritur, terminus? ubi tandem consistemus? cui deferemus praemium? Quis tam beatus ille, tam vigil, tam industrius, quem nec noctu, nec interdum ulla laetetur, aut praeterit voluptas? Qui omnem animum, omnes sensus, non aliter quam flagella sua marinus polypus, extendit ut omnes simul, quae ubique sunt, attrahat voluptates.

4 Fingamus, si videatur, hominis, quem voluptatum beat felicitas, huiusmodi imaginem. Unum esse, qui eodem tempore co'o'es videat jucundissimos, sonos audire suavissimos, naribus odores percipiat gratissimos, succos gustet diversissimos, tepore foveatur jucundissimo, Veneræ rei sit intentus. Si enim spatium concedas intermedium, separeque voluptates; ac disjungas sensus, enervas voluptatem. Cujus enim juvat praesentia, ejus necessario nocet absentia. Quis ergo tam firmus est animus, ut tantum voluptatis ferre possit impetum, quae quietem nullam, respirationem admittat, nec minimam? Quis in sermone cum hoc agi non intelligat, futurumque, ut otiosi aliquando & vacare ipse desideret? quae enim diutius perseverat voluptas, fit molestia. Quid igo miserius ea esse voluptate potest, quae commiseratione digna videtur? O Jupiter Diique reliqui patres artificesque terræ & maris, quaeque vigent in illis, quodnam hoc est animal, cui hunc locum, hanc vitam tribuistis:

buiſtis: quam audax, quam temerarium, quam loquax! bonum non respicit, quod agendum est prætermittit, voluptatibus pascitur: sicut ducem populus, ita hanc sequitur.

Debuere nasci nunquam, vel conjugis experts.

Interire totum hoc genus: Si nihil voluptate à vobis maius poterit consequi. Quomodo autem non posset? respondeamus enim, cum Homero, pro Jove: Habet, inquam, habet mentem, habet rationem. Vita præterea ejus ex mortalibus constat, immortalibusque principis. Estque tanquam animal in medio utriusque positum: quod ab humana quidem contagione corpus deducat, è divino autem fonte mentem. Jam corpori proprium est voluptas, menti ratio. Et corpus quidem cum brutis commune habet, peculiarem autem sibi mentem. Quare ibi quære bonum hominis, ubi ejus est operatio, ibi operationem, ubi instrumentum, ibi instrumentum, ubi ejus conservatrix pars est. Ab ea jam incipe. Utrum alterum conservat, corpus anima, an animam corpus? conservatricem invenisti partem. Quod animi instrumentum est? mens. Operationem quære. Quæ mentis operatio est? prudentia. Invenisti id quod bonum dicimus. Si quis verò hanc in homine partem, quæ prudentiæ capax est, qui Deum respicit, contemnat, scdam illam alteram (corpus nimirum) voracemque, quæ voluptates curat, velit pascere, eum hunc dicimus esse similem? fabulæ huic mercurules. Fingunt in Thessaliæ Pelio fuisse homines Poëtæ, monstroso corpore, qui ab umbilico equi ponè attrahebant formam. In ejusmodi forma monstrosa necesse fuit belluam una saginari partem: loqui quidem ut hominem, saginari autem ut belluam. Videre ut homines, coire ut belluas. Euge poëtæ poëtarumque filii, antiquæ generosæque Musæ primi parentes: quam manifestè nobis illud, quod voluptatibus nos conjungit, ostendistis vinculum. Simul ac enim belluina imperant animo libidines, formam quidem integram relinquunt, sui verò obsequio, eum, qui utitur, hominem in belluam convertunt. Hoc sibi Centauri volunt.

hoc Gorgones, hoc Chimææ,
hoc Cecropes,

fuit gravius unquam, nec majus otium, ita consiliis, diligenterque nostra celeriter de manibus audacissimorum civium delapsa anima ipsa ceciderunt. Quæ res igitur gesta est unquam in bello tanta? quis triumphus conferendus? licet enim, Marce fili, apud te gloriari, ad quem & hæreditas hujus gloriæ & factorum imitatio pertinet, mihi quidem certè vir abundans bellicis laudibus, Cn. Pompejus, multis audientibus, hoc præbuit, ut diceret, frustra se tertium triumphum deportaturum fuisse, nisi meo in rep. beneficio, ubi triumpharet, esset habiturus. Sunt ergo domesticæ fortitudines non inferiores militariis.

2. In quibus plures etiam, quam in his, operæ studiique ponendum est. Omnino enim illud honestum, quod ex animo excelso magnificoque querimus, animi efficitur, non corporis viribus. Exercendum tamen est corpus, & ita afficiendum, ut obedire consilio rationique possit, in exsequendis negotiis, & in labore tolerando. Honestum autem id, quod exquirim⁹, totum est positum in animi cura, & cogitatione. In quo non minorem utilitatem afferunt, qui togati Reip. præfunt, quàm qui bella gerunt. Itaque eorum consilio sæpe, aut non suscepta, aut confecta bella sunt, nonnunquam etiam illata, ut M. Catonis consilio bellum tertium Punicum: in quo mortui valuit auctoritas. Quare expetenda quidem magis est decernendi ratio, quam decertandi fortitudo: sed cavendum, ne id bellandi magis fuga, quàm utilitatis ratione faciamus. Bellum autem ita suscipiatur, ut nihil aliud, nisi pax quæsitæ videatur. Fortis verò animi & constantis est, non perturbari is rebus asperis, nec tumultuantem de gradu dejici, ut dicitur; sed præsentis animi uti consilio, nec à ratione discedere. Quanquam hoc animi, illud etiam ingenii magni est, præcipere cogitatione futura, & aliquanto ante const. tuere, quid accidere possit, in utramque partem; & quid agendum sit, cum quod evenerit; nec committere aliquid, ut aliquando dicendum sit, *Non putaram*. Hæc sunt opera magni animi, & excelsi, prudentiæ consilioque fidentis.

3. Temerè autem in acie versari, & manu cum hoste configere, immane quiddam & belluarum simile est; sed, cum tempus est, necessitasque postulat, decertandum manu est, & mors servituti turpitudini que anteponenda.

De evitendis autem, diripiendisquæ urbibus valde illud considerandum est, ne quid temerè, ne quid crudeliter fiat. Idque est viri magnanimi, rebus agitis punire fontes, multitudinem conservare, in omni fortuna recta atque honesta retinere. Ut enim sunt, quemadmodum supra dixi, qui urbanis rebus bellicas anteponunt; sic reperias multos, quibus periculosa & callida consilia, quietis cogitationibus splendidiore, & majora videantur. nunquam omninò periculi fuga committendum est, ut imbelles, timidi quæ videamur; sed fugiendum etiam illud, ne offeramus nos periculis sine causa, quo nihil potest esse stultius. Quapropter in adcundis periculis consuetudo imitanda medicorum est, qui leviter ægrotantes leviter curant; gravioribus autem morbis periculosas curationes, & ancipites adhibere coguntur. Quare in tranquillo tempestatem adversam optare, dementis est; subvenire autem tempestatì quavis ratione, sapientis, eo quæ magis, si plus adipiscare re explicata boni, quàm addubitatà mali. Periculosa autem rerum actiones partim iis sunt, qui eas suscipiunt; partim Reip. Itemque alii de vita, alii de gloria, de benevolentia civium in discrimen vocantur. Promptiores igitur debemus esse ad nostra pericula, quam ad communia, dimicare quæ paratius de honore & gloria, quam de cæteris commodis. Inventi autem multi sunt, qui non modò pecuniam, sed vitam etiam profunderè pro patria parati essent; iidem gloriæ jacturam ne minimam quidem facere vellent, ne rep. quidem postulante: ut Callicratides, qui cum Lacedæmoniorum dux esset, Peloponnesiaco bello, multa quæ fecisset egregiè, vertit ad extremum omnia, cum consilio non paruit eorum, qui classem ab Arginusis removendam, nec cum Atheniensibus dimicandum putabant. Quibus ille respondit; Lacedæmonios classe illa amissa, aliam parare posse; se fugere sine suo dedecore non posse. Atque hæc quidem Lacedæmoniis plaga mediocris fuit; illa pestifera, qua, cum Cleombrotus, invidiam timens, temerè cum Epaminonda conflixisset, Lacedæmoniorum opes corruerunt. Quantò Q. Maximus melius: de quo Ennius:

Vnus homo nobis cunctando restituit rem:

Non ponebat enim rumores ante salutem.

Ergo magisque magisque viri nunc gloria claret.

Quod genus peccandi vitandum est etiam in rebus Urba-

nis. Sunt enim, qui quod sentiunt, etiam si optimum sit, tamen invidiæ metu non audent dicere.

4. Omnino, qui Reip. præfuturi sunt, duo Platonis præcepta teneant; unum, ut utilitatem civium sic tueantur, ut quidquid agunt, ad eam referant oblii commodorum suorum; alterum, ut totum corpus reip. curent; ne dum partem aliquam tuerentur, reliquas deserant, ut enim tutela, sic procuratio reip. ad utilitatem eorum, qui commissi sunt; non ad eorum, quibus commissæ, gerenda est. Qui autem parti civium consulunt, partem negligunt, rem perniciosissimam in civitatem inducunt, seditionem atque discordiam. Ex quo evenit, ut alii populares; alii studiosi optimi cujusque videantur; pauci universorum. Hinc apud Athenienses magnæ discordiæ ortæ, in nostra republica non solum seditiones, sed pestifera etiam bella civilia. Quæ gravis & fortis civis, in republica dignus principatu, fugiet atque oderit, iradetque se totum reip. neque opes, aut potentiam consecrabitur, totamque eam sic tuebitur, ut omnibus consulat. Nec verò criminibus falsis in odium aut invidiam quemquam vocabit: omninoque ita justitiæ, honestati que adhærescet, ut, dum eam conservet, quamvis graviter offendant, mortem appetat potius, quam deserat illa, quæ dixi. Miserrima est omnino ambitio, honorumque contentio: de qua præclare apud eundem est Platonem: similiter facere eos, qui inter se contenderent, uter potius remp. administrarent, ut, si nautæ ceterent, quis eorum potissimum gubernaret. Idemque præcipit, ut eos adversarios existimemus, & qui arma contra ferant; non eos, qui suo iudicio tuent rempublicam velint: qualis fuit inter Publ. Africanum, & Q. Metellum sine acerbitate dissensio. Nec verò audiendi, qui graviter irascendi inimicis putant, id quod magnanimi & fortis viri esse censent. nihil enim laudabilius, nihil magno & præclaro viro dignius placabilitate, atque clementiâ. In liberis verò populis & juris æqualitate, exercenda etiam est facilitas, & altitudo animi, quæ dicitur: ne, si irascamur aut intempestivè accidentibus, aut impudenter rogantibus; in morositatem inutilem, & odiosam incidamus. Et tamen ita probanda est mansuetudo, atque clementia, ut adhibeatur reip. causa severitas; sine qua administrari civitas non potest. Omnis autem & animadversio & castigatio contumelia vacare debet; neque ad ejus, qui

punit

punit aliquem, aut verbis castigat, sed ad Reipubl utilitatem referri. Cavendum est etiam, ne major poena, quam culpa sit; & ne iisdem de causis alii plectantur, alii ne appellentur quidem. Prohibenda autem maximè est ira in puniendo. nunquam enim itaque, qui accedet ad poenam, mediocritatem illam tenet, quæ est inter nimium & parum: quæ placet Peripateticis, & rectè placet, modò ne laudent iracundiam, & dicerent utiliter à natura datam. Illa verò omnibus in rebus repudianda est, optandumque, ut illi, qui præsunt Reipubl. legum similes sint: quæ ad puniendum, non iracundiâ, sed æquitate ducuntur. Atque etiam in rebus prosperis, & ad voluntatem nostram fluentibus. superbiam magnoperè, fastidium, arrogantiamque fugiamus. Nam ut adversas res, sic secundas immoderatè ferre, levitatis est, præclaraque est æquabilitas in omni vita, & idem semper vultus, eademque fions: ut de Socrate, item de Cajo quoque Lælio accepimus. Philippum quidem, Macedonum Regem rebus gestis, & gloria superatum à filio, facilitate & humanitate video superiorem fuisse. Itaque alter semper magnus, alter sæpe turpissimus fuit. ut rectè præcipere videantur, qui monent, ut, quanto superiores simus, tanto nos submissius geramus. Panætius quidem Auditorem Africanum, & familiarem suum solitum, ait. dicere; ut equos, propter creatas contentiones præliorum, ferocitate exultantes, domitoribus tradere soleant, ut his facillioribus possint uti: sic homines secundis rebus effrenatos, sibi que præfidentes, tanquam in gyrum rationis, & doctrinæ duci oportere, ut perspicerent rerum humanarum imbecillitatem, varietatemque Fortunæ. Atque etiam in secundissimis rebus maximè est utendum consilio amicorum: hisque etiam major, quam antè, tribuenda est auctoritas. Iisdemque temporibus cavendum est, ne assentatoribus patefaciamus aures, nec adulari nos sinamus; in quo falli facilè est. tales enim nos putamus, ut jure laudemur: ex quo nascuntur innumerabilia peccata; cum homines, inflati opinionibus, turpiter iridentur, & in maximis versantur erroribus.

5. Sed hæc quidem hætenus, illud autem sic est judicandum, maximas res geri, & maximi animi ab us, qui Reipubl. gerant; quod eorum administratio latissimè pateat, ad plurimoque pertineat: esse autem magni animi, & fuisse etiam

nis. Sunt enim, qui quod sentiunt, etiamsi optimum sit, tamen invidiæ metu non audent dicere.

4. Omnino, qui Reip. præfuturi sunt, duo Platonis præcepta teneant; unum, ut utilitatem civium sic tueantur, ut quidquid agunt, ad eam referant oblii commodorum suorum; alterum, ut totum corpus reip. curent; ne dum partem aliquam tuentur, reliquas deserant, ut enim tutela, sic procuratio reip. ad utilitatem eorum, qui commissi sunt; non ad eorum, quibus commissæ, gerenda est. Qui autem partem civium consulunt, partem negligunt, rem perniciosissimam in civitatem inducunt, seditionem atque discordiam. Ex quo evenit, ut alii populares; alii studiosi optimi cujusque videantur; pauci universorum. Hinc apud Athenienses magnæ discordiæ ortæ, in nostra republica non solum seditiones, sed pestifera etiam bella civilia. Quæ gravis & fortis civis, in republica dignus principatu, fugiet atque oderit, iradetque se totum reip. neque opes, aut potentiam consecrabitur, totamque eam sic tuebitur, ut omnibus consulat. Nec verò criminibus falsis in odium aut invidiam quemquam vocabit: omninoque ita justitiæ, honestati que adhærescet, ut, dum eam conserveat, quamvis graviter offendant, mortem appetat potius, quam deserat illa, quæ dixi. Miserrima est omnino ambitio, honorumque contentio: de qua præclare apud eundem est Platonem: similiter facere eos, qui inter se contenderent, uter potius remp. administrarent, ut, si navæ certarent, quis eorum potissimum gubernaret. Idemque præcipit, ut eos adversarios existimemus, & qui arma contra ferant; non eos, qui suo judicio tuam rempublicam velint: qualis fuit inter Publ. Africanum, & Q. Metellum sine acerbitate dissensio. Nec verò audiendi, qui graviter irascendi inimicis putant, id quod magnanimi & fortis viri esse censent. nihil enim laudabilius, nihil magno & præclaro viro dignius placabilitate, atque clementiâ. In liberis verò populis & juris æqualitate, exercenda etiam est facilitas, & altitudo animi, quæ dicitur: ne, si irascamur aut intempestivè accidentibus, aut impudenter rogantibus, in morositatem inutilem, & odiosam incidamus. Et tamen ita probanda est mansuetudo, atque clementia, ut adhibeatur reip. causa severitas; sine qua administrari civitas non potest. Omnis autem & animadversio & castigatio contumelia vacare debet; neque ad ejus, qui

punit

punit aliquem, aut verbis castigat, sed ad Reipubl utilitatem referri. Cavendum est etiam, ne major pœna, quam culpa sit; & ne iisdem de causis alii plectantur, alii ne appellentur quidem. Prohibenda autem maximè est ira in puniendo. nunquam enim iratus, qui accedet ad pœnam, medio critatem illam tenet, quæ est inter nimium & parum: quæ placet Peripateticis, & rectè placet, modò ne laudent iracundiam, & dicerent utiliter à natura datam. Illa verò omnibus in rebus repudianda est, optandumque, ut il, qui præsunt Reipubl. legum similes sint: quæ ad puniendum, non iracundiâ, sed æquitate ducuntur. Atque etiam in rebus prosperis, & ad voluntatem nostram fluentibus. superbiam magnoperè, fastidium, arrogantiamque fugiamus. Nam ut adversas res, sic secundas immoderatè ferre, levitatis est, præclaraque est æquabilitas in omni vita, & idem semper vultus, eademque fions: ut de Socrate, item de Cajo quoque Lælio accepimus. Philippum quidem, Macedonum Regem rebus gestis, & gloria superatum à filio, facilitate & humanitate video superiores fuisse. Itaque alter semper magnus, alter sæpe turpissimus fuit. ut rectè præcipere videantur, qui monent, ut, quanto superiores simus, tanto nos submissius geramus. Panætius quidem Auditorem Africanum, & familiarem suum solitum, ait dicere; ut equos, propter creatas contentiones præliorum, ferocitate exultantes, domitoribus tradere soleant, ut his facilioribus possint uti: sic homines secundis rebus effrenatos, sibi que præfidentes, tanquam in gyrum rationis, & doctrinæ duci oportere, ut perspicerent rerum humanarum imbecillitatem, varietatemque Fortunæ. Atque etiam in secundissimis rebus maximè est utendum consilio amicorum: hisque etiam major, quàm antè, tribuenda est auctoritas. Iisdemque temporibus cavendum est, ne assentatoribus patefaciamus aures, nec adulari nos sinamus; in quo falli facile est. tales enim nos putamus, ut jure laudemur: ex quo nascuntur innumerabilia peccata; cum homines, inflati opinionibus, turpiter irridentur, & in maximis versantur erroribus.

5. Sed hæc quidem hætenus, illud autem sic est judicandum, maximas res geri, & maximi animi ab us, qui Rempubl, gerant; quod eorum administratio latissimè pateat, ad plurimosque pertineat: esse autem magni animi, & fuisse etiam

Parum fidum narras judicem. Multitudine? plures hic indocti sunt. Opinione? Deterioribus favet illa. Ecce tibi, vel in hoc ipso, de quo agimus, cum voluptas inter se virtusque contendat, atque inter se componantur; nonne & vi sua virtute ejicit voluptas, & opinione vulgi superior evadit, & numero vincit testium, & vehementius afficit? Illud verò quod restat, in quo omni virtuti est præsidium, ipsa ratio, non minus secatur, non minus dividitur, nec rarò suum voluptati defert patrociniū. Invenies aliquem, qui ornate pro voluptatibus dicat, virtutem vituperet; & quod dici solet, à viris ad fœminas transferat imperium. Simulque & habitum mutet Philosophi, & retineat nomen. Relinque mi homo, una cum oratione tua & nomen: ipsa fundamenta evertis.

2. Nihil Philosophiæ cum voluptate est commune. Alius est voluptatis, alius sapientiæ studiosus. Distincta sunt nomina, distincta sunt opera, distinctum est genus. Sicut aliud est Laconium, quam Atticum, aliud Barbaricum, quàm Græcum. Si enim Spartiatam te esse dicas, aut Græcum, aut Doricum, aut Heracliden, & tiaram tamen admires Medicam, aut mensam Barbaricam, aut esedum Persicum, jam ad Persas deficiis, transis ad Barbaros: Pausaniam exuisti, Medus es, es Mardonius. Depone & nomen cum genere, & vulgus quidem cum voluptatem laudant, facile ferre possum. Animus enim illis iliberalis est, rectæque rationis penitus ignarus: cujus miseriam deplorare, cujus ignorantiam possis ignoscere. Epicuri verò nomen cum recordor, ferre hominem non possum. Nec enim Philosophiam admitto, quæ lasciviat. Sicut Imperatorem non fero, stationem qui deserat, tantumque in fuga dux sit, nec agricolam, qui segetes suas incendat, nec gubernatorem, qui marinos metuat fluctus. Navigare oportet, imperare oportet, terram colere oportet. Laborum plena hæc sunt omnia. Nihil quod pulchrum, quod honestum sit, ab ignavia producitur.

3. Quod si ea, quæ honesta sunt, voluptates dicas sequi, concedam: sequantur; dummodo ubique præcedat honestas:

— Rex unicus esto

Et dominus, cui: cumque dedit —

Jupiter ut regnum gerat. Nam si ordinem confundas,
ut im.

ut imperet voluptas, morem gerat ratio; durum animo tyrannum & inexorabilem præficio. Cui ubique & sine excusatione ulla servendum est: etiam cum fœda & injusta imperat. Quem enim voluptati terminum præscribes? à cupiditatum licentia sibi vires reassument; intarabilis hic tyrannus est, qui, & quæ adsunt, despicit, & quæ non adsunt, desiderat: qui & abundantia accenditur, & spe erigitur, nimiaque lascivit copia. Hic tyrannus contra honestatem irritat turpitudinem, contra justitiam armat injustitiam. Nihil enim est, quod facilius sibi satisfieri patiatur, quam corporis necessitas. Sitit aliquis? ubique fontes sunt: esurit aliquis? ubique fagi sunt. Sol ille, quem vides, quavis penula calidior est. Hæc prætæ quovis spectaculo amœniora sunt. Hi flores genuinum odoris oblectamentum sunt. Et hætenus quidem voluptati præfigi potest terminus: ipse nimirum usus. Quem si semel transcenderis, longiusque processeris, liberum voluptati cursum, nullisque definitum spatii concedis, virtutemque penitus intercludis. Hoc est, quod plus habendi semper sitim excitat, hoc est, quod tyrannides creat. Sicut nec regio angusta Pagasardæ Persarum Regi, neque Cyri sufficit nasturtium: verum universa voluptatibus illius vestigialis est Asia. Nisæos illi equos alit Media meretriculas Græculas Ionia, barbaros Eunuchos educat Babylon: artes cujuscunque generis subministrat Ægyptus, ebur suum Indi, odores Arabes. Ne ipsi quidem nihil voluptatibus illius suppeditant fluvii. Pactolus aurum, triticum Nilus, aquam præbet Choaspes. Quid? quod ne hæc quidem illi sufficiunt, quin peregrinas amare incipit voluptates? Atque eo sine Europam petit, Scythas persequitur, Pæones evertit, Eretriam capit, navibus Marathonem invadit, ubique oberat denique. O deplorandam in homine paupertatem! Quis enim pauperior illo esse potest, qui nunquam concupiscere desinit? Animus enim humanus, cum semel ultra quam flagitat necessitas, voluptates gustaverit, priora semper negligit, optat nova. Ut revera Tantali de hoc mutato nomine narretur fabula. Quid enim aliud est, quam perpetua sitis ejus hominis, quem explere voluptas non potest? quid aliud, quàm cupiditatum aqua, quæ fluit semper, aut refluit: quæ tristissimis semper imbuuntur curis, tumultu & metu. Si adsit, times ne non veniat. Ut cum, qui hæc se-

Actur

builtis: quam audax, quam temerarium, quam loquax! bonum non respicit, quod agendum est prætermittit, voluptatibus pascitur: sicut ducem populus, ita hanc sequitur.

Debueret nasci nunquam, vel conjugis expers.

Interire totum hoc genus: Si nihil voluptate à vobis majus poterit consequi. Quomodo autem non posset? respondeamus enim, cum Homero, pro Jove: Habet, inquam, habet mentem, habet rationem. Vita præterea ejus ex mortalibus constat, immortalibusque principis. Estque tanquam animal in medio utriusque positum: quod ab humana quidem contagione corpus deducat, è divino autem fonte mentem. Jam corpori proprium est voluptas, menti ratio. Et corpus quidem cum brutis commune habet, peculiarem autem sibi mentem. Quare ibi quære bonum hominis, ubi ejus est operatio, ibi operationem, ubi instrumentum, ibi instrumentum, ubi ejus conservatrix pars est. Ab ea jam incipe. Utrum alterum conservat, corpus anima, an animam corpus? conservatricem invenisti partem. Quod animi instrumentum est? mens. Operationem quære. Quæ mentis operatio est? prudentia. Invenisti id quod bonum dicimus. Si quis verò hanc in homine partem, quæ prudentiæ capax est, qui Deum respicit, contemnat, foedam illam alteram (corpus nimirum) voracemque, quæ voluptates curat, velit pascere, eum hunc dicimus esse similem? fabulæ huic mercurules. Fingunt in Thessaliæ Pelio fuisse homines Poëtæ, monstroso corpore, qui ab umbilico equi ponè attrahebant formam. In ejusmodi forma monstrosa necesse fuit belluam una saginari partem: loqui quidem ut hominem, saginari autem ut belluam. Videre ut homines, coire ut belluas. Euge poëtæ poëtarumque filii, antiquæ generosæque Musæ primi parentes: quam manifestè nobis illud, quod voluptatibus nos conjungit, ostendistis vinculum. Simul ac enim belluinæ imperant animo libidines, formam quidem integram relinquunt, sui verò obsequio, eum, qui utitur, hominem in belluam convertunt. Hoc sibi Centauri volunt.

hoc Gorgones, hoc Chimæræ,

hoc Cæcropes.

IMITATIO.

Serviet in Salomonis reprehensione, qui solo voluptatis studio, in senio desipuit. aut laudibus D. Augustini, qui ad veram sapientiam, à voluptatibus se transtulit.

V. Thesis.

Laudabilius ne sit res bellicas, quam urbanas administrare?

Cicero pro se atque urbanis rebus sentit,
I. I. Offic.

Et rationem optimam belli gerendi administrandique Remp. ostendit, ab exemplis & attributis officiorum.

1. Statuit, res urbanas clariores esse bellicis. Probat 1. exemplis legislatorum Solonis apud Athen. quem opponit Themistocli, Archistratego, & Lycurgi apud Lacedamonios, quem comparat Pausania & Lysandro belli Ducibus. denique & Romanos bellatores ejusdem urbis Consulibus componit, concluditque, cedant arma togæ, idque suo postremum exemplo confirmat.

2. Prob. 2. Quod honesti ratio potissimum in animi cura consistat, & consilio eorum fere bella administrantur, qui Reip. domi præsunt. Vbi non minus fortis præsensque ad omnem casum animus, quam in bello opus.

3. Ostendis quomodo & quando viro forti bellandum. pericula quidem uliro accersenda non esse; sed nec pro patria declinanda, cujus etiam commodis proprius honor posthabendus, quod malè Callicratides & Cleombrotus apud Græcos neglexit, bene Fab. Maximus apud Rom. præsistit.

4. Reipub. bene administranda rationes explicat statuitque, non esset tantum parti civium favendum, quod seditionem generat; non invidia, non ambitioni, non ira succumbendum, non secundis rebus efferendum animum, nihil adulationi dandum.

5. Concludit in Reip. cura, semotos à bello, quosdam etiam otiosos, magnitudinem animi declarare egregie posse.

Cic. ad M. Fil.

1. Cum plerique arbitrentur res bellicas majores esse, quàm urbanas; minuenda est hæc opinio. multi enim bella sæpe quæsiwerunt propter gloriæ cupiditatem: atque in magnis animis ingenis quæ id plerumque contingere, o quæ magis, si sunt ad rem militarem apti, & cupidi bellorum gerendorum. Verè autem si volumus judicare, multæ res extiterunt Urbanæ majores, clariorè quæ, quàm bellicæ. Quamvis enim Themistocles jure lauderetur, & sit ejus nomen, quàm Solonis, illustrius; citetur quæ Salamis clarissimæ testis victoriæ, quæ anteponatur consilio Solonis, & quo primum constituit Arcopagitas, non minus præclarum hoc, quàm illud, judicandum est. Illud enim semel profuit, hoc semper proderit civitati: hoc consilio leges Atheniensium, hoc majorum instituta servantur. & Themistocles quidem nihil dixerit, in quo ipse Arcopagum adjuverit: at ille adjuvit Themistoclem, est enim bellum gestum consilio senatus ejus, qui à Solone erat constitutus. Licet eadem de Pausania, Lyfandro quæ dicere. quorum rebus gestis quanquam imperium Lacedæmoniorum dilatatum putatur: tamen ne minima quidem ex parte Lycurgi legibus, & disciplinæ conferendi sunt: quin etiam ob has ipsas causas & paratiores habuerunt exercitus, & fortiores. Mihi quidem, neque pueris nobis, M. Scaurus, C. Mario; neque cum versaremur in rep. Q. Catulus Cn. Pompejo cedere videbatur. parva enim sunt foris arma, nisi est consilium domi: nec plus Africanus, singularis & vir & imperator, in excidenda Numantia reip. profuit, quàm eodem tempore P. Nasica privatus, cum T. Gracchum interemit, quanquam hæc quidem res, non solum ex domestica est ratione: attingit enim & bellicam, quoniam vi, manu quæ confecta est. Sed tamen id ipsum gestum est consilio urbano, sine exercitu. Illud autem optimum est, in quo me invadi solere ab invidis, & improbis audio:

Cedant arma toga: concedat laurea lingua.

Ut enim aliorum omitram, nobis temp. gubernantibus, nonne togæ arma cesset? neque enim in repub. periculum fuit

fuit gravius unquam, nec majus otium, ita consiliis, diligenterque nostra celeriter de manibus audacissimorum civium delapsa anima ipsa ceciderunt. Quæ res igitur gesta est unquam in bello tanta? quis triumphus conferendus? licet enim, Marce fili, apud te gloriari, ad quem & hæreditas hujus gloriæ & factorum imitatio pertinet, mihi quidem certè vir abundans bellicis laudibus, Cn. Pompejus, multis audientibus, hoc tribuit, ut diceret, frustra se tertium triumphum deportaturum fuisse, nisi meo in rep. beneficio, ubi triumpharet, esset habiturus. Sunt ergo domesticæ fortitudines non inferiores militaribus.

2. In quibus plures etiam, quam in his, operæ studiique ponendum est. Omniñd enim illud honestum, quod ex animo excelsio magnificoquæ querimus, animi efficitur, non corporis viribus. Exercendum tamen est corpus, & ita afficiendum, ut obedire consilio rationique possit, in exsequendis negotiis, & in labore tolerando. Honestum autem id, quod exquirim⁹, totum est positum in animi cura, & cogitatione. In quo non minorem utilitatem afferunt, qui togati Reip præsunt, quàm qui bella gerunt. Itaque eorum consilio sæpe, aut non suscepta, aut confecta bella sunt, nonnunquam etiam illata, ut M. Catonis consilio bellum tertium Punicum: in quo mortui valuit auctoritas. Quare expetenda quidem magis est decernendi ratio, quam decertandi fortitudo: sed cavendum, ne id bellandi magis fuga, quàm utilitatis ratione faciamus. Bellum autem ita suscipiatur, ut nihil aliud, nisi pax quæsitâ videatur. Fortis verò animi & constantis est, non perturbari is rebus asperis, nec tumultuantem de gradu dejecti, ut dicitur; sed præsentis animi uti consilio, nec à ratione discedere. Quanquam hoc animi, illud etiam ingenii magni est, præcipere cogitatione futura, & aliquanto ante const. tuere, quid accidere possit, in utramque partem; & quid agendum sit, cum quod evenerit; nec committere aliquid, ut aliquando dicendum sit, *Non putavam*. Hæc sunt opera magni animi, & excelsi, prudentiæ consilioque fidentis.

3. Temerè autem in acie versari, & manu cum hoste confligere, immane quiddam & belluarum simile est; sed, cum tempus est, necessitasque postulat, decertandum manu est, & mors servituti turpitudini que anteponenda.

De evertendis autem, diripiendisq̃ue urbibus valde illud considerandum est, ne quid temerè, ne quid crudeliter fiat. Idque est viri magnanimiti, rebus agitatae punire fontes, multitudinem conservare, in omni fortuna recta atque honesta retinere. Ut enim sunt, quemadmodum supra dixi, qui urbanis rebus bellicas anteponunt; sic reperias multos, quibus periculosa & callida consilia, quietis cogitationibus splendidiora, & maiora videantur. nunquam omninò periculi fuga committendum est, ut imbelles, timidiq̃ue videamur; sed fugiendum etiam illud, ne offeramus nos periculis sine causa, quo nihil potest esse stultius. Quapropter in adeundis periculis consuetudo imitanda medicorum est, qui leviter ægrotaantes leviter curant; gravioribus autem morbis periculosas curationes, & ancipites adhibere coguntur. Quare in tranquillo tempestatem adversam optare, dementis est; subvenire autem tempestatì quavis ratione, sapientis, eoq̃ue magis, si plus adipiscare re explicata boni, quàm addubitata mali. Periculosa autem rerum actiones partim iis sunt, qui eas suscipiunt; partim Reip. Itemque alii de vita, alii de gloria, de benevolentia civium in discrimen vocantur. Promptiores igitur debemus esse ad nostra pericula, quam ad communia, dimicareq̃ue paratius de honore & gloria, quam de cæteris commodis. Inventi autem multi sunt, qui non modò pecuniam, sed vitam etiam profundere pro patria parati essent; iidem gloriæ jacturam ne minimam quidem facere vellent, ne rep. quidem postulante: ut Callicratides, qui cum Lacedæmoniorum dux esset, Peloponnesiaco bello, multa q̃ue fecisset egregiè, vertit ad extremum omnia, cum consilio non paruit eorum, qui classem ab Arginusis removendam, nec cum Atheniensibus dimicandum putabant. Quibus ille respondit; Lacedæmonios classe illa amissa, aliam parare posse; se fugere sine suo dedecore non posse. Atque hæc quidem Lacedæmoniis plaga mediocris fuit; illa pestifera, qua, cum Cleombrotus, invidiam timens, temerè cum Epaminonda conflixisset, Lacedæmoniorum opes corruerunt. Quantò Q. Maximus melius: de quo Ennius:

Vnus homo nobis cunctando restituit rem:

Non ponebat enim rumores ante salutem.

Ergo magisque magisque viri nunc gloria claret.

Quod genus peccandi vitandum est etiam in rebus Urbanis.

nis. Sunt enim, qui quod sentiunt, etiamsi optimum sit, tamen invidiæ metu non audent dicere.

4. Omnino, qui Reip. præfutura sunt, duo Platonis præcepta teneant; unum, ut utilitatem civium sic tueantur, ut quidquid agunt, ad eam referant oblii commodorum suorum; alterum, ut totum corpus reip. curent; ne dum partem aliquam tuentur, reliquas deferant, ut enim tutela, sic procuratio reip. ad utilitatem eorum, qui commissi sunt; non ad eorum, quibus commissæ, gerenda est. Qui autem parti civium consulunt, partem negligunt, rem perniciosissimam in civitatem inducunt, seditionem atque discordiam. Ex quo evenit, ut alii populares; alii studiosi optimi cujusque videantur; pauci universorum. Hinc apud Athenienses magnæ discordiæ ortæ, in nostra republica non solum seditiones, sed pestifera etiam bella civilia. Quæ gravis & fortis civis, in republica dignus principatu, fugiet atque oderit, iradetque se totum reip. neque opes, aut potentiam consecrabitur, totamque eam sic tuebitur, ut omnibus consulat. Nec verò criminibus falsis in odium aut invidiam quemquam vocabit: omninoque ita justitiæ, honestati que adhærescet, ut, dum eam conserve, quamvis graviter offendant, mortem appetat potius, quam deferat illa, quæ dixi. Miserima est omnino ambitio, honorumque contentio: de qua præclare apud eundem est Platonem: similiter facere eos, qui inter se contenderent, uter potius remp. administrarent, ut, si navæ cernerent, quis eorum potissimum gubernaret. Idemque præcipit, ut eos adversarios existimemus, & qui arma contra ferant; non eos, qui suo judicio tueri rempublicam velint: qualis fuit inter Publ. Africanum, & Q. Metellum sine acerbitate diffinitio. Nec verò audiendi, qui graviter irascendi inimicis putant, id quod magnanimi & fortis viri esse censent. nihil enim laudabilius, nihil magno & præclaro viro dignius placabilitate, atque clementiâ. In liberis verò populis & juris æqualitate, exercenda etiam est facilitas, & altitudo animi, quæ dicitur: ne, si irascamur aut intempestivè accidentibus, aut impudenter rogantibus, in morositatem inutilem, & odiosam incidamus. Et tamen ita probanda est mansuetudo, atque clementia, ut adhibearur reip. causa severitas; sine qua administrari civitas non potest. Omnis autem & animadversio & castigatio contumelia vacare debet; neque ad ejus, qui

punit

punit aliquem, aut verbis castigat, sed ad Reipubl utilitatem referri. Cavendum est etiam, ne major pœna, quam culpa sit; & ne iisdem de causis alii plectantur, alii ne appellentur quidem. Prohibenda autem maximè est ira in puniendo. nunquam enim iratus, qui accedet ad pœnam, mediocritatem illam tenet, quæ est inter nimium & parum: quæ placet Peripateticis, & rectè placet, modò ne laudentur acundiam, & dicerent utiliter à natura datam. Illa verò omnibus in rebus repudianda est, optandumque, ut ii, qui præsunt Reipubl. legum similes sint: quæ ad puniendum, non iracundiâ, sed æquitate ducuntur. Atque etiam in rebus prosperis, & ad voluntatem nostram fluentibus. superbiam magnoperè, fastidium, arrogantiamque fugiamus. Nam ut adversas res, sic secundas immoderatè ferre, levitatis est, præclaraque est æquabilitas in omni vita, & idem semper vultus, eademque fions: ut de Socrate, item de Cajo quoque Lælio accepimus. Philippum quidem, Macedonum Regem rebus gestis, & gloria superatum à filio, facilitate & humanitate video superiorem fuisse. Itaque alter semper magnus, alter sæpe turpissimus fuit. ut rectè præcipere videantur, qui monent, ut, quanto superiores simus, tanto nos submissius geramus. Panætius quidem Auditorem Africanum, & familiarem suum solitum, ait dicere; ut equos, propter creatas contentiones præliorum, ferocitate exsultantes, domitoribus tradere soleant, ut his facilioribus possint uti: sic homines secundis rebus effrenatos, sibi que præfidentes, tanquam in gyrum rationis, & doctrinæ duci oportere, ut perspicerent rerum humanarum imbecillitatem, varietatemque Fortunæ. Atque etiam in secundissimis rebus maximè est utendum consilio amicorum: hisque etiam major, quàm antè, tribuenda est auctoritas. Iisdemque temporibus cavendum est, ne assentatoribus patefaciamus aures, nec adulari nos sinamus; in quo falli facile est. tales enim nos putamus, ut jure laudemur: ex quo nascuntur innumerabilia peccata; cum homines, inflati opinionibus, turpiter irridentur, & in maximis versantur erroribus.

5. Sed hæc quidem hætenus, illud autem sic est judicandum, maximas res geri, & maximi animi ab us, qui Rempubl. gerant; quod eorum administratio latissimè pateat, ad plurimumque pertineat; esse autem magni animi, & fuisse etiam

in vita otiosa, qui aut investigarent aut conarentur magna quædam, seseque suarum rerum finibus continerent; aut interjecti inter philosophos, & eos qui Rempubl. administrarent, delectarentur re sua familiari, non eam quidem omniratione exaggerans, neque excludentes ab ejus usu suos, potiusque & amicis impatiens, & reipubl. si quando minus esset, quæ primum bene parata sit, nulloque turpi quaestu, neque odioso: tum, quam plurimis, modò dignis, se utilem præbeat: deinde augeatur ratione, diligentia, parsimonia: nec libidini potius luxuriæque, quam liberalitati & beneficentiæ pateat. Hæc præscripta servantem licet magnificè, graviter, animoseque vivere, atque etiam simpliciter, fideliter, vitæque hominum amice.

IMITATIO.

Serviet primò quidem in politica instructione, quæ alicui ratio bene remp. administranti ostenditur. Deinde & in laudibus eorum, qui non minus domi in pace, quàm foris in bello claruere, in quibus Octavius Augustus, Carolus etiam Quintus Imperator Romæ aliquæ censeari possunt.

VI. Confirmatio Thesis cum Refutatione oppositi. Cic. l. 3. Offic.

In negotiis utilitatem ab honestate seungi sine scelere non posse.

Aristidis & Antipatri Stoici, contra Diogenem Magistrum, sententiâ, exemplis veris fictisque: tum imprimis Pythii Cannium emptorem fallentis ostendit, turpe esse utilitatem sine honestate sectari.

Cicero ad M. fil.

1. Themistocles post victoriam ejus belli, quod cum Persis fuit, dixit in concione, se habere consilium Reip. salutare, sed id ferre opus non esse. Postulavit, ut aliquem populus daret, qui cum eo communicaret. Datus est Aristides; huic ille; classem Lacedæmoniorum, quæ subducta esset ad Gythæum, clam

clam incendi poſſe : quo factò frangi Lacedæmoniorum o-
pes necelle eſſet. Quod Ariſtides, cum audiviſſet, in concio-
nem magnâ expectatione venit, dixitque perutile eſſe conſi-
lium, quod Themiftocles daret, ſed minimè honeſtum. Ita-
que Athenienſes quod honeſtum non eſſet, nec utile quidem
putarunt, totamque eam rem, quam ne audiverant quidem
autore Ariſtide repudiarunt. Melius hi, quàm nos, qui piratas
immunes, ſocios veſtigales habemus. Maneat ergo, quod tur-
pe ſit, id numquam eſſe utile; nec tum quidem, cum id, quod
eſſe utile putes, adipiſci are. Hoc enim utile putare, quod turpe
ſit, calam toſum eſt

2. Sed incidunt ſæpe cauſæ, cum repugnare utilitas hone-
ſtati videatur; ut animadvertendum ſit; repugnetne planè;
an poſſit cum honeſtate conjungi: Ejus generis hæ ſunt quæ-
ſtiones, ſi, exempli gratia, vir bonus ab Alexandria profectus
Rhodum magnum frumenti numerum advexerit, in Rho-
diorum inopia & fame, ſummaque Annonæ caritate ſi idem
ſciat complures mercatores ab Alexandria ſolviſſe, naves-
que in curſu frumento onuſtas petentes Rhodum viderit; di-
cturusne ſit id Rhodiis, an ſilentio ſuum quamplurimum
venditurus? ſapientem & bonum virum fugimus, de ejus
deliberatione & conſultatione quærimus, qui celaturus
Rhodios non ſit, ſi id turpe judicet, ſed dubitet, an
turpe non ſit? In hujusmodi cauſis aliud Diogeni Babylonio
videri ſolet; magno & gravi Stoico, aliud Antipatro, di-
ſcipulo ejus, homini acutiſſimo. Antipatro, omnia pate-
facienda; ut ne quid omnino, quod venditor nôrit, emptor
ignoret; Diogeni venditorem, quatenus jure civili conſti-
tutum ſit, dicere vitia oportere, cætera ſine inſidiis agere, &
quoniam vendat, velle quàm optimè vendere. Adyexi, ex-
poſui; vendo meum non pluris, quam certi, fortasſe etiam
minoris, cùm major eſt copia: cui ſit injuria? Exoritur An-
tipatri ratio ex altera parte. Quid agis? tute cum homini-
bus conſulere debeas, & ſervire humanæ ſocietati; atque
lege natus ſis, ut ea habeas principia naturæ, quibus pa-
rere, & quæ ſemper ſequi debeas; ut utilitas tua, communis u-
tilitas ſit; viciffim & æquè communis utilitas, tua ſit: celabis
homines, quid iis adſit & commoditatis, & copię: Reſpondit
Diogenes fortasſe ſic; aliud celare, aliud eſt tacere. neque
ego, nunc te celo, ſi tibi non dico, quæ natura Deorum

sit, quis sit finis bonorum, quæ plus tibi prodesse cognita, quam tritici vilitas. Sed non, quidquid tibi audire utile est, id mihi dicere necesse est; siquidem inter homines natura meministi conjunctam societatem. Memini, inquit ille; sed num ista societas talis est, ut nihil suum, cuique sit? Quod si ita est, nec vendendum quidem quidquam est, sed donandum. Vides in hac tota disceptatione non illud dici; quamvis hoc turpe sit, tamen quoniam excedit, faciam: sed ita expedire, ut turpe non sit; ex altera autem parte, ea re, quia turpe sit, non esse faciendum.

3. Vendat ædes vir bonus propter aliqua vitia, quæ ipse norit, ceteri ignorent; pestilentes sint, & habeantur salubres; ignoretur, in omnibus cubilibus apparere serpentes: male materiatae, ruinosae; sed hoc præter Dominum nemo sciat. quæro, si hoc emptoribus venditor non dixerit, sed desque non vendiderit, plus multo, quam se venditurum putarit; num id justè, an improbè fecerit? Ille verò, inquit, Antipater, improbè facit quid enim est aliud, erranti viam non monstrare (quod Athenis execrationibus publicis sancitum est) si hoc non est emptorem pati ruere. & per errorem in maximam fraudem incurrere? plus etiam est, quam viam non monstrare. nam est scientem, in errorem alterum, inducere. Diogenes contra: Num te emere coëgit, qui ne hortatus quidem est? ille, quod non placebat, proscripsit: tu, quod placebat, emisti. Quod si, qui proscribunt villam bonam, ut ipsi asserunt, beneque ædificatam, non existimantur fefellisse, etiam si illa nec bona est, nec ædificata ratione, multo minus, qui domum non laudarunt. ubi enim iudicium emptoris est, ibi fraus venditoris quæ potest esse? sin autem dictum non omne præstandum est. quod dictum non est, id præstandum putas? quid verò stultius, quam venditorem ejus rei, quàm vendat, vitia nariare? quid autem tam absurdum, quam, si domini iussu ita præco prædicet, *domum pestilentem vendo*? sic ergo in quibusdam causis dubijs ex altera parte defenditur honestas: ex altera ita de utilitate dicitur, ut id, quod utile videatur, non modo honestum facere sit, sed etiam, non facere turpe.

4. Hæc est illa, quæ videtur utilium fieri cum honestis sæpe, dissensio. quæ dijudicanda sunt: non enim, ut quæreremus, exposuimus, sed ut explicaremus. Non igitur videtur

Acturn nec frumentarius ille Rhodium, nec hæc ædium Venditor celare emptores debuisse. neque enim id est celare, quidquid reticeas: sed cum, quod tu scias, id ignorare emolumentum tui causa velis eos, quorum interfit id scire. Hoc autem celandi genus quale sit, & cuius hominis, quis non videt? certè non aperti, non simplicis est, non ingenui, non iusti, non viri boni; versuti potius, obscuri, astuti, fallacis, malitiosi, callidi, veteratoris, vafri. Hæc tot, & alia plura nonne inutile est vitiorum subire nomina?

§. Quod si vituperandi sunt, qui reticuerunt: quid de iis existimandum est, qui orationis vanitatem adhibuerant? C. Canius, eques Rom. homo nec infacetus, & satis literatus, cum se Syracusas otia causa, non negotiandi, ut ipse dicere solebat, contulisset, distirabat se hortulos aliquos velle emere, quo invitare amicos; & ubi se oblectare sine interpellatoribus posset. Quod cum percerebisset, Pythius ei quidam, qui argentariam faceret Syracusis, dixit venales quidem se hortos non habere, sed licere uti Canio, si vellet, ut suis: & simul ad cœnam invitavit in posterum diem. Cum ille promississet, tum Pythius, ut argentarius, qui esset apud omnes ordines graciosus, piscatores ad se convocavit, & ab iis petivit, ut ante suos hortulos postera die piscarentur, dixitque quid eos facere vellet. ad cœnam tempore venit Canius. Opiparè paratum erat convivium, cymbarum ante oculos multitudo; pro se quisque quod ceperat, afferebat; ante pedes Pythii pisces abjiciebantur. Tum Canius, quæso, inquit, quid est ò Pythi, tantumne piscium? tantumne Cymbarum? & ille, quid mirum? inquit: hoc loco est, Syracusis quidquid est piscium; hic aquatio; hac villa isti carere non possunt, incensus Canius cupiditate, contendit à Pythio, ut venderet. Gravate ille primò. Quid multa? impetrat: emit homo cupidus & locuples tanti, quanti Pythius voluit, & emit instructos: nomina facit: negotium conficit. Invitat Canius postera die familiares suos: venit ipse maturè: Scallum nullum videt, quærit ex proximo vicino, num feriae quædam piscatorum essent, quod eos nullos videret. nullæ, quod sciam, inquit ille: sed hic piscari nulli solent: itaque heri mirabar, quid accidisset. Stomachari Canius: sed quid faceret? nondum enim Aquilius, collega & familiaris

meus, protulerat de dolo malo formulas. In quibus ipsis, cum ex eo quæreretur; quid esset dolus malus? respondebat, cum esset aliud simulatum, aliud actum. Hoc quidem sanè luculenter, ut ab homine perito definiendi. Ergo & Pythius, & omnes aliud agentes, aliud simulantes, perfidi, improbi, malitiosi sunt. nullum igitur factum eorum potest utile esse, cum sit tot vitiis inquinatum.

IMITATIO.

Ad laudem candida simplicitatis sinceritatisque hæc exempla pleraque non incommode transferri poterunt, aut ad fraudia etiam duplicisque animi detestationem adhiberi. Seu, cum honoris atque existimationis rationem præ commodo habendam docueris.

CAPUT XX.

De Chria, & illius ad eloquentiam utilitate.

AD communem juventutis exercitationem, quæ ab utilitate Chriæ nomen ducit, accedimus, cui merito illam, quam sententiæ dicimus, tractationem accensemus, ratio enim nulla est, cur hoc loco distinguantur.

Harum verò usus, quamquam inter Oratores Scriptoresque alios, ea lege, quâ inter adolescentes instituitur, rarus sit, tamen per quam ad profectum est accommodatus, eò quod rudiorum etiamnum juventutem, facili via, per locos extrinsecos, ad rem aliquam illustrandam amplificandamque ducat. Me verò ad has longè promptius absolvi usque deinde tractandas, emolumenti aliquid attulisse existimo, quando eam argumentorum inventionem institui, quâ in locos proprios, sive intrinsecos, & communes, sive extrinsecos tota inveniendi ratio, certa lege atque ordine distinguitur.

Hoc igitur emolumentum, in quo consistat, jam tibi aperio. Qui rectè differendi facultatem, non qualemcunque, sed absolutam suis volet tradere discipulis, aut ipse etiamnum rudior capeffere huic per omnia inveniendi loca ita sensim incedendum est, ut non tantum quemadmodum ex sin-

gulis

gulis rem aliquam locupletare dicendo possit, verum etiam quo pacto quisque per se locorum, excuti, diduci, ornarique queat, id penitus assequatur. Ad quam Chria, aut sententia, suis legibus diducta in primis facit. Hæc enim (quod maxime observandum censeo) loca quælibet argumentorum, quæ nos propria dicimus, excutienda, atque exornanda per locos communes suscipit, factò aliquo dictore illustri in thematis occasionem assumpto. Illud verò ejusmodi exercitio variè simul utiliterque instituto obtinebis, ne eundem semper, quod ajunt, funem scribendo trahas: modò per illa, uti nos distribuimus loca, ita incedas, ut ab uno ad alium per diversa evageris, nihilque te eorum fallat, quæ concipiendi aliquam varietatem & copiam possint conciliare. Quod nullum hætenus scriptorum, qua ratione fieri possit, observare memini. Quare illud, in quo potissimum ad profectum, hoc in studio, momentum esse positum sentio, propositis in medium exemplis declarabo, ubi primam docuero, cur ante Chriam, per theses locosque communes juvenus exercenda videatur.

§. 1.

Chria post locos communes & theses tractanda est.

Causa est, quæ hunc nobis ordinem suadeat. Quod Chria actionibus sæpe constringatur terminis, sive materiam, sive tractandi rationem spectes. Nam materia licet in his etiam universalis esse possit, tamen plerumque adstrictior, ideoque minus argumentis dicendi fecunda est. Ut si dicas, *virtutem honori præferendam esse*, aut *honorem opibus*; vel etiam quæras, *an vita propter opes in discrimen adducenda sit*; locum communem, aut thesin ad differendum habiturus es, pluresque sese etiam inquirenti rationes offerent, quas in partem utramque, pro contraque, licebit inducere: quæ res majorem subicit dicendi copiam. Sed per Chrias plerumque hæc materies limitatur, minusque patens est. Ut si ex Tacito dicas, *Gloria virtutis pedissequa est*, quam Chriam si expendas, aliud nihil licebit ostendere (quamvis loco communi antè memorato affinis sit) quam ex virtute sequi gloriam. Cujus rationem ex ipsa descriptione gloriæ erucere poteris, quod gloria aliud nihil sit, quam bona existimatio hominū, de

alterius præstantia. Et huic rationi exornandæ impendenda deinde erit oratio. At in loco communi, quod virtus honori præferenda sit, virtutis naturam, causas, effectus, adjuncta præmia; contraque honores levitatem atque inconstantiam, effectusque ac præmia nulla, magna dicendi copia facilius declarabis.

Plures itaque chias sub uno illo loco communi aut thesi reperiturus es. Ut illud Publii Syri, *Honor fugientes sequitur, sequentes fugit.* Gregorii Magni, *Dejicitur cum elevatur, qui honoribus proficit, & moribus cadit.* Valerii Max. *Virtutis uberimum alimentum est honores.* Quarum pleræque sententiarum unam præcipuè rationem ex loco communi includunt. Ut prima illam ex *attributis* virtutis & vitii; quod demissionis virtus, quâ honorem devitamus, omni honore digna sit, contraque arrogantia, qua nobis indebitam gloriam vendicamus, ut meritis contemnenda. Altera, ex *affectis* vitiorum, quod mali mores optimam hominis partem, hoc est, mentem inquinant, ac deprimant, abjectusque ille sit, quantumvis magnus, qui carni ac vitis serviat. Tertia à *causis morventibus*, qualis merito esse potest, æterna in cœlo gloria, honorque ad virtutis incitamentum propositus. Quæ rationes cum singulis Chriis sufficiant, ad eundem tamen communem locum exponendum possunt concurrere.

Rursum si tractandi methodum spectemus, hæc in Chriis ad contrarium, exemplum, simile, auctoritatemque confirman-
tis adstringitur, in locis communibus thesibusque magis est libera, & illa vel negligit, vel cum inducit pluribus aliquando exemplis, aut testibus, in thesi præsertim, luxuriat. Quæ ideo differui, ut ostenderem, ante in ejusmodi locis thesibusque, quam in chriis sententiisque juventutem excolendam esse.


§. 2.

Chriarum ab ipsa varietate utilitas.

Nunc ad ipsam Chriarum diversitatem, tradendique ac tractandi rationem veniamus, in qua pauci illâ, quæ maximè utilis esse possit, viâ insistent; sed arrepto temerè aliquo, quod se primum obtulit dicto facto, nunc hoc, nunc illud argu-

argumenti genus sequuntur, nec uni cuiquam exhausti-
 insunt, ut quemadmodum in materia eadem variè copio-
 seque versari juvenis possit. hoc pacto intelligat. Levissimum
 hoc in illo scribendi est genere, quod aliquid primum putant,
 ut *Contrario, Exemplo, simili*, ac *testimonio* res una diducatur;
 hoc enim ubi semel iterumque adolescens fecerit, faciliè ap-
 prehendet sibi in Chria semper esse faciendum. Imò nec hoc
 quidem tanta, ut nonnulli volunt, religione observandum
 duxerim. quid enim obstabit, si vel exemplum, vel Testimo-
 nium præterieris, ubi in promptu nullum fuerit. an non hoc
 passim scriptoribus usitatum? Minimum itaque chriæ hac in-
 re momentum est. Lex est illa Aphthoniana, quam sine cri-
 mine violaveris. Sed nec ordo ab eodem proscriptus quic-
 quam habet religionis, sive enim præmiseris simile Exemplo,
 sive postposueris, quid ad causæ, quam tractas, momentum
 attinebit? imò ad illius vim & rem natam intererit quando-
 que neglexisse. Hæ igitur leges Rhadamantheæ non sunt,
 hic pondus Chriæ non libratur. Aliud est, quod in illius usu
 magis statuo observandum.

Etenim cum ad eloquentiam nihil magis necessarium sit,
 quàm quædam dicendi copia. ut & ex ipsa copia delectus
 quidam institui, & ornatus dictionis magna rerum varietate
 (sine qua inanis est, fulciatur. Ad hanc juvenis per ipsa ex-
 ercitia scriptionis ita ducenda est, ut simul intelligat ex quo
 fonte hauriat. Et unde plura haurire possit. Hoc autem
 facturus es, si cum Chriam, aut sententiam diducendam præ-
 scribis, simul ostendas, ex quo fonte inventionis rationem si-
 ve causam, ut vocant, sententiæ depromas. Hæc enim ratio
 totius debet esse Chriæ & orationis diducendæ fundamen-
 tum. Tum deinde ostendas, quo pacto vel eadem Chria
 diversis rationibus diduci possit; vel ceteræ eadem, de qua
 agitur (ponamus literarum studia suaderi) diversis Chriis ac
 dissertationibus pateat, ob diversas sententias rationesque ad
 idem propositum suadendum opportunas. Exem-
 plis rem citius apprehensurus es,



§. 3.

*Quomodo rationes variae eruantur, & quanto hoc fiat
ad eloquentiam emolumento?*

Ad hoc Orator instituendus est, ut in re ad differendum proposita, universas. quæ ad illius confirmationem faciunt, rationes in promptu habeat. ut quæ tam dissertationis cuiuslibet, quàm Chriæ etiam inducendæ & exornandæ sunt fundamentum.

Rationis autem inventio in Chria fierè ab adolescentibus per hanc quæstionem, *Quare hoc dixit, aut fecit?* elici poterit. Modò ne nimium singularis atque infœcunda materies sit. Ut Cicero dixit lib. 1. Officior. *Adolescentis est majores natu revereri.* Quæro, quæ causa est. cur talis reverentia adolescentes deceat? respondebit jam ad fontes inventionis proprios instructus.

I. *Ex natura & d. finitione* talis reverentiæ; quia adolescentes decet hac virtute ac bonis moribus instructos esse, quæ est ratio quædam universalis desumpta à genere. Aut dicet; senum ætati, autoritati, ac sapientiæ honor deferendus est, quæ ratio à *forma seu differentia* sumitur. Aut utrumque conjunget dicendo; virtus illa, qui senum auctoritati ac prudentiæ cum submissione honorem defert, maximè adolescentes decet. Quæ ratio à *definitione* petita est.

II. *Ex causis* rationem responsurus, depromet. Si dicat, Deus atque ipsa in nobis ratio ita esse faciendum docet atque imperat. Vel, Christus verbo atque exemplo, cum parentibus subditus esset, hoc à nobis exigit. Quæ ratio est à *causa movente, & exemplari.* vel senibus honorem & obsequium adolescentes debent, ut ab illis ad sapientiam erudiantur. Quæ est *causa finalis*.

III. Ab attributis rationem petet. Ut quod honestum illud genus officii sit adolescentibus, quod facile, quodque utile.

IV. Ab effectis. quod senes hæc observantia delectet, excitet ad benefaciendum. Honor scilicet senibus delatus, in ipsos adolescentes redundet, sitque magis in honorantibus.

V. Ab adjunctis. quod cum reverentia ac verecundia plerumque

rumque cæteræ virtutes adolescentibus dignæ conjungantur. Quod ab hac eorum observantia, de indole atque ingenuitate sumatur iudicium. En ut repente sub unius Chriæ sententia plurimum diversarumque tibi dissertationum seges nascatur. Nam ut quælibet harum rationum ab altera penè diversa est. Ita & contrarium ipsius diversum erit & similia exempla que poterunt esse diversa, adeoque sub unius Chriæ titulo, variæ illius tractationes institui, campusque ille aperiri adolescentibus poterit, in quo præcipuè solet triumphare eloquentia.

Altera tamen ratio Chrias in eadem materia, per apertos à nobis inventionis fontes, deducendi aliquantò plus habet varietatis. Ut propositum tibi est, pravam societatem dissuadere adolescentibus. Aperis igitur librum aliquem (exempli gratia, florilegium Langii) atque hinc sententias de eodem themate diversas ac sub his diversas quoque rationes cōtentas colligis, quæ ad singula inventionis loca haud difficulter haberi poterunt. similia exempla, & testimonia indidem promis: mox in quandam de eadem re Chriarum classem divides. Neq; tamen necessarium erit, ut sicubi, vel exemplum, vel simile, aut testantis autoritas deficiat, illic hæreas, & materiam chriæ idoneam deesse existimes. Satis erit rationem contrariumque (quæ nusquam deerunt) cum aliquo istorum sociari. Ita enim adolescentes ad hoc sensim adduces, ut plerasque materias investigando exhaustire norint, & vix desit scribentibus copia. Qui si minus ad illos inventionum fontes identidem recurrere doceantur, & scripturi, velut ad aërem hiantes expectent, num quæ ratio in mentem denique advolet, parum ad eloquentiam momenti, nisi fortassis phrasis aliquem aut figuræ leviculum cultum allaturi sunt. Ubi verò hac arte in Chriis exercitati fuerint, jam ad omne dicendi genus expeditum iter tenebunt. Nihil enim aliud plures ejusmodi Chriæ, de eadem institutæ materia, futurae sunt, quam membra quædam integræ atque absolutæ orationis, quæ nullo deinde negotio in ordinem ad persuasionem accommodatè digerentur. Et hoc est singulare illud emolumentum, quod in ejusmodi Chriarum tractatione latere sentio. Tum verò & alterum multò rarius expeditiusque eloquentiæ secretum, hac exercitatione abditur; quòd, qui hanc viam differendi aliquo usu triverunt, ex tempore de oblato quovis

quovis dicendi argumento (modò omnino reconditum non sit) facile possint differere, si illa videlicet investigandi arte, qua in primo exemplo usus sum, rationes ex singulis fontibus à se deposcant, simulque ad contraria, & si quæ occurrant, vel similia, vel exempla, dilabantur. Juvenique hanc ad rem aliquando Magistrum publicè facto aut dicto cujuscumque celebri proposito, rationes per ordinem à suis poscere, atque ubi hæserint suppeditare: tum deinde ad hoc similia ex rebus naturalibus variaque artium cognitione petere. Quæ expeditius subveniant, modo illa, quæ cælum, quæ aër, quæ mare, quæ terra, quæ urbes, in plantis, fructibus, feris, studiis hominum diversis complectitur, velut in imagine quadam oculis subiecta celeri mente percurrat. Exempla ex profanis sacrisque juxta historiis narratione brevi suppeditanda sunt. Quo pacto se non minus, quam discipulos Magister perfecturus est.

CAPUT XXI.

Praxis Chriarum diversarum de eodem argumento instituendarum.

DEcreveram quidem meis exemplis hoc in opere abstinere, tum quod prima Romanæ eloquentiæ præcepta capientem, tutius sit veterum prototypis uti, ad quæ recentiorum autorum scriptio, ut laudem mereatur, componenda est: tum quod plerisque, qui suis hanc viam exemplis designare aggressi sunt, parum ab ea re, vel existimationis suæ, vel utilitatis alienæ reportasse videam. Sed hoc in loco, cum nec veterum quisquam, nec recentium ita versatus sit, ut maximè in illo genere exercitationis conveniens juventuti videretur, dabit veniam lector, si ad rei literariæ emolumentum, unius materiæ exemplo, per Chrias quinque ita diducto utar; ut intelligant eloquentiæ studiosi, quam hic potissimum tractandi rationem exigam, qua ad integras orationes, magna dicendi copia explicandas disponantur.

Thema illud sit, quod non minus sua veritate, quam eloquendi disciplina adolescentibus inculcandum est:

Societatem pravorum hominum, hac in vita, de vitandam esse.

Institamus

Insistamus hic viæ alteri, quam supra dedimus, per gnomas sive sententias, & facta diversorum diversa. Ita enim facilius etiam tres istas Chriarum formas, quas Aphthonius præfixit, hoc est, verba'em, realem & mixtam, tum deinde etiam illam, quæ solius est, ac dicitur sententiæ, persequemur.

Cum de hoc argumento aliquot dicta sapientum investigarem, obtulit se mihi

I. Illud Apollonii Thyanæi votum *Nosse bonos, vitare malos*. Quæro, qua de causa ita sensit? Et ex fonte inventionis, à definitione societatis humanæ illam sumo, *quod sit communicatio quedam ob bonum mutuum*, quæ à malis sperari non possit. En fundamentum totius discursus.

II. Illud Pythagoræ sumsi: *Ne cuius injicias dexteram*.

Quæro, cur id prohibuerit? & ex 2. fonte inventionis de causis responsionem accipio, quia finis noster est in mutua societate, ut alter alteri in corporis & animi bonis opem præstet, quod improbi rarò facient.

III. Ob varietatem, nudam sententiam proverbialem posui, ut, *homo homini Deus est; homo homini lupus*.

Quæro, quæ ejus rei causa? Et hanc ex 3. fonte inventionis de Attributis capio, quod hominis hac in vita jucunditas, utilitas, & honestas, bonâ societate aliorum hominum maxime alatur, mala evertatur.

IV. Historiam Dionysii Tyranni Dionis filium per malos socios corruptentis exposui; ut Chriam realem quoque adhiberem.

Quæro, qua de causa id fecerit? Et occurrit ex 4. fonte de effectis, quod hac ratione unicum hæredem Dionis statuerit perdere, ut & factum est.

V. Factum & dictum (quo Chriam mixtam complecterer) D. Joannis Apostoli Cerinthum hæreticum fugientis induxi.

Quæro, cur id fecerit, dixeritque? Et ex fonte quinto adjunctorum causam depromo, quod sciret, aliquando probos cum improbis eadem pœna opprimi.

En de eadem materia ex singulis inventionis fontibus rationem unam aliquam, quæ pro Chria pertractanda, atque ex locis communibus, hoc est, contrario, simili exemplo, testimonioque diducenda sufficit. Quibus si quis rationes alias adjecerit, novis etiam Christi occasionem parem daturus est.

Nobis

Nobis hæc quinque ad exemplum quæcunque visæ sunt sufficere. Quibus aliquas deinde in præcis autoribus repertas subijciemus.

Porro ad integræ alicujus orationis corpus ex his Chriis construendum parum admodum defuturum est. Cum robur orationis totius in argumentis aliquot eruditè disertèque atque ad persuadendum accommodatè explicatis consistat. Illud tantummodo observandum est, ut validiores in finem rationes seponantur, minus firmæ collocentur in medio, tum verò iste ordo tractandi, quo auspicamur à sententia, aut factò ac deinde ad rationem contrariumque, ab his ad simile exemplumque transitur, non nihil immutetur, exordio tali ad testimonia, vel exempla rejecto, quin his quandoque, ubi minus urgent, neglectis, & rationibus pluribus in rem eandem acervatis. Neque enim hic ordo, præsertim sæpius in eadem oratione recurrens, observandus est. Quocirca & in his Chriis nonnunquam confudi, & contrarium atque expositionem causæ miscui, ut & hoc decere ostenderem: & alibi in *Exercitationibus* meis *Oratoriis* dissertationem unam de macilentis & pinguibus varia Chriarum tractatione pertexui, quo plurium avidum lectorem remitto.

Nunc ut facilem quoque Chrias disponendi rationem oculis subijciam, Inventionem, seu distributionem Chriæ primò, deinde elocutionem proponam. Denique & singularem ejus partium rudem quandam tractandi viam ac varietatem.

Chria I. Verbalis.

*Apollonius Thyaneus hoc præcipuè à Diis
postulat.*

Nosse bonos, vitare malos. *Alex. ab Alex.
lib 4. cap. 7.*

INVENTIO.

Causa, quæ est fundamentum discursus, statim inquirenda est. Neque enim Exordium & expositio difficultatem habent.

Qua ratione, ut hoc unice peteret, inductus est? Respondebit facile ex descriptione societatis! Quia societatem humanam noverat esse communicationem quandam mutuam in rebus

& ver-

de verbis, ob fructum aliquem ex illa speratum. qui cum à solis bonis, non vero à malis sperari posset, Apollonius hoc merito precabatur.

Contrarium ex ratione ac sententia simul expensa promptum est. ut qui sollicitus non est, ut bonos nôrit & malos devitet, sed quorumvis promiscuè familiaritatem admittit, hic naturam, & bonum humana societatis destruit, & pro fructu, ingentia ex illa incommoda colligit.

Simile ex aliqua re naturali aut artificiali, quale esse accipit hic potest, qui per avem unam plures sociarum adductas capit.

Exemplum Iosephi Patriarcha, qui fratrum improborum consortium vitavit, qua res illi primum quidem nocere, deinde prodesse visa est.

Testis Aristoteles l. Pol. qui ait, Omnis societas alicujus boni causa facta est, qua non potest à malis sperari.

Conclusio Qui igitur bonus esse volet, vitet malos, bonisque societur.

ELOCUTIO.

Exordium. Non omnis Thyazæ illa, quam de moribus tradidit, disciplina damnanda est, quamvis ipse Magicarum artum infamia inter posteros notetur. quædam ipse, ut rectæ institutioni aliorum idonea tradidit, item exemplo non malo secutus est. inter quæ hoc familiare illi votum jure re-
tuleris.

Nosse bonos, vitare malos.

Expositio. Erant hæ Philosophi istius preces, quibus hoc præcipuè spectare visus est, ut in societate hominum deligenda, probos ab improbis discerneret, ne his potius ad perniciem, quam illis ad separatam aliquam societatem jungeretur.

Causa. Nec injusta hujus voti causa fuit. Cum enim illa sit natura societatis humanæ, hoc fine consilioque à Deo autore instituta sit, ut communicatione quadam cum sententiarum, tum actionum, ope mutua auxilioque fulciamur, in rebus dubiis perplexisque utamur consilio, in adversis casibus solatio, in lætis secundisque aliorum applausu: gaudia

doloresque, opes inopiamque participatione aliqua boni malique, unà cum aliis feramus; quis omni studio providendum non existimet, ne in familiaritatem improborum admittatur, à quibus non minus in vitiorum, quam inanum quorundam gaudiorum societatem trahatur. quod incautæ præsertim adolescentiæ offendiculum metuendum est, ut quæ nulla malorum experientiæ adversus hos casus præcipitiumque salutis, satis etiamnum firmata sit. Est, fateor, honestæ consuetudinis fructus multiplex, ususque per jucundus. quidquid enim sive in adversitate malorum ingruit, sive in prosperitate affluit bonorum, nisi cum aliquo amicorum communiceamus, aut magis gravat, aut minus recreat. Doles? dolorem quereris, & levius fertur. gaudes? perit gaudiorum jucunditas, nisi in amici sinum transfundatur. Opes amisisti? honor læsus est? vulnus accepisti? exponis familiari, primumque hinc malis hauris solatium. insperata tibi fortuna risit? accessit dignitas? sanitati inexpectatæ es redditus? si desit, qui cum hæc communices, fructum tuæ felicitatis potissimum perdidisti. Tantum à sola animorum familiari conjunctione pondus est. At sociari non possunt animi, nisi alter ad alterius mores accesserit, sive ad vitium illi, sive ad virtutem propendeant.

Nihil igitur in hoc consuetudinis aditu, majori cura studioque agendum est, quam illud Apollonii, ut videlicet bonos noris, & malos devites.

Contrarium. Sin absque hac cura, in quorumvis te sociorum familiaritatem immiseris, dissolutione illorum etiam oblecteris, risu traharis incondito, garrulitate pascaris, scurrilibus læsteris verbis, inverecundam fontem, linguam Venere tinctam, vitam lubricam, à modesto vultu, sermone casto, vita continente, nec distinguas, nec seligas; nescis profecto in quæ usum humana societas reperta sit, hujus naturam rationemque subvertis, illumque, qui honestæ solet esse consuetudinis, fructum amisisti. Certè omnis potius ab hominibus societas ad brutas ammantibus ablegetur, quàm ut rationem bonumque omne, ad cuius stabilimentum reperta est, secum ipsa destruat, & non tam societas, ac præsidium, quàm hostilis quædam inimicitia, atque eversio bonorum dicenda sit. Caveat hoc tantum malum imprudens adolescentia, ne in hocce se laqueos induat, unde difficilis impotterum sit exitus.

Simile.

Simile. Nam, ut auceps, ad pluvium avium perniciem, uham aliquam ejusdem generis, caveæ aut laqueo illigatam, solet exponere, ut illæ in societatem hujus strepitu cantuque provocatæ, visco aut laqueis; ad insidias dispositis, intercipientur: ita Dæmon nostrarum auceps animarum, ad multorum adolescentum ruinam, depravatos quosdam suisque jam vinculis irretitos juvenes, velut ad insidias & illicium aliorum exponit, quibus sociari, perire est: qui suavi illecebra otii, vini, ac Veneris incautos rapiunt, secumque in exitum plerumque devolvunt sempiternum. Ut enim avibus semel interceptis difficilis rarusque ad libertatem est exitus, ita adolescentibus semel hæc esca captis, arduus ad salutem receptus est.

Exemplum. Non ignoravit hanc fraudem insidiatoris nostri prudens castusque adolescens Israeliticus Josephus; quando & fratrum suorum pessimo in scelere accusator, quam socius esse maluit: illorum etiam odia, machinationesque in caput viramque negligere, quam familiaritatem moresque non dissimiles amplecti. Quam verò illud egregio gloriosoque sibi exemplo præstiterit, honor post brevem ipsius calamitatem consecutus, Ægypti imperium, fratrum submissio, hominum Superumque favor uni Josepho impensus, abundè testantur. Contempta improborum societas, illi deinde longè lateque probos omnes improbosque subjecit, ut his terrorem incuteret, suum illis impenderet amorem. Tantum est bonos novisse, simul & malos devitasse.

Testimonium. Sensit idem celeberrimus Venusinus Vates, cum monuit,

Hic niger est, hunc tu Romane caveto.

Vide ne illi te jungas, unde turpem potius morum colorem, quam fructum aliquem societatis trahas. *Omnis enim societas, si credimus Aristoteli (Polit. lib. 1.) alicujus boni causa instituta est.* Tolle hoc bonum, & societatis ratio naturaque sublata est.

Conclusio. Quisquis igitur humanæ societatis bonum esse integrum voluerit, quique sperato ejus fructu potiri, hoc cum Apollonio à Superis precetur, hoc totius vitæ instituto agat, ut ingenia moresque sociorum prius noverit, quam amplectatur: probis sese non subtrahat, improbis non adhærescat, & sicubi errasse in delectu seprehenderit, malit inique

societatis voluptate fraudari, quàm integritatis salutisq̃ue adire naufragium.

Chria II. Verbalis.

INVENTIO.

Pythagora monitum est: Ne cuius inijcias dexteram, hoc est, quibuscumque sociis jungar.

Causa. Quia societas inter homines instituitur, ut alter alteri subsidium, vel in corpore, vel animi bonis praestet; quod ab hominibus sceleratis expectari vix poterit, à virtute praeclatis potest. Igitur deligendi probi sunt.

Contrarium. Qui enim improbis adhærescunt, ut adolescentes, qui voluptate capiuntur facilius, quàm senes assolent. finem instituta societatis evertunt.

Simile. Vti Pastor, qui gregem colligit, ut collectus simul pascatur, si scabiosas ad illum oves admiseris, facile totum gregem inficit.

Exemplum. Cognitum illud in adolescente, quem D. Ioannes Apostolus Episcopo cuidam educandum commiserat, qui ubi ad consortia peccatorum delapsus est, perdidit vixit; ubi ab Apostolo revocatus fuit, honorum praesidio melior est redditus. Vt habet Euseb. lib. hist. Eccl. cap. 17.

Testimonium. Agnovit Seneca quantum in societate commodi esset. l. 4. de benef. cap. 18. & Aristoteles lib. 8. Eth. cap. 3. Adolescentes voluptate maximè capi sensit, ut hu jure providendum sit, ne aberrant.

Conclusio. Cavendum igitur erit, ne rem ob commune praesidium hominum institutam, malè delectis sociis, vertamus in nostrum exitium.

Exordium. Pythagoras veteris Philosophiæ per Italiam primum decus, postquam varias peragrasset orbis oras, ut quod optimum vitæ disciplinæque genus comperisset, id suis aliquando auditoribus Magister traderet, denique apud Crotoniatis celeberrimum sapientiæ Gymnasium aperuit, neque interdiu tantum, sed & noctu summa affluentium frequentia auditus est. Quibus ut multa ad honestæ vitæ institutionem præclara reliquit, ita brevibus quibusdam
atque

atq; ænigmaticis sententiis reconditam quandam sapientiam complexus est. Ut cum monuit :

No cuius dexteram injicias.

Eposito. Nimirum sensit vir sapiens, non cuiusvis tibi hominis societatem, velut injecta manu, prensandam esse atque ut is, qui temerè cuiquam manum injicit, vel illam faciliè inquinat, vel certè offensione aliqua perstrictam serius reducit; ita in humana evenire consuetudine, tu si temerè aliorum te met lateri app'ices, notam, offensionemque non evites: expendendum proinde judicavit; quisnam ille sit, quem socium adsciscas, & qua de causa illius familiaritatem ambias, ut si minus honesta sit, ac probata socii vita, tempestivè hoc consortium averseris.

Causa. Quid ni enim ita suos Pythagoras instituat, cum societas mutua inter homines hac de causa potissimū reperta sit, ut sese adversus hostium insidias, impensa vicissim defensione firment, alter alteri subsidium in adversitate præstet, commerciorum vicissitudine necessitates mutuas sublevent, neque solis corporibus opem in egestate, remediumque in morbis præstent, verum animis quoque ad salutem, felicitatemque æternam natis præsidium atque incitamentum adferant. Hunc in finem immortalis conditor, mortalem genuit hominem, quem licet non agnosceret Pythagoras, solius tamen corporis, præsentisque vitæ felicitas ex illa hominum societate nisi malè confletur, suspensa tantum apud Philosophum illum valuit, ut circumspèctè hanc prudenterque conciliandam præciperet, quod animadverteret, non eodem omnes eventu societates adiri, constarique amicitias. Ab hominibus sceleratis in familiaritatem receptis expectari non posse, ut fidem, ut constantiam, ut virtutes præstent reliquas, quas ipsi non possident; aut alienæ saluti consulant, qui pessundant propriam. Hæc proborum tantum esse hominum: à quibus si in sociorum delectu aberrer quispiam, causas omnes, propter quas humana societas instituta sit, præterire.

Contrarium. Hæc consilia qui negligunt, qui que inconsultè cuius sociorum, ut primum arripit, lepidiorque atque humanior visus est, dexteram injiciunt non modò nihil ex ejusmodi societate præsidii, verum & incommodi plurimum, non raro accipiunt. Qua in re juvenum quàm senum

prærior esse solet offensio. Senes cunctantius in consuetudinem accedunt, verum & constantius; adolescentum, ut repentina sæpe, ita inconstans familiaritas est. Illi ex honestate & commodis; hi ex voluptate plerumque societatis bonum metiuntur. illi hac firmant rempublicam, pacem fovent, concordiam stabiliunt, negotiationem alunt, privatæ communique salutis consulunt: hi illam ad lusus, otia, compositiones, Venerem non raro abutuntur. Nec alia tum diversi exitus ratio est, quam quod illi prudenti delectu frugum hominum societatem amaverint; hi tales, quos cupiditas potius, quam ratio socios obtulit, sine cunctatione, sine sensu, sine consilio admiserint,

(*Simile*) Prudens ovium pastor, si quas in consortium totius gregis admittat, eo consilio accipit, ut communi fruantur ductu, pabuloque alantur: pari quo grex totus, defendantur præsidio, & adversus fures luposque tutæ sint. ita par illis pratum, par in societate custodia, par tutela adhibetur. qui si tamen quascunque alias etiam scabie inquinatas citra delectum patiatur accedere, facile totum gregem infecerit, unius contagione in plures sparsa. Parem, quis non intelligat, inter homines consuetudinis rationem esse? Bonorum societates ad mutuam defensionem salutemque spectat; immixta pravorum consuetudo, hoc, quod integrum est, facilius eadem peste afflat, quam remediis ullis persanatur. Quod nos pluribus verbis, hoc Poëta non invenustus paucioribus est complexus, dum inquit,

— *Grex totus in agris*

Vnius scabie cadit & prurigine porci,

Vvæque conspectâ livorem ducit ab urva. Juvenal. Sat.

2.V.20.

Exemplum. Illustre huius in D. Johannis Apostoli vita exemplum nobis relictum est. Adolescentem ille probe institutum, sibi que ob indolem admodum carum Episcopo omni studio cura que educandum tradidit, cui quidem Episcopus principio singularem vigilantiam atque industriam impendit, Christianis sacris pie imbuere, sed cum deinde oculos animumque minus adverteret, societate improborum captus primò, sensimque adeò depravatus est juvenis, ut rebus per luxum dissipatis, prædonum etiam antesignanus factus

Aut sit, quâ te intellecta Apostolus, gravissima oratione Episcopi negligentiam castigavit, & per avia silvasque affectus denique juvenem, verbis amore plenissimis, ad scelus pœnitudinem, obsequiumque pristinum ægrè inflexit. Quæ tam repentina ejusdem adolescentis mutatio? humana videlicet societas, quæ & honestatis studium inter bonos; & voluptatis rursus amorem inter malos facile persuasit. Unde probus ille sanctusque adolescens in proborum consortio probus, in sceleratorum familiaritate perditus fuit. Tanti refert quibuscum, & quo sine jungaris cum aliis. Ad conservandum genus humanum, ad salutem privatam communemque stabiliendam societas constanda est, ad perniciem nulla concilianda.

Testimonium.) Præclare, ut in cæteris, ita hic etiam Seneca *Hominem* (ait de benef. l. 4. cap. 18.) *non anguium vis, nec dentium terribilem cæteris fecit, nudum & infirmum societas munit.* Hæc tam utilis, quàm honesta societatis mutua causa est, data atque accepta defensio. Nulla hæc cupiditas, nulla voluptas corrumpat, cum æquis honestisque ad par virtutis studium sociemur, & laudabilis futura societas est. Rem quidem arduam inculco adolescentibus, *quorum omnia amicitia* (ut Aristoteles loquitur, lib. 8. Eth. c. 3.) *voluptatis causa instituta est.* verum tamen necessariam suadeo, nisi virtutis juxta salutisque curam abjiciant.

(Conclusio.) Quocirca si hominum sapientium consiliis obsequi, si parere rationi, si proborum imitari exempla volumus, si nobis utilitas, si virtus, si propria salus cordi est; omni studio diligentiaque in sociorum delectu utamur, ne improbis malo errore jungamur. & rem præstantissimam ad salutem mortalium à Deo institutam, ad nostrum aliorumque vertamus interitum.

Sententia, vel Chria III. Verbalis.

I N V E N T I O.

Exordium. Verum vetusque dictum est, homo homini Deus est. homo homini lupus.

Expositio. Quo pacto significare voluerunt, hominem alteri homini & prodesse maxime, & rursus obesse.

Causa hac est, quod ex proba fidaque hominum consuetudine maxima hominū in hac vita felicitas pendeat, ob voluptatem, utilitatem, honestatemque, quam ex illa colligit.

Contrarium. Secus vero evenit, ubi socios parum probos, filiosque nactus est, qui & opes, & famam, & conscientiam facild profligant.

Simile. Ut enim illi, qui ex opobalsami officina prodeunt gratum odorem, quo delectamur; contra ex cerdonum domo ingratiū adferunt: ita qui ex consuetudine proba, improbaue veniunt.

Testimonium. Verè Horat. Quo semel est imbuta recens servabit odorem Testa diu, lib. 1. Epiß.

Exemplum. Suo illud exemplo Augustinus docuit, qui eo improbitatis per socios pravos aeductus est, ut puderet non esse impudentem.

Conclusio. Cautiores igitur adolescentes ipsius periculo cognito esse convenit, & homines adeo noxios devitare.

ELOCUTIO.

Exordium. Multa sunt, quæ ad humanæ societatis commendationem faciunt, nec pauca, quæ ad illius reprehensionem detorquentur, ut non immeritò quidam dixisse memoretur.

Homo homini Deus, homo homini lupo.

Cujus ego quidem sententiæ, ut gratiam, quæ in brevitate atque energia est, veneror, ita etiam veritatem amplector, illi inque omnium mentibus, præsertim adolescentum, defixam cuperem, ne in quorumlibet promiscuè, sibi licet blandientium, familiaritatem irruerent; sed ex honestate atque utilitate societatis, illius æstimationem facerent.

(Expositio.) Nihil enim hoc dicto magis nobis suadetur, quàm ingens esse discrimen humanæ societatis. Magna esse quorundam hominum eiga alios beneficia, quorundam offensiones etiam in alios gravissimas, ut illi officium Dei, hi luporum occupasse videantur.

(Causa.) Et sanè si originem cum felicitatis nostræ, tum infelicitatis præcipuæ hac in vita spectemus. ab homine illa in hominem, ex mutua conversatione potissimum existit. Quæ enim causa, cur felices nonnulli, & multi infelices, nisi, quod hi cum malis, cum probis illi sociantur? siquidem

dem hoc bonorum consuetudini proprium est; quod jucunditatem pariat, quod utilis, arque honesta sit; ut proinde in usu fructuque ipsius magna pars humanæ felicitatis consistat: Bequid enim homini volupe magis, quam habere in cuius sinum secreta animi sui depromat, excipiatque vicissim aliena; habere qui suas opes communicet, & cuius vicissim facultatibus fruatur; habere cuius nitatur in adversis præsidio, & in secundis lætitia non destituatur, tolle ejusmodi ex humana vita societatem: ex societate jucunditatem, & magnam felicitatis quoque partem sustulisti Jam quis vilitatem ex eadem natam sat dignis verbis deprædicet? quæ terra vasta adeò fertilisque est, quæ ad humanos usus pariat universa? quæ urbs, quæ agrestium non egeat præsidio, qui agrestes, qui urbium emolumentis non fruuntur? quæ familia sic ad suam necessitatem collegit omnia, ut alterius familiæ commodis non sustentetur? quid de artium officiorumque commerciis disseram, mutua hæc cuncta opes fulciuntur, & sine societate, sine fide, sine amicitia hominum non possunt in stabilem fidemque communicationem coalescere. De honestate porrò ejusmodi societatis illud dicam, & verè dicam, quod si qua virtus politica deus existimationemque inter homines mereatur, ea scit integram cum hominibus fidem colere, veritatem amare, candidum nudumque in amicitiiis pectus ferre, proximi non minus quam suum ex consuetudine emolumentum quærere, nunquam irrogare alteri, quod sibi factum non optet, hæc sunt quæ humanam societatem sine vitio constant, & sine perniciæ cujusquam conservant, quæ florem urbibus, agris quietem, pacem civibus, honestatem universo populo conciliant. Ejusmodi verò societas, tam sancta, tam honesta, tam utilis, tam jucunda, nisi cum probis sperari non potest. Ut hi soli sint, à quibus hæc beneficia consuetudinis, hæc in vita, expectemus.

(*Contrarium.*) Faciamus tamen hominem esse (qualem reperire non sit difficile) qui cum sine delectu societates in. t. parum probatæ vitæ socios nactus sit. Cum ille is, ut solet, sua etiam flagitia communicet, nec timide, quæ in eisdem intueretur, & laudari etiam audit, scelera perpetret. Quæ potest esse tali in vita ac societate, sincera constansque jucunditas? An omnino alia, quam quæ ex turpi ac flagitiosa vita,

non sine acerbo conscientiae vulnere ac futurorum metu percipitur? ridenti sæpe vultu, exultantibus verbis, dissoluto gestu, lædatur, jocatur, plaudatur; ut arcanus animi moeror, qui omnem jucunditatem inficit, ficta aliqua lætitia obruatur; sed veram tales liquidamque, quæ ex pura fuit conscientia, voluptatem nunquam occupabunt. Jam verò quæ ex eadem familiaritate expectetur utilitas? N. quæ enim alia facile de causa hæc inter sceleratos conflatur, qua ut sua quisque emolumenta, suam ex illa capiet voluptatem, quæ si quando negetur, aut differatur, impatiens animus facile in indignationem dissolvitur, societatis atque amicitiae jura conculcat, offensionesque tantò sæpe graviores suscipit, quantò antè major erat familiaritas. Hinc videas in repentinas dissensiones, pugnas, duella, parricidia has subito divelli societates, amorem abrumpi odis, ac sanguine funestari. Nec ipsa fratrum caritas, nec cognatorum fides, aut parentum observantia, ad officium revocat, ubi illam semel consuetudinem rupit indignatio, quam proprii amor commodi, & improbitas potissimum aiebant. Denique honestatis studium ejusmodi planè excludit consortia, quæ veterandiam sensim à mente, ab oculis, à verbis, à manibus excludunt. Liberiora primùm verba, deinde scurrilia, demum prorsus impudica; nec oculi sensim, manusque se continent. quod loqui non puduit, facere postremo, vel hortatu, vel exemplo improborum non erubescunt, ita conscientiae, virtuti, famæ, & honori obnuntiant; cùm diu latere non possit, quod in societate perditorum geritur, quod inter pocula & vinulentorum gregem perpetratur. Vides igitur, quisquis in hominum dissolutorum familiaritatem sese immittit, quam procul à vera jucunditate abeat, à propria utilitate recedat, à laudabili honestate se jungatur; ad gravem moerorem, damna ingentia, pudendamque turpitudinem deflectat.

(*Simile.*) Tam durus non sum, ut omnem adolescentibus societatem dissuadeam, talem suadeo, quæ isti, quam memoro, dissimillima sit, quæ inter probos, quæ studiorum gratia coalescat, quæ ab omni turpitudine abhorreat; ut ex contactu bonus odor potius, quàm foetor adhærescat. Longè enim diversus eorum odor est, qui ex aromatum atque opobalsami officina prodeunt, quàm illorum, qui cerdones inter & aluptarios habitant.

(*Testimonium.*) Neque scellit Horatium similis experientia, cum eodem spectans caneret.

Quo semel est imbuta recens, servabit odorem

Testa diu. lib. 1. Epist.

(*Exemplum.*) Suo hoc exemplo Augustinus illud Africae atque Ecclesiae totius lumen, testatum nobis reliquit, ingenuè is libereque, scripto de se Confessionum libro secundo cap. 3. profitetur, eò per improbam denique malorum societatem sese prolapsus impudentiae, ut dum virtus & probitas inter sodales ridetur, laudantur ac praedicantur scelera, *puderet non esse impudentem.* Deum immortalem, quam hæc non à virtute tantum, sed ab omni humana ratione aversio est! Hominem cælo natum, Dei que insignitum imagine, ad hæc profligatae vitae turpitudinem devolvì posse, ut jam non solum virtutis neglector, sed & contemptor, non modò sectator flagitiorum, sed & praedicator existat, in honestatis studiis erubescat, in turpitudine gloriatur? Attamen eò deductum se Augustinus propalam fateatur. Qua via? qua aberratione? qua tanta dementia? Unius depravatae societatis deductio & crimen fuit. Huic tantum scelus væcordiamque impurat. Atque utinam vel solus, vel inter paucos ille ad hunc adolescentiae scopulum navim impегisset, utinam non mille alii, & plerique in prima naufragantium innocentia, ad eandem scyllam deferrentur.

Felix quem faciunt aliena pericula cautum.

Felix, quisquis Augustini lapsu territus, pedem retrahit, ne fortè eodem cum illo luto provolutus, non eadem felicitate ex sordibus resurgat. Multi illum sequuntur labentem, non multi, tam egregia fortitudine, perniciosae societatis vincula abruptentem. Facilis in hunc labyrinthum ingressus est, at difficilis reditus.

(*Conclusio.*) Intueantur hoc igitur tanti viri exemplum adolescentes, querelas ipsius & gemitus, quo lapsum deplorat, audiant; labores doloresque, quos in tam arduo sustinuit reditu, matura deliberatione expendant. attendant, quantum in proborum societate ad virtutem omnem praesidii sit, quantum in malorum consuetudine detrimenti. Teneat illos verecundia, trahat utilitas, honestas provocet, neque tam levibus fluxisque periturae voluptatis momentis, quæ ex improborum consortio speratur à tam certis verisque bonis abducantur.

Christi

Chria IV. realis, seu facti.

INVENTIO.

Exordium. *Dionysius Sicilia Tyrannus, cum hostem suum Dionem egregiè ultum vellet, filium ejus molliter in prava aula societate educatum, corrupit.*

Causa erat: quod nulla re magis perverti, & in exitum trahi, quàm depravata societate adolescentes Tyrannus sciret. ut hujus expositione facti, eventuque probatum esse docebis.

Similia. *Ex veste candida, speculo nitido, & flore intacto, quàm facile contrectata labem trahant, ostendes.*

Exempla. *Filiorum Heli, Absolonis, & Reboami ex consortio aliorum secuta corruptio satis idem demonstrat.*

Testimonium *Seneca hoc ipsum testatur. Epist. 7.*

Concludes cum eodem Seneca, malos esse devitandos, bonis adharendum.

ELOCUTIO.

Quanta fuerit Dionysii, Siculâ tyrannide famosi, Regis, & ad æmulos subvertendos vaferrices, & ad perdendos homines malitia, uno hoc facto non obscurè cognoveris. Dionem ille ex regni procebus oderat, neque illas, quas voluit de fugitivo poenas, sumere poterat. Ergo in filio ulturus patrem, non aliud vindictæ genus acerbius reperit, quàm ut filio in aulam accersito, omnium inter æquales faceret voluptatum copiam. Nec fefellit ultio. Filius enim in hac libertate educatus, cum deinde ad patrem redisset, neque par illi fieret, aut licentia, aut peccandi impunitas; patrem vitamque tam duram execratus, ex alto sese egit præcipitem, ac spe successionis mæstum genitorem destituit, expectatoque Dionysium gaudio cumulavit.

(*Causa cum expositione facti & contrario.*) Siquidem non ignorabat ille tyrannorum vaferrimus, nihil esse quod ad tantam desperationem rerum omnium præcipitaret adolescentiam, quod tantum bonorum everteret, malorumque conciliaret quantum soluta in pravos mores luxumque ac libertatem vitæ societas. Si quam enim ad hanc ætatem prudentiam natura

natura adfert, si quam animi magnitudinem vigor juvenilis subjicit, si quam justitiæ & pietatis æstimationem recta suadet institutio, si qua temperantiæ pulchritudo sensum stimulat, totum hoc, quantumcunque est, quod natura, quod ratio, quod institutio, quod Deus inculcat, unius corruptæ Societatis consuetudine, primùm quidem obscuratur, deinde videtur, postea emò etiam contemnitur. è diverso illa vitiorum deformitas, illa sceleratorum hominum infamia, illa conscientie per flagitia temeratae oblectatio, ille imminentium sceleribus pœnarum horror, principio quidem non nihil retardat, & quandoque fluctuantem animum ad saniora consilia revocat, verùm sensim sine sensu, consuetudo improborum, ac vitiorum exempla hunc rigorem molliunt, pulchriorem habitum flagitiis induunt, negligere docent infamiam, conscientiae vulnera leniunt, pœnarum cogitata, aut submovent, aut ad incerta rejiciunt, donec cupiditate jam victrice effe-
rente signa, de virtutibus triumphant viria, de honestate turpitudine, de providentia temeritas, de veritate mendacium, de religione impietas, de observantia despectus, de modestia superbia; prodigalitas de frugalitate ebrietas de abstinentia, libido de continentia, impudentia de pudore.

Proponite vobis, obsecro, adolescentem illum Dionis filium ex paterna domo, ab illo domesticae disciplinæ cultu, rectæ institutionis Schola, studiorum palæstra, ab illo honestæ exercitationis labore, majorum observantia, virtutis & veræ gloriæ æstimatione ad aulam Dionysii & dissolutorum adolescentum contubernium transeuntem, quam serena frons, modesti oculi, submissus vultus, gestus compositi, incessus moderatus, vox adstricta & cogitata. Videte, ut primùm verecundè limen augustum subeat, ad consortia deinde lususque gregalium timidè accedat; ut ad illam libertatem, strepitumque ac licentiam aulicorum juvenum hæret, ut stu-
pet, ut admiratur! Hæc igitur (ita secum loquitur) qualis demum vita? qualis rerum facies? quam ab illa, quæ paternæ domus fuit, dispar? quam multa hic illorum factis juvenum probantur, quæ nec domi quidem cogitare fas erat? quam hic verba profusa, quam actus liberi! quantum ludorum, quanti apparatus, quis luxus, inter patrios hactenus lares nec auditus quidem! quantum ab istis me deliciis abesse pater voluit, quando per varias artes laboresque educatum,
ad

ad similia animi laxamenta, non nisi raro & perparcè admittit voluit! Sanè illius disciplina ad omnem propius virtutem duxit: hic vitiorum amplissimus campus est. Inter ista dum cunctatur, dum secum pugnat, dum reditum circumspicit; adsunt æqualis ævi nobilitatisque socii, blandiuntur, ulciantur, invitant: mœrorem intempestivum arguunt, ætate, occasione, gaudio omnibus innoxio frui jubent: monent, ne tam demens sit, qui solum se credat sapere, tot exemplis dignam se vitam apprehendat, probatam tot hominibus, ipsique aded Regi, voluptatem non respuat: sine hac libertate placere in aula neminem posse. Paulatim ad hæc adolescens benevolas aures adhibuit, atque illam animi frontisque severitatem inflexit, solutiora primum verba & admittere cupidius, & liberior reddere, leviculis in rebus joculari, &, ceu pila; mollioribus dictis ludere, exporrigere frontem ad vibratas ex Veneris officina sententias, quarundam etiam explicationem deposcere. Meditari pares in sermone argutias venuustatesque, incomptas jacere fœminas oculos, dictisque jocosis laceßere ac prompta his deferre obsequia. Formæ vestiumque, quibus his placeat cogitare illecebras, familiare ambire consortium, illic crebro mare, ubi inter lusus & convivia, inter vina & pocula, inter comites adolescentulas otium falleret, & pasceret amorem. Qualis ad hoc, quam diversus à nupero juvenis! explicata nuper frons nunc circinnis inumbrata: natus capillorum color, nunc fucis odoratisque pulveribus tinctus; vestis patrio cultu nitens, nunc peregrinis coloribus, lemniscis, formæque dissoluta: par gestus, totiusque corporis habitus, nihil in oculis, verbis, gestu, incessu moderatum; ut non nemo hunc prudentior conspiciatus, hoc versu in ullum luderet.

Tam subitò corvus, quæ modò Cygnus eras?

Rediit demum in Siciliam pater, revocatur adolescens, petenti restituitur, at,

O quantum mutatus ab illo!

Totus ad profligatæ aulæ speciem compositus, pristina illa morum iadole, vultus modestia, observantia in patrem, obsequendi promptitudo jam prorsus evanuerant. In horum locum subierat levitas in gestu, in oculis procacia, in verbis arrogancia, in obsequio contumacia. Obstupuit hæcque attonitus pater, neque quæ Medea, aut Circe ita hunc in-

can-

tasset, demutassetque filium, satis superque poterat admirari, præsentem ille adolescentis habitum, cum pristino conferebat, spem unicam posteritatis atque aviti nominis, tanta nuper expectatione florentem, tam repente, malâ afflaram depravatæ societatis voluptatisque aura, dolebat emarcescere, tam exitialem Tyranni artem ingeniumque execrabatur. Agnovit denique vulnus, quod in filio accepisset. Traditam olim puero vivendi disciplinam, honestatis leges, virtutis commendationem, scelerum turpitudinem subiebat animo pater; sed surdo fabulam, jam ad ista mens obtorquet, longeque diversis capiebatur affectibus. Verius ad blanditias genitor, nihil quod lenem amantemque suæ proli parentem decere possit intentatum reliquit, ingentibus promissis lactare juvenem, honoribus ad exemplum Majorum propositis excitare, decus familiæ, opes, famæ propagationem ad posteros ostentare, licitas quoque voluptates opportuno loco ac tempore polliceri. Qui cum minus ex voto animadverteret cedere, magis etiam ad hæc patris blandimenta intractabilem reddi filium, auctoritate usus patris, juvenem vigili septum custodia, severisque correctoribus traditum, à sociis, à ludis, à luxu, ac voluptatibus prohibuit, utis denique rigidioris disciplinæ impatiens, cum improbis desideriis ex voluntate obsequi non posset ad ultimæ desperationis remedia confugerit, vitam sibi, atque expectationem patri, ex ædium fastigio, præceps abjuperit, & mori turpius, quam honestè vivere maluerit. Tantum probis adolescentibus ab improba societate metuendum est.

(*Similia.*) Speculum in prima innocentia adolescens purum est, vestis candida est flos illibatus. Ubi speculum vitio. so afflari anhelitu, ubi sordidis arrectaris manib⁹ vestem, ubi florem infixa ungue carpsit, speculum suum amittet fulgorem, vestis candorem, flos integritatem. Aded pulcherri-
morum sæpè retum jactura est facilis.

(*Exempla.*) Non solus hoc suo in filio Dio expertus est. Alii sanctioribus etiam legibus imbuti juvenes ubi libertatem nacti, atque ad societatem parum se dignam admissi sunt, non dispari se parentesque exitio multarunt. Celebris ille Judaici populi Antistes Heli, dum filius indulgentior sceminarum consortio non interdicat, dum gulæ illorum pro suprema auctoritate non obnititur, dum serius denique, verbisque mollio-

mollioribus ad officium revocat, & sacrorum thesaurus arca, & filii ab hostibus occupati, & pater cervice fracta, hanc luunt vœcordiam. Quid Absolones sub optimo parente Davide, sub Davidide sapientissimo Roboamos memorem? hostes tantosque sola libertas ac societatis improbæ perveritas in ruinam præcipitavit. Exemplis nihil ad persuadendam improbitatem validius est. Reliqua tantum ad scelus alliciunt, hæc etiam impellunt. Facilius hac via itur, quàm multi inceserunt.

(*Testimonium.*) Senecæ, hac in re non imperiti iudicis, voces sunt (Epist. 7.) *Vnum exemplum aut luxuria, aut avaritia multum facit. Convictor delicatus paulatim enervat & emolli: vicinus di vos cupiditatem irritat: malignus comes, quamvis candido & simplici rubiginem suam affricuit: quid tu accidere his credis, in quos publicè factus est impetus?*

(*Conclusio.*) Concludam cum eodem. Necessè igitur est, ut aut imiteris malos, aut oderis. Vtrumque autem devitandum est: ne vel similis malis fias, quia multi sunt; neve inimicus multis, quia dissimiles sunt. Recede in teipsum quantum potes. Cum his versare, qui te meliorem facturi sunt; illos admitte, quos tu potes facere meliores.

Chria V. mixta, ex verbali & reali.

I N V E N T I O.

Exordium. S. Iohannes Apostolus Balneum ingressus, cum Cerinthum illic hæreticum conspexisset, subito regressus. Fugiamus, inquit, ne ipsa in nos balnea corruant, in quibus Cerinthus lavatur.

Expositio. Sensit magni rem periculi esse, cum improbis sociari.

Causa Et merito, quia pleraque, qua innocentes etiam homines, premunt mala, ut sunt morbi, tempestates, bella, à Deo ad improborum punitionem immittuntur. Quibus boni involvuntur, quia immixti sunt.

Contrarium. Quam multi non periissent, si ab his fuissent separati!

Exempla. Sodoma & Gomorpha igne cælesti. Solyma bello, fame & vastitate consumpta, quam multos simul parvos, & innoxios involvit.

Simile.

Simile. Vt igitur prudentis nauta est illos vitare Scopulos, ubi multi naufragium passi sunt. Ita & probi Christiani tales socios, per quos multi perierunt.

Testimonium. Breve, sed verum dictum est. Fide, sed cui vide.

Conclusio. Ille sapiet, qui cum Apostolo malos de vitabit.

ELOCUTIO.

(*Exordium.*) Quanto nobis studio pravorum hominum societas declinanda sit, suo nobis exemplo ille dilectus Servator nostro Apostolus Joannes declaravit. Balneum is forte ingressus, quosdam illic conveniendi gratia, in quo cum Cerinthum, hominem non moribus minus, quam doctrinâ corruptum deprehendisset; subito pedem retulit, atque ad comites versus, *fugiamus*, inquit, *ne ipsa in nos balnea terruant, in quibus Cerinthus lavatur.* Mirentur sanè in Joanne castimoniam alii, quâ Christo imprimis placuisse memoratur; amorem alii, quo & Servatorem ipse suum amplexus est; & ab illo vicissim ad arcana quæque, ipsumque adeò sinum Numinis admissus est, sapientiam alii divinarumque rerum cognitionem, quâ non præsentia modo; sed & futura post se tempora ac summam æternæ felicitatis habitationem penetravit; ego in hæc ejus circumspeditione, & integritatem, quâ corrupti etiam hominis consortium horruit, & amorem, quo Dei legem est profecurus, & sapientiam, quâ periculum societatis improbæ abundè perspexit, veneror.

(*Expositio.*) Sensit enim non leve discrimen adire homines, si non salutis, certè pœnarum improbis imminentium, quorum consortio immiscerentur.

(*Causa.*) Et meritò ita sensit. Dei enim hostis est, quisquis à virtute, & honestate averſam vitam agit; Dæmonis, capitalis generis nostri inimici, amicus est; ut quidquid vel ille malorum inferre voluerit, vel hic potuerit, hoc improbis jure sit formidandum. Quibus obsecro, Deus tot tamque gravia bellorum infligit fulmina, præterquam sceleratis hominibus, quæ cum integræ sæpe urbes, nationes, ac regna devastantur, probos juxta improbosque involvunt: quibus tam violentæ regionum inundationes, tam repentina urbium

diversarum incendia, tot tamq; graves anni tempestates, cælique, aut siccis nimium, aut frigidi, aut etiam humidioris injuriæ, per varios latè populos divisæ intentantur, nisi Dei æquitatiq; hostibus, & nefando flagitiorum cœno irretitis? neque tamen omnes quorquot harum calamitatum participes sunt, sunt etiam ejusdem impietatis. Quibus diræ per orbem fames, pestilentesq; morbi, & tot hominum sæpe unà occumbentium lues nascitur, nisi moribus antè perditis, quàm morte perdendis mortalibus? qui tamen eadem setum contagione etiam insontes abstrahunt, docentq; latius sæpe cladem, quam crimen spargi. Vitavit igitur Apostolus, & cautè profligatæ vitæ hæreticum vitavit. ne fulmen in perditum hominem justo Dei judicio aliquando destinatum, illo fortassis feriret tempore, quo Apostolus accessisset, satisq; Deo ad pœnam innocentis etiam videretur, cum nocente sociari.

(*Contrarium.*) Quàm multi improvísâ morte fulminati non jacerent, nisi improbis societate juncti fuissent! O si isti tam felices forent, ut ex sepulchris rursus ad vitam emergere possent, si retrò ad statum pristinum fata viam indulgerent, quanta illi orationis vi, in perniciosa hæc consortia detonerent, quot scopulos offensionum aperirent, quot pœnarum acerbitates detegerent. Quantum in hac societate insidiarum, quantum latere calamitatum ostenderent. Sub illius umbraculis suas Dæmonem explicare artes, machinationes recondere, spicula tentationum figere, vulnera malorum infligere, sepulchra, atque utinam non etiam infernum, hominibus implere docerent. Sed cur à mortuis vocem expectamus, quando tot in vita, atque omni retrò historia testes suppeditantur, ut contra experientiam solemq; ipsum clarissimæ veritatis pugnare censendus sit, si quis hæc ausit inficiari.

(*Exempla.*) Quot Gen. 19. in Sodoma ac Gomorrha insantes nullo scelere pollutos, quot in generali illa orbis eluvione innocentes fuisse creditis, quando ex istis unius Loti, ex hac unius Noë familia tantum est conservata. Illic Deus igne rapuit, hic aqua suffocavit, quidquid sceleratorum consortio immistum erat: non illos ætas, non integritas à crimine, non divina mansuetudo subduxit, permixtum flagitiosis esse, etiam sine flagitio, satis ad communis exitii

exitii calamitatem incurrendam fuit. Quot Solyma inson-
tium Judæorum complectebatur, quando à Tito Vespasia-
no quinque mensium obsidione pressa, interceptaque est!
Confluxerat solenniori festo multitudo ad urbem ingens,
ac repente milite & vallo 8 Stadiorum cincta, eo inedia red-
acta est, ut ad obscænos quosque cibos, & humanæ etiam
carnis esum verteretur. plusquam quingenti transfugatum,
atque interceptorum, indies ex crucibus suffixi miseran-
dum urbi præbuere spectaculum, & Christi olim innocent-
ter crucifixi reducere memoriam. Denique eò Judæorum
elades, urbe jam occupata, pervenisse censa est, ut unde-
cies centena millia pereuntium; venditorum sub corona haud
infra decem millia numerata sint. Quot hic, innoxii nocen-
tium calamitatibus involuti perierunt! quot vivere atque ex-
tra periculum subsistere poterant, si Joannis exemplo cautio-
res, improbæ Pharisæorum sectæ temerè nō adhæsissem! Pla-
cuit illi Noë potius; Lothique vestigiis inhærere, qui cum
moniti sceleratorum hominum societati primò quidem obli-
sterent, deinde etiam absisterent, sibi securitatem, aliis exem-
plum resistere, quo periculosum esse societati flagitiosorum
immisceri, posteri agnoscerent.

(*Simile.*) Etenim ut nautæ imprudentis est, ea non decli-
nare loca, quæ aliorum esse naufragiis didicit esse infamia,
sic hominis inconsulti est, ea minimè consortia devitare,
quæ cum salutis discrimine frequentantur. Et tantò qui-
dem hic illis stultior habendus, quantò salus animæ, opum
vitæque conservatione est potior. Pereunt naufragio mer-
ces, & possunt instaurari, innocentia nullà reparatio est: quæ
cum semel perit, æternum perit. Navis colliditur, & alia su-
perest, vita etiam quandoque amittitur, & restat probis me-
lior; salutis jactura in pravorum societate facta, non raro
perennis est, cum difficile sit, ab his semel Sirenibus abducto,
atque ad hanc Scyllam adhærenti retrò pedem ad tutiora sub-
ducere. Minora his pericula Joannes cum Cerinthum fu-
geret, timuit, & tamen fugit, satis illi ad declinandum hoc con-
sortium fuit, quod turpe esset etiam innocenti cum improbis
occumbere; ut turpe nautæ est in Scopulum impingere, plu-
rimorum jam naufragiis celebratum.

(*Testimonium.*) Breve argutumque Poëtæ dictum est, *Fide,*
sed cui vides. Non tibi negavit fidem alteri dandam, non

preſandam ſocietatem, non abjiciendam amicitiam Delectum habere voluit; ut cui te adjungeres, quam boni nominis, laudatæque vitæ homini, hoc imprimis omni ſtudio pro-
videres, ne in ſyrtes, aut ſcopulos impingas, ne virtutis inimi-
cum amplectaris, & exemplo Amatæ inter peſtidæ cujuſdam
Joabi brachia, dum oſcula exſpectas, pugione inſiſto con-
ſodiaris. Illud lubens repeto, Fide. ſed cui vide.

Concluſio. Ille proſectò ſapit, qui tutiſſimo Apoſtoli con-
ſilio utitur, & ab improborum conſortio pedem ſubtrahit,
nec eodem quidem teſtò, dum licet, moratur. Nec vindic-
cem Dei iram, ejus ſæpe hoſtibus imminentem, experiatur.
Siquidem

Rarò antecedentem ſceleſtum

Deſervit pede pœna claudo. Horat.

CAPUT XXII.

*De partibus Chriæ, ac ſententiæ,
expoſitæ.*

DE ſingulis Chriæ partibus quædam etiam obſervare li-
bet, ut copia & varietas tractandi adoleſcentibus ſuppe-
ditetur. quin ſi à perito Magiſtro regantur, iſdem pleraque
coloribus ſolent depingere, & in unius Chriæ formam res u-
niverſas transfundere.

De exordio ejusque tractandi varietate.

Sive dictum; ſive factum aliquod Chriæ legibus ampli-
candum ſumpſeris, Exordium atque expoſitio brevis eſſe de-
bet; cum ſit tantum ingreſſus quidam, ac veluti præpara-
tio ad rem ipſam. Quare ſtultum ſit, cum Philoſophi ali-
cujus, aut Hiſtorici dictum, aut factum viri principis exor-
nandum ſuſceperis, velle in laudem Philoſophiæ, hiſtoriæ,
principatus, aut ſingulares etiam virtutes illorum concurre-
re, quam ad rem venias præſentem. Rurſum velle ſenten-
tiarum utilitatem, exemplorum vim, aliaque id genus uni-
verſè laudando proſequi, ac deinde ad ſingulare dictum fa-
ctumque deſcendere, ut nonnulli de Chriſo præcipiunt, ni-
miſſum eſt puerile, nec à Scriptoribus uſurpatum. Cicero, li-

et Oratorum facile copioſiſſimus, ad ejuſmodi tamen theſes, ſeu infinitas diſſertationes, ab hypothefi, vel raro, vel omnino ſtrictim tranſgreditur.

Primo igitur ordiri potes à laude authoris, e g Horatii Poëtæ, qui (ut ſupra) dixit. *raro antecedentem ſeleſtum*, &c. idque variè.

1. Horatium multis aliis Poëtis veterum in gravium ſententiarum ſapienti uſu præferendo, quibus ille tanquam illuſtribus quibuſdam ſtellis poëſia ſuam exornarit.

2. *Comparando eundem in doct. in ſecum. ita ut dicas*: multa quidem præclaro ſcribendi ornatu ac nitore cõplexum ſuâ in poëſi Horatium, nullo tamen perinde cultu, quàm luminibus ſententiarum illuſceſcere.

3. *Virtutes moresque ſcribentis cum aliis conferendo*. Ut, quod multis Chriſtianorum homo gentilis nullaque veri Numinis cognitione imbutus, faciem ad virtutes præferat, incitamenta & ſtimulos ſubjiciat, poënis ſcelerum terreat, ut præſenti ſententia præclare factum.

4. *Secum ruriſum in moribus conferendo, quod dupliciter fieri poterit, vel laudando tantum, ut ſi dicas*. Horatium multos quidem propoſita virtutis gloria ac honeſtate ad illius amorem provocaffe, acrius tamen poënis flagitiorum expoſitis, à ſceleribus mortales revocaſſe. *Vel laudando partim, & partim reprehendendo*. Ut ſi dicas, Horatium quidem in ſua poëſi quibuſdam faviſſe ſcribendo vitiis, & velut Sirenes vaſto in mari errantes ſparſiſſe, his tamen locis deſinendum, atque illic audiendum, ubi ſapienter fortiterque calamum in flagitia mortalium diſtrinxit.

5. *Doctrina etiam cum moribus autoris, vel cum aliis, vel inter ſe ita conferri poterit, ut alterum alteri vel aquetur, vel præferatur*. Ut ſi dicas, Vixiſſe quidem Horatium inter vina cyathosque more veterum poëtarum liberioris, ea tamen calamo docto juxta ſapientique exaſſe, quæ poſteritatem totam, non modò rectè loqui, ſed & vivere doceant.

Secundo. Ipſa ſententia ejuſque uſus, cum univerſè, tum ſigillatim maxime juxta cauſas, effecta, vel attributa quadam expendi poterit. quod erit ex re ipſa & cauſa viſceribus exordium depromere. Ut de prædicta Horatii ſententia.

1. Univerſè vel à forma, ut, Magnum in omni vita brevium ſapientiumque dictorum pondus eſt, cum paucis animo veritatem ſubjiciant, & ad honeſtæ rei ſtudio amorem-

que, velut quasdam faces, admoveant. Qualibus Venuſini Poëtæ ſcripta paſſim collucent. *Veteriam à materia, ut, Veterum ego Poëtarum ſcripta, illa cum primis in manibus adoleſcentum probo. quæ ſuis expurgata ſordibus, Veneris non exhalant odores; ſed gravibus ad virtutem monitis implentur, qualem hodie in Orthodoxæ fidei aſſertorum manibus Horatium intuemur, &c. Vel à ſine, ut, Cum omnis ſcribendi ratio, eo potiſſimum conſilio ſuſcepta ſit, ut poſteritatem, vel in bonarum artium, vel morum diſciplina erudiamus, doctæ illud utiliſque Poëſis genere in primis Horatius præſtitit, in quo cum multa illuſtria documenta reliquit, tum certè illud omnibus ſceleratis jure perpendendum, &c.*

2. *Sigillatim ab illius, quam proponis, ſententia attributa aliquo, vel effectu. ut, quod illius dicti magna, vel utilitas, vel honeſtas ſit. quod memoria illius per quam homini, ad vitam, ſine gravi Numinis offenſione traducendam, ſalutaris, quod horrorem illa juſtum periculorum incutiat, &c. Quæ univerſa exemplis ſtabilire longum ſit. Et hominis alieno nimium ingenio diſſidentis.*

De Expoſitione, ſeu paraphraſi.

Expoſitio in re clara atque enucleatè ſatis propoſita locum non habet, in aliis, quæ vel parum integrè vel certè obſcurè proponuntur, adhibenda eſt. Quæ tam brevitate, quàm claritate ſuam laudem meretur, cum quiſque doctri-
nam propoſitam, quàm citiſſimè breviffimèque apprehendere deſideret, moraſque & circuitus hic omnis ſaſtidioſus ſit. Quare illa, quæ ſupra in Chriis dedimus exempla, conſulas. Ubi reperiſ in illo Pythagoræ obſcuriori; *ne cuius inſi-*
cias dexteram, plus verborum adhiberetur, cum incluſa ſententiæ comparatio ſimul evolvenda eſſet. Expoſitionis igitur varietatem res ipſa ſecum adfert.

De Cauſa, ſeu ratione.

Hanc jam ſuprà oſtendimus ex omnibus fontibus inventionis, per locos proprios, ſeu intrinſecos peti poſſe, quos in lib. I. hoc verſu complectimur.

Quid? per qua? quale eſt? effecta, junctaq; poſcas.

Hoc

Hoc fundamentum totius esse discursus debet, & ante omnia investiganda est, tum deinde loci communes universi ad hanc ornandam adhiberi poterunt, nec illi solum, quos Aphthonius assignat, sed quotquot ego altero versu complexus sum.

Contra. par, testes, leges, cum iudice fama.

Toties igitur una Chria, vel sententia, aut factum variari poterit, quoties alia, atque alia ratio ex locis propriis deprometur. Quod quemadmodum ac quoties fieri possit, tradidi lib. 1. cap. 3. per fontes quinque. Ubi ex uno fonte diversas in eadem de ebrietate materia rationes manare docui.

Has autem exornari omni Rhetorum artificio posse, ac prorenata ab excellenti Oratore debere, non est qui dubitet. Quanquam ab adolescentibus, in progymnasticis hisce exercitationibus, summa perfectio, ardentioresque figuræ non postulentur.

Communis autem facillimusque rationem diducendi modus est, per enumerationem partium. Sive rerum ad eundem rationem concurrentium, ut nos Chria 3. 4. & 5. fecisse observabis.

Quandoque etiam propositiones sententiarum, vel ad eum universales, vel ceteræ sunt; ut ratio, nisi ab experientia, & singularium per inductionem enumeratione, peti non possit. Ita Biantis unius ex septem Græciæ Sapientum effatum erat, *οἱ πλείονες κακοὶ*, *plures mali*. Cujus rationem non aliunde rectius quam ab experientia petiturus es. Ergo per inductionem vel partium materię, seu, ut Philosophi loquuntur, subjecti, hoc est, hominum; vel formę aut prædicati, hoc est, diversorum scelerum, quæ à malis perpetrantur, hoc thema probabis. Inter homines numerabis divites, pauperes, adolescentes, senes, gentiles, Christianos, nobiles, ignobiles, &c. inter scelera, quidquid vitiorum per hos patrari noveris.

De contrario,

Contrarium hoc, *vel sententię, vel rationis, seu causę, vel utriusque* esse poterit. Exempla diversitatis in Chriis à nobis datis suppeditantur. Nam in Chria 1. utriusque, sententię & rationis oppositum usurpatur, in 2. sententię: in 3. & 5.

rationis contrarium adhibetur. in 4. verò singulari tractandi methodo, contrarium in ipsius causæ & sententiæ expositione miscetur. Quare perquam facilis est inventio diductioque contrarii, postquam ratio inventa atque amplificata est: eam ex diversis illis contrariorum generibus, de quibus lib. I. cap. 13. egi, facile unum ad oppositionem inducendam convenit. Ideoque contrarium plerumque non minus latè pateat quàm causa ipsa.

De simili.

Simile alteri dicimus, quod in aliqua proprietate rerum, cum altero, ad cuius illustrationem adhibetur, convenit; in cæteris dissidet.

Quæ convenientia tantò est gratior, quantò in rebus magis natura separatis reperitur. Variè autem, ut nos in præmissis exemplis, adhibetur.

1. *Vna & simplex res per protasim in comparationem adducitur. Et illud, cui comparatur per apodosim, subicitur. Quæ est obvia communisque similium usurpandorum ratio. Ut protasis est, quemadmodum vestis candida sordidis contrectata manibus maculas contrahit; (ita sequitur apodosim.) adolescens innocens improborum consortio delectatus facile corrumpitur.*

2. *Communi aliquo dicto utrisque conveniente protasis & apodosim concluditur; ut, quod candida vestis in manibus sordidorum, hoc adolescens innocens in consortio improborum, utrumque inficitur, suamque puritatem amittit.*

3. *Apodosim cum protasi miscetur, ut, adolescens innocens candidæ par vestis est. Hæc facili contactu sordidarum manuum inficitur, ille improbæ societatis contagione vitatur.*

4. *Idem simile à contrario induci poterit, ut si dicas. Pura vestis quamdiu à puris manibus cavè tractatur, haud facile maculis sordibusque inquinatur; at ubi in sordidas illotaque manus delapsa est, nitorem inter has pristinum facile amittit; ita adolescens, &c.*

5. *A dissimili, ut, illa auri gemmarumque vis est, ut inter nebulas sordiumque purgamenta, nitorem virtutemque pristinam haud facile amittant; verum hoc quis sibi de tenera innoxiaque adolescentium ætate, ubi in sordidam improbo-*
rum

rum societatem incidit, ausit polliceri? mollior illa prorsus est, & propinquam contagionem ab exemplo trahit; aurum esse desinit, ubi in has sordes delabitur, &c.

6. Plura inter se similia, vel etiam dissimilia unà cum similibus permiscere poteris. Ut à nobis in exemplo Christi IV. factum est.

De Exemplo.

Eadem penè hujus, quæ similis, est inducendi ratio ac varietas. Consistit enim in convenientia quoque cum sententia aut facto alterius, licet ab hominibus tantum petatur, suoque eventu, id quod in causa affirmamus. Stabilire. Accipiamus in supra nobis usurpato themate, quod prava societas noxia sit adolescentibus, Roboam Salomonis filii exemplum, qui, preto senum consilio, juvenes secum in deliciis nutritos secutus, cum aggravare statuisset jugum Israelis, ab eo desertus est.

1. *Historia protasis loco veritari potest, ut sententia apodosis partes expleat, ut, Roboamum accepimus jam defuncto Salomone Patre, inter aulicos juvenes, quos in deliciis & voluptatibus habebat socios, regni quoque moderandi consilia, at successu parum felici, agitasse. Querebantur subditi gravitatibus sese, quàm par esset, tributis opprimi, ideoque abs Rege novo, mitius, quàm Salomon in senio gesserat, regnum spectabant; Igitur supplices ad pedes Roboamus cum cerneret, senumque consilio moderatius agendum intelligeret: plus tamen apud illum inconsulta juvenum, quibus assueverat, temeritas valuit; quàm senilis maturitas: neque rejectis solum precibus spem omnem præcidit clementiæ, verùm etiam graviora interminatus supplicia; se usum illic scorpionibus asseruit, ubi pater flagellis tantum in illos animadvertisset. Nec mora, indignati Israëlitarum jugum Roboami excussere, suisque deinde Regibus à Juda divisi sunt. Roboamus exutus regno serò didicit improborum adolescentum societate & consilio, sese actum præcipitem, honore majorum & regno patrio excidisse. Prava enim societas diu constanterque culta, in exitio plerumque repentinò concluditur, blanditur primum, illà, quàm ostendit vitæ libertate, animum deinde sui amore occupat, postremò sanum omne*

rationis consilium aspernatur. Quæ scena aliter, quàm infelici, ut in Tragœdiis solet, exitu non terminatur.

2. *Sententie, siue ejusdem rationis expositio generali aliquo pronuntiatio comprehensa, & præmissa, per exempli nudam oppositionem confirmatur, ut, multos inconsulta adolescentum familiaritas repentina calamitate perstrinxit. Testis Roboamus amplissima regni hæreditate à Salomone patre donatus. quod neglecto senum consilio, præcipiti juvenum, cui adhæserat, temeritate evertit.*

3. *Contrarium illius thesis, quod tracto, per exemplum illustratur, ut. gravium prudentiumque hominum societate vitatur, quisquis inter alios, atque ex aliorum consilio vitam instituit, magis ab omni discrimine abfuturus est. Quod utinam consilium Roboamus olim secutus esset, fidisque ac recta suadentibus senioribus obsecutus, regno non excidisset, &c.*

4. *Utrumque oppositorum in eodem exemplo conjungi potest, ut, Multos prudens societas conservavit, perdidit inconsulta. Roboamus utriusque exemplum esse potest. Dum sub prudentissimi parentis Salomonis disciplina atque institutione agit, dumque seniorum sibi adjunctorum consilia sequitur, celsere ex voto omnia, ipse ex tanto prolium regiarum numero solus regni hæreditatem adiit, solus à tot subiectis nationibus Rex adoratus est; at cum ad juvenum inconsultorum monita aurem animumque inflexit, cum præcipiti illorum furori, quàm senum mansuetudini obsequi maluit, felicitate pristina excidit, regnum evertit, &c. Tanti refert, quorum ad rectè imperandum societate ac consilio utaris.*

5. *Per exemplum dissimile idem thema stabiliri potest, ut si in materia proposita dicas, Salomon optimorum principum in juventute exemplar optimum, cum à Davide patre ad omnem scientiarum disciplinam, & æqui honestique amorem, inter suæ ætatis adolescentes, educatus esset, dignam magno Principe sapientiam potius, quàm aurum opesque à Deo postulare didicit, moderato suos onere subditos pressit, gratus omnibus, invisus nemini, pacis opulentiaque huic junctæ possessor felicissimus. Quam sortem rectæ Parentis institutioni, morumque Magistris & incorruptæ aliorum societati potissimum debuit. Nunquam tantâ regnaturus inter suos gloriâ, si illa defuissent.*

6. Plura etiam exempla, vel similia, vel dissimilia, vel generis utriusque per oppositionem collata adhiberi possint, idque aut brevius, aut quibusdam etiam prolixius, reliquis verò præteritione sola memoratis. ut in quibuslibet ferè dissertationibus obvium est. Non etiam in superioribus, quamvis breviter, Chria 4. & 5. fecimus.

Hoc autem in exemplorum inductione cumprimis elegans est, si sententioso aliquo epiphonemate concludantur, ut in 4. fecimus, & Valerio Maximo familiare est.

De Testimonio.

Testimonii & exordii in Chria magna affinitas est, nec obstat quo minus usurpentur eadem, præsertim illa, quæ de attributis personæ sententiæque singularibus differuntur; nam ad generalia hic transire illaudabile fuerit.

Quod si etiam obscurius testimonium sit expositione, aut paraphrasi illustrari debet. Obscurus enim, aut minus explicatus testis, parum valde urget. Poterit verò per testimonium, vel ipsa sententia, vel ejus ratio, vel etiam oppositum confirmari, verbo quidquid ad universam causam facit. Ita ut nonnunquam & ipsum simile stabiliatur. Ut Chria 3. à nobis supra factum est. In singulis autem Chriis diversam penè testimonii inducendi rationem secuti sumus.

In 1. & 2. plura dedimus, quæ causam confirmarent, testimonia. Nihil enim verat idem pluribus firmari testibus. In 4. nudum Senecæ testimonium per se satis explicatum subjecimus exemplis, quod eorum veritatem roboraret. In 5. per brevem sententiam, quæ testimonii loco esset, ipsum Chriæ factum probatur.

De Conclusionē.

Conclusio, vel simpliciter fit, cum repetitione sententiæ in exordio propositæ. Ut, prudens igitur illa fuit Apollonii ad Deos instituta oratio, quâ precabatur, ut bonos nosse & malos devitare posset.

Vel cum rationis brevi inductione, ut nos in Chria 1. fecimus.

Vel etiam exempli imitatione, aut evitatione proposita, quâ nos Chria 3. usi sumus.

Vel plerorumque quæ in Chria tractata sunt, compendiarie repetitione, ut in Chria 2. factum intelliges.

Vel alicujus sententiæ claræ, quæ ad præsens institutum rectè concludendum faciat recitatione, ut Chria 4. conclusum videbis.

Vel postremò sententiæ aut rationis in Chria propositæ repetitione, per aliam gnomen, tanquam epiphonema, conclusâ, ut Chria 5. à nobis factum est.

De Transitionibus, seu connexione partium.

Ad magnam varietatem in Chriarum tractatione adhibendam, juverit Transitiones illas Oratoribus familiares, quibus ab una parte ad aliam, cum ornatu aliquo, aut figurâ dictionis idoneâ transitur, habere perspectas. Hinc enim illud ad eloquentiam emolumentum adolescens capiet, ut rem eandem licet sæpius recurrentem, alio tamen alioque semper modo cultuque pertractare noverit, & rebus etiam simplicibus minime simplicem induere habitum. Has autem Transitiones qui in Chria semel apprehenderit, quavis deinde Orationis parte opportunè usurpabit. Dedi illas primo lib. de Elocutione cap. 31. & seq. quo studiosum Lectorem remitto.

Nunc Veteres, suam huc quoque conferentes symbolam, audiamus.

CAPUT XXIII.

Veterum autorum Chria.

Chria Verbalis I.

Majus malum dedecus, quam dolor est.

Ita Brutus apud Cicer. lib. 2. Tusc. qq. n. 27.

1. *Orditur à Bruti sententiâ, quod juxta illam, honesti ratio virtutisque dolorem vincat.*

2. *A contrario docet, virtutem illic deesse, ubi dolor superat.*

3. *A com-*

3. A comparatione minorum per exempla tradit, dolorem à Philosopho vinci posse.

4. Rationem adfert, ob quam dolorem fortiter esse ferendum concludit.

1. **S**atis mihi dedisti, Brute, cum respondisti, majus tibi videri malum dedecus, quam dolorem. Hoc enim sitenebis, intelliges quantum oblistendum sit dolori.

Hoc enim propositio tantum excellet illud, quod honestum, quod rectum, quod decorum appellamus (quod idem interdum virtutis nomine complectimur) ut omnia, præter ea, quæ bona corporis & fortunæ putantur, per exigua & minuta videantur: nec malum quidem ullum, nec si unum in locum collata omnia sint, cum turpitudinis malo comparandum.

Quare si, ut initio concessisti, turpitudine pejus est, quam dolor, nihil est planè dolor. Nam tum tibi turpe, nec dignum viro videbitur, gemere, ejulare, lamentari, frangi, debilitari, dolere; tum honestas, tum decus aderit, tuque in ea inturbeturis, & te continebis. Cedet profectò virtuti dolor, & animi inductione languescet.

2. Aut enim nulla virtus, aut contemnendus est omnis dolor. Prudentiamne vis esse, sine qua nec intelligi quidem ulla virtus potest? Quid ergo? ea, patietur ne te quicquam facere, nihil proficientem, & frustra laborantem? An temperantia sinet te immoderatè facere quicquam? an colijustitia poterit ab homine, propter vim doloris, enuntiantem commissa, prodente socios, multa officia relinquentem? Quid fortitudini, comitibusque ejus magnitudini animi, gravitati, patientiæ, rerum humanarum despicientiæ, quomodo respondebis? afflictusne, & jacens, & lamentabili voce deplorans, audies, *O virum fortem!* Te verò ita affectum, ne *virum* quidem dixerit quisquam. amittenda igitur fortitudo est, aut sepeliendus dolor. Num fortem virum, num magno animo, num patientem, num gravem, num humana contemnentem potes dicere Prometheum aut Philocteren illum? A te enim molo discere, sed ille certè non fortis, qui jacet in lectulo humido,

Qui ejulatu, questu, gemitu, fremitibus

Resonando, multum flebiles voces refert.

Non

Non ego dolorem, dolorem esse nego, cur enim fortitudo desideraretur? sed cum opprimi dico patientia; si nulla est, quod exornamus Philosophiam? aut quid ejus nomine gloriosi sumus? pungit dolor, vel fodiat laudē. Si nudus es, da jugulum: sin tectus Vulcaniis armis, id est, fortitudine, resiste. hæc enim re, nisi ita facies, custos dignitatis relinquet & deseret.

3. Cretum quidem leges (quas sive Jupiter, sive Minos sanxit) de Jovis quidem sententia, ut Poëtæ ferunt, itemque Lycurgi, laboribus erudiunt juventutem, venando, currendo, esuriendo, sitiendo, algendo, æstuando. Spartæ verò pueri ad aram sic verberibus accipiuntur, ut raultus è visceribus sanguis exeat, nonnunquam etiam, ut, cum ibi essem, audiebam, ad necem: quorum non modò nemo exclamavit unquam; sed ne ingemuit quidem. Quid ergo? hoc pueri possunt, viri non poterunt? & quod mos valet, ratio non valebit?

Hoc Spartiatæ etiam in fœminas transtulerunt, quâ cæteris in urbibus mollissimo cultu parietum umbris occultantur: illi autem voluerunt: nihil horum simile esse apud Lacenas virgines: Quibus magis palæstra, Eurosas, sol, pulvis, labor, militia, studio est, quam fertilitas barbara. Ergo his laboriosis exercitationibus & dolor incurrit nonnunquam: feriuntur, impelluntur, abjiciuntur, cadunt; & ipse labor quasi callum quoddam obducit dolori. militiam verò nostram dico, non Spartiatarum (quorum procedit ad modum, & tibiam, nec adhibetur ulla sine anapæstis pedibus adhortatio) quam laboriosa est? nostri exercitus primum unde nomen habeant, vides; deinde qui labor, quantus agminis, ferre plus dimidiati mensis cibaria: ferre siquid ad usum velint: ferre vallum. nam scutum, gladium, galeam, in onere nostri milites non plus numerant, quàm humeros, lacertos, manus. arma enim membra militis esse dicunt: quæ quidem ita geruntur aptè, ut si usus foret, abjectis oneribus expeditis armis, ut membris pugnare possint. quid exercitatio legionum? quid ille cursus, clamor, quanti laboris est? Ex hoc ille animus in præliis paratus ad vulnera. Adduc pari animo inexercitatum militem: mulier videbitur. Cur? tantum interest, inter novum & veterem exercitum, quantum experti sumus. ætas tyronum plerum.

que

que melior; sed ferre laborem, contemnere vulnus, consuetudo docet, &c. ergo hæc veteranus miles facere poterit: doctus vir sapiensque non poterit: ille viro melius, ac non paulo quidem. Sed de consuetudine adhuc exercitationis loquor, nondum de ratione & sapientia. aniculæ sæpe inediā biduum ac triduum ferunt. subduc cibum unum diem athletæ, Jovem Olympium cum ipsum, cui se exercebit, implorabit: ferre se non posse clamabit. consuetudinis magna vis est. pernoctant venatores in nive, in montibus, uri se patiuntur. inde pugiles cæstibus contusi ne ingemiscunt quidem. Sed quid hos, quibus olympiorum victoria consularis ille antiquus videretur? gladiatores, aut perditii homines, aut barbari, quas plagas perferunt? quomodo illi, qui benè instituti sunt, accipere plagam malunt, quàm turpiter vitare? quam sæpe apparet nihil eos malle, quàm vel domino satisfacere, vel populo? mittunt etiam vulneribus confecti ad dominos, qui quærant, quid velint? si iis satisfactum non sit, se velle decumbere, quis mediocris gladiator, ingemuit? quis vultum mutavit unquam? quis non modò stetit. Verùm etiā decubuit turpiter? quis cum decubuisset ferrum recipere iussus, collum contraxit? tantum exercitatio, meditatio, consuetudo valet. Ergo hoc poterit: *Samnis spurcus homo, vitā illa dignus locoque*: vir natus ad gloriam, ullam partem animi tam mollem habebit, quam non meditatione & ratione corroboret? crudele gladiatorum spectaculum, & inhumanum nonnullis videri solet: & haud scio, an ita sit, ut nunc sit. cum vero fontes ferro depugnabant, auribus fortasse multæ, oculis quidem nulla poterat esse fortior contra dolorem & mortem disciplina.

4. De exercitatione & consuetudine, & commentatione dixi: age sis, nunc de ratione videamus: Sitne igitur malum dolor, necne, Stoici viderint, qui contortulis quibusdam ac minutis conclusiunculis, nec ad sensus permanentibus effici volunt, non esse malum dolorem. ego illud, quicquid sit, tantum esse, quantum videatur, non puto: falsa-que ejus visione & specie moveri homines dico vehementius, doloremque ejus omnem esse tolerabilem. Unde igitur ordiar? an eadem breviter attingam, quæ modò dixi, quo facilius oratio progredi possit longius? Inter omnes igitur hoc constat, nec doctos homines solum, sed etiam indoctos:
virosum

virorum esse fortium, & magnanimorum, & patientium, & humana vincentium, tolerantes dolorem pati: nec verò quifquam fuit, qui cum, qui ita pateretur, non laudandum putaret. quod ego & postulatur à fortibus, & laudatur, cum fit, id aut extimescere veniens, aut non ferre præiens, nonne turpe est? atqui vide, ne, cum omnes rectæ animi affectiones, virtutes appellentur, non sit hoc proprium nomen omnium: sed ab ea una, quæ cæteris excellat, omnes nominatæ sint, appellata est enim à viro virtus: viri autem propria maximè est fortitudo: cujus munera duo maxima sunt, mortis dolorisque contemptio. Utendum est igitur his, si virtutis compotes, vel potius, si viri volumus esse, quoniam à viris virtus nomen est mutuata.

IMITATIO.

In militari virtute, vel etiam Christiana fortitudine laudanda, qua per gladios hostiles & vulnera, ad palmam contendit, spretis generosè doloribus, servire hac Chria imitaturus poterit. Quare ad M. Attilii Reguli, aut Scævola, aut Martyris etiam Christiani alicujus laudem hac referri possunt.

Chria Verbalis II.

Beatam vitam in Phalaridis Taurum descensuram.
Ita veteres Philosophi.

1. Exorditur à Peripateticorum sententia, docetque turpe esse virtutem dolori succumbere.
2. Exemplo & comparatione puerorum apud Lacones, Mulierum Indarum & Ægyptiorum, denique & bestiarum dura sustinentium, ostendit dolorem posse superari.
3. Concludit fieri non posse, ut sapiens in dolore beatam vitam amittat.

Cicero ad Brutum Tuscul. q. lib.

§. n. 76.

1. Me quidem autore Peripatetici veteresque Academici balbutire desinant aliquando, aperteque & clarâ voce audeant

audeant dicere; *beatam vitam in Phalaridis taurum descensuram*. Sint enim tria genera bonorum, dum corporis & externa jaceant humi & tantummodo quia sumenda sunt, appellentur bona; alia autem divina illa (*virtutum bona*) longè lateque se pandant, cœlumque contingant.

Dolor esse videtur acerrimus virtuti adversarius, is ardentis faces intentat; is fortitudinem, magnitudinem animi, patientiam se debilitaturum minatur. huic igitur succumbet virtus? huic beata sapientis, & constantis viri vita cedit? quam turpe! ô Dii boni!

2. Pueri Spartiatæ non ingemiscunt verborum dolore laniati. Adolescentium greges Lacedæmone vidimus ipsi incredibili contentione, certantes pugnis, calcibus, unguibus, morfu denique ut exanimarentur, priusquam se victos faterentur. Quæ barbara India vastior, aut agrestior? in eam gentem primùm ii, qui sapientes habentur, nudi ætatem agunt, & Caucasi nives, hiemalemque vim perferunt sine dolore: cumque ad flammam se applicuerint, sine gemitu aduruntur: Mulieres verò in India, cum est cuiusque earum vir mortuus, in certamen, iudiciumque veniunt, quam plurimum ille dilexerint. plures, singulis solent esse nuptæ. Quæ est victrix, calata, prosequentibus suis, unâ cum viro in rogam imponitur: illa victa, mæsta discedit. Nunquam naturam mos vinceret, est enim ea semper invicta. Sed nos umbris, deliciis, otio, languore, desideria animum infecimus: opinionibus, maloque more delinitum molivimus. Ægyptiorum morem quis ignorat? quorum imbutæ mentes privatis erroribus, quamvis carificinam prius subierint, quam ibim, aut aspidem, aut felem, aut canem, aut crocodillum violent: quorum etiam si imprudentes quippiam fecerint, poenam nullam recusent.

De hominibus loquor. quid bestię? nonne frigus, nonne famem, nonne montivagos, atque silvestres cursus lustrationesque patiuntur? nonne pro suo partu ita repugnant, ut vulnera excipiant? nullos impetus, nullos ictus, reformident? omitto, quæ perferant, quæque patiuntur ambitiosi, honoris causa: laudis studiosi, gloriæ causa: amore incensi, cupiditatis: plena vita exemplorum est. Sed adhibeat oratio modum, & redeat illuc, unde defluxit. Dabit, dabit, inquam, se in tormenta vita beata: nec

justitiam, temperantiam, in primisque fortitudinem, magnitudinem animi, patientiam prosecuta, cum tortoris os viderit, consistit; virtutibusque omnibus sine ullo animi terrore ad cruciarum profectis, resistet extra fores, (ut ante dixi) limenque carceris.

Quid enim ea foedius, quid deformius sola relicta, comitatu pulcherrimo segregata? quod tamen fieri nullo pacto potest, nec enim virtutes sine beata vita coherere possunt, nec illa sine virtutibus.

3. Itaque tam tergiversari non sistent, secumque rapient, ad quemcunque ipsæ dolorem, cruciatumque ducentur. Sapientis est enim proprium, nihil quod poenitere possit, facere, nihil invitum: Splendidè, constanter, graviter, honestè omnia: nihil ita expectare, quasi certò futurum: nihil, cum acciderit, admirari, ut inopinatum, ac novum accidisse videatur: omnia ad suum arbitrium referre: suis stare judiciis. Quo quid sit beatius, nihil certè in mentem venire non potest.

IMITATIO.

Serviet de patientia, constantia, contemptu doloris, fortitudine in rebus adversis, ut in morbo, bello, injuriis, &c. scripturo: Latissimus enim hujus materiae campus est.

Chria Verbalis III.

Quidam nunquam minus otiosi sunt, quam cum sunt otiosi.

Cic. lib. 3. offic. ubi pro exordio libri hac Chria utitur.

Cicero ad M. fil.

(Exordium.) P. Scipionem, M. fili, cum qui primus Africanus appellatus est, dicere solitum scripsit Cato, qui fuit ferè ejus æqualis, nunquam se minus otiosum esse, quam cum otiosus; nec minus solum, quam cum solus esset.

(Expositio sententia, & applicatio ad se ipsum.) Magnificè
verò

verè vox, & magno viro, & sapiente digna, quæ declarat, illum & in otio de negotiis cogitare, & in solitudine se-
rum loqui solitum; ut nequē cessaret unquam, & interdum
colloquio alterius non egeret, itaque duæ res, quæ languo-
rem afferunt cæteris, illum acuebant, otium & solitudo. Vel-
lem & nobis hoc idem verè dicere liceret: sed, si minus imita-
tione tantam ingeniū præstantiam consequi possumus, volun-
tate certè proximè accedimus. nam, & à Republicæ foren-
sibusque negotiis, armis impiis, vique prohibiti, otium perse-
quimur: & ob eam causam urbe felix, rura peragrantes, sæ-
pe soli sumus. Sed nec otium hoc tum Africani otio, nec
solitudo cum illa comparanda est. ille enim, requiescens à
reipubl. pulcherrimis muneribus, otium sibi sumebat ali-
quando, & à cœtu hominum frequentiaque interdum, tan-
quam in portum, se in solitudinem recipiebat: nostrum au-
tem otium negotii inopia, nec requiescendi studio, consti-
tutum est. Extincto enim senatu, deletisque judiciis, quid
est, quod dignum nobis, aut in curia, aut in foro agere pos-
simus? Ita, qui in maxima celebritate, atque in oculis ci-
vium quondam viximus, nunc fugientes conspectum scelera-
torum, quibus omnia redundant, abdimus nos, quantum li-
cet, & sæpe soli sumus.

*Ratio, cum exemplo & comparatione
Africani.*

Sed quia sic ab hominibus doctis accepimus, non solum
ex malis eligere minima oportere, sed etiam excerpere ex his
ipsis, si quid inesset boni; propterea & otio fruor, non il-
lo quidem, quo debet is, qui quondam peperisset otium ci-
vitati; nec eam solitudinem languere patior, quam mihi as-
fert necessitas, non voluntas. Quanquàm Africani ma-
jorem laudem, vel meo judicio assequebatur; nulla tamen
ejus ingenii monumenta mandata literis, nul um opus otii,
nullum solitudinis munus extat. Ex quo intelligi debet, il-
lum mentis agitatione, investigationeque earum rerum,
quas cogitando consequerebatur, nec otiosum, nec solum
unquam fuisse. Nos autem, qui non tantum roboris ha-
beamus, ut cogitatione tacitâ à solitudine abstrahamus, ad
hanc scribendi operam omne studium curamque con-

vertimus. Itaque plura brevi tempore, eversâ, quam multis annis, stante Republ. scripsimus. Sed cum tota Philosophia, mi Cicero, frugifera & fructuosa, nec ulla pars ejus incultra ac deserta sit: tamen nullus ferocior in ea locus est, nec uberior, quam de officiis: à quibus constanter honesteque vivendi praecepta ducuntur.

Conclusionem hortatur filium, ut honestè vivendi officia audiat, & sequatur.

Quare, quanquam à Cratippo nostro, Principe hujus memoriae Philosophorum, hoc te assidue audire atque accipere confido; tamen conducere arbitror, talibus aures tuas vocibus undique circumsonare, nec eas, si fieri possit, quicquam aliud audire. Quod cum omnibus est faciendum, qui vitam honestam ingredi volunt; tamen laud scio, an nemini potius, quàm tibi. Sustines enim non parvam expectatorem imitandae industriæ nostrae, magnam honorum, nonnullam fortasse nominis. Suscepisti onus praeterea grave, & Athenarum, & Cratippi: ad quos cum tanquam ad mercaturam bonarum artium sis profectus, inanem redire turpissimum est, dedecorantem & urbis auctoritatem, & magistrum; quare, quantum conniti animo potes, quantum labore contendere (si dicendi labor est potius, quam voluptas) tantum fac, ut efficias; neve committas, ut cum omnia suppeditata sint à nobis, tibi defuisse videare.

IMITATIO.

Conveniet, si otium religiosi hominis, aut in contemplatione Dei verumque divinarum, aut certe in studiis liberalibus sacrisque positum, cum labore profanorum hominum saepe otioso atque inutili comparabit.



Chria Verbalis IV. reprehensiva.

*Si violandum est jus, regnandi gratia violan-
dum est*

Ex Euripide Cic. lib. 3. offic.

1. Negat exemplo Pompeji, qui augenda potentia causa Cæsaris filiam, non optimi nominis, duxit. improbosque Euripidis versus rejicit, Cæsari familiares.

2. Regem fuisse Cæsarem popul. Rom. per nefas factum, sed infelicem, & ipsius conscientia, & exitu declarat.

3. Contra C. Fabricium commendat, quod legatum Pyrrhi hostis, proditorem sui Domini, captam remisit; ne parum honestè hostem superasse videretur.

Cicero ad M. fil.

Exordium.

Nulla res tanti est, aut commodum ullum tam expetendum, ut viri boni splendorem ac nomen amittas. Quid enim est, quod adferre tantum utilitas ista (quæ dicitur) possit, quantum auferre, si boni viri nomen eripuerit, fidem justitiamque detraxerit? Nam quid interest, utrum ex homine se convertat quis in belluam, an in hominis figura immanitatem gerat belluæ? Quid? qui omnia recta & honesta negligunt, dummodo potentiam consequantur; nonne id faciunt, quod is, qui etiam socerum habere voluit eum, cujus ipse audacia potens esset? utile enim videbatur plurimum posse alterius invidia. Id quàm injustum in patriam, quàm inutile, quàm turpe esset, non videbat. Ipse autem socer in ore semper Græcos versus Euripidis de Phœnissis habebat: quos dicam, ut potero; inconditè fortasse, sed tamen, ut res possit intelligi.

*Nam si violandum est jus, regnandi gratia
violandum est: aliis rebus pietatem colas.*

Expositio & Ratio.

Capitalis Eteocles, vel potius Euripides, quid unum sonum, quod omnium sceleratissimum fuerat, exceperit. Quid igitur minuta colligimus, hæreditates, mercaturas, venditiones fraudulentas? ecce tibi, qui Rex populi R. dominusque omnium gentium esse concupierit, idque patefecerit. Hanc cupiditatem si quis honestam esse dicit, amens est: probat enim legum & libertatis interitum, earumque oppressionem terram & detestabilem, gloriosam putat. Qui autem fateatur, honestum non esse, in ea civitate, quæ libera fuit, quæque esse debeat, regnare, sed ei, qui id facere possit, esse utile, qua nunc oburgatione, aut quo potius convitio à tanto errore coner avertere? Potest enim, Dii Immortales, cuiquam esse utile foedissimum, & teterimum parricidium patriæ; quamvis eo, qui se obstrinxerit, ab oppressis civibus parens nommetur. Honestate igitur dirigenda utilitas est: & quidem sic, ut hæc duo verba inter se discrepare, sed tamen unum sonare videantur. Nunc ab eo ad vulgi opinionem.

2. Ab Exemplo.

Quæ major utilitas, quàm regnandi esse possit? nihil contra inutilius ei, qui id injustè consecutus sit, invenio, cum ad veritatem coepi revocare rationem. Possunt enim, cuiquam esse utiles angores, sollicitudines, diurni & nocturni metus, vita insidiarum periculorumque plenissima? *multi iniqui atque infideles regno, pauci boni sunt*, inquit Attius: at cui regno? quod à Tantalò & Pelope proditum jure obtinebatur. Nam quantò plures ei Regi putas, qui cum exercitu Pop. Rom. populum ipsum Romanum oppressisset, civitatemque non modò liberam, sed etiam gentibus imperantem sibi servire cogeret? Hunc tu quas conscientiae laches in animo censes habuisse? quæ vulnera? cuius autem vita ipsi potest utilis esse, cum ejus vitæ ea conditio sit, qui eam eripuerit, in maxima gratia futurus sit, & gloria.

3. *A Contrario.*


Quod si hæc utilia non sunt, quæ maximè videntur, quia plena sunt dedecoris, ac turpitudinis: satis persuasum esse debet, nihil esse utile, quod non honestum sit. Quanquam id quidem. cum sæpe aliàs, tum Pyrrhi bello à C. Fabricio Consule iterum, & à Senatu nostro judicatum est. cum enim Rex Pyrrhus Pop. Rom. bellum ultro intulisset; cumque de imperio certamen esset, cum Rege generoso ac potente; perfuga ab eo venit in castra Fabricii, ei que est pollicitus: si præmium sibi proposuisset, se, ut clam venisset, sic clam in Pyrrhi castra rediturum, & cum veneno necaturum. Hunc Fabricius reducendum curavit ad Pyrrhum, idque ejus factum à Senatu laudatum est. Atqui, si speciem utilitatis, opinionemque quærimus; magnum illud bellum perfuga unus, & gravem adversarium imperii sustulisset: sed magnum dedecus & flagitium, qui cum laudis certamen fuisset, cum non virtute, sed scelere superatum. Utrum igitur utilius, vel Fabricio, qui talis in hac urbe, qualis Aristides Athenis fuit; vel Senatu nostro, qui nunquam utilitatem à dignitate sejunxit? armis cum hoste certare, an venenis.

4. *Conclusio.*

Si gloriæ causa imperium expetendum est: scelus absit, in quo non potest esse gloria,

IMITATIO.

In pari materia hic locus serviet, si doceas Regem, qui publica utilitatis causa rei publ. præpositus est, non debere privatis commodis à suo officio retardari. vel, turpe esse, si suis regatur cupiditatibus, qui aliis hominibus imperat. vel, si quid patientum sit, regni cælestis causa patiendum esse, quod hoc regnum vim patiatur.



Chria V. Activa.

Socrates rectè mortem contempsit.

Cicero I. Tuscul. q. n. 17.

1. Exorditur ab ipsa ratione, quod animus simplex atque incompositus, corpore soluto interire non possit; sed cælum petat, si hic integrè vixerit.

2. Simili à Cygno vicina morte lato, & Magistratu discesum imperante res illustratur.

3. Altera ratio à brevitate vite sumpta per similitudinem bestiola unius diei declaratur.

4. Exemplo Theramenis generoso mortis contemptu, venenum bibentis, & Socratis oratione (quæ ex societate iustorum in futura vita sese solatur) mortem minimè timendam esse tradit.

I. *Propositio cum ratione.*

In animi cognitione dubitare non possumus (nisi planè in Physicis plumbei sumus) quin nihil sit animis admixtum, nihil concretum, nihil copulatum, nihil coagmentatum, nihil duplex. Quod cum ita sit, certè nec secerni, nec dividi, nec discerpi, nec distrahi potest: nec interire igitur. Est enim interitus quasi discessus, & secretio, ac direptus earum artium, quæ ante interitum junctione aliqua tenebantur.

Ab exemplo & autoritate.

His & talibus adductus Socrates, nec patronum quæsit ad iudicium capitis, nec iudicibus supplex fuit: adhibuitque liberam contumciam, à magnitudine animi ducta, non à superbia, & supremo vitæ die, de hoc ipso multa differuit, & paucis ante diebus, cum facile posset educi è custodia, noluit: & cum penè in manu jam mortiferum illud teneret poculum, locutus ita est, ut non ad mortem trudi, verum in cælum videretur ascendere. Ita enim censebar, itaque differuit: duas esse vias, duplicesque cursus animorum
è cor.

è corpore excedentium, nam qui se humanis vitiis contaminassent, & se totos libidinibus dedissent, quibus cæcati velut domesticis vitiis, atque flagitiis se inquinassent, vel in republica violanda fraudes inexpiabiles concepissent, iis demum quoddam iter esse, seclusum à concilio Deorum. Qui autem se integros, castosque servavissent, quibus minima fuisset cum corporibus contagio, seseque ab his semper sevocassent, essentque in corporibus humanis vitam comitati Deorum: his ad illos, à quibus essent profecti, reditum facile patere.

A similibus.

Itaque commemorat, ut cygni, qui non sine causa Apollini dicari sunt, sed quod ab eo divinationem habere videantur, quâ providentes, quid in morte boni sit, cum cantu & voluptate moriantur; sic omnibus, & bonis, & doctis esse faciendum. Nec verò de hoc quisquam dubitare posset, nisi idem nobis accideret, diligenter de animo cogitantibus, quod iis sæpe usu venit, qui acriter oculis deficientem solem intuerentur, ut ad spectum omnino amitterent. Sic mentis acies se ipsam intuens, nonnunquam hebescit: ob eamque causam contemplandi diligentiam amittimus. Itaque dubitans, circumspectans, titubans, multa adversa reverens, tanquam ratis in mari immenso, nostra vehitur oratio.

Sed hæc & vetera, & à Græcis. Cato autem sic abiit è vita, ut causam moriendi nactum se esse gauderet. Verat enim dominans ille in nobis Deus, injussu hinc nos suo migrare, cum verò causam justam Deus ipse dederit, ut tunc Socrati, nunc Catoni, sæpe multis: næ ille, mediis fidius, vir sapiens, lætus, ex his tenebris, in lucem illam excesserit: nec tamen illa vincula carceris ruperit. Leges enim vetant. Sed tanquam à magistratu, aut ab aliqua potestate legitima, sic à Deo evocatus, atque emissus exierit. Tota enim Philosphorum vita, ut ait idem, commentatio mortis est. Nam quid aliud agimus, cum à voluptate, id est, à corpore, cum re familiari, quæ est ministra, & famula corporis, cum à republica, cum à negotio omni sevocamus animum? quid, inquam, cum agimus, nisi animum ad seipsum advocamus, secum esse cogimus, maximeque à corpore ab-

ducimus? secernere autem animum à corpore, nec quidquam aliud est, quàm emori discere. Quare hoc commentemur, mihi crede, disjungamusque nos à corporibus, id est, conspescamus mori. Hoc & dum erimus in terris, erit illi cœlesti vitæ simile; & cum illuc ex his vinculis emissi feremur, minùs tardabitur cursus animorum. Nam qui in compedibus corporis semper fuerunt, etiam cum soluti sunt, tardius ingrediuntur, ut ii, qui ferro vincti multos annos fuerunt, quo cum venerimus; tum denique vivemus. Nam hæc quidem vita mors est, quam lamentari possem, si libèret,

3. *Ratio altera à simili.*

Apud Hypanim fluvium, qui ab Europæ parte in pontum influit, Aristoteles ait, bestiolas quasdam nasci, quæ unum diem vivant. Ex his igitur, hora octava, quæ mortua est, profecta ætate mortua est: quæ verò occidente sole, decrepita; eò magis, si etiam Solstitiali die. Confer nostram longissimam ætatem cum æternitate, in eadem prope modum brevitate, quàm illæ bestiolæ, reperiemur. Contemnamus igitur omnes ineptias. Quod lævius huic levitati nomen imponam? totamque vim bene vivendi in animi robore, ac magnitudine & in omnium rerum humanarum contemptione, ac despicientia, cum omni virtute probamus. Nam nunc quidem cogitationibus molliissimis effœminamur, ut, si ante mors adventet, quam Chaldæorum promissa consecuti sumus, spoliati magnis quibusdam bonis illusi, destituti que videamur. Quod si expectando, & desiderando pendemus animis, cruciamur, angimur; prohi, dii immortales, quam optabiliter iter illud jucundum est, quo confecto, nulla reliqua cura, nulla sollicitudo futura sit.

4. *Ab exemplis & autoritate.*

Quam me delectat Theramenes, quamque elato animo est? Esi enim scimus, cum legimus; tamen non miserabiliter vir clarus emoritur, qui cum coniectus in carcerem, triginta iussu tyrannorum, venenum ut sitiens ebibisset, reliquum sic è poculo ejecit, ut id resonaret, quo sonitu reddito, ridens

ſidens, propino, inquit, hoc pulcro Critiæ, qui in eum fuerat teterrimus. Græci enim in conviviiſ ſolent nominare, cui poculum tradituri ſint. Luſit vir egregius extremo ſpiritu, cum jam præcordiis conceptam mortem contineret: vereque ei, qui venenum præbuerat, mortem eſt eam auguratus, quæ brevi ſecuta eſt.

Quis hanc animi maximi æquitatem in ipſa morte laudaret, ſi mortem, malum judicaret? Vadit ita eundem carcerem, atque ad eundem, paucis poſt annis, Scyphum, Socrates, eodem ſcelere judicum, quo tyrannorum, Theramenes. Quæ eſt igitur ejus oratio, quâ facit eum Plato uſum apud judices, jam morte multatum? magna me, inquit, ſpes tenet, judices, bene mihi evenire, quod mittar ad mortem. Neceſſe eſt enim, ſi alterum de duobus, ut aut ſenſus omninò mors omnes auferat, aut in alium quendam locum, ex his locis morte migretur. Quamobrem, ſi ve ſenſus exſtinguitur, morſque ei ſomno ſimilis eſt, qui non nunquam etiam ſine viſis ſomniorum, placatiſſimam quietem affert: dii boni, quid lucri eſt emori? aut quàm multi dies reperiri poſſunt, qui tali nocti anteponantur, cui ſimilis eſt futura perpetuitas omnis conſequentis temporis? quis me beatiſor? ſi vera ſunt, quæ dicuntur, migrationem eſſe mortem, in eas oras, quas, qui è vita exceſſerunt, incolunt; id multò jam beatiſus eſt, te, cum ab iis, qui ſe judicum numero haberi volunt, evaſeris, ad eos venire, qui verè judices appellentur. Minorem. Rhadamanthum. Æacum, Triptolemum. Convenireque eos, qui juſtè, & cum fide vixerint. Hæc peregrinatio mediocris vobis videri poſteſt? ut verò colloqui cum Orpheo, Muſæo, Homero, Heſiodo liceat, quanti tandem æſtimatis? equidem ſæpe mori, ſi fieri poſſet, vellem, ut ea, quæ dico, mihi liceret invenire, quanta delectatione autem afficeret, cum Palamedem, cum Ajacem, cum alios, judicio iniquorum circumventos convenirem; tentarem etiam ſummi Regis, qui maximas copias duxit Trojam, & Ulyſſis, Siſyphique prudentiam: nec ob eam rem, cum hæc exquiram, ſicuti hic faciebam, morte damnarer, ne vos quidem Judices ii, qui me abſolviftis, mortem timueritis. Nec enim cuiquam bono mali quidquam evenire poſteſt, nec vivo, ne mortuo; Nec unquam ejus res à Diis immortalibus negligentur, nec mihi ipſi hoc accidit

cidit fortuito, nec verò iis, à quibus accusatus sum, aut à quibus condemnatus, habeo quod succenseam, nisi quod mihi nocere se crediderunt.

IMITATIO.

In quorumvis Martyrum constantia, mortisque contemptu, & fortitudine dignis laudibus celebranda, huius loci imitatio perquam utilis futura est: cum non pariatantum Socrati aliisque mortis contemptoribus aggressi sint, sed longe etiam majorem ausi.

Chria VI. Mixta.

*Anaxagoras filii mortem equo ferens
animo dixit:*

Sciebam me genuisse mortalem.

Cicero lib 3. Tusc. q. n. 30.

1. Exorditur à dicto Anaxagora, cujus rationem exponit, confirmatque sententia Terentii, & moribus Socratis.
2. Tradit provisione mala levia fieri, contra opinionem, Epicuri.
3. Epicureos refutat, simulque rationibus solidis propriam firmat sententiam.
4. Virtutum praesidio dolorem mitigari ostendit, per elegantem testimoniorum Pythagorae, Socratis, & Platonis introductionem.

Cicero ad Brutum.

Propositio.

Anaxagoram ferunt, nuntiata morte filii dixisse, Sciebam me genuisse mortalem. Quæ vox declarat, iis esse hæc acerba, à quibus non fuerint cogitata. Ergo id quidem non est dubium, quin omnia, quæ mala putantur, sint improvise graviora. Itaque quanquam non hæc una res efficit maximam ægi-

ægritudinem : tamen quoniam multum potest provisio animi, & præparatio ad minuendum dolorem, sint semper omnia homini humana mediata. Et nimirum, hæc est illa præstans & divina sapientia, perceptas penitus, & pertractatas humanas res habere : nihil admirari, cum acciderit, nihil antequam evenerit, non evenire posse arbitrari.

A testimonio.

Quamobrem omnis, cum secunda res sunt maxime.

Meditari secum oportet, quo pacto adversam arumnam ferant :

Pericula, damna, exilia. peregrè rediens semper cogitet,

Aut filii peccatum, aut uxoris mortem, aut morbum filia :

Communia esse hæc : fieri posse, ut nequid animo sit novum.

Quidquid præter spem eveniat, omne id deputare esse in lucro.

Ergo hoc Terentius à Philosophia sumptum, cum tam commodè dixerit, nos, è quorum fontibus, id haustum est, non & dicemus hoc melius, & constantius sentiemus.

Ab exemplo.

Hic est enim ille vultus semper idem ; quem dicitur Xantippe prædicare solita in viro suo fuisse Socrate, eodem vultu semper se vidisse exeuntem illum domo, & revertentem, nec verò frons erat, quæ M. Crassi illius veteris, quem semel ait in omni vita risisse Lucilius : sed tranquilla, & serena. Sic enim accepimus. Jure autem erat semper idem vultus, cum mentis, à qua is fingitur, nulla fieret mutatio.

Quare accipio equidem à Cyrenaicis hæc arma contra casus, & eventus, quibus eorum advenientes impetus diuturna præmeditatione frangatur : simulque judicio, malum illud, opinionis esse, non naturæ. Si enim in re essent, cur fierent provisæ leviora.

A contrario testimonio.

2. Sed est, iisdem de rebus, quod dici possit subtilius,
si prius

si prius Epicuri sententiam viderimus: qui censet, necesse esse omnes in ægritudine esse, qui se in malis esse arbitrentur, siue illa ante provisa, expectata sint, siue inveteraverint. Nam neque vetustate minui mala, nec fieri præmeditata leviora: stultamque etiam esse meditationem futuri mali, aut fortasse nec futuri quidem: satis esse odiosum malum omne, cum venisset: qui autem semper cogitavisset, accidere posse aliquid adversi, ei fieri illud sempiternum malum: si verò ne futurum quidem sit; frustra suscipi miseriam voluntariam: ita semper angere, aut accipiendo aut cogitando malo. Levationem autem ægritudinis in duabus rebus ponis, avocatione à cogitanda molestia, & revocatione ad contemplandas voluptates. Parere enim censet animum rationi posse, & quod illa ducat, sequi. Vetat igitur ratio intueri molestias: abstrahit ab acerbis cogitationibus. Hebetem aciem ad miseras contemplandas: à quibus cum cecinit receptui, impellit cursum, & incitat ad conspiciendas, totaque mente contrectandas varias voluptates: quibus ille & præteritarum memoria, & spe consequentium, sapientis vitam refertam putat.

Ratio cum adversariorum refutatione.

3. Hæc nostro more nos diximus, Epicurei dicunt suad. Sed, quæ dicant, videamus quo modo negligamus. Principio male reprehendunt præmeditationem rerum futurarum. Nihil est enim, quod tam obtundat, eleveque ægritudinem, quam perpetua in omni vita cogitatio, nihil esse, quod accidere non possit: quam meditatio conditionis humanæ: quam vitæ lex commendatioque parendi, quæ non hoc affert, ut semper moreamur, sed ut nunquam. Neque enim qui rerum naturam, qui vitæ varietatem, qui imbecillitatem generis humani cogitat, morietur cum hæc cogitat, sed tum vel maximè sapientiæ fungitur munere. Utrumque enim cōsequitur, ut & considerandis rebus humanis proprio Philosophiæ fruatur officio, & adversis casibus triplici consolatione sanetur. Primum, quod posse accidere diu cogitaverit, quæ cogitatio una maximè molestias omnes extenuat, & diluit: deinde, quod humana ferenda, intelligit: postremo, quod videt nullum malum esse, nisi culpam, culpam autem

nullam esse, cum id, quod ab homine non potuerit præstari, evenierit. Nam revocatio illa, quam affert, cum à contuentibus nos malis avocat, nulla est, non est enim in nostra potestate. te fodicantibus his rebus, quas malas esse opinemur, dissimulatio, vel oblitio. Lacerant, vexant, stimulos admovent, ignes adhibent, respirare non sinunt. Et tu oblivisci jubes, quod contra naturam est? quod à natura datum est auxilium, extorques, inveterati doloris? est enim tarda illa quidem medicina, sed tamen magna, quam affert longinquitas, & dies. Jubet me bona cogitare, oblivisci malorum. diceres aliquid, & magno quidem Philosopho dignum, si ea bona senures esse, quæ essent homine dignissima.

Ab autoritate ratio firmatur.

4. Pythagoras mihi sic diceret, aut Socrates, aut Plato? Quid jaces? aut quid mæres? aut cur succumbis, ced. s. que fortunæ? quæ pervellere te forsitan potuerit, & pungere: non potuerit certè vires frangere: magna vis est in virtutibus, eas excita, si forè dormiunt. Ita tibi adierit princeps fortitudo, quæ te tanto animo esse coget, ut omnia, quæ possint homini evenire, contemnas, & pro nihilo putes. Adierit temperantia, quæ est eadem moderatio, à me quidem paulò ante appellata fragilitas: quæ te turpiter, & nequiter facere nihil patiatur. Quid est autem nequius aut turpius affocminato viro? ne justitia quidem sinet ista facere, cui minimum esse videtur in hac causa loci: quæ tamen ita dicit, dupliciter te esse injustum, cum & alienum appetas, qui mortalis natus, condicionem postules immortalium, & graviter feras, te, quod utendum acceperis, reddi disse. Prudentiæ vero quid respondebis, dicenti virtutem esse contentam, quo modo ad bene vivendum, sic & ad beatè? quæ si extrinsecus religata pendeat, & non oriatur ex se, & rursus ad se revertatur, & omnia sua complexa, nihil quærat aliunde: non intelligo, cur aut verbis, tant vehementer ornanda, aut re tantoperè expetenda videatur. Ad hæc bona me, si revocas, Epicure, pareo, sequor, utor te ipso duce, obliviscor etiam malo, ut jubes, eoque facilius, quod eo ne in malis quidem ponenda cen-

IMITATIO.

In consolatoriis literis orationibusque siue ob mortem, siue ob aliam calamitatem institutis imitanti hæc seruiunt. Erit etiam locus imitationi, si viri, aut facti cuiuspiam generosi, patientis, fortis, in ferendis præsertim aduersis, laudes prosequaris.

SENTENTIA.

Quid honestum sit, id solum bonum esse.

Cicero Paradoxo I.

Quâ sententiâ probatâ, opes & voluptates negat in bonis esse habendas.

Exordium cum propositione.

Vereor ne cui vestrum ex Stoicorum hominum disputationibus, non ex meo sensu deprompta hæc videatur oratio: dicam tamen quod sentiam: & dicam brevius, quam res tanta dici possit. Nunquam me Herculè ego, neque pecunias istorum, neque recta magnifica, neque opes, neque imperia, neque eas, quibus maximè adstricti sunt, voluptates, in bonis rebus numerandas esse duxi.

Ratio.

Quippe cùm viderem, homines rebus his circumfluentes, ea tamen desiderare maximè, quibus abundarent. Neque enim unquam expletur, nec sanatur cupiditatis sitis: neque ea solum, quæ habent, libidine augendi cruciantur, sed etiam amittendi metu. In quo equidem continentissimorum hominum, Majorum nostrorum, sæpe requiro prudentiam, qui hæc imbecilla, & commutabilia pecuniæ membra, solo verbo bona putaverint appellanda, cum re ac factis longè aliter iudicavissent. Potestne bonum cuiquam malo esse, aut potest quisquam, in abundantia bonorum,

bonorum, ipse esse non bonus? Atqui ista omnia, talia videmus, ut etiam improbi habeant, & obsint probis. Quamobrem licet irrideat, si quis velit: plus apud me vera ratio valebit, quam vulgi opinio. Neque ego unquam illum bona perdidisse dicam, si quis pecus, aut suppellectilem amiserit.

Atestimonio.

Nec non sæpè laudabo sapientem illum Biantem; ut opinor, qui enumeratur inter septem Sapientes: cujus cum patriam Prienem cepisset hostis, cæterique ita fugerent, ut multa de suis rebus secum asportarent: cum esset admonitus à quodam, ut idem ipse faceret: Ego verò, inquit, facio. Nam *omnia mea porto mecum*: Illa hæc ludibria fortunæ, ne sua quidem putavit, nos appellamus etiam bona. Quid igitur, quæret aliquis, bonum? si quid rectè fit, & honestè, & cum virtute, id bene fieri & rectè dicitur: &, quod rectum & honestum, & cum virtute est, id solum opinor bonum.

Ab exemplis.

Sed hæc videri possunt obscuriora, cum sine appositione exemplorum lentius disputantur. Vita atque factis illustranda sunt summorum virorum hæc, quæ verbis subtilius, quàm satis est, disputari videntur. Quæro enim à vobis, num ullam cogitationem habuisse videantur ii, qui hanc remp. tam præclarè fundatam nobis reliquerunt, aut auri, aut argenti ad avaritiã, aut amœnitatum ad delectationem, aut suppellectilis ad delicias, aut epularum ad voluptates? Ponite ante oculos unumquemque Regum. Vultis, incipiam à Romulo? vultis post liberam civitatem, ab iis ipsis, qui liberaverunt eam? Quibus tandem gradibus Romulus ascendit in cœlum: iisnè, quæ isti bona appellant? an rebus gestis, atque virtutibus? Quid autem Numa Pompilius? minusvè gratas Diis immortalibus capedines, ac fictiles urnulas fuisse, quàm delicatas aliorum pateras arbitramur? Omitto reliquos: sunt enim omnes pares inter se, præter superbum, Brutum verò si quis roget, quid

egerit, in patria liberanda: si quis item reliquos ejusdem consilii socios, quid spectaverint, quid secuti sint: num quis existat, cui voluptas, cui divitiæ, cui denique, præter officium fortis, & magni viri, quidquam aliud propositum videatur? Quæ res ad necem Porfennæ Q. Mucium impulit, sine ulla spe salutis suæ? Quæ vis Horatium Cochitem contra omnes hostium copias tenuit in ponte solum? quæ patrem Decium, qui filium devovit, atque immisit in armatas hostium copias? Quid continentia C. Fabritii, quid tenuitas victus M. Curi, sequebatur? Quid duo illa propugnacula belli Punici, Cn. & P. Scipiones, qui Carthaginensium adventum corporibus suis intercludendum putaverunt? Quid Africanus major? quid minor? quid inter horum ætates interjectus Cato? quid innumerabiles alii? nam domesticis exemplis abundamus. An putamus quemquam horum cogitasse quidquam in vita sibi expetendum, nisi quod laudabile esse, & præclarum videretur? Veniant igitur irrisores hujus orationis, ac sententiæ: & jam vel ipsi judicent, utrum se horum alicujus, qui marmoreis tectis, ebore & auro fulgentibus, qui signis, qui tabulis; qui cæolato auro, & argento, qui Corinthiis operibus abundant, an C. Fabricii, qui nihil eorum habuit, nihil habere voluit, similes esse malint.

Objectio.

Atque hæc quidem, quæ modò huc, modò illuc transferuntur, facile adduci solent, ut in rebus bonis esse negent: illud tamen accuratè tenent, accurateque defendunt, voluptatem esse summum bonum. Quæ quidem vox peccatum videtur esse, non hominum. Tu, cum tibi, sive Deus, sive mater (ut ita dicam) rerum omnium, natura, dederit animum, quo nihil est præstantius, neque divinius: sic te ipse abjicies, atque prosterne, ut nihil inter te, atque inter quadrupedem aliquid putes interesse? Quidquamné bonum est, quod non eum, qui possidet, meliorem faciat: Ut enim quisque est maximè boni particeps, ita & laudabilis maximè: neque est ullum bonum, de quo non is, qui id habet, honestè possit gloriari. Quid autem est horum in voluptate? Melioremné efficit, aut laudabiliorem virum?

an quisquam in potiundis voluptatibus gloriâ sese, & prædicatione effert.

Conclusio.

Atqui si voluptas, quæ plurimorum patrociniis defenditur, in rebus bonis habenda non est: eaque, quo est major, eò magis mentem è sua sede, & statu dimovet: profectò nihil est benè, & beatè vivere, nisi honestè, & rectè vivere.

IMITATIO.

In mundi, opum, honoris, voluptatis contemptu, virtutumque atque aterna felicitatis consequenda studio collaudando, siue etiam honesto sine actionum nostrarum commendo, hic locus utiliter legetur.

Appendix & observatio.

Hæc petita è priscis exempla sufficient, quibus facillè intelliges, quis qualisque apud Priscos fuerit Chriarum & sententiarum usus; quis in continua oratione, unde hæ pleræque depromptæ sunt, hodie dum esse possit.

Porro eadem ratione leges latas, aut etiam Symbola à sapientibus atque heroicis viris lemmate aliquo sententioso expressa, vel apophthegmata ornare atque amplificare poteris. Pono exempli gratia septem Græciæ Sapientum pronuntiata, singula singulis propria, quæ Ausonius his versibus complexus est.

Septenis patriam sapientum, Nomina, Voces

Versibus expediam, sua quemque monosticha dicent.

CHILO, cui patria est Lacedæmon, nosse seipsum.

PERIANDER trepidam moderare Corinthius iram.

Et Mitylenæis, nimium nil, PITTACUS oris.

Mensura optimum, ait CLEOBOLUS Lyndius in re:

Et spectare SOLON finem docet ortus Athenis.

Plures esse BIAS pravos quem clara Priene

Miletii, fugisse THALES yadimoniam, alumnus.

Hæc ex pluribus, quibus omnes passim libri implentur, exempla ob celebre horum Sapientum apud scriptores nomen, suppeditare volui.

Cæterum in *Palæstra* styli de sententiis non pauca quoque subministravi, quibus hac de re acquiesco. In

Exercitationibus orator. plura etiam Chriarum & sententiarum non inamœna exempla reperies.





Palæstræ Oratoriæ

LIBER III.

*De propriis Rhetorum, & Oratorum
exercitationibus.*

CAPUT I.

Quid in hoc libro auctor, & quo sine, usuque studiorum tractet.

IAm ad suprema denique hujus oratoriæ palæstræ exercitia mentes manutque aptandæ sunt. Leviora decurramus. Non hic istis amplius velitationibus præludendum est, aut in campo Martio ad rudimenta militiæ juvenis erudienda est, sed ipsa in acie standum, plenisque manipulis concurrendum est, rationes pro telis, figuræ pro arte pugnandi futuræ sunt, impellendi tamen animi, non corpora; occupanda voluntas, non regio est, vincit, non qui sternit invitos, sed qui persuadet volentibus. Mitior omnino hæc victoriâ sine vulnere ac sanguine est, triumphus sine cujusquam ignominia gloriosior.

Huc avidum oratorem deduco, arte quidem non inexplorata hactenus, sed ea, quæ melior ratione, nondum omnino hactenus tentata. Totus in Ciceronem imitatione exprimendum feror. Huic uni exercitio posthabeo omnia. Sed usu non promiscuo, ut hodie amant: labore longo, & sæpius sterili. Valde à seipso Cicero dissidet, magis quidem jejunitate materiæ, quam orationis. In spinolos sæpe campos, ita causâ urgente, impellitur, huc velle passim abique delectu consequi, tempus studiumque prodigere est. Illic inhærendum pascendique animus est,

ubi rebus faventibus læta efflorescit oratio. Hunc ego laborem, aliorum laboribus sublevandis adi. Delectuque instituto illud egi, ut ornatissima lectissimaque dicendi exempla, cuique eloquentiæ studio ad manus essent.

Sed & corporis in oratione totius rationem habendam duxi, ut non minus constaret, quâ argumentorum velut in aciem ad pugnandum digestorum, dispositione Cicero usus esset, quam quâ dicendi arte eadem instruxisset. Illud tamen minoris longè est operæ, quanquam iudicii plerumque majoris. Ætas inveniendi rationem facilitas, artem ornatè eloquendi vix subministrat. Quia tamen elocutio sine inventione vana est, inventio sine elocutione contempta. Utrumque oratori studium est excolendum. Dispositioni etiam, quamvis capiti facilis sit, suus honor cultusque tribuendus: ne rationes, tanquam indigestus in aciem miles, pugnent sine victoria.

Dedi igitur operam ut hæc omnia ex M. Tullio, velut in brevi tabella, magis exemplis, quam præceptis inculcarem. In orationibus Ciceronis totam argumentorum seriem, sub una generali quæstione vel argumentatione complexus sum, ut tam fundamentum illius, quam rationum inventio, & dispositio prima fronte occurreret, lectorque atque imitator totius vim orationis intelligere, penetrare, ac sequi imitando posset.

Iterum, ut majori studiorum compendio, optima quæque atque ad elocutionem maximè profutura scribendo lectaretur, habito delectu in ordinem illa digessi, quo utiliter per eadem imitando ferri studiosus eloquentiæ possit; tum verò magnum etiam Magistris, ad idoneam scribendi materiam discipulis suppeditandam, emolumentum attuli. Quod si, evoluta rerum historia, explicatius aliquantò illorum calamo, & ad Ciceronem accommodatè subjecerint, ac deinde per varia imitandi genera, quæ in *Palæstra styli*, dedi, sequi jusserint, brevi, experientur, quantò ad eloquentiam progressu maturiores incedant. Illud affirmare expertus possum, uno anno aliterove, quo hac methodo usus sum, tam luculento quosdam ad eloquentiam profecisse scribendi genere; ut facili magnaque copia calamum ducerent, ac sæpe difficile mihi esset, illorum scriptionem à Tul-


liano

liano stylo discernere. Me vero tum etiam anteaacti laboris tædere cœpit, quo alia illa diu, ac ne quicquam, viâ tentassem, quod tam expeditâ ipsi essent, assecuti. Ita discipulorum exemplo nonnunquam Magistri discimus.

Hunc igitur sequar ordinem. Ut primò orationes Ciceronis illâ, quâ vulgantur per volumina tria distributione, in sua resolvam principia, quo facilius ea legendo penetrare studiosus possit, subjecta etiam censura, ut quæ imitatione dignissima sint meo iudicio obiter signem.

Deinde præcipua orationum genera & partes illas, quibus potissimum studioso adolescenti immorandum, exemplis lectissimis & imitationi opportunis ita decurram, ut quæ plus habent difficultatis, pluribus etiam exemplis ex Cicerone Plinioque Secundo (qui in encomiasticis illi tam propinquus laude, quam dissimilis oratione est) illustrentur. Brevi semper & explicatione præmissa, & applicatione subjecta, ut hinc facem ad intelligendum præferam, inde ad imitandum calcæ addam.

Denique hoc agam, ut quæ eloquentiæ primum debet esse fundamentum inventio, semper quibus ex fontibus petita præcipuè sit, non ignoretur. Si qua enim ad eloquentiam aspiranti cura adhibenda est, illa imprimis esse debet. Ut non tantum intelligat, quibus ex fontibus inventio argumentorum petenda sit, verum etiam quemadmodum deprompta illinc ratio diducenda & amplificanda. Cujus summum in Ciceronis distinctione artificium est.



CAPUT II.

*Quemadmodum his tam Magistri, quàm Discipuli
ad profectum in eloquentia uti
possint.*

DEdi instituti mei rationem ordinemque, nunc quemadmodum docendo Magistri, Discipuli verò discendo, hoc in suum vertere commodum possint, videamus.

Principio Magister inventionis curam pro Discipulis prolixiori aliquantò scriptionis'argumento subeat, digito tamen semper in fontem unde argumentum hausit intento, ut hoc ipsi exemplo sequi discant, eandemque pari in reviam terant.

Deinde hoc à discipulis potissimum studium deposcat; ut quam subjecit calamo materiem rudem incultamque, hanc illustrioribus figuris, (quas etiam verbo præscribet) ad ornatum Rhetore dignum excolant. Neque de verborum figuris magnopere laborandum erit, aut sententiarum omnes operosè urgendæ sunt. Etenim vulgares spontè affluent, satisque has erit solo, ut ita dicam, nomine ac vultu dignoscere. De nobilioribus cogitandum est sæpius, ut hæc in familiaritatem traducantur. Quarum expeditum variumque usum Transitiones nostræ oratoriæ lib. I. supeditabunt. Sed hic labor cum facilis sit, diuturnus esse non debet. Mensis unus ad omnem figurarum apparatus & noscendum & comparandum etiam nimius est. Paucae sunt, quibus hæc cura debeatur, & tam raræ pleræque ut tensum feriant, & bis terve usurpatæ in consuetudinem admittantur.

Judicium suo loco adhibendi ætas acuet, & lectio Tulliana limabit. In hoc verò exercitio, juverit nonnunquam illa, quæ ex Cicerone deprompsimus exempla, aut siquæ in manibus adolescentum sunt alia, verbis phrasibusque, quantum licet, retentis, alio tantum figurarum induere habitu. Magnum enim hinc ad omnem imitationem accedet scribenti emolumentum; cum figurarum promptior omninò sit, quam verborum phrasiumque, permutatio.

Tertiò ad ipsam inveniendi disciplinam ita adolescens traducendus est, ut & illa quæ in quovis dicendi genere maximè per distributos à me fontes, investiganda sint apprehendat, & quemadmodum ex quibusque copiosè hauriendum sit fontibus, non ignoret. In his enim duobus tota copiosè ac victoriosè disserendi ratio continetur. Solo enim verborum & figurarum lenocinio non perfringes animos præsertim oblectantes, vi ac pondere rationum contendendum est. quibus cum habilis ornataque dicendi facultas accesserit, quidvis obtinebis. Hanc ad rem serviet inprimis illa æconomia orationum Ciceronis: sub una ferè propositione à me exhibita. Ut hic velut in tabella ostendas, quemadmodum Cicero, per diversa idem urserit propositum argumenta, & quibus illa fontibus deprompserit, tum deinde ad unius facti, argumentique à me exhibitum exemplum transeas, & qua illud ratione uno pluribusve ex locis amplificaverit, demonstres primò, ac simili postea materia (qualem ferè subjeci) jubeas imitando sectari. Via nulla ad eloquentiam expeditior est. Huic igitur exercitio, per omnes orationis partes, studiosè immorandum, huc omnis conferenda industria, cum Magistris, tum discipulis est. Nihil verò Magistris hac ratione poterit esse promptius, quodque minori ipsi labore præstent, discipuli tractent utiliore.

Nam & ipsi orationes, quæ in manibus adolescentum ex more sunt, omnes facili expositione decurrent, summam rerum inculcando, nobiliora passim loca, transmissis minus illustribus, imitationi, præfigendo: & discipulo nihil eorum fugiet, quæ in illis observatione digna recondantur, cum aliàs scientiam omnem in libris, tanquam clausum in vagina gladium gerant. quos principio anni assumant, in fine, parvo ad eloquentiam emolumento, rursus deponent.

Quartò præcipua discipulorum cura sit, in scholis advigilare, quemadmodum idem ex Tullio prototypon, diverso à diversis imitanti labore ac colore expressum est, quidque in cæteris Magister inprimis probeat, quid emendet, ac de suo adijciat.

Quod si etiam attulerit Magister suo Marte elaboratum

ctus, & solers instructor, absolutissima docendi disciplina redditur.

Porro & illud laudaverim, quod magna studii commendatione à nonnullis vidi præstitum, ut nonnunquam aliam, vel ex Livio causam, belli domive inter diversas partes agitatum, vel ex ipso etiam Cicerone pro rostris, aut in cùria ventilatam producerent, tum deinde veteres ex Rosino aliisve depromptos ritus, leges, habitumque, jucunda priscorum temporum imagine, spectatoribus objicerent: illorum, quantum liceret, verbis sententiisque dicentium uterentur. Qua quidem exercitatione non intelligo, quid eruditis spectatoribus possit esse jucundius, quid adolescentibus utilius, quid ipsis facilius Præceptoribus? e. g. Agitur contra Verrem repetundarum à Siculis postulatam. Instruitur Romani judicii forma, Actor, Judices, Testesque Siculi suo quisquis habitu, sua dicendi ratione audiuntur. Quodque Tullianæ orationi, aut adjunctum, aut interpositum fuisse creditur, hoc Magistrum ingenio ac labore suppletur. Aliàs deliberatio ex eisdem autoribus instituitur, e. g. de Ciceronis domo, rectene illa fuerit Libertati à Clodio consecrata? hic Pontifices adsint, & testes, qui de ritibus consecrationis male adhibitis, Cicerone provocante, doceant. Augeres explorent, num auspicatò Dea Libertas efferri, ac Cicero reduci possit? utrumque judicetur, ac fiat. Operarii etiam à Senatu mittantur, qui diruta rursum exstruant. Pontifici summo felicem Ciceroni redditum præcanti. Aliàs gratulatio publica, e. g. Ciceroni in urbem recepto per omnes Italiæ ordines præstita instituitur, cui deinde ipse Gratiarum actionem subiciat. Aliàs ex Livio bellum aliquod solenni ritu per feriales denuncietur, ultro citroque Legatorum orationes pro bello aut pace audiantur, consuetisque hæc ritibus peragentur.

Quod si tamen quippiam ex posterioribus sumptum temporibus atque imitatione expressum fuerit, usu quoque legibusque temporum res gerenda est. Quocirca hodiernos judiciorum ritus, præter veteres de Antiquatibus in *Palæstra styli* adjeci, ut & his aptari causæ possent, ac veluti per quendam eloquentiæ ludum, sicut in testæis pueri hte-

litterarum signa, ita adolescentes hanc satis implicatam judicandi rationem capere

Certè ut pleraque Ciceronis Orationes judicium spectant, ita minimè difficilis fatura est illa rituum legumque præsentium introductio, si causæ causis, tempora temporibus permulentur.

His ad communem quâ Magistrorum, quâ discipulorum instructionem præmissis, ad ipsam Tullianarum Orationum expositionem venio, ut & legere has adolescens cum judicio, & imitari cum fructu possit.

CAPUT III.

Ratio & ordo, in artificio Tullianarum Orationum exponendo, & ad imitationem proponendo, observatus.

Quod in Palæstra Eloquentiæ ligatæ, in Virgilio Poëtarum Principe, tanquam idea perfectissima, exponendo, præstiti: dum conceptus, amplificacionemque argumentorum brevi methodo complexus sum, aliaque simul imitationi idonea suggesti; hic non censui omittendum: ne in præcipua eloquentiæ parte, tanquam epilogo instructionis meæ, quâ facilitatem copiamque omnibus ad hæc studia comparare conatus sum, remissius videar, pro illorum emolumento, desudasse.

Age igitur, mi Lector, & velut in parva imagine optimi Oratoris Tullii lineamenta pulcherrima expressa accipe.

1. Quidem totius Orationis locum, tempus, actores, & auditores, ex quibus judicium facies de accommodata non rebus tantum, sed & temporibus personisque dictione, quæ ratio prudenti cuivis Oratori est observanda.

2. Intelliges argumentum, seu quæstionem propositam, cujus summam tibi plenius, cum suis adjunctis historia Ciceronis à me superius data exponet.

3. Argumento universali totam Orationis vim, & quasi

ctus, & solers instructor, absolutissima docendi disciplina redditur.

Porro & illud laudaverim, quod magna studii commendatione à nonnullis vidi præstitum, ut nonnunquam aliam, vel ex Livio causam, belli domive inter diversas partes agitatum, vel ex ipso etiam Cicerone pro rostris, aut in curia ventilatam producerent, tum deinde veteres ex Rosino aliusve depromptos ritus, leges, habitumque, jucunda prisca temporum imagine, spectatoribus obicerent: illorum, quantum liceret, verbis sententiisque dicentium uterentur. Qua quidem exercitatione non intelligo, quid eruditis spectatoribus possit esse jucundius, quid adolescentibus utilius, quid ipsis facilius Præceptoribus? e. g. Agitur contra Verrem repetundarum à Siculis postulatum. Instruitur Romani iudicii forma, Actor, Judices, Testesque Siculi suo quisque habitu, sua dicendi ratione audiuntur. Quodque Tullianæ orationi, aut adjunctum, aut interpositum fuisse creditur, hoc Magistrum ingenio ac labore suppletur. Aliàs deliberatio ex eisdem autoribus instituitur, e. g. de Ciceronis domo, rectene illa fuerit Libertati à Clodio consecrata? hic Pontifices adsint, & testes, qui de ritibus consecrationis male adhibitis, Cicerone provocante, doceant. Augeres explorent, num auspicatò Dea Libertas efferri, ac Cicero reduci possit? utrumque judicetur, ac fiat. Operarii etiam à Senatu mittantur, qui diruta rursum exstruant. Pontifici summo felicem Ciceroni reditum præcanti. Aliàs gratulatio publica, e. g. Ciceroni in urbem recepto per omnes Italiæ ordines præstita instituat, cui deinde ipse Gratiarum actionem subiciat. Aliàs ex Livio bellum aliquod solenni ritu per feriales denunciatur, ultro citroque Legatorum orationes pro bello aut pace audiantur, consuetisque hæc ritibus peragentur.

Quod si tamen quippiam ex posterioribus sumptum temporibus atque imitatione expressum fuerit, usu quoque legibusque temporum res gerenda est. Quocirca hodiernos iudiciorum ritus, præter veteres de Antiquatibus in *Palæstra styli* adjeci, ut & his aptari causæ possent, ac veluti per quendam eloquentiæ ludum, sicut in tesseris pueri

lite-

litterarum signa, ita adolescentes hanc satis implicatam judicandi rationem capere

Certè ut pleraque Ciceronis Orationes judicium spectant, ita minimè difficilis fatura est illa rituum legumque præsentium introductio, si causæ causis, tempora temporibus permulentur.

His ad communem quâ Magistrorum, quâ discipulorum instructionem præmisissis, ad ipsam Tullianarum Orationum expositionem venio, ut & legere has adolescens cum judicio, & imitari cum fructu possit.

CAPUT III.

Ratio, & ordo, in artificio Tullianarum Orationum exponendo, & ad imitationem proponendo, observatus.

Quod in Palæstra Eloquentiæ ligatæ, in Virgilio Poetarum Principe, tanquam idea perfectissima, exponendo, præstiti: dum conceptus, amplificationemque argumentorum brevi methodo complexus sum, aliaque simul imitationi idonea suggesti; hic non censui omittendum: ne in præcipua eloquentiæ parte, tanquam epilogo instructionis meæ, quâ facilitatem copiamque omnibus ad hæc studia comparare conatus sum, remissius videar, pro illorum emolumento, desudasse.

Age igitur, mi Lector, & velut in parva imagine optimi Oratoris Tullii lineamenta pulcherrima expressa accipe.

1. Quidem totius Orationis locum, tempus, actores, & auditores, ex quibus judicium facies de accomodata non rebus tantum, sed & temporibus personisque dictione, quæ ratio prudenti cuivis Oratori est observanda.

2. Intelliges argumentum, seu quæstionem propositam, cuius summam tibi plenius, cum suis adjunctis historia Ciceronis à me superius data exponet.

3. Argumento universali totam Orationis vim, & quasi

Etus, & solers instructor, absolutissima docendi disciplina redditur.

Porro & illud laudaverim, quod magna studii commendatione à nonnullis vidi præstitum, ut nonnunquam aliam, vel ex Livio causam, belli domive inter diversas partes agitatam, vel ex ipso etiam Cicerone pro rostris, aut in curia ventilatam producerent, tum deinde veteres ex Rosino aliisve depromptos ritus, leges, habitumque, jucunda priscorum temporum imagine, spectatoribus objicerent: illorum, quantum liceret, verbis sententiisque dicentium uterentur. Qua quidem exercitatione non intelligo, quid eruditis spectatoribus possit esse jucundius, quid adolescentibus utilius, quid ipsis facilius Præceptoribus? e. g. Agitur contra Verrem repetundarum à Siculis postulatum. Instruitur Romani judicii forma, Actor, Judices, Testesque Siculi suo quisque habitu, sua dicendi ratione audiuntur. Quodque Tullianæ orationi, aut adjunctum, aut interpositum fuisse creditur, hoc Magistri ingenio ac labore suppletur. Aliàs deliberatio ex iisdem autoribus instituitur, e. g. de Ciceronis domo, rectene illa fuerit Libertati à Clodio consecrata? hic Pontifices adsint, & testes, qui de ritibus consecrationis male adhibitis, Cicerone provocante, doceant. Augeres explorent, num auspicato Dea Libertas efferri, ac Cicero reduci possit? utrumque judicetur, ac fiat. Operarii etiam à Senatu mittantur, qui diruta rursum exstruant. Pontifici summo felicem Ciceroni reditum præcanti. Aliàs gratulatio publica, e. g. Ciceroni in urbem recepto per omnes Italiæ ordines præstita instituat, cui deinde ipse Gratiarum actionem subiciat. Aliàs ex Livio bellum aliquod solenni ritu per feriales denunciatur, ultro citroque Legatorum orationes pro bello aut pace audiantur, consuetisque hæc ritibus peragentur.

Quod si tamen quippiam ex posterioribus sumptum temporibus atque imitatione expressum fuerit, usu quoque legibusque temporum res gerenda est. Quocirca hodiernos judiciorum ritus, præter veteres de Antiquatibus in Palastra styli adjeci, ut & his aptari causæ possent, ac veluti per quendam eloquentiæ ludum, sicut in tessieris pueri

lite-

litterarum signa, ita adolescentes hanc satis implicatam judicandi rationem capere

Certè ut pleraque Ciceronis Orationes judicium spectant, ita minimè difficilis satura est illa rituum legumque præsentium introductio, si causæ causis, tempora temporibus permutentur.

His ad communem quâ Magistrorum, quâ discipulorum instructionem præmissis, ad ipsam Tullianarum Orationum expositionem venio, ut & legere has adolescens cum judicio, & imitari cum fructu possit.

CAPUT III.

Ratio & ordo, in artificio Tullianarum Orationum exponendo, & ad imitationem proponendo, observatus.

Quod in Palæstra Eloquentiæ ligatæ, in Virgilio Poëtarum Principe, tanquam idea perfectissima, exponendo, præstiti: dum conceptus, amplificationemque argumentorum brevi methodo complexus sum, aliaque simul imitationi idonea suggesti; hic non censui omittendum: ne in præcipua eloquentiæ parte, tanquam epilogo instructionis meæ, quâ facilitatem copiamque omnibus ad hæc studia comparare conatus sum, remissius videar, pro illorum emolumento, desudasse.

Age igitur, mi Lector, & velut in parva imagine optimi Oratoris Tullii lineamenta pulcherrima expressa accipe.

1. Quidem totius Orationis locum, tempus, actores, & auditores, ex quibus judicium facies de accommodata non rebus tantum, sed & temporibus personisque dictione, quæ ratio prudenti cuivis Oratori est observanda.

2. Intelliges argumentum, seu quæstionem propositam, cuius summam tibi plenius, cum suis adjunctis historia Ciceronis à me superius data exponet.

3. Argumento universali totam Orationis vim, & quasi

etus, & solers instructor, absolutissima docendi disciplina redditur.

Porro & illud laudaverim, quod magna studii commendatione à nonnullis vidi præstitum, ut nonnunquam aliam, vel ex Livio causam, belli domive inrer diversas partes agitatam, vel ex ipso etiam Cicerone pro rostris, aut in curia ventilatam producerent, tum deinde veteres ex Rosino aliive depromptos ritus, leges, habitumque, jucunda priscorum temporum imagine, spectatoribus objicerent: illorum, quantum liceret, verbis sententiisque dicentium uterentur. Qua quidem exercitatione non intelligo, quid eruditis spectatoribus possit esse jucundius, quid adolescentibus utilius, quid ipsis facilius Præceptoribus? e. g. Agitur contra Verrem repetundarum à Siculis postulatum. Instruitur Romani iudicii forma, Actor, Judices, Testesque Siculi suo quisquis habitu, sua dicendi ratione audiuntur. Quodque Tullianæ orationi, aut adjunctum, aut interpositum fuisse creditur, hoc Magistrum ingenio ac labore suppletur. Aliàs deliberatio ex eisdem autoribus instituitur, e. g. de Ciceronis domo, rectene illa fuerit Libertati à Clodio consecrata? hic Pontifices adsint, & testes, qui de ritibus consecrationis male adhibitis, Cicerone provocante, doceant. Augeres explorent, num auspicatò Dea Libertas efferri, ac Cicero reduci possit? utrumque judicetur, ac fiat. Operarii etiam à Senatu mittantur, qui diruta rursum exstruant. Pontifici summo felicem Ciceroni reditum præcant. Aliàs gratulatio publica, e. g. Ciceroni in urbem recepto per omnes Italiæ ordines præstita instituitur, cui deinde ipse Gratiarum actionem subiciat. Aliàs ex Livio bellum aliquod solenni ritu per feriales denunciatur, ultro citroque Legatorum orationes pro bello aut pace audiantur, consuetisque hæc ritibus peragentur.

Quod si tamen quippiam ex posterioribus sumptum temporibus atque imitatione expressum fuerit, usum quoque legibusque temporum res gerenda est. Quocirca hodiernos iudiciorum ritus, præter veteres de Antiquatibus in *Palastra styli* adjeci, ut & his aptari causæ possent, ac veluti per quendam eloquentiæ ludum, sicut in tessieris pueri

lite-

litterarum signa, ita adolescentes hanc satis implicatam judicandi rationem capere

Certè ut pleraque Ciceronis Orationes judicium spectant, ita minimè difficilis fatura est illa rituum legumque præsentium introductio, si causæ causis, tempora temporibus permutentur.

His ad communem quâ Magistrorum, quâ discipulorum instructionem præmisissis, ad ipsam Tullianarum Orationum expositionem venio, ut & legere has adolescens cum judicio, & imitari cum fructu possit.

CAPUT III.

Ratio & ordo, in artificio Tullianarum Orationum exponendo, & ad imitationem proponendo, observatus.

QUOD in Palæstra Eloquentiæ ligatæ, in Virgilio Poëtarum Principe, tanquam idea perfectissima, exponendo, præstiti: dum conceptus, amplificationemque argumentorum brevi methodo complexus sum, aliaque simul imitationi idonea suggesti; hic non censui omittendum: ne in præcipua eloquentiæ parte, tanquam epilogo instructionis meæ, quâ facilitatem copiamque omnibus ad hæc studia comparare conatus sum, remissius videar, pro illorum emolumento, desudasse.

Age igitur, mi Lector, & velut in parva imagine optimi Oratoris Tullii lineamenta pulcherrima expressa accipe.

1. Quidem totius Orationis locum, tempus, actores, & auditores, ex quibus judicium facies de accommodata non rebus tantum, sed & temporibus personisque dictione, quæ ratio prudenti cuivis Oratori est observanda.

2. Intelliges argumentum, seu quæstionem propositam, cuius summam tibi plenius, cum suis adjunctis historia Ciceronis à me superius data exponet.

3. Argumento universali totam Orationis vim, & quasi

CAPUT II.

*Quemadmodum his tam Magistri, quàm Discipuli
ad profectum in eloquentia uti
possint.*

Dedi instituti mei rationem ordinemque, nunc quemadmodum docendo Magistri, Discipuli verò discendo, hoc in suum vertere commodum possint, videamus.

Principio Magister inventionis curam pro Discipulis prolixiori aliquantò scriptionis argumento subeat, digito tamen semper in fontem unde argumentum hausit intento, ut hoc ipsi exemplo sequi discant, eandemque pari in reviam terant.

Deinde hoc à discipulis potissimum studium deponcat; ut quam subjecit calamo materiem rudem incultamque, hanc illustrioribus figuris, (quas etiam verbo præscribet) ad ornatum Rhetore dignum excolant. Neque de verborum figuris magnopere laborandum erit, aut sententiarum omnes operosè urgendæ sunt. Etenim vulgares spontè affluent, satisque has erit solo, ut ita dicam, nomine ac vultu dignoscere. De nobilioribus cogitandum est sæpius, ut hæc in familiaritatem traducantur. Quarum expeditum variumque usum Transitiones nostræ oratoriæ lib. I. supeditabunt. Sed hic labor cum facilis sit, diuturnus esse non debet. Mensis unus ad omnem figurarum apparatus & noscendum & comparandum etiam nimius est. Paucae sunt, quibus hæc cura debeat, & tam raræ pleræque ut sensum feriant, & bis terve usurpatæ in consuetudinem admittantur.

Judicium suo loco adhibendi ætas acuet, & lectio Tulliana limabit. In hoc verò exercitiò, juverit nonnunquam illa, quæ ex Cicerone deprompsimus exempla, aut siquæ in manibus adolescentum sunt alia, verbis phrasibusque, quantum licet, retentis, alio tantum figurarum inducere habitu. Magnum enim hinc ad omnem imitationem accedet scribenti emolumentum; cum figurarum promptior omninò sit, quam verborum phrasiumque, permutatio.

Tertiò ad ipsam inveniendi disciplinam ita adolescens traducendus est, ut & illa quæ in quovis dicendi genere maximè per distributos à me fontes, investiganda sint apprehendat, & quemadmodum ex quibusque copiosè hauriendum sit fontibus, non ignoret. In his enim duobus tota copiosè ac victoriosè disserendi ratio continetur. Solo enim verborum & figurarum lenocinio non perfringes animos præsertim oblectantes, vi ac pondere rationum contendendum est. quibus cum habilis ornataque dicendi facultas accesserit, quidvis obtinebis. Hanc ad rem serviet inprimis illa æconomia orationum Ciceronis: sub una ferè propositione à me exhibita. Ut hic velut in tabella ostendas, quemadmodum Cicero, per diversa idem urserit propositum argumenta, & quibus illa fontibus deprompserit, tum deinde ad unius facti, argumentique à me exhibiti exemplum transeas, & qua illud ratione uno pluribusve ex locis amplificaverit, demonstres primò, ac simili postea materià (qualem ferè subjeci) jubeas imitando sectari. Via nulla ad eloquentiam expeditior est. Huic igitur exercitio, per omnes orationis partes, studiosè immorandum, huc omnis conferenda industria, cum Magistris, tum discipulis est. Nihil verò Magistris hac ratione poterit esse promptius, quodque minori ipsi labore præstent, discipuli tractent utiliore.

Nam & ipsi orationes, quæ in manibus adolescentum ex more sunt, omnes facili expositione decurrent, summam rerum inculcando, nobiliora passim loca, transmissis minus illustribus, imitationi, præfigendo: & discipulo nihil eorum fugiet, quæ in illis observatione digna recondantur, cum alias scientiam omnem in libris, tanquam clausum in vagina gladium gerant. quos principio anni assumant, in fine, parvo ad eloquentiam emolumento, rursus deponant.

Quartò præcipua discipulorum cura sit, in scholis advigilare, quemadmodum idem ex Tullio prototypon, diverso à diversis imitanti labore ac colore expressum est, quidque in cæteris Magister inprimis probet, quid emendet, ac de suo adijciat.

Quod si etiam attulerit Magister suo Marte elaboratum

tum quippiam atque ad ideam Ciceronis expressum, hoc prælectum observatumque magis etiam profuturum est. Et hæc observatio non vulgarem in discipulis profectum habet, cum limitata cujusque intra certos prototypi terminos scriptio, neque in quodcumque amplificationis genus effusa, certiorẽ audienti cognitionem præstet, & faciliiori judicio æstimetur, ut inter illos, qui eadem currunt viâ, quàm qui diversâ, quantum quisque antecellat, facilius intelligitur.

Quintò neque Magistro, neque discipulis hæc in meta subsistendum est. Quæ Suada favente exarata sunt, cultuque elegantiore ornata, hæc in libros scriptorios referenda sunt, atque etiam nonnunquam recolenda, quò & quondam abs te natis delecteris, & sæpius repetitis eloquentiam nutrias. Etenim & hæc, sicut pleraque omnia, neglectu veterascit, ac rubiginem contrahit, nisi retractetur. Magistri igitur solertis est, unâ alterâve septimanâ lapsâ, suis in armis lustrare hunc militem, & cavere ne hastam clypeumque Palladis abjiciat; ne stylum adolescens desidiosè verset, ne dormitet in Pluteo Cicero, imitatio jaceat, nihil dignum in adversaria referatur.

Sextò in theatrum quandoque producendus est, exercenda memoria, excolenda vox, mores ad honestam actionem, dissertationemque formandi. Plurimum hæc exercitatio ad perfectam eloquentiæ rationem conferret. Minus enim longè eloquendi decus est, quod intra solum animi secretum calamique tantum vocalis ductum concluditur, quàm quod ex ore diserto fluit, quod linguam, manus, oculosque per Reginam, & dominatricem affectuum eloquentiam moderatur. Quod in sacris exedris, quod in Regum & Principum aulis, quod in consiliis & legationibus, quod in omni communitate hominum quendam occupat dominatum, inflectit, trahit, retrahit, impellit animos longè potentiori imperio, quàm supremi etiam tyrannorum sibi queant vendicare. Ad hoc igitur decus flexilem habilemque inprimis juventutem provocare industrii Præceptoris est.

Demus verò nonnullos inter adolescentes parum idoneos; paucos tamen in hæc exercitatione præteriri cupiamus.

piam. Est sæpe informe principio lignum, unde expolitus denique formatur Mercurius. Hoc igitur dicendum in plures divisim partiatur, idemque etiam pluribus memoriæ tradat mandandum, capaciores verò ex his, & maximè idoneos in publicum producat, reliquisque spem faciat, propediem alia inter rudiores dictione palmam relatueros, dignioresque futuros publico: plusculum adhuc exercitationi tribuendum, ne cum rubore scenam ingrediantur. Plurimum hæc industria & Magistro & discipulis est profutura. Illi quidem, ut idoneos plerumque in theatrum producat, delectu ex melioribus habito: his, quòd ab hoc exercitio nemo excludatur: omnes, si minus ad dicendum prodeant, certè memoriā excolant, & non parva eloquentiæ præsidia animo complectantur: prout etiam aliquam saltem ad rectè pronuntiandum agendumque instructionem hausisse, quam maturius deinde iudicium facilius perficiet.

Verùm hic providendum inprimis Præceptorī est, ne quid minus apta dictione excultum discipulis & publico committat. Indignum enim est adolescentes inutilium ad eloquentiam rerum exercitatione ita occupari, ut qui plurimum sæpe agendo distinentur, cæteris deinde imperitiores sint. Hoc sanè esset artem hanc facultatemque evertere, non adstruere. In eloquentiæ præsidium hæc exercitatio reperta est, non in detrimentum, nec ita in actione formandus est, ut artis cognitio, quæ animi est, negligatur: nec frigidis ac malè concinnatis dissertationibus memoria fatiganda, mens occupanda est, quando tot hominum eloquentium opera provisum est, ne opportuna disserendi materia desit. Præstat vel magis occupatum, vel minus expeditum eloquentiæ Magistrum, aliena, quàm minus culta producere. Fructu hæc discipulorum, non magistri æstimatione definienda sunt. Sat eruditus Magister, qui eruditos discipulos educat. Mediocrium in docendo solertia, nonnunquam disertissimorum in erudiendo felicitatem superat, & à minus docto Magistro, doctiores prodeunt discipuli. Tantum sæpe refert, non à quo, sed quo modo instruat. Cum utrumque jungitur, & doctus,

ctus, & solers instructor, absolutissima docendi disciplina redditur.

Porro & illud laudaverim, quod magna studii commendatione à nonnullis vidi præstitum, ut nonnunquam aliam, vel ex Livio causam, belli domive inter diversas partes agitatam, vel ex ipso etiam Cicerone pro rostris, aut incuria ventilatam producerent, tum deinde veteres ex Rosino aliisve depromptos ritus, leges, habitumque, jucunda priscorum temporum imagine, spectatoribus objicerent: illorum, quantum liceret, verbis sententiisque dicentium uterentur. Qua quidem exercitatione non intelligo, quid eruditis spectatoribus possit esse jucundius, quid adolescentibus utilius, quid ipsis facilius Præceptoribus? e. g. Agitur contra Verrem repetundarum à Siculis postulatum. Instruitur Romani judicii forma, Actor, Judices, Testesque Siculi suo quisque habitu, sua dicendi ratione audiuntur. Quodque Tullianæ orationi, aut adjunctum, aut interpositum fuisse creditur, hoc Magistri ingenio ac labore suppletur. Aliàs deliberatio ex eisdem autoribus instituitur, e. g. de Ciceronis domo, rectene illa fuerit Libertati à Clodio consecrata? hic Pontifices adsint, & testes, qui de ritibus consecrationis male adhibitis, Cicerone provocante, doceant. Augeres explorent, num auspicato Dea Libertas efferri, ac Cicero reduci possit? utrumque judicetur, ac fiat. Operarii etiam à Senatu mittantur, qui diruta rursum exstruant. Pontifici summo felicem Ciceroni reditum præcant. Aliàs gratulatio publica, e. g. Ciceroni in urbem recepto per omnes Italiæ ordines præstita instituitur, cui deinde ipse Gratiarum actionem subjiat. Aliàs ex Livio bellum aliquod solenni ritu per feriales denunciatur, ultro citroque Legatorum orationes pro bello aut pace audiantur, consuetisque hæc ritibus peragentur.

Quod si tamen quippiam ex posterioribus sumptum temporibus atque imitatione expressum fuerit, usu quoque legibusque temporum res gerenda est. Quocirca hodiernos judiciorum ritus, præter veteres de Antiquatibus in *Palæstra styli* adjeci, ut & his aptari causæ possent, ac veluti per quendam eloquentiæ ludum, sicut in tessleris pueri

lite-

litterarum signa, ita adolescentes hanc satis implicatam judicandi rationem capere

Certè ut pleraque Ciceronis Orationes judicium spectant, ita minimè difficilis fatura est illa rituum legumque præsentium introductio, si causæ causis, tempora temporibus permulentur.

His ad communem quâ Magistrorum, quâ discipulorum instructionem præmissis, ad ipsam Tullianarum Orationum expositionem venio, ut & legere has adolescens cum judicio, & imitari cum fructu possit.

CAPUT III.

Ratio & ordo, in artificio Tullianarum Orationum exponendo, & ad imitationem proponendo, observatus.

QUOD in Palæstra Eloquentiæ ligatæ, in Virgilio Poëtarum Principe, tanquam idea perfectissima, exponendo, præstiti: dum conceptus, amplificacionemque argumentorum brevi methodo complexus sum, aliaque simul imitationi idonea suggesti; hic non censui omitrendum: ne in præcipua eloquentiæ parte, tanquam epilogo instructionis meæ, quâ facilitatem copiamque omnibus ad hæc studia comparare conatus sum, remissius videar, pro illorum emolumento, desudasse.

Age igitur, mi Lector, & velut in parva imagine optimi Oratoris Tullii lineamenta pulcherrima expressa accipe.

1. Quidem totius Orationis locum, tempus, actores, & auditores, ex quibus judicium facies de accommodata non rebus tantum, sed & temporibus personisque dictione, quæ ratio prudenti cuivis Oratori est observanda.

2. Intelliges argumentum, seu quæstionem propositam, cuius summam tibi plenius, cum suis adjunctis historia Ciceronis à me superius data exponet.


3. Argumento universali totam Orationis vim, & quasi

quasi pectus complexus sum, ex qua, tam illius artificium, quàm distributionem facile comprehendas, quæ suas deinde per partes, rationibus subjectis probetur, & amplificetur, parique in materia, sine difficultate, exprimi possit.

4. Ab exordio, ad epilogum usque, totum orationis corpus brevi imagine comprehendo, ut quid in singulis actum partibus, quemadmodum cohærescant, rudiores etiam queant intueri, atque imitatione, cum opus, reddere, in quo numeris Alexandri Scot adhærere placuit, qui si desint lectori, facile ex ordine locum assequetur.

5. Censuram dictionis rudem, pro lectoris diligentia, ad optimorum quorumque observationem, exacutenda adjiciam; cum omnes omnibus, aut non vacet, aut non lubeat inhærescere; & constet, non ubique Ciceronem eundem esse; alibi festinantem neglectumque, spinosum alibi; sæpe & humilem, submissumque, ad vulgi aures animumque penetrandum. Hic tamen non idem omnium sensus est. Nos in Palæstra styli regulas dedimus, ad quas liceat dissentientes expendere.

6. Materiam imitationi idoneam denique, ad utilissimam juventutis exercitationem, subjicio, nihil enim adolescentes, multarum præceptionum hac in arte minus capaces, facilius expeditiusque ad eloquentiam provexit, quàm illa ad imitationem instituta exercitatio, ut hæc una omnium præceptorum instar haberi possit.



CAPUT IV.

Oratio I. Voluminis Ciceronis.

ORATIO I.

Pro P. Quintilio.

H Abita est à Cicerone anno ætatis suæ 26. Urbis Cond. 672. M. Tull. Decula & Cn. Corn. Dolabella Coss. in Comitio juxta Curiam.

Quæstio judicialis, sive controversia est.

*An Sex. Nævius bonorum P. Quintii ex edicto
Prætoris possessor & Dominus
factus sit ?*

Cicero pro Quintio adversus Nævium negat. contra affirmat Hortensius, Judex C. Aquilius datus est, Assessori-
bus L. Lucullo Quintilio & M. Marcello.

Argumentum, quod orationis totius distributionem, & artificium continet, illo enthymemate comprehendimus.

Nævius neque causam habuit possessionem à Prætoris ex edicto postulandi, neque adire ex illo potuit, ut cujus verbis comprehensus non esset; nec denique legitime adiit. Ergo nulla ratione possessor ac Dominus factus est.

Exordium ad benevolentiam Judicis captandam totum fertur à persona sua, cui eloquentia & tempus desit; Quintii, cui amici, & æquitas hæcenus defuerit; Judicis, quem æquitati, & homini misere jactato defuturum non speret.

Narratio à n. 11. usque ad 35. stylo familiari culta est; exponitque qua ratione in Galliis societas inter Quintium & Nævium coaluerit, & hujus fraude & cupiditate illa sit dissoluta.

Propositio à n. 35. usque ad 37. tres in partes supradictas orationem patitur.

Confir -

Confirmatio positum supra argumentum per tres partes probat. I. *Quod Nævius causam non habuerit postulandi ex edicto Pratoris, ut in bonorum Quinctii possessionem immitteretur, sic probat: quia nihil illi Quinctius debuit, cum intra annum & sex menses nihil sit postulatum; neque vadimonium deseruit, quale illi cum Nævio non intercessit: aut si deseruisset, ad hoc extremum non erat Nævio descendendum. usque ad n. 60. Hic locus communis est de jactura fama, quæ fit in proscriptione bonorum à n. 49. usque ad n. 55.* II. *pars, quod edicto Pratoris comprehensus non sit Quinctius, probatur: quia nec latuit, nec solum vertit, nec indefensus fuit. usque ad n. 73.* III. *pars, quod legitime non audierit Nævius.*

Probatur I. quia non vendidit bona Nævius, nec Sponsores creditoresque reliqui, ut moris, non convenerunt.

2. Ipse Quinctius à Nævio ut socius emptionis adhibitus est, in bonis Sex. Alpheni emendis.

3. Ipse secum Nævius pugnat, quia post Prætoris editum Romæ postulatam nuntius in Galliam ad Quinctium transire intra biduum non potuit, post quod tamen Quinctius bonis dejectus est. vi igitur edicti dejici non poterat usque ad n. 85.

(*Peroratio*) principio destituta, I. *enumeratione* brevi præcipuas rationes colligit, usque ad n. 91. Deinde *amplificatione illustri* per comparisonem, incrementum, & deprecationem extollit calamitatem Quinctii, & Judicis misericordiam potenter implorat.

CENSURA.

Hac oratio adhuc juvenile minusque excoctum ad maturitatem Ciceronis ingenium redolet, fractis minutisque exultat sententiis, & figuris quibusdam affectationem non vitat. Exordium & peroratio plus laboris ostendunt, & eloquentia, quibus locus unus alterque communis, magis adolescentibus observandus accedit.

IMITATIO.

In simili Orationis conceptu & materia.

Universè de imitatione observandum est, quod alibi
in

in Palæstra styli tradidimus, eam vel rerum, vel verborum esse, & utramque, vel proximam, vel remotam. De verborum imitatione illic actum fufius; de rebus hic etiam solliciti erimus. Res autem propinquæ censentur, quando sub eodem sunt rerum genere; ut cum sacrilegium sacrilegio, parricidium parricidio comparatur, remotæ sub diverso sunt genere, ut cum sacrilegio blasphemia in Deum, quæ est quoddam divini honoris furtum, aut cum parricidio peccatum quodvis mortiferum confertur, quia animam hominis occidit. Illa igitur imitatio in propriè, hæc in translata similibus consistit, ideoque plus artis ingeniique complectitur; illa rudiorum, hæc perfectiorum; ab illa incipiendum, in hac desinendum est. Quo rectè expenso, difficile non erit in utroque genere materiam reperire imitationi idoneam, nisi planè antiquitatis & historiarum ignarus ad hunc laborem accesserit.

Orationem pro *Quinctio* imitari licebit, propinquè atque eodem in genere, in defensione Ecclesiasticorum, quos per Europam à novarum religionum sectariis avitis possessionibus exclusos videmus: aut eorum, quos belli iniquitate circumventos ejectosque conspiciamus. In priori materia, Romanus actor contra Anglum, vel Germanum, Cæsare Judice, tale formare orationis argumentum ad imitationem Tullianæ poterit.

Qui causam non habuit ex edicto Cæsaris possessionem Ecclesiasticorum bonorum postulandi; neque adire ex illo potuit, ejus verbis comprehensus; nec denique hac via legitimè adiit: hic verus possessor habendus non est. Sed quilibet sectariorum, nec causam habuit adeundi, nec ex edicto adire potuit; nec legitimè hac via adiit. Ergo non est factus verus possessor.

Propositio major certa est, ideoque illius probatio ut in *Quinctio* (ubi idcirco solo enthymemate totum argumentum complexus sum) prætermissa est, ita & hic, tanquam fundamentum differendi supponitur, confirmatur.

Assumptio igitur, per suas partes, ad Tullianam quoque ideam justis erit rationibus, & stabilienda, & amplificanda. Sed in his rationibus modus tranctandi ma-

gis, quàm res ipsa (quâ non rarò dissident) spectandus est.

Confirmabit primam partem quod causa postulandi defuerit: quòd Ecclesiastici neque debuerint Sectariis bona sua, neque hæc universè tanto numero Ecclesiarum, quanto ab illis occupata sunt deseruerint. Partem alteram firmabit, cum dicet, edicto Imperatoris, si quod fuerit, non comprehendi iniquos inuadores, sed qui titulo iusto occuparint. Deinde juri Romani Pontificis, quem superiorem hac in re agnoscat, non potuisse derogari, cum hic, neque hanc causam subterfugerit, nec reliquerit indefensam. Partem alteram, quò legitimè non adierint, stabiliet, quòd nemo hæc bona emat; ideoque tacito sensu omnium, velut iniqui obtentores damnetur. Deinde, quòd alii sectariorum meliori vel pari jure sibi illa deberi titulo religionis contendunt, ut inter illos verus hoc nomine Dominus non possit distingui. Denique cum vi atque armis citra Judicis sententiam, occuparint, illegitimè obtinent. Ergo veri esse possessores nequeunt.

En confirmationem quâ Romanus causam suam imitando quærit tueri, (nihil enim, post inventam expositamque quæstionem, seu controversiam, prius debet) qui deinde perorationem, tum ab enumeratione rationum, tum amplificatione, & exaggeratione calamitatum Ecclesiæ veteris facillè subnectet, ac postremò ad Exordium se transferet, ubi à Romanæ Ecclesiæ dignitate, à priscis Germanis cum imperio suscepta & defensa, ab illius nunc miserè jactatæ discerptæque specie, à causæ ipsius æquitate, auditorum ac Cæsaris captabit benevolentiam. Et sic denique totum orationis corpus absolvet.

Quod si deinde & remotam imitationem, sub diverso genere, placeret instituere: assumatur illud, quod Protestantes reponunt: nimirum Ecclesiastica bona se non abstulisse viris dignis; sed ad hos, qui Christi Ecclesiam bonis moribus, & præceptis veræ fidei reformarent, transtulisse, erectam à se rursum jacentem, non prostratam esse. Hinc, inquam, formetur hæc controversia inter easdem partes.

Quæ-

Quæstio.

*An Germani Ecclesiam juxta legem Christi jam
collapsam instauraverint?*

Neget Romanus hoc argumento.

Qui nec causam ex praecepto Christi Ecclesiam ipsius instaurandi habuit, nec illo praecepto comprehensus est, ut instauraret, nec denique instauravit, sed destruxit, is immeritò sibi hoc officium vendicavit.

Protestantes neque causam habuerunt, neque ullo praecepto comprehensi sunt, nec denique instaurarunt, Ergo immeritò hoc sibi munus vendicant. Hujus syllogismi assumptio cum tantum negetur, majore propositione supposita; uti tribus constat partibus, sic per easdem ordine erit probanda, quòd in illa sola causæ judicatio, seu criminomenon contineatur.

(*Confirmabit*) itaque partem 1. quia nondum Christus deferuit Ecclesiam, aut Ecclesia Christum, ut reducendus ab his novis Apostolis fuerit; aut si deferuisset, ab impuris atque ad carnem degenerantibus hominibus reduci non poterat, cum Apostoli ut Christum sequerentur, uxores relinquerent, hi primùm quærerent, &c. Deinde Ecclesia his parere, ac subesse, non debuit; cum non posset scire cujus venirent nomine, qui, ut omnes prisca hæretici, verbum Dei ore præferrent, & opere destruerent.

2. Pars probabitur, quod Deus nullis nisi supremis Ecclesiæ Episcopis hanc instaurandi potestatem dederit, aut certè Prophetis, vel Apostolis, per operum miracula suam legationem testantibus, quorum neutrum illis septentrionis Prædicantibus conveniat.

3. Quod non instaurarint, sed destruxerint Ecclesiam patet 1. ex confusione omnium religionum, & summa libertate cum fidei tum scelerum passim, ipso Luthero teste, introducta. 2. Ex cultus divini cum neglectu, tum despectu ubique consecuto, qui inter Catholicos noctu diuque per Ecclesiam magna dignitate apparatuque continuatur. 3. Ex proscriptione consiliorum Evangelico-

rum Christi, & enormibus mendaciis, quibus Catholicos onerant; ut plurimi his deprehensis ad mentem ab errore revocentur. Vi igitur legis divinæ, talem instaurationem auspiciari Protestantes non potuere.

In Peroratione atque Exordio facilis erit, ut visum supra, imitandi ratio.

En prolixius aliquantò datum, cum propinquæ, tum remotæ imitationis exemplum; ut noveris in cæteris pari via Ciceronis vestigiis insistendum esse. ubi brevitatis causa mihi lectorique satis fuerit, solam materiam idoneam imitationi paucis designasse: ne alieno studio rem tantillam non videar detulisse. Nolim tamen in hujus tē orationis imitatione diu morari, at solis dignioribus tantum insistere. Locus ille communis de *jactura fama*, contra desertores & apostatas nostræ religionis serviet, inter suos alienosque contemptim habitos.

ORATIO II.

Pro Sex. Roscio Amerino.

Dicta in foro, anno Cicer. 27. Urbis Cond. 673. Cornel. Sulla & Q. Cæcil. Metello Consulibus.

Quæstio duplex est.

An Sex. Roscius patrem suum interfecerit? & an eo nomine bona ejus ab adversariis justè occupata sint?

Negat Cicero, affirmat Erutius, cum duobus Rosciis Capitone & Magno, tum Chrysogono Syllæ liberto. Judex M. Fannius, cum assessoribus, Ciceroni assensi sunt, ut Plutarchus memorat.

Argumentum ad quæstionis negatæ partem primam tale est,

Sext. Roscius neque voluit, neque potuit occidere patrem. Ergo est innocens.

Contra Tit. Roscius & voluit & potuit. Ergo hic nocens pro illo habendus est.

Alteram quæstionis negatæ partem hoc argumento fundat

dat : *Bona Sex. Roscii nullo jure vendi poterant. Ergo injustè sunt à Chrysogono aliisque occupata.*

Exordium ad benevolentiam captandam dispositum est, à persona Tullii reliquis se Oratoribus posthabentis usque ad n. 5. Adversarii Chrysogoni, ut cujus potentia & postulatio improba sit : Sex. Roscii omni auxilio in sua innocentia destituti, usque ad n. 10. denique & persona Judicis, in cujus æquitate, tum Cicero, tum Roscius, in tam atroci causa, confidat, usque ad. n 14.

(*Narratio*) illustrem rei gestæ, hoc est Sex. Roscii patris occisi, filii verò tanquam parricidæ, ac aliis Rosciis, & Chrysogono bonis paternis dejecti, expositionem continet. usque ad n. 35.

Propositio tria esse præstanda docet 1. crimen parricidii ab Eurutio objectum diluendum, 2. audaciam Roscorum infringendam 3. & Chrysogoni potentia resistendum. primum sibi, alterum tertiumque Judicibus maximè impostum esse declarat, usque ad n. 37.

Confirmatio 1. partis (cui admiscetur *Refutatio* adversarii) quòd Sex. Roscius non voluerit patrem occidere, probatur ex gravitate flagitii, quòd homo incorruptus (ut Sextus erat) patrare non voluerit. Neque obstare aut declarare odium, (ut Erutius objicit) quòd ad agros colendos Sextus à parte amandatus sit : cum utilitatis & jucundioris vitæ gratia illud à parte factum, aliorum exemplo, & à filio admissum fuerit, ubi à num. 48. usque ad 52. *Laus vitæ rustica* in priscis Rom extollitur. Alterum adversarii argumentum, quod pater Roscius filium exhæredare statuerit, negat Cicero, vel causis scelerum datis, vel certa testificatione ab Erutio probari, accusatoris hac in re officio malè perfungenti. ubi illustri comparatione, ab anseribus & canibus Capitolii ducta, *accusatorum munus exponit* à n. 55. ad 58. ac deinde Erutium contemptorem sui exagitat, postremò n. 63. ad illud, unde inceperat, *parricidii scelus exaggerandum* ab exemplis, à conscientia oblectatione, à pœnis denique gravissimis, revertitur, & sic primum primæ partis argumentum concludit n. 73. Deinde non potuisse Sex. Roscium occidere suum patrem, sic probat. vel enim per se, vel per alios id potuisset ; per se

non potuisse manifestum est, cum Romæ non fuerit, & vira rustica tantam malitiam non suadeat, neque ut n. 77. per servos factum, cum id non probetur ab adversariis, qui tamen abstractos à Sexto famulos in manibus habebant; ut nec ab his Sexto ipsi, de cædis autoribus, liceat investigare. Postremò n. 80. sensim *declinat ad retorquendum* in ipsos adversarios parricidii crimen *transfusione illustri*.

Pars altera argumenti fundamentalis primi, *quod Tit. Roscius & voluerit & potuerit occidere* sic probatur, à n. 84. *Voluit*; tum quia magnum Tit. Roscii ex ea morte commodum, tum quia egens, avarus, audax, interfector inimicissimus n. 86. usque ad 90. ubi rursus Erutium accusatorem canis omnes allatrantis similitudine per digressionem exagitat, usque ad n. 92.

Deinde *potuit occidere*, quia & Romæ fuit, & Sicarius de societate Chrysogoni sectoris, hoc est, emptoris bonorum à Sulla damnatorum n. 39. sed & occidisse meritò visus est, cum Glaucia cliens Titi, & sceleris patrator, una nocte admissum parricidium, Româ Ameriam excurrens, Roscio Capitonî complici nuntiaverit, præterito Sex. Roscio interfecti filio, usque ad n. 99. ubi ex sceleribus Capitonis, ac deinde & Tit. Roscii ostendit, illos testes in propria causa (quod nec Scipio Africanus sibi arroget) esse non posse, usque ad n. 104. Deinde ex consequentibus idem confirmat; ut nuntio intra quatrimum ad Chrysogonum in castra Syllæ translato, bonorumque participatione ad quam T. Roscius & Capito sunt admissi, ac denique Capitonis studio, ne rem Sylla per legatos sibi adjunctos cognosceret. ubi n. 111. *de fide legatorum* præsertim amicorum per digressionem agit, atque ex ea, per Capitonem tanto scelere violata, facinus exaggerat, usque ad n. 119. Postremò ex servis Sex. Roscii à quaestione per adversarios subductis criminis suspicionem auget, usque ad n. 123

Pars 3. *Quod bona Sexti jure vendita sint*, cum nec ex adversariis Syllæ occisis fuerit, nec ex proscriptis (quorum bona venierunt) quin & alio tempore, atque infra pretium, vendita sint, quæ si non animadvertit Sylla; non
mirum

mirum, si in tanto imperio quædam illum effugerint, cùm nec Jupiter sit omnibus idem, usque ad n. 132.

Deinde Chryfogoni potentiâ in capitis etiam periculum, post erepta bona, Sextum adduci queritur, *luxumque ejus modesticum, & fastum describit* à n. 133. usque ad 136. denique si per bellum Syllanum tantum improbis hominibus liceat in inocentes, oppressum pop. Rom. per illud asserit. usque ad n. 143.

Peroratio inducit I. Sex. Roscium per *prosopepœiam* Chryfogonum orantem, ut sibi jam saltem omnibus rebus *spoliato ac cedenti vitam liceat retinere*, usque ad n. 146. Deinde per Apostrophem idem urget Cicero, illius crudelitatem & aliorum defendentium miserationem extollens, usque ad n. 150. Postremò Judicum misericordiam hac in causâ implorat, ex cujus iniquitate etiam proscriptionum liberi erunt opprimendi.

C E N S U R A.

Oratio planè illustris est, narratione gravis, descriptionibus ac digressionibus in locos communes amœna. Eminent laus vite rustica. n. 49. Accusatoris officium descriptum est. n. 56. gravitas parricidii exaggerata n. 64. Fides in legatis requisita n. 112. Luxus & fastus hominis aulici n. 134. Spoliato vitam adimendam non esse n. 144. egregie declaratur.

IMITATIO.

Digna est quam plerisque locis diligenter sapiusque imiteris.

In eodem genere propinquè imitari poteris, si causam filiorum Herodis ex Mariamna, Alexandri & Aristobuli, Pheloras contra Antipatrum (ejusdem Herodis ex Doride filium) accusatorem suscipiat, ostendatque illos neque voluisse, neque potuisse, utpote Roma absentes, hunc verò & voluisse, utpote hereditati jam illi collata inhiantem, & potuisse, utpote presentem, parricidium moliri. Postremò & Doridem, propter potentiam ac conspirationem cum filio, in suspensionem criminis vocet. Vnde & tripartita, uti pro Roscio, constituetur oratio. Historia verò ex Salliano, aut aliis cognosci poteris.

Remotè eandem imitaberis, si ostendas, præcipuorum in Anglia aut Germania bellorum Sectarios novarum religionum; non verò Clericos aut Religiosos, autores esse, cum illi & velint, & possint; hi nequaquam id agant. Postremò illorum fastum & cupiditatem, quâ Ecclesiasticis bonis inhiant, licebit describere, Chrysogonos enim plures reperies.

ORATIO III.

Pro Roscio Comædo imperfecta.

Dixit hanc Cic. in Comitio anno ætatis 31. Urbis 677.
Cn. Octavio & C. Scribonio Coss.

Quæstio.

*An Roscius Fannio ex societate
debeat.*

Negat Cicero, affirmat pro Fannio P. Saturius, Judex est C. Calphurnius Piso cum Adfessore M. Perpenna.

Argumentum tale est, Roscius ex tabulis, & verbis propriis, de obligatione convinci non potest. Ergo nihil debere ex societate censendus est.

(*Confirmationis pars.*) *Argumentum* probatur. Quia & Fannii tabulæ fide carent; & nomen Roscii non in tabulis, sed adversariis tantum, quibus longè minor est fides, reperitur, usque ad n. 8. Deinde ipsius Fannii testimonio Roscius absolvitur, usque ad n. 16. Postremò nihil Fannio promissit, nihil igitur debebit.

Refutatio rationum appositarum. *Prima* erat, quod Roscius, ut histrio, nulla religione duceretur. Cicero igitur illustri utriusque comparatione probum Roscium esse demonstrat. à n. 17 usque ad 22. *Altera*, quod Roscius auri cupidus, fefellisse censendus sit, negat Cicero, cum neque egestate, nec ære alieno ad hanc cupiditatem concitetur; imò multa neglexerit, quæ honestè consequi posset, usque ad 24. *Tertia*, quod fraudarit, negat, cum de fraude, juxta formulam Prætoris, non insimularit, usque ad 27. *Quarta*, quod Panurgum famulum utrique communem Roscius solus, pecuniâ acceptâ, vendi-

vendiderit, refutat; cum si institutio spectetur solius Roscii Panurgus fuerit; is tamen solam tantum partem ex societate debitam sibi acceperit, nulli injurius, usque ad n. 56. & finem.

CENSURA.

Hæc oratio ut mutila est, & solam confirmationis partem cum refutatione habet; sic præter elegantem probi cum improbo à n. 18. usque ad 21. comparisonem nihil habet magnopere observandum.

IMITATIO.

Servire poterit imitanti in commerciorum & societatis fide commendanda, quæ nisi cum probitate jungatur, sæpe fallit. In remotiori materia serviet, si Actor suum Advocatum, aut Paterfamilias Villicum, aut Princeps aliquem Praefectorum, ob causam, aut rem malè administratam, in judicium vocet, sibi-que deberi eo nomine contendat, quem tamen Orator, ut Cicero Roscium, tueatur.

ORATIO IV.

Divinatio in Verrem,

Sequuntur aliquot Actiones in Verrem Prætorem Siciliae avarissimum & crudelissimum, quas præcedit hoc judicium divinatorium. In quo, pluribus ad eundem accusandum confluentibus, quasi divinando, quæri solebat; quis, tanquam maximè idoneus, assumendus esset?

Quæstio.

An Cicero C. Cornel. Verrem repetundarum à Sicilia delatum, An Q. Cæcilius Niger, Verris

*Quæstor, potius accusare
debeat.*

Admittendum se esse ostendit Cicero, Judice ac Prætore M. Glabrione præsidente, cum pluribus Adfessoribus,

Mm ;

Argu-

Argumentum, quo probat, tale est. *In causa patronus assumendus est potius, quem volunt ii, qui injuriam passi sunt, & quem nolunt, qui injuriam intulerunt, quàm contra.*

Sed Ciceronem volunt Siculi injuriam passi, nolunt Cæcilium, Verres injuria illator, Cæcilium mavult, quàm Ciceronem.

Ergo Cicero pro Cæcilio admittendus est.

In Exordio causam dat Cicero, cur accusationem Verris susceperit, cum hætenus defendere tantum alios solitus sit, tum quòd Siculos sibi ex quæstura amatissimos, contra injurias tueatur (usque ad n. 6.) tum quod Reip. à tam infami Prætorum & neglectarum causarum nomine vindicandæ causa hoc officium recusare non possit. usque ad n. 19.

Propositione se ostensurum dicit, quod Siculi Ciceronem velint, quem Verres recuset, usque ad 12.

In confirmatione, Propositione argumenti, tanquam certam, præteritâ, Assumptionis 1. partem, quod Siculi Ciceronem malint, quàm Cæcilium, probat ex Siculorum legatis præsentibus, idque pro suæ causæ defensione obnixè postulantibus. Ubi *Sicilia* n. 20. & 21. *introducitur* pro popæia observanda est. 2. partem quod Verres cum Hortensio ejus propugnatore Cæcilium malint, quàm Ciceronem, probat ex eo, quod multa ipsi ad accusandum deesse norint; quæ in accusatore bono requirantur, integritatem, nempe & veritatem: ut qui Verris Quæstor in iisdem cum ipso criminibus versatus sit, (quem locum à n. 32. ad 35.) Deinde agendi facultatem, quæ ad tot tamque diversas res (usque ad n. 42.) in tanto populi concursu, adversus discretissimum oratorem Hortensium requiratur, ut cum Allieno Declamatore non videatur posse subsistere. usque ad n. 55.

In Confutatione hæc objecta diluit. Primum n. 55. quòd Verres injuriam Cæcilio fecerit; secundum n. 58. quòd inimicitia intercefferit, ideoque causæ defuturus non sit. Sed Cæcilium, & à pecunia iniquè occupata per Verrem dejectum esse docet; & rediisse postea cum eodem in gratiam. Denique n. 59. & seq. quod Verris Quæstor fuerit, ut conveniat, hunc accusationem instituere, ita Cicero diluit, ut ostendat hoc nomine ab accusatione etiam arcendum, quòd justæ necessitudinis causa minimè violanda intercefferit. usque ad n. 70.

In peroratione Accusatorem constituendum illum tradit, qui præ cæteris de laude, honore, ac fama, sollicitus futurus sit, qualem se præ Cæcilio illorum negligente, fore contendit Cicero.

CENSURA.

Mediocris eloquentia est. Confirmatio præ reliquis imitatione dignissima.

IMITATIO.

Imitaberis, si de Iudice quopiam, aut Pastore digno animarum eligendo agatur, quem abesse ab eis decet vitiis, qua in aliis reprehendit, illa verò pradtum cognitione, qua ad hoc officium requiritur.

Reliqua Verrina, majoris eloquentia, quàm, in materia dispositione, artificii, obiter à me exposita satis imitaturis patebunt.

ORATIO V.

Actio I. in Verrem.

In foro ad ædem Castoris, Glabrione Iudice, dicta est. Qua Cicero novam accusationis formam, per testes introducendos urget. Verremque hac ratione iudicii territum, in exilium egit, reliquis libris Actionum tantum scripto relictis.

Actio hæc sive proœmium accusationis corruptionem Judicum, à Verre spectatam, Rom. Senatui tanquam infamem, subterfugiendam tradit. In exordio præcipuè ac peroratione eminet. Serviet hæc imitanti, ad omnem corruptelam, præsertim iudiciorum, iusta reprehensione perstringendam. Remotior tamen etiam imitatio locum inveniet, si quis potentia, vel autoritate iudiciorum æquitatem immeritò labefactari demonstraret.

Actio II. seu liber I. in Verrem crimina libidinis & avaritiæ exponit, quæ in sua quæstura & legatione per Phrygiam, Pamphyliamque, tum etiam Prætura urbana
Romæ

Actio V. seu liber IV. in Verrem, planè eximia est, ob singularem eloquentiam, quâ multa Verris sacrilegia in domesticis fanis templisque spoliandis, post medium præsertim orationis, exagitat. Eminent verò in cæteris quæ de Rege Antiocho, Segestanis Tyndaritanis & Ennesibus adducit.

Imitaberis, præcipuè in hæreticis Iconoclastis describendis, si illa quæ vel olim illi sub Græcis Imperatoribus in Oriente, vel superiore ætate in Germania ac Belgio sacrilegè egerint, prosequaris.

Actio VI. in Verrem admirabili prorsus elequentia omni loco dominatur, ac præter libidinem, & avaritiam Verris præcipuè crudelitatem, in Siculos & Romanos exercitam, prosequitur. Eleganti allusione ad boni Imperatoris in bello nomen & officium, quod illi non rarò ironicè tribuit, & castris magis Veneris, quàm Martis aptum censeat.

Imitaberis parte prima improbos quosdam duces aut milites describendo, qui libidine, crudelitate, avaritia fructum belli ac victoria amiserunt, hostibus & amicis ludibrio, quales olim in Hungariam & terram S. contra Turcam profecti sunt. In altera parte, vel Tyrannorum veterum, vel hodiernorum hæreticorum, in Christianos savitiam, licebit describere.

IMITATIO.

Verrinarum.

Universè si quis has Verrinas uni cuiquam imitando applicare velit. Calvinus, e.g. vel Henricus VIII. Rex Angliæ, aut etiam ex Veteribus Arius, vel Mahometes proponi queat. Quorum historia vitæ copiosam scribenti materiam sufficiet. Nos Luthero primo hujus temporis Ecclesiæ Rom. & Pontificis hosti, paucis applicemus.

In Divinatione disceptetur; an Lutherus idoneus actor sit, & Judex, qui Pontificem & Rom. Ecclesiam erroris arguat, & condemnet? negeturque. Quòd nec Pontifex, nec Ecclesia talem admittat. à Deo autem ad hoc delectum nullo argumento legationis suæ probare possit.

Hic syllogismus formari poterit, quo tota orationis ratio circumscribatur, ut supra in Divinatione factum.

Propos.

Propos. Ille actor & Judex de erroribus assumendus est, quem Ecclesia injuriam passa, vel Deus manifestis ad hoc signis eligendum declarat.

Assump. Sed Lutherum neque Ecclesia ad corrigendos errores deligit; neque manifestis argumentis Deus vocat:

Complex. Ergo ad hoc institutum Lutherus admittendus non est.

Actio I. Seu Proœmium Accusationis, serviet primò ad scelera Lutheri breviter perstringenda, ut odium erga Pontificem & alios religiosos conceptum, ob negatum sibi Indulgentiis promulgandis quæstum, arrogantiam, quâ se omnibus Ecclesiæ Doctoribus suo judicio prætulit; libidinem, cui opportunitate data palam habenas laxavit, &c. deinde potissima orationis pars in eo versabitur, ut ne patiantur Ecclesiæ proceres, unius hominis audacia, scripturam S. & Verbum Dei tot locis corrumpi, tot libris mutilari, Veteresque atque incorruptos illius interpretes ab hoc judicio submoveri.

Artificium Verrinæ hoc enthymemate continetur:

Anteced. Verres est homo sceleribus multis cooperatus, qui Judices magno ære corrumpere conatur, jamque aliquos suam in partem traduxit, ut testibus certis convincam.

Illatio. Ergo severâ religiosaque sententia, ipsius sceleribus occurrendum est. Ita imitaberis.

Anteced. Lutherus est homo multis sceleribus cooperatus, qui S. literas, quibusdam locis corrumpere, aliis mutilare aggressus est, jus Canonicum Veteris Ecclesiæ proscribit, Sanctos Patres, scripturæque priscos interpretes aspernatur

Illat. Ergo severâ religiosaque Veteris Ecclesiæ sententia ipsius conatibus est obsistendum.

Actio II. in Verrem impietatem Lutheri complectetur, quâ ingratus Ecclesiæ & Romano Cæsari Lutherus, erga nutricem & conservatores suos, vim injuriamque omnem usurpaverit, Deo devotos profanaverit, bona Ecclesiastica rapinæ & avaritiæ cupidorum Principum exposuerit, &c.

Hujus rursus orationis ambitum, uno enthymemate, quem-

quemadmodum Cicero facit in Verrina, complecti poterit. Quæ ratio in sequentibus etiam Verrinis servatur; quia Cicero in hypothefi de Verre plerumque confiftit, ad thefin (quæ in propofitione fyllogifmi exprimitur) raro tranfit.

Actio III. & IV. quia in paucis illuftres funt locis, & nimum profusæ, exprimi in partibus, ab imitatore poffunt. In prima tamen describere licebit Germaniam, ac præcipuè Saxoniam, quantumque ad Catholicam Ecclefiam emolumentum attulerit demonftrare, tum denique quam iniquis atque inconfantibus Lutheri, de fide, ac lege Dei iudiciis depravata fit, oftendere.

Altera Lutherum declarat innocentem effe debere, fi Ecclefie pravos mores velit corrigere, Apoftolorum vitam ipfius moribus opponat. Deinde perstringat illius facinoris improbitatem, quo bona Deo Ecclefieque à majoribus confecrata, ipfo autore, in profanum ufum multis locis traducta funt. Denique quam depravatæ educationis, &olutæ vitæ exemplum pofteris reliquerit, expendatur.

Actio V. Sacrilegas Monafteriorum & templorum violationes, Lutheri aufpiciis, per Germaniam cœptas, multis exemplis, ex hiftoria fuperioris feculi, cognitaf profequitur.

Verrina oratio uno hoc enthymemate stringitur.

Anteced. Verres ob varia facrilegia & fimulacra sublata, Diis hominibusque injurius fuit.

Illatio, Ergo repetundarum reus, & jure puniendus eft.

Ubi hoc obfervandum, quod & in cæteris plerisque Actionibus deprehendes, Illationes, non nifi paucis tangi: quia antecedente probato, illatio per fe confequitur.

Luthero fic applicabis.

Antec. Lutherus ob varia facrilegia, Monafteria fe autore everfa, violatas Deo confecratas Virgines, templa fpoliata, &c Deo hominibusque injurius fuit.

Illat. Ergo & ipfe, & doctrina, ex qua tot malorum principia damnanda funt.

Actio

Sam ære alieno Galliam probat, quòd neq; à Romanis versuræ factæ sint, ut amici Massilientes & Narbonenses testantur, quibus præ inimicis fides habenda est num. I. & seq.

II. Ex viarum munitione quæstum non fecit, cum præfuerint alii, ipso per negotia graviora impedito n. 5. & c.

III. Negat vini portorium ab eo institutum, tantoque graviolem hanc calumniam esse, quo crimen majus est, num. 10. & seq.

IV. Gallicorum testium fidem egregia discussione exagitat, docetque cupidis, iratis, conjuratis, & religione vacuis nihil credendum esse. n. 11. & c. præsertim cum optimi etiam viri, ut nunc Fontejus, olim Pilo fuit, malevolorum quoque obrectationi pateant.

Peroratio illustris, ad impetrandam à iudicibus misericordiam, Fonteius exponit virtutes ac merita, obligationem reip. tales, præsertim bello idoneos, servandi. Deinde adversariorum audaciam, Massiliensium preces, lacrymas etiam Matris ac præcipuè sororis vestalis mirificè extollit.

C E N S U R A.

Duobus hac oratio eminet, uno, quo testium Gallicorum fidem elevat, altero etiam magis, quo perorando misericordiam, præcipuè per Virginem Vestalem, implorat.

I M I T A T I O.

Imitaberis præcipua hac loca in senibus refellendis adversus Susannam testantibus, aut etiam Iudaorum auctoritate contra Christum infringenda.

O R A T I O XII.

Pro Aul. Cacina.

Circa idem ferè tempus quo superior acta est.

Quæstio.

An Cacina ab Æbutio dejectus fundo sit, quando acceære prohibitus est, ideoq; ex interdicto, unde vi, sit restituendus?

Affirmat Cicero, negat Æbutius, apud Recuperatores, Iudices à prætore Dolabella constitutos.

Na

Argu-

Argumentum tale est, qui vi prohibitus est adire fundum suum, quem per villicos adhuc possidebat, hic vi dejectus à suo est, ideoque interdicto, unde vi, restitui jubetur. Ita prohibitus est Cæcina, Ergo est restituendus.

In exordio, ex oppositione personarum Æbutii & Cæcinæ, factorumque utriusque illi invidiam, huic favorem conciliat, & Recuperatores sui officii commonefacit.

Narratio exponit quemadmodum Æbutius procurator viduæ Cæsenniae ejusdem hæreditatem dolo adierit, agrum, quem pecunia Cæsenniae emerat, sibi vendicando; excluso Cæcina (qui viduam duxerat) hærede post mortem Cæsenniae n. 10. & seqq.

Confirmatio refutatione mixta, n. 24. & seq. testes inducit, quibus armata vi prohibitum Cæcinam probat. Quo admissio, n. 34. quærit, an non aliqua actio contra hanc vim detur; & quæ alia, quàm de interdicto, unde vi: neque ex eo quod cædes facta non sit, (n. 42.) sequi vim factam non esse, cum in fugam conjecti sint, cum Cæcina non potuit ad villam, quo voluit, penetrare. n. 48. Neque obstare, quod dejectus non sit ex agro propriæ, in quo non steterit, nam si hæc verborum proprietates exigatur, dejectus non dicetur, nisi ex alto præcipitatus, ideoque pro his tantum interdictum foret, num. 50. sententia igitur Prætorum & interdicti spectanda est, num. 55. aut omnis lex vacillabit, uti pluribus verbis expensis, demonstrat. usque ad num. 87. Unde igitur declarat tam locum à quo, quam ex quo de jiceris; nam si quæras unde Galli dejecti sint? rectè à capitolio dicturus es. Denique & re ipsa Cæcinam possedisse contendit. n. 94. & c.

Peroratione brevi tam Cæcinam, quàm ejus causam Recuperatoribus commendat. n. 103.

C E N S U R A.

Juridica argutè à Cicerone discussa causa est, disputationi magis, quàm declamationi idonea.

I M I T A T I O.

In oppugnatione hæreticorum serviet, qui Catholicos vi & armis

armis prohibent, ne ad antiquas possessiones Ecclesiasticorum bonorum, unde injuria exclusi sunt, redeant, falsa scripturarum interpretatione, & religionem suam, & vim tuentes; cum tamen hac ex Veterum orthodoxorum Patrum sensu definienda sit.

CAPUT V.

Orationes secundi Voluminis.

ORATIO II.

Pro lege Manilia.

H Abita anno Cicer. 41. urbis 687. Æmilio Lepido & Luc. Volcatio Coss.

In foro pro rostris, hoc est, in templo rostris Antiatarum navium ornato.

Genus orationis partim deliberativum, partim demonstrativum est.

Quæstio duplex est.

1. An contra Mithridatem bellum gerendum sit?

2. An juxta plebiscitum seu legem (Manilii Tribuni plebis eidem Pompejus, cum summo imperio, præficiendus sit?

Affirmat utrumque Cicero. Q. Catulus, & Hortensius, viri Consulares, ultimum negat Populus Juxta.

Argumentum ad 1. quæstionem est. In hoc bello agitur de gloria, salute, vectigalibus populi Rom. de bonis etiam civium, estque sua magnitudine periculosum, Ergo est suscipiendum.

Argumentum ad 2. quæst. In Pompejo est singularis rei militaris scientia, virtus, autoritas, felicitas, Ergo præ reliquis, juxta legem, est eligendus.

Exordio perbrevis declarat se hætenus nondum publico idoneum, privatis in causis substituisse, nunc autoritate à populo concessa fretum, comparere, usque ad num. 5.

Propositione ostendit de genere & magnitudine belli cum Mithridate & Tigraue suscepti, tum de Imperatore ad hoc, post Lucullum, deligendo, agendum esse, usque ad num. 6.

Confirmationis pars prima probatur. Agitur enim de gloria populi Rom. I. quia tot civium Rom. cædes, tota Asia à

spes populi sit, respondet, summo homine, dum per vitam licet, fruendum. Rursum majorum instituta opponenti, n. 60. ait, novos casus temporum novas, consiliorum rationes poscere, singulares Pompeii virtutes, præ cæteris aliquid mereri (usque ad num. 64.) quibus si nuper imperium summum feliciter concesserint, jam non esse negandum, præsertim homini priorum Imperatorum ex cupiditate infamiam temperantiæ laude apud externos reparanti, usque ad num. 69.

Conclusione brevi laudat Manlii sententiam, seque prætoria illi autoritate non Pompeii, sed reip. gratia, adversus æmulos ad futurum pollicetur.

CENSURA.

Mediocris stylo efflorescit, at in secunda confirmationis parte, de Pompeii, tanquam boni imperatoris, laudibus, planè est singularis, & decies lectionem imitationemque meretur.

IMITATIO.

Sub eodem causarum genere imitaberis. si, e. g. quæras, sitne Christianis adversus communem hostem Turcam bellum suscipiendum, & quinam illi duces, cum summo imperio, præficiendi? Sub diverso genere; si quæras, sitne pax Hispanos inter Gallosque, & cujus potissimum consilio atque autoritate constituenda, sublati aliquando rerum tam diu controversarum offendiculis? An conversio quorundam populorum ad fidem Catholicam suscipienda, & qui maximè sua doctrina, virtute, ac felicitate ad hoc præstandum idonei sint?

ORATIO II.

Pro Aul. Cluentio parricidii reo.

Acta eodem anno, loco, Consulibus, quibus superior.

Quæstio duplex.

1. An Aul. Cluentius Avitus Vitricum suum Oppianicum, seu Statium Albiu, justè accusarit, & ille damnatus sit?

2. An Cluentius Oppianicum veneno denique sustulerit?

Primum Cicero affirmat, alterum negat, contra accusato-

rem T. Atticum Pisauensem, Judice Q. Voconio, Prætoræ Nafione.

Argumentum prioris est. *Hic scelestus est, & præjudicia de illo facta sunt. Iudicesque tentavit corrumpere; Ergo jure accusatus & damnatus est.*

Argumentum posterioris. *Cluentius scelerum objectorum reus non est; & Vitricum nec odit, nec metuit, nec opportunitatem veneni in pane dandi habuit; imò Vitricus naturali morte defunctus est. Ergo non est parricida habendus, sed matri hæc sceleratissima commenta imputanda sunt.*

Exordium sumit à distributione causæ in duas partes, quarum priorem de judicio Oppianici, cum invidiæ plenam agnoscat, Judicum adversus illam æquitatem implorat, & benevolentiam postulat, usque ad n. 9.

Propositio de prioris parte, Oppianici damnati, hæc est, quod & Oppianicum justè damnatum, & judicium non à Cluentio, sed contra, illum, corruptum esse, docere velit. usque ad num. 11.

Confirmationis parte prima ostendit I. exponendo occasionem odiorum ex Sassiæ Matris libidine. cui Cluentius resistebat, natam; quod illa, propriâ filiâ à toro conjugali exclusâ, cum Melino genero improbè consuesceret. Unde Oppianico jam tradita, hunc ad omne nefas promptum scelerata mulier magis incitavit. Nam cum præter alios Aurium Sassiæ maritum sustulisset, tum deinde filios susceptos, matrimonium inter illos contractum est, quin & uxor Cluentia fraterque Oppianicus ejus uxorem Auriam veneno interfecit. Cn. Magii prolem in utero uxoris, avaritiâ victæ, peremit, Asinium necavit, tabulasque corrumpit, solâ hæreditatum cupiditate, usque ad n. 42. hunc igitur cum & suæ insidiari vitæ certò Cluentius Avitus (vel Habitus) comperisset, accusare coactus est, ut salvus esset. usque ad n. 49.

II. Præjudicia ostendunt justè damnatum, cum & Scamander servus & Fabricius Medicus, hic ob præparatum, ille ob deportatum venenum damnatus sit, justius autor veneni præparati damnabitur, usque ad n. 63.

III: Oppianicus potius quàm Cluentius Judices corrumpit, tum quia Staleno uni Judicum improbissimo ad reliquos corrumpendos pecuniam dedit, quam cum is totam

tam retinuiſſet, exacta à damnato rurfum eſt, tum quia is potius corruptione Judices tentaverit, qui ſibi ob ſcelera metueret, quàm qui innoxius ipſe accuſaret, uſque ad num. 88.

Quod actius objiciat, quædam judicia adverſus Cluentium pronuntiaſſe, hæc neque fuère legitima num. 89. neque contra Cluentium. n. 97. ſed pro illo. num. 99. imò omnino judicia non ſunt ut variorum teſtimonio conſtat. num. 117. & ſeq.

Confirmationis pars altera refutatione mixta eſt. In qua primo dat rationem, cur non defendat Cluentium, juxta legem Syllæ, de pecuniis repetundis latam; quòd nec Cluentius hoc deſideret, neque Actius legem ſervet, quam pro ſolis ſenatoribus latam, ad alios etiam ordines, transferat. Denique nihil hinc ad rempubl. periculi derivetur, uſque ad n. 160. Deinde probat

I. Cluentio crimen de Vibio occiſo, atque Oppianico adolescente imputari, quòd illum naturali morte deſunctum Pletorius Senator teſtetur; hunc ex intemperantia occubuiſſe conſtet. n. 164. & ſeq.

II. Mors Oppianici Vitrici Cluentio non eſt tribuenda: tum quòd cauſæ odii metusque deſuerint; tum quòd illud per Afellium ſibi offenſum daturus venenum non fuiſſet. Denique nec in pane, cum aliter commodius poſſet, à n. 169. uſque ad 174.

III. Oppianicus ex via æger cum extinctus domi eſſet, Saffia, ex emptitiis quibuſdam ſervis, per tormenta, ſuſpicionem veneni in Cluentium fruſtra derivare conata, per ſtratonem Medicum ſcleratum deſperatumque hominem, dati veneni conſeſſionem ſe obtinuiſſe finxit, quæ, eo in cruce mortuo, producta eſt, uſque ad n. 188.

Peroratio exaggerat crimen Matris erga Cluentium, ut illi indignationem, huic miſerationem conciliet, preceſque vicinorum cum lacrymis etiam oratoris magna dicendi vi admoveat.

CENSURA.

Multa variis diſceputationibus involuta in hac oratione, & à lectore, & ab imitatore negligi poterunt. In exordio de invol-

psalis, tum Pompeii manubiis, quod ille privatorum sit, & Pompejo pro relictis manubiis, vestigalia Rullus auferat ad Decemviros translata, usque ad n. 14.

Parte 3. Breviter emptionem agrorum iniquam fore ostendit. Nam Rullus & Decemviri, vel ement (& sibi quidem quantum volent) ab injustis ex proscriptione Syllana possessoribus; vel non ement, & sibi retinebunt pecuniam, à n. 14. ad 6.

Parte 4. Diductionem Coloniarum improbat.

I. Quod in lege non exprimatur, quò quorumque hominum deducendæ sint, usque ad 19.

II. Capuam, quod Rullus spectat, Coloniam diduci, est subsidium annonæ reipubl. Romanæ eripi, & alteram excitare Romam, in prioris excidium usque ad n. 23.

In Peroratione ad populum hac in causa Tribuno plebis provocat, monetque, ut se consulem pro salute reip. sollicitum sequantur.

ORATIO IV.

Quæ est 2. Agraria ad populum.

Cicerone comitante senatu ad concionem in forum descendit.

Quæstio & responsio eadem est. Oratio planè illustris.

Argumentum tale est. *Lex hac simulatione largitionis populi libertatem minuit, vendit optimam imperii annonam, nocet reipubl. & tyrannidem spectat, Ergo toleranda non est.*

Exordium ad captandam benevolentiam, per insinuationem aptum est, cum grâtiâs pro honore à Romanis in se collato refert, atque insignem beneficii magnitudinem extollit, seque ex nomine non simulatè, ut nonnulli hodie, sed verè popularem, hoc est pacis & libertatis defensorem futurum ait, usque ad n. 12.

Narratione exponit quomodo se excluso legem conceperint, & (cum præclara Rulli *ethopæja*) quemadmodum is ad legem ferendam in concionem prodierit, lex denique promulgata & ad se delata fuerit ad n. 14.

Propositione aperuit suum affectum erga bonum reip. & quod ostensurus sit, quantum ei mali ab agrariæ legis conditoribus instaret. ad n. 16.

Confirmationis pars prima, quod libertas minuatur.

Probatur I. quia magnam populi partem suffragio in creandis decemviris privat, cum à novem tantum tribubus creari velit, qui à 35. creati fuere, ut ad suam delectas tribus voluntatem habebat, neque ipse excludatur, ubi n. 22. *egregia Rullum complexione irridet.*

II. Quia nullum à decemviratu excipit, præter absentes, quo facto quoslibet indignos admittit, Pompejum reliquis digniorem excludit. n. 23.

III. Ita comitiis curiatis Magistratum hunc confert, ut si Prætor non creaverit Decemviros, eodem tamen jure sint, quod plebs designarit, quo qui optima lege creati sunt, quod est comitia tollere, & Reges, non Decemviros constituere. à num. 26. ad 31.

Denique IV. ostendit, quod tyrannicam illis potestatem conferat, ut eripi hæc invitis nequeat, num. 32. &c. Ad quæ magis tegenda obscuram legem Rullus condiderit. num. 36. &c.

Pars secunda, cum agris optimam imperii annonam vendi.

Prob. I. quia absolutâ potestate vendunt, quos volunt, pro sua igitur cupiditate audebunt omnia. num. 38. &c. ipsa vestigalia vendent. n. 47. Pompei, quem vasrè excipiunt, vires accident; ex cujus laudibus Rullo auget invidiam. n. 48. usque ad 56.

II. Ipsos agros, quos excipit, ut Recentoricum & Hyempfalîs, in republ. Rom. detrimentum, non sine suo emolumento excipit; cum uterque publicus Rom. populi esse videatur, usque ad 62.

Pars tertia, quod emptio reipubl. noxia sit:

Patet I. quia omnis ager qui arari potest, ut lex habet, emi poterit, usque ad n. 67.

II. Emet agros ex proscriptione Syllana occupatos, præsertim à Socero, invidia plenos usque ad n. 72.

Pars quarta, tyrannidem spectat Coloniarum deductio.

I. Quia nullum locum excipit, neque ducuntur, ut sint propu-

propugnacula imperii; sed ut suis opibus Decemviri Italiam obsideant, usque ad 75.

II. Optimus ager Italiæ Campanus reipubl. subtractus, privatorum cupiditati & novæ potentia serviet. *Summa eloquentia hac amplificat*, è definitionibus conglobatis. n. 79. ab exemplis n. 80. & c. à comparatione consiliorum, quibus Capuam Majores presserunt, num. 87. & c. Hanc rursus erectam Romæ metuendam esse, à communi arrogantia Capuanorum, majorum opinione, & exemplis cognatam probat, à n. 90. usque ad 97.

Peroratio. Rullum per apostrophem omnium hujus legis incommodorum enumeratione exagitat, suamque erga rempubl. fidem, nullius metu à populi commodis, in pace & concordia positis, retardandam promittit.

ORATIO V.

Perbrevis, quæ est 3. Agraria.

Habita ad Populum est altero die, qua ad contionem Rullum simul provocat, simulque etiam Rulli calumniam diluit, ac causam totam obtinet.

Quæstio.

An Cicero Syllana tyrannidi [ut Rullus objecerat] faveat?

Negat Cicero, ipsumque hoc Rullum facere demonstrat, ex legis articulo recitato.

Exordio, petit Cicero à Rulli fautoribus, ut pristina voluntate audiant, fore ut intelligant, possessiones à Sylla ereptas magis etiam hac lege stabiliri.

Confirmatio sumitur ex lege Rulli, quæ bona omnia post Marium & Carbonem Coss. (qui ante Syllam fuerunt) occupata, eo esse jure concedit, quo privata; ut hanc legem Valgius gener Rulli Syllana proscriptione ditatus, statuisse pro se videatur, & deinceps quacunque ratione translata bona jure repeti non possint, usque ad n. 13.

Conclusio introducit Rullum invidiosè generi sui iniquas posses-

tur, & in hac seditione pro reipubl. salute arma cum aliis sumpsit. Iure igitur absolvendus est.

Exordium à suo officio & studio tuendi rempubl. ob quam Rabirii causam, multò gravissimam, suscepit, ducit, usque ad num. 6.

Confirmatio à confutatione brevi criminum inchoatur, negat enim, aut violata ab ipso delubra, quod inimicus objiciat, aut peculatus crimen admissum, quo socii absoluti sunt, &c. à 7 ad n. 10. Posthæc digressionem, se præ Labieno popularem esse contendit. ad n. 18.

Alteram partem, quod justè arma sumpserit Prob. I. quia sumpsit pro salute communi, ut etiamsi occidisset, gloriari liceret; neque se commoveri quorundam clamoribus testatur, n. 18. Deinde sumpsit cum voluntate Senatus, & cum optimis quibuscunque viris reipubl. n. 20. contra Saturninum hostem reipubl. judicatum, ut etiam Sex. Titius, quod illius imaginem domi habuerit, condemnatus sit. n. 24. aut igitur clarissimi reipubl. viri, ut Q. Catulus, M. Scaurus, L. Crassus, C. Marius, &c. simul damnandi, aut Rabirius absolvendus n. 26. &c. Præmium igitur potius facti, quàm poena exigenda est. n. 31.

Peroratio deest, fortè quia nec dicendo absolvit, nam Q. Metellus augur vulso signo populi scitum irritum fecit, quod Rabirio saluti fuit.

C E N S U R A.

Oratio lectione atque imitatione digna est, omnibus partibus laudanda, in qua Cicero se in omni genere amplificationis exarsisse dicit in Bruto Cic.

IMITATIO.

Imitaberis in defensione illorum, qui pro reipubl. vel etiam Ecclesia Dei adversus hostes tuenda, laceffiti cladem hostibus intulere. Serviet quoque pro D. Petro, gladio Malchum percutiente, aut pro Hispanis Indias studio religionis expugnantibus.

In diverso etiam genere D. Paulum mutata voluntate, pro

Christo adversus Iudeos, zelo religionis, pugnantem tueri poteris.

ORA-

O R A T I O VII.

Quæ est I. in Catilinam.

Habita est anno Cic. 44. V. C. 690. coram Senatu in æde Jovis Statoris Cicerone & Antonio Coss. ipso Catilina præfente.

Quæstio deliberativa est.

*An Catilina conjuratus patriæ hostis occidendus,
an in exilium dimittendus ?*

Cicero, quamvis mortem promeritum, in exilium tamen illum mavult discedere.

(*Argumentum*) Catilina conjuratio patet, ideoque omnibus bonis invisus est, à rebellibus verò foris expectatus. Ergo merito discedit, & rectè ei parcur, ut suos secum conjuratos educat.

Confirmatio (nam in re nota & atroci statim rem ipsam aggreditur) per Apostrophen Catilinam ob manifesta conjurationis indicia aggreditur. & I. morte esse dignum ostendit, exemplis aliorum occisorum, ut T. Gracchi. Sp. Melii, C. Gracchi, &c. se tamen justa de causa vitam illi servare, usque ad n. 6. Deinde conjuratorum nocturnos conventus, & conciliabula suis locis, & temporibus habita aperit, usque ad n. 10. ideoque excedere jubet urbe, cum sociis, ut respub. metu liberetur, usque ad n. 13.

II. Describit scelera, & vim Consulibus intentatam, ob quæ invisus omnibus, & ingratus Senatui sit, ejus confesum fugienti; ut patria universa illum submotum cupiat (cujus elegans hoc loco - num. 18. prosopopœja notanda est) ipse suspectum se non diffiteatur, Senatus optet abesse, usque ad 22.

III. Ostendit, Catilinam non cogitare exilium, sed excessum ab urbe ad castra Manliana, ubi inter suos liberè in omni facinore cum voluptate bacchetur, & patriæ exitium meditetur, quæ iccirco à Cicerone postulare videatur, ut occidat potius, quàm dimittat. Hanc tamen prosopopœjam ac postulationem patriæ, rationibus allatis cur parcendum sit, rejicit, usque ad n. 32.

Epilo-

Epilogo hortatur conjuratos ut exeant, ac rempub. bonos-
que infidiis & metu liberent, Jovemque, ut urbi suæ adsi-
stat, precatur.

O R A T I O VIII.

Quæ est II. Catilinaria.

Habita ad populum est postridie, cùm urbe Catilina ad
Manlii castra excessisset, à Cicerone territus.

Quæstio deliberativa.

*An timendus Catilina sit cum sociis, & non
potius bello premendus?*

Primum negat, alterum affirmat Cicero.

Argumentum. *Catilina est homo sceleratus, qui perditos
& enervatos flagitiis habet domi forisque socios. Hi igitur ti-
mendi non sunt, sed fortiter premendi.*

Exordio, exultat Cicero, urbe à Catilina, spontè exce-
dente, liberata, judicatque tutius ita dimissum, quàm oc-
cisum esse, quod timendus cum suis non sit, usque ad
num. 4.

Confirmatione ostendit I. Exercitum ipsius foris imbel-
lem esse (ad num. 6.) intus verò latentibus minitatur, nisi
sceleratissimum suum Ducem, perditissimi (quorum mo-
res à num. 6. ad 11. graphicè depingit) sequantur, usque
ad num. 12.

II. Digreditur ex eo, quod nonnulli (quamvis falsò) sen-
tiant Catilinam Massiliam exulatum ire, duro nimium Ci-
ceronis imperio; ostenditque quantam invidiam, si occi-
disset, suscepturus apud illos fuerit, qui exilium etiam cul-
pant, usque ad num. 17.

III. Fautores Catilinæ contemnendos asserit, quocum
sex genera describit, obæratorum, honores prensantium,
agricolarum, turbulentorum, inertium, sicariorum, & luxu-
riosorum, quibuscum fortes duces, & milites Rom. com-
parat, usque ad num. 26.

Peroratione. Bonos jubet pro republ. domi vigilare, à
se

conferendo, ad n. 26. Hujus igitur tanti beneficii perennem memoriam petit, seque populo pro urbe excubantem commendat.

ORATIO X.

Quæ est IV. Catilinaria.

Habita non multò post in Senatu, post auditas singulorum de reis sententias.

Quæstio deliberativa.

An conjurati morte plectendi ut Syllanus, an perpetuis carceribus, ut C. Cæsar, judicabat?

Cicero, in Syllani partes propendens, severissimè judicandum suadet.

Argumentum est, summum scelus poena digna plectere, non est crudele, faciendum igitur cum facile possit, omni ordine favente.

Exordio gratiam captat, à sua persona, & periculis pro republ. aditis, tum civium erga se studio & cura. Verum hos jubet de republ. potius esse sollicitos, pro qua ipse familiam negligat, & mortem non defugiat, cum tam grave crimen delatum sit, usque ad n. 6.

Propositio hinc Syllani, inde C. Cæsar's sententiam complectitur ad n. 9.

Confirmatione ostendit I. minus quidem in Cæsar's sententia sibi imminere periculi, verum utilitatem communem præponendam esse. Lege Sempronia civibus quidem Rom. cautum, at hoc facinus plusquam hostium esse ubi num. 12. per hypotyposin oculis subjicit cogitatum à Catilinariis urbis excidium, ad criminis gravitatem augendam, ut crudele non sit in tales animadvertere, sed parcere, cum tanto suorum discrimine, usque ad num. 4.

II. Quorum timorem rebellionem metuentium sublevat, omnium ordinum studia ad reipubl. defensionem

parata ostendens, usque ad num. 20. suum verò periculum, ob magnitudinem gloriæ, quam de servata republ. habeat, & contemnit, & aliorum bonorum præsidio satis discuti existimat, usque ad n. 23.

Peroratione brevi, pro omnibus Senatus in se, & suis in republ. studiis gratam tantam memoriam rogat; & si ab improbis opprimeretur, filium commendat: cæterum pro republ. jubet liberam fortemque sententiam pronuntiare.

C E N S U R A.

Orationes Catilinarie (ut bilis ingenium acuit) summa dicendi vi, & copia pollent. Prima & ultima omnibus excellent partibus, in illa prosopopœja, in hac hypotyposis perquam illustris. In altera exordium, moresque Catilina & sociorum, in confirmationis principio à num. 7. ad. 12. in ultima quadam à num. 24. ad 26. eminent. Tertia præter exordium aliquod, & perorationem satis præclaram, pro confirmatione, laudata narrationis specimen, nobis exhibebit.

I M I T A T I O.

Imitaberis sub eodem genere contra quoscunque proditores, vel conjuratos agendo, ut contra Absalonem, aut Semei, &c.

Poterit & adversus innocentem, à nocentibus in diverso genere usurpari, ut à fratribus Iosephi in fratrem, à Iudæis in Christum, à Romanis in Petrum & Paulum, & universè à Tyrannis in Christianos. Rectius tamen ab Orthodoxis adversus hæresiarchas eorumque asseclas. Nos ad Calvinum applicemus. Similes quæstiones atque argumenta formando.

Quæstio I. (primæ Catiliniaræ respondens)

An Calvinus Ecclesiæ hostis occidendus, an in exilium dimittendus sit?

Argumentum pro parte ultima tale sit. Cum Calvinus hæresis manifesta sit, ideoque ille omnibus bonis invisus, à patria ejiciendus potius est, quàm occidendus, ut conjuratos ejusdem perfidia socios secum trahat.

Poterit & alius ad imitationem ejusdem orationis contrariam

trariam tueri sententiam, quod præstet hanc perniciem religionis auferri, quàm transferri.

Quæstio 2. (quæ alteræ Catil. respondet) esse potest.

An timenda sit Calvinistarum secta, & non omni ratione oppugnanda?

Argumentum, quo prius negetur, alterum affirmetur, tale sit. *Calvinus homo sceleratus est* (ut à Bolsecò describitur) *qui perditos enervatosque flagitiis & turpitudinibus* (ut de Beda aliisque Apostatis Monachis, constat) *habet domi forisque socios, non igitur timendus, sed fortiter autoritate verbi Dei, & rationibus erit premendus.*

Quæstio 3.

An ob detecta nefaria Calvini & sociorum in Galliis consilia, ipsoque regno pulso, sociis in vincula abstractis, Deo referenda sint gratia?

Argumentum hoc sit. *Agendas esse Deo gratias, non minus ob conservatam multorum salutem, quàm primum datam, cum sine singulari Dei ope id fieri non potuerit*, ubi Origo deprehensi erroris Calviniani, & sectariorum in Gallia comprehensorum machinationes exponi poterunt.

Si quis tamen malit inducere historiam rei gestæ ab Henrico III. Galliarum Rege, quando conjuratione Calvinistarum procerum, in urbe comperta, quosdam sustulit, quosdam carceribus mancipavit, facile applicabit, Ut & illam, quâ Parisiis jam propè à Navarræo Calvinistarum Principe oppressis, à Parmensi ex Belgio subventum est.

Quæstio 4.

An conjurati in perniciem Catholicorum morte plectendi, an perpetuis carceribus includendi sint?

Argumentum in priorem inclitans partem tale sit. *Summum hæreseos scelus poena digna plectere non est crudele*, cum tot animarum periculis caveatur, neque tam difficile, cum tot Ecclesia Principes faveant, igitur non est negligendum.

ORATIO XI.

Pro Murana de ambitu consulatus reo?

Habita adhuc Cicerone consule anno U. C. 690. apud Judices.

Quæstio.

An Muræna, in petendo consulatu, ambitus reus factus sit?

Negat Cicero cum Hortensio, & M. Crasso patronis. Affirmat Serv. Sulpitius in consulatu petendo æmulus, & cum eo M. Portius Cato & Cn. Posthumius.

Argumentum tale est. *Muræna dignior Sulpitio est, nihilque contra leges, in petendo consulatu, admisit, quo ambitus convincatur.*

Ergo periculosis reipubl. temporibus à consulatu, propter aliorum æmulationem, cum insigni contumelia, rejiciendus non est.

Exordium à Muræna, & sua in primis persona ducit Nam postquam precatus est, ut reipubl. electio Murænae Consul felicitè eveniat, Catoni sibi adversanti, quod & legem de ambitu tulisset Cicero, & severus Consul videri vellet; tum etiam Sulpitio causas suæ defensionis reddit Cicero, quòd jure Consul defendat Consulem; innocentem, & amicum, & afflictum, nisi nefarius, superbus, & crudelis haberi velit, usque ad n. 11.

Propositione partitur in tres partes orationem accusationi respondentes, quia 1. vitam Murænae, 2. dignitatem, 3. ambitum perstrinxerant.

Confirmationis partem primam à refutatione vitiorum obsectorum ducit. Negat 1. in Asiam luxus gratia profectum, sed strenuum illic ex jussu patris egisse militem ad num. 13. Negat 2. saltatorem fuisse, qui nec ebrius quidem comperitus sit, ad num. 15.

Alterà parte ostendit, Murænam jure Sulpitio præferri, nam 1. licet genere & quæstura pares sint, reliquis tamen vitæ officiis Muræna superat; cum ille miles & legatus; Sulpitius tantum Jurisconsultus & Rhetor, ubi à num. 22. ad 31. scientia rei militaris juris cognitioni & eloquentiæ, insigni contentione præfertur, bellumque in quo Muræna versatus est, contemnendum fuisse negat, usque, ad num. 35. Deinde nihil ob stare docet, quod prior in Prætura Servius fuerit, cum populi voluntas sæpe mutetur, & Murænae favor militum virtute comparatus sit, usque ad num. 41. Deinde quòd prætura Murænae læta & felix, hujus tristis & atrox fuerit usque ad num. 43. Denique quod populi studium

dium ex modestia consulatum petendi, & liberali ludorum donatione provocatum sit, cum Sulpitius accusationi competitoris intentus, curam præ se ferre petendo non videretur, quam afflicta per Catilinam respubl. postulare, usque ad num. 54.

Tertiam partem confirmationis de ambitu, à *refutatione* adversariorum orditur, quos ait, immerentem in summum discrimen omnis fortunæ adducere, ad num. 57. Catoni igitur universè respondet (nam Posthumii & Sulpitii refutatio intercidit) non debere gravitatem accusantis alterius obesse innocentiae, cum Scipionis Africani autoritas L. Cottæ non obfuerit, nec Sergio M. Catonis proavi. Deinde num. 60. laudat naturam Catonis, sed Stoicæ disciplinæ studium, ex quo deflectat, ob ineptiam sententiarum, num. 61. reprehendit. Academicorum moderationem, num. 65. præfert, qui & diversa esse delictorum genera, & ignosci quibusdam posse tradant, in quibus præter Scipionem, Lælium, ipsum M. Catonem proponit, quorum comitate severitatem nimiam suadet esse temperandam, usque ad num. 67. Deinde speciatim objecta refutat, & 1. negat crimen esse clientibus & sectatoribus affluere, cum lege tantum prohibeatur, tales mercede quærere, non meritis. Spectacula etiam & prandia ab amicis more modoque facta asserit, usque ad num. 74. 2. negat crimen esse, quod moderatis epulis sibi benevolentiam Muræna conciliarit, ad num. 78. Deinde 3. ait, si Cato in accusando Muræna reipubl. bonum spectarit, se illud magis defendendo facere, qui contra reliquias Catilinæ ipsi etiam Catoni metuendas fortem Consulem requirat, usque ad num. 86.

Peroratio miserationem excitat, à pristina Murænae fortuna, cum præsentī comparata, ab illius precibus, matris squalore, fratris afflictione, ipsiusque Ciceronis obtestatione, pro rei salute, interposita.

CENSURA.

Nobile, & primis jure accensenda oratio est. Exor'tium & peroratio clara sunt, & plurimum imitationi idonea. Altera pars confirmationis ex comparatione boni militis, & docti, sive militaris scientiæ, & jurisprudentiæ, deinde & inconstantia

vulgaris favoris n. 35. insignis est. Tertia pars gravitatis nimia, & severitatis Stoica praeclaram reprehensionem continet.

IMITATIO.

In eodem genere imitaberis, cum diversi ad eosdem honores petendos concurrunt, & de militum, jurisconsultorum, Oratorum & Philosophorum praelatione disceptatur. In diverso genere, si, e. g. Ecclesiasticus quispiam ad praelaturam Ecclesia religiosum potius, sacerdotem & doctum, quam profanum indoctumque assumendum contendat. Aut seculari adolescenti, de statu vitae eligendo anxie disquirenti, solitudinem potius religiosam, quam vel Ecclesiastica vitae libertatem, vel militiam, forum, aut dignitatem in republ. suadens.

ORATIO. XII.

Pro L. Flacco repetundarum reo.

Habita est anno Cic. 48. U. C. 694. M. Calphurnio & Bibulo Coss. in foro juxta gradus Aurelios.

Quaestio.

An L. Flaccus, ex Asia pratura avarè administrata, sit repetundarum reus?

Negat cum Hortensio Cicero contra D. Laelium. Judice L. Lucullo, adfessore T. Vettio aliisque.

Argumentum. Flaccus probatae vitae homo est, qui à testibus universè levibus, tum singulatim nefariis, nulloque argumento subnixis: accusatur: Ergo absolvendus est.

Exordium à L. Flacci, Catilinæ oppressore, meritis in republ. ducit, ostenditque quanti reipubl. & cuiusque ordinis interfit, talem, à Laelio temerè oppugnatum, secum tueri, usque ad n. 6.

Propositione dicit se 1. de universo testium genere, 2. de singulis acturum.

Confirmatio potissimum refutatione testium nititur. Prima parte, universè testium Asiaticorum levitatem arguit, quæ Flaccum Romæ in jure dicendo omnibus probatum, subito post annum arguat, usque ad num. 9. Et 1. quidem Græcos, licet doctos, tamen ex communi proverbio sensu-
que

que perfidos esse tradit, Romanorumque fidem cum illorum levitate componit, usque ad num. 13. Deinde à Lælio premiis, metu, spe, errore collectos testes, ideoque minimè aulendos docet, usque ad n. 20. Denique tabulas rationum contra Flaccum corruptas asserit, quod illæ, quæ intra tri-dum ad Prætozem deferri debebant, trigesimo vix die relatæ sint, & in hostium potestate fuerint, ad n. 23. Quare universè indignum esse docet, tam incertis testimoniis, contra probatæ vitæ hominem, assentiri, ad n. 27.

Fars altera conf. de testibus sigillatim est, docetque exactam jure pecuniàm à Flacco nomine classis imperatam, ad num. 34. Deinde singularum civitatum testes refutat: Æmonensium unum Atclepiadem, ut hominem scelera-tum, & sine tabulis ac sociis prodeuntem, rejicit. ad n. 39.

II. Dorylensium testibus illudit, tum quod tabulas se amisisse in via ridiculè asserant, tum quod inepti, dolosi, im-pudentes sint, usque ad n. 52.

III. Miratur Trallianos causam suam testimonio sordidi hominis commisisse, pecuniam verò ab his acceptam pa-tris fuisse & hæreditatis nomine Flacco debitam, usque ad 60. Deinde universè Asiaticorum erga Rom. perfidiam re-fricat, hisque Atheniensium aliorumque Græcorum, cum totius Græciæ laude, & Asiæ contemptu, testimonia pro Flacco opponit, ad n. 64.

IV. Edictum Flacci, ne ex Asia pecunia Hierosolymam exportaretur, ex Senatus consulto, ut rectè factum laudat, usque ad n. 70.

V. Prolixius aliquantò Rom. civium querelas expen-dit, & primò Decianum, contra quem de agris Flaccus de-creverat, ob avaritiam, crudelitatemque in alios exerci-tam, ludificationem à Pergamenis acceptam, deridet, us-que ad n. 84. Deinde Sextilium, de hæreditate uxoris suæ à Flacco adita, rejicit: quòd jure bona adierit ab intestato morientis. Neque Lurconi contra Flaccum stanti, tan-quam irato, multum docet esse tribuendum, usque ad num. 90. Denique Falcidio de 50. talentis Flacco datis, parum esse credendum ait; quòd. & absens solis literis testetur, cui præsentijuratoque vix fides sit, & prodigus ipse pecu-niam malè consumpserit.

Peroratio, ab eodem argumento, quo exordium, de

Catilinæ per Flaccum oppressione, ducta, & à periculis reipubl. nisi obstitisset una secum, diducta; denique obstinatione Ciceronis, & filii parvi inductione conclusa, admirabiles potentisque ad miserendum affectus complectitur.

C E N S U R A.

Exordium & peroratio hujus orationis eximia est. Protestium fide infringenda plures locos communes habet; Observandumque ille principio confirmationis qui Gracos universè perstringit, tum qui parte altera n. 61. & seq. Athenienses aliosque Gracorum Asiaticis testibus præfert.

I M I T A T I O.

Imitaberis sub eodem genere, quando in judiciali causa contra, vel etiam pro testibus dicendum erit; nam qua adversantur, pro iisdem, si abesse demonstres, facient. Extra judicium etiam, in genere diverso & rebus controversis, qua auctoritate dictorum, vel scriptorum nituntur, eadem servient. Ut si heretici contra veteres, aut hodiernos Ecclesiæ Rom. scriptores, sua testimonia, & sacrarum scripturarum interpretationes producant. Hi enim sua levitate, inconstantia, improbitate mutuaque dissensione, facile ab imitatore refellentur.

O R A T I O XIII.

Pro P. Sylla.

Habita est anno Cic. 45. Urb. C. 691. L. Licin. Muræna & D. Junio Syllano Coss.

Quæstio.

An P. Sylla cum Catilina conjuraverit?

Negat cum Hortensio Cicero, adversus L. Torquatium Syllæ æmulum, qui eundem antetriennium consulatu deturbarat.

Argu-

Argumentum. P. Sylla convinci non potest conjurationis per testes, estque vir bonus.

Ergo ut innocens, jure à Cicerone defenditur, & in judicio absolvitur.

Exordium perbreve sumit ab afflicti Syllæ fortuna, & sua lenitate ac miseria, quam Consul, in noxios severus, nunc in innoxios cupiat ostendere, usque ad n. 3.

Confirmationis partem primam Cicero in se defendendo ponit contra Torquatum. Negatque se Catilinariæ factionis homines tueri, sed eum, quem Hortensius alii que viri clarissimi innoxium censeant, idque sibi non minus vitio, quàm illis vertendum esse, cum quibus alios conjuratos, ut Varguntejum, Autronium, Ser. Syllam, &c. oppugnarit, usque ad num. 11. Deinde negat se tueri Syllam in illa conjuratione, quæ Lepido & L. Tullo Coss inita dicitur, hoc enim illorum temporum conscium præstitisse Hortensium, scire verò, quòd ad se consulem Sylla delatus non sit, Autronium verò per Allobroges aliosque delatum, ut iccirco huic defensionem postulatam negaverit, illi obtulerit, usque an num. 20. Denique se neque regium quid affectasse, cum senatorum semper steterit arbitrio, nec peregrinum habendum, licet ex municipio oriundus sit, nisi plerique Rom. atque ipse etiam Torquatus peregrinis accensendi sint, ad num. 26. postremò insigni digressionem in præsentis suas pro republ. curas laboresque præteritos, & patris etiam Torquat. laudes, cum vellicatione degenerantis filii, excurrit: cujustamen vitia laudes patris obtegant ad num. 35.

Pars altera objecta Syllæ refutat. & I. dicit falli testimonio Allobrogum Torquatum, cum nihil certi de eo attulerint à Cassio. ad n. 40.

II. Negat aliter à se relatum in tabulas, quàm delatum à testibus, cum senatu præsentem, conscii nominati signatique sint. Ubi egregiè ab obrestatione Deum hominumque præsentium, tum silentio Torquati, hanc calumniam retorquet, monetque se nolle in adolescentem & amicum eloquentiæ vires depromere, pleraque ipsius objecta levi manu discutit, inimicitias verò ex hoc capite dicit esse inconsulte ab illo susceptas, ad num. 51.

III. C. Cornelii filium malè illi conjurationem obji-

cere,probat; quòd illo tempore Romæ Sylla non fuerit, neque cum Catilinæ fociis alibi. Gladiatores ab illo quidem emptos, sed simul etiam à L. Cæsare, & Q. Pompejo asserit. ad num. 56. Cincium etiam, Syllæ familiarem, negat quicquam, conjurationis gratia, in Hispania molitum; cum neque mores id hominis ferant, & alibi rectius potuisset, nec Pompejanos denique à Sylla concitados, adversus colonos, cum neutri id sentiant, usque ad n. 62.

IV. Legis rogatio, quam L. Cæcilius de ambitu in gratiam Syllæ tulit, nihil ad conjurationem facit, cum neque Sylla illam pro se ferri voluerit, & Autronii, in honore competitoris, improbitate dejectus sit. ad n. 67.

Tertia parte, ex vita & moribus Syllæ, probat illum à conjuratione alienum fuisse. Et I. quidem perditis Catilinæ, Lentuli, Cethegi, Autroniique conjuratorum moribus, Syllæ mores longè diversos opponit, ut hic illis adhærere non potuerit à n. 69. ad 78.

II. Quæstiones servis intentatas, minus, quàm vitam Syllæ, certitudinis asserre, eleganter contendit. ad n. 80.

III. Autoritatem denique & Senatorum & suam, qui Syllam defendant, cum tamen detestentur Catilinarios, à Torquato lædi asserit, quod levitatis omnes arguere videatur. usque ad n. 86.

Peroratione ad misericordiam implorandam egregiè disposita, I. testatur superos, se, ut nocentes pro reipubl. salute oppugnavit, ita innocentem Syllam tueri. 2. calamitate, quam per Torquatos, à Consulatu dejectus, sustinuit, & quâ in extremum mœrorem conjectus est, jubet adversarios acquiescere illâque Judices ad miserationem commoveri; quam & ipse orator denique suis lacrymis intercedens implorat.

CENSURA.

Suis hac partibus illustris oratio est, partis prima finis n. 2. & seq. insignis est, partis alterius medium n. 41. & seq. eminent. parte 3. comparatio Catilinariorum cum Sylla, & qua de servorum quæstionibus n. 78. sequuntur, diligentiam lectoris promerentur. Peroratio verò prorsus est admirabilis.

IMITATIO.

Imitaberis sub eodem genere, in defensione Religiosorum, qui inimicis sua religionis suspecti fuerunt, sapius de collusionibus cum hostibus; cum tamen nec idonei testes producerentur, nec ipsorum vita institutum moresque ejusmodi machinationes patiantur. Vel sub diverso genere, si illorum vitam non adversariam Evangelica perfectioni; sed maximè conformem, neque Pontificis dignitatem regiam, aut peregrinam in Ecclesia esse, sed ejus præcipuam hæcenus auctoritatem stabilitatemque tueri, tum ex veterum Patrum testimoniis, tum ex ipsa vivendi ratione ad Christi institutionem exacta, demonstres quibus A Catholicorum mores universè licebit componere.

ORATIO XIV.

Pro A. Licinio Archia Poëta.

Habita anno Cic. 48. Urb. C. 692. Pisone Messana Coss.

Quæstio.

An Archia civis Romanus habendus sit?

Affirmat Cicero, contra Gracchum Accusatorem, apud Prætorem Judicem.

Argumentum. Archias Heraclea, in fœderata Romanis urbe, adscriptus, juxta legem, professus suum apud Prætorem nomen est, dignaque Romano cive poësi excellit, eorumque gesta celebravit, à civibus igitur excludendus non est.

Exordio, profitetur, omni se eloquentia Archiæ subvenire debere, à quo puer institutus, hujus principia hauscrit. Deinde veniam postulat, si in hoc judicio novo dicendi genere de studiis humanitatis disserat. ad n. 4.

Confirmationis 1. pars, narrationem vitæ & studiorum Archiæ complectitur, & quemadmodum ex Græcia in Italiam, Romamque, jam celebris, translatus. Mario & Catulo Coss. atque à Lucillis receptus fuerit, exponit, usque ad n. 6. A. L. Lucullo verò Heracleæ adscriptus Archias, cœpit, juxta legem Syllani & Carbonis, Romanus, cum Heracliensibus, civis esse, quorum, licet tabulæ bello incensæ perie-

perierint, tamen municipii integerrimi, & Lucullorum testium fides audienda est, quin & in tabulas Metelli ejus nomen Romæ relatum est, & hæreditatem Rom. legibus adit, &c. usque ad n. 12.

2. *Parte 1.* universè dicit, se archia ob humaniorum studiorum communionem delectari, ad num. 15. his verò studiis magnopere bonam multorum naturam, ut in Africano, Lælio, Catone compertum sit, ad raram gloriam excoli, ad num. 18. Archiam verò iisdem excellere, ut si pro Homeri patria olim inter plures certatum sit; hunc, qui Romanorum Ducum, ut Marii Lucullique res gestas versibus Græcis complexus sit, ultrò etiam esse accersendum, ad n. 24. præsertim, cum magni viri, ut Alexander, Pompejus, Sylla, Metellus, Decius tanti poëtas fecerint, quanti ipse nunc Cicero. Archiam res, à se in consulatu gesta, etiam versibus complexum ad num. 28. Hanc laudis, æternæque gloriæ mercedem non esse bene meritis subtrahendam, ad num. 21.

Peroratione, enumerat strictim rationes, ob quas Archias sit in urbe conservandus.

CENSURA.

Oratio facilis est mitioribusque figuris efflorescit; altera verò confirmationis parte, qua demonstrativè est generis, planè eximia, deciesque ab eloquentia studiosis cum legenda, tum imitatione reddenda.

IMITATIO.

Imitaberis, si ostendas scholis Romana eloquentiæ Poëtas submovendos non esse, quod illos & doctissimi quique legerint, magnum ad eloquentiam præsidium adferant. Vel etiam si universè de Græcis literis cum Romanis jungendis differas. Si humaniorum studiorum emolumenta, & ad nominis virtutisque gloriam præsidia extollas. Si de aliis artificibus, e. g. Pictoribus, aut Musicis ad urbem aliquam, vel Academiam, recipiendis; si de certo, vel religionum, vel Ecclesiasticorum instituto, virisque ad Ecclesiam admitendis, deliberetur.

ORA.

ORATIO XV.

Post reditum Ciceronis exulis.

Ad Quirites.

Habita est anno Cic 50. C. Urb. 696. P. Cornel. Lentulo & Q. Cæcilio Metello Coss.

Gratias ob suam restitutionem Cicero Romano populo agit.

Argumentum tale est. *Majus beneficium hac restitutione accepi, quàm à parentibus, Diis, atque ipsis ante hac Romanis acceptum est.* Ergo, *gratia mihi referenda sunt.*

Exordio perbreui lætatur votum suum, quo se unum pro reipubl. salute ita obtulisset, ut in calamitate essent, qui sui miserentur, à Diis exauditum esse, usque ad num. 2.

Confirmationis parte I. extollit beneficii magnitudinem, 1. quod familiæ, liberis, fratri, Italiæ, pristinitque dignitatibus, restituatur; quæ quanta sint, carendo magis didicerit, ad num. 5.

II. Quòd quantum parentes nascendo, Dii tribuendo, Romani antè sigillatim dando contulerint, tantum uno nunc simul beneficio retulerint.

III. Comparat reductionem suam cum Metelli, Marii, Popilii reductione, illosque sanguine junctorum potentia & opibus, se verò tantum C. Pisonis generi & fratris (cujus amorem singularem describit num. 8.) lacrymis adjutum, cæterum totius populi fretum favore, ut 20. millia hominum vestem mutarint, Senatus de se constituerit, municipia Italiæ intercesserint, nulla cujusquam cæde, altero Consul non resistente, Lentulo verò etiam summè contentente; nullo ante hac pari restitutionis exemplo, reductum esse, usque ad num. 13.

IV. Digreditur ad turbatissimum reipubl. Statum per Catilinæ reliquias inductum propter quem cesserit, quod P. Lentulum secuturum Consulem provideret, cujus benevolentia Pompeii Serviliique autoritas, pro se, accesserit, usque ad num. 18.

Patra

Parte 2. Suum erga tam benevolam remp. studium, nihil hac injuria immutatum, pollicetur, exemplo Marii restituti; cum quo tamen inimicos non sit armis, sed pietate ulturus, malos remp. hanc gerendo; perfidos nihil credendo; invidos virtuti studendo; avaros ad rationes revocando, præsertim cum de gratia potius optimè meritis, quam odio malè meritis rependendo cogitandum sit, ad num 24.

Peroratiene brevi memoriam beneficiorum sempiternam, studiumque in remp. pollicetur.

CENSURA.

Tota hac oratio planè illustris est, studiumque diligentissimum meretur.

IMITATIO.

Imitaberis, in eodem genere, si quem ex simili calamitate ereptum ostendas, ut si Iosephus Deo ac Pharaoni etiam gratias referat, quod se ex priori calamitate ereptum ad tantos regni honores extulerit. Si Moyses Israëlitico populo & ex Ægyptiaca servitute educto, aut Iosue illo jam ad terram promissionis traducto gratias Deo rependat. In diverso genere, ut si quis ex hæresi, in quam suo, vel parentum errore, prolapsus sit, ad Ecclesiam reductus sit. Aut si Henrico IV. Galliarum Regi Societatis JESU, pro honorifica illius reductione; vel etiam Senatui Veneto, aut Pontifici Alexandro VII. pro restitutione in Venetam rempubl. gratias agat.

ORATIO VII.

Post reditum ad Senatum.

Ejusdem ferè temporis ac propositi est, nisi quod hic liberius adversarios superioris anni Consules, Gabinium & L. Pisonem perstringat. Dicta de scripto est, ut ipse pro Plancio fatetur. n. 74.

Argumentum orationis tale est. *Ingens beneficium Patrum est imprimis Lentuli & Metelli Coss. tum Pompeji & aliorum: qui me duorum improbissimorum Coss. Gabinii & Pisonis consiliis desertum & proditum restituerunt. T. verò*

Annii Milonis Sextii Sextilii aliorumq; contra Tribunitium furorem armatorum non impar beneficium est, Ergo, gratia omnibus referenda sunt.

Exordium, & propositionem à re ipsa jam nota ducit, & beneficium restitutionis cum parentum & Deorum, ut supra, beneficiis confert. ad n. 3.

Confirmatione exponit I. quemadmodum referente L. Mummio Tribunopleb. P. Lentulo & Metello Coss. unà cum Pompejo adjuvantibus, cum omnia in republ. muta essent, ac velut mortua in foro curiaque jacerent, adversus improborum conatus, restitutus fuerit. ad n. 9.

II. Describit sceleratissimos duos superioris anni Consules, per quos pulsus fuerat, & inprimis Gabinium Luxuriosissimum nepotem, cum quo miratur affinem suum L. Pisonem sociasse consilia, seque pulso etiam domum despoliasse, usque ad n. 18.

III. Titi Annii Milonis, Sextii aliorumque in se restituendo virtutem deprædicat ad n. 20. ac deinde sigillatim ad illa, quæ Lentulus in totius Italiæ convocatione, quæque Metellus ab inimico amicus, quæ Senatores 410. uno solum discedente, quæ Cn. Pompejus, quæ T. Annii Sextiusque egerint commemoranda descendit, ad num. 29. postremo ad universos reversus, se eos Deorum in numero habituros adfirmat. ad num. 31. Cessisse se turbis reipubl. ne fortè secum multi boni resistendo perirent, nunc secum ubertatem salutemque, ad afflictam rempubl. revertisse. ad num. 35.

Peroratione ostendit se pristina libertate rempubl. defensurum, qui nullis propinquorum auxiliis, aut aliis, ut alii, nisi fortè lacrymæ fratris aliquid egerint, sed autoritate senatus Italiæque totius voluntate redierit.

C E N S U R A.

In hac oratione omnem Cicero, in Gabino præsertim exagitando, eloquentia vim depromit, à num. 9. igitur usque ad 18. exinet.

Imitationi supradicta materia, modo in adversarios simul exerantur aculei, servantur.

ORATIO XVII.

Pro domo sua ad Pontifices.

Habita anno Cic. 50. U. C. 696 Lentulo & Metello
Coss.

Quæstio duplex.

Prima incidens. *An Cicero rectè suaserit Pompejum rei frumentaria præficiendum esse?*

Altera propria. *An domus Ciceronis à Clodio consecrata, expers religionis, & restituenda Domino sit?*

Verumque Cicero, adversus Clodium, affirmat, & obtinet.

Argumentum quæstionis 1. in Clodii refutatione consistit.

Quod pro reip. salute, consulum & sanatus auctoritate tuenda, tum plebis tumultu, in fame, sedando, ad senatum & Capitolium venerit, & Cn. Pompejum dignissimum rei frumentaria præfecerit, reprehendi non potest, neque Pontifices offendere, cum sit è re omnium.

Argumentum quæst. 2. *Clodius legitime consecrare non potuit, quia & tribunatus ejus nullus est, & lex irrita: & domum injustè evertit, & ritu consueto non consecravit.*

Exordium ab officio Pontificum & causæ gravitate, quod cavendum sit, ne improbi sua scelera religionis obtentu velent; egregiè ducit, ad n. 3.

Propositione docet, quod priusquam rem propositā aggrediatur, Clodii criminationibus, quibus gesta per hosce dies à se in senatu vellicet, occurrendum sit.

Confirmatione igitur quæst. 1. occurrit convitiis Clodii: ostenditque 1. se per illa quæ gessit in Senatu, non timere Pontificum alienationem, qui tanquam venti non mutantur. 2. se, cum à republ. absens desideratus sit, nefariè à Clodio exturbatum. 3. se abstinuisse senatu, dum, Clodius tumultuaretur, venisse denique à Consulibus vocatum ex officio boni senatoris, ut novæ seditioni per Clodium, ejusque & Catilinæ facinorum socios, Lollium, & Sergium occasione famis concitatz, occurreret, adfuisse Deos.

& suo consilio Cn. Pompejum rei frumentariæ præfectum, & annonam, quæ à se publicè flagitabatur, appulsam esse, ad num. 18. Denique 4. admirabili vi & eloquentia demonstrat, se rectius uni extra ordinem Pompejo rei frumentariæ summam credidisse, quàm M. Catonem ipse præfecerit bello contra innocentem Ptolomæum Cypri Regem (ad num. 23.) quamque sceleratissimum ille Gabinium proconsulem Syriæ, aliisque liberis populis L. Pisonem, lege Sempronia violata; quam denique Sextum Clodium, sanguine junctum, rei eidem frumentariæ, unde ad hanc famem deveniatur, præfecerit, usque ad num. 17. Postremò monet frustra ipsum aliosque conari, ut suam Pompeiique amicitiam & studia pro republ. dissocient, si quid intercesserit dissidentia, se errore divulgum esse, nunc ipsius rursus benevolentiam in restitutione expertum; non ultra divellendum, usque ad n. 32.

Confirmationis quæst. 2. ostendit domum restituendam, quòd illegitimè consecrata sit.

I. Quia Tribunatus ipsius nullus sit, propter adoptionem inter plebejos illegitimam, ut quæ, & juri repugnet publico, ad n. 43.

II. Licet staret tribunatus, lex tamen Clodiana concideret; cum & legibus, & formæ judiciorum adversetur, ad n. 53. praxi denique legis ferendæ sine vi, ubi vim fuoremque, in se suosque, tum bonos omnes sibi faventes; usurpatam, lata elegantique descriptione, usque ad n. 101. prosequitur, docetque, se indemnatum à populo (si factiones demas) esse urbe depulsum, semperque etiam absentem in testamentis bonorum, pro cive habitum, neque suas jactare laudes, nisi convitiis laceffitum quibus respondeat, &c.

III. Domum suam injustè everfam breviter tradit, cum sceleratorum tantum civium, quales Metii, Spurii, Cassii Manlii, Flaccique condemnati fuerint, everfa sit, ad num. 103.

IV. Dedicationem ex vitio dedicantis illegitimam esse, prolixius docet; quia ab autore scelerato, sine Deorum voluntate, simulacro meretricis pro Dea libertatis illato, oppressa jam urbe, sine Pontificum autoritate, sine postis apprehensione, & verbis solennibus facta est,

usque ad n. 122. Deinde legem dedicationis iniquam, ipsiusque Clodii exemplo irritam, nullum consecrationis verbum continentem, non cum Pontificibus cum Populo ac viris bonis (ut Cassius signum Concordiæ in curia statuens fecit) communicatam. Postremò vitiosissimè consecrationem peractam esse ostendit, usque ad n. 142.

Peroratio Apostrophen Ciceronis 1. ad Pontifices continet, ut auctoritatem revocantis patriæ suo iudicio, Ciceronem domui propriæ restituendo, confirment; Deosque obtestatur, ut si pro patria, & illorum templis pugnarit, faveant.

CENSURA.

Oratio vehemens & incitata, strictis Clodium interrogatiunculis contemptim refutat, & laceffit. Maximè verò in principio, & confirmationis prima parte ultima, à num. 18. tum etiam parte altera à num. 44. ad 66. & à num. 103. ad 115. cum peroratione, vi atque efficacia, eminent.

IMITATIO.

Imitabitur Romanus quispiam, si contendat. 1. Summum Pontificem ad providendum moribus, & disciplina Ecclesiastica consensionique omnium, rectè universa Ecclesia præfici. 2. Bona Ecclesiastica ab hæreticis occupata, nondum religione vacua, quod Deo legitimè dedicata sint, illegitimè à profanis hominibus teneri: alia contra ab hæreticis Deo dicata nulla religione obstringi, quod sine Deo, sine lege, auctoritate, nihil queat consecrari.

ORATIO XVIII.

De Aruspicum responsis.

Habita anno Cic. 51. U. C. 697. C. Corn. Lent. Marcello & L. Marc. Philippo Coss. contra Clodium, qui recepta abs Cicerone domo, docuit in Concione Aruspices tradere, Deos ob loca sacra profanata urbi offensos esse; idque in Ciceronis domum consecratam detorquebat, at Cicero converso argumento Clodium hac ira peti, ob sacra fidemque violatam, &c. docebat. Unde tam *questio*, quam *argumentum* patet.

Exor-

Exordio describit præteritæ diei impudentiam, quâ Clodius coram egerit, digressusque justam suam indignationem conciverit, quem tamen semper à violatis Bonæ Deæ sacris odio sit persecutus; quòd videret, quantam respubl. pestem foveret, ominatur T. An. Miloni hujus pestis opprimendæ gloriam, præ se, deberi, ad n. 8.

Propositione, per irrisiionem dicit, Clodium à sacris Bonæ Deæ prodeuntem, de religione Domus Ciceronianæ, concionatum esse, qui propediem etiam, à thalamo sororis egressus, de pudicitia dicturus videatur. Nunc se pro sua domo responsurum, ad n. 11.

Confirmationis parte 1. refutat Clodium ex Aruspicum responsis in illum retortis.

I. Docendo suam domum religione magis liberam, quàm cujusquam urbe tota; quòd de nulla tale iudicium senatus, tale Pontificii totius collegii habitum fuerit, quo libera decerneretur, usque ad n. 18.

II. Tradit ludos Megalesiorum pollutos non esse, nisi per Clodium ædilem vim furiosæ plebis inferentem, ad num 30.

III. Loca sacra profanata, non in domo sua (quam Clodius profanus consecrare non potuit) sed à Clodio, qui Telluris sacellum invaserit, ad n. 34.

IV. Oratores violatos (ut Aruspices dicebant) & ab aliis, ne solus improbus videatur, & à Clodio, qui per Medicum uni venas inciderit, asserit, ad n. 36.

V. De jurejurando violato, ait, & reum esse Clodium, ad n 37.

VI. Sacrificia vetera occultaque polluta, per Clodium sacra Bonæ Deæ violentem affirmat, ideoque justa Deæ pœna in omnia scelera non oculis quidem, ut Appius abavus erat, sed mente cæcum, proruere ad n. 4.

Confirmationis parte 2. expanduntur Aruspicum monita.

I. Cavendum ne per optimatum discordias principum cædes oriatur. At Cicero gravissimam discordiarum faciem unum modò ostendit esse Clodium, cujus sceleratam, discordiarumque amantem vitam, per omnes ætatis, & officiorum gradus, ad præsens tempus, eloquentissimè deducit, ad n. 54.

II. Cavendum ne in unius imperium res recidat. Hot

metuendum jure Cicero asserit; quòd hic ferè Principum dissidentium finis sit, ut Mario & Sylla, Octavio & Cinna dissidente visum est.

III. Cavendum, ne occultis consiliis republ. lædatur, qua in re Clodium asserit metuendum ad n. 56. & ne repulsis deterioribus honos augeatur: qualem, citra controversiam, ait esse deterrimum hominem Clodium, usque ad n. 60. Postremò ne reipubl. status immutetur, providendum, quod perquam difficile in labefactata autoritate Principum, & senatus, esse agnoscit, ad n. 61.

Peroratione excusat se à graviore oratione, quam religionis causa susceperit, omnesque à Diis portentis vicinorum agrorum præmonitos; ad concordiam hortatur.

CENSURA.

Hac oratio, licet pauculis locis demissior, magnam tamen ingenii & eloquentia vim in Cicerone demonstrat cum qua sibi adversari visa sunt Arusp. cum responsa, ita in Clodium regressit, ut is unus maxime reus videri posset. Exordium post principium ejusque propositio eximia sunt. Confirmationis pars I. in primis eminet n. 33. & à num. 38. ad 40. à quo per alteram partem confirm. ad 54. num. usque, disertissime in Clodium se se effundit.

IMITATIO.

Serviet in examinandis legum, testamentorum, decretorum, vaticiniorumque denique & sacra Scriptura verbis sententiisque pro nobis in adversarios retorquendis.

ORATIO XIX.

Pro Plancio, ambitus reo.

Dicta est anno Cic. 53. U. C. 699. Domitio Ænobarbo, & Ap. Claudio Pulchro Coss.

Quæstio.

An Cn. Plancius ambitu adilitatem consecutus sit?

Negat Cicero, contra M. Juventium Laterensem & L. Cassum, Judice C. Flavio.

Argu-

Argumentum, Cn. Plancius diligentia gratiaque atque integritate vita populi suffragia potiora obtinuit, neque quicquam adversus legem commisisse convinci à Laterense aliisque potest. Non igitur ambitu, sed jure illi praelatus est.

Exordio benevolentiam caprat à persona Plancii, cui plurimum, ut salutis suæ conservatori, obligetur, tum etiam causæ æquitate, quâ subnitatur, ad n. 6.

Propositione dicit, se, & de meritis Plancii, & ipsius innocentia dicturum, quanquam grave sit Laterensi amico hac in re adversari, ad n. 6.

Confirmationis quatuor velut partes facit: Prima docet Plancium si non generis dignitate, attamen diligentia populi favorem præ Juventio meritum esse, populo igitur, qui rogari & sollicitari amat, imputandum, quod Plancius praelatus sit. Ubi n. 12. scitè populum hanc Juventio negligentiam exprobrantem inducit, ac deinde ipse comitiorum incertitudinem per Apostrophem urget ad n. 17. Deinde genus utriusque confert, municipumque favorem. Se etiam sua intercessione Plancio, bene de se exule merito, profuisse tradit, ad num. 27. denique laudatam ipsius vitam breviter ab adolescentia prosequitur, ad n. 30.

Altera parte Confirm. objecta Laterensis confutat. ut I. Negat libidine notatum, etiamsi ex more Mimam rapuerit; nec, quod scelestum ex carcere dimiserit, crudelem, sed humanum potius habendum; nec filio obesse debere dictum Patris liberius in Magistratum jactum, quod honestus pater filio obstare nequeat, præsertim cum dolore extortum fuerit. Liberum quidem (ut & aliorum sæpe) non tamen asperum dictum, ad n. 36.

II. Negat (quod objiciebatur) ambitum esse admissum. Neque enim id factum in Judicum editione, contra legem Liciniam, cum ipse Laterensis hos delegerit ex tribubus maximè Plancio infestis, qui ex amicis & corruptis à Plancio legendi. juxta illam legem, fuissent, ut testes iidem esse possent, ad n. 45.

Neque decuriatio tribulium, & suffragia largitione comparata sunt, cum de hoc, ut & de coitione, & numerorum divisione, nil probetur; beneficia tribubus præ-

stita etiam laudentur; gravitas Laterensis gratiam non meruerit, usque ad n. 58.

Parte tertia confirmationis, ad Cassii objecta plura respondet strictim. 1. Negat populum meminisse, quod ex Laterensis familia primus ædilis fuerit Juventius. 2. Dicit etiam Ciceronis filio, non profuturum ad honores Patris consulatum, nisi ipse advigilet. 3. Quod licet Plancius ex Scipionis filiis non sit, aut non triumpharit, aut minus eloquens doctusque sit, hoc non impedire, modò virtutem ad ædiliū munus requisitam adferat, ad num. 63. Denique 4. ad laudes Laterensis à Cassio propositas, ait, sæpe populum has ignorare, ut, Lepido exemplo, sibi ex quæstura Siciliensis Romam redeunti eventu cognitum esse, memorat. 4. Fatetur se pluribus quam Plancio, ipsique etiam Laterensi obstrictum. Sed hoc tempus sibi persolvendæ gratiæ Plancio oblatum jure impendere. ad num. 72.

Parte quarta confirmationis, ad quasdam Laterensis in se objectiones redit. & 1. Negat se quicquam Plancii temporisque gratia fingere; sed verè obstrictum, qui gratias eidem redux publicè in Senatu dixerit, ad n. 75. Deinde jure se in defensione Crispī amici & propugnatoris sui lacrymatum dicit. 3. quod licet in tribunatu sibi Plancius non adfuerit; postea hoc exuli præstitisse, ut etiam Senatus ei gratias habuerit; se igitur ingratum esse non posse, nec refugere nomen mīericordis & defensoris ut Laterensis ad num. 86. Denique 4. quod ipse timidè reipubl. aliorumque auxiliis subduxerit, quodque mortem formidaret, ait, consultò factum; cum manens nec vincere, nec vinci sine reipubl. clade potuerit; mori autem cum reipubl. clade noluisse ad num. 91. Postremò, quòd Laterensis se in republ. liberum esse, Ciceronem verò à reditu talem esse negaret, ac denique in Plancio defendendo, ex cloacæ arcem instruere; respondet ad primum, se favere Laterensi libertatem, & propriam non deferere, dumque amicos & imprimis Cn. Pompejum, deinde, C. Cæsarem laudet, facere hoc quod totus Senatus facit; & si videat, navem non impelli in portum, quem velit, occupare, quem possit. Cn. verò Plancium sibi à plerisque deserto Dyrrachium
etiam

etiam mutato habitu occurrentem excipientemque supra meritum non amplecti, ad n. 101.

Peroratio brevis, sed ad motum vehementissima, ex Plancii in Ciceronem affectu ducta, & mutuo publicè complexu, lacrymisque cùm Ciceronis, tum Judicum absoluta est.

CENSURA.

Pleraque humiliori charactere, ut in disceptationibus solet, exarata sunt. Notanda tamen ingeniosa Laterensis exagitatio est, qua negligentiam ipsi & fiduciam nobilitatis exprobrat. à n. 12. ad 17. Est tamen, & pars ultima confirmationis, in fine præsertim observanda, & universè exemplum modestæ refutationis, cùm laude adversariorum, tum epilogus planè admirabilis diligenter considerandus erit.

IMITATIO.

Imitari in Ionatha, amicum Davidem coram Saule patre defendente, licebit, illis, quæ à Patre de ambitione regni objici poterant, refutatis, & argumentis de militia præfectura in bene meritum conferenda propositis. Serviet Iudæ etiam ad defensionem fratris Iosephi, aut Pilato ad Christum è manibus Iudæorum asserendo. In Danielis quoque defensione adhiberi multa poterunt.

CAPUT VI.

Orationes Tertiæ Voluminis.

Oratio pro P. Sextio de vi accusato.

Habita est anno Cicer. 51. Urb. C. 697. P. Cornel. Lentulo, Marcellino, & L. Mart. Philippo Coss.

Quæstio.

An. P. Sextius, cum de Cicerone reducendo ageretur, vim fecerit?

Negat Cicero, cum Hottensio, contra M. Tull. Albi-

novanum accusatorem, & Vatinius testem, absoluto Sextio.

Argumentum. *Sextius* & vir bonus est, & pro salute patriæ pugnavit, & vim illatam repulit: non igitur de vi injusta accusandus est.

Exordio adversariis odium conciliat, & Sextio benevolentiam, quod improbi jam Romæ passim exurgant in probos & reipubl. defensores, ut quos ferro non potuere, accusatione & iudicii opprimant, quibus se profitetur resistere, ad num. 4.

Proposizione, ostendit se primo de vita Sextii, deinde & rebus illius ad remp. pertinentibus acturum.

Confirmatio duabus partibus continetur. *Prima* vitam tractat. ut quod I. egregio patre natus, carus adolescens suis, Scipionis foci, afflicti & exulis, consolator, Quæstor se consule C. Antonii collega, celeri expeditione Catilinam oppresserit. ad n. 14.

II. Quod Trib. plebis factus naufragam remp. restituerit, ubi per longam digressionem, sceleratissimos duos Consules, Gabinium & Pisonem, quorum opera Clodius Ciceronem & remp. evertit, graphicè describit, usque ad num. 31. Denique afflictum urbis lugentis Cicer. statum prosequitur, ad n. 56. cui se ob Clodii incredibilem furorem, rectius quam Q. Metellus Mario cesserit, subduxisse consulto, Cæsare adversante, memorat, ne in ulterius discrimen rempubl. sua oppositione, pertraheret, ad n. 53. Addit quem admodum a Clodio deinde Gabinio & Pisoni decretæ Provinciæ fuerint. Rex Cypri Ptolomæus hostis decretus sit, M. Catoni (ut à republ. abesset) cum imperio ad hunc opprimendum amandato, ad n. 70.

Confirmationis pars secunda docet, mutatis post annum Coss. & Tribunis plebis Sextium pro se, ad Cæsarem inflectendam, profectum esse; Lentulum Consulem ad Senatum retulisse; primumque L. Cottam sententiam rogatum dixisse: nihil contra Ciceronem jure & more majorum actum esse, cui, cum Pompejo, reliqui assensu sunt, præter Gavianum intercedentem Unde dilata die, adversarii hanc multa cæde impedire conati sunt, denique & Sextium Tribunum pleb. se defensurum, in templo Castoris præsentem aggressi, multis afflictum vulncribus, pro mor-

tuo reliquerunt, nullum itaque aliud ipsius crimen, quàm quòd non perierit, cui se mortuo pro republ. jure statua deberetur, ad n. 85. quod si igitur Milo ob defensionem adversus Clodianos susceptam laudatur; cur reprehendatur Sextius pari jure usus? ad n. 96.

Postremò ad quæstionem Albinovani; *Quinam Optimates essent?* respondet, illos esse, qui nec nocentes, nec improbi civitatis principes rempubl. tranquillè, etiam cum sui capitis discrimine moderantur, quales Scaurus, Catulus, Metellus, Lentulus, quo autore revocatus sit. Contra alios, ut Cassium, Gracchumque popolare nomen affectasse, legibus noxiis in populi favorem latis, quibus concussa republ. His nunc Gallum, Clodium, aliasque reipubl. pestes accessisse, qui emptitiis magis sicariis, quàm populi favore grassentur.

Illis non minus fortes reipubl. Romanæ Principes nunc opponi, quàm apud Athenienses olim, proscriptione atque exilio etiam neglecto. Quos suadet imitandos, ad num. 144.

Peroratio ad misericordiam composita est, ex proposito squalore lacrymisque lugentis Sextii, Milonis, Lentuli, quas ob suam calamitatem (quam breviter subjicit) dicit susceptas; ut nisi illi, nisi hic Sextii filius luctu miserabilis, subleventur, ipse salvus esse non possit.

CENSURA.

Oratio prorsus eximia est, acrique dicendi genere inflammata: exordio tamen & peroratione, tum præcipue prima confirmationis parte excellens.

IMITATIO.

Imitaberis quemcunque demum pro patria, ecclesia, aut salute amicorum, vel propria, contra improborum conatum, arma fumentem defenderis. Vbi illa seditiones, quæ superiori seculo, per religionis orthodoxæ Novatores, Europam oppressere, Catholicis multis locis contra vim armatis, Locum invenient. Dabitque Anglia, Belgium, Gallia, Germania, Polonia, Suecia novum imitandi argumentum.

O R A T I O II.

Seu interrogatio in Vatinius testem.

Vatinius, qui contra P. Sextium testis steterat, Cicero hac oratione ita scorsim exagitat, ut Diis hominibusque plaudentibus, execratus discesserit, ut ipse ad Quinct. fratrem epist. 4. Tempus, Consulæque iidem sunt, qui pro Sextio.

Quæstio.

An Vatinius testis credendum sit?

Argumentum negantis tale est. *Vatinius immerito defensionem culpatur, testis que est turpis, nefarius, ac sibi met contrarius, Ergo non audiendus.*

Exordio à Vatinii turpitudine, communique odio, mentiendi licentia, atque atrocitate sibi benevolentiam auditorum conciliat.

Confutationis duæ sunt partes. *Prima* se tuetur, Cicero, ut I. quod C. Cornelium rectè defenderit, aliis approbantibus, à quibus mox ipse Consul electus fuerit. II. quod reipubl. conservandæ gratia prudenter exularit; ut deinde tanto populus studio; & honoris testificatione revocarit, qui tamen Vatinius detestetur, ad n. 11

Secunda parte confut. strictis illum interrogationibus acerbè insectatur. I. adolescentia breviter perstricta, quæsturam avaram, Hispaniensem legationem perversam notat, ad num. 13. II. tribunatum sceleratè gestum, magicas artes, auspicia sublata, legem Æliam Fusiamque violatam, ad n. 21. Consullem in vincula abductum, necemque Principibus urbis, ficto crimine, intentatam, ad n. 29. Opum arrogantiam, & insolentem, epularum violationem, quibus atratus interfuit, persequitur, ad n. 33. III. Post tribunatum, ostendit insigni impudentia, & novitate ad Tribunos plebis provocando judicia disturbasse, repulsamque eidem & odium aliorum exprobrat, usque ad n. 40.

Conclusione, seu interrogatione ultima, illius inconstantiam arguit, quâ Milonem & laudet, & falsò arguat, Sextium

& accusandum fuisse neget, & condemnandum cum Milone putet.

CENSURA.

Eloquentia vulgaris, modo tamen exagitandi adversarium singularis est. Prima orationis pars, usque ad 2. partem confut. in primis legi meretur.

IMITATIO.

In exagitanda illorum testium improbitate, atque inconstantia, qui contra Veterem Ecclesiam insurgere ac testimonium dicere ausi sunt, multis ipsi sceleribus contaminati, atque inter suos etiam auditores despecti, serviet.

ORATIO III.

Pro M. Calio parricidii reo.

Acta anno Cic. 51. Urb. C. 697. P. Corn. Lentulo Marcellino, & P. Marc. Philippo Coss.

Quæstio.

An M. Calius homo improbus, aurum à Clodia accepit, & ne reddere cogeretur, veneno illam sustulerit?

Negat cum M. Crasso Cicero adversus Atratinum, Herennium, Balbum, Prætorē & Judicē Cn. Domitio.

Argumentum; M. Calius falsis criminibus petitur, neque aut aurum accepisse, aut venenum dedisse probatur, Ergo habendus est innocens.

Exordio & propositione docet se festo die ludisque publicis, propter gravitatem objecti criminis defendere injuria accusatum, ad n. 3.

Confirmationis seu confutationis parte prima vitam Cælii ab objectis vitiis purgat. Patrem impiè à filio tractatum negat, quod ipsæ nunc patris pro filio lacrymæ testentur, nec probro esse, quod equitis Rom. sit filius, ad n. 25. Municipibus ingratum non esse, cum Puteolani summos illi honores etiam absenti habuerint. In luxuriæ verò suspicionem,

cionem , ob liberalem formam pertrahit , id tamen male obijci , non probari ab Aratino adolescente honesto , in cuius etiam verbis pudor debeat elucere , ad num. 10. Catilinæ singulari familiaritate adhæsisse negât , sed primum Ciceroni prætori , deinde quidem Catilinæ nondum sua vitia prodenti , etiam secum favit , ut uterque in hoc delictu errarit , conjurationis ideo socius non fuerit , ad num. 16. Ambitum & æs alienum frustra obijci , cum de ambitu alios accusarit , debita tabulæ non testentur , ad num. 18. Discessisse à patre non tantum invito , sed etiam consulente ; nulli Senatorum per vim , nullique uxorem alienatum fuisse injurium , testibus pecuniâ conductis parum esse tribuendum , ad num. 23. Seditiois Neapolitanæ immerito accusatur ; cum P. Ascitius adiutor , iudicio liberatus sit. Denique si luxuria eidem ab Herennio & Balbo obijciatur , aliquid dandum ætati primæ , à qua se multi ad bonam frugem receperint , usque ad n. 30.

Parte secunda confirm. Aggreditur de familiaritate quæ Cælio cum Clodia fuit Clodii sorore , & ut falsè Cicero ait , marito , contra quam egregia prosopopœja Appium cœcum ex proavis excitat , ipsius lævitatem increpantem , ac deinde & Clodium fratrem hos Cælii amores mutare suadentem introducit , denique & senem comicum Cælium reprehendentem , quod vicinitatem tam levis faminæ , unde fama ejus petatur , non devitarit , ad n. 39. Postremò docet paucos hoc tempore tam severos esse , qui omnem à juventute voluptatem arceant , modò sine cujusquam injuria , & aliis volentibus eâ fruatur , quanquam illud dicendi studium , in quo Cælius versatur , immodicas voluptates non admittat , in Clodia etiam omnibus vulgata (ut rectè arguit) nihil magnopere deliquerit , ad num. 51. Porro aurum non accepisse à Clodia , datum L. Luceii servis ad interimendum legatum hospitem Dionem , patet , vel enim dixit , cur aurum peteret , & sic Clodia non minus reâ erit ; vel non dixit , & credibile est Clodiam non fuisse daturam , accedit nullius nisi leviculæ illius restificatio , contra verò Luceii viri integerrimi pro Clodio jurata autoritas , usque ad num. 55.

Pars tertia confirm. Venenum Clodiæ instructum à Cælio negat. Fingit enim irata & procax meretrix , dicuntur servi

servi ipsius adhibiti, nimium certè familiares Clodiæ, ut hæc illis res credi non potuerit; ubi Q. Metelli viri ipsius subitam mortem per hypotyposin oculis subijcit, ut Clodiam in suspicionem veneni advocet, ad num. 61. Deinde explodit historiam, quâ Licinium à Clodio subornatum dixerant, ut venenum ad balueta deferret, deprehensumque effugisse, quod multi fortes ex insidiis (ut aiebant positis) hunc facile interciperi potuissent, hos verò testes & deposcit, & turpitudinis paris cum Clodia sugillat, ad n. 70.

Peroratio, à repetitione vitæ Cælii, ejusque studiis pro reipubl. defensione susceptis, tum denique senectâ miserabilis patris intercedentis, misericordiam concitat.

C E N S U R A.

Oratio hac plus eloquentiæ ingenique, quam pudoris sapiente viro digni, adfert. dum nimium juvenuti indulget, & favet luxuriosa adolescentia. Caterum pars secunda & tertia confutationis, à maturiori & solidioris virtutis ætate magis, quam adolescentibus utiliter volvi possunt.

I M I T A T I O.

Imitaberis in excusatione prolapsi nonnunquam adolescentis, qualis ille Evangelicus est prodigus ad frugem reversus. Vel etiam opposita in specie, si Iosephum Patriarcham, à muliere nequicquam ad libidinem provocatum, raris laudibus extollas, cum aliorum facile prolabantium oppositione, à quibus ipse deflexerit. Idem vel in Augustino respiciente; vel in Thoma Aquinate muliebrem procaciam generosè repellente serviet.

O R A T I O IV.

Pro L. Cornelio Balbo.

Acta anno Cic. 51. U. C. 697. P. Corn. Lent. Marcellino, & P. Marc. Philippo Coss.

Quæstio.

An Cornel. Balbus jure sit civitate donatus?

Post Pompejum aliosque Oratores Cicero affirmat, & obtinet, ut lib. 8. ad Att. Epist. 24.

Argu-

Argumentum. Balbus à Pompejo ob virtutem juxta leges, exemplaue, & consuetudinem civitate donatus est. Ergo, jure est civis Romanus.

Exordio tradit se post eloquentissimos Oratores Pompejum & Crassum, ex Pompeji voluntate, Balbi, cui plurimum debeat, suscipere defensionem, ad n. 5.

Narratio exponit quemadmodum gravissimis balbus in bellis. cum Metello, Memmio, ac denique Pompejo fuerit, qui eum civitate ob merita donarit, ad n. 7.

Confirmatione I. laude insigni Pompejum ornat, ut meritò adlectus Balbus censeretur debeat, cum à tanto viro adscriptus est, usque ad n. 17.

II. Petit ne Balbi virtuti fortunæque invident, cum nihil adversus legē Gelliam Corneliamque peccatū sit, neq; foederati populi, tum cum Romanis utile est, excludendi sint; cum enim Romano liceat esse Gaditanum, cur Gaditano Romanum esse non liceat? semper enim licuit Romanis aliunde fortes cives admittere, nisi fortè, ut in Germanorum fœdere, exceptum sit, quod è fœdere Gaditano frustra elicitur, ad n. 38.

III. Docet Gaditanos factum probare, neque hos deteriori esse jure posse, quàm Afros, Sardos, Hispanosque, qui civitate donantur, jusque hoc illorum defendendum esse, quos C. Cæsari inprimis ornarit, ad n. 44.

IV. Fecisse Pompejum, quod C. Marius, Pompejus Pater, L. Sylla, M. Crassus, Q. Metellus, qui alios plures civitate donarunt, ut Sylla quidem etiam Gaditanos, ad n. 52.

V. Denique, hanc & Judicium in hisce causis sententiam, & populi Rom. sensum, & senatus antehac fuisse judicium & consuetudinem declarat. ad n. 56.

Peroratione, quibusdam obiectiunculis leviter discussis, ostendit: Pompeji invidos malè Balbum impetere, suadetque has cum viris summis inimicitias esse deponendas, & suo exemplo deterret, qui mollius etiam pro Cæsare sententiam dixerit, acerbum etiam Cæsari fore, si hunc amicum suum afflictum sentiat. Illo igitur jure, quod tot clarissimi viri populiue approbarint, Balbum tutò frui patiantur.

CENSURA.

Illustri principio de Pompeii laudibus, ad num. 17. oratio surgit, sua etiam peroratio virtute nitet; cetera mediocritatem non vincunt.

IMITATIO.

Licebit pari ratione contendere Romanae religionis viros liberis Romani Imperii urbibus nullo jure arceri posse, sed priscis Rom. Imperii legibus ubique admittendos & sicubi injuria exclusi sint, postliminii jure, recipiendos. Quod & Caesaris admittentis autoritate, lege possessionis antiqua, ex eorum meritis, politica etiam fide, vita probitate, aliorum exemplis, & jure potiori quam alia secta adferant, poterit stabiliri.

ORATIO X.

De Provinciis Consularibus.

Habita in Senatu anno Cic. 51. U. C. 697. Marcellino & Philippo Coss.

Quaestio.

An Provincia Macedonia Pisoni, Syria, Gabinio, & utriusque Galliae C. Caesari relinquenda sit?

De prioribus negat Cicero, de Caesare affirmat, & obtinet.

Argumentum contra Pisonem & Gabinium est. *Quod injuste acquisiverint & administrent, pro Caesare est, quia sic judicet expedire rei publ. ad Galliam subjugandam.*

Exordio ad odium declinandum dicit gaudere se, quod in Provinciis decernendis, hoc rei publ. utilitas requiratur, & sentiant cum Servilio & alii, ut Gabinio & Pisoni ea derogentur: ex dolore ipse suo haec tantum suadere videatur, ad num. 3.

Confirmationis parte prima, docet Pisonem, & Gabinium à provinciis ob malam administrationem revocandos, &

& Pisonem quidem, tum quia ejus negligentia Provincia à barbaris infestata est, tum milites Rom. variè afflicti, denique & insigni avaritia, libidine, & crudelitate in ea grassatus sit, ad num. 9. Gabinium verò, quod ipsius iter truculentum, ac minister cædis Ariobarzanis fuerit; quòd adventus in Syriam calamitosus, equitatu amisso, quòdque avarè & crudeliter in publicanos, civesque juxta & socios Rom. grassatus sit, ad num. 12. Denique utramque hanc pestem à provinciis jure submovendam asserit, quæ scelere Clodii immissa jam principio movenda erat. Gabinio præsertim tam inviso, ut nec ipsius de victoria literis fides habita, aut supplicatio decreta sit, ad num. 17.

Pars altera confirmat. Cæsari utramque Galliam, ob reip. commodum (quòd magis ipse, quàm privatas olim cum Cæsare inimicitias spectet) jure relinqui, ubi ex amore patriæ exemplo Marii, se Cæsarem amplecti asserit, ipsiusque laudes & victorias prosequitur, totius spem Galliæ ejus virtute ac felicitatè subjugandæ facit, quam ipso revocato minimè censet esse abrumpendam, ad n. 36.

Inconfutazione negat convenire, ut Cæsari vel provincia imminuatur, quod hoc ejus dignitati adversetur, vel prorsus auferatur ex gravissimæ Consulis sententia, ne homo popularis nimia sibi indulta potentia ad reipubl. perniciem abutatur; quod hoc à Cæsare non putet timendum; cui tum propter veterem amicitiam (quamvis Clodiani furoris communione interruptam) tum propter novum in reductione favorem, jure addictus sit usque ad num. 47.

Peroratione brevicula ostendit, se, licet inimicus Cæsari foret, tamen reipubl. causa sentire, revocandum non esse.

C E N S U R A.

Nihil in hac oratione singulari eloquentia illustre est. Pars tamen altera confirmationis, præ reliquis eminet.

I M I T A T I O.

Imitaberis eodem in genere, si de officio, vel administratione cupiam, aut conferendo, aut auferendo differas. In diverso

verso, si inquiras, an profanis Principibus nullo sacerdotio initiatis Ecclesiarum administratio in spiritali jurisdictione concedenda sit? aut, an Franciscus Xaverius, aliusve, ab Indorum, vel Chinorum legatione revocandus in Europam sit? quod ultima magis parti conveniet.

O R A T I O VI.

In L. Calphurnium Pisonem.

Habita est anno Cic. 52. Urb. C. 698. Cn. Pompejo & M. Licinio Crasso II. Coss.

Post revocationem Pisonis à Provincia. Piso enim redux in Ciceronem investus fuerat, cui hac acerbissima reprehensione occurrit Cicero.

Prothesis.

Pisonem jure ex Provincia revocatum esse.

Ratio, sive Argumentum. *Piso est homo facinorosus, cujus abitus in provinciam acerbus, reditus ignobilis, vita & commemoratio turpis fuit, Ergo, jure est revocatus.*

Exordium, à persona Pisonis ex abrupto ducit (fortè, quædam desunt) illumque de suis honoribus gloriantem, hos non virtute; sed nobilitate majorum dicit affecutum, ad num. 3.

Confirmatione, se cum Pione confert I. in gesto consulatione, quem ipse & omnium consensu affecutus sit, & ita gesserit, ut Pater patriæ sit appellatus. Piso verò consulatum à ludis compitaliciis, à lege Ælia & Fusia, censoriaque dignitate per Clodium everta, orsus est, templum Castoris sceleratis armis violavit, Ciceronem domo expulit, Pompejum includit, ut his se jure subducenti turbis Cicerone, omnia scelere everteret, domum etiam Ciceronis inflammaret, Pompejum trucidaret, ad n. 31.

II. Discessum & absentiam suam, quam vitio illi Piso verterat, cum illius absentia in provincia, simul & Gabinii, componit, aitque, se cum omnium bonorum desiderio, & cessisse; & abfuisse, illos verò cum ignominia, sine honore. Et sine laureatis literis Pisonem (quod nulli in Macedonia factum) Gabinium verò missis illis quidem, sed contemptis, in Provinciis frustra imperatores proclamatos esse. Ut graviorem suis adversariis despectum poenamque à Diis precari non potuerit, ad num. 51.

III. Reditum utriusque inter se confert, atque se totius Italiæ concursu, Pisonem obscurissimi Mercatoris instar revertisse. Ubi falsè, at eloquentissimè exagitat profitemem, quòd triumphus cupidus non fuerit; qui tamen spe illius provinciam tanto scelere emerit, &, videlicet, per Pompeio, Cæsari, Crasso aliisque triumphatoribus videri nolit, ad num. 64.

IV. Vitam ejus turpem, & à Græci Philosophi & Poëtæ Epicurei societate sordidam, atque infamem describit, ad num. 73. deinde suum versum; *cedant arma toga*, ita tuetur; ut neget se hoc ad Pompeii aliorumque Imperatorum gloriam oratoribus postponendam; sed pacem bello præferendam dixisse, ad num. 75. proficitur se jure magis Pisonem, quam Pompejum aut Cæsarem insectari; non quod hos magis metuat, sed Pisonis improbitatem oderit, horum virtutem amplectatur, ad num. 83. Quare cum Cæsaris rebus gestis Pisonis in provincia scelera, inertiam, crudelitatem, avaritiam, ambitionemque immeriti honoris opponit, usque ad n. 94.

Peroratione judiciorum illi impendentium ob provinciam malè administratam, omniumque hominum, Romanorum, Provincialium, militumque commune odium, timorem injicit; suumque testatur gaudium, quòd ex Pisonis despectu & abjectione hauriat.

CENSURA.

Admirabili prorsus eloquentiâ, vim ingenii adversus hostem acuate indignatione, hac oratio insurgit, ultima tantum de vitis Pisonis pars, à num. 64. ad 75. strictius, negligentiusque tractata est.

IMITATIO.

Imitaberis in cujusque improbi cum probis facta collatione, ut Carolo stadii, Zwinglii aliorumque in nova Evangelii prædicatione, cum veteri Apostolorum & sanctorum Patrum, illorum libidines cum horum continentia, avaritiam cum paupertate, crudelitatem & bella cum humanitate, & pacis studio conferendo. Magnorum quoque per Europam Principum ad Ecclesiam reditus mansuetudine, demissione, continentia, pace,

pace, pietate insignis, cum aliis ab ea propter libidinem avaritiam, aut ambitionem, per bella, regnorumque aut libertatis noxia cupiditatem deficientibus, componi jure poterit.

O R A T I O VII.

Pro Tit. Annio Milone parricidii reo.

Anno Cicer. 55. Urb. C. 701. pro Milone Cicero dixit, Pompejo III. sine collega Consule, sed cum armato milite forum inturbaret, animus, oratio & causa illum destituit, Milo exul factus, hanc orationem scripto oblatam accepit.

Quæstio.

An Clodius à Milone jure occisus fuerit?

Argumentum asserentis tale est. *Qui vim vi repellit, non occidit injuria alterum, sed Milo vim à Clodio illatam vi repulit, igitur, non occidit illum injuria.*

Exordium ducit ab inusitato judicii genere per milites obsessi, timoremque suum corrigit, cum hos præsidio adesse nuntiat, Judicesque contra furorem Clodianorum pro salute fortissimi civis & bono reipubl. fortes jubet persistere, ad num. 6.

Propositione docet, se, insidias Miloni factas esse, luce clarius demonstratum, ad n. 7.

Confirmationis parte prima, Thesis illam probat, quod nonnunquam hominem, præsertim vim inferentem, occidere liceat, nam I. judicio populi Rom. absolutus Horatius est propriæ sororis interfector, probata mors T. Gracchi, & aliorum se Consule, legibus etiam 12. tabul. nocturnum licet furem occidere, quid ni igitur vi invadentem, cum eo potissimum sine arma ferantur? ad n. 12.

II. Quod obijciunt, Senatum judicasse Clodii cædem contra remp. esse, negat, cum vix quinque in Senatu reperitisint, qui Milonis causam non probarent, licet incendium curiæ; aliaque adversari reip. jure senserint, ad num. 15. negat & Pompeii rogatione, qua de cæde inquirendum judicavit, quicquam adversus Milonem decerni, cum sola

inquisitio decernatur , quanquam hic tempori Pompejus deserviat , cum de Drusi & Africani morte, in suis ædibus interfecti , nulla quæstio à Senatu decreta sit. Ubi ad invidiam Clodio conciliandam , subjicit , si eam in manibus servi Clodiani in templo Castoris deprehensam , seque toties Clodii telis appetitum , & nullam hac de re quæstionem decretam esse. Pompejum igitur ne Clodio malè conciliatus videretur, hanc de jure facti quæstionem, sed apud æquissimum Judicem L. Domitium , aliosque instituisse , quibus se vim Clodii probaturum confidat, ad num. 24.

Parte secunda confirmationis. Narrat I. consilia Clodii & insidias Miloni structas, apparatus, pugnamque, ac denique cædem Clodii, ad n. 32.

II. Probat Clodium , & voluisse , & potuisse insidiari; ideoque, ob speratam utilitatem ex cæde; ausum esse , cum tamen Miloni & obsit mors Clodii , & potuerit sæpe occidere , semperque noluerit, nihil unquam vi compertus adversus Clodium agere, cum vi omnia ille auderet , & sæpè occasio illius occidendi populo grata fuerit , ut cum adversus omnes, se restitutioni Ciceronis opponeret , Cn. Pompejo, & M. Antonio resisteret , an igitur cum periculo credibile est occidere voluisse , quem sine periculo poterat, idque eo tempore, quo consulatum candidatus prensaret? usque ad n. 44.

III. Ex adjunctis , ut quòd Clodium arguat impunitatis spes, quòd minæ, quòd notum , iter Milonis Lanuvium profecturi, quòd nocturna profectio , quòd locus ad insidias opportunus , quòd comitatus mulierum exclusus, ad num. 59.

IV. Negat obstare Miloni dimissionem servorum , aut eorum confessionem ab Appio dolo extortam: securam potius conscientiam, quàm ad urbem subito redire , adversariorum calumnias suspicionesque negligere (qui novum in eo Catilinam adversus Pompejum , & tempubl. fingere visi sunt) prodesse oportere, ad n. 73.

Parte tertia confirmationis Clodiana flagitia , eloquentia prorsus admiranda , exagitat. I. per prosopopœjam inducens Milonem profitentem de cæde Clodii sceleratissimi hominis , ne per unum jus, leges, pudor, libertas, resp.

respul. opprimeretur , quæ vivo Clodio jacuissent , ad num. 80.

II. Fingit Clodium reviviscere , & Romanos Pompejumque quærit , hocne seriò optent ? negat verò optare , ideoque quærit , cur Milonem damnare velint , de cujus etiam , ob hanc cædem , præmiis cogitandum esset , quod tali peste rempubl. liberarit ? Quanquam non tam Milonis virtute , quam Deorum nutu , qui rempubl. salvam , improbam puniri voluerunt , hanc cædem factam sentiat ; ne Milone per insidias sublato , impunè omnia everteret , ad num. 93.

Peroratione misericordiam Judicum gravissimis dicendi figuris , à suis & Milonis in patriam meritis implorat ; illum & virum fortem immotumque ; se ut lacrymis fractum exhibet ; illum patriæ Ciceronique à se servato valedicentem , factorumque se potius honore , quam præmiis virtutum solantem inducit ; se gravissimè hoc vulnere , ab amicis etiam accepto , dolentem , obstantemque pro tali viro , per quem ipse servatus sit , ad varias lacrymas convertit.

CENSURA.

In hujus orationis postrema parte à n. 73. vim illam dicendi promittit Cicero , quâ vix quicquam potest absolutius cogitari. Cetera partes intra mediocritatis terminos subsistunt. Quare Quintilianus , qui hac oratione nihil esse nobilius credidit , de ultima potissimum parte est intelligendus.

IMITATIO.

Imitari poteris in Ioabo coram Rege Davide defendendo , quod Absalonem Patris vitam , & insidiis , & vi appetentem , occiderit , magno patria bono. Vel contra Davidem minimè Saulis vitæ insidiatum , tot occasionibus cadis neglectis , post regnum etiam à Deo oblatum , laudatiori imitatione poteris ostendere.

Eadem quoque oratio , pro & contra Anglos Regis sui interfectores servire , in utramque partem differentibus , poterit. Etiam pro Regibus Gallia Francisco & Henrico Hæreticorum , Ecclesiam persequentium , oppressoribus faciet. In Herode ejusque filiis locum quoque inveniet.

ORATIO VIII.

Pro C. Rabirio Posthumo repetundarum reo.

Habita anno Cic. 53. Urb. C. 699. L. Domitio Ænobarbo,
& Appio Claudio Pulchro Coss.

Quæstio.

*An Rabirius Posthumus corruptionis gratia, pro
Gabinio, à Rege Ptolomæo pecuniam
acceperit?*

*Negat Cicero adversus Memmium. Ratio est, quia nihil in
legitimo iudicio probatur.*

*Exordium ducit ab imprudenti facto Rabirii & Narratione
quemadmodum Regi Ptolomæo Romæ exuli crediderit
pecunias, non tantum suas, sed & amicorum.*

*Confirmatione, vel confutatione potius, Memmium cau-
sam adferre dicit, quæ neque ad Senatum pertineat; cum
non teneatur illi rationem dare Rabirius, quomodo ista
pecunia Ptolomæus usus sit; neque ad causam Gabinii cor-
rupti, cum hæc jam sit iudicata, & Rabirius nullis testibus,
tabulis, aut rationibus particeps esse convincatur. Deinde,
ait, Equites lege Julia (quæ est in eos, qui pecunias ab aliis
repetundarum damnatis acceperint) non teneri, cum
& nova sit, & lata Senatoribus, ut lex M. Drusi ab illis ad-
missa non est. Denique Gabinium si quam accepit pe-
cuniam, non impulsu Rabirii, sed lucri causa admisit, ad
num. 22.*

*II. Dioceten, seu regium procuratorem, Ptolomæi
fuisse Rabirium negat; sed hac occasione regiæ inclusum
custodiæ, mortisque objectum periculis, quædam necessi-
tate fecisse asserit, quæ & sapiens, ut Plato, Callisthenes,
Demetrius, non potuerunt devitare, ad n. 25. Quod palli-
um contra Rom. mores sumpserit. Regis gratia, cui omnes
suas fortunas crediderat, faciendum fuit, exemploque L.
Syllæ, Scipionis Asiatici Rutilique defenditur. Quin &
morte, nisi turpi, hanc effugere Regi obsequendi necessita-
tem non poterat, ad n. 30.*

III. Do-

III. Docet Rabirium ne quidem accepisse pecuniam, nam si accepisset, id ratione decumarum, ut ajunt, factum esset; at hic illi 11. talenta non 10. ut ait Mummius, accipienda fuissent. Deinde testes Alexandrini nihil contra Gabinium adferunt, tantumque in rem militarem pecuniam accepisse dicunt; mirumque esset, si is, cui propriam Rex Ptolomæus pecuniam non reddat, ei dandam Gabinio credat, & Rabirius, præsertim extremè egens, Pro Gabinio pecunias occultè transportarit, ad n. 41.

Peroratione, docet tenuissimas Rabirii res à sola Cæsaris benevolentia sustentari, qui majorem laudem hac miserarum ope & propugnatione, quam expugnatione hostium mereatur; cum Rabirii bona nec sestertio quidem æstimanda sint, ut iceirco pro tam afflicto suas etiam lacrymas Cicero interponat.

CENSURA.

Et obscura satis, & vulgaris differendi est ratio, nullo singulariter loco, nisi quid tribuas perorationi, eminet.

IMITATIO.

Imitaberis in defensione eorum, qui cum pecuniam multam Principibus, in defensionem patriæ, vel religionis contulerunt, eam denique ex bellicis prædis, aut occulta compensatione recipiunt; vel etiam pro laboribus, aut opibus reipubl. vel Ecclesiæ impensis honestam remunerationem exigunt; modò Simonia crimen submoveatur.

ORATIO IX.

Pro M. Marcello restituto.

Habita in Senatu anno Cic. 61. Urb. C. 707. C. Jul. Cæsare I. & M. Æmil. Lepido III. Coss. Postquam Cæsar Marcellum Pompeii fautorem in gratiam receperat. Generis est demonstravi.

Prothesis.

Iure C. Jul. Cæsari agenda sunt gràtia ob Marcellum in fidem receptum.

Ratio seu argumentum est. Tam singularis clementia Cæsaris, qua inimicis etiam parcat, singulari prædicatione digna est, & iccirco Cæsari minus etiam de insidiis metuendum erit.

Exordium ducit à persona sua, dicitque se diuturnum silentium in tanta Cæsaris clementia, quâ optimum virum Marcellum, unâ secum, in fidem gratiamque receperit, amplius tenere non posse, quanquam eloquentia hanc digna nequeat exornare. ad n. 5.

Confirmationis parte prima, clementiam Cæsaris per comparisonem cum fortitudine & bellica ipsius gloria confert. Hanc summam in illo agnoscit; sed illam longè maiorem, tum quod nihil sibi ex illa tribuni, aut milites vendicent, tum quod seipsum, quàm hostem vincere longè sit & gloriofius, tum quod viros dignos pacisque amantes reipubl. conservarit, quosdam etiam si posset ab inferis revocaturus, ut bello hoc pacem salutemque reipubl. quæsisse videatur, quæ usque ad num. 21. eloquentissimè diducit.

Parte altera suspicionem insidiarum Cæsari eximere conatur, quod amici insidiaturi non sint, inimici si qui fuerint, sint reconciliati. Monet itaque his vocibus, quibus sat diu se vixisse testetur, abstinendum. Hoc agendum prius, ut respubl. legesque jam armis turbatæ, bonis rursum legibus ac pace firmentur, sine quo consilio factoque gloriam ipsius minus plenam, firmamque inter posteros, futuram auguratur. Quod cum omnes cupiant, Cæsarem etiam tuebuntur, ad n. 34.

Peroratione brevicula, rursus & suo & omnium nomine, pro Marcello sibi longè carissimo, reipubl. & suis restituto, gratias agit.

CENSURA.

Eloquentissima hæc gratiarum actio, non raro ab eloquentia studio & volvenda, & animo inscribenda, & imitatione sapius exprimenda est.

IMITATIO.

Latissimus imitandi campus est, nam & in omni gratiarum actione, imò in cujusvis virtutis descriptione, similis ferè poterit comparatio institui. Sigillatim fratres Iosephi Patriarchæ pro clementia & injuriarum obliteratione ei gratias referre poterunt, cum fide omni impofterum promissa, aut etiam Sauli conciliato David, aut Davidi Abjelson.

O R A T I O X.

Pro Ligario.

Habita est ad Cæsarem an Cic. 61. U. C. 707. Cæsare & M. Æmil. Lepido Coss.

Causa hæc est. Ligarius in bello civili Confidii proconsulis partes in Africa provincia explebat, hic Tiberonem ad Provinciam venientem, ut Cæsari eam adjungeret, exclusit, quo nomine à Tiberone postea accusatus est.

Quæstio.

An Ligario ignoscendum, quod Tiberonem Africa exclusit?

Argumentum Cic. affirmantis est. *Ligarius à Tiberone gravioris etiam criminis reo, & quidem injustè, accusatur. Igitur absolvendus est.*

Exordium Metum ex gravitate criminis simulat, ut accusatorem Tiberonem, quem pari scelere dicit obligatum, terreat, num. 1.

Confirmatione narrando I. exponit, quomodo Ligarius, Africanis postulantibus, à Confidio discedente, in Provinciâ relictus sit, belloque interea civili nato adversus P. Attium Varum imperium provincia quorundam studio affectantem, substitit, qua in re minus crimen, quàm ipse Cicero, qui contra Cæsarem Pompejo adhæsit, quamque etiam Tiberone hujus partes secutus, admiserit, reperiatur, usque ad n. 11.

II. Prodigio igitur simile, quod talem accuset Tiberone, qui in causa eadem minus nocens reperiatur: & Cæsarem, in victoria, adversus alios supplices deprecantesque clementem esse nolit, qui ipse talem expertus est, usque ad num. 19.

III. Ipse Cæsar non accusat Cn. Pompeii, aliorumque scelus; sed fuisse de dignitate contentionem seditionemque agnoscit, in qua pars quælibet salvam esse voluerit rempubl. ad n. 20.

IV. Docet Ligarium, à Senatu consentiente, extra civile bellum, Tiberonem Patrem, ab eodem jam dissentien-

te, minus legitimè constitutum. Deinde Tiberonem admissum, non Cæsari, sed Pompejo provinciam traditurum fuisse; cum ad hunc quærelas, de se excluso detulerit; causam denique magis suam, quàm reipubl. spectet, ad num. 39.

Peroratione longiori ad clementiam Cæsaris, tanquam patris, convertitur, quanquam se, æquitate causæ fretum, illum ut Judicem non reformidare ostendat, orat, ut Brochorum Ligariorumque, pro Cæsare stantium, dolorem attendat, ex quorum concordia judicare possit, pro quo Ligarius steterit, quorum precibus aliquid debere videatur, præsertim cum M. Marcello magnâ suâ gloriâ veniam fecerit, tanta clementiæ laude, quâ ad Deos proximè accedat.

CENSURA.

Plus hac defensio ingenii, quàm eloquentia (quâ tamen mediocris est) possidet, cum pleraque accusationis tela in adversarium retorqueat, & quocunque se verterit Tiberonem premat.

IMITATIO.

Imitari universè licebit in redarguendis illis, qui alios accusant, cum in partibus ipsi, vel majoribus etiam criminibus, rei sint: ut hæretici plerumque sunt, qui Catholicos de vi, de alienis occupatis possessionibus, de perfidia, arguunt, ipsi jure accusandi. Vique scelerati plerique, qui festucam in oculo proximi observant, trabem in proprio non vident.

ORATIO XI.

Pro Dejotaro Rege Gallogracia.

Habita privatim coram Cæsare an. Cic. 62. U. C. 708. Solo Cæsare Consule.

Quæstio.

An Rex Dejotarus Cæsari insidias struxerit?

Argumentum negantis est. Reconciliatus Cæsari per beneficia

ficia Rex est, Deosque timeret, ac probatis est moribus, cuius famulus fidem non meretur, facta nil tale praeferunt. Ergo Cæsari insidiatus non est.

Exordio suum timorem declarat, quod in Regis discrimine, quod contra perditos accusatores, quod apud eum Judicem, cuius capiti insidiari feratur, quodque remotus à populo huic Regi addicto causam agat, Cæsaris demum æquitate confidit, ad n. 8.

Confirmatione I. exponit quomodo Cæsar Dejotaro principio offensus fuerit, iccirco quod partes Pompeii secutus sit; hanc tamen offensionem deinde positam, & jure quod autoritate viri illius ductus sit, quam plures fuere secuti, denique tamen post Pharsalicam pugnam deseruerit, seque etiam Cæsari in bello Alexandrino junxerit, ad num. 15.

II. Docet tantum facinus in Regem hospitalem & amicum cadere non potuisse, ut tantum virum toti orbi admirandum in conspectu Deorum penatium occideret, cuius probitas moresque longè aliud testentur, ad n. 17.

III. Ex facti adjunctis negat probabile videri, quàm enim stultè per armatos in balneo occideret, qui per venenum facilè id domi posset? quam stolidè servum conscium sceleris, cuius fratres haberet Rex in vinculis, Romam ad Cæsarem liberum dimisisset? ad n. 22.

IV. Exercitum, non comparasse adversus Cæsarem docet, cum tantum pro finibus tuendis militem aleret, Cæsari deinde nullâ se perfidiâ in Africano bello junxit, pecuniam multam dedit, neque gavisus ipsius clade est, aut turpi saltu jam senex lætitiâ prodidit, qui adolescens quoque tam moderatus vixit, ut nepotem Castorem (quo autore reus est) imitatore habere potius, quàm accusatorem mereatur, ad n. 30.

V. Perstringit Castorem, quod avum Regem, per quem familia ipsius emerit è tenebris, per corruptum servum, exemplo Romanis non tolerato, in discrimen adducat, & convicia è trivio collecta, fingat in Cæsarem à regis vibrata, ad num. 35.

VI. Docet Regem Dejotarum à Cæsare non magis quàm Antiochum magnum à Scipione alienum videri, licet uterque parte aliqua regni multatus sit; quod cætera benefi-

cio illi Cæsaris confirmata sint, à populo Rom. sæpe ornatus fuerit, vita ipsius cum virtute semper traducta, aliud testetur, usque ad num. 39.

Peroratione denique veterem Deiotari Regis erga se benevolentiam memorat, Cæsarisque illi clementiam promptam fore ominatur, quæ cum privatis etiam hominibus ultro delata sit, Regibus (quorum nomen Romanis sanctum sit) non erit deneganda.

CENSURA.

Prior orationis pars usque ad n. 17. nonnihil eminet, reliqua vulgari ferè eloquentia absolvitur.

IMITATIO.

Serviet imitanti in simili criminum purgatione, ut si quis Davidem coram Saule de insidiis & affectatione regni, Iosephum coram Domino de libidine accusatum, tueatur.

Orationes Philippicæ Ciceronis in M.

Antonium.

Oratio I. in Senatu habita est an. Cic. 63. Urb. C. 709. M. Antonio & P. Corn. Dolabella Coss.

Quæstio.

An supplicationes Cæsari mortuo decernendæ, ejusque acta probanda?

Ad primum negat Cicero. Ratio ejus est, quia mortuis supplicationes non decernuntur.

Alterum admittit, modò Antonius sua pro Cæsaris actis non supponat. Ratio ejus est, quia hujus ad pacem videntur facere, Antonii verò iniqua sunt.

Exordium abitus sui ex urbe, reditusque ad eandem causas exponit. Et illas quidem esse asserit, quod Antonium principio æquum & alienum à tyrannide, sensim hanc cerneret affectare consulibus pressis, populo dominante: has, quod intelligeret Antonium, remissis Provinciis Galliæ, ad senatus auctoritatem rediturum, ad n. 11.

Confirmationis parte prima dicit: iniquè sibi heri exitinere lan-

re languido vim intentatam, quâ ad senatum cogeretur, ut de supplicationibus Cæsaris sententiam diceret. Nunc se adesse, libereque adversus omnium, præterquam unius Pisonis, sententiam, pronuntiare: has admitti non debere, cum insolens sit pro mortuo, & ita mortuo, supplicationes decernere, ad n. 16.

Parte altera I. optat Antonium præsentem, negatque ipsius acta, & quæcunque Cæsaris chirographa, sed leges in æs incisas, de provinciis, judiciisque, quæ negliguntur, non illa malè promulgata, quæ de vi & majestate damnatis provocationem concedit ad populum, qua acta etiam Cæsaris rescinduntur, ad n. 25 Magis verò etiam indignum esse, quod probari velint leges Cæsaris, nondum cognitæ, sed promulgandas, quanquam tam iniquis rebus Dolabellam favere non sentiat, Antonii iram non speret, cum pro reip. salute loquatur, ad n. 29.

II. Dolabellam, & Antonium, licet absentem, ad ejusmodi facta, quæ reipubl. bonum, & veram illorum gloriam spectent, hortatur. Monet hunc, ut qua cœpit viâ insistat, avi sui exemplum imitetur, C. Cæsaris exitum consideret, populi affectum plaususque expendat, ad n. 38.

Peroratione brevi dicit, se hunc fructum reversionis suæ cœpisse, quod quicunque casus sequantur, liberum conscientiae suæ testimonium dederit.

Oratio II. Philip.

Hæc non in senatu, ut quidam putant habita, sed scripto tantum relicta, adversus declamationem Antonii est, cui primò respondet, deinde par pari rependit, omnibus eloquentiæ viribus in Antonium depromptis.

Exordio brevi ostendit ad odium Antonio conciliandum, omnes per 20. annos reip. hostes, ut Catilinam & Clodium sibi bellum indicare, quibus nunc pejor accedat Antonius. Cujus maledictis se responsurum asserit.

Confirmationis parte prima refutat. Antonii criminationes. Ut 1. quod contra socrum Antonii in judicio steterit, ait, se injuriæ refellendæ gratia fecisse, 2. quod discipulus Ciceronis fuerit, 3. quod auguratum beneficio Antonii acceperit, quorum illum quidem Antonio ait optandum,

dum; hoc se negat agnoscere. 4. quod post Pharsalicam pugnam cum occidere posset, Ciceroni pepercerit; hoc, ait, beneficium se tanquam à Latrone accipere 5. quod Antonii facta reprehenderit, oratione, literisque ad amicos, hoc ait, se officio fecisse, ad num. 11. Deinde 6. quod malè consulatū gesserit, negat, cū ex sententia Senatus, & approbatione optimorum gesserit. 7. quod Lentulum Antonii Vitricum sepeliri passus non sit, hoc, ait, parum in laudem Antonii cedere, quod apud talem educatus sit, 8. quod Carmen illud, cedant arma togæ, jactarit, hoc ait, eventū probatum, & Antonium rudem non intelligere. 9. quod Clodium suo consilio interfecit, negat; lætatum esse non abnuī, ad n. 23. Denique negat se aut belli civilis innocentem, aut Cæsaris interfecti causam, quam objectionem ingeniosè pro se urget & contra Antonium; ut si laudabile sit reipubl. tyrannum sublatum esse, ejus laudis non recuset esse particeps, si reprehendendum, magis Antonium participem videri, ad quem honor & opes Cæsaris translatae sint, ad n. 37. Postremò non diffitetur se Pompejo adhæsisse, idque reipubl. causa factum asserit, negat eum sermonis libertate alienatum, negat, aut jocos, aut mœrorem fuisse immoderatum; negat etiam nullas ad se ab amicis hereditates, ob alienationem, devenisse, optatque pauciores sibi delatas esse, ita enim amicorum plures viverent. Malis artibus se cum Antonio, qui nec patris quidem hereditatem obtinuit, alienas hereditates non adiisse, faciliè concedit. Irridet verò quod hanc in se orationem à Rhetore Leontino compositam duobus mil. jugerum campi emerit, ad n. 44.

Pars secunda, confirmat. à puero usque ad consulatum gravissima oratione Antonii flagitia perstringit. 1. puerilis & infamis vitæ licentiam, in Curionis prodigi adolescentis consortio. 2. Clodio in tribunatu sociatum asserit, à Cæsare tamen sibi literis è Gallia commendatum, quaesturam adiisse, Clodio penè in gratiam Cicer. interfecto. 3. & tribunatu potitum dicit, in quo se opposuit senatui in gratiam Cæsaris, & reipubl. est hostis declaratus, ad Cæsarem denique confugiens, belli civilis adversus Pompejum aliosque Rom. suscepti autor fuit. Condemnatos reipubl. restituit, neglecto patruo, Italiam, Leonum

& Mimæ socius, exclusâ matre, peragrandò vexavit, ad num. 62. Deinde 4. Magister equitum Cæsare absente factus, rapinis liberè , ad omnem luxuriam & ebrietatem , usus est, bonorum Pompeii dilapidator, omnibus detestandus Helluo, *quod factum mira eloquentia exaggerat*, dicitque Cæsare & Dolabella reliquias Pompejanorum in Hispania debellantibus, hunc domi rebus suis & luxuriæ intentum hæsisse, & simulata profectioe, quasi impeditum, substitisse, occurrisse deinde venienti & ad consulatum, exclusò Dolabella, emerisise, ad num. 85. Postremò in consulatu Lupercus Cæsari turpissima adulatione in rostris diadema obtulit, quod is tamen recusavit, à Cæsaris nece, primùm dum timeret omnibus æquus, sublato timore, reipubl. immunitates vendidit, bona diripuit, atque, in Gynæceo conscriptis sygraphis, alienat, Cretam Provinciæ onere liberat, Dolabellam obfistentem sceleratè etiam infamat, acta Cæsaris pro arbitrio confingit, Varronis fundum publicat, omnia in libidinem, ebrietatem, scorta profundit, denique ad hæc flagitia crudelitas Syllanâ gravior accedit, ut nec inter suos quidem nisi armatus possit vivere, ad num. 113.

Peroratione, Antonium metu terret, ad pacem, primaque post cædem Cæsaris consilia adhortatur, ostendit, quanto Cæsar illo ad imperium dignior, qui tamen ambitione sua perierit, suadet in gratiam cum rep. redeat, se morti paratum offert, modò moriens rempubl. liberam reliquat.

C E N S U R A.

Prima oratio, ut subita, sic re nulla singulari eminet, altera ut meditatius scripto concepta, ita plus laudis præsertim in medio obtinet, ubi facta Antonii eloquentia summa perstrinxit, atque inter Philippicas, minori cura quam copia profusas, præcipuè eminet.

IMITATIO.

Imitaberis primam orationem si, e. g. de Herode mortuo querat, sitne illi à tota patria ut Regi parentandum? & , an crudelis ipsius voluntas de proceribus interficiendis explenda sit?
alteram,

alteram, si vel Horodis, vel Antiochi, vel Iuliani apostata criminationes adversus Iudeos, aut Christianos refutes, simulque improbam illorum vitam Ciceronianis illis coloribus adumbres.

ORATIO III.



Philip. eodem tempore ad Senatum habita.

Prothesis.

Antonium ut hostem reipubl. Octavii & Bruti armis, Senatus autoritate confirmatis, reprimendum esse.

Argumentum. Quia Octavius Caesar fortis adolescens, Martia & Quarta legione Caesaris fretus, egregiè rempl. contra Antonium tuetur, ut & Brutus Galliam.

Exordium ostendit oportuisse jam dudum Senatum cogi, ad consulendum reipubl. & vim bellumque Antonii propulsandum, ad n. 3.

Propositione & confirmatione, Laudat primò raram Octavii adolescentis virtutem, qui subito comparato exercitu, fortissimaque legione Martia & Quarta sibi adjuncta, Antonii furorem à reipubl. prohibuerit, eamque autoritate Senatus municendam suadet, ad num. 18. Deinde non minus D. Brutum, quod Antonium reprimat, quàm L. Brutum quod Tarquinius superbum Regem non tulerit, laudandum, retinendumque in Gallica Provincia docet; quod hanc pop. Rom. contra Antonium, servet, ad num. 18. Postremò edicta Antonii, quibus Octavium perstrinxit (de quo tanquam hoste nihil ad senatum referre ausus sit) tanquam malè natum, & Q. Ciceronis fratris sui filium, tanquam patris patriæque hostem, denique & alia plura inconsultè effutiit, variè exagitat, atque ad Octavium laudandum rediit, usque ad n. 29.

Peroratione longiore omnes ad libertatem reipubl. secum defendendam adversus improba Antonii & L. Fratris ipsius arma, tum ad urbem Octavio Caesari, Galliam Bruto commendandam extimulat.

O R A T I O IV.

*Quæ ejusdem argumenti est, Populum ad eandem
libertatem defendendam
excitat.*

Exordio benevolentiam captat, & cum grata populi acclamatione significat Antonium à Senatu hostem esse reipubl. existimatum. ad num. 3.

Confirmatione laudat Octavium, & D. Brutum, reprehendit verò Antonium. ad n. 11.

Peroratione amissam libertatem populo Rom. fortiter esse recuperandam, tum à majorum exemplis, tum facilitate vincendi suadet.

C E N S U R A.

Mediocri hæc utraque stylo nitet, non excellit

Imitationi tamen serviet, si vel Ecclesia adversus illius hostes patrocinemur; vel Davidi adversus Sanlem, e. g. patrocinemur.

O R A T I O V.

Philippica.

Habita est in Senatu anno Cic. 64. Urb. C. 710. Panfa & Hirtio Coss.

Quæstio.

An legati ad Antonium mittendi sint, an potius acta Antonii in Consulatu rescindenda, & præmia reip. defensoribus decernenda sint?

Cicero primum negat, quia turpe & inutile: affirmat cætera, quia acta ipsius iniqua, præmia aqua sunt.

Exordio brevi gaudium suum ob novos Consules, & consensum Senatus testatur, ad n. 3.

Propositione & Confirmatione, ostendit primò Cicero legatos ad Antonium mittendos non esse, nisi prius arma ponat & deprecetur; cum illos turpe sit deferere, qui pro reipubl. contra Antonium arma ceperint, ad num. 7.

R r

Deinde

Deinde acta Antonii consulatu, rescindenda asserit, ut quæ contra auspicia, mores Majorum, magno reipubl. incommodo, ex Julii Cæsaris fictis commentariis producta sint, ut immensam acervaret pecuniam, ad num. 12. Leges Judicesque ab eo improbos constitutos affirmat, vi per armatos obsessam civitatem, opes possessionesque omnium violatas, ad num. 22. Denique, cum milite adversus rempubl. Octavium Cæsarem, & Brutum collecto, omnes oppugnet, negat legatos ad tam manifestum hostem mittendos, qui si arma poneret, tamen impunè recipiendus non esset. Bellum igitur omni censet diligentia parandum, Consulibusque permittendum, ut provideant, ne quid respubl. capiat detrimenti, ad num. 35. Postremò D. Bruto obconservatam in fide Galliam, M. Lepido verò ob egregiè defensam adversus tyrannidem rempubl. tum denique Octavio Cæsari ob repressum Antonium & habendas gratias, & illi quidem statuam equestrem, huic exercitum cum imperio, licet adolescenti, decernendum censet, ad num. 54.

Concludit brevissimè celeritate ad bellum rectè conficiendum opus esse.

ORATIO VI.

De eadem re Cicero ad populum refert.

Exordio refert, in Senatu quidem, plures secum principio sensisse, bellum potius parandum, quam legatos ad Antonium mittendos, sed hanc denique prævaluisse sententiam, ad num. 3.

Deinde ostendit ex sceleratis Antonii consiliis fore ut legatos non audiat, etiamsi hæc Ciceronem prævidisse & jactasse palam noverit, serò deniq; adhuc bellum eligendum esse, & futurum populi hostem, qui se statua jactitet, ad num. 15.

Denique concludit, suamque adversus Antonium operam pollicetur, populi verò consensum prædicat.

CENSURA.

Hæc stylo aliquantum ad sublimius dicendi genus assurgunt, nulla tamen vel inventionis, vel figurarum claritate fulgent.

Quare

Quare cum & reliqua Philippica argumento faciles sint, & de eodem Antonio, anno supra dicto, sint habita, nec singulari dicendi ornatu fulgeant, strictim illas tantum ad imitationem lubet proponere.

Imitaberis, si, e.g. deliberet Carolus V. Rom. Imp. aut Philippus II. Hisp. Rex, armâne in confœderatos Germania, aut Belgarum Principes summenda sint, an potius legatione ad pacem provocandi?

Septimâ Philip. Cicero pacem cum Antonio, fautoribus illius confutatis, dissuadet?

Imitaberis hanc in discussione illius sententia; an cum illis, qui à Catholica digressi Ecclesia, adversus illam omnia moluntur hostilia, pax honesta, minimè periculosa, ac diuturna sperari possit?

Octavâ, quâ Cicero seditionem hanc, belli non tumultus nomine, contra quosdam, vult appellari, & Galenum pacis autorem, aliosque pro conciliatione Antonii perstantes acriter refutat.

Imitanti serviet, qui pro, vel contra bellum cum hæreticis sustinendum, in Gallia præsertim, disserit, ubi oppositis hac causa sententiis jam diu agitata est.

Nonâ Cicero Sulpicio in legatione apud Antonium mortuo, tum ob insignes illius virtutes, & juris scientiam, tum quod pro republ. mortem oppetierit, statuam erigendam decernit.

Imitaberis in Tillio, e.g. hujus seculi heroe, qui, post militiam unitorum Principum præclare administratam, contra Suecum denique pro religione & patria occubuit, in quo, jurisprudentia loco, scientiam rei militaris laudabis. Contra, Gustavo Suecorum Regi, poteris, ex imitatione per oppositum, negare statuam deberi, quod alieni imperii invasor, religionisque oppressor fuerit, quamvis multis Rege dignis virtutibus præditus.

Decimâ, quâ Fusio Galeno adversante, M. Bruti potentiam reipubl. utilem esse, contra Antonium contendit, neque veteranum jure militem hac offensum iri.

Serviet, si, e.g. ostendas, adversus quosdam dissentientes, convenire ut Romanus Imperator instructum in imperio militem habeat, ut externis hostibus resistat, ac reipubl. consulat, neque liberæ urbes Principeque hac re jure offendi posse, quod communis libertas hoc pacto defendatur.

Undecimā Dolabellæ Asiā, cum Trebonii cæde, hostiliter, pro Antonio, invadenti M. Brutum & Cassium Cæsaris percussores opponendos, hâc Provinciâ decretâ, tradit. Ubi illustri expositione Treboniana cadis indignitas exaggeratur.

Imitaberis, e.g. si, damnata Regis Antiochi crudelitate, in Eleazarum aliosque 2. Mach. c. 6. & 7 exercita, adversus illius Duces, Iudam Macchabaum deligendum, mittendumque esse contendas.

Duodecima Cic. legatos ad Antonium Mutinam obsidentem mittendos negat, se verò in primis ob pericula retinendum. Decima terra pacem cum tam nefario homine, ipsius literis productis confutatisque dissuadet.

Imitaberis, si, e.g. in materia antea proposita ostendas Iudæis cum Antiocho pacem esse non posse. Pars verò posterior orationis ultima exemplum confutandi breviter aliorum scripta, libello, ut solet, apologetico, tibi proponet.

Decima quarta, qua Cicero, victo Antonio, supplicationem victoribus 30. dierum decernit, victosque solatur, insignem locum habet, de victoribus ornandis ante perorationem.

Serviet pro Iuda etiam Macchabæo, aut Martyribus adversus tyrannum invictis. Poterit & illa tractari Pauli sententia, nemo coronatur, nisi qui legitimè certaverit. Si primò tradis, nobis in hac vita arma deponenda non esse: deinde hostem salutis nostræ mundum & carnem esse, quibus semper resistendum sit; denique gratias Superis, pro victoria, semper referendas esse, certamque victoribus coronam expectandam.

Hæc ad orationes Ciceronis cum intelligendas, tum imitandas sufficere studioso adolescenti poterunt, si illam quæ de vita est Tullii historiam adjecerit. Cætera, quæ sua obscuritate moram legenti injicere poterunt, & magnum ad eloquentiam momentum non adferent, &

Magistrorum, cum opus est, studio lucem accipient. Nunc ad ipsas Rhetorum exercitationes accedamus.

— (o) —

CAPUT VII.

Prævia Oratoris novitii exercitatio, in figuris dicendi illustrioribus, practicè ordinata.

PRæliminaris aliqua de figuris exercitatio Rhetoribus necessaria, est priusquam ipsam Eloquentiæ palæstram & arcem subeat.

Noverit jam futurus orator alias in verbis, & eas quidem levioris operæ studiique figuras reperiri: alias in sententiis, quæ majus, & orationi pondus adferant, & conatum scribentis requirant. His autem figuris tanquam diverso orationem habitu cultuque nitescere: ut cum etiam idem dicitur, aliud tamen figurarum beneficio dici videatur.

Discat igitur 1. Observandum Oratori, quo genere dicendi utatur. Nam in exornativo illo, quod ad solam oblectationem instituitur, figuræ verborum, atque illæ imprimis, quæ ex similitudine nascuntur, locum reperiunt; in aliis verò ad persuasionem motumque comparatis pauciores verborum figuræ, præter repetitiones, polysyndeta, & asyndeta, usurpantur, quæ faciles cognitu sunt, magnam tamen orationi vim conciliant. Universè autem verba figurari, si vel præter usum vulgarem adjicias, vel detrahas quippiam; vel certâ inter se lege compares ac componas.

Discat 2. Sententiarum figuris præcipuum inesse pondus, atque has in illo potissimum consistere, ut orator in omnes se partes dicendo verset, hoc est, nunc alios, nunc seipsum, nunc Deum & inanimas etiam res compellet, interroget, invitet, admittat, aut rejiciat: contraque illis etiam orationem tribuat, ut interrogetur, provocetur, atque etiam respondeat, affectus morisque, vel suos orationi, timendo, deprecando, optando imprimat. Quæ ubi semel universim candidatus eloquentiæ apprehenderit, nihil ad quasunque figuras in orationem inducendas reperiet difficultatis, modò aliquibus Ciceronis exemplis ad hanc rem instructus accesserit.

Rr 3

I. Exem-

I.

*Exemplum exercitationis in figuris
verborum.*

Praxis verò exercendi hæc esse poterit. Primò Magister rē scribendam aut dictet, aut narret sine illo figurarum, quem à discipulis requiret, ornatu: hi verò exceptam ornare, ex regulis jam præscriptis, aut prælectis Ciceronis exemplis non dissimilibus contendant.

Do exemplum in figuris verborum, suadet his verbis pacem.

Consul qui popularis videri & esse desiderat, si rempubl. natus fuerit, qua timore malorum impendentium turbata sit, & in qua perversi homines in foro ac curia dominantur, fidem tollant, ac judicia violent, regnum & imperia moliantur; ille pacis studio, libertatis amore, & otii jucunditate omnes foveat ac recreet, &c.

Jubet verò Magister hæc figuris verborum acrioribus, hoc est, repetitionibus, polysyndetis, aut asyndetis ornare simul & amplificare, ac postquam labores discipulorum inspexerit, quæque recte, aut minus aptè usurpata sint, monuerit, illud Ciceronis exemplum proponat, quo is contra Rullum in *Agra. 2.* usus est, post princip.

Ego qualem acceperint rempubl. Quirites, intelligo, plenam sollicitudinis, plenam timoris: in qua nihil erat mali, nihil adversi, quod non boni metuerent, improbi exspectarent, omnia turbulenta consilia contra hunc reipubl. statum, & contra vestrum otium partim iniuri, partim nobis Consulibus designatis inita esse dicebantur. Sublata erat de foro fides, non ictu aliquo novæ calamitatis, sed suspitione ac perturbatione judiciorum: novæ dominationes, extraordinaria non imperia, sed regna quæri putabantur. Quæ cum ego non solum suspicarer, sed planè cernebam (neque enim obscure gerebantur) dixi, in Senatu, hoc magistratu me popularem consulem futurum. Quid enim est tam popolare quàm pax? quâ non modo il, quibus natura sensum dedit; sed etiam recta atque agri mihi lætari videntur. Quid tam popolare, quàm libertas? quam non solum

solum ab hominibus, verum etiam à bestiis expeti, atque omnibus rebus anteponi videris. Quid tam popolare quàm otium? quod ita jucundum est, ut & vos & majores vestri, & fortissimus quisque vir maximos labores suscipiendos putet: ut aliquando in otio esse possit, præsertim in imperio & dignitate.

Vides hanc orationem tam alyndeto, seu dissolutione, quàm repetitione ejusdem sententiæ non mediocriter ornari atque incitari.

Monendi tamen erunt adolescentes, ne nimia hic frequentia, aut etiam affectatione quadam repetitionis offendant. Quod mihi non omnino hac eadem in oratione vitasse Cicero videtur, quando sic Rullum exagitat.

Quis legem tulit? Rullus, quis majorem partem populi suffragiis privavit? Rullus. Quis tribus, quas voluit, vocavit, nullo custode sortitus? Rullus. Quis decemviros, quos voluit, renuntiavit? idem Rullus. Quem Principem renuntiavit? Rullum.

Hic ego ultimam abesse repetitionem, & reliquas nonnullas paulò longioribus intervallis in verbum idem malim recidere.

Rursum de elegantia singulari, quam oppositio repetitioni immista conciliat, doceri poterunt. Ut pro Roscio Amerino Cicero.

Accusant ii, qui fortunas ejus invaserunt; causam dicitis, cui nihil præter calamitatem reliquerunt. Accusant ii, quibus occidi patrem Sext. Roscii bono fuit; causam dicit is cui non modo luctum mors patris attulit, verum etiam egestatem. Accusant ii, qui hunc ipsum summè jugulare cupierunt; causam dicit is, qui etiam ad hoc judicium cum præsidio venit, ne hic ibidem ante oculos vestros trucidaretur. Denique accusant ii, quos populus poscit, causam dicit is, qui unus relictus ex nefaria illorum cæde restat.

II.

Exemplum exercitationis in figuris sententiarum levioribus.

Aliud exemplum in figuris iis sententiarum, qui ad

Rr 4 dele-

delectationem, potissimum comparatae sunt, producantur. In quibus praecipue eminent communicatio sermonis cum alio, objectionum praecipue occupatio, & vel concessio vera, aut ironica; vel rejectio, aut correctio, vel subiectio. Sit igitur hoc Magistri argumentum.

Quamvis adolescentia magis aliqua ad hunc libertas concessa sit. Haec tamen illi moderatio servanda est, ne vel pudorem cuiusquam, vel honorem laedat. Et si nonnunquam ad inanes adolescentiae cupiditates deflexerit, ad frugem & curam rei, ubi se recipiat. Neque tamen quisquam existimet, me probare talem adolescentiae libertatem, quae ad vitia ac voluptates deflectit; potius omni laude dignum censeo, praeque etiam Camillis ac Fabriciis comparandum, quem remissa illa, ludi, & convivium tum cetera ejus aetatis voluptates non aliquando arripuit.

Haec ejusmodi sententiarum figuris, quibus orationem ad alios convertimus, & vel iidem aliquid tribuimus, vel negamus, vel eorum dicta inducimus, atque expendimus, exornare licebit. Ex Cicerone etiam locum reperiēs, ubi faciem hac in sententia illustranda praetulit, sic enim pro Calio illum poteris loquentem paucis mutatis inducere.

, Detur aliquid aetati, sit adolescentia liberior, non omnia denegentur. Dummodo illa in hoc genere praescriptio, moderatioque teneatur: parcat juvenus pudicitiae suae, ne spoliet alienam, ne effundat patrimonium, ne scenore trucidetur, ne incurrat in alterius domum atque famam, ne probum castis, labem integris, infamiam bonis inferat, ne quem interimat, ne intersit insidiis, scelere careat.

, Postremo cum dederit aliquid temporis ad ludum aetatis, atque ad inanes haec adolescentiae cupiditates, revocet se aliquando ad curam rei domesticae, rei forensis, rei publicae; ut ea, quae ratione antea non perspexerat, satietate abjecisse, experiendo contempsisse videatur.

, Dicet aliquis, haec igitur est tua disciplina? sic tu instituis adolescentes? ob hanc tibi causam hunc puerum, parens commendavit, & tradidit, ut in voluptatibus adolescentiam suam collocaret, & hanc tu vitam & studia defenderes? Ego, si quis Iudices, hoc animi robore, atque

atque hac indole virtutis ac continentiae fuit, ut respiceret omnes voluptates, omnemque vitae suae cursum in labore corporis atque in animi contentione conficeret; quem non quies ad æqualium studia, non ludi, non convivia delectarent: nihil, in vita expetendum putaret, nisi quod esset cum laude & cum dignitate conjunctum, hunc mea sententia divinis quibusdam bonis instructum atque ornatum puto. Ex hoc genere illos fuisse arbitror Camillos, Fabricios, Curios, omnesque eos, qui hæc ex minimis tanta, fecerunt.

OBSERVATIO.

Vides hic principio concessionem, deinde prolepsin, seu præoccupationem hoc argumentum scriptionis ornasse, per quas illustrius longè gratiusque est redditum. Invenies plura horum exempla, ubi de Refutatione agemus inferius.

III.

Exemplum exercitationis in figuris sententiarum gravioribus.

Tertium de gravioribus figuris sententiarum, quæ non tantum delectant, sed & movent, exemplum propono, ut sunt hypotyposis, ethopœja, prosopopœja, & Apostrophe, quibus alios acrius compellamus, mores, affectus, vocesque illorum exprimimus. Sit hoc Magistri thema, quo feminam leviculam objurget, ac deinde & adolescentem quod à consortio suspecto non abstineant.

1. Quo te modo compellem, ô mulier, ut ab hoc adolescentis consortio abstraham? optarem certè ex proavis tuis superesse virum laudatissimum Appium, qui alia tibi præcepta daturus esset. Cogita quanta dignitatis virum nacta sis, quibus parentibus, quo genere, quâ familia orta sis, & potius laudatissima fama cognitas tuas Claudias, quam dissoluta vita fratrem imitare, noli obscurare gloriam fortissimi viri proavi tui Appii, qui aternam suorum factorum posteris memoriam reliquit, sive cum adversus hostes pugnaret, sive cum magnificis domi operibus ornaret reipubl.

2. Sed quam insanum hoc tuum est facinus, quod accusatores hujus adolescentis à te subordinati, ut huic noceant, tua convivia in balneis instituta, & scelera non dissimulent, quae se quidem vera sint, apparet nihil tibi esse credendum.

3. Denique non intelligo cur hujus, licet formosi, adolescentis consuetudinem ambias, cum & durum parcumque habeat patrem, & ipse tantos amores respuat, ac dona etiam aspernetur.

4. Quibus enim verbis talem filium pater compellasset, an non illius apud Caelianum patris vehementis ac duri? Cur te in istam viciniam meretriciam contulisti, &c.

Hoc argumentum rursus ex Cicerone pro Coelio desumptum est, adversus Clodiam P. Clodii (gravissimi hostis Tulli) sororem. Quod iccirco in his exemplis praestiti; ut quemadmodum ipse Cicero per illustres hoc figuras tractasset, facilius innotesceret.

Quod si tamen idem in diversis personis argumentum tractare potius ac proponere studiosis lubeat, facile reperies simile, ut in Phœdra Hippolyti Noverca, aut Putipharis uxore casti Josephi consuetudinem prensante.

Postquam igitur adolescentibus imperaris, ut primam hujus, aut similis argumenti partem, inductâ defuncti avi Prosopopœjâ exornent, & amplificent: alteram verò Apostrophe ipsius Oratoris: tertiam nova Prosopopœja fratris adhuc superstitis ad sororem: quartam denique Apostrophe cum admixta prosopopœja ad ipsum adolescentem immeritò traductum. Videbis primò ut suas quisque partes egerit, probanda laudabis, emendanda corriges, ac postremò Ciceronis ipsis exemplum propones, quod pro Coelio, circa medium, tale est.

*M. Tul. Cicero pro Coelio, circa
medium.*

1. Muliebres mihi nunquam inimicitias gerendas, putavi, praesertim, cum ea, quam omnes semper amicam, omnium potius, quàm cujusquam inimicam putaverunt, sed tamen ex ipsa quæram prius, utrum me secum, severè, & graviter, & priscè agere malit, an remisè, ac leniter, & urbanè? Si illo austero more, ac modo: alii, quis mihi ab inferis excitandus est ex barbaris illis, non
hac

hac barbula, qua ista delectatur, sed illa horrida, quam in statuis antiquis, & imaginibus videmus: qui objurget mulierem, & pro me loquatur, ne ista mihi fortè succenseat. Existat igitur ex hac ipsa familia aliquis, ac potissimum cæcus ille: minimum enim dolorem capiet, qui istam non videbit. Qui profectò si extiterit, sic aget, & sic loquetur. Mulier quid tibi cum Cœlio? quid cum homine adolescentulo? quid cum alieno? cur aut tam familiaris huic fuisti, ut aurum commodares: aut tam inimica: ut venenum timeres? non patrem tuum videras? non patruum, non avum, proavum, atavum audieras consules fuisse? non denique modò te Q. Metelli matrimonium tenuisse sciebas, clarissimi & fortissimi viri, patriæque amantissimi? qui simul ac pedem limine extulerat, omnes propè cives virtute, gloria, dignitate superabat? cui, ex amplissimo genere, in familiam clarissimam, nupsisses, curtibi Cœlius tam conjunctus fuit? Cognatusne? affinis? viri tui familiaris? nihil horum. Quid igitur fuit, nisi quædam temeritas, ac libido? nonne te, si nostros imagines viriles non commovebant, ne progenies quidem mea, quinta illa Claudia, æmulam domesticæ laudis in gloria muliebri esse admonebat? non virgo illa vestalis Claudia, quæ patrem complexa triumphantem, ab inimico tribuno plebis de curru detrahi passâ non est? cur te fraterna vitia potius, quàm bona paterna, & avita, & usque à nobis, cum in viris, tum etiam fœminis repetita moverunt? ideone ego pacem Pyrrhi diremi, ut tu amorum turpissimorum quotidie fœdera ferires? ideo aquam adduxi, ut ea tu incestè uterere, ideo viam munivi, ut eam tu alienis viris comitata celebrares? sed quid ego, judices, ita gravem personam induxi, ut & verear, ne si idem Appius repentè revertat, & Cœlium incipiat accusare illa sua gravitate censoria. Sed videro hoc posterius, atque ita Judices, ut vel severissimis disceptatoribus M. Cœlii vitam me probaturum esse confidam.

2. Tu modò mulier, (jam enim ipse tecum nulla persona introducta loquor) si ea, quæ facis, quæ dicis, quæ insimulas, quæ moliris, quæ arguis, probare cogitas, rationem tantæ familiaritatis, tantæ consuetudinis, tantæ con-

conjunctionis reddas, atque exponas, necesse est. Accusatores quidem libidines, amores, adulteria, Bais acta convivias, coniectiones, cantus, Symphonias, navigia jactant: iidemque significant, nihil se invita dicere. Quæ tu, quoniam mente, nescio qua, efferata, atque præcipiti in forum deferri iudiciumque voluisti, aut diluas oportet, falsaque esse doceas: aut nihil, neque crimini tuo, neque testimonio credendum esse, fateare.

3. Sin autem urbanus me agere mavis: sic agam tecum: removebo illum senem durum ac penè agrestem, ex hisque tuis sumam aliquem, ac potissimum minimum fratrem tuum, qui est in isto genere urbanissimus, qui te amat plurimum, qui, propter nescio quam, credo timiditatem, & nocturnos quosdam inanes metus, tecum semper pusio cubitavit, cum putato tecum loqui: quid tumultuaris soror? quid insanis? quid, clamores exorsa, verbis parvam rem magnam facis? Vicinum adolescentulum adspexisti: candor huius te & proceritas, vultus, oculique perpulerunt? sæpius videre voluisti; nonnunquam in iisdem hortis visa nobilis mulier, illum filium-familias patre parco ac tenaci habere tuis copiis devinctum non potes: calcitrat, respuit, non putat tua dona esse tanti. Confer te alio, &c.

4. Redeo nunc ad te Cœli vicissim, ac mihi auctoritatem patriam, severitatemque suscipio illius apud Cœcilianum patris vehementis ac duri. *Cur te in istam vicinitatem meretriciam contulisti? cur illecebris cognitis non refugisti? cur alienam ullam mulierem nosti? Dede te ac disce, per melicebit: si egebis, tibi dolebit: mihi sat est, qui atatis, quod reliquum est, oblectem mea.* Huic tristi ac decrepito seni responderet Cœlius, se nulla cupiditate inductum de via discessisse. Quid signi? nulli sumptus, nulla jactura, nulla versura. At fuit fama. Quot as quisque illam effugere potest in tam maledica civitate? Vicinum, ejus mulieris miraris malè audisse, cujus frater germanus sermones iniquorum effugere, non potuit, &c.

OBSERVATIO.

Patria Magistris, ex illustrioribus Cicæ locis, exempla non de-

deerunt, & nos plura inferius suppeditabimus. Si Protopopœjam tamen illustrem desideres, Consule Cicer. pro Rosc. Amer. in Conclusionibus, & in 3 pro lege Agrar. in fine, & in Catilin. 1 num. 18. si Hypothyposin Catilin. 4. n. 12. Ethopœjam, pro lege Agrar. 2 si Apostrophen, pleræque conclusiones dictarum orationum dabunt.

CAPUT VIII.

*De Comparatione, ejusque natura & varietate,
tum singulari ad amplificandam, & illu-
strandam orationem
virtute.*

JAm denique reliquum est nobilissimum futuri Oratoris exercitium, quo uno eloquentia & locupletatur maximè, & suavissimè illustratur. Quod quo ab aliis negligentius tractatum est, nec loco methodoque satis idonea inculcatum, tantò à nobis studiosius per exempla proposita erit cognoscendum, & commendandum impensius.

Exspectas quodnam illud sit? Non diu te morabor. Comparatio est, sive rerum inter se similium, aut dissimilium collatio, ab oratore tanquam illustris quædam rei, de qua differit, imago introducta.

Sed quemadmodum, inquires, hac inter figuræ locum reperit, cum inter locos communes tam simile, quàm exemplum, atque etiam contrarium, quod in dissimili intervenit, adeoque omnis comparatio numeretur.

Dicam, neque hic te patiar hæere. Quamvis comparata universè sumpta & simile, & exemplum, & oppositum complectantur, ut quædam argumentationis sunt sedes, tamen prout his iisdem tanquam luminibus quibusdam illustratur oratio, meritò figuris accensentur. Quin hoc ultimo munere longè nobiliora censentur, cum ab illis invicta rarò argumentatio peti soleat, certum semper ornamentum orationi accedat. Verùm sentiamus utrumque egregiè, præstare; & firmare, & ornare dictionem: tantò nobis etiam vigilandum erit acrius, ne hoc præsidio oratio nostra destituatur.

1. *Quid igitur Comparatio est , ut naturam ejus cognoscamus?*

Aphthonius universè hanc rectè describit, quod sit *oratio ex collatione rerum comparatarum aliquid majus, vel æquale declarans*, cum dicit *majus*, tam à minori, quam majori, ut vocant ductam *comparationem* comprehendit, quia in utraque alterutrum semper majus est, per *æquale* *comparationem* parium intelligit. Omnis enim res, quæ cum altero confertur, vel major, vel minor, vel æqualis est.

Si materiam comparatorum spectes, res quælibet inter se conferri possunt, etiam mala cum bonis, & parva cum majoribus, & personæ quoque, & res, & tempora, & bruta, &c. (ut ait Aphthonius) idque tam inter se quàm cum aliis.

Si formam, vel per convenientiam, vel per oppositionem, aut utrumque simul id fieri poterit, idque per partes omnes, sive Physicæ illæ sint, sive Metaphysicæ, sive ethicæ, perque omnes inventionis fontes, utrumque collatorum ita diduci poterit, ut vel natura naturæ, attributa attributis, &c. vel certè hæc illis opponantur & æquentur, aut præferantur. Atque hoc præcipuum artificium diducendæ *comparationis* consistit. Si enim non tantum res ipsæ, sed etiam quæ ad dicendum de utrisque rationes eruuntur, cum rationibus oppositis componantur, ingens differendi campus aperitur, idque præsertim, si res etiam plures & aliæ aliis illustriores in contentionem adducantur. Et hæc de forma quodammodo Physica, quâ res rebus variè conferuntur; nam si de Rhetorica illa, quæ figurarum est, loquamur, manifestum est, hac non minus *comparationes* variari atque illustrari, quàm orationis corpus universum.

Si finem attendas, *comparatio* vel ad augendum & illustrandum, vel ad deprimendum illud, de quo dicis; vel certè explicationis gratia adhibetur. In primò genere *comparationum*, res magnæ, atque omnium existimatione illustres accersendæ sunt: in altero res viles despectæque apud omnes; in tertio res claræ perspectæque universis.

2. Exemplis verò omnium comparationum formas complecti velle, planè longum sit; cum vel unam quæ fecundior sit; per pleraque inventionis loca, perque ea, quibus non tantum componi, sed & opponi possit diducere, orationis non parvæ opus futurum sit. Præterea cum varietas comparationum tanta sit, sive materiam, sive formam spectes, omnes prosequi velle, integri voluminis spatium requireret. Paucis igitur exemplis hoc progymnasma absolvam, tantumque monebo: quod si quis in comparatione luxuriare velit, rerum tantum illarum, quas inter se conferet, fontes inventionis proprios excutiat, & copia scribenti affluet. Si factum aliquod cum facto comparabit, hoc etiam carmine expenso rectè utetur. *Quis? quid? ubi? quibus auxiliis, cur? quomodo? quando?* si personam cum persona, ut Hectorem cum Achille, aut Virgilium cum Homero, aut etiam D. Joannem Apostolum cum Aquila, aut Baptistam cum stella bosphoro, aut Deiparam cum aurora, aut Christum cum sole, vel agno: utriusque originem, naturam, proprietates, effecta & adjuncta expendat, in aliis paritatem, in aliis disparitatem, in nonnullis excessum alterius reperiet, differendi semper copiosam materiem.

Causam igitur cur tantepere amplificet orationem comparatio, nemo non videt; cur verò etiam illustret extollatque opportunè ad omnem affectum in auditore conciliandum faciliè patebit. Si animadvertas, hoc potissimum omnem agere comparationem, ut per res notas clarasque rei alterius laudandæ, vel reprehendendæ, vel etiam persuadendæ naturam, ingeniumque ita exprimat, ut altissimè in animo designatur, ejusque intimos sensus penetret.

Ita Cicero illustrissimo pro Marcello exemplo, ut Cæsaris clementiam, quâ devictis parcebat hostibus extolleret, aliis illam virtutibus ipsius præclarisque in bello facinoribus comparavit, quæ cum egregia laude extulisset, & justissimam omnium admirationem ac prædicationem merentur: tamen & ingeniosè, & verè ostendit, unius clementiæ decus in pace majus esse. Quod ex illa laude bellica multum sibi fortuna, multum exercitus

citus decerperet; at clementiæ laus uni Cæsari deberetur, majusque sit animum, quàm hostes vincere. Quod exemplum cum in plerorumque manibus sit, & in Palæstra styli ex parte recitarim, hic non lubet repetere. Dignum est, quod sæpius scribendo imiteris.

Nonnullas tamen ex Max. Tyrio ac Tullio comparationes, brevi quidem, at nervoso genere scribendi comprehensas proponam. Quarum aliquas locis etiam extrinsecis, hoc est, similibus aliis, exemplisque ornavit, ut intelligas, ne his quidem, cum opportunum fuerit, abstinendum videri.

3. Non adducam breves illos Comparatorum lusus, cum strictim, vel res una, vel etiam diversæ breviter inductis similibus, aut exemplis illustrantur, ut ebrietatem lib. I. c. 4. fonte 5. ab effectis descripsi, quod sit *mater lisium*, &c. à fine, ut quod sit *salutis hostis*, &c. à comparatis, quod sit *venenum dulce*, &c. Quæ metaphorica sunt, & comparationem involvunt. Magis apertè sic corruptam adolescentum societatem describes: *Vt à morbo forma elegantia, ab austro floris vernantis decus, ab aspersis maculis purpura ornamentum, à nebulis ac tempestate solis pulchritudo; ita improborum consortio, innocens adolescentum vita corrumpitur.* Vel, *Quod morbus forma, auster floribus, macula purpura, nebula soli, hoc improborum societas adolescentia est, corrumpit.* Sed his non lubet immorari, cum ornamenta sint rarius & cautè, ne affectatione offendas, usurpanda. Ut enim plus ingenii excellentiæque continent, ita tanquam illustris persona, plurium oculis atque observationi exposita, acutius censentur. Poëtarum illa lufibus scitè usurpantur.

Ita nonnemo cecinit:

*Disce creatarum spectacula lubrica rerum,
Quisquis es, ad plausus est tibi scena brevis.
Hora tibi penna, volucris rota volvitur anni.
Vita nitor, flores gaudia; preda dies.*

Et alius otii perniciosi insectator.

*Quod Segeti rubigo, novis quod floribus auster,
Blatta toga, ferro luna, seredo rati,*

Hoc

Hoc animo tepor est, animi tepor improba pestis

Non intellecto vulnera dente facit.

Sed ad illa veniamus exempla , quæ orationem egregia differendi facundia amplificant, & pulcherrimis dicendi luminibus illustant.

4. Ut verò intelligas quâ potissimùm id via & arte fiat, illud memineris velim , similitudinem , seu collationem duorum inter se, vel parium , vel disparium , per plerosque inventionis fontes proprios, non minus , quàm alias rationes inventas diducendas esse. Dum enim quæ insunt, cuique rerum oppositarum expendis , in quo conferas alia atque alia reperturus es : vel ut paria , vel certè ut disparia, ex quibus illa quæ ad propositum tibi finem servient, cæteris rejectis, facilè adhibebis. Sed exemplis , atque eorum imitatione hæc facilius , quàm multis præceptionibus apprehendes. Tyrius ac Cicero facem præferent.

CAPUT IX.

Exempla diversarum Comparationum diversa.

Quandoquidem in comparationibus , vel persona cum persona, vel res cum re, vel factum cum facto , idque, aut in re pari, aut dispari confertur, exempla horum dedimus , primò enim Adulator cum amico , secundo Corpus cum anima, & Respubl. cum Principe , idque geminata comparatione componitur , tertio dedicatio loci sacri cum dedicatione, quæ est facti paris , ac denique crudelia Labieni facinora cum aliorum dispari mansuetudine incomparationem veniunt.

Quin & rationes comparandi exprimuntur diversæ. Nam in primo exemplo, nuda tantum simplexque diversarum personarum, per adjuncta diversa, fit collatio , & oppositio , in altero rationes tum paritatis, tum disparitatis adferuntur, eidemque comparationi fusiùs insistitur. In reliquis exemplis media quædam conferendi via tenetur, non adeo nuda, strictaque; suis tamen rationibus destituta.

I.

*Comparatio disparium, hoc est, Adulatoris & Amici per oppositionem.**Quomodo ab adulatore amicus differat.*

Tyrius diss. 4.

Ex proposito usque & instituto animi, ab amico adulator distinguitur. Sicut uterque & qui virtutis studio, & qui mercedis causa militat, armis utitur, nec tamen de operibus eorum ab externa quispiam actione iudicat; cum pro instituti ratione usum utriusque potius distinguat. Alter enim servare amicum solet, quia est amicus: alter se mercede cuilibet addicit. Alter in eo quod agit suæ spontis est, alter venalis. Alter iis fidem servat, cum quibus foedus contraxit, alter ne iis quidem, cum quibus amicitiam. Eodem adulatorem ab amico differre puta. Ambobus enim sæpius accidit, ut eodem modo agant, eodem modo cum amicis vivant, cum tamen alter ab altero, vel ex usu, vel ex fine, vel ex animi proposito sit discernendus. Amicus enim id quod bonum putat, sive id dolorem postea, sive voluptatem adferat, cum amico communicat & ex æquo fruitur: adulator ex præscripto libidinis suæ, quicquid cum amico agit, ad lucrum suum dirigit. Amicus æqualitatem, proprium bonum spectat adulator. Alter æqualitatem in virtute, alter lucrum in voluptate. Alter paritatem in congressu, alter humilitatem in cultu. Alter veritatem in familiaritate, alter fraudem. Alter emolumentum in posterum, alter in præsens delectationem. Alterius beneficia memorari gaudent, alterius fraus sepeliri postulat. Alter quæ amici sunt, ut communia curat, alter ut aliena consumit. Amici & in secundis rebus familiaritas gratissima est, & in adversis sortem ex æquo fert, adulator, neque secundis rebus expleri potest, neque in adversis usquam apparet. Amicitia laude, vituperio digna est adulatio. Amicitia par pari rependit utrinque, adulatio claudicat, qui enim egestate adductus, ut id consequetur, quod deesse sibi videt, alterum colit, inæqualem se

se fateatur necesse est, quatenus non vicissim ab illo colitur. Amicus si ignoretur, adulator nisi ignoretur, miser est. Amicitia si exploretur, confirmatur, adulatio si exploretur, perit. Amicitia tempore crescit, adulationem tempus convincit. Amicitia nullius unquam eget, alicujus semper adulatio. Quod si aliquid hominibus cum Deo commune est, homo pius amicus Dei est, superstitiosus adulator Dei. Et Beatus quidem vir pius, qui amicus Dei est, miser, superstitiosus. Quemadmodum autem alter virtute sua fretus, sine metu, accedit Deos, alter improbitatis suæ conscientia dejectus, multo cum timore, sine ulla fiducia venit, nec aliter Deos quam tyrannos timet, eodem, ut arbitror, modo coram hominibus spei plena, plena fiduciæ est amicitia, sine spe, & fiducia est adulatio.

IMITATIO.

Hæc ferè consistit hoc loco in applicatione ad singularia, ut si Absaloni hinc parentem recta amicè consulentem, inde Achitophellem improbo consilio adulantem jungas. Aut adolescenti de vitæ statu deliberanti, hinc mundum adulatorem, inde Timorem Dei aqua suadentem associes, &c.

II.

Comparatio rerum parium inter se, & disparium exemplis & similibus illustrata.

Morbus animi, quam corporis gravior est.

Tyrius Dissert. 38.

1. Homo reipubl. similis est, in quo corpus tanquam populus, anima tanquam Princeps, malè aut benè habet. In utroque autem partem meliorem malè affectam esse gravius est.

2. Ratio datur, quod illud semper pejus sit malum, quod meliori bono oppositum est, ubi utriusque, tam anima, quam corporis morbus, sanitasque inter se comparantur.

Exemplo ex simili Reipubl. desumpto, ut in Atheniensibus illud probatur, ubi unus Pericles reipubl. afflictam sublevare potius, quod totus populus afflicto magistratu non potuit.

4. *Ratio altera, quod generosa anima morbos facile corporis contemnat, ut Perecydes fecit, contra quam anima degener, similibus illustratur.*

5. *Ratio tertia, quod sana anima in corpore agro, plus quàm agra sano in corpore, præstet.*

1. Jam inde antiquitus carmen quoddam circumfertur, quod votum continet hujusmodi.

*Divarum Dea Sanitas
Tecum sit mihi vivere,
Vita quod superest mea.*

Velim equidem ex autore ipso audire; quænam sit illa sanitas, cujus sibi optat contubernium. Ego quidem & divinam esse rem arbitror, & quæ meritò petatur. Nec enim verisimile est, aut frustra à Poëta celebratam esse, aut sine ratione hoc ab omnibus quotidie cani.

Quod nisi me augurium fallit, verèque de ea judicio, respondeat nobis pro Poëta ipsa ratio. Duo cum sint, quæ constituunt hominem anima & corpus, & respectu quidem utriusque æquè sanitate opus sit, quæro utrius congruentia salusque augustissima Dearum sit appellanda? Quare ut ex collatione utriusque morbi constet de utroque, uter major sit, hoc modo rem totam decidamus. Homo totus anima & corpus est; illa imperat, hoc paret? ut in urbe interdum magistratus, interdum populus. Non minus autem urbis pars est qui paret, quàm qui imperat. Utrius verò morbus plus urbi nocet? Laboret in statu populari populus, rectè valeat Pericles, Imperator optimus, facilè hunc populi morbum curabit. Laboret Syracusis morbo Tyrannico Dionysius, populus tametsi valeat, rei conservandæ par non est futurus. Quid si igitur populum cum corpore, cum anima conferamus Principem? Hoc fac & in utroque contemplare singula. Major est populus, quàm Imperator, & corpus quàm anima. Stolidus est populus, tale est & corpus. Populus est multiplex, nec diversa tantum loquitur, sed & sentit. Ex dissimilibus constat populus & variis. Populi ira vehemens, libido violenta, voluptas est dissoluta: moeret sine spe, inflammatur sine

sine modo. Invenies eadem in corpore. Nam & libidine facile accenditur, & quidvis petis: nec voluptatem tantum sequitur, sed & impetum. Cum principe vicissim conferamus animam principem. Princeps imperium sibi lubenter vindicat, honorem, potestatem: princeps naturam cogitabundus est, & ratione abstrusam colligit: eodem modo & anima. Quæ cum ita sint, uter gravior censendus morbus, & in urbe, & in homine est? An non pars melior affecta plus confert toti? salvo enim magistratu æger populus nondum libertatem amisit.

2. Et ut breviter dicam, anima corpori præfertur ab omnibus. Jam quod præfertur, bonum majus est. Quod autem majori bono contrarium est, majus est malum. Sanitas autem animæ corporis sanitate majus bonum est, morbus ergo animæ morbo corporis majus est malum. Et corporis sanitas artis opus est: animæ verò virtutis. Animæ morbus est improbitas; corporis externa calamitas. Voluntaria est improbitas, invito evenit calamitas. Quæ invito eveniunt misericordia, quæ à volente fiunt, odio prosequimur. Misericordiam auxilium, odium vero sequitur supplicium. Jam quæ auxilio digna judicamus, meliora; quæ supplicio, pejora sunt. Rursus sanitatem utriusque in utroque videamus. Altera quidem omnibus eget, altera nullo. Altera beatitudini confert omnia: altera infelicitatem sustinet. Altera mali immunis est, improbitati ferè contingit altera. Alterius perpetua sanitas; alterius in diem est. Alterius solida; alterius incerta est. Immortalis alterius, mortalis alterius. Vide & morbos vicissim. Morbus corporis curatur facillimè; malum animæ lege difficulter restituitur. Alter dolore suo efficit, ut curari æger desideret; alter eò redigit, ut & leges contemnat. Alteri subsidium à Diis paratum est; alteri odium. Nullius unquam belli causa morbus extitit corporis, plurimorum animæ. Nemo corporis vitio Sycophantias struit, aut tumulis mortuorum, aut viventium insidiatur bonis, aut atrox aliquod facinus committit. Ægræ tantummodo parti nocet morbus corporis; animæ, vicinæ quoque.

3. Quod ut magis intelligas, è Republ. aliqua exemplum

plum petamus. Magistratu Athenis Articis Pericli (quo tempore & populi potestas ea in urbe summa fuit, nec minor hominum frequentia, & tam imperii magnitudine, opumque vi, quàm ducum copia militarium floreret Respubl.) urbem sortè fortuna pestis invasit. Hæc pestis ex Æthiopia ortum sumpsit, per Persiam descendit, Athenis verò quasi statione fixâ defedit, totamque gravissimè urbem affixit. Huic malo Pelopennesiacum accessit bellum. Ergo & ager ab hostibus diripi, & urbs interire, nec homines tantum, sed & imperii paulatim deflorescere potentia: totum denique malo suo civitatis corpus succumbere. Restabat urbis anima Pericles ille: qui cum morbo immunis esset ipse, Rempubl. afflictam consilio crexit, extinctam propemodum excitavit: solus denique cum peste congressus est, & bello. Accipe & alterius exemplum. Cum jam pestis remitteret, populus valeret, Reipubl. de integro floreret potentia, magistratus contra morbo conflictari cœpit gravissimo, & qui parum abesset ab insania. Hic morbus & plebem invasit, & populum contagione sua infecit. Quid enim? Nonne & insaniam Cleonis, & morbum Hyperboli, & ardorem Alcibiadis secutus est populus? donec cum ducibus postremò suis defecit paulatim, interiit. Cum alius aliò afflictam civitatem vocaret;

Huc age Nympha veni, divinaque conspice gesta.

Et ut febricitanti fontes, qui monstrat & puteos, ita Siciliam Alcibiades, Sphaacteriam Cleo, alius denique terram aliam ostendit, aut mare. Hæc scelesti gesta vestra sunt, quæ divina dicitis; perniciēs manifesta & eversio, mali vis maxima ac fomes morbi. Idem morbus potest animi, si cum corporis morbo conferatur.

4. Fac laborare corpus, torqueri, corrumpi; præsit illi vegeta anima & robusta, facile morbum contemnit, facile morbo major est. Non aliter quam Pherecydes cum in capulo decumberet, supra morbum tamen erat: & cum paulatim carnes ejus defluerent, erecta tamen stabat anima, nec aliud quam tempus exspectabat, quo miserimas has deponeret exuvias. Ausim ego dicere, ne invitâ quidem

quidem, quæ generosa sit, animâ, corpus corrumpi. Ut si vinctum tibi proponas hominem, qui dum carceris sui putrescere paulatim muros videt, & ruinam minari, stat tantisper exitumque è vinculis expectat, & libertatem: ut è multa illa densaque, in qua sepultus jacet, caligine, cœlum suum videat, puraque luce penitus fruatur. Nisi fortè hominem, qui multis se validisque corporis laboribus ad robur exercuit, laceras cum vestes suas intuetur, commoveri posse animo arbitreris, ac non abjecturum eas potius libenter: ut corpus suum aëri, nudum nudo, amicum amico, liberum libero permittat. Quid autem aliud animæ respectu esse, hanc pellem, hæc ossa, has carnes, quam dici unius penulam, aut pannos tenues, vel scrutata arbitraris. Hoc & ferrum scindit, & ignis consumit, & depascuntur vulnera. Præclara igitur multisque & validis subacta laboribus negligit ea anima; nec aliud petit, quam ut actutum exuatur. Ut meritò aliquis, qui fortem virum, corporis in morbo, deprehendit; illud, quod de Ulyssæ dicitur, de eo usurpare possit.

E pannis quantos genuum pater exhibet orbes!

Degener verò anima sepulta latet in corpore, corpus amat, non secus, quàm, quæ humi serpunt, lustra sua belluæ. Nec mutat illud unquam, nec eripit, sed comburitur, discerpitur, dolet cum corpore, & exclamat, ut Philo-ctetes ille,

Ten' pes relinquam?

Tu vero relinque eum, mi homo, nec amicis propterea tuis maledicas, aut Lemniorum terræ infestus esto:

— *O mors malorum medice!*

Siquidem hæc, quasi malum commutaturus cum malo, dicis, votum tuum non accipio. Sin revera existimas mortem non aliud, quàm medicum, vindicæque improbi huius esse corporis, quod nec expleri unquam potest, nec convalescere, rectè sentis. Perge supplicare, medicum implora.

Verum enim verò ejus, quod probandum erat, exem-

plum ipsa sua sponte nobis suppeditat dissertatio. Vigebant enim inter Græcos infinita tum temporis corpora, quot.

Vere novo frondes, aut flores parturit annus.

Quæ cum valerent optimè, & sine morbo viverent ullo, robore præterea membrisque essent integris, urbem obsidebant novennium, frustra & labore irritò. Nec quicquam effecit Achilles, dum hostes persequitur, nec Ajax, dum sustinet, nec Diomedes dum mactat: non arcu Teucer, non consilio Agamemnon, nec oratione Nestor, nec divinatione Calchas, nec dolis Ulysses. Verum aliud illis consilium dat Deus. Audite præstantissimi, inquit, Græciæ alumni, frustra laboratis, frustra fugatis hostem, frustra sagittas emittitis, frustra consilium initis. Nec enim spes est ulla, hæc ut expugnetis mœnia, nisi auxilium impetretis ab homine, cujus rectè valet anima, corpus verò graviter affectum, malè putet, claudicat, exhaustum est. Parent illi sociumque belli è Lemno adducunt, hominem, cui sana anima, ægrum esset corpus. Jam vice versâ, si placet, animæ morbum in sano considera corpore. Voluptatis morbo anima affligitur, liquitur, tabescit. Quid facias hoc ægro? Quid corpus prodest animæ ejusmodi? Hoc morbo Sardanapalus laborat. Gliscit malum, transit ad corpus. Fricat se miserrimus mortalium & depilat: oculi libidine tabescunt, donec de morbo desperat suo, & in ignem semet jacet. Laborat & Alcibiades: magna vehementisque inflammatio similis furori hominem depascitur, mentem turbat, huc illuc impellit. E Lyceo ad concionem abit, è concione ad mare, illinc in Siciliam, è Sicilia Lacedæmonem, Lacedæmone Persiam, è Persia Samum petit. Samo relicta Athenas, Athenis iterum Hells Pontum adit, & quo non tandem? Laborat & Critias, gravi morbo varioque: quam nec sanare medicus, nec ferre urbs potest. Histamen nihilo minus sana concedes esse corpora, membra integra. Quæ tamen mihi non probatur sanitas. Æger sit Alcibiades, dummodo ne in Siciliam Athenienses vehat. Æger sit Sardanapalus: melius enim

enim morbus uret eum, quàm voluptas. Imò funditus potius intereat, cui nova semper suppullulat improbitas. Nam ut vulnera ea, quæ serpunt, corpus si semel invaserint, pergunt semper, partemque sanam corrumpunt, medicisque præbent difficilem, donec fundamentum mali, sedemque ars excidat. Eodem modo, cùm partem aliquam purulenta morboque infecta suo ac corrupta invasit anima, latiusque serpere & afflare vicina cœpit, corporis commoditas partesque sunt tollendæ idoneæ, ut in latrone manus solent, in libidinoso oculi, in helluone venter. Si judicem enim solummodo carceremque adhibere huic morbo paras & tortorem; frustra es. Vivet malum, semperque serpet & gliscet. Inexpugnabilis enim improbitati est velocitas, postquam semel animam occuparit, in eaque dignam se materiam, licentiam nimirum impudentem, atque effrenem invenit audaciam.

IMITATIO.

Serviet mutato nonnihil conceptu in discursu politico, si ex corporis humani affectionibus, membrorumque, ad unius capitis directionem, subordinatione reipubl. aut familia alicujus justam administrationem describas.

III.

Dedicatio domus Ciceronis per Clodium ejusque affinem illegitimè facta, ex comparatione dedicationis alterius ab adjunctis improbat.

Cicero pro domo sua Orat. 29.
in fine.

1. Docet C. Cassium simulacrum Concordia non ausum fuisse in Curia collocare, nisi prius Pontificum collegium ea de re retulisset, quod Clodius non fecit, cum Libertatis signum in domum Ciceronis transtulit.

2. Nec alium quidem idoneum, ut Servilium, aut Lucullum adhibuit; sed affinem adolescentem, earum solennitatum ignarum, ideoque timide & corruptè administrantem.

3. *Nec ad populum retulit, ut C. Cassius à Pontificibus jussus erat, ex lege Papiria, igitur illegitimè & corruptè dedicationem hanc peractam esse.*

1. Q. Marcius Censor signum Concordiæ fecerat, idque in publico collocarat, hoc signum C. Cassius censor cum in curiam transtulisset, collegium vestrum consuluit; num quid esse causæ videretur, quin id signum, curiamque Concordiæ dedicaret? Quæso Pontifices, & hominem cum homine, & tempus cum tempore, & rem cum re comparate. Ille erat summâ modestiâ, & gravitate censor; hic tribunus plebis, scelere & audaciâ singulari, tempus illud erat tranquillum, & in libertate populi & gubernatione positum Senatus; tuum porrò tempus libertate populi R. oppressâ, senatus auctoritate delectâ, res illa plena justitiæ, sapientiæ, dignitatis. Censor enim, penes quem majores nostri (id, quod tu sustulisti) iudicium Senatus de dignitate esse voluerunt, Concordiæ signum volebat in curiâ, curiamque ei Deæ dedicare. Præclara voluntas, atque omni laude digna, præscribere enim se arbitrabatur, ut sine studiis dissensionis sententiæ dicerentur, si sedem ipsam, ac templum publici consilii, religione concordiae devinxisset. Tu cum ferro, cum metu, cum edictis, cum privilegiis, cum præsentibus copiis perditorum, absentis exercitus terrore, & minis, Consulum societate, & nefario foedere servitute oppressam civitatem teneres: Libertatis signum posuisti, magis ad ludibrium impudentiæ, quàm ad simulationem religionis. Ille in curiâ, quâ poterat sine cujusquam incommodo, dedicabat: tu in civis optimè de republ. meriti cruore, ac penè ossibus simulacrum non libertatis publicæ, sed licentiæ collocasti. Atque ille tamen ad Collegium retulit: tu ad quem retulisti? Si quid deliberares, si quid tibi, aut piandum, aut instituendum fuisset religione domesticâ, tamen instituto cæterorum vetere, ad Pontificem detulisses. Novum delubrum cum in urbis clarissimo loco, nefando quodam, atque inaudito instituto inchoares: referendum ad sacerdotes publicos non putasti?

2. At si collegium Pontificum adhibendum non videbatur; nemône horum tibi idoneus visus est, qui ætate, honore

honore, autoritate antecellunt, ut cum eo dedicationem communicares? quorum quidem tu non contempsisti, sed pertinuisti dignitatem. Antu auderes quærere ex P. Servilio, aut ex M. Lucullo: quorum ego consilio, atque autoritate rempubl. consul ex vestris manibus ac faucibus eripui; quibusnam verbis, aut quo ritu, primum hoc dico, civis domum consecrares, deinde civis ejus, cui princeps Senatus, cui etiam ordines omnes, deinde Italia tota, post cunctæ gentes, testimonium hujus urbis, atque imperii conservati dedissent? Quid diceres? ô nefanda, & perniciofa labes civitatis: Ades, ades, Luculle, Servili, dum dedico domum Ciceronis, ut mihi præeatis, postemque teneatis. Et tu quidem cum audacia, tum impudentiâ singulari; sed tibi tamen oculi, vultus, verba cecidissent, cum te viri, qui sua dignitate personam populi R. atque auctoritatem imperii sustinerent, verbis gravissimis perterruissent, neque sibi esse fas dixissent, furori interesse tuo, idque in patriæ parricidio, & scelere? Quæ cum videres, tum te ad tuum affinem, non delectum à te, sed relictum à cæteris contulisti. Quem ego tamen credo, si est ortus ab illis, quos memoriæ proditum est, ab isto ipso Hercule perfuncto jam laboribus sacra didicisse, in viri fortis ærumnis non ita crudelem fuisse, ut in viri & jam spirantis caput bustum suis manibus imposeret; qui aut nihil dixit, aut si fecit, omnino poenam hanc maternæ temeritatis tulit, ut mutam in delicto personam, nomenque præberet: aut si dixit aliquid, dixit hæsitantibus, postemque tremebundâ manu tetigit. Certè nihil ritè, nihil castè, nihil more, institutoque perfecit. Viderat ille Murænam vitricum suum consulem designatum, ad me consulem, cum Allobrogibus communis exitii indicia afferre: audierat ex illo, se à me bis salutem accepisse, separatim semel, iterum cum universis. Quare quis est, quis existimare possit, huic novo Pontifici primam hanc post sacerdotii initium religionem instituenti, vocemque mittenti, non & linguam obmutuisse, & manum obtorpuisse, & mentem debilitatam metu concidisse? Præsertim cum ex collegio tanto non regem, flaminem, non Pontificem

cem videret , fierique particeps alieni sceleris invitus cogeretur , & gravissimas pœnas affinitatis impurissimæ sustineret ?

Sed ut revertar ad jus publicum vindicandum , quod ipsi Pontifices, semper non solum ad suas ceremonias , sed etiam ad populi jussa accommodaverunt, habetis in commentariis vestris C. Cassium censorem de signo Concordiæ dedicando ad Pontificum Collegium retulisse , eique M. Æmilium Pont. Max. pro Collegio respondisse : nisi eum populus R. nominatim prætecisset , atque ejus jussu faceret , non videri ea posse rectè dedicari. O tempora , ô mores ! tum censorem, hominem sanctissimum , simulacrum Concordiæ dedicare Pontifices in templo inaugurato prohibuerunt : post autem senatus in loco augusto consecratam eam aram tollendam ex auctoritate Pontificum censuit, neque ullum est passus ex eâ dedicatione literarum extare monumentum : tu procella patriæ, turbo, ac tempestas pacis, atque otii, quod in naufragio reipubl. tenebris offusis , demerso populo Rom. everso atque ejecto senatu, dirueris , ædificaris: religione omni violatâ, reipubl. tantum nomine contaminaris: in civis hujusce ædibus, & in urbe, quam suis laboribus ac periculis conservasset , monumentum deletæ reipubl. collocaris ad equitum notam , ad dolorem bonorum omnium, sublatoque Q. Catuli nomine, incidetis; id sperasti rempubl. diutius , quàm quoad mecum simul expulsa careret his mœnibus , esse laturam? Delatum jam tum est ad vos Pontifices , & post omnium sermone celebratum, quemadmodum iste præpostèris verbis, omnibus obsecans, identidem se ipse revocando, dubitans, timens, hæsitans, omnia aliter ac vos in monumentis habetis, & pronunciarit, & fecerit. Quod quidem minimè mirum est, in tanto scelere , tantaque dementiâ, ne audaciæ quidem locum ac timorem comprimendum fuisse. Etenim si nemo unquam prædo tam barbarus , atque immanis fuit, qui, cum fana spoliasset, deinde aram aliquam in littore deserto , somnio stimulatus, aut religione aliquâ consecraret, non horret animo, cum divinum numen scelere violatum placare precibus cogeretur: quâ tandem istum perturbatione mentis omnium templo-

rum

rum atque tectorum, totiusque urbis prædonem, fuisse cense-
 retis, cum protestatione tot scelerum unam aram nefarie
 consecraret? Non poterat ullo modo (quamquam & in-
 solentia dominatus extulerat animos, & erat incredibili
 armatus audacia) non in agendo ruere, ac sæpe peccare,
 præsertim illo Pontifice, & magistro, qui cogeretur doce-
 re, antequam ipse didicisset, magna vis est, cum in Deorum
 immortalium numine, tum verò in ipsâ republicâ. Dii
 immortales, suorum templorum custodem ac præsidem
 sceleratissimè pulsum cum viderent, ex suis templis in ejus
 ædes immigrare nolebant: ita istius vecordissimi men-
 tem cura, metuque terrebant: res verò publica, quanquam
 erat exterminata mecum, tamen obversabatur ante oculos
 exterminatoris sui, & ab istius inflammato atque ignito
 furore jam tum me seque repetebat. Quare quid est mi-
 rum, si iste metu perculsus, si furore instinctus, scelere præ-
 ceptis, neque institutas ceremonias persequi, neque verbum
 ullum solenne potius effari?

IMITATIO.

*Nihil sacri & religiosi inesse iis adibus doceat, quæ ab hereti-
 cis hujus ætatis Deo consecrantur, cum nihil legitimum pri-
 scisque Patribus usitatum in earum dedicatione observetur.
 Par ratio de synaxi eorum demonstrari poterit. His aliisque ar-
 gumentis, hic locus tractandis deserviet.*

IV.

*A comparatione disparium ostendit T. Labienum
 Tribunum plebis crudelem & parum esse popula-
 rem, qui pro Rom. civibus cru-
 cem erexit.*

Cicero pro C. Rabirio, post exordium.

1. *Docet Regibus expulsis, acerba crucis supplicia à republ.
 submotam malè à Labieno reduci, seque in populi studio cum La-
 bieno comparat. Portiamque illi legem Gracchi opponit.*

2. *Cum Gracchi mansuetudine Labieni factum comparat,
 cum is ne in fratribus quidem morte, hanc actionem & hoc suppli-*

cium

cium civibus intentarit, quod in morte patruī Labienus. Quare & se meritò, ait, restitisse; ne Rom. cives servis ipsis deteriores amissa libertate essent.

1. Quid optari potest quod ego mallet, quam me in consulatu meo carnificem de foro, crucem de campo sustulisse? sed ista laus primum est majorum nostrorum, Quirites, qui expulsis regibus nullum in libero populo vestigium crudelitatis regiae retinuerunt: deinde multorum virorum fortium, qui vestram libertatem non acerbitate suppliciorum infestam; sed lenitate legum munitam esse voluerunt. Quamobrem uter nostrum tandem, Labiene, popularis est, tunc, qui civibus Romanis in concione ipsa carnificem, qui vincula adhiberi putas oportere: qui in campo Martio comitiis centuriatis, auspicato in loco, crucem ad civium supplicium defigi; & constitui jubes: an ego, qui funestari concionem contagione carnificis veto? qui expiandum forum populi Rom. ab illis nefarii sceleris vestigiis esse dico? qui castam concionem, sanctum campum, inviolatum corpus omnium civium Rom. integrum jus libertatis defendo servari oportere? popularis verò tribunus plebis custos, defensorque juris, & libertatis. Porcia lex virgas ab omnium civium Rom. corpore amovit: hic misericors flagella retulit; Porcia lex libertatem civium licitori eripuit: Labienus, homo popularis, carnifici tradidit, C. Gracchus legem tulit, ne de capite civium Rom. in iussu vestro judicaretur, hic popularis à Duumviris, in iussu vestro, non judicari de cive Romano, sed indicta causa civem Rom. capitis condemnare coëgit. Tu mihi etiam legis Porciæ, tu C. Gracchi, tu horum libertatis, cujusquam denique hominis popularis mentionem facit, qui non modò suppliciis inusitatis, sed etiam verborum inaudita crudelitate, violare libertatem hujus populi, tentare mansuetudinem, commutare disciplinam conatus es? namque hæc tua, quæ te hominem clementem popularemque delectant? *Licitor: colligam manus:* quæ non modo hujus libertatis, mansuetudinisque non sunt; sed ne Romuli quidem, aut Numæ Pompilii: sed Tarquinii superbissimi atque crudelissimi Regis, ista sunt cruciatus carmina: quæ tu, homo lenis atque popularis,

ris, libentissimè commemoras. *Caput obnubito, arbori infelici suspendito.* Quæ verba, Quirites, jam pridem in hac republ. non solum tenebris vetustatis, verum etiam luce libertatis oppressa sunt.

2. An verò, si actio illa popularis esset, & si ullam partem æquitatis haberet, aut juris, C. Gracchus eam reliquisset? scilicet tibi gravio rem dolorem patru i tui mors attulit, quam C. Graccho. Fratris: & tibi acerbior ejus patru i mors est, quem nunquam vidisti, quam illi; ejus fratris, quicum concordissimè vixerat: & similis viri tu ulcisceris patru i mortem, atque ille persequeretur fratris sui, si ista ratione agere voluisset: & par desiderium sui reliquit apud populum Rom. Labienus iste, patruus vester, quisquis fuit, ac Tit. Gracchus reliquerat? An pietas tua major, quam Gracchi? an animus? an consilium? an opes? an authoritas? an eloquentia? quæ si in illo minima fuissent: tamen præ tuis facultatibus maxima putarentur. Cum verò his rebus omnibus C. Gracchus omnes vicerit: quantum intervallum tandem inter te, atque illum interjectum putas? sed moreretur prius acerbissima morte millies Gracchus, quàm in ejus concione carnifex consisteret: quem non modò foro, sed etiam cælo hoc, ac spiritu censoriæ leges, atque urbis domicilio carere voluerunt. Hic se popularem dicere audet, me alienum à commodis vestris: cum iste omnes suppliciorum, & verborum acerbitates, non ex annalium monumentis, atque ex regum commentariis conquisserit: ego omnibus meis opibus, omnibus consiliis, omnibus dictis, atque factis repugnari, & restiterim crudelitati? nisi fortè hanc conditionem vobis esse vultis, quam servi, si libertatis spem propositam non haberent, ferre nullo modo possent. Misera est ignominia judiciorum publicorum, misera multitudo bonorum, miserum exilium: sed tamen in omni calamitate retinetur aliquod vestigium libertatis. Mors denique si proponitur, in libertate moriemur. Carnifex verò, & obductio capitis, & nomen ipsum crucis, absit non modò à corpore civium Romanorum, sed etiam à cogitatione, oculis, auribus. Harum enim omnium rerum non solum eventus, atque perpessio, sed etiam conditio, exspectatio, mentio ipsa denique indigna cive Romano,

mano, atque homine libero est. An verò servos nostros horum suppliciorum omnium metu, dominorum benignitas una vindicta liberavit: nos à verberibus, ab unco, à crucis denique terrore, neque res gestæ, neque acta ætas, neque nostri honores vindicabunt? Quamobrem fateor, atque etiam, T. Labiene, profiteor, & præ me fero, te ex illa crudeli, importuna, non tribunitia actione, sed regiâ, meo consilio, virtute, auctoritate esse depulsum. Quâ tu in actione, quamquam omnia exempla malorum, omnes leges, omnem auctoritatem Senatus, omnes religiones, atque auspiciorum publica jura neglexisti: tamen hæc à me in hoc tam exiguo meo tempore non audies.

IMITATIO.

Ostendes hujus loci imitatione, crudelem suorum civium interfectorem fuisse Zuvvinglium, qui quam ratione & veritate non poterat, vi & feritate armorum & suppliciorum haresin persuadere conatus est.

CAPUT X.

De vi amplificandi comparatorum.

Reliqua quæ sequuntur comparatorum exempla, cum ad orationis amplificationem inprimis faciant, paulò etiam prolixius ex Cicerone fuere proponenda. Hæc verò amplificatio cum fieri duplici ratione possit, ut nimirum, vel ad idem argumentum orationis diversæ comparationes, ab exemplis, aut similibus petita adhibeantur; vel cœptis semel comparationibus per attributa illarum plura orator insistat, utriusque modi exempla dedimus; prioris unum, posterioris è Cicerone duo. Quibus illam quæ comparatis inest amplificandi vim utcumque assequeris.

I.

Exempla à pari per comparisonem & temporis adjuncta diducta, & ornata communicatione sententiæ.

Cicero pro C. Rabirio. *In fine orationis.*

1. *Docet ab adjunctis temporis Rabirium peccare non potuisse;*

etum exemplo Coss. C. Marii & L. Valerii totiusq; Senatûs contra Saturnium aliosq; in capitolio armatos, & ipse arma sumpserit; Patriuo Labieni flagitiose Saturnino suffragante.

2. Ostendis à parium comparatione; quod cum Decianus questus de morte Saturnini tantum, & Titius ejus solum imagine usus, condemnati sint, Labienus tamen impune utrumq; facere, jure sit admittendum.

3. Docet rursum à pari, quod præclarissimos reipubl. Rom. viros jam facti functos, tum etiamnum viros, qui in eadem cum Rabirio causa fuere, simul cum eo condemnet. Illorum verò gloriam immortalē se Cicero defensurum asserit.

Cum C. Marius & L. Valerius Coss. adhiberent Tribunos plebi & Prætores, quos eis videretur, operamque darent, ut imperium pop. Rom. majestasque conservaretur. Adhibent omnes Trib. pleb. præter Saturnium, omnes prætores præter Glauciam, qui rempubl. salvam vellent, arma capere, & se sequi jubent. Parent omnes, ex ædificiis, armamentariisque publicis arma populo Rom. C. Mario consule distribuent, dantur. Hic jam, ut omittam cætera, de te ipso, Labiene, quæro, cum Saturninus capitolium teneret, armatus esset unâ C. Glaucia, C. Saufejus; etiam ille ex compedibus, atque ergastulo Gracchus: addam (quoniam ita vis) eodem Q. Labienum, patrum tuum: in foro autem C. Marius, & L. Valerius Flaccus, Coss post cunctus Senatus; atque ille Senatus, quem etiam vos ipsi, qui hos Patres conscriptos, qui nunc sunt, in invidiam vocatis, quò facilius de hoc Senatu detrahere possitis, laudare consuevistis: cum equester ordo: at quorum equitum Romanorum, Dii immortales? patrum nostrorum, atque ejus ætatis, quæ tum magnam partem reip. atque omnem dignitatem judiciorum tenebat, cum omnes omnium ordinum homines, qui in salute reip. salutem suam repositam esse arbitrabantur, arma cepissent: quid tandem C. Rabirio faciendum fuit: De te ipso, inquam, Labiene, quæro: cum ad arma consules, ex S. C. vocavissent: cum armatus M. Æmilius, princeps Senatus, in comitio constitisset: qui cum ingredi vix posset, non ad insequendum sibi tarditatem pedum, sed ad fugiendum impedimento fore putabat: cum denique Q. Scævola, confectus senectute, præpeditus morbo, mancus, & membris omnibus captus, ac debilis, hastili nixus, & animi vim, & in-

firmitatem corporis ostenderet : cum L. Marcellus, Ser. Galba, C. Serrarius, P. Rutilius C. Timbria, Q. Catulus, omnesque qui tunc erant, consulares pro salute communi arma cepissent : cum omnes prætores, cuncta nobilitas, ac juvenis occurreret, C. & L. Domitii, L. Crassus, Q. Mutius, C. Claudius, M. Drusus ; cum omnes Octavii, Metelli, Julii, Cassii, Catones, Pompeii : cum L. Philippus, L. Scipio, cum M. Lepidus, cum D. Brutus, cum hic ipse P. Servilius, quo tu imperatore, Labiene, meruisti : cum hic Q. Catulus admodum tum adolescens, cum hic C. Curio, cum denique omnes clarissimi viri cum consulibus essent : quid tandem C. Rabirium facere convenit : utrum inclusum atque abditum latere in occulto, atque ignaviam suam tenebrarum, ac parietum custodiis tegere : an in capitolum pergere : atque ibi se cum tuo patruo, & cæteris, ad mortem, propter vitæ turpitudinem confugientibus, congregare ? an cum Mario, Scauro, Catullo, Metello, Scævola, cum bonis denique omnibus coire non modò salutis, verum etiam periculi societatem ? Tu denique Labiene, quid faceres tali in re, ac tempore ? cum ignavia ratio te in fugam atque in latebras impelleret : improbitas & soror L. Saturnini in capitulum accerleret, consules ad patriæ salutem, ac libertatem vocarent : quam tandem auctoritatem, quam vocem, cujus sectam sequi, cujus imperio parere potissimum velles ? Patruus, inquit, meus cum Saturnino fuit. Quid Pater ? quicum ? quid propinqui vestri equites Romani ? quid omnis præfectura, regio, vicinitas vestra ? quid ager Picenus universus, utrum tribunitium furorem, an consularem auctoritatem secutus est ? Equidem hoc affirmo, quod tu nunc de tuo patruo prædicas, neminem unquam adhuc de sese esse confessum, nemo est unquam inventus tam profligatus, tam perditus, tam ab omni non modò honestate, sed etiam simulatione honestatis relictus, qui se in Capitolio fuisse cum Saturnino fateretur. At fuit vester patruus. Fuerit : & fuerit nulla desperatione rerum suarum in ullis domesticis vulneribus coactus : induxerit eum L. Saturnini familiaritas, ut amicitiam patriæ præponeret. Idcirco oportuit C. Rabirium desciscere à republ. non comparere in illa armata multitudine bonorum ? consulum

sulum voci atque imperio non obedire ? Atqui videmus, hæc in rerum naturâ tria fuisse : ut aut cum Saturnino esset, aut cum bonis, aut lateret. Lateremortis erat instar turpissimæ : cum Saturnino esse, furoris & sceleris : virtus, & honestas, & pudor cum consulibus esse cogebat. Hoc tu igitur in crimine vocas, quod cum iis fuerit C. Rabirius, quos amentissimus fuisset, si opugnasset : turpissimus, si reliquisset.

2. At C. Decianus, de quo tu sæpe commemoras, quia cum hominem omnibus insignem notis turpitudinis, P. Furium, accusaret summo studio bonorum omnium, queri est ausus in concione de morte Saturnini, condemnatus est. & Sex. Titius quod habuit imaginem L. Saturnini domi suæ, condemnatus est. Statuerunt equites Romani illo iudicio, improbum civem esse, & non retinendum in civitate, qui hominis hostilem in modum seditiosi, imagine, aut mortem ejus honestaret, aut desideria imperitorum misericordia commoveret, aut suam significaret imitandæ improbitatis voluntatem. Itaque mihi mirum videtur, unde hanc tu, Labiene, imaginem, quam habes, inveneris, nam Sex. Titio damnato, qui istam habere auderet, inventus est nemo. Quod tu, si per ætatem scire potuisses, nunquam profectò istam imaginem, quæ domi posita, pestem atque exulium Sex. Titio attulisses, nectuas unquam rationes ad eos scopulos appulisses, ad quos Sex. Titii afflictam navem, & in quibus C. Deciani naufragium fortunarium videres. Sed in his rebus omnibus imprudentia laberis. Causam enim suscepisti antiquiorem memoria tua : quæ causa ante mortua est, quam tu natus esses. Qua in causa tutè profectò fuisses, si per ætatem esse potuisses, eam causam in iudicium vocas.

3. Annon intelligis, primum quos homines, & quales viros mortuos summi sceleris arguas ? deinde quot ex iis, qui vivunt, eodem crimine in summum capitis periculum arcessas ? Nam si C. Rabirius fraudem capitalem admisit, quod arma contra L. Saturninum tulit : huic quidem afferret aliquam deprecationem periculi ætas illa, quâ tunc fuit : Quint. verò Catulum, partem hujus, in quo summa sapientia, eximia virtus, singularis humanitas fuit : M. Scaurum, illa gravitate, illo consilio, illa prudentia, duos Mucios,

L. Crassum, M. Antonium, qui tum extra urbem cum præsidio fuit : quorum in hac civitate longè maxima consilia, atque ingenia fuerunt : ceteros pari dignitate præditos, custodes, gubernatoresque reipubl. quemadmodum mortuos defendemus ? Quid de illis honestissimis viris, atque optimis civibus, equitibus Romanis dicemus, qui tum unâ cum Senatu salutem reipublicæ defenderunt ? quid de tribunis ætarii, cæterorumque ordinum omnium hominibus, qui tum arma pro communi libertate ceperunt ? sed quid ego de iis omnibus, qui consulari imperio paruerunt, loquor ? de ipsorum Coss. fama quid futurum est ? L. Flaccum, hominem cum semper in republica, tum in magistratibus gerendis, in sacerdotio, cæremoniisque, quibus præerat, diligentissimum, nefarii sceleris, ac parricidii, mortuum condemnabimus ? adjungemus ad hanc labem, ignominiamque mortis, etiam C. Marii nomen ? C. Marium quem verè patrem patriæ, parentem, inquam, vestræ libertatis, atque huiusce reipubl. possumus dicere sceleris, ac parricidii nefarii mortuum condemnabimus ? Etenim si C. Rabirio, quod iis ad arma, crucem T. Labienus in campo Martio defigendam putavit : quod tandem excogitabitur in eum supplicium, qui vocavit ? Ac, si fides Saturnino data est, quod abs te sapissimè dicitur : non eam C. Rabirius, sed C. Marius dedit : idemque violavit, si in fide non stetit. Quæ fides Labiene, quæ potuit, sine Senatus consulto, dari ? Adeone hospes huiusce urbis, adeone ignarus es disciplinæ, consuetudinisque nostræ, ut hæc nescias ? ut peregrinari in alienâ civitate, non in tua magistratum gerere videaris ? quid jam ista C. Mario, inquit, nocere possunt, quoniam sensu & vita caret ? Itane verò ? tantis in laboribus C. Marius, periculisque vixisset, si nihil longius, quam vitæ termini postulabant, spe atque animo de se, & gloria sua cogitasset ? At credo cum innumerabiles hostium copias in Italia fudisset, atque obsidione rempubl. liberasset, omnia sua secum unâ moritura arbitrabatur. Non est ita Quirites, neque quisquam nostrum in reip. periculis cum laude, ac virtute versatur, quin spe posteritatis fructuque ducatur. Itaque cum multis aliis de causis virorum bonorum mentes divinæ mihi, atque æternæ videntur esse, tum maximè quod optimi & sapientissimi cujusque animus ita præsentit in posterum, ut nihil nisi sempiternum spectare videa-

sur. Quapropter quidem & C. Marii, & cæterorum viro-
rum sapientissimorum, ac fortissimorum civium mentes,
quæ mihi videntur ex hominum vita ad deorum religionem,
& sanctimoniam demigrasse, restor me pro illorum fama, glo-
ria, memoriam, non secus ac pro patriis famis, atque delu-
bris propugnandum putare: ac si pro illorum laude mihi ar-
ma capienda essent, non minus strenuè caperem, quam illi
pro communi salute ceperunt. Etenim, Quirites, exiguum
vitæ curriculum natura circumscripsit, immensum gloria.
Quare, si eos, qui jam de vitâ decesserunt, ornabimus: ju-
stiores nobis mortis conditionem relinquemus. Sed si il-
los Labiene, quos jam videre non possumus, negligis: ne his
quidem, quos vides, consuli putas oportere? Neminem esse
dico ex iis omnibus, qui illo die Romæ fuerint; quem tu
diem in judicium vocas, pubesque tunc fuerit, quin arma ce-
perit, quin consules secutus sit. Omnes ii. quorum tu ex
ætate conjecturam facere potes, quid tum fecerint, abs te rei
capitis, C. Rabirii nomine citantur.

IMITATIO.

*Quod Catholici Helveti non peccarint, armis contra ho-
stes sua religionis sese invadentes sumptis, sed pro Ecclesia de-
fensione hac meritò arripuerint, & Majorum suorum exem-
plo adversus Zwinglium pugnantes, & ipsorummet ad-
versariorum, qui id sibi permissum volunt, ad hujus loci imi-
tationem, facile probabis.*

II.

*Historicum exemplum egregia oppositorum collatione
& comparatione factorum illu-
stratum.*

Cicero in Verrem Actione V. ante finem.

1. Marcellum Syracusana urbis subactorem, cum Verre de-
fensore confert.
2. Syracusas describit, ut Verris scelera magis pateant.
3. Ad Verris sacrilegia, cum Marcelli continentia compa-
randa redit.
4. Sicilia tyrannis Verrem intolerabiliorem facit.

Unius urbis omnium pulcherrimæ atque ornatissimæ, Syracusarum direptionem commemorabo, & in medium proferam iudices, ut aliquando totam hujus generis orationem concludam, ac definiam. Nemo ferè vestrum est, quin, quemadmodum captæ sunt à M. Marcello Syracusæ, sæpè audierit, nonnunquam etiam in annalibus legerit. conferre hanc pacem cum illo bello, hujus prætoris adventum, cum illius Imperatoris victoria, hujus cohortem impulsam, cum illius exercitu invicto, hujus libidines cum illius continentia: ab illo, qui cepit, conditas; ab hoc, qui constitutas accepit, captas dicetis Syracusas. ac jam illa omitto, quæ dispersæ à me multis locis dicentur, ac dicta sunt: forum Syracusanorum, quod introitu Marcelli purum à cæde servatum est, id adventu Verris Siculorum innocentium sanguine redundasse: portum Syracusanorum, qui tum & nostris classibus, & Carthaginensium clausis fuisset, cum isto prætore Cilicum myoparoni, prædonibusque patuisse; mitto adhibitam vim ingenuis, matres familias violatas, quæ tum urbe capta commissa non sunt, neque odio hostili, neque licentia militari, neque more belli, neque jure victoriæ: mitto, inquam, hæc omnia, quæ ab isto per triennium perfecta sunt; ea quæ conjuncta cum illis sunt, de quibus antea dixi, cognoscite.

2. Urbem Syracusas maximam esse Græcarum urbium, pulcherrimamque omnium sæpè audistis. est iudices ita, ut dicitur: nam & situ est, cum munito, tum ex omni aditu, vel terra, vel mari præclaro ad aspectum: & portus habet prope in ædificatione, aspectuque urbis inclusos: qui cum diversos inter se aditus habeant, in exitu conjunguntur, & confluent, eorum conjunctione pars oppidi, quæ appellatur insula, mari disjuncta angusto ponte rursus adjungitur. & continetur. Ea tanta est urbs, ut ex quatuor urbibus maximis constare dicatur, quarum una est ea, quam dixi, insula: quæ duobus portibus cincta, in utriusque portus ostium aditumque projecta est: in qua domus est, quæ Regis Hieronis fuit, qua prætores uti solent. In ea sunt ades sacræ complures, sed duæ quæ longè cæteris antecellunt: Dianæ una, & altera, quæ fuit ante istius adventum ornatissima, Minervæ. In hac insula extrema est fons aquæ dulcis, cui nomen Arcthusa est, incredibili magnitudine plenissimus piscium; qui fluctu totus operiretur, nisi munitione, ac mole lapidum à mari

marî disjunctus esset. Altera autem est urbs Syracusis : cui nomen Acradina est : in qua forum maximum, pulcherrimæ porticus, ornatissimum Prytaneum, amplissima est curia, templumque egregium Jovis Olympii : cæteræque urbis partes una lata via perpetua, multisque transversis divisæ, privatis ædificiis continentur. Tertia est urbs, quæ, quod in ea parte fortunæ sanum antiquum fuit, Tiche nominata est : in qua & Gymnasium amplissimum est, & complures ædes sacræ : coliturque ea pars, & habitatur frequentissimè. Quarta autem est urbs : quæ, quia postrema ædificata est, Neapolis nominatur : quam ad summam theatrum est maximum : præterea duo templa sunt egregia, Cereris unum, alterum Liberæ, signumque Apollinis, qui Themistocles vocatur, pulcherrimum & maximum : quod iste si portare potuisset, non dubitasset auferre.

34. Nunc ad Marcellum revertar, ne hæc à me sine causa commemorata esse videantur, qui cum tam præclaram urbem vi, copiisque cepisset, non putavit ad laudem populi Rom. pertinere, hanc pulchritudinem, ex qua præsertim nihil periculi ostenderetur, delere & extinguere, itaque ædificiis omnibus publicis & privatis, sacris & prophanis sic pepercit, quasi ad ea defendenda cum exercitu, non expugnanda venisset. in ornatu urbis habuit victoriæ rationem, habuit humanitatis, victoriæ putabat esse, multa Romam deportare, quæ ornamento urbi esse possent : humanitatis, non planè spoliare urbem, præsertim, quam conservare voluisset. in hac partitione ornatus non plus victoria Marcelli populi Rom. appetivit, quam humanitas Syracusanis reservavit. Romam quæ asportata sunt, ad ædèm honoris atque virtutis, itemque aliis in locis videmus. nihil in ædibus, nihil in hortis posuit, nihil in suburbano. putavit, si urbis ornamenta domum suam non contulisset, domum suam urbi ornamento futuram. Syracusis autem permulta, atque egregia reliquit, Deum verò nullum violavit, nullum attigit. conferte Verrem : non ut hominem cum homine compareris, ne qua tali viro mortuo fiat injuria, sed ut pacem cum bello, leges cum vi, forum & jurisdictionem cum ferro & armis, adventum & comitatum cum exercitu & victoria conferatis. Ædes Minervæ est insula, de qua ante dixi : quam Marcellus non attigit, quam plenam, quam ornataam

reliquit, quæ ab isto sic spoliata, atque direpta est, ut non ab hoste aliquo, qui tamen in bello religionem, & consuetudinis jura retineret, sed ut à barbaris prædonibus vexata esse videatur. Pugna erat equestris Agathoclis regis in tabulis picta præclarè. His autem tabulis interiores templi parietes vestiebantur: nihil erat illâ picturâ nobilius: nihil Syracusis, quod magis visendum putaretur. has tabulas M. Marcellus, cum omnia, illâ victoriâ suâ, prophana fecisset, tamen religione impeditus non attingit. iste, cum illa jam propter diuturnam pacem, fidelitatemque populi Syracusani sacra, religiosaque accepisset, omnes eas tabulas abstulit; parietes, quorum ornatus tot sæcula manserat, tot bella effugerat, nudos ac deformatos reliquit; & Marcellus, qui si Syracusas cepisset, duo templa se Romæ dedicaturum, noverat, quod erat ædificaturus, iis rebus ornare, quas ceperat, noluit. Verres, qui non honori, neque virtuti, ut ille, sed Veneri, & Cupidini vota deberet, is Minervæ templum spoliare conatus est. Ille Deos, Deorum spoliis ornare noluit: hic ornamenta Minervæ virginis in meretriciam domum transtulit.

4. Viginti & septem præterea tabulas pulcherrimè pictas ex eadem æde sustulit, in quibus erant imagines Siciliæ regum ac tyrannorum: quæ non solum pictorum artificio delectabant, sed etiam commemoratione hominum, & cognitione formarum. Ac videte, quanto tetrrior hic tyrannus Syracusanis fuerit, quam quisquam superiorum, cum illi tamen ornaverint templa Deorum immortalium, hic etiam Deorum monumenta, atque ornamenta sustulerit. Iam vero, quid ego de valvis illius templi commemorem? vereor, ne, hæc qui non viderunt omnia, me nimis augere, atque ornare arbitrentur. quod tamen nemo suspicari debet, tam esse me cupidum, ut tot viros primarios velim, præsertim ex judicum numero, qui Syracusis fuerint, qui hæc viderint, esse temeritati, & mendacio meo conscios. confirmare hoc aliquando judices, possum, valvas magnificentiores ex auro atque ebore perfectiores nullas unquam ullo tempore fuisse. Incredibile dictum est, quàm multi Græci de valvarum harum pulchritudine scriptum reliquerint, nimium forsitan hæc illi mirentur, atque effertant. esto. veruntamen honestius est reip. nostræ judices, ea, quæ illis pulchra esse videatur, Imperatorem nostrum in bello reliquisse, quàm prætorem in pace abstu-

abstulisse. Ex ebores diligentiſſimè perfectæ argumenta erant in valvis, ea detrahenda curavit omnia: Gorgonis os pulcherrimum, crinitum anguibus, revellit, atque abstulit; & tamen indicavit, se non ſolum artificio, ſed etiam pretio quaſtuque duci: nam bullas omnes aureas ex his valvis, quæ erant, & multæ, & graves, non dubitavit auferre, quarum iſte non opere delectabatur, ſed pondere. Itaque ejuſmodi valvas reliquit, ut quæ olim ad ornandum templum erant maximè, nunc tantum ad claudendum factæ eſſe videantur.

IMITATIO.

In noſtræ ætatis templorum vaſtatores, quæ tanto majorum ſtudio impenſisque ornata fuere, par ſcribendi ratio ſerviet. Opponatur hujusmodi ſacrorum violatoribus. priſcorum Principum, atque Epiſcoporum fervor: qualis olim in Germania S. Willibrordus, Suiberius, Helena Conſtantini maſter, Carolus magnus, aliique,

III.

Cicero pro Poetis & ligata ſentit eloquentia.

Locus ab effectibus humaniorum literarum, quo & illæ commendantur, & gloriæ honeſta cupiditas deſcribitur, & Archias Poëta deſenditur.

Pro Archia circa medium.

1. Literarum humaniorum beneficio, ſe Cicero privatim delectari, publicè aliis prodeſſe tradit, naturamque ingenii bonam mirificè hiſ ſtudiis perſci.

2. Dicit Poetas, ut Roſcium, Ennium, Homerum, omnium amorem, ob divinum quoddam ingenium, meritos, Archiam magis etiam amandum, quod geſta Rom. literis mandet, rem à Themistoche & Alexandro, ſummè æſtimatam.

3. Cicero ſe in nato quodam gloria appetitu, quo ducantur omnes, majorum exemplo hunc amplecti Archiam profitetur, quod is res in ſuo conſulatu geſtas verſibus ad æternam memoriam laudemque commendat,

1. Tot annos ita vivo, judices, ut à literis nullo me unquam tempore; aut commodum, aut otium meum abstraxerit, aut voluptas avocarit, aut denique somnus retardarit, quare quis tandem me reprehendat, aut quis mihi jure succenseat, si quantum cæteris ad suas res obeundas, quantum ad festos dies ludorum celebrandos, quantum ad alias voluptates, & ad ipsam requiem animi & corporis conceditur temporis, quantum alii tribuunt tempestivis convivis, quantum denique aleæ, quantum pilæ, tantum mihi egomet ad hæc studia recolenda sumpsero? atque hoc adeò mihi concedendum est magis, quòd ex his studiis hæc quoque crescit oratio, & facultas: quæ quantacunque in me est, nunquam amicorum periculis defuit: quæ si cur levior videtur, illa quidem certè, quæ summa sunt, ex quo fonte hauriam, sentio. Nam nisi multorum præceptis multisque literis, mihi ab adolescentia suavissem, nihil esse in hac vita magno perè expetendum, nisi laudem atque honestatem: in ea autem persequenda omnes cruciatus corporis, omnia pericula mortis atque exilii parvi esse ducenda: nunquam me, pro salute vestra in tot ac tantas dimicationes, atque in hos profligatorum hominum quotidianos impetus objecissem. Sed pleni omnes sunt libri, plenæ sapientum voces, plena exemplorum vetustas, quæ jacerent in tenebris omnia nisi literarum lumen accederet. Quam multas nobis imagines, non solum ad intuendum, verum etiam ad imitandum fortissimorum virorum expressos scriptores & Græci & Latini reliquerunt: quas ego mihi semper in administranda repub. proponens, animum & mentem meam ipsa cogitatione hominum excellentium conformatam. Quæret quispiam, quid? illi iosi summi viri, quorum virtutes litteris proditæ sunt, istanc doctrinâ, quam tu laudibus effers, eruditi fuerunt? difficile est hoc de omnibus confirmare: sed tamen est certum, quid respondeam. Ego multos homines excellèti animo ac virtute fuisse, & sine doctrina, naturæ ipsius habitu propè divino, per se ipsos, & moderatos, & graves existisse, fateor: etiam illud adjungo, sæpius ad laudem, atque virtutem, naturam sine doctrina, quàm sine natura valuisse doctrinam. Atque idem ego contendo, cum ad naturam eximiam, atque illustrem, accesserit ratio quedam confirmatioque doctrinæ; tum illud, nescio quid præclarum,

ac singulare, solere existere. Ex hoc esse hunc numero, quem patres nostri viderunt, divinum hominem, Africanum : ex hoc C. Lælium, L. Furnium, modestissimos homines, & continentissimos : ex hoc fortissimum virum, & illis temporibus doctissimum M. Catonem illum senem : qui profectò, si nihil, ad percipiendam colendamque virtutem, litteris adjuvarentur, nunquam se ad earum studium contulissent. Quod si non hic tantus fructus ostenderetur, & si ex his studiis delectatio sola peteretur ; tamen ut opinor, hanc animi remissionem humanissimam, ac liberalissimam, judicaretis, nam ceteræ, neque temporum sunt, neque ætatum omnium, neque locorum : hæc studia adolescentiam alunt, senectutem oblectant, secundis res ornant, adversis perfugium ac solatium præbent, delectant domi, non impediunt foris, pernoctant nobiscum, peregrinantur, rusticantur. Quod si ipsi hæc neque attingere, neque sensu nostro gustare possemus, tamen ea mirari deberemus, etiam cum in aliis videremus.

2 Quis nostrum tam animo agrestis ac duro fuit, ut Roscii morte nuper non commoveretur ? qui cum esset senex mortuus, tamen propter excellentem artem, ac venustatem videbatur omnino mori non debuisse. Ergone ille corporis motu tantum amorem sibi conciliarat à nobis omnibus : nos animorum incredibiles motus celeritatemque ingeniorum negligemus ? quoties ego hunc Archiam vidi, iudices, (ut enim vestra benignitate, quoniam me hoc novo genere dicendi tam diligenter attenditis) quoties ego hunc vidi, cum litteram scripisset nullam, magnum numerum optimorum versuum, de iis ipsis rebus, quæ tum agerentur, dicere ex tempore ? quoties revocatum eandem rem dicere, commutatis verbis atque sententiis ? quæ verò accuratè cogitateque scripisset, ea sic vidi probari, ut ad veterum scriptorum laudem pervenirent. Hunc ego non diligam, non admirer, non omni ratione defendendum putem ? atqui sic à summis hominibus, eruditissimisque accepimus, cæterarum rerum studia & doctrina & præceptis, & arte constare : Poetam natura ipsa valere, mentis viribus excitari, & quasi divino quodam spiritu afflari. Quare suo jure noster ille Ennius sanctos appellat Poetas : quod quasi Deorum aliquo dono atque munere commendati nobis esse videantur. Sit igitur, iudices, sanctum apud vos huma-

humanissimos homines, hoc Poetæ nomen, quod nulla unquam barbaria violarit, laxa & solitudines voci respondent: bestię sæpe immanes cantu flectuntur, atque consistunt: nos instituti rebus optimis non Poetarum voce moveamur? Homerum Colophonii civem esse dicunt suum, Chii suum vendicant, Salaminii repetunt, Sinyrnæi verò suum esse confirmant: itaque etiam delubrum ejus in oppido dedicaverunt: permulti alii præterea pugnant inter se, atque contendunt: ergo illi alienum, quia Poeta fuit, post mortem etiam expectunt: nos hunc vivum, quia & voluntate, & legibus noster est, repudiabimus? præsertim cum omne olim studium, atque omne ingenium contulerit Archias ad Populi Rom. gloriam laudemque celebrandam. Nam & Cimbricas res adolescens attigit, & ipsi illi C. Mario qui durior ad hæc studia videbatur, jucundus fuit. Neque enim quisquam est, tam aversus à musis, qui non mandari versibus æternum suorum laborum facile præconium patiatur. Themistoclem illum, summum Athenis virum, dixisse ajunt, cum ex eo quæreretur, quod acroama, aut ejus vocem libentissimè audiret; ejus à quo sua virtus optimè prædicaretur. Quare si res ex, quas gessimus, orbis terræ regionibus, definiuntur: capere debemus, quo manuum nostrarum tela pervenerint, eodem gloriam famamque penetrare: quod, cum ipsis populis de quorum rebus scribitur, hæc ampla sunt: tum iis certè, qui de vita, gloriæ causâ, dimicant, hoc maximum & periculorum incitamentum est, & laborum. Quàm multos scriptores rerum suarum magnus ille Alexander secum habuisse dicitur? atque is tamen cum in Sygæo ad Achillis tumulum assistisset, ô fortunare, inquit, adolescens, qui tuæ virtutis Homerum præconem inveneris: & verè; nam nisi Ilias existisset illa, idem tumulus, qui corpus ejus contexerat, nomen etiam obruisset.

Neque enim est hoc dissimulandum, quod obscurari non potest, sed præ nobis ferendum: trahimur omnes laudis studio, & optimus quisque maximè gloria ducitur: Ipsi illi Philosophi, etiam in illis libellis, quos de contemnenda gloria scribunt, nomen suum inscribunt, in eo ipso, in quo prædicationem nobilitatemque despiciunt, prædicari se ac nominari volunt; Decimus quidem Brutus, summus ille vir & Imperator, Aecii amicissimi sui carminibus templorum ac
moni-

Monimentorum aditus exornavit suorum. Jam verò ille, qui cum Ætolis, Ennio comite, bellavit Fulvius, non dubitavit Martis manubias musis consecrare. Quare in qua urbe Imperatores propè armati Poetarum nomen & Musarum delubra coluerunt, in ea non debent rogati Judices à Musarum honore & à Poetarum salute abhorrere. Atque ut id libentius faciatis, jam me vobis, judices, indicabo, & de meo quodam amore gloriæ, nimis acri fortasse, veruntamen honesto vobis confitebor. Nam quas res non in consulatu nostro, vobiscum simul, pro salute hujus urbis atque imperii, & pro vita civium, proque universa reipubl. gessimus, attingit hic versibus atque inchoavit : quibus auditis, quod mihi magna res, & jucunda visa est, hunc ad perficiendum hortatus sum. Nulla enim virtus aliam mercedem laborum periculorumque desiderat, præter hanc laudis & gloriæ ; qua quidem detracta, judices, quid est, quod in hoc tam exiguo vitæ curriculo, & tam brevi, tantis nos in laboribus exerceamus ? certè si nihil animus perferret in posterum, & si quibus regionibus vitæ spatium circumscriptum est, eisdem omnes cogitationes terminaret suas : nec tantis se laboribus frangeret : neque tot curis vigiliisque angeretur : nec toties de vita ipsa dimicaret. Nunc insidet quædam in optimo quoque virtus, quæ noctes & dies animum gloriæ stimulis concitat, atque admonet, non cum vitæ tempore esse dimittendam commemorationem nominis nostri ; sed cum omni posteritate adæquandam. An verò jam parci animi videamur esse omnes, qui in republ. atque in his vitæ periculis laboribusque versamur, ut cum usque ad extremum spatium nullum tranquillum, atque otiosum spiritum duxerimus, nobiscum simul moritura omnia arbitremur ? An cum statuas & imagines, non animorum simulacra, sed corporum, studiosè multi summi homines reliquerint ; consiliorum relinquere, ac virtutum nostrarum effigiem non multò malle debemus, summis ingeniis expressam, & politam ?

OBSERVATIO.

Hoc exemplum ad alium locum Confirmationis spectat, de laude Poetarum, & huc fuit per typothetarum errorem translatum : loco alterius comparationis qua post reditum Cicero

*nis ad Quirites legitur. Tu igitur exornativo generi hoc ad-
jice, cujus non inelegans exemplum est.*

IMITATIO.

*Hanc in resolutione hujus Orationis variis exprimi argu-
mentis posse intelliges. Licebit ostendere, ex sola literarum
cognitione, perpetuò Doctos non tantum vivere, sed ad posteros
transmittere omne studium laboremque, summo rei publ. emo-
lumento. Ut vel invidi, vel desidiosi animi sit eorum co-
natibus non favere.*

CAPUT XI.

De Exordiis Orationum.

*Quemadmodum ad exemplum Ciceronis Exordia
dicenda formanda sint.*

TAm ad ipsum Orationis corpus singulasque ejus partes or-
dinandas accedamus Satis enim prælusum his credimus.
Hic in primis ad illa redeundum est principia libro primo
tradita, recolendumque, quot orationis genera sint, & quæ
partes. quid horum quælibet, ut maximè sibi proprium
vendent.

De Exordio monui, tùm primùm Oratori cogitandum,
cùm totius jam orationis tanquam ædificii corpus perfectum
est, ut hoc veluti caput apexque accedat. Hoc ut Cicero
faciendum monuit, ita apparet re ipsa fuisse secutum.

I. Ex tribus verdè Exordii virtutibus, ut benevolum, at-
tentum, docilemque reddat auditorem, de prima laboran-
dum est maximè. postquam enim benevolentiam collegeris,
facile erit reddere auditorem attentum. docilitatem res clarè
tantum distinctèque proposita adferet. Sæpe etiam dicentis
autoritas, atque existimatio, magnam ad benevolentiam at-
tentionemque pondus addunt, ut à re ipsa, vel inductis ali-
quot dicendi causis ordiri Orator possit. Unde alia sunt Ex-
ordia Ciceronis jam Consulis, quàm autè, vel privati, vel in
minori dignitate constituti erant. Parcus illic in captanda
benevolentia: hic omnino profusus, novit & personæ suæ

ratio-

rationem habere, & apud quos dicat maturè expendere. Exempla non inducam, cum passim occurrant, neque tantum adferunt ad eloquentiam momentum, ut iis diu putem inhærendum. Indicabo tamen diversa eorum genera, ut pro illa, quam imitator sibi proposuerit exordiendi ratione, aliquod sibi ex Tullio possit deligere.

2. Facile ac pergratum sæpe exordiendi genus est; à re ipsa statim proposita expositaque ordiri, ut pro Aul. Cluentio facit Cicero, & hunc aliena invidia premi queritur, adversus quam Judicium æquitatem implorat. Ita & pro C. Rabirio Posthumò rem in iudicium adductam exponit, & pro M. Marcello in gratiam à Cæsare recepto. à Cæsaris virtute ac misericordia orditur. Quo etiam spectat exordium pro Rege Deiotaro, ab adjunctis causæ sumptum, in quo timorem & perturbationem suam, ob talem tantumque reum, tum etiam crudelem prorsus accensatorem consanguineum adducit.

3. Alterum exordiendi genus est, causas susceptæ à se dictionis exponere. quæ varix esse possunt, cum ex diversitate personarum, tum rerum, & obligationum. Ita Cicero accusationis in Verrem susceptæ causas petit, tum à Siculorum innocentium oppressione, tum à Romani nominis infamia, quibus subvenire æquum sit. Sic pro Muræna causam ab innocentium iusta defensione sumit. Pro C. Rabirio, à suo officio & reipubl. tuendæ studio. Ex obligatione sua pro Archia Poëta, ut à quo puer ad eloquentiam sit institutus, pro Plancio, quod hic exulem se foverit. Ex obligatione aliorum, ut Pontificum pro domo sua, quibus providendum, ne quid reipubl. capiat detrimenti. Ab alterius voluntate & postulatione, ut pro L. Corn. Balbo, quod Pompeius id postulaverit. Ab autoritate sibi per populum publicis in officiis tributa, ut pro lege Manilia. A ratione & æquitate rei ipsius, ut post reditum, quod à Diis exauditus jure gratias referat.

4. Terrium exordiendi genus est, in quo Orator sibi illique, cujus gratia dicit, benevolentiam invidiâ submota. conciliat, & quandoque etiam adversariis constat odium & indignationem audientium, sublatâ benevolentia, cum utrumque ad causæ præsidium spectare videtur. Quod vel apertè, vel occultè præstatur. Sic occulta arte benevolentiam populi captat in a, Agrariâ ad populum, cum beneficia populi in se

in se collata memorat: aperte verò eandem postulat benevolentiam in Agraria 3. Pro Aul. Cæcina, ex oppositione ac descriptione personarum Æbutii & Cæcinæ, illi invidiam, huic favorem comparat. Et pro P. Sextio, quod improbi in probos insurgant, hoc ad Sextii favorem, contraque ad Albioniani & Vatini odium concitandum refert. pro Ligario Tiberonem accusatorem in parâ criminis suspicionem vocat, ut illi misericordiam, huic indignationem conciliet. Philippicæ, Antonio invidiam, sibi gratiam aucupatur, quod jam per viginti annos omnes reipubl. hostes in se insurgentes sustineat. Pro Quinctio, sibi à sua etiamnum in dicendo infantia, Reo vero ab iniquitate deserentis amici perstricta, Judicisque æquitate collata data, favorem promeretur, cui parum dissimile Exordium pro Roscio Amer. reperies. Illud vero quod pro Flacco repetundarum reo, ab ipsius in reipubl. meritis petitur exordium, planè egregium est. Ex quibus defutura non sunt, quæ juvent imitantem.

CAPUT XII.

De narratione ejusque varietate, & amplificatione.

EXemplis igitur Exordiorum hoc loco præteritis ad Narrationem veniamus. quam c. 17. libr. 1. duplicem in Oratione esse tradidimus, alteram brevem quæ causæ totius perspicuam expositionem in principio dictionis complectatur; alteram longiorem gravioremque suis imbutant affectibus, quæ in ipsam se confirmationem inferat, magnosque sæpe motus, concitat. cum non tantum nudam historię expositionem, sed & aggerationem contineat, ut mox videbimus.

In his enim adolescentes in ipso Orationis ingressu excelsi studiose videntur, ut factum aliquod per adjuncta usitato hoc versu comprehensa norint deducere, & exaggerare.

*Quis? quid? ubi? quibus auxiliis? cur? quomodo?
quando?*

Ordiant autem in Narrationibus brevioribus ac facilioribus, quales sunt quæ rem ante simpliciter exponunt, ac deinde

ex adjunctis nonnullis eandem exaggerant. Utar tamen ad hoc lectissimis è Cicerone exemplis, & adjuncta præcipua ad amplificationem adhibita paucis indicabo. cætera suo quisque ingenio facile assequetur. In duo tamen capita hæc exempla partiar. Ut hoc primo quidem ea complectar, quæ exaggerationem post rem expositam, & Narrationem differunt: altero vero illa, quæ illam, aut descriptionibus rerum, aut amplificationibus interpositis miscent: cum alterutro horum modorum exaggeratio fieri possit; & hic secundus primo uberior plerumque ad differendum sit; quod historia facti per singulas etiam partes distinctius expendatur.

Narrationem ad ingressum orationis illustrem habet pro Sex Rosc. Amer. tum Catilinaria 3. ubi exponit, quemadmodum conjuratos deprehenderit, pro Milone, aliasque ad quas studiosum lectorem remitto: mihi enim illis, quæ amplificatione subjuncta illustrantur, magisq; ad Rhetoris eloquentiam faciunt, hic tantum nonnihil immorari decrevimi est.

1. Exemplum.

*Sassia Mater Cluentia facinus genero suo, exclusa
filia, nubenti.*

Cicero pro Cluentio.

[*Narratio*] Aulus Cluentius Avitus fuit pater hujusce, Judices, homo non solum municipii Larinatis, ex quo erat, sed etiam regionis illius, & vicinitatis, virtute, existimatione, nobilitate facile princeps. Is cum esset mortuus, Sylla, & Pompeio Coss. reliquit hunc annos XV. natum; grandem autem & nubilem filiam: quæ brevi tempore post Patris mortem nupsit M. Aurio Melino, consobrino suo, adolescenti in primis, ut tum habebatur, inter suos & honesto, & nobili. Cum essent hæ nuptiæ plenæ dignitatis, plenæ concordiæ, repente est exorta mulieris, importunæ nefaria libido, non solum dedecore, verum etiam scelere convicta. Nam Sassia mater hujus Aviti (Mater enim à me nominis causa, tametsi in hunc hostili odio, & crudelitate est, mater, inquam appellabitur: neque nunquam illa ita de suo scelere, & immanitate audiet, ut naturæ nomen amittat. Quo enim est ipsum nomen amantius, indulgentiusque maternum, hoc il

lius matris, quæ multos jam annos, & nunc cum maxime filium interfectum cupit, singulare scelus, majore odio dignum esse ducetis.) Ea igitur Aviti Melini illius adolescentis, generi sui, contra quam fas erat, amore capta, primo, neque ad ipsum diu, quoquo modo poterat, in illa cupiditate continebatur: deinde ira flagrare coepit amentia, sic inflammata ferri libidine, ut eam non pudor, non pudicitia, non pietas, non macula familiae, non hominum fama, non filii dolor, non filiae moeror à cupiditate revocaret. Animum adolescentis, non dum consilio, ac ratione firmatum, pellexit iis omnibus rebus, quibus illa ætas capi, ac deliniri solet. Filia, quæ non solum illo communi dolore muliebri in ejusmodi viri injuriis angeretur, sed nefarium matris pellicatum ferre non posset, de quo ne queri quidem sine scelere se posse arbitraretur, cæteros sui tanti mali ignaros esse cupiebat: in hujus amantiissimi sui fratris manibus, & gremio moerore, & lacrymis consenescebat. Ecce autem subitum divortium quod solatium malorum omnium fore videbatur. discedit à Melino Cluentia: ut in tantis injuriis, non invita: ut à viro, non libenter. Tum verò illa egregia, ac præclara mater, palam exsultare lætitia, ac triumphare gaudio coepit, victrix filiae, non libidinis. Itaque diutius suspicionibus obscuris lædi famam suam noluit: lectum illum genialem, quem biennio ante filiae suæ nubenti straverat, in eadem domo sibi ornari, & sterni, expulsa atque exturbata filia, jubet, nubit genero socrus, nullis auspiciis, nullis auctoribus, funestis omnibus omnium.

(*Exaggeratio.*) O mulieris scelus incredibile, & præter hoc unum, in omni vita, inauditum! O libidinem effrenatam, & indomitam! ô audaciam singularem! non timuisse, si minus vim Deorum, hominumque famam, at illam ipsam noctem, faciesque illas nuptiales? non limen cubiculi? non cubile filiae? non parietes denique ipsos; superiorum testes nuptiarum? Perfregit, ac prostravit omnia cupiditate, ac furore: vicit pudorem libido, timorem audacia, rationem amentia. Tulit hoc commune dedecus familiae, cognationis, nominis, graviter filius; augebatur autem ejus molestia quotidianis querimoniis, & assiduo fletu sororis, statuit tamen nihil sibi in tantis injuriis, ac tanto scelere matris: gravius faciendum, quam ut illa matre ne uteretur: ne, quam videre

Sino

sine summo animi dolore non poterat, ea si matre uteretur, non solum videre, sed etiam probare suo iudicio putaretur.

I M I T A T I O.

In Putipharis uxoris, aut Bersabee, aut Thamaris scelere exaggerando par oratio poterit adhiberi, cum & viris & parentibus fidem debitam, effreni libidine fallere, magni flagitii loco habendum sit.

I I.

Historica narratio ex facti natura, & adiunctis amplificata.

Cicero Actione V, in Verrem.

1. *Exponit qua ratione Verres simulacrum Mercurii à Tyndaritanis postularit, per Sopatrum Senatus principem, & rejectus sit.*

2. *Ostendit, quàm crudeliter afflicto Sopatro signum Mercurii extorserit.*

3. *Exaggerat factum ex natura rei, multa in uno facinore complexus crimina, tum ex personâ Marcelli urbis Patroni, cujus statua ignominiosè Sopater adstrictus fuerat.*

(Narratio.) Non solum Africani monumentum Verres violavit, sed à Tyndaritanis quoque ejusdem Scipionis beneficio positum simulacrum Mercurii pulcherrimè factum sustulit. At quemadmodum, Dii immortales, quàm audacter, quàm libidinosè, quàm impudenter! audistis nuper dicere legatos Tyndaritanos homines honestissimos, ac princeps civitatis, Mercurium, qui sacris anniversariis apud eos, ac summa religione coleretur, quem P. Africanus Carthagine capta Tyndaritanis non solum suæ victoriæ, sed etiam illorum fidei, societatisque monumentum, atque iudicium dedisset, hujus vi, scelere, imperioque esse sublatum, qui, ut primum in illud oppidum venit, statim, tanquam ita fieri non solum oporteret, sed etiam necesse esset, tanquam hoc senatus mandasset, populusque Rom. jussisset, ita, continuò signum ut demolirentur, & Messanam deportarent, imperavit, quod cum illis, qui aderant, indignum, qui audiebant,

incredibile videretur : non est ab isto , primo illo adventu , perseveratum. Discedens mandat Proagoro Sopatro, cujus verba audistis, ut demoliat, cum recusaret, vehementer minatur, ita tum ex illo oppido proficiscitur. Proagorus refert rem ad senatum : vehementer undique reclamatur. ne multa : iterum iste aliquanto post ad illos venit, quærit continuo de signo. respondetur ei, senatum non permittere, pœnam capitis constitutam, si injussu senatus quisquam attigisset : simul religio commemoratur. tum iste, quam mihi religionem narras ? quam pœnam ? quem Senatam ? vivum te non relinquam : mori virgis, nisi signum traditur. Sopater iterum flens ad senatum refert istius cupiditatem minasque demonstrat. Senatus Sopatro responsum nullum dat, sed commotus, perturbatusque discedit. ille à prætore accersitus nuncio, rem demonstrat, negat ullo modo fieri posse. atque hæc (nihil enim prætermittendum de istius impudentia videtur) agebantur in conventu palam, de sella, ac de loco superiore.

2. Erat hyems summa, tempestas, ut ipsum Sopatrum dicere audistis, perfrigida, imber maximus, cum ille imperatoribus, ut Sopatrum de porticu, in qua ipse sedebat, præcipitem in forum, deiciant, nudumque constituent, Vix erat hoc planè etiam imperatum, cum illum spoliatum, stipatumque lictoribus videres. omnes ideo putabant, ut miser atque innocens virgis caderetur. fefellit hæc homines opinio. virgis iste cederet sine causa Socium populi Rom. atque amicum ? non usque eò improbus : non omnia sunt in eo uno vitia : nunquam fuit tam crudelis. Leniter hominem clementerque accepit. equestres sunt mediæ in foro Marcello- rum statuae, sicuti feri cæteris in oppidis Siciliæ, ex quibus iste C. Marcelli statuam delegit : cujus officia in illa civitate, totaque provincia recentissima erant, & maxima. in ea Sopatrum, hominem tum domi nobilem, tum summo magistratu præditum, divaricari aut deligari jubet. quo cruciatus sit affectus, venire in mentem necesse est omnibus, cum esset vinctus nudus in aëre, in imbri, in frigore, neque tamen finis huic injuriæ, crudelitati que fiebat, donec populus, atque universa multitudo atrocitate rei, misericordiaque commota, Senatum clamore coegit, ut ei simulacrum illud Mercurii polliceretur. clamabant fore, ut ipsi sese Dij immortales ul-
ciscer-

discerentur, hominem interea perire innocentem non oportere. tum frequens Senatus ad istum venit, pollicetur signum. Ita Sopater de statua C. Marcelli, cum jam pene obriguisset, vix vivus aufertur.

3. (*Exaggeratio ab adjunctis quid? & quis?*) Non possum dispositè istum accusare, si cuius opus est non solum ingenio, verum & artificio quodam singulari: unum hoc crimen videtur esse, & à me pro uno ponitur: de Mercurio Tydaritano plura sunt: sed ea quo pacto distinguere, ac separare possim, nescio. est pecuniarum captarum, quòd signum à sociis pecuniæ magnæ sustulit: est peculatus, quòd publicè populi Rom. signum, de præda hostium captum, positum imperatoris nostri nomine, non dubitavit auferre: est majestatis, quod Imperii nostri, gloriæ, rerumque gestarum monumenta evertere, atque asportare ausus est: est sceleris, quòd religiones maximas violavit: est crudelitatis, quòd in hominem innocentem, in socium nostrum atque amicum, novum, ac singulare supplicii genus excogitavit. Illud verò quid sit, jam non queo dicere: quo nomine appellem, nescio: quòd in C. Marcelli statua. Quid est hoc? patronusne quod erat? quid tum? quòd id spectat? utrum ea res ad opem, an ad calamitatem clientium, atque hospitum valere debeat? an ut hoc ostenderes, contra vim tuam in patronis præsidii nihil esse? quid hoc non intelligeret, improbi præsentì Imperio majorem esse vim, quàm in bonorum absentium patrocinio? an verò ex hoc illa tua singularis significatur insolentia, superbia, contumacia? detrahare videlicet aliquid te de magnitudine Marcellorum putasti: itaque nunc Siculorum Marcelli non sunt patroni, Verres in eorum locum substitutus est, quam in te tantam virtutem esse, aut dignitatem arbitratus es, ut onarere clientelam tam illustrem, tam splendide provinciæ traducere ad te, auferre à certissimis antiquissimiisque patronis? tu ista stultitia, nequitia, inertia, non modo totius Siciliæ; sed unius tenuissimi Siculi clientelam tueri potes? tibi Marcelli statua pro patibulo in clientes Marcellorum fuit? tu ex illius honore in eos ipsos, qui honorem illi habuerant, supplicia quærebas? quid postea? quid tandem tuis statuis fore arbitraberis? an verò id, quod accidit? nam Tyndaritanam statnam istius, quam sibi propter Marcellos, altiore etiam basi poni jusserat,

deturbarunt, simul ac successum isti audierunt. dedit igitur tibi fortuna Siculorum C. Marcellum judicem, ut cujus ad statuum Siculi de prætore alligabantur, ejus religioni te eundem victum astrictumque dedamus.

I M I T A T I O.

Huic narrationi Romani Martyres aliique crudelia à Tyrannis perpeffi ; ut D. Andreas multo tempore ex ligno suspensus, aut etiam ipsius Christi patientis historia non ineptè poterit accommodari.

I I I.

Historicum exemplum de facinoribus Verris, per adjuncta consequentia exaggeratur.

Cicero actione V. in Verrem ante medium.

1. Attentionem à gravitate rei exponenda excitat, deinde exponit, quemadmodum Antiochus junior Rex Syria, Româ per Siciliam ad suos rediturus. à Verre per fraudem & vim, pretiosissimis rebus spoliatus fuerit.

2. Candelabrum pretiosissimum describit Iovi designatum, à Verre ablatum.

3. Ab adjunctis & consequentibus exaggerat facinoris gravitatem.

4. Q. Catulum judicem ad vindicandum scelus. deinde & judices reliquos, à facti sacrilegi & per comparationem amplificati turpitudine, inflammat.

(Narratio.) Venio, Judices, non jam ad furtum, non ad avaritiam, non ad cupiditatem, sed ad ejusmodi facinus, in quo omnia nefaria contineri mihi, atque inesse videantur: in quo Dii immortales violati, existimatio, atque auctoritas nominis populi Rom. imminuta, hospitium spoliatum, ac proditum, ab alienati scelere istius à nobis omnes Reges amicissimi nationesque, quæ in eorum regno, ac ditione sunt: nam Reges Syriæ, Regis Antiochi filios pueros, scitis Romæ nuper

nuper fuisse, qui venerant, non propter Syriæ regnum: nam id sine controversia obtinebant, ut à patre & majoribus acceperant: sed regnum Ægypti ad se, & ad Selinem matrem suam pertinere arbitrabantur. hi postquam, temporibus populi Rom. exclusi, per senatum agere, quæ voluerant, non potuerunt: in Syriam in regnum patrum profecti sunt. Eorum alter, qui Antiochus vocatur, iter per Siciliam facere voluit: itaque isto prætoris venit Syracusas. Hic Verres hereditatem sibi venisse arbitratus est: quod in ejus regnum ac manus venerat is, quem iste & audierat multa secum præclara habere, & suspicabatur. mittit homini munera satis largè: hæc ad usum domesticum, vini, olei, quod visum erat: etiam tritici, quod satis esset, de his decumis, deinde ipsum Regem ad cœnam vocavit. exornat amplè, magnificèque triclinium: exponit ea, quibus abundabat, plurima ac pulcherrima vasa argentea: namque hæc aurea nondum fecerat. omnibus curat rebus instructum, & paratum ut sit convivium. quid multa? rex ita discessit, ut & istum copiosè ornatum, & se honorificè acceptum arbitraretur. Vocat ad cœnam deinde ipse prætoris, exponit suas copias omnes, multum argentum, non pauca etiam pocula ex auro, quæ, ut mos est regius, & maximè in Syria, gemmis erant distincta clarissimis. erat etiam vas vinarium ex una gemma pergrandi, trulla excavata cum manubrio aureo: de qua, credo, satis idoneum, satis gravem testem Q. Minutium dicere audistis. iste unumquodque vas in manu sumere, laudare, mirari, rex gaudere prætori populi Rom. satis jucundum, & gratum illud esse convivium. Posteaquam inde discessum est, cogitare iste nihil aliud, quam id quod res ipsa declaravit, nisi quemadmodum regem ex provincia spoliatum, expilatumque dimitteret, mittit rogatum vasa ea, quæ pulcherrima apud illum viderat: ait se suis cælatoribus velle ostendere. Rex, qui istum non nosset, sine ulla suspitione libentissimè dedit. mittit etiam trullam gemmeam rogatum: velle eam se diligentius considerare, ea quoque ei mittitur, nunc reliquum, judices attendite, de quo & vos audistis, & populus Rom. non nunc primum audiet, & in exteris nationibus usque ad ultimas terras pervagatum est.

2. Candelabrum è gemmis clarissimis, opere mirabili

erfectum, reges hi, quos dico, Romam cum attulissent, ut in Capitolio ponerent: quod nondum etiam perfectum templum offenderant, neque ponere potuerunt, neque vulgo ostendere, ac proferre voluerunt. ut & magnificentius videretur, cum suo tempore in cella Jovis Optimi Maximi poneretur: & clarius, cum pulchritudo ejus recens ad oculos hominum, atque integra perveniret. Statuerunt id secum in Syriam reportare, ut cum audissent simulacrum Jovis Optimi Maximi dedicatum, legato mitterent, qui cum cæteris rebus illud quoque eximium, atque pulcherrimum donum in Capitolium afferrent. pervenientes ad istius aures nescio quomodo: nam rex id celatum voluerat: non quo quicquam metueret, aut suspicaretur, sed ut ne multi illud ante perciperent oculis, quam populus Romæ, iste petit à Rege, & cum pluribus verbis rogat, uti ad se mittat: cupere se dicit inspicere, neque se aliis potestatem esse facturum. Antiochus, qui animo & puerili esset, & regio, nihil de istius improbitate suspicatus est: imperat suis, ut id in prætorium involutum quam occultissime deferrent. quo posteaquam attulerunt, involutisque rejectis constituerunt: iste clamare cœpit, dignam rem esse regno Syriæ, dignam regio munere, dignam Capitolio: etenim erat eo splendore, qui ex clarissimis, & plurimis gemmis esse debebat: ea varietate operum, ut ars certare videretur cum copiâ eâ magnitudine, ut intelligi possit, non ad hominum apparatus, sed ad amplissimi templi ornamentum esse factum: quod cum satis jam perspexisse videretur, tollere incipiunt, ut referrent. Iste ait, se velle illud etiam atque etiam considerare: nequaquam se esse satiatum, jubet illo discedere, & candelabrum relinquere. Sic illi tum inanes ad Antiochum revertuntur. Rex primò nihil metuere, nihil suspicari. dies unus, alter plures: non referri. tum mittit rex ad istum: si sibi videatur, ut reddat, jubet iste posterius ad se reverti. Mirum illud videri, mitti iterum: non redditur, ipse hominem appellat, rogat, ut reddat. Os hominis, insignemque impudentiam cognoscite quod sciret, quodque ex ipso rege audisset in Capitolio esse ponendum, quod Jovi Optimo Maximo, quod populo Romano servari videret, id ipsi ut donaret, rogare, & vehementer petere cœcit cum ille se & religionem Jovis Capitolini, & hominum existimationem impediri diceret, quod multa

natio.

nationes testes essent illius operis ; ac muneris , iste homini minari acerrimè cœpit ubi videt eum nihilo magis minis, quam precibus perimoveri : repentè hominem de provincia jubet ante noctem discedere : ait se comperisse , ex ejus regno piratas in Siciliam esse venturos. Rex maximo conventu Syracusis, in foro, ne quis torte me in crimine obscuro versari, atque affingere aliquid suspicioni hominum arbitretur, in foro inquam Syracusis flens , Deos hominesque contestans, clamare cœpit, candelabrum factum è gemmis, quod in Capitolium missurus esset, quod in templo clarissimo , populo Rom. monumentum suæ societatis , amicitiaque esse voluisset, id sibi C. Verrem abstulisse. De cæteris operibus ex auro, & gemmis, quæ sua penes illum essent, se non laborare : hoc sibi eripi, miserum esse & indignum : id etsi antea jam mente, & cogitatione sua, fratrisque sui consecratum esset : tamen tum se in illo conventu civium Rom. dare, dicere, donare, dicare, consecrare Jovi Optimo Maximo, testemque ipsum Jovem suæ voluntatis, ac religionis adhibere,

(*Exaggeratio ab adjunctis ? quis ? quid ? & cur ?*) Quæ vox ? quæ vires hujus unius criminis querimoniam possint sustinere ? Rex Antiochus, qui Romæ ante oculos omnium nostrorum biennium ferè comitatu regio , atque ornatu fuisset. is cum amicus & socius populi Rom. esset, amicissimo patre, avo, majoribus , antiquissimis ac clarissimis regibus, opulentissimo & maximo regno , præceps è provincia populi Rom. exturbatus est. quemadmodum hoc accepturas nationes exteras, quemadmodum hujus tui facti famam in regna aliorum, atque in ultimas terras perventum putasti, cum audierint, à prætore populi Rom. in provincia violatum Regem, spoliatum hospitem, ejectum socium populi Rom. atque amicum ? nomen vestrum populi que Rom. odio atque acerbitati scitote nationibus exteris, iudices, futurum, si istius hæc tanta injuria impunita discesserit. Sic omnes arbitrabantur, præsertim cum hæc omnino fama de nostrorum hominum avaritia, & cupiditate percrebuerit, non istius solius hoc esse facinus, sed eorum etiam, qui approbarint. Multi Reges, multæ liberæ civitates, multi privati opulenti, ac potentes habent profectò in animo capitolium sic ornare, ut templi dignitas, imperii que nostri nomen desiderat, qui si in-

tellexerint, interverso regali hoc dono, graviter vos tulisse: grata fore vobis populoque Rom. sua studia, ac dona arbitrabuntur. Sin hoc vos in Rege tam nobili, in re tam eximia, in injuria tam acerba neglexisse audierint. non erunt tam amentes, ut operam, curam, pecuniam impendant in eas res, quas nobis gratas fore non arbitrentur hoc loco.

4. Q. Catule te appello: loquor enim de tuo clarissimo, pulcherrimoque monumento. non judicis solum severitatem in hoc crimine, sed propè inimici, atque accusatoris vim suscipere debes: tuus est enim honos in illo templo, Senatus populique Rom. beneficio: tui nominis æterna memoria simul cum templo illo consecratur. tibi hæc cura suscipienda, tibi hæc opera sumenda est, ut Capitolium, quomodo magnificentius est restitutum, sic copiosius ornatum sit, quàm fuit: ut illa flamma divinitus extitisse videatur, non quæ deleret Jovis Optimi Maximi templum, sed quæ præcarius magnificentiusque deposceret. Audisti Q. Minutium Rufum dicere, domi suæ diversatum esse Antiochum Regem Syracusis, se illud scire ad istum esse delatum, se scire non redditum. Audisti, & audies omni è conventu Syracusano, qui ita dicant, sese audientibus, illud Jovi Optimo Maximo dedicatum esse, ab Rege Antiocho, & consecratum. Si judex non esses, & hæc ad te delata res esset: te potissimum hoc persequi, te petere, & agere oporteret. Quare non dubito, quo animo judex hujus criminis esse debeas, qui apud alium judicem multò acrior, quam ego sum, actor, accusatorque esse deb. res. Vobis autem, judices, quid hoc indignius, aut quid minus ferendum videri potest? Verresnè habuit domi suæ candelabrum Jovis Optimi Maximi è gemmis auroque perfectum? cujus fulgore collucere, atque illustrari Jovis Optimi Maximi templum oportebat, id apud istum in ejusmodi convivis constitueretur, quæ domesticis stupris, flagitiisque flagrabant? in istius lenonis turpissimi domo simul cum cæteris Chelidonis hæreditariisque ornamentis Capitolii ornamenta ponentur? quid huic sacri unquam fore, aut quid fuisse religiosi putatis, qui nunc tanto scelere se obstrictum esse non sentiat? qui in iudicium veniat, ubi ne precari quidem Jovem Optimum Maximum, atque ab eo auxilium petere more omnium possit? à quo etiam Dii immortales sua repetunt in eo iudicio, quod homini-

minibus ad suas res reperundas est constitutum. Miramur Athenis Minervam, Deli Apollinem, Junonem Sami, Pergæ Dianam, multos præterea ab isto Deos tota Asia, Græciaque violatos, qui à Capitolio manus abstinere non potuerit? quod privati homines de suis pecuniis ornant, ornaturique sunt, id C. Verres ab Regibus ornari non est passus. Itaque hoc nefario scelere concepto, nihil postea tota in Sicilia neque sacri, neque religiosi esse duxit. ita sese in ea provincia per triennium gessit, ut ab isto non solum hominibus, verum etiam Diis immortalibus bellum indictum putaretur.

IMITATIO.

In templorum, hac ætate, violatores, qui ab illis earum delabra aurea, argenteaque, ac vasa quaque pretiosissima, ad privatos thesauros, & domesticum luxum transfudere; tum singulatim etiam ad Balihasaris Babylonii regis factum exagitandum, qui templi Hierosolymitani vasis in convivio abusus fuit, hac oratio imitanti serviet.

CAPUT XIII.

Accedimus ad alterum narrationis genus, quod in singulis penè membris exaggerando immoratur, descriptionesque, ethopœas, hypotheses, prolepses, communicationes, aliasque figuras miscet. Quo in genere præquam illustre hoc est, quod in Verrem Actione VI. ante medium, de classe Rom. à piratis incensa ac damna inde nata habet, quod in alium locum differo, minus hic difficilia ad imitationem propositurus. Ac primo quidem à descriptione parva initium ducam: ut hanc historiis amplificandis adhibendam noveris. Qui prolixiores voluerit, adeat Catilin. 2. à n. 6. ad 11. & 17. ad 26. ubi variorum conjurantium descriptiones reperiet. Consulat eundem Tullium, in 1. gratiarum actione ad Quirites ubi populi & amicorum in se studia describit; tum altera etiam, ubi Gabinum & Pisonem perstringit acerrimè.

I. Exemplum.

Descriptio Catilinae, hominis politici, ab adiunctis quis? quid? & quomodo?

C. pro M. Caelio post exordium.

Habuit Catilina, sicut meminisse vos arbitror, permulta maximarum non expressa signa, sed adumbrata virtutum, utebatur hominibus improbis multis: & quidem optimis se viris deditum esse simulabat. erant apud illum illecebrae libidinum multae: erant etiam industriae quidam stimuli ac laboris. flagrabant vitia libidinis apud illum: vigeant etiam studia rei militaris. Neque ego unquam fuisse tale monstrum in terris ullum puto, tam ex contrariis, diversisque inter se pugnantibus naturae studiis cupiditatibusque conflatum. Quis clarioribus viris quodam tempore iucundior? quis turpioribus conjunctior? quis civis meliorum partium aliquando? quis terrior hostis huic civitati? quis in voluptatibus inquinatior? quis in laboribus patientior? quis in rapacitate avarior? quis in largitione effusior? illa vero iudices in illo homine mirabilia fuerunt, comprehendere multos amicitia, tueri obsequio, cum omnibus communicare quod habebat, servire temporibus suorum omnium pecuniâ, gratiâ, labore corporis, scelere etiam, si opus esset, & audaciâ: versare suam naturam, & tegere ad tempus, atque huc, & illuc torquere & flectere: cum tristibus severè, cum remissis iucundè, cum senibus graviter, cum juventute comiter, cum facinorosis audacter, cum libidinosis luxuriosè vivere. Hac ille tam varia, multiplicique natura, cum omnes omnibus ex terris homines improbos audacesque collegit: tum etiam multos fortes viros & bonos specie quadam virtutis assimilatae tenebat, neque unquam ex illo delendi hujus imperii tam sceleratus imperus extitisset, nisi tot vitorum tanta immanitas quibusdam facilitatis, & patientiae radicibus niteretur. Quare ista conditio, iudice, respiciatur, nec Catilinae familiaritatis crimen hæreat: est enim commune cum multis, & cum quibusdam etiam bonis:

nis : me ipsum, me, inquam, quondam penè ille decepit, cum & civis mihi bonus, & optimi cujusque cupidus, & firmus amicus, & fidelis videretur. Cujus ego facinora oculis prius, quàm opinione, manibus antè, quàm suspitione deprehendi. Cujus in magnis catervis amicorum si fuit etiam Cœlius, magis est, ut ipse molestè ferat errasse se, sicut & nonnunquam in eodem homine me quoque erroris mei poenitet, quàm ut istius amicitiae crimen reformidet.

IMITATIO.

In descriptione hominis politici, ut Pilatus olim & Herodes fuere, qui simulatas cum vitis virtutes miscebant, hac oratio locum reperiet.

II.

Sacrilegium Verris facinus ab antecedentibus & adjunctis variarum personarum describitur & amplificatur.

Cicero in Verrem Actione V.

1. *A loci & religionis antiquitate simulacrum Diana commendat, quod à Pœnis ablatum P. Scipio Africanus Carthagine victa, Siculis, una cum tauro Phalaridis restituerat.*

2. *Verris in hoc simulacro flagitando cupiditatem atque injuriam, tum Segestanorum in eo dimittendo dolorem affectumque exponit.*

3. *Docet Scipionis Africani nomen basi incisum, atque insigni istius familia contemptu sublatum, indignumque quod ex posteris P. Scipio adolescens Verri faveat.*

4. *Profitetur se in defectu Scipionum, illius familia tantique viri, qui & Romam ornavit, & causas in foro egerit, honorem propugnaturum.*

5. *Iudices P. Servilium & Q. Caeculum à justa monumentorum defensione, qua & ipsis aliquando prodesse queat, sibi conciliat, & contra Verrem accendit.*

*Narratio cum exaggeratione mixta ab adjunctis quis?
quid? quibus auxilium? & cur?*

1. Segesta est oppidum per vetus in Sicilia, Judices, quod ab Ænea fugiente a Troja, atque in hæc loca veniente conditum esse demonstrant, itaque Segestani non solum perpetua societate, atque amicitia, verum etiam cognatione cum populo Rom. conjunctos esse arbitrabantur. Hoc quondam oppidum, cum illa civitas cum Pœnis suo nomine, ac sua sponte bellaret, à Carthaginensibus vi captum atque deletum est, omniaque quæ ornamenta urbi esse possent, Carthaginem sunt ex illo loco deportata. fuit apud Segestanos ex ære simulacrum Dianæ, tum summa, atque antiquissima præditum religione. tum singulari opere, artificioque perfectum; hoc translatum Carthaginem, locum tantum, hominesque mutarat, religionem quidem pristinam conservabat: nam propter eximiam pulchritudinem etiam hostibus digna, quam sanctissimè colerent, videbatur. Aliquot seculis post P. Scipio bello Punico tertio Carthaginem cepit. qua in victoria (videte hominis virtutem, & diligentiam, ut & domesticis præclarissimæ virtutis exemplis gaudeatis, & eo majore odio dignam istius incredibilem audaciam judicetis) convocatis Siculis omnibus, quod diutissimè sæpissimèque Siciliam vexatam à Carthagineis esse cognorat, jubet omnia conqueri, sibi pollicetur magnæ curæ fore, ut omnia civitatibus, quæ cujusque fuissent, restituerentur. tum illa, quæ quondam fuerant Himera sublata, de quibus antea dixi, Thermitanis sunt reddita, tum alia Gessensibus, alia Agrigentinis, in quibus etiam ille nobilis taurus, quem crudelissimus omnium Tyrannorum Phalaris habuisse dicitur, quo vivos supplicii causa demittere homines & subicere flammam solebat. quem taurum Scipio cum redderet Agrigentinis, dixisse dicitur, æquum esse illos cogitare, utrum esset Siculis utilis, suisne servire, an populo Romano obtemperare, cum idem momentum, & domesticæ crudelitatis, & nostræ mansuetudinis haberent? illo tempore Segestanis maxima cum cura hæc ipsa Diana, de qua diximus, redditur: reportatur Segestam: in suis antiquis sedibus, summa cum gratulatione civium, & læticia reponitur. Hæc erat posita Segestæ, sanè

sanè excelsa in basi, in qua grandibus litteris P. Africanì nomen erat incisum, cumque Carthagine capta restituisse perscriptum. Colebatur à civibus: ab omnibus advenis visebatur, cum quæstor essem, nihil mihi ab iis est demonstratum prius. erat admodum amplum, & excelsum signum cum stola: verumtamen inerat in illa magnitudine ætas; atque habitus virginalis: sagittæ pendebant ab humero: sinistra manu retinebat arcum, dextera ardentem faciem præferebat.

2. Cum iste sacròrum omnium hostis, religionumque prædo vidisset: quasi ipsa face percussus esset, ita flagrare cupiditate atque amentia cœpit, imperat magistratibus iste, ut Deam demoliantur & sibi dent: nihil sibi gratius ostendit futurum. Illi verò dicere, id sibi nefas esse, seque cum summa religione, tum summo metu legum, & judiciorum teneri, iste tum petere ab illis, tum minari, tum spem, tum metum ostendere. opponebant illi interdum nomen Africanì: donum populi Rom. illud esse dicebant: nihil se in eo potestatis habere, quod Imperator charissimus, urbe hostium capta, monimentum victoriæ populi Rom. esse voluisset: cum iste nihilo remissius, atque etiam multo vehementius instaret quotidie, res agitur in Senatu: vehementer ab omnibus reclamatur: itaque illo tempore, ac primo istius adventu pernegatur. Postea quidquid erat oneris in nautis remigibusque exigendis, in frumento imperando, Segestanis præter cæteros imponebat aliquanto amplius, quam ferre possent: præterea Magistratus eorum evocabat: optimum & nobilissimum quemque ad se accersebat: circum omnia provinciæ fora rapiebat: sigillatim unicuique calamitati fore se denuntiabat: universam se funditus illam eversum esse civitatem minabatur. itaque aliquando multis malis, magnoque metu victi Segestani, prætoris imperio parendum esse decreverunt. magno cum luctu, & gemitu totius civitatis, multis cum lachrymis, & lamentatione virorum, mulierumque omnium simulacrum Dianæ tollendum locabatur. vide quanta religione fuerit. apud Segestanos repertum esse, iudices, scitote neminem, neque liberum, neque servum neque civem, neque peregrinum, qui illud signum auderet attingere: barbaros quosdam Lilybæo scitote advocatos esse operarios:

hi

hi denique illud, ignari totius negotii, ac religionis mercede accepta sustulerunt. quod cum ex oppido exportaretur, quæ conventum mulierum factum esse arbitramini? quem fletum majorum natu? quorum nonnulli etiam istum diem memoria tenebant, cum illa eadem Diana, Segestam Carthagine reuēta victoriam populi Rom. reditu suo nuntiasset. Quàm dissimilis hic dies illi tempori videbatur: tum Imperator populi Rom. vir clarissimus, Deos patrios reportabat Segestanis, ex urbe hostium recuperatos; nunc ex urbe sociorum prætor ejusdem populi turpissimus, atque impurissimus eosdem illos Deos nefario scelere auferebat. Quid hoc tota Sicilia est clarius, quàm omnes Segestanas matronas & virgines convenisse, cum Diana exportaretur ex oppido? unxisse unguentis? complexisse coronis & floribus? thure odoribusque incensis usque ad agri fines prosecutas esse? hanc tutantam religionem, si tum in Imperio propter cupiditatem, atque audaciam, non pertimescebat, ne nunc quidem in tanto tuo, liberorumque tuorum periculo perhorrescis? quem tibi aut hominem, invitis Diis immortalibus, aut verò Deum, tantis eorum religionibus violatis, auxilio futurum putas? tibi illa Diana in pace, atque in ocio religionem nullam attulit? quæ cum duas urbes, in quibus locata fuerat, captas incensasque vidisset, his ex duorum bellorum flamma ferroque servata est: quæ Carthaginensium victoriâ loco mutato, religionem tamen non amisit: P. Africani virtute religionem simul cum loco recuperavit.

3. Quo quidem scelere suscepto, cum inanis esset basis, & in eo P. Africani nomen incisum, res indigna atque intoleranda videbatur omnibus, non solum religiones esse violatas, verum etiam P. Africani, viri fortissimi, rerum gestarum gloriam, memoriam virtutis, monumenta victoriæ C. Verrem sustulisse. Quod cum isti renunciaretur de basi, ac literis, existimavit homines in oblivionem totius negotii esse venturos, si etiam basim tanquam indicem sui sceleris sustulisset, itaque tollendam istius imperio locaverunt. quæ vobis locatio ex publicis Segestanorum literis priore Actione recitata est. Te nunc P. Scipio, te inquam lectissimum, ornatissimumque adolescentem appello, abs te officium tuum debitum generi, & nomini, requiro, & flagito. Cue pro

pro isto, qui laudem honoremque familiae vestrae depeculatus est, pugnas? cum eum defensum esse vis? cur ego tuas partes suspicio? cur tuum onus sustineo? cur M. Tullius P. Africani monumenta requirit? P. Scipio eum, qui illa sustulit, defendit? cum mos à majoribus traditus sit, ut monumenta majorum ita suorum quisque defendat, ut ea ne ornari quidem nomine alieno sinat: tu isti aderis, qui non obtulit aliqua ex parte monumenta P. Scipionis, sed funditus sustulit ac delevit? quisnam igitur per Deos immortales tuebitur P. Scipionis memoriam mortui? quis monumenta atque indicia virtutis, si tu ea relinquis, ac deferis? neque solum spoliata illa pati, sed etiam eorum spoliatorem, vexatoremque defendes, adsunt Segestani clientes tui, sociique Populi Romani atque amici: certiores te faciunt. P. Africanum Carthagine delata simulacrum Dianae majoribus suis restituisse, idque apud Segestanos ejus imperatoris nomine positum, atque dedicatum fuisse, hoc Verrem demoliendum & asportandum, nomenque omnino P. Scipionis delendum, tollendumque curasse: orant te, atque obsecrant, ut sibi religionem, generi tuo laudem, gloriamque restituas; ut quod ex urbe hostium per P. Africanum recuperarint, id per te ex praedonis domo conservare possint: quid aut his respondere honestè potes, aut illi facere, nisi ut te, ac fidem tuam implorarent? adsunt & implorant, potes domesticæ laudis amplitudinem Scipio tueri: potes, omnia in te sunt, quæ aut fortuna hominibus, aut natura largitur. non præcerpo fructum officii tui: non alienam mihi laudem appeto: non est pudoris mei, P. Scipione, florentissimo adolescente, vivo ac incolumi me propugnatores monumentum P. Scipionis defensoremque profiteri.

4. Quamobrem si suscipis domesticæ laudis patrocinium, me non solum silere de vestris monumentis oportebit, sed etiam lætari, P. Africani ejusmodi esse fortunas mortui, ut ejus honos ab iis, qui ex eadem familia sint, defendatur neque ullum adventitium requiratur auxilium, Sin istius amicicia te impedit: si hoc, quod abs te postulo, minus ad officium tuum pertinere arbitraberis: succedam ego vicarius tuo muneri: suscipiam partes, quas alienas esse arbitrabar. ne ista præclara nobilitas desinat queri, populum Rom. hominibus

novis, atque industriis libenter honores mandare, semperque mandasse. Non est quærendum, ita ea civitate, quæ propter virtutem omnibus nationibus imperat, virtutem plurimum posse. Sit apud alios imago P. Africani: ornentur alii mortui virtute, ac nomine: talis ille vir fuit, ita de populo Rôm, meritis est, ut non uni familiæ, sed universæ civitati commendatus esse debeat. Est aliqua mea pars virilis, quod ejus civitatis sum, quam ille amplam, illustrem, claramque reddidit: præcipuè quod in his artibus pro mea parte versor, quam ille Princeps fuit, æquitate, industria, temperantia, defensione miserorum, odio improborum, quæ cognatio studiorum & artium propemodum non minus est conjuncta, quàm ista, qua vos delectamini, generis & nominis. Repeto abs te Verres monumentum P. Africani causam Siculorum, quam suscepi, relinquo: judicium de pecuniis repetundis non sit hoc tempore: Segestanorum injuriæ negligantur: basis P. Africani restituatur: nomen invictissimi Imperatoris incidatur: signum pulcherrimum Carthagine capta recuperatum, reponatur. Hæc abs te non Siculorum defensor, non tuus accusator, non Segestani postulant, sed is, qui laudem gloriamque P. Africani tuendam, consecrandamque suscepit.

§ Non vereor, ne hoc officium meum P. Servilio Judici non probem: qui cum res maximas gesserit, monumentaque suarum rerum maxima constituat, atque in his elaboret: profectò volet non solum suis posteris, verum etiam omnibus viris fortibus, & bonis civibus defendenda, non spolianda improbis tradere. Non vereor, ne tibi Q. Catule displiceat, cujus amplissimum in orbe terrarum, clarissimumque monumentum est, quamplurimos esse custodes monumentorum, & putare omnes bonos alienæ gloriæ defensionem ad officium suum pertinere. Et quidem cæteris istius furtis ac flagitiis ita moveor, ut ea reprehendenda putem: hic verò tanto dolore afficior, ut nihil mihi indignius ferendum videatur. Verres Africani monumentis domum suam, plenam stupri, plenam flagitii, plenamque dedecoris, ornabit? Verres temperantissimi sanctissimi que viri monumentum, Dianæ simulacrum virginis, in ea domo collocabit, in qua semper meretricum leonumque flagitia versantur.

IMITATIO.

In exagitandis sacrilegiis Iconomachorum, vel priscei, vel huius etiam avi hominum, qui tum auri argenti que cupiditate ducti, tum prisca religionis inflammati odio, nec effigies quidem Salvatoris in templis ad ipsius memoriam frequentandam passi sunt, qui tamen levium etiam muliercularum secum esse patiuntur imagines, hic locus imitanti poterit deservire. Exemplum nobis totius Septentrio luculenta suppeditat.

III.

Crudelitatis in Verre exemplum, ab uno potissimum adjuncto, quod civem Romanum necarit, per comparationes, amplificatum.

Cicero Actione VI in Verrem, circa finem.

1. Singulare crudelitatis exemplum patheticè describit, & facti exempli comparatione extollit.

2. Adjunctum facti, quod nempe in opprobrium Rom. nominis cederet, comparatione disparium, atque ex minore amplificat.

Narratio exaggerata per adjuncta quis? quid? & quomodo?

1. Quid ego de P. Gavio Cossano municipe dicam, iudices? aut quâ vi vocis, quâ gravitate verborum, quo dolore animi dicam? tametsi dolor me non deficit: ut cætera mihi in dicendo dignare, digna dolore meo suppetant; magis elaborandum est, quod crimen ejusmodi est, ut cum primum ad me delatum est, usum me illo non putarem: tametsi enim verissimum esse intelligebam, tamen credibile fore non arbitrabar, coactus lachrymis omnium civium Roman. qui in Sicilia negotiantur, adductus Valentinorum hominum honestissimorum, testimoniis, omniumq; Rhegino-

rum, multorum equitum Romæ, qui casu tum Messanæ fuerunt, dedi tantum priore actione testium, res ut nemini dubia esse posset. quid nunc agam? cum jam tot horas de uno genere, ac de istius nefaria crudelitate dicam, cum prope omnem vim verborum ejusmodi, quæ scelere istius digna sunt, aliis in rebus consumpserim, neque hos providerim, ut varietate criminum vos attentos tenerem, quemadmodum de tanta re dicam? opinor unus modus, atque una ratio est. rem in medio ponam, quæ tantum habet ipsa gravitatis, ut neque mea, quæ nulla est, neque cuiusquam ad inflammandos vestros animos eloquentia requiretur. Gavius hic, quem dico; Cossanus, cum illo in numero, ab isto in vincula coniectus esset, & nescio, quâ ratione clam à latomiis profugisset, Messanamque venisset: qui prope jam Italiam, & mœnia Rheginorum videret, & ex illo metu mortis ac tenebris, quasi luce libertatis, & odore aliquo legum recreatus revixisset, oqui Messanæ cœpit, & queri, se civem Romæ in vincla esse coniectum, sibi restâ iter esse Romanam, Verri se præsto advenienti futurum. non intelligebat miser, nihil interesse, utrum hæc Messanæ, an apud ipsum in prætorio loqueretur. Nam ut antè vos docui, hanc sibi iste urbem delegerat, quam haberet adjutricem sce'lerum, furiorum receptricem, flagitiorum omnium sociam, itaque ad magistratum Mamertinum statim deducitur Gavius. eoque ipso die casu Messanam Verres venit. res ad eum deferuntur, esse civem Romanum, qui se Syraculis in latomiis fuisse quereretur: quem jam ingredientem navem, & Verrem nimis atrociter minitantem, à se retractum esse, & asservatum, ut ipse in eum statueret, quod videretur. Agit hominibus gratias, & eorum erga se benevolentiam, diligentiamque collaudat. Ipse inflammatus scelere, & furore in forum venit, ardebant oculi: toto ex ore crudelitas emicabat: expectabant omnes, quò tandem progressurus, aut quidnam acturus esset: cum repente hominem proripi, atque in foro medio nudari, ac deligari, & virgas expediri jubet: clamabat ille miser, se civem esse Roman. municipem Cossanum, meruisse se cum L. Prætorio splendidissimo equite Romano, qui Panormi n. goriaretur, ex quo hæc Verres scire possit. Tum iste se comperisse ait, eum speculandi causa in Siciliam à ducibus fugitivorum esse missum: cujus rei neque index, neque ve-

stigium.

stigium aliquod, neque suspicio cuiquam esset ulla. Deinde jubet undique hominem proripi, vehementissimè verberari. Cædebat virgis in medio foro Messanæ civis Romanus, iudices, cum interea nullus gemitus, nulla vox alia illius miseri inter dolorem, crepitumque plagarum audiebatur, nisi hæc, civis Romanus sum, hac se commemoratione civitatis omnia verbera depulsurum, cruciarum à corpore dejecturum arbitrabatur. is non modo hoc, non perfecit, ut virgarum vim, cruciarumque deprecaretur; sed cum imploraret sæpius, usurparetque nomen civitatis, crux, crux, inquam, infelici & ærumnoso, qui nunquam istam potestatem viderat, comparabatur. ô nomen dulce libertatis! ô jus eximium nostræ civitatis! ô lex Portia, legesque Sempronæ! ô graviter desiderata, & aliquando reddita plebi Roman. tribunica potestas! hucine tandem omnia reciderunt, ut civis Romanus in provincia populi Romani in oppido fœderatorum, ab eo, qui beneficio populi Romani falces, & secures haberet, deligatus in foro virgis caderetur? quid, cum ignes, candente que laminæ, cæteri que cruciatus admovebantur? sit illius acerba imploratio & vox miserabilis nō inhibebat, ne civium quidem Romanorum, qui tum aderant, fletu & gemitu maximo commovebare? in crucem tu agere ausus es quemquam, qui se civem Romanum esse diceret? si tu apud Persas, aut in extrema Indiâ deprehensus Verres ad supplicium ducerere, quid aliud clamitares, nisi te civem esse Romanum? nisi tibi ignoto apud ignotos, apud barbaros, apud homines in extremis atque ultimis gentibus positos, nobile & illustre apud omnes nomen tuæ civitatis profuisset: ille, quisquis erat, quem tu in crucem rapiebas, qui tibi esset ignotus, cum civem se Romanum esse diceret, apud te prætorem, se non effugium, ne moram quidem mortis mentione atque usurpatione civitatis assequi potuit? Homines tenues, obscuro loco nati, navigant, adeuntque ad ea loca, quæ nunquam antea adierant, ubi neque noti essent, quò venerunt, neque semper cum cognitoribus esse possunt: hac unâ tamen fiduciâ civitatis non modo apud nostros magistratus, qui legum, & existimationis periculo continentur: neque apud cives solum Romanos, qui & sermonis & juris, & multarum rerum societate conjuncti sunt, fore se tutos arbitrantur; sed quocunque verint, hanc sibi rem præsidio sperant

etiam, ut longius progrediar, si in aliqua desertissima solitudine ad fava, & ad scopulos hæc conqueri & deplorare vellem: tamen omnia muta atque inanima, tanta & tam indigna rerum atrocitate commoverentur. Nunc verò cum loquar apud senatores populi Rom. Legum judiciorumque & juris auctores, timere non debeo, ne non unus iste civis Roman. illâ cruce dignus, cæteri omnes simili periculo indignissimi judicentur. Pauîd antè, iudices, lacrymas in morte misera atque indignissima navarchorum non tenebamus, & rectè ac meritò lociorum innocentium miseria commovebamur: quid nunc in nostro sanguine tandem facere debemus? nam civium Rom. omnium sanguinis conjunctus existimandus est, quoniam id & salutis omnium ratio, & veritas postulat. omnes hoc loco cives Rom. & qui adsunt & qui ubicunque sunt, vestram severitatem desiderant, vestram fidem implorant, vestrum auxilium requirunt: omnia sua jura, commoda, auxilia, totam denique libertatem in vestris sententiis versari arbitrantur.

IMITATIO.

Hæc res ad crudelitatem Iudeorum imprimisque Caiaphæ Pontificis in Christi discipulorumque ejus persecutione, ac nece crudelissima Domini sese meritò Regem Iudeorum prædicantis, usurpatam, paribus coloribus adumbrandum, valebit. At si magis lubeat, in alterius etiam Tyranni immanitate, erga Martyres Christi describenda serviet.

Appendix & Observatio.

Hoc exercitium ut inter prima oratoria facillimum, hæc, quâ prævivimus, viâ adhibendum erit, & primò expositâ facti histor.â subicienda amplificatio, deinde & immiscenda. Poteritque etiam Declamationibus aptari menstruis; ita ut principio historicus tanquam ex pulpito factum deponat. Deinde hinc certa adjuncta suas induta personas; inde quædam etiam illustriores figuræ, suam ad hoc factum, vel extollendum, vel deprimendum symbolam conferant. Hoc enim schema faciet ad firmandam adolescentum apprehensionem, ut intelligant, quid Orator ab Historico differat, illique ornamentorum adferat, tum tu promptum dein-

de illis sit, paria sectari. nec in amœno hæc spectaculo obijci auditori simul & spectatori possunt. Ut, e. g. Factum sit: quod hæreticus Iconomachus deiecerit in templo imaginem crucifixi. Historicus hoc recitet. Orator personam, *quis?* advocet tanquam in præsidium suæ causæ, quam contra adversarium hæreticum turatur: quæ sit ipse *Christus*, qui cum sibi hanc injuriam irrogari tradiderit, poterit hypothyposis subjicere oculis facti modum, atque ex opposito describere, quas domi Bacchi ac Veneris imagines in conclavi asservet, quibus improbè delectetur, cum Servatoris sui ferre non sustinuerit. Adsit & pro adjuncto *quid*, templis proscripta Religio, cultumque suum ac morem pristinum cum præsentis squalore & vastitate conferat. Cui *Ethopœja* vel etiam *Prosopopœja*, aut *Apostrophe* suffragetur. Orator verò illa adjuncta, figuræque, quæ in scena commodè exhiberi nequeunt, aut si quam inter se connexionem requirat oratio, hanc ipse velut scenæ hujus director interponat. Talis enim rei amplificandæ imago, semel animis adolescentum impressa, (ut nova & rara quæque, præterquam quod delectent, hærent tenacissimè) facilem deinde rerum ornandarum apprehensionem suppeditabant. Hi quidam puerilis & adhuc nascentis Eloquentiæ lusus sunt, & crepundia, quæ illæ concedenda videntur, dum adultior ad maturiora se transferat.

CAPUT XIV.

De confirmatione orationis ejusque inventione universim.

Confirmationem denique, quæ cor ipsum, ut sic dicam, sanguinemque ac vitam orationis complectitur, accedimus. Hæc cum in triplici dicendi genere, demonstrativo, deliberativo, & judiciali versetur, singulorumque generum plures formæ sint, exempla omnium tradere longum sit, & fortè supervacaneum; quod is, qui in præcipuis dicendi formis probè exercitatus fuerit, in cæteris rudis cespitanque hæere non possit. Sed neque selecta veterum optimorumque in quibuscunque aurorum exempla suppetunt. reliquis autem ex præsentis instituto non lubet immorari, nostra
suo

suo loco, in proprias Exercitationes divisa, seorsim dabimus. non enim priscis hæc lubet inferere

De inventioæ ad quodvis scribendi genus formamque lib. 1. prævidimus. Satis, ut opinor, non omnino rudibus : nam rudibus nunquam futurum est satis. iisdem etiam de fontibus promptissimus omnibus : ne inveniendi via vel stupidissimum lateret. Varietas enim in ipsa præceptorum multitudine confundit. Regiâ ad plures urbes viâ, citra errorem, tenditur.

Illud tamen hoc loco tardioribus universè suggeram, quod hærentes sterilesque ad inveniendum animos juvare possit.

1. Inventam cujusque rei ex aliquo fonte rationem & argumentum per omnes rursus fontes locorum intrinsecorum expendi posse. Ut in exemplo quo ad ebrietatem dissuadendam usi lib. 2. sumus, accipe hanc ex fonte 3. rationem, quod ebrietas turpis sit. Videbitur hæc fortassis sterilior, quam ut pluribus diduci ornarique possit. Sunt enim aliæ rationes aliis longè fecundiores, ut hic esset si ebrietatem noxiam ex eodem loco diceres. Age igitur, & per omnes rursus fontes minus fertilem rationem irriga. Quære, quid turpido sit; & reperies, quod sit *morum quædam diffinitas, quæ à recta ratione legibusque recedat. Deo hominibusque ingrata & despecta*, quæ si expendas singula, si suis enumeres partibus, in sterili prorsus arena non deludabis. Deinde ad ejusdem turpitudinis causas indagandas transi; ut est *impellens perditorum hominum societas, vilis est haustu voluptas, abjectus in ventris servitium animus*; quæ aliæque ex re præsentî nata se offerent, ac turpitudinis gravitatem haud leviter extollent. Discute sub hæc turpis ejusmodi vitæ attributa. quemadmodum *homines ad gloriam nato indigna, planè ignobilis ac bestialis sit, Deo invisâ, hominibus odioâ, familia universa ignominiosa, &c.* Quartò effectâ perpende quemadmodum ad honesta officia in republ. præiudat aditum, ceteras virtutes in homine obscurer, ad vitia, profligatâ semel famâ, contempto omni dedecore viam sternat. Denique adjuncta sese etiam plura ex cujusque hominis loci ac temporis conditione, facile in calamum affudent, ut minimè infœcundam esse scriptiorem patiantur.

2. Hæc totidem penè argumentorum copiam, per contra-

rim exornare, ac diducere poteris, ut quàm præclarum honorificumque sit, recta rationi legibusque conformem vitam ducere, Deo hominibusque probari, &c. Quanquam nonnunquam ab his abstinendum, ne affectatè nimium opposito ubique quaesita videatur. Quæ enim rara, hæc eadem non nimium frequentia esse possunt.

3. *Ad thesin communemque etiam locum, fecundum plerumque ac late patentem, se potest Orator effundere. Ut, qua qualisque homini sit ratio honestatis habenda, tam in politica, quàm Christiana vita, quemadmodum dedecus ac turpitudine omnis fugienda? cùm præcipuum hujus vita bonum honestas sit; præ qua non modo opes omnes contemnenda sint, verùm & ipsa quandoque vita sit profundenda. Hæc enim evidenter demonstrata, facilem deinde ad ebr etatis turpitudinem dissuadendam viam sternunt. Ut quandoque ex his principiis, & veluti capitibus fontium orationem irrigare, non modo laudabile, sed & necessariam sit, cùm veritati universim cognitæ, facile in singularibus minus exploratis assensus præbeatur.*

4. *Per remotionem factorum aut causarum ingens quoque differendæ quorundam panditur. Quod in præsentia quidem materia angustus, alibi tamen late funditur. Dices ebrietatis turpitudini deditum, nihil arduum, præclarumque siue in privata familia, siue in republ. moliri, non tangi sui nominis, non posteritatis ac gentis sua gloria. Si administranda res familiaris, & publica sit, si consilium in re dandum ancipiti, si cum fame siti-que conflictandum, si hostium machinationibus occurrendum, nihil generoso ac forti dignum viro agridi. sui ventris cura intentum, &c. ac vile ab administris mancipium. In hoc tamen discursu cavendum est, ne illa removeas, quæ convenire non possent. Ut si de rustico ebrietati dedito assereres, iter sibi ad regiam dignitatem præcludere: cùm nec sobrius quidem ejus spem habiturus esset. Cæterùm hæc causarum remotio per omnes sese fontes, non minus quàm rationes aliæ, earumque contraria possunt explicare.*

5. *Per comparationes à pari, vel à dispari sumptas ejusmodi quoque ratio ornari amplificarique poterit. Adducantur hic, e. g. parentes, aut majores prodigi hominis, cum summa honestate atque existimatione, tum etiam facultatem incremento sobriam agentes vitam. vel secum conferatur, aut in cæteris actio-*

afflictionibus cum honore susceptis, aut in una præterita temperantius acta: aut cum aliis hac potandi consuetudine ad gravem ignominiam prolapsis; aut moderatè vita ad magnam dignitatem emergentibus. Utrumque enim oppositorum in contentionem hanc adduci solet. Quanta hinc scribendi copia ornatusque affluat, & datus supra exemplis, & pluribus infra tradendis constabit.

Hæc aliaque si ex locis communibus per similia, exempla, testimonia, apophthegmata, symbola heroum, ritus gentium, legesque illustrentur, quæ poterit tandem deesse scribenti materia? Quare de inveniendi ratione generalem hanc instructionem concludimus. Singularia argumenta, quæ in formis orationum diversis se offerunt, breviter in lib. 1. tradidimus. Quorum nonnulla in ipsa praxi deducta suis modò exemplis accipies.

CAPUT XV.

*De confirmatione orationis in genere demonstrativo,
sive exornativo, cum subiectione exemptorum
ad laudem Attributorum
spectantium.*

Cum in genere dicendi epideictico, sive exornativo, laus & vituperatio dominetur, rerum autem laudatarum, seu reprehendarum species duæ sint præcipuæ, qualitates nimirum, sive attributa rerum, tum deinde ipsæ substantiæ. De quibus lib. 1. c. 6. 7. & 8. differui fufius, ratione inveniendi universè præscripta. Illa ante omnia, lectorem velim recolere, ac deinde in singularibus hisce exemplis, quæ utriusque generis plura dedi quemadmodum his optimi auctores usi sint, observare; ac denique, in quo proficiendi ratio præcipua sistitur, imitatione exprimere. A qualitatibus sive attributis ordior, quia magis in sensum notitiamque nostrum incurrunt, ad substantias deinde harum nobis beneficio cognitas transiturus. Simul adjiciam, ex quibus res quæque potissimum locis, aut probetur, aut amplificetur. Cum Oratores plerique fontes maximè copiosos, cæteris, vel præteritis, vel obiter tantum libatis, adire solcant. Sæpe uno alterove, ne in immensum crescat oratio, ad suum institutum contenti

contenti. Non enim quantum quisquis argumentorum verborumque, sed quàm ad persuadendum idonea, validaque depromat, Oratoris interest. Sat dixit, qui persuasit, nunquam satis, etiam si diem impleat, qui hoc dicendo non est affectus. si usquam huic locus sententiæ sit, est in oratione, *Sat multum, si sat bene.*

In laude Attributorum, unum de Musica, alterumque de Amicitia exemplum brevius, tertium verò de Eloquentia aliquando longius induxi, in quo ipsius eloquentiæ qualitates & adjuncta, tum etiam affectus à Cicerone diversis locis expenduntur: stylo tamen humiliori, sed à principiis novi oratoris non alieno.

Exemplum I.

Laus Musica temperata ab origine & effectis.

Tyrius diss. 21.

1. *Musica cælestis origine commendatur, rejecta molli illa voluptatis Magistra.*

2. *Musica inter homines rectè instituta, ad affectus, vel languentes excitandos, vel effervatos moderandos reperta est, ut Orphei & Amphionis & Themistoclis exemplo traditur.*

Nunc de Musica, ut institui mus, quæ omnium animi disciplinarum antiquissima est, quæ par videntur, dicamus. Nam nimirum & singulis hominibus, & totis conducere uribus, quibus Deorum munere exercitium ejus est concessum. Non de ea nunc ago, quæ tibiis, aut cantuunculis, aut pedum motibus, aut sola vocis inflexione, sine verbis, animum penetrat: nec aliud quàm aurium voluptatē habet, cur celebretur. Hanc enim amplexa esse videtur animi humani corruptio, dum jucunditatis sequitur speciem, & ut gratificetur sibi veram illam spuriam illegitimamque mutuasce Musicen. Hodie certè ex nostris sublata est oculis: positaque antiqua illa sinceraque sua pulchritudine, imponit nobis,

Sicut columba fictus haud verus, nitior.

Nescimus enim solam Musicæ imaginem esse, quàm retinimus, veramque illam Heliconiam Musam habere falsò
nos

nos arbitramur, quæ amica Homeri, magistra Hesiodi, Orphei mater fuit. Cum neque habeamus eam, neque imbuti eam simus. Hinc illegitima usurpatio paulatim sese insinuans, nostrum cum publicè, tum privatim in errorem hunc pertraxit animum! Ex quo Doræ, qui Siciliam incolunt, simplicem illam agrestemque Musicen, quâ inter greges suos pecudesque utebantur, domi reliquerunt, ac pro ea tibias Sybariticas amare, ad Ionicas salutare coeperunt. Atque ita dementiores, ut levissimè dicam, aut ut verius, intemperantiores facti sunt. Antiqua Atheniensium Musica, nihil aliud, quàm chori puerorum virorumque erant, & agricolæ in populos divisi, qui adhuc à semente sua & messe sordidi, incomposita quædam & extemporanea canebant carmina. Ab his cum animus ad scenicam paulatim & theatralem artem, quæ res voluptatem prorsus habet insatiabilem, deflecteret, hoc corrumpendæ fuit reipublicæ principium. At vera illa harmonia, quam Musarum canit chorus, dux earum inchoat Apollo, animum in statu suo retinet, domum conservat, conservat navem, conservat exercitum. Quod si Pythagoræ, ut par est, credimus, cælum quoque modulationem edit. Non quod ut lyra pulsetur, aut infletur ut tibia: sed quod circuitu suo, divina illa, Musicaque in eo sunt corpora, congruo aptoque motu cœlestem quandam excitent harmoniam. Cujus quidem elegantiam Dii sentiunt, nos verò non item: vel quod tanta ejus sit excellentia, vel quod tanta sit nostra imbecillitas. Nec aliud occultè innuere Hesiodus voluit, cum Heliconem quendam statuit Musarum, divinosque choros, præsidem, sive solem facit, sive Apollinem, sive quocunque nomine clarissimum illum ignem, qui in hac harmonia agit principem, appellare libuerit.

At verò humana illa nostra, quæ circa animum versatur, quid aliud est, quàm custos ejus & magistra: quæ affectibus præest illius, ut si qui nimium se efferant, & exultent, eos demulceat: si qui remissi nimium, & dissoluti sint, eos exacuât denuò excitetque? Hæc est, quæ facillimè luctum levat, facillimè iram cohibet, optimè cupiditates temperat, dolores mitigat, amores solatur, adversam sublevat fortunam. Optima hæc in sacrificiis comes, in epulis comitrix, imperatrix in bello. Hæc est, quæ maximè in festis reficit, Bacchanalibus saltat, in mysteriis afflat homines. Hujus præcipuum quo-

quoque opus est, modulatione sua apud rempubl. temperare. Ita agrestes Bœotorum mores tibiæ studium, tibiæque apratum Pindari carmen mitigavit. Sic Tyrtæi numeri Spartanos, Argivos, Telefillæ modis, Lesbios Alcæi cantus excitant. Sic & Polycratem Samiis mitiorem reddidit Anacreon, ejusque tyrannidi Smerdiæ amorem, Cleobuli comam, tibiæque Barbylli, & Ionicos immiscuit cantus. Jam antiquiora his quid attinet dicere? celeberrimus ille Orpheus, Oëagri & Calliopes ipsius dicitur fuisse filius: qui in Thraciæ monte Pangeo natus putatur. Hunc Thræcum populi incolunt, quos Odryfos dicunt, homines agrestes, latrociniiis addicti, inhospitales. Solâ tamen cantus voluptate delinicti, Orpheum tanquam ducem secuti sunt Odrysi. Hoc erat videlicet quercus & fraxinos ducere. Feritatem enim ignobilem eorum, quos hac capi voluptate videbant, inanimi contulerunt corpori Poëtæ. Alius in Bœotia citharædus erat præstantissimus, cujus artem non saxa, ut fabula vult, sequebantur (quomodo enim cantu strui posset murus?) sed bellica militarique modulatione in acie Bœoticam juventutem ordinabat: atque ita inexpugnabili muro Thebas cingebat. Qualem & apud Spartiatis suos excogitavit Lycurgus, qui tibiæ pro duce militari juventuti in prælio præire voluit. Illi ponere sequebantur, & tripudiantes hostem invadebant. Talis fuit & Themistoclis tibia, qua ipsas Athenas in naves deduxit: ubi ad tibiæ modos remigabant alii; alii pugnant: utrique vincebant. Huic choro Eleusiniæ applaudebant Deæ. Hinc tot illa victoriarum monumenta: Hinc Laconica Atticaque trophæa mari terræque parva, cum inscriptionibus pulcherrimis erecta fuerunt. In hoc choro Lacedæmonii vincebant, hunc Leonides ducebat. Quid autem pluribus opus est, aut de Musica ultra agimus? Cum optima pacis administra, optima belli comes: optima Reipublicæ socia, optima puerorum nutrix. Omnium namque sensuum velocissimus auditus est, omnium celerrimè, quæ percipit, animæ communicat, suisque eam convenire ac consentire cogit affectionibus. Quo fit ut animi vera à Musica aliena, quippe quamvis voluptatis pro ea amplectuntur speciem nunquam rectæ legis fiant participes.

IMITATIO.

Serviet si quem ad Muscos studium coneris impellere, aut aliquem artis illius peritum dignis laudibus extollere. ab universo enim genere ad singula transire species, aut personas illi studio addictas licet.

II.

Lanus Amicitiae: à natura, effectis & contrario.

Laelius apud Cic. de Amicit.

In exordio d. finit amicitiam, quam in virtute, fundari asserit, eam. que multas opportunitates habere.

Probat 1. ex commodis solatisque, quae amicus ab amico in omni fortuna percipit, cum in illo, tanquam altero se, acquiescat. Probat 2. à contrario. Vbi enim sublata amicitia est, dissensionibus Respubl. turbantur. Probat 3. Ex consensu mortalium omnium, qui fidam amicitiam magni faciunt.

Laelius ad Fannium & Scævolam.

1. Amicitia nihil est aliud, nisi omnium divinarum humanarumque rerum, cum benevolentia & caritate summa consensus. quâ quidem haud scio, an, excepta sapientia, quidquam melius homini sit à Diis immortalibus datum. divitias alii præponunt, bonam alii valetudinem, alii potentiam, alii honores, multi etiam voluptates. belluarum quidem hoc extremum est: illa autem superiora incerta & caduca, posita non tam in nostris consiliis, quam in fortunæ temeritate. qui autem in virtute summum bonum ponunt, præclare illi quidem; sed hæc ipsa virtus amicitiam gignit; & continet: nec sine virtute amicitia esse ullo pacto potest. jam virtutem ex consuetudine vitæ, sermonisque nostri interpretemur; nec metiamur eam, ut quidam docti, verborum magnificentia; virosque bonos eos, qui habentur, numeremus, Paullos, Catones, Gallos, Scipiones, Philos. His communis vita contenta est: eos autem omittamus, qui omnino nusquam reperiuntur. Tales igitur inter viros amicitia tantas opportunitates habet, quantas vix queo dicere.

Prin.

Principio, quis potest esse *vinâ vitalis*, ut ait Ennius, qui non in amici mutua benevolentia conquiescat? quid dulcius quàm habere quocum omnia audeat sic loqui, ut secum? quis esset tantus fructus in prosperis rebus, nisi haberes, qui illis æquè, ac tu ipse, gauderet? adversas verò ferre difficile esset sine eo, qui illas gravius, quam tu, ferret. denique cæteræ res, quæ expetuntur, opportuna sunt singulae rebus fere singulis; divitiæ, ut utare; opes, ut colare, honores, ut laudare, voluptates ut gaudeas; valetudo, ut dolore careas, & muneribus fungare corporis, amicitia plurimas res continet; quoquo te verteris, præsto est; nullo loco excluditur, nunquam molesta est; itaque non aqua, non igni, ut ajunt, pluribus locis utimur, quàm amicitia. neque ego nunc de vulgari, aut de mediocri, quæ tamen ipsa delectat & prodest, sed de vera & perfecta loquor; qualis eorum, qui pauci nominantur, fuit. Nam & res secundas splendidiore facit amicitia, & adversas, patiens communicansque, leviores, cumque plurimas & maximas commoditates amicitia contineat, tum illa nimirum præstat omnibus, quod bona spe præluceat imposterum, nec debilitari animas, aut cadere patitur. verum enim amicum qui intuetur; tanquam exemplum aliquod intuetur sui. Quocirca & absentes adsunt, & egentes abundant, & imbecilles valent; & quod difficilius dictu est, mortui vivunt, tantus ejus honos, memoria, desiderium persequitur amicorum.

2. Quod si exemeris ex natura rerum benevolentia conjunctionem; nec domus illa, nec urbs stare poterit; ne agri quidem cultus permanebit. id si minus intelligitur; quanta vis amicitia, concordiaque sit, ex dissensionibus atque ex discordiis percipi potest. quæ enim domus tam stabilis, quæ tam firma civitas est, quæ non odiis atque dissidiis funditus possit everti? ex quo, quantum bonum sit in amicitia, judicari potest. Agrigentinum quidam, doctum quendam virum, carminibus Græcis vaticinatum ferunt; quæ in rerum natura, totoque mundo constarent, quæque moverentur, ea contrahere amicitiam, dissipare discordiam.

2. Atque hoc quidem mortales & intelligunt, & reprobant. Itaque si quando aliquod officium existit amici, in periculis, aut ad eundis, aut communicandis, quis est, qui id non maximis offerat laudibus? qui clamores tota cavea nuper hospitibus

hospitis & amici mei, M. Pacuvii in nova fabula? cum ignorante Rege, uter eorum esset Orestes, Pylades Orestem se esse dicere, ut pro illo necaretur; Orestes autem, ita ut erat, Orestem se esse perseveraret. stantes autem plaudebant in re ficta: quid arbitramur in vera fuisse facturos? facile indicabat ipsa natura vim suam; cum homines, quod facere ipsi non possent, id rectè fieri in altero judicarent.

IMITATIO.

Quod nemo amicus Deo fidelior sit, qui virtute conciliari nobis potest, & sine hac Dei amicitia omnis nostra ruat felicitas, cum hac verò consistat, imitando facile docebis, & hanc unam esse, cui homines coelitesque plaudant.

Exemplum III. §. 1.

De origine liberalium artium.

Liberales artes à Græcis repertæ, à Latinis deinde non minori gloria, exculta fuerunt. Cicer.

l. 1. Tusc. qq.

Argumenta sumuntur à partium enumeratione.

1. Exordium à suo studio; quod se post longas pro Republ. occupationes, de Philosophia, ait, resumere.

2. Ostendit deinde per artium, & disciplinarum enumerationem, plerasque apud Latinos jam esse, aut reddi illustriores, ut sunt disciplina domestica, ac præcipuè militaris, artes vero ut Poeticam, pictoriam, musicam, Mathematicam, ideo minus cultas, quia parum honoratas. In oratoria Græci Latinos nihil concedere.

3. Denique se elaboraturum asserit, ut Philosophia quoque apud Latinos illustretur politico dicendi genere.

Cicero ad Brutum.

Cum defensionum laboribus senatoriisque muneribus,

Yy

aut

aut omnino, aut magna ex parte aliquando liberatus, retuli me, Brute, te hortante, maximè, ad ea studia, quæ retenta animo, remissa temporibus longo intervallo intermissa revocari, & cum omnium artium, quæ ad rectam vivendi viam pertinerent, ratio & disciplina, studio sapientiæ, quæ Philosophia dicitur, contineretur: hoc mihi Latinis literis illustrandum putavi: Quia Philosophia Græcis & literis, & doctoribus percipi non posset: sed meum iudicium semper fuit, omnia nostros aut invenisse per se sapientius, quàm Græcos, aut accepta ab illis fecisse meliora, quæ quidem digna statuissent, in quibus elaborarent.

Nam mores & instituta vitæ, resque domesticas ac familiares nos profectò, & melius tuemur, & lautius. Rem verò publicam nostri majores certè melioribus temperaverunt, & institutis, & legibus. Quid loquar de re militari? in qua cum virtute nostri multum valuerunt, plus etiam disciplina, jam illa, quæ natura, non literis assecuti sunt, neque cum Græcis, neque cum ulla gente sunt conferenda, quæ enim tanta gravitas, quæ tanta constantia, magnitudo animi, probitas, fides, quæ tam excellens in omni genere virtus in illis fuit, ut sit cum majoribus nostris comparanda? doctrina Græcia nos, & omni literarum genere superabat, in quo erat facilè vincere non repugnantes. Nam cum apud Græcos antiquissimum doctis sit genus Poëtarum, si quidem Homerus fuit, & Hesiodus ante Romam conditam, Archilochus regnante Romulo: seriùs Poëticam nos accepimus: annus enim ferè CCCCX. post Romam conditam Livius fabulam dedit Claudio cæci filio, & M. Tutidano Consulibus, anno ante natum Ennium: qui fuit major natu, quam Plautus & Nævius. Serò igitur à nostris Poëtæ, vel cogniti, vel recepti. Quanquam est in Originibus, solitos esse in epulis canere convivæ ad tibicinem de clarorum hominum virtutibus. honorem tamen huic generi non fuisse declaratoratio Catonis, in qua objicit, ut probrum, Marco Nobiliori, quòd is in provinciam Poëtæ duxisset, duxerat autem Consul ille in Ætoliam, ut scimus, Ennium. Quominus ergo honoris erat Poëtis, eo minora studia fuerunt. Nec tamen si qui magnis ingenis in eo genere exstiterunt, non satis Græcorum gloriæ responderunt. An censemus, si Fabio nobilissimo homini laudi datum esset, quod pingeret, non

Non multos etiam apud nos futuros Polycletos, & Parrhasios fuisse? honores aliter artes, omnesque incenduntur ad studia gloriae: jacentque ea semper, quae apud quosque improbantur. Summam eruditionem Graeci sitam censebant in nervorum vocumque cantibus. Igitur & Epaminondas, Princeps, meo judicio, Graeciae, fidibus praecclare cecinisse dicitur: Themistoclesque aliquot ante annis, cum in cepulis recusasset lyram, habirus est indoctior. Ergo in Graecia musici floruerunt, discebantque id omnes, nec qui nesciebat, satis excultus doctrina putabatur. In summo apud eos honore Geometria fuit. Itaque nihil Mathematicis illustrius. At nos, metiendi, rationandi que utilitate hujus artis terminavimus modum. At contra Oratorem celeriter complexi sumus: nec eum primo eruditum, aptum tamen ad dicendum: post autem eruditum. Nam Galbam, Africanum, Laelium, doctos fuisse memoria traditum est, studiosum autem eum, qui hos aetate anteibat, Catonem: post vero Lepidum, Carbonem, Gracchos; Deinde ita magnos, nostram ad aetatem, ut non multum aut nihil omnino cederetur Graecis.

3. Philosophia jacuit usque ad hanc aetatem, nec habuit ullum lumen literarum Latinarum: quae illustranda, & excitanda, nobis est, ut, si occupati profuimus aliquid civibus nostris, profimus etiam, si possumus, otiosi. In quo eo magis nobis est elaborandum. Multi jam esse Latini libri dicuntur scripti, inconsiderate ab optimis illis quidem viris, sed non satis eruditis. Fieri autem potest, ut recte quis sentiat, & id, quod sentit, politer eloqui non possit. Sed mandare quendam literis cogitationes suas, qui eas nec disponere, nec illustrare possit, nec delectatione aliqua allucere lectorem, hominis est intemperanter abutentis & otio, & literis. Itaque suos libros ipsi legunt, cum suis, nec quisquam attingit praeter eos, qui eandem licentiam scribendi sibi permitti volunt. Quare si aliquid oratoriae laudi nostra attulimus industria, multo studiosius Philosophiae fontes aperiemus, ex quibus etiam illa manabant. Sed, ut Aristoteles vix summo ingenio, scientiae copia, cum motus esset Isocratis Rhetoris gloria, dicere etiam coepit, adolescentes docere, & prudentiam cum eloquentia jungere: sic nobis placet nec pristinum dicendi studium deponere, & in hac

maiore & uberiore arte versari. Hanc enim perfectam philosophiam semper judicavi, quæ de maximis quæstionibus copiosè posset, ornateque dicere.

§. 2.

De eloquentia vi. Ab ejusdem effectis.

Cicero l. 1. de juvent.

Bonine an mali plus eloquentia Rebuspubl. contulerit?

1. Exordium & Propositio declarat profuisse Rebuspubl. Eloquentiam ad pacem tranquillitatemque firmandam. Inutilem vero & sibi & patriæ esse, qui eloquentia studio ad Reipubl. commodum non utatur.

2. Confirmatio probat 1. ex eo utilitatem eloquentia, quod per hanc primum homines ex agresti rudique vita, ad civilis vite cultum, mansuetudinem, societatemve juris communis, tracti fuerint.

3. Contra verò, postquam maligni homines abusi eloquentia ad iniquas privatorum hominum controversias capere, ac multitudinis judicio ad Rempubl. administrandam evehi, ab optimis quibusque neglecta rursus eloquentia obsolevit. Fuisse tamen eo tempore maximè retinendam à probis viris eloquentiam.

4. Probat 2. ex eo. Quod stultorum hominum audacia in Rempubl. maximè per eloquentiam resistatur, ut exemplo Catonis, Lælii, & Gracchorum Rempubl. Romanam adversus improbos homines tuentium ostendit.

5. Probat 3. non tantum ex commodis Reipubl. sed etiam honestate ac dignitate eloquentia, quod hac unà homines maximè à bestiis distinguere videantur.

Cicero.

1. Sæpe & multum hoc mecum cogitavi, an mali plus attulerit hominibus, & civitatibus copia dicendi, ac summum eloquentiæ studium. Nam cum & nostræ reipublicæ detrimenta considero, & maximarum civitatum veteres animo colligo calamitates, non minimam video per disertissimos

mos homines invecam esse partem incommodorum. Cum autem res ab nostra memoria, propter vetustatem, remotas, ex literarum monumentis repetere instituo: multas urbes constitutas, plurima bella restincta, firmissimas societates, sanctissimas amicitias intelligo cum animi ratione, tum facilius eloquentia compararas. ac me quidem diu cogitantem, ratio ipsa in hanc potissimum sententiam ducit, ut existimem sapientiam sine eloquentia parum prodesse civitatibus, eloquentiam verò sine sapientia nimium obesse plerumque, prodesse nunquam. Quare si quis, omnibus rectissimis atque honestissimis studiis rationis & officii, consumit omnem operam in exercitatione dicendi, is inutilis sibi, perniciosus patriæ civis alitur: qui verò ita sese armat eloquentia, ut non oppugnare commoda patriæ, sed pro his pugnare possit, is mihi vir & suis, & publicis rationibus utilissimus, atque amicissimus civis fore videtur.

2. Ac si volumus hujus rei, quæ vocatur eloquentia, sive artis, sive studii, sive exercitationis cujusdam, sive facultatis à natura profectæ, considerare principium: reperiemus id ex honestissimis causis natum, atque ab optimis rationibus profectum. Nam fuit quoddam tempus, cum in agris homines passim bestiarum more vagabantur, & sibi victu ferino vitam propagabant, nec ratione animi quidquam, sed pleraque viribus corporis administrabant. Nondum divinæ religionis, non humani officii ratio colebatur: nemo legitimas viderat nuptias: non certos quisquam inspexerat liberos: non jus æquabile, quid utilitatis haberet, acceperat. Ita propter errorem, atque insentiam, cæca ac temeraria dominatrix animi cupiditas, ad se explendam viribus corporis abutebatur, perniciosissimis satellitibus. Quo tempore quidam magnus videlicet vir, & sapiens cognovit, quæ materia esset, & quanta ad maximas res opportunitas animis inesset hominū, si quis eam posset elicere; & præcipiendo meliorem reddere: qui dispersos homines in agris, & in tectis silvestribus abditos, ratione quadam cōpulit in unum locum, & congregavit, & eos in unamquamque rem inducens, utilem, atque honestam, primum propter insolentiam reclamantes, deinde propter rationem atque orationem studiosius audientis ex feris & immanibus, mites reddidit & mansuetos. Ac mihi quidem videtur hoc nec tacita, nec inops dicendi sa-


piencia perficere potuisse, ut homines à consuetudine subito converteret, & ad diversas vitæ rationes traduceret. Age verò, urbibus constitutis, ut fidem colere, & iustitiam retinere discerent, & aliis parere suâ voluntate consuescerent, ac non modo labores excipiendos, communis commodi causa, sed etiam vitam amittendam existimarent: quî tandem fieri potuit, nisi homines ea, quæ ratione invenissent, eloquentiâ persuadere potuissent? profectò nemo, nisi gravi, ac suavi commotus oratione, cum viribus plurimum posset, ad jus voluisset sine vi descendere: ut, iater quos posset excellere, cum eis se pateretur, & sua voluntate à jucundissima consuetudine recederet, quæ præsertim jam naturæ vim obtineret propter vetustatem. Ac primò quidem sic & nata & progressa longiù: eloquentia videtur: & item postea maximis in rebus pacis, & belli cum summis hominum utilitatibus esse versata.

3. Postquam verò commoditas quædam, pravæ virtutis imitatrix, sine ratione officii, dicendi copiam consecuta est: tum ingenio freta malitia, prævertere urbes, & vitas hominum labefactare assuevit. Atque hujus quoque exordium mali, quoniam principium boni diximus, explicemus. Verisimillimum mihi videtur, quodam tempore neque in publicis rebus infantes & insipientes homines, solitos esse versari, nec verò ad privatas causas magnos ac disertos homines accedere: sed eum à summis viris maximè res administrantur, arbitror alios fuisse non incallidos homines, qui ad parvas cōtroversias privatorum accederent, quibus in controversiis, cum sæpè è mendacio contra verum hominem stare consuescerent, dicendi assiduitas aluit audaciam: ut necessariò superiores illi propter injurias civium resistere audacibus, & opitulari suis quisque necessariis cogeretur. Itaque cum in dicendo sæpè par, nonnunquam etiam superior visus esset is, quis omisso studio sapientiæ, nihil sibi, præter eloquentiam comparasset; fiebat, ut & multitudinis, & suo iudicio dignus, qui rempublicam gereret, videretur. Hinc nimirum non injuria, cum ad gubernacula reipublicæ, temerarii atque audaces homines accesserant, maxima ac miserrima naufragia fiebant. Quibus rebus tantum odii, atque invidiæ suscepit eloquentia, ut homines ingeniosissimi, quasi ex aliqua turbida tempestate, in portum: sic ex seditio-

sa & tumultuosa vita se in studium aliquod traderēt quietum. Quare mihi videntur postea cætera studia recta, atque honesta per otium celebrata ab optimis, enituisse: hoc verò à plerisque eorum desertum obsolevisse eo tempore, quo multò vehementius erat retinendum, & studiosius adaugendum.

Nam quo indignius rem honestissimam & rectissimam violabat stultorum, & improborum temeritas, & audacia, summo cum reipublicæ detrimento: eò studiosius & illis resistendum fuit, & reipublicæ consulendum. Quod nostrum illum non fugit Catonem neque Lælium, neque horum (ut verè dicam) discipulum Africanum, neque Gracchos Africanī nepotes: quibus in hominibus, erat summa virtus, & summa viriute amplificata autoritas, & quæ his rebus ornamento, & reipublicæ præsidio esset, eloquentia. Quare meo quidem animo nihilominus eloquentiæ studendum est, etsi ea quidam & privatim, & publicè, perversè abutuntur: sed eò quidem vehementius, ne mali magno cum detrimento bonorum, & communi omnium perniciæ plurimum possint: cum præsertim hoc idem sit, quod ad omnes res & privatas & publicas maximè pertineat: hoc tuta, hoc honesta, hoc illustris, hoc eodem vita jucunda fiat.

5. Nam hinc ad rempublicam plurima commoda veniunt, si moderatrix omnium rerum præsto est sapientia. hinc ad ipsos, qui eam adepti sunt, laus, honor, dignitas confluit: hinc amicis quoque eorum certissimum, ac tutissimum præsidium comparatur. Ac mihi quidem videntur homines, cum multis rebus humiliores, & infirmiores sint, hac re maximè bestiis præstare, quod loqui possunt. Quare præclarum mihi quiddam videtur adeptus is, qui qua re homines bestiis præstent, ea in re hominibus ipsis antecellat.



§. 3.

De eloquentia difficultate. A partium enumeratione. Cicero lib. I. de Oratore.

An studium eloquentiæ difficilius sit, quàm artium cæterarum.

1. Exorditur Cicero à felicitate eorum, qui se turbulentiæque Reipublicæ curis, ad quietum studiorum otium transferre possunt, quod sibi hætenus inconcessum, nunc denique gaudet obzigisse, ut Q. fratri politius aliquod scriptum de optimo oratore postulantis morem gerat.

2. Propositione docet plures in cæteris artibus, quàm in eloquentia admirabiles extitisse.

3. Confirmatione probat 1. ab enumeratione cæterarum artium, in quibus omni aetate excelluerunt, quanquam singula artes vix unum perfectum Oratorem dederint.

4. Cum tamen videri contra possit eloquentia cæteris omnibus facilior, ut quæ 1. ad vulgi sensum maximè accedere debeat, reliqua verò artes ab eo deflectere soleant. 2. maximo semper studio in Græcia ac Roma culta sit summis etiam opum honorisque præmiis imitantibus.

5. Probat 2. Eloquentia difficultatem ab enumeratione earum partium quæ ad eloquentiam requiruntur, eo quod res plurima eloquenti cognoscenda sint.

Cicero.

Cogitanti mihi sæpenumero, & memoria vetera repetenti, perbeati fuisse, Quinte frater, illi videri solent, qui in optima republica, cum & honoribus, & rerum gestarum gloria florent, eum vitæ cursum tenere potuerunt, ut vel in negotio sine periculo, vel in otio cum dignitate esse possent. Ac fuit tempus illud, cum mihi quoque initium requiescendi, atq; animum ad utriusq; nostrum præclara studia referendi, fore, iustum, & propè omnibus concessum esse arbitraret, si infinitus forensium rerum labor, & ambitionis occupatio

cupatio, de curſu honorum, etiam ætatis flexu conſtitiffet. Quam ſpem cogitationum, & conſiliorum meorum, cum graves communium temporum, tum varii noſtri caſus fefellerunt. Nam qui locus, quietis, & tranquillitatis pleniffimus fore videbatur, in eo maximæ moleſtæ animi, & turbulentiffimæ tempeſtates exſtiterunt.

Neque verò nobis cupientibus, atque exoptantibus fructus otii datus eſt ad eas artes, quibus à pueris dediti fuimus, celebrandas, interque nos recolendas. Nam prima ætate incidimus in ipſam perturbationem diſciplinæ veteris: & conſulatu devenimus in medium rerum omnium certamen: atque diſcrimen: & hoc tempore omne poſt conſulatum objecimus iis fluctibus, qui per nos à communi peſte depulſi in noſmetipſos redundarunt. Sed tamen in his, vel aſperitatibus rerum, vel anguſtiis temporis, obſequar ſtudiis noſtris: & quantum mihi vel fraus inimicorum, vel cauſæ amicorum, vel reſpublica tribuet otii ad ſcribendum potiſſimum conferam. Tibi verò, frater, neque hortanti dero, neque roganti. Nam neque auctoritate quiſquam apud me plus te valere poteſt; neque voluntate. Ac mihi repetenda eſt veteris cujuſdam memoriæ non ſatis ſanè explicata recordatio, ſed, ut arbitror, apta ad id, quod requiris. ut cognoscas, quæ viri omnium eloquentiſſimi, clariſſimi que ſenſerint, de omni ratione dicendi. Vis enim, ut mihi ſæpe dixiſti, quoniam quædam pueris, aut adoleſcentulis nobis ex commentariolis noſtris inchoata, atque rudia excederunt, vix hâc ætate digna, & hoc caſu, quem ex cauſis, quas diximus, tot tantique, conſecuti ſumus; aliquid iſdem de rebus politius à nobis, perfectiusque proferri: ſoleſque nonnunquam hac de re, à me in diſputationibus noſtris diſſentire, quòd ego erudiſſimorum hominum artibus eloquentiam contineri ſtatuam: ru autem illam ab elegantia doctrinæ ſegregandam putes, & in quodam ingenii, atque exercitationis genere ponendam.

II. Ac mihi quidem ſæpenumero in ſummos homines, ac ſummis ingeniis præditos intuenti, quarendum eſſe viſum eſt; quid eſſet, cur plures in omnibus artibus, quam in dicendo admirabiles exſtiſſent. Nam quocunque te animo & cogitatione converteris, per multos excellentes in quoque genere videbis, non mediocrium artium, ſed prope maximarum

III. Quis enim est, qui, si clatorum hominum scientiam, rerum gestarum vel utilitate, vel magnitudine metiri velit, non anteponat Oratori Imperatorem? Quis autem dubitet, quin belli duces ex hac una civitate præstantissimos penè innumerabiles, in dicendo autem excellentes vix paucos proferre possimus? jam verò, consilio, ac sapientia: Qui regere, ac gubernare rempublicam possent, multi nostra, plures patrum memoria, atque etiam majorum exstiterunt, cum boni per diu nulli, vix autem singulis ætatibus singuli tolerabiles Oratores invenirentur. Ac, ne quis forè cum aliis studiis, quæ reconditis in artibus, atque in quadam varietate literarum versantur, magis hanc dicendi orationem, quam cum Imperatoris laude, aut cum boni Senatoris prudentia comparandam putet: convertat animum, & ea ipsa artium genera circumspiciat, quique in iis floruerint, quamque multi sint: facillimè quanta Oratorum sit, semperque fuerit paucitas, judicabit. Neque enim te fugit, laudatarum artium omnium procreatricem quandam, & quasi parentum, eam, quam *Φιλοσοφίαν* Græci vocant, ab hominibus doctissimis judicari, in qua difficile est enumerare, quot viri, quanta scientia, quantaque in suis studiis varietate, & copia fuerint: qui non una aliqua in re separatim elaborarint, sed omnia, quæcunque essent, vel scientiæ per investigationem, vel differendi ratione comprehenderint. Quis ignorat, ii, qui Mathematici vocantur, quanta in obscuritate rerum, & quam recondita in arte, & multiplici, subtilique versentur? quo tamen in genere ita multi perfecti homines exstiterunt, ut nemo ferè studuisse ei scientiæ vehementius videatur, quin, quod voluerit, consecutus sit. Quis musicis, qui huic studio literarum, quod profitentur ii, qui Grammatici vocantur, penitus se dedit, quin omnem illarum artium infinitam vim, & materiam, scientia, & cognitione comprehenderit? verè hoc mihi videor esse dicturus, ex omnibus iis, qui in harum artium studiis liberalissimis sunt, doctrinisque versari, minimam copiam Poëtarum egregiorum exstitisse: atque in hoc ipso numero, in quo perraro exoritur aliquis excellens, si diligenter & ex nostrorum, & ex Græcorum copia comparare voles, multo tamen pauciores Oratores, quam Poëtæ boni reperiuntur.

IV. Quod

IV. Quod hoc etiam mirabilis debet videri, quia cætarum artium ſtudia ferè reconditis, atque abditis è fontibus hauriuntur: dicenti autem omnis ratio in medio poſita, communi quodam in uſu, atque in hominum more & ſermone verſatur: ut in cæteris id maximè excellat, quod longiſſimè ſit ab imperitorum intelligentia, ſenſuque diſjunctum: in dicendo autem vitium vel maximum ſit, à vulgari genere orationis, atque à conſuetudine communis ſenſus abhorreſcere. Ac ne illud quidem verè dici poteſt, aut plures cæteris artibus inſervire, aut majori delectatione, aut ſpe uberiori, aut præmiis ad perdiſcendum amplioribus commoveri. Atque, ut omittam Græciam, quæ ſemper eloquentiæ princeps eſſe voluit, atque illas omnium doctrinarum inventrices Athenas, in quibus ſumma dicendi vis & inventa eſt, & perfectæ: in hac ipſa civitate profectò nulla unquam vehementius, quàm eloquentiæ ſtudia vigerunt. Nam poſteaquam, imperio omnium gentium conſtituto, diuturnitas pacis otium confirmavit, nemo ferè laudis cupidus adoleſcens non ſibi ad dicendum ſtudio omni enitendum putavit. Ac primò quidem totius rationis ignari, qui neque exercitationis ullam viam, neque aliquod præceptum artis eſſe arbitrarentur, tantum, quantum ingenio & cogitatione poterant, conſequebantur. Poſt autem auditis Oratoribus Græcis, cognitisque eorum literis, adhibitisque doctõribus, incredibili quodam noſtri homines dicendi ſtudio flagraverunt. Excitabat eos magnitudo & varietas, multitudoque in omni genere cauſarum, ut ad eam doctrinam, quam ſuo quiſque ſtudio aſſecutus eſſet, adjungeretur uſus frequens, qui omnium magiſtrorum præcepta ſuperaret. Erant autem huic ſtudio maxima, quæ nunc quoque ſunt, propoſita præmia, vel ad gratiam, vel ad opes, vel ad dignitatem. Ingenia verò (ut multis rebus poſſumus judicare) noſtrorum hominum, multum cæteris hominibus omnium gentium præſtiterunt. Quibus de cauſis, quis non miretur, ex omni memoria ætatum, temporum, civitatum, tam exiguum Oratorum numerum inveniri?

V. Sed nimirum majus eſt hoc quiddam, quàm homines opinantur, & pluribus ex artibus ſtudiisque collectum. Quis enim aliud in maxima diſcentium multitudine, ſumma magiſtrorum copia, præſtantiffimis hominum ingeniis, infinita cauſa-

causarum varietate, amplissimis eloquentiæ præscriptis propositis præmiis, esse causæ putet, nisi rei quandam incredibilem magnitudinem, ac difficultatem? est enim sententia comprehendenda rerum plurimarum, tunc qua verborum volubilitas, inanis, atque irridenda est: & ipsa oratio cōfirmanda non solum electone, sed etiam constructione verborum: & omnes animorum motus, quos hominum generi rerum natura tribuit, penitus pernoscenti, quod omnis vis, ratioque dicendi, in eorum, qui audiunt, mentibus, aut sedandis, aut excitandis, exprimenda est. Accedat eodem oportet lepos quidam, facetiæque, & eruditio libero digna, celeritasque, & brevitās, & respondendi, & laceffendi, subtili venustate, atque urbanitate conjuncta. Tenenda præterea est omnis antiquitas exemplorumque vis: neque legum aut juris civilis sententia negligenda est. Nam quid ego de actione ipsa plura dicam? quæ motu corporis, quæ gestu, quæ vultu, quæ vocis confirmatione, ac varietate moderanda est: quæ sola per se ipsa quanta sit, hystriōnum levis ars, & scena declarata: in qua cum omnes in oris, & vocis, & motus moderatione elaborent quis ignorat, quā pauci sint, fuerintque, quos animo æquo spectare possimus? Quid dicam de thesauro omnium rerum memoria? quæ nisi custos inventis, cogitatisque rebus, & verbis adhibeatur, intelligimus, omnia etiam si præclarissima fuerint, in Oratore peritura. Quamobrem mirari desinamus, quæ causa sit eloquentium paucitatis, cum ex iis rebus universis eloquentia consistat, quibus in singulis elaborare permagnum est: hortemurque liberos nostros, ceterosque, quorum gloria nobis, & dignitas cara est, ut animo rei magnitudinem complectantur, neque iis aut præceptis, aut magistris, aut exercitationibus, quibus utuntur omnes, sed aliis quibusdam, se id, quod expetunt, consequi posse confidant. Ac in ea quidem sententia nemo poterit omni laude cumulatus Orator, nisi erit omnium rerum magnarum, atque artium sententiam consecutus. Etenim ex rerum cognitione efflorescat, & redundet oportet oratio: quæ nisi subest res ab Oratore percepta, & cognita, inanem quandam habet elocutionem & pene puerilem.

De Eloquentia dignitate. A fine & effectis.

Cicero de orat. lib. 1. §. 9.

*Dignumne Eloquentiæ studium sit ingenuo
adolescente?*

1. Exorditur ab adolescentum laude, qui eloquentia student, quâ nihil præstantius in Propositione esse afferit.

2. In confirmatione hoc probat 1. ex eo, quod Eloquentia hominum voluntates impellat, quo velit, deinde magnificum se posse Senatui inflectere, populum tueri, &c. Denique & jucundum ornatè loqui.

3. Probat 2. ex eo, quod homines per eloquentiam à feris moribus ad honestam vitam traducantur, & universa Reipubl. salus contineatur.

Concludit, diligenter in hoc studium adolescentibus incumbendum esse.

Dissertatio Crassi Oratoris.

1. Non mihi cohortandi Sulpicius & Cotta, sed magis collaudandi videntur, quod tantam jam sint facultatem adepti, ut non æqualibus suis solum anteponantur, sed cum majoribus natu comparentur: Neque verò mihi quicquam præstabilius videtur, quàm posse dicendo tenere hominum cœtus, mentes allicere, voluntates impellere quo velit, unde autem velit deducere. Hæc una res in omni libero populo, maximeque in peccatis tranquillisque civitatibus præcipuè semper floruit semperque dominata est.

2. Quid enim est, aut tam admirabile, quàm ex infinita multitudo hominum existere unum, qui id, quod omnibus natura sit datum, vel solus, vel cum paucis facere possit? aut tam jucundum cognitu atque auditu, quàm sapientibus sententiis gravibusque verbis ornata oratio & perpolitæ? aut tam potens tamque magnificum, quàm populi motus, judicum religiones, Senatus gravitatem, unius oratione converti? Quid tam porro regium, tam liberale, tam munificum, quam opem ferre supplicibus, excitare afflictos, dare
salu.

salutem, liberare periculis, retinere homines in civitate. Quid autem tam necessarium, quàm tenere semper arma, quibus vel testis ipse esse possis, vel provocare improbos, vel te ulcisci lacessitus? Age verò ne semper forum, subsellia, rostra, curiamque mediteris. Quid esse potest in otio, aut jucundius, aut magis proprium humanitatis, quàm sermo facetus, & nulla in re rudis. Hoc enim uno præstamus vel maximè feris, quod colloquimur inter nos & exprimere sensa possumus. Quamobrem quis hoc non jure miretur, summeque in eo elaborandum esse arbitretur, ut quo uno homines maximè bestus præstent, in hoc hominibus ipsis antecellit.

3. Ut verò jam ad illa summa veniamus, quæ via alia potuit aut dispersos homines unum in locum congregare, aut à fera agrestique vita, ad hunc humanum cultum civilemque deducere, aut jam constitutis civitatibus leges, judicia, jura describere. Ac ne plura, quæ sunt pene innumerabilia, confectè, comprehendam breviter. Sic enim statuo, perfecti Oratoris moderatione, & sapientia non solum ipsius dignitatem, sed & privatorum plurimorum, & universæ Reipublicæ salutem maxime contineri.

4. Quamobrem pergite, ut facitis, adolescentes, atque in studium, in quo estis, incumbite, ut & vobis honori, & amicis utilitati, & Reipub. emolumento esse possitis,

§. 5.

Contra Eloquentiæ dignitatem, & amplitudinem à negatis effectis per exempla & testes.

Cicero lib. 1. de Orat. §. 9.

1. Exorditur ab oratione Crassi, in qua duo se negat probare posse.

2. Negat Civitates per homines eloquentes primum constitutas, quod probat variis exemplis.

3. Negat Oratori necessarium esse, ut in omni arte versatus sit, idque variorum Philosophorum opinione & instituto probat.

4. Concludit satis esse Oratori, si in jura & judiciis, in sententia etiam pro senatu populoque dicenda valeat.

Ora-

Oratiuncula Sca vola adverſus Craſſum.

1. Cætera tibi Craſſe aſſentior, ne de genere cuiuſquam, arte aut gloria detraham; ſed illa duo vereor, ut poſſim concedere. Unum. quod ab Oratoribus civitates, & ab initio conſtitutas, & ſæpe conſervatas eſſe dixiſti: alterum. quod, remoto foro, concione, judiciis, ſenatu, ſtatuisti, Oratorem in omni genere ſermonis, & humanitatis eſſe perfectum.

2. Quis enim tibi hoc conceſſerit, aut initio genus hominum in montibus, ac ſilvis diſſipatum, non prudentium conſiliis compulſum potius, quàm diſertorum oratione delinitum, ſe oppidis mœnibuſque ſepiſſe? aut verò aliquas utilitates, aut inſtituendis aut conſervandis civitatibus, non à ſapientibus, & fortibus viris; ſed à diſertis & ornate dicentibus eſſe conſtitutas? an verò tibi Romulus ille, aut Paſtores, & convenas congregaſſe, aut Sabinitum cōnubia conjunxiſſe, aut finitimorū vim repreſſiſſe eloquentia videtur; non conſilio, & ſapientia ſingulari? Quid? in Numa Pompilio, quid? in Scr. Tullo, quid? in cæteris Regibus, quorum multa ſunt eximia ad conſtituendam rempublicam, numquid eloquentiæ veſtigium apparet? Quid? exactis Regibus, (tameſi ipſam exactiōem mente, non linguâ, perfectam, L. Bruti eſſe cernimus) ſed deinceps omnia, nonne, plena conſiliorum, inania verborum videmus? Ego verò ſi velim, & noſtræ civitatis exemplis uti, & aliarum, plura conferre poſſim detrimenta publicis rebus, quàm adjumenta per homines eloquentiſſimos importata: ſed, ut reliqua prætermittam, omnium mihi videor exceptis. Craſſe, vobis duobus, eloquentiſſimos au-diſſe Tib. & C. Sempionios, quorum pater, homo prudens, & gravis haud quaquam eloquens, & ſæpe alias, & maxime cenſor, ſaluti rei publicæ fuit. Atque is non accurata quadam orationis copia, ſed nutu, atque verbo libertinos, in urbanas tribus tranſtulit. Quod niſi feciſſet, rempublicam, quam nunc vix tenemus, jam diu nullam haberemus. At verò ejus filii diſerti, & omnibus, vel naturæ, vel doctri-næ præſidiis ad dicendum parati, cum civitatem vel paterno conſilio, vel avitis armis florentiſſimam accepiſſent, iſta præclara gubernatrice,

trix, ut ais, civitatum, eloquentia rempublicam dissiparunt. Quid? leges veteres, moresque majorum: quid? auspicia, quibus & ego, & tu Crasse, cum magna reipublicæ salute præsumus, quid? religiones & ceremoniæ, quid? hæc jura civilia, quæ jam pridem in nostra familia, sine ulla eloquentiæ laude, versantur, num, aut inventa sunt, aut cognita, aut omnino ab Oratorum genere tractata? Equidem & de Galbam, memoriæ teneo, divinum hominem in dicendo, & M. Æmilium Porcinam, & Cn. ipsum Carbonem, quem tu adolescentulus perculisti, ignarum legum, hæsitantem in majorum institutis, rudem in civil jure? & hæc ætas nostra, præter te, Crasse, (qui tuo magis studio, quàm proprio munere aliquo disertorum, jura à nobis civile didicisti) quod interdum pudeat, juris ignara est.

2. Quod verò in extrema oratione, quasi tuo jure sumpsisti, Oratorem in omnis sermonis disputatione copiosissimè posse versari, id, nisi hic in tuo regno essemus, non tulissem, multisque præissem, qui aut interdicto tecum contenderent, aut te ex jure manu confertum vocarent, quod in alienas possessiones tam temerè irruisses. Agerent enim tecum lege primùm Pythagorei omnes, atque Democriti, cæteri que in suo genere Physici, vindicarentque ornati homines in dicendo & graves, quibuscum justo sacramento contendere non liceret. Urgerent præterea Philosophorum greges, jam ab illo fonte, & capite Socrate; nihil te de bonis rebus in vita, nihil de malis, nihil de animi permotionibus, nihil de hominum moribus, nihil de ratione vitæ didicisse, nihil omninò quæsisse, nihil scire convinceret? & cum universi in te impetum fecissent, tum singulæ familiæ litem sibi intenderent, instaret Academia, quæ, quidquid dixisses, id te ipsum negare cogeret. Stoici verò nostri disputationum suarum, atque interrogationum laqueis te irretitum tenerent. Peripatetici autem etiam hæc ipsa, quæ propria Oratorum puras esse adjumenta, atque ornamenta dicendi, ab se peti, vincerent, oportere; ac non solum meliora, sed etiam multò plura Aristotelem, Theophrastumque de his rebus, quàm omnes dicendi magistros scripsisse ostenderent. Missos facio Mathematicos, Grammaticos, Musicos, quorum artibus vestra ista dicendi vis ne minima quidem sociata te conjungitur.

4. Quam.

4. Quamobrem iſta tanta , tamque multa , profitenda, Crasſe, non cenſco. Satis id eſt magnum, quod potes præſtare, ut in judiciis ea cauſa, quamcunque tu dicis: melior & probabilior eſſe videatur: ut in concionibus, & ſententiis dicendis ad perſuadendum tua plurimum valeat oratio: denique ut prudentibus diſertè, ſtultis etiam verè dicere videaris. hoc amplius ſiquid poteris, non id mihi videbitur Orator; ſed Crasſus ſua quadam propria, non Oratorum, facultate poſſe.

§. 6.

Pro dignitate & amplitudine Eloquentiæ. A definitione officio Oratoris & materia dicendi.

Cicero lib. I. de Orat. §. 11.

Orator abſolutus omnium artium cognitione pollere debet.

I. Exorditur à ſententia Græcorum, qui Oratori tantum cognitionem rei iudiciaria, velut neceſſariam tribuebant.

II. Proponit & ſtatuit etiam illi Oratori, qui tantum in judiciis verſatur, præter juris & legum cognitionem, ex Philoſophia naturam moreſque hominum noſcendos eſſe. Quare cum de his Plato, Ariſtoteles, alique, compoſitè, ornatè, copioſeque locuti ſunt, fecerunt ut Oratores, cum vero jejunè Chryſippus, tantum Philoſophi munus implevit.

III. Ad Oratorem vero utrumque requirit.

Probat 1. Ex eo quod oratio omnis, ſine re ſubjecta, irriſione digna ſit.

2. Quia Oratoris eſt hominum mentes in omnem affectum flectere, quod ſine Philoſophia non poterit.

3. Probat idem ex materia, de qua diſſerendum, quæ cum omnium penè diſciplinarum ſit, & prout ſecundum ſe penetratur, vel Philoſophum, vel Iuriſperitum, vel militem, vel medicum, &c. conſtituat, prout tamen ornatè copioſeque exponitur, Oratorem requirit.

*Crassi adversus Scævola Oratio re-
sponsoria.*

I. Non sum nescius, Scævola, ista inter Græcos dici & disceptari solere; Audiui enim summos homines, cum quæstor ex Macedonia venissem Athenas, florente Academia, ut temporibus illis ferebatur, quod eam Carneades, & Clitomachus, & Æschines obtinebant. Erat etiam Metrodorus, qui cum ipsis unà ipsum illum Carneadem diligentius adierat, hominem omnium in dicendo, ut ferebant acerrimum, & copiosissimum. Vigebat, auditor Panætii illius tui Mnesarchus: & Peripatetici Critolaus, Diodorus: multi erant præterea præclari in Philosophia, & nobiles, à quibus omnibus unà penè repellì voce Oratorem à gubernaculis civitatum, excludi ab omni doctrina, rerumque majorum scientia, ac tantum in judicia, & conciunculas, tanquam in aliquod pistrinum detrudi, & compingi videbam. Sed ego neque illis assentiebar, neque harum disputationum inventori, & principi longè omnium in dicendo gravissimo & eloquentissimo, Platoni, cujus tum Athenis diligentius legi cum Carneade Gorgiam: quo in libro in hoc maxime admirabor Platonem, quod mihi in Oratoribus irridendis ipse esse Orator summus videbatur. Verbi enim controversia jam diu torquet Græculos homines, contentionis cupidiores, quàm veritatis.

II. Nam si quis hunc statuit esse Oratorem, qui tantummodo in iurè, aut judiciis possit, aut apud populum, aut in Senatu copiose loqui, tamen huic ipsi multa tribuat, & concedat necesse est. Neque enim sine multa pertractatione omnium rerum publicarum, neque sine legum, moris, juris scientia, neque natura hominum incognita, ac moribus, in his ipsis rebus satis callidè versari, & peritè potest, qui autem hæc cognoverit, sine quibus ne illa quidem minima in causis quam rectè tueri potest, quid huic abesse poterit de maximarum rerum scientia? Sin Oratoris nihil vis esse, nisi compositè, ornate & copiose eloqui, quæro, id ipsum qui possit assequi sine ea scientia, quam ei non conceditis? dicendi enim virtus, nisi ei, qui dicit, ea, de quibus dicit, percepta sint, exstare non potest.

Quamobrem si ornate locutus est, sicut fertur, & mihi videtur

detur, Phyſicus ille Democritus: materies illa fuit Phyſici, de qua dixit: ornatus verò ipſe verborum, Oratoris putandus eſt, &, ſi Plato de rebus à civilibus controverſiis remotiſſimis divinitus eſt locutus, quod ego concedo: ſi item Ariſto- teles, ſi Theophraſtus, ſi Carneades in rebus iis, de quibus diſputaverunt, eloquentes & in dicendo ſuaves atque ornati fuerunt: ſint hæ res, de quibus diſputant in quibuſdam aliis ſtudiis; oratio quidem ipſa propria eſt huius unius ratio- nis, de qua loquimur, & quærimur. Etenim videmus, iis- dem de rebus jejune quosdam, & exiliter, ut eum, quem acu- tiſſimum ferunt Chryſippum, diſputaſſe, neque ob eam rem Philoſophiæ non ſatiſfeciſſe, quod non habuerit hanc dicen- di ex arte alienam facultatem.

III. Quid ergo intereſt? aut quæ diſcernes eorum, quos nominavi, ubertatem in dicendo, & copiam, ab eorum exili- tate, qui hac dicendi varietate, & elegantia non utuntur? u- num erit profeſſò, quod ii, qui bene dicunt, aſſerunt pro- prium, compoſitam orationem, & ornatam, & artificio quo- dam, & expolitione diſtinctam.

1. Hæc autem oratio ſi res non ſubeſt ab Oratore percep- ta, & cognita: aut nulla ſit neceſſe eſt, aut omnium irri- ſione laudatur. Quid eſt enim tam fuſioſum, quam verbo- rum, vel optimorum; atque ornatiffimorum ſonitus inanis, nulla ſubjecta ſententia, nec ſcientia? quidquid erit igitur quacunque ex arte, quocunque de genere, id Orator, ſi, tan- quam clientis cauſam didicerit, dicet melius & ornatus, quam ille ipſe ejus rei inventor, atque artifex. Nam ſi quis erit, qui hoc dicat, eſſe quosdam Oratorum proprias ſenten- tias, atque cauſas, & certarum rerum forenſibus cancellis cir- cumſcriptam ſcientiam: fatebor equidem in his magis aſ- ſiduè verſari hanc noſtram diſtinctionem: ſed tamen in his ipſis rebus permulta ſunt, quæ iſti magiſtri, qui Rhetorici vocan- tur, nec tradunt, nec tenent.

2. Quis enim nescit, maximam vim exiſtere Oratoris in hominum mentibus vel ad iram, aut ad odium, aut dolorem, incitandis; vel ab hiſce peremotionibus ad lenitatem, miſeri- cordiamque revocandis? quæ niſi qui naturas hominum, vimque omnem humanitatis, cauſasque eas, quibus mente aut incitantur, aut reflectuntur, penitus perſpexerit, dicendo quod volet, perficere non poterit. Atqui totus hic Philoſo-

phorum locus putatur proprius : neque Orator , me auctore , unquam repugnabit : sed cum illis cognitionem rerum concesserit , quod in ea solum illi voluerint elaborare : tractationem orationis , quæ sine illa scientia nulla est , sibi assumet. hoc enim est proprium Oratoris , quod sæpe jam dixi , oratio gravis , & ornata , & hominum sensibus , ac mentibus accommodata. Quibus de rebus Aristotelem , & Theophrastum scripsisse fateor. Sed vide , ne hoc , Scævola , totum sit à me , nam ego , quæ sunt Oratori cum illis communia , non mutuo ab illis : isti quæ de his rebus disputant , Oratorum esse concedunt , itaque cæteros libros artis isti suæ nomine hos rhetoricos & inscribunt & appellant.

3. Etenim cum illi in dicendo inciderint loci quod per sæpe evenit) ut de Diis immortalibus , de pietate , de concordia , de amicitia , de communi civium , de hominum , de gentium jure , de æquitate , de temperantia , de magnitudine animi , de omni virtutis genere sit dicendum , clamabunt , credo , omnia Gynastia , atque omnes Philosophorum scholæ , sua hæc esse omnia propria , nihil omnino ad Oratorem pertinere. Quibus ego , ut de his rebus omnibus in angulis , consumendi orii causa , differant , cum concessero , illud tamen Oratori tribuam , & dabo , ut eadem , de quibus illi quondam tenui & exiguo sermone disputant , his cum omni gravitate & jucunditate explicet. Hæc ego cum ipsis Philosophis tum Athenis deserebam. Cogebat enim me Marcus Marcellus hic noster , qui nunc ædilis curulis est : & profectò , nisi ludos nunc faceret , huic nostro sermoni interesset , ac jam tum erat adolescentulus his studiis mirifice deditus. Jam verò de legibus instituendis , de bello , de pace , de sociis , de veltigalibus , de jure civium generatim in ordines , ætatesque descripto , dicant vel Græci , si volunt , Lycurgum , aut Solonem (quanquam illos quidem censemus in numero eloquentium reponendos) scisse melius , quàm Hyperidem , aut Demosthenem , perfectos jam homines in dicendo , & perpolitos : vel nostros decemviros , qui XII. tabulas perscripserunt , quos necesse est fuisse prudentes , anteponan in hoc genere & Ser. Galbæ , & Socero tuo C. Lælio , quos constat dicendi gloria præstitisse. Nunquam enim negabo , esse quasdam artes proprias eorum , qui in his cognoscendis atque tractandis studium suum omne posuerunt : sed Oratorem plenum ,

plenum, atque perfectum esse eum dicam, qui de omnibus rebus variè, copioseque possit dicere. Etenim sæpe in iis causis, quas omnes proprias esse Oratorum confitentur, est aliquid, quod non ex usu forensi, quem solum Oratoribus conceditis, sed ex obscuriore aliqua scientia sit promendum & assumendum.

Quæro enim, num possit, aut contra Imperatorem, aut pro Imperatore dici sine rei militaris usu, aut sæpe etiam sine regionum terrestrium, aut marimarum scientia? Num apud populum de legibus jubendis, aut vetandis, num in Senatu de omni reipubl. genere dici summa rerum civilium cognitione, & prudentia? Non admoveri possit oratio ad sensus animorum, atque motus, vel inflammandos, vel etiam extinguendos (quod unum in Oratore dominatur) sine diligentissima peruestigatione earum omnium rationum, quæ de naturis humani generis, ac moribus à Philosophis explicantur? Atque haud scio an minus hoc vobis sim probaturus. Equidem non dubitabo, quod sentio dicere. Physica ista ipsa, quæ paulò antè, & mathematica, & cæterarum artium propria posuisti, scientiæ sunt eorum, qui illa profitentur. Illustrare autem oratione si quis istas artes ipsas velit, ad Oratoris ei confugiendum est facultatem. Neque enim si Philonem illum architectum, qui Atheniensibus armentarium fecit, constat perdisertè populo rationem operis sui reddidisse, estimandum est architecti potius artificio disertum, quàm Oratoris, fuisse. Nec si huic Marco Antonio pro Hermodoro fuisset de navalium opere dicendum, nonne cùm ab illo causam didicisset, ipse ornatè de alieno artificio, copioseque dixisset? Neque verò Asclepiades is, quo nos medico amicoque usi sumus, tum cùm eloquentia vincebat cæteros medicos, in eo ipso, quod ornatè dicebat, medicinæ facultate utebatur, non eloquentiæ.

IMITATIO.

Hac de Eloquentia universè dicta sunt in his paragraphis, poterunt ad singulares viros eloquentes ut Cyprianum, Hieronymum, Chrysostomum, Salvianum, &c. adhiberi, qui ad Christi disciplinam illustrandam eloquentiam attulère, summa vi hominum obstinatorum animos inflexère. Ostendet quoque quanta

fit talis eloquentia difficultas, quàm pauci excellentes in ea re-
 perti: quantatamen ejus dignitas, & amplitudo, quemadmo-
 dum omni ad talem Oratorem, qui excellat, virtus requira-
 tur & scientia; ut & ipse sapiens probusque sit. & aliis probi-
 tatem sapientiamque divinam tradat, ac persuadeat. Quod si
 tamen remotius in diversa materia imitari placeret, de Fide seu
 Religione Christiana institui haud dissimilis posset dissertatio, ut
 de origine ipsius, de vi, de difficultate, de dignitate & ampli-
 tudine; sed hanc fortioribus humeris imitationem assignamus.

CAPUT XVI.

Dissertationes oppositæ de laude & vituperio ejusdem Eloquentiæ.

IN utramque nonnunquam partem differendum est, ut con-
 stet tam quæ ad laudem, quàm quæ ad reprehensionem
 verti possint. Orator enim ambidexter esse debet. Hoc est,
 tam ad reprehendendum, cum res postulat, quàm ad laudan-
 dum instructus. Quid enim, etiam ex rebus magnis, sine o-
 mnino vitio est? utimur exemplo igitur in re præsentī.

Exemplum I.

*M. Aper contra Maternum pro Oratorum elo-
 quentia, adversus Poetas disserit.*

Quint. in Dialogo de Orator.

*Argumenta ab effectibus & consequentibus
 sumuntur.*

1. *Utilis eloquentia ad illorum defensionem est.*
2. *Voluptatem magnam adfert fructus eloquentiæ.*
3. *Cum gloria & honore & opibus hoc studium conjungi-
 tur.*
4. *Poetica studium his plerisque destituitur. Quocirca in
 hoc subsistendum non est, sed ad illud deflectendum.*

1. Maternum jure arguam, quod natus ad eloquentiam virilem & oratoriam, quâ parare simul & tueri amicitias, adsciscere nationes, & complecti provincias possit, amittit studium, quo non aliud in civitate nostra, vel ad utilitatem fructuosius, vel ad dignitatem amplius, vel ad urbis famam pulchrius, vel ad totius imperii, atque omnium gentium notitiam illustrius excogitari potest. Nam si ad utilitatem vitæ omnia consilia, ac facta nostra dirigenda sunt; quid erit tutius, quàm eam exercere artem, quâ semper armatus præsidium amicis, opem alienis, salutem periclitantibus, invidis verò & inimicis metum & terrorem ultrò feras, ipse securus & velut quam perpetua potentia ac potestate munitus? cujus vis & utilitas rebus propè fluentibus, aliorum præsidio & tutela intelligitur. Sin proprium periculum increpuit; non herculè lorica aut gladius in acie firmius munimentum, quam reo & periclitanti eloquentiæ præsidium simul & telum, quo propugnare pariter & incessere, vel in judicio, sive in Senatu, sive apud Principem possit. Quid aliud infestis Patribus nuper Eprius Marcellus, quam eloquentiam suam opposuit? qui accinctus & minax disertam quidem, sed inexercitam, & ejusmodi certaminum rudem Helvidii sapientiam elusit.

2. Plura de utilitate non dico, cui parti minimè contradicendum Maternum meum arbitrer. Ad voluptatem oratoriæ eloquentiæ transeo, cujus jucunditas non uno alioque memento, sed omnibus prope diebus, & prope omnibus horis contingit. Quid enim dulcius libero & ingenuo animo, & ad voluptates honestas nato, quàm videre plenam semper & frequentem domum concursu splendidissimorum hominum? idque scire non pecuniæ, non orbitati, neque officii alicujus administrationi, sed sibiipsi dari? illos quin imò orbos & locupletes, & potentes venire plerumque ad juvenem & pauperem, ut aut sua, aut amicorum discrimina commendent. ullane tanta ingentium opum ac magnæ potentiæ voluptas, quam spectare homines veteres, & senes, & totius orbis gratiâ subnixos, in summa omnium rerum abundantia consentientes id, quod optimum sit, se non habere? Jam verò qui togatorum comitatus & egressus! quæ in judiciis veneratio! quod gaudium consurgendi assistendique

inter tacentes, in unum conversos! coire populum, & circumfundi coram. & accipere affectum quemcunque Orator induerit! vulgata dicentium gaudia, & imperitorum quoque oculis exposita, percenseo. Illa secretiora, & tantum ipsis orantibus nota, majora sunt. Sive accuratam meditatamque affert orationem; est quoddam sicut ipsius dictionis, ita gaudii pondus & constantia. Sive novam & recentem curam non sine aliqua trepidatione animus attulerit; ipsa sollicitudo commendat eventum, & lenocinatur voluptati. Sed extemporalis audaciæ, atque ipsius temeritatis vel præcipua jucunditas est. Nam ingenio quoque, sicut in agro, quamquam alia diu serantur atque elaborentur, gratiora tamen, quæ suâ sponte nascuntur.

Equidem ut de me ipso fatear, non eum diem lætiores egi, quo mihi latus clavus oblatuſ est, vel quo homo novus, & in civitate minimè favorabili natus, quæsturam, aut tribunatum, aut præturam accepi: quam eos, quibus mihi pro mediocritate hujus quantulæcunque in dicendo facultatis, aut reum prosperè defendere, aut apud centum viros causam aliquam feliciter orare, apud Principem ipsos illos liberos & procuratores Principum tueri & defendere datur. Tum mihi supra tribunatus, & præturas, & consulatus ascendere videor, tum abire animo: quod non ex alio oritur, nec in codicillis datur, nec cum gratia evenit.

Quæ fama & laus cujusvis artis cum Oratorum gloriâ comparanda est, qui non illustres in urbe solum apud negotiosos & rebus intentos, sed etiam apud juvenes & adolescentes, quibus morum indoles est, & bona spes sui? quorum nomina prius parentes liberis suis ingerunt? quos sæpius vulgus imperitum & tunicatus hic populus transeuntes nomine vocat, & digito demonstrat? Advenæ quoque & peregrini jam in municipiis & Coloniis suis auditos, cum primum urbem attigerunt, requirunt ac vultus agnoscere concupiscunt. Ausim contendere Marcellum hunc Epirum, de quo modò locutus sum, & Crispum Vibium (libentius enim novis & recentibus quàm remotis & oblitteratis exemplis utor) non minus esse in extremis partibus terrarum, quam Capuæ, aut Vercellis, ubi nati dicuntur. ne hoc illis ulterius ter milles sestertiûm præstat. quanquam ad has ipsas opes possunt videri eloquentiæ beneficio venisse. Ipsa eloquentia,

quentia, cujus numen & coelestis vis multa quidem omnibus seculis exemplis edidit, ad quantam usque fortunam homines ingenii viribus pervenerint. Sed hæc, ut supra dixi, proxima, & quæ non auditu cognoscenda, sed oculis spectanda haberemus. Nam quò sordidius & abjectius nati sunt, quoque notabilior paupertas & angustia rerum nascentes eos circumsteterunt, eò clariora & ad demonstrandam oratoriae eloquentiæ utilitatem illustriora exempla sunt. quod sine commendatione natalium, sine substantia facultatum, neuter moribus egregius, alter habitu quoque corporis cōtemptus, per multos jam annos potentissimi sunt civitatis, at donec libuit principes fori; nunc principes in Cæsaris amicitia agunt feruntque cuncta: atque ab ipso Principe cum quadam reverentia diliguntur. Quia Vespasianus venerabilis senex & patientissimus veri, bene intelligit, cæteros quidem amicos suos natiis, quæ ab ipso acceperint, quæque ipsi accumulare, & in alios congerere promptum est: Marcellum autem & Crispium, attulisse amicitiam suam, quòd non à Principe acceperint, nec accipi possit. Minimum inter tot & tanta locum obtinent imagines, ac tituli & statuæ quæ neque ipsa tamen negliguntur: tam herculè quàm divitiæ & opes, quas facilius invenies, qui vituperet, quàm fastidiat. His igitur honoribus, & ornamentis, & facultatib⁹, refertas domos eorum videmus, qui se ab ineunte adolescentia causis forensibus, & oratorio studio dederunt.

§. Nam Carmina & versus, quibus totam vitam Maternus insumere optat (inde enim omnis fluxit oratio) neque dignitatem ullam auctoribus suis conciliant, neque utilitates alunt: voluptatem autem brevem, laudem inanem, & instructuosam consequuntur. Licet hæc ipsa, & quæ deinde dicturus, aures tuæ, ô Materne, respuant, cui bono est, si apud te Agamemnon, aut Jason disertè loquitur? quis idcò domum defensus, & tibi obligatus redit? quis Salejum nostrum egregium Poëtam, vel (si hoc honorificentius est) præclarissimum Vatem deducit, aut salutat, aut prosequitur? Nempe si amicus ejus, si propinquus, si denique ipse in aliquod negotium inciderit, ad hunc secundum recurreret, aut ad te Materne, non qui Poëta es, neque ut pro eo versus facias. Hi enim Basso domi nascuntur, pulchri quidem & jucundi, quorum tamen hic exitus est, ut cum toto anno

per omnes dies, magnâ nocturnum partem, unum librum excudit & elucubravit, rogare ultra & ambire cogatur, ut sint qui dignentur audire, & ne id quidem gratis, nam & domum mutatur, & auditorium exstruit, & subsellia conducit, & libellos dispergit: & ut beatissimus recitationem ejus eventus prosequatur: omnis illa laus ultra unum aut alterum diem, velut in herba vel flore præcepta, ad nullam certam & solidam pervenit frugem: nec aut amicitiam inde refert, aut clientelam, aut mansurum in animo cujusquam beneficium, sed clamorem vagum, & voces inanes, & gaudium volucre. Laudavimus nuper ut miram & eximiam Vespasiani liberalitatem, quod quingenta sestertia Basso donasset. Pulchrum id quidem, indulgentiam Principis ingenio mereri; quanto nomen pulchrius, si ita res familiaris exigat, se ipsum colere, suum genium propitiare, suam experiri liberalitatem? Adjice quod Poëtis, si modo dignum aliquid elaborare, & efficere velint, relinquenda conversatio amicorum, & jucunditas urbis, deferenda cætera officia, utque ipsi dicunt, in nemora & lucos, id est, in solitudine recedendum est. Nec opinio quidem & fama, cui soli serviunt, & quod unum esse pretium omnis sui laboris fateantur, æquè Poetas quàm Oratores sequitur. quoniam mediocres Poetas nemo novit, bonos pauci. Quando enim rarissimarum recitationum fama in totam urbem penetrat? nedum ut per tot provincias innotescat. Quotusquisque cum ex Hispania vel Asia, ne quid de Gallis nostris loquamur, in urbem venit, Salejum Brassum requirit? atque ad eò si quis requirit & semel vidit, transit & contentus est: ut si picturam aliquam & statuam vidisset. Neque hunc meum sermonem sic accipi volo, tanquam eos, quibus natura sua Oratorum ingenium denegavit, deterream à criminibus. Si modo in hac studiorum parte oblectare otium & nomen inserere possunt famæ; ego verò omnem eloquentiam omnesque ejus partes sacras & venerabiles puto, nec solum cothurnum vestrum, aut heroici carminis sonum, sed lyricorum quoque jucunditatem, & elegorum lascivias, sed jamborum amaritudinem, epigrammatum lusus, & quamcunque aliam speciem eloquentia habeat, anteponendam cæteris aliarum artium studiis credo. Sed tecum mihi Maternæ res est, quod cum natura tua in ipsam te arcem eloquentiæ ferat, er-

rare

vare mavis, & summa adeptus, in levioribus subsistis. Ut si in Græcia natus esses, ubi ludicras quoque artes exercere honestum est, ac si tibi Nicostriati robur ac vires Dii dedissent, non paterer immanes illos ad pugnam natos laceratos, levirate jaculi, aut jactu disci vanescere: sic nunc te ab auditoriis & theatris, in forum & ad causas, & ad vera prælia voco.

II.

*Maternus pro Poetica facultate adversus
Oratores respondet.*

Quint. ibid.

*Argumenta ab adjunctis & consequentibus
sumuntur.*

1. Ostendit se ab oratoria facultate, & magis dura, suavius in Poetica acquiescere, quàm & Neronem jure perstrinxerit, & secretum tuum occupet.

2. Poetas honore ac gloria Oratoribus præferri. minus trepidos, magis securos esse, quod meritis ante opes habendum sit.

I. Forte arbitrabar, ut à laudatione Oratorum digressus Aper detrectaret Poëtas. atque carminum studium prosterneret: arte quadam mitigavit, concedendo his, qui causas agere non possent, ut versus facerent. Ego autem sicut in causis agendis efficere aliquid & eniti fortasse possum, ita recitatione tragicædiarum ingredi famam auspicatus sum, tum quidem cum in Nerone improbam & studiorum quoque sacra profanantem vaticinii potentiam fregi. Hodie si quid in nobis notitiæ ac nominis est, magis arbitror carminum, quàm orationum gloria partum. ac jam me dejungere à forensi labore constitui, nec comitatus istos & egressus, aut frequentiam salutationum concupisco: non magis quàm æra & imagines, quæ etiam me nolente in domum meam irruperunt. Nam statum cujusque ac securitatem melius innocentiam tueor, quàm eloquentiam, nec vereor, ne hi unquam verba in Senatu, nisi pro alterius discrimine facienda sint. Nemora verò, & luci, & secretum ipsum, quod
Aper

Aper increpabat, tantam mihi afferunt voluptatem, ut inter præcipuos carminum fructus numerem. quod nec in strepitu, nec sedente ante ostium litigatore, nec inter sordes ac lacrymas reorum componuntur; sed secedit animus in loca pura atque innocentia, fruiturque sedibus sacris. Hæc eloquentiæ primordia, hæc penetralia: hoc primum habitu cultuque commoda mortalibus, in illa casta atque nullis contacta vitiiis pectora influxit. Sic oracula loquebantur. Nam lucrosæ hujus & sanguinantis eloquentiæ usus, recens, & malis moribus natus, atque, ut tu dicebas Aper, in locum telorum repertus est. Cæterum felix illud, &, ut more nostro loquar, aureum seculum, & Oratorum & criminum inops, Poëtis & Vatribus abundat, qui benefacta caperent, non qui mala admissa defenderent.

2. Nec ullis aut gloria major, aut augustior honor: primum apud Deos, quorum proferre responsa & interesse epulis ferebantur: Deinde apud illos Diis genitos sacrosque reges, inter quos neminem causidicorum, sed Orpheæ ac Linum, ac si introspicere altius velis, ipsum Apollinem accipimus. Vel si hæc fabulosa nimis, & composita videntur, illud certè mihi concedis, Aper, non minorem honorem Homero quàm Demostheni apud posteros: nec angustioribus terminis famam Euripidis, aut Sophoclis, quam Lyssiæ aut Hyperidis includi. plures hodie reperies, qui Ciceronis gloriam, quam Virgilii detractent. Nec ullus Asinii aut Messallæ liber tam illustris est, quam Medea Ovidii, aut Varii Thyestes. Ac ne fortunam quidem Vatum, & infelix illud contubernium, comparare timuerim cum inquieta & anxia Oratorum vita. Licet illos certamina & pericula sua ad consulatus evexerint: malo securum & secretum Virgilii secessum, in quo tamen neque apud divum Augustum gratia caruit, neque apud populum Romanum notitia. Testes Augusti epistolæ, testis ipse populus, qui auditis in theatro versibus Virgilii, surrexit universus, & fortè præsentem spectantemque Virgilium veneratus est, sic quasi Augustum. Ne nostris quidem temporibus, Secundus Pomponius Afro Domitio vel dignitate vitæ, vel perpetuitate famæ cesserit. Nam Crispus & Marcellus, ad quorum exempla me vocas, quid habent in hæc præsentem fortunam concupiscendum? an quod timent, an quod timentur? quod cum quotidie aliquid rogentur,

gentur, hi, quibus præstant, indignantur? quod alligati cum adulatione, nec imperantibus unquam satis servi videntur, nec nobis satis liberi? Quæ hæc summa eorum potentia est? tantum posse liberti solent? Me verò dulces, ut Virgilius ait, Musæ, remorum à sollicitudinibus, & curis & necessitate quotidie aliquid contra animum faciendi, in illa sacra, illosque fontes ferant: nec insanum ultra & lubricum forum famamque pallentem trepidus experiar. non me fremitus sa'utantium, nec anhelans libertus excitet: nec incertus futuri, testamentum pro pignore scribam: nec plus habeam, quam quod possim cui velim relinquere, quando cunque fatalis & meus dies veniet, statuatque tumulo non mœstus & atrox, sed hilaris & coronatus: & pro memoria mei, nec consulat quisquam, nec roget,

IMITATIO.

Pro pace contra bellum, & pro bello adversus pacem differere hoc pacto licebit. Ut principio utilem, jucundam atque honorificam pacem esse declares, quibus bellum destituatur titulis. Tum contra pro bello dicas, multos in hoc utilis acquirere, fortes in illo atque ad magna idoneos educari: cum pax homines enervet ac dejiciat, &c.

CAPUT XVII.

De laude substantiarum.

Q Vanquam ipsæ rerum substantiæ præcipuè à suis attributis laudari soleant, tamen cum & causæ & effecta adjunctaque adhibeantur, exemplis seorsum propositis agere de iisdem, visum est aptius: tum quod ipsa laus Attributorum perspecta, ad personas denique subjectas transferatur; tum quòd ad substantiarum laudem plura atque illustriora requirantur. tum encomiasten disertum, sive in Physicis, sive in Ethicis magna rerum cognitione imbutum esse oporteat. cum vel naturæ rerum, vel mores, hoc est, virtutes ac vitia scribendi sint argumentum, de quibus lib. 1. cap 8 & seq. quæ tradidimus videnda sunt. Hic primo rei inanimæ breviter, deinde animæe prolixius virtutes complectemur.

Laus Sicilia ab Attributis vetustate, & utilitate Romanorum.

1. *Ostendit Siculos esse, qui ex primis Rom. imperium admi-
serint, constanterque coluerint, & quantum illis Marcellus Victor
tribuerit.*

2. *Utilitatem Rom. ex Sicilia obrem frumentariam. Patien-
tiam laboris & amorem Sicularum erga Romanos.*

Antequam de incommodis Siciliae dico, pauca mihi videntur esse de provinciae dignitate, vetustate, utilitate dicenda. Nam cum omnium sociorum provinciarumque rationem diligenter habere debetis: tum praecipue Siciliae, iudices, plurimis justissimisque de causis. Primum, quod omnium nationum exterarum princeps Sicilia se ad amicitiam fidemque populi Rom. applicuit: prima omnium, id quod ornamentum imperii est, provincia est appellata: prima docuit majores nostros, quam praeclarum esset exteris gentibus imperare. Sola fuit, eâ fide benevolentiaque erga populum Romanum, ut civitates ejus Insulae, quae semel in amicitiam nostram venissent, nunquam postea deficerent, pleraeque autem & maxime illustres in amicitia perpetuo manerent. Itaque majoribus nostris in Africam ex hac Provincia gradus imperii factus est. Neque enim tam facile opes Carthagini tantae concidissent, nisi illud & rei frumentariae subsidium, & receptaculum classibus nostris pateret. Quare P. Africanus, Carthagine deleta Sicularum urbes signis, monumentisque pulcherrimis exornavit. ut, quos victoria populi Rom. maxime laetari arbitrabatur, apud eos monumenta victoriae plures collocaret. Denique ille ipse M. Marcellus, cujus in Sicilia virtutem hostes, misericordiam victi, fidem caeteri Sicali perspexerunt, non solum sociis in eo bello consuluit; verum etiam superatis hostibus temperavit, urbem pulcherrimam Syracusas, quae cum manu munitissima esset, tum loci natura terra ac mari claudabatur, cum vi consilioque coepisset, non solum incolumem passus est esse; sed ita reliquit ornatum, ut esset idem monumentum victoriae, mansuetudinis, continentiae. Cum homines viderent, & quid expugnasset, & qui-

& quibus peperciſſet, & quæ reliquiſſet. Tantum ille honorem Siciliae habendum putavit, ut ne hoſtium quidem urbem ex ſociorum Inſula tollendam arbitraretur.

2. Itaque ad omnes res Sicilia provincia ſemper uſi ſumus: ut, quicquid ex ſeſe poſſet efferre, id non apud eos naſci, ſed domi noſtræ conditum putaremus. Quando illa frumentum, quod deberet, non ad diem dedit? quando id, quod opus eſſe putaret, non ultrò pollicita eſt? quando id, quod opus eſſe putaret, recuſavit? Itaque ille M. Cato ſapiens cellam penariam reipubl. noſtræ, nutricem plebis Romanæ Siciliae nominavit. nos verò experti ſumus Italico maximo difficillimoque bello, Siciliae nobis non pro penaria cella, ſed pro ærario illo majorum vetere ac referto fuiſſe: nam ſine ullo ſumptu noſtro, coriis, tunicis, frumentoque ſuppeditato, maximos exercitus noſtros veſtiri valuit, armavit. Quid illa, quæ forſan ne ſentimus quidem, iudices, quanta ſunt? quod multis locupletioribus civibus utimur: quod habent propinquam, fidelem, fructuoſamque provinciam, quò facile excurrant, ubi libenter negotium gerant: quos illa partim mercibus ſuppeditandis cum quæſtu, compendioque dimittit; partim retinet, ut arare, ut pſcere, ut negotiari libeat, ut denique ſedes, ac domicilium collocare. Quod commodum non mediocriter populi Romani eſt, tantum civium Romanorum numerum, tam propè ab domo, tam bonis fructuoſiſque rebus detineri. & quoniam quaſi quædam præſidia populi Romani ſunt veſtigalia noſtra, atque provinciæ: quemadmodum propinquis vos veſtris prædiis maximè delectamini, ſic populo Romano jucunda ſuburbanitas eſt huiusce provinciæ. Jam verò hominum ipſorum iudices ea patientia, virtus, frugalitasque eſt, ut proximè ad noſtram diſciplinam illam veterem, non hanc, quæ nunc increbuit, videantur accedere, nihil cæterorum ſimile Græcorum, nulla deſidia, nulla luxuria: contra ſummus labor in publicis, privatiſque rebus, ſumma parſimonia, ſumma diligentia. Sic porrò noſtros homines diligunt, ut his ſolis neque publicanus, neque negotiator odio ſit: magiſtratuum autem noſtrorum injurias ita multorum tulerunt, ut nunquam ante hoc tempus ad aram legum præſidiumque veſtrum publico conſilio confugerint. tamen ſi & illum annum percuſerant, qui ſic eos affluerat, ut ſalvi eſſe non poſſent, niſi C. Marcellus quaſi aliquo

aliquo fato, venisset, ut bis ex eadem familia salus Siciliae constitueretur. Postquam M. Antonii infinitum illud imperium senserant. Sic à maioribus suis acceperant, tanta populi Romani in Siculos esse beneficia, ut etiam injurias nostrorum hominum perferendas esse putarent.

IMITATIO.

Servire ad India laudem poterit, poterit & quantum inde commodi Hispania percipiat describi. Aut certe in singulari Provincia Europae, e.g. ul'a, Palatinatus, Prussia, unde frumenta in vicinas terras deportantur commendatione, usui futura est.

II. Laus viri fortis ab attributis.

1. *Illustrum esse fortitudinis laudem à probroso nomine imbellium ostendit, & triumphante maxime in fortium laude eloquentia.*

2. *Docet fortem virum commune non privatum jus bonumque spectare, hoc magno animo tantum audacem prestare, fortem neminem esse, nisi & justus rectusque sit.*

3. *Magnanimis timenda elatio, quod ceteris imperare cupiant, cum qua cupiditate agere consistit justitia, ideoque & fortitudo.*

4. *Verè fortis, externo respectu contempto, nil nisi quod bonum est spectat, & ardua quaeque hoc intuitu aggreditur.*

5. *Concludit, virum fortem etiam temperantem esse.*

Cicero ad M. filium lib. I. Offic.

1. *Inter cætera honestatis officia splendidissimum videtur, quod animo magno elatoque, humanasque res despiciente, factum sit. Itaque in probriis maxime in promptu est. si quid tale dici potest:*

Vos etenim luvænes animum geritis muliebrem

Illaque virgo viri: &c.

Salmaei da spolia, sine sanguine & sudore.

Contraque in laudibus: quæ magno animo, & fortiter excellenterque gesta sunt, ea nescio quo modo, quasi pleniore

pleniore ore, laudamus. Hinc Rhetorum campus de Marathone, Salamine, Plataeis, Thermopylis, Leuctris, Strato-cle: hinc noster Cocles, hinc Decii, hinc Cn. & P. Scipiones, hinc M. Marcellus innumerabilesque alii: maximèque ipse populus Rom. animi magnitudine excellit, declaratur autem studium bellicæ gloriæ; quod statuas quoque videmus ornatu ferè militari.

2. Sed ea animi elatio, quæ cernitur in periculis & laboribus, si iustitiâ vacat, pugnatque, non pro salute communi, sed pro suis commodis, in vitio est, non enim modo id virtutis non est, sed potiùs immanitatis, omnem humanitatem repellentis. Itaque probè definitur à Stoicis fortitudo, cum eam virtutem esse dicunt, propugnantem pro æquitate. Quocirca nemo, qui fortitudinis gloriam consecutus est, insidiis & malitia laudem est adeptus. Nihil enim honestum esse potest, quod iustitiâ vacat, præclarum igitur Platonis illud: *non solum*, inquit, *Scientia, quæ est remota à iustitia, calliditas potiùs, quàm sapientia est appellanda; verum etiam animus paratus ad periculum, si iustitiæ cupiditate, non utilitate communi impellitur, audacia potius nomen habeat, quàm fortitudinis.* Itaque viros fortes, & magnanimos, eosdem bonos & simplices, veritatis amicos, minimeque fallaces esse volumus, quæ sunt ex media laude iustitiæ.

3. Sed illud odiosum est, quòd in hac elatione & magnitudine animi facillimè pertinacia, & nimia cupiditas principatus innascitur. Ut enim apud Platonem est, *omnem morem Lacedæmoniorum inflammatum esse cupiditate vincendi, sic, ut quisque animi magnitudine maximè excellit, ita maximè vult princeps omnium esse, vel potius solus esse.* Difficile autem est, cum præstare omnibus concupieris, servare æquitatem, quæ est iustitiæ maximè propria, ex quo fit, ut neque disceptatione vinci se, nec ullo publico ac legitimo jure patiantur, existuntque in Republ. plerumque largitores & factiosi, ut opes quàm maximas consequantur, & sint vi potius superiores, quàm iustitiâ pares. Sed quòd difficilius, hoc præclarius. Nullum enim est tempus, quod iustitia vacare debeat. Fortes igitur & magnanimi sunt habendi, non qui faciunt, sed qui propulsant injuriam, vera autem, & sapiens animi magnitudo honestum il-

lud, quod maximè natura sequitur, in factis positum, non in gloria judicat, principemque esse mavult, quàm videri. Etenim qui ex errore imperitæ multitudinis pendet, hic in magnis viris non est habendus. Facillimè autem ad res injustas impellitur, ut quisque est altissimo animo & gloriæ cupido, qui locus est sanè lubricus: quòd vix invenitur, qui, laboribus susceptis, periculisque aditis, non, quasi mercedem rerum gestarum, desideret gloriam.

4. Omninò fortis animus, & magnus duabus rebus maximè cernitur: quarum una in rerum externarum despicientia ponitur, cum persuasum sit, nihil hominem, nisi, quod honestum decorumque sit, aut admirari, aut optare, aut expetere oportere; nulliq; neq; perturbationi animi, nec fortunæ succumbere, altera est res, ut, cum ita sis affectus animo, ut supra dixi, res geras magnas illas quidem & maximè utiles, sed ut vehementer arduas, plenasque laborum & periculorum; tum causa vitæ, tum multarum rerum, quæ ad vitam pertinent. Harum rerum duarum splendor omnis, & amplitudo est, addo etiam utilitatem in posteriore; causa autem, & ratio efficiens magnos viros est in priore. In eo enim est illud, quod excellentes animos, & humana contemnentes facit. Id autem ipsum cernitur in duobus, si & solum id quod honestum sit, bonum judices; & ab omni animi perturbatione liber sis, nam & ea, quæ eximia plerisque, & præclara videntur, parva ducere eaque ratione stabili firmaque contemnere, fortis animi magnique dicendum est: & ea quæ videntur acerba, quæ multa & varia in hominum vita fortunaque versantur, ita ferre, ut nihil à statu naturæ discedas, nihil à dignitate sapientis, robusti animi est, magnæque constantiæ, non est autem consentaneum, qui metu non frangatur, cum frangi cupiditate; nec, qui invictum se labore præstiterit, vinci à voluptate.

5. Quamobrem & hæc vitanda sunt, & pecuniæ fugienda cupiditas, nihil enim est tam angusti animi, tamque parvi, quam amare divitias: nihil honestius magnificentiusque, quam pecuniam contemnere, si non habeas; si habeas, ad beneficentiam liberalitatemque conferre.

III.

Laus boni Imperatoris in bello ab effectis.

1. *Per hunc insolentia hostium coërcita, & metuendi prius cœperunt metuere.*

2. *Bellicorum laborum patientissimus, operum solertissimus, expeditissimusque ad omnia.*

3. *Magna in se submittentes moderatio, in contumaces bello triumphisque subigendos felicitas.*

4. *Disciplina castrorum lapsa, & discordia, insidiaque mutua, novis legibus & humanitate Trajani composita, atque in amorem fidemque conversa. Plin. in paneg. mih. p. 11.*

1. Sustulerunt hostes amicos, & jugum excusserunt: nec jam vobiscum de sua libertate, sed de nostra servitute certabant, ac ne inducias quidem, nisi æquis conditionibus inibant, legesque, ut acciperent, dabant. At nunc rediit omnibus terror, & metus, & votum imperata faciendi, vident enim Romanum ducem unum ex illis veteribus, & priscis, quibus imperatorium nomen addebant, contecti cædibus campi, & infecta victoriis maria. Accipimus obsides ergo, non æminus, nec ingentibus damnis, immensisque muneribus paciscimur, ut vicerimus. Rogant, supplicant? largimur, negamus: utrumque ex imperii majestate. Agunt gratias, qui impetraverunt: non audent queri, quibus negatum est. An audeant? qui sciant te adfuisse ferocissimis populis eo ipso tempore, quod amicissimum illis, difficillimum nobis, cum Danubius ripas gelu jungit, duratusque glacie ingentia tergo bella transportat, cum feræ gentes non telis magis, quam suo cœlo, suo fidere armantur. Sed ubi in proximo tu, non secus ac si mutatae temporum vices essent, illi quidem latibulis suis clausi tenebantur; nostra agmina percurfare ripas, & aliena occasione si permitteres, uti, ultroque hiemem suam barbaris inferre gaudebant. Hæc tibi apud hostes veneratio.

2: Quid apud milites? quam admirationem quemadmodum comparasti? cum tecum in eandem, tecum fer-

rent sitim, cum in illa meditatione campestri militari-
bus turmis imperatorium pulverem, sudoremque misceres,
nihil à cæteris, nisi robore, ac præstantia differens, cum
libero Marte nunc cominus tela vibrares: nunc vibrata
susciperes, alacer virtute militum, & lætus, quoties aut
cassidi tuæ, aut clypeo gravior ictus incideret, laudabas
quippe ferientes, hortabarisque ut auderent: & audebant
jam, cum spectator, moderatorque ineuntium certa-
mina virorum arma componeres, tela tentares. ac si quod
durius accipienti videretur, ipse vibrares. Quid cum
solatium fessis, ægris opem ferres? Non tibi moris tua
inire tentoria, nisi comilitonum antè lustrasses: nec
requiem corpori, nisi post omnes dare. Hac mihi admi-
ratione dignus imperator non videretur, si inter Fa-
britios, & Scipiones, & Camillos talis esset: tunc enim
illum imitationis ardor, semperque melior accenderet:
postquam verò studium armorum à manibus ad oculos,
ad voluptatem à labore translatus est: postquam exer-
citationibus nostris non veteranorum aliquis, cui decus
muralis, aut civica; sed Græculus magister ad sistit, quàm
magnum est unum ex omnibus patrio more, patria vir-
tute lætari, & sine æmulo, ac sine exemplo secum certare,
secum contendere, ac sicuti imperat solus, solum ita esse,
qui debeat imperare. Nonne incunabula hæc tibi Cæsar,
& rudimenta, cum puer admodum Parthica lauro glo-
riam patris augens, nomenque Germanici jam tum me-
rerere? cum ferociam, superbiamque Parthorum ex pro-
ximo auditus, magno terrore cohiberes? Rhenumque, &
Euphratem admirationis tuæ fama conjungeres? cum or-
bem terrarum non pedibus magis, quam laudibus pera-
grares? Apud eos semper major, & clarior, quibus postea
contigisses? & necdum Imperator, necdum Dei filius
eras; Germaniamque, cum plurimæ gentes, ac propè infi-
nita vastitas interjacentis soli, tum Pyrenæus, Alpes, im-
mensique alii montes, nisi his compararentur, mu-
niunt, dirimuntque. Per hoc omne spatium cum le-
giones duceres, seu potius (tanta velocitas erat) rape-
res, non vehiculum unquam, non equum respexistis. Le-
vis hic, non subsidium itineris, sed decus, & cum cæteris
subsequebatur, ut cujus nullus tibi usus, nisi cum die stati-
vorum

vorum primum campum alacritate, discursu, pulvere attolleret. Initium laboris mirer, an finem? multumque est quod perseverasti, plus tamen, quod non timuisti, ne perseverare non posses. Nec dubito, quin ille, qui te inter ipsa Germaniæ bella ab Hispania usque ad validissimum præsidium exciverat, iners ipse, alienisque virtutibus tunc quoque invidus Imperator, cum ope earum indigeret, tantam admirationem tui non sine quodam timore conceperit, quantam ille genitus Jove post sævos labores, duraque imperia Regi suo indomitus semper, indefessusque referebat, cum aliis super alias expeditionibus itinere illo dignus invenireris. Tribunus verò disjunctissimas terras teneris adhuc annis viri firmitate iustitasti. Jam tum præmonente fortuna, ut diu penitusque perdisceres, quæ mox præcipere deberes. Neque enim prospexisse castra, brevemque militiam quasi transisse contentus, ita egisti tribunum, ut esse statim dux posses, nihilque discendum haberes tempore docendi. Cognovisti per stipendia decem mores gentium, regionum situs, opportunitates locorum, & diversam aquarum cœlique temperiem, ut patrios fontes, patriumque sidus ferre consuisti. Quoties equos, quoties emerita arma mutasti! venit ergo tempus, quo posterius visere, visendumque tradere minoribus suis gestient: quis sudores tuos hauserit campus, quæ refectiões tuas arbores, quæ somnum saxa prætexerint, quod denique tectum magnus hospes impleveris: ut tunc ipsi ingentium ducum sacra vestigia iisdem in locis monstrabantur. Verum hæc olim in præsentia quisquis paulò vetustior miles, hic te commilitone censetur. Quotus enim quisque, cuius tu non antè commilito, quàm imperator? Inde est, quod prope omnes nomine appellas, quod singulorum fortia facta commemoras. Hæc habent ad numeranda tibi pro republ. vulnera, quibus statim laudator, & testis contigisti.

3. Sed tanto magis prædicanda est moderatio tua, quod innutritus bellicis laudibus, pacem amas: nec quia vel pater tibi triumphalis, vel adoptionis tuæ die dicata capitolino Jovi laurus, idcirco ex occasione omni quæris triumphos. Non times bella, nec provocas. Magnum est, Imperator Auguste, magnum est, stare in Danubii ripa.

si transeas certum triumphi, nec decertare cupere cum recusantibus, quorum alterum fortitudine, alterum moderatione efficitur. Nam ut ipse nolis pugnare, moderatio, fortitudo tua præstat, ut neque hostes tui velint. Accipiet ergo aliquando capitolium non inanes currus, nec falsæ simulacra victoriæ, sed Imperatore, veram ac solidam gloriam reportante, tranquillitatem, & tamen confessa hostium obsequia, ut vincendus nemo fuerit. Pulchrius hoc omnibus triumphis: neque enim unquam nisi ex contemptu imperii nostri factum est, ut vinceremus. Quod si quis barbarus Rex cō insolentiæ furorisque processerit, ut iram tuam, indignationemque mereatur; næ, ille, sive interfuso mari, seu fluminibus immensis, seu præcipiti monte defenditur: omnia hæc tam prona, tamque cedentia virtutibus tuis sentiet, ut subsedisse montes, fluminā exaruisse, interceptum mare, illatasque non classes nostras, sed terras ipsas arbitretur. Videor jam cernere non spoliis provinciarum, & extorto sociis auro: sed hostilibus armis, captorumque Regum catenis triumphum gravem. Videor ingentia Ducum nomina, nec indecora nominibus corpora vocitare. Videor intueri immanibus ausis barbarum onusta fercula, & sua quemque facta vinctis manibus sequentem, mox ipsum te sublimem, instantemque curru domitarum gentium, tergo, antè currum autem clypeos, quos ipse perfoderis: nec tibi optima defuerint, si quis Regum venire in manus audeat: nec modò telorum tuorum, sed oculorum etiam, minarumque conjectum toto campo, totoque exercitu opposito perhorrescat. Meruisti proxima moderatione, ut quandocunque te vel inferre, vel propulsare bellum coëgit imperii dignitas, non ideo vicisse videaris, ut triumphares, sed triumphare quia viceris.

4. Aliud ex alio mihi occurrit: quam speciosum est enim quod disciplinam castrorum lapsam, extinctamque refovisti, depulso prioris seculi malo, inertia & contumacia, & dedignatione parendi? Tutum est reverentiam, tutum charitatem mereri: nec Ducum quisquam, aut non amari à militibus, aut amari timet: Et inde offensæ, gratiæque pariter securi, instant operibus, adsunt exercitationibus, arma, mœnia, viros aptant: Quippe non is princeps,

qui

qui sibi imminere, sibi intendi putet, quod in hostes paretur: quæ persuasio fuit illorum, qui hostilia cum facerent, timebant. Eodem ergò tempore militaria studia, nec amicos modò, sed & corpora ipsa languescere, gladios etiam incuria hebetari, retundique gaudebant. Duces porrò nostri non tam Regum exteriorum, quam suorum principum insidias: nec tam hostium, quam commilitonum manus, ferrumque metuebant. Est hæc natura fide-ribus, ut parva, & exilia validiorum exortus obscurer, similiter Imperatoris adventu legatorum dignitas inumbratur. Tu tamen major omnibus quidem eras, sed sine ullius diminutione major, eandem auctoritatem præsentem te quisque, quàm absente retinebat. Quin etiam plerisque ex eo reverentia accesserat, quod tu quoque illos reverebar. Itaque perinde summis, atque infimis charus, sic Imperatorem commilitationemque miscueras, ut studium omnium, laboremque & tanquam exactor intenderes, & tanquam particeps, sociusque relevares. Felices illos, quorum fides & industria, non per internuncios, & interpretes: sed ab ipsa te, nec auribus tuis, sed oculis probantur, consecuti sunt, ut absens quoque de absentibus nemini magis, quam tibi crederes. Jam te civium desideria revocabant, amoremque castrorum superabat charitas patriæ: iter inter placidum, ac modestum, ut planè à pace redeuntis. Nec verò ego in laudibus tuis ponam, quod adventum tuum non pater quisquam, non maritus expavit. Affectata aliis castitas, tibi ingenita, & innata, interque ea, quæ imputare non possis. Nullus in exigendis vehiculis tumultus, nullum circa hospitia fastidium: annona, quæ cæteris: Ad hoc comitatus accinctus, & parens. Diceres magnum aliquem Ducem, & te potissimum ad exercitus ire, ad eò nihil, aut certe parum intererat inter Imperatorem factum, & brevi futurum.

IV.

Laus boni Imperatoris ab adjunctis.

Plin. ibid.

1. *Summa virtute Imperatores pradios esse decet, ut Trajanus est.*

2. *Forma quoque & dignitas corporis eidem inest.*

3. *Deus sub Nerva Militis castrorumque dissolutionem ac tumultum admisisse visus est , ut Trajanus instaurator gloriosus accederet.*

4. *Nerva Trajanum ob virtutem , non sanguinem ad imperium cooptavit , ut hujus beneficio concussum stabiliret.*

1. Sæpe ego necum P. C. tacitus agitavi , qualem quantumque esse oporteat , cujus ditione , nutuque maria , terræ , pax , bella regerentur , cum interea fingenti , formantique mihi Principem , quem æquata diis immortalibus potestas deceret , nunquam voto saltem concipere succurrit , similem huic , quem videmus. Enituit aliquis in bello , sed obsolevit in pace : alium toga , sed non arma honestarunt : reverentiam ille terrore , alius amorem humanitate captavit. Ille quæsitam domi gloriam , in publico : hic in publico partam , domi perdidit. Postremo adhuc nemo extitit , cujus virtutes ullo vitiorum confinio læderentur. At principi nostro quanta concordia , quantusque concentus omnium laudum , omnisque gloriæ contingit , ut nihil se veritati ejus hilaritate , nihil gravitati simplicitate , nihil majestati humanitate detrahatur !

2. Jam firmitas , jam proceritas corporis , jam honor capitis , & dignitas oris , ad hoc ætatis inflexa maturitas , nec sine quodam munere Deum festinatis senectutis insignibus ad augendam majestatem ornata cæsaries , nonne longè latèque principem ostentant ? Talem esse oportuit , quem non bella civilia , nec armis oppressa respublica , sed pax , & adoptio , & tandem exorata terris numina dedissent.

3. Quare ego illum ipsum furorem , motumque castrensem reor extitisse , quia magna vi , magnoque terrore modestia tua vincenda erat. Ac sicut maris , coelique temperiem turbines tempestatesque commendant ; ita ad augendam pacis tuæ gratiam illum tumultum præcessisse crediderim. Habet has vices conditio mortalium , ut adversa ex secundis , ex adversis secunda noscantur. Occultat utrorumque semina Deus , & plerumque bonorum malorumque causæ sub diversa specie latent. Magnum quidem illud seculo dedecus , magnum reipublice vul-

nus impreſſum eſt. Imperator & parens generis humani obſeſſus, captus, incluſus, ablata mitiſſimo ſeni ſervando- rum hominum potestas, ereptumque principi illud in principatu beatiſſimum, quòd nihil cogitur. Si tamen hæc ſola erat ratio, quæ te publicæ ſalutis gubernaculis admo- veret, propè eſt, ut exclamem tanti fuiſſe. Corrupta eſt diſciplina caſtrorum, ut tu corrector, emendatorque con- tingeres: inductum peſſimum exemplum, ut optimum op- poneretur. Poſtremò coactus Princeps quos nollet occi- dere, ut daret Principem, qui cogi non poſſet.

4. Olim tu quidem adoptari merebare: ſed nesciſſe- mus, quantum tibi deberet imperium, ſi antè adoptatus eſſes. Expectatum eſt tempus, quo liqueret, non tam ac- cepiſſe te beneficium, quam dediſſe. Confugit in ſinum tuum concuſſa Reſpubl. ruensque imperium ſuper impe- ratorem, imperatoris tibi voce delatum eſt. Imploratus adoptione, & accitus es. Ut olim duces magni à pere- grinis, externiſque bellis ad opem patriæ ferendam revoca- ri ſolebant: ita filius ac parens, uno eodemque momen- to rem maximam invicem præſtititiſtis. Ille tibi imperium dedit, tu illi reddidiſti. Solus ergo adhuc, cui pro mune- re tanto paria accipiendo feciſti, imò ultra dantem obli- gaſti: communicato enim imperio ſolicitiſior tu, ille ſe- curior factus eſt. O novum, atque inauditum ad princi- patum iter, non te propria cupiditas, proprius metus, ſed aliena utilitas, alienus timor principem fecit. Videaris li- cet, quod eſt ampliſſimum, conſecutus inter homines: felicius tamen erat illud, quod reliquiſti, ſub bono prin- cipe privatus eſſe deſiſti: aſſumptus es in laborum, cura- rumque conſortium, nec te læta, & proſpera ſtationis iſtius, aſpera, & dura ad capeſſendam eam compulerunt. Su- ſcepisti imperium, poſtquam alium ſuſcepti pœnitebat. Nulla adoptati cum eo qui adoptabat cognatio, nulla ne- ceſſitudo, niſi quod uterque optimus erat, dignuſque alter eligi, alter eligere.

V.

Laus à modestia, ab effectis. ib.

Tuam magnanimitatem verò, an modestiam an beni-

gnitatem prius mirer? Magnanimitas fuit expetito semper honore abstinere, modestia cedere, benignitas per alios frui. Sed jam tempus est, te ipsi consulatui præstare, ut majorem cum suscipiendo, gerendoque facias: nam sæpius recusare, ambiguum, ac potius illam interpretationem habet, tanquam minorem putes. Tu quidem ut maximum recusasti, sed hoc persuadere nemini poteris, nisi aliquando & non recusaveris. Cum arcus, cum trophæa, cum statuas deprecaris, tribuenda est verecundiæ tuæ venia: illa enim sanè tibi dicantur. Nunc verò postulamus, ut futuros Principes doceas inertix renuntiare, paulisper delicias differre, paulisper, & saltem ad brevissimum tempus ex illo felicitatis somno, velut excitatos induere prætextam, quam cum dare possent, occuparint: ascendere curulem, quam detineant: esse denique, quod concupierunt, nec ideo tantum velle consules fieri, ut fuerint. Gessisti alterum consulatum, scio, illum exercitibus, illum provinciis, illum etiam exteris gentibus poteris imputare, non potes nobis. Audimus quidem te omne munus consulis obiiisse, sed audimus, diceris justissimus, humanissimus fuisse: sed diceris, æquum est aliquando nos iudicio nostro, nostris oculis, non famæ semper & rumoribus credere. Quousque absentes de absente gaudebimus? liceat experiri, an aliquid superbiæ tibi ille ipse secundus consulatus attulerit: vis illud augustissimum consul aliquando tribunal maiestati suæ reddere? ascende. Vis constare reverentiam magistratibus, legibus auctoritatem, modestiam postulanti-bus? s adi.

VI.

Laus à causa exemp'ari. ib.

1. *Principis Trajani exemplo subditi ad virtutem imitatione formantur.*

2. *Artes quoque Doctoresque sapientia ab eodem revocantur per Domitianum Imper. neglecti.*

1. *Ostentas quasi specimen, & exemplar, quæ tibi secta vitæ, quod hominum genus placeat & ideo non censuram adhuc*

adhuc, non præfecturam morum recepiſti: quia tibi beneficiis potius, quàm remediis ingenia noſtra experiri placet, & alioqui nescio an plus moribus conferat princeps, qui bonos eſſe patitur, quàm qui cogit. Flexibiles quæcunque in partem ducimur à p̄ncipe, atque (ut ita dicam) ſequaces ſumus: huic enim chari, huic probati eſſe cupimus, quod fruſtra ſperaverunt diſſimiles: eoque obſequii continuatione pervenimus, ut prope omnes homines unius moribus vivamus. Porro non tam ſiniſtrè conſtitutum eſt, ut qui malum principem poſſumus, bonum non poſſimus imitari. Perge modo Cæſar, & vim effectumque cenſuræ, tuum propoſitum, tui actus obtinebunt: vita principis cenſura eſt, eaque perpetua, ad hanc dirigimur, ad hanc convertimur: nec tam imperio nobis opus eſt, quàm exemplo, quippe infidelis recti Magiſter eſt metus, melius homines exemplis docentur, quæ in primis hoc in ſe boni habent, quod approbant, quæ præcipiunt fieri poſſe.

3. Quid utinam? quid mores juventutis? quam principaliter formas? quem honorem dicendi magiſtris? quam dignitatem ſapientiæ doct̄oribus habes? ut ſub te ſpiritum & ſanguinem, & patriam receperunt ſtudia, quæ priorum temporum immanitas exiliis puniebat, cum ſibi vitiorum omnium conſcius princeps, inimicas vitiis artes non odio magis, quàm reverentia relegaret? at tu eaſdem artes in complexu, oculis, auribus habes: præſtas enim quæcunque præcipiunt, tantumque eas diligis, quantum ab illis probaris.

VII.

Laus liberalis ab effectis, & remotione contrariorum.

Trajanus Imper. liberalis in opulentorum prædiorum largitionibus, & exulum ad ſua bona revocatione.

Cum rebus tuiſ, ut participes perfruamur, quæ habemus ipſi, quam propria, quæ noſtra ſunt? non enim exturbatis prioribus dominis, omne ſtagnum, omnem lacum, omnem

omnem etiam saltum immensa possessione circumvenis, nec unius oculis flumina, fontes maria deserviunt. Tandemque Imperium Principis, quam patrimonium majus est. Multa enim ex patrimonio refert in Imperium, quæ priores Principes occupabant, non ut ipsi fruerentur, sed ne quis alius. Ergo in vestigia, sedesque nobilium immigrant pares domini, nec jam clarissimorum virorum receptacula habitatore servo teruntur, aut foeda vastitate procumbunt. Datur intueri pulcherrimas ædes deterso situ auctas ac vigentes. Magnum hoc tuum non erga homines modo sed erga tecta ipsa meritum, sistere ruinas, solitudinem pellere, ingentia opera, eodem, quo extructa sunt, animo, ab interitu vindicare: muta quidem illa, & anima carentia: sentire tamen, & lætari videntur, quod niteant, quod frequententur, quod aliquando cœperint esse domini non servienti. Circumfertur sub nomine Cæsaris tabula ingens rerum venialium, quod sit detestanda avaritia illius, qui tam multa concupiscebat, cum haberet supervacua tam multa. Tunc exitialis erat apud Principem, huic laxior domus, illa amœnior villa. Nunc Princeps in hæc eadem dominos quærit, ipse inducit: ipsos illos magni aliquando Imperatoris, illud nunquam nisi Cæsaris suburbanum, licemur, emimus, implemus. Tanta benignitas Principis, tanta securitas temporum est, ut ille nos principalibus rebus existimet dignos: nos non timeamus, quod digni esse videmur. Nunc vero emendi tantum civibus tuis copiam præbes, sed amœnissima quæque largiris & donas: ita inquam donas, in quæ electus, in quæ adoptatus es: transfers, quod iudicio accepisti: ac nihil magis tuum credis, quam quod per amicos habes. Idem tam pareus in ædificando, quam diligens in tuendo. Itaque non, ut antè, immanium transvectione saxorum urbis tecta quatuntur, stant securæ domus, nec jam templa nutantia. Satis est tibi, nimiumque, cum successoris frugalissimo Principi, magis rejicere aliquid, & amoutare ex iis, quæ Princeps tamquam necessaria reliquit.

VIII.

*Laus liberalis ab enumeratione
parium. ib.*

1. *Distribuit congiarium ex propriis bonis in cives inopes.*
2. *Neque, ut nonnulli alii, liberalitate alia sua flagitia compensare nititur.*
3. *Quinque millia ingenuorum alit in usum malitia.*
4. *Annonam, ut quondam Pompejus, copiosam reipubl. sine rapinis sufficit.*

1. Nihil magis in tua tota liberalitate laudaverim, quam quod congiarium das de tuo, alimenta de tuo. Neque à te liberi civium, ut ferarum catuli, sanguine & cædibus nutriuntur: quodque gratissimum est accipientibus, sciunt dari sibi, quod nemini est ereptum, locupletatisque tam multis, pauperiorem esse factum principem tantum: quanquam ne hunc quidem: nam cuius est, quidquid est omnium, tantum ipse, quantum omnes habet.

2. Aliò me vocat numerosa gloria tua, Aliò autem? quasi verò jam satis veneratus miratusque sis, quod tantam pecuniam profudisti, non ut flagitii tibi conscius ab insectatione ejus averteres famam, nec ut tristes hominum mœstosque sermones lætiore materia detineres, nullam congiario culpam, nullam alimentis crudelitatem redemisti: nec tibi benefaciendi fuit causa, ut quæ malè faceres, impunè fecisses: amor impendio isto, non venia quæsitæ est: populusque Romanus obligatus à tribunali tuo, non exoratus recessit. Obtulisti enim congiarium gaudentibus gaudens, securusque securis: quodque antea Principes ad odium sui leniendum timentibus plebis animis objectabant, id tu tam innocens populo dedisti, quàm populus accepit.

3. Paulò minus Patres, quinque millia ingenuorum fuerunt, quæ liberalitas Principis nostri conquirit, invenit, adscivit: hi subsidium bellorum, ornamentum pacis, publicis sumptibus aluntur: patriamque, non ut patriam tantum, verum ut altricem amare condisunt. Ex his castra, ex his tribus replebuntur, ex his quandoque nascentur, quibus alimentis opus non sit, Dent tibi Cæsar
etatem

ætatem Dii, quam mereris, ferventque animum, quem derunt: & quantò majorem infantium turbam, iterum atque iterum videbis incidi (augetur enim quotidie & crescit, non quia chariores parentibus liberi, sed quia Principi cives) dabis congiaria si voles, præstabis alimentum, si voles, illi tamen propter te nascuntur.

4. Instar ego perpetui congiarii reor affluentiam annonæ, hujus aliquando cura Pompejo non minus addidit gloriæ, quàm pulsus ambitus campo, exactus hostis mari, oriens triumphis, occidentisque lustratus. Nec verò ille civilius quàm parens noster, auctoritate, consilio, fide reclusit vias, portus patefecit, itineraterris, littoribus mare, littora mari reddidit, diversasque gentes ita commercio miscuit, ut quod genitum esset unquam, id apud omnes natum esse videretur. Nonne cernere datur, ut sine ullius injuria omnibus usibus nostris annus exuberet? quippe non ut ex hostico raptæ, perituræque in horreis messes, nequicquam quiritantibus sociis auferuntur: devehunt ipsi, quod terra genuit, quod sidus aluit, quod annus tulit, nec novis dictionibus pressi, ad vetera tributa deficiunt. Emit fiscus, quidquid videtur emere, inde copiæ, inde annona, de qua inter licentem, videntemque conveniat: inde hic facietas, nec fames usquam.

IX.

*Laus à factis studiis exercitationum
honestis. ib.*

1. Venationis & quandoque etiam navigationis studiis corpus exercebat.

2. Animum per hæc exercitamenta à voluptatibus abstraherebat.

3. Vicia virtutesque Principum occultari nequeunt, quod Trajano ad gloriam cessit.

1. Quæ remissio tibi nisi lustrare saltus, excutere cubilibus feras, superare immensa montium juga, & horrentibus scopulis gradum inferre, nullius manu, nullius vestigio adjutum: atque inter hæc pia mente adire lucos, & occurfare numinibus? olim hæc experientia juventutis,
hæc

hæc voluntas erat: his artibus futuri Duces imbuebantur, certare cum fugacibus feris, cursu: cum audacibus robore: cum callidis astu: nec mediocre pacis decus habebatur, submota campis irruptio ferarum, & obsidione quadam liberatus agrestium labor. Usurpabant gloriam istam illi quoque principes, qui obire non poterant: usurpabant autem ita, ut domitas fractisque claustris feras, ac deinde in ipsorum quidem ludibrium emissas mentita fugacitate colligerent. Huic par capiendi, quærendique sudor, summusque, & idem gratissimus labor invenire. Enim vero si quando placuit idem corporis robur in maria proferre, non ille fluitantia vela, aut oculis sequitur, aut manibus: sed nunc gubernaculis assidet, nunc cum valentissimo quoque sodalium certat frangere fluctus, domitare ventos reluctantes, remisque transfretare obstanti freta.

2. Nec verò laudaverim per se magnopere duritiam corporis, ac lacertorum: sed si his validior toto corpore animus imperitet, quem non fortunæ indulgentiæ molliant, non copię principales ad senitiem, luxumque detorqueant: tunc ego seu montibus, seu mari exerceatur, & lætum opere corpus, & crescentia laboribus membra mirabor. Video enim jam inde antiquitus maritos Dearum, & Deorum liberos, nec dignitate nuptiarum magis, quam his artibus inclaruisse. Simul cogito, cum sint ista ludus, & avocamentum huius: illæ seriæ, & internæ, & à quibus se in tale otium recipit, voluptates. Sunt enim voluptates, quibus optimè de cuiusque gravitate, sanctitate, temperantia ceditur. Nam quis adeo dissolutus, cuius non occupationibus aliqua species servitutis insideat? otio prodimur. An non plerique Principes hoc idem tempus in aleam, stupra, luxum, conferebant, cum seriarum laxamenta curarum, vitiorum, contentione supplerent?

3. Habet hoc primum magna fortuna, quod nihil tectum, nihil occultum esse patitur: principium vero non modo dorsos, sed cubicula ipsa, intimosque successus recludit; omniaque arcana noscenda famæ proponit, atque explicat. Sed tibi Cæsar nihil accommodatius fuerit ad gloriam, quam penitus inspicere. Sunt quidem præclara, quæ in publi-

publicum profers, sed non minora ea, quæ lumine tenes. Est magnificum, quod te ab omni contagione vitiorum reprimis, ac revocas: sed magnificentius quod tuos. Quanto enim magis arduum est alios præstare, quàm se: tantò laudabilius, quòd, cum ipse sis optimus, omnes circa te similes tui effecisti.

X.

Laus Imperatoris à demissione ib.

1. Quod laus vera & memoria virtutis potior sit, illaque etiam honoris insignia improbis Principibus ex adulatione delata sint.

2. Rectè tamen ab eodem admitti effigies, quales olim privatorum hominum fuerunt.

3. Virtus Principis magis perennat, quam statua; cum hæ vestitus consumat, illis existimatio perpetua sit. Plin Paneg. mihi p. 47.

5. Ego titulis omnibus speciosius reor, quando non tribus, aut saxis nomen suum, sed monumentis æternæ laudis inciditur. Ibit in sæcula, fuisse Principem, cui florenti, & incolumi nunquam nisi modici honores, sæpius nulli decernerentur. Et sanè si velimus cum priorum temporum necessitate certare, vincemur: ingeniosior est enim ad excoGITANDUM simulatio veritate, servitus libertate, metus amore. Simul cum jam pridem novitas omnis adulatione consumpta sit, non alius erga te novus honor superest, quam si aliquando de te tacere audeamus.

2. Age, si quando pietas nostra silentium rupit, & verecundiam tuam vicit, quæ qualiaque aut decernimus nos, aut tu non recusas, ut appareat non superbia, & fastidio te amplissimos honores repudiare, qui minores non dedigneris. Pulchrius hoc Cæsar, quàm si recusares omnes, nam recusare omnes ambitionis, moderationis est eligere parcissimos. Quo temperamento & nobis, & ærario prodes, quod sumptibus ejus adhibes modum, & qui exhaustum non sis innocentium bonis repleturus. Stant igitur effigies tuæ, quales olim ab egregia in Rempubl. merita privatis dicabantur: visuntur eadem è materia Cæsaris statuæ, qua Brutorum, qua Camillorum. Nec discrepat causa:

illi

illi enim Reges , hoſtemque victorem mœnibus depulerunt : hic regnum ipſum , quæque alia captivitas gignit, arcet, ac ſubmovet, ſedemque obtinet Principis, ne ſit Domino locus.

3. Ac mihi intuenti ſapientiam tuam, minus mirum videtur, quod mortales iſtos, caducoſque titulos aut deprecæris, aut temperes. Scis enim ubi vera Principis, ubi ſempiterna ſit gloria, ubi ſint honores, in quo nihil flammis, nihil ſenectuti, nihil ſucceſſoribus liceat. Arcus enim & ſtatuas, ars etiam, templaque demolitur, & obſcurat obli-
vio, negligit, carpitque poſteritas : contra contemptor ambitionis, & infinitæ poteſtatis domitor, ac frenator animus, ipſa vetuſtate floreſcit, nec ab illis magis laudatur, quam quibus maximè necesse eſt. Præterea ut quilquis factus eſt Princeps, extemplo fama ejus, incertum bona, an mala, cæterum æterna eſt. Non ergo perpetua Principi fama, quæ invitum manet, ſed bona concupiſcenda eſt : ea porro non imaginibus, & ſtatuſ, ſed virtute, ac meritis prorogatur. Quia etiam leviora hæc, formam Principis, figuramque, non aurum melius, vel argentum, quàm favor hominum exprimit, tenetque, quod quidem prolixè tibi cumulatèque contingit, cujus lætiſſima facies, & amabilis vultus in omnium civium ore, oculis, animo ſedet.

XI.

Laus à ſtudio juſtitia. ib.

*Trajanus juſtitiam omnibus ex æquo & ſine cunctatione
adminiſtrans, velut numen aliquod
terris præeſt.*

Videmus ut provinciarum deſideriis, ut ſingularum etiam civitatum præſidiis occurrat, nulla in audiendo difficultas, nulla in reſpondendo mora : ad eunt ſtatim, dimittuntur ſtatim : tandemque Principis fores excluſa legationum turba non obſidet. Quid in omnibus excogitationibus, quàm multis ſeveritas, quàm non diſſoluta clementia? non locupletando fiſco ſedes, nec aliud tibi ſententiæ præſidium, quàm bene judicaſſe. Stant ante te litigatores.

non de fortunis suis , sed de tua æstimatione solliciti: nec tam verentur , quid de causa sua , quàm quid de moribus sentias. O vere Principis, atque etiam Consulis, reconciliare æmulas civitates, tumentesque populos , non imperio magis, quam ratione compescere: intercedere iniquitatibus magistratuum, intestumque reddere , quicquid fieri non oportuerit. Postremò velocissimi sideris instar , morte omnia invisere , omnia audire , & undecunque invocatum , statim velut Numen adesse , & assistere. Talia esse crediderim, quæ ipse mundi parens temperat nutu , si quando oculos demisit in terras , & facta mortalium inter divina opera numerari dignatus est , quibus nunc per te liber, solutusque cœlo tantum vacat , postquam te dedit, qui erga omne hominum genus vice suâ fungereris. Fungeris enim , sufficisque mandati , cum tibi dies omnis summa cum utilitate nostra , summa cum tua laude condatur: Quodsi quando cum influentibus negotiis paria fecisti, instar refectionis existimas mutationem laboris.

XII.

Laus ab amore subditorum.

Traiani Imp. erga subditos, & subditorum erga Traianum sincerus amor.

Jam etiam & in privatorum animis exoleverat priscum mortalium bonum amicitia , cujus in locum migraverant assentationes, blanditiæ , & pejor odio amoris simulatio: etenim in Principum domo nomen tantum inane scilicet irrisumque remanebat , nam quæ poterat esse inter eos amicitia, quorum sibi alii Domini , alii servi videbantur? tu hanc pulsam & errantem reduxisti. Habes amicos, quia amicus ipse es: neque enim ut alia subiectis, ita amor imperatur: neque est ullus affectus tam erectus , & liber, & damnationis impatiens, nec qui magis vices exigit. Potest fortasse Princeps iniquè , potest tamen odio esse nonnullis: etiamsi ipse non oderit: amari nisi amet, non potest. Diligis ergò, cum diligaris, & in eo , quod utrinque honestissimum est , tota gloria tua est , qui superior factus, descen-

descendis in omnia familiaritatis officia, & in amicum ex Imperatore submitteris: imò tunc maxime Imperator, cum amicum ex Imperatore agis. Etenim cum plurimis amicitiiis fortuna Principum indigeat, præcipuum est Principis opus, amicos parare. Placet tibi semper hæc secta, & cum alias virtutes tuas, tum hanc constantissime teneas: nec unquam persuadeatur humile esse Principi, nisi odisse. Jucundissimum est in rebus humanis amari, sed non minus amare: quorum utroque ita frueris, ut cum ipse ardentissime diligas, adhuc tamen ardentius diligaris. Primum, quia facilius est unum amare, quam multos: deinde, quia tibi amicos tuos obligandi adest facultas tanta, ut nemo possit te, nisi ingratus non magis amare. Operæ pretium est referre, quod tormentum tibi injunxeris, ne quid amico negares, dimisisti optimum virum, tibi que charissimum invitus, & tristis, & quasi retinere non posses: quantum amares eum, desiderio expertus es, distractus, separatusque dum cedis & vinceris. Ita quod fando inauditum, cum Princeps & Principis amicus diversa velletis, id potius factum est, quod amicus volebat.

XIII.

*Laus humanitatis à comparatione cum
dissimili. ib.*

*Trajani Imper. humana & socialis vita, cum Domitiani
asperitate, & solitudine; illius in convivio securi-
tas, cum hujus in secessu periculis
componitur.*

Securi & hilares, cum commodum est, convenimus: & admittente Principe interdum est aliquid, quod nos domi, quasi magis necessarium teneat, excusari semper tibi, nec unquam excusandi sumus. Scis enim sibi quemque præstare, quod te videat, quod te frequentet, ac tanto liberalius ac diutius voluptatis hujus copiam præbes. Nec salutationes tuas fuga, & vastitas sequitur. Remoramur, resistimus, ut in communi domo, quam nuper illa immanissima bellua plurimo terrore munierat, cum velut

quodam specu inclusa, nunc propinquorum sanguinem lamberet, nunc se ad clarissimorum civium strages, cedesque proferret. Observabantur foribus horror, & minæ, & par metus admissis, & exclusis. Ad hæc ipse occursum quoque visuque terribilis, superbia in fronte, ira in oculis, fœminæus pallor in corpore; in ore, impudentia multo rubore suffusa; non adire quisquam, non alloqui audebat, tenebras semper, secretumque captantem, nec unquam ex solitudine sua prodeuntem, nisi ut solitudinem faceret. Ille tamen, quibus sibi parietibus, & muris salutem suam tueri videbatur, dolum secum, & insidias, & ultorem scelerum Deum inclusit, dimovit, perfregitque custodias pœna, angustosque per aditus, & obstructos ac per apertas fores, & invitantia limina irrupit: longèque tunc illi divinitas sua, longè arcana illa cubilia, sævique secessus, in quos timore, & superbia, & odio hominum agebatur. Quantò nunc tutior, quantò securior eadem domus? postquam ejus non crudelitatis, sed amoris excubiis: non solitudine & claustris, sed civium celebritate defenditur: & quid ergo? Discimus exprimento fidissimam esse custodiam, principis ipsius innocentiam. Hæc arx inaccessa, hoc inexpugnabile munimentum, munimento non egere. Frustra se terrore succinxerit, qui septus charitate non fuerit: armis enim arma irritantur. Num autem serias tantùm partes dierum in oculis nostris, cœtuque consumis? Num remissionibus tuis eadem frequentia, eademque illa socialitas interest? Num tibi semper in medio cibus, semperque mensa communis? Num ex convivio nostro mutua voluptas? num provocas, reddisque sermones? Num ipsum tempus epularum tuarum, cum frugalitas contrahat, extendit humanitas? Num enim ante medium diem distentus solitaria cœna spectator adnotatorque convivis tuis immines? nec jejunis, & inanibus, plenus ipse eructans, non tam apponis, quam objicis cibos, quos dedigneris apponere? ægrèque perpeffus superbam illam convinctus simulationem, rursus te ad clandestinam ganeam, occultumque luxum refers? Ergo non aurum, nec argentum, nec exquisita ingenia cœnarum, sed suavitatem tuam jucunditatemque miramur, quibus nulla facietas adest, quando sincera omnia &

vera

vera & ornata gravitate. Neque enim aut peregrinæ ſuperſtititionis myſteria, aut obſcœna petulantia menſa Principis oberrat, ſed benigna invitatio, & liberales joci, & ſtudiorum honor. Inde tibi parcus & brevis ſomnus, nullumque amore noſtri anguſtius tempus, quam quod ſine nobis agis.

XIV.

Laus à benevo'entia. ib.

*Traiani Imper. benignitas & benevolentia erga ſuos,
quos ante oppreſſos ad libertatem
revocet.*

Illuxerat primus conſulatus tui dies, quo tu curiam ingreſſus, nunc ſingulos, nunc univerſos adhortatus eſ reſumere libertatem, capeſſere quaſi communis imperii curas, invigilare publicis utilitatibus, & inſurgere. Omnes ante te eadem iſta dixerunt, nemini tamen ante te creditum eſt. Erant ſub oculis naufragia multorum, quos inſidioſa tranquillitate provectos improvius turbo perculerat. Quod enim tam inſidum mare, quàm blanditiæ principum illorum, quibus tanta levitas, tanta fraus, ut facilis eſſet iratos, quàm propitios habere? Te verò ſecuri, & alacres quò vocas ſequimur: jubes, eſſe liberos, erimus: jubes, quæ ſentimus promere in medium, proferemus. Neque enim adhuc ignavia quadam & inſito torpore ceſſavimus. Terror & metus, & miſera illa ex periculis facta prudentia monebat, ut à Republica (erat autem omnino nulla reſpublica) oculos, aures, animos, averteremus. At nunc tua dextera, tuiſque promiſſis freti, & innixi, obſepta diutina ſervitute ora reſeramus; frenatamque tot malis linguam reſolvimus. Vis enim tales eſſe nos, quales jubes: nihilque exhortationibus tuis fucatum, nihil ſubdolum, denique quod credentem fallere paret; non ſine periculo fallentis: neque enim unquam deceptus eſt princeps, niſi qui prius ipſe decepit. Equidem hunc parentis publici ſenſum, cum exhortatione ejus, tum pronuntiatione ipſa perſpexiſſe videor. Quæ enim illa gravitas ſententiarum? quam

in affectata veritas verborum ? quæ adseveratio in voce ? quæ affirmatio in vultu ? quanta in oculis , habitu , gestu , toto denique corpore fides ? Tenebit ergò semper , quod suaferit : scietque nos , quoties libertatem , quam dedit , experiemur , sibi parere : nec verendum est , ne incautos putet , si fidelitate temporum constanter utamur , quos meminit sub malo principe aliter vixisse ,

XV.

Laus Pompei Magni, ab attributis boni Imperatoris.

Cicero pro lege Manilia, circa medium.

1. *Laudatur universè & sigillatim à scientia rei militaris.*
2. *A virtutibus diversis Imperatore summo dignis.*
3. *Ab authoritate, quam apud exterarum gentes obtinuit.*
4. *A felicitate, quâ in maximis bellis semper usus est , statuiturque idcirco ceteris in bello contra Mithridatem præferendus.*

Satis mihi multa verba fecisse videor, quare hoc bellum esset genere ipso necessarium , magnitudine periculosum : restat , ut de imperatore ad id bellum deligendo , ac tantis rebus præficiendo , dicendum esse videatur. Utinam, Quirites, virorum fortium, atque innocentium copiam tantam haberetis, ut hæc vobis deliberatio difficilis esset; quemnam potissimum tantis rebus, ac tanto bello præficiendum putetis. Nunc verò, cum sit unus C. Pompejus qui non modo eorum hominum, qui nunc sunt, gloriam, sed etiam antiquitatis memoriam virtute superarit: quæ res est, quæ cujusquam animum in hac causa dubium facere possit? Ego enim sic existimo, in summo Imperatore quatuor has res inesse oportere, scientiam rei militaris, virtutem, autoritatem, felicitatem. Quis igitur hoc homine scientior unquam, aut fuit, aut esse debuit? qui è ludo atque pueritiæ disciplina, bello maximo, atque acerrimis hostibus, ad patris exercitum, atque in militiæ disciplinam profectus est? qui extrema pueritia miles fuit summi imperatoris, incunte adolescentia maximi ipse exercitus imperator,

tor, qui sæpius cum hoste conflixit, quam quisquam cum inimico concertavit? plura bella gessit, quam cæteri legunt? plures provincias confecit, quam alii concupiverunt? cujus adolescentia ad scientiam rei militaris, non alienis præceptis, sed suis imperiis: non offensionibus belli, sed victoriis, non stipendiis, sed triumphis est traducta? quod denique genus belli esse potest, in quo illum non exercuerit fortuna reipubl. civile, Africanum, Transalpinum, Hispaniense, mistum ex civitatibus, atque ex bellicosissimis nationibus, servile, navale, varia & diversa genera, & bellorum, & hostium, non solum, gesta ab hoc uno, sed etiam confecta, nullam rem esse declarant, in usu militari positam, quæ hujus viri scientiam fugere possit.

2. Jam verò virtuti C. Pompeii quæ potest par oratio inveniri? quid est, quod quisquam aut dignum illo, aut vobis novum, aut cuiquam inauditum possit afferre? Neque enim illæ sunt solæ virtutes imperatoriæ, quæ vulgò existimantur, labor in negotiis, fortitudo in periculis, industria in agendo, celeritas in conficiendo, consilium in providendo: quæ tanta sunt in hoc uno, quanta in omnibus reliquis imperatoribus, quos aut audivimus, aut vidimus, non fuerunt. Testis est Italia, quam ille ipse victor, L. Sylla, hujus virtute & subsidio confessus est liberatam. Testis est Sicilia, quam multis undique cinctam periculis, non terrore belli, sed celeritate consilii, explicavit. Testis est Africa, quæ magnis oppressa hostium copiis, eorum ipsorum sanguine redundavit, testis est Gallia, per quam legionibus nostris in Hispaniam iter, Gallorum internecione patefactum est. Testis est Hispania, quæ sæpissimè plurimos hostes ab hoc superatos prostratosque conspexit, testis est iterum, & sæpius Italia, quæ cum servili bello tetro, periculosoque premeretur, ab hoc auxilium absente expetivit: quod bellum expectatione Pompei attenuatum, atque imminutum est: adventu sublatum, ac sepultum, testes verò jam omnes oræ, atque omnes exteræ gentes, ac nationes: denique maria omnia, tum universa, tum in singulis oris omnes sinus, atque portus. Quis enim toto mari locus per hos annos, aut tam firmum habuit præsidium, ut tutus esset? aut tam fuit abditus ut lateret? Quis navigavit, qui non se aut

tem mortis, aut servitutis periculo committeret, cum aut hieme, aut referto prædonum mari navigaret: Hoc tantum bellum, tam turpe, tam vetus, tam latè divisum, atque dispersum, quis unquam arbitraretur, aut ab omnibus Imperatoribus uno anno, aut omnibus annis ab uno imperatore confici posse? Quam provinciam tenuistis à prædonibus liberam per hosce annos? quod vectigal vobis tutum fuit? quem socium defendistis? cui præsidio, classibus vestris fuistis? quam multas existimatis insulas esse desertas? quàm multas, aut metu relictas, aut à prædonibus captas urbes esse sociorum? tantum bellum, tam diuturnum, tam longe, lateque dispersum, quo bello omnes gentes, ac nationes premebantur, Cn. Pompejus extremâ hieme apparavit, ineunte vere suscepit, media ætate confecit. Est hæc divina, atque incredibilis virtus imperatoris, quid cæteræ, quas paulò ante commemorare coeperam, quantæ atque quam multæ sunt? non enim solum bellandi virtus in summo, atque perfecto imperatore quærenda est: sed multæ sunt artes eximiæ, hujus administræ, commitesq; virtutis. Ac primum quanta innocentia debent esse imperatores! quanta deinde omnibus in rebus temperantia! quanta fide! quanta facilitate! quanto ingenio! quanta humanitate! Quæ breviter, qualia sint in Cn. Pompejo consideremus. Summa enim omnia sunt, Quirites: sed ea magis ex aliorum contentione, quam ipsa per sese cognosci, atque intelligi possunt. Quem enim possumus imperatorem aliquo in numero putare, cujus in exercitu veneant centuriatus, atque venierint? quid hunc hominem magnum, aut amplum de republ. cogitare, qui pecuniam ex arario depromptam, ad bellum administrandum, aut propter cupiditatem provinciæ magistratibus diviserit, aut propter avaritiam Romæ in quæstu reliquerit? Vestra admurmuratio facit, Quirites, ut agnoscere videamini, qui hæc fecerint. Ego autem nomino neminem, quare irasci mihi nemo poterit, nisi qui ante de se voluerit confiteri. Itaque propter hanc avaritiam imperatorum, quantas calamitates, quocunque ventum sit, nostri exercitus ferant, quis ignorat? Itinera, quæ per hosce annos in Italia per agros, atque oppida civium Rom. nostri imperatores

tores fecerunt, recordamini, tum facilius statuetis, quid apud exteras nationes fieri existimetis. Utrum plures arbitramini, per hosce annos, militum vestrorum armis, hostium urbes, an hibernis, sociorum civitates esse deletas? Neque enim potest exercitum is continere imperator, qui se ipsum non continet: neque severus esse in judicando, qui alios in se severos esse iudices non vult. Hic miramur, hunc hominem tantum excellere cæteris, cujus legiones si in Asiam pervenerunt, ut non modò manus tanti exercitus, sed ne vestigium quidem cuiquam peccato nocuisse dicatur? Jam verò, quemadmodum milites hibernent, quotidie sermones, & literæ perferuntur, non modo, ut sumptum faciat in militem, nemini vis affertur: sed ne cupienti quidem cuiquam permittitur. Hiemis enim, non avaritiæ perfugium majores nostri in sociorum, atque amicorum tectis esse voluerunt. Age verò cæteris in rebus quali sit temperantia, considerate. Unde illam tantam celeritatem, & tam incredibilem cursum initum putatis? non enim illum eximia vis remigium, aut ars inaudita quædam gubernandi, aut venti aliqui novi, tam celeriter in ultimas terras pertulerunt: sed hæ res, quæ cæteros remorari solet, non retardarunt: non avaritia ab instituto cursu ad prædam aliquam revocavit, non libido ad voluptatem, non nobilitas urbis ad cognitionem, non denique labor ipse ad quietem. Postremò signa, & tabulas, cæteraque ornamenta Græcorum oppidorum, quæ cæteri tollenda esse arbitrantur, ea sibi ille ne visenda quidem existimavit. Itaque omnes quidem nunc in his locis Cn. Pompejum, sicut aliquem non ex hac urbe missum, sed de cælo delapsum, intuentur: nunc denique incipiunt credere fuisse homines Romanos hac quondam abstinencia: quod jam nationibus exteris incredibile, ac falsò memoriæ proditum videbatur: nunc imperii nostri splendor illis gentibus lucescit: nunc intelligunt, non sine causâ majores suos tum, cum hac temperantia magistratus habebamus, servire populo Rom. quàm imperare aliis maluisse. Jam verò ita faciles aditus ad eum privatorum, ita liberæ querimoniarum de aliorum injuriis esse dicuntur, ut is, qui dignitate principibus excellit, facilitate par infimis esse videatur. Jam quantum consilio, quantum dicendi gravitate, & copia va-

leat, in quo ipso inest quædam dignitas imperatoria, vos, Quirites, hoc ipso in loco sæpe cognoscetis. Fidem verò ejus inter socios quantam existimari putatis, quam hostes omnium gentium sanctissimam esse judicarint? Humanitate jam tanta est, ut difficile dictu sit, utrum hostes magis virtutem ejus pugnantes timuerint, an mansuetudinem victi dilexerint. Et quisquam dubitavit, quin huic tantum bellum hoc transmittendum sit, qui ad omnia nostræ memoriæ bella conficienda, divino quodam consilio natus esse videatur?

3. Et quoniam autoritas multum in bellis quoque administrandis, atque imperio militari valet, certè nemini dubium est, quin eâ in re idem ille imperator plurimum possit. Vehementer autem pertinere ad bella administranda, quid hostes, quid socii imperatoribus vestris existiment, quis ignorat, cum sciamus, homines in tantis rebus, ut aut contemnant, aut metuant, aut oderint, aut ament, opinione non minus famæ, quàm aliqua certa ratione commoveri? Quod igitur nomen unquam in orbe terrarum clarius fuit? cujus res gestæ parès? de quo homine vos, id quod maximè facit auctoritatem, tanta & tam præclarata judicia fecistis? An verò ullam usquam esse oram tam desertam putatis, quò non illius diei fama pervaserit, cum universus populus Roman. referto foro, repletisque omnibus templis, ex quibus hic locus conspici potest, unum sibi ad commune omnium gentium bellum Cn. Pompejum imperatorem deposcit? Itaque ut plura non dicam, neque aliorum exemplis confirmem, quantum hujus autoritas valeat in bello, ab eodem Cn. Pompejo omnium rerum egregiarum exempla sumantur: qui quo die à vobis maritimo bello præpositus est imperator, tanta repentè vilitas annoxæ ex summa inopia, & charitate rei frumentariæ consecuta est, unius spe & nomine, quantam vix ex summa ubertate agrorum diuturna pax efficere potuisset. Jam verò, accepta in Ponto calamitate, ex eo prælio, de quo vos paulò antè invitatus admonui, cum socii pertinuissent, hostium opes, animique crevissent: cum satis firmum præsidium provincia non haberet, amisissetis Asiam Quirites, nisi ipsum id temporis divinitus Cn. Pompejum ad eas regiones

nes fortuna populi Rom. attuliſſet. Huius adventus & Mithridatem inſolita inflammatum victoria continuit, & Tigranem magnis copiis minitantem Aſiæ retardavit. Et quiſquam dubitabit, quid virtute perfecturus ſit, qui tantum auctoritate perfecit? aut quàm facile imperio, atque exercitu ſocios, & veſtigalia conſervaturus ſit, qui ipſo nomine, ac rumore defenderit? Age verò, illa res quantum declarat ejuſdem hominis apud hoſtes populi Rom. auctoritatem, quod ex locis tam longinquis, tamque diverſis, tam brevi tempore omnes unâ huic ſe dediderunt? quod Cretenſium legati, cum in eorum inſula noſter imperator, exercitusque eſſet, ad Cn. Pompejum in ultimas propè terras venerunt, eique ſe omnes Cretenſium civitates dedere velle dixerunt? Quid? idem ipſe Mithridates, nonne ad eundem Cn. Pompejum, legatum uſque in Hiſpaniam miſit: cumque Pompejus legatum ſemper iudicavit: ii, quibus ſemper erat moleſtum, ad eum potiſſimum eſſe miſſum, ſpeculatorem, quam legatum indicare maluerunt? Poſſetis igitur jam conſtituere, Quirites, hanc auctoritatem, multis poſteà rebus geſtis, magnisque veſtris judiciis amplificatam, quantum apud illos reges, quantum apud exterarum nationum valituram eſſe exiſtmetis.

4. Reliquum eſt, ut de felicitate, quam præſtare de ſe ipſo nemo poſſet, meminiffe, & commemorare de altero poſſumus, ſicut æquum eſt homini de poteſtate Deorum timidè, & pauca dicamus. Ego enim ſic exiſtimo: Maximo, Marcello, Scipioni, Mario, & cæteris magnis imperatoribus, non ſolum propter virtutem, ſed etiam propter fortunam, ſæpius imperia mandata, atque exercitus eſſe commiſſos, fuit enim proſectò quibuſdam ſummis viris quædam ad amplitudinem, & gloriam, & ad res magnas benè gerendas divinitus adjuncta fortuna. De huius autem hominis felicitate, quo de nunc agimus, hac utar moderatione dicendi, non ut in illius poteſtate fortunam poſitam eſſe dicam, ſed ut præterita meminiffe, reliqua ſperari videamur, ne aut inviſa aliis immortalibus oratio noſtra, aut ingrata eſſe videatur. Itaque non ſum prædicaturus, Quirites, quantas ille res domi, militiæque terra marique quantaque felicitate geſſerit? ut ejus ſemper voluntatibus, non modò cives aſſenſerint, ſocii

assenserint, socii obtemperarint, hostes obedierint: sed etiam venti, tempestatesque obsecundarint, hoc brevissimè dicam, neminem unquam tam impudentem fuisse, qui à diis immortalibus tot, & tantas res tacitus auderet optare. quot, & quantas dii immortales ad Cn. Pompejum detulerunt, quod ut illi proprium ac perpetuum sit, Quirites, cùm communis salutis, atque imperii, tum ipsius hominis causa (sicuti facitis; velle & optare debetis. Quare cùm bellum ita necessarium sit, ut negligi non possit: ita magnum, ut accuratissimè sit administrandum: & cùm ei imperatorem præficere possitis, in quo sit eximia belli scientia, singularis virtus, clarissima auctoritas, egregia fortuna: dubitabimus, Quirites, quin hoc tantum boni, quod à diis immortalibus oblatum, & datum est, in rempubl. conservandam, atque amplificandam conferatis?

IMITATIO.

Propinqua imitatio harum orationum in cujuslibet magni Regis ac Principis cùm civilibus, tum bellicis virtutibus prædicandis, e. g. Tillii nostra ætate fortissimi militis, vel superioris seculi Alexandri Farnesii, vel etiam Caroli Quinti, adhiberi poterit. Remotior imitatio futura est, e. g. D. Franciscum Xavierium à scientia, virtute, ac felicitate convertendorum animorum, Iaponibus Chinensibusque Apostolum esse præficiendum doceas. Verbo, in omni genere Epidictico hic invenies imitationes dignas, quæ ut lib. I. præceptis quibusdam complexi sumus; ita ex Plinio Secundo, ac Cicerone, laudatissimæ, ac diversi ingenii scriptoribus, placuit hoc loco in exemplis proponere, quæ tutò ac eum laude sequeris.

CAPUT XVIII.

De hominum & scelerum vituperio.

Non minus ad perstringendam improbitatem, atque illa quæ reprehensionem merentur vituperanda, instructus debet esse orator, quàm ornanda quæ laudem merentur. Quanquam verò is qui in uno versatus est encomiasti-

miastico genere ad reprehendendum imparatus esse vix possit, cum contrariorum disciplina sit eadem, & ab uno oppositorum illustretur alterum, tamen quia Ciceronis admirabilis ad perstringendum vis fuit. Hanc palæstræ epidiæ partem, tanquam actum hoc in genere ultimum ex solo Tullio instruere placuit: qui ut priori aliquantò difficilior est; ita etiam futurus erit illustrior, perque omnes inventionum fontes, & nobiliores figurarum habitus, aliquot exemplis diducetur, quæ cum præceptis libri i. erunt componenda.

In his exemplis apparebit, quæ in exornativo genere descriptionum vis sit, ex fonte inventionum primo, quemadmodum ab enumeratione partium, à causis, effectis, adjunctis, hoc est, locis propriis res amplificanda sit, quæ non minus in laudandis aliis, quam reprehendendis servire eloquentiæ studioso poterunt.

Exemplum i.

Descriptio improborum hominum, ac turbata reipubl.

Cicero pro Sextio, in principio orat. i.
ex vol. 3.

1. Cicero furem contra se inducit Clodium Tribunum pleb. Deinde duos graphicè depingit Consules, alterum mollem Gabinum, alterum Severum Pisonem, qui promissis à Clodio Provinciis adversus Ciceronem conjurarunt.

2. Lugentem hoc in casu urbem mutata veste inducit, ventantibus luctum consulibus, quorum leges quoque priscas abrogantium audaciam proponens exagitat.

3. Describit reipubl. pericula, si improbis restitisses, eamque secum conservatam esse contendit.

4. Suam ejectionem è reipubl. cum importuna Consulum depredatione conjungi.

Antequam de Tribunatu P. Sexti incipiam, totum superioris anni reipubl. naufragium exponam. In quo colligendo, ac reficienda salute communi, omnia reperientur P. Sexti dicta, facta, consilia versata. Fuerat ille annus in reipubl. magno metu, & multorum timore, tan-

qu.

quam intentus arcus in me unum, sicut vulgò ignarum re-
rum loquebantur: re quidem vera, in universæ reipubl.
traductione ad plebem furibundi hominis, ac perditæ, mi-
hi irati, sed multò acrius otii, & communis salutis inimi-
ci, hunc vir clarissimus, mihi que, multis repugnantibus,
amicissimus Cn. Pompejus omni cautione, fœdere,
execratione devinxerat, nihil tribunatu contra me esse
facturum, at ille nefarius ex omnium scelerum collu-
vione natus, parum se fœdus violaturum arbitratus, nisi
ipsum cautorem alieni periculi suis propriis periculis
terrisset: hanc tetram immanemque belluam, vincatam
auspiciis, alligatam more majorum, constrictam le-
gum sacratarum catenis, solvit subitò legum vinculis
Consul, vel ut ego arbitror exornatus, vel, ut nonne-
mo putaret, mihi iratus, ignarus quidem certè & im-
pendentium tantorum scelerum ac malorum. Qui
tribunus plebis felix in evertenda reipubl. fuit, nullus
suis nervis, qui enim in ejusmodi vita nervi esse po-
tuerunt, hominis fraternis flagitiis, sororis stupris,
omnia inaudita libidine infamis? sed fuit profectò
quædam illa reipubl. fortuna fatalis, ut ille cœcus atque
amens tribunus plebis nancisceretur, quid dicam Con-
sules? hocce ut ego appellem nomine, eversores
hujus Imperij? proditores vestræ dignitatis? hostes
bonorum omnium? qui ad delendum Senatū, affli-
gendum equestrem ordinem, extinguenda omnia jura,
atque instituta majorum se illis fascibus, cæterisque
insignibus summi honoris atque Imperii ornatos esse
arbitrabantur, quorum, per Deos immortales, si non-
dum scelera vulneraque inusta reipubl. vultis recordari,
vultum, atque incessum animis intueamini, facilius fa-
cta eorum occurrent mentibus vestris, si ora ipsa oculis
proposueritis. Alter unguentis affluens, calamistrata co-
ma, despiciens conscios stuprorum, ac veteres vexatores
ætulæ suæ, puteali & fœneratorum gregibus inflatus,
atque percussus, olim, ne Scyllæo illo æris alieni in freto
ad columnam adhæresceret, in tribunatus portum pro-
fugerat, contemnebat Equites Rom, minitabatur Se-
natui: venditabat se operis, atque ab iis ereptum, ne
de ambitu causam diceret, prædicabat: ab iisdem se,
etiam

etiam invito Senatu, provinciam sperare dicebat: eamque nisi adeptus esset, se incolumem ullo modo fore arbitrabatur alter, ô Dii boni, quam teter incedebat, quam truculentus, quam terribili aspectu. Unum aliquem te ex barbatis illis, exemplum Imperii veteris, imaginem antiquitatis, columen reipubl. diceres tueri. Vestitus asperè, nostra hac purpura plebeja ac penè fusca, capillo ita horrido, ut Capua, in qua ipse tum imaginis formandæ causa, duumviratum gerebat, Sephasiam (a) sublaturus videretur. Nam quid ego de supercilio dicam, quod tum hominibus non supercilium, sed pignus reipubl. videbatur? tanta erat gravitas in oculo, tanta frontis contractio, ut illo supercilio Respublica, tanquam Atlante cælum, niti videretur: erat denique hic omnium sermo. Est tamen reipubl. magnum firmumque subsidium: habeo, quem opponam labi illi, atque cœno: vultu medius fidius collegæ sui libidinem, levitatemque franget, habebit Senatus, in hunc annum quem sequatur: non deerit auctor, & dux bonis, mihi denique homines præcipue gratulabantur, quod habiturus essem contra tribunum plebis furiosum, & audacem cum amicum, & affinem, tum etiam fortem & gravem consulem. Atque eorum alter fefellit neminem, quis enim clavum tanti Imperii, & gubernacula reipubl. tractare in maximo cursu ac fluctibus posse arbitraretur, hominem emersum subito ex diuturnis tenebris lustrorum, ac stuprorum, vino, ganeis, lenociniis, adulteriisque confectum, cum is præter spem in altissimo gradu, alienis opibus positus esset, qui non modò tempestatem intueri impendentem temulentus, sed ne lucem quidem insolitam aspicere posset? alter multos planè in omnes partes fefellit: erat enim hominum opinioni nobilitate ipsa, blanda conciliatricula, commendatus. Omnes semper nobilitati favemus, & quia utile est reipubl. nobiles homines esse dignos majoribus suis, & quia valet apud nos clarum hominum, & bene de reipubl. meritorum memoria etiam mortuorum, quia tristem semper, quia taciturnum, quia subhorridum atque incultum videbant: & quod erat eo

nomine

(a) *Vicus Capue urbis, in quo unguentarii & myropola erant.*

nomine, ut ingenerata familiæ frugalitas videretur: favebant, gaudebant, & ad integritatem majorum spe sua hominem vocabant, materni generis obliti. Ego autem (verè hoc dicam iudices) tantum esse in homine sceleris, audaciæ, crudelitatis, quantum ipse cum republ. sensi, nunquam putavi: nequam esse hominem, & levem, & falsa opinione, errore hominum, ab adolescentia commendatum sciebam, etenim animus ejus vultu, flagitia parietibus tegebantur. Sed hæc obstructio nec diuturna est, nec obducta ita, ut curiosis oculis perspicere non possit: Videbamus genus vitæ, desidiam, inertiam: inclusas ejus libidines, qui paulò propius accesserant, intuebantur. Denique etiam sermonis ansas dabat, quibus reconditos ejus sensus tenere possemus. Laudabat homo doctus Philosophos nescio quos: neque eorum tamen nomina poterat dicere: sed eos tamen laudabat maximè, qui dicuntur præter cæteros esse auctores, & laudatores voluptatis: cujus, & quo tempore, & quo modo, non quærebat: verbum ipsum omnibus modis animi, & corporis devorabat: eosdemque præclare dicere ajebat, sapientes omnia sua causa facere: republ. capeffere hominem benè sanum non oportere, nihil esse præstabilius otiosa vita, & plena, & conferta voluptatibus. Eos autem, qui dicerent dignitati esse serviendum, republ. consulendum, officii rationem in omni vita, non commodi esse ducendam, subeunda pro patria pericula, vulnera excipienda, mortem oppetendam, vaticinari atque insanire dicebat. Ex his assiduis ejus quotidianisque sermonibus, & quod videbam, quibus cum hominibus in interiore ædium parte viveret, & quòd ita domus ipsa fumabat, ut multa ejus sermonis indicia redoleret, statuebam sic, boni nihil ab illis nugis exspectandum, mali quidem certè nihil pertimescendum. Sed ita est, iudices: ut, si gladium parvo puero, aut si imbecillo senì, aut debili dede-
ris, ipse impetu suo nemini noceat: sin ad nudum vel fortissimi viri corpus accesserit, possit acie ipsa & ferri viribus vulnerari: ita, cum hominibus enervatis, atque exanguibus consulatus tantus, tanquam gladius esset datus; qui per se pungere neminem unquam potuissent, hi, summi Imperii nomine armati, republ. con-

truci-

trucidaverunt : fedus fecerunt cum tribuno plebis palàm ; ut ab eo provincias acciperent, quas ipsi vellent : exercitum & pecuniam , quantam vellent , eâ lege, si ipsi prius tribuno pleb. afflictam rempublicam tradidissent : id autem fedus meo sanguine ictum sanciri posse dicebant.

2. Quare patefacta (neque enim dissimulari tantum seculus poterat, nec latere) promulgantur eodemque tempore rogationes ab uno tribuno de mea pernicie , & de provinciis Consulum nominatim. Hic tum senatus sollicitus, vos equites excitari, Italia cuncta permota, omnes denique omnium generum , atque ordinum cives summæ reipubl. à Consilibus, atque à summo Imperio petendum esse auxilium arbitrabantur ; cum illi soli essent, præter furiosum illum tribunum, duo reipubl. turbines, qui non modò præcipitanti patriæ non subvenirent, sed etiam nimium tardè concidere mœrerent. Flagitabatur ab his quotidie cum querelis bonorum omnium, tum etiam precibus Senatus, ut meam causam susciperent , agerent aliquid, denique ad Senatum referrent. hic non modò negando, sed etiam irridendo, amplissimum quemque illius ordinis insequiebantur. Hic subito, cum incredibilis in Capitolium multitudo ex tota urbe cunctaque Italia convenisset , vestem mutandam omnes, meque etiam omni ratione privato consilio (quoniam publicis ducibus reipubl. careret) defendendum putarunt. Erat eodem tempore senatus in æde concordiae, quod ipsum templum repræsentabat memoriam consulatus mei , cum flens universus ordo Concinnatum Consulem orabat. Nam alter ille horridus, & severus consultò se domi continebat, qua tum superbia cœnum illud, ac labes, amplissimi ordinis preces, ac clarissimorum civium lacrymas repudiavit ? me ipsum ut contempnit helluo patriæ ? nam quid ego patrimonii, dicam ? quod ille, cum quasi quæstum faceret, amisit. Cum venisset ad Senatum ; vos, vos inquam, Rom. & omnes boni, veste mutata, vos pro meo capite ad pedes lenonis impurissimi projecistis, cum, vestris precibus à latrone illo repudiatis, ut incredibili fide, magnitudine animi, constantia, L. Mummius ad Senatum de Republ. retulit, Senatusque frequens vestem pro mea salute mutandum censuit. O diem illum iudices, funestum Senatui, bonisque omnibus reipubl. luctuosum, mihi ad domesticum moerorem gravem, ad posteritatis me-

moriam gloriosum. Quid enim quisquam potest ex omni
 memoria sumere illustrius, quàm pro uno cive & bonos o-
 mnes privato consensu, & universum Senatum publico con-
 silio mutasse vestem? quæ quidem tum n. utatio non depre-
 cationis causa est facta, sed luctus, quem enim deprecaren-
 tur, cum omnes essent sordidati? cumque hoc satis esset
 signi esse improbum, qui mutata veste non esset. Erat igitur
 in luctu Senatus: squalibat civitas publico consilio mu-
 tata veste: nullum erat Italiæ mancipium, nulla Colonia,
 nulla præfectura, nulla Romæ societas vest galium, nullum
 collegium, aut concilium, quod tunc non honorificentis-
 simè decrevisset de mea salute: cum subito edicunt duo
 consules, ut ad suum vestitum Senatores redirent. Quis
 unquam Consul senatum ipsius decretis potere prohibuit?
 quis Tyrannus miseros lugere vetuit? parumne est Piso (ut
 omittam Gabinium) quòd tantum homines tefellisti, ut ne-
 gligeres auctoritatem Senatus, optimi cuiusque consilia con-
 temneres? reipublicæ proderes? consulare nomen affli-
 geres? etiamne edicere audeas, ne mœrerent homines
 meam, suam, reipublicæ calamitatem? nève hunc suum
 dolorem veste mutata significarent? nam sive illa vestis
 mutatio ad luctum ipsum, sive ad deprecandum valebat,
 quis unquam tam crudelis fuit, qui prohiberet quem-
 quam aut sibi mœrere, aut cæteris supplicare? quid?
 sua sponte homines in amicorum periculis vñstitutum mutare
 non solent? pro reipso Piso nemòne mutavit: ne isti quidem,
 quos legatos, non modò nullo Senatus Consulto, sed etiam
 repugnante Senatu, tute tibi legasti? ergò hominis despe-
 rati, & proditoris reipubl. casum lugebunt fortasse qui vo-
 lent: civis florentissimi benevolentia bonorum, & optimè
 de salute patriæ meriti periculum conjunctum cum periculo
 civitatis lugere Senatui non licebit? iidem consules, (si
 appellandi sunt Consules, quos nemo est, qui non modò ex
 memoria, sed ex fastis evellendos non putet) pacto jam fe-
 dere provinciarum producti in circo Flaminio in concionem
 ab illa furia, ac peste patriæ, maximo cum gemitu vestro,
 omnia, quæ tum contra me, contraque rempublicam dixe-
 rant, voce ac sententia sua comprobaverunt. Iisdem Con-
 sulibus sedentibus, atque inspectantibus lata lex est, ne au-
 spicia valerent, ne quis obnunciaret, ne quis legi intercederet

ut omnibus festis diebus legem ferri liceret, ut lex Ælia, lex Fusia, ne valeret. Qua una rogatione, quis est, qui non intelligat, universam rempublicam esse deletam? iisdem Consulibus inspestantibus, servorum delectus habebantur pro tribunali Aurelio, nomine collegiorum, cum vicatim homines conscriberentur, decuriarentur; ad vim, ad manus, ad cædem, ad direptionem incitarentur. Iisdem Consulibus arma in templum Castoris palam comportabantur: gradus ejusdem templi tollebantur, armati homines forum, & conciones tenebant: cædes, lapidationes fiebant, nullus erat Senatus, nihil reliqui Magistratus: unus omnem omnium potestatem armis, & latrociniis possidebat, non aliqua vi sua, sed cum duos Consules à republica provinciarum federe retraxisset: insultabat, dominabatur, aliis pollicebatur, terrore, ac metu multos, plures etiam spe, & promissis tenebat. Quæ cum essent ejusmodi, judices: cum Senatus duces nullos, ac pro ducibus proditores, aut potius apertos hostes haberet: equester ordo reus à Consulibus citaretur: Italiæ totius auctoritas repudiaretur, alii nominatim relegarentur: alii metu, ac periculo terrentur: arma essent in templis, armati in foro, eaque non silentio consulum dissimularentur, sed & voce, & sententia comprobarentur, cum omnes urbem nondum excisam & eversam, sed jam captam, atque oppressam videremus: tamen his tantis malis tanto bonorum studio restitissimus; sed me alii metus, atque aliæ curæ, suspicionesque moverunt.

3. Forsan nonnemo vir fortis, acris animi magnique dixerit, restitisses, repugnasses, mortem pugnans oppetisses. De quo te, te inquam, patria obrestor, & vos penates patrique Dii, me vestrarum sedium, templorumque causa, me propter salutem meorum civium, quæ mihi semper fuit mea charior vita, dimicationem cædemque fugisse. etiam si mihi in aliqua nave cum meis amicis naviganti hoc judices accidisset, ut multi ex multis locis prædones classibus, eam navem se oppressuros minitarentur, nisi me unum sibi dedissent: si id vectores negarent, ac mecum simul interire, quàm me tradere hostibus mallent: jecissem me ipse potius in profundum, ut cæteros conservarem, quàm illos mei tam cupidus, non modo ad certam mortem, sed in magnum vitæ discrimen adducerem. cum verò in hanc rempublicam, navem,

ereptis Senatui gubernaculis, fluitantem in alto tempestatibus seditionum ac discordiarum, armatae tot classes, nisi ego unus deditus essem, incursum viderentur, cum proscripio, caedes, direptio denunciarentur: cum alii me suspitione periculi sui non defenderent, alii vetere odio bonorum incitarentur, alii inviderent, alii obstare sibi me arbitrantur, alii ulcisci dolorem suum aliquem mallerent, alii rem ipsam publicam atque hunc bonorum statum sciumque odissent, & ob hasce causas tot tamque varias me unum deposcerent: depugnarem potius, cum summo, ne dicam exitio, sed periculo certè vestro, liberorumque vestrorum, quàm non id, quod omnibus impendebat, unus pro omnibus susceperem ac subirem? victi essent improbi: at cives, at ab eo privato, qui sine armis etiam rempubl. Consul conservarat. Sin victi essent boni, qui superessent? non ad servos videtis rem venturam fuisse? an mihi ipsi, ut quidam putant, fuit mors æquo animo oppetenda? quid? tum mortemne fugiebam? an erat res ulla, quam mihi magis optandam putarem? aut ego illas res tantas in tanta improborum multitudine cum gerebam non mihi mores, non exilium ob oculos versabantur? non hæc denique à me tum, tanquam fata, in re ipsa gerenda concinebantur, an erat mihi in tanto luctu meorum tanta disjunctione, tanta acerbitate, tanta spoliatione omnium rerum, quas mihi aut natura, aut fortuna dederat, vita retinenda? tam eram rudis? tam ignarus rerum? tam expertus consilii, aut ingenii? nihil audieram? nihil videram? nihil ipse legendo, quærendoque cognoveram? nesciebam vitæ brevem esse cursum, gloriæ sempiternum? cum esset omnibus definita mors, optandum esset, ut vita quæ necessitati deberetur, patriæ potius donata, quàm reservata naturæ videretur? servavi igitur rempublicam discessu meo, iudices: eadem à vobis liberisque vestris, vastitatem, incendia, rapinas meo dolore luctuque depuli, & unus rempubl. bis servavi, semel gloria, iterum ærumna mea. Neque enim in hoc me hominem esse inficiabor unquam, ut me optimo fratre, carissimis liberis, fidissima conjuge, vestro conspectu, patria, hoc honoris gradu, sine dolore caruisse glorier. Quod si fecissem; quod à me beneficium haberetis, cum pro vobis ea, quæ mihi essent vilia, reliquissem? hoc meo quidem animo, summi in patriam amoris mei signum esse debet certissimum,

num, quòd, cum abesse ab ea non possem sine summo dolore, hunc me perpeti, quam illam labefactari ab improbis, malui. Memineram, iudices, divinum illum virum, atque ex iisdem, quibus nos, radicibus natum ad salutem imperii huius, C. Marium, summâ senectute, cum propè vim iustorum armorum profugisset, primò senile corpus paludibus occultasse demersum, deinde ad infirmorum ac tenuissimorum hominum Minturnis misericordiam confugisse, inde navigio perparvo, cum omnes portus terrasque fugeret, in oras Africæ desertissimas pervenisse. atque ille vitam suam, ne inultus esset, ad incertissimam spem, & ad reipubl. statum reservavit : ego, qui (quemadmodum multi in senatu me absente dixerunt) periculo reipubl. vivebam, quique ob eam causam consularium literis de senatus sententia exteris nationibus commendabar, nonne, si meam vitam deseruissem, rempubl. prodidissem ? in quo quidem nunc, me restituto, vivit mecum simul exemplum reipubl. defendendæ. Quod si immortalis retinetur, quis non intelligit immortalem hanc civitatem futuram.

4. Sed ut revertar ad illud, quod mihi in hac omni est oratione propositum, omnibus malis illo anno scelere consulum rempubl. esse confectam : primùm illo ipso die, qui mihi fuissetus fuit, omnibus bonis luctuosus, cum ego me è complexu patriæ, conspectuque vestro eripuissem, & metu periculi vestri, non mei, fui ori hominis, sceleri, perfidiæ, telis, minisque cessissem : patriamque, quæ mihi erat charissima, propter ipsius patriæ caritatem reliquissem, cum meum illum casum tam horribilem, tam gravem, tam repentinum non solum homines, sed tecta urbis ac templa lugerent : nemo vestrum forum, nemo curiam, nemo lucem aspicere vellet : illo inquam, ipso die, die dico ? in mò hora, atque etiam puncto temporis eodem, quo mihi rei que publicæ perniciës, Gabinio & Pisoni provincia rogata est. Prò Dii immortales, custodes & conservatores huius urbis, atq; imperii ! quænam illa in republ. monstra, quæ scelera vidistis ? civis erat expulsus is, qui rempubl. ex Senatus auctoritate cum omnibus bonis defenderat, & expulsus non alio aliquo, sed eo ipso crimine. Erat autem expulsus sine iudicio, vi, lapidibus, ferro, servitio denique concitato : lex erat lata vastato ac relicto foro, sicariis, servisque tradito, & ea lex, quæ ut ne ferretur,

Senatus fuerat veste mutata. Hæc tanta perturbatione civitatis, ne noctem quidem consules inter meum discrimen & eorum prædam interesse passi sunt: statim me percluso, ad meum sanguinem hauriendum, & spirante etiam republ. ad ejus spolia detrahenda advolaverunt. Omitto gratulationes, epulas, partitionem ærarii: beneficia, si em, promissa, prædam, lætitiâ paucorum in luctu omnium. Vexabatur uxor mea: liberi ad necem quærebantur: gener, & Piso gener, à Pisonis consulis pedibus supplex rejectebatur: bona diripiebantur, eaque ad consules deferrebantur: domus ardebat in palatio: consules epulabantur qui si meis incommodis lætabantur, urbis tamen periculo commoverentur.

I M I T A T I O.

Egregium in Ioanne Chrysostomo Constantinopoli propter Eudoxiam Augustam & sceleratos Episcopos ipsi faventes, in exilium ejecto, ad imitandum exemplum proponitur, ut qui invito populo, & bonis omnibus, ultrò cessit improborum audacia, ne probi secum perirent, magno rursum non re revocatus. In qua historia plurima cum Ciceronis exilio conveniunt.

I I.

*Catiline exilium & conjuratorum scelera enumeratione atque oppositione amplificata,
& perstricta.*

Cicero orat. 2. in Catil.

1. *Catilinam seleratum urbe egressum esse, variâ ejusdem rei amplificatione, gaudet.*
2. *Optat, & hortatur, ut reliqui ex nefaria societate sequantur, recusantibus minatur.*
3. *Catilinam postremò extra urbem cum reliquis conjuratis facile opprimendum ostendit.*

Tandem aliquando, Quirites, L. Catilinam furem audacia, scelus anhelantem, pestem patriæ nefariè molientem, vobis, atque huic orbi ferrum, flammamque minitantem

tem, ex urbe, vel eiecimus, vel emisimus, vel ipsum egredientem urbe, persecuti sumus. Abiit, excessit, evasit, erupit. Nulla jam perniciēs à monstro illo, atque prodigio mœnibus ipsis intra mœnia comparabitur. Atque hunc quidem unum huius belli domesticum ducem sine controversia vicimus, non enim jam inter latera nostra lica illa versabitur: non in campo, non in foro, non in curia, non denique intra domesticos parietes per timeſcemus. Loco ille motus est, cum ex urbe depulſus: palam jam cum hoste, nullo impediēte bellum iustum geremus. Sine dubio perdidimus hominem, magnificeque vicimus, cum illum ex occultis insidiis in apertum latrocinium coniecimus. Quod verò non cruentum mucronem, ut vult, extulit, quòd vivis nobis egressus est, quòd ei ferrum de manibus extorsimus, quòd incolumes cives, quod stantem urbem reliquit: quanto tandem illum mœrore afflētum esse, & profligatum putatis? Jacet ille nunc prostratus, Quiritēs, & se percussum atque abjectum esse sentit, & retorquet oculos profectò sæpè ad hanc urbem: quam ex suis faucibus ereptam esse luget.

z Hunc verò si sui fuerint comites secuti: si ex urbe exierint desperatorum hominum flagitiosi greges, ò nos beatos! ò rempubl. fortunatam! ò præclaram laudem consulatus mei! Non enim jam sunt mediocres hominum libiōines, non humanæ audaciæ, ac tolerandæ, nihil cogitant, nisi cædes, nisi incendia, nisi rapinas: patrimonia sua profuderunt; fortunas suas abligurierunt: res eos jam pridem, fides deficere nuper cœpit: eadem tamen illa, quæ erat in abundantia, libido permanet. Quòd si in vino, & alea commensationes solum, & scorta quærerent: essent illi quidem desperandi, sed tamen essent ferendi. Hoc verò quis ferre possit: merces homines fortissimis viris insidiari, stultissimos prudentissimis, ebriosos sobriis, dormientes vigilantibus? qui accubantes in conviviis, complexi mulieres impudicas, vino languidi, confecti cibo, sertis redimiti, unguentis obliti, debilitati stupris, eructant sermonibus suis cædem honorum, atque urbis incendia. Quibus ego confido impendere fatum aliquod: & pœnas jam diu improbitati, nequitix, sceleris, libidini debitas, aut instare jam planè, aut certè jam appropinquare. Quos si meus consulatus, quoniam

sanare non potest, sustulerit : non breve nescio quod tempus, sed multa secula propagarit reipubl: Nulla est enim ratio, quam pertimescamus : nullus rex, qui bellum populo Rom. inferre possit. omnia sunt externa, unius virtute terra, marique pacata. domesticum bellum manet ? intus insidiæ sunt : intus inclusum periculum est : intus est hostis. cum luxuria nobis, cum amentia, cum scelere cerrandum est. Huic ego me bello ducem profiteor, Quirites, suscipio inimicitias hominum perditorum. Quæ sanari poterunt, quæcunque ratione sanabo : quæ rescanda erunt, non patiar ad perniciem civitatis manere. Proinde, aut exeant, aut quiescant : aut, si in urbe, & in eadem mente permanent : ea, quæ merentur, exspectent.

3. Instruite nunc, Quirites, contra has tam præclaras Catilinæ copias, vestra præsidia, vestrosque exercitus : & primum gladiatori illi confecto & sancio, consules, imperatoresque vestros opponite : deinde contra illam naufragorum ejectam, ac debilitatam manum, florem totius Italiæ, ac robur educite. jam verò urbes Coloniarum, municipiorum respondebunt Catilinæ tumulis silvestribus. Neque verò cæteras opes, ornamenta, præsidia vestra cum illius latronis inopia atque egestate debeo conferre. Sed, si omissis his rebus omnibus, quibus nos superamus, eget ille, senatu, equitibus, populo, Rom. urbe, ærario, vectigalibus, cuncta Italia, provinciis omnibus, exteris nationibus, si inquam. his rebus omissis, ipsas causas, quæ inter se configunt, contendere velimus : ex eo ipso, quam valdè illi jaceant, intelligere possumus. Ex hac enim parte pudor pugnat, illinc petulantia : hinc pudicitia, illinc fraudatio : hinc pietas, illinc scelus : hinc constantia, illinc furor : hinc honestas, illinc turpitudo : hinc continentia, illinc libido : denique æquitas, temperantia, fortitudo, prudentia, virtutes omnes certant cum iniquitate, cum luxuria, cum ignavia, cum temeritate, cum vitiis omnibus : postremò copiarum cum egestate, bona ratio cum perdita, mens sana cum amentia, bona denique spes cum omnium rerum desperatione configit. In hujusmodi certamine ac prælio, nonne, etiam si hominum studia deficient, Dii ipsi immortales cogent ab his præclarissimis virtutibus, tot & tanta vitia superari ? Quæ cum ita sint Quirites, vos, quemadmodum jam antea dixi, vestra recta custoditis, vigiliisque

liisque defendite : mihi, ut urbi sine vestro motu, ac sine ullo tumultu satis esset præsidii, consultum, ac provisum est. Coloni omnes, municipesque vestri, certiores à me facti de hac nocturnâ excursionem Catilinæ, faciliè urbes suas, finesque defendent : gladiatores, quam sibi ille maximam manum, & certissimam fore putavit, quamquam animo meliore sunt, quàm pars patriciorum potestate tamen in vestra continebuntur. Q. Metellus, quem ego prospiciens hoc, in agrum Gallicanum, Picenumque præmissi, aut opprimer hominem, aut omnes ejus motus, conatusque prohibebit, reliquis autem de rebus constituendis, maturandis, agendis, jam ad Senatum referemus, quem vocari videtis. Nunc illos qui in urbe remanserunt, atque adeò qui contra urbis salutem, omniumque vestrum, in urbe à Catilina relictæ sunt, quamquam sunt hostes, tamen quia nati sunt cives, monitos etiam, atque etiam volo. Mea lenitas adhuc sicubi solutior visa est, hoc expectavit, ut id, quod latebat, erumperet. Quod reliquum est, jam non possum oblivisci, meam hanc esse patriam, me horum esse Consulem : mihi aut cum his vivendum, aut pro his esse moriendum. Nullus est portis custos, nullus insidiator viæ : siqui exire volunt, consulere sibi possunt : qui verò in urbe se commoverit, cujus ego non inodò factum, sed inceptum ullum, conatumve contra patriam deprehendero : sentiet in hac urbe esse Consules vigilantes, esse egregios magistratus, esse fortem Senatum, esse arma, esse carcerem : quem vindicem nefariorum, ac manifestorum scelerum majores nostri esse voluerunt. Atque hæc omnia sic agentur, Quirites, ut res maximæ minimo motu, pericula summa nullo tumultu, bellum intestinum, ac domesticum, post hominum memoriam crudelissimum, & maximum, me uno togato duce & imperatore, sedetur. Quod ego sic administro, Quirites, ut, si ullo modo fieri poterit, ne improbus quidem quisquam in hac urbe pœnam sui sceleris sufferat. Sed si vis manifestæ audaciæ, si impendens patriæ periculum me necessariò de hac animi lenitate deduxerint : illud profectò perficiam, quod in tanto & tam insidioso bello vix optandum videtur, ut nequis bonus intereat, paucorum pœnâ vos omnes salvi esse possitis. Quæ quidem ego, neque mea prudentia, neque humanis consiliis fretus polliceor vobis, Quirites, sed multis & non dubiis Deorum immorta-

lium, significationibus : quibus ego ducibus in hanc spem, sententiamque sum ingressus : qui jam non procul, ut quondam solebant, ab extero hoste atque longinquo, sed hic praesentes suo numine, atque auxilio, sua templa, atque urbis tecta defendunt. Quos vos, Quirites, precari, venerari, atque implorare debetis, ut quam pulcherrimam, florentissimam, potentissimamque esse voluerunt, hanc omnibus hostium copiis, terra marique superatis, à perditissimorum civium nefario scelere defendant.

IMITATIO.

Adversari haereticos, vel priscos, vel novitios Catholica Ecclesia exitium molientes. ut, e. g. Anabaptistas hujus aut superioris seculi. qui Monasteriis nefario sartore Leidensi duce exitium penè extremum attulerunt, Episcopo denique illam hominum pestem funditus evertente, similis potest oratio intorqueri.

III.

Quod Piso & Gabinius nihil in Provinciis dignum triumpho egerint, à causis & effectis, cum descriptione hinc nata infamia, & scelerata conscientia poena, mirifice exaggerat.

Vol. 3. or. 6. in Pison. circa medium.

1. *Pisoni exprobrat, quod Macedonia Imperator electus literas ad Senatum, vel nullas dederit, vel ab amicis suppressa sint. Gabinius dederit; sed cum probro fuerint rejecta. Hanc verò tantam poenam (qualis hac infamia est) se negat à Diis exorare pro hostibus ausum fuisse.*

2. *Poenam scelerata conscientia ob male administratas spoliatasque Provincias, inflictas, jure asserit.*

1. *Quis unquam Provinciam cum exercitu obtinuit, qui nullas ad Senatum miserit literas! quis ex Macedonia Consularis,*

sularis, qui quidem incolumis fuerit. quin non triumpharit? Appellatus est hic Vulturius (*Piso*) illius provinciae (si Diis placet) imperator. ne tum quidem, Paule noster, tabulas Romam cum laurea mittere audebas? Misi, inquit. quis unquam recitavit? quis, ut recitarentur, postulavit? nihil enim mea refert, utrum tu conscientia oppressus scelerum tuorum, nihil unquam ausus sis scribere ad eum ordinem, quem despexeras, quem afflixeras, quem deleveras: an amici tui tabulas abdiderint. Atque haud scio, an malim te videri nullo pudore fuisse in literis mittendis, an animos tuos plus habuisse & pudoris & consilii, quam aut te videri prudentiorem fuisse, quam soles; aut tuum factum non esse conderinnatum iudicio amicorum. Quod si non tuis nefariis in hunc ordinem contumeliis in perpetuum tibi curiam praelusisses, quid tandem erat actum, aut gestum in illa provincia, de quo senatum cum gratulatione aliqua scribi abs te oporteret? vexatio Macedoniae? an oppidorum turpis amissio? an sociorum direptio? an agrorum depopulatio? an munitio Thesalonicae? an obsessio militaris viae? an exercitus nostri interitus, ferro, fame, frigore, pestilentia? tu verò, qui ad Senatum nihil scripseris, ut in urbe nequior inventus es, quàm Gabinius, sic in provincia: paulò tamen, quàm ille, demissior: nam ille gurgis, atque belluo, natus abdomini suo, non laudi, atque gloriae, cum equites Róm. in provincia, cum publicanos nobiscum & voluntate & dignitate conjunctos, omnes fortunis, multos famâ, vitæque privasset, cum egisset aliud nihil in illo exercitu, nisi ut urbes depopularetur, agros vastaret, exhauriret domos, ausus est (quid enim ille non auderet?) à senatu supplicationem per litteras postulare. ô Di immortales, tunc etiam, atque adeò vos geminæ voragines, scopulique reipubl. vos meam fortunam deprimitis, vestram extollitis, cum de me Senatus Consulta absente facta sint, ex conciones habitæ, is motus fuerit municipiorum & Coloniarum omnium, ea decreta publicanorum, ea collegiorum, ea denique generum ordinumque omnium, quæ ego non modo optare nunquam auderem, sed cogitare non possem: vos autem sempiternas foedissimæ turpitudinis notas subieritis. An ego, si te & Gabiniû cruci suffixos viderẽ, majorẽ afficerer lætitiâ, ex corporis vestri laceratione,

quam

quàm afficior ex infamia? nullum est supplicium putandum, quo affici casu aliquo, etiam boni fortesque possunt. Atque hoc quidem etiam isti tui dicunt voluptarii Græci: quos utinam ita audires, ut erant audiendi: nunquam te in tot flagitia ingurgitasses. Verum audis in præsepibus, audis in stupris, audis in cibo & vino. Sed dicunt ipsi, qui mala dolore, bona voluptate definiunt, sapientem, etiamsi in Phalaridis tauro inclusus, succensis ignibus torreatur: dicturum tamen, suave illud esse seseque ne tantulum quidem commoveri. tantam virtutis esse vim voluerunt, ut non posset unquam esse vir bonus non beatus. quæ est igitur pœna? quod supplicium? id mea sententia, quod accidere nemini potest, nisi nocenti: suscepta fraus, impedita & oppressa mens, conscientia, bonorum omnium odium, nota iusti Senatus, amissio dignitatis. Nec mihi ille M. Regulus, quem Carthaginenses, resectis palpebris, illigatum in machina vigilando necaverunt, supplicio videtur affectus: nec C. Marius, quem Italia, servata ab illo, demersum in Minturnensium paludibus, Africa, devicta ab eodem, expulsam & naufragum vidit: fortunæ enim ista tela sunt, non culpæ: supplicium autem est pœna peccati. Neque verò equo, si unquam vobis mala precarer, quod sæpe feci, in quo Dii immortales meas preces audierunt: morbum, aut mortem, aut cruciatum præcarer: Thyestea ista execratio est Poëtæ, vulgi animos, non sapientum moventis: *ut tu naufragio expulsus uspiam saxis fixus asperis, evisceratus latere penderes* (ut ait ille) *saxa spargens tabo, sanie, & sanguine atro.* Non ferrem omninò molestè, si ita accidisset; sed id tamen esset humanum. M. Marcellus, qui ter Consul fuit, summâ virtute, pietate, gloriâ militari, periit in mari, qui tamen, ob virtutem, gloriâ & laude vivit. In fortuna quadam est illa mors, non in pœna putanda. Quæ est igitur pœna? quod supplicium? quæ saxa? quæ cruces? ecce duos duces in provinciis pop. Rom. habere exercitus, appellari imperatores: horum alterum sic fuisse infirmatum conscientia scelerum & fraudum suarum, ut ex ea provincia, quæ fuerit ex omnibus una maximè triumphalis, nullas sit ad Senatum literas mittere ausus. ex qua provincia modo omni dignitate ornatus, L. Torquatus magnis rebus gestis me referente, absens imperator sit appellatus, unde his

paucis

paucis annis. Cn. Dolabellæ, C. Curionis, M. Luculli justissimos triumphos vidimus, ex ea, te imperatore, nuncius ad Senatū allatus est nullus, ab altero allatæ literæ, recitatæ, relatum ad Senatum. Dii immortales, id ne ego optarem, ut inimicus meus ea, quæ nemo unquam, ignominia notaretur? ut Senatus is, qui in eam benignitatis consuetudinem venit, ut eos qui bene rempubl. gesserint: novis honoribus afficiat, & numero dierum, & genere verborum: hujus unius literis nunciantibus non crederet, postulantibus denegaret? His ego rebus pascor, his delector, his perfruor: quod de vobis hic ordo opinatur non secus, ac terribilissimis hostibus: quod vos equites Romæ, quod cæteri ordines, quod cuncta civitas odit: quod nemo bonus, nemo denique civis est, qui modo se civem esse meminerit; qui vos non oculis fugiat, auribus respuat, animo aspernetur, recordatione denique ipsa consularis vestri perhorrescat. Hæc ego semper de vobis expetivi, hæc optavi, hæc precatus sum: plura etiam acciderunt, quam vellem, nam ut amitteretis exercitum, nunquam me hercule opravi.

2. Illud etiam accidit præter optatum meum, sed valde ex voluntate: mihi enim non venerat in mentem, furorē & insaniam optare vobis, in quam incidistis, atqui fuit optandum: me tamen suggerat Deorum immortalium has esse in impios & consceleratos poenas certissimas constitutas. Nolite enim putare P. C. ut in scena videris, homines consceleratos impulsu Deorum terri furiarum cædis ardentibus: sua quemque fraus, suum facinus, suum scelus, sua audacia de sanitate, ac mente deturbat: hæc sunt impiorum furia, hæc flammæ, hæc faces. Ego te non vecordem, non furiosum, non mente captum, non tragico illo Oreste, aut Athamante dementiorem putem, qui sis ausus primum facere (nam id est caput) deinde paulo ante, Torquato gravissimo & sanctissimo viro, premente confiteri, te provinciam Macedoniam, in quam tantum exercitum transportasses, sine ullo milite reliquisse? mitte de amissa parte exercitus. Sit hoc infelicitatis tuæ: dimittendi verò exercitus, quam potes auferre causam? quam potestatem habuisti? quam legem? quod S. consultum? quod jus? quod exemplum? quid est aliud furere, nisi non cognoscere homines, non cognoscere leges, non Senatū, non civitatem? Cruentare corpus suum? major est

arbitris remoto loco. Hic dies æstivos sexaginta Prætor populi Rom. custos defensorque Provinciæ sic vixit, ut muliebria quotidie convivia essent, vir accumberet nemo præter ipsum, & prætextatum filium. tametsi rectè sine exceptione dixerim, virum, cum isti essent, neminem fuisse.

Erat Nice facie eximia, ut prædicatur, uxor Clemenis Syracusani. quam ut animo soluto liberoque secum haberet, rem excogitat singularem. Classi populi Rom. Cleomenem Syracusis præesse jubet, atque imperare. Hoc eò facit, ut ille non solum abesset à domo tum, cum navigaret, sed etiam libenter, cum magno honore beneficioque, abesset. Quid hic primum, aut accusem, aut quærar judices? Siculone homini legati, quæstoris, prætoris denique potestatem, honorem, auctoritatem dari? Si te impediēbat illa conviviorum mulierumque occupatio: ubi quæstores? ubi legati? ubi præfecti, & tribuni tui? si civis Rom. dignus isto negotio nemo fuit? quid civitates, quæ in amicitia fideque populi Rom. perpetuò manserant? ubi Segestana, ubi Centuripina civitas? quæ tum officiis, fide, vetustate, tum etiam cognatione populi Rom. nomen attingunt. O Dii immortales, quid si harum ipsarum civitatum militibus, navibus, navarchis Syracusanus Cleomenes jussus est imperare? non omnis honos ab isto dignitatis, æquitatis, officii sublatus est? Ecquod in Sicilia bellum gessimus, quin Centuripinis fociis, Syracusanis hostibus, uteremur? atque hæc omnia ad memoriam vetustatis, non ad contumeliam civitatis referri volo.

Itaque ille vir clarissimus, summusque Imperator M. Marcellus, cujus virtute captæ, misericordia conservatæ sunt Syracusæ, habitare in ea parte urbis quæ insula est, Syracusanum neminem voluit: est enim locus, quem vel pauci possunt defendere. Committere igitur cum non fidelissimis hominibus noluit. Simul quod ab illa parte urbis navibus aditus ex alto est. Quamobrem qui nostros exercitus sæpe excluderant, eis claustra loci committenda non existimavit. Vide quid intersit, inter tuam libidinem, majorumque auctoritatem: inter amorem furoremque tuum, & illorum consilium atque prudentiam. Illi aditum literis Syracusanis ademerunt; tu maritimum imperium concessisti. illi habitare in eo loco Syracusanum, quo naves accedere possent, nolue-

noluerunt; tu classi & navibus Syracusanum præesse voluisti: quibus illi urbis partem ademerunt; iis tu nostri imperii partem dedisti: & quorum sociorum opera Syracusani nobis dicto audientes sunt, eos Syracusanis dicto esse audientes iussisti.

1. Egreditur Centuripina quadriremi Cleomenes & portu, sequitur Segestana navis, Tyndaritana, Herbitensis, Heraclienfis, Apolloniensis, Haluntina, præclara classis in speciem; sed inops, & infirma propter dimissionem propugnatorum atque remigum. Tandiu in imperio suo classem iste prætor diligens vidit, quamdiu convivium ejus flagitiosissimum prætervecta est. Ipse autem qui visus multis diebus non esset, tum se tamen in conspectu nautis paulisper dedit. Stetit Soleatus prætor populi Rom. cum pallio purpureo, tunicaque talari, muliercula nixus in litore. Jam hoc ipso istum vestitu Siculi, civesque Rom. permulti sæpe viderunt. Posteaquam paulò provecta est classis, & Pachynum quinto denique die appulsa est, nautæ fame coacti, radices palmarum agrestium colligebant, & his miseri perditique alebantur. Cleomenes autem qui alterum se Verrem, cum luxuria atque nequitia, tum etiam imperio putaret, similiter totos dies, in litore tabernaculo posito, perporabat. Ecce autem repente ebrio Cleomene, esurientibus cæteris, nuntiatur piratarum naves esse in portu Edissæ. nam ita is locus nominatur. nostra autem classis erat in portu Pachyni. Princeps Cleomenes in quadriremi Centuripina, malum erigi, vela fieri, præcidi anchoras imperavit, & simul, ut se cæteri sequerentur, signum dari jussit. Erat animus in reliquis, quanquam erant pauci, quoquo modo se res habebat, pugnare tamen se velle clamabant, & quod reliquum vitæ viriumque famæ fecerat, id ferro potissimum reddere volebant; sed inopes relictæ à Duce præfectoque classis eundem necessitudinem cursum tenere coeperunt Pelorum versus, ut ipse Cleomenes, ita cæteri navigabant, neque istac tamen tam prædonum fugiebant impetum, quam imperatorem sequebantur. cum ut quisque in fuga postremus, ita in periculo princeps erat. Postremam enim quamque navem piratæ

arbitris remoto loco. Hic dies æstivos sexaginta Prætor populi Rom. custos defensorque Provinciæ sic vixit, ut muliebria quotidie convivia essent, vir accumberet nemo præter ipsum, & prætextatum filium. tametsi rectè sine exceptione dixerim, virum, cum isti essent, neminem fuisse.

Erat Nice facie eximia, ut prædicatur, uxor Clemenis Syracusani. quam ut animo soluto liberoque secum haberet, rem excogitat singularem. Classi populi Rom. Cleomenem Syracusis præesse jubet, atque imperare. Hoc eò facit, ut ille non solum abesset à domo tum, cum navigaret, sed etiam libenter, cum magno honore beneficioque, abesset. Quid hic primum, aut accusem, aut quærar judices? Siculone homini legati, quæstoris, prætoris denique potestatem, honorem, autoritatem dari? Si te impediēbat illa conviviorum mulierumque occupatio: ubi quæstores? ubi legati? ubi præfecti, & tribuni tui? si civis Rom. dignus isto negotio nemo fuit? quid civitates, quæ in amicitia fideque populi Rom. perpetuò manserant? ubi Segestana, ubi Centuripina civitas? quæ tum officiis, fide, vetustate, tum etiam cognatione populi Rom. nomen attingunt. O Dii immortales, quid si harum ipsarum civitatum militibus, navibus, navarchis Syracusanus Cleomenes jussus est imperare? non omnis honos ab isto dignitatis, æquitatis, officii sublatus est? Ecquod in Sicilia bellum gessimus, quin Centuripinis sociis, Syracusanis hostibus, uteremur? atque hæc omnia ad memoriam vetustatis, non ad contumeliam civitatis referri volo.

Itaque ille vir clarissimus, summusque Imperator M. Marcellus, cujus virtute captæ, misericordia conservatæ sunt Syracusæ, habitare in ea parte urbis quæ insula est, Syracusanum neminem voluit: est enim locus, quem vel pauci possunt defendere. Committere igitur cum non fidelissimis hominibus noluit. Simul quod ab illa parte urbis navibus aditus ex alto est. Quamobrem qui nostros exercitus sæpe excluderant, eis claustra loci committenda non existimavit. Vide quid intersit, inter tuam libidinem, majorumque autoritatem: inter amorem furoremque tuum, & illorum consilium atque prudentiam. Illi aditum literis Syracusanis ademerunt; tu maritimum imperium concessisti. illi habitare in eo loco Syracusanum, quo naves accedere possent,

nolue-

noluerunt; tu classi & navibus Syracusanum præesse voluisti: quibus illi urbis partem ademerunt; iis tu nostri imperii partem dedisti: & quorum sociorum opera Syracusani nobis dicto audientes sunt, eos Syracusanis dicto esse audientes iussisti.

2. Egreditur Centuripina quadriremi Cleomenes è portu, sequitur Segestana navis, Tyndaritana, Herbitensis, Heracliensis, Apolloniensis, Haluntina, præclara classis in speciem; sed inops, & infirma propter dimissionem propugnatorum atque remigum. Tamdiu in imperio suo classem iste prætor diligens vidit, quamdiu convivium ejus flagitiosissimum prætervecta est. Ipse autem qui visus multis diebus non esset, tum se tamen in conspectu nautis paulisper dedit. Stetit Soleatus prætor populi Rom. cum pallio purpureo, tunicaque talari, muliercula nixus in litore. Jam hoc ipso istum vestitu Siculi, civesque Rom. permulti sæpe viderunt. Posteaquam paulò provecta est classis, & Pachynum quinto denique die appulsa est, nautæ fame coacti, radices palmarum agrestium colligebant, & his miseri perditique alebantur. Cleomenes autem qui alterum se Verrem, cum luxuria atque nequitia, tum etiam imperio putaret, similiter totos dies, in litore tabernaculo posito, perpotabat. Ecce autem repente ebrio Cleomene, esurientibus cæteris, nuntiatur piratarum naves esse in portu Edissæ. nam ita is locus nominatur. nostra autem classis erat in portu Pachyni. Princeps Cleomenes in quadriremi Centuripina, malum erigi, vela fieri, præcidi anchoras imperavit, & simul, ut se cæteri sequerentur, signum dari jussit. Erat animus in reliquis, quanquam erant pauci, quoquo modo se res habebat, pugnare tamen se velle clamabant, & quod reliquum vitæ viriumque famæ fecerat, id ferro potissimum reddere volebant; sed inopes relictæ à Duce præfectoque classis eundem necessarîo cursum tenere cœperunt Pelorum versus, ut ipse Cleomenes, ita cæteri navigabant, neque istac tamen tam prædonum fugiebant impetum, quam imperatorem sequebantur. tum ut quisque in fuga postremus, ita in periculo princeps erat. Postremam enim quamque navem piratæ

arbitris remoto loco. Hic dies æstivos sexaginta Prætor populi Rom. custos defensorque Provinciæ sic vixit, ut muliebria quotidie convivia essent, vir accumberet nemo præter ipsum, & prætextatum filium. tametsi rectè sine exceptione dixerim, virum, cum isti essent, neminem fuisse.

Erat Nice facie eximia, ut prædicatur, uxor Clemenis Syracusani. quam ut animo soluto liberoque secum haberet, rem excogitat singularem. Classi populi Rom. Cleomenem Syracusis præesse jubet, atque imperare. Hoc eò facit, ut ille non solum abesset à domo tum, cum navigaret, sed etiam libenter, cum magno honore beneficioque, abesset. Quid hic primum, aut accusem, aut quærar judices? Siculone homini legati, quæstoris, prætoris denique potestatem, honorem, auctoritatem dari? Si te impediēbat illa conviviorum mulierumque occupatio: ubi quæstores? ubi legati? ubi præfecti, & tribuni tui? si civis Rom. dignus isto negotio nemo fuit? quid civitates, quæ in amicitia fideque populi Rom. perpetuò manserant? ubi Segestana, ubi Centuripina civitas? quæ tum officiis, fide, verustate, tum etiam cognatione populi Rom. nomen attingunt. O Dii immortales, quid si harum ipsarum civitatum militibus, navibus, navarchis Syracusanus Cleomenes jussus est imperare? non omnis honos ab isto dignitatis, æquitatis, officii sublatus est? Ecquod in Sicilia bellum gessimus, quin Centuripinis sociis, Syracusanis hostibus, uteremur? atque hæc omnia ad memoriam verustatis, non ad contumeliam civitatis referri volo.

Itaque ille vir clarissimus, summusque Imperator M. Marcellus, cujus virtute captæ, misericordia conservatæ sunt Syracusæ, habitare in ea parte urbis quæ insula est, Syracusanum neminem voluit: est enim locus, quem vel pauci possunt defendere. Committere igitur cum non fidelissimis hominibus noluit. Simul quod ab illa parte urbis navibus aditus ex alto est. Quamobrem qui nostros exercitus sæpe excluderant, eis claustra loci committenda non existimavit. Vide quid intersit, inter tuam libidinem, majorumque auctoritatem: inter amorem furoremque tuum, & illorum consilium atque prudentiam. Illi aditum literis Syracusanis ademerunt; tu maritimum imperium concessisti. illi habitare in eo loco Syracusanum, quo naves accedere possent, nolue-

noluerunt; tu classi & navibus Syracusanum præesse voluisti: quibus illi urbis partem ademerunt; iis tu nostri imperii partem dedisti: & quorum sociorum opera Syracusani nobis dicto audientes sunt, eos Syracusanis dicto esse audientes iussisti.

1. Egreditur Centuripina quadriremi Cleomenes ex portu, sequitur Segestana navis, Tyndaritana, Herbitensis, Heraclienfis, Apollonienfis, Haluntina, præclara classis in speciem; sed inops, & infirma propter dimissionem propugnatorum atque remigum. Tamdiu in imperio suo classem iste prætor diligens vidit, quamdiu convivium ejus flagitiosissimum prætervecta est. Ipse autem qui visus multis diebus non esset, tum se tamen in conspectu nautis paulisper dedit. Stetit Soleatus prætor populi Rom. cum pallio purpureo, tunicaque talari, muliercula nixus in litore. Jam hoc ipso istum vestitu Siculi, civesque Rom. permulti sæpe viderunt. Posteaquam paulò provecta est classis, & Pachynum quinto denique die appulsa est, nautæ fame coacti, radices palmarum agrestium colligebant, & his miseri perditique alebantur. Cleomenes autem qui alterum se Verrem, cum luxuria atque nequitia, tum etiam imperio putaret, similiter totos dies, in litore tabernaculo posito, perpotabat. Ecce autem repente ebrio Cleomene, esurientibus cæteris, nuntiatur piratarum naves esse in portu Edissæ. nam ita is locus nominatur. nostra autem classis erat in portu Pachyni. Princeps Cleomenes in quadriremi Centuripina, malum erigi, vela fieri, præcidi anchoras imperavit, & simul, ut se cæteri sequerentur, signum dari jussit. Erat animus in reliquis, quanquam erant pauci, quoquo modo se res habebat, pugnare tamen se velle clamabant, & quod reliquum vitæ viriumque famæ fecerat, id ferro potissimum reddere volebant; sed inopes relictæ à Duce præfectoque classis eundem necessariò cursum tenere cœperunt Pelorum versus, ut ipse Cleomenes, ita cæteri navigabant, neque istac tamen tam prædonum fugiebant imperium, quàm imperatorem sequerentur, tum ut quisque in fuga postremus, ita in periculo princeps erat. Postremam enim quamque navem piratæ

arbitris remoto loco. Hic dies æstivos sexaginta Prætor populi Rom. custos defensorque Provinciæ sic vixit, ut muliebria quotidie convivia essent, vir accumberet nemo præter ipsum, & prætextatum filium. tametsi rectè sine exceptione dixerim, virum, cum isti essent, neminem fuisse.

Erat Nice facie eximia, ut prædicatur, uxor Clemenis Syracusani. quam ut animo soluto liberoque secum haberet, rem excogitat singularem. Classi populi Rom. Cleomenem Syracusis præesse jubet, atque imperare. Hoc eò facit, ut ille non solum abesset à domo tum, cum navigaret, sed etiam libenter, cum magno honore beneficioque, abesset. Quid hic primum, aut accusem, aut quærar judices? Siculone homini legati, quæstoris, prætoris denique potestatem, honorem, autoritatem dari? Si te impediēbat illa conviviorum mulierumque occupatio: ubi quæstores? ubi legati? ubi præfecti, & tribuni tui? si civis Rom. dignus isto negotio nemo fuit? quid civitates, quæ in amicitia fideque populi Rom. perpetuò manserant? ubi Segestana, ubi Centuripina civitas? quæ tum officiis, fide, vetustate, tum etiam cognatione populi Rom. nomen attingunt. O Dii immortales, quid si harum ipsarum civitatum militibus, navibus, navarchis Syracusanus Cleomenes jussus est imperare? non omnis honos ab isto dignitatis, æquitatis, officii sublatu est? Ecquod in Sicilia bellum gessimus, quin Centuripinis focis, Syracusanis hostibus, uteremur? atque hæc omnia ad memoriam vetustatis, non ad contumeliam civitatis referri volo.

Itaque ille vir clarissimus, summusque Imperator M. Marcellus, cujus virtute captæ, misericordia conservatæ sunt Syracusæ, habitare in ea parte urbis quæ insula est, Syracusanum neminem voluit: est enim locus, quem vel pauci possunt defendere. Committere igitur cum non fidelissimis hominibus noluit. Simul quod ab illa parte urbis navibus aditus ex alto est. Quamobrem qui nostros exercitus sæpe excluderant, eis claustra loci committenda non existimavit. Vide quid intersit, inter tuam libidinem, majorumque autoritatem: inter amorem furoremque tuum, & illorum consilium atque prudentiam. Illi aditum literis Syracusanis ademerunt; tu maritimum imperium concessisti. illi habitare in eo loco Syracusanum, quo naves accedere possent, nolue-

noluerunt; tu classi & navibus Syracusanum præesse voluisti: quibus illi urbis partem ademerunt: iis tu nostri imperii partem dedisti: & quorum sociorum opera Syracusani nobis dicto audientes sunt, eos Syracusanis dicto esse audientes iussisti.

2. Egreditur Centuripina quadriremi Cleomenes ex portu, sequitur Segestana navis, Tyndaritana, Herbitensis, Heraclienfis, Apolloniensis, Haluntina, præclara classis in speciem; sed inops, & infirma propter dimissionem propugnatorum atque remigum. Tamdiu in imperio suo classem iste prætor diligens vidit, quamdiu convivium ejus flagitiosissimum prætervecta est. Ipse autem qui visus multis diebus non esset, tum se tamen in conspectu nautis paulisper dedit. Sterit Soleatus prætor populi Rom. cum pallio purpureo, tunicaque talari, muliercula nixus in litore. Jam hoc ipso istum vestitu Siculi, civesque Rom. permulti sæpe viderunt. Posteaquam paulò provecta est classis, & Pachynum quinto denique die appulsa est, nautæ fame coacti, radices palmarum agrestium colligebant, & his miseri perditique alebantur. Cleomenes autem qui alterum se Verrem, cum luxuria atque nequitia, tum etiam imperio putaret, similiter totos dies, in litore tabernaculo posito, perportabat. Ecce autem repente ebrio Cleomene, esurientibus cæteris, nuntiatur piratarum naves esse in portu Edissæ. nam ita is locus nominatur. nostra autem classis erat in portu Pachyni. Princeps Cleomenes in quadriremi Centuripina, malum erigi, vela fieri, præcidi anchoras imperavit, & simul, ut se cæteri sequerentur, signum dari jussit. Erat animus in reliquis, quanquam erant pauci, quoquo modo se res habebat, pugnare tamen se velle clamabant, & quod reliquum vitæ viriumque famæ fecerat, id ferro potissimum reddere volebant; sed inopes relictæ à Duce præfectoque classis eundem necessariò cursum tenere cœperunt Pelorum versus, ut ipse Cleomenes, ita cæteri navigabant, neque istac tamen tam prædonum fugiebant impetum, quam imperatorem sequebantur. tum ut quisque in fuga postremus, ita in periculo princeps erat. Postremam enim quamque navem piratæ

quàm afficior ex infamia? nullum est supplicium putandum quo affici casu aliquo, etiam boni fortesque possunt. Atque hoc quidem etiam isti tui dicunt voluptarii Græci: quos utinam ita audires, ut erant audiendi: nunquam te in tot flagitia ingurgitasses. Verum audis in præsepibus, audis in stupris, audis in cibo & vino. Sed dicunt ipsi, qui mala dolore, bona voluptate definiunt, sapientem, etiamsi in Phalaridis tauro inclusus, succensis ignibus torreatur: dicturum tamen, suave illud esse seseque ne tantulum quidem commoveri. tantam virtutis esse vim voluerunt, ut non posset unquam esse vir bonus non beatus. quæ est igitur pœna? quod supplicium? id mea sententia, quod accidere nemini potest, nisi nocenti: suscepta fraus, impedita & oppressa mens, conscientia, bonorum omnium odium, nota iusti Senatus, amissio dignitatis. Nec mihi ille M. Regulus, quem Carthaginenses, resectis palpebris, illigatum in machina vigilando necaverunt, supplicio videtur affectus: nec C. Marius, quem Italia, servata ab illo, demersum in Minturnensium paludibus, Africa, devicta ab eodem, expulsus & naufragus vidit: fortunæ enim ista tela sunt, non culpæ: supplicium autem est pœna peccati. Neque verò equo, si unquam vobis mala precarer, quod sæpe feci, in quo Dii immortales meas preces audierunt: morbum, aut mortem, aut cruciatum præcarer: Thyestea ista execratio est Poëtæ, vulgi animos, non sapientum moventis: *ut tu naufragio expulsus uspiam saxis fixus asperis, evisceratus latere penderes* (ut ait ille) *saxa spargens tabo, sanie, & sanguine atro.* Non ferrem omninò molestè, si ita accidisset; sed id tamen esset humanum. M. Marcellus, qui ter Consul fuit, summâ virtute, pietate, gloriâ militari, periit in mari, qui tamen, ob virtutem, gloriâ & laude vivit. In fortuna quadam est illa mors, non in pœna putanda. Quæ est igitur pœna? quod supplicium? quæ saxa? quæ cruces? ecce duos duces in provinciis pop. Rom. habere exercitus, appellari imperatores: horum alterum sic fuisse infirmatum conscientia scelerum & fraudum suarum, ut ex ea provincia, quæ fuerit ex omnibus una maximè triumphalis, nullas sit ad Senatum literas mittere ausus. ex qua provincia modo omni dignitate ornatusissimus, L. Torquatus magnis rebus gestis me referente, absens imperator sit appellatus, unde his

pancis

paucis annis. Cn. Dolabellæ, C. Curionis, M. Luculli justissimos triumphos vidimus, ex ea, te imperatore, nuncius ad Senatū allatus est nullus, ab altero allatæ literæ, recitatæ, relatum ad Senatum. Dii immortales, id ne ego optarem, ut inimicus meus ea, quâ nemo unquam, ignominiam notaretur? ut Senatus is, qui in eam benignitatis consuetudinem venit, ut eos qui bene rempubl. gesserint: novis honoribus afficiat, & numero dierum, & genere verborum: hujus unius literis nunciantibus non crederet, postulantibus denegaret? His ego rebus pascor, his delector, his perfruor: quod de vobis hic ordo opinatur non secus, ac terribilissimis hostibus: quod vos equites Romæ, quod cæteri ordines, quod cuncta civitas odit: quod nemo bonus, nemo denique civis est, qui modò se civem esse meminerit; qui vos non oculis fugiat, auribus respuat, animo aspernetur, recordatione denique ipsa consularis vestri perhorrescat. Hæc ego semper de vobis expectavi, hæc optavi, hæc precatus sum: plura etiam acciderunt, quam vellem, nam ut amitteretis exercitum, nunquam me hercule optavi.

2. Illud etiam accidit præter optatum meum, sed valde ex voluntate: mihi enim non venerat in mentem, furorem & insaniam optare vobis, in quam incidistis, atqui fuit optandum: me tamen fugerat Deorum immortalium has esse in impios & consceleratos poenas certissimas constitutas. Nolite enim putare P. C. ut in scena videtis, homines consceleratos impulsu Deorum terri furiarum tædis ardentibus: sua quemque fraus, suum facinus, suum scelus, sua audacia de sanitate, ac mente deturbat: hæc sunt impiorum furia, hæc flammæ, hæc faces. Ego te non vecordem, non furiosum, non mente captum, non tragico illo Oreste, aut Athamante dementiorem putem, qui sis ausus primum facere (nam id est caput) deinde paulò antè, Torquato gravissimo & sanctissimo viro, premente confiteri, te provinciam Macedoniam, in quam tantum exercitum transportasses, sine ullo milite reliquisse? mitte de amissa parte exercitus. Sit hoc infelicitatis tuæ: dimittendi verò exercitus, quam potes auferre causam? quam potestatem habuisti? quam legem? quod S. consultum? quod jus? quod exemplum? quid est aliud furere, nisi non cognoscere homines, non cognoscere leges, non Senatū, non civitatem? Cruentare corpus suum? major est

est hæc vitæ, famæ, salutis suæ vulneratio. Si familiam tuam dimisisses, quod ad neminem nisi ad ipsum te, pertineret, amici te tui constringendum putarent: præsidium tu pop. Rom. custodiam provinciæ, injussu populi Senatusque dimisisses, si tuæ mentis compos fuisset? Ecce tibi alter effusa jam maximâ prædiâ, quam ex fortunis publicanorum ex agris urbibusque sociorum exhauferat, cum partim ejus prædas profundæ libidines devorassent, partim nova quædam & inaudita luxuries, partim etiam in illis locis, ut omnia diripuit, emptiones, partim permutationes ad hunc Tivulianum montem extruendum. Cum jam egeret, cum illa ejus immensa & intolerabilis ædificatio constitisset: se ipsum, fasces suos: exercitum populi Rom. numen interdictumque Deorum immortalium, responsa sacerdotum, auctoritatem Senatus, jussa populi, nomen ac dignitatem imperii, regi Ægyptio vendidit. Cum fines provinciæ tantos haberet, quantos voluerat, quantos mei capitis precio periculoque emerat, his se tenere non potuit, exercitum eduxit ex Syria. qui licuit extra provinciam? tribuit se mercenarium comitem Regi Alexandrino. quid hoc turpius? in Ægyptum venit, signa contulit cum Alexandrinis. quando hoc bellum, aut hic ordo, aut populus susceperat? cepit Alexandrinam. quid aliud exspectamus à furore ejus, nisi ut ad Senatum tantis de rebus gestis literas mittat? Hic si mentis esset suæ, nisi poenas patriæ, Diisque immortalibus eas, quæ gravissimæ sunt, furore atque insania pendere, ausus esset (mitto exire de provincia) educere exercitum, bellum sua sponte gerere, in regnum injussu populi aut Senatus accedere? quæ cum plurimæ leges veteres, tum lex Cornelia maiestatis, Julia de pecuniis repetundis, planissimæ vetant.

IMITATIO.

Imitaberis si cui vis homini scelerato tum ex infamia, tum ex conscientia propria, satis gravem infligi scelerum poenam asseras. Ita Iuda in Christum, Neronis in Matrem, Maximini in Catharinam, aliorumque scelestia facinora perstringes.

I V.

Descriptio libidinis & crudelitatis Verrina, in uno facinore; per adjuncta, & Patheticas expositiones diducto.

Cicero actione V. in Verrem ante medium,

1. Verres luxui luxuriaque deditus Cleomenem Syracusanum classi praeficit.
2. Classis malè instructa, à milite & commentu, à Piratis capitur, aut incenditur.
3. Syracusanis ad hunc nuntium concurrentibus, Verres periclitatur de vita.
4. Pirata ipsum Urbis portum intra Syracusas penetrare ausi sunt.
5. Vulgo hanc culpam in Verrem derivante, ut testes deessent, navarchos criminis insimulatos; prator Cleomenem, tollere statuit, Phalargo Cleomenis navarcho etiam exempto.
6. Parentes frustra cum lachrymis intercedunt. Furius moriturus Verris scelera exprobrat.
7. Timarchides Verris minister, & carnifex; ut mors & funus inhumanum ne sit, a morituris etiam pecunias extorquet.
8. Deceptum hoc consilio Verrem ostendis, testesque modò non deesse tanti facinoris.
9. Postremò brevi enumeratione omnium, quae ad unum hoc scelus conveniunt, finit.
1. Verres aestare summa, quo tempore ceteri Praetores obire Provinciam & concurrere contueverunt, aut etiam in tanto praedonum metu & periculo ipsi navigare, eo tempore ad luxuriam libidinesque suas, domo sua regia. quae Hieronis fuit, quàm Praetores uti solent, contentus non fuit. tabernacula, quemadmodum consueverat temporibus aestivis, carbaseis intenta velis. collocari iussit in littore, quod est litus in insula Syracusis, post Arethusae fontem, propter ipsum introitum atque ostium portus, amœno sanè & ab
arbitris

arbitris remoto loco. Hic dies æstivos sexaginta Prætor populi Rom. custos defensorque Provinciæ sic vixit, ut muliebria quotidie convivia essent, vir accumberet nemo præter ipsum, & prætexatum filium. tametsi rectè sine exceptione dixerim, virum, cum isti essent, neminem fuisse.

Erat Nice facie eximia, ut prædicatur, uxor Clemenis Syracusani. quam ut animo soluto liberoque secum haberet, rem excogitat singularem. Classi populi Rom. Cleomenem Syracusis præesse jubet, atque imperare. Hoc eò facit, ut ille non solum abesset à domo tum, cum navigaret, sed etiam libenter, cum magno honore beneficioque, abesset. Quid hic primum, aut accusem, aut quærar judices? Siculone homini legati, quæstoris, prætoris denique potestatem, honorem, auctoritatem dari? Si te impediabat illa conviviorum mulierumque occupatio: ubi quæstores? ubi legati? ubi præfecti, & tribuni tui? si civis Rom. dignus isto negotio nemo fuit? quid civitates, quæ in amicitia fideque populi Rom. perpetuò manserant? ubi Segestana, ubi Centuripina civitas? quæ tum officiis, fide, vetustate, tum etiam cognatione populi Rom. nomen attingunt. O Dii immortales, quid si harum ipsarum civitatum militibus, navibus, navarchis Syracusanus Cleomenes jussus est imperare? non omnis honos ab isto dignitatis, æquitatis, officii sublatus est? Ecquod in Sicilia bellum gessimus, quin Centuripinis fociis, Syracusanis hostibus, uteremur? atque hæc omnia ad memoriam vetustatis, non ad contumeliam civitatis referri volo.

Itaque ille vir clarissimus, summusque Imperator M. Marcellus, cujus virtute captæ, misericordia conservatæ sunt Syracusæ, habitare in ea parte urbis quæ insula est, Syracusanum neminem voluit: est enim locus, quem vel pauci possunt defendere. Committere igitur cum non fidelissimis hominibus noluit. Simul quod ab illa parte urbis navibus aditus ex alto est. Quamobrem qui nostros exercitus sæpe excluderant, eis claustra loci committenda non existimavit. Vide quid intersit, inter tuam libidinem, majorumque auctoritatem: inter amorem furoremque tuum, & illorum consilium atque prudentiam. Illi aditum literis Syracusanis ademerunt; tu maritimum imperium concessisti. illi habitare in eo loco Syracusanum, quo naves accedere possent, nolue-

noluerunt; tu classi & navibus Syracusanum præesse voluisti: quibus illi urbis partem ademerunt; iis tu nostri imperii partem dedisti: & quorum sociorum opera Syracusani nobis dicto audientes sunt, eos Syracusanis dicto esse audientes iussisti.

2. Egreditur Centuripina quadriremi Cleomenes & portu, sequitur Segestana navis, Tyndaritana, Herbitensis, Heraclienfis, Apolloniensis, Haluntina, præclara classis in speciem; sed inops, & infirma propter dimissionem propugnatorum atque remigum. Tamdiu in imperio suo classem iste prætor diligens vidit, quamdiu convivium ejus flagitiosissimum prætervecta est. Ipse autem qui visus multis diebus non esset, tum se tamen in conspectu nautis paulisper dedit. Stetit Soleatus prætor populi Rom. cum pallio purpureo, tunicaque talari, muliercula nixus in litore. Jam hoc ipso istum vestitu Siculi, civesque Rom. permulti sæpe viderunt. Posteaquam paulò provecta est classis, & Pachynum quinto denique die appulsa est, nautæ fame coacti, radices palmarum agrestium colligebant, & his miseri perditique alebantur. Cleomenes autem qui alterum se Verrem, cum luxuria atque nequitia, tum etiam imperio putaret, similiter totos dies, in litore tabernaculo posito, perpotabat. Ecce autem repente ebrio Cleomene, esurientibus cæteris, nuntiatur piratarum naves esse in portu Edissæ. nam ita is locus nominatur. nostra autem classis erat in portu Pachyni. Princeps Cleomenes in quadriremi Centuripina, malum erigi, vela fieri, præcidi anchoras imperavit, & simul, ut se cæteri sequerentur, signum dari jussit. Erat animus in reliquis, quanquam erant pauci, quoquo modo serres habebat, pugnare tamen se velle clamabant, & quod reliquum vitæ viriumque famæ fecerat, id ferro potissimum reddere volebant; sed inopes relictî à Duce præfectoque classis eundem necessariò cursum tenere cœperunt Pelorum versus, ut ipse Cleomenes, ita cæteri navigabant, neque istac tamen tam prædonum fugiebant impetum, quàm imperatorem sequerantur. tum ut quisque in fuga postremus, ita in periculo princeps erat. Postremam enim quamque navem piratæ

primum adoriēbantur. ita prima Haluntinorum navis capitur, cui præerat Haluntinus homo nobilis Philarchus. Hæc dum aguntur, interea Cleomenes jam ad Pelori litus pervenerat, jam sese inter amē navi eiecerat, quadrirememque in salo fluctuantem reliquerat. Reliqui præfecti navium, cum in terram imperator exisset, cum ipsi neque repugnare, neque mari effugere ullo modo possent, ap-
 pulsus ad Pelorum navibus Cleomenem periculi sunt. Tunc prædonum Dux Heracleo, repente, non sua virtute, sed istius avaritia nequitiaque victor, classem pulcherri-
 mam populi Rom. in litus expulsam & ejectam, cum pri-
 mum advesperasceret, inflammari incendiique jussit. O
 tempus miserum atque acerbum Provinciæ Siciliæ, ô ca-
 sum illum, multis innocentibus calamitosum, atque fun-
 nestum! ô istius nequitiam, ac turpitudinem singularem!
 una atque eadem nox erat, qua Prætor amō is turpissimi
 flamma, ac classis populi Rom. prædonum incendio con-
 flagrabat. Affertur nocte intempesta gravis hujusce mali
 nuntius Syracusas: curritur ad prætorium, quo istum ē
 convivio illo præclaro reduxerant paulò ante mulieres,
 cum cantu atque Symphonia. Cleomenes, quanquam
 nox erat, tamen in publico esse non audet. includit se do-
 mi neque aderat uxor; quæ consolari hominem in malis
 posset. Hujus autem præclari Imperatoris, ita erat severa
 domi disciplina, ut in re tanta, in tam gravi nuntio, nemo
 admitteretur, nemo esset, qui auderet, aut dormientem ex-
 citare, aut interpellare vigilantem.

3. Jam verò re ab omnibus cognitâ concurrabat urbe to-
 tâ maxima multitudo. Non enim, sicut antea consuetudo
 erat, prædonum adventum significabat ignis à specula sub-
 latus, aut tumultus, sed flamma ex ipso incendio navium, &
 calamitatem acceptam, & periculum reliquum nuntiabat.
 Cum prætor quæreretur, & constaret ei neminem nun-
 ciasse: fit ad domum ejus cum clamore concursus atque
 impetus: tum iste excitatus exit: audit rem omnem ex
 Tumarchide: sagum sumit (lucebat jam ferè) procedit ur-
 medium, vini, somni, stupri, plenus. Excipiuntur ab omni-
 bus ejusmodi clamore, ut et Lampaseni periculi similitudo
 versat

verſaretur ante oculos. Hoc etiam majus eo videbatur, quod in odio ſimili multitudo hominum hæc erat maxima. Tum iſtius acta commemorabantur, tum flagitioſa illa convivia : tum appellabantur à multitudine mulieres nominatim : tum quærebarur ex ipſo palam, tot dies continuos, per quos nunquam viſus eſſet, ubi fuiſſet? quid egiſſet? tum Imperator ab ipſo præpoſitus Cleomenes flagitabatur : neque quicquam propius eſt factum, quàm ut illud Uticenſe exemplum de Adriano transferretur Syracuſas, ut duo ſepulchra duorum prætorum improborum, duabuſque in provinciis conſtituerentur. Verum habita eſt à multitudine ratio temporis, habita eſt tumultus, habita etiam dignitatis, exiſtimationiſque communis, quòd is eſt conventus Syracuſis civium Rom. ut non modò illa provincia. verùm etiam hac republ. digniſſimus exiſtimitur. Confirmant ipſi ſe, cum is etiam tum ſemiſomnis ſtuperet : arma capiunt : totum forum atque inſulam, quæ eſt urbis magna pars, complent.

4. Unam illam ſolam noctem prædones ad Pelorum commorati, cum fumantes etiam noſtras naves reliquiſſent, accedere incipiunt ad Syracuſas, qui videlicet ſæpe auდიissent, nihil eſſe pulchrius, quàm Syracuſarum mœnia, ac portus : ſtatuertant ſeſe, ſi ea Verre prætorẽ non vidiſſent, nunquam eſſe viſuros. Ac primò ad illa æſtiva prætoris accedunt, ipſam illam ad partem littoris, ubi iſte per eos dies tabernaculis poſitis caſtra luxuriæ collocarat quem poſteaquam inanem locum offenderunt, & prætorẽ commoviſſe ex eo loco caſtra ſenſerunt : ſtatim ſine ullo metu in portum ipſum penetrare cœperunt. Cum in portum dico, iudices (explanandum eſt enim diligentius earum cauſa, qui locum igeorant) in urbem dico, atque in urbis intimam partem veniſſe piratas : non enim portu illud oppidum clauditur, ſed urbe portus ipſe cingitur, & concluditur : non ut alluantur à mari mœnia extrema, ſed influant in urbis ſinum portus. Hic, te prætorẽ, Heracleo archipirata cum quatuor myoparonibus parvis ad arbitrium ſuum navigavit. Prò Dii immortales piraticus myoparo, cum imperium pop. Rom. nomen, ac faſces eſſent Syracuſis, uſq; ad forum, & ad omnes urbis æpidines acceſſit :

quò neque Carthaginensium gloriosissimæ classes, cùm mari plurimum poterant, multis bellis sæpe conatæ, unquam aspirare potuerunt: neque populi Rom. invicta ante te prætorem gloria i. la navalis, unquam tot Punicis, Siciliensibusque bellis penetrare potuit, qui locus ejusmodi est, ut ante Syracusani in mœnibus suis, in urbe, in foro hostem armatum, ac victorem, quàm in portu ullam hostium navem viderent. Hic te prætore prædonum naviculæ pervagatæ sunt, quo Atheniensium classis sola post hominum memoriam CCC. navibus vi, ac multitudine invasit: quæ in eo i. so portu, loci ipsius, portusque natura victa, atque superata est. Hic primum opes illius civitatis victæ, comminutæ, depressæque sunt: in hoc portu Atheniensium nobilitatis, imperii, gloriæ naufragium factum existimatur. Eone pirata penetravit, quò simul atque adisset, non modò à latere, sed etiam à tergo magnam partem urbis relinqueret? Insulam totam prætervectus est, quæ est urbis magna pars Syracusis suo nomine, ac mœnibus, quo in loco majores, ut antea dixi, Syracusanum quenquam habitare vetuerunt, quòd, qui illam partem urbis tenerent, in eorum potestate portum futurum intelligebant. At quemadmodum est pervagatus? radices palmarum agrestium, quas in nostris navibus invenerat, jaciebat, ut omnes istius improbitatem, & calamitatem Siciliæ possent cognoscere. Siculosne milites, oratorumne liberos, quorum patres tantum labore suo frumenti exarabant, ut populo Rom. totique Italiæ suppeditare possent, eosne in insula Cereris natos, ubi primum fruges inventæ esse dicuntur, eo cibo esse usos, à quo majores eorum ceteros quoque, frugibus inventis, removerunt? Te prætore Siculi milites palmarum stirpibus, prædones Siculo frumento alebantur. O spectaculum miserum, atque acerbum! ludibrio esse urbis gloriam, populi Rom. nomen, hominum conventum, atque multitudinem, piratico myoparoni? in portu Syracusano, de classe populi Rom. triumphum agere piratam, cùm prætoris nequissimi, inertissimique oculos prædonum remi respergerent?

§. Posteaquam è portu piratæ non metu aliquo affecti
sed

ſed ſatietate exierant, tum cœperunt quærere homines cauſam illius tantæ calamitatis: dicere omnes & palàm diſputare minime eſſe mirandum, ſi militibus remigibusque diſmiſſis, reliquis egeſtate & fame perditis, prætor tot dies eum mulierculis perpotante, tanta ignominia & calamitas eſſet accepta. Hæc autem iſtius vituperatio atque infamia confirmabatur eorum ſermone, qui à ſuis civitatibus illis navibus præpoſiti fuerant: qui ex illo numero reliqui Syracuſis claſſe amiſſâ reſugerant. dicebant quos ex ſua quique navi miſſos ſciteret eſſe. Res erat clara: neque ſolum argumentis, ſed etiam certis teſtibus iſtius audacia renebatur. Homo certior fit, agi nihil in foro, & conventu, toto die, niſi hoc quæri à navarchis, quemadmodum claſſis eſſet amiſſa: illos reſpondere, & docere unumquemque, miſſione remigum, famereliquorum, Cleomenis timore, & fuga, &c.

Hæc poſteaquam acta & conſtituta ſunt, procedit iſte repentè & prætorio inflammatus ſcelere, furore, crudelitate in forum venit. Navarchos vocari jubet. qui nihil metuere, nihil ſuſpicarentur, ſtatim accurrunt. Iſte hominibus miſeris innocentibusque injici catenas imperat. Implorare illi fidem populi Romæ & quare id faceret, rogare. Tunc iſte hoc cauſæ dicit, quod claſſem prædonibus prodidiſſent. Fit clamor, & admiratio populi, tantam eſſe in homine impudentiam atque audaciam, ut aut aliis cauſam calamitatis attribueret, quæ omnia propter avaritiam ipſius accidiſſent: aut, cum ipſe prædonum ſocius putaretur, aliis proditiõis crimen inferret: deinde, hoc quintodecimo die crimen eſſe natum, poſtquam claſſis eſſet amiſſa. Cum hæc fierent, quærebat, ubi eſſet Cleomenes? non quo illum ipſum, cuiuſmodi eſſet, quiſquam ſupplicio propter illud incommodum dignum putaret. Nam quid Cleomenes facere potuit (non enim poſſum quenquam inſimulare falſò) quid, inquam magnopere potuit Cleomenes facere, iſtius avaritiâ navibus exinanitis? Atque cum vident, ſedere ad latus prætoris, & ad aurem familiariter, ut ſolitus erat, inſuſurrare. Tum verò omnibus indigniſſimum viſum eſt, homines honeſtiſſimos, electos ex ſuis

civitatibus, ipse ferrum, atque in vincla coniectos. Cleomenem propter flagitiorum ac turpitudinis societatem familiarissimum esse prætoris. Apponitur his tamen accusator Nævius Turpio quidam, qui C. Sacerdote prætore injuriarum damnatus est, homo bene appositus ad istius audaciam : quem ipse in decumis, in rebus capitalibus, in omni calumnia præcursores habere solebat, & emissarium.

6. Veniunt Syracusas parentes, propinque miserorum adolescentium, hoc repentino calamitatis suæ commoti nuncio : vinctos aspiciunt catenis liberos suos, cum istius avaritiæ poenam collo, & cervicibus suis sustinerent : adsunt, defendunt, proclamant. Fidem tuam, quæ nunquam erat, nec unquam fuit, implorant. Pater aderat Dexio Tyndaritanus, homo nobilissimus, hospes tuus, cujus tu domi fueras, quem hospitem appellaras. Eum cum illa auctoritate, ætate, miseriam videres præditum, non te ejus lacrymæ, non senectus, non hospitii jus, atque nomen à scelere aliquam ad partem humanitatis revocare potuit. Sed quid ego hospitii jura in hac tam immani belluâ commemoro ? qui Stenium Thermitanum, hospitem suum. cujus domum per hospitium exhaustit, & exinanivit, absentem in reos retulerit, causâ indictâ capite damnarit, ab eo nunc hospitiorum jura atque officia quæramus ? Cum homine enim crudeli nobis res est, an cum vera, atque immani belluâ ? Te patris lacrymæ de innocentis filii periculo non movebant ? cum patrem domi reliquisses, filium tecum haberes : te neque præsens filius de liberorum caritate, neque absens pater de indulgentia patria commonebat ? Catenas habebat hospes tuus Aristeus Dexionis filius. Quid ita ? Prodiderat classem. Quod ob præmium ? Deseruerat exercitum. Quid Cleomenes ? Ignavus fuerat : at eum tu ob virtutem coronâ antea donâras. Dimiserat nautas : at ab omnibus tu mercedem missionis acceperas. Alter parens ex altera parte Herbitensis Eubulida : homo domi suæ clarus, & nobilis : qui, quia Cleomenem in defendendo filio læserat, nudus penè est destitutus. Quid erat autem, quod quisquam diceret, aut defenderet ? Cleomenem nominare non licet.

at causa cogit. moriere, si appellaris. nunquam enim iste est mediocriter minatus. At remiges non erant. Prætor tu acculas? frange cervicem. Si neque prætorem, neque prætoris æmulum appellare licebit, cum in his duobus tota causa sit; quid futurum est? Dicit etiam causam Heraclius Segestanus, homo domi suæ summo loco natus. audite, ut vestra humanitas postulat, Judices: audietis enim de magnis incommodis, injuriisque sociorum. Hunc scitote fuisse Heraclium in ea causa, qui propter gravem morbum oculorum tum non navigavit, & jussu ejus, qui potestatem habuit, cum comœatu Syracusis remanserit. Ille certè neque prodidit classem, neque metu perterritus fugit. neque exercitum deseruit: etenim tunc esset hoc animadversum, cum classis Syracusis proficiscebatur. Is tamen in eadem causa fuit, quasi esset in aliquo manifesto scelere deprehensus, is, in quem ne falsò quidem causa conferri criminis potuit. Fuit in illis navarchis Heracliensis quidam Furius (nam habent illi nonnulla hujuscemodi Latina nomina) homo quamdiu vixit, domi suæ, post mortem totâ Siciliâ clarus & nobilis. In quo homine tantum animi fuit, non solum, ut istum liberè læderet, (nam id quidem, quoniam moriendum videbat, sine periculo se facere intelligebat) verum morte propositâ, cum lacrymans in carcere mater noctes, diesque assideret, defensionem causæ suæ scripsit: quam nunc, nemo est in Sicilia, quin habeat: quin legat. quin tui sceleris, & crudelitatis ex illa oratione commonefiat. In qua docet, quòd à civitate sua nautas acceperit. quot, & quanti quemque dimiserit quot secum habuerit; item de cæteris navibus dicit, quæ cum apud te diceret, virgis oculi verberabantur: ille, morte propositâ facile dolorem corporis patiebatur, clamabat id quod scriptum reliquit, facinus esse indignum, plus impudicissimæ mulieris apud te de Cleomenis salute, quam de sua vita lacrymas matris valere. Deinde etiam illud video esse dictum (quod, si rectè vos pop. Rom. cognovit, non falsò ille jam in ipsa morte de vobis prædicavit) non posse Verrem testes interficiendo crimina sua extinguere: graviolem apud sapientes judices se fore ab inferis testem, quàm si vivus in judiciũ produceretur. Tum avaritiæ solum, si viveret: nunc cū esset

iranecatus, sceleris, audaciæ, crudelitatis testem fore. Jam illa præclara, non testium modò catervas, cum tuas res ageretur, sed tum à Diis Manibus innocentium pœnas, sceleratorumque Furias in tuum judicium esse venturas: sese ideo leviozem casum suum fingere, quòd jam ante aciem securium tuarum, Sextique tui carnificis vultum & manum vidisset, cum in conventu civium Rom. jussu tuo securi cives Rom. ferirentur. Ne multa, Judices, libertatem, quam vos sociis dedistis, hac ille in acerbissimo supplicio miserimæ servitutis abusus est. Condemnat omnes de consilii sententia: tamen neque iste in tanta re, tot hominum, totque civium causa P. Vectium ad se accersit quæstorem suum, cujus consilio uteretur, neque P. Cervium, talem virum, legatum, qui, quia legatus isto prætore in Sicilia fuit, primus ab isto judex rejectus est: sed de latronum, hoc est comitum suorum sententiâ condemnat omnes. Hic cuncti Siculi, fidelissimi atque antiquissimi socii, plurimis affecti beneficiis à majoribus nostris graviter commoventur, & de suis periculis, fortunisque omnibus pertimescunt. Illam clementiam, mansuetudinemque nostri imperii in tantam crudelitatem, inhumanitatemque esse conversam? condemnari tot homines, uno tempore, nullo crimine? defensionem suorum furtorum prætorem improbum ex indignissima morte innocentium quærere?

7. Nihil addi jam videtur, Judices, ad hanc improbitatem, amentiam, crudelitatemque posse? & rectè videtur: nam si cum aliorum improbitate certet, longè omnes multumque superabit: sed secum ipse certat: id agit, ut semper superius suum facinus novo scelere vincat. Phalargum Centuripinum dixeram exceptum esse à Cleomene, quòd in ejus quadriremi Cleomenes vectus esset: tamen, quia pertimuerat adolescens, quod eandem suam causam videbat esse, quam illorum, qui innocentes peribant, ad hominem accedit Timarchides: à securi negat esse ei periculum: virgis ne cæderetur, monet, ut caveat. ne multa: ipsum dicere adolescentem audistis, se ob hunc virgarum metum pecuniam Timarchidi numerasse. Levia sunt hæc

in hoc reo crimina, metum virgarum navarchus nobilissimæ civitatis pretio redemit: humanum: alius; ne condemnaretur pecuniam dedit: usitatum est. Non vult populus Rom. obsoletis criminibus accusari Verrem: non postulat, inaudita desiderat: non de prætoris Siciliæ, sed de crudelissimo Tyranno fieri iudicium arbitratur. Includuntur in carcerem condemnati, supplicium constituitur in illos, sumitur. Miseri parentes prohibentur adire ad filios suos, prohibentur liberis suis cibum, vestitum ferre. Patres hi, quos videtis, jacebant in limine, matresque miseræ pernoctabant ad ostium carceris, ab extremo complexu liberum exclusæ: quæ nihil aliud orabant, nisi ut filiorum extremum spiritum ore excipere sibi liceret. aderat janitor carceris, carnifex prætoris, mors terrorque sociorum & civium, lictor Sextius: cui ex omni gemitu, doloreque certa merces comparabatur. Ut adeas, tantum dabis: ut cibum tibi introferre liceat, tantum: nemo recusabat. Quid, ut uno ictu securis afferam mortem filio tuo? quid dabis? ne diu crucietur? ne sæpius feriat? ne cum sensu doloris aliquo, aut cruciatu spiritus auferatur? etiam ob hanc causam pecuniam lictori? dabatur: ô magnum, atque intolerandum dolorem, ô gravem, acerbamque fortunam: non vitam liberum, sed mortis celeritatem pretio redimere cogebantur parentes. Atque ipsi etiam adolescentes cum Sextio de eadem plaga, & de uno illo ictu loquebantur: idque postremum parentes suos liberi orabant, ut levandi cruciatus sui gratiâ lictori pecunia daretur. Multi & graves dolores inventi parentibus, & propinquis multi. Veruntamen mors sit extrema: non erit. Estne aliquid ultra, quò progredi crudelitas possit? reperietur: nam illorum liberi, cum erunt securi percussi, ac necati, corpora feris objicientur. Hoc si luctuosum est parenti, redimat pretio sepeliendi potestatem, Onasum Segestanium, hominem nobilem dicere audistis, se ob sepulturam Heracli navarchi pecuniam Timarchidi dinumerasse. Hoc (ne possis dicere, patres enim veniunt amissis filiis irati) vir primarius, homo nobilissimus, dicit, neque de filio dicit. Jam hoc, quis tum fuit Syraculis, qui non audierit, quin sciat, has per Timarchidem pactiones sepulture

cum viris etiam illis esse factas ? Non palàm cum Timarchide loquebantur ? non omnes omnium propinqui adhibebantur ? non palàm virorum funera locabantur ? Quibus rebus omnibus actis, atque decisis, producuntur è carcere, & deligantur ad palum. Quis tam fuit illo tempore durus, & ferreus, quis tam inhumanus, præter unum te, qui non illorum ætate, nobilitate, miseriâ commoveretur ? cequis fuit, quin lacrymaretur ? quin ita calamitatem putaret illorum, ut fortunam tamen non alienam, periculum autem commune agi arbitraretur ? Feriuntur securi. Lætatur tu in omnium gemitu, atque triumphas : testes avaritiæ tuæ gaudes esse sublatos.

8. Errabas Verres, & vehementer errabas, cum te maculas furtorum & flagitiorum tuorum, sociorum innocentium sanguine, eluere arbitrabare : præceptis amentiam ferre, qui te exillimares avaritiæ vulnera crudelitatis remediis posse sanare : etenim quanquam illi sunt mortui sceleris tui testes, tamen eorum propinqui, neque tibi, neque illis defunt : tamen ex ipso numero navarchorum aliqui vivunt, & adiunt : quos, ut mihi videtur, ab illorum innocentium poenâ fortuna ad hanc causam reservavit. Adest Philarchus Haluntinus : qui, quia cum Cleomene non fugit, oppressus à prædonibus, & captus est : cui calamitas saluti fuit : qui nisi captus à piratis esset, in hunc prædonem sociorum incidisset. Dicit is pro testimonio de missione navitarum, de fame, de Cleomenis fugâ. Adest Centuripinus Phalargus, in amplissima civitate, amplissimo loco natus, eadem dicit : nulla in re discrepat. Per Deos immortales, Iudices, quo tandem animo feretis ? aut hæc quemadmodum auditis ? Utrum ego desipio, & plus, quam satis est, doleo in tanta calamitate, miseriaque sociorum, an vos quoque hic acerbissimus innocentium cruciatus, & moeror pari sensu doloris afficit ? Ego enim cum Herbitensem, cum Heracliensem securi esse percussum dico, versatur mihi ante oculos indignitas calamitatis. Eorumne populorum cives, eorumne agrorum colonos, ex quibus maxima vis frumenti quotannis plebi Rom. illorum operis, ac laboribus quaeritur, qui à parentibus spe nostri imperii, nostræque æqui-

tatis

tatis suscepti, educatique sunt, ad C. Verris nefariam immanitatem, & ad ejus securem funestam esse servatos? Cum mihi Tyndaritani illius venit in mentem, cum Segestani, tum jura simul civitatum, atque officia considero. Quas urbes P. Africanus etiam ornandas esse spoliis hostium arbitratus est, eas C. Verres non solum illis ornamentis, sed etiam viris nobilissimis, nefario scelere, privavit. Cui civitati majores nostri maximos agros, atque optimos concesserunt, quam immunem esse voluerunt: hæc tanta apud te cognationis, fidelitatis, vetustatis auctoritate, ne hoc quidem juris obtinuit, ut unius honestissimi, atque innocentissimi civis mortem, & sanguinem deprecaretur. Quo confugient socii, quem implorabunt? quâ spe denique ut vivere velint, tenebuntur, si vos eos deseritis? Itaque ad me judices præter cæteras, hanc querimoniam Sicilia detulit lacrymis. Ego ad hoc non gloria inductus accessi, sed ne falsa damnatio, ne carcer, ne catenæ, ne verbera, ne secures, ne cruciatus sociorum, ne sanguis innocentium, ne denique etiam exanguium corpora mortuorum, ne mœror parentum, ac propinquorum magistratibus nostris quæstui posset esse. Hunc ego si metum Siciliæ, damnatione istius, per vestram fidem, & severitatem deiecero, Judices, satis officio meo, satis illorum voluntati, qui à me hoc petiverunt, factum esse arbitrabor.

9. Quapropter si quem fortè inveneris, qui hoc navale crimen conetur defendere, defendat: illa communia, quæ ad causam nihil pertinent, prætermittat: me culpam fortunæ assignare, calamitatem crimini dare; me a missionem classis obicere, cum multi viri fortes in communi incertoque periculo belli, & terra, & mari sæpe offenderint. Nullam tibi obicio fortunam: nihil est, quod cæterorum res minus commodè gestas proferas: nihil est, quod multorum naufragia fortunæ colligas. Ego naves inanes fuisse dico: remiges, nautasque dimissos: reliquos stirpibus vixisse palmarum: præfuisse classi populi Rom. Siculum, perpetuò sociis atq; amicis Syracusanum. Te illo tempore ipso, superioribusque diebus omnibus, in littore cum mulierculis perpassasse dico. Harum rerum omniū auctores testesq; produco. Num tibi insultare in calamitate, num intercludere per fugiā
fortu-

fortunæ, num casus bellicos exprobrare, aut objicere videor? Tametsi solent ii fortunam sibi objici nolle, qui se fortunæ commiserunt, qui in ejus periculis sunt, ac varietate versati. Istius quidem calamitatis tuæ fortuna particeps non fuit: homines enim in præliis, non in conviviis, belli fortunam tentare ac periclitari solent: in illâ autem calamitate non Martem fuisse communem, sed Venerem possumus dicere. Quod si fortunam tibi objici non oportet, curtu fortunæ illorum innocentium veniam, ac locum non dedisti? Ipte pater si judicaret, per Deos immortales, quid facere posset, cum tibi hæc diceret? Tu in provincia populi Rom. prætor, cum tibi maritimum bellum esset administrandum, Mamertinis, ex federe, quam deberent navem, per triennium remisisti: tibi apud eosdem privatim navis oneraria maxima publicè est ædificata: Tu à civitatibus pecunias classis nomine coëgisti: tu pretio remiges dimisisti: tu, cum navis esset à quæstore, & ab legato capta prædonum, archipiratam ab omnium oculis removisti: tu, qui cives Rom. esse dicerentur, qui à multis cognoscerentur, securi ferire potuisti: tu tuam domum piratas abducere, in judicium archipiratam domo producere ausus es: tu in provinciâ tam splendidâ apud socios fidelissimos, cives Rom. honestissimos, in metu periculoque provinciæ, dies continuos complures in litore, conviviisque jacuisti: te per eos dies nemo domi tuæ convenire, nemo in foro videre potuit: tu sociorum atque amicorum ad ea convivia matres familias adhibuisti: tu inter ejusmodi mulieres prætexatum tuum filium, nepotem meum collocavisti, ut ætati maximè lubricæ atque incertæ exempla nequitix parentis vitæ præberet: tu prætor in provinciâ cum tunicâ talari, pallioque purpureo visus es: tu propter amorem libidinemque tuam, imperium navium legato populi Rom. ademisti, Syracusano tradidisti: tui milites in provinciâ Siciliæ frugibus, fumentoque caruere: tua luxuriâ, atque avaritiâ classis populi Rom. capta & incensa est: post Syracusas conditas, quem in portum nunquam hostis accesserat, in eo te prætore primum piratæ navigaverunt: neque hæc tot, tanta que dedecora dissimulatione tuâ, neque oblivione hominum ac taciturnitate tegere voluisti: sed etiam præfectos,

fectos, sine ullâ causâ, de complexu parentum suorum, hospitem tuorum, ad mortem, cruciatumque rapuisti : neque in parentum luctu atque lacrymis te mei nominis commemoratio mitigavit : tibi hominum innocentium sanguis non modo voluptati, sed etiam quæstui fuit.

IMITATIO.

Hæc universè ad exaggerandam crudelitatem tyrannorum faciunt, sive in Christi Martyres à Maxentio, Decio, Diocletiano aliisque exercitam, sive etiam in politicis causis adhibitam. Veriusque, cum insigni libidine conjuncta, argumenta præbuit Elisabetha Angliæ Regina, tum in Mariam consanguineam, tum in alios regni proceres & Catholicos.

Appendix & Observatio.

Hæc in utraq; tam laudis quàm Vituperii partem exempla suffecerint. Quibus ultimis admirabilis Tullianæ eloquentiæ vis emicat, ita eandem rem omnem in partem dicendi versat exagitatque. Quod exemplis facilius quam præceptis capitur, ut iccirco his non immorer, cum in observatione singulorum, quæ suis distinguuntur numeris, ut facilius penetrentur, vis tota ad eloquentiam proficiendi sita sit.

Siquis has exercitationes ad theatrum publicumque usum traducere cupiat, Is opinor, ad ornandum hunc actum difficultatem haud magnam experietur. tanta hic omnium sese rerum offert varietas. Laudat terram aliquam, fluviumque ad Siciliæ laudatæ imitationem? quid prohibet Cererem, Bacchum aliosque Gentilium Deastros, aut Nymphas, frugum aliarumque opum imagines quasdam, pro sua regione differentes introducere? Laudat virum fortem, aut reprehendit ignavum? cur non subeat Mars aut Murcia? laudat doctum, aut perstringit imperitum? cur non Pallas, aut Midas quispiam personam hic aliquam induat? Ipsæ Virtutes, & Virtus, Musæ, Charites, Grææ, Furæ, hic ornare,

ornare, laceſſere, præmia pœnaſque inſtruere, atque irrogare poterunt. Quandoque & Majorum umbræ ab inferis aut è cœlo Genii accerſiri, qui ad laudem aut reprehensionem ſuæ poſteritatis inſurgent, minis promiſſiſque futurorum urgeant; aut aliquo etiam judiciorum ſchemate ad terrorem, vel excitationem præludant,

CAPUT XIX.

De confirmatione Orationis in genere Deliberativo.

HAſtenus in genere dicendi exornativo exemplis paulò copioſius verſati ſumus, quòd illud hac ætate maxime uſitatum ſit ac celebre.

Nunc ad deliberativum, exemplis etiam illuſtrandum nonnullis accedemus. Verùm parcius; tum quod in hoc adoleſcentes minus diu exercendi videantur: ut qui per ætatem graviorum nondum deliberationum capaces ſint, & ſi qui in epidictico diſerti fuerint, in hoc eſſe indiſerti non poſſint, modò rationem ætas conſultior firmaverit,

Quocirca exemplis quibuſdam à Cicerone hoc in genere uſurpatis, acquieſcemus. His ad imitationem propoſitis, ſuas adoleſcentes vires experiri, ac prætentare hanc palæſtram potuerunt, ut viri deinde aſint grandiora. Neque enim eloquentiæ difficultate, ſed rerum plerarumque graviore pondere, hoc in genere retardantur. Incedam autem per locos inventionis proprios, ſerè in titulo ſignatos, ne per tenebras aliena veſtigia conſectentur.

Exemplum I.

Quinam in bene conſtituta republ. Optimates cenſendi ſint? à definitione & deſcriptione.

Cicero pro Sextio.

3. Populares primò ab Optimatibus diſtinguit, tum
his

his & bona reipubl. fundamentis descriptis, à triplici hominum genere turbari illam asserit, quibus segnius boni resistant.

2. *Hortatur, ut Optimatum vitam virtutemque omnes praeferant, contemnantque injurias atque inimicitias à talibus suscipiendas, ut olim fortissimi Gracorum & Romae fecerunt.*

Duo genera semper in hac civitate fuerunt eorum, qui versari in republ. atque in ea se excellentius genere studuerunt: quibus ex generibus alteri se populares, alteri Optimates, & haberi, & esse voluerunt. Qui ea, quae faciebant, quaeque dicebant, multitudini jucunda esse volebant, populares: qui autem ita se gerebant, ut sua consilia optimo cuique probarentur, optimates habeantur, quis ergo iste optimus? quis? de numero si quaeris, innumerabiles: neque enim aliter stare possemus. Sunt principes consilii publici, sunt, qui eorum sectam sequuntur: sunt maximorum ordinum homines, quibus pater curia: sunt municipales rusticique Romani? sunt negotia gerentes: sunt etiam libertini Optimates. Numerus, ut dixi, hujus generis latè & variè diffusus est: sed genus universum (ut tollatur error) brevi circumscribi, & definiri potest. Omnes optimates sunt, qui neque nocentes sunt, nec natura improbi, nec malis domesticis impediti. esto igitur, ut hi sint, quam tu nationem appellasti. Et qui integri sunt, & sani, & bene de rebus domesticis constituti. Horum qui voluntati, commodis, opinioni in gubernanda republ. serviunt, defensores optimatum, ipsique optimates gravissimi & clarissimi cives nominantur, & principes civitatis. Quid est igitur propositum his reipub. gubernatoribus, quod intueri, & quo cursum suum dirigere debeant? Id quod est praestantissimum, maximèque optabile omnibus sanis & bonis, & beatis, cum dignitate otium. hoc qui volunt, omnes optimates: qui efficiunt, summi viri, & conservatores civitatis putantur. Neque enim rerum gerendarum dignitate homines efferri ita convenit, ut otio non prospiciant: neque ullum aplexari otium, quod abhorreat à dignitate. Hujus autè otiosae dignitatis haec fundamèta sunt, haec membra, quae

tuenda

tuenda principibus, & vel capitis periculo defendenda sunt :
 religiones, auspicia, potestates magistratuum, Senatus au-
 toritas, leges, mos majorum, judicia, jurisdictio, fides, pro-
 vinciae, socii, imperii laus, res militaris, ærarium. Harum
 rerum tot, atque tantarum esse defensorem, & patronum
 magni animi est, magni ingenii, magnæque constantiæ.
 Etenim in tanto civium numero magna multitudo est eo-
 rum, qui aut propter metum pœnæ, peccatorum suorum
 conscii, novos motus conversionesque reipubl. quærant :
 aut qui, propter insitum quendam animi furorem, discor-
 diis civium, ac seditione pascantur : aut qui propter impli-
 cationem rei familiaris communi incendio malint, quam
 suo deflagrare. Qui cum auctores sunt, & duces suorum
 studiorum, vitiorumque nacti, in republ. fluctus excitantur :
 ut vigilandum sit iis, qui sibi gubernacula patriæ de-
 poscerunt : eritendumque omni scientia, ac diligentia, ut
 conservatis his, quæ ego paulò antè fundamenta, ac mem-
 bra esse dixi, tenere cursum possint, & capere ortii illum por-
 tum & dignitatis. Hanc ego viam, iudices, si aut asperam,
 atque arduam ; aut plenam esse periculorum, aut insidia-
 rum negem, mentiar : præsertim cum id non modò intel-
 lexerim semper, sed præter cæteros senserim. Majoribus
 præsidii & copiis oppugnatur respubl. quam defenditur :
 propterea quod audaces homines & perditii, nutu impellun-
 tur, & ipsi etiam sponte sua contra rempubl. incitantur :
 boni nescio quo modo tardiores sunt, & principis rerum
 neglectis ad extremum ipsa denique necessitate excitantur :
 ita, ut nonnunquam cunctatione ac tarditate, dum ocium
 volunt etiam sine dignitate retinere, ipsi utrumque amit-
 tant. propugnatores autem reipubl. qui esse voluerunt, si
 leviores sunt deciscunt : si timidiores desunt : permanent
 illi soli, atque omnia reipubl. causâ perferunt, qui sunt tales,
 qualis pater tuus M. Scaure fuit : qui à C. Graccho usque
 ad C. Marium seditionis omnibus restitit : quem nullâ un-
 quam vis, nullæ minæ, nulla invidia labefecit, aut Q. Me-
 tellus patruus matris tuæ : qui cum florentem hominem
 in populari ratione L. Saturninum censor notasset, cumque
 inscitivum Gracchum contra vim multitudinis incitatæ cen-
 su prohibuisset : cumque in eam legem, quam non jure
 rogatam

rogatam judicaret, jurare unus noluisse, de civitate maluit, quam de sententia dimoveri : aut ut vetera exempla, quorum est copia digna hujus imperii gloria, relinquam, neve eorum aliquem qui vivunt, neminem, qualis nuper Q. Catulus fuit : quem neque periculi tempestas, neque honoris cura potuit unquam de suo cursu, aut spe, aut metu dimovere.

2. Hæc est una via, mihi credite, & laudis, & dignitatis, & honoris, à bonis viris & sapientibus, & bene natura constitutis laudari, diligi : nosse descriptionem civitatis à majoribus nostris sapientissimè constitutam : qui cum regum potestatem non tulissent, ita magistratus annuos creaverunt, ut consilium Senatus reipubl. præponerent sempiternum, diligerentur autem in id consilium ab universo populo, aditusque in illum summum ordinem omnium civium industriæ, ac virtuti pateret, Senatum reipubl. custodem, præsidem, propugnatorem collocaverunt. Hujus ordinis autoritate uti magistratus, & quasi ministros summi consilii esse voluerunt : Senatum autem ipsum proximorum ordinum splendore confirmari, plebis libertatem & commoda tueri, atque augere voluerunt. Hæc qui pro virili parte defendunt, optimates sunt, cujuscunque sint ordinis : qui autem præcipuè suis cervicibus tanta munia, atque rempubl. sustinent, ii semper habiti sunt optimatum principes, autores civitatis. Huic hominum generi fateor, ut ante dixi, multos adversarios, inimicos, invidos esse, multa proponi pericula, multas inferri injurias, magnos esse experiundos & subeundos labores. Sed mihi omnis ratio est cum virtute, non cum desidia : cum dignitate, non cum voluptate : cum iis, qui se patriæ, qui suis civibus, qui laudi, qui gloriæ, non qui somno, & conviviis, & delectationi natos arbitrantur. Nam si qui voluptatibus ducuntur, & se viciorum illecebris, & cupiditatum lenociniis dederunt : missos faciant honores : ne attingant rempubl. patiantur viros fortes, laborum patientes, frui, qui autem bonam famam bonorum, quæ sola verè gloria nominari potest, expetunt, aliis otium quærere debent, & voluptates, non sibi. Sudandum est his pro communibus commodis, ad-eundæ inimicitæ, secundæ sæpè pro republ. tempestates,

Ecc

cum

cum multis audacibus, improbis, nonnunquam etiam potentibus dimicandum. Quod si apud Athenienses, homines Græcos, longè à nostrorum hominum gravitate disjunctos, non deerant, qui rempubl. contra populi temeritatem defenderent, cum omnes, qui ita fecerant, è civitate ejicerentur. Si Themistoclem illum conservatorem patriæ non deterruit à republ. defendenda, nec Miltiadis calamitas, qui illam civitatem paulò antè servarat; nec Aristidis fuga, qui unus omnium justissimus fuisse traditur: si postea summi ejusdem civitatis viri, quos nominatim appellari non est necesse, propositis tot exemplis iracundiæ levitatisque popularis, tamen suam rempubl. illam defenderunt: quid nos tandem facere debemus? primum in ea civitate nati, unde orta mihi gravitas, & magnitudo animi videtur: tum in tanta gloria insistentes, ut omnia humana leviora videri debeant: deinde ad eam rempubl. tuendam aggressi, quæ tanta dignitate est, ut eam defendentem occidere non aliud sit, quàm oppugnantem rerum potiri. Homines Græci, quos antea nominavi, iniquè à suis civibus damnati, atque expulsi, tamen, quia benè sunt de suis civitatibus meriti, tanta hodie gloria sunt non in Græcia solum, sed etiam apud nos, atque in cæteris terris, ut eos à quibus illi oppressi sunt, nemo nominet, horum calamitatem dominationi illorum omnes anteponant. Quis Carthaginensium plurius fuit Annibale consilio, virtute, rebus gestis, qui unus cum tot imperatoribus nostris per tot annos de imperio, & de gloria decertavit: hunc tui cives è civitate ejecerunt: nos etiam hostem literis nostris, & memoriâ videmus esse celebratum. Quare imitemur nostros Brutos, Camillos, Ahalas, Decios, Curios, Fabricios, Maximos, Scipiones, Lentulos, Æmilios, innumerabiles alios, qui hanc rempubl. stabiliverunt: quos equidem in Deorum immortalium cœtu, ac numero repono: amemus patriam, parcamus senatui, consulamus bonis, præsentibus fructus negligamus, posteritati & gloriæ serviamus: id esse optimum putemus, quod erit rectissimum: speremus quæ volumus, sed quod acciderit feramus: cogitemus denique, corpus virorum fortium, magnorumque hominum esse mortale. animi vero motus & virtutis gloriam sempiternam: neque hanc opinionem

nionem si in illo sanctissimo Hercule consecratam videmus, cuius corpore ambusto, vitam ejus, & virtutem immortalitas excepiſſe dicitur, minus existimemus eos, qui hanc tantam republ. ſuis conſiliis aut laboribus, aut auxerint, aut defenderint, aut ſervaverint, eſſe immortalem gloriam conſecuturos.

IMITATIO.

Poterit in bonorum Epiſcoporum ac Pralatorum commendationem ſimilis deſcriptio inſtitui. Aut certè hac eadem optimarum laus & ratio in ſingulari aliqua perſona, e.g. Iosepho Patriarcha demonſtrari.

II.

Quid regium, ſeu Rege dignum ſit? & an Cicero digna Rege geſſerit? à deſinitione & deſcriptione.

Cicero pro Sylla.

1. *Docet Cicero contra objectionem regis affectationis, quid in ſe regium fateatur, quid officii parum in videndi tractet; torquetque illam ambitionem in familiam Torquati.*

2. *Oſtendit ſe rebus in conſulatu geſtis non tam honorem; quam improborum in ſe collegiſſe odia, mirumq; quod Torquatus cum his, de ſupplicio conjuratorum clara voce; de illorum ſcelere, remiſſa quaratur.*

3. *Apertè proſitetur, ſe urbem, Regum & regnorum Dominam, ab interitu vindicaſſe.*

Regnum meum, Judices ſe ferre non poſſe, dicit. Quod tandem Torquate regnum? conſulatus, credo; mei, in quo ego imperavi nihil; ſed contra Patribus conſcriptis & bonis omnibus parui. quo in Magiſtratu, non inſtitutum eſt à me, Judices, regnum, ſed non permiſſum. An fortè regium tibi videtur ita vivere, ut non modo homini nemini,

Ecc a

ſed

sed ne cupiditati quidem ulli serviat : contemnere omnes libidines, non auri, non argenti, non cæterarum rerum indigere : in Senatu sentire liberè populi utilitati magis consulere, quam voluntati : nemini cedere, multis oblistere : si hoc putas esse regium, me Regem confiteor esse. Sin te potentia mea, si dominatio, si denique aliquod dictum arrogans, aut superbum mover ; quin tu id profers, quàm verbi invidiam, contumeliamque maledicti. Ego tantis à me beneficiis in republ. positis, si nullum aliud mihi præmium à Senatu populoque Rom. nisi honestum otium postularem, quis non concederet ? sibi haberent honores, sibi Imperia, sibi Provincias, sibi triumphos, sibi præclaræ laudis insignia : mihi liceret ejus urbis, quam conservassem, conspectu, tranquillo animo & quieto frui ? quid si hoc non postulo ? si ille labor meus pristinus, si sollicitudo, si officia, si operæ, si vigilæ deserviunt amicis, præsto sunt omnibus ? si neque amici in foro requirunt studium meum, neque res publ. in curia ? si me non modo rerum gestarum vacatio, sed neque honoris, neque ætatis excusatio vindicat à labore ? si voluntas mea, si industria, si domus, si animus, si aures patent omnibus ? si mihi ne ad ea quidem, quæ pro salute omnium gessi, recordanda & cogitanda quidquam relinquitur temporis ? tamen hoc regnum appellabitur ? cujus vicarius qui velit esse, inveniri nemo potest : longè abest regni suspicio. Si quæris, qui sint Romæ regnum occupare conati, ut ne replices annalium memoriam, ex domesticis imaginibus invenies.

2. Res enim gestæ, credo, meæ me nimis extulerunt, ac mihi nescio, quos spiritus attulerunt. Quibus de rebus tam clavis, tant immortalibus. Judices, hoc possum dicere, me, qui è summis eripuerim periculis urbem hanc, & vitam omnium civium, satis adeptum fore, si ex hoc tanto in omnes mortales beneficio nullum in me periculum redundabit. Etenim in qua civitate res tantas gesserim, memini, & in qua urbe, intelligo. plenum forum est eorum hominum, quos ego à vestris cervicibus depuli, Judices, à meis non removi. nisi verò paucos fuisse arbitramini, qui conari, aut sperare possent, se tantum Imperium posse delere.

Horum

Horum ego faces eripere de manibus, & gladios extorquere potui, sicut feci, voluntates vero conſceleratas, ac nefarias, nec reſervare potui, nec tollere. Quare non ſum neſcius, quanto periculo vivam in tanta multitudinæ improborum, cum mihi uni cum omnibus improbis æternum videam bellum eſſe uſceptum. Quod ſi illis meis præſidiis fortè invides; & ſi ea tibi regia videntur: quòd omnes boni omnium generum atque ordinum ſuam ſalutem cum mea conjungunt: conſolare te, quod omnium mentes improborum mihi uni maxime ſunt inſenſæ, & adverſæ, qui me non ſolum idcirco oderunt, quod eorum conatus impioſ, & furorem conſceleratum reſreſſi; ſed eò etiam magis, quòd nihil jam ſimile, me vivo, conari poſſe arbitrantur. At vero, quid ego miror, ſi quid ab improbis de me improbè dicitur, cum L. Torquatos, primum ipſe his fundamentis adoleſcentiæ jaçtiſ, ea ſpe propoſitâ ampliffimæ dignitatis, deinde L. Torquati, fortiſſimi Conſulis, conſtantiſſimi Senatoris, ſemper optimi civis, filius, interdum efferatur immoderatione verborum? Qui cum ſuppreſſa voce de ſcelere P. Lentuli, de audacia conjuratorum omnium dixiſſet, tantummodò, ut vos, qui ea probatiſ, exaudire poſſetiſ; de ſupplicio P. Lentuli, de carcere, magna & queribunda voce dicebat. In quo primum illud erat abſurdum, quòd cum ea, quæ leviter dixerat, vobiſ probare volebat; eos autem, qui circum judicium ſtabant; audire nolebat: non intelligebat, ea, quæ clarè diceret, ita illoſ audituroſ, quibuoſ ſe venditabat, ut voſ quoque audiretiſ, qui id non probabitiſ. Deinde alterum jam oratoris vitium, non videre, quid quæque cauſa poſtulet. Nihil eſt enim tam alienum ab eo, qui alterum conjurationiſ accuſet, quàm videri conjuratorum poenam, mortemque lugere.

3. Itaque attende jam, Torquate, quam ego non deſugiam auctoritatem conſulatuſ mei, maxima voce, ut omneſ exaudire poſſint, dico, ſemperque dicam: adeſtote omneſ animiſ, qui adeſtiſ corporibuſ, quorum ego frequentia magnopere lætor; erigite menteſ, aureſque veſtraſ, & me de invidioſiſ rebuſ, ut ille putat, dicentem attendite. Ego Conſul, cum exercituſ perditorum civium, clandeſtino ſcelere

Ecc;

conſta-

conflatus, crudelissimum & luctuosissimum exitium patriæ comparasset: cum ad occasum, interitumque reipubl. Caecilina in castris, in his autem templis, atque rectis dux Lentulus esset constitutus: meis consiliis, meis laboribus, mei capitis periculis, sine tumultu, sine delectu, sine armis, sine exercitu, quinque hominibus comprehensis, atque confossis, incensione urbem, internecione cives, vastitate Italiam, interitum Rempubl. liberavi. Ego vitam omnium civium, statum orbis terræ, urbem hanc denique, sedem omnium nostrum, arcem Regum, ac nationum exterarum, lumen gentium, domicilium Imperii, quinque hominum amentium, ac perditorum poenâ redemi.

I M I T A T I O.

Posset adhiberi similis oratio in defensione Christi, qui à Judæis apud Pilatum accusatus erat, quod se Regem Iudæorum dixisset. Quem id jure dixisse contendas, si regnum sit propriis dominari cupiditatibus, pressos calamitate levare, gentem suam tueri, atque ab extrema perniciæ ad salutem revocare, &c.

III.

An arma quæ contra Antonium sumuntur, belli vel tumultus nomine accipienda sint?
à definitione & etymo.

1. Ostendit C. Pansa Consulem malè L. Caesaris sententiam in Senatu esse secutum, & tumultum solum contra Antonium decrevisse, cum bellum re ipsa geratur.
2. Docet non hoc bellum solum, sed inter civilia tale, in quo de summa rerum Rom. cum Antonio concertetur.

Confusus hesternò die est acta res, C. Pansa, quam potu abat institutum consolatus tui. parum mihi visus es e os, quibus cedere non soles, sustinere. nam cum Senatus e a virtus fuisset, quæ tolet: & cum re viderent omnes esse bellum, quidamque id verbum removendum arbitrentur:

tua

tua voluntas discussione fuit ad lenitatem propensior. Victa igitur est propter asperitatem te autore nostra sententia : vicit L. Cæsar, amplissimus vir, qui urbi, atrocitate dempta, oratione fuit, quàm sententia lenior, quanquam is quidem, antequam sententiam diceret, propinquitatem excusavit. Idem fecerat me Consule in sororis viro, quod hoc tempore in sororis filio : ut & luctu sororis moveretur, & saluti reipubl. provideret. Atque ipse tamen Cæsar præcepit vobis quodam modo P. C. ne sibi assentiremini, cum ita dixit : aliam sententiam se dicturum fuisse, eamque se & reipubl. dignâ, nisi propinquitate impediretur. Ergo ille avunculus : num etiam vos avunculi, qui illi assensistis ? at in quo fuit controversia ? belli nomen ponendum in sententia quidam non putabant : tumultum appellare malebant, ignari non modo rerum, sed etiam verborum. Potest enim esse bellum sine tumultu, tumultus esse sine bello non potest : Quid enim est aliud tumultus, nisi perturbatio tanta, ut major timor oriatur ? unde etiam nomen ductum est tumultus. Itaque majores nostri tumultum Italicum, quod erat domesticus : tumultum Gallicum, quod erat Italiæ finitimus : præterea nullum tumultum nominabant. Gravius autem esse tumultum, quàm bellum, hinc intelligi licet ; quod bello Gallico vacationes valent, tumultu non valent. Ita fit, quemadmodum dixi, ut bellum sine tumultu possit, tumultus sine bello esse non possit. Etenim cum inter bellum & pacem medium nihil sit, necesse est tumultum ; si belli non sit, pacis esse. quo quid absurdum magis dici, aut existimari potest ? si nimis multa de verbo, rem potius videamus, patres conscripti : quam quidem intelligo verbo fieri interdum deteriorem solere. Nolumus hoc bellum videri. Quam igitur municipiis & Colonis ad excludendum Antonium, auctoritatem damus ? quam ut milites fiant sine vi, sine tumultu, studio, & voluntate ? quam ut pecunias in rempubl. polliceantur ? si enim belli nomen tollitur municipiorum studia tolluntur : consensus populi Rom. qui jam descendit in causam, si nos languescimus, debilitetur necesse est. Sed quid plura ? D. Brutus oppugnatur : non est bellum ? Mutina obsidetur : ne hoc quidem bellum est ? Gallia vastatur :

quæ potest pax esse incertior ? illud verò quis potest bellum non esse dicere, quò fortissimum virum cum exercitu misimus : qui cum esset infirmus ex gravi diuturnoque morbo, nullam putavit sibi excusationem esse oportere, cum ad reipubl. præsidium vocaretur. C. quidem Cæsar non expectavit nostra decreta, præsertim cum esset illius ætatis : bellum contra Antonium sua sponte suscepit, decernendi enim tempus nondum venerat : belli autem gerendi tempus si prætermisisset, videbat reipubl. oppressa, nihil decerni posse. Ergò illi nunc, & eorum exercitus in pace versantur. non est hostis, cujus præsidium Claterna dejecit Hirtius : non est hostis, qui armatus Consulem designatum oppugnat : nec illa hostilia verba, nec bellica, quæ paulò ante ex Collegæ literis Pansa recitavit ; *Dejeci præsidium : Claterna potitus sum : fugavi equites : prælium commissum : occisi aliquot.* quæ pax potest esse major.

2. Delectus tota Italia decreti sublatis vacationibus ; saga cras sumentur ; Consul se cum præsidio descensurum dixit. Utrum hoc bellum non est ? an etiam tantum bellum, quantum nunquam fuit ? cæteris enim bellis, maximeque civilibus contentionem reipubl. causa faciebat, Sylla cum Sulpitio de jure legum, quas per vim latas Sylla dicebat : Cinna cum Octavio de novorum civium suffragiis : rursus cum Mario & Carbone Sylla, ne dominarentur indigni, & ut clarissimorum hominum crudelissimam puniretur necem. Horum omnium bellorum causæ ex reipubl. contentione natæ sunt. de proximo bello civili non libet dicere : non ignoro causam, detestor exitium. Hoc bellum quantum civile geritur : atque omnia in nostram æratem inciderunt : primum non modo in dissensione & discordia civium, sed in maxima consensione, incredibiliq; concordia ; omnes idem volunt, idem defendunt, idem sentiunt, cum omnes dico, eos excipio, quos nemo civitate dignos putat. Quæ est igitur in medio belli causa posita ? nos Deorum immortalium templa, nos muros, nos domicilia, sedesque populi Rom. aras, focos, sepulchra maiorum, nos leges, judicia, libertatem, conjuges, liberos, patriam defendimus. Contra M. Antonius id molitur, id pugnat,

pugnat, ut hæc omnia perturbet, evertat, prædam reipubl. causam belli putet, fortunas nostras partim dissipet, partim disperiat parricidis. In hac tamen dispari ratione belli miserimum illud est, quod ille latronibus suis pollicetur primum domos : urbem enim se divisurum, confirmat, deinde omnibus portis, quod velit, deducturum. omnes Caphones, omnes Saxæ, cæteræque pestes, quæ sequuntur Antonium, & des sibi optimas, hortos, Tusculana, Albana definiunt. Atque etiam homines agrestes, si homines sunt illi potius, quàm pecudes, inani spe ad aquas usque Putecolanas provehuntur. Ergo habet Antonius quod suis polliceatur, quid nos ! nunquid tale habemus ? Dii meliora ? id enim ipsum agimus, ne quis posthac ejusmodi quicquam possit polliceri. Invitus dico, sed dicendum est. Hasta Cæsaris P. C. multis improbis & spem affert ; & audaciam. Viderunt enim ex mendicis fieri repente divites : itaque hastam semper videre cupiunt ii, qui nostris bonis imminet, quibus omnia pollicetur Antonius. Quid nos nostris exercitibus, quid pollicemur ? multò meliora, atque majora, scelerum enim promissio, & iis, qui expectant, perniciosa est : & iis, qui promittunt. Nos nostris militibus libertatem, jura, leges, judicia, Imperium orbis terræ, dignitatem, pacem, otium pollicemur. Antonii igitur promissa cruenta, terra, scelerata, Diis hominibusque invisa, nec diuturna, neque salutaria : nostra contra, honesta integra, gloriosa, plena lætitiæ, plena pietatis.

IMITATIO.

De Absalone querere poteris ; pietasne an impietas dicenda sit, quod ille contra Davidem patrem salutem sese communis patria ac vulgi, cujus causa in judicio negliguntur, profiteatur suscipere ; & justumne hoc bellum, an rebellio potius sit, hoc nomine in patrem populum concitare, & armatum ducere.

IV.

Dolendumne, an lætandum morte honesta
Hortensii sit? à causis.

1. Dolendi sibi causam oblatam esse Cicero asserit, quod amicum & collegam amiserit.

2. Contra tamen lætandum magis, quam dolendum affirmat. 1. Quia mortuus est priusquam Respubl. civilibus bellis per Casarem & Pompeium everteretur. 2. Quod ad felicitatem translatus, causam nullam dolendi reliquerit, aliorum verò tantum malum sit, quod eo frui non liceat.

3. Quod magnum dolorem percepturus esset, si videret locum non esse inter arma consilio atque Oratoris auctoritati.

Concludit, beatum videri, qui eo tempore cum laude vita functus sit. Quod argumentum magis etiam in fine num. 134. proseguitur.

Cicero ad Brutum de Clar. Orat.

1. Cum è Cilicià decedens Rhodum venissem, & eo mihi de Q. Hortensi morte esset allatum, opinione omnium majorem animo cœpi dolorem. Nam & amico amisso, cum consuetudine jucunda, tum multorum officiorum conjunctione me privatum videbam, & interitu talis auguris, dignitatem nostri collegii diminutum dolebam. Qua in cognitione & cooptatum me ab eo in collegium recordabar, in quo juratus judicium dignitatis meæ fecerat: & inauguratam ab eodem, ex quo augurum institutis in parentis cum loco colere debebam. Augēbat etiam molestiam, quod magna sapientium civium, bonorumque penuria, vir egregius, conjunctissimusque mecum consiliorum omnium societate, alienissimo reipubl. tempore extinctus, & auctoritatis, & prudentiæ suæ triste nobis desiderium reliquerat. Dolebamque quod, non ut plerique putabant, adversarium, aut obrectatorem laudum mearum, sed socium potius, & consortem gloriosi laboris amiseram. Etenim si in leviorum artium studio memoriæ proditum est. Poetas nobiles

Poëta-

Poëtarum æqualium morte doluisse : quo tandem animo
ejus interitum ferre debui ? cum quo certare erat gloriosius,
quàm omninò adversarium non habere. cum præsertim
non modò nunquam sit , aut illius à me cursus impeditus,
aut ab illo meus. Sed contra semper alter ab altero adju-
tus, & communicando, & monendo, & favendo.

7. Sed quoniam perpetua quadam felicitate usus ille,
cessit è vita , suo magis, quam suorum civium tempore : &
tum occidit, cum lugere facilius republ. posset, si viveret,
quam juvare : vixitque tam diu, quam licuit in civitate be-
ne, beateque vivere : nostro incommodo , detrimentoque,
si est ita necesse, doleamus : illius verò mortis opportuni-
tatem benevolentia potius, quam misericordia prosequa-
mur : ut quotiescunque de clarissimo, & beatissimo viro
cogitemus, illum potius, quàm nos ipsos diligere videamur.
Nam si dolemus, quod eo jam frui nobis non licet,
nostrum est id malum, quod modicè feramus : ne id non
ad amicitiam, sed ad domesticam utilitatem referre videamur.
sin, tanquam illi ipsi acerbitatis aliquid acciderit,
angimur, summam ejus felicitatem non satis grato animo
interpretamur. Etenim si viveret Q. Hortensius, cætera
fortasse desideraret, una cum reliquis bonis, & fortibus ci-
vibus, hunc autem, & præter cæteros, aut cum paucis sus-
tineret dolorem, cum forum populi Rom. quod fuisset
quasi theatrum illius ingenii, voce crudita, & Romanis,
Græcisque auribus digna, spoliatum, atque orbatum vi-
deret. Equidem angor animo, non consilii, non ingenii,
non authoritatis armis egere republ. quæ didiceram tra-
ctare, quibusque me assuefeceram, quæque erant propria,
cum præstantis in republ. viri, tum benè moratæ & benè
constitutæ civitatis. Quod si fuit in republ. tempus ul-
lum, cum extorquere arma posset è manibus iratorum ci-
vium boni civis authoritas, & oratio : tum profectò fuit,
cum patrociniū pacis exclusum est, aut errore hominum,
aut timore. Ita nobismetipsis accidit, & quamquam essent
multò magis alia lugenda, tamen hoc dolemus, quod, quo
tempore ætas nostra perfuncta rebus amplissimis, tanquam
in portum confugere deberet ; non inertia, neque desidia,
sed

sed otii moderati, atque honesti : cumque ipsa oratio jam nostra canesceret, haberetque suam quandam maturitatem, & quasi senectutem, tum arma sunt ea sumpta, quibus illi ipsi, qui didicerant iis uti gloriose, quemadmodum salutariter uterentur, non reperiebant. Itaque ii mihi videntur fortunatè, beateque vixisse, cum in cæteris civitatibus, tum maximè in nostra : quibus cum autoritate, rerumque gestarum gloria, tum etiam sapientiæ laude perfrui licuit.

I M I T A T I O.

In cujuslibet propinqui, vel etiam viri principis morte similis differendi ratio locum inveniet.

V.

An Hirtii & Octaviani militibus contra Antonium præmia victoriæ conferenda sint ?

Cic. Philip. ut à causis.

1. *Cicero decernit præmia victoribus contra Antonium & monumentum honoris.*

2. *Solatur propinquos illorum qui victores pro republ. occubuerunt.*

1. Proprium senatus sapientis est grata eorum virtutem memoria prosequi, qui pro patria vitam profuderunt. Quorum de honore utinam mihi plura in mentem venirent. Duo certè non præteribo, quæ maximè occurrunt : quorum alterum pertinet ad virorum fortissimorum gloriam sempiternam, alterum ad leniendum mœrorem, & luctum proximorum. Placet igitur mihi P. C. Legionis Martiæ militibus, & eis, qui unâ pugna occiderunt, monumentum fieri, quam amplissimum. Magna atque incredibilia sunt in republ. hujus merita legionis. hæc se prima latrocinio abrupit Antonii, hæc tenuit Albam, hæc se ad Cæsarem contulit : hanc imitata quarta legio parem virtutis gloriam

gloriam consecuta est. Quarta victrix desiderat neminem : ex Martia nonnulli in ipsa victoria conciderunt. & fortunata mors , quæ naturæ debita , pro patria est potissimum reddita. Vos verò patriæ natos judico : quorum etiam nomen à Marte est : ut idem Deus urbem hanc gentibus, vos huic urbi genuisse videatur. In fuga fœda mors est, in victoria gloriosa. Etenim Mars ipse ex acie fortissimum quemque pignerare solet. Illi igitur impii, quos cecidistis, etiam apud inferos pœnas patricidii luent : vos verò qui extremum spiritum in victoria effudistis , piorum estis sedem, & locum consecuti, brevis, autem vobis vita data est : at memoriâ benè redditæ vitæ sempiterna, quæ si non esset longior, quam hæc vita : quis esset tam amens, qui maximis laboribus & periculis ad summam laudem gloriamque contenderet ? Actum igitur præclare vobiscum fortissimi, dum vixistis, nunc verò etiam sanctissimi milites, quòd vestra virtus ne oblivione eorum, qui nunc sunt, nec reticentia posterorum insepulta esse poterit, cum vobis immortale monumentum suis penè manibus senatus populusque Rom. exstruxerit. multi tæpè exercitus Punicis, Gallicis, Italicis bellis clari, & magni fuerunt : nec tamen ullistale genus honoris tributum est. Atque utinam majora possimus : quandoquidem à vobis maxima accepimus, vos ab urbe furentem Antonium avertistis, vos redire molientem repulistis. Erit igitur exstructa moles opere magnifico, incisæque literæ divinæ virtutis testes sempiternæ. nunquam de vobis eorum, qui aut videbunt vestrum monumentum, aut audient, gravissimus sermo conticescet, ita pro mortali conditione vitæ, immortalitatem estis consecuti.

2. Sed quoniam P. C. gloriæ munus optimis & fortissimis civibus monumenti honore persolvitur, consolemur eorum proximos, quibus optima est hæc quidem consolatio ; parentibus, quod tanta reipubl. præsidia genuerunt : liberis, quòd habebunt domestica exempla virtutis : conjugibus, quod iis viris carebunt, quos laudare, quàm lugere præstabat, fratribusque quod in se, ut corporum, sic virtutum similitudine esse confident. Atque utinam his omnibus abstergere fletum sententis nostris, consultisque possimus,

mus, vel aliqua talis his adhiberi publicè posset oratio, quæ deponerent moerorem, atque luctum, gauderentque potius, cum multa & varia impenderent hominibus genera mortis, id genus, quod esse pulcherrimum, suis obtigisse, eosque nec inhumatos esse, nec desertos, (quod tamen ipsum pro patria non miserandum putatur) nec dispersis bustis humili sepultura crematos, sed coniectos publicis operibus, atque muneribus, eaque exstrukione, quæ sit ad memoriam æternitatis, ara virtutis. quamobrem maximum quidem solatium erit propinquorum eodem monumento declarari & virtutem suorum, & pietatem, & senatus fidem, & crudelissimi memoriam belli. In quo nisi tanta militum virtus extitisset, patricidio M. Antonii nomen populi Romani occidisset. Atque etiam censeo P. C. quæ præmia militibus promisimus, nos republ. recuperata tributuros, ea vivis, victoribusque cumulatè, cum tempus venerit persolvenda. qui autem ex iis, quibus illa promissa sunt, pro patria occiderunt: eorum parentibus, liberis, conjugibus, fratribus eadem tribuenda censeo.

I M I T A T I O.

Pari ratione, pro religione & Ecclesia certantibus decernenda erunt præmia, ut Ducibus olim Bullionis adversus Turcas factum, &c.

V I.

An anima hominis sit immortalis? ab affectis & causis.

Cicero l. 1. Tusc. quæst.

1. Exorditur à cura omnibus insita de rebus post mortem corporis eventuris, unde argumentum primum sumit de anima superfutura immortalitate.

2. Argumentum secundum immortalitatis à gloria cupiditate post mortem ducitur, diducitur, per variarum disciplinarum studiosos,

3. Osten-

3. Ostendit. Pythagora autore, hanc sententiam de anima immortalitate invaluisse, quamvis & prudentes ante ipsum id senserint.

4. Ostendit ex rerum elementarium natura, quâ gravia subsidunt, tolluntur levia, animam à corpore solutam, cum ignea natura sit, ad calum exolaturam, illi que connaturali sibi loco quieturam.

5. Reprehendit illos, qui aut æternum, aut nullum esse animum negant, quod eum qui sit futurus extra corpus, non intelligant.

6. Argumentum tertium est, quo immortalem probat, memoria præteritorum, & diversarum artium inventio, qua Deum amulatur. Quod nrm. 8. confirmat, ductâ à Deo similitudine.

7. Concludit animum ex elementis sumptum non esse, quòd his nullum memoria aut ingenti vestigium insit.

1. Maximum argumentum est naturam ipsam de immortalitate animorum tacitam judicare, quod omnibus curæ sit, & maximè quidem, quæ post mortem futura sint. Serit arbores quæ alteri seculo profint, ut ait Statius, in Synephebis; quid spectans, nisi etiam postera secula ad se pertinere? Ergo arbores feret diligens Agricola, quarum adspiciet baccam ipse nunquam, vir magnus leges, instituta, Rempubl. deferet? Quid procreatio liberorum, quid propagatio nominis, quid adoptiones filiorum, quid testamentorum diligentia, quid ipsa sepulchrorum monumenta, quid elogia significant, nisi nos futura etiam cogitare?

2. Quid illud? num dubitas quin specimèn naturæ capi debeat, ex optima quâque natura? quæ est igitur melior in hominum genere natura quam eorum, qui se natos ad homines juvandos, tutandos, conservandos arbitrantur? Abiit ad Deos Hercules, nunquam abiisset, nisi cum inter homines esset, viam sibi jam munivisset Verè jam ista & religione omnium consecrata. Quid in hac Republ. tot tantosque viros ob Rempubl. interf. ctos cogitasse arbitramur, iisdémne ut finibus nomen suum quibus vita terminaretur? Nemo unquam sine magna spe immortalitatis se pro patria offerret ad mortē, Licuit esse otioso Themistocli, licuit Epa-

minor

minondæ, licuit (ne & vetera, & externa quæram) mihi. Sed nescio quomodo inhæret in mentibus quasi seculorū quoddam augurium futurorum, idque in maximis ingeniis altissimisque animis & existit maximè, & apparet facillimè, quo quidem dempto, quis tam esset amens: qui semper, & in laboribus, & in periculis viveret. Loquor de Principibus. quid de Poëtis? nonne post mortem nobilitari volunt? Unde ergo illud.

*Aspicite, ô cives, senis Ennii imaginē formam
Hic vestrum panxit maxima fata Patrum.*

Mercedem gloriæ flagitat ab iis, quorum Patres affecterant gloriā. Idemque

*Nemo me lacrymis decoret, nec funera fletu.
Faxit: cur? volito vivū per ora virum.*

Sed quid Poëtæ? Opifices etiam post mortem nobilitari volunt: Quid enim Phidias sui similem speciem inclusit in clypeo Minervæ, cum inscribere non liceret? Quid nostri Philosophi, nonne in his ipsis libris quos scribunt de contemnenda gloria, sua nomina inscribunt? Quod si omnium consensus, naturæ vox, omnesque qui ubique sunt consentiunt esse aliquid, quod ad eos pertineat, qui è vita cesserunt: nobis quoque idem existimandum est, & si quorum aut ingenio, aut virtute animus excellit, eos arbitramur, qui naturā optimā sunt, cernere naturæ vim maximè: verisimile est, cum optimus quisque maximè posteritati serviat, esse aliquid cujus is post mortem sensum sit habiturus. Sed ut Deos esse natura opinamur, qualesque sint ratione cognoscimus; sic permanere animos arbitramur consensu rationum omnium, qua in sede maneat, qualesque sint ratione discendum est.

3. Magni autem est ingenii revocare mentem à sensibus, & cogitationem à consuetudine abducere. Itaque credo equidem alios tot seculis disputasse de animis: Sed quod literis extet, Pherecydes Syrus primus dixit animos hominum esse sempiternos, antiquus sanè, fuit enim meo iudicio

judicio regnante Gentili (Tullio) Hanc opinionem discipulus ejus Pythagoras maximè confirmavit, qui cum Superbo regnante in Italiam venisset, tenuit magnam illam Græciam cum honore & disciplina, tum etiam autoritate, multaque secula postea sic vixit Pythagoreorum disciplina, ut nulli alij docti viderentur. Platonem ferunt, ut Pythagoreos cognosceret, in Italiam venisse, & in eo, cum alios multos, tum Architam Timæumque cognovisse; & didicisse Pythagorea omnia, primumque de animorum æternitate, non solum sensisse idem, quod Pythagoras, sed rationem etiam attulisse.

4. Persuadent mathematici terram in medio mundi sitam ad universi cæli exemplum quasi puncti instar obtinere, quod *κέντρον* illi vocant: eam porro naturam esse quatuor omnia gignentium corporum, ut quasi partita habeant inter se, & diversa monumenta terrena & humida suo pretu, & suo pondere, ad pares angulos, in terram & in mare, ferantur, reliquæ duæ partes, una ignea, altera animalis, ut illæ superiores in medium locum mundi gravitate ferantur, & pondere, sic hæc rursus rectis lineis in cælestem locum subvolent; sive ipsa natura superiora appetente, sive quod à gravioribus leviora naturâ repellantur. Quæ cum constet, perspicuum debet esse animos, cum è corpore excesserint, sive illi sint animales, id est, spirabiles, sive ignei, sublimè ferri. Accedit, ut eò facilius animus evadat ex hoc aëre, quem jam sæpe appello crassum, eumque perumpat, quod nihil est animo velocius, nulla est celeritas quæ possit cum animi celeritate contendere, qui si permanet incorruptus sui que similis: necesse est ita feratur, ut penetret & dividat omne calum hoc in quo nubes, imbres ventique coguntur, quod & humidum & caliginosum est, propter exhalationes terræ. quam regionem cum superavit animus, naturamque sui similem contigit & agnovit, junctus ex anima tenui & ardore solis temperato ignibus insistit, & finem altius se efferendi facit. Cum enim sui similem, & levitatem, & calorem adeptus est, tanquam paribus examinatus ponderibus, nullam in partem movetur, eaque illi demum naturalis est sedes, cum ad sui simile penetravit, in quo nulla

ic egens aletur, & sustentabitur iisdem rebus quibus astra sustentantur & aluntur. Cumque corporis facibus inflammari soleamus ad omnes fere cupiditates, eoque magis incendi, quod iis æmulemur, qui ea habeant, quæ nos habere cupiamus: profectò beati erimus; cum corporibus, & cupiditatibus, & æmulationibus erimus expertes. quodque nunc facimus, cum laxati curis sumus, ut spectare aliquid velimus & visere, id multò tum faciemus liberius, totosque nos in contemplandis rebus perspicendisquæ ponemus, propterea quod & natura inest mentibus nostris insatiabilis quædam cupiditas veri videndi, & oræ ipsæ locorum illorum, quò pervenerimus, quò faciliorem nobis cognitionem rerum caelestium, eò maiorem cognoscendi cupiditatem dabunt.

5. Nec mihi sanè quicquam occurrit, cur non Pythagoræ sit & Platonis vera sententia. Ut enim rationem Plato nullam afferret (vide quid homini tribuam) ipsa autoritate me frangeret. Tot autem ratione attulit, ut velle cæteris, sibi autem persuasisse videatur. Sed plurimi contra nuntiant, animosque, quasi capite damnatos, morte mutant. Neque aliud est quicquam, cur incredibilis his animorum videatur æternitas, nisi quod nequeant, qualis animus sit vacans corpore, intelligere, & cogitatione comprehendere. Quasi verò intelligant, qualis sit in ipso corpore, quæ conformatio, quæ magnitudo, qui locus, aut si jam possint in homine uno cerni omnia, quæ nunc tecta sunt, caturus ne in conspectum videatur animus, an tanta sit ejus tenuitas, ut fugiat aciem? Hæc reputent isti, qui negant, animum sine corpore se intelligere posse, videbunt quem in ipso corpore intelligant. Mihi quidem naturam animi intuenti, multò difficilior occurrit cogitatio, multoque obscurior; qualis animus in corpore sit, tanquam in aliena domo, quam qualis cum exierit, & in liberum caelum quasi in domum suam venerit. Si enim quod nunquam vidimus, id quale sit intelligere non possumus, certè & Deum ipsum, & divinum animum corpore liberatum, cogitatione completi non possumus. Dicæarchus quidem & Aristoxenus, quia difficile erat: animi, quid, aut qualis esset intelligentia? nullum omnino animum esse dixerunt. Est illud quidem

vel maximum, animo ipso animum videre, & nimirum hanc habet vim præceptum Apollinis, quo monet, ut se quisque noscat.

6. Quid enim, obsecro te, terrâ tibi, aut hoc caliginoso, & nebuloso cælo, fata; aut concreta videtur tanta vis memoriæ? Si quid sit hoc, non vides, at quale sit vides; si ne id quidem, at quantum sit profectò vides. Quid igitur? utrum capacitatem aliquam in animo putamus esse; quo tanquam, in aliquod vas, ea quæ meminimus, infundantur? Absurdum id quidem, qui enim fundus, aut quæ talis animi figura intelligi potest? aut quæ tanta capacitas? an imprimi, quasi ceram, animum putamus, & memoriam esse signatarum rerum in mente vestigia? quæ possunt verborum, quæ rerum ipsarum esse vestigia, quæ porro tam immensa magnitudo, quæ illa tam multa possit effingere? quid? illa vis, quæ tandem est, quæ investigat occulta, quæ inventio atque excogitatio dicitur? Ex hæc terrenâ mortali que naturâ, & concretâ ea videtur? Aut, qui primus, quod summæ sapientiæ Pythagoræ visum est, omnibus rebus imposuit nomina? aut, qui dissipatos homines congregavit, & ad societatem vitæ convocavit? aut, qui sonos vocis, qui infiniti videbantur, paucis literarum notis terminavit? aut, qui errantium stellarum cursus, progressiones, institutiones notavit? Omnes magni, etiam superiores, qui fruges, qui vestitum, qui tecta, qui cultum vitæ, qui præsidium contra foras invenerunt: à quibus mansuefacti & exultati, à necessariis artificibus ad elegantiora defluximus. Nam & auribus oblectatio magna ex parte est inventa, & temperata varietate, & natura sonorum: & astra inspeximus, tum ea quæ sunt infixæ certis locis, tum illa, non re, sed vocabulo, errantia: quorum conversiones, omnesque motus, qui animus vidit, is docuit similem animum suum ejus esse, qui ea fabricatus in cælo esset. Nam cum Archimedes lunæ, solis, quinque errantium motus in sphaeram illigavit, effecit idem; quod ille qui in Timæo, mundum ædificavit Platonis Deus; ut tarditate, celeritate dissimillimos motus una regeret conversio. Quod si in hoc mundo fieri sine Deo non potest, ne in Sphæra quidem eisdem motus Archimedes sine divino ingenio

potuisset imitari. Mihi verò ne hæc quidem notiora & illustriora carere vi divina videntur, ut ego, aut Poetam grave plenumque carmen, sine cœlesti aliquo mentis instinctu putem fundere, aut eloquentiam, sine quadam vi maiore, fluere abundantem, sonantibus verbis, uberibusque sententiis. Philosophia verò omnium mater artium, quid est aliud nisi, ut Plato ait, donum, ut ego, inventum Deorum? hæc nos primum ad illorum cultum, deinde ad jus hominum, quod situm est in generis humani societate, tum ad modestiam magnitudinemque animi erudit, eademque ab animo tanquam ab oculis caliginem dispulit, ut supera, infera, prima, ultima, media videremus.

7. Ergo animus, ut ego dico divinus, & Euripides audeat dicere, Deus est. Et quidem si Deus, aut anima, aut ignis est; idem est animus hominis; nam ut illa natura cœlestis & terrâ vacat & humore; sic utriusque harum rerum humanus animus est expers. Sin autem est quædam natura ab Aristotele inducta, primum hæc & Deorum est, & animorum. Hanc nos sententiam secuti, his ipsius verbis in consolatione hæc expressimus. Animorum nulla in terris origo inveniri potest. Nihil enim est in animis mixtum atque concretum, aut quod ex terra natum atque fixum esse videatur, nihil, ne, aut humidum quidem aut stabile, aut igneum. his enim naturis nihil inest, quod vim memoriæ, mentis, aut cogitationis habeat; quod, & præterita teneat, & futura prævideat, & complecti possit præsentia, quæ sola divina sunt. Nec invenietur unquam unde ad hominem venire possint, nisi à Deo. Singularis est igitur, quædam natura, atque vis animi sejuncta ab his usitatissimis notisque naturis. Ita quidquid est illud, quod sentit, quod sapit, quod vult, quod viget, cœleste & divinum est, ob eamque rem æternum sit, necesse est. Nec verò Deus ipse, qui intelligitur à nobis alio modo intelligi potest, nisi mens soluta quædam & libera, segregata ab omni concretionem mortali, omnia sentiens & movens, ipsaque prædita motu sempiterno. Hoc è genere atque eadem è natura est humana mens.

8. Cum videmus speciem candoremque cœli, deinde conver-

conversionis celeritatem tantam , quantam cogitare non possumus, tum vicissitudines dierum atque noctium, commutationesque partium quadripartitas, ad maturitatem frugum & temperationem corporum aptas, eorumque omnium moderatorem & ducem solem, lunamque accretione & diminutione luminis, quasi fastorum norantem & significantem dies, tum in eodem orbe in 12. partes distributo, quinque stellas ferri, eosdemque cursus constantissime servantes, disparibus inter se motibus: nocturnamque cæli formam undique sideribus ornatam, tum globum terre, eminentem in mari, fixum in medio mundi universi loco, duabus oris distantibus habitabilem, & cultum, &c. hæc & alia innumerabilia cum cernimus, possumusne dubitare, quin his præsit aliquis, vel effector, si hæc nata sunt, ut Platoni videtur; vel, si semper fuerint, ut Aristoteli placeat, moderator tanti operis & muneris? Sic mentem hominis, quamvis eam non videas, ut Deum non vides, tamen, ut Deum agnoscis, ex operibus ejus: sic ex memoria rerum, & inventione, & celeritate motus, omniumque pulchritudine, virtutis vim divinam mentis agnoscito.

IMITATIO.

Illustris hic ad imitationem locus est, si doceas à perituris, & transitoris, hujus mundi bonis, ad immortalia, & celestia animum transferendum esse; quod immortalis cum sit, aliis non possit bonis satiari. Hoc fecisse quotquot veram sectarentur gloriam, & nominis decus æternum, hoc sensisse viros sapientissimos, animumque à terrenis ad celestia transulisse Deo maximè similes, &c. Quorum modò nomina inter homines etiam gloriosa celebrentur.

OBSERVATIO.

Hac questio ex illis est, quas nonnulli didacticas tantum esse volunt. Verum si illius spectetur finis, ad actionem quoque ordinata est; cum qui immortalem Deoque similem sese animum nactum esse credit, humilia atque indigna tali animo cogitare ac moliri nequaquam debeat; ut is, qui eundem cum brutis exitum præstolatur.

Diis gratias agendas, & Ciceronem à civibus defendendum à causarum enumeratione ostenditur.

Cicero Orat. 3 in Catil.

1. Rempubl. Rom. conservatam esse, summum est beneficium, ob quod decreta solenni supplicatione à Senatu Diis agenda sint gratia.

2. Cicero pro senihil à populo Rom. nisi memoriam aeternam conservata reipubl. postulat; tum verò, ut se contra invidiam insidiasq; sceleratorum tueatur.

Remp. Quirites, vitamque omnium vestrum, bona, fortunas, conjuges, liberosque vestros, atque hoc domicilium clarissimi imperii, fortunatissimam pulcherrimamque urbem, hodierno die, Deorum immortalium summo erga vos amore laboribus, consiliis, periculisque meis, ex flamma, atque ferro, ac penè ex faucibus sati creptam, & vobis conservatam, ac restitutam videtis. Et, si non minus vobis jucundi, atque illustres sunt ii dies, quibus conservamur, quam illi, quibus nascimur, quod salutis certa latitia est, nascendi incerta conditio; & quòd sine sensu nascimur, cum voluptate conservamur: profectò, quoniam illum, qui hanc urbem condidit, Romulum, ad Deos immortales benevolentia, famaue sustulimus: esse apud vos, posterosque vestros in honore debet dies is, qui eandem hanc urbem conditam amplificatamque servavit: nam totius urbis templis, delubris, tectis ac mœnibus subjectos propè jam ignes, circumdatosque restrinximus: iidemque gladios in rempubl. districtos retrudimus, mucronesque eorum à jugulis vestris rejecimus. quibus ego si me restituisse dicam, nimium mihi sumam, & non sim ferendus. Ille, ille Jupiter restitit, ille Capitolium, ille hæc templa, ille hanc urbem, ille vos omnes salvos esse voluit. Diis ego immortalibus ducibus hanc mentem, Quirites, voluntatemque suscepi, atq; ad hæc tanta judicia perveni. Jam verò illa Al-

lebro.

Iobrogum sollicitatio, sic à Lentulo, cæterisque domesticis hostibus, tanta res tam dementer credita & ignotis, & barbaris, commissa que literæ nunquam essent profectò, nisi à Diis immortalibus huic tantæ audaciæ consilium esset ereptum. Quid verò? ut homines Galli ex civitate malè pacata, quæ gens una restat, quæ populo Romano bellum facere & posse, & non nolle videatur, spem imperii, & rerum amplissimarum ultrò sibi à patritiis hominibus oblatam negligerent, vestramque salutem suis opibus anteponerent: id nonne divinitus factum esse putatis? præsertim qui nos non pugnando, sed tacendo superare potuerunt? Quamobrem, Quirites, quoniam ad omnia pulvinaria supplicatio decreta est, celebrato te illos dies cum conjugibus, ac liberis vestris. Nam multi sæpè honores Diis immortalibus justî habiti sunt, ac debiti sunt profectò justiores nunquam. Erepti enim ex crudelissimo, ac miserrimo interitu, & erepti sine sanguine, sine exercitu, sine dimicatione, togati, me uno rogato duce, & imperatore vicistis.

2. Quibus pro tantis rebus, Quirites, nullum ego à vobis præmium virtutis, nullum insigne honoris, nullum monumentum laudis postulo, præterquam hujus diei memoriam sempiternam. In animis ergò vestris omnes triumphos meos, omnia ornamenta honoris, monumenta gloriæ, laudis insignia, condi & collocari volo. nihil me mutum potest delectare, nihil tacitum, nihil denique hujusmodi, quod etiam minus digni assequi possint. Memoria vestra, Quirites, nostræ res alentur, sermonibus crescent, literarum monumentis inveterascunt, & corroborantur. Eandem diem intelligo, quam spero æternam fore, & ad salutem urbis & ad memoriam consulatus mei, propagatam: unoque tempore in hac republ. duos cives extitisse, quorum alter fines vestri imperii, non terræ, sed cœli regionibus terminaret: alter ejusmodi imperii domicilium, sedemque servaret. Sed, quoniam earum rerum, quas ego gessi, non est eadem fortuna atque conditio, quæ illorum, qui externa bellâ gesserunt: quod mihi vivendum sit cum illis, quos vici, ac subegi: illi hostes aut interfectos, aut oppressos reliquerunt: vestrum est, Quirites, si cæteris sua facta profunt,

mihi mea ne quando obsint, providere. Mentēs enim hominū audacissimorum sceleratæ, ac nefariæ, ne vobis nocere possent, ego providi. quamquam Quirites, mihi quidem ipsi nihil jam ab istis noceri potest. Magnum enim est in vobis præsidium, quod mihi in perpetuum comparatum est: magna in republ. dignitas, quæ me semper tacita defendet: magna vis est conscientiæ, quam qui negligent, cum me violare volent, se ipsi judicabunt. Est enim in nobis is animus, Quirites, ut non modo ullius audaciæ cedamus, sed etiam omnes improbos ultrò semper lacessamus. Quòd si omnes impetus domesticorum hostium depulsi à nobis, se in me unum converterint: vobis erit providendum. Quirites: quâ conditione posthac eos esse velitis, qui se pro salute vestra obtulerint invidiæ, periculisque omnibus. Mihi quidem ipsi quid est, quod jam ad vitæ fructum possit acquiri, cum præsertim neque in honore vestro, neque in gloria virtutis quidquam videam altius, quò quidem mihi libeat adscendere? Illud perficiam profectò, Quirites, ut ea, quæ gessi in consulatu, privatus tuear, atque ornem: ut si qua est invidia in conservanda republ. suscepta, lædat invidos, mihi valeat ad gloriam. Denique ita me in republ. tractabo, ut meminerim semper quæ gesserim, curemque ut eâ virtute, non casu, gesta esse videantur.

IMITATIO.

Cum, vel ab hoste, vel seditione, vel incendio, vel peste, aliove periculo urbs aliqua, vel provincia, tum hominum tum calitum ope liberata est; pari oratione, ad referendas Deo hominibusque gratias, excitare licebit.

VIII.

An & quare Julio Casari antea inimico, in Gallicæ provinciæ pro rogatione faveat? à causis & attributis de Provinciæ consularibus

tom. 3. orat. 3.

1. Docet

1. Docet se ob communem utilitatem cum Cæsare potius, quàm Gabinio redire in gratiam, exemplo clarissimorum virorum T. Gracchi, Metellorum, Lepidi, &c.

2. Tradit se, cum ex amore patriæ hostium patriæ, ut Clodii aliorumq; gravissimas suscepit inimicitias, non posse non amicum esse patriæ consulentibus, præsertim cum ipsum senatum Cæsari faventem hoc in amore ducem sequatur.

3. Causam nullam inter barbaras gentes terrasq; habendi Cæsari esse, quàm ut Romanis metuendas hætenus, & nunquam sat domitas gentes subjiciat, quod ipso revocato vix sit sperandum, ob nimiam illarum vim & potentiam facilè innovandam.

1. Negat me vir optimus inimicitiorem Gabinio debere esse, quàm Cæsari. omnem enim illam tempestatem, cui cesserim, Cæsare impulsore atque adiutore esse excitatam. Cui si primum sic respondeam, me communis utilitatis habere rationem, non doloris mei, possimne probare, cum id me facere dicam, quod exemplo fortissimorum civium facere possim? an Tit. Gracchus (patrem dico. cujus utinam filii non degenerassent à gravitate paternâ) tantam laudem est adeptus, quod tribunus plebis solus ex toto illo collegio L. Scipioni auxilio fuit, inimicissimus, & ipsius, & fratris ejus Africani, juravitque in concione, se in gratiam non rediisse, sed alienum sibi videri à dignitate imperii, quod duces essent hostium Scipione triumphante ducti, eodem ipsum duci, qui triumphasset? quis plenior inimicorum C. Mario? Crassus, M. Scaurus aliisque inimici, & omnes Metelli. At hi non modò illum inimicum ex Gallia sententiis suis non detrahebant; sed & propter rationem Gallici belli, provinciam extra ordinem decernebant. Bellum in Gallia maximum gestum est: domitæ sunt à Cæsare maximæ nationes, sed nondum legibus, nondum jure certo, non dum satis firmâ pace devinctæ, bellum affectum videmus, & verè ut dicam, penè confectum: sed ita, ut, si idem extrema persequitur, qui inchoavit, jam omnia perfecta videamus: si succeditur, periculum sit, ne instauratas maximi belli reliquias ac renovatas audiamus. Ergo ego

senator, inimicus, si ita vultis homini, amicus esse, sicut semper fui, reipubl. debeo: quid si ipsas inimicitias depono reipubl. causa, quis me tandem jure reprehendat? praesertim cum ego omnium meorum consiliorum atque factorum exempla semper ex summorum hominum factis mihi censuerim petenda? an non M. ille Lepidus, qui bis Consul & Pontifex maximus fuit, non solum memoriâ & testimonio, sed etiam annali in literis & summi Poetae voce laudatus est. Quod cum M. Fulvio collega, quo die censor est factus, homine inimicissimo, in campo statim rediit in gratiam, ut commune officium censurae, communi animo ac voluntate defenderint? Atque ut vetera, quae sunt innumerabilia, mittam: tuus pater, Philippe, nondum uno tempore cum suis inimicissimis in gratiam rediit? Quibuscum omnibus eadem reipubl. reconciliavit, quae alienârat. Multa praetereo, quod in teor coram hac lumina atque ornamenta reipubl. P. Servilium, & M. Lucullum (utinam etiam Lucullus ille viveret) quae fuerunt inimicitiae graviores in civitate, quam Luculli tum atque Serviliorum? quas in viris fortissimis non solum extinxit reipubl. dignitas, & ipsorum, sed etiam ad amicitiam consuetudinemque traduxit. Quid? Metellus nepos, nonne Consul in templo Iovis Optimi Maximi permotus cum auctoritate vestra, tum illius P. Servilii incredibili gravitate dicendi, absens mecum summo suo beneficio rediit in gratiam? an ego possum huic esse inimicus, cujus literis, famâ, nunciis, celebrantur aures quotidie meae, novis nominibus gentium, nationum, locorum?

2. Ardeo, mihi credite P. C. (id quod vosmet de me existimatis, & facitis ipsi) incredibili quodam amore patriae: qui me amor & subvenire olim impendentibus, periculis maximis, cum dimicatione capitis, & rursus, cum omnia tela undique esse intenta in patriam viderem, subire cœgit atque excipere unum pro universis. Hic me meus in reipubl. animus pristinus ac perennis cum C. Caesare reducit, reconciliat, restituit in gratiam, quod volent, denique homines existiment: nemini ego esse possum bene de reipub. merenti non amicus. etenim si iis, qui haec omnia
flamma

flamma ac ferro delere voluerunt, non inimicitias solum, sed etiam bellum indixi, atque intuli: cum partim illorum familiares, partim ipsi etiam, me defendente capitis iudicium essent liberati. cur eadem respubl. quæ me in amicos inflammare potuit, inimicis placare non possit? quod mihi odium cum P. Clodio fuit, nisi quod perniciosum patriæ civem fore putabam, qui turpissima libidine incensus, duas res sanctissimas, religionem & pudicitiam, uno scelere violasset? num est igitur ex his rebus quas is egit, agitque quotidie, quin ego in illo oppugnando reipubl. plus quam otio meo: nonnulli in eodem defendendo suo plus otio, quam communi, prospexerint? ego me à C. Casare in republ. dissensisse fateor, & sensisse vobiscum: sed nunc iisdem vobis assentior, cum quibus antea sentiebam. Vos enim, ad quos literas L. Piso de suis rebus non audet mittere, qui Gabinii literas insigni quadam nota, atque ignominia nova condemnastis, C. Casari supplicationes decrevistis: numero, ut nemini ullo ex bello: honore, ut omnino nemini. Cur igitur expectem hominem aliquem, qui me cum illo in gratiam reducat? reduxit ordo amplissimus, & ordo is, qui est & publici consilii, & meorum omnium consiliorum auctor & princeps. Vos sequor, patres conscripti, vobis obtempero, vobis assentior, qui quamdiu C. Casaris consilia in republ. non maxime diligebatis, me quoque cum illo minus conjunctum videbatis: posteaquam rebus gestis mentes vestras, voluntatemque mutastis, me non solum comitem esse sententiæ vestræ, sed etiam laudatorem vidistis.

3. Ipse Casar, quid est, cur in provincia commorari velit, nisi, ut ea, quæ per eum affecta sunt, perfecta reip. tradantur? amoenitas eum, credo, locorum, urbium, pulchritudo, hominum, nationumque illarum humanitas, & lepos, victoriæ cupiditas, finium Imperii nostri propagatio retinet. quid illis terris asperius? quid incultius oppidis? quid nationibus immanius? quid porro tot victoriis præstabilius? quid Oceano longius inveniri potest? an reditus in patriam habet aliquam offensionem? utrum apud populum, à quo missus est: an apud senatum, à quo ornatus est: an dies auget ejus desiderium? an magis oblivionem? an laurea illa
magna

magnis periculis parva amittit longo intervallo viriditatem? quare? si qui hominem non diligunt: nihil est, quòd eum de provincia devocent: ad gloriam devocant, ad triumphum, ad gratulationem, ad summum honorem senatus, equestris ordinis gratiam, populi charitatem. Sed si ille hac tam eximia fortuna propter utilitatem reipub. frui non poterat, ut omnia illa conficiat? quid ego senator facere debeo, quem etiam, si ille aliud veller, reip. consulere oporteret? non enim sibi solum cum iis, quos jam armatos contra populum Rom. videbat, bellandum esse duxit, sed totam Galliam in nostram ditionem esse redigendam: itaque cum acerrimis nationibus & maximis Germanorum & Helvetiorum, præliis felicissimè decertavit: cæteras contrivit, compulit, domuit, Imperio populi Rom. parere assuefecit: & quas regiones, quasque gentes nullæ nobis antea literæ, nulla vox nulla fama, notas fecerat, has noster Imperator, nosterque exercitus, & populi Rom. arma peragrarunt. Semitam tantum Galliæ tenebamus antea, patres conscripti: cæteras partes à gentibus; aut inimicis huic Imperio, aut infidis, aut incognitis, aut certè immanibus, & barbaris & bellicosis tenebantur. Quas nationes, nemo unquam fuit, qui non frangi, domarique cuperet: nemo sapienter de republ. nostra cogitavit, jam inde à principio hujus imperii, quin Galliam maximè timendam huic imperio putaret: sed propter vim ac multitudinem gentium illarum, nunquam est antea cum omnibus dimicatum. Restitimus semper lassiti: nunc denique est perfectum, ut imperii nostri terrarumque illarum idem esset extremum. Alpibus Italiam munierat antè natura, non sine aliquo divino numine: nam si ille aditus Gallorum immanitati multitudiniqu; parvisset, nunquam hæc urbs summo imperio domicilium, ac sedem præbuisset: quæ jam, licet, considant: nihil enim est ultra illam altitudinem montium, usque ad Oceanum, quod sit Italiæ pertimescendum; sed tamen una, aut altera æstas, vel metu, vel spe, vel pœna, vel præmiis, vel armis, vel legibus potest totam Galliam sempiternis vinculis astringere. Impolitæ verò res & acerbæ si erunt relictæ, quanquam sunt abscissæ, tamen efferent se aliquando, & ad renovandum bellum revirescent. Quare sit in ejus tutela Gallia, cujus

cujus virtuti, fidei, felicitati commendata est, etenim si fortunæ muneribus amplissimis ornatus, sapius eas Deæ periculum facere nollit : si in patriam, si ad Deos penates, si ad eam dignitatem, quam in civitate sibi propositam videt, si adjucundissimos liberos, si ad clarissimum generum redire properaret, si in Capitolium inveni victor cum illa insigni laurea gestiret : si denique timeret casum aliquem, qui illi tantum addere jam non potest, quantum auferre : vos tamen oporteret ab eodem illa omnia, à quo profligata sunt, confici velle. Cum verò ille suæ gloriæ jam pridem, reip. nondum satisfecerit, & malit tamen tardius ad suorum laborum fructus pervenire, quàm non explere susceptum reipubl. munus : nec Imperatorem incensum ad rempubl. benè gerendam revocare, nec totam Gallici belli rationem jam explicatam perturbare, atque impedire debemus.

IMITATIO.

Jonathas ad hujus rationis exemplar Sauli patri rationes sua dare poterit cum David amicitia, quòd omnes clari viri heroas ament, communique saluti, per Davidem egregiè subactis hostibus, consalatur, &c.

Exemplum IX.

An rectè Cn. Pompejus Corn. Balbum civitate donarit ? à causis.

Cicero pro Balbo tom. 3. oratione 4. post Exordium.

1. Docet præsumendum esse quod Pompejus nihil egerit, nisi quod jure concessum erat, propter usum rerum, ingenium, & autoritatem qua exemplo Metelli & Gracorum illustrantur.

2. Dilemmate idem urget ; ut vel scientem, vel inscientem deliquisse arguant ; illud non dicere adversarios ; hoc non posse, cum hoc jus ipsis liberris seu amanuensis non sit.

3. Ostendit Communi omnium temporum vitio, ex invidia

dia, tam in vivum Pompejum (cui mortuo parcerent) quàm in Balbum, cujus gloria parca non favent, hanc accusationem natam esse, quam, judices rogat, ut negligent.

Non est fas dubitare, Judices, quin quod C. Pompejum fecisse constet, id non solum decuisse, sed etiam debuisse, fateamur. Quid enim abest huic homini, quod si adesset, jure hoc tribui, & concedi putarem? ususne rerum? qui pueritiæ tempus extremum, principium habuit bellorum, atque imperiorum maximorum: cujus plerique æquales minus sæpè castra viderunt, quàm hic, triumphavit: qui tot habet triumphos, quod oræ sunt partēque terrarum: tot victorias bellicas, quot sunt in rerum natura genera bellorum. An ingenium? cum etiam ipse casus eventusque rerum non duces, sed comites ejus consiliorum fuerint: in quo uno ita summa fortuna cum summa virtute certavit, ut omnium judicio plus, quàm possit, minus, quam decet, tribueretur. An pudor, an integritas, an religio in eo, aut diligentia unquam requisita est? quem provinciæ nostræ, quem liberi populi, quem, ~~re~~, quem exteræ gentes castiorem, moderatiorem, sanctiorem non modò viderunt, sed vix sperando unquam, aut optando cogitaverunt? quid dicam de auctoritate, quæ tanta est, quanta in his tantis virtutibus ac laudibus esse debet. cui Senatus populusque Rom. amplissimæ dignitatis præmia dedit, non postulanti, imperia verò etiam, recusanti: hujus de facto, Judices, ita quæri, ut id agatur, licueritne ei facere, quod facit? an verò, non dicam, non licuerit, sed nefas fuerit? (contra sedus enim, id est, contra populi Rom. religionem, & fidem fecisse dicitur) nonne turpe populo Rom.? nonne vobis? audiivi hoc de parente meo puer, cum Q. Metellus, L. F. causam de pecuniis reperundis diceret: ille, ille vir, cui patriæ salus dulcior, quàm conspectus fuit, qui de civitate decedere, quàm de sententia maluit: hoc igitur causam dicente, cum ipsius tabulæ circumferrentur inspiciendi nominis causa, fuisse judicem ex illis equitibus Rom. gravissimis viris, neminem, quin removerit oculos & se totum averteret: ne fortè, quod ille in tabulas publicas retulisset, dubitasse quisquam, verumne, an falsum esset, videretur, nos Cn. Pompei

pei decretum, judicium de consilii sententia pronuntiatum recognoscemus? cum legibus conferemus? cum federibus, quorum acerbissima diligentia est, perpendemus? Athenis ajunt, cum quidem apud eos, qui sanctè graviterq; vixisset, & testimonium publicè dixisset, & ut moris Græcorum est, jurandi causa ad aras accederet, una voce omnes judices, ne is juraret, reclamasse, cum Græci homines, spectati viri, noluerint religione videri potius, quàm veritate fidem esse constriatam; nos etiam in ipsa religione & legum & federum conservanda, qualis fuerit Cn. Pompejus, dubitabimus?

2. Utrum enim, inscientem vultis contra federa fecisse, an scientem? si scientem: ô nomen nostri imperii, ô populi Rom. excellens dignitas, ô Cn. Pompeji sic latè longèque diffusa laus, ut ejus gloriæ domicilium communis imperii finibus terminetur! ô nationes, urbes, populi, Reges, tetrarchæ, tyranni, testes C. Pompeji non solum virtutis in bello, sed etiam religionis in pace: vos denique mutæ regiones imploro, & sola terrarum ultimarum, vos maria, portus, insulæ, littoraque: quæ est enim ora, quæ sedes, qui locus, in quo non extent hujus cum fortitudinis, tum verò humanitatis, tum animi, tum consilii impressa vestigia? hunc quisquam incredibili quadam atque inaudita gravitate, virtute, constantia præditum, federa scientem neglexisse, violasse, rupisse, dicere audebit? gratificatur mihi gestu accusator: inscientem Cn. Pompejum fecisse significat. Quasi verò levius sit, cum in tanta republ. versere, & maximis negotiis præsis, facere aliquid, quod scias non licere, an omnino nescire, quid liceat. Etenim cum in Hispania bellum acerrimum & maximum gesserat, quo jure Gaditana civitas esset, nesciebat? an cujus linguam populi non nosset, interpretationem federis non tenebat? Id igitur quisquam Cn. Pompejum ignorasse, dicere audebit, quod mediocres homines, quod nullo usu, nullo studio militari præditi, quod librarioli denique scire profiteantur? equidem contra existimo judices, cum in omni genere, ac varietate artium, etiam illarum, quæ sine summo ocio non facile discuntur, Cn. Pompejus excellat, tum singularem quandam laudem ejus & præstabilem esse scientiam in federibus, pactionibus, conditionibus populorum, regum,

regum, exterarum nationum in universo denique belli jure ac pacis, nisi fortè, quæ nos libri docent in umbra, & ocio, ea Cn. Pompejum neque, cum requiesceret, literæ, neque cum rem gereret, res ipsæ docere potuerunt.

3. Atque, ut ego sentio, Judices, causa dicta est temporis magis vitio, quam ullius Cornelii crimine de quo plura non dicam. ego de hujus, inquam, genere judicii plura dicam. Est enim hujus seculi labes quædam & macula virtuti invidere, velle ipsum florem dignitatis infringere. Etenim si Cn. Pompejus abhinc annos quingentos fuisset, is vir, à quo Senatus adolescentulo atque equite Rom. sæpe communis salutis auxilium expetisset: cuius res gestæ omnes gentes cum clarissima victoriâ terra marique peragrassent: cuius res triumphii testes essent, totum orbem terrarum nostro imperio teneri: quem populus Rom. singularibus honoribus decorasset: si nunc apud vos id, quod is fecisset, contra fedus factum diceretur, quis audiret? nemo profecto: mors enim cum extinxisset invidiam, res ejus gestæ sempiterni nominis gloria niterentur. Cujus igitur audita virtus dubitationi locum non daret, hujus præfens, experta, atque perspecta obtrectatorum voce lædetur? omittam igitur Pompejum jam in oratione mea reliqua: sed vos, Judices, animis ac memoria tenetote de lege, de federe, de exemplis, de perpetua consuetudine civitatis nostræ. Renovabo ea, quæ dicta sunt: nihil enim mihi novi, nihil integri. neque M. Crassus, qui totam causam, & pro facultate, & pro fide sua diligentissimè vobis explicavit: neque Cn. Pompejus, cujus oratio omnibus ornamentis abundavit, ad dicendum reliquit. Sed quoniam me recusante placuit ambobus, adhiberi hunc à me quasi perpoliendi quendam operis extremum laborem: peto à vobis, ut me officii potius, quàm dicendi studio, hanc suscepisse operam ac munus putetis. Ac prius quàm aggrediar ad jus causamq; Cornelii, quiddam de communi conditione omnium nostrum deprecandæ malevolentiae causa, breviter commemorandum videtur. Si, quo quisque loco nostrum est, judices, natus, aut si, in qua fortuna est nascendi initio constitutus, hunc vitæ statum usque ad senectutem obtineri debet: & si omnes, quos aut fortuna extulit, aut ipsorum il-

lustravit

Iustravit labor, & industria, poena sunt afficiendi : non gravior L. Cornelio ; quam multis viris bonis atque fortibus constitui lex vitæ & conditio videtur. Sin autem multorum virtus, ingenium, humanitas ex infimo genere & fortunæ gradu, non modò amicitias, & rei familiaris copias consecuta est ; sed summam laudem, honores, gloriam, dignitatem : non intelligo, cur potius invidia violatura virtutem L. Cornelii, quàm æquitas vestra pudorem ejus adjutura videatur. Itaque quod maximè petendum est, à vobis iccirco non peto judices, ne de vestra sapientia, atque de vestra humanitate dubitare videar. Est autem petendum, ne oderitis ingenium, ne inimici sitis industriæ, ne humanitatem opprimendam, ne virtutem puniendam putetis. Illud peto, ut, si causam ipsam per se firmam esse & stabilem videritis, hominis ipsius ornamenta adjumento causæ potius, quam impedimento esse malitis.

IMITATIO.

Iure factum esse, quod Chrysostomus Eudoxiam de alieni agri invasione reprehenderit ; cum pluribus jam annis Ecclesia Constantinopolitana cum summa scientia & virtutis laude, contra hæreticos & improbos præfectus fuerit, nihilq; iniquum molitus sit, solâ invidiâ tantum ab aliis Episcopis, irâ ab Eudoxia appetatur ; ad similitudinem hujus argumenti facile diduces.

Appendix & observatio.

Hæc ad deliberandum proposita suffecerint, ut quemadmodum & hoc in genere, ex communibus inventionis fontibus hauriatur, oratio, ac suis quoque figuris, quamvis modestius ornetur ; exempli teneat. Minus tamen hæc generalia esse possunt ; cum res quæque ut agendi rationes habet proprias, ita & disserendi. Quæ enim de Optimum officiis, quæ de Rege, quæ de animæ immortalitate, quæq; alia ejus generis in disceptationem veniunt ; ita singulis plerumq; sunt propria, ut aliis, nisi in pari specie, vix possint applicari. Quare hic aliquantò difficilior imitatio redditur.

Cæterum si quis hæc aliaque ad Declamationem, aut theatri usum aptare velit. Is quid cuique rei, aut proprium, aut adjunctum sit, in animum revocet. Ut: de Optimum officiis cives, milites, rustici, pauperes, divites, ipsi denique procures, non uno ore sensuque dimicent. De animæ immortalitate. probi, improbi, politici, religiosi, philosophi, theologi vel prisca, vel hodierni certent, aut diversæ etiam nationes, religionesque, Sinæ, Japonæ, Europæi disceptent. Sic an arma sumenda? an præmia danda militi? diversi status, conditionisque homines in deliberationem adducant. Paucis absolvo, res quævis tuas tibi cum rationibus quoque personas suggeret. ipsa quandoque bruta, elementa, resquæ cæteræ vita destitutæ, per legatos, vel tutores Genios suam ad præsens consilium, vel negotium, finem naturamque explicabunt.

CAPUT XX.

De confirmatione Orationis in genere. judiciali.

ET hoc nobis postremò dicendi genus negligendum non est. Quamvis enim hæc modo pro judiciis certandi ratio exoleverit, tamen cum ex demonstrativo ac Deliberativo genere vim suam rationemque, differendi mutetur, & utrumque intra se colligat. Tullius etiam in hoc potissimum versatus sit, neque hodie dum planè in causis iudiciisque subito finiendis exulet, acuat quoque ad omne genus orationis ingenium, suas illi cum aliis partes dabimus: neque postremas, vel ob hoc præcipuè, quòd siquid ad permovendos, impellendosque omnem in partem animos, possit eloquentia, hoc abs Cicerone illo in genere dicendi potissimum sit petendum.

Ibimus verò per fontes pleròsque argumentorum, more nostro signatos, atque exempla diversis in factis causisque diversa etiam producemus. Primo Verris scelera per ironiam & simulatam hominis laudem Cicero perstringet. altero aperte Catilinam poenis intentatis terreat. Tertio
synu-

simulatæ religioni Clodii pallium detrahet, atque ad religionis eversionem spectare docebit, quartò legem à Clodio latam, quam æquam esse oportuit, iniquitatis damnabit. Quinto testimoniis aliorum, variis de causis, fide derogabit, reliqua duo ad defensionem pertinebunt, primùm quidem personæ; alterum legis, atque ita hanc Confirmationis partem absolvemus. Quæ verò de Confutatione adversariorum, animisque permovendis tractabimus, hæc suas in classes distributa subjiciemus.

Exemplum 1. Accusationis.

Ingeniosâ dispositione Imperatoris boni officium, quod Verri Cicero tribuere principio videtur, ab ipso alienissimum esse ubique demonstrat. ab adjunctis loci, personarum, & factorum.

Actiōne VI. in Verrem in principio.

1. In exordio dicit. *Videri quod Verres defendi possit laude & virtute boni in bello Imperatoris, uti M. quondam Aquilius, à M. Antonio defensus est.*

2. *Nullum in Sicilia bellum servile ne metuendum quidem fuisse asserit; cum nec arma his indulta fuerint, & Siculi pacem cum Romanis ament.*

3. *Esse tamen alicubi in Tricalino conjurationis nomine apprehensos convictosque servos cum Domino; sed hos ad palum jam alligatos magna vi pecunia redemptos, neglecto supplicii & pœna exemplo. idemque in aliis præstitum.*

4. *Fictio conjurationis crimine Apollonium Panormitanum, pecunio um hominem, oneratum esse; ut, pecunia emuncta, Verres suam diligentiam in avertendo bello, cum quaestis probaret, quod factum ab adjunctis variè exagitur.*

5. *Progreditur tanquam laudaturus universè bellicas in Verre virtutes; sed ad Vitiorum ac mollis vitæ exprobrationem repente convertitur.*

1. Nemini video dubium esse, iudices, quin apertissime C. Verres in Sicilia sacra prophanaque omnia, & privatim & publice spoliavit, versatusque sit sine ulla non modo religione, verum etiam dissimulatione in omni genere furandi, atque prædandi, sed quædam mihi magnifica & præclara ejus defensio ostenditur: cui quemadmodum resistam, multò mihi antea est Iudices providendum. Ita enim causa constituitur, provinciam Siciliam virtute ejus, & vigilantia singulari, dubiis, formidolosisque temporibus à fugitivis, atque à belli periculis tutam esse servatam. Quid agam Iudices? quo accusationis meæ rationem conferam? quo me vertam? ad omnes enim meos impetus, quasi minus quidam, boni nomen imperatoris opponitur. novi locum: video, ubi se jactaturus sit Hortensius. Belli pericula, tempora Reipubl. imperatorum penuriam commemorabit. tum deprecabitur à vobis. tum etiam pro suo jure contendet. ne patiamini talem imperatorem populo Rom. Sicularum testimoniiis eripi, neve obteri laudem imperatoriam criminibus avaritiæ velitis. Non possum dissimulare Iudices, timeo, ne C. Verres, propter hanc virtutem eximiam in re militari, omnia quæ fecit, impune fecerit: venit enim mihi in mentem, in judicio M. Aquilii, quantum momenti oratio M. Antonii habuisse existimata sit: qui, ut erat in dicendo non solum sapiens, sed etiam fortis, causa propè perorata, ipse arripuit M. Aquilium, constituitque in conspectu omnium, tunicamque ejus à pectore abscidit, ut cicatrices populus Rom. iudicesque aspicerent, adverso corpore exceptas. Simul & de illo vulnere, quod, ille in capite ab hostium duce acceperat, multa dixit, eoque abduxit eos, qui erant judicativi. vehementer ut vererentur, ne, quem virum fortuna ex hostium telis eripuisset, cum pepercisset, hic non ad populi Rom. laudem, sed ad iudicum crudelitatem videretur esse servatus. Hæc eadem nunc ab illis defensionis ratio, viaque tentatur: idem quæritur, sit fur, sit sacrilegus, sit flagitiorum omnium, vitiorumque princeps: ac est bonus imperator, & felix, & ad dubia reipubl. tempora reservandus.

2. Non agam summo jure tecum: non dicam id, quod debeam forsitan obtinere, cum iudicium certâ lege sit constitutum,

stitutum, non quid in re militari fortiter feceris, sed quem-
admodum manus ab alienis pecuniis abstinueris, abs te do-
ceri oportere, non, inquam, sic agam: sed ita quaero, quem-
admodum te velle intelligo, quæ tua opera, & quanta fue-
rit in bello. Quid dices? an bello fugitivorum virtute tua
Siciliam liberatam? magna laus, honesta oratio: sed tamen,
quo bello? nos enim post id bellum, quod M. Aquilius
confecit, sic accepimus, nullum in Siciliâ fugitivorum bel-
lum fuisse. at in Italiâ fuit, fateor: & magnum quidem ac
vehemens. num igitur ex eo bello partem aliquam laudis
appetere conaris? num tibi illius victoriæ gloriæ cum M.
Crasso aut C. Pompejo communicandam putas? non arbi-
tror hoc etiam deesse tuæ impudentiæ, ut quicquam ejus-
modi dicere audeas. Obstitisti videlicet, ne ex Italiâ transire
in Siciliam fugitivorum copiæ possent. ubi? quando? ex
parte? cum aut navibus, aut ratibus, conarentur accedere?
nos enim nihil unquam audivimus: & illud audivimus M.
Crassi, fortissimi viri, virtute, consilioque factum, ne rati-
bus junctis freto fugitivi ad Messanam transire possent, à
quo illi conatu non tanto operè prohibendi fuissent, si ullâ in
Siciliâ præsidia ad illorum adventum opposita putarentur.
at cum in Italiâ bellum tam propè à Siciliâ, tamen in Sici-
lia non fuit. quid mirum? ne cum in Siciliâ quidem fuit,
eodem intervallo pars ejus belli in Italiam ulla pervasit. ete-
nim propinquitas ad utram partem hoc loco profertur? u-
trum aditum facilem hostibus, an contagionem imitandi
ejus belli periculosam fuisse? Aditus omnis hominibus sine
ullâ facultate navium non modo disjunctus, sed etiam clau-
sus fuit: ut illis, quibus Siciliam propinquam fuisse dicis,
facilius fuerit ad Oceanum pervenire, quàm ad Peloridem
accedere. Contagio autem ista servilis belli, cur abs te po-
tius, quàm ab iis omnibus, qui cæteras provincias obtinue-
runt, prædicatur? an quod in Siciliâ jam antè bella fugiti-
vorum fuerant? at ea ipsa causa est, cur ipsa provincia mi-
nimo in periculo sit, & fuerit: nam posteaquam illinc Mar-
cus Aquilius decessit, omnium instituta, atque edicta præ-
torum fuerunt ejusmodi, ut ne quis cum telo servus esset.
Vetus est, quod dicam, & propter severitatem exempli ne-
mini fortasse vestrum inauditum: L. Domitium prætorem

in Siciliâ, cum aper ingens ad eum allatus esset, admiratum requisisse, quis eum percussisset : cum audisset, pastorem cujusdam fuisse, eum ad se vocari iussisse : illum cupidè ad prætorem, quasi ad laudem, atque ad præmium accurrisse : quæsisse Domitium, qui tantam bestiam percussisset ? illum respondisse, venabulo, statim deinde iussu prætoris in crucem esse sublatum. Dorum hoc fortasse videbatur : neque ego ullam in partem disputo : tantum intelligo, maluisse Domitium crudelem in animadvertendo, quam in prætermittendo dissolutum videri. Ego his institutis provinciæ, jam cum bello fugitivorum tota Italia arderet, homo non acerrimus, nec fortissimus Cn. Norbanus, in summo otio fuit : perfacile enim sese in Sicilia tuebatur, ne quod in ipsâ bellum posset existere. Etenim cum nihil tam conjunctum sit, quam negotiatores nostri cum Siculis usu, re, ratione, concordia : & cum ipsi Siculi res suas ita constitutas habeant, ut his pacem expediat esse : imperium autem populi Rom. sic diligant, ut id imminui, aut commutari nunime velint : cumque hæc ab servorum bello pericula & prætorum institutis, & dominorum disciplina provisâ sint : nullum est malum domesticum, quod ex ipsâ provincia nasci possit.

3. Quid igitur ? nulline motus in Sicilia servorum Verre prætoris ? nullane contentionis factæ esse dicuntur ? nihil sane, quod ad senatum populumque Rom. pervenerit : nihil, quod iste Romam publice conscripserit, & tamen ceptum esse in Sicilia moveri aliquot locis servitium suspicor : id adeo, non tam ex re, quam ex istius factis cognosco. Ac videte, quàm non inimico animo sim acturus : ego ipse hæc, quæ ille quærit, quæ adhuc nunquam audistis, commemorabo & proferam. In Tricalino, quem locum fugitivi jam antè tenuerunt, Leonidæ cujusdam Siculi familia in suspicionem vocata est conjurationis, res delata ad istum. Statim (ut par fuit) iussu ejus homines, qui nominati erant, comprehensi sunt, adductique Lilibæum : domino denunciatum est, ut adesset : causa dicta damnati sunt. Quid deinde ? quid censeris ? furtum fortasse, aut prædium expectatis aliquam ? nolite usquequaque eadem querere. In metu belli, furandi qui locus

locus potest esse ? etiam si qua hic fuit in hac re occasio prætermissa. Tum potuit à Leonida nummorum aliquid auferre, cum denunciavit, ut adesset. Fuit nundinatio aliqua, & isti non nova, ne causam diceret : etiam alter locus, ut servi absolverentur. Damnatis quidem servis, quæ prædandi potest esse ratio ? produci ad supplicium necesse est : testes enim sunt, qui in consilio fuerunt, testes publicæ tabulæ ; testis splendidissima civitas Lilyberana : testis honestissimus, maximusque conventus civium Rom. nihil potest. Producenti sunt itaque, producuntur. & ad palum alligantur. Etiamnam mihi exspectare videmini, Iudices, quid deinde factum sit, quod iste nihil unquam facit sine aliquo quaestu, atque præda. Quid in ejusmodi re fieri potuit ? quod commodum est ? exspectare facinus quàm vultis improbum : vincam tamen exspectationem omnium : nomine sceleris, conjurationisque damnari, ad supplicium traditi, ad palum alligati, repente multis millibus hominum inspectantibus soluti sunt, & Leonidæ illi Domino redditi. Quid hoc loco potes dicere homo amentissime ? nisi id, quod ego. Non quaero, quod denique in re tam nefaria, tamen si dubitari non potest, tamen, ne si dubitetur quidem, quaeri oporteat : quid, aut quantum, aut quomodo acceperis. Remitto tibi hoc totum, atque ista te cura libero : neque enim metuo, ne hoc cuiquam persuadeatur, ut ad quod facinus nemo præter te, ulla pecunia adduci potuerit, id tu gratis suscipere conatus sis. Verùm de ista furandi, prædandique ratione nihil dico : de hac imperatoria jam tua laude disputo. Quid agis bene custos, defensorque provinciæ ? Tu quos servos arma capere, ac bellum facere in Sicilia voluisse cognôras, & de consilii sententia judicaras, hos ad supplicium jam more majorum traditos, & ad palum alligatos, ex media morte eripere, ac liberare ausus es ? ut quam damnatis servis crucem fixeras, hanc indemonstratis civibus Rom. reservares ? perditæ civitates, desperatis omnibus rebus hos solent exitus exitiales habere, ut damnati in integrum restituantur, victi solvantur, exulis reducantur, res judicæ rescindantur. Quæ cum accidunt, nemo est, quin intelligat ruere illam Rempubl. hæc ubi eveniunt, nemo est,

qui ullam spem salutis reliquam esse arbitretur. Atque hæc sicubi facta sunt, facta sunt, ut homines populares, aut nobiles supplicio, aut exilio levarentur: at non ab iis ipsis, qui iudicassent, at non statim, at non eorum facinorum damnati, quæ ad vitam & fortunas omnium pertinerent. Hoc verò novum, & ejusmodi est, ut magis propter reum, quam propter rem ipsam credibile esse videatur, ut homines servos, ut ipse, qui iudicaret, ut statim è medio supplicio dimiserit, ut ejus facinoris damnatos servos, quod ad omnium liberorum caput, & sanguinem pertineret, ô præclarum imperatorem, nec jam cum M. Aquilo fortissimo viro, sed verò cum Paullis, Scipionibus, Martis conferendum! Tantumne vidisse in metu, periculoque provinciæ, cum servitorum animos in Sicilia suspensos propter bellum Italiæ fugitivorum videret: ne quis se commovere auderet, quantum terroris injecit? comprehendi jussit: quis non pertimescat? causam dicere: quid servis tam formidolosum? fecisse videri, pronunciavit: exortam videtur flammam paucorum dolore, ac mortis restrinxisse. Quid deinde sequitur? Verbera atque ignes, & illa extrema ad supplicium damnatorum, metum cæterorum, cruciatus, & crux. Hisce omnibus suppliciis sunt liberati. Quis dubitet quin servorum animos summa formidine oppresserit, cum viderent ea facilitate prætorem ut ab eo sceleris, conjurationisque damnatorum vita, vel ipso carnifice internuncio, redimeretur? Quid? Hoc in Apolloniensi Aristodamo? Quid? In Leonte Magarensi non idem fecisti? quid? Iste motus servorum, bellique subita suspicio, utrum tibi tandem diligentiam custodiendæ provinciæ, an novam rationem improbißimi quæstus attulit? Haliciensis Eumenidæ, nobilis hominis, & honesti, magnæ pecuniæ villicus, cum impulsu tuo insimulatus esset, H. S. LX. millia à Domino accepisti. quod nuper ipse juratus docuit, quemadmodum gestum esset. ab equite R. C. Matrimonio absente, cum is esset Rômæ, quod ejus villicos, pastoresque tibi in suspicionem venisse dixeras, H. S. centum abstulisti. Dixit hoc L. Flavius, qui tibi eam pecuniam numeravit, præcurator C. Matrinii: dixit ipse C. Matrinus: dicet clarissimus vir Cn. Lentulus censor, qui Matrinii honoris causa recenti negotio ad te litteras misit, mittendasque curavit.

4. Quid?

4. Quid ? de Apollino Dioclis filio Panormitano, cui Geminio cognomen est, præteriri potest ? Ecquid hoc tota Sicilia clarius ? Ecquid indignius ? Ecquid manifestius proferri potest ? Quem is, ubi Panormum venit, ad se vocari, & de tribunali citari iussit, concursu magno, frequentiaque conventus. Homines statim loqui, mirari, quòd Apollonius homo pecuniosus tamdiu ab isto maneret integer : excogitavit : nescio quid attulit : profectò homo dives, repente a Verre non sine causa citatur : expectatio summa omnium, quidnam id esset, cum examinatus subitò ipse accurrit, cum adolescente filio : nam pater, grandis natu, jam diu lecto tenebatur. nominat iste servum, quem magistrum pecoris esse diceret, cum dicit conjurasse, & alias familias contitasse. Is omnino servus in familia non erat, cum statim exhiberi jubet. Apollonius affirmat servum se omnino illo nomine habere neminem, iste hominem abripi à tribunali, & in carcerem conjici jubet. illa clamare cum raperetur, nihil se miserum fecisse, nihil commississe, pecuniam sibi esse in nominibus, numeratam in præsentia non habere. hæc cum maximè summa hominum frequentia testificaretur, ut quis intelligere posset, cum, quòd pecuniam non dedisset, iccirco illà tam acerbà injurià affici, cum maximè, ut dico, hoc de pecunià clamaret, in vincla coniectus est. Videte constantiam prætoris, & ejus prætoris, qui nunc reus non ita defendatur, ut mediocris prætor : sed ita laudetur, ut optimus imperator. Cum servorum bellum metuere, quo supplicio dominos indemnatos afficiebat, hoc servos damnatos liberabat. Apollonium, locupletissimum hominem, qui si fugitivi bellum in Sicilia facerent, amplissimas fortunas amitteret, belli fugitivorum nomine, indictà causà, in vincla conjecit : servos, quos ipse cum consilio belli facienti causa consensisse judicavit, eos sine consilii sententià, suà sponte, omni supplicio liberavit. Quid, si ab Apollonio aliquid commissum est, quamobrem jure in eum animadverteretur : taménne hanc rem sic ageremus, ut criminis, aut invidiæ reo putemus esse oportere, si quo de homine severius judicavit ? non agam tam acerbè : non utar istà accusatorià consuetudine, si quod est factum clementer, ut dissolutè factum criminet : siquid vindicatum severè

est, ut ex eo crudelitatis invidiam colligam. non agam istâ ratione: tua sequar judicia: tuam defendam auctoritatem, quoad tu voles, simul ac rutè coeperis tua judicia rescindere, mihi succensere desinito: meo enim jure contendam, cum, qui suo judicio condemnatus sit, juratorum judicum sententiis damnari oportere. Non defendam Apollonii causam, amici atque hospitis mei, ne tuum judicium videar rescindere: nihil de hominis frugalitate, virtute, diligentia, dicam: prætermittam illud etiam, de quo antea dixi, fortunas ejus ita constitutas fuisse familiâ, pecore, villis, pecuniis creditis, ut nemini minus expediret, ullum in Sicilia tumultum, aut bellum commoveri: non dicam ne illud quidem, si maximè in culpa fuerit Apollonius, tamen in hominem honestissimum civitatis honestissimæ, tam graviter animadverti, causâ indictâ, non oportuisse: nullam invidiam in te, ne ex illis quidem rebus concitabo: cum esset talis vir in carcere, in tenebris, in squalore, in sordibus, tyrannicis interdictis tuis, patri exactâ arate, & adolescenti filio adeundi ad illum miserum potestatem nunquam esse factam: etiam illud præteribo, quoriescunque Panormum veneris illo anno & sex mensibus, (nam tam diu fuit in carcere Apollonius) toties ad te Senatum Panormitanum adisse supplicem cum magistratibus, sacerdotibusque publicis, orantem, atque obsecrantem ut aliquando ille miser atque innocens calamitate illâ liberaretur. Relinquam hæc omnia: quæ si velim persequi, facile ostendam, tua crudelitate in alios omnes tibi aditus misericordiarum Judicum jam pridem esse præclusos. Omnia igitur ista concedam, & remittam: prævideo enim, quid sit defensurus, Horrensus, fitebitur, apud istum neque senectutem patris, neque adolescentiam filii; neque lacrymas utriusque plus valuisse, quam utilitatem, salutemque provinciarum. Dicet, rempubl. administrari sine metu, ac severitate non posse, quæret, quam ob rem fasces prætoribus præferantur, cur secures datæ, cur carceres ædificati, cur tot supplicia sint in improbos more majorum constituta? Quæ cum omnia graviter, severeque dixerit, quæram, cur hunc eundem Apollonium Verres idem, repentè, nulla nova re allata, nulla defensione, sine causa, de carcere emitti jusserit. rationemque

tumque in hoc crimine suspicionis esse affirmabo, ut jam ipsis Iudicibus sine mea argumentatione conjecturam facere permittam, quod hoc genus prædandi, quam improbum, quam indignum, quamque ad magnitudinem quæstus immentum, infinitumque esse videatur. Nam quæ iste in Apollonio fecit, ea primum breviter cognoscite, quot & quanta sint: deinde hæc expendite, atque æstimate pecunia: reperietis, iccirco hæc in uno pecunioso tot constituta, ut cæteris formidines similium incommodorū, atque exempla periculorum proponerentur. Primum insinulatio est repentina, capitalis, atque invidiosi criminis. Statuite, quanti hoc putetis, & quam multis redemisse. Deinde crimen sine accusatore, sententia sine consilio, damnatio sine defensione æstimate harum rerum omnium pretia: & cogitate, in his iniquitatibus unum hæsisse Apollonium, cæteros profecto multos ex his incommodis pecunia se liberasse. postremo tenebræ, vincula, carcer, inclusum supplicium, atque à conspectu parentum, ac liberū, denique à libero spiritu, & communi luce seclusum. hæc verò, quæ vel vita redimi rectè possunt, æstimare pecunia non queo. Hæc omnia serò redemit Apollonius, jam mœrore, ac miseriis perditus: sed tamen cæteros docuit, ante istius avaritiæ, ac scelerei occurrere. nisi verò existimatis hominem pecuniosissimum sine aliqua causa quæstus, injectum, ad tam incredibile crimen, aut sine eadem causa repente è carcere emissum, aut hoc prædandi genus ab isto in illo uno adhibitum, ac tentatum, & non per illum omnibus pecuniosis Siculis metum propositum, & injectum.

5. Cupio mihi Iudices ab illo subijci, quoniam de militari ejus gloria dico, si quid fortè prætereo: nam mihi videor de omnibus jam rebus ejus gestis, dixisse, quæ quidem ad belli fugitivorum pertinerent suspicionem: certè nihil sciens prætermisi. Habetis hominis consilia, diligentiam, vigilantiam, custodiam, defensionemque provinciæ. Summa illuc pertinet, ut sciatis, quoniam plura genera sunt imperatorum, ex quo genere iste sit, ne diutius in tanta penuria virorum fortium talem imperatorem ignorare possitis, non ad Q. Maximi sapientiam, neque ad illius superioris Africani in re gerenda celeritatem, neque ad hujus, qui

qui postea fuit, singulare consilium, neque ad Pauli rationem, ac disciplinam, neque ad C. Marii vim atque virtutem, sed ad aliud genus imperatorum referendum, sanè diligenter retinendum, & conservandum, quæso cognoscite. Itinerum primum laborem, qui vel maximus est in re militari, Judices, & in Sicilia maximè necessarius, aspici-
tè, quàm facilem sibi iste; & jucundum ratione, consilioque reddiderit. Primum temporibus hibernis ad magnitudinem frigorum, & ad tempestatum vim, ac imbrium præclarum sibi hoc remedium comparat. Urbem Syracusas elegerat: cujus hic situs, atque hæc natura esse loci, cælique dicitur, ut nullus unquam dies tam magnâ, turbulentâque tempestate fuerit, quin aliquo tempore ejus diei solem homines viderent. Hic ita vivebat iste bonus Imperator hibernis mensibus, ut eum non facile non modo extra lectum, sed ne extra lectum quidem quisquam videret. ita diei brevitatis conviviis, noctis longitudo stupris & flagitiis conterebatur. Cum autem ver esse cœperat, cujus initium iste non à Favonio, neque ab aliquo astro notabat, sed cum rosam viderat, tunc incipere ver arbitrabatur: dabat se labori, atque itineribus: in quibus usque eò se præbebat patientem, atque impigrum, ut eum nemo unquam in equo sedentem videret. Nam ut mos fuit Bithyniæ regibus, lecticâ octophoro ferebatur: in qua pulvinus erat perlucidus, Melitensi rosâ faretus: ipse autem coronam habebat, unam in capite, alteram in collo: reticulumque ad naves sibi admovebat tenuissimo lino, minutisque maculis, plenum rosæ. Sic confecto itinere, cum ad aliquod oppidum venerat, eadem lecticâ usque in cubiculum deferbatur. Eo veniebant Siculorum magistratus, veniebant equites Rom. id quod ex multis juratis audistis; controversiæ secretò deferiebantur: paulò post palam decreta auferebantur. Deinde, ubi paulisper in cubiculo pretio, non æquitate jura descripserat: Veneri jam & Libero reliquum tempus deberi arbitrabatur.

IMITATIO.

Henrici VIII. Regis Anglorum nefariam cum libidine crudelitatem in suos subditos, ac præcipuè Thomam Morum exercitam, avaritiamque incredibilem, qua sublatis pluribus Episcopis, innumerabiles Ecclesia thesauros exhaust, ad huius Verris imitationem describere poteris.

II.

Facinus Catilinae ab adjunctis, & partium enumeratione eloquentissime expositum, multandum exilio potius, quàm morte, ob consequentia decernitur.

Cicero oratione I. in Catil.

1. *Conjuratio Catilinae ejusque impudens audacia à variis adjunctis, & affectibus, cum populi, tum Catilinae describitur, & iusta mortis poena aliorum exemplis declaratur, quanquam Cicero Catilinae parcat.*

2. *Ostendit per enumerationem, partium insidias & scelera Catilinae jam omnibus manifesta, siue privata, siue publica sint, ideoque invisum omnibus ac toti patriae, urbe debere excedere.*

3. *Cicero objectionem eorum, qui Catilinam occidendum suadebant, ex patria loquente audit, responditque à consequentibus consultius esse, ut ipso excedente conjurati simul ab urbe separentur.*

Quousque tandem abutere, Catilina, patientia nostra? quamdiu nos etiam furor iste tuus eludet? quem ad furem sese effrenata jactabit audacia? nihilne te nocturnum praesidium palatii, nihil urbis vigiliae, nihil timor populi, nihil consensus bonorum omnium, nihil hic munitissimus habendi Senatus locus, nihil horum ora, vultusque moverunt? patere tua consilia non sentis? constrictam jam omnium horum conscientiam teneri conjurationem tuam non vides? quid proxima, quid superiore nocte egeris, ubi fueris, quos

con-

convocaveris, quid consilii coeperis, quem nostrum ignorare arbitraris? O tempora! ô mores! Senatus hæc intelligit, Consul videt: hic tamen vivit, Vivit? immo verò etiam in Senatum venit: sit publici consilii particeps, notat: & designat oculis ad eadem unumquemque nostrum. Nos autem viri fortes, satisfacere reipubl. videmur, si istius furorem, ac tela vitemus. Ad mortem te, Catilina, duci, jussu consulis, jam pridem oportebat: in te conferri possem istam, quam tu in nos omnes jam diu machinaris. An verò vir amplissimus, P. Scipio, Pontifex maximus, Tit. Gracchum mediocriter labefactantem statum reipubl. privatus interfecit: Catilinam orbem terræ cæde, atque incendiis vastare cupientem, nos consules perferemus? nam illa nimis antiqua prætereo, quod Q. Servilius Hala Sp. Melium novis rebus studentem, manu sua occidit. Fuit ista quondam in hac reipubl. virtus, ut viri fortes acrioribus supplicis eivem perniciosum, quam acerbissimum hostem coercerent. Cupio P. C. me esse clementem: cupio in tantis reipubl. periculis non dissolutum videri: sed jam me ipsum inertiae, nequitiaeque condemno. Castra sunt in Italia contra rempubl. in Etruriæ faucibus collocata: crescit in dies singulos hostium numerus: eorum autem imperatorem castrorum ducemque hostium, intra moenia, atque adeò in Senatu videmus, intestinam aliquam quotidie perniciem reipubl. molientem. Si te jam, Catilina, comprehendi, si interfici jussero: credo erit verendum mihi, ne hoc potius omnes boni scius à me, quam quisquam crudelius factum esse dicant. Verum ego hoc quod jam pridem factum esse oportuit, certa de causa nondum adducor, ut faciam. tum denique te interficiam, cum jam nemo tam improbus, tam perditus, tam tui similis inveniri poterit, qui id non jure factum esse fateatur. Quamdiu quisquam erit, qui te defendere audeat, vives: & vives ita, ut nunc vivis, multis meis & firmis præsidis obsessus, ne commovere te contra rempubl. possis. multorum te etiam oculi, & aures non sentientem, sicut adhuc fecerunt, speculabuntur, atque custodient.

3. Etenim quid est, Catilina, quod jam amplius expectes, si neque nocte nebris obscurare cæcus nefarios; nec
privata

privata domus parietibus continere vocem conjurationis
tuz potest. si illustrantur, si erumpunt omnia? muta
jam istam mentem: mihi crede? obliviscere cædis, atque
incendiorum. teneris undique: luce sunt clariora nobis
tua consilia. Recognosce tandem mecum illam superio-
rem noctem jam intelliges multò me vigilare acrius ad sa-
lutem, quam te ad perniciem reipubl. Dico te priori no-
cte venisse inter falcarios (non agam obscure) in M. Lec-
cæ domum: convenisse eadem complures amentia: sce-
lerisque socios. Num negare audes? quid taces? con-
vincam, si negas. video enim esse hic in Senatu quosdam,
qui tecum una fuere. O Dii immortales! ubinam gen-
tium sumus? quam rempubl. habemus? in qua urbe vi-
vimus? Hic, hic sunt, in nostro numero, P. C. in hoc or-
bis terræ sanctissimo, gravissimoque consilio, qui de meo,
nostrumque omnium intentu, qui de hujus urbis, atque
adeò orbis terrarum exitu cogrent. Hosce ego video
consul, & de republ. sententiam rogo: & quos ferro tru-
cidari oportebat, eos nondum voce vulnero. Fuisti igitur
apud Leccam & nocte, Catilina: distribuisti partes Italiae:
statuisti quo quemque proficisci placeret: delegisti quos
Romæ relinqueres, quos tecum educeres: descripsisti ur-
bis partes ad incendia? confirmasti te ipsum jam esse exi-
tuum. Quid enim, Catilina, est, quod te jam in hac urbe
delictare possit? in qua nemo est, extra istam conjura-
tionem perditorum hominum, qui te non metuat, nemo
qui te non oderit? Quæ nota domesticæ turpitudinis non
inusta vitæ tuæ est? quod privatarum rerum dedecus non
hæret infamæ? quæ libido ab oculis, quod facinus à ma-
nibus unquam tuis, quod flagitium à toto corpore ab-
fuit? cui tu adolescentulo, quem corruptelarum illece-
bris irretisses, non aut ad audaciam ferum, aut ad libidi-
nem, facem prætulisti? Quid verò? nuper cum morte
superioris uxoris, novis nuptiis, domum vacuum fecisses,
nonne etiam aliquo incredibile scelere hoc scelus cumu-
lasti? quod ego præmitto, & facile patior sileri, ne
in hac civitate tanti facinoris immanitas, aut exitio-
se, aut non vindicata esse videatur. Præmitto
ruinas fortunarum tuarum, quas omnes impendere
tibi

tibi proximis idibus senties. Ad illa venio, quæ non ad privatam ignomiam vitiorum tuorum, non ad domesticam tuam difficultatem, ac turpitudinem, sed ad summam reipublicæ atque ad omnium nostrum vitam, salutemque pertinent. Potestne tibi hujus vitæ hæc lux, Catilina, aut hujus cæli spiritus esse jucundus, cum scias, horum esse neminem, qui nesciat, te pridie Kalendas Jan. Lepido, & Tullo, Coss. stetisse in comitio cum telo? manum, Consulum, & Principum civitatis interficiendorum causa, paravisse? scelere, ac furori tuo non mentem aliquam, aut timorem tuum, sed fortunam reipubl. obstitisse? Ac jam illa omitto. neque enim sunt aut obscura, aut non multò post commissæ. Quoties tu me Consulem interficere voluisti? Quot ego tuas petitiones ita conjectas, ut vitari posse non viderentur, parva quadam declinatione, &, ut ajunt, corpore effugi? Nihil agis, nihil assequeris, nihil moliris, quod me latere valeat. neque tamen conari, ac velle desistis. Quoties jam, quoties tibi exorta est sica ista de manibus? quoties verò excidit casu aliquo, & elapsa est? tamen ea carere diutius non potes: quæ quidem, quibus abs te initiata sacris, ac devota sit, nescio, quod eam necesse esse putas consulis in corpore defigere. Nunc verò, quæ tua est ista vita? Sic enim jam tecum loquar, non ut odio permotus esse videar, quo debeo, sed ut misericordia, quæ tibi nulla debetur. Venisti paulò ante in Senatum. Quis te ex hac tanta frequentia, ex tot tuis amicis, ac necessariis salutavit? Si hoc post hominum memoriam contigit nemini, vocis expectas contumeliam, cum sis gravissimo judicio taciturnitatis oppressus? Quid, quod adventu tuo ista subsellia, vacua facta sunt? quid, quod omnes consulares, qui tibi per sæpe ad eadem constituti fuerunt, simulque assedisti, partem istam subselliorum nudam, atque inanem reliquerunt? quo tandem animo hoc tibi ferendum putas? Servi me hercule mei si me isto pacto metuerent, ut te metuunt omnes cives tui, domum meam relinquendam putarem: tu tibi urbem non arbitraris? &, si me meis civibus injuria suspectum tam graviter, atque offensum viderem: carere me aspectu civium, quam

quàm infestis omnium oculis conspici malle, tu cum conscientia scelerum tuorum agnoscas odium omnium justum, & jam tibi diu debitum, dubitas, quorum mentes, sensusque vulneras, eorum adspectum præsentiamque vitare? si te parentes timerent, atque odissent tui, neque eos ulla ratione placare posses: ut opinor, ab eorum oculis aliquo concederes: nunc te patria, quæ communis est omnium nostrum parens, odit, ac metuit: & jam diu te nihil judicat, nisi de parricidio suo cogitare. Hujus tu neque autoritatem verebere, neque judicium sequere, neque vim pertimesces? Quæ tecum, Catilina, sic agit, & quodammodo tacita loquitur. Nullum jam tot annos facinus existit, nisi per te: nullum flagitium sine te: tibi uni multorum civium necesse, tibi vexatio, direptioque sociorum, impunita fuit, ac libera: tu non solum ad negligendas leges, & quæstiones, verum etiam ad evertendas, perfringendasque valuisti. Superiora illa, quamquam ferenda non fuerunt, tamen ut potui, tuli: nunc verò me totam esse in metu propter unum te: quicquid increpuerit, Catilinam timeri: nullum videri contra me consilium inire posse, quod à tuo scelere abhorreat; non est ferendum: Quamobrem discede, atque hunc mihi timorem eripe; si verus, ne opprimar: sin falsus, ut tandem aliquando timere desinam. Hæc si tecum, ut dixi, patria loquatur: nonne impetrare debeat; etiam si vim adhibere non possit.

3. Nunc, ut me P. C. quandam propè justam propriæ querimoniam detester, ac deprecet; percipite, quæ so, diligenter, quæ dicam, & ea penitus animis vestris; mentibusque mandate. Etenim si mecum patria, quæ mihi vita mea multò est charior: si cuncta Italia, si omnis Respublica loquatur, M. Tulli, quid agis? tunc eum, quem esse hostem comperisti: quem ducem belli futurum vides: quem expectari Imperatorem in castra hostium sentis, auctorem sceleris, principem conjurationis; evocatorem fervorum, & civium perditorum, exire patieris, ut abs te non emissus ex urbe, sed immissus in urbem esse videatur? nonne hunc in vincula duci, non ad mortem rapi, non summo supplicio mactari imperabis? Quid tandem impedit te? morsne majorum? At per sepe etiam privati in

hac perniciosos cives morte multarunt. An leges, quæ de civium Romanorum supplicio rogatæ sunt? At nunquam in hac urbi ii, qui à republ. defecerunt, civium jura tenuerunt. An invidiam posteritatis times? Præclaram verò populo Rom. refers gratiam, qui te hominem per te cognitum, nulla commendatione majorum, tam maturè ad summum Imperium per omnes bonorum gradus extulit, si propter invidiam, aut alicujus periculi metum, salutem civium tuorum negligis. Sed, si quis est invidiæ metus, non est vehementius severitatis, ac fortitudinis invidia, quàm inertiae ac nequitiae pertimescenda? An cum bello vastabitur Italia, vexabuntur urbes, recta ardebunt: tum te non existimas invidiæ incendio conflagraturum? His ergo sanctissimis reipublicæ vocibus, & eorum hominum, qui idem sentiunt, mentibus, pauca respondebo. Ego si hoc optimum factu judicarem. P. C. Catilinam morte multari: unius usuram horæ gladiatori isti ad vivendum non dedissem. Etenim, si summi viri, & clarissimi cives, Saturnini, & Gracchorum, & Flacci, & superiorum complurium sanguine non modò se non contaminarunt, sed etiam honestarunt: certè verendum mihi non erat, ne quid, hoc parricida civium interfecto, invidiæ mihi in posteritatem redundaret. Quòd si ea mihi maximè impenderet: tamen hoc animo semper fui, ut invidiam putarem. Quamquam nonnulli sunt in hoc ordine, qui aut ea, quæ imminet, non videant: aut ea, quæ vident, dissimulent: qui spem Catilinæ mollibus sententiis aluerunt, conjurationemque nascentem non credendo corroboraverunt. Quorum auctoritatem secuti multi, non solum improbi, verum etiam imperiti, si in hunc animadvertissem, crudeliter, & regiè factum esse dicerent. Nunc intelligo, si iste, quò intendit, in Manliana castra pervenerit, neminem tam stultum fore, qui non videat conjurationem esse factam: neminem tam improbum, qui non fateatur. Hoc autem uno interfecto, intelligo hanc reipubl. pestem paulisper reprimi, non in perpetuum comprimi posse. Quod si se ejecerit, secumque viros eduxerit, & eodem cæteros undique collectos naufragos aggregaverit: extinguetur, atque delebitur non modò hæc tam adulta reipubl. pestis, ve-

rum etiam stirps ac semen malorum omnium. Etenim jam diu, P. C. in his periculis conjurationis, insidiisque versamur: sed nescio, quo pacto omnium scelerum, ac veteris furoris, & audaciæ maturitas in nostri consulatus tempus erupit. Quod si ex tanto latrocinio iste unus tolleretur: videbimur fortasse ad breve quoddam tempus cura, & metu esse relevati: periculum autem residuebit, & erit inclusum penitus in venis, atque in visceribus rei publ. ut sæpè homines ægri morbo gravi, cum æstu febrique jactantur, si aquam gelidam biberint; primò relevari videntur: deinde multò gravius, vehementiusque affliantur: sic hic morbus, qui est in republ. relevatur istius pœna vehementius, vivis reliquis ingravescet. Quare P. C. secedant improbi, secernant se à bonis, unum in locum congregentur: muro denique, id quod sæpè jam dixi, secernantur à nobis: desinant insidiari domi suæ Consuli, circumstare tribunal prætoris urbani, obsidere cum gladiis curiam, malleolos ad incendendam urbem, facesque comparare. Sit denique inscriptum in fronte uniuscuiusque civis, quid de republ. sentiat. Polliceor vobis hoc P. C. tantam in nobis Coss. fore diligentiam, tantam in vobis auctoritatem, tantam in equitibus Rom. virtutem, tantam in omnibus bonis consensionem, ut Catilinæ profectione omnia patefacta, illustrata, oppressa, vindicata esse videatis. Hisce omnibus, Catilina cum summa rei-publicæ salute, & cum tua peste, ac pernicië, cumque eorum exitio, qui se tecum omni scelere parricidioque iunxerunt, proficiscere ad impium bellum, ac nefarium. Tum tu, Jupiter, qui iisdem, quibus hæc urbs, auspiciis à Romulo es constitutus: quem statorem huius urbis, atque Imperii verè nominamus: hunc, & huius socios à tuis aris, ceterisque templis, à tectis urbis, ac mœnibus, à vita, fortunisque civium omnium arcèbis: & omnes inimicos bonorum, hostes patriæ, latrones Italix, & scelerum federe iater se, ac nefaria societate coniunctos, æternis supplicis vivos, mortuosque mactabis.

I M I T A T I O.

Par huic Davidis contra Absalonem regia corona insidians; aut certe Salomonis apud patrem contra Adoniam potest esse oratio, quibus Semei & Ioab fautores, maligna etiam conjurationis adhaerunt.

III.

Ex antecedentibus facti contrariis, adjunctisque ostendit Cicero Clodium in dedicatione sua domus, non curasse, sed vertisse religionem.

Pro domo sua orat. 29. ante finem.

1. *Ostendit P. Clodium religionis amore domum suam non dedicasse, cum Sacra Bona Dea solis faeminis frequentata, ipso faemineo in habitu illapsus violaret, ut Pompeiam adiret.*

2. *Tradit Deos penates injuria exturbatos, neque alium quenquam Deorum tam iniquum reperiri, qui, quas nemo sibi, quasque nec ipse Clodius vendere ades ausus fuisset, velit possidere.*

3. *Pro Dea Libertate docet simulachrum meretricis Tanagrea inductum esse.*

1. *Poteritne hanc, Pontifices, labem populi Rom. dignitas sustinere, vivo Senatu, vobis principibus publici consilii, ut domus M. Tullii Ciceronis cum domo Fulvii Flacci, ad memoriam poenae publicae constitutae, conjuncta esse videatur? Hanc in palatio atque in pulcherri-
mo urbis loco porticum esse patiemini furoris tribunitii, sceleris consularis, crudelitatis conjuratorum, calamitatis Reipubl. doloris mei defixum indicium ad memoriam omnium gentium sempiternam? quam porticum pro amore, quem habetis in rempubl. & semper habuistis, non modo sententiis, sed si opus esset, manibus vestris disturbare cuperetis. Nisi quem forte illius castissimi sacerdotis superstitiosa dedicatio deterreret. O rem, quam homines curâ*

soluti

soluti ac liberati, ridere non desinant, tristiores autem sine maximo dolore audire non possint. Publiusne Clodius, qui ex Pontificis maximi domo religionem eripuit, is in meam impulit? Hunc, inquam, etiam vos, qui estis Antistites ceremoniarum & sacrorum auctorem habetis, & magistrum publicæ religionis? O Dii immortales (vos enim hæc audire cupio) P. Clodius vestra sacra curat? vestrum numen horret? res omnes humanas religione vestra contineri putat? Hic non illudit auctoritati horum omnium, qui adsunt, summorum virorum? non vestrâ, Pontifices, gravitate abutitur? ex isto ore religionis verbum excidere, aut elabi potest? Cum tu eodem ore, accusando Senatum, quod severè de religione decerneret, impurissimè, teterimèque violasti. aspiciate, aspiciate, Pontifices, hominem religiosum, & si vobis videtur, (quod est bonorum Pontificum) monete eum; modum quandam esse religionis, nimium est superstitiosum non oportere. Quid tibi necesse fuit anili superstitione, homo fanaticæ, sacrificium, quod alienæ domi fieret, invisere? Quæ autem te tanta mentis imbecillitas tenuit, ut non putares Deos satis posse placari, nisi etiam mulieribus religionibus te implicuisses? quem unquam audisti majorum tuorum, qui & sacra privata coluerunt, & publicis sacerdotiis præfuerunt, cum sacrificium Bonæ Deæ fieret, interfuisse? neminem: ne illum quidem qui cæcus factus est, ex quo intelligitur, multa in vita falsò opinari homines, cum ille, qui nihil viderat sciens, quod nefas esset, lumina amisit: istius, qui non solum aspectu, sed etiam incesto flagitio, & stupro polluit ceremonias, pœna omnis oculorum ad cœciratam mentis est conversa. Hoc auctore, tam casto, tam religioso, tam sancto, tam pio potestis, Pontifices, non commoveri, cum suis dicat se manibus domum civis optimi evertisse, & eam iisdem manibus consecrasse?

2. Quæ tua fuit consecratio? Tuleram, inquit, ut mihi liceret. Quid? non exceperas, ut, si quod jus non esset rogare, ne esset rogatum? Jus igitur statueris esse uniuscujusque vestrum sedes, aras, focos, Deos penates subiectos esse libidini tribunitiæ? in quem quisque per homines concitatos irruerit, quem impetu perculerit, hujus domum

non solum affligere, quod est præsentis insanix, quasi tempestatibus repentinæ, sed etiam in posterum tempus religione sempiterna obligare? Equidem sic accepi, Pontifices, in religionibus suscipiendis caput esse, interpretari, quæ voluntas Deorum immortalium esse videatur: nec est ulla erga Deos pietas, nisi honesta de numine eorum, ac mente opinio, cum expeti nihil ab iis, quod sit iniustum, ac inhonestum, arbitrare. Hominem invenire ista labe tum, cum omnia tenebat, neminem potuit, cui ædes meas addiceret, cui traderet, cui donaret, (ipse cum loci illius, cum ædium cupiditate flagraret, ob eamque causam unam, una iusta illa rogatione sua, vir bonus Dominum se in meis bonis esse voluisset, tamen illo ipso in furore suo non est ausus meam domum, cuius cupiditate inflammatus erat, possidere) Deos immortales existimatis, cuius labore & consilio sua ipsa templa tenuerunt, in eius domum afflictam, & everfam per unius hominis sceleratissimi nefarium latrocinium, immigrare voluisse? cuius est nemo in tanto populo, extra contaminatam illam, & cruentam P. Clodii manum, qui rem ullam de meis bonis attigerit, qui non pro suis opibus in illa tempestate defenderit. At qui aliqua se contagione prædæ, societatis, emptionis contaminarunt, nullius neque privati, neque publici iudicii pœnam effugere potuerunt. Ex his igitur bonis, quorum nemo rem ullam attigit, qui non omnium iudicio sceleratissimus haberetur, Dii immortales, domum meam concupiverunt? ita tua pulchra libertas Deos Penates & familiares meos Lares expulit, ut à te ipsa tanquam in captivis sedibus collocaretur? Quid est sanctius, quid omni religione munitius, quam domus uniuscuiusque civium? Hic aræ sunt, hic foci, hic Dii penates, hic sacræ religionis ceremoniæ continentur: hoc perfugium est ita sanctum omnibus, ut inde abripi neminem fas sit. Quo magis est furor istius ab auribus vestris repellendus: qui quæ maiores nostri religionibus tuta nobis & sancta esse voluerunt, ea ista non solum contra religionem labefactavit, sed etiam ipsius religionis nomine evertit.

3. At quæ Dea est? Bonam esse oportet, quandoquidem

quidem est abs te dedicata. Libertas, inquit, est; eam tu igitur domi meæ collocasti, quam ex urbe tota sustulisti? Tu, cum collegas tuos summâ potestate præditos negares liberos esse: cum in templum Castoris aditus esset apertus nemini: cum hunc clarissimum virum, summo genere natum, summis populi beneficiis usum pontificem & consularem; & singulari bonitate & modestia præditum, (quem quibus oculis aspicere audeas, satis mirari non queo, audiente populo Romano à pedissequis conculcari iuberes: cum indemnatum exturbares, privilegiis tyrannicis irrogatis: cum principem orbis terræ virum inclusum domi contineres: cum forum armatis catervis perditorum hominum possideres: Libertatis simulacrum in ea domo collocaras, quæ domus erat ipsa indicium tui crudelissimi dominatus, & miserrimæ populi Roman. servitutis? cum ne potissimum Libertas domo sua debuit pellere, qui nisi fuisset, in servorum potestatem civitas tota venisset? At unde inventa est ista Libertas? quæsi vi enim diligenter. Tanagræa quædam meretrix fuisse dicitur, eius non longè à Tanagris simulacrum è marmore in sepulchro positum fuit. Hoc quidam homo nobilis, non alienus ad hoc religioso Libertatis Sacerdote ad ornatum ædilitatis suæ deportavit. Hanc Deam quisquam violare audeat? imaginem meretricis, ornamentum sepulchri, à fure sublatam, à sacrilego collocatam? hæc me domo mea pellet? hæc ultrix afflictæ civitatis, reipubl. spoliis ornabitur? hæc erit in eo monimento, quod positum est, ut esset indicium oppressi Senatus ad memoriam sempiternam turpitudinis.

I M I T A T I O.

Adversitas hæreticos Iconomachos hac oratio serviet, qui templorum ornamenta sacrilega manu disturbant, templa ipsa sæpe profanant, ac monasteria prisca religioforum, suasque illic statuunt imagines, ubi sanctorum quondam hominum & Salvatoris nostri visa sunt.

IV.

**Probatio contra legem P. Clodii, quæ Ciceronem
aqua & igni interdictum, & alius,
ne reciperent.**

Cicero pro domo sua post initium.

1. Ostendit legem hanc nullam esse, quia à privato, inaudita causa contra formam judiciorum, lata sit.

2. Quod improbißimi hanc legem ut L. Sextus Clodius, & Aelius Ligar subscripserunt, quæ sibi met repugnet, & falsum supponat, vetet recipere eum, qui nulla lege ejactus sit.

3. Per vim legem hanc latam esse contendit, emptis peroblatis Provinciis Consulibus, ut faverent, ceteris amicis atque etiam domo Ciceronis oppressa; ut igitur nulla esse debeat.

1. Quo jure, P. Clodi, quo more, quo exemplo legem nominatim, de capite civis indemnati, tulisti? Verant leges sacratæ, verant XII. tabulæ leges privatis hominibus irrogari: id est enim privilegium, nemo unquam tulit: nihil est crudelius, nihil perniciosius, nihil, quod minus hæc civitas ferre possit. Proscriptionis miserimum nomen illud, & omnis acerbitas Syllani temporis quid habet, quod maxime sit insigne ad memoriam crudelitatis? Opinor, pœnam in cives Roman. nominatim sine judicio constitutam. Hanc vos igitur, Pontifices, judicio atque auctoritate vestra tribuno pl. potestatem dabit, ut proscribere possit, quos velit? ubi crimen est? ubi accusator? ubi testes? quid indignius, quam, qui neque adesse sit jussus, neque citatus, neque accusatus, de ejus capite, liberis, fortunis omnibus conductos & sicarios, egentes & perditos suffragium ferre, & eam legem putare? ac si hoc de me potuit, quem honos, quem dignitas, quem causa, quem resp. tuebantur, ejus denique pecunia non expetebantur, cui nihil oberat præter conversionem status, & inclinationem communium temporum: quid tandem futurum est iis, quorum

quorum vita remota ab honore populari, & ab hac illustri gratia est? pecuniæ autem tantæ sunt, ut eas nimium multi egentes, sumptuosi, nobiles concupiscant. Dare hanc tribunopl. licentiam, & intuemini paulisper animis juventutem, & eos maximè, qui imminere jam cupiditate videntur in tribuniciam potestatem. Collegia medius fidius tribunorum pl. tota reperientur, hoc jure firmato quæ coëant de hominum locupletissimorum bonis, præda præsertim populari, & spe largitionis oblata. At quid tulit legum scriptor peritus, & callidus? Velitis, jubeatis, ut M. Tullio aqua & igni interdicatur? crudele, nefarium, ne in sceleratissimo quidem cive ferendum, sine iudicio. Non tulit, ut interdicatur. Quid ergo? ut interdictum sit, ô cœnum, ô, portentum, ô scelus! hanc tibi legem Clodius scrip sit spurciorem lingua sua, ut interdictum sit, cui non sit interdictum:

2. Sexte noster, bonâ veniâ, dic, quoniam jam dialecticus es, & hoc quoque ligûis: quod factum non est, ut sit factum, ferri ad populum, aut verbis ullis sanciri, aut suffragiis confirmari potest? Hoc tu scriptore, hoc consiliario, hoc ministro omnium non bipedum solum, sed etiam quadrupedum impurissimo, remp. perdidisti. Neque tu eras tam excors, tamque demens, ut nescires hunc Clodium esse, qui contra leges faceret: & alios esse, qui leges scribere solerent, sed neque cæterorum, in quibus esset aliquid modestiæ, cujusquam tibi potestas fuit: neque tu legum scriptoribus iisdem potuisti uti; quibus scelere: neque operum architectis: neque pontificem adhibere, quem velles: postremò ne in prædæ quidem societate mancipem, aut prædæ socium, extra tuorum gladiatorum numerum, aut denique suffragii latorem in istâ tuâ proscriptione quenquam, nisi furem, aut sicarium, reperire potuisti. Quid si istis verbis scripta est ista proscriptione, ut seipsâ dissolvat? Est enim: quod M. Tullius falsum S. C. retulerit. Si igitur retulit falsum S. C. tum est rogatio, si non retulit, nulla est. Satisne tibi videtur à Senatu iudicatum, me non modò non ementitum esse auctoritatem ejus ordinis, sed etiam unum, post urbem conditam, diligentissime Senatui paruisse? quor modis doceo, legem istam,

quam vocas, non esse legem? quid si etiam pluribus derebus uno fortitu retulisti: tamenne arbitraris, id quod M. Drusus in legibus suis plerisque, bonus ille vir M. Scaurus, & L. Crassus consularis non obtinuerint, id te posse, omnium facinorum & stuprorum omnium Decumis & Clodiis auctoribus obtinere? Tulisti de me. non reciperer, non licere esse Romæ. Quid enim diceres? damnatum? certè non expulsum. qui licuit? sed tamen ne id quidem est scriptum, ut exirem, pœna est, qui receperit, quam omnes neglexerunt; eiectionis nusquam est.

3. Quid, si per vim tulisti, tamenne lex est? aut quicquam iure gestum videri potest, quod per vim gestum esse constet? an si in ipsâ latione tuâ, captâ iam urbe, lapides iacti, si manus collata non est, iccirco tu ad illam labem, atque eluviam civitatis sine summâ vi pervenire potuisti? Cum in tribunali Aurelio conscribebas, pallam non modò liberos, sed etiam servos ex omnibus vicis concitatos, vim tum videlicet non parabas? cum edictis tuis tabernas claudi iubebas, non vim impetitæ multitudinis, sed hominum honestorum modestiam prudentiamque quærebas: cum arma in ædem Castoris comportabas, nihil aliud, nisi uti ne quid per vim agi posset, machinabare: cum verò gradus Castoris convellisti: ac removisti, tum, ut modeste tibi agere liceret, homines audaces ab eius templi aditu, atque ascensu repulisti: cum eos, qui in conventu virorum bonorum verba de salute meâ fecerant, adesse iussisti, eorumque ad vocationem manibus, ferro, lapidibus discussisti, tum profectò ostendisti, vim tibi maximè displicere. Verùm hæc furiosa vis vesani tribunipl. facile superari, frangique potuit. virorum bonorum vel virtute, vel multitudine. Quid? cum Gabinio Syria dabatur, Macedonia Pisoni, utrique infinitum Imperium, ingens pecunia, ut tibi omnia permitterent, te adiuverent, tibi manum, copias, tibi suos paratos centuriones, tibi pecunias, ubi familias compararent, te suis sceleratis concionibus sublevarent, Senatus auctoritatem irriderent, equitibus R. mortem, proscriptionemque minitarentur, me terrent minis, mihi cædem, & dimicationem denuntiarent, meam domum refertam viris bonis per amicos

micos suos complerunt, proscriptionis metu me frequentia nudarent, virorum bonorum me praesidio spoliarent. Senatum pro me non modò propugnare amplissim. ordinem, sed etiam plorare, & supplicare, mutatâ veste, prohiberent: ne tum quidem vis erat? Quid igitur ego gessi? aut qui timor fuit? non dicam in me quidem, fac me timidum esse naturâ. Quid illa tot, virorum fortissimorum millia? quid illi equi? quid illi equites Rom? quid Senatus? quid denique omnes boni? si nulla vis erat, cur me flentes potius persecuti sunt, quàm aut increpantes retinuerunt, aut irati reliquerunt? An si ego praesens fugissem, veteres illæ copiae coniuratorum, tuique perditii milites atque egentes, & nova vis sceleratissimorum consulum corpori meo pepercissent? Qui cum eorum omnium crudelitati, scelerique cessissem, ne absens quidem luctu meo mentes illorum satiare potui. Quid enim vos uxor mea misera violaret? quam vexavistis, raptavistis, omni crudelitate laceravistis. Quid mea filia? cuius fletus assiduus, sordesque iugubres vobis erant iucundæ, cæterorum omnium mentes oculosque flectebant. Quid parvus filius? quem, quamdiu absuit, nemo nisi lachrymantem, confectumque vidit. Quid fecerat, quod cum toties per insidias interficere voluistis? quid frater meus? qui cum aliquantò post meum discessum ex provincia venisset, neque sibi vivendum, nisi me restituto putaret, cum eius moeror, squalor incredibilis, & inauditus omnibus mortalibus miserabilis videbatur: quoties ex vestro ferro ac manibus est elapsus? sed quid ego vestram crudelitatem expromo, quam in ipsum me ac meos adhibuistis, qui parietibus, qui tectis, qui columnis ac postibus meis horrificum quoddam, ac nefarium, omnique imbutum odio bellum intulistis.

I M I T A T I O.

In oppugnatione legis alicujus, vitium in legislatione, calamitas ex ea manans publica, visque adhibita ad hujus loci imitationem adducentur.

V.

Rationes cur Gallorum testimoniis adversus M Fontejum Pratorem credendum non sit, ab illorum & Fonteji persona petita.

Cicero pro M. Fontejo circa medium.

1. *Testium personas dictorumque fidem diligenter à ludicibus expendendam, ne cupidi, irati, conjurati; sed aequi, fideles, religiosi audiantur.*

2. *Romanis & probis notisque hominibus, si cupiditas, & inimicitia interveniret, fidem à ludicibus habitam non esse, exemplis tradit, quanto minus Gallis credendum;*

3. *Inducio marum Gallum, mutatis verbis juramenti solennibus, meritis suspectum esse. Universè gentem hanc impiam Delphos & Capitolium violasse, humanisque victimis litare, superbam, minacemque; ut illi credi adversus Romanos non possit.*

4. *Si Fontejus improbus, & Galli metuendi suis essent armis, tamen audiendi non viderentur; cum verò illorum vis contemnenda sit, & Fontejus vita tam inculpata, ut hostes, (qui pluribus innocentibus saepe imponere flagitia parati sunt) nihil criminis objecerint, meritis erit parcendum.*

1. *Potestne testibus Judex non credere? cupidis, & iratis, & conjuratis & ab religione remotis, non solum potest; sed etiam debet. Etenim si, quia Galli dicunt, ideo M. Fontejus nocens, existimandus est, quid mihi opus est sapiente judice? quid æquo quæsitore? quid oratore non stulto? dicunt enim Galli, negare non possumus, hic si ingeniosi & periti, & æqui Judicis has partes esse existima-*
tis,

tis, ut quoniam quidem testes dicunt, sine ulla dubitatione credendum sit: salus ipsa virotum fortium innocentium tueri non potest. Sin autem, in rebus judicandis, non minimam partem ad unamquamque rem existimandam, mementoque suo ponderandam, sapientia iudicis tenet: ne multo vestrae majores, gravioresque partes sunt ad cogitandum, quam ad dicendum mea. Mihi enim semper unaquaque dere testis non solum semel, verum etiam breviter interrogandus, & saepe etiam non interrogandus, ne aut irato facultas ad dicendum data, aut cupido auctoritas attributa esse videatur. Vos & saepius eandem rem animis agitare, & diutius unoquoque de teste cogitare potestis, & si quem nos interrogare nolumus, quae causa nobis tacendi fuerit, existimare deberis. Quamobrem, si hoc iudices praescriptum lege, aut officio putatis, testibus credere: nihil est, cur alius alio iudice melior, aut sapientior existimetur: unum est enim, simplex aurium iudicium, promiscue, & communiter stultis, ac sapientibus ab natura datum. Quid est igitur, ubi elucere possit prudentia? ubi discerni stultus auditor, & credulus ab religioso, & sapienti iudice? Nimirum illud, in quo ea, quae dicuntur a testibus, conjectura & cogitatione traduntur, quanta auctoritate, quanta animi aequitate, quanto pudore, quanta fide; quanta religione, quanto studio estimationis bonae, quanta cura, quanto timore dicantur.

2. An vero vos id in testimoniis hominum barbarorum dubitabitis, quod persaepe & nostra & patrum memoria sapientissimi iudices de clarissimis nostrae civitatis viris dubitandum non putaverunt? qui Cn. & Q. Cationibus, L. & Q. Metellis testibus, in Q. Pompejum hominem novum non crediderunt? quorum virtuti, generi, rebus gestis fidem & auctoritatem in testimonio cupiditatis atque inimicitiarum suspicio derogavit. Ecquem hominem vidimus, ecquam vero commemorare possumus parem consilio, gravitate, constantia, caeteris virtutibus, honoris, ingentis, rerum gestarum ornamentis. Marco Emilio Scaurio fuisse? tamen huius, cujus injurati nutu prope terrarum orbis regebatur, jurati testimonio neque in Cajum Fimbriam, neque in Cajum Memmiam creditum est.

est. Noluerunt si, qui iudicabant, hanc patere inimicitiis viam: quem quisque odisset, ut eum testimonio posset tollere. Quantus in Lucio Crasso pudor fuerit, quod ingenium, quanta auctoritas, quis ignorat? tamen is, cuius etiam sermo testimonii auctoritatem habeat, testimonio ipso, quæ in Marcum Marcellum inimico animo dixit, probare non potuit. Fuit, fuit illis iudicibus divinum ac singulare, iudices, consilium, qui se non solum dereo, sed etiam de accusatore, de teste iudicare arbitrabantur; quid fictum, quid fortuna ac tempore allatum, quid precio corruptum, quid spe aut metu depravatum, quid à cupiditate aliqua aut inimicitiis profectum videretur. Quæ si iudex non amplectetur omnia consilio, non animo, ac mente circumspiciet: si quid quid ex illo loco dicetur, ex oraculo aliquo dici arbitrabitur: profecto satis erit id, quod dixi antea, non surdum iudicem huic muneri atque officio præesse: nihil erit, quamobrem ille nescio, quis sapiens homo, hac multarum rerum peritus ad res iudicandas requiratur. An vero illi equites Romani quos nos vidimus, qui nuper in republica iudiciisque maximis floruerunt, habuerunt tantum roboris, ut Marco Scauro testi non crederent? vos Belgarum atque Allobrogum testimoniis non credere timetis? Si inimico testi credi non oportuit: inimicior Marcello Crassus, aut Fimbriæ Scaurus ex civilibus studiis, atque obtrectatione domestica, quam huic Galli, quorum qui optima in causa sunt, equites, frumentum, pecuniam semel atque iterum, ac sæpius invidissimi dare coacti sunt: cæteri partim ab hoc ipso bello superati, & oppressi. Si, ob aliquod emolumentum suum cupidius aliquid dicere videntur, iis credi non convenit: credo maius emolumentum Capionibus & Metellis propositum fuisse ex Q. Pompeii damnatione, cum studiorum suorum obtrectatorem sustulissent, quam eundæ Galliæ ex M. Fonteii calamitate, in qua illa provincia prope suam immunitatem ac libertatem positam esse arbitratur. An si homines ipsos spectare convenit, id quod in teste profecto valere plurimum debet, non modò cum summis civitatis nostræ viris, sed mano cum infimo cive Ro-

quis-

quifquam ampliffimus Gallia comparandus eft.

3. Scit Indiciomarus, quid fit testimonium dicere? movetur ex timore, quo noſtrum unusquiſque, cum in eum locum productus eſt? recordamini iudices, quantopere laborare ſoleatis, non modò quid dicatis pro testimonio, ſed etiam quibus verbis utamini; ne quòd minus moderate poſitum, ne quòd ab aliqua cupiditate prolapſum verbum eſſe videatur. vultu denique laboratis, ne qua ſignificari poſſit ſuſpicio cupiditatis: ut &, cum proditis, exiſtimatio ſit quædam tacita de vobis, pudoris, ac religionis: & cum diſceditis, ea diligenter conſervata ac retenta videatur. Credo hæc eadem Indiciomarum in testimonio timuiſſe, aut cogitaſſe: qui primùm illud verbum conſideratiſſimum noſtræ conſuetudinis, *Arbitror*, quo nos etiam tunc utimur; cum eâ dicimus iurati, quæ comperta habemus, quæ ipſi vidimus, ex toto testimonio ſuo ſuſtulit, atque omnia ſe ſcire dixit. Verberatur enim videlicet, ne quid apud vos Populumque Romanum de exiſtimatione ſua deperderet: ne qua fama conſequeretur eiufmodi, Indiciomarum, talem virum, tam cupidè, tam temere dixiſſe: non intelligebat, ſe in testimonio nihil præter vocem, & os, & audaciam, neque civibus ſuis, neque accuſatoribus noſtris ſtare debere. An verò iſtas nationes religione iuriſiurandi, ac metu Deorum immortalium in testimoniis dicendi commoveri arbitramini? quæ tantum gentium à cæterarum more ac natura diſſentiunt, quòd cæteræ pro religionibus ſuis bella ſuſcipiunt, iſtæ contra omnium religiones: illæ in bellis gerendis à Diis immortalibus pacem, ac veniam petunt, iſtæ cum ipſis Diis immortalibus bella geſſerunt. Hæ ſunt nationes quæ quondam tam longè ab ſuis ſedibus Delphos uſque ad Apollinem Pythicum, atque ad oraculum orbis terræ vexandum ac ſpoliandum profectæ ſunt. ab iſdem gentibus ſanctis, & in testimonio religioſis obſeſſum Capitolium eſt, atque ille Jupiter, cujus nomine maiores noſtri ſanctam testimoniorum fidem eſſe voluerunt. Poſtremò, iis quidquam ſanctum ac religioſum videri poſſeſt, qui etiam, ſi quando aliquo metu adducti Deos placandos eſſe arbitrantur,

trantur, humanis hostiis eorum aras ac templa funestantur ut ne religionem quidem colere possint, nisi eam ipsam prius scelere violarint. Quis enim ignorat, eos usque ad hanc diem retinere illam immanem ac barbaram consuetudinem hominum immolandorum? quamobrem quasi fide, quasi pietate existimatis esse eos, qui etiam Deos immortales arbitrentur hominum scelere & sanguine facillimè posse placari? cum his vos testibus vestram religionem conjungetis? ab his quicquam sanctè aut moderatè dictum putabitis? hoc vestræ mentes, tam castæ, tam integre sibi suscipient, ut cum omnes legati nostri, qui illo triennio in Galliam venerunt, omnes equites R. qui in illa provincia fuerunt, omnes negotiatores ejus provinciæ, denique omnes in Gallia, qui sunt socii populi R. atque amici, M. Fontejum incolumem esse cupiant, jurati privarim & publicè laudent; vos tam Gallis credere malitis? quid, ut secuti esse videamini? voluntatem ne hominum? gravior igitur nobis erit hostium voluntas, quàm civium? an dignitatem testium? potestis igitur ignorare nōtis, iniquos æquis, alienigenas domesticis, cupidos moderatis, mercenarios gratuitis, impios religiosos, inimicissimos huic Imperio ac nomini, bonis, ac fidelibus, & sociis, & civiribus anteferre? an verò dubitatis Judices, quin insitas inimicitias istæ gentes omnes & habeant, & gerant cum populi R. nomine? sic existimatis eos hic sagatos brachatosque versari, animò demisso atque humili, ut solent ii, qui affecti injuriis, ad opem judicum supplices inferioresque confugiunt? nihil verò minus, hi contra vagantur læti, atq; erecti passim toto foro cum quibusdam minis, & barbaro atque inmani terrore verborum, quod ego profectò non crederem, nisi aliquoties ex ipsis acculatoribus vobiscum simul judices audissem, cum præciperent, ut caveretis, ne hoc absoluto, novum aliquod bellum Gallicum concitaretur.

4. Si M. Fontejum, Judices, in causa deficerent omnia, si turpi adolescentia, vita infami, Magistratibus, quos ante oculos vestros gessit, malè gestis, legationibus flagitiosè obitis, convictus virorum bonorum testimoniiis, invisus suis omnibus in judicium vocaretur: si in

eo iudicio Colonorum populi Romani Narbonensium, fidelissimorum sociorum Massiliensium, civium Rom. omnium testimoniis, tabulisque premeretur; tamen esset vobis magnoperè providendum; ne quos ita afflictos à vestris patribus maioribusque accepissetis, ut contemnendi essent, eos pertrivisse, & eorum minis, & terrore commoti esse videremini. Nunc verò cum lædat nemo bonus, laudent omnes vestri cives, atque socii; oppugnent ii, qui sapissimè hanc urbem; & hoc Imperium oppugnavit: tumque inimici M. Fontei vobis, ac populi Romani minentur, amici, ac propinqui supplicent vobis: dubitabitis non modò vestris civibus; qui maximè gloria ac laude ducuntur, verum etiam exteris nationibus ac gentibus ostendere; vos in sententiis ferendis civi parcere, quam hosti cedere maluisse? magna me hercule causa, iudices, absolutionis cum cæteris causis hæc est; ne qua insignis huic Imperio macula atque ignominia suscipiatur; si hoc ita perlatum erit in Galliam, Senatum, Equitesque populi Romani non testimoniis Gallorum, sed minis commotos, rem ad illorum libidinem iudicasse. Ita verò, si illi bellum facere conabuntur, excitandus nobis erit ab inferis C. Marius qui Inductomaro isti minaci atque arroganti par in belligerandò esse possit: excitandus C. Domitius, & Rom. maximus, qui nationem Allobrogum & reliquias suis iterum armis conficiat, atque opprimat: aut quoniam id quidem non potest; orandus erit nobis amicus meus M. Pletorius, ut suos novos clientes à bello faciendo deterreat, ut eorum iratos animos, atque horribiles impetus deprecetur: aut, si non poterit, M. Fabium scriptorem plus rogabimus, ut Allobrogum animos mitiget, quoniam apud illos Fabiorum nomen amplissimum: ut velint isti aut quiescere; id quod victi ac subacti solent; aut, cum minantur; intelligere se populo Romano non metum belli. sed spem triumphi ostendere. Quod si inturpi reo patiendum non esset, ut quicquam isti se minis profecisse arbitrarentur: quid faciendum nobis in M. Fonteio arbitrabimini? de quo homine iudices (jam enim mihi videor hoc, propè causa duabus actionibus perorata, debere dicere) de quo vos homine, iudices, ne ab inimicis

quidem ullum fictum probrosum, non modo crimen, sed ne maledictum quidem audistis. Equis unquam reus, præsertim in hac vitæ ratione versatus, in honoribus petendis, in potestatibus, in Imperiis gerendis, sic accusatus est; ut nullum probrum, nullum facinus, nulla turpitudine, quæ à libidine, aut à petulantia, aut ab audacia nata esset, ab accusatore objiceretur, si non vera: attamen ficta, cum aliqua ratione ac suspitione? M. Æmilium Scaurum, summum nostræ civitatis virum, scimus accusatum à M. Bruto: extant orationes, ex quibus intelligi potest, multa in illum ipsum Scaurum esse dicta: falsò, quis negat? veruntamen ab inimico dicta, & objecta. Quam multa M. Aquilius audivit in suo iudicio? quam multa L. Cotta? denique, P. Rutilius? qui etsi damnatus est, mihi videtur tamen inter viros optimos atque innocentissimos esse numerandus. Ille igitur homo sanctissimus, ac temperantissimus, multa audivit in sua causa, quæ ad suspitionem stuprorum ac libidinem pertinerent. Extat oratio hominis, ut opinio mea fert, nostrorum hominum longè ingeniosissimi, atque eloquentissimi, C. Gracchi: qua in oratione permulta in L. Pilonem turpia ac flagitiosa dicuntur: at in quem virum? qui tanta virtute atque integritate fuit, ut etiam illis optimis temporibus, cum hominem invenire nequam neminem posses, solus tamen Frugi nominaretur: quem cum in concionem Gracchus vocari iuberet, & viator quæreretur, quem Pisonem? quod erant plures, cogis me, inquit, dicere inimicum meum, Frugi. Is igitur vir, quem ne inimicus quidem satis in appellando significare poterat, nisi ante laudasset, qui unico cognomine declarabatur, non modo quis esset, sed etiam qualis esset: tamen in falsam atque iniquam proborum insimulationem vocabatur. M. Fonteius ita duabus actionibus accusatus est, ut obiectum nihil sit, quo significari vestigium libidinis, petulantia, crudelitatis, audaciæ possit. Non modo nullum facinus huius protulerunt, sed ne dictum quidem aliquod reprehenderunt. Quod si, aut quantam voluntatem habent ad hunc opprimendum, aut quantam ad maledicendum licentiam, tantum haberent, aut ad ementiendum animi, aut ad fingendum ingenii, non meliore fortuna ad probra nunc audien-

da Fonteius ; quam illi de quibus antea commemoravi,
fuiſſet.

IMITATIO.

*Adverſus hereticos teſtes ſcriptoresque corruptiſſimos hiſto-
riarum Eccleſiaſticarum, tum veterum tum recentium ſervi-
et. Ut e. g. quod Catharinam Virginem martyremque adver-
ſus Philoſophos & tyrannum Maximinum Alexandria depug-
naſſe negant ; ſed quod aſſerant Ioannam ſacram inter Pon-
tiſices repertam. Qui ſimili arte ac copia refelli poterunt.*

CAPUT XXI.

Exemplum I. Deſenſionis.

*Locus ab antecedentibus ad conſequentia à Cice-
rone tractatus, in quo per comparationem Ca-
tiliniorum, per Syllam conjuraſſe negat.*

Pro Sylla orat. 25. ante finem.

*Docet ex vita anteaſta moribus, de innocentia aut crimine
in accusatione iudicandum eſſe. Ita facile Catilinam, Lentu-
lum, Cethegum, Autronium ſceleſtos, P. Syllam verò innocen-
tem agnoſci. Qui licet ob L. Syllæ tyrannidem (in qua bonis
patrocinator eſt) & repulſam, quam in conſulatu tulit, pri-
vatus diu vixerit, tamen nihil unquam tam immane commi-
ſit, quod cum Catilinariis conveniret. Tanta integritatis vir,
ut nec teſtes quidem contra illum tormentis ſubſciendi ſint.*

*Omnibus in rebus, Iudices, quæ graviſſores maioresque
ſunt, quid quiſque voluerit, cogitavit, amiſerit, non
ex crimine, ſed ex moribus eius, qui arguitur, eſt pon-
derandum. Neque enim poſteſt quiſquam noſtrum ſubi-
to ſingi, neque cuiuſquam repente vita mutari, aut na-
tura converti. Circumſpiciſte paulisper mentibus veſtris,
et alia omittamus, hoſce ipſos homines, qui huic aſſi-*

nes sceleris fuerunt. Catilina contra Reimp. conjuravit : cuius aures unquam hoc respuerunt , conatum esse hominem, usque à pueritia, non solum intemperantia, & scelere, sed etiam consuetudine, & studio in omni flagitio, stupro, & de versarum ? Quis cum contra patriam pugnantem periisse miratur, quem semper omnes ad civile latrocinium natum putaverunt ? Quis Lentulo societates cum iudicibus, quis insaniam libidinum, quis pervertitam atque impiam religionem recordatur, qui illum aut nefarie, aut stultè cogitasse miratur ? Quis de C. Cethego, atque ejus in Hispaniam profectio, ac de vulnere Q. Metelli Pii cogitat, cui non ad illius pœnam carcer ædificatus esse videatur ? Omitto ceteros, ne sit infinitum : tantum à vobis peto, ut taciti de omnibus, quos conjurasse cognitum est, cogiteris. Intelligeris, unumquemque illorum prius à suâ vitâ, quàm nostrâ suspicione esse damnatum. Ipsum Num Autronium (quoniam ejus nomen finitimum maxime est hujus periculo & crimini) non sua consuetudo, ac vitâ convincit ? Semper audax, petulans, libidinosus, quem in stuprorum defensionibus non solum verbis uti improbiissimis solitum esse scimus, verum etiam pugnis & calcibus : quem exturbare homines è possessionibus eadem facere vicinorum, spoliare famâ sociorum, vi conatum, & armis disturbare judicia, in bonis rebus omnes contemnere, in malis pugnare contra bonos, non reipubl. cedere, non fortunæ ipsi succumbere. Hujus si causa non manifestissimis rebus teneretur, tamen cum mores ipsius, ac vitâ convincerent. Agedum, conferte nunc eum illius vitâ vitâ P. Syllæ, vobis, populoque Rom. notissimam, iudices, & eam ante oculos vestros proponite. Ecquod hujus factum, aut commissum, non dicam audacius, sed quoddam cuiquam paullò minus consideratum videretur factum, quaero verbum, ecquod unquam ex ore hujus excidit, unde quisquam posset offendi ? At verò in illâ gravi L. Syllæ victoria turbulentissimisque, quis P. Syllâ mitior, quam multorum hic vitâ est à Sylla deprecatus ? quam multi sunt summi homines, & ornatissimi, & nostri, & equestris ordinis, quorum pro salute se hic Syllæ obligavit ! quos ego nominarem : neque enim ipsi nolunt, &

huic

huic animo gravissimo, adfunt: sed quia majus est beneficium, quam posse debet civis civi dare, ideo a vobis peto, ut quod potuit, tempori tribuatis, quæ dedit, ipsi. Quid reliquam constantiam vitæ commemorem? dignitatem, liberalitatem, moderationem in privatis rebus, splendorem in publicis? quæ ita à fortunâ deformata sunt, ut tamen à natura inchoata compareant. Quæ domus, quæ celebratio quotidiana? quæ familiaris dignitas? quæ studia amicorum quæ ex quoque ordine multitudo? Hæc diu, multum, & multo labore quæ sita, una eripuit hora. Accepit, P. Sylla, Judices, vehementes vulnus & mortiferum: veruntamen ejusmodi, quod videretur ejus vita & natura accipere potuisse. Honestatis & dignitatis habuisse nimis magnam judicatus est cupiditatem: quam si nemo alius habuit in petendo consulatu, cupidior judicatus est hic fuisse, quam cæteri. Sin etiam in aliis nonnullis fuit iste consulatus amor: fortuna in hoc fuit fortasse gravior, quam in cæteris. Postea verò, quis P. Syllam, nisi mœrentem demissum afflictumque vidit? quis unquam est suspicatus, hunc magis odio, quam pudore hominum aspectum, lucemque vitæ? Qui dum multa haberet invitamenta urbis & fori propter summa studia amicorum, quæ tamen ei sola in malis restiterunt: abfuit ab oculis vestris: & cum lege retineretur, ipse se exsulio penè multavit. In hoc vos pudore judicii, & in hac vita tanto sceleri locum fuisse creditis? aspiciate ipsum: contuemini os: confesse crimen cum vita, usque ad hoc tempus explicata: tum crimen recognoscite, mitto rempubl. quæ fuit semper Syllæ carissima. hosne amicos, tales viros, tam cupidos sui, per quos res ejus secundæ quondam erant ornatae, nunc sublevantur adversæ, crudelissimè perire voluit, ut cum Lentulo, & Catilina, & Cethego foedissimam vitam, ac miserrimam turpissimâ morte propositâ, degeret? non, inquam, eadit in hos mores, non in hunc pudorem, non in hanc vitam, non in hunc hominem ista suspicio, nova illa quædam inhumanitas exorta est: incredibilis fuit ac singularis furor: ex multis ab adolescentia collectis perditorum hominum vitiis repente tanta ista importunitas inauditi sceleris exarsit. Nolite, judices, ar-

bitrari, hominum illum impetum & conatum fuisse. Neque enim ulla gens, tam barbara, aut tam immanis unquam fuit, in qua non modò tor, sed unustam crudelis hostis patriæ sit inventus. Bellæ quædam illæ ex portæ immanes, ac feræ, formâ hominum indutæ existunt. Perspiciate etiam atque etiam Iudices. Nihil enim est, quod in hac causa dici possit vehementius. Penitus introspicite Catilinæ, Autronii, Cethegi, Lentuli, cætorumque mentes, quas vos in his libidines, quæ fragitia, quas turpitudines, quantas audacias, quam incredibiles furores, quas notas scelerum, quæ indicia patriciorum, quantos acervos facinorum reperietis? ex magnis, & divinis, & iam desperatis reipubl. morbis ista repente vis erupit, ut ea confecta & eiecta convalescere aliquando & sanari civitas possit. Neque enim est quisquam, qui arbitretur, illis inclusis in republ. pestibus, diutius hoc Imperium stare potuisse. Itaque eos non ad perficiendum scelus, sed ad luendas reipubl. pœnas furæ quædam incitaverunt. In hunc igitur gregem vos nunc P. Syllam, Iudices, ex his, qui cum hoc vivit, atq; vixerunt, honestissimorum hominum gregibus reijciatis: ex hoc hominum numero, ex familiari dignitate, in impiorum partem, atque in patricidarum cœtum ac numerum transferetis? Ubi erit igitur illud fortissimum præsidium pudoris? quo in loco nobis vita antea acta proderit? quod ad tempus existimationis partæ fructus reservabitur, si in extremo discrimine, ab dimicatione fortunæ deseruerit? si non aderit? si nihil adjuvabit? Quæstiones nobis servorum ac tormenta accusator minitatur: in quibus quanquā nihil periculi suspicamur: tamen illa tormenta gubernat dolor, moderatur natura cuiusque tum animi, tum corporis, regit quæ sitor, flectit libido, corrumpit spes, infirmat metus, ut in tot rerum angustiis nihil veritati loci relinquatur. Vita P. Syllæ torqueatur, ex eâ quærat, num quæ occulteretur libido? num quod lateat facinus? num quæ crudelitas? num quæ audacia? nihil erroris erit in causâ, nec obscuritatis, Iudices, si à vobis vitæ perpetuæ vox ea, quæ gravissima debet esse, audietur. Nullum in hac causa testem timemus: nihil quemquam scire, nihil vidisse, nihil audisse arbitramur.

mur. Sed tamen si nihil P. Syllæ fortuna movet, Iudices, vestra moveat, vestra enim, qui cum summâ elegantîâ, atque integritate vixistis, hoc maxime interest, non ex libidine, aut similitate, aut levitate testium causas honestorum hominum ponderari; sed in magnis disquisitionibus, repentinisque periculis vitam uniuscuiusque esse testem. Quam vos, Iudices, nolite armis suis spoliata, atque nudata obicere invidiæ, dedere suspicioni, munite communem arcem bonorum, obstruite perfugia improborum. Valeat ad pœnam, & ad salutem plurimum, quàm solum videtis ipsam ex vi sua, naturaque facilius perspicui, subito flecti, fingique non posse.

IMITATIO.

Si quis Absalonem coram Davide Patre de conjuratione inita accusare voluerit, is, contra quàm hic factum, ab antecedentibus vita sceleribus, Fratre temerè occiso, corruptionibus subditorum, aliisque sceleribus, eundem reum esse laesæ majestatis arguet, atque illa qua de Sylla asseruntur, de Absalone negabit. Nisi malit similis exempli, cum Sylla. v. g. Danielelem, aut Josephum sumere.

II.

Sententiam suam, legemque Senatus, quâ res frumentaria Pompejo committitur, contra Clodium, exemplis Clodii à majore, defendit.

Gicero pro Domo. in principio.

1. Docet provincias per Senatum dæcni solitas à Clodio magis novo exemplo ad plebis arbitrium decernas, quàm lex de re frumentaria pro Pompejo lata sit, aut ipse Sex. Clodio frumentum crediderit.

2. Tradit Clodium magis extra ordinem contra se legem tulisse, quàm ipse contra Pompejum ferendam senserit, neque esse cur quisquam amplius suam cum Pompejo

amicitiam labefactare conetur, quem sibi tam fidum expertus sit.

Quid? nonne homini terribissimo, crudelissimo, omnium scelerum libidinumque maculis notatissimo, L. Pisoni, nominatim populos liberos, multis Senatus consultis, etiam recenti lege soceri ipsius, liberatos, victos & constrictos tradidisti? nonne cum ab eo merces tui beneficii pretiumque Provinciæ meo sanguine tibi esset persolutum, tamen ærarium cum eo partitus es? Itane vero? Tu provincias consulares, quas C. Gracchus, qui unus maxime popularis fuit, non modò non abstulit Senatui, sed etiam, ut necesse esset quotannis constitui per Senatum, decretâ lege, sanxit? eas lege Semproniâ per Senatum decretas, rescidisti? extra ordinem sine sorte, nominatim dedisti, non consulibus, sed reip. pestibus? nos, quod nominatim rei maximæ penè jam desperatæ summum virum sæpe ad extrema Reipubl. discrimina delectum præfecimus, à te reprehendemur? Quid tandem, si quæ tum illis reipubl. tenebris cæcisque nubibus & procellis, cum Senatum à gubernaculis deiecisses, populum è navi exturbasses, ipse archipyrata cum grege prædonum impurissimo plenissimis velis navigares: si quæ tum promulgasti, constituisti, promissisti, vendidisti, perficere potuisses, qui locus in orbe terrarum vacuus extraordinariis fascibus, atque Imperio Clodiano fuisset? sed excitatus aliquando C. Pompeii, (dicam ipse audiente, quod sensi & sentio, quoque animo, me auditurus est) excitatus, inquam aliquando Cn. Pompeii, nimium diu reconditus & penitus abstrusus animi dolor subvenit subito reipubl. civitatemque fractam malis, mutam, debilitatam, abjectam metu, ad aliquam spem libertatis, & pristinae dignitatis erexit. Hic vir extra ordinem rei frumentariæ præficiendus non fuit? Scilicet tu helluoni spurcissimo, prægustatori libidinum tuarum, homini egentissimo, & facinorosissimo, Sex. Clodio, socio sui sanguinis, qui suâ linguâ etiam sororem tuam à te abalienavit, binne frumentum privatum, & publicum, omnes provincias frumentarias, omnes mancipēs, omnes horreorum claves, lega tua, tradidisti. Quæ ex re primum charitas nata est? deinde inopia:

pia : impendebat fames, incendia, cædes, direptio ; imminebat tuus furor omnium fortunis, & bonis. Quæritur etiam importuna pestis, ex ore impurissimo Sex. Clodii rem frumentariam esse ereptam, summisque in periculis ejus viri auxilium implorasse rempubl. à quo sæpe se & servatam & amplificatam esse meminisset.

2. Extra ordinem ferri nihil placet Clodio. Quid ? de me, quod tulisse te dicis, patricida, fratricida, sororicida, nonne extra ordinem tulisti ? An de peste civis, quemadmodum omnes jam Dii, atque homines judicaverunt, conservatoris reipubl. quemadmodum autem tute ipse confiteris, non modò indemnati ; sed ne accusari quidem licuit tibi ferre, non legem, sed nefarium privilegium, lugente Senatu, morientibus bonis omnibus, totius Italiæ precibus repudiatis, oppressâ, captâque republ. mihi populo Romano implorante, Senatu poscente, temporibus reipubl. flagitantibus, non licuit de salute populi Romani sententiam dicere ? Quâ quidem in sententiâ si Cn. Pompeii dignitas aucta est, conjuncta cum utilitate communis, certe laudandus essem, si ejus dignitati suffragatus viderer, qui meæ salutis opem & auxilium tulisset. Desinant, desinant homines iisdem machinis sperare me restitutum posse labefactari, quibus antea stantem perculerunt. Quod enim par amicitiae consularis fuit unquam in hac civitate conjunctius, quàm fuimus inter nos, ego & Cn. Pompejus ? Quis apud populum Romanum de illius dignitate illustris, quis senatui sæpius dixit ? Qui tantus fuit labor, quæ simultas, quæ contentio, quam ego non pro illius dignitate suscepim ? qui ab illo in me honos, quæ prædicatio de meâ laude, quæ remuneratio benevolentiae prætermissa est ? Hanc nostram conjunctionem, hanc conspirationem in republ. bene gerendâ, hanc jucundissimam vitæ, atque officiorum omnium societatem, certi homines fictis sermonibus, & falsis criminibus diremerunt : cum iidem illum, ut me metueret, me cave-ret, monerent ; iidem apud me mihi illum esse uni inimicissimum, dicerent : ut neque ego, ab illo, quæ mihi petenda essent, satis audacter petere possem : neque ille, tot suspicionibus cætorum hominum, & scelere exulceratus,

quæ meum tempus postularet, satis prolixè mihi polliceretur. Data merces est erroris mei magna, Pontifices, ut me non solum pigeat stultitiæ meæ, sed etiam pudeat: qui cum me non repentinum aliquod meum tempus, sed veteres multò antè suscepti, & provisi labores, cum viro fortissimo, & clarissimo conjunxissent, sim passus à tali amicitia distrahi: neque intellexerim, quibus aut ut apertis inimicis obisterem, aut ut insidiosis amicis non crederem.

I M I T A T I O.

In defensione legis alicujus, utilisque publica, simileque alia leges ab accusatoribus probata ad imitationem hujus exempli proferentur.

Appendix & Observatio.

Hic Confirmationis propriè dictæ metas statuimus, priusquam ad Confutationem eidem adjungi solitam veniamus.

Expectas, ut & hic aliquam publicarum exercitationum in theatro methodum præscribamus? Judiciū hic plerumque forma aliqua erit instituenda, seu Græci, seu Romani, seu barbari seu popularis, inter Judices, aut arbitros cuique rei convenientes. Quare hic ad historias, & ritus gentium judiciorumque proprios, te velim attendere: neque tuo ingenio fingere, quod nusquam est usitatum. Et alienos populorum mores, & leges, & ritus sic ut fas est rudioribus tradere: Non lingua tantum sed & animus adolescentis, in his mutis imaginibus vetera hauriat, absentia videat, & inusitata admiretur. Ex castigatis etiam sceleribus horrorem concipiat, & quod in aliis damnat, ipse horreat perpetrare, quæ historica magis veritate, quam inanibus fabularum circulantibus confect.

CAPUT XXII.

*De confutatione, ejusque modis & varietate,
exemplis declarata.*

Quemadmodum Confutatio Confirmationi iungatur, & quot viis, quibusque modis institui posset lib. 1. cap. 20. tradidimus. Superest ut exemplis illustrium aliquos Confutationum præcepta hæc Eloquentiæ studiosis planiora reddamus. Ita fiet, nec nisi selecta, ex locuplete Ciceronis penu depromemus.

Primo alteroque exemplo *negabitur*, idque aut seriò per exempla opposita, aut ironicè cum irrisione & contemptu adversarii: qui modus longè acerbior est. Tertiò exemplo *concedentur* pleraque adversario quæ obicit, sed defendentur, vel ut nihil obstantia præsentis causæ, vel ut rectè facta. Quanto denique hæc rationes confutandi cum modestia tamen singulari miscentur, ac postremò quæ vitio, adversarius Murænæ venterat, ad virtutem *transfert*. Sulpitiumque ex opposito denimit. Ideoque his exemplis Cicero pene omnem confutandi rationem complectitur, Confute libri primi de confutatione leges, modosque, & cum hisce exemplis compone. Quæ si deinde imitatione expresseris, vim nervumque contra Adversarios disserendi non mediocriter exaques. Plus hic sæpe arguta brevitās, contemptus, vibrata strictim sententia, delectum aut aversum in hostem argumentum, quàm copiosa potest & diserta oratio.

Exemplum I.

Refutatio exemplorum per opposita exempla.

Cicero in Verrem, Act. 4. in fine.

Verres post exactas à Sicilia supra numerum modumque decimas,

Decimas, etiam frumenta in cellam (ut aiebant) comparaturus & datas à Romanis pecunias huic emptioni retinebat. & loco frumenti duplum à Siculis aratoribus in are pretium exigebat. Quod factum, cum aliorum exemplo Hortensius pro Verre tueretur, occurrit, Cicero &c.

1. Exemplis improborum, neque Verrem, neque ipsum se Hortensium suâ in vitâ tueri posse ostendit.

2. Hæc agendi licentia premi, turbari, quarique omnes populi Romani provincias docet.

3. Inter præcos novosque Romanos nullos reperiri, hæc avaritia notatos.

4. Rationem nullam esse, cur in Sicilia hoc exemplum potius, quàm alibi tegeretur.

5. Nec M. Antonii, nec Sacerdotis nec Peducci exempla Verrem tueri, quod primus nota improbitatis, aliter affirmationem infra commune pretium fecerit, de tertio nihil sit ejus generis cognitum.

6. Nec charitas annonæ tueretur Verrem, ut C. Sestium in Macedonia defendit. Et licet plures idem cum Verre ausi fuissent, plures quoque essent damnandi.

7. Quod si hoc crimen impunitum transeat, erunt qui non tantum imitentur Verrem, sed etiam superent. fortè & ipsa defensor Hortensius socius criminis fururus est.

V. Videri ipsum Hortensium occultis & nequiter Iudices ipsos, aliquando ad spem similis prædæ, persuasa Verris impunitate, provocare. Qui tamen æquiores sint, quàm ut hoc spectent.

1. Data tibi est pecunia, Verres, una, quâ frumentum tibi emeris in cellam, altera, quæ frumentum emeris à civitatibus, quod Romam mitteres. Tibi datam pecuniam domi retines, & præterea pecuniam permagnam tuo nomine aufers. Quare multa Sophocles Agrigentinus apud Cn. Pompejum consulem nuper homo disertissimus, & omni doctrina ac virtute ornatissimus pro rota Sicilia de aratorum miseriis graviter & copiosè dixisse ac deplorasse dicitur. Ex quibus hoc illis qui aderant (nam magno conventu acta res est) qua in re Senatus optimè ac benignissimè cum oratoribus egisset, largè liberaliterque æstimasset, in ea re prædati prætorem, bonis everti Oratores, & id non modo fieri, sed ita fieri quasi licitum, concessumque sit.

Quid

Quid ad hæc Horrentius? Falsum esse crimen? hoc nunquam dicet, non magnam hæc ratione pecuniam captam? ne id quidem dicet. Non injuriam factam Siculis atque oratoribus. Qui poterit dicere? Quid igitur dicet? fecisse alios? Quid est hoc? utrum crimini defensio, an committatus exilio quaeritur? tu in hac republ. atque in hac hominum libidine, & ut adhuc habuit se status judiciorum, etiam licentia, non ex jure, non ex æquitate, non ex lege, non ex eo, quod licuit, sed ex eo, quod aliquis fecerit, id, quod reprehenditur, rectè factum esse defendes? fecerunt aliqui alia quam multa, cur in hoc uno crimine isto genere defensionis uteris? sunt quædam omnino, in te singularia, quæ in nullum aliud hominem dici, neque convenire possint: quædam tibi cum multis communia, ergo ut omittam tuos peculatus, & ob jus dicendum pecunias à ceptas, & ejusmodi cætera, quæ forsitan etiam alii fecerint: illud in quo te gravissimè accusavi, quod ob judicandam rem pecuniam accepisses, eadem ista ratione defendes, fecisse alios? ut ego assentiar: defensio nem tamen non probabo: potius enim, te damnato cæteris angustior locus improbitatis defendendæ relinquetur, quam te absoluto, alii, quod audacissimè fecerunt, rectè fecisse existimentur.

2. Lugent omnes provincie: quaeruntur omnes liberi populi: regna denique jam omnia de nostris cupiditatibus, & injuriis expostularint: locus intra Oceanum jam nullus est, neque tam longinquus, neque tam reconditus, quod non per hæc tempora nostrorum hominum libido, iniquitasque pervaserit: sustinere jam populus Romanus omnium nationum non vim, non arma, non bellum, sed luctum, lachrymas, quaerimonias non potest. In ejusmodi re, ac moribus, si is, qui erit adductus in judicium, cum manifestis in flagitiis tenebitur, alios eadem fecisse dicet: illi exempla non deërent, reipubl. salus deërit, si improborum exemplis improbi judicio ac periculo liberabuntur. Placent vobis hominum mores placet ita geri Magistratus, ut geruntur? placet locios sic tractari, quod restat, ut per hæc tempora tractatos videris? cur hæc a me opera consumitur? quid sedetis? cur non in media oratio-

ne mea confurgitis atque disceditis? vultis autem istorum audacias ac libidines aliqua ex parte refecare? desinite dubitare, utrum sit utilius, propter multos improbos uni parere, an unius improbi supplicio multorum improbitatem coërcere.

3. Tamen si quæ ista sunt exempla multorum? nam cum in causa tanta, cum in crimine maximo dici à defensore cœptum est, factitatum esse aliquid: expectant ii, qui audiunt, exempla ex vetere memoria & monumentis, ac litteris, plena dignitatis, plena antiquitatis: hæc plurimum solent & auctoritatis habere ad probandum, & iucunditatis ad audiendum. Africanos mihi & Catones, & Lælios commemorabis? & eos idem fecisse dices? quamvis res non placeat, tamen contra hominum auctoritatem pugnare non potero, an, cum eos non poteris proferre, hoc recentes Q. Catulum patrem, C. Marium, Q. Scævola, M. Scaurum, Q. Metellum? qui omnes Provincias habuerunt, & frumentum cellæ nomine imperaverunt. Magna est hominum auctoritas, & tanta, ut etiam delicti suspensionem tegere possit. Non habes, ne ex his quidem hominibus, qui nuper fuerunt, ullum auctorem huius æstimationis. Quo me igitur, aut ad quæ exempla revocas? ab illis hominibus, qui tum versati sunt in republ. cum & optimi mores erant, & hominum existimatio gravis habebatur, & judicia severa fiebant, ad hanc hominum licentiam, & libidinem me abducis? & in quos aliquid exempli: populus R. statui putat oportere, ab iis tu defensionis exempla quæris? Non fugio ne hos quidem mores, dummodo ex his ea, quæ probat populus R. exempla, non ea quæ condemnat, sequamur. Non circumspiciam, non quæram foris, cum habeo iudices principes civitatis, P. Servilium, Q. Catulum, Qui tanta auctoritate sunt, tantis rebus gestis, ut in illo antiquorum, & clarissimorum hominum, de quibus antea dixi, numero reponantur. Exempla quærimus, & ea non antiqua. Modò uterque horum exercitum habuit, quære Hortensi, quoniam te recentia exempla delectant, quid fecerint? tanè verò? Q. Catulus frumento est usus, pecuniâ non coëgit: P. Servilius quinquennium exercitui cum

præfset, & ista ratione innumerabilem pecuniam facere posset, non statuit sibi quidquam licere, quod non patrem suum, non avum Q. Merellum facere vidisset: C. Verres reperietur, qui, quod expediat id licere dicet, quod nemo, nisi improbus, fecerit, id aliorum exēplo se fecisse defendat.

4. At in Sicilia factitatum est. Quæ est ista conditio Siciliæ? cur, quæ optimo jure propter vetustatem, fidelitatem, propinquitatem esse debet, huic præcipua lex injuriæ definitur? sed in ista ipsa Sicilia non quæram exemplum foris, hoc ipso ex consilio utar exemplis. C. Marcelle, te appello, Siciliæ provinciæ, cum esses proconsul, præfuisse: num quæ in tuo Imperio pecunia cellæ nomine coactæ sunt? Neq; ego hoc in tua laude pono. Alia tua sunt facta, atq; consilia summa laude digna, quibus illam tu provinciam afflictam, & perditam erexisti; atq; recreasti: nam hoc de cella antequam Lepidus quidem fecerat, cui tu successisti: quæ sunt tibi igitur exempla in Sicilia cellæ, si hoc crimen non modò Marcelli facto, sed ne Lepidi quidem potes defendere?

5. An me ad M. Antonii æstimationem frumenti, exactionem pecuniæ revocaturus es? ita, inquit, ad M. Antonii: hoc enim mihi significasse, & annuisse visus est. Ex omnibus ne igitur populi R. Prætoribus, consulibus, Imperatoribus M. Antonium delegisti, & ejus unum improbissimum factum, quod imitare? & hic utrum mihi difficile est dicere, an his existimare, ita se in illo iussu Imperio M. Antonium gessisse ut multo ipsi perniciosius sit dicere, se in re improbissima voluisse Antonium imitari, quam, si posset, defendere, nihil in vita se M. Antonii simile fecisse? Homines in judiciis ad crimen defendendum, non quid fecerit quispiam, proferre solent, sed quid probavit. Antonium, cum multa contra sociorum salutem, multa contra utilitatem provinciarum & faceret, & cogitaret, in mediis ejus injuriis, & cupiditatibus mors oppressit. Tu mihi, quasi ejus omnia facta, omniaque consilia Senatus, populusque R. iudices comprobarint; ita Antonii exemplo istius audaciam defendis. At idem fecit Sacerdos. Hominem innocentem, & summa prudentia præditum nominas: sed tum idem fecisse exit existimandus, si eodem consilio fecerit.

fecerit. Nam genus æstimationis ipsum à me nunquam est reprehensum: sed ejus æquitas aratorum commodo & voluntate perpenditur: non potest reprehendi illa æstimationo, quæ aratori non modo incommoda non est, sed etiam grata. Sacerdos, ut in provinciam venit, frumentum in cellam imperavit, cum esset ante novum tritici mod. H-SXV, petiverunt ab eo civitates, ut æstimaret. Remissior aliquanto ejus fuit æstimationo, quam annonæ; nam æstimavit denariis III. Vides eandem æstimationem propter temporis dissimilitudinem in illo laudis causam habere; in te criminis? in illo beneficii, in te injuriæ? eodem tempore Antonius III. Denariis æstimavit post messem, summa in utilitate, cum oratores frumentum dare gratis malebant: & agebat, se tantidem æstimasse, quanti Sacerdotem: neque mentiebatur. Sed eadem ista æstimatione alter sublevarat aratores, alter everterat. Quod nisi omnis frumenti ratio ex temporibus esset, & annonæ non ex numero, neque ex summa consideranda: nunquam tamen grati hi selquimodii Q. Hortensii fuissent: quos tu cum ad mensuræ tam exiguam rationem populo Romano in capita descripsisses, gratissimum omnibus fecisti: charitas enim annonæ faciebat, ut istuc, quod re parvum videbatur, tempore magnum videtur. Idem istud si in utilitatem populo Romano largiri voluisses. Detisum tuum beneficium esset, atque contemptum. Noli igitur dicere istum idem fecisse, quod Sacerdotem: quoniam non eo tempore, neque simili fecit anno. Dico potius, quoniam habes auctorem idoneum: quod Antonius uno adventu, & vix mensuris cibariis fecerit, id istum per triennium fecisse: & istius innocentiam M. Antonii facto, atque auctoritate defendito. Nam de Sex. quidem Peduceo, fortissimo atque innocentissimo viro, quod dicitis? de quo quis unquam arator quæstus est? aut quis non ad hoc tempus innocentissimam omnium, diligentissimamque præturam illius hominis existimavit: biennio provinciam obrinuit, cum alter annus in vilitate, alter in summa caritate fuerit: num aut in vilitate nummum arator quisquam dedit, aut in caritate de æstimatione frumenti quæstus est.

8. Ut uberiora cibaria facta sunt caritate, credo: neque id est novum, neque reprehendendum. Modo C. Sentium vidimus, hominem vetere illa ac singulari innocentia præditum, propter caritatem frumenti, quæ fuerat in Macedonia, permagnam ex cibariis pecuniam reportare. Quamobrem non ego invideo tuis commodis, si qua ad te lege venerunt: injuriam quæror: improbitatem arguo: avaritiam in crimen, & in iudicium voco, quod si suspiciones injicere volexis, ad plures homines, & ad plures provincias crimen hoc pertinere: non ego istam defensionem vestram pertimescam, sed me omnium provinciarum defensorem esse profitebor. Etenim hoc dico, & magna voce dico: ubicunque hoc factum est, improbè factum est. Quicunque hoc fecit, supplicio dignus est. Nam per Deos immortales videte iudices, & præspicite animis, quid futurum sit. Multi magnas pecunias ab inviris civitatibus, atque ab invitis aratoribus ista ratione, cellæ nomine coegerunt: omnino ego neminem video, præter istum: sed do hoc vobis, & concedo, esse multos. In hoc homine rem adductam in iudicium videtis: quid facere potestis? utrum, cum iudices sitis de pecunia capta & conciliata; tantam pecuniam captam potestis negligere: an cum lex sociorum causa rogata sit, sociorum quærimonias non audire?

7. Verum hoc quoque vobis remitto: negligite præterita, si vultis: sed, ne reliquas spes turbetis, atque omnes provincias evertatis, id providete: ne avaritiæ, quæ ante hac occultis itineribus, atque angustiis, uti solebat, auctoritate vestra vim patefaciatis illustrem, atque latam. Nam si hoc probatis, & si hoc licere, pecunias isto nomine capi, iudicatis: certè hoc, quod adhuc nemo nisi improbissimus fecit, posthac nemo nisi stultissimus non faciet, improbi sunt qui pecunias contra leges cogunt: stulti; qui, quod licere iudicatum est, prætermittunt. Deinde iudices videte, quod infinitam sitis hominibus licentiam pecuniarum eripiendarum daturi; si, ternos denarios qui coëgit, erit absolutus: quaternos, denos denique, aut vicinos coget alius: quæ erit reprehensio in quo primum iniuriæ gradu resistere incipiet severitas iudicis? quotus erit iste

denarius, qui non sit ferendus? & in quo primum æstimationis iniquitas, atque improbitas reprehendatur: non enim à vobis summa, sed genus æstimationis est comprobatum: neque hoc potestis judicare ternis denariis æstimare licere: ubi enim semel ab annonæ ratione, & ab aratorum voluntate res, ad prætoris libidinem translata est, non est jam in lege, atque in officio, sed in voluntate hominum, atque avaritia positus modus æstimandi. Quapropter si vos semel in judicando finem æquitatis, & legis transferitis, scitote vos nullum cæteris in æstimando finem improbitati & avaritiæ reliquisse. Videte igitur, quam multa simul à vobis postulentur. Absolvite eum, qui se fateatur maximas pecunias, cum summa sociorum injuria, cepisse, non satis. Sunt alii quoque complures, qui idem fecerint. Absolvite etiam illos, si qui sunt: ut uno judicio quam plurimos improbos liberetis. Ne id quidem satis est. Facite ut cæteris post hac idem liceat? licebit. At hoc parum est permittere ut liceat, quanti quisque velit, tanti æstimet, æstimabit. Videtis jam profectò judices, hac æstimatione à vobis comprobata, neque modum posthac avaritiæ cujusquam, neque pœnam improbitatis futuram. Quas ob res quid agis Hortensii? consul es designatus: provinciam sortitus es: de æstimatione cum dices frumenti, sic te audiemus, quasi id, quod ab isto rectè factum esse defendes, te facturum profiteri, quasi, quod isti licitum esse dices, vehementer cupias tibi licere. Atqui si id licebit, nihil est, quod putetis quenquam posthac commissurum, ut de pecuniis repetundis condemnari possit. Quantam enim quisquis concupierit pecuniam tantam licebit, per cellæ nomen, æstimationis magnitudine consequatur.

8. At enim est quiddam, quod etiam si palàm in defendendo non dicit, Hortensius, tamen ita dicit, ut vos id suspicari, & cogitare possitis pertinere hoc ad commodum senatorium, pertinere ad utilitatem eorum qui judicent, qui in provinciis cum potestate, aut cum legatione se futuros aliquando arbitrentur. Præclaros verò existimas judices nos habere, quos alienis peccatis concessuros putes, quo facilius ipsis peccare liceat. Ergo id volu-

mus populum Romanum id provincias, id socios, nationesque exteras existimare, si Senatores judicent, hoc terræ unum genus infinitæ pecuniæ per summam injuriam cogendæ nullo modo posse reprehendi.

IMITATIO.

Simili oratione perstringi jure possunt, vel iniqui Senatores, vel etiam Principes, aut Magistratus, qui nova tributorum onera subditis imponunt, vel postremo Ministri Principum novis artibus collectas vulgo pecunias ad se transferentium.

II.

*Confutatio acuta & peracerba, ratione, & exemplis oppositis per ironiam adductis subnixa, quæ vanitatem Pisonis coar-
guit.*

Cicero contra Pison. volum. 3. or. 6. in medio.

1. *Ostendit ratione, vanum esse, quod Piso neget se triumphandi cupidum.*
2. *Exemplis Pompei, cum Caesaris per prosopopæjam introductis, aliorumque irridet Pisonis, voce, non cupiditate dissentientis, amentiam.*

1. Audistis, P. C. Philosophi vocem: negavit, se triumphi cupidum unquam fuisse, ô scelus, ô pestis, ô labe! cum extinguebas Senatum, vendebas auctoritatem hujus ordinis, addicebas tribunopl. consulatum tuum, republ. evertebas, prodebas caput, & salutem meam unâ mercede provinciæ, si triumphum non cupiebas, cujus tandem rei te cupiditate arsisse defendes, sæpè enim vidi, qui & mihi cæteris cupidiores provinciæ viderentur, triumphî nomine tegere, atque velare cupiditatem suam. Hoc modo D. Syllanus consul in hoc ordine, meus

etiam collega dicebat : neque enim quisquam potest exercitum cupere, aperteque petere, ut non prætexat cupiditatem triumphi. Quod si te Senatus populusque R. aut non appetentem, aut etiam recusantem, bellum suscipere, exercitum ducere coëgisset, tamen erat angusti animi atque demissi, triumphi honorem atque dignitatem contemneret. Nam ut levitatis est inanem aucupari rumorem, & omnes umbras etiam falsæ gloriæ consectari: sic levis est animi, lucem, splendoremque fugientis, iustam gloriam, qui est fructus veræ virtutis honestissimus, repudiare, cum verò non modò non postulante atque cogente, sed invito, atque oppresso Senatu, non modò nullo populi Romani studio, sed nullo ferehte suffragium libero, provincia tibi ista manu pretium fuerit, non eversæ per te, sed proditiæ civitatis : cumque omnium tuorum scelerum hæc paetio extiterit, ut, si tu totam rempublicam nefariis latronibus tradidisses, Macedoniâ tibi ob eam rem, quibus tu finibus velles, traderetur : cum exhauriebas ærarium : cum orbabas Italiam iuventute : cum mare vastissimum hymetranstibas : si triumphum contemnebas, quæ te, prædoamentissime, nisi prædæ, ac rapinarum cupiditas tam cœca rapiebat ?

2. Non est integrum Cn. Pompeio consilio iam ut tuo erravit enim : non gustarat istam tuam Philosophiam. Ter iam homo stultus triumphavit. Crasse, pudet me tui, quid est, quod confecto formidolosissimo bello coronam illam lauream tibi tantopere decerni volueris à Senatu ? P. Servili, Q. Metelli, C. Curio, P. Africane, cur non hunc audistis tam doctum hominem, tam eruditum, priusquam in istum errorem induceremini ? C. ipsi Pontinio necessario meo, iam non est integrum : religionibus enim susceptis impeditur. O stultos Camillos, Curios, Fabrilios, Calatinos, Scipiones, Marcellos, Maximos, ô amentem Paullum, rusticum Marium, nullius consilii patrem istorum amborum consulum, qui triumpharunt. Sed quoniam præterita mutare non possumus; quid cessat hic homulus, ex argilla & luto fictus Epicureus, dare hæc præclara præcepta sapientiæ, clarissimo & summo Imperatori, genero suo ? fertur ille vir, mihi crede, gloria : flagrat

ardet cupiditate iusti, & magni triumphi: non dicit eadem ista, quæ tu, mitte ad eum libellum. Sed iam, si ipse coram, congregari poteris, meditare, quibus verbis incensam illius cupiditatem comprimas, atque restringas. Valebis apud hominem volitantem gloriæ cupiditate vir moderatus, & constans, apud indoctum eruditus, apud generum socer. Dices enim, utes homo factus, ad persuadendum concinnus, perfectus, politus est schola. Quid est Cæsar, quod te supplicationes toties decretæ, tot dierum tantopere delectent? in quibus homines errore ducuntur, quas Dii negligunt: qui (ut noster ille divinus dixit Epicurus) neque propitii cuiquam esse solent, neque irati. Non facies fidem scilicet cum hæc disputabis: tibi enim & esse & fuisse eos videbis iratos. Vertes te ad alteram scholam; diseres de triumpho, quid tandem habet iste currus? quid vincisti ante currum duces? quid simulachra oppidorum? quid aurum? quid argentum? quid legati in equis & tribuni? quid clamor militum? quid tota illa pompa? inania sunt ista, mihi crede, delectamen penè puerorum, captare plausus, vehi per urbem, conspici velle, quibus ex rebus nihil est, quod solitum tenere, nihil quod referre ad voluptatem corporis possis. Quin tu me vides, qui ex qua provincia, T. Flaminius, L. Paullus, Quintus Metellus, T. Didius, innumerabiles alii levi cupiditate commoti, triumpharunt. Ex ea sic redii, ut ad portam Esquilinam Macedoniam lauream conculcarim, ipse eum hominibus quindecim malè vestitis ad portam Cœlimontanam sitiens pervenerim: quo in loco mihi libertus, præclaro Imperatori, domum ex hac die biduo antè conduxerat. Quæ vacua si non fuisset, in campo Martio mihi tabernaculum collocassem. Nummus interea mihi Cæsar, neglectis vehiculis triumphalibus, domi manet, & manebit. Rationes ad ærarium retuli continuè, sicut tua lex jubebat: neque alia ulla in re legi tuæ parui. Quas rationes, si cognoris, intelliges nemini plus, quàm mihi, literas profuisse: ita enim sunt perscriptæ scitè, & literatè, ut Scriba ad ærarium, qui eas retulit, præscriptis rationibus secum ipse, caput sinistra manu perficiens, commurmuratus sint. Ratio quidem hercle apparet, argentum *οίχεται*

(4) hac tu oratione, non dubito, quin illum jam ascendentem in currum possis revocare. O tenebrae, ô lutum, ô sordes, ô paterni generis oblite, materni vix memor! ita nescio quid istud factum, humile, demissum, sordidum, inferius etiam est, quàm ut Mediolanensi praecone, avo tuo dignum esse videatur, L. Crassus, homo sapientissimus nostrae civitatis, spiculis propè scrutatus est Alpes, ut ibi hostis non erat, ibi triumphi causam aliquam quaereret. Eadem cupiditate vix summo ingenio praeditus C. Cotta, nullo certo hoste, flagravir. Eorum neuter triumphavit: quod alteri illum honorem collega, alteri mors ademit. Irrisa est abs te paulò antè M. Pisonis cupiditas triumphandi, à qua te longè dixisti abhorrere. Qui etiam si minus magnum bellum gesserat, ut abs te dictum est: tamen istum honorem contemnendum non putavit, tu eruditior quàm Piso: prudentior, quàm Cotta: abundantior consilio, ingenio, sapientia, quàm Crassus: ea contemptis, quae illi idiotae, ut tu appellas, praecleara duxerunt. Quod si reprehendis, quòd cupidi laureae fuerint, cum bella aut parva, aut nulla gessissent: tu tantis nationibus subactis, tantis rebus gestis, minimè fructum laborum tuorum, praemia periculorum, virtutis insignia contemnere debuisti, neque verò contempsisti, licet Themista sapientior, sed os tuum ferteum Senatus convitio verberari noluit.

IMITATIO.

Licet in confutatione atque irrisione illorum imitando usurpare, qui rem aliquam, officium, aut honorem, ad quem per naturam, aut generis, aut ingenii, aut virtutis defectum aspirare non possunt, eam se contemnere ac nolle ostendunt; neque facultatis, aut virtutis indigentiam profiteantur. e. g. libris scribendis nolle se occupari dicunt, ut in quibus plus saepe vanitatis, quàm utilitatis. Quos parè ratione facile à vanitate per dissimulationem impotentia quaesita argues.

(5) Abiit. ut Plaut. in Trinum.

III. Refu-

III.

*Refutatio ingeniosa pro concessionem objectorum, ex
consequentibus & causis minime
absurdis.*

*Cicero pro Plancio contra Cassum &
Laterensem in fine.*

1. *Fatetur Plancium neque disertum, neque Iurisconsultum esse; sed hac illi in munere adilitatu administrando ob-
stare negat. Favet enim Laterensi suas laudes.*

2. *Admittit quod Laterensis in quaestura huius Cirenis li-
beralis fuerit, tamen hanc liberalitatem populo Romano non
satis innotuisse, idque sua quaestura in Sicilia exemplo, tradit,
plusque sua sedulitate presentem Roma valuisse Plancium.*

3. *Fatetur se bonis omnibus Roma debere, non soli Plancio.
eo quod Plancio propter se fauerint in electione omnes, etiam si
illi, ut fratri & liberis, favere, quod per hunc illis sit conser-
vatus. Gratitude denique tanquam amicitia vinculo glo-
riatur.*

4. *Concedit se in discessu exulem auxiliis aliorum oblatis
uti noluisse, ne sui causa ab improbis forte armati prohi oppri-
merentur.*

5. *Mortem se timuisse, sed jure, fatetur, ne secum resp. cla-
dem ferret.*

6. *Non diffitetur Laterensem in republ. liberum esse; se ve-
rò etiam tum esse maximè, cum quandoque tempori serviat.*

*Quæris, Cassi; num desertus sit Plancius? imò, id
quod fatendum est, ne sibi quidem videtur. Non juris-
consultus? quasi quisquam sit, qui sibi hunc falsum de
jure respondisse dicat. Omnes enim istiusmodi artes in
iis reprehenduntur, qui cum possessi fuerint, satisfacere
non possunt: non in iis, qui abfuisse ab his studiis confi-
tentur. Virtus, probitas, integritas in candidato, non lin-
guæ volubilitas, non ars, non scientia, requiri solet. Ut
nos in Mancipiis parandis, quamvis frugi hominem, si*

pro fabro, aut pro textore eminus, ferre molestè solemus, si eas artes, quas in emendo secuti sumus, fortè nesciverit: sin autem eminus, quem villicum imposeremus, quem pecori præficeremus, nihil in eo, nisi frugalitatem, laborem, vigilantiam, esse curamus: sic populus Romanus diligit Magistratus, quasi Reipublicæ villicos: in quibus, si quæ præterea est ars, facile patitur. sin minus facile virtute eorum & innocentia contentus est. Quotus enim quisque disertus? quotus quisque juris peritus est, ut eos numeres qui volunt esse? quod si præterea honore dignus nemo, quidnam tot optimis & ornatissimis civibus est futurum? jubes Plancium de vitiis Laterensis dicere. Nihil potest, nisi eum nimis in se iracundum putabis fuisse. Idem effers Laterensem laudibus. Facile patior id de te agere multis verbis, quod ad iudicium non pertineat: & id te accusantem tam diu dicere, quod ego defensor sine periculo possim confiteri. Atqui non modo confiteor summa in Laterense ornamenta esse, sed te etiam reprehendo, quod ea non enumeres: alia quædam inania, & levia conquiras. Prænestè fecisse ludos. Quid alii quæstores, nonne idem fecerunt.

2. Cyrenis liberalem in publicanos, justum in socios fuisse. Quis negat? sed ita multa Romæ geruntur, ut vix ea, quæ fiunt in provinciis, audiantur. Non vereor, nemini aliquid, Iudices, videor arrogasse, si de quæstura mea dixerò. Quamvis enim illa floruerit, tamen eam me postea fuisse in maximis rebus arbitror, ut non ita mihi multum sit ex quæsturæ laude repetendam: sed tamen non vereor, ne quis audeat dicere, ullius in Sicilia quæsturam, aut gratiorem, aut clariorem fuisse. Verè, me hercules, hoc dicam: sic tum existimabam, nihil homines, unquam aliud Romæ, nisi de quæstura mea loqui. Frumenti in summa caritate maximum numerum miseram, negotiatoribus comis, mercatoribus justus, municipibus liberalis, sociis abstinens, omnibus eram visus in omni officio diligentissimus, excogitati quidam erant à Siculis honores inauditi. Itaque hac spe discedebam, ut mihi populum R. ultrò omnia delaturum putarem. At ego, cum casu diebus iis, itineris faciendi causa decedens è provincia, Pu-

teolos

teolos fortè venissem, cum plurimi & lautissimi solent esse in iis locis: concidi penè, iudices, cum ex me quidam quæsisset, quod die Roma exissem, & numquid in ea esset novi: cui cum respondissem, me è provincia discedere: etiam me hercules, inquit, ut opinor, ex Africa. Huic ego jam stomachans fastidiose, imò ex Sicilia, inquam. Tum quidam, quasi qui omnia sciret. Quid? tu nescis, inquit, hunc Syracusis quæstorem fuisse? quid multa? destiti stomachari, & me unum ex iis feci, qui ad aquas venissent. Sed ea res, Iudices, haud scio an plus mihi profuerit, quam si mihi omnes tum essent congratulati. Nam posteaquam sensi populum Romanum aures hebetiores, oculos acres, atque acutos habere: destiti quid de me audituri essent homines, cogitare: feci, ut postea quotidie me præsentem viderent: habitavi in oculis: pressi forum: neminem à congressu meo, neque janitor meus neque somnus absteruit. Ecquid ego dicam de occupatis meis temporibus, cui fuerit ne otium quidem unquam otiosum? nam, quas tu commemoras, Cassi, legere te solere orationes, cum otiosus sis: has ego scripsi ludis & feriis, ne omnino unquam essem otiosus. Etenim M. Catonis illud, quod in principio scripsit Originum suarum, semper magnificum & præclarum putavi. Clarorum virorum atque magnorum, non minus otii, quam negotii rationem exstare oportere. Ita, si quam habeo, laudem, quæ quanta sit, nescio, parta Romæ est, quæ sita in foro: mea que privata consilia publici quoque casus comprobaverunt, ut etiam summa res publica mihi domi fuerit gerenda, & urbs in urbe servanda. Eadem igitur, Cassi: via munita Laterensis est, idem virtutis cursus ad gloriam: hoc facilior fortasse, quod ego huc à me ortus, & per me nixus ascendi: istius egregia virtus adjuvabitur commendatione majorum. Sed ut redeam ad Planium, nunquam ex urbe abfuit, nisi forte lege, necessitate: non valuit rebus iisdem, quibus fortasse nonnulli; at valuit assiduitate, valuit observandis amicis, valuit liberalitate; fuit in oculis: petivit: est usus ratione, quâ minima invidia, non homines plurimi ejusdem honores consecuti sunt.

3. Nam quod ais, Cassi, non me plus Mancio debe-

re, quàm bonis omnibus, quod iis æquè mea salus cara fuit: ego me debere bonis omnibus fateor; sed etiam iis, quibus ego debeo. Boni viri, & cives, ædilitiis comitiis, aliquid se meo nomine debere Plancio dicebant. Verum me multis debere, & in iis Plancio? utrum igitur me conturbare oportet: an cæteris, cum cujusque dies venerit, hoc tamen quod urget, nunc cum petitur, dissolvere: Quæris à me, Cassi, quid pro fratre meo, qui mihi est charissimus, quid pro meis liberis, quibus nihil potest esse jucundius, amplius, quam pro Plancio facio, facere possim: nec vides istorum ipsorum charitate ad hujus salutem defendendam maximè stimulari me, atque excitari. Nam neque illis hujus salute, à quo meam sciunt esse defensam, quidquam est optatius: & ego ipse nunquam illos aspicio, quin per hunc me his conservatum esse meminerim, hujusque meriti in se recorder. Etenim Judices, cum omnibus virtutibus me affectum esse cupiam, tamen nihil est, quod malim, quam me & gratum esse, & videri. Hæc est enim una virtus non solum maxima, sed etiam mater virtutum omnium reliquarum. Quid est pietas, nisi voluntas grata in parentes? qui sunt boni cives, qui belli, qui domi de patria benè merentes; nisi qui patriæ beneficia meminerunt? qui sunt sancti, qui religionem colentes; nisi qui meritam Diis immortalibus gratiam, iustis honoribus & memori mente persolvunt? quæ potest esse jucunditas vitæ, sublati amicitiiis? quæ porro amicitia potest esse inter ingratos? quis est nostrum liberaliter educatus, cui non educatores, cui non magistri sui, atque Doctores, cui non locus ille mutus, ubi ipse altus auditus est, cum grata recordatione in mente versetur? cujus opes tantæ esse possunt, aut unquam fuerunt, quæ sine multorum amicorum officiis stare possint? quæ certè sublatâ memoriâ & gratiâ, nulla extare possunt. Etenim nihil tam proprium hominis existimo, quàm non modo beneficio, sed etiam benevolentiae significatione alligari: nihil porro tam inhumanum, tam immane, tam ferum, quàm committere, ut beneficio non dicam indignus, sed victus esse videare. Quæ cum ita sint, jam succumbam, Latensis isti tuæ orationi, in eo ipso, in quo nihil potest esse

esse nimium : & quoniam ita tu vis, nimium me gratum esse concedam : peramque à vobis, Judices, ut eum beneficio complectamini, quem qui reprehenderit, in eo reprehendit, quod gratum præter modum dicat esse. Neque enim ad negligendam meam gratiam debet valere, quod dixit ; idem vos nec nocentes, nec litigiosos esse, quò minus me apud vos valere oporteret. Quasi verò in amicitia mea non hæc præsidia (si qua forte sunt in me) parata semper amicis esse maluerim, quam necessaria. Etenim ego de me tantum audeo dicere, amicitiam meam voluptati pluribus, quàm præsidio fuisse : meque vehementer vitæ meæ pœniteret, si in mea familiaritate locus esset me-
mini, nisi litigioso, aut nocenti.

4. Sed sunt hæc leviora : illa verò graviora, atque magna, quod meum discessum, quem læpe defleas : nunc quasi reprehendere & subaccusare voluisti ; dixisti enim, non auxilium mihi, sed me auxilio defuisse. Ego verò fateor me herculè, quòd viderim mihi auxilium non deesse, idcirco me illi auxilia pepercisse. Quis enim status, quod discrimen, quæ fuerit in republ. tempestas illa, quis nescit ? Tribunitius me terror, an consularis furor movit ? decertare mihi ferro magnum fuit, cum reliquis eorum, quos ego florentes atq; integros sine ferro viceram ? Consules post hominum memoriam teterrimi atq; turpissimi, sicut & illa principia, & hi recentes rerum exitus declararunt : quorum alter exercitum perdidit, alter vendidit emptis provinciis : à Senatu, à Rep. à bonis omnibus defecerant : qui exerciti-
bus, qui armis, qui opibus, plurimum poterant, cum, quid sentirent, nesciretur, furialis illa vox, nefariis stupris, religiosis altaribus effeminata, secum & illos, & Consules facere acerbissimè personabat : egentes in locupletes, perditum in bonos, servi in Dominos armabantur. Aderat mecum Senatus, & quidem veste mutata : quod pro me uno, post hominum memoriã, publico consilio susceptum est. Sed recordare, qui cū fuerint Consulū nomine hostes, qui soli in hac urbe Senatū Senatui parere non siverint : edictoq; suo non luctum patrib. conscriptis, sed luctus judicia ademerint. Ademerat mecum cunctus equester ordo : quem quidē in concionib. Saltator ille Catilinæ consul, proscriptio-

nis denunciatione terrebat : actota Italia convenerat ; cui quidem belli intestini, & vastitatis metus inferebatur. Hisce ego auxiliis studentibus, atque incitatis, uti me, L. Terentis, potuisse confiteor; sed erat non jure, non legibus, non disceptando decertandum (nam profectò, præsertim tam bona causa, nunquam, quæ cæteri abundarunt, id mihi ipsi auxilium meum defuisset) armis, fuit armis, inquam, fuit dimicandum : quibus à servis, atque à servorum ducibus, eadem fieri Senatus & bonorum reipubl. exitiosum fuisset. Vincti autem improbos à bonis fateor fuisse præclarum, si finem eum vincendi viderem : quam profectò non videbam. Ubi enim præstò fuisset aut tam fortis Consul quam L. Opimius? quam C. Marius, quam L. Flaccus? quibus ducibus improbos cives resp. vicit armatis : aut, si minus fortes, attamen tam justis, quam P. Mucius qui arma, quæ privatus sumpsit P. Scipio, ea, F. Graccho interempto, jure optimo sumpta esse defendit? Eset igitur pugnandum cum Consulibus. Nihil amplius dico, nisi illud, victoriæ nostræ graves adversarios paratos, interitus pullos autores esse videbam. Hisce ego auxiliis salutis meæ si iccirco defui, quia nolui dimicare : fatebor id quod vis, non mihi auxilium, sed me auxilio defuisse. Sin autem, quo majora studia in me bonorum fuerunt, hoc iis magis consulendum, & parcendum putavi : tu id in me reprehendis, quod Qu. Metello laudi datum est, hodieque est & semper erit maximæ gloriæ? quem, ut potes ex multis audire, qui tum affuerunt, invictissimis viris, constare bonis cessisse : nec fuisse dubium, quin contentione & armis superior posset esse. Ergò ille cum suum, non cum Senatus factum defenderet : cum perseverantiam sententiæ suæ, non saltem reipubl. retinisset : tamen ob illam constantiam, qua illud voluntarium vulnus accepit, justissimos omnium Metellorum & clarissimos triumphos gloriæ laude superavit, quod & illos improbissimos cives interfici noluit, & ne quis bonus interiret in eadem eade, providit. Ego tantis periculis propositis; cum, si victus essem, interitus reipublicæ; si vicissem, infinita dimicatio pararetur, committerem, ut idem perditor reipublicæ nominarer, qui servator fuissem?

5. Mortem me timuisse dicis; ego verò ne immortalitatem quidem contra rempubl. accipiendam putarem, nedum emori cum pernicië reipubl. vellem. Nam qui pro republ. vitam reddiderunt (licet me decipere dicatis) nunquam me hercule eos mortem potius, quàm immortalitatem assecutos putavi. Ego verò si tum illorum impiorum ferro ac manu concedissem, in perpetuum resp. civile præsidium salutis suæ perdidisset. Quin etiam, si me vis aliqua morbi, aut natura ipsa consumpsisset: tamen auxilia posteritatis essent imminuta, quod peremptum esset meâ morte id exemplum, qualis futurus in me retinendo fuisset Senatus, populusque Romanus. An si unquam in me vitæ cupiditas fuisset, ego mense Decembri mei consulatus, omnium parricidarum tela commôsssem: quæ, si viginti quæsissem dies, in aliorum jugulum Consulatum retidissent. Quamobrem si vitæ cupiditas contra remp. est turpis; certè multo mortis cupiditas mea turpior fuisset, cum pernicië civitatis.

6. Nam quod te in republ. liberum esse gloriatus es, id ego & fateor, & lætor; & tibi etiam in hoc gratulor. quòd me autem negasti: in eo neque te; neque quemquam diutius patiar errare. Nam si quis idcirco aliquid de libertate mea diminutum putat, quod non ab omnibus eisdem, à quibus antea solitus sum dissentire, dissentiam: primum si bene de me meritis gratum me præbeo, non desino incurrere in crimen hominis nimium memoris, nimiumque grati. Sin autem, sine ullo reip. detrimento, respicio etiam aliquando salutem, tum meam, tum meorum: certè non modò non sum reprehendendus, sed etiam, si ruere vellem, boni viri me, ut ne id facerem, rogarent. Res verò ipsa publica si loqui posset, ageret mecum, ut quoniam sibi servissem semper, nunquam mihi: fructus autem ex sese, non ut oportuisset, lætos & uberes, sed magnâ acerbitate permixtos tulissem: ut mihi servirem, consulerem meis: se non modò satis habere à me, sed etiam verti, ne parum mihi pro eo, quod tum à me haberet, reddidisset. Quod si horum ego nihil cogito? & idem sum in republ. ea qui fui semper? tamen ne tu libertatem requites meam? quam tu ponis in eo, si semper cum iis, quibuscum aliquando con-

tempus duntaxat,

tendimus, depugnemus, quod est longè secus. Stare enim omnes debemus, tanquam in orbe aliquo reip. qui quoniam verteretur, eam deligere partem debemus, ad quam nos ullius utilitas, salusque converterit. Ego autem C. Pompejum, non dico, auctorem, ducem, defensorem salutis meae (nam hæc privatim fortasse officiorum memoriam & gratiam quærunt) sed dico hoc, quod ad salutem reip. pertinet; ego cum non tuear, quem omnes in rep. Principem esse concedunt? Ego C. Cæsaris laudibus desim, quas primum Pop. R. nunc etiam Senatus, cui me semper addixi, plurimis atque amplissimis judiciis videam esse celebratas? Tum me hercule me confitear, non iudicium aliquod habuisse de reip. utilitate, sed hominibus amicum, aut inimicum fuisse. An cum videam navem secundis ventis cursum tenentem suum, si non ea eum petat portum, quem aliquando putavi: sed alium non minus tutum atq; tranquillum: cum tempestate pugnem periculosè potius, quam illi, salute præsertim proposita, obtemperem, & paream? Neque enim inconstantis puto sententiam tanquam aliquod navigium, atq; cursum ex reip. tempestate moderari. Ego verò didici, hæc vidi, hæc scripta legi, hæc de sapientissimis & clarissimis viris, & in hac rep. & in aliis civitatibus monumenta nobis litteræ prodiderunt: non semper easdem sententias ab iisdem, sed, quasunque reip. status, inclinatio temporum, ratio concordiae postularer, esse defendendas. Quod ego, & facio Laterensis, & semper faciam: libertatemque quam in me requiris, quam ego, neque dimisi unquam, neque dimittam, non in pertinaciâ, sed in quâdam moderatione positam putabo.

I M I T A T I O.

Cum in hoc loco diversa concurrant, difficile erit uni exemplo aptare omnia. Serviet, cum amicus amicam gratitudinis causa sese tueri asseret, quamvis contra amicum alterum; ut cum Ionathas pro Davide apud parentem pugnat, memor beneficiorum quæ Pater & regnum per Iavidem Goliathi victorem acceperis &c. quamvis rudis David Pastor, neq; aliis aulicorum nobilium disciplinis excultus fuerit.

IV.

Refutationis modesta atque erudita exemplum , quo
Consul Cicero Muranam de ambitu sequenti con-
sulatus , à Serv. Sulpitio & M. Ca-
tone accusatum tuetur.

Pro Muræna. Orat. 22. in princip.

1. Muranam seque ipsum defendit Cicero adversus Cato-
nem : quod is objiceret indignum esse Ciceronem Consulem,
qui legem de ambitu hoc anno tulisset , eum Muranam tueri,
ait enim ; quod meritò Consul consulem , eumque innocentem
propugnet.

2. Sulpitio quarenti , quod Cicero veteris erga se amicitia
jura violaret , dum adversario competitori adfisteret , respon-
det se petenti consulatum Sulpitio adfuisse , tanquam amicum ;
periclitanti nunc de honore & urbe Murana , in aqua causa , id
præstare , quod nec inimico negare jure possit.

3. Causam Murana aggreditur , illique objecta diluit : ut
quod ille Asiam luxuria gratia expetierit , Cicerone tam fri-
volam Catonis objectionem eludente , cum in armis illic victo-
riose perenni adhaerit : & saltasse gratis fingatur , quem ebri-
um fuisse ne quidam constet.

4. Fori , jurisque ignorantiam cum Sulpitius Murana ob-
jecisset , Cicero plus in armis , quam juris cognitione subsidii
esse reip. declarat.

Primum M. Catoni vitam ad certam rationis nor-
mam dirigenti & diligentissimè perpedenti momenta
officiorum omnium , de officio meo respondebo. Negat
fuisse rectum Cato , me & consulem , & legis ambitus
latorem , & tam severè gesto consulatu , causam L. Muræ-
næ attingere , hujus reprehensio me vehementer movet,
non solum ut vobis , Judices , quibus maximè debeo , ve-
rum etiam ut ipsi Catoni , gravissimo atque integerrimo

viro rationem facti mei probem. A quo tandem M. Cato est æquius consulem defendi, quàm a consule? Quis mihi in republ. potest, aut debet esse conjunctior, quàm is cui resp. à me unà traditur sustinenda magnis laboribus & periculis sustentata. Quod si in iis rebus reperendis, quæ mancipii sunt, is periculum iudicii præstare debet, qui se nexu obligavit, profectò etiam rectius in iudicio consulis designati, is potissimum Consul, qui consulem declaravi, auctor beneficii populi Romani defensorque periculi esse debebit. Ac si, ut nonnullis in civitatibus fieri solet patronus huic causæ publicæ constitueretur, is potissimè honore affecto defensor daretur, qui eodem honore præditus, non minus afferret ad dicendum auctoritatis, quàm facultatis. Quod si à portu solventibus iis qui jam in portum ex alto invehuntur præcipere summo studio solent, & tempestatum rationem, & prædonum, & locorum; quod natura affert, ut eis faveamus, qui eadem pericula quibus nos perfuncti sumus, ingrediantur: quo tandem me animo esse oportet; prope jam ex magna jactatione terram videntem in hunc, cui video maximas reipubl. tempestates esse subeundas? Quare si est boni Consulis non solum videre quid agatur, verum etiam providere quid futurum sit, ostendam alio loco, quantum salutis communis intersit, duos consules in republ. Calendis Januar. esse. Quod si ita est, non tam me officium debuit, ad hominis amiei fortunas, quàm resp. Consulem, ad communem salutem defendendam, vocare. Nam quod legem de ambitu tuli; certè ita tuli, ut eam quam mihi metipsum jam pridem tulerim, de civium periculis defendendis, non abrogatem. Et enim si largitionem factam esse confiterer, idque factum esse defenderem, facerem improbè, etiam si alius legem tulisset: cum verò nihil commissum contra legem esse defendam, quid est, quod meam defensionem ratio legis impediat? Negat esse ejusdem severitatis, Catilinam exitum reipubl. intra mœnia molientem, verbis & penè Imperio, urbe expulisse, & nunc pro L. Muræna dicere. Ego autem has partes lenitatis & misericordiæ, quas me natura ipsa docuit, semper egi libenter; illam verò gravitatis severitatisque personam non appetivi, sed ab republ. mihi impos-

impositam sustinui, sicut hujus Imperii dignitas, in summo periculo civium; postulabat. Quod si tum, cum resp. vim ad severitatem desiderabat, vici naturam, & tam vehementis sui, quam cogebar, non quam volebam; nunc cum omnes causæ ad misericordiam, atque ad humanitatem vocent; quanto tandem studio debeo naturæ meæ consuetudinique servire? Ac de officio defensionis meæ, & de ratione accusationis tuæ fortasse etiam; alia in parte orationis dicendum nobis erit.

Sed me, judices, non minus hominis sapientissimi atq; ornatiissimi Ser. Sulpitii conquestio, quam Catonis accusatio commovebat, qui gravissimè se ferre dixit, me familiaritatis necessitudinisque oblitum causam L. Murænæ contra se defendere. Huic ego Judices satisfacere cupio, vosque adhibere arbitros. Nam cum grave & verè accusari in amicitia, tum etiam si falsò accusaveris non est negligendum. Ego Servi Sulpiti, me, in petitione tua; tibi omnia officia atque studia, pro nostra necessitudine; & debuisse confiteor, & præstitisse arbitror. Nihil tibi consulatū petenti à me defuit, quod esset aut à gratioso, aut à Consule postulandum. Abiit illud tempus, mutata ratio est. Sic existimo, sic mihi persuadeo, me tibi contra honorem L. Murænæ quantum tu à me postulare ausus sis, tantum dedisse, contra salutem nihil debere. Neque enim, si tibi tum, cum peteres consulatū, affui, idcirco nunc, cum Murænā ipsum petas; adjutor eodem pacto esse debeo. Atque hoc non modo non laudari, sed nec concedi quidem potest, ut amicis nostris accusantibus non etiam alienissimos defendamus. Mihi autem, cum Muræna; Judices, & vetus, & magna amicitia est; quæ in capitis dimicatione à Servio Sulpitio non idcirco obtruetur, quod ab eodem in honoris contentione superata est. Quæ si causa non esset, tamen vel dignitas, vel honoris ejus, quem adeptus est, amplitudo; summam mihi superbiæ crudelitatisque famam inussisset, si hominis, & suis, & Populi Romani ornamentis amplissimi, causam tanti periculi repudiassem. Neque enim jam mihi licet, neque est integrum, ut meum laborem hominum periculis sublevandis non impertiam. Nam eum præmia mihi tanta, pro hac industria, sunt data;

quanta antea nemini : labores per quos ea cœperis , cum adeptus sis , deponere , esset hominis & astuti , & ingrati. Quod si licet desinere , si te auctore possum , si nulla inertia , nulla superbiam turpitudine , nulla inhumanitatis culpa suscipitur , ego verò libenter desino : sin autem fuga laboris desidiarum , repudiatio supplicum superbiam ; amicorum neglectio improbitatem coarguit , nimirum hæc causa est ejusmodi , quam nec industrius , nec misericors , nec officiosus deserere possit. Atque hujusce rei conjecturam de tuo ipsius studio , Servi , facillimè cœperis. Nam si tibi necesse putas etiam adversariis amicorum tuorum de jure consulentibus respondere : si turpe existimas , te advocato illum ipsum , quem aliquando contra veneris , causa cadere ? noli tam esse injustus ; ut cum tui fontes vel inimicis tuis pateant , nostros rivulos etiam amicis putes clausos esse oportere. Etenim si me tua familiaritas ab hac causa removisset , & si hoc idem , Q. Hortensio , M. Crasso clarissimis viris , si item cæteris , à quibus intelligo tuam gratiam magni æstimari , accidisset , in ea civitate Consul designatus defensorem non haberet , in qua nemini unquam infimo majores nostri patronum deesse voluerunt. Ego verò , Judices , ipse me existimarem nefarium si amico , crudelem si misero , superbum si Consuli defuissem. Quare quod dandum est amicitiam , largè dabitur à me , ut tecum agam , Servi , non tecus ac si meus esses frater , qui mihi est charissimus ; isto in loco , quod tribuendum est officio , fidei , religioni ad ita moderabor , ut meminerim me contra amici studium , pro amici periculo dicere.

Intelligo , Judices , tres totius accusationis partes fuisse , & earum unam in reprehensione vitæ , alteram in contentione dignitatis , tertiam in criminibus ambitus esse versatam. Harum trium prima illa , quæ gravissima esse debebat , ita fuit infirma , & levis , ut illos lex magis quædam accusatoria , quàm vera maledicendi facultas , de vita L. Murenæ , dicere aliquid cœgerit. Objecta est enim Asia , quæ ab hoc non ad voluptatem & luxuriam expetita est , sed in militari labore peragrata. Qui si adolescens , patre suo Imperatore , non meruisset , aut hostem ,

aut Patris Imperium timuisse, aut à parente repudiatus videretur. An, cum sedere in equis triumphantium prætextati potissimum filii soleant, huic donis militaribus patris triumphum decorare fugiendum fuit, ut rebus communiter gestis, penè simul cum Patre triumpharet? Hic verò Judices, & fuit in Asia, & viro fortissimo parenti suo magno adjumento in periculis, solatio in laboribus, gratulationi in victoria fuit. Et si habeat Asia suspensionem luxuriæ quandam, non Asiam nunquam vidisse, sed in Asia continenter vixisse, laudandum est. Quamobrem non Asiæ nomen obijciendum Murænæ fuit, ex qua laus familiaræ, memoria generi, honos & gloria nomini constituta est? sed aliquod, aut in Asia susceptum, aut ex Asia deportatum flagitium ac dedecus. Meruisse verò stipendia, in eo bello, quod tum Pop. R. non modò maximum; sed etiam solum gerebat, virtutis; Patre Imperatore libentissimè meruisse, pietatis: finem stipendiorum patris victoriam ac triumphum fuisse, felicitatis fuit. Maledicto quidem idcirco nihil in hisce rebus loci est, quod omnia laus occupavit. Saltatorem appellat L. Murænæ Cato: Maledictum est, si verè obijcitur, vehementis accusatoris; si falsò, maledici conviciatoris. Quare, cum ista sis auctoritate, non debes M. Cato arripere maledictum ex trivio, aut scurrarum aliquo convitio, neq; temere consulem Pop. R. Saltatorem vocare; sed conspicerè, quibus præterea vitiis affectum esse necesse sit eum, cui verè istud obijci potest. Nemo n. ferè saltat sobrius, nisi fortè insanit; neque in solitudine, neq; in convivio moderato, atq; honesto: in tempestivi convivii, amœni loci, multarum deliciarum comes est extrema saltatio. Tu mihi arripis id, quod necesse est omnium vitiorum esse postremum, relinquis illa, quibus remotis, hoc vitium omnino esse non potest. Nul- lum turpe convivium, non amor, non commessatio, non libido, non sumptus ostenditur, & cum ea non reperian- tur, quæ voluptatis nomen habent, quæque vitiosa sunt, in quo ipsam luxuriam, reperire non potes, in eo te um- bram luxuriæ reperturum putas? Reliqui temporis spa- tium in contentionem vocatur ab utroque dissimillima ratione tractatum! Servius hic nobiscum hanc urbanam

militiam respondendi, scribendi, cavendi, plenam sollicitudinis ac stomachi secutus est: jus civile didicit, multum vigilavit, laboravit. Præsto multis fuit, multorum stultitiam perpeſſus est, arrogantiam pertulit, difficultatem exſorbuit, vixit ad aliorum arbitrium, non ad ſuum. Magna laus & grata hominibus, unum hominem elaborare in ea ſcientia, quæ ſit multis profutura. Quid Muræna interea? fortiffimo ac ſapientiffimo viro, ſummo Imperatori legatus Lucio Lucullo fuit, quâ in legione duxit exercitum, ſigna contulit, manum conſervit, magnas copias hoſtium fudit, urbes partim vi, partim obſidione cœpit, Aſiam iſtam reſertam, & eandem delicatam, ſic obiit; ut in ea neque avaritiæ, neque luxuriæ veſtigium reliquerit. Maximo in bello ſic eſt verſatus, ut hic multas res, & magnas, ſine Imperatore geſſerit, nullam ſine hoc Imperator. Atque hæc quanquam præſente L. Lucullo loquar, tamen ne ab ipſo, propter periculum noſtrum, conſeſſam videamur habere licentiam fingendi, publicis literis teſtata ſunt omnia, quibus L. Lucullus tantum laudis imperit, quantum neque ambitioſus Imperator, neque invidus tribuere, in communicanda alteri gloria, debuit. Summa in utroque eſt honeſtas, ſumma dignitas, quam ego, ſi mihi per Servium liceat, pari, atque eadem in laude, ponam. Sed non licet: exagitat rem militarem, inſectatur: totam hanc legationem aſſiduitatis & operarum harum quotidianarum, putat eſſe conſulatum. Apud exercitum, inquit, mihi fueris tot annis? forum non attigeris? abſueris tamdiu? & cum longo intervallo veneris, cum iis, qui in foro habitaverunt, dignitate contendas? Primum iſta noſtra aſſiduitas, Servi, neſcis quantum interdum afferat hominibus ſatiæ, quantum ſatietatis. Mihi quidem vehementer expedit, poſitam in oculis eſſe gratiam; ſed tamen ego mei ſatietatem magno cum labore ſuperavi, & tu idem fortasſe, veruntamen noſtrum utrique deſiderium nihil obuiſſet. Sed, ut hoc omiſſo, ad ſtudiorum, atque artium contentionem revertamur. Qui poterit dubitari, quin ad conſulatum adipiſcendum multò plus adferat dignitas rei militaris, quàm juris civilis gloria? Vigilas tu de nocte, ut tuis conſultoribus reſpondeas: ille, ut eò quò in-

tendit,

tendit, maturè cum exercitu perveniat; te Gallorum, illum buccinarum cantus exsuscitat; tu actionem instituis; ille aciem instruxit; tu caves, ne tui consultores; ille ne urbes, & castra capiantur. Ille tenet & scit, ut hostium copiae; tu ut aquae pluviae arceantur. Ille exercitatus in propagandis finibus; tu in regendis. Ac nimirum (dicendum est enim, quod sentio) rei militaris virtus praestat cæteris omnibus. Hæc populo Romano nomen, hæc huic urbi æternam gloriam peperit, hæc orbem terrarum parere huic Imperio coëgit? omnes res, omnia hæc nostra præclara studia, & hæc forensis laus & industria latent in tutela ac præsidio bellicæ virtutis. Simul atque increpuit suspicio tumultus, artes illico nostræ conticescunt. Et quoniam mihi videris istam scientiam juris, tanquam filiulam osculari tuam, non patiar te in tanto errore versari; ut istud, nescio quid, quod tantopere didicisti, præclarum esse aliquid arbitrere. Aliis ego te virtutibus continentiae, gravitatis, justitiæ, fidei, cæteris omnibus, consulari, & omni honore semper dignissimum judicavi. Quod quidem jus civile didicisti: non dictam operam perdidisti, sed illud dicam, nullam esse in illa disciplina munitam ad consulatum viam. Omnes enim artes, quæ nobis populi R. studia conciliant, & admirabilem dignitatem, & pergratam utilitatem debent habere. Summa dignitas est in iis, qui militari laude antecellunt. Omnia enim quæ sunt in Imperio, & in statu civitatis ab iis defendi & firmari putantur summa etiam utilitas: siquidem eorum consilio & periculo, cum Republ. tum etiam nostris rebus, perfrui possumus.

I M I T A T I O.

In defensione Athanasii Episcopi Alexandrini, aut D. Chrysostomi, aliorumve, falso de arrogantia, ambitione aliisque sceleribus accusatorum hujus loci imitatio serviet.

Appendix & Observatio.

Siquis his, quæ de Confutatione tradidimus, plura
LII 3
apud

apud Ciceronem desideret, intelliget ex artificio Oratorium a nobis præmissio, quibus ex locis ea postulanda sint cum quandoque defensionem totam Cicero ex adversariorum Confutatione adornaverit, quæ Confirmationis vicefuit. Satis enim erat Reum suis purgatum sceleribus abire iudicio.

Cæterum si Refutationes per strictas interrogationes vibratas libeat videre, consule illam pro Quinctio n. 36. & seq. Et in testem Vatinius. Alia ad testium fidem infringendam pro Flacco extat. Si tales quibus in Adversarium argumenta detorqueat, pro Aruspicum responsis, adversus Clodium a se deflexis, legantur, & pro Ligario, ubi objecti huic criminis Tiberonem ipsum reum facit.

In Declamationibus hic eadem ratio, formaque quam supra ostendimus, teneri poterit, nisi quod intervallis ultro citroque differendi, brevioribus aliquando finiri possit inter contradicentes oratio, ut in Dialogis assiolet. Est enim singularis quædam orationis vis, quâ intortam accusationem strictim retorquet adversarius, & sententiam oppositâ sententiâ, rationem ratione, par pari, testimonium testimonio eliditur, ac velut in arena cum singulis singula dimicant, quod Seneca in Tragædiis egregiè quandoque præstitit, suisque etiam in Dialogis Cicero. Utrum hic modus in oratione diu minimè erit producendus, ne Orator in Dialogistam transformatus, sui instituti legibus habeat. Poterit tamen ipse adversarii simul personam per subiectiones, prolepses, objectionesque alias sustinendo, ita nonnunquam confutationem exacuere.

C A P U T XXIII.

*De peroratione ejusque vi ac varietate exemplis
proposita.*

AD perorationem & quæ illam comitantur, ut sunt amplificatio & affectus, seu motus animorum, ranti-
quam ultimum Palastræ nostræ actum venimus. Ex hoc
victoria & æstimatio Oratoris præcipua sumitur. **Qui**
hic

hic ignarus, ignavusque succumbit, bravio exedit, gloriam eloquentiæ amisit. Meta ad quam tenditur motus est, persuasioque audientium. Via quâ pervenitur, enumeratio nervosa rationum præcipuarum, tum quarundam ex his per illustres non raro figuras, amplificatio est. De præceptis huc spectantibus disseruimus lib. 1. cap. 21. 22. & 23. Hæc autem pro re nata, & mutuum, quos spectabis diversitate adhibenda est. Cicero in plerisque perorationibus ad reorum defensionem spectantibus ad misericordiam inflexit, tanta vi ac facultate dicendi, ut cum plures de eadem causa differerent, Ciceroni omnes partem ultimam; in qua victoriæ spes sita erat, deferrent. Quare omnes Tullianæ perorationes illustres sunt, & elaboratæ, ex quibus unam alteramque singulâ contentione vibratam, hic adducimus, atque in cæteris ad ipsum remittimus Tullium.

Exemplum 1. Perorationis.

Fontejum ob Gallie præturam malè ut Pleſtorius arguebat administratam, ideoque repetundarum postulatam Cicero hæc peroratione tuestur, qua 1. Innoxium esse declarat. 2. Matris ac sororis intercessione. 3. Et ipsius Fonteii calamitate commemorata, iudices ad miserationem inflectit, per Apostrophas ad iudices & reum institutas.

1. M. Fontejus ita duabus actionibus accusatus est, ut objectum nihil sit, quo significari vestigium libidinis, petulantia, crudelitatis, audaciæ possit. Non modo nullum facinus hujus protulerunt; sed ne dictum quidem reprehenderunt. Quod si, aut quantam voluntatem habent ad hunc opprimendum, aut quantam ad maledicendum licentiam, tantum haberent, aut ad ementiendum animi, aut ad fingendum ingenii; non meliore fortuna ad probra nunc audienda Fontejus, quam illi de quibus antea commemoravi, fuisset.

Frugi igitur hominem, iudices, frugi inquam, & in omnibus vitæ partibus moderatum ac temperantem, plenum pudoris, plenum officii, plenum religionis, videtis positum in vestra fide ac potestate: atque ita, ut

commisus sit fidei, permissus potestati. Videte igitur, utrum sit æquius, hominem honestissimum, virum fortissimum, civem optimum dedi inimicissimis, atque immanissimis nationibus, an reddi amicis: præsertim cum tot res sint, quæ vestris animis pro hujus innocentis salute supplicent: primum generis antiquitas, quam Tusculum ex clarissimo municipio profectam videmus; tum autem continuæ præturæ, quæ & cæteris ornamentis, & existimatione innocentiae maximè floruerunt; deinde recens memoria parentis, cujus sanguinem non solum Asculanorum manus, à qua interfectus est, sed totum illud sociale bellum macula sceleris imbutum est.

2. Num etiam de matris hanc complexu lectissimæ miserrimæque fœminæ, vobis inspectantibus avellet atque abstrahet? præsertim cum virgo vestalis ex altera parte Germanum complexa teneat, vestramque judices ac populi Romani fidem imploret: quæ pro vobis liberisque vestris tot annis in Diis immortalibus placandis occupata est, ut ea nunc pro salute sua, fratrique sui animos vestros placare possit: cui miseræ quod præsidium, quod solatium reliquum est, hoc amisso? nam cæteri fœminæ gignere ipsæ sibi præsidia & habere domi fortunarum omnium socium participemque possunt: huic verò virgini, quid est præter fratrem, quod aut jucundum, aut carum esse possit? nolite pati judices, aras deorum immortalium, Vestæque matris, quotidianis virginis lamentationibus de vestro iudicio commoveri. Prospicite, ne ignis ille æternus, nocturnis Fontejæ laboribus vigiliisque servatus, sacerdotis Vestæ lachrymis extinctus esse dicatur. Tendit ad vos Virgo Vestalis manus supplices easdem, quas pro vobis Diis immortalibus extendere consuevit. Cavete ne periculosum, superbumque sit ejus vos obsecrationem repudiare, cujus preces si Dii aspernarentur, hæc salva esse non possent.

3. Videtisne subitò, judices, virum fortissimum, M. Fonteium parentis & sororis commemoratione lachrymas profudisse? qui nunquam in acie pertimuerit, qui se armatus in hostium manus immiserit, cum in ejusmodi periculis eadem se solatia suis relinquere arbitraretur, quæ
suus

suus pater sibi reliquisset : idem nunc perturbato animo pertimescit, ne non modò ornamento, & adjumento non sit suis, sed etiam cum acerbissimo luctu dedecus æternum miseris, atque ignominiam relinquat. O fortunam longè disparem, M. Fonteï, si diligere potuisses, ut potius telis tibi Gallorum, quàm perjuriis intereundem esset: tum enim vitæ socia virtus, mortis comes gloria fuisset : nunc verò qui est dolor? victoriæ tentque Imperii pœnas ad eorum arbitrium sufferre, qui aut victi armis sunt, aut invitissimi paruerunt? à quo periculo defendite Judices civem fortem, atque innocentem : curate, ut nostris testibus plus, quàm alienigenis credidisse videamini, plus saluti civium, quàm hostium libidini consuluisse, graviolem duxisse ejus observationem, quæ vestris sacris præsit, quàm, eorum audaciam, qui cum omnium sacris delubrisque bella gesserunt. Postremò prospicite, Judices, id quod ad dignitatem populi Romani maximè pertinet, ut plus apud vos preces virginis vestalis, quàm minæ Gallorum, valuisse videantur.

II.

Ex adjunctis facti misericordis ad lachrymas & commiserationem se omnesque ceteros mirificavi

Cicero commovet, per Exclamationes & Apostrophes.

Pro Cn. Plancio. Orat. 32. in fine.

Cn. Plancium accusatum in adilitatis petitione de ambitu Cicero questorem in Macedonia omni se humanitate exulantem suscepisse memorat, atque ex hac illius pietate miserationem concitat.

Dyrrachium cum venissem, cognovi, id quod audieram, refertam esse Græciam sceleratissimorum hominum ac nefariorum, quorum impium ferrum, ignesque pestiferos meus ille consulatus è manibus extorserat : qui antequam de meo adventu audire potuissent, cum tum abes-

sent, aliquorum dierum viam in Macedoniam, ad Planciumque perrexī. Hic verò simul atque me mare transisse cognovit: audi atque attende Laterensis, ut scias, quid ego Plancio debeam: confiteare aliquando, quod faciam, me & grātē, & piē facere; huic, quæ pro salute mea fecerit, si minus (profutura sint, obesse certē non oportere:) nam simul ac me Dyrrachium attigisse audivit, statim ad me lictoribus dimissis, insignibus abjectis, veste mutatâ profectus est, ô acerbam mihi, Iudices, memoriam temporis, illius, & loci, cum hic in me incidit, complexus est, conspersitque lachrymis, nec loqui præ mœrore potuit. O rem cum auditu crudelem, tum visu nefariam? ô reliquos omnes dies, noctesque eas, quibus iste à mo non recedent Thessalonicam me, in quæstoriumque perduxit. Hic ego nunc de Prætorē Macedoniæ nihil dicam amplius, nisi eum & civem optimum semper, & mihi amicum fuisse, sed eadem timuisse, quæ cæteros: Cn. Plancium fuisse unum, non qui minus timeret: sed, si accederent ea, quæ timerentur, mecum ea subire, & perpeti vellet, qui cum ad me L. Tubero, meus necessarius, qui fratri meo legatus fuisset, decedens ex Asia venisset, easque insidias, quas mihi paratas ab exulibus conjuratis audierat, animo amicissimo detulisset: in Asiam me ire propter illius Provinciæ metum, & cum meo fratre necessitudinem comparatam non est passus. Vi me, inquam, Plancius, & complexu suo retinuit, multosque menses à capite meo non discessit, abjectâ quæstoriâ personâ, comitisque sumptâ. O excubias tuas, Cn. Planci miseras, ô flebiles vigilias, ô noctes acerbæ, ô custodiam etiam mei capitis infelicem, siquidem ego tibi vivus non prosum, qui fortasse mortuus profuissem. Memini enim, memini, neque unquam obliviscar noctis illius, cum tibi vigilanti, assidenti, mœrenti vana quædam miser, atque inania, falsa spe inductus, pollicebar: me si essem in patriam restitutus, præsentem tibi gratiam relaturum: sin autem vitam mihi fors ademisset, aut vis aliqua major reditum peremisset, hos, (quos enim ego jam alios animo intuebar?) omnia tibi illorum laborum præmia pro me persolutores, quid me aspectas? quid mea promissa reperis? quid meam fidem

dem imploras? nihil tibi ego tum de meis opibus pollicer-
bar, sed horum erga me benevolentiam promittebam, hos
pro me lugere, hos gemere, hos decertare pro meo capite,
vitæ periculo velle videbam: de horum desiderio, luctu,
quærelis quotidie aliquid tecum simul audiebam: nunc
timeo, ne nihil tibi præter lachrymas queam reddere, quas
tu in meis acerbitatibus plurimas effudisti: quid enim
possum aliud, nisi mœrere? nisi flere? nisi te cum mea sa-
lute complecti? Salutem tibi iidem dare possunt, qui mihi
reddiderunt. Huc exurgere tamen quæso: retinebo &
completectar, nec me solum deprecatorem fortunarum tua-
rum; sed comitem sociumq; profitebor: atque ut spero, ne-
mo erit tam crudeli animo, tamq; inhumano, nec tam im-
memor meorum, non dicam in bonos meritorum, sed bo-
norum in me, qui à me mei servatorem capitis divellat ac
distrahat. Non ego meis ornatum beneficiis à vobis depre-
cor, Judices, sed custodem salutis meæ: non opibus con-
tendo, non auctoritate, non gratiâ, sed precibus, sed lacry-
mis, sed misericordiâ: mecumq; vos simul miserrimus &
optimus obtestatur parens, & pro uno filio duo patres de-
precamur. Nolite, judices, per vos, per fortunas vestras, &
per liberos, inimicis meis, iis præferim, quos ego pro ve-
stra salute suscepi, dare lætitiâ glorientibus, vos jam ob-
litos mei salutisq; ejus, à quo mea salus conservata est, ho-
stes extitisse: nolite animum meum debilitare tum luctu,
tum etiam metu commutatæ vestræ voluntatis erga me:
finite me, quod vobis fretus huic sæpe promisi, id à vobis
ei persolvere. Teq; C. Flavi oro, & obtestor, qui meorum
consiliorum in consulatu socius, periculorum particeps,
rerum, quas gessi, adjutor fuisti, meque non modò salvum
semper, sed etiam ornatum, florentemq; voluisti: ut mihi
per hos conserves eum, per quem me tibi, & his conserva-
tum vides. Plura nè dicam, tuæ me etiam lachrymæ im-
pediunt, vestraq; , Judices, non solum meæ: quibus ego
magno in metu meo subitò inducor in spem, vos eosdem
in hoc conservando futuros, qui fueritis in me: quo-
niam istis vestris lachrymis, de illis recordor,
quas pro me sæpe, & multum
profudisti.

I M I T A T I O.

*Has Perorationes faciliè pro reis seu nocentibus seu innocentibus traduces. Ut pro Cicerone ipso contra Antonium apud Romanos disseratur, respublica ab ipso servata intercedat, si-
lius obtestetur, &c.*

Appendix & Observatio.

Ex multis pauca, sed planè illustria habes conclusio-
num exempla. Si tamen per hæc magis lubeat evagari.

Rationes Cicero te *enumerare* docebit pro Archia, ubi breviter causas, ob quas in urbe retinendus sit, enumerat. Rursus pro M. Cælio ejus vitam studiaque in republ. repetit.

Amplificat pro Quinctio per comparisonem & incrementum. Pro Aul. Cluentio materni sceleris exaggeratione, illi misericordiam, huic invidiam conciliat. Rara etiam amplificatione, pro Milone, ipsius Milonis magno animo patriæ valedicentis personam inducit, ac deinde ipse interponit sese, precesque suas, cum lachrymis Cicerone. ideoque hic potenter quoque ad miserationem inflectit.

Ad misericordiam disponit, & deprecatur. Pro Muræna, pristinâ ipsius fortunâ cum præsentī comparatâ, intercessione deinde Matris & liberorum. Pro Flacco obtestatio Ciceronis & filii parvi introductio potens est. Pro Cælio Pater senex, etiâ misericordiam implorat. Pro Syllâ ab invidia in adversarios ob immanitudinem concitata, ad misericordiam Judicum impetrandam, summa vi & lachrymis admittis, convertitur. Quandoque & prosopopæjam feliciter adhibet; ut in 3. Agraria contra Rullum, & pro Roscio Amerino, apostrophe, sibi in perorationibus familiari, adjuncta. Quæ ubi semel observaveris, pro Conclusionibus tibi neque varietas, neque vis dicendi est defutura.

CAPUT XXIV.

De Amplificatione, ejusque diversitate, & ornamentis per exempla demonstratis.

Amplificationem quibusdam exemplis seorsum illustrare, verum parcius lubet, quòd multis jam in Confirmatione, atque etiam quibusdam in Narratione, illic ubi sceleratos homines perstrinxit, hoc præstitum à Cicerone egregiè fuerit, quæ si ad leges à nobis de Amplificationis traditione libro 1. cap. 12. expenderis, facile, deprehendes.

Hoc tamen de Amplificatione observes velim: modò illam latiori minusque Oratoribus hoc loco usitata significatione usurpari. Cum videlicet amplificari rem, aut argumentum aliquod dicimus, quòd aliis aliisque inventionis fontibus locupletatur. Ut e. g. in Chria fit, cum eadem ratio à contrario, simili, exemplisque diducitur, aut factum aliquid suis adjunctis copiosè exponitur, modò sensu magis stricto, pro rei alicujus brevi, sed dilucida per singulas partes, vel causas, vel effectus, vel adjuncta expositione, quâ res sua magnitudine, tanquam in tabella & imagine, oculis animisque, ad motum aliquem affectumque exprimendum, subjiciatur. Prior igitur amplificatio, & quævis orationis dilatatio, sive ad docendum, sive ad delectandum, aut movendum fusè instituta: hæc est brevis quædam multorum comprehensio, quæ sua claritate, magnitudine, ac vi collecta uno impetu oppugnet, expugnetque audientis animum.

Hanc diximus congerie, incremento, comparisone, ac ratiocinatione, tanquam quatuor inventionis, seu argumentationis locis gaudere. Deinde illustrioribus delectari figuris, ut hypotyposi, ethopœja, prosopopœja, aliisque, de quibus actum de elocutione lib. 1. cap. 30. Age in tribus exemplis amplificationis dignitatem ac virtutem contem-
plemur.

Exem-

Exemplum I.

Amplificatio per congeriem & incrementum ethopœjis & hypotyposis illustrata, quâ mores perditorum hominum graphice adumbrantur.

Cicero post reditum in Senatu. Orat. 28.

1. *Universe Aul. Gabinium & L. Pisonem Coss. sui exilii ad mores describit, deinde Gabinii impios mores ejusque factorum Clodii tribpl. & Cesonii misce depingit.*

2. *L. Pisonem reprehendit, quod impuro illi Gabinio, in se suisque magna inhumanitate repellendis, & opprimendis, adhaerit.*

1. Fuerunt duo Consules, quorum mentes angustæ, humiles, pravæ, oppletæ tenebris ac sordibus, nomen ipsum consulatus, splendorem illius honoris, magnitudinem tanti Imperii nec intueri, nec sustinere, nec capere potuerunt: non consules, sed mercatores provinciarum, ac venditores vestræ dignitatis. Quorum alter, à me Catilinam amatorem suum, multis audientibus, alter Cethegum consobrinum suum reposcebat: qui me, duo sceleratissimi post hominum memoriam non consules, sed latrones, non modò deseruerunt, in causa præsertim publica, & consulari, sed prodiderunt, oppugnarunt, omni auxilio, non solum suo, sed etiam vestro, cæterorumque ordinum spoliatum esse voluerunt. Quorum alter tamen, neque me, neque quenquam fefellit. Quis enim ullam ullius boni spem haberet in eo, cujus primum tempus ætatis palàm fuisset ad omnes libidines divulgatum? qui cum suam rem non minus strenuè, quàm postea publicam confecisset, egestatem, & luxuriam domestico lenocinio sustentavit? qui nisi in aram tribunatus confugisset, neque vim prætoris, nec multitudinem creditorum, nec bonorum præscriptionem effugere potuisset? Quo in Magistratu, nisi rogationem depiratico bello tulisset, profecto & egestate,

stare, & improbitate coactus piraticam ipse fecisset, ac minore quidem cum reipubl. detrimento, quàm quòd intra mœnia nefarius hostis prædoque versatus est, quo inspe-ctante ac sedente, legem tribunus pleb. tulit, ne auspiciis obtemperatur, ne obnunciare concilio, aut comitiis, ne legi intercedere liceret, ut lex Ælia, & Fusia, ne valerent: quæ nostri majores certissima subsidia reipubl. contra tribuni-tios furores esse voluerunt. Idemque pòstea, cum innume-rabilis multitudo bonorum de capitolio supplex ad eum sordidata venisset; cumque adolescentes nobilissimi, cun-ctique equites Rom. se ad lenonis impurissimi pedes ab-jecissent: quo vultu cincinnatus ganeo, non solum civium lachrymas, verum etiam patriæ preces repudiavit; neque eo contentus fuit, sed etiam in concionem ascendit, eaque dixit, quæ, si ejus vir Catilina revixisset, dicere non esset ausus: se Nonarum Dec. quæ me consule fuissent, clivi-que Capitolini pœnas ab equitibus Romanis esse repeti-turum. Neque solum id dixit, sed quos ei commodum fuit, compellavit: L. verò Lamiam equitem Rom. præ-stanti dignitate hominem, & saluti meæ pro familiarita-te reipublicæ pro fortunis suis amicissimum consul Impe-riofus exire urbe jussit, & cum vos vestem mutandam censuissetis, cunctique mutassetis, atque idem omnes bo-ni jam ante fecissent, ille unguentis oblitus cum toga prætexta, quam omnes prætores, ædilesque tum abjece-rant, irrisit squalorem vestrum & luctum gravissimæ ci-vitatis: fecitque, quod nemo unquam tyrannus: ut, quò minus occultè vestrum malum gementis, nihil diceret; ne apertè incommoda patriæ lugeretur, ediceret. Cum ve-rò in circo Flaminio non à tribuno pleb. consul in con-cionem, sed à latrone, archipyrata adductus esset: pri-mum processit, quâ auctoritate vir? vini, somni, stupri plenus, madenti comâ, composito capillo, gravibus o-culis, fluentibus buccis: pressâ vocè, & temulenta: quod in cives indemnatos esset animadversum, id sibi dixit, gravis auctor vehementissimè displicere. Ubi nobis hæc auctoritas tamdiu tanta latuit? cur in lustris, & hellua-tionibus hujus calamistrati saltatoris, tam eximia vir-tustamdiu cessavit? Nam ille alter Cesonius Calven-tius

tius ab adolescentiâ versatus est in foro, cum eum præter simulatam versutamque tristitiam, nulla res commendaret, non consulis studium, non dicendi initia rei militaris, non cognoscendorum hominum, non liberalitas, quam præteriens cum incultum, horridum, mœstumque vidisses, etiam si agrestem, & inhumatum existimares; tamen libidinosum, & perditum non dubitates. Cum hoc homine, aut cum stipite Æthiope, si in foro constitisses, nihil crederes interesse: sine sensu, sine sapore, elinguem, tardum, inhumatum, neglectum, Cappadocem, modò abreptam de grege venalium diceres, idem domi, quam libidinosus, quàm impurus, quàm intemperans? Cum verò etiam literis studere incipit, & helluo immanis cum Græculis philosophari: tum est Epicureus, non penitus illi disciplinæ, quæcunque est, deditus, sed captus uho verbo voluptatis. Habet autem magistros, non ex istis ineptis, qui dies totos de officio, ac de virtute dissetunt, qui ad laborem, ad industriam, ad pericula pro patria subeunda adhortantur: sed eos, qui disputant horam nullam vacuum voluptate esse debere: in omni parte corporis semper oportere aliquod gaudium delectationemque versare. His utitur quasi præfectis libidinum suarum: hi voluptates omnes vestigant, atque odorantur: hi sunt conditores, instructoresque convivii: iidem expendunt, atque existimant voluptates, sententiamque dicunt, & judicant, quantum cuique libidini tribuendum esse videatur: horum ille attribus eruditus, ita contempsit hanc prudentissimam civitatem, ut omnes suas libidines, omnia flagitia latere posse arbitraretur, si modò vultum opportunum in forum tulisset. Is non me (quamquam equidem non cognovim eum propter Pisonum affinitatem; quem longè hinc ab hoc genere cognatio materna transalpini sanguinis abtulisset:) sed vos populumque Romanum non contuli, neque eloquentiâ, quod in multis sæpe accidit, sed rugis, supercilioque decepit.

2. Piso tunc ausus est isto oculo, non dicam isto animo, i sta fronte, non vitâ: tanto supercilio (non enim possum dicere tantis rebus gestis) cum Gabinio consociare, consilia pestis meæ? Non te illius unguentorum odor,

non

non vini anhelitus, non frons calamistri notata vestigiis in eam cogitationem adducebat, ut, cum illius re similis fuisses, frontis tibi integumento ad occultanda tanta flagitia diutius uti non liceret? cum hoc coire ausus es, ut cives optimè meriti fortunas provinciarum fœdere addiceres? te Consule, tuis edictis, & Imperiis Senatui populoque Romano non est licitum non modo sententiis, atque auctoritate suâ, sed ne luctu quidem, ac vestitu reipublicæ subvenire. Capuzne te putabas, in qua urbe domicilium quondam superbix fuit, consulem esse sicut erat eo tempore: an Romæ, in quâ civitate omnes ante consules Senatui paruerunt? Tu es ausus in circo Flaminio productus cum tuo illo pari dicere, te semper misericordem fuisse? Quo verbo Senatum atque omnes bonos tum, cum à patria pestem expellerent, crudeles demonstrabas fuisse. Tu misericors me affinem tuum, quem comitiis prærogativæ primum custodem præfeceras, quem Kalend. Jan. tertio loco sententiam rogas, constrictum inimicis reipubl. tradidisti: tu meum generum, propinquum tuum, tu affinem tuam, filiam meam, superbissimis & crudelissimis verbis à genibus tuis repulisti: idemque tu clementiâ ac misericordiâ singulari, cum ego unâ cum reipubl. non tribunitio, sed consulari ictu concidissem, tanto scelere, tantâque intemperantiâ fuisti, ut ne unam quidem horam interesse paterere, inter meam pestem & tuam prædam, saltem dum conticesceret illa lamentatio, & gemitus urbis. Nondum palàm factum erat concidisse Rempubl. cum tibi arbitria funeris solvebantur: uno eodemque tempore domus mea diripiebatur, ardebat: bona ad vicinum consulem de Palatio, de Tusculano ad item vicinum alterum consulem deferebantur: cum iisdem operis suffragium ferentibus, eodem gladiatore latore, vacuo non modò à bonis, sed etiam à liberis, utque inani foro, ignaro populo Romano quid ageretur, Senatu verò oppresso & afflicto, duobus impiis, nefariisque consulibus, ærarium provinciarum, legiones, Imperia donabantur.

II.

Amplificatio per congeriem , comparisonem & ratiocinationem hypotyposibus ornata qua res gestas perditorum describit Consulum Pisonis & Gabinii , sub quibus Cicero , per Clodium exagitatus , urbe excedere coactus est.

- Vol. 3. orat. 6. in Pisonem.

1. Personam Pisonis ex moribus factisque egregiè describit.
2. Per comparisonem parium factorum Catilina & tyrannorum Pisonis & Gabinii scelera describit.
3. Pisonis improbitatem & honestam fugam suam per metaphoras illustrat.
4. Consules nefarios moribus prorsus suis , hoc est , ebrios , violentos , molles exhibet.
5. Pari descriptione pergit per opposita consulari officio facinora ejusdem adumbrare.

Quod minimum specimen in te ingenii , Piso ? ingenii aurem ? imò ingenui hominis & liberi ? qui colore ipso patriam aspernaris , oratione genus , moribus nomen. Jamne vides , bellua , jamne sentis , quæ sit hominum querela frontis tuæ ? nemo quæritur , Syrum , nescio quem , de grege novitiorum factum esse consulem : non enim nos color iste servilis , non pilosæ genæ , non dentes putridi deceperunt : oculi , supercilia , frons , vultus denique totus , qui sermo quidam tacitus mentis est , hic in errorem homines impulit : hic eos quibus erat ignotus decepit , fefellit , in fraudem induxit , pauci ista tua lutulenta vitia noveramus , pauci tarditatem ingenii , stuporem , debilitatemque linguæ , nunquam erat audita vox in foro : nunquam periculum factum consilii , nullum non modo illustre , sed notum quidem factum , aut militiæ , aut domi. Obrepisti ad honores errore hominum , commendatione fumo-

farum

farum imaginū, quarum simile nihil habes, præter colorē.

Fundamentis itaque positis consulatus tui, triduo post inspectante actacente &, à P. Clodio fatali portento prodigioque reipubl. lex Ælia & Fusia everfa est, propugnacula murique tranquillitatis atque ocii, collegia non ea solum quæ Senatus sustulerat, restituta sunt; sed ab eodem homine in stupris inauditis nefariisque versato, vetus illa magistra pudoris & modestiæ severitas censoria sublata est: cum cui interim bustum reipubl. qui te Consulem tum Romæ dicis fuisse, verbo nunquam significaris sententiam tuam, in tantis naufragiis civitatis. Nondum quæ feceris, sed quæ fieri passus sis dico: neque verò multum interest, præsertim in Consule, utrum ipse perniciosus legibus, improbis concionibus Rempubl. vexet, an alios vexare patiatur. An potest ulla esse excusatio, non dicam malè sentienti, sed sedenti, cunctanti, dormienti in republ. Consuli? Arma in templo Castoris, & proditor templorum omnium, vidente te constiruebantur, ab eo latrone, cui templum illud fuit te consule, arx civium perditorum, receptaculum vererum Catilinæ militum, castellum forensis latrocinii, bustum legum omnium ac Religionum. At sunt quæ dicere vix audeo. Vereor enim, ne qui sit, qui istius insignem nequitiam frontis involutam in tegumentis nondum cornat. Dicam tamen: ipse certè agnoscer, & cum aliquo dolore flagitiorum suorum recordabitur. Meministi ne cœnum, cum ad te quinta ferè hora cum C. Pisone venissem, nescio quo è gurgustio te prodire, involuto capite, soleatum, & cum isto ore fœtido teterriam nobis popinam inhalasses, excusatione te uti valetudinis, quæ diceres, vinolentis te quibusdam medicaminibus solere curari? Quam nos causam cum accepissemus, (quid n. facere poteramus?) paulisper steterimus in illo ganearum tuarum nidore atque fumo: unde tu nos, cum improbissimè respondendo, tum turpissimè eructando ejecisti. Idem ille ferè bîduo productus in concionem ab eo (Clodio) cui sic æquatam præbebas consulatum tuum, cum esses interrogatus, quid sentires de consulatu meo, gravis autor Calatinus credo aliquis, aut Africanus, aut Maximus, non Ceson. Semi-

placētius Calvētius) rēspōdēs altēro ad frōntē sub-
lato, altēro ad mētum dēprēssō supērcilio, crudelitātē
tibi nō placere. Hic tē illē, hōmō dignissimū tuis lau-
dibus, collaudāvit. Crudelitātis tū fūrcifer, Sēnatū
Cōsul in cōciōnē cōdēmnas? nō n. mē, qui Sēnatui
parui. Nam rēlatiō illa salutaris, & diligēns fūerat cōsul-
lis: animadversio quidē & iudiciū Sēnatūs. Quā cū
rēprēhēdis, ostēdis qualis tū, si ita fortē accidissēt, fūeris
illo tēpore cōsul futurus.

2. Stipēdiō mē herculē, & frumētō Catilinā esse
putassēs iuvandū: quid enim interfuit intēr Catilinā
& eum, cui tū Sēnatūs auctoritatē, salutē eivitatīs, to-
tam Rēpubl. Provinciā prēmio vendidisti? quā enim
L. Catilinā cōnantē cōsul prohibui, ea P. Clodius
faciēntē cōsules adjuvērunt: voluit illē Sēnatū in-
terficere, vōs sustulistis: lēgēs incēdere, vōs abrogastis:
intērire patriā, vōs adjuvistis. Quid est vobis cōsuli-
bus gestū sine armis? incēdere illa cōjuratorū mā-
nus voluit urbē, vōs ejus domū, quē proptēr urbs
incēsa nō est. Ac nē illi quidē, si habuissēt vestrī si-
quidē cōsulem, dē urbis incēdio cogitassēt: nō e-
nim sē tēctis privari voluerunt, sēd his stantibus nullū
domiciliū scelēre suo fore putaverunt. Cādē illi civi-
um, vōs servitutē expetistis. His vōs etiā crudeliōres:
huius n. populo ita fūerat antē vōs cōsules libertas insita,
ut emori potius, quā sērvire prāstaret. Illud verō gemi-
nū cōsiliis Catilinā & Lēntuli, quōd mē domo sua ex-
pulistis, Cn. Pompeiū domū suā compulistis: nequē
enim, mē stantē, & manentē in urbis vigiliā, nequē resis-
stentē Cn. Pompeiō, omniū gēntiū victōrē, unquā
sē illi Rēmp. dēlērē possē duxērunt: à mē quidē etiā
pōnas expēristis, quibus cōjuratorū manēs mortuo-
rum expiaretis: omne odiū inclusū nefariis sēnsibus
impiorū in mē profudistis. Quorū ego furori nisi ces-
sissem, in Catilinā busto, vobis ducibus mactatus essem.
Quod autē majus indicium expēctatis, nihil intēr vōs &
Catilinā interfuisse, quā, quōd eandē illā manū
ex intērmortuis Catilinā reliquiis cōcitatistis? quōd o-
mēs undiqūē pēditos collegistis? quōd in mē carcerē
effu-

effudistis? quòd conjuratos armastis? quòd eorum ferro meum corpus, atque omnium bonorum vitam objicere voluistis? sed jam redeo ad præclaram illam concionem tuam. Tu es ille, cui crudelitas displicet? cui, cum Senatus luctum ac dolorem suum vestis mutatione declarandum censuisset, cum videres mœrere Remp. amplissimi ordinis luctu, ô noster misericors, quid facis? quod nulla in barbaria quisquam tyrannus. Omitto enim illud, consulem edicere, ut S. C. ne obtemperet: quo fœdus nec fieri, nec cogitare quicquam potest. Ad misericordiam redeo ejus, cui nimis videtur Senatus in conservanda patria fuisse crudelis. Edicere est ausus, cum illo suo pari, quem tamen omnibus vitiis superare cupiebat, ut Senatus, contra quam ipse censuisset, ad vestitum rediret. Quis hoc fecit ulla in Scythia tyrannus, ut eos, quos luctu afficeret, lugere non sineret? mœrorem relinquis, mœroris aufers insignia: eripis lachrymas, non consolando, sed minando. Quod si vestem non publico consilio, B. C. sed privato officio, aut misericordia mutavissent: tamen id iis non licere per interdicta crudelitatis tuæ, potestatis erit non ferendæ. Cum verò id Senatus frequens censuisset, ordines reliqui jam ante fecissent: tu ex tenebricosa popina Consul extractus, cum illa saltatrice tonsa, Senatum reip. occasum atque interitum legere vetuisti.

3. Atque quærebat etiam paulò antè de me, quid suo mihi opus fuisset auxilio? cur non meis inimicis, meis copiis restituissem? quasi verò non modò ego, qui multis sæpè auxilio fuisset, sed quisquam tam inops fuerit unquam, qui isto non modò propugnatore tutiorem se, sed advocato, aut ad stipulatorem paratiorem fore putaret. Ego istius pecudis, ac putidæ carnis consilio scilicet, aut præsidio niti volebam? ab hoc ejecto cadavere quicquam mihi, aut opis, aut ornamenti expectabam? Consulem ego tum requirebam, consulem, inquam, non illum quidem, quem in hoc animali invenire non possem, qui tantam reipubl. causam gravitate, & consilio suo tueretur, sed qui tantquam truncus, atque stipes, si stetisset modò, posset sustinere tamen titulum consulatus. Cum enim esset omnis causa illa mea consularis, & Senatoria, auxilio mihi opus

fuerat, & consulis, & Senatus. Quorum alterum etiam ad perniciem meam erat à vobis consulibus conversum, alterum reipubl. penitus ereptum. Attamen si consilium exquiris meum, neque ego cessissem, & me ipsa suo complexu patria tenuisset, si mihi cum illo bustuario gladiatore, & tecum, & cum collega tuo decertandum fuisset. Alia enim causa præstantissimi viri Q. Metelli fuit: quem ego civem, meo iudicio, cum Deorum immortalium laude conjungo: qui C. illi Mario fortissimo viro, & consuli, & sextum consuli, & ejus invictis legionibus, ne armis conflingeret, cedendum esse duxit. Quod mihi igitur certamen esset hujusmodi cum C. Mario scilicet, aut cum aliquo pari? an cum altero barbaro Epicureo, cum altero Catilinæ laternario? quos neque hercule ego, neque supercilium tuum, neque collegæ tui cymbala ac crotala fugi: neque tam fuit timidus, ut, qui in maximis turbinibus, ac fluctibus reip. navem gubernassem, salvamque in portu collocassem, frontis tuæ nubeculam, tum collegæ tui contaminatum spiritum pertimerem? Alios ego vidi ventos, alias prospexi animo procellas: aliis impendentibus tempestatibus non cessi, sed his unum me pro omnium salute obtuli.

4. Itaque discessu tum meo omnes illi nefarii gladii de manibus crudelissimis exciderunt: cum quidem tu, ô vecors & amens, cum omnes boni abditæ, inclusi que morerent: templa gement, tecta ipsa urbis legerent, complexus est istud funestum animal, ex nefariis stupris, ex civili cruore, ex omnium scelerum importunitate, & flagitiorum impunitate concretum, atque eodem, & loci vestigio, & temporis, arbitria non mei solum, sed patrii funeris abstulisti. Quid ego illorum dierum epulas, quid lætitiæ & gratulationem tuam, quid cum tuis sordidissimis gregibus intemperantissimas perpotationes prædicem? quis te illis diebus sobrium, quis agentem aliquid, quod esset licere dignum, quis denique in publico vidit? cum collegæ tui domus cantu, & cymbalis personaret, cumque ipse nudus in convivio saltaret, in quo ne tum quidem, cum illum suum saltatorium versaret orbem, fortunæ rotam pertimescebat, Hic autem non tam concinnus helluo, nec tam
musicus,

musicus, jacebat in suo Græcorum fœtore, atque vino : quod quidem istius in illis resp. luctibus, quasi aliquod Lapitharum, aut Centaurorum convivium ferebatur : in quo nemo potest dicere, utrum iste plus biberit, an vomerit, an effuderit ? Tu etiam mentionem facies consularatus tui ? aut te fuisse Romæ consulem dicere audebis ? quid ? tu in lictoribus, in toga, & prætexta esse consularatum putas ? quæ ornamenta etiam in Sex. Clodio, te consule, esse voluisti. Hujus te Clodiani canis insignibus consularatum declarari putas ? animo consulem esse oportet, consilio, fide, gravitate, vigilantia, cura, toto denique munere consularatus. Ego consulem esse putem, qui Senatum esse in republ. non putavit ? & sine consilio consulem numerem, sine quo Romæ ne reges quidem esse potuerunt ? Etenim illa jam omitto cum fervorum delectus haberetur in foro, arma in templum Castoris, luce & palàm comportarentur. Id autem templum sublato aditur, evulsis gradibus, à conjuratorum reliquiis, atque à Catilinæ prævaricatore quondam, tum ultore armis teneretur : cum equites Romani relegarentur, viri boni lapidibus è foro pellerentur. Senatui non solum juvare Rempubl. sed ne lugere quidem liceret : cum is, quem hic ordo assentiente Italia, cunctisque gentibus conservatorem patriæ judicârat, nullo judicio, nulla lege, nullo more, servitio atque armis pelleretur, non dicam auxilio vestro, quod verè licet dicere, sed certè silentio : tum Romæ fuisse Consules, quisquam existimabit ? qui latrones igitur, si quidem vos consules ? qui prædones, qui hostes, qui proditores, qui tyranni nominabantur ? magnum nomen est, magna species, magna dignitas, magna majestas Consulis : non capiunt angustiae pectoris tui, non recipit levitas ista, non egestas animi, non infirmitas ingenii sustinet, non insolentia rerum secundarum, tantam personam, tam gravem, tam severam. Seplasia (a) me herculè, ut dici audiebam, te ut primum aspexit, Campanum Consulem repudiavit. Audieras Decios, Magios, & de Taurea illo Jubellio aliquid acceperat, in quibus si moderator illa, quæ in nostris solet esse Consulibus, non

M m m 4

fuit;

(a) Capuana urbis pars unguentis celebris, quibus volup-
tarii utebantur.

fuit; at fuit pompa, fuit species, fuit incessus saltem Sepulchra dignus, & Capua. Gabinium denique si vidissent dumvirum vestri illi unguentarii, citius agnovissent. Erant illi compti capilli, & madentes cincinnorum fimbriæ, & fluentes cerussatæque buccæ, dignæ Capua, sed illa veteri: nam hæc quidem, quæ nunc est splendidissimorum hominum: fortissimorum virorum, optimorum civium, mihi quæ amicissimorum multitudo redundat: quorum Capuæ te prætextatu nemo aspexit, qui non gemeret desiderio mei, cujus consilio cum universam Rempubl. tum illam ipsam urbem meminerant esse servatam, me inaurata statua donarunt: me patronum unum asciverant: à me se habere vitam, fortunas, liberos arbitrabantur: me præsentem contra latrocinium tuum, suis decretis, legatisque defenderunt, & absente C. Pompejo referente, & de corpore republ. tuorum scelerum tela revellente, revocârunt.

5. Consulem tu te fuisse putas, cujus Imperio, qui rempublicam Senatus auctoritate servaret, idemque in Italia, qui omnes omnium gentium triumphis devinxerat, is se in publico tutò statuit posse? An tum eratis consules, cum quaecunque de re verbum facere cœperatis, aut ferre ad Senatum, cunctus ordo reclamabat, ostendebatque nihil esse vos acturos, nisi prius de meretulissetis, cum vos quamquam scelere obstricti tenebamini, tamen cupere vos diceretis, sed lege impediri? quæ lex privatis hominibus esse lex non videbatur, iniusta per servos, incisa per vim, imposita per latrocinium: sublato Senatu, pulsus è foro bonis omnibus, capta republ. contra omnes leges, nullo scripta more. Hanc qui se metuere dicerent, Consules, non dicam animi hominum, sed fasti illi ferre possunt? nam si illam legem non putabatis, quæ erat contra omnes leges, indemnati civis, atque integri capitis, bonorumque tribunitia proscriptio, ac tamen obstricti pactione tenebamini: quis vos non modò consules, sed liberos fuisse putet, quorum mens fuit oppressa præmio, lingua adstricta mercede? sin illam vos soli legem putabatis, quisquam vos consules tunc fuisse, aut nunc esse consulares putet, qui ejus civitatis, in qua in Principum numero vultis esse, non leges, non instituta, non mores, non jura noritis? An, cum proficisc-

bamini

batini paludati in Provincias, vel emptas, vel creptas, consules vos quisquam putavit? itaque credo, si minus frequentia sua veltrum egressum ornando, atque celebrando, at omnibus saltim bonis, ut consules; non tristissimis, ut hostes aut proditores, prosequerentur. Tunc etiam immaniſſimum ac fœdiſſimum monstrum, ausus es meum discessum illum, testem sceleris, & crudelitatis tuæ, maledicti & contumeliæ loco ponere? quo quidem tempore cœpi P. C. fructum immortalem vestri in me & amoris, & iudicii, qui non admurmuratione, sed voce, & clamore abjecti hominis, semivivi furorem petulantiamque fregistis, tu luctum Senatus, desiderium equestriſ ordinis, tu squalorem Italiæ, tu curiæ taciturnitatem annuam, tu silentium perpetuum iudiciorum ac fori, ut cætera illa in maledicti loco pones, quæ meus discessus Reipubl. vulnera inflixit? qui si calamitosissimus fuisset, tamen misericordia dignior, quam contumelia, & cum gloria potius esse conjunctus, quam cum probro, putaretur.

IMITATIO.

Invectiva Oratione simili Neronem aliquem, Matris propria, Seneca, Christianaque Religionis hominum, ut D. Petri, & Pauli, oppressum; vel Iudam etiam Christi traditorem; aut Arium, aliumve scelerate vita hæreticum orthodoxa veterisque fidei oppressorem licebit perstringere.

III.

Vna ratio mirifice per congeriem, incrementum & ratiocinationem tum etiam prosopopœjæ beneficio amplificata.

Cicero pro Milone. Tom. 3. Orat. 7. post medium.

1. Ut ostendat Milonem, etiamsi vi Clodium occidisset, absolvendum: eum de caede facta per prosopopœjæ sese ja-

M m m 5

stan-

stantem & cum summis aquantem viris, inducit, cum seclerum Clodianorum enumeratione.

2. *Quantum malorum Reip. à Clodio superstite metuendum fuisset, per fictionem Clodio rursus ab inferis excitato, declarat; monetque ob tyrannum sublatum Miloni etiam gratiam deberi.*

3. *Deorum providentia ac voluntate, quâ totum rogatur universum, hanc Clodii eadem ante Sacrarium Bona Dea, quam violarat, contigisse memorat; in curiamque ejus inflammatum funere, ut sine honore, & cum suorum etiam dolore sepeliretur.*

1. Tam demens non sum, tamque vestri sensus ignarus, atque expers; ut nesciam quid de morte Clodii sentiat, de qua si jam nollem diluere crimen, tamen impune Miloni palam clamare, atque mentiri gloriosè liceret: occidi, occidi, non Sp. Melium, qui annona levanda, jacturisque rei familiaris, quia nimis amplecti plebem putabatur, in suspicionem incidit regni appetendi: non T. Gracchum, qui collegæ Magistratum, per seditionem abrogavit: quorum interfectores implerunt orbem terrarum nominis sui gloria: sed etiam, (auderet enim dicere, cum patriam periculo suo liberasset) cujus nefarium adulterium in pulvinatibus sanctissimis nobilissimæ feminæ comprehenderunt: eum, cujus supplicio Senatus solennes Religiones expiandas sæpèc ensuit: eum, quem cum sorore germana nefarium stuprum fecisse L. Lucullus juratus se questionibus habitis dixit comperisse: eum, qui civem, quem Senatus, quem populus, quem omnes gentes urbis ac vitæ civium conservatorem judicabant, servorum armis exterminavit: eum, qui regna dedit, ademittit, orbem terrarum quibuscum voluit partitus est: eum, qui pluribus cædibus in foro factis singulari virtute & gloria civem, domum vi & armis compulit: eum, cui nihil unquam nefas fuit, nec in facinore, nec in libidine: eum, qui ædem Nympharum incendit, ut memoriam publicæ recensitionis tabulis publicis impressam extingueret: eum denique, cui jam nulla lex erat, nullum civile jus, nulli possessionum termini: qui non calumnia litium, non injustis vindictis ac Sacramen-

tis

tis alienos fundos, sed castris, exercitu, signis inferendis petebat: qui non solum Etruscos, (cos enim penitus contempserat) sed hunc Cn. Pompejum, virum fortissimum, atque optimum civem, judicem nostrum pellere possessionibus, armis, castrisque conatus est: qui cum Architectis & decempedis villas multorum, hortosque peragrabat: qui Janiculo, & Alpibus spem possessionum terminabat suarum. Quæ verò aderant jam, & impendebant, quonam modo ea aut depellere potuissetis, aut ferre Imperium, si id ille nactus esset? omitto socios, exterarum nationes, Reges, retrarchas: (vota enim feceratis, ut in eos se potius mitteret, quàm in vestras possessiones, vestra recta, vestras pecunias) pecunias dico? à liberis mediis fidiis, & conjugibus vestris nunquam illè effrenatas suas libidines cohibuisset. Fingi hac putatis, quæ patent, quæ nota omnibus, quæ tenentur? servorum exercitus illum in urbe conscripturum fuisse, per quos totam Rempubl. resque privatas omnium possideret? Quamobrem si cruentum gladium tenens clamaret T. Annius, adeste quæso, atque audite cives: P. Clodium interfeci: ejus furores, quos nullis judiciis frenare poteramus, hoc ferro & hac dextera à cervicibus vestris repuli: per me unum effectum est, ut jus, æquitas, leges, libertas, pudor, pudicitia in civitate manerent: enim verò, quonam modo id factum ferret civitas? Nunc enim quis est, qui non unum post hominum memoriam T. Annium plurimum reipubl. profuisse, maxima lætitia populum Romanum cunctam Italiam, nationes omnes affecisse & dicat, & sentiat? Neque vetera illa populi Romani quanta fuerint gaudia, judicare: multas tamen jam summorum Imperatorum clarissimas victorias ætas nostra vidit, quarum nulla neque tam diuturnam attulit lætitiā, nec tantam.

Mandate hæc memoriæ, judices. Spero multa vos liberosque vestros in Rep. bona esse visuros. In singulis semper ita existimabitis, viro P. Clodio nihil horum vos visuros esse, in spem maximam, & quemadmodum confido, verissimam, adducti sumus, hunc ipsum annum hoc summo viro consule, concussa hominum licentia, cupiditatibus fractis, legibus & judiciis constitutis, salutarem civita-

civitatem fore, num quis igitur est tam demens, qui hoc P. Clodio vivo contingere potuisse arbitretur? quid? ea, quæ tenetis, privata atque vestra, dominante homine furioso, quod jus perpetuæ possessionis habere potuissent? non timeo, iudices, ne odio inimicitiarum mearum inflammatus, libentius hæc in illum evomere videar, quam verius. Etenim etsi præcipuum esse debebat, tamen ita communis erat omnium ille hostis, ut in communi odio penè æqualiter versaretur odium meum. Non potest dici satis: ne cogitari quidem, quantum in illo sceleris, quantum exitii fuerit. Quin sic attendite, iudices, nempe hæc est quæstio de interitu P. Clodii, fingite animis, liberæ enim sunt cogitationes nostræ & quæ volunt, sic intuentur, ut ea cernimus, quæ videmus. Fingite igitur cogitatione imaginem hujus conditionis meæ, si possim efficere ut Milonem absolvatis; sed ita; si P. Clodius revixerit. Quid vultu extimuisitis? quonam modo ille vos vivus affecerat, qui mortuus inani cogitatione percussit? quid? si ipse Cn. Pompejus, qui ea virtute ac fortuna est, ut ea potuerit semper, quæ nemo præter illum: si is, inquam, potuisset, ut quæstionem de morte P. Clodii ferre, sic ipsum ab inferis excitare: utrum putatis facturum fuisse? etiam si propter amicitiam vellet illum ab inferis revocare, propter Remp, non fecisset, ejus igitur mortis sedetis ultores, cujus vitam si putetis per vos restitui posse, nolitis: & de ejus nece lata est quæstio, qui si eadem lege reviviscere posset, lata lex nunquam esset. Hujus ergo interfector non esset etiam confitendo ab iis impetraturus, ne pœnam timeret, quos liberavisset? Græci homines Deorum honores tribuunt iis viris, qui tyrannos necaverunt, quæ ego vidi Athenis? quæ aliis in urbibus Græciæ? quas res divinas talibus institutas viris? quos cantus? quæ carmina? propè ad immortalitatem, & Religionem, & memoriæ consecrantur, vos tanti conservatorem populi, tanti sceleris ultorem, non modo honoribus nullis afficietis, sed ad supplicium rapi etiam patiemini? confiteretur, inquam, si fecisset, & magno animo, & libenter se fecisse libertatis omnium causa: quod certè ei non confitendum non modo fuisset, verum etiam prædicandum. Etenim si id non negat,

ex quo nihil petit, nisi ut ignoscatur: dubitaret id fateri, ex quo etiam præmia laudis essent petenda? nisi verò gratius putat esse vobis, sui se capitis, quam vestri ordinis, defensorem esse: cum præsertim in ea confessione, si grati esse velletis, honores assequeretur amplissimos, si factum vobis non probaretur: (quamquam qui poterat salus sua cuique non probari?) sed tamen si minus fortissimi viri virtus civibus grata cecidisset, magno animo præstantique cederet ex ingrata civitate. Nam quid esset ingratius, quam lætari cæteros, lugere eum solum; propter quem cæteri lætarentur? quanquam hoc animo semper omnes fuimus in patriæ proditoribus opprimendis, ut, quoniam nostra futura esset gloria, periculum quoque & invidiam nostram putaremus. Nam quæ mihi contribuenda laus esset ipsi, cum tantum in consulatu meo pro vobis, ac liberis vestris ausus essem, si id, quod conabar, sine maximis dimicationibus meis me esse ausurum arbitrarer? quæ mulier sceleratum ac perniciosum civem occidere non auderet, si periculum non timeret? proposita invidia, morte, pœna, qui nihil segnius Remp. defendit, is, verè vir putandus est. Populi grati est præmiis afficere benè meritos de republ. cives: viri fortis, ne suppliciiis quidem moveri ut fortiter fecisse pœniteat. Quamobrem uteretur eadem confessione Titus Annius, qua Ahala, qua Nasica, qua Opimius, quâ Marius, qua nosmetipsi, & si grata resp. esset, lætaretur: si ingrata, tamen in gravi fortuna conscientia sua nitiretur.

3. Sed hujus beneficii gratiam, iudices, fortuna populi Romani & vestra felicitas, & Dii immortales sibi deberi putant, nec qui nullam vim cœlestem existimat, Numenve divinum: quem neque Imperii nostri magnitudo, neque sol ille, nec Cœli, & signorum motus, nec vicissitudines rerum atque ordines movent, neque id quod maximum est, majorum sapientia, sacra, qui ceremonias, qui auspicia & ipsi sanctissimè coluerunt, & nobis suis posteris prodiderunt. Est, est, profectò illa vis: neque in his corporibus, atque in hac imbecillitate nostra inest quiddam, quod vigeat, & sentiat, & non inest in hoc tanto naturæ; tam præclaro motu: nisi fortè iccirco essenon

putant, quia non apparet, nec cernitur: perinde quasi nostram ipsam mentem, quâ sapimus, quâ providemus, quâ hac ipsa agimus ac dicimus, videre, aut planè, qualis, aut ubi sit, sentire possimus. Ea vis, ea est igitur, quæ sæpè incredibiles huic urbi felicitates, atque opes attulit, quæ illam perniciem extinxit, ac sustulit, cui primum mentem injecit, ut vi irritare, ferroque laceßere fortissimum virum auderet, vincereturque ab eo, quem si vicisset, habiturus esset impunitatem & licentiam sempiternam. Non est humano consilio, ne mediocri, quidem, iudices; Deorum immortalium cura res illa perfectâ. Religiones me herculè ipsæ, aræque, cum illam belluam cadere viderunt, commovisse se videntur, & jus in illo suum retinuisse. Vos enim Albani tumuli, atque luci, vos inquam, imploro atque obtestor, vosque Albanorum obrutæ aræ sacrorum populi Romani sociæ & æquales, quas ille præceps amentia, cæsis prostratisque sanctissimis lucis, substructionum insanis molibus oppresserat, vestræ tum aræ, vestra vis valuit, quam ille omni scelere polluerat: tuque ex tuo edito monte Latialis Sancte Jupiter, cujus ille lacus nemora, finesque sæpè omni nefario stupro & scelere maculatas, aliquando ad eum puniendum oculos aperuisti: vobis illæ, vobis, vestro in conspectu, seræ, sed justæ tamen: & debitæ pœnæ solutæ sunt: nisi fortè hoc etiam casu factum esse dicimus, ut ante ipsum Sacranium Bonæ Deæ, quod est in fundo T. Sextii Galli, inprimis honesti & ornati adolescentis ante ipsam: inquam, Bonam cum prælium commisisset, primum illud vulnus acceperit, quo terribilissimam mortem obiret, ut non absolutus iudicio illo nefario videretur; sed ad hanc insignem pœnam reservatus. Nec verò non eadem ira Deorum hanc ejus satellibus injecit amentiam, ut sine imaginibus, sine cantu, sine ludis, sine exequiis, sine lamentis, sine laudationibus, sine funere, oblitus cruore & luto, spoliatus illius, supremi diei celebritate, quam concedere etiam inimici solent, abuteretur etiam abjectus. Non fuisse credo fas, clarissimorum virorum formas illi terribilissimo parricidæ aliquid decoris asferre, neque ullo in loco potius mortem ejus lacerati, quam in quo vita esset damnata. Dura mihi mediis fidijs jam fortuna popu-

populi Romani & crudelis videbatur, quæ tot annos illum in hanc Rempublicam insultare videret, & pateretur. Polluerat stupro sanctissimas Religiones: Senatus gravissima decreta perfregerat: pecunia se palam à iudicibus redemerat: vexaret in tribunatu Senatum: omnium ordinum consensu pro salute reip. gesta resciderat: nisi cum Dii immortales in eam mentem impulissent, ut homo effeminatus fortissimum virum conaretur occidere, hodie Rempubl. nullam haberetis. An ille prætor, ille verò Consul, si modò hæc templa, atque ipsa mœnia stare eo vivo tamdiu, & consulatum ejus expectare potuissent: ille denique vivus mali nihil fecisset, qui mortuus, uno ex suis satellitibus Sex. Clodio duce, curiam intenderit? quo quid miserius, quid acerbius, quid luctuosius vidimus? templum sanctitatis, amplitudinis, mentis, consilii publici, caput urbis, arma sociorum, portum omnium gentium, sedem ab universo populo Romano concessam uni ordini inflammari, excindi, funestari: neque id fieri à multitudine imperita, quanquam esset miserum id ipsum, sed ab uno, qui cum tantum ausus sit ultor pro mortuo, quid signifer pro vivo non esset ausus? in curiam potissimum abjeceit, ut eam mortuus incenderet, quam vivus everterat. Et sunt qui de via Appia quærantur, taceant de curia. Ecquando ab eo spirante forum potuissent defendi, cujus non restiterit cadaveri curia? excitare, eum, si potestis ab inferis, frangetis impetum vivi, cujus vix sustinetis furias in sepulcri nisi frangetis? nisi verò sustinuistis eos, qui cum facibus ad curiam concurrerunt, cum facibus ad Castoris, eum gladiis toto foro volitarunt, cædi vidistis populum Romanum concionem gladiis disturbari, cum audiretur silentio M. Cælius tribunus pl. vir fortissimus, & in suscepta causa firmissimus, bonorum voluntati, & auctoritati Senatus deditus, & in hac Milonis, sive invidia, sive fortuna singulari, divina & incredibili fide.

I M I T A T I O.

Saulis vel Iboſethi interfectores, se ceram Davide simili oratione tueri poterunt, quâ ostendant, ne Davide quidem optan-

optandum, ut aduersarii ejus reuiuiscant, ac Dei providentia hanc fuisse eadem pro regni ineolumitate perpetrata, demonstrent. Alia imitationis idonea, in resolutione orationis Miloniana reperies.

Appendix & Observatio.

Plura ex superioribus exempla licebit petere. Quamquam hæc in reliquis planè egregia sunt. Illius porò generalis amplificationis, quam hic minus spectamus, passim in quavis confirmatione imagines reperies: nihil enim est quod orator hac via amplificet, ut cujus officium est copiosè ornatèque differere.

C A P U T XXV.

De motu animorum concitando.

AD finem denique nostra hæc spectat instructio. Superest enim, ut quæ de affectibus motuque animorum lib. I. cap. 23. & 24. tradidimus, suis hic etiam exemplis illustremus. Verùm ut docuimus, Ciceronem in suis potissimum conclusionibus ad permovendos auditorum animos vim omnem hujus artis atque eloquentiæ adhibuisse? ita nobilioribus ex ipso hoc institutum exemplis, quam quæ illic vel tradidimus, vel assignavimus, vix possum illustrare.

Quia tamen perorationes illius ad miserationem ferè concitandam spectant, neque aliorum hic affectuum magna ipsi est ratio; recale quæ supra dedimus in genere demonstrativo cap. 18. plerisque exemplis, atque in primis ultimo, ut egregiis amplificationibus ad indignationem odiumque inflammat.

Quod ad hanc artem attinet, præter illa quæ supra lib. I. dedi, nonnulla ex ipso Cicerone summo movendi artifice adjiciam. Illudque univèrse moneo. Tria hic præcipuè, ut in omni oratione, spectanda sunt. Primum inventio, alterum dispositio; tertium elocutio est. Inventio præcipua ex rationibus, jam ante ab oratore propositis delibatur,

bat, five rationes ipsas breviter summatimque stringit: dispositio à minoribus plerumque, quæ moveri apta sunt, ad graviores, velut per gradus enititur, ut denique ex alto collectimque præmat: clocutio, quæ præcipuas hic partes agit, in omnem sese partem, illis, quas cap. 30. signavi, figuris versat, idque per adjuncta rerum præcipue. Ad Deum, preces, obtestationesque, ad homines, exercitationes etiam minasque vertit, dolores suos amoresque, per exclamationes frequentes testatur; trepidationem & gemitus, per suspirationes, ad mutas etiam brutasque res vertitur, tanquam hominum fides subsidiumque deficeret, excitat mortuos, pristina in memoriam, seu merita seu felicitatem reducit, & cum præsentis rerum statu comparat. Verbo, ad omnes se res, personasque, illi de quâ agitur rei connexas vertit, etiam dissimiles eidem in comparisonem adducit; ut re per omnem artem exaggerata, tanquam fortissima acie, obstantium animos affectusque perfringat. Verum quid præcipuum hac in arte sit, Cicero nobis ostendat.

§. 2. *Præcipua ad commovendum auditorem vis in eo posita est, ut Orator primo moveatur. Cicero lib. 2. deorat. §. 64.*

Sicut medico diligenti, priusquam conetur ægro adhibere medicinam, non solum morbus ejus cui mederi vult, sed etiam consuetudo valentis, & natura corporis cognoscenda ea, sic equidem cum aggredior rem ancipitem & gravem ad animos judicum pertractandos omni mente in ea cogitatione curaque versor, ut odoror quam sagacissime possim, quid sentiant, quid existiment, quid expectent, quid velint; quo deduci oratione facillime posse videantur. Si se dant, & sua sponte, quod impellimus, inclinant atque propendent, accipio quod datur, & ad id, unde aliquis status ostenditur, velando. Sin est integer quietusque judex, plus est operis: sunt enim omnia dicendo excitanda, nihil adjuvante natura. Sed tantam vim habet illa, quæ rectè à bono Poëta dicta est: *flexamina, atque omnium Regina rerum oratio*, ut non modo inclinantem erigere, aut stantem inclinare; sed etiam adversantem & repugnantem,

Non

tem,

tem, ut Imperator bonus ac fortis capere possit. Quæ cum à Crasso tractantur in causis, horrere soleo. Tanta vis animi, tantus impetus, tantus dolor oculis, vultu, gestu, digito denique significari solet: tantum est flumen gravissimum optimorumque verborum, tam integræ sententiæ: tam veræ, tam novæ, tam sine pigmentis sueque, puerili, ut mihi non solum incendere iudicem, sed ipse videatur ardere. Neque fieri potest, ut doleat is, qui audit, ut oderit, ut invidet, ut pertimescat aliquid, ut fletum, misericordiamque deducatur: nisi omnes ii motus, quos orator adhibere velit iudici, in ipso oratore impressi esse, atque iniusti videbuntur. Quod si fictus aliquis dolor suscipiendus esset, & si ejusmodi genere orationis nihil esset, nisi falsum, atque imitatione simulatum: major ars aliqua forsitan esset requirenda: nunc ego quid tibi, Crasse, qui cæteris accidat, nescio: de me autem causa nulla est, cur apud homines prudentissimos atque amicissimos mentiar: non me herculè unquam apud iudices, aut dolorem, aut invidiam, aut odium excitare dicendo volui: quin ipse in commovendis iudicibus iis ipsis sensibus, ad quos illos abducere vellem, permoverer. Neque enim facile est perficere, ut irascatur, cui tu velis, iudex, si tu & ipse id lente ferre videaris, ne; ut oderit eum, quem tu velis, nisi te ipsum flagrantem odio ante viderit. Neque ad misericordiam abduceretur, nisi ei tu signa doloris tui verbis, sententiis, voce, vultu, collachrymatione, denique ostenderis. Ut enim nulla materiestam facilius ad exardescendum est, quæ nisi admoto igne, ignem concipere possit: sic nulla mens est tam ad comprehendendam vim Oratoris parata, quæ possit incendi: nisi inflammatus ad eam, & ardens ipse accesseris. Ac ne fortè hoc magnum, ac mirabile esse videatur, hominem toties irasci, toties dolere, toties omni animi motu concitari, præsertim in rebus alienis: magna vis est earum sententiarum, atque eorum locorum, quos agas tractesque dicendo, ut nihil opus sit simulatione, & fallaciis. Ipsa enim natura orationis ejus, quæ suscipitur ad aliorum animos permovendos, oratorem ipsum magis etiam, quam quenkum eorum, qui audiunt, permovet. & ne hoc in causis, in iudiciis, in amicorum periculis, in consensu ho-

minum,

minum, in civitate, in foro accidere miremur : cum agitur non solum ingenii nostri existimatio (nam id esset levius, quanquam cum professus sis, te id posse facere, quod pauci, ne id quidem negligendum est) sed alia sunt majora multò, fides, officiũ, diligentia: quib. reb. adducti, etiã cum alienissimos defendimus, tamen eos alienos, si ipsi viri boni volumus haberi, existimare non possumus, sed, ut dixi, ne hoc in nobis mirum esse, videatur, quid potest esse tam fictum, quam versus, quam scena, quam fabulæ? tamen in hoc genere sæpe ipse vidi, cum ex persona mihi ardere oculi hominis histriionis viderentur, spondalia illa dicentis.

Segregare abs te ausus, aut sine illo Salamina ingredi?

Neque paternum aspectum es veritus?

Nunquam illum *aspectum* dicebat, quin mihi Telamon iratus furere, luctu filii, videretur. Ut idem inflexa ad miserabilem sonum voce.

Quem atate exacta, indigem

Liberism, lacerasti, orbasti, extinxisti.

Flens ac lugens dicere videbatur. Quæ si ille histrio quotidie cum ageret, tamen rectè agere sine dolore non poterat; quid Pacuvium, putatis, inscribendo leni animo, ac amico fuisse? fieri nullo modo potuit. Sæpe enim audivi, poetam bonum neminem (id quod à Democrito & Platone in scriptis relictum esse dicunt) sine inflammatione animorum existere posse, & sine quodam afflatu quasi furoris. Quare nolite existimare me ipsum, qui non heroum veteres easus, fictosque luctus vellem imitari, atque adumbrare dicendo; neque actor essem alienæ personæ, sed author meæ: cum mihi M. Aquilius in civitate retinendus esset, quæ in illa causa peroranda fecerim, sine magno dolore fecisse. Quem enim ego consulem fuisse, Imperatorem ornatum a Senatu, ovantem in Capitolium ascendisse meminissem; hunc cum afflictum, debilitatum, mœrentem, in summum discrimen adductum viderem, non potius sum conatus, misericordiam aliis commovere, quam misericordia sum ipse captus. Sensi equidem tunc

Nan 2

magno-

magnoperè moveri iudices, cum excitavi mœstum, ac for-
ditatum senem: & cum ista feci, quæ tu Crasse laudas, non
arte de qua quid loquar, nescio, sed motu magno animi, ac
dolore: ut discinderem tunicam, ut cicatrices ostenderem.
Cum C. Marius mœrorem orationis meæ præsens, ac se-
dens multis lachrymis suis adjuvaret. Cumque ego illum
crebro appellans collegam ei suum commendarem, atque
ipsum advocatum ad communem Imperatorum fortu-
nam defendendam, invocarem: non fuisse hæc sine meis
lachrymis, non sine dolore magno misratio, omniumque
Deorum, & hominum, & civium, & sociorum implora-
tio, quibus omnibus verbis, quæ à me tum sunt habita, si
dolor abfuisset meus, non modò non miserabilis, sed etiam
irridenda fuisset oratio mea.

§. 2. *Quibus rebus animi hominum potissimum moveantur,
& ad amorem, odium, timorem spero ac misera-
tionem impellantur?* ibid. §. 66.

Docuit jam nos longa vita, ususque rerum maximarum,
ut quibus rebus animi hominum moverentur, teneremus.
Equidem primum considerare soleo, postuletne causa?
nam neque parvis in rebus adhibendæ sunt hæc dicendi;
neque ita animatis hominibus, ut nihil ad eorum mentes
oratione flectendas proficere possimus; ne aut irrisione,
odio digni putemur; si aut tragœdias agamus in iugis,
aut convellere adoriamur ea, quæ non possint commove-
ri. Nam quoniam hæc verè maximè sunt in iudicum ani-
mis (ut quicumque illi sunt apud quos agemus) oratione
molienda, amor, odium, iracundia, invidia, misericordia,
spes, lætitia, timor, molestia: sentimus *amorem conciliari*,
si id velle videare, quæ sit utile ipsis, apud quos agas, defen-
deres aut pro bonis viris, laborare. Namque hæc res amo-
rem magis conciliat; illa virtutis defensio charitatem:
plusque proficit, si proponitur spes utilitatis futuræ, quam
præteriti beneficii commemoratio. Enitendum est, ut o-
stendas in ea re, quam defendas, aut dignitatem inesse, aut
utilitatem: eumquæ cui concilies hunc amorem, significes
nihil ad utilitatem suam retulisse, ac nihil omnino fecisse

sua causa. Invidetur enim commodis hominum ipsorum, studiis autem eorum, ceteris commodandi faveatur. Videndumque hoc loco est, ne, quos ob benefacta diligere volumus, eorumque laudem aut gloriam, cui maxime invideri solet, nimis efferre videamur. Atque iisdem his ex locis, & odium in alios struere discemus, & à nobis ac nostris dimovere. Eademque hæc genera tractanda sunt in *iracundia*, vel excitanda, vel sedanda.

Nam si quod ipsis, qui audiunt, perniciosum, aut inutile sit, id factum augeas, *odium* creatur: sin quæ, aut in bonos viros: aut in eos, in quos quisque minimè debuerit, aut in Rempubl. tum excitatur, si non tam acerbum odium, tamen, aut invidiæ, aut odii non dissimilis offensio.

Item *timor* incutitur, aut ex ipsorum periculis, aut ex communibus. Par atque una est ratio *spei*, *lætitia*, *molestia*. Sed haud sciam, an acerrimus longe sit omnium motus *invidia*. Nec minus virium opus sit, in ea comprimenda, quàm in excitanda. Invident autem homines maxime paribus, aut inferioribus cum se relictos sentiunt, illos autem docent evolasse. Sed etiam superioribus invidetur sæpè vehementer, & eo magis, si intolerantius se jactant, & æqualitatem communis juris præstantiâ dignitatis, aut fortunæ suæ transeunt, quæ si inflammanda sunt, maxime dicendum est, non esse virtute parata, deinde etiam vitiis atque peccatis tum si erunt honestiora, atque graviora, tamen non esse tanta ulla merita, quanta insolentia hominis, quantumque fastidium. Ad *sedandum* autem: magno illa labore, magnis periculis esse parata, nec ad suum commodum, sed ad aliorum esse collata, seseque si quam gloriam peperisse videatur, tametsi ea non sit iniqua merces periculi, tamen ea non delectari, totamque abjicere atque deponere: omninoque perficiendum est; ut illa excellens opinione fortuna, cum laboribus & miseriis permixta esse videatur.

Jam *miseriordia* movetur, si is, qui audit, adduci potest, ut illa quæ de altero deplorantur, ad suas res revocet, quas aut tulerit acerbæ, aut timeat, aut intuens alium crebro ad seipsum revertatur. Ita cum singuli casus humanarum graviter accipiantur; si dicuntur dolenter,

rum afflicta & prostrata virtus maximè luctuosa est : & ut illa altera pars orationis , quæ probitatis commendatione boni viri debet speciem tueri , lenis , ut jam sæpè dixi , atque submissa : sic hæc quæ suscipitur ab Oratore ad commutandos animos , atque omni ratione flectendos intentata ac vehemens esse debet. Sed est quædam in his duobus , quorum alterum lege , alterum vehemens esse volumus , difficilis ad pistinguendum similitudo. Nam ex illa lenitate , qua conciliamur iis qui audiunt , ad hanc vim acerrimam , qua eosdem excitamus influat oportet aliquid ; & ex hac vi nonnunquam animi aliquid influendum est illi lenitati : neque est ulla temperantior oratio , quam illa , in qua asperitas contentionis Oratoris ipsius humanitate conceditur : remissio autem lenitatis quadam gravitate & contentione firmatur.

*§. 3. Quantum Cicero hoc loquendi genere
valuerit. Cicero in Orat. per-
fecto. §. 26.*

Duo sunt quæ bene tractata ab Oratore mirabilem eloquentiam faciunt : quorum alterum est quod Græci ἡθικὸν ad naturam , & ad mores , & ad vitæ consuetudinē accommodatū ; alterū quod iidem παθητικὸν nominant , quo perturbantur animi & concitantur , in quo uno regnat oratio. Illud superius come , jucundum , ad benevolentiam conciliandam paratum , hoc vehemens , incensum , incitatum , quo causæ eripiuntur : quod cum rabidè fertur , sustineri nullo modo potest. Quo genere nos mediocres , aut multò etiam minus , sed magno semper visî impetu sæpè adversarios de statu omni dejecimus. Nobis pro familiari reo summus orator non respondit Horrensius. A nobis homo audacissimus Catilina , in Senatu accusatus obmutuit. Nobis privata in causa , magna & gravi cum cœpisset Curio pater respondere , subito assedit ,

affedit, cum sibi venenis ereptam memoriam diceret. Quid ego de miserationibus loquor? quibus ed sum usus pluribus, quod etiam si plures dicebamus, perorationem mihi tamen omnes relinquebant: In quo, ut videret excellere, non ingenio, sed dolore afflequebar. Quæ qualiacunque sunt, me enim ipsum non pœnitet, quanta sint, sed appatent in orationibus. Et si carent libri spiritu illo, propter quem majora eadem illa cum aguntur, quam cum leguntur, videri solent.

Nec verò miseratione sola mens Judicum permovenda est (qua nos ita dolenter uti solemus, ut puerum infantem in manibus perorantes teneremus. Ut alia in causa excitato reo nobili, sublato etiam filio parvo, plangore & lamentatione completeremus forum) sed etiam est faciendum, ut irascatur Judex, mitigetur, invideat, faveat, contemnat, admiretur, oderit, diligat, cupiat, facietate afficiatur, speret, metuat, lætetur, doleat. Qua in varietate duriorum accusatio suppedabit exempla: initiorum defensiones meæ. Nullo enim modo animus audientis, aut incitari, aut leniri potest, qui modus à me non tentatus sit. Dicerem perfectum, si ita judicarem, nec in veritate crimen arrogantiae extimescerem. Sed (ut supra dixi) nulla me ingenii, sed magna vis animi inflammatur, ut me ipse non teneam, nec unquam is qui audiret incenderetur; nisi ardens ad eum perveniret oratio.

Hac Cicero. Qua nobis viam ad hanc dicendi facultatem, ac vim aperire possunt. Induere autem dicentem aliquando personam huic rei idoneam, tanquam in scena conveniet: offensum gravibus delictis principem, aut gravem virum, si indignatio concitetur: hominem calamitosum & injuria afflictum, si misratio ac dolor expectetur. Videmus enim omnes in propria magis causa & calamitate desertos, ac commo-

vere tum maximè reliquos , quando ipsi his affectibus impulsè perorant.

- §. 4. Exemplum ad odium indignationemque , miserationem ac timorem auditorum concitanda , accommodatum. Ex Philip. 2.
Cicer. ante medium.

Accusat Cicero Antonium , velut impulsorem l. Casaris ad civile bellum , in quo Cn. Pompejus & Romani oppressi sunt. Et quod Casari Victori ab Antonio in ludis lupercalibus oblata sit , tanquam Regi ac Tyranno , corona. Licet hanc ille simulatè rejecerit , populo applaudente. Deinde eundem Antonium ut invasorem diversarum possessionum Rubrii , Turselii , Pompei & M. Varronis perstringit , odiumque in hunc , in alios miserationem accendit.

1. Odium concitat ab enumeratione effectuum , seu malorum bello illatorum.

2. Ab iniquitate quâ sceleratos restituit , suos verò consanguineos etiam neglexit.

3. Ab alienorum bonorum , in luxum atque ebrietatem foedissimam impensorum , rapina ; ubi affectum terminat.

4. 5. & 6. Eodem argumento miserationem erga Pompejum , indignationem erga Antonium concitat.

7. Ex Pathetica descriptione oblata Tyranno coronamoves indignationem.

8. Hic , ut supr. num. 6. ex Varronis ab Antonio spoliati , comparatione affectus miscet.

9. A diffidentia mortui Antonii & civium , motum

venit incutit. Quem num. 10. auget ex Casaris interfecti comparatione, & II. ex sua, in republ. defensione, constantia.

1. Nihil de Casare tibi (Antoni) confitendum est, causam perniciosissimi belli in persona tua constituisse. O miserum te, si intelligis, miseriorem, si non intelligis hoc literis mandari, hoc memoriae prodigi, hujus rei ne posteritatem quidem omnium seculorum unquam immemorem fore. Consules ex Italia pulsos, cumque his Cn. Pompejum, qui Imperii Romani decus ac lumen fuit: omnes consulares, qui per valetudinem exsequi fugam illam clademque potuissent, prætores, prætorios, tribunospl. magnam partem Senatus, omnem sobolem juventutis, unoque verbo Rempublicam expulsam atque exterminatam suis sedibus. Ut igitur in seminibus est causa arborum & stirpium, sic hujus luctuosissimi belli semen tu fuisti: doletis tres exercitus Pop. Roman. interfecit Antonius: desideratis clarissimos cives? eos quoque eripuit vobis Antonius: autoritas hujus ordinis afflicta est? Affixit Antonius. Omnia denique quæ postea vidimus (quid autem mali non vidimus?) si rectè rationabimur, uni accepta referemus Antonio. Ut Helena Trojanis, sic iste huic Reipubl. causa belli, causa peritis, atque exitii fuit.

2. Reliquæ partes tribunatus principio similes Omnia perfecit, quæ Senatus, Salva republ. ne fieri possent, perfecerat. Cujus tamen scelus in scelere cognoscite. Restituebat multos damnatos, in his patrum nulla mentio. Si severus; cur non in omnes? si misericors: cur non in suos? sed omitto ceteros, Licinium Lenticulam, de alea condemnatum, collusorem suum restituit; hominem nequissimum, qui non dubitaret vel in foro alea ludere, &c.

3. Quid ego istius decreta, quid rapinas, quid hereditatum possessiones datas. Quid creptas proferam?

Cogebat egestas, quo se everteret non habebat. Nondum ei tanta à L. Rubrio, non à L. Turselio hæreditas venerat: nondum in Cn. Pompeji locum, multorumque aliorum, qui aberant, repentinus heres successerat. Erat ei vivendum latronum ritu, ut tantum haberet, quantum rapere potuisset. Sed hæc quæ robustioris improbitatis sunt, omittamus: loquar potius de iniquissimo genere levitatis. Tu istis faucibus, istis lateribus, ista gladiatoria totius corporis firmitate tantum vini in Hippiae nuptiis exhauseras, ut tibi necesse esset in populi Romani conspectu vomere posttridie: ô rem non modò visu fœdam, sed etiam auditu. Si inter cœnam, in tuis immanibus illis poculis hoc tibi accidisset; quis hoc non turpe duceret? in cœtu verò Pop. Roman. negotium publ. gerens Magister equitum, cui ructare turpe esset, is vomens, frustris esculentis vinum redolentibus gremium suum & totum tribunal implevit.

4. Sed hoc ipse fatetur esse in suis sordibus; veniamus ad splendida. Cæsar Alexandriam se recepit, felix, ut sibi quidem videbatur (mea autem sententia, si quis Reipubl. sit infelix, felix esse non potest) hæc posita pro æde Jovis Statoris, bona (miserum me: consumptis enim lachrymis tamen infixus animo hæret dolor) bona, inquam Cn. Pompeji Magni voci acerbissimæ subjecta præconis. Una in illa re servitutis oblita civitas ingemuit, servientibusque animis, cum omnia metu tenerentur, gemitus tamen Pop. R. liber fuit: expectantibus omnibus, quisnam esset tam impius, tam demens, tam Diis hominibusque hostis, qui ad illud scelus sectionis auderet accedere. Inventus est nemo præter Antonium: præsertim cum tot essent circa hastam illam, qui alia omnia auderent; unus inventus est, qui id auderet, quæ omnium fugisset & formidasset audacia: Tantus igitur te stupor oppressit, vel, ut verius dicam, tantus furor, ut primum cum sector obscenè sis isto loco natus, deinde cum Pompeji sector, non te execrandum Pop. R. non detesta-

detestabilem , non omnes tibi Deos , omnes homines , & esse inimicos , & futuros scias ?

5. At quam insolenter statim helluo invasit ejus viri fortunas , cujus virtute terribilior erat Pop. Roman. exteris gentibus , justitia carior ? In ejus igitur copias cum se subito ingurgitasset , exultabat gaudio persona de Mimis , modò egens , repentè dives. Sed , ut est apud Poëtam nescio quem , *malè parva malè dilabuntur* ; incredibile , ac simile portenti est , quonam modo illa tam multa , tam paucis , non dico mensibus , sed diebus , effuderit. Maximus auri numerus fuit , permagnum optimi pondus argenti , pretiosa vestis , multa & lauta suppellex , & magnifica multis locis , non illa quidem luxuriosi hominis , sed tamen abundantis. Horum paucis diebus nihil erat. Quæ Charybdis tam vorax , Charybdin dico ? (quæ si fuit , fuit animal unum) oceanus medius fidius vix videtur tot res tam dissipatas , tam distantibus in locis positas , tam citò absorbere potuisse. Nihil erat clausum , nihil obsignatum , nihil scriptum. Apóthecæ totæ nequissimis hominibus condonabantur. Alia Mimi rapiebant , alia Mimæ. Domus erat aleatoribus referta , plena ebriorum , totos dies portabatur atque in locis pluribus &c.

6. At ejusdem ædes & hortos tanta nequitia consumpsit. O audaciam immanem ! Tu ingredi illam domum ausus es ? tu illud sanctissimum lumen intrare ? tum illarum ædium Dijs Penatibus os importunissimum ostendere ? quam domum aliquandiu nemo adspicere poterat , nemo sine lachrymis præterire , hæc te in domo tamdiu diversari non pudet ? in qua , quamvis nihil sapias , tamen nihil tibi potest esse jucundum. An illa vestibula , rostra , spolia cum adspexisti , domum tuam te introire putas ? Fieri non potest , quamvis enim
sine

sine mente, sine sensu sis, ut es: tamen & te, & tua, & tuos nosti. Me quidem miserat parietum ipsorum, atque tectorum. Quid enim unquam domus illa viderat, nisi iudicum, nisi ex optimo more & sanctissima disciplina? Fuit enim ille vir, P. C. ut scitis, cum foris clarus, tum domi admirandus neque rebus exteris magis laudandus, quam institutis domesticis, hujus in sedibus, pro cubiculis stabula, pro tricliniis popinae sunt.

7. Sed ne fortè, ex multis rebus gestis M. Antonii, rem unam pulcherrimam transibat oratio, ad luperealiam veniamus. Non dissimulat, P. C. apparere esse commotum, sudat, pallor, quidlibet, modo ne nausceret (a) faciat, quod in porticu Minucia fecit, (b) Quae potest esse turpitudinis tantae defensio? Cupio audire, ut videam, ubi rhetoris tanta merces, ubi campus Leontinus appareat. Sedebat in rostris collega tuus (*Iulius Caesar* amictus toga purpurea in sella aurea: coronatus: ascendis, accedis ad sellam (c) ita eras Luperceus ut te esse consulem meminisse deberes diadema ostendis, gemitus toto foro. Unde diadema? non enim abjectum sustuleras, sed attuleras domo meditatam & cogitatum scelus. Tu diadema imponebas cum plangere populi; ille cum plausu rejiciebat. Tu ergo unus, scelerate, inventus es, qui cum auctor regni esses, eum quem collegam regni habebas, dominum habere velles: & idem tentares, quid Pop. Roman. ferre, & pati posset. At etiam misericordiam captabas: supplex te ad pedes abjiciebas: quid petens? ut servires. O praeclaram illam eloquentiam tuam; cum & nudus (*Lupercorum more*) concionatus quid hoc turpius? quid foedius? quid suppliciiis omnibus dignius? non exspectas, dum te stimulis fodiā? haec te si ullam partem sensus habes lacerat, haec eruent oratio. Vereor, ne imminuam summorum virorum gloriam; dicam tamen dolore commotus. Quid indignius, quam vivere eum, qui imposuerit diadema, cum omnes fateantur, jure interfectum esse qui abjicerit.

8 Ad-

(a) Hoc est, vomat, ut solet. (b) Vbi lupercum egit. (c) Qui per illi à Caesare datus est.

8. Advolas in M. Varronis sanctissimi atque integerrimi viri fundum Cassinatem. Quo jure? quo ore? Eodem, inquires quo in hæredum L. Rubri, quo in hæredum L. Tursellii prædia, quo in reliquis innumerabiles possessiones. Misisse te dicis Alexandriam, qui emeret a Cæsare. Remove gladios parum per illos quos videmus, jam intelliges aliam esse causam hastæ Cæsaris, aliam confidentiæ & temeritatis tuæ. Non enim te Dominus illis sedibus, sed quivis amicus vicinus, hospes, procurator accedit. At quam multos dies in ea villa turpissimè est perbacchatus? ab hora tertia bibebatur, ludebatur, vomebatur. O recta ipsa misera, quam dispari Domino! quanquam quomodo iste Dominus, sed tamen quam a dispari tenebantur! Studiorum enim suorum M. Varro, voluit esse illud, non libidinum diversorium. Quæ in illa villa ante dicebantur? quæ cogitabantur? quæ litteris mandabantur? Jura Pop. R. monumenta majorum, omnis sapientiæ ratio, omnisq; doctrina. At verò te inquilino, (non enim Domino) personabant omnia vocibus ebriorum, natabant pavimenta vino, madebant parietes, scorta inter matresfamilias versabantur.

9. Sed præterita omittamus; hunc unum diem, hunc unum, inquam, hodiernum diem, hoc punctum temporis, quo loquor, defende, si potes. Cur armatorum corona Senatus septruse est? cur in te tui satellites cum gladiis audiunt? cur valvæ Concordiæ non patent? cum homines omnium gentium, maximè barbaros Ithyreos, cum sagittis deducis in forum? Præsidii tui causa se facere dicit. Nonne igitur millies perire est melius, quam in sua civitate sine armatorum præsidio non posse vivere? Sed nullum est isthoc, mihi crede, præsidium. Charitate & benevolentia civium septrum oportet esse, non armis. Eripiet, extorquebit tibi ista Pop. R. utinam salvus nobis! Sed quoquo modo nobiscum egeris, dum istis consiliis uteris, non potes esse, mihi, crede diuturnus.

10. Recordare, M. Antonii, diem illum quo dictaturam sustulisti; pone ante oculos lætitiâ Senatus populiq; Rom. Confer cum hac nundinatione tua, tuorumque cum intelliges quantum ad laudem & lucrum interfit. Sed
nimi-

mirum, ut quidam morbo aliquo & sensus stupore, suavitatem cibi non sentiunt, sic libidinosi, avari, facinorosi veræ laudis gustum non habent. Sed si te laus illicere ad ad rectè faciendum non potest; ne metus quidem à fœdissimis factis potest avocare? judicia non metuis? si propter innocentiam, laudo: si propter vim, non intelligis, ei, qui isto modo judicia non timeat, quid timendum sit. Quod si non metuis viros fortes, egregiosque cives, quod à corpore tuo prohibentur armis; tui te, mihi crede, diutius non ferent. Non intelligis, satis esse viris fortibus didicisse, quam sit pulchrum, beneficio gratum, fama gloriosum tyrannum occidere? an cum illum (J. Cæsarem) homines non tulerint, te ferent? Nisi verò aut majoribus habes beneficiis obligatos quam ille quosdam habuit ex iis, à quibus est interfectus: aut tu es ulla re cum eo comparandus. Fuit in illo ingenium, ratio, memoria, litteratura, cogitatio, diligentia. Res bello gesserat, quamdiu Reip. calamitosas, attamen magnas. Multos annos regnare est meditatus, magno labore, magnis periculis, quæ cogitaverat effecerat: muneribus, monumentis, congiariis, epulis multitudinem imperitam lenierat: suos præmiis, adversarios clementiæ specie devinxerat. Quid multa? attulerat jam liberæ civitati, partim metu, partim patientia consuetudinem serviendi. Cum illo ego te dominandi cupiditate conferre possum, cæteris verò rebus nullo modo es comparandus.

II. Sed de te tu ipse videris, ego de me ipso profitebor. Defendi Remp. adolescens, non deseram senex: contempni Catilinæ gladios, non pertimescam tuos. Quin etiam corpus libenter obtulerim, si repræsentari morte mea libertas civitatis potest. Utinam aliquando dolor Pop. R. pariat, quod jamdiu parturit. Etenim si abhinc annos prope viginti, hoc ipso in temple negavi, posse mortem immaturam esse consulari: quantò verius nunc negabo seni? Mihi verò P. C. jam etiam optanda mors est, perfuncto rebus iis, quas adeptus sum, quasque gessi. Duo modo hæc opto: unum, ut moriens Pop. R. liberum relinquam: hoc mihi majus à Diis immortalibus dari nihil potest: alterum ut ita cuique eveniat, ut de Republ. quisquis meretur.

§. 5. Exemplum D. Hieronymi, qua ad fugam & detestationem sceleris Bethlehemiticum Monachum apostatam libidine captum incitat. lib. 2. Epist. 3.

Infelicissime mortalium, tu speluncam illam in qua Dei filius natus est, & terra nostra dabat fructum suum, de stupro condicturus ingredieris? nonne times, ne de præsepi infans vagiat? ne purpurea Virgo te videat? ne Mater Domini contempletur? Angeli clamant, Pastores currunt, stella desuper ritulat, Magi adorant, Herodes terretur, Hierosolyma conturbatur: & in cubiculum Virginis decepturus, irrepis? Paveo miser, & tam mente quam corpore perhorresco, ponere tibi volens ante oculos tuos opus tuum.

Tota Ecclesia nocturnis vigiliis Christum Dominum personabat, & in diversarum Gentium linguis unus in laudibus Dei spiritus concinebat. Tu inter ostia quondam præsepis Domini, nunc Altaris, amatorias Epistolas fulciebas, quas postea illa miserabilis, quasi flexo adoratura genu, inveniret, & legeret. Et stabas deinceps in choro psallentium, & impudicis nutibus loquebaris. Proh nefas! non possum ultra progredi. Prorumpunt lachrymæ antequam verba, & indignatione pariter ac dolore in ipso metu faucium spiritus coarctatur. Ubi mare illud eloquentiæ Tullianæ ubi torrens fluvius Demosthenis? nunc profecto mutui essetis ambo, & vestra lingua torpesceret. Immensa res est, quam nulla Eloquentia explicare queat. Repertum est facinus, quod nec Mimus fingere, nec Scurra ludere, nec Attelanus possit effari. Nihil dico amplius Venerabile præsepe, & campi, me non sinunt plus credere, quam te voluntate tantum, & animo corruisse.

Miser! nonne quando in spelunca cum Virgine stare cœpisti, caligaverunt oculi tui, lingua torpuit, conciderunt brachia, pectus intremuit, nutavit incessus? A vespere usque manè fenestræ illius affides, & quia propter altitudinem, hære vobis cominus non licebat, per funiculum vel accipis aliquid, vel remittis. Vide quanta diligentia Domini fuerit, ut nunquam domi Virginem, nisi in Ecclesia videris, & cum talem uterque vestrum habuerit voluntatem,

eatem, niſi per feneltram nocte facultas vobis non fuerit colloquendi. Oriebatur tibi Sol in vitro, exanguis, marcidus, pallidus, ut ſuſpicionem omni careres Evangelium Chriſti, quaſi Diaconus leſtitabas. Nos pallorem jejuni putabamus, exanguis os contra inſtitutum, ac morem tuum quaſi conſectum vigiliis mirabamur.

Jam tibi & ſcalæ per quas deponeres miſeriam, parabantur; jam iter depositum, decreta navigia, condicta dies, fuga animo pertractata: Et ecce Angelus ille cubiculi Martiæ janitor, cunatum Domini cuſtos, & infantis Chriſti gerulus, coram quo tanta faciebas, ipſe te prodidit: O funeſtos oculos meos! ô diem illum omni maledictione digniſſimum, in quo Epistolæ illas tuas, quas hujusque retinemus, conſternata mente legi. Quæ tibi turpitudines? quæ blanditiæ? quanta de conducto ſtupro exultatio? hæcine Diaconum non dicam loqui, ſed ſcire potuiſſe? ubi miſer ita didiciſti, qui in Eccleſia tenutritum eſſe jactabas? niſi quod in eiſdem Epistolis juras te nunquam pudicum, nunquam fuiſſe Diaconum. Si negare volueris manuſ tua te redarguet, ipſi apices proclamabunt.

Habeto igitur interim ſuorum ſceleris, non poſſum tibi ingerere quod ſcripſiſti. Non doleo de maledictis, hoc plango, quod te ipſe non plangis, quod te non ſentis mortuum, quod quaſi gladiator, paratus libitinæ in proprium funus ornaris. Amicitis linteis, digitos annulis oneras, dentes pulvere teris, ratos in rubenti calvaria digeris capillos: taurina cervix, adipeis intumescens, nec, quia propter libidinem fracta eſt, inclinatur. Super hæc unguenta fragras, mutas balneas; & contra renaſcentes pilos pugnas; per forum ac plateas, nitidus ac politus amator incedis. Convertere miſer ad Dominum, ut ad te Dominus convertatur.

F I N I S.

I N D E X



I N D E X
M A T E R I A R V M
E T L O C O R V M
C O M M U N I U M.

A

- A**bstinentia quid, qualisque sit virtus. pag. 63
Adhorratio & admonitio quomodo ab Oratore instituenda sit. 77. &c.
Adversa nunquam expertus miser est. 454. &c.
Adulator & Amicus inter se oppositi. 642
Æquitatis in judicio habenda est ratio. 369
Æmulatio quid sit, & quomodo excitanda. 114
Affectus animorum varii. 99. usque ad 121. quomodo movendi. 930. &c.
Afflicti crudeliter. 793. &c.
Agriculturæ & agrestis vitæ descriptio. 334. & seq.
Amicitia quid, qualisque sit virtus. 60 quomodo colenda. 364. quis amicus diligendus. 365. quo discrimine personarum 316 cum virtute jungenda. 368 adulatorem submovendam. 372. & 436. &c. Cum pluribus rectè colitur. 436. &c. Laus amicitiae. 703. &c.
Amor quid sit, & quomodo ad bonum concitandus. 103 ejus vis & potentia descripta. 339. Prineipis & subditorum. 754. Amore patriæ privatae inimiciæ deponendæ sunt. 825. & seq.
Ooo Am-

Index Materialium,

- Amplificatio Orationum quæ & quoduplex sit. 94. ad 95
 Animæ immortalitas variis rationibus probata. 446. & 814. & seq. ad 815.
 Animi morbus gravior, quàm morbus corporis. pag. 643. & seq.
 Apologus membrorum hominis dissidentium. 280
 Culicis divertentis ad apes. 281. ad 282. Tibicinis frustra piscibus continentis. p. 283. Murium stultum consilium adversus Cattum. 284. Vulpis à muscis obsessæ. 285. ad 286. Equi contra cervos ducti. 287. Luporum ovibus pacem deferentium. *ibid.* de Herculis bivio. 294. Leonis & cervæ. 296.
 Appetitus rationi subesse debet. 1361
 Aima pro republ. defendenda rectè arripi. 657. & c.
 Artes liberales à Græcis acceptas Romani illustrarunt. p. 705. ad 706.
 Avari hominis dolus ad obtinendas pecunias. 301
 Avaritia Principum evertit Respubl. 408
 Avaritia judicis. 841
 Audacia quid sit, & quomodo excitanda. 110
 Aurei & ferrei seculi mores valde diversi. 340.

B

- Batrachomyomachia Homeri descripta stylo soluto. 274
 Beata vita per mala corporis fortunarumque non tollitur, ideòque in bonis externis sita non est. 388. In virtute verò est collocata. 413
 Bellicarum rerum administratio urbanis postponenda est. 463. quomodo administranda? 465
 Bellum an tumultus censeri debeat seditio Antonii. 806
 Benevolentia Principis. 755. & seq. Vide humanitas.
 Brutus Ciceroni familiaris Cæsarem occidit. 241

C

- Cæcitas non facit miserum. 393. & 394
 Cæsar Pompejum vincit. 237. fastos emendat. 239. Clementissimus. *ibidem.* & c. occiditur. 241
 Castus

qui in mari, aut ex equis pugnassent; sed ipsi populi tributum divisi, meri agricolæ appellente Marathonem classe Barbarorum passim accurrerunt. Milites profectò qui iras non contemnendas alerent. Quorum hic ligone armatus erat, alter vomere pugnabat, tertius falce in hostem ferebatur. O pulchrum, nativumq; exercitum! ô ingenuos viros! ô pulchri præstantesq; terræ atque agriculturæ alumni! quam virtutes vestras admiror, quàm arma vestra laudo, quibus pro terrâ vestra pugnavistis: pro vinetis, quæ coluistis, pro olivetis, quæ plantavistis! Post pugnam rursus ad terram vestram rediistis, ex militibus agricolæ, ex agricolis milites fortissimi. O mutationem pulchram! Nam si Persas in exercitu pellices suæ sequuntur, ut pro charissimis corporibus fortiter pugnent: minusne agricola strenuè à vitibus suis, ab oleis, à segete interitum calamitatem ac vastitatem avertet? si cum hoc exercitu posteriores conferas, plures invenies milites, pauciores victores; plures armatos, sed mercede conductos. Milites umbraticos, milites petulantes, qui vincuntur in Siciliâ, capiuntur in Hellesponto.

IMITATIO.

Augustus Caesar belli calamitatibus expensis pacis otium præferat, quo agricultura reflorescat, & Imperium passim afflictum recreatur. Remotior imitatio erit, si virtutis culturam literarum studio doceas præferendam.

Nota contrarium hujus thesios, de præferenda Agriculturæ militia, apud eundem Tyrium invenies.

II. Thesis.

Sit ne Senectus ob virium imbecillitatem aspernanda? Cicero in Catone Maj.

A comparatione & adjunctis.

Negat Cato apud Cicer. ideo aspernandum.

Probat 1. Quia laudabilis putat ingenio excellere, cum Pythagora, quam cum Pontio & Milone viribus. Quanquam & vires exercitatione, & temperantia ad senium produci possint, ut Rex Massanissa Scipionis quondam hospes fecit.

Prob. 2. Quod vires magna ad senum officia non requirantur, & si prorsus imbecilla sint, natura etiam in adolescentibus, non solius ætatis vitium esse.

3. Docet, Senectutis defectum, moderanda vivendi ratio-

ne, ne succumbat corpus, & honesta mentis exercitatione, ne languescat animus, corrigi posse, quod Appium, licet cecum, se verò etiam jucunda studiorum pertractatione, facere asserit.

Cato senex ad Scipionem & Lælium adolescentes.

Nunquam sum assensus illi veteri laudatoq; proverbio; quod monet, maturè fieri senem, si diu velis senex esse. Ego verò me minus diu senem esse malletm, quam esse senem, antequam essem. Itaq; nemo adhuc convenire me potuit, quin fuerim occupatus.

At minus habeo viriū, quam vestrū utervis. Nec vos quidem T. Pontii Cæturonis vires habetis. nū iccirco est ille præstator? moderatio modo viriū adsit, & tantū, quantū, potest, quiq; nitatur: nā ille non magno desiderio tenebitur viriū. Olympiæ per stadiū ingressus esse Milo dicitur, cū humeris sustineret, utrū igitur has corporis, an Pythagoræ tibi malis vires ingenii dari? deniq; isto bopo utare, dū adsit; cū absit, ne requiras. Nisi fortè adolescentes pueritiā, paullulū ætate progressi adoleseentiā debent requirere. Cursus est certus ætatis, & via una naturæ, eaque simplex, suaq; cuiq; parti ætatis tēpestivitas est data. Ut enim infirmas puerorū est, ferocitas juvenū, gravitas jam cōstantis ætatis: sic senectutis maturitas naturale quiddam habet, quod suo tēpore percipi debeat. Arbitror te audire. Scipio, hospes tuus Malsāssa, quæ faciat hodie, nonaginta annos natus: cum ingressus iter pedibus sit in equum omninò nō ascendere; cū equo, ex equo non descendere; nullo imbre, nullo frigore adduci, ut capite aperto sit: summam in eo esse corporis siccitatem; itaq; exequi omnia regis officia, & munera. Potest igitur exercitatio, & temperantia in senectute etiam aliquid conservare pristini roboris.

Non sunt in senectute vires, nec postulantur quidē vires à senectute, ergo & legibus & institutis, vacat ætas nostra muneribus suis; quæ nō possunt sine viribus sustineri. Itaq; non modò, quod non possumus; sed ne quantū possumus quidem, cogimur. At jā multi sunt imbecilli senes, ut nullum officii, aut omninò vitæ munus exequi possint. At id quidem non proprium senectutis est vitiū, sed commune infirmitudinis. Quā fuit imbecillus P. Africani filius, is, qui secundo prævit? quā tenui, aut nulla potius valetudine? quod

ternaria

Frugalitas quid qualique sit virtus.

65

G

Gloriantis de perpetrato facinore.

923

Gratiarum actiones quomodo instituendæ.

60

Gratiæ Diis habendæ ob conservatam Rempubl.

822

Gratulatio quomodo instituenda sit.

53

H

Historiæ à diversa materia descriptio.

325

Hominis diversis affectibus obnoxii descriptio.

336. 337.

reip. similis est.

ibid.

Honestum quid sit & turpe. 66. est solum bonum.

528.

ad 512.

Honestas morum & conversationis.

360. usque ad 363.

Honor non facit beatos. 391. æquus fugiendus non est.

890. &c.

Hospes importunus culex apud apes.

281. ad 283.

Horti peniles Babylonis.

321. & seq.

Hortensius magnus orator cum Cicerone comparatus.

211.

Humanitatis victoris in victos. 663. Principis erga sub-

ditos.

757

I

Imperatoris boni in bello solertia. 739. ad 741. & seq. &c.

instructio. 758. & seq. virtus. 744. & auctoritas. 743.

felicitas. 763. virtutes diversæ.

831

Impudentis Catilinæ exagitatio.

Incommodo alterius suum non licet augere commodum.

419. 420. &c.

Indignatio quid sit & quomodo concitanda.

112

Infamiæ pœna ex scelere sequitur gravissima. 780. &c.

Ingenio laudabilius est quam viribus excellere.

452

Injuriam æquo animo tolerandam sunt.

403. & seq.

Innocentia Fonteii accusati. p. 865. & Syllæ. p. 868. &c.

O o o

3

In-

Index Materialium,

Instructio Magistrorum & Discipulorum pro schola Humanitatis.	250. &c. pro Rhetorica.	516
Invidia quid sit, & quomodo restringenda.		113
Jocis parcè utendum.		362
Ira quid sit, & quomodo concitanda, vel infringenda.		110. & seq.
Irati descriptio.	339. ad 340. & seq.	
Jucundum quid sit.		67
Judicis Verris avaritia.	839. Judices in Reis vitæ antea rationem habere convenit.	867. & seq.
Juris à suis commodis descriptio.	331. 332. & seq.	
Jus regnandi causa violare.		517. 518. &c.
Justitia ejusque partes.		58
Justitia & principum & agrestium vitæ maxime ornatur.	pag. 385. 386. & seq. Trajani æquitas.	713

L

Lætitia & gaudium quid sit quomodo concitandum.	107
Laudis & æternæ memoriæ studio omnes ducimur.	725
Lex malè à privato lata improbat.	571
Lex rectè lata contra accusatorem defenditur.	872
Liberalitas, quid, qualisque sit virtus.	60. In quibus rebus damnanda, ut profusio.
	pag. 417
Liberalis Princeps.	447. 448. & seq. &c.
Libertas adolescentibus moderata concedenda.	pag. 635
Libido mulieris oratoriè perstricta.	pag. 635. hominis Ecclesiastici deplorata.
	pag. 943. &c.
Lugentis Reipubl. descriptio.	769
Luxuriosi & mollis hominis descriptio.	pag. 766
Luxuriosi plerumque Religionem non curant.	853

M

Magnanimitas quid qualisque sit virtus.	62
Magnificencia quid qualisque sit virtus.	60
Mala quæ homines premunt ab illorum improbitate oriuntur.	315. ad 316. & seq.
Manfuetudo quid qualisque virtus. p. quomodo concitanda.	64. Memo-

- Castitas quid qualisque virtus sit. 64
 Catilina quis fuerit, & quomodo à Cicerone expulsus
 277. & 963.
 Ciceronis vita, actiones & mors. 204. ad 749. sine dolo-
 re natus. 204. poësi studet, *ibid.* Voluptatis fugiens. p.
 205. causas aggreditur. pag. 206. & c. Consul Remp.
 præclare defendit. 226. exulat. 225. revocatus. 227.
 militat feliciter. 234. partes Pompei adversus Cæsarem
 sequitur. 236. conciliatur Cæsari. *ibid.* adversatur An-
 tonio. pag. 244. opprimitur. pag. 248.
 Civile bellum sub Mario & Sylla Romam evertit, & Ora-
 tores tollit. 206
 Clementia quid, qualisque virtus sit. 64
 Clemens Princeps facilius quam tyrannus imperat. 410.
 & seq. 411. 412. 413.
 Clodius quis fuerit, & quantus Ciceronis hostis. pag. 222.
 & 223. & c. mors funesta. 232
 Cœli terræque brevis descriptio. 318. & seq. & c.
 Conciliatio animorum quemadmodum instituenda sit.
 pag. 78. & 79.
 Confirmatio orationum quid requirat. 83. ad 88.
 Confutatio quomodo instituenda sit. pag. 89. ad 92.
 Conjuratiōis Catilinariæ descriptio. 844. 963.
 Corporis humani descriptio. 317
 Conscientia scelerum quemque torquet. 781
 Consilium stultum murium adversus Cattum. pag. 284.
 ad 285.
 Consolatio quomodo instituenda sit. 69
 Crudelitas in suppliciis contra leges usurpata. pag. 654.
 655. & seq.
 Crucifixi & cæsi crudeliter à Verrecives Romani. p. 692.
 & 693.
 Cupiditatibus suis qui imperat, verè imperat; qui subest,
 servit. pag. 439. 440. 441. Cupiditate varia jactati,
 pag. 754.

D

Dedicatio domus pro delubro vitiosè peracta, p. 650. &
 seq. Ooo 2 De

Index Materialium,

Defensio majorum suorum suscipienda est. *pagina* 698
& seq. &c.

Deprecatio quomodo instituenda sit. 74

Desiderium *quid* sit & quomodo in bono concitandum.
106.

Desperatio *quid* sit, qualisque, & quomodo incitetur.
109.

Deus rerum omnium *opifex*. 314. 315. & seq. Unde col-
ligatur Deum esse in mundo. 820. 821. & seq.

Dolentis Alexandri oratio ob Clytum interemptum. 116.
117. 118. & seq.

Dolentis patheticè amici causam. 906. &c.

Dolor dedecore minus malum est, fortiter à sapiente fe-
rendus. 509. 510. & seq.

E

Ebrii hominis descriptio. 22. usque ad 44. & 915. & 918

Eloquentia rebus publ. *profuit*. 708. 709. & seq. Mali
tamen ea abusi sunt. Eloquentia perfecta res difficilis
est. 712. ad 716. Ad vulgus accommodanda. *ibid.* vis
ac dignitas. 717. 718. Sæpe noxia. 830. variarum re-
rum cognitione indiget. 722. &c. Utilis & honorifica
magis quam Poësis. 729. ad 730.

Exempla improborum non possunt alios improbos tueri.
860.

Exilium non facit *miseros*. 394. Exiliōne an morte pro-
ditor Catilina multandus? 850

Exordia orationum quemadmodum instituenda sint. 80.
& seq.

Expostulatio & Exprobratio quomodo instituenda sint.
73.

F

Fabularum tractandarum ratio. 273

Fiducia *quid* qualisque sit virtus. 62

Fortitudo *quid*, qualisque sit virtus. p. 61. forti viro ca-
venda *clatio*. 737. honestas tantum spectanda. 738
Frugali-

R

- Religionis Siciliae laus à fertilitate. 735
 Religio quid, qualisque sit virtus. 58. 59. neglecta à Clo-
 dio. 853. &c. à Gallis. 863
 Rempubl. benè administrare laudabilius, quàm solitari-
 am vitam agere. 424. ad 428. studium benè admini-
 strandi. 804. 806.
 Reipublicae conservatio Deorum beneficio. 822
 Res urbanas administrare, quàm bellicas laudabilius est.
 462. &c. quomodo administrandae sint. 466

S

- Sacrilegium Verris exaggeratum. 652. 653. &c. Gallo-
 rum. 863
 Saltatio virum gravem non decet. 899
 Sceleratorum hominum descriptio, & cum probis colla-
 tio. pag. 911. & 914.
 Seditio turbatae civitatis. pag. 772. Unde nascatur. p. 800.
 in Apologo membrorum. 280. & seq.
 Senectus virium defectum animi vigore compensat. 5. 10.
 Servitus misera est suis parere cupiditatibus, & opibus &
 honori. 439. ad 442.
 Sub Diabolo gravis in Apologo equi. 287
 Sobrietas quid, qualisque virtus sit. 63
 Societas prava adolescentibus in primis vitanda. pag. 461.
 ad 463.
 Spes quid sit & quomodo concitanda. 108. & seq.
 Status vitae cuilibet ingenio idoneus deligendus est. 399.
 Stylus & character dicendi diversus, & quis optimus. 180.
 181. & seq.
 Submissio quid qualisque virtus sit. 65
 Superbi descriptio. 767. & seq.
 Surditas non facit miserum. 395

T

- Temperantia quid, qualisque virtus sit. 63
 Ooo s - Tem-

- Templi vastator. 664
Testimoniis Gallorum minimè credendum. 860. &c.
Tributorum onera subditos ad rebellionem incitant.
407. 408. 409. Novi Domini augent ferè Tributa,
in Apologo vulpis. 285. & seq. Novis Titulis malè
extorquentur. 879
Tristitia quid sit, & quomodo concitanda. 107
Tyranni metuunt dum metuuntur. 410. ad 414. non co-
luntur nisi fictâ amicitia. 438

V

- Vanitas humanæ gloriæ. 318. & seq.
Venationis studium honestum. 1750. &c.
Verres Prætor Siciliæ à Cicerone ob flagitia insigni elo-
quentiâ perstrictus. 320. 835.
Virtutum Cardinalium brevis per suas partes descriptio.
58. 61. 63.
Virtus Stoicis ad beatè vivendum sufficit. 422. &c.
Vita activa contemplativæ præferenda. 428. ad 435.
Voluptatis sectatores denique malè pereunt. 304. ad 307.
Voluptas bestialis est corporis. 326. & 529. ad 510. noxia
omnibus. 375. &c. Sua illi satietas inest. p. 454. Sæpe
non satiatur. p. 459. & seq. Sapientiæ inimica. 458.
Voluptas honesta ad egregia præstanda impellit. p. 307.
ad 311.
Utile quid sit & noxium. 66.
Utilitatem absque honestate sectare turpe est. pag. 468.
ad 472.
Urbis Babylonis descriptio. p. 321. &c. Sagunti. p. 322.
ad 326. Syracusarum.
Urbis oppugnatio & propugnatio. p. 323. Vi intercepta.
pag. 325.

Memoria arte imaginum juvari potest.	pag. <u>197.</u> & seq.
Memoria posteritatis spectata.	81 <u>5</u>
Metus quid sit & <u>quomodo</u> incutiendus.	109
Milo ob Clodium occisum exilio damnatur, Cicerone frustra obnitente.	233
Misericordia quid sit & quomodo concitanda.	pag. 112
Modestia quid qualisque virtus. 65. <u>Imperatoris.</u>	746
Morbus fortiter sustinendus.	646. 647.
Mores probi & <u>improbi.</u> 388. Cuique hominum generi convenientes. pag. 356. <u>396. Diversarum gentium diversi.</u>	pag. 401.
Mors senibus non metuenda, qui ducit ad vitam & <u>c. 443.</u>	
& seq. à Socrate rectè contempta.	pag. 520. ad 524.
Mortem filiorum æquo animo ferre,	pag. 525. & seq.
Morte opportuna non dolendum.	810. 811. & c.
Mors fortiter cadentium militum non lugenda, p. 812. <u>813.</u>	
<u>Musicæ laus.</u>	700. 701. 702. & c.

N

Navis Ætæ Regis prodigiosè ingens malè perit.	pag. 305.
306. —	
Narratio orationum quid qualisque sit.	82
Necessarium quid sit?	67

O

Obedientia quid qualisque virtus sit.	60
Objurgatio quomodo instituenda.	72
Observantia quid qualisque virtus.	59
Octavianus tandem Antonio conciliatus Ciceronem illi amicum prodidit.	247
Ocium in vita illaudabile. 431. <u>ad 435.</u> & c. Bene adhibitum.	514. & seq.
Odium quid sit, & <u>quomodo</u> erga malum concitandum.	105.
Optimates quinam dicendi sint.	795. & seq.
Orator quis perfectissimus & <u>quomodo</u> ab historico & Poëta separandus.	184. & c.

Index Materialium,

Oratio alia incisa, alia circumducta, alia media est. 155.
 & seq.
 Formæ orationis diversæ. 181. in Epidictico excellit
 Isocrates. 183. &c.

P

Patientia quid qualisque sit virtus. 62.
 Patriæ amor & commodum privato bono præferendum.
 825. 826. &c.
 Peroratio quomodo instituenda sit. 92. 93. &c.
 Perseverantia quid qualisque sit virtus. 63.
 Petitio quemadmodum instituenda sit. 69. 79.
 Philosophia ad virtutem & beatam vitam ducit. 422.
 423. 424. &c.
 Pietas quid qualisque sit virtus. 59.
 Pietas filii erga Q. Ciceronem patrem. 248.
 Parentum pro filii intercedentium. 793. &c. Sororis pro
 fratre Reo pathetice intercedentis descriptio. 904.
 Pœnitentia quid qualisque sit virtus. 59.
 Poëtarum laus & encomium. 771. contemptus. 729. ora-
 toribus prælati. 732. 733.
 Politici fictique hominis descriptio. 684.
 Pompejus piratico & Mithridatico bello magna laude
 præfuit. 214. adversus Cæsarem pugnat & cadit. 237.
 Prætorum avaritia, ubi titulum reperit sæpe nescit mo-
 dum. 881. &c.
 Princeps in republica favorem omnibusque æqualem im-
 pendat. 467. reliquis exemplo sit. 746. & 747. &c.
 Progymnasmatum natura & diversitas ex Aphthonio.
 258. 259.
 Pronunciatio, & vocis gestuumque moderatio oratori
 necessaria. 193.
 Prudentia œconomica, politica, regnativa, & militaris. 57.
 Pudor quid sit, & quomodo incutiendus. 114.
 Pugnæ militaris ad Thrasymenum descriptio. 326. ad
 329.
 Purgatio à crimine quomodo instituenda sit. 70.

R. Reli-

I. Thesis.

Agriculturam militia præferendam esse. Tyrius differ. 14.

Ab effectis & adjunctis utriusque.

Agricola militi præferendus his rationibus.

1. Quia minus cupidi, quam milites sunt. 2. Magis temperantes. 3. Iustiores. 4. Magis Religiosi & pii. 5. Magis sapientes. 6. Denique magis etiam fortes, ut exemplis probatur.

1. Cum maximum homini malum sit cupiditas, videamus, utrum cupiditatem facilius generet, bellum an agricultura? Atqui alterum insatiabile esse constat, frugale alterum. Insatiabile est bellum, frugalis est agricultura. Maxima belli est varietas, simplex est terræ studium, alterius ambigua; alterius certissima est ratio. Quid enim belli fortuna minus certum est? Terræ verò cultus semper est sibi similis. Fausto belli successu efferuntur animi, fructuum ubertas moderatiorem efficit agricolam. Quod si bilis & iracundia res molestæ difficileque & quæ ægrè in officio contineri possunt, semper comitantur hominem, quis major iracundiæ fomes est, quam bellum & arma? Quid contra agriculturâ mitius? Jam ad virtutes utrumque ita se habet: ac primò ad temperantiam.

2. Qui arma tractat, si vir fortis est, fit temerarius: si imbellis, periculo se exponit. Non enim minus qui jam audax est, fit temerarius, quam qui imbellis est, fit audacior. Qui voluptates ante armavit, fit dissolutior. In agricultura contra, qui fortis est, frugibus abundat: qui infirmior, valetudini suæ consulit, qui meticulosus est, prudentius agit, qui voluptati addictus fuit, fit continentior.

3. Si justitiam spectes, bellum injustitiæ magister est, agricultura justitiæ. Bellum, cum alterius injuria, plura semper quærit, alterius bonis semper imminet; ac tum demum optimè se habet, cum maximam injuriam intulit, cum per nefas voti sui potiri poterit. Agricola tantundem dat & accipit, iustissimèq; munus exercet suum, si plantam colit, seges labori ejus respondet: si vitem curat, vitis magnam vini copiam persolvit, si oleam educat, floret olea, & feliciter fructus profert. Nemini metam agricola incutit, nulli hostis est, amicus omnibus, sanguinis expers, expers cædis. Sacer devotusq; Diis frugum, Diis vinemiarum, Diis aræ, arationis inspectoribus Diis. Jam in

populari Repomnibus æqualis est agricola : quia nihil æquè ac paucorum Imperium tyrannidemque odit agricola. Neque enim agriculturæ alumni Dionysius aut Phalaris sunt, sed utrūq; arma produxerūt.

4. Jam verò in festis, in sacris, in solenni conventu, utri tibi præstare videntur? Nunquid miles inelegans festi celebrator est, aptissimus agricola, miles à sacris alienissimus, natus ad ea agricola? miles in conventu solenni metuitur, pacis idoneus cultor est agricola. Ut existimè primo omnium festa Deorum & mysteria, solos celebrasse agricolas. Hi primi tripudia ad torcularia instituerunt Bacchica, primi in arcis sacra Cereris, primi de olæ inventionem gratias Minervæ egerunt, primi Diis terræ frugum suarum primitias, à quibus acceperunt, reddiderunt. Quæ gratiora fuisse Diis certum est, quam decimæ, quas aut Pausanias, aut Lyfander è bello obtulit: quorum primitiæ, quorum pietas, ex aliorum miseriis processit. Contra agriculturalum mitissima sunt vota, religiosissima victimæ, è proprio labore depromptæ, sine calamitate ullius, sine ullius malo.

5. Quod si & sapientiæ utriusque habenda est ratio: Videamus & hic utrumque Nonne alterius in bello, ut equitatum instruat. -- *ut clypeis armorum agmina jungat.* quo in humanis rebus nihil est aut tristius, aut jucundum minus, alterius circa terræ studium occupatur industria? ----- *Plejades quoties Atlantis pignora surgunt;* messum incipit.

----- *Cum cedunt sumit aratrum.*

Spectat & anni tempestates, & Lunæ cursum, & astrorum ortum, & imbres & ventos.

6. Sin & corporis virtus, & in subeundis laboribus utriusq; inspicenda est patientia, minimum tempus quo opus exerceat, militi relictum est, nullum non sibi vindicat agricola. Semper subditi versatur, soli amicus, nivibus assuetus, bene compacto corpore, pedibus nudis, operis sui administrator ipse, in somnis: velox cum currendū; robustus, cum aliquid ferendum est. Quod si bellum fortè vocet, videbis militem non umbraticis exercitum laboribus: qualem ad Marathonem expertus est Darius. Milites n. tum temporis Athenienses habebant, non qui cum cataphractis in acie steterissent, aut sagittam emittere didicissent, nec
qui

De Erratis Admonitio.

Ut quædam properato & inconstanti typothetarum labore impressa sunt, ita erratis non vacant. Ad quæ hodie tanquam ad scopulum plerique scriptorum alliduntur, ut non nisi quasi nata nave portum subeant. Non vacabat modo huc ad syllabum conferre malè divulsa. Pleraque ejusmodi sunt, quæ à quolibet non omnino rudi discerni possint. Illud obiter moneo: Exemplum 3. quod p. 770. pro Poëtis adducitur malè transpositum, spectare ad genus demonstrativum. In pag. verò 968. lin. 26. quædam verba omissa totum sensum destruere; ideoque sic legendum. *Hoc animo semper fui, ut invidiam virtute partam, gloriam non invidiam putarem.*

F I N I S.



